



S. 30

coll. 180

Unusual in that the plates are almost all passed with the book

3 engraved sub-titles (at end) and 169 engraved plates



Smithsonian Institution Libraries

Gift of

DR. FREDERICK M. BAYER

N 103

Ex libris  
Caroli Allioni

*Ex libris Caroli Allioni*



M U S A E U M  
K I R C H E R I A N U M

S I V E

MUSÆUM A P. ATHANASIO  
K I R C H E R O

*In Collegio Romano Societatis Jesu*

JAM PRIDEM INCŒPTUM

Nuper restitutum, auctum, descriptum,  
& Iconibus illustratum


EXCELLENTISSIMO DOMINO

FRANCISCO MARIÆ  
R U S P O L O

ANTIQUÆ URBIS AGYLLINÆ PRINCIPIS

O B L A T U M

A P. PHILIPPO BONANNI  
SOCIETATIS JESU.



R O M Æ, M D C C I X.

Typis Georgii Plachi Cælaturam Profitentis, & Characterum  
Fuforiam propè S. MARCUM.

\*\*\*\*\*  
S U P E R I O R U M P E R M I S S U .

MUSEUM A. N. THANNASIO  
KIRCHERIANUM

MUSEUM A. N. THANNASIO  
KIRCHERIANUM

In Collegio Romano Seculari  
IAM PRIMUM INCELTUM

Super reformatione, augmento, & locupletamento

EXCELLENTISSIMO DOMINO

FRANCISCO ALARICO

R. M. S. P. O. L. O.

ANTONIO TERRIS SEVERO

O. E. T. A. V. I. S.

A. P. R. I. L. I. P. H. I. S. O. M. N. I. S.

2011



EX LIBRIS

LIBRARIUM



FG 105  
.I 8 R 74  
1709  
SCHHRB.



Antonius David ad Pissis pinxit Roma

Arnoldus Van Westerhout Antwerp Hendricus Mag. Franc. Eberes  
Sculptor. Romae sumpt. permi. Anno 1738.



# EXCELLENTISSIME PRINCEPS.



*U*M publicæ luci vellem exponere paginas, quas  
TIBI offero EXCELLENTISSIME PRIN-  
CEPS, non diu animus hæsit, in Viro eligendo, cui illas in-  
scriberem, juxta morem cum Priscorum, tum recentiorum Scri-  
ptorum, ut ab eo illum sibi splendorem conquirerent, quem  
nec res descriptæ, nec calamus, qui descripsit, potuit illis  
impertiri. Ratio me impulit, ut EXCELLENTIÆ TUÆ  
eas offerrem, cum in Romano Cælo tanquam splendidissimum  
Sydus micantes radios effundas, illos inquam, quos à Nobil-  
lissima Stirpe acceptas Tuis præclaris moribus splendidiores  
reddidisti, Solis instar, qui & si conspicuus fiat à Summo Su-  
pernorum Orbium fastigio, in quo nascitur, magis tamen ab

ea, quam à se ipso diffundit, luce, spectabilis redditur. Verum qui nam, quamvis egregius Pictor, lucem coloribus exprimet, seu quibusnam verbis describet Orator, licet eloquentissimus? Duplicatam lucem tuam, qua splendes PRINCEPSE XCELLENTISSIME oculi tantum agnoscent, si ad Nobilissimam Stirpem Marescottam, ex qua originem ducis, convertantur, deinde ad tui animi dotes, quibus Avitum generis tui decus in ampliorem lucem explicasti.

Si Temporum Annales percurramus, in memoriam revocabimus innumeros pene Heroes, qui per annos jam plus non-gentos floruerunt vel militaribus laureis redimitti, vel bellicis Trophæis onusti, vel Senatoria clamyde conspicui, vel Purpura exornati, postquam Marius ex Illustri in Regno Scotiæ Comitum Galveorum Progenie in Italiam profectus fuerat simul cum Guillelmo Regis Acatii fratre, qui pro Carolo Magno Imperatore armatas Scotorum Acies ducebat. Fixerat ille Stationes suas Bononiæ, ubi per id tempus Reipublicæ leges servabantur, atque in ea Urbe ex Mario Scoto Familiam Marescottam nomen accepisse præclari illius ævi Scriptores tradiderunt.

Triumphalibus deinde palmitibus ex hac nobili Stirpe in diversas Italiæ Regiones translatis, Romæ demum ducentorum annorum curriculo plura nobilitatis insignia, quam dies illa numeravit. Oculorum, & mentis acies perstringitur, hæretque loquendi facultas, cum intendere sese conatur ad duo maxima sydera, ad celeberrimos (inquam) Sanctæ Romanæ Ecclesiæ Purpuratos Principes, idest Rainerum, quem fuisse Virum omni Doctrina, & Sapientia peritum Annalium Scriptores affirmant, & plura quidem de illo commemorarent, nisi eodem anno quo Purpura insignitus fuit, mors illum abstulisset. deinde Galeazzum Excellentiæ Tuæ Patruum, qui adhuc inter Mortales Virtutis magnitudine Romanum Coelum illustrat; Si cæterorum Familiæ Tuæ præfulgentium Heroum illustria facinora perpendamus, videbitur fortasse alicui, in iis partem aliquam habuisse vel Principum benevolentia, vel Populorum Amor, vel favor ejus, quam Vulgus ineptè Fortunam existimat. Verum in Eminentissimo Tuo Patruo laureas, quibus effulget, sola Virtus contexit, ipseque sibi lucem, qua ob Sacram Purpuram splendet, heroicis moribus adauxit, dum

*diversis , jisque amplissimis muneribus , duplicique ad Reges Hispaniarum , & Poloniae legatione egregie perfunctus est , adeo ut & ejus Virtus honestamentis illis , ex ejus itidem virtute videri possint fuisse honestamenta illa exornata .*

*Quis autem non miretur invictum in eo Animi robur , nullo unquam fatigatum labore , in infringendis Infidelitatis jaculis , in propugnandis Catholicae Ecclesiae juribus , in expediendis rerum gravissimarum negotiis , in propulsandis malis , in maximis bonis promovendis ? Nullis ille alternantibus Temporum vicibus agitur , nulla vertitur rerum adversitate , ac si caelestis cujusdam Naturae , quae nullam extrinsecus vim , aut commotionem sibi minus consentaneam admittit , admirabili virtute compactus consistat . Prudentia , qua regitur , Consilia sapientissima , & judicia rectissima , quibus in rebus vel dignoscendis , vel expediendis continenter utitur , hoc apertissime ostendunt . Sapientiam demum , omnium rerum Moderatricem , ut Cicero ait , toto mentis ardore prosequitur , laboris patiens , somni modicus , in animi laxamentis solatiisque vel exiguis plane infrequens , publico bono ubique & semper deditissimus , Posteris omnibus exemplum relinquens , quod imitentur , si aequare satis non valeant . Haec & alia plura sunt , ob quae ejus nominis claritatem nulla non suspiciet , nulla non recolet Annalium ac monumentorum Perennitas . At quid hic dicendum esset de celebri Hyacintha Mare-scotta inter Sanctimoniales Ordinis S. Francisci adscripta , cujus excelsae virtutes , atque in primis Vitae rigor , quo in corpus suum flagris , jejuniis , vigiliisque frequenter saeviebat , spem faciunt , illi quamprimum decernendos esse Beatorum honores ?*

*Quod si ad Te PRINCEPS EXCELLENTISSIME oculos convertam , nova luce , qua splendes , mirifice oblector . Majoribus Tuis , si superessent adhuc , libenti animo gratularer , quod ipsis Tu nepos successisti , quo meliorem concipere ipsi votis suis non possent . Splendor , quem Tibi Proavi Tui impertiuntur , lux est aliena , non Tua ; Tua vero , quam TIBI Tui met Animi Dotes pararunt . Haec suo se profert nitore , & in hoc Romano Theatro latissime splendet . Inde Tu ipse ob morum tuorum comitatem , ob Majestatem humanitati conjunctam , ob oris Dignitatem , ob festinatam judicii Maturitatem , plurimasque id genus Virtutes eximiis laudi-*

*bus celebraris , ut in Te meritissimò conveniat illud Plinii de Trajano præconium : Quanta Principi nostro concordia , quantumque concentus omnium laudum , omnisque gloriæ contingit , ut nihil severitati ejus Hilaritate nihil Majestati humanitate detrahatur .*

*Novimus Te amabilem , laudabilemque omnibus , Magnificèntia , Benignitate , Generositateque , ac iis demum honestamentis cumulatum , quæ Supremo suspiciuntur in Principe , quæque sunt Originis Splendor , Bonorum copia , Optimatum benevolentia , Populorum amor , Consanguineorum multitudo , mentis Amplitudo ; dotes quidem sunt hæ , quibus exornaris . Sed quid memorem hic Religionem , amorem ac studium Pietatis , morumque Probitatem , quibus illæ superantur ?*

*Has enim verò Virtutes in Te cæteris Tuis dotibus prælucentes potissimùm admiror , ac veneror ; Verumtamen has , cæterasque cum recensere satis non possim , tacitus præteribo . At præterire sanè non possim studiosissimum , atque acerrimum illum erga Patriam amorem , quo præstas in primis , Teque præstantissimum , ubicunque res , aut opportunitas postulat , palam ostendis , & luculentissimè probas .*

*Vidimus Urbem hanc Mundi Reginam in communi hac temporum calamitate , ipsam quoque mærore metuque affectam , quem Tu PRINCEPS EXCELLENTISSIME aut avertere , aut imminuere adeo solerter meditatus , conatusque es , ut Tuam effundi opulentiam demandaveris in subsidiaria Legione militum conscribenda , cui moderandæ tuum met Filium præfecisti , quantumvis militaribus incommodis adhuc imparem illum agnosceres ; in eo tamen Tuum erga se amorem ampliori significatione compertum habuit Roma , cum ob ejus incolumitatem non tantùm Filium , sed Te ipsum in Filio tot discrimimbus fieri obnoxium voluisti . Equidem illud de Catone Uticensi à Velleio pronunciatum , de Te ab eodem pronunciatum iri , si superstes nunc foret , non ambigo : Heroem nempe illum ingenio Diis , quàm Hominibus per omnia esse propiorem .*

*Illius enim Principis celsitudinem veram esse dixit Seneca , quem omnes tam supra se esse , quàm pro se sciunt , cujus curam excubare pro salute singulorum , atque universorum quotidie experiuntur . Monitum profectò eximium , quo monstratur , quid cuicunque principatui destinatum esse in primis*  
*debeat*

*debeat ; scilicet : Non præesse solum Principem , sed prodesse debere . Solis instar , qui non lucet modò , sed fovet , ac vegetat Universa , atque animat .*

*Tuarum igitur virtutum fulgore illectus , meos hosce literarios labores offerre TIBI non dubitavi , ut sub Tui præclari nominis auspiciis prodirent , & per eruditorum manus transcurrere possent felicius . Illos ut benigno animo , tuoque planè vultu excipias precor ; nam & in hoc magnos Principes imitaberis , nominatimque magnum Pompejum , qui è bello Mithridatico Victor Rhodum veniens , singillatim omnium Professorum ædes circumivit , & fasces suos laureatos Privatorum januis submisit ; nec non Tiberium illum Imperatorem , cæterà reprehendendum , in hoc apprime laudandum , qui in hac Urbe circa Scholas , & Auditoria Professorum ( Suetonii verbis utor ) assiduus fuit . Quibus moribus id Principes illi consequebantur , ut omnes in sui admirationem converterent . Tenue quidem & humile munus a me TIBI oblatum ; at è luce tua ( tanta nimirum cum sit ) aliquod nomen decusque accepturum esse confido . Excipe igitur EXCELLENTISSIME PRINCEPS , dum TIBI , nobilissimæque Familiæ Tuæ à Summo bonorum omnium Largitore diuturnam exopto atque oro supplex Felicitatem .*

E. T.

*Addictissimus , & Obsequentissimus Servus  
Philippus Bonanni Soc. J.*

MICHAEL

# MICHAEL ANGELUS TAMBURINUS

*Præpositus Generalis Societatis JESU.*

**C**UM Librum, cui Titulus: *Museum Kircherianum in Collegio Romano Societatis Jesu restitutum, & auctum, eiusque Descriptio facta à P. Fhilippo Bonanni, nostræ Societatis Sacerdote, aliquot ejusdem Societatis Theologi recognoverint, & in lucem edi posse probaverint, facultatem facimus, ut Typis mandetur, si jis ad quos pertinet ita videbitur. Cujus rei gratiâ has Litteras manu nostra subscriptas, & Sigillo nostro munitas dedimus Romæ 3. Augusti 1708.*

*Michael Angelus Tamburinus.*



*Imprimatur*

Si videbitur Reverendissimo Patri Magistro Sacri Palatii Apostolici.

*Dominicus de Zaulis Episcopus Verulanus Vicefg.*



**O**PUS curiosum, & elegans, cui Titulus: *Museum Kircherianum, sive Museum a P. Athanasio Kirchero in Collegio Romano Societatis Jesu jam pridem incaptum, nuper restitutum, & auctum, descriptum, & iconibus illustratum à P. Fhilippo Bonanni Societatis Jesu. De mandato Reverendissimi Patris Paulini Bernardinii Sacri Palatii Apost. Magistri attentè, ac cum maxima animi oblectatione perlegi; & in eo nedùm aliquid Orthodoxæ fidei, bonisque moribus repugnans non comperii, sed omnia, quæ in eo proponuntur, tum antiqua tum moderna, magna, variâque eruditione referta, Republicæ literariæ grata fore, ac fructuosa censeo. Quapropter illud prælo dignissimum arbitror. Romæ hac die 16. Septembris 1709.*

*Eques Michael Angelus Causeus dela Chaussè.*



*Imprimatur.*

Fr. Joannes Baptista Carus Magister, & Reverendissimi P. Paulini Bernardinii Sacri Apost. Palatii Magistri Socius Ord. Prædic.

# I N D E X CLASSIUM.

## P R O E M I U M.

### CLASSIS PRIMA

*Continens Idola, & Instrumenta ad Sacrificia  
Ethnicorum spectantia, inter quæ.*

<b>T</b> Ripus Apollini Sacer	4
Candelabrum marmoreum	7
Cultri, secespitæ, & Gladius.	8
Ligulæ.	9
Cochleare.	10
Simpuli.	11
Patera.	12
Sacerdos.	15
Camillus.	18
Satyrus Sacrificans.	19
Idola, idest Jupiter.	21
Bacchus Bifrons.	23
Bacchus Puer.	24
Bacchans.	24
Hercules.	24
Mercurius.	25
Serapis.	26
Æsculapius.	27
Fortuna.	27
Diana Venatrix.	28
Pallas.	29
Cupido.	30
Janus.	30
Terminus.	30
Isis Multimammia.	31
Canopus.	33
Bacchus alter.	33
Idola Ægyptia.	34
Horus.	35
Amuleta, idest Canis, Piscis, Mus, Jupiter, Equus, Accipiter.	37
Simia Bulla.	37
Idola diversa.	38

### CLASSIS SECUNDA

*Continens Tabellas Votivas, & Anathe-  
matha.*

<b>N</b> Eptuno.	62
Silvano.	63
Vulcano.	64
Apollini.	66
Puerperæ.	67
Æsculapio.	68
Marti seu Herculi.	70
Junoni.	71

Oraculum.	75
Oculus Apollini Sacer.	77
Basis Jovi Sacra.	77
Tabula votiva Uraniæ.	78

### CLASSIS TERTIA.

*Continens Sepulchra, & Inscriptiones Se-  
pulchrales. a pag. 84. usque ad 128.*

### CLASSIS QUARTA

*Continens Lucernas Sepulchrales.  
à pag. 128. ad 161.*

Prima exhibet Lucernam Archimedeam		
2	Leonem, & Bovem.	130
3	Puerum alatum.	131
4	Coronam Lauream.	131
5	Canem contra Taurum.	132
6	Larvas Scenicas.	132
7		
8	Delphinum.	132
9	Jovis Imaginem.	133
10	Dianam.	<i>ibid.</i>
11	Dianam.	<i>ibid.</i>
12	Leonem.	<i>ibid.</i>
13	Lauream.	<i>ibid.</i>
14	Flores.	<i>ibid.</i>
15	Palmas.	134
16	Apollinem.	135
17	Aurigam.	<i>ibid.</i>
18	Sphingem.	136
19		
20	Milites.	<i>ibid.</i>
21	Equum alatum.	137
22	Coronam foliatam.	<i>ibid.</i>
23	Pellicanum.	138
24	Armillas.	<i>ibid.</i>
25	Insignia Militaria.	<i>ibid.</i>
26	Christi Signum.	139
27	Crucis Signum.	140
28	Cornucopiæ.	141
29	Signum Pantheum.	142
30	Caligam cum clavis.	143
31	Apollinem radiatum.	144
32	Passerem.	144
33	Caligam.	145
34	Elephantem.	145
35	Atlantem.	145
36	Satirum.	145
37	Quinque-lucernas sine Emblemate.	146

## CLASSIS QUINTA.

*Fragmenta Erudite Antiquitatis, idest.*

Tubus ex argilla .	161
Canales Plumbei .	161
Lunula Calceorum .	164
Stili ad scribendum .	165
Acus crinalis .	166
Inautes .	167
Armillæ .	167
Fibulæ .	168
Annuli .	169
Sigilla .	170
Pondera .	172
Talus .	174
Fibula, & Bulla Equestris .	176
Puer Gymnicus in Palestra .	176
Tintinnabula .	178
Miles fundibularius .	178
Sistrum .	179
Lancea Ænea .	180
Numisma antiquum .	180
Caliga .	181

## CLASSIS SEXTA.

*Continens Lapides, Fossilia, aliasque glebas,  
à Natura effigie aliqua donatas,  
inter quas sunt.*

Ebur Fossile .	199
Res in lapidem conversæ .	200
Cadaver humanum .	201
Coriandri Semina .	ibid.
Pisa Carolina .	ibid.
Echini Marini .	ibid.
Cornu Ammonis .	ibid.
Glossopetræ .	ibid.
Ligna petrefacta .	ibid.
Lapides judaici .	202
Lapides cum Piscibus .	ibid.
Ostrea diversa .	ibid.
Cancer petrefactus .	ibid.
Magnes .	203
Ætites .	204
Crucifer .	ibid.
Lapis Stellarius .	ibid.
Galactites .	205
Nephriticus .	ibid.
Bononiensis Phosphorus .	ibid.
Amianthus .	205
Lapis Violas redolens .	207
Armenus .	ibid.
Ostreocolla .	ibid.
Fungifer .	ibid.
Lapis cum Arborum figuris .	208
Dendrites .	ibid.
Lapides cubici ut tali .	ibid.
Lapides diversi ex Animalibus extracti .	ibid.
Inter metalla verò numerantur Aurum, Argentum,	

Ferrum, Cuprum, Plumbum, Antimonium, Marchesite, 201. & seq.

Inter Fossilia Talcus, lapis specularis, carbones diversi, Terræ bituminosæ succinum, Argillæ diversæ.

Salia sequuntur, scilicet Ammoniacum, Gemma, Alumen, Calcanthus, sulphur, pag. 214. & seq.

His adduntur Crystalla.

## CLASSIS SEPTIMA.

*Apparatum habet Rerum Peregrinarum, ex  
variis Orbis Plagis collectum. à pag.*

*225. ad 248.*

Inter eas præcipuæ sunt .	225
Cingulum Barbarorum Brasiliæ .	ibid.
Cingulum Mandarinorum Sinensium .	ibid.
Cingulum ex nova Francia .	ibid.
Torques ex visceribus Bombycis .	ibid.
Monile Puellarum Brasiliæ .	ibid.
Umbella ex pennis Avium .	ibid.
Aviculæ ex Mexico .	226
Aves diversæ Brasiliæ .	ibid.
Avis dicta Paradisi .	ibid.
Rostra diversorum Avium .	228
Nidi Avium Concincinæ .	ibid.
Nidi instar sacculi .	ibid.
Indumenta incolarum Conadensium .	229
Exemplar cymbæ qua iidem utuntur .	ibid.
Cyathi e cortice Arborum .	ibid.
Retè quo sarcinas deferunt Fœminæ Brasilienses .	ibid.
Liber Malabaricus ex foliis Palmæ .	230
Charta Sinensis .	231
Pileus Sinensis .	232
Panni e foliis arborum contexti .	232
Artefacta Turcarum, Sinensium, Persarum .	233
Statæ Sinensis .	234
Artefacta minimæ molis .	234
Arma Barbarorum .	235
Fructus diversi, ex Indiarum Regionibus .	236.
& seq.	
Succi pingues peregrini .	243. & seq.
Mumia .	245

## CLASSIS OCTAVA.

*Exponuntur Plantæ Marine, frutices, &  
Animalia tum Marina, tum Terrestria.*

Coralia .	264. & seq.
Millepora .	ibid.
Retepora .	ibid.
Porum Cervinum .	ibid.
Spongiæ .	ibid.
Alcionia .	ibid.
Fron dipora .	ibid.
Tubularia .	ibid.
Piscis Canis .	268
Piscis Libella .	269
Piscis Serra .	ibid.

Xi-



Xipia .	<i>ibid.</i>
Tiburo .	<i>ibid.</i>
Pastinaca .	<i>ibid.</i>
Raja .	270
Hirundo .	<i>ibid.</i>
Phoca .	<i>ibid.</i>
Araneus .	<i>ibid.</i>
Astacus .	271
Cancer varius .	<i>ibid.</i>
Capitolium .	272
Stellæ .	<i>ibid.</i>
Crocodylus .	273
Serpens Indicus .	<i>ibid.</i>
Lacerta major Brasiliæ .	<i>ibid.</i>
Armadillus .	274
Vipera , & Aspis .	<i>ibid.</i>
Vipera Caudifona .	<i>ibid.</i>
Camæleon .	275
Scincus .	<i>ibid.</i>
Lacerta cum duplici cauda .	<i>ibid.</i>
Stellio .	<i>ibid.</i>
Aranea Tarentina .	<i>ibid.</i>
Scorpio Tunetanus .	276
Hypopotamus .	<i>ibid.</i>
Dens Apri Africani .	277
Cornu Alcis .	<i>ibid.</i>
Cornu Rhinocerotis .	<i>ibid.</i>
Dens Elephantis .	278
Cornua Cervorum .	<i>ibid.</i>
Cornua Rupicapræ .	279
Bovis Americani .	<i>ibid.</i>
Arietum .	<i>ibid.</i>
Sterpificerotis .	<i>ibid.</i>
Damæ .	<i>ibid.</i>
Bifontis .	<i>ibid.</i>
Ibicus .	280
Ossa Gigantum .	281
Canis monstrosus .	
Ova monstrosa .	282
Sceletha diverforum Animalium , & varii fœtus hu- mani .	

## CLASSIS NONA.

*Instrumenta Mathematica.* 302.

<b>M</b> Achinæ Hydraulicæ .	305.306. & 307
Motus perpetuus adumbratus .	308
Instrumenta musica , & Authomata .	309
Machinæ Catoptricæ .	310

## CLASSIS DECIMA.

*Indicantur Tabule pictæ , signa marmorea ,  
& Numismata diversi Generis .*  
pag. 316 ad 321

## CLASSIS UNDECIMA.

*Continet observationes rerum minimarum  
ope Microscopii factas à pag. 322 ad 392  
& præcipuè .*

Culicis .	335
Papilionum .	339
Muscæ .	341
Pediculi , Pulicis , & Cimicis .	345
Aculeorum, Spinarum, Dentium diverforum .	347
Florum .	352
Sanguinis , & lactis .	357
Vermiculorum Aceti .	358
Squamarum Piscium et Pilorum .	360

## CLASSIS DUODECIMA.

*Continens Animalia Testacea . à pag. 392  
usque ad finem .*

Primo loco est Præfatio . 393  
Deinde sequuntur Caput I. in quo quæritur qua ra-  
tione mens & oculi possint cochleis delectari . 396

### CAPUT II.

Qua ratione à cochlearum contemplatione mentis  
oblectatio augeatur . 398

### CAPUT III.

Referuntur Proprietates aliquorum Testaceorum ,  
in quibus elucet Providentia Divina . 400

### CAPUT IV.

Referuntur Muscæ in quibus Cochlearum Testæ con-  
servantur . 403

### CAPUT V.

Animalium Testaceorum Divisio in qua eorum origo  
indicatur . 406

### CAPUT VI.

Quæritur an cochleæ generentur propagatione spe-  
cierum aut potius sponte . 408

### CAPUT VII.

Exponitur Generatio Balanorum , & confirmatur  
Caput præcedens . 412

### CAPUT VIII.

De materia apta ad Productionem Testaceorum . 415

### CAPUT IX.

An Cochleæ quæ in Terra effodiuntur Lapides sint ,  
an potius in mare generatæ . 417

### CAPUT X.

Earum varietas in formis , & coloribus observatur .  
423

### CAPUT XI.

Unde nam oriatur diversitas colorum in Cochleis .  
425

### CAPUT XII.

Experimentis comprobatur , quæ in superiori capite  
dicta sunt de coloribus . 428

### CAPUT XIII.

De vario Testaceorum usu . 429

## PARS SECUNDA.

*Describuntur Testacea in parte quarta deli-  
neata .* 434 & seq.

### CLASSIS I.

Continens Testacea Univalvia non Turbinata . 435

### CLASSIS II.

Continet Testacea Bivalvia . 440

CLAS-

CLASSIS III.

Continet Testacea Turbinata . 449

PARS TERTIA.

*Continet varia Problemata memi proposita  
in Observatione Testaceorum.*

PROBLEMA I.  
Quæritur in qua concha fiat unio . 479

PROBLEMA II.  
An materia ex qua fit Unio sit Ros . 480

PROBLEMA III.  
An Uniones nascantur ex Concharum valvis, an in  
visceribus Ostreorum . 482

PROBLEMA IV.  
Cur Testacea orientur potius in Mari, quam in La-  
cubus, aut Fluminibus . 483

PROBLEMA V.  
Cur nascantur in mari potius, quam in Terra . 485

PROBLEMA VI.  
Cur multa nascantur in Terra nunquam in metallis .  
485

PROBLEMA VII.  
Cur in Maribus Indiarum generentur abundantius &  
coloribus magis picturata . 486

PROBLEMA VIII.  
Cur aliqua Testacea supra ligna facilius nascantur,  
quam supra lapides . 487

PROBLEMA IX.  
Cur ita Testæ obdurescant, cum ex molli aqua gene-  
rentur . 488

PROBLEMA X.  
Cur vivant plurima faxis affixa . 489

PROBLEMA XI.  
Cur nonnulla sint certo ordine striata, aliis non stria-  
tis . 490

PROBLEMA XII.  
Cur ut plurimum in extima superficie sint coloribus  
picturata . 491

PROBLEMA XIII.  
Cur multa sint Turbinata . 492

PROBLEMA XIV.  
Cur ex Turbinatis pleraque figuram sphericam in-  
duant . 496

PROBLEMA XV.  
Cur Turbinata ut plurimum habeant Orificium Te-  
stæ ad dexteram partem conversum . 498

PROBLEMA XVI.  
Cur vix aliqua membrorum varietas in illis appa-  
reat . 499

PROBLEMA XVII.  
Cur careant ossibus . 500

PROBLEMA XVIII.  
Cur sint corde orbata . 501

PROBLEMA XIX.  
Cur sint edentula . 502

PROBLEMA XX.  
Cur Fel, Jecur, & Lienem Testaceis negaverit Na-  
tura . 503

PROBLEMA XXI.  
Cur nutriantur, cum os non habeant . 503

PROBLEMA XXII.  
Cur Turbinata habeant operculum . 503

PROBLEMA XXIII.  
Cur multa sint cornibus munita . 504

PROBLEMA XXIV.  
Cur vocem non edant . 507

PROBLEMA XXV.  
Cur careant auditu . 507

PROBLEMA XXVI.  
Cur Testæ animatæ nullo sensu sint prædiræ . 508

PROBLEMA XXVII.  
Cur Testacea terræ Vegetabilibus non dissimilia, nec  
viva, nec mortua odorem diffundant, ut plurima  
vegetabilia . 509

PROBLEMA XXVIII.  
Cur diutius quam Pisce extra aquam vivant . 510

PROBLEMA XXIX.  
Cur Echini dentes habeant, & ova numero quinario  
disparia . 510

PROBLEMA XXX.  
Cur Turbinatis Cochleis auri admotis, videatur sibi  
quisque maris susurrum excipere . 511

PROBLEMA XXXI.  
Cur in Plenilunio sint Pinguiores . 512

PROBLEMA XXXII.  
Cur pigra stolidaque Animalia sint Testacea . 513

PROBLEMA XXXIII.  
Cur Cochleæ non exuantur ut Crustata . 514

PROBLEMA XXXIV.  
Cur Balanus splendeat . 514

PROBLEMA XXXV.  
Cur in tanta colorum varietate quibus Conchæ pin-  
guntur, Cæruleus nunquam appareat . 516

PROBLEMA XXXVI.  
An Cochlea Venerea, quam Remoram aliqui dicunt  
possit Navium cursus retineri . 519



# PROEMIUM.



USÆUM Collegii Romani, quod P. Athanasius Kircherus, vir linguarum præsertim peritia celeberrimus, instruxerat, prælo impressum publico Orbis Theatro Georgius de Sepibus ejusdem Musæi custos, &

in machinis elaborandis opifex exposuit, ne pares instabilis fortunæ vices subire posset, quibus paucorum annorum spatio quinque aut sex nobilissima Romanæ Urbis Musæa deperierunt, videlicet Equitis Gualdi, Bellorii, Stephanoni, P. Joannis Baptistæ Romani Ordinis S. Augustini, & Francisci Angeloni, *cujus præclari viri domus* (utar verbis Ferrarii in *Esperidis*) *natura atque artis erudita supellectile prædives Romanum Musæum erat, cum civium tum exterorum concursu, & admiratione celebratissimum.* His omnibus communi fato sublatis, hæredes eorum, nullam antiquarum rerum, quibus instruebantur, rationem habentes, earum congeriem in publicis locis pro libito emptorum dispersim vendiderunt. Verùm haud satis provisum hoc modo fuit, ne Kircheri idem contingeret: nam quæ tanto studio, & labore ad divini Numinis gloriam, & Reipublicæ litterariæ emolumentum ille congesserat, post obitum ejus pene omnia interierunt. Multa enim edaci temporis dente consumpta sunt, multa quia sine multis impensis conservari non poterant, quamplurima verò, quæ invisentium oculis absque custodia erant exposita, evanuerunt; ita ut ob non modicam rerum jacturam, quæ in Musæo antea fuerant, nomine tantùm retento, Musæum ipsum desideraretur.

Verùm quidem est illud à præfato Georgio ita fuisse descriptum, ut non omnia in ejus narratione singillatim recognosci possent, quæ in Musæo numerabantur, vel longè plura, quàm verè in eodem extitissent, quæ tamen P. Kircherus ponere destinaverat; quamobrem Exterorum qui Musæum invisebant, querelas persæpè audiebat quilibet eos excipiens, dum non imperitiæ tantùm, & ignaviæ omnium è nostra Societate, sed & injuriæ Athanasio Alumno ejus benemerenti illatæ tribuerent, quidquid huma-

narum rerum, communi dicam fato, evenerat, in Reipublicæ litterariæ detrimentum.

Quamobrem ne magis magisque in dies contra Collegium Romanum omnium bonarum artium amantissimum, convicia jactarentur, & ne solum ingrati animi vitio damnaretur, sed & infidelitatis, utpotè quod promissam fidem potius violaverit, quàm exolverit Alphonso Donnino civi Tuscanellensi, Senatus Populique Romani olim à secretis, qui anno 1651. quamplurima eruditæ antiquitatis fragmenta Collegio Romano suo testamento reliquerat, ut omnia publicæ utilitati, & eruditorum oblectamento extarent; prudenti solertia decretum est, ut quidquid residuum erat ex Kircheriano Musæo ad eum finem colligeretur, ut in studiorum cederet profectum, facta ex Naturæ thesauris & bonorum artium documentis selectarum rerum non modica acquisitione.

Cum igitur hæc mihi provincia fuerit demandata, aptum Conclave delectum est, in quo rerum omnium classes in seriem distributæ servarentur, quod quidem ad palmos ferè trecentos extenditur, tribus cubiculis insuper illi conjunctis, deindè pro rebus selectioribus tutandis Armaria Pluteique adjecta, ut Artis, & Naturæ Ergasterium, Disciplinarum Mathematicarum Gazophilacium, & Philosophiæ practicæ Epitomen evaderet. Vix manu operi admota, animos ad hæc peragenda addidere Viri præstantes doctrina, tum Romani tum Exteri, Magnates, Principes, & Aulæ hujus præclari, qui novi Musæi rudimenta sui præsentia condecorarunt, & incæptum rerum ordinem comprobantes, illum uno ore ajebant maxime decere Collegii Romani Ædes, à Summo Pontifice Gregorio XIII. bonis Artibus erectas; In ipsis enim, cum amplissima Bibliotheca fervetur, quæ sexaginta ferè millium voluminum delectorum copia, animos pascit, oppidò Musæum convenit, in quo eruditorum mentes recreentur, possintque oculis recognoscere, quidquid Scriptores in suis paginis retulerunt. Etenim non adeo facile dictu est, quanto bonarum artium incremento augeri possit speculativarum disciplinarum cognitio, si naturalium rerum studio jungatur; quanto oblectamento Philosophorum mentes affici, si à laboriosis fun-

tionibus, si ab assiduo studio respirare possint, & inter fodinas quodammodo otiari, intuendo varias terrarum Glebas, Nitra, Lapidés Alumina, Metalla, Sulphura, Gemmas, vel sub marinis undis Alcionia, Pisces; seu per dissitas Orbis Regiones Indicos Fructus, lignorum Cortices, Animalia, hominumque barbarorum Vestes; si ethnicæ superstitionis reliquias, ære, argilla, seu ligno conflatas, inspiciat; si quamplurimis instrumentis, machinisque uti possit, quibus tum physica experimenta, tum mathematicæ demonstrationes perficiuntur; si varia Imperatorum, Virorumque insignium Numismata, quibus nostra hæc ætas adeo perfruitur, recognoscat; Si denique quidquid vel Ars, vel Natura è suo sinu inexausto effluxu producit, in promptu habeat, quo delectetur.

Hujusmodi rerum copioso apparatu Musæum instruendi (& si vires deficerent) animo fuit; pro comperto enim mihi erat, res plurimas veluti ingentia flumina, ut plurimum ab exiguo fonte suam originem trahere, at deinde frequenti aquarum accessione vehementer excrecere. Cum igitur vix primordia veluti fundamenta jecissem, non defuit liberalitas Amicorum, quorum ope brevi temporis decursu moles excrevit, & utinam plures Mœcenates habuisset, ut eorum beneficio eidem corona potuisset imponi; si tamen perfici posse putamus id, cui Natura, vel Ars, vel Hominum ingenia, novas semper opes subministrant.

Itaque cum hæc peragerem, jussis parens Moderatorum meorum, & Studioforum voluptatibus obsecundans, ne id mihi contingeret, quod olim Kircheri aliisque accidit, placuit Sanctissimo Domino Nostro CLEMENTI UNDECIMO, omnigena eruditione prædito, & studiorum omnium semper amantissimo, suo Diplomate temporum injurias repellere; & sicuti Gregorius XIII. contra audaces Bibliothecæ nostræ incolumitati consuluit anathemate illis decreto, sic ille cuilibet, qui vel rapaci manu, vel animo contemptore hoc Musæum violaverit, pœnas indixit. Cum ergo illud quatuor annorum spatium haud modica rerum accessione facta, ad hoc usque tempus habuerit incrementum, quamvis perfectum dici minime possit, illarum descriptionem paginis tradere decrevi, & veluti Catalogum texere, (ne deinde aut communi fato mihi occupato, aut ingenti rerum mole oppresso impossibilis redderetur) ut scilicet rerum omnium notitiam, quas ex antiquo Musæo superstitibus habuerim, & recenti addiderim, absentibus etiam communicarem, & Musæum Kircherianum restitutum quodammodo revivifceret, sed nobiliori partium dispositione, & ubertima cujuscumque classis rerum accessione

locupletatum, ad eruditorum accedentium oblectamentum, & studioforum utilitatem.

Meo igitur labore, qualiscumque ille sit, fruaris Lector benevole, non ad inanem pompam exhibito, & veluti ad divitiarum jactantiam. Hæc enim Magnatum, & Principum Gazophilacia decent; sed ad virorum in litterariis occupationibus rerum naturalium rimatorum, ut dixi, oblectamentum ac utilitatem, vestigiis plurimorum insistens, qui sua Musæa conscripserunt. In hac Classe fuit Franciscus Calceolarius senior, vir honesta litteratura clarus, fuit Olaus Wormius rerum naturalium rimator egregius, fuit Benedictus Cerutus, & Andreas Chiocchus ambo medicinæ excellentissimi Doctores, Paulus Maria Terzagus, qui Musæi Septaliani Catalogum recensuit. Illos imitatus est Marchio Ferdinandus Cospius, qui suum Musæum exponi in paginis jussit, P. Claudius Molinettus à quo Musæum in Æde S. Genuefæ Parisiis servatū, typis editum fuit; Eques Michael Angelus Causeus (de la Chauffe) qui sub titulo Romani Musæi Thesaurum eruditæ antiquitatis descripsit, & septuaginta supra centum tabulis æneis incisa refert, multorum Idola, Gemmas, Insignia sacerdotalia, Instrumenta in sacrificiis adhibita, Lucernas, Vasa, Bullas, Armillas, Fibulas, Claves, Annulos, Signa militaria &c. Nuper Oligerus Jacobæus Philosophiæ professor Hafniæ Musæum in Basilica Bibliothecæ Regis Daniæ servatum descripsit. Etiam an. 1705. editum est Amstelodami Musæum Amboinicum amplo volumine, in quo Georgius Everardus Dumphius Consiliarius Amboinicus, Plinius indicus appellatus, descriptiones exposuit variorum piscium cum crustaceorum tum testaceorum maris Amboinici, mineralium nonnullorum, & lapidū, qui in Insula Amboino effodiuntur. Demum Londini sub titulo Musæi Petiveriani multorum Insectorum, & Plantarum Icones Londini expressit D. Jacobus Pettiver, in Regno Anglicano celeberrimus Regiæ Accademiæ adscriptus.

In rebus recensendis earum classes percurram, in quarum singulis eximium aliquid occurreret, quo intime animus reficiatur, & extime oblectentur oculi, ordine tamen non servato, quo in ipso conclavi dispositæ visuntur. Multa enim visu facilius usurpari possunt, quàm calamo describi, atque ideo earum Catalogum in fine subjiciam. Interim conclave ipsum in brevi descriptione primo loco perlustra.


Ea in parte, quæ Orientem Solem respicit supra tertium Collegii Romani fornicem seu ambulacrum, in quo cubicula sunt disposita, ostium patet amplum cancellis hinc inde affabre excisis, per quod Conclaye ingredimur quindecim

palmorum latum, & ad ducentos septuaginta productum, sed media fere parte ad angulum rectum inflexum. In ejus vestigio, quod triginta palmos occupat longitudine, hinc inde per parietes à pavimento ad fornicem usque marmoreæ tabulæ pendent sepulchralibus inscriptionibus exornatæ; supra pavementum quamplurimæ ossuariæ urnæ tum fictiles tum marmoreæ ex antiquis sepulchris erutæ, aliaque eruditæ antiquitatis lapidea monumenta. Reliquum conclavis spatium, quod in sinistra parte extenditur, Armariâ occupant, partim lapidum instar, partim foliosis encarpis diversimode colorata, & quidem clausa, in quibus omnigena tum Naturæ tum Artis opera custodiuntur. In opposita verò parte plurimæ fenestræ patent, per quas totum conclave lumen irradiat, parastatis interdistinctæ, quas Pictura eruditæ tabulis exornavit. Laqueare totum, quod in fornicem molli-ter flectitur, quadratis, & æqualibus areolis divisum, in campo ciano totidem expansas ro-  
sas ostentat, ex albo, & nigro colore perbelle temperato expressas, quas bullæ aureæ alternatim dispositæ comitantur. In parietis spatio, quod supra Armariâ ad fornicem usque extenditur, pictæ tabulæ dependent, in quibus infi-

gnium virorum imagines repræsentantur, & præsertim ultra quinquaginta Pictorum insigniorum effigies ad vivum expressæ, & fere ducenta marmorea signa, quorum omnium suo loco catalogum subiiciemus.

Tria insuper huic longo conclavi adiecta sunt cubicula, quorum primum machinas continet, & experimenta, quæ Artes mechanica, & hydraulica subministrarunt. In secundo codices manuscripti dispositi sunt antiqui, & diversarum linguarum volumina Sirciæ, Hebrææ Græcæ atque Sinensis; libri etiam permulti, qui Statuas, Numismata, Gemmas ostendunt, imò in eodem visuntur numismata Imperatorum, Summorum Pontificum, & Virorum illustrium, quibus Historia illustratur. In tertio denique Automata diversa, inter quæ Organum, cujus triplex symphonia ex plumbeis calamis redditur nullius manus ope, sed sponte concepta, admoto pondere rotisque inter se artificiose dispositis ab ingenioso Auctore D. Philippo Testa Romano, qui in hac arte peritissimus cæteris Romæ degentibus antecellit.

Sic unico veluti intuitu Musæo perlustrato, jam seriem totius in classes distributam recensabo.



# MUSÆI KIRCHERIANI

## CLASSIS PRIMA

*Continens Idola, & Instrumenta, ad Sacrificia  
Ethnicorum spectantia.*



**R**EBUS omnibus ea, quæ antiquorum Ethnicorum Religionem indicant, anteponimus, & primo loco marmoreum Tripodem in Tabula ænea I. expressimus, quem Illustrissimi Fratres Dom. Cæsar Lateranensis Basilicæ Canonicus, & Abbas Bernardus Cincii dono contulerunt. Triplicem faciem ille ostendit floribus foliisque exornatam, in quibus totidem pueruli sunt exculpti, seu genii, alii in aere sese librantes: primus navis temonem manibus sustentat, galeam secundus, clypeum rotundum tertius. In angulis, quibus tripodis vertex absolvitur, arietis capita eminent, qui verò in basi subjiciuntur, alii pedibusque Griphorum muniuntur. In summitate demum cavitas rotunda patet, in cujus centro profundus umbilicus.

Antequam Musæum hoc Tripode ditaretur, sibi persuaserat nescio quis, instrumentum fuisse ad ignem sustinendum qui apud Romanos assiduo alimento antiquitus nutriebatur tanquam facer; dubitavit insuper, an ornamenta, quæ scalprum saxo addidit, ad libitum Artificis fuerint expressa, an potius ad peculiare aliquid indicandum, quod Ethnicorum ritus redoleret. Rogatus propterea ab amicis, ut meam opinionem ipsis communicarem, epistolam dedi, quam subijcio.

Nunquam mihi persuadere quilibet poterit tripodem hunc ad ignem sacrum sustinendum inservisse, quem Scriptores æternum vocant, ut Virgilius 2. Æneid.

*Vestamque potentem*

*Æternumque aditis effert penetralibus ignem.*  
Illum in Templo Vestæ, quam Romani, ut Deam colebant, virgines aliquot, Vestales dictæ, novo semper pabulo parato diu noctuque custodiebant, ne extingueretur, ut inter multos Rosinus refert in Antiquit. Roman. lib. 2. cap. 12. inquit. *Perpetuus æternusque ignis in templo ejus (Vestæ) tamquam imperii certissimum pignus asseruabatur, quare Tit. Livius. Quid de æternis Vestæ ignibus quos imperii pignus custodia ejus templi*

*tuetur?* In eadem sententia me confirmat idem Rosinus, qui loco citato ait. *Illud notatu dignissimum, ignem hunc non in focus aut altaribus, suspensum in vasculis quibusdam fictilibus, argumento deducto è jure jurando antiquissimi Ethnici relato à Valerio Maximo in fine capitis 4. lib. 4. his verbis. Namque per Romuli casum, perque veteris Capitolii humilia tuta, & æternos Vestæ focus, fictilibus etiamnum vasis contentos juro.* His addo narrationem Plutarchi apud Fortunium Licetum, de reconditis antiquorum lucernis lib. 1. c. 30. *Romani (inquit ille) à Gallis victi, reliqua deserta Urbe, Capitolium telis & munitionibus firmaverunt. Sacrorum prima cura fuit, quorum partem in Capitolium comportaverunt: Sacrum ignem Vestæ Virgines cum sacris rapientes profugerunt.* Deinde Licetus. *Ex quo modo (ait) comportandi constat ignem Virginum Vestalium non in lignorum strue accensum, sed in lucernis, & lampadibus exarsisse. Quomodo enim fugientes raptam igneam pyram comportare potuissent? Quomodo non multam rogi favillam, prunamque sacram hostibus reliquissent?* Ex his profecto clare deduco in tripode nostro ignem sacrum nunquam exarsisse; sed illum altare fuisse Apollini dicatum, quem ut Deum Romani venerabantur, & quidem non unica ratione suffultus.

Quod fuerit altare, ipsa ejus moles ac forma indicat, iis omninò respondens, quæ in quamplurimis numismatibus lapideisque monimentis exprimuntur, licet aliqua rotundam figuram habeant, ut ostenditur in nummo Augusti, quadratam alia, ut apparet in nummis Antonini Pii, Constantini, Domitiani, & Getæ Imperatorum, quos Guilielmus Choul recenset in tractatu de Antiquorum Religione pag. 61. & 213. Multa etiam triangularem, quam idem Choul ostendit ex antiqua tabula, ludos sæculares referente, sub Augusto Cæsare celebratos; omnia tamen eandem altitudinem referentia, & basi, coronide, variisque foliatis cælaturis exornata. Quod verò Apollini fuerit sacrum, ex his, quæ subjiciam sine ullo opinionis metu deduxi.

Scriptorum omnium autoritate comprobatum est Aram, supra quam Sacra Apollini offerreban-

rebantur, fuisse Tripodem, quamvis non unicam similemque rationē illi tradiderint. Fuisse dicatum, ait Apollodorus, lib. I. postquam vaticinandi arte, ex Pane, Jovis, & Tymbris Nymphæ filio, percepta, Delphos se contulit, quo tempore Themis dabat responsa, quæ Luciano referente, in Dial. de Astrol. *virgo erat hoc nomine dicta, & responsa dabat in Tripode sedens, cum tamen Draco esset sub Tripode qui vocem emitteret.* At ubi (subdit Apollodorus) Pitho serpens impediret, quo minus penetraret ad hiatum, eo cæso, Apollo loco oraculi ipse positus est; qua de causa in æde Tripus Apollini sacer fuit, quem aureum fuisse referunt historici, & ad ejus similitudinem deinceps Tripodes ex quocumque metallo efficti sunt, ad sacrificia in ejusdem honorem peragenda. Fuit autem Tripus, ut ex Iliade Homeri refert Natalis Comes in 4. lib. Mytolog. pag. 349. *Vas vel æneum vel aureum quod tribus pedibus fulciebatur, ansasque, sive aures haberet, quibus capiebatur, quorum vasorum usus erat in sacrificiis.* Talem indicat expressum in antiquo marmore, in æde D. Cassiani de Puteo collocatum Jo: Baptista Casalius de Rit. Prophanis cap. 15. pag. 162. agens, in quo marmore repræsentari ait sacrificium factum Apollini, *ut deducitur ex pleetro, quod præcedit sacrificium, & etiam ex Tripode, supra quem peragitur, quæ duo propriè Apollini dicata sunt.* Fuisse autem Tripodum formas multiples, & nummi, & lapides antiqui demonstrant; plicabiles nimirum, & non plicabiles, altiores, & minus altos. Explicabilis servabatur olim Romæ in Musæo Francisci Gualdi Equitis S. Stephani, quem exhibuit delineatum Scacchus Myroth. 2. cap. 64. pag. 640. Alius conspiciendus exhibetur ex ære Romæ in Gazophilacio Excell. Principis Augusti Ghisii, apud S. Mariam Majorem, similem in arcu Constantini videmus exculptum.

Docet etiam Natalis in eadem Mythologia aliquos fuisse Tripodes, qui servabantur ab igne intacti, & dicebantur *intacti*, sive *depositi*; aliquos verò qui imponebantur igni, & his utebantur in sacris, & dicebantur *igni imposti*. Hæc tamen (& si vera sint documenta) usum non negant Tripodis ex marmore fabrefacti, quo tribus æqualibus angulis, triplex virtus indicaretur, quam Deo Apollini Ethnici falsò tribuebant. Triplex enim erat potestas juxta eorum sententiam, idemque esse dicebatur Sol in Cælo, Liber pater in terra, & Apollo in inferis, ideoque cum tribus hisce rebus plerumque pingebatur (ut docet P. Franciscus Pomey in Panth. Mytic. pag. 31. scilicet Lyra, Clypeo, & Sagitta. Lyra cælestem potestatem ob concentum rerum cælestium, Clypeo terrestrem, ob conservacionem, ac salutem, quam affert terrenis corpori-

bus; Sagittis infernum quasi Regem indicantibus, quòd Sagittis, quas fert, mittat ad inferos: Et cum Pater publicæ felicitatis haberetur, quam creditur sol animantibus præstare temperie (ait Giraldus de Diis Gentium pag. 195.) *ideo ejus simulacra gratias manu gestant.*

Cum igitur Aram hanc fuisse Apollini sacram ex triplici facie clare deducatur, illam existimo unam ex illis fuisse, quibus sine igne ad sacrificia incruenta perficienda Ethnici utebantur; notissimum enim est inter plurimos sacrorum Ritus non semper ignem adhibitum fuisse, quo victimarum membra absumerentur in aris, sed non rarò fructus, flores, & legumina Diis offerri. Hujusmodi autem erant sacrificia, quæ extra publica templa in domesticis ædibus peragebantur. *Aras privatas Laribus consecrabant Romani, sicut & cæteris, quos ut Deos colebant,* ait Rosinus de Antiq. Rom. pag. 120. lib. 2. cap. 2. ubi multas inscriptiones refert in iis exculptas. Imò Eugraphius Grammaticus apud eundem Rosinum in Terrentii Andriam act. 4. scen. 3. pag. 200. refert, in quacumque Romanorum æde fuisse imaginem Vestæ à qua *vestibulum* dicebatur, cuique singulis diebus ædium habitatores aliquid litabant. *Romanis omnibus* (inquit ille) *mos est in atrio, hoc est in vestibulo, habere Vestam, quippe cum inde vestibulum nominarint, cui sacrificium quotidie facerent, illic fuerat collocata ara, idcirco dictum est ex ara sume hinc verbenas tibi.* Neque verò hujus sacrificii idem ritus, qui in aliis sacris, subdit idem Rosinus ex Giraldi Syntagmate Deorum 17. *Nam sal rufum tantum offerebatur, quod in calicibus fictilibus asservabatur; sed Rosinum errasse mihi suadeo ex vitiata lectione; nam Giraldus in eo Syntagmate loquens de Vestalibus sacra peragentibus hæc habet. Tum casta mola ex sale tuso in ollam fictilem misso, mox in aquam injecto, sacra faciebant, calicibusque fictilibus quos Culullas dicebant, Vestæ & Deis libabant.* Simili pariter ritu sacrificia oblata fuisse scimus ex *Libo* quod erat placentæ genus, item ex *mola*, quæ farina horna, & sale miscebatur, interdum verò thure, & merò, quare Ovidius cecinit.

*Iane tibi primum Thura merumque fero.*

Verum sive rufo juxta Rosinum, sive tuso juxta Giraldum, sacra perficerentur, quis prohibet affirmare Tripodem nostrum exculptum fuisse ad sustentanda vasa illa fictilia, quæ supra sphericam cavitatem deponerentur. Cum enim lapis iste undecumque sit albus, nec macula ulla deturpatus, clare demonstrat, nunquam ignem supra ipsum arsisse, nunquam oleo ad flammam enutriendam madefactum, vel victimarum sanguine aspersum, quibus facile marmora maculas contrahunt indelebiles.

A veritate me haud aberrare opinabor, si dicam, in vacuitate illa cineres repositos fuisse ex folemnioribus sacrificiis collectos, ritu non abfimili, quo Christifideles sua Altaria consecrant, illis imponendo sacros cineres, & reliquias Martyrum, qui pro divino cultu victimarum instar, sanguinem effuderunt. Hæc suspicandi argumentum præbuit Pausanias in Bæot. citatus à Giraldo Syntag. 7. pag. 195. Refert hic author altare Apollinis, quem ut deum Thebani colebant, ex cineribus sacrificiorum constructum fuisse supra lapidem *Sophroneſtera* nuncupatum, undè nomen illi ibidem, & oracula reddi.

Verùm ut ut sit, negari non potuit fuisse huic Tripodem Appollini dicatum, si cæteræ ejus partes exacte perpendantur. Et primò prostant singulis angulis superioribus Arietum capita, quod animal Apollini sacrū fuisse scimus. Refert Porphyrius antiquissimus Scriptor relatus à Cartari p. 32. ubi imagines Deorum describit: Ægyptios Apollini tribuisse Gryphum, Accipitrem, Scarabæum, Crocodilum, & Arietem. Ægyptios deinde imitata cæteræ Nationes, optime exprimi Apollinem cum Ariete sibi suaserunt, quia Pecudum custos vixit, à Jove cælo expulsus ob Cyclopes in vitam revocatos, quare Cartarus Homeri carmina Italice scripsit.

*Quando tu Febo a guisa di Pastore*

*Guardavi alla Campagna i vaghi Armenti.*

Sed fabulas rejicientes alii, Pastorem cum Ariete illum exprefferunt, quia, ut refert Macrobius, Sol in Apolline indicatus *pascit omnia*, quæ terra progenerat, ob id *Arnocomis* a Græcis vocatus, idest Agnorum custos juxta explicationem Giraldi pag. 197.

Celeberrima etiam est Ara in Insula Delo Apollini dicata, de qua Rosinus pag. 153. loquens ait, *Ara hæc cornea seu ut aliis placet cornuta erat, idest e cornibus compacta* quæ referente Plutarco apud Angelum Politianum Miscellan. tom. 1. cap. 52. Inter septem orbis miracula celebrata, & a poetis plurimis descripta, inter quos dixit Martialis Epigr. primo.

*Dissimulatque Deum cornibus Ara frequens*

& Ovidius Epist. 20.

*Miror & innumeris structâ de cornibus Aram.*

quamvis Callimachus in Apollinis hymno referrat, non ex Arietum, sed Caprarum cornibus constitisse, quas Diana Apollinis soror in Venatu transfixerat.

Si verò pedes, & Alæ Gryphorum observantur, quibus anguli in extrema basi nostri Tripodis exornantur, mea opinio fulcitur; Gryphum enim etiam Apollini fuisse sacrum inter cæteros docet Rosinus lib. 2. Antiquit. pag. 155. recitans Claudiani carmina.

*At si Phæbus adest, & Frænis Grypha jugalem.*

*Riphaeo Tripodes repetens deterſit ab Arce.*

deinde ait, Gryphes ergo hyperboreo Apollini dicatos insinuat, & puto propter sagacitatem, miramque in prospiciendis futuris providentiam, quos collocat Lucius Apulejus in Mysteriis Isis. lib. 2. Milesior. *Hinc Dracones indici, inde Gryphes hyperborei, quos in speciem pinnatæ alitis generat mundus alter.* Illos Servius ita describit in Egloga 8. *Gryphus genus terrarum in hyperboreis nascitur montibus, omni parte Leonæ sunt, alis, & facie Aquilis similes, sunt Apollini consecrati.* Ubi autem sint montes hyperborei, diversimodè opinantur Geographi. In alba Russia seu Moscovia Michael Antonius Baudrand, in Sarmatia verò asiatica eos indicat Prolemæus.

Ultimo loco perlustranda sunt tria hujus latera, in quorum singulis puer, seu genius exprimitur. Alter eorum scutum perfectè rotundum sustinet, illi non abfimile, quod antiqui apponebant Apollini, ut (referente Cartaro de imaginibus Deorum pag. 28.) Emisphærium in eo explicarent, in quo sol sub Apolline indicatus, suos radios, & influxus circumquaque diffundit, ob id mundi cor appellatus, cujus motu moventur omnia, sicuti Mufarum chorus choreas ducebat ad sonitum lyræ, quam Apollo, inter eas collocatus ab antiquis, perita manu tangebatur.

Alter verò supra humeros navis temonem præfert, quo procul dubio virtus solis indicatur. Eam innuebant antiqui cum Apollinem tanquam nauclerum in navi, vel in eadem solem depingebant; Sed hæc, etsi vera sint, omittamus, ut nobiliori hujus sculpturæ indagini animus acquiescat, quam Galea suggerit cum tertio Aligero infante in ultimo latere exculpta.

Si igitur in mentem revocentur nomina, quibus Apollo insignitus fuit, *Palatinum*, & *Navalem* dictum fuisse, pro comperto erit, ob templum illi dicatum ab Augusto in Monte Palatino post victoriam, eo favente, relatam, Antonio, & Cleopatra devictis in mari, ut narrat Dio Coccejanus in actis anni 724. lib. 51. his verbis. *Navalis dictus, quod navali prælio victor, Antonio proſtigato ad Actium Promontorium, & Fanum ei Augustus erexit, & Svetonius cap. 2. Extruxit forum cum ade Martis Victoris, Templum Apollinis in Palatio.* Illud descripsit Propertius ubi ait Elegia 51.

*Musa Palatini referamus Apollinis Edem &c.*

De hoc Templo fuse egit Famianus Nardinus in sua Roma lib. 6. cap. 14. Victoriam autem ab Augusto relatam prope Epirum belle depinxit Virgilius in Clypeo Æneæ hoc carmine lib. 8. Æneid.

*Actius hoc cernens arcum intendebat Apollo Desu-*



*Desuper, omnis eo terrore Ægyptus, & Indi,  
Omnis Arabs, omnes vertebant terga Sabæi.*

His positis quis me redarguet, si dicam lapidem nostrum jussu fuisse exculpi ab aliquo non infimo Augusti Duce, ut in propria domo, & in honorem Apollinis frequentissimè litando gratias illi redderet, & perenne servaret triumphii monumentum? quod longa annorum serie in domo DD. de Cinciis servatum eorum antiquissimam profapiam contestatur, eorumque generosam liberalitatem, qua tali lapide Musæum nobilitarunt, ob id summa in æstimatione habendum, licèt Ethnicam superstitionem redoleat, qua veteres Romani ad veræ fidei lumen cecutientes, Deos plurimos falsò excogitarunt.

CANDELABRUM MARMOREUM.

**A**Ræ Apollini sacræ pedem Candelabri ex marmore albo exculptum adnectimus, qui anno præterito repertum est inter rudera propè Templum S. Sixto II. Pontifici Maximo dicatum in via Appia, in Regione, quæ duodecima erat, & vocabatur ab Antiquis Piscina publica, in qua, & si cæteris angustiore, septem supra decem ædes diis sacræ numerabantur, ut refert Philippus Labbe in Opusculis antiquis ab ipso collectis pag. 140. licèt Publius Victor in descriptione Romæ duodecim tantum numeraverit. Tripodis figuram habet, quam in Tab. Ænea II. exprimi curavimus; ille pedibus leoninis in angulis exculptis, & columellæ particulâ centro subiecta sustentatur. In triplici facie tres figuræ anaglyptico labore eleganter exculptæ insunt, quarum prima Mercurium refert, secunda Fœminam Bacchantem, tertia Dianam Luciferam, face, arcu, & sagitta armatam. Ethnicorum sacrificiis hujusmodi candelabrum deservisse dubitari non potest; cur autem talibus iconibus insignitum fuerit, latet omnino. Dicam tamen illud in variis sacrificiis promiscuè adhibitum, & pro libito artificum, vel ejus qui Templo illud dicaverit, iis imaginibus decoratum. Videmus enim in Templis Christifidelium quamplurima argentea vel ænea candelabra, quorum pedes triplicem faciem habentes diversas Sanctorum imagines sæpè referunt expressas juxtâ oblatorum pietatem erga eos, vel in honorem eorum conflatos, qui peculiarem cultum in eo Templo obtinuerunt.

Imagines autem expressas explicare superfluum existimo, cum alibi aptior danda sit occasio alias similes exponendi, quærendum tamen est cur cornu mulier bacchans dextra manu ostēret. An quia cornua Baccho sunt attributa? ut Diodorus in quinto tradit, qui primus Boves jugo junxit, vel quia ejus simulacro junguntur,

sicuti Phurnutus docet, ut audacia indicetur, quam ingerit vinum, cujus inventorem Liberum fuisse referunt? Dicam potius cornu geri, quòd cornibus antiqui biberent. Talem morem aperte indicant antiquæ imagines pocillatorum, seu puerorum, qui pincernas agebant in conviviis, expositæ in tractatu de servis pag. 144. ab eruditissimo Laurentio Pignorio. Gerunt enim manibus cornua, in quibus vinum assidentibus convivio porrigebant. Cur autem mulieres hujusmodi bacchantes Liberi fuerint asseclæ, rationem affert D. Augustinus lib. 6. cap. 9. de Civit. Dei, dicens: *Mulieres, & vinum attributas Libero propter libidinem concitandam, ideo Bacchum Liberum vocant, quòd bibentibus libertatis causa sit; sunt enim plerique potu licentiores; & sicut Bacchus Liber est appellatus, ita Venerem liberam Ream dixerunt.*

Sinistra autem hastam gerit, in cujus vertice Pini fructus eminent, non alia quidem de causa, nisi quia fœminæ hujusmodi furentes Deorum matri Cybeli dicatæ fuerunt, in cujus sacris pinus arbor colebatur, sub qua jacuit Atyr Deorum matri dilectus; undè Servius ad illa Virgilii 9. Æneid.

*Pinea silva mihi multos dilecta per annos,*  
ait: *Scriptis congrue*, nam pinus in tutela matris Deum est, idest Cybeles, quare Phædrus lib. 3. Fabular. 17.

————— *Quercus Iovi*

*Et myrtus Veneri placuit, Phæbo laurea,  
Pinus Cybelæ, populus celsa Herculi.*

Fiebant autem antiquitus candelabra, ut etiam hac ætate mos est, ex auro, argento, ære, & lapide, & forma quidem varia sicut & mole. Aureum fuisse illud scimus, quod in Tabernaculo Dei ex præscripto ejus septem lucernas habebat, descriptum à Philone Judæo lib. 3. de vita Moyfi, Æneum illud quod Ethnici habuerunt, relatum à Fortunato Scaccho Myroth. 2. cap. 45. ex parietinis, præsertim è lapide in Vaticanis hortis asservato, quod etiam habet Guillelmus Coul, ubi de antiquorum Religione sermonem instituit. Extant in Musæo nostro duo fragmenta metallica candelabrorum, quæ cacumina eorumdem sunt, quibus faces vel lucernæ inferebantur, illa in Tabula III. indicantur numeris 1. & 2. Usus autem hujusmodi candelabrorum apud Ethnicos supracitatus Scacchus affirmat fuisse sustinendi sacrum ignem, quo solum veteres sacrificia concremare audebant. An hic ignis oleo vel cæra, vel ligno supra candelabrum foveretur non satis in aperto est. Idem Scacchus cap. 45. affirmat candelabrum proprie tam græce quam latine illud instrumentum dici, supra quod lucerna vel candelâ ponitur ut ab eodem sustentetur. Sic eniam  
de

de eo Pollux lib. 10. cap. 26. *Candelabrum quidem dicitur super quod imponitur candela, quæ dicitur lucerna, & Varro de lingua latina 4. Candelabrum a candela; in his enim funiculi ardentibus figebantur.* Eruditissimus Gregorius Giraldus in historia Deorum Syntagm. 17. loquens de sacrificiis Ethnicorū refert verba Plutarchi in Problem. ubi ait: *Sed in capiendis auguriis Sacerdotes prius, & Aruspices, qui nunc Augures, luminaria semper aperta habere voluerunt, nec operculo imposito claudi.* Rationem pluribus affert. Ex his verbis Plutarchi facile coniecere possumus lucernas supra candelabra arfisse; Lucernæ enim solent operculo imposito claudi, & extingui; sed paulò post idem Giraldus loquens de inferorum sacrificiis ex Festo hæc habet. *Per duodecim dies Februa celebrabantur, hisque diebus pro impetranda mortuorum animabus quiete, omnis populus piaculis, sacrificiisque circa sepulchra accensis facibus, cæreisque intentus erat.* Igitur ex Plutarcho lucernas, ex Festo faces cæreas in usu fuisse discimus. Quamobrem non video qua auctoritatè fultus supra laudatus Scacchus cap. 45. Myrot. 2. affirmet nullum fuisse in sacris Ethnicorum atque Hebræorum usum candelæ è cæra vel alia re non liquabili compactæ. Ut plurimum quidem lucernas adhiberi solitas non dubito. Ita Homerus lib. 7. Odyf. usum plurium lucernarum in sacris Ethnicorum ostendens Regiam Alcinoi describit, in qua juxta usum illius ætatis sacra convivia habebantur, meminitque centum puerorum aureorum, vel mavis dicere centum statuarum aurearum, quæ totidem sustentabant lampades, ut constat ex interpretatione carminum illius

*Aurei autem pueruli bene ædificatis in aris  
Stabant, ardentibus lâpades in manibus habentes  
Prælucentes per noctes in domibus convivis.*

Adeat Lector Ioannem Baptistam Casalium qui cap. 15. de ritibus Ethnicorum Romanorum exponit figuram marmoris antiquissimi sibi communicatam ab Equite Cassiano à Puteo ex sua Bibliotheca, in quo solemne sacrificium repræsentatur, cum duobus candelabris à duobus camillis seu ingenuis pueris sustentatis, aitque illa fuisse adhibita ad *suffumigandum odoramenta sacrificii.* Atque hæc de forma, & usu expositi candelabri dicta sint satis. Non enim omnia perfecti ad nostrum Institutum attinet.

#### CULTRI, SECESPITÆ, ET GLADIUS.

CUM Ethnicorum Sacrificia indicata sint, in quibus candelabri erat usus, non abs re erit hoc in loco exponere aliqua instrumenta in iisdem sacrificiis adhibita, quæ in Musæo magno eruditorum oblectamento visuntur, & primo tres

cultros ferreos expono, licet rubigine, longo annorum spatio sub ruderibus contracta, excisos, quos in sacrificiis victimarum adhibitos fuisse, nullus dubitare potest, cum inter antiquorum Templorum rudera reperti fuerint. Diversam illi formam habent ad diversum usum compacti, prout in lamina III. expressimus sub numeris 3. 4. 5. sciunt autem eruditi varium fuisse apud Ethnicos ritum imolandi victimas. Indi quidem non jugulare, sed præcluso spiritu victimam necare consueverunt; ne quid de sacro deperiret, neve quid mancū Diis afferre viderentur, Persæ, & Cappadoces non gladio sed stipite hostias mactabant. Romani etiam interdum malleo, & porcam in foederali sacrificio silice ferire consueverunt, ut post Livium tradidit Fenestella lib. 2. de Sacerdotibus Romanis cap. 9. Adeo fuit varia sacrificandi religio gentibus. Cum autem victimarum sanguinem ferro inflicto spangebant, non vulgari, sed sacro aliquo gladio ad sacrificandum destinato usos fuisse Græcos ostendit Scacchus Myroth. 3. cap. 60. *Qui gladius (ait) non ferreus sed æneus erat. Machæra enim ferrea erat, & ideo hostiam mactare in sacris cavebant, ne sacra prophanis miscerentur, si eodem gladio victimas jugulassent, quo sanguinem humanum in pugna fundebant. Quod si prophanæ religionis cultores ista cavebant, quid veri ac summi Dei cultores fuisse dixerimus?* In scripturis tamen sacris nõ legitur qualis fuerit gladius, quo ad mactandas victimas Hebræi uterentur, sed æneum fuisse dici ab Aria Montano, refert idem Scacchus. Giraldus autem antiquitatum omnium indagator solertissimus p. 442. Syntag. 17. affirmat *apud Delphos in more fuisse, ut cultro, quo Deis immolabant de nocentibus etiam supplicium sumerent.*

Ut ut hæc se habeant, poterant sine superstiosæ religionis detrimento uti gladio vel cultro illi simili, quo in pugna, vel in Reis puniendis utebantur. Quale autem fuerit ejusmodi instrumentum ambigitur. *Dolabram* multi nominant apud Rosinum lib. 3. de Antiq. Roman. alii *Secespitam*, ut Festus; alii *Securim*, alii *Cultellum* putant & *Gladium*. Est autem *Secespita* (inquit Giraldus ex eodem Festo) *Gladius manubrio eburneo, rotundo, solido, juncto ad capulum auro argentoque, fixus clavis æneis ære cyprio, quo Flamines Flaminiisque Virgines, Pontificesque ad sacrificia utebantur.* Ejus iconem hic damus ex tabula 7. sect. 3. Romani Musæi Michaelis Angeli Causei mutuatam sub numero 6. qui gladius olim servabatur in Musæo Jo: Petri Bellori. Dicitur autem *Secespitam* à secando docet idem Festus. Ea tamen usos esse Pontifices ad jugulandam victimam apud nullum reperi, sed alium usum in sacris habuisse docet idem Giraldus Syntag. 17.

tag. 17. pag. 441. his verbis: *Sacra facturus vinum antequam sacrificulus simpulo circumferret, ut astantes pariter libarent, tum setas inter cornua victimæ manu excerptas tanquam prima libamina in ignem mittebat, id quod & Virgilius non ignoravit, cum cecinit in 6. Æneid.*

*Et summas carpens media inter cornua setas  
Ignibus imponit sacris* ———

*Mox victimarius obliquum cultrum ferreum oblongum idest Secepsitam à fronte ad caudam victimæ ducere, & se ad orientem vertere solebat, quod in sacrificio habebatur primum, ideo idem Virgilius in 12.*

*Illi ad surgentis converſi lumina Solis*

*Dant fruges manibus ſalsas, & tempora ferro  
Summa notant pecudū, pateriſq; altaria libant.*

Deindè Sacerdos cæteris imperabat, ut victimas jugularent. Erant hi Administri Sacrorum, qui *Victimarii*, & *Cultrarii* ac *Popæ*, à nonnullis dicti sunt. *Agones* etiam *Lactantius* illos nominavit, quibus, nisi iussi essent, mactare non licebat, ideo *succincti*, & habitu, qui inferius apparebit, & *Propertius* innuit, cum ait

*Succinctique calent ad nova sacra Popæ*

nutum imperiumque expectabant. Sic *Ovidius* primo *Fastorum*;

*Qui calido strictos tincturus sanguine cultros*

*Semper, agat ne, rogat, nec nisi iussus agit.*

Quamobrem *Joannes Gutherus* de veteri *Pontif. jure* lib. 4. cap. 24. scripsit *Dolabram* vel *Secepsitam* ad *Pontificem* pertinuisse; malleos cultrosque fuisse *Popæ*, qua voce indicat plures, ac diversos cultros in *Sacris* adhibitos. Adeat *curiosus* imaginem lapidis antiquissimi exhibitum à *Joanne Baptista Casalio* de veteri *Romanorum Religione*, in qua repræsentatur solemne sacrificium, & inter *Popas*, unus sustinens capite canistrum repletum cultris ad sacrificium necessariis. Quis autem dicat unico eodemque cultro omnia perfici potuisse, quæ in sacrificiis peragebantur. Poterat quidem *Popa acuto*, & tereti cultro victimam jugulare, non autem in frustra dividere ut mos erat etiam in *Sacris antiquis Hebræorum*. Singulis enim qui sacrificio intererant hostiæ mactatæ pars aliqua destinabatur, ut in primo *Regum* cap. 1. habetur in sacrificio *Elcanæ*, & in *Sacris Ethnicorum* testatur *Dio* lib. 5. num. 31. In ædificatione *Thebarum* de *Cadmo*, dicens, qui sacrificium instituerat in natali *Cadmeæ Urbis*:

— *Et Cadmus sumens distribuit cuique*

*Divisæ præbens æquilibrem partem cibi.*

Idcirco supralaudatus *Gutherus* inter instrumenta sacrificii, quæ ad *Popas* pertinebant *Clunaculum* numerat, idest cultrum, quo carnes hostiarum incidebant, à *clunibus* illarum parte potiore. Hujus generis fuisse autumo cul-

trum delineatum in nostra lamina sub numero 3. crassum, & ponderosum, & ad incidendum etiam ossa fabrefactum. Duos alios optimè jugulare victimam potuisse non dubito, ut ex eorum forma clarissimè deducitur:

L I G U L Æ.

**E**Xhibitis cultris alia instrumenta produci-  
mus etiam in *Sacris Ethnicorum* adhibita. Pelle enim à victima ablata, mox *Aruspex*, *Flamen*, aut *Sacerdos viscera*, & exta animalium rimabatur, & extispicium fiebat; hoc est per exta Deos consulebat, & an perlitatum esset attente explorabat, & tunc exta reddi dicebantur, cum probata *Aræ* supponebantur, ut notat *Servius* ex *Virg.* 2. *Georg.*

*Lancibus, & pandis fumantia reddimus exta.*

Extæ dicuntur, quæ in victimis interiora extant, ut cor, pulmo, lien, & jecur, quoniam super interiora extant. *Plinius* vero nomine præcordia dici exta affirmat lib. 30. *Nat. hist.*

Ab extis divinationem factam fuisse ostendit *M. Cicero* lib. 11. de *Nat. Deor.* hinc vocati *Exticipes* divinatores per exta, sicut & *Aruspices*. Hi ne quid *Sacris* mancum vel monstruosum interesset, cavebant; nam si viscera pallore, tetrisque maculis suffusa apparuissent, si jecur tabidum, si pulmonum fibræ defuissent, si sine præcordiis victima, non litandum *Sacerdos* existimabat. Idem observabat etiam flammæ, quæ in crematis victimis edebantur, ut scribit *Didymus*: Item bilem, vesicam præterea, ore lana colligato, igni imponebat, & quo pacto illa disrumperetur adnotare consueverat. Colligebantur etiam vaticinia ex cauda hostiarum, nam igni inflexa difficultatem rei indicabat, vel extensa, & deorsum corruens cladem futuram; si verò in altum erecta fuisset, victoriæ indicia præferabat. Ob quos ridiculos ritus enumeratos à *Giraldo Syntag.* 17. pag. 444. *Ethnicis* irridet *Arnobius*.

Ad hæc attente peragenda instrumentis ex ære, & ferro utebantur iis ferè similia, quibus *Chirurgi* utuntur invulneribus, & morbis variis perscrutandis. Multa olim ejusmodi fuisse in suo *Musæo* affirmat *Jo: Baptista Casalius* de *vet. Rom. ritibus* eorumque formas exhibet in pagina 159. *Michael Angelus Casæus* Tab. 7. sectionis 3. *Musæi Romani* unicum expressit, quod *Ligulam* appellavit. Nos hic plura produci-  
mus in Tab. IV. quæ ex ære conflata in *Musæo* sunt, inter quæ sub num. 1. 2. 3. 4. 5. 6. binas ligulas recognoscet *Lector*, insuper *Spiculum Vulnerarium*, *Ungulam*, *Scalprum Chirurgicum*, *Sagittam*, sive *Vulsellam*, & duplicem spatulam.

## COCHLEAR E.

**P**arvum ex ære Cochleare sequitur Scalpro expressum sub nu.7. quod pariter in Sacrificiis instrumentū fuit. Aliud huic simile exhibuit Tabula 7. sectionis 3. supra laudatus Causæus cum titulo, *Cochlear, quo thus ex Acerra sumebatur*. Acerra autem erat arcula, in qua thus servabatur. Sicut enim thus, inquit Jacobus Gutherus de Jure Pontif. lib.4. cap.24. primum locum obtinet in Sacrificiis, sic in supellectile Thuribulum sive Acerra thuraria, quibus vocibus non idem significari inferius videbimus Apulejus tamen relatus à Giraldo Syntag.17. & à P. Cornelio à Lapide in Levit. cap.2. nu.1. pag.614. probare contendit thus in Sacris non esse rem vetustam. Nam ait Cornelius neque hæroibus Hetruscis Romulo, & Numæ thurificationem ignoratam legimus. Quòd Mosi imò Deo ipsi præcipienti sit adscribendum inventum thuris docet Cornelius; versabatur enim Moses cum Hebræis in Arabia. Ita etiam Hieronymus Prado in Ezechiel.8. pag.119. Romani autem longè distabant ab Arabia, quæ sola thuris erat ferax, idcirco Extis tantum inspectis, ex omni membro primitias partesque defectas farina farris involuebant, & in calathis sacrificanti offerebant, & tunc hostia perfecta dicebatur.

Attamen quo tempore usus thuris apud Ethnicos incæperit non quærimus, & illum antiquissimum fuisse ex quamplurimis monumentis asserimus. Sacra enim Jano fiebant ex Libo, quod ab eo *Iannual* antiqui dicebant, eratque placentæ genus; item ex mola, quæ farina horna, & sale miscebatur; interdum etiam thure, & mero, hinc Ovidius:

*Iane tibi primùm thura merumque fero.*

Et apud eundem Cydippe scribens *Acontio* in epistola quæ est vigesima,

*Protinus egressæ superis quibus insula sacra est  
Flava salutatis thura merumque damus.*

Itaque thuris, & vini meminit statim ubi de religioso cultu agitur, item de Tristibus lib.5. Eleg.5. quæ est in natali uxoris suæ.

*Da mihi thura puer, pingues facientia flammæ  
Quodque pio fustum stridet in igne merum.*

Celebre etiam erat Sacrum, in quo Fortunæ virili mense Aprili thura adolebant, & cum melle & lacte etiam papavera; quod Sacrum etiam Veneri commune fuit, ut narrat Giraldu Syntag.17. pag.463. Addit Rosinus lib.3. cap.33. quòd post libationem vini Sacerdos sacrum ab immolatione inchoabat, fruges, aut molam falsam in caput victimæ deponens addito thure masculino juxta illud Ovidii Fastorum num.357.

*Thura Sacerdotes pacalibus addite flammis*

*Albaque perfusa victima fronte cadat.*

Est igitur manifestus ex auctoritate Antiquorum usus thuris in sacrificiis, at non æque probari potest fuisse adhibita parva Cochlearia, de quibus sermonem institimus. Acerram quidem seu Arculam thurariam, in qua thus servabatur, auctores omnes, pluresque lapides antiqui referunt, in quibus sacrificia insculpta cernuntur. Ejus Iconem affert Scacchus pag.472. sicut & vas in quo thus incendebatur supra ignem, quod à thure thuribulum in sacris paginis appellatur, ut in lib. num. cap.16. *Tolle thuribulum, & hausto igne de altari mitte incensum desuper* apud septuaginta autem legitur, *accipe receptaculum ignium*. At cujus formæ fuerit non est ita clarum. Scacchus putat fuisse instar patellæ sive patellæ cum manubrio, exhibetque unam ex Musæo Francisci Angeloni Æneam, aitque etiam Antiquos Hebræos simili usos, & præditam esse Manubrio, ut commodius sine læsione manuum Sacerdotis tractaretur, & in ea poni possent carbones de altari sumpti, & superimponi thus. Rosinus verò inter instrumenta ad Sacrificia spectantia exhibet vas hinc inde anatum potius hidriæ simile, quo thura, ut ipse putat, adolebantur.

Ut ut illud se habuerit, Fateor quidem nullum ex antiquis Auctoribus meminisse Cochlearis ad thus ex arcula suscipiendum. Imo Scacchus Myrot.2. cap.48. enarrans utensilia in ministerium altaris aurei in lege Moyse ait, *Cochlearia ab hoc altari arcenda sunt, solius enim manus ministerio, & nunquam aliter thymiama thuribulis imponebatur, nec aliter licebat (ut dicunt Rabini) & subodorari potest, ex Levit. cap.2. ubi de oblatione sermo sic est: Deferet ad filios Aaron Sacerdotes, quorum unus tollet pugillum plenum simila, & olei, ac totum thus, ac ponet memoriale super altare in odorem suavissimum Domino. Quemadmodum igitur (sumit Scacchus) pugillo simillam oleo commassatam in Altare super ignem Sacerdos imponebat, pariter etiam thus ministrasse dicendum videtur, atque etiam thymiama, cum etiam cap.16. Levit. ab usu thymiatis Cochlearia omnino arcentur; ubi enim dicitur num.12. Assumptoque thuribulo, quod de prunis altaris impleverit, & hauriens manu compositum thiamiama &c. Capite etiam eodem Scacchus affirmat, Ethnicos quoque manibus thus assumpsisse, quod vetusti lapides (ut ille loquitur) ostendunt, sed nullum in medium profert, aut nominat; verum cum ibidem hæc verba addiderit, *saniora ac doctiora alii si dixerint acquiescam*; tanto viro meam sententiam opponi, ac sine ulla injuria affirmari potuisse opinor, etiam Cochlearia in usu incensi adhi-*

adhibita, etiam si aliquando *sola manu* thymiamam sumendum esset, ut Deus præcipiebat. Attamen nunquam hoc sacræ paginæ affirmant, sed solum, ut manu sumeretur non quidem incensum sed thymiamam, de quo etiam dubitari potest. Sicuti enim cum dicitur *Assumptoque thuribulo, quod de prunis altaris impleverit*, vel cum dicitur, *tolle thuribulum, & hausto igne de altari mitte incensum desuper*, non interdicitur usus aliqujus instrumenti, puta forcipis aptæ ad carbones de altari excipiendos, ita pariter cum dicitur, *mitte incensum desuper* vel, *hauries manu compositum thymiamam*, poterat hoc apto instrumento hauriri à manu, ac præsertim tali instrumento manus indigebat, ne manus sædaretur thymiamate, quod ex aromatibus in pulverem redactis componebatur, ut notum est sacrarum paginarum peritis; & clare probatur cap. 30. Exodi, ubi dicitur *faciesque thymiamam compositum &c. cumque in tenuissimum pulverem universa contuderis pones ex eo &c.* Sciunt etiam periti fuisse in templo (ut dicitur 3. Reg. 6.) Vas aquæ magnum, in quo Sacerdotes ministraturi incensum, sive lucernas ordinaturi, manus, & pedes abluere, & purgare tenebantur, sicque abluti, & purgati sacrum Dei tabernaculum ingrediebantur, ita dicitur. Exodi 30. ubi de fabrica ejus labri scribitur. *Et missa aqua lavabunt in ea Aaron, & filii ejus manus suas, & pedes, quando ingressuri sunt tabernaculum Testimonii, & quando accessuri sunt ad altare, ut offerant in eo thymiamam Domino.* Quomodo ergo manus mundas habere potuissent, & non potius fordidatas, si manu, nullo instrumento munita, thymiamam ex vase thurario accepissent in tenuissimum pulverem redactum?

His adde Antiquorum ritum, qui sæpè pauca grana thuris accensis prunis imponebant: id quod Ovidius videtur indicasse lib. 3. de Trist. Eleg. 13. quæ est de suo natali dicens.

*Tumida cingetur florentibus ara coronis  
Micaque solemni thuris in igne sonet.*

Scio Poetam per Sinedochen loqui potuisse offerens partem pro toto, at manifestum est sæpius Aruspices in oblatione thuris ipsius motus attente observasse, ex quibus auguria captabant. At hi melius ex paucis thuris granis, imò unico fieri potuisse quis neget? Quæ dubio procul parvo Cochleari facilius, & decentius sumebantur, ex acerra. Quod tamen Jo: Stephanus Duranti lib. 1. cap. 9. num. 3. de Ritibus Ecclesiæ Catholicæ ait, Antiquos Christianos summis digitis perficere solitos. At si Catholicæ Ecclesiæ antiquissimo statuto sive consuetudine, (cujus tamen originem invenire non potui) Sacerdos utitur Cochleari ad sumendum thus ex thuribulo; talem ritum ex Gentium ritibus ori-

ginem habuisse nos posse credere, quis neget? ut nonnulli alii ritus originem habuerunt.

S I M P U L I.

**D**UM de Sacrificiis sermo est, aliud instrumenti genus sese offert, cujus in illis frequentissimus erat, scilicet ad vinum libandum. Usus enim libationum in quocumque Sacrorum genere erat etiam apud Ethnicos, qui antiquos, & Divinos imitabantur. In Sac. Script. Exodi cap. 25. ita præcipitur. *Parabis, & acetabula ac Phialas, Thuribula, & Cyathos, in quibus offerenda sunt libamina.* Ut verò à nomine exordiamur *Libare* est aliquid leviter degustare, vel *Labiare* idest supremis labiis aliquid atrectare, ut alii dicunt, ac propterea de liquoribus tantum degustatio verè dicitur. Hæc autem libatio adeo necessaria in Sacris censebatur, ut ab ea Sacrificium exordium sumeret, etiam antequam hostia mactaretur. Primò enim quotquot ad sacrificium conveniebant, vinum degustabant. Ita Rosinus lib. 3. cap. 33. ait: *Deindè Sacerdos vinum aspergebat, sed priusquam id effunderet Simpulo, seu Simpulo ligneo vel fictili admodum parvo, & ipse leviter delibabat, & assistantibus degustandum aserebat, ut pariter libarent.* Quare Juvenalis Satira 6.

*Simpulum ridere Numæ nigrumque catinum.* Hinc Simpulatrices mulieres Sacris deditæ, ut Festus ait. Ejus instrumenti meminit Cicero in 3. de Legib. & Plinius lib. 35. vocatur etiam *Simpinium*. Arnobius agens de vino in Sacrificiis; *Date queso* (inquit) *Deis immortalibus, ut bibant scyphos, brios, pateras sympiniaque depromite.* Apud antiquos Scriptores Græcos est poculi genus *Depastron* appellatum, quòd vinum minutatim effunderet: à Guttis guttum appellarunt, à minutatim sumendo, Simpulum nominavere. In ejus locum in conviviiis è Græcia successit Epichysis, & Cyathus, in Sacrificiis remansit Guttus, & Simpulum. Hæc Varro apud Giraldum Syntag. 17. pag. 435.

Cujus fuerint formæ vasa libaminum in lege Moyli, quæ Cyathos sacer textus appellat, ignotum esse omnino, docet Scacchus Myroth. 2. cap. 43. At ne synonymorum copia, quibus Scriptores vasa libaminum, & alia, quorum usus frequens erat in Sacris, confusionem pariat, notandum est, triplex præcipue vasorum genus adhibitum fuisse in usu vini, quo fere nullum sacrum carebat, ut patet in quamplurimis vetustissimis lapidibus ac nummis. Primò enim vas erat *Præfericulum* dictum, idest vas ansatum, cujus forma exhibetur in nummis præcipue Marci Antonii, & Pompeji apud Choul de Relig. pag. 190. & fortassè ante Sacrificium vinum

ex hoc vase fumebant ut probarent, an aptum sacrificio esset. Secundò erant vasa libatoria, quibus libamen fiebat summis labiis vinum electum degustando, quod erat proprium in Sacrificio. Tertiò vas erat, quo vinum effundebatur inter cornua victimæ. Hoc apparet in nummo expresso apud Choul pag. 226. Longini Triumviri, in quo Sacerdos vinum supra aram effundit vase seu cyato concavo. Vas autem libatorium manu præfert alius Sacerdos in marmore antiquo ab eodem Auctore relato pag. 193. sicuti etiam simile perhibet Rosinus, Casalium, & Scacchus pag. 416. Myroth. 2. & à nobis est expressum hoc loco sub num. 8.

De hujusmodi vase nunc sermo est: alia suo loco indicabimus. Illud his verbis descripsit Scacchus. *Hæc vasa certum est has medias fistulas habuisse non solum à tergo, ubi Manubrio satis longo fulciuntur uno altero majus, quod veluti quoddam canale excavatum habent, sed etiam in anteriori parte, unde liquor degustabatur, medio canale vas excavatur ad vinum fundendum, degustandum atque libandum; sicque extra protenditur, ut ori cum adjungitur, vini tantillum exorbere liceat, quod constat ex ejus forma.* Marcus Varro scribit Simpula fuisse calices fictiles, & vascula quibus vinum dabant, ut minutatim funderent, à Guttis Guttum appellarent, & quo fumebant minutatim, à fumendo Simpulum nominavere.

Hæc omnia, & si vera sint, non tamen affirmandum puto ejusmodi Simpula, seu Simpuvia eandem semper, invariataque formam habuisse, ita tamen fabrefacta, ut guttatim vinum possent effundere, quod ad libandum necessariò requirebatur. Sunt in nostro Musæo duo vasa fictilia ex atra argilla compacta, ut in lamina IV. expressimus num. 9. & 10. Manubrio utraque prædita, ore angustissimo in parte quæ in conũ porrigitur, ut apparet. Os autem plura foamina intra circulum habet in summitate ad vinum excipiendum, ut impleantur. Unum non valde dissimile exhibuit Petrus Bartoli de Sepulchris agens. Aliud ex ære, & quidem mole parvum, ut in eadem Tabula expressimus num. 11. in Musæo est, forma autem valdè diversum à superiori ut consideranti patebit.

Aliud vas æneum cum longo Manubrio exhibuit in Musæo Romano eruditus Causæus, mutuata appellatione à Bellorio, qui in catalogo suo dixit *Simpulo col manico lungo per le libationi*: quam tamen appellationem improbat ut falsam Cl. Begerus in tomo 3. Thesauri Brandenburgici, eò quòd Simpulum à fumendo dictum Varro affirmet, & Sacerdotes (ut ipse ait) Simpulo minutatim non fumebant, sed fundebant. Indicat insuper marmor antiquum, apud Spo-

nium in Miscellaneis pag. 310. exhibitum in quo Camillus exprimitur gutto in pateram Sacerdotis liquorem fundens, eum scilicet, quem postea Sacerdos aræ aut victimæ superfusus erat. Habebat igitur Simpulum, ait Begerus, angustum, & acutum collum, quod in acutum canaliculum coarctabatur, ut per eum liquor minutatim effundi posset; illud autem, quod Bellorus exhibuit, Simpulum dici non potest, sed vasculum ad hauriendum ex vase majore, & profundiore liquorem destinatum. Manubrium habet, quod in summitate retortum est, ut vasi majori appendi possit, ita corpori suo adglutinatum, ut æqua lance id pendeat, nec quicquam liquoris ultra superficiem effundatur. Hæc Begerus.

#### P A T E R A.

**D**iximus supra vas adhibitum fuisse in Sacrificiis, quo vinum inter cornua victimæ, sive supra carbones accensos effundebatur, quæ quidem effusio non fiebat simpulo, aut gutto, sed alio vase, quod Græci *Cyathum* dixerunt Latini verò *Pateram*, idest à patendo, ut Varro docet lib. 4. de lingua Latina. Hisce autem nunc in convivio, antiquitatis retinendæ causa, potio circumfertur. Inde fortasse Virgilius lib. 5. *Æneid.* de *Ænea* loquens ait:

*Stas procul in puppi pateram tenet, extraque salfos  
Porricit in fluctus ac vina liquentia fundit.*

& lib. 4. de Didone

*Ipsa tenens dextra pateram pulcherrima Dido  
Candentis Vacca media inter cornua fundit.*

Aliud vasorum genus erat, quæ labra minus extensa habebant, eorumque usus erat in Sacris. Illa pateras vocant multi scriptores, sed falsò nam teste Varrone, dicenda sunt Patellæ seu patinæ. *Apopheretas* vocat Begerus in thesauro Brandenburgico tom. 3. pag. 424. ex Isidoro, qui lib. 20. cap. 4. de vasis escarum. *Apophereta*, inquit, à Græcis à ferendo poma vel aliud, nominat, est enim plana; damnatque proinde Causæum, qui talia instrumenta proferens in Musæo Romano illa pateras appellat; licet leve ejus peccatum dicat, cum sequatur Casalium, qui etiam de Rom. Sacrific. pag. 364. *Pateras* dixit. In his carnem è victima desumptam Diis libabant, ut manifestè probatur ex Manlio apud Honnium cap. 15. ubi ait. *Quo circa bonum civem legibus parere & Deos colere, & in patellam dare parum carnis.* adeoque decipiuntur, qui sibi suadent pateras, patellas, guttos, & cyathos idem fuisse apud veteres in sacris agendis. Antiqua lapidum fragmenta, nummique Veterum hoc clarè demonstrant. Patellæ etiam ut plurimum manubrium habent, oblongum, pateræ vel non habent,

bent, vel parum extensum, ut apparet in nostra ænea quam hic exhibemus Tab. V. sub num. 1. Illa fortasse est ex poculi genere quod dicebatur Capis teste Festo, eò quod ansatum esset, ut capi posset; Capedines etiam & Capedunculas auctores appellant. Adeat Curiosus paginam 242. libri de Religione à Choul descripti, & Musæum Michaelis Angeli Causæi, qui hujusmodi patellas delineaverunt. Ex hoc genere una est in nostro à nu. 2. indicata, Fictilem etiam aliam habemus nõ diversam ab ea, quam Petrus Bartolus in libro sepulchrorum delineavit, estque illa quæ in Tabula V. sub numero 3. indicatur. Manubrium habet rotundum, & labra hinc inde reflexa, Illam tamen ad carnes libandas, & supra ignem imponendas adhibitam fuisse, non audeo affirmare, sed potius ad prunas coacervandas, vel ad evacuanda Victimarum exta, cum Aruspices Abdomen rimabantur ut auguria captarent.

Hic notandum est cum Isidoro Vasa & instrumenta in Sacris fuisse Fictilia, quod testantur verba Juvenalis Sat. 6. vers. 342. — Quis

*Sympuvium ridere Numæ nigrumque catinum*

*Et Vaticano fragiles de monte patellas*

*Usus erat.*

Quæ verba usum fictilium in Sacris, quibus & pateræ & patellæ serviebant, apertè docent; Pateræ quidem potulentis, patellæ exculentis serviebant, Patella labris muniebatur, quæ à Patera absunt, negari tamen non potest succedentem luxum etiam argentea & aurea invenisse; ita Virgilius

*Pateris libamus & auro*

Adhibebatur etiam Patera manubriata patellæ instar, uti videtur apud Choul in marmore antiquo pag. 242. Vas erat cum profunditate aliqua, sed pro liquoribus spargendis.

Præter instrumenta, quibus vinum adhibebatur in Sacrificiis, alia plurima erant ad varios eorum usus. Illa enumeravit eruditissimus Jacobus Gutherus de veteri Jure Pontificio Urbis Romæ lib. 4. cap. 24. agens de varia Sacrarum supellectile his verbis. *Aliæ supellectilis species erant, Patera, patella, Anclabrium, Armillum, Atanuvium, Calices, Præfericulum, Subfiles, Capital, Melluvium latum, Culticula, quæ omnia à Festo explicantur.* Aquiminale vel Aquimani- le, Lepista, genus vasis aquarii, Guttus, Gutturium, Vas vinarium, quo vinum dabant, ut minutatim funderent, & quo sumebant minutatim, Simpuvium vel Simpulium in Sacris remansit, ut Capidenæ, Hydriæ, Crateres, Canthari, Scyphi, Briçolla, Vas Futile, quod erat lato ore fundo angusto, quo utebantur in Sacris Vestè, quod stare non poterat. Irnula seu Urnula ab Hiernea fictili. Canephoræ dicebantur, quibus sacra reposita in capitibus sustinebant. Men-

sæ, quæ cum Aris consecrabantur. Domus nulla erat paulo locupletior, in qua Sacrorum vasa non essent, quibus ad rem divinam uterentur, quæ omnia antiquo opere, & summo artificio factu; quare cum auream supellectilem Tiberius interdiceret, quæ ad rem divinam parata erat, edicto illam noluit contineri. Hoc narrat Dio lib. 57. Cetera supellex Sacrorum ad Pontifices pertinet quorum fuerunt Acerræ, Dolabra vel securis, Secepsita &c. mallei enim cultrique Popæ fuerunt & Victimarii, ut Clunaculum, quo carnes hostiarum dividebant. Asperforium quo populus lustrabatur, Amula Vas lustrale, quo aqua deportabatur ad lustrationem: Disci, in quibus hostiarum exta recipiebantur. Infulæ hostiarium supellectilis aliam partem constituunt, ut Tensæ, tympana &c. hætenus Guttherius. Horum omnium explicationem afferre haud nostri Instituti est; insuper ea omnia investigare satis difficile est. Lazarus Baysius in erudito, quem scripsit tractatu de Vasculis pag. 131. exhibet Urceoli ministratorii formam ex antiquis marmoribus desumptam, & pag. 132. formam Urcei, quo aqua in Aeneum infundebatur. Aliam formam Urceoli affert Casalius cap. 15. de antiquis Rom. Rit., & similem exhibet Scacchus. Alios & diversos in lapidibus sepulchralibus videre est, quos recensuit Boifardus, dicens fuisse Præfericula. Ab ejus sententia removet nos Festus dum ait Præfericulum vas æneum sine ansa patens summum velut pelvis, quo in sacrificio Opis Consiuæ utebantur, quod penitus contrarium est Iconibus supradictis; Siquidem vasa illa ansa prædita sunt, & eorum summitas non patens, sed satis arcta. Igitur hæc omnia ommittimus, non tamen vas illud quod Guttherius *Vas futile* appellavit. Eiusdem meminit Scacchus pag. 487. cap. 49. & ante illum Guilelmus Choul in libro de Relig. Romana & Giraldus syntag. 17. ubi hæc habet. Aqua in Sacris adhibetur nam & expurgari adeuntes ad Sacra solitos legimus, quod illius aspersione non modo corporeas sordes tolli sed corporis castimoniam præstari opinarentur, ut tradit Tullius lib. 1. de legibus. Hinc naturali quodam instinctu edocti, non nisi puros ad Deum accedere debere, mundosque Numini supplicare, sæpius se aqua mundabant, antequam templa adirent, & Numina precarentur. De Ægyptiis & Græcis id testatur Herodotus in Euterpe, de Romanis Tibullus eleg. 1. lib. 2. his versibus

*Casti placent superis pura cum veste venite*

*Et manibus puris sumite fontis aquam.*

Perfius Sat. 2.

*Hæc sancte ut Pascas Tiberino in gurgite mergis*

*Mane caput bis terq; & noctem flumine purgas.*

Quod si quis cæde aliqua pollutus fuisset,

bis

bis septenis immersionibus se, suasque vestes abluebat aqua, eaque expiatione ab omni macula abstergi arbitrabatur, ut notat Alexander ab Alexand. genial. Dier. lib. 4. cap. 17. Giraldus lib. de Sacrif. syntag. 17. quin etiam antequam aqua se purgasset, sacra tangere nefas ducebat, unde Æneas apud Virg. lib. 2. ita patrem alloquitur

*Tu Genitor cape sacra manu, patriosq; Penates,  
Me bello ex tanto digressum, & cade recenti  
Attrectare nefas, donec me flumine vivo  
Abluero*

Utebantur præterea sæpe aqua lustrali ideo dicta, quod ea Sacerdotes lustrationis, idest purgationis causa aspergerentur, de qua Ovidius 3. de Ponto

*Spargit aqua captos lustrali graja Sacerdos.*

In ea torrem ex alteri, uti rem divinam fecissent, prius extinxisse etiam legimus. juxta illud Virgilii, *spargens rore levi &c.* Hac autem lustrali aqua in quibusdam Sacrificiis ne dum se ipsos, sed ipsa Idola, eorumque Tempa, & Altaria aspergere & expiare consueverant; cujus moris habemus luculentissimum testimonium apud Tertullianum lib. de Bapt. cap. 5. ubi ait. *Sed enim Nationes extraneæ ab omni intellectu spiritualium potestatem eadem efficacia Idolis suis subministrant, sed viduis aquis sibi mentiuntur, nam & sacris quibusdam per lavacrum iniantur Isidis alicujus aut Mithræ: ipsos etiam Deos suos lavationibus efferunt: Cæterum Villas, Domos, Tempa, totasque Urbes aspergine circumlatæ aquæ expiant passim.*

Hos, & plures alios consimiles ritus constantior opinio est à Judæorum lege ad Ethnicos Diaboli quadam invidia fuisse traductos: quam sententiam egregiè firmat Tertullianus de Præscript. cap. 40., ubi multis allatis exemplis hæc deinde subdit: *Cæterum si Numæ Pompilii superstitiones revolvamus, si sacerdotalia officia insignia, & privilegia, si Sacerdotis ministeria, & instrumenta, & vasa ipsorum Sacrificiorum ac piaculorum consideremus, nonne manifestè Diabolus morositatem illam Judaicæ legis imitatus? Moris enim fuit apud Judæos non nisi lotis manibus Divinum adorare numen ut notat Aristæus de septuaginta duobus interpretibus hæc scribens. Rege consalutato ad consueta loca divertunt, atque (ut mos est Judæis omnibus) manibus prius in mari lotis Deo preces effundunt, & paulo post: interrogavi equidem & illud quoque cujus gratia, cum vota facerent, manus prius lavarent; Quærenti talia demonstrarunt illud testimonium esse, ne quid perperam agant sed pie sancteque perficiant, quandoquidem universa opera manibus exercentur, recte singula ad justitiam & veritatem referentes, qua ratio-*

*ne positum olim erat in templo Hierosolymitano labrum Æneum cum aqua ad emundationem. Exod. cap. 30.*

Multa sane ex Gentilium Judæorumque institutis in Christianam Religionem invecata, & sacris additis precibus, in sanctiorem usum fuisse conversa notant partim Ecclesiastici Scriptores & præ cæteris Hallier de sacris election. tit. de Ritibus sacre ordinat. art. 3. pag. 953. In his quoque aquæ benedictæ origo, qua in Ecclesiis privatisque ædibus pio sane ritu ad leviorum peccatorum expiationem aspergimur, fluxisse creditur, vel ab aqua lustrali Ethnicorum, vel ut Baronio ad ann. 57. num. 110. magis placet, ab aqua emundationis, qua Sacerdotes Judæi ante ingressum in Sancta manus pedesque abluebant; plura addit Baronius.

Aqua autem, qua Romani utebantur in Sacrificiis, excipiebatur è fonte Juturnæ, qui juxta numicum amnem labebatur, ut scribit Servius in 12. Eam verò super terram sparsisse piaculum ac triste omen erat, ideo vas lato ore & fundo angusto, quo hauriretur, ne stare posset in sacris adhibebatur, quod Vas Donatus & Servius futile vocant, & de eodem ita Lactantius lib. 8. Theb. *Futile, inquit, Vas est quoddam lato ore fundo angusto, quo utebatur in Sacris Deæ Vestæ, quia aqua ad Sacra in terra non ponbatur, quod si factum est, piaculum erat, unde excogitatum est Vas, quod stare non posset, sed si positum esset statim funderetur; unde & homo commissæ non retinens futilis dicitur, & contra non futilis bonus consiliis.* Hoc etiam Vas quidam eruditi Cadum & scyphum dixerunt, illudque manibus tenere oportebat, quod quidem Flaminicæ Virgines Sacrorum ministræ, aut Vestalium famulæ, & nonnunquam Pueri Flaminum ministri, quos Camillos appellabant coronati tenebant manibus. Ejusdem vasis formam dat Scacchus loco supracitato acceptam ex libro Choul, sed non puto ejusmodi formam semper invariata fuisse! Pro certo solùm dici potest, forma pyramidalis fuisse, ut per se stare nequiret; Sic apud Ægyptios aqua Nili maximi fiebat, ut hydria ad Templum humeris ferretur, ad usum Sacrorum; sic apud Græcos fons Challirhæ tantæ Religionis erat, ut ejus aqua solùm in Sacris adhiberetur. An verò simili futile vase deportaretur, nescimus. Tria nos omnino similia vasa in Museo habemus, quorum unum delineatum vides sub nu. 6. Tab. V. forma pyramidalis absolutum, & hinc inde ansis præditum est, ut Camillus facile illud manibus posset sustentare ne caderet. Duo ex illis reperta sunt inter rudera antiqui Templi Silvano olim dicati prope viam Appiam. Potuisse etiam cineres cadaverum in illis contineri probabile est; nam Urnæ cinerariæ ferè



ferè iis fimiles alibi detectæ sunt . Attamen non improbandum quod dixi, cum in lapidibus antiquis fimilia vafa prope Aras teneant Sacrorum Adminiftri .

Ad eundem cujuscunque liquoris ufum referuntur vafa alia , quæ in Musæo vifuntur tum Aenea tum fictilia , & primò Amphora num.7. delineata , quæ docente Ifidoro ita nominatur à Græcis , eo quòd hinc & inde levetur ; Anfa enim ejus geminata videntur , quæ aures imitantur , numerus verò 8. indicat Urceum , qui minor est forma itidem rotunda . Vas aliud est quod Guttus appellatur . Hunc tam anfatum quam fine anfa fuiſſe oftendunt Gutti , complures marmoribus inſculpti apud Boiffardum . Guttus appellatur à modo fuſionis , adeoque anguſtiore & orificio interdum porrectiore interdum rotundiore . Cauſæus vocabulo generali Vas æneum appellat , arbitraturque fuiſſe præmium victoris in muſicis aut poeticis ludis , eoquòd non Tripodes tantùm & palmas & coronas , ſed & vafa victoribus data fuiſſe ex nummis conſtet . Hanc opinionem muſæ fulciunt , quas vaſculum exhibet exculptas apud Begerum opere elevato . Muſæum noſtrum plures ejuſmodi gutti exornant . Æneus exprimitur ſub nu. 1. Tabulæ VI. Fictiles verò indicantur numeris 2.3.& 4. qui omnes in Sacris potuerunt adhiberi, uti apud Apulejum , ubi in pompa Ifidis etiam mulieres memorantur , quæ unguentis & geniali balfamo guttatim excuſſo conſpergebant plateas , & in balneis , de quibus Juvenalis loquens Sat. 3. verſ. 263. ait . *Pleno componit lintea gutto.*

Ad talem ufum etiam adhibitæ fuerunt ampullæ , atque adeò etiam ampulla guttus vocari poteſt . Ampulla teſte Ifidoro quaſi ampla bulla dicitur , fimilis rotunditate bullis , quæ ex ſpumis aquarum fiunt , atque inſtantur vento , ex quibus patet rotunditate fundi ampullam diſerere à guttis , orificio autem & collo interdum convenire , eadem forma qua pyra abſolvuntur .

S A C E R D O S .

CUM de Sacrorum miniſtris ſermo fuerit , adæamus Tabulam VII. in qua aliqui ex illis repræſentantur ex ære formati , prout in Muſæo ſunt . Et primò ſub numero 1. ſimulacrum eſt , quod Virginem refert , eo habitu indutam , cum quo mos erat Romanis fœminis incedere , ideſt Tunica, quam Vulpianus , & alii apud Roſinum lib. 5. cap. 35. *Stolam* vocarunt , quæ demiffa erat ad imos uſque pedes , Pallio inſuper , quod *Palla* etiam dicebatur , eò quòd foris , & palam geſtaretur .

*Suffibulum* dixit Feſtus lib. 17. ideſt veſtimentum album prætextum , quadrangulum , oblongum , quod in capite Veſtales Virgines ſacrificantes habebant idque fibula comprehendebatur . Sed de his veſtibus fuſe egit Aldus Manutius lib. 1. de quaſitis per epiſtolas epiſt. 2. ſub finem . Aenea hæc facies cum Virgunculam exhibeat , & capillitio orbatam , illa Virginem veſtalem repræſentari non dubito ; Veſtales enim detonderi ſolitas , ut nunc , quas moniales appellamus , ex eo plerique arbitrati ſunt , quod Plinius ſcripſit lib. 16. nat. hiſt. Antiquior , inquit , lotos eſt , quæ capillata dicitur , quoniam Virginum Veſtaliæ ad eam capillus defertur , quem morem ab Aegyptiis ad Romanos deveniſſe affirmant multi , atque hæc ſint ſatis ad Icunculæ explicationem . Si verò de Veſtalibus ſermo inſtituendus eſſet nimis in longum produceretur , ſed ut rudioribus fiat ſatis , aliqua ex Auctorum monumentis delibabimus .

Illas in claſſe Sacerdotum conſtitutas fuiſſe , & ſenario numero definitas , ut Populus pro ſua quiſque parte haberet Adminiſtrum Sacrorum , quia civitas Romana erat diſtributa in partes quas poſtea plures numero fuiſſe legimus . Hæ Deæ Veſtæ dicatæ , quam nominatam fuiſſe Berecynthia à Phrygibus ſcripſit Strabo lib. 10. Rheâ à Trojanis , Matrè Deorum ſeu Opem , & Cybelem ab aliis . Sacrum ignem in templo cuſtodiebant , & quæ in hoc munere leviter deliquiſſet , à Pontifice Maximo verberibus plectebatur . Si parum caſta fuiſſet , & convicta , viva ſepeliebatur . Nam à ſandapila ad portam Collinam , quæ nunc Pinciana vulgo vocatur , ceu mortua efferebatur cum propinquorum ſuorum luctu , ſequentibus cum mæſto ſilentio Pontificibus , & Sacerdotibus . Prope portam locus fuit ſubterraneus , in quem ſolam Virginem demittebant , & deinde occludebatur , ſed ne fame necari videretur , in eo panis , lactis , & olei nonnihil apponebatur , & ardens lucerna , quibus peractis , omnes diſcedebant , & eo die Juſtitium erat in Urbe , & mætor non exiguus ; magnum enim malum Civitati indicari putabant à Veſtaliæ Supplicio .

Sacrum tamen ignem , quem æternum etiam vocabant Romani , eòquòd ſemper arderet , non modò illos ſed aliquot alias Nationes publice cuſtodiffe legimus . Nam Athenis in Prytæneo ignis ſempiternus aſſervabatur , non à Virginibus , ſed referente Plutarcho , à mulieribus jam matrimonio ſolutis . Aegyptii quoque ignem ſervabant , ut teſtatur Diodorus . Perſæ item ſuprema religione ignem cuſtodiebant , ope Magorum teſte Procopio hiſtorico , & Strabone lib. 15. Sed hæc de Veſtalibus dicta ſint ſatis , & aliam

aliam foeminã exponamus Sacrificiis addictam.

Habitu nõ dissimili superiori æneum simulacrũ foeminam referens sub num. 2. contegitur, idest tunica talari & pallio, quod per sinistrum humerum demissum, partes inferiores corporis circumtegit, & brachio sustentatur, dextera manu pateram ostendit, sacrificantis instar eo ritu, quem vetera numismata quamplurima exhibent, præsertim apud Augustinum in Tabula 40. num. 14. Sabinæ Augustæ & in Tab. 42. num. 6. Antonini in quibus conspicitur pietas vota faciens ante aram dextera manu elata, & sinistra pateram habente. Ornamentum capiti impositum gestat; Illis ab artifice non sine consilio factum puto, sed ad indicandam Sacerdotis dignitatem, quæ olim in apice capiti imposito exprimebatur. Cujus autem formæ ille fuerit non adeo clare apud Auctores comprobatum est, ut de ea dubitari non possit. Alii cidarim, alii mytram, pileum alii seu flamen dicunt. *Apud Coos Sacerdos Herculis indutus veste muliebri & capite evincto mitra accedebat ad rem sacram,* inquit Plutarchus apud Paschaliũ lib. 4. cap. 2. Apud Indos illi qui vocabantur Sapientes coronabantur alba mitra, & majores Sacerdotes non solum fuerunt coronati, sed & gestarunt pileos insignia Sacerdotii. Hi pilei Romæ vocabantur Flamina, & Flamines erant Sacerdotes, qui gestabant hoc insigne. His nec esse capite nudo nec sine apice prodire fas fuit. Id Plutarchus idem docet. *Vocabant inquit priscos Flamines à coronariis sive caput redimentibus pileis, quos gestabant circum capita.*

Hi pilei dicebantur apud Persas Thiare. Apicum meminit Latinus Pacatus in Panegyrico. *Quid ergo, inquit, referam pro moenibus suis festum libera nobilitatis occursum? conspicuos veste nivea Senatores? Reverendos municipali purpura Flamines? insignes apicibus Sacerdotes? Habitus certe fuit multæ venerationis, quem demonstrabat caput ejus, qui & ministerio & sanctitate præcelleret. Hujusmodi est nunc Episcopalis Mitra &c.* Hæc Paschalius. Flamines etiam dictos à gestatione pileorum, docet Giraldus Syntag. 17. quasi Pileamines. *De his etiam S. Augustinus 11. de Civit. Dei. Nam etiam (inquit) Flamines instituerunt, quòd Sacerdotum genus adeo in romanis Sacris testante apice excelluit, ut tres solum Flamines haberentur.*

Flamines etiam Fœminæ imitabantur aliquibus Sacrificiis addictæ, præsertim illis, quæ in honorem Cybelis magnæ Deorum matris, quam Deam bonam vocabant, instituta erant. De his Alexander in Dieb. genial. lib. 6. cap. 8. Qui verò bonam Deam dicunt, illam tam illibatæ castitatis fuisse opinati sunt, ut extra Gynecum nunquam egressa, nec virum viderit unquam, nec à viro conspecta fuerit. Hæc quidem Sacra cum mense Majo pro salute populi fierent, quidquid esset masculum Domo expellebatur, ita ut non modò extra conspectum summoventur viri, sed mascula quoque picturæ tegerentur, cui simile Sacrum Cereri celebratum dicunt, in quo quum septem infumerentur dies, tertia à templo viris pulsus, etiamque canibus maribus, mulieres celebrabant. Cum in Sacris bonæ Deæ vino libaretur, illud non suo nomine nuncupabant, sed lac esse dicebant, ejusque amphoram mellariam, ad quod Sacrum non nisi castis accedere licebat. Illa in recessu intimo domi Maximi Pontificis nocte fiebant: & licet nocturna Sacra prisco ritu mulieribus interdicta fuerint, in hoc tamen Sacro mulieres noctu interesse non vetabantur. Sacrificiorum deinde ritus ac templa, in quibus peragebantur à Fœminis, idem Author fuse describit. Illud hic omittendum non est, quod si Vir aliquis audacter ejusmodi templum ingressus esset, oculorum illicò orbitate pœnam lueret, quam Tibullus lib. 1. eleg. 7. — *seu visere dicet*

*Sacra bonæ maribus non adeunda Dea,  
At mihi si credas, illum sequor unus ad Aram;  
Tunc mihi non oculis, sit timuisse meis.*

Insuper docente Vossio de Idololatria lib. 2. cap. 15. *quia autem Diana Virgo, eò & Virguncula non minores quinquennibus, nec majores decennibus, crocotula induta sacra faciebant Dianæ Brauronie vel Munichie.* Item ex Mythologia Natalis lib. 1. cap. 15. *In Sacris Dianæ Læfræ oblati Virgo nobilis, quæ foret omnium pulcherrima & sapientissima judicata, sacerdotio in his perfungebatur, quæ sequebatur pompam postrema omnium bigis juncta, cervis pro equis, currum trahentibus.*

## SACERDOS.

CUM verò de muliere Sacrorum ministra sermo fuerit, bina virorum simulacra sese offerunt sacerdotalem dignitatem indicantia; Induta enim sunt Tunica, quàm Pallium ex humero dependens, & sinistro brachio superimpositum circumtegit. Discalceatos pedes habent ambo, & ambo brachium dextrum nudatum extendunt, quorum alterum manum benedicentis instar elevat, alterum pateram porrigit. Comæ Priscorum more in coronam comptæ utrumque condecorant, ut sub nu. 3. & 4. in Tab. VII. indicantur, his antiquorum Sacerdotes exprimi non dubito, apud quos multos fuisse, variisque nominibus appellatos retulit inter alios eruditissimus Panvinius lib. 2. de Rep. Rom., quorum memoriã

è vetustis Epigrammatibus superstitem in studioforum gratiam collegit. Eos, cum ad nostrum Institutum nihil faciant epigrammata illa, quæ ipse addidit, & nomina eorum varia omisimus, ut tantum Icones propositas brevi explicatione illustremus. In illis igitur Sacerdotes Græcorum exprimi aperte probatur ex eo quod aperto sint capite; Docet enim Varro græcum hunc morem fuisse, Romanorum verò, cum rem divinam facturi erant, capita velare; ita præter Virgilium & Plutarchum Festus. *Saturnii*, inquit, dicebantur, qui castrum in cliuo capitolino incolebant, ubi Ara dicata ei Deo ante bellum Trojanum videtur, quia apud eam supplicant apertis capitibus, nam Italici auctore *Æneæ* velabant capita; quòd is qui rem divinam faceret in littore laurentis agri Veneri matri, ne ab Ulysse cognitus interrumperet Sacrificium, caput adoperuit, atque ita conspectum hostis vitavit, atque inde mos velandi capitis. Id quod Helenus *Æneæ* prædicit lib. 3. *Aeneid*.

*Purpureo velare comas adoperuit amictu.*

Macrobius autem in 3. *Saturnal.* ait, *Ex Balbi sententia apud Aram maximam observant, ne lectisternium fieret, ubi etiam aperto capite omnes sacra fecisse tradit.* Quod fiebat, ne quis Dei habitum imitaretur, nam ibi ipse operto capite erat. Quare Saturno operto capite sacrificabant, ut veritatis cultori, licet sint, qui scribant, ne Sacerdotis animus à Sacris averteretur.

Vestes verò quibus Sacerdotes induebantur sacras fuisse didicimus ex historia Romana, ut de hebræis nihil dicamus. Audiatur itaque Plutarchus. *In sacrificiis* (inquit) & *celebritatibus*, pulchra veste aureisque coronis ornatus Sacerdos rem divinam facit. Qui autem victimam offerebat, pura in veste & candida, plerumque in textili tela; nonnumquam in purpura & auro: triumphales Viri, & qui amplissimos honores adepti fuissent, in triumpho ornati, aut in prætexta, lotis manibus & fronde coronati, sancti & venerabiles, nudis pedibus tonsa coma ad rem divinam accedebant, idque jam à Pythagora traditum, sed à Iudæis Lacedæmonii observarunt, qui nudis pedibus ad orandum & sacrificandum accedebant. Pura etiam & religiosa vestis dicebatur, ut Festus scripsit, qua rem divinam facturi festo utebantur die: Ea quidem erat soluta omni vinculo, maculis, nec aliquo Squallore obrita.

Cum autem nudos pedes habeant hæc simulacra, dubitare quis poterit an morem prisicorum ostendant nudis pedibus incedendi, vel potius peculiarem sacrificantium ritum. Nudis enim pedibus olim incessisse scimus non solum barbaras gentes, verum etiam populos, qui nihil nisi quod honestum & decorum esset, expete-

bant, & inter ipsos clarissimos quoque. Spartanorum juvenes ex lege Lycurgi nudis pedibus incessisse refert Plutarchus in vita Lycurgi. Apud Athenienses non nisi ad vitandum itinerum asperitates calceis utebantur, & non tantum Cretensium pueri venatum ibant, verum etiam Virgines delicatiores, alique, quos fuisse memorat Antonius Binaeus lib. 1. cap. 1. de calceis Hebræorum.

Verum etiam si morem hunc possint exprimere, non tamen dubito quin hic indicetur ritus sacrificandi sine calceis. Fuisse Pythagoræ effectum ex Jamblico didicimus de Vita Pythag. symb. 3. *Nudis pedibus sacra & adora.* Putavit enim Vir ille Deorum observantissimus, id exigere à Religione, ut nudis pedibus fieret res divina. Silius de bello punico lib. 3. Sacerdotes Herculis nudipedes describit eo modo, quo Sacerdotes in antiquis marmoribus observamus, sicuti ad Vestæ templum nisi nudo pede accedere non licebat juxta illud Ovidii Factor. 6.

*Huc pede matronam nudo descendere vidi.*

Et in Aede Dianæ apud Cretenses ex Servio. Quod tamen non semper à Sacerdotibus Gentilium observatum fuit, calceati enim plures in antiquis nummis & marmoribus visuntur: Quare plura monuerunt Viri eruditissimi & nuperime multa congescit Joannes Braunius in eximio opere de vestitu Sacerdotum Hebræorum.

Brachium dexterum nudatum habet utrumque simulacrum juxta exemplaria ferè innumera, quæ in numismatibus & lapidibus antiquis exprimuntur, præsertim in sacrificio fructuum expresse à Guilielmo Choul in tractatu de Relig. & in nummo Longini Triumviri apud eundem, & nummis Galbæ, Neronis, Domitiani, Trajani &c. apud Antonium Augustinum.

Alterum ex iisdem simulacris manum elatam habet, quæ non ab simili modo repræsentatur in Sacerdote exculpto à Choul pag. 193. fortasse ut gestum dicentis exprimat; Solebant enim Sacerdotes, antequam Sacra facerent, Diis vota effundere solemnem precationis carmine, verbis antiquis ex Annalium vetustate erutis, quam precationem plerumque ter repetebant; vel sicuti Aegyptii Sacerdotes immolata victima caput ejus abscindebant, illudque diris & carminibus execrati in flumen deiciebant, cum solemnem precationem.

Alterum verò pateram inclinatam demonstrat, cujus usus in Sacris frequentissimus erat, cum vinum Sacerdos inter cornua victimarum spargebat, ut canit Virgilius lib. 6. *Aeneid* de Didone

*Ipsa tenens pateram pulcherrima Dido  
Candentis vaccæ media inter cornua fudit.*

C

& lib.

& lib. 6.

*Quatuor hic primum nigrantes terga juvencas  
Constituit, frontique invergit vina Sacerdos.*

Vel oleum supra ejusdem Victimæ viscera, altari imposita, ut idem Virgilius lib. 6. Aeneid.

*Ut solida imponit taurorum viscera flammis*

*Pingue superque oleum fundens ardētibus extis.*

In quibus in primis illud observandum esse notat Giraldus in hist. Deor. syntag. 17. Poetam usum esse summo artificio, & verborum proprietate dicentem *Vina invergit* quippe *fundo, vergo, & invergo* verba sunt Sacrificiorum propria, de quibus sic observant periti, ut *fundere* sit supina manu libare, *Vergere* verò seu *invergere* sit conversa in sinistram partem manu ita fundere, ut patera convertatur. Sic Statius lib. 6. Theb. *Spumantesque mero patera verguntur*; id quod aperte indicatur exposito simulacro.

Pateram eo modo etiam conversam habet aliud æneum signum, quod Sacerdotem Aegyptium refert sub num. 1. Tab. VIII. Seminudus enim est & discalceatus, detonsis insuper capillis, ut solebant Ægyptiorum Sacerdotes ad Sacrificia incedere, antequam enim Diis imolarent præcedebat corporis ablutio, quæ erat etiam communis aliis permultis, unde Aeneas Deos contrectaturus ait in 2. Aeneid. *Donec me flumine vivo abluero &c.* At cum non dissimiles imagines è columna Trajani acceptas Guilielmus Choul pag. 239. referat, in quibus Sacrificiorum ministri exprimentur, qui Popæ seu Victimarii appellabantur, aliquem ex iis posse indicari hoc signo, non ambigo, sicuti ab alio simulacro, quod sub numero 2. propono, quodque oculis in cœlum defixis ambas manus extensas tenet. Notum est eruditis, Sacerdotes Veterum antequam Sacra peragerent, versos ad solem solemnem precationis carmine Deos deprecantes Vota effudisse, quam precationem ter repetebant, & quidem Persæ solem orientem respiciebant, Indi meridiem, occidentem autem Hebræi.

Aliam Icunculam æream superioribus addo sub nu. 3. qua Sacerdos representatur manus extensas orantis instar habens: tunica tegitur è collo ad pedes usque producta, quam Zona cingit circa lumbos, pedes habet discalceatos, & brachia omni velamine nudata Caput quodam cydaris genere circumdatur, Ab illo Sacerdotem Isis representari non dubito; simili enim habitu indutam Isis exposuit ex antiqua gemma acceptam eruditus Michael Angelus Causeus nu. 5. 2. addito capiti flore loto, manu sistrum tenentem. Sicuti ejus Sacerdotes simili prorsus veste amicti cernuntur in antiqua ærea tabula incisi, quam explicavit Laurentius Pignorius.

Non omittendum hic est, quod Binaeus notat

in cap. 3. de calceo, à Sacerdotibus Gentilium non semper nudis pedibus Sacra peracta fuisse, Silius Italicus de bello punico lib. 3. Herculis Sacerdotes nudipedes describit, & ex Floro habemus, ob imminens à Gallis periculum, *Virgines simul ex Sacerdotio Vestæ nudo pede fugientia Sacra comitantur.* Ex quibus verbis Isaacus Casaubonus & alii arguunt, Vestales Virgines nudo pede sacrificasse: Attamen in multis nummis antiquis Sacerdotes calceati visuntur. Qui plura desiderat adeat Joannem Braunium in eximio opere de vestitu Sacerdotum Hebræorum.

C A M I L L U S .

**A**liud simulacrum æneum in eadē Tab. exprimitur nu. 4. quod Juvenem refert, quem Camillum antiqui vocabant, eratque Sacrorum minister, qui Flamini in sacrificiis ministrabat, sicut Camilla erat ministra Dianæ. Variæ Camillorum imagines in antiquis marmoribus reperiuntur, & habitu quidem diverso circumtecti; nudus videtur in Columna Trajani; Clamide indutum ostendit in marmore antiquo Choul pag. 244. in alio tunicam usque ad tibias extensa. Imago, quam exhibemus parum differt ab iis, quæ Pocillatorem seu ministrum Tricliniorum referunt apud Laurentium Pignorium in libro, quem de Servis edidit. Par enim erat utriusque munus, nam hic pocula & lances mensis apponebat; ille verò aquam, Thus, cæteraque instrumenta pro sacrificiis ministrabat, de quibus Horatius Sat. 8. lib. 2.

————— *ut omnes*

*Præcincti recte pueri comptique ministrant.*

Hi enim pueri erant ingenui, Vitta redimiti & religiose compti sacrificio Pontificis maximi ministrantes, Urceolum ferentes, ex quo vinum vel liquorem alium in Pateram fundebant. Romulus enim instituit, ut qui sine liberis essent, gratissimos sibi ex omnibus singulos pueros, & puellas ex singulis curiis eligerent, qui ad pubertatem usque ministrarent, puellæ verò quoad essent nubiles: Coronis autem dum Sacrificiis adessent, vel Vittis essent redimiti, & Camilli vocarentur, ut narrat Panvinus de Fastis & in secundo de Republica.

Pateram nostra Icuncula sinistra sustentat, dextera Cornucopiæ fructibus & frugibus refertum, quod etiam habet Camilli simulacrum à Michaelē Angelo Causeo allatum in Musæo Romano sect. 2. num. 37. eoquod Prisci Romani solerent Diis primitias offerre, teste Plinio lib. 18. cap. 20. Numerus 5. indicat simulacrum æneum, quo Pocillator representatur, cujus munus erat apud Antiquos vina & cibos convivis porrigere. De hujusmodi servis nemo melius

lius

lius Philone citata à Pignorio lib. de Servis pag. 141. his verbis ille scripsit . Ministrantibus formosis mancipiis non tam ad præsens ministerium quæsitis , quàm ad exhilarandos aspectu convivis oculos ; Ex his minores pueri pincernas agunt , grandiores aquam afferunt loti & nitidi , fucatique , ac cincinnatuli ; alunt enim capillitium vel omnino intonsi , vel à fronte tantum præfectis in orbem crinibus ; tenuissimas candidasque præcincti tunicas anteriore parte ad genua demissas , posteriore ad poplites utrinque mollibus tæniis adstricti commissuras tunicæ propendentibus ad latera sinibus . Sic ornati adsunt nutus observando , quod quisque postulet .

SATYRUS SACRIFICANS .

**D**uo se offerunt sacrificia in Tabula IX. marmorea anaglyptico opere expressa , sub glebis in agro Romano reperta , in qua non injucunda ethnica Religionis documenta nobis affulgent sub numero 1. Satyrus seu potius Pan exprimitur ante Aram ex acervo lapidum constructam , in ea ignis ardet , supra quem liquorem fundit è cornu , quod manus dextera gerit , sinistra verò flagrum è corio stringit sub num. 2. ara non dissimilis est cum igne , ante quam Vir conspicitur vestibus exutus , summisque pedum digitis inhærens , & sinistra manu canistrum fructibus plenum sustentans ; Quid nam in iis indicare voluerit Artifex , penitus ignotum mihi est ; dicam tamen quod sentio ; & primùm de Satyro , cujus imaginem noster P. Pomey in Pant. mythic. pag. 198. his verbis describit , qualem etiam nostra tabula repræsentat & à Panis imagine haud dissimilem . *Ille semicaper cornutus , caprinis pedibus , hircinina cauda , baculum tenet incurvum idest pedum . Satyrus vocatur quòd lasciva corporis agitatione saltitare delectetur .* Hujusmodi homines inter multos Deos , quos ethnica superstitione sibi finxerat , adnumeratos fuisse docet inter alios Giralduus in hist. Deor. Syntag. 15. eosque Deos terrestres & animales dictos fuisse . Tales fuerunt præter Satyros , Panes , Fauni , Silvani , Nymphæ &c. qui tamen post longum tempus moriebantur ut homines , sed præsciendi , incurfandi , & nocendi credebantur habere potestatem . Cum autem in Corinthiacis doceat Pausanias à Satyris primò Ethnicos doctos fuisse antiquas Idololatriæ cæremonias in Sacrificiis , & in nostro marmore fructus , & poma videantur oblata , illud in memoriam revocandum est , quod Guilielmus Choul de Rom. Relig. pag. 245. & Licetus de Lucernis antiquorum commemorant , scilicet apud aliquos antiquos , præsertim

Aegyptios Sacrificia primùm fuisse inventa sine sanguinis effusione , in quibus non animalia , sed flores & fructus Diis offerre solebant . Quin & Lycurgus teste Giraldo syntag. 17. pag. 429. ex herbis quæ parabiles essent Sacrificia instituisse dicitur , ne quando ex difficultate Sacra omittere , vel differre necesse esset : imò etiam qui angustiores erant patrimonio , & bovem nec victimas alias possent sacrificio inferre , farinacea ex massa hunc conficiebant , & bovis vice imolabant , hinc cum de iis animalibus , quæ inventu difficilia essent , Sacrificium faciendum foret , vel de pane vel de cera effingebantur . Hinc Græci , referente Giraldo , Cyziceni nigram bovem quotannis cum immolare solerent , & obsidione pressi talem invenire non possent , frumentaceum effinxere , ut Sacrum perficerent . Athenienses quoque in honorem Jovis id aliquando effecerunt .

Observatione digna sunt Altaria rudia quidem ex lapideis tabulis ædificata , alterâ alteri superimpositâ non sine religionis arcano . His similia , quæ silvestria vocat Fortunatus Scacchus Myroth. 11. cap. 59. multa ab Israeliticis excitata fuisse idem auctor notat , quoties in locis sylvestribus ob memoriam alicujus beneficii à Deo accepti , eidem Sacrum facere vellent , ab hoc rusticorum Altarium ritu Idololatrias nequaquam abstinuisse ; quamobrem apud Apollon. Argon. libro 1. cum montanæ Junoni Jason sacrificare deberet ex vaticinio Mopsi sic de altare dicitur vers. 1123. *Aramque hinc de cumulo acervarunt lapillorum , circum autem foliis coronantes quernis , jam Sacrum curabant .* Et hujusmodi altaris exemplum inter monumenta vetera Brixiana habemus , relata ab Octavio Roscio , in quo nudus homo flammam excitat ad offerendos fructus , quos in patera impositos manu sustentat modo non absimili , ac in nostra tabula secunda repræsentatur . In ea enim Calathum fructibus plenum habet homo nudus & discalceatus , in quo Sacerdotem Aegyptium exhiberi non sine ratione mihi suadeo . Is enim Diis Sacra facturis prius Nili aqua lavabatur , sicuti & alii Gentium Sacerdotes . Externatum & macie consumptum corpus habet , & summis pedum digitis insistit ; quæ omnia Sacerdotibus Aegyptiorum apte conveniunt ; nam inter plura , quæ de illis refert Porphyrius lib. 4. de Abstinencia , incredibilem abstinentiam narrat . Sic etiam Cælius Rhodiginus lib. 13. lect. antiq. cap. 25. Eorum enim mens contemplationi dedita in stuporem usque degenerabat , carnibus item & vino , imò verò etiam pane raro vesci solebant , bidui atque etiam tridui inediam sustinebant , & cubile eisdem ex foliis palmarum erat , id opinantibus , quod Porphyrius

rius docet, Hominem, ad Deum incorporeum, & intellectualem elevari cupientem, non debere quærere nutrimentum carni, quo Saginatum corpus pinguescens menti impedimento esse potest. Summis pedum digitis insistit eo ritu, quem Romanos servasse narrat Alexander Sarduus de moribus Gentium lib. 3. cap. 15. cum Sacra facturi ab Jano, & Vesta inchoabant preces, cœlum insipientes, *summisque pedum digitis insistentes*, quo fortasse ritu perutile documentum, etiam Ghrisifidelibus insinuabant, idest: in Sacris summo Deo offerendis totum hominem è terrenis curis quodammodo elevari debere, & mentis cogitationes omnes ad cœlestia transferri.

Verùm etsi omnia hæc Sacerdoti Ægyptio aptè convenient, illum tamen referre ministrum Panos non dubito; Pan enim, quem inter Deos silvestres, & rusticos enumerabant antiqui, cultus a Romanis Lupercus dictus fuit, in cuius honorem Templum ad radices Palatini montis erectum est, & Lupercalia festa instituta fuisse refert Justinus lib. 43. in quibus Luperci Panos Sacerdotes nudi per Urbem discurrebant. Festorum autem Lupercalium varia fertur institutio, ut a Plutarcho in Romulo pluribus traditur. At magis apud aliquos illa recepta sunt, quæ de Evandro Arcade Rege proditur, qui ex Arcadia profugus in Latio ædem tenuerit, medosque Juvenes hoc sacrum per ludum, & lasciviam primum agere instituerit. Alii ad Romulum, ac Remum referunt, qui cum Quintiliis, & Fabiis in luctu cum essent abactores pecorum, ut erant nudi, insectati sunt, & recuperata preda, id sacrum instituerunt, quod idem recitat Ovidius in Fastis. Sic etiam de nominis institutione varia traduntur, præsertim aliqui dicunt, quòd ludicrum ipsum, seu Templum, Lupercal diceretur, in specu sub monte Palatino, quod Ovidius innuit, cum ait.

*Et gelida monstrat sub rupe Lupercal.*

De his plurima Giraldus Syntag. 17. Flagra igitur ad festa Lupercalia referuntur, in Luco Junonis præsertim celebrata sub monte Esquilio. Et quæ minus fœcundæ fœminæ haberentur ad Lupercos Sacerdotes confugere solebant, qui loris coriisque occurrentium palmas verberabant, existimantes talia verbera fœcunditatem afferre. De his ita Ovidius lib. 2. Fast.

*Nupta quid expectas, non tu pollentibus herbis*

*Nec prece nec magico carmine mater eris.*

*Excipe fœcundæ patienter verbera dextra*

*Iam socer optati nomen habebis Avi.*

Quod innuit etiam Plutarchus in Romulo. *Mulieres adultæ non declinant verbera, proficere ea ad conceptionem, & partum rata*. Potuerunt etiam his Sacerdotibus seu Diis Sylvestribus

aptari flagella, ad indicandam eorum virtutem, domandi, & expellendi contrarios Dæmones, malosque, & noxios Genios; nam apud Veteres Averruncj Dii dicebantur illi, qui mala imminencia aliò avertabant, & pingebantur manibus gestantes scuticas, seu baculos. Talem exhibet in Gemma ex thesauro Barberino accepta Michael Angelus Causeus in suo Musæo sect. 1. pag. 17. num. 33. idest Isidem Loto insidentem cum flagello.

#### IDOLA DEORUM QUE SIGNA.

Quibus autem Diis sua sacrificia, & Victimæ immolabant Ethnici, eorumque numerum recensere si vellem, tempus, & paginæ deficerent. Marmorea fragmenta ex diffractis Idolis tanta Romæ fuerunt, ut Cassiodorus lib. 7. Variorum in formula ad Præfectum Urbis de Architecto faciendo sub num. 15. loquens de statuis in Italiam introductis, dixerit. *Has primum Thufci in Italiam invexisse referuntur, quas amplexa Posteritas pene parem populum Urbi dedit*; unde Theodosius Imperator impiissimum Idolorum cultum aboliturus anno 395. lege quadam, quæ habetur in codice Theodosiano sub titulo de Pag. lib. 16. decrevit, ut templa Idolorum, si quæ in agris essent, suis ædibus evellerentur. Idem confirmat Zosimus lib. 5. pag. 815. Eruditissimus verò Gottofredus in comment. lib. 8. ejusdem tituli notat. *Theodosii magni mentem hanc fuisse, posse Religioni consuli, sacrificiis videlicet prohibitis, neque interea voluptatibus, atque ornatui publico quidquam detrahendum. Quo circa ornatus publici tuendi argumento Gentiles, & in his Libanius hoc ipso tempore Theodosium dehortatus est à templorum strage*. Verùm ubi rerum experimentis contra evenit, eidem necessarium visum ad eradicandam superstitionem, Templa occludere, vel etiam exscindere, quod quidem etiam non semper Principum auctoritate jussive factum, verùm Ecclesiasticorum, aut Monachorum zelo: sed hæc omnia omittimus, cum nostri Instituti sit, ut aliàs dixi, ea tantum numerare, quæ in Musæo sunt: scilicet aliquot signa Deorum, tum ex marmore, tum ex ære efficta, & antiquæ superstitionis reliquias, & a veritate misere aberrantium deliramenta. Sed antequam illa exponamus, notandum est, neminem adeo rudem, & belluinis moribus prædicum fuisse, qui hanc rerum Universitatem perlustrans, aliquem esse ejus opificem, gubernatoremque non crediderit, & cum unus ille sit, nefas est plures esse Deos putare. Cum tamen ejus immensam virtutem, quæ ubique singula regit, atque exornat, disquirere, & explicare nescierint, in-

varias

varias superstitiones inciderunt, variaque illi nomina tribuentes, plures sibi Deos confinxere, ita ut usque ad triginta millia excogitarent, ut advertit eruditissimus Giraldus in historia Deorum Syntag. 1.

Hinc ut docet D. Augustinus lib. 4. de Civit. Dei cap. 11. *Multos Deos Doctores Paganorum unum eundemque Iovem esse defendunt, ut ipse in Ethere sit Iupiter, ipse in aere Iuno, ipse in mari Neptunus, in inferioribus etiam maris ipse Salacia in terra Pluto, in terra inferiore Proserpina, in focus domesticis Vesta, in fabricarum fornace Vulcanus, in sideribus Sol, Luna, & Stella, in divinationibus Apollo, in Merce Mercurius in Iano initiator, in Termino Terminator, Saturnus in tempore; Mars, & Bellona in Bellis, Liber in vineis, Ceres in frumentis, Diana in Silvis. Minerva in ingeniis. Ipse sit postremo etiam illa turba quasi plebejorum Deorum. ipse praesit nomine Liberi virorum seminibus, & nomine Liberae feminarum: ipse sit Diespiter, qui partum producet ad Diem; ipse sit Dea Mena, quam praefecerunt mensuris feminarum, ipse Lucina, qua a parturientibus invocetur. ipse opem ferat nascentibus excipiens eos sinu terra, & vocatur Opis; ipse in vagitu os aperiat, & vocatur Dea Levana, ipse cunas tueatur, & vocatur Dea Cuana. Non sit alia sed ipse, in Deabus illis, qua fata nascentibus canunt, & vocantur Carmentes; praetiofortuitis, voceturque fortuna; in Diva Rumina mammam, in Diva Potina potionem ministret, in Diva Educa escam praebet: De pavore Infantium Paventia nuncupetur, de spe, qua venit Venillia, de voluptate Volupia, de Actu Agenoria, strenua Dea sit strenuum faciendo; Numeria, qua numerare doceat, Camena, qua canere. Ipse sit, & Deus Consus praebendo consilia &c. Haec omnia qua dixi, & quaecunque non dixi, hi omnes Dii Deaque sit unus Iupiter, sive sint, ut quidam volunt, omnia ista partes ejus, sive virtutes ejus, sicut eis videtur. Haec tenet S. Doctor Augustinus, qui prudenter concludit: Haec si ita sint, quod quale sit non dum interim quaero, quid perderent; si unum Deum colerent prudentiore compendio?*

At cum poetarum parens Homerus serias disciplinas tegumento fabularum involveret, & praclaram animis hominum instillare vellet veritatem, suavi quadam persuasione docens supremum illud numen, quod Deum vocamus, non coelestes tantum sibi sedes vindicare, sed & per hanc rerum Universitatem diffusum esse; suaque praesentia complere omnia, qua aut intellectu percipimus aut oculis metimur, Deos innumeros quibuslibet rebus locisque inseruit, & Etheri Jovem, Junonem Aeri, Mari Neptunum, Terrae Cybelen, atque etiam montibus, Pratis,

Silvis, fluminibus, cunctisque propemodum terrae angulis suos tribuit genios. Et quamvis nosset praestantissimus Vates (Justino Martyre teste) unum esse summum rerum moderatorem, & opificem, deliniti tamen homines homericorum carminum suavitate, quo magis ille non credenda de Diis modulabatur, eò majorem ejus fabulis fidem adhibuere, & Apollini aut Mercurio: caeterisve institutam ab Antiquis venerationem excoluerunt. Antequam ad alia procedamus censeo declarandum, has & similes interpretationes physicas, seu morales fabularum, arbitrarias esse hominum, qui suorum Deorum ineptias quoquomodo corrigere, ac in meliorem sensum torquere conati sunt; & rationes ibi invenire, ubi nulla ratio est; sed mera pictorum ac Poetarum Figmenta erant, idque ex eo factis apparere, quod omnia coactae interpretationes sint, ut eruditè docuit Eusebius de Praeparatione lib. 3. cap. 3.

I U P I T E R.

**H**Is praemissis primo loco sese offert in Tab. X. tripalmare simulacrum ex marmore, in quo Jovem venerabantur Antiqui, ut caeterorum Deorum Principem. Ejus signa pro varia potestate, quam haberi ab eo falso putabant, variis etiam modis efformabant. Aliter enim fulgens, & fulgurator Jupiter, aliter Tonans, & Fulminator, & Stator effingebatur, & plerumque pro arbitrio Principum, Vatum, & Pictorum. Aliquando appellatus est Jupiter Custos, cultus in primis a Romanis. Jovis custodis Apulejus meminit in libro de Mundo, & Seneca lib. 2. quest. de Jove agens, eundem, inquit, quem nos, Jovem intelligunt, Custodem Rectoremque Universi. Sunt qui putant Jovis custodis templum ex Suetonio tranquillo a Domitiano Imperium adepto in Capitolio conditum fuisse. Extant praeterea Numismata quaedam Neronis in quibus Jupiter est expressus in folio sedens, dextera fulmen habens, & hastam laeva cum hac epigraphe: *Jupiter custos. Calceos gerit pedibus, humero pallium, quo inferiores corporis partes conteguntur, atque in sede haec verba incisa leguntur. Jovi sacrum.* Cur hoc modo exprimerent Antiqui, explicat Giraldus Syntag. 2. scribens. *Sedere fingebatur, ut stabilis Virtus & incommutabilis ostenderetur, nuda vero superiora, & aperta habere videbatur, quoniam ipsum conspicuum esse existimabant in intelligentiis, qua dicuntur, & caelestibus mundi partibus, Inferiores autem Iovis partes velatas, & obtectas, quia minus*

minus apparere nec planè videri putabant, ab iis scilicet, qui creati sunt in partibus inferioribus, continebat verò lava sceptrum, quia in sinistra corporis parte, ut volunt phisici, princeps, & spiritale subsistit cor. hæc tamen Giraldu; alii tamen loco sceptri hastam dederunt, quæ pariter imperium denotat, sicuti etiam manus cū indice elato imperantis instar. Dextra fulmen præfert, quod olim in subjectos gigantes a se devictos intorxisse asserunt Poetæ; folium eburneum, & aureum fuisse asserit Pausanias in Eliacorum primo, aureos itidem calceos, & Pallium variis distinctum floribus, & animalium figuris, quod ejus simulacro abstulisse in Sicilia dicitur Dionysius Tyrannus, & tradidisse pro aureo lanceum, illud commodius inquiens, fore quovis tempore, nempe hyeme calidius, æstate verò multo levius. Simulacrum quod numero 1. & 2. ex marmore assabre exculptum producimus non quidem sedentis sed stantis Seminudus pariter est, dextraque fulmen gerit. Duplici nomine hoc habitu expressus dicebatur, idest *Stator*, & *Fulminator* a fulmine vibrando, quod proprium munus illius erat, si Poetæ credimus, nam sic de illo Horatius 3. carminum.

*O qui Res Hominumque Deumque*

*Æternis regis imperiis, & fulmine terres.*

Orpheus de fulminatore Jove hymnum composuit, & ob eandem rationem dictus est Fulminum Princeps, & Fulminans, ita Horatius;

*Nec fulminantis magna Jovis manus.*

Cur autem Stator dictus sit, non ita certum est apud Auctores D. Hieronymus Jovem Statorem stare dixit, non quòd ideo Statorem dictum putet, quia rectus stet, sed quia Jupiter tonans, ut docuit Hermolaus Barbarus, sic fingatur in antiquis signis; Stator verò stans tanquam erectus ad feriendum. Docent alii Statorem illum dici, a verbo *stando*, sive *sistendo*, ideoque templum illi Romulum consecrassè, quòd suorum fugam stitisset adversus Sabinos male pugnantium. Illum sic Livius finxit precantem lib. 1. At tu Pater Deum Hominumque hinc saltem arce hostem, deme terrorem, Romanis, fugamque foedam siste. Hic ego tibi templum Statori Jovi, quod monumentum sit Posteris tua præsentis ope servatam Urbem esse voveo. Confirmat hanc appellationem M. Cicero in Oratione dicta priusquam in exilium iret his verbis: *Tæque Iupiter Stator, quem voce hujus imperii Statorem majores nostri nominaverunt, cujus in templo hostilem impetum Catilinæ repuli a muris, cujus templum a Romulo, victis Sabinis, in palatii radice cum victoria est collocatum, oro atque obsecro, ferre opem pariter Reipublicæ, cunctaque civitati meisque fortunis.* Divus etiam Augu-

stinus in 3. de Civit. Dei, a stando similiter derivavit. Hic enim (inquit) Romulus de suorum virtute desperans Jovem rogavit, ut starent, atque ille hac occasione nomen Statoris invenit. Seneca verò in 4. de Beneficiis, cur Stator appellaretur altiorem causam attulit: ita ille scribit. Non quemadmodum Historici tradiderunt, ex eo quòd post votum susceptum acies Romanorum fugientium stetit, sed quòd stant beneficio ejus omnia, Stator est; At non est hujus loci referre quantas turbas Grammatici faciant circa nomen Statoris. Sufficit meminisse Numismatum Antonini Pii, Gordiani, aliorumque Veterum, quorum est imago nuda Jovis Statoris, dextra hastam tenentis, sinistra fulmen, cum hac inscriptione *Jovi Statori*. Nostrum autem simulacrum stat quidem, sed pallio semitectum, quod sinistra sustinet, dextra fulmen ostentat, & arte præclare exculptum.

Aliud Jovis simulacrum, ex ære fictum addimus sub n. 3. Tab. ejusdem diverso modo a superiori efformatum. Jovem enim, sicuti & ceteros Deos, pro varia potestate illis attributa variis modis effingebant, & plerumque pro arbitrio Principum, Vatum, & Pictorum. Nudas, & apertas illum habere partes corporis superiores dicebant. (ut hic apparet) quoniam conspicuum esse in cœlestibus rebus existimabant, quas intelligentias mundi vocabant, ut alibi indicavimus cum Giraldo, inferiores autem partes velatas, & obtectas, quia minus apparere putabant iis, qui creati sunt in partibus inferioribus. Ætatem hominis perfectam non efflorescentem, nec deficientem demonstrat, ut Phurnutus ait; Jovem effingi solere, unde & illi adulta ut plurimum sacrificabant. Radiatam coronam habet, quam Martianus lib. 15. de Nuptiis in Senatu Deorum illi appinxit, cum veste candida, nisi credere quis velit, tali corona stellam illam indicari salutiferam, quæ inter errantes secunda est, & Jupiter dicitur, ut docet Giraldu Syntag. 2. Pateram dextra manu sustententem sacrificantis instar effinxerunt, ut fortasse sacrificium indicarent, ab Jove in litore factum, cum ex insula Naxo contra Titones profectus est, in cujus oblatione Aquilam ad eum advolasse, auspiciumque fuisse Lactantius Firmianus fabulose tradit. Philippus tamen Paræus relatus a Tomasino de Donariis cap. 1. eruditè observavit; pateras apud Gentiles fuisse Divinitatis Symbolum, ideoque in veteribus nummis Deorum effigies sculptas videri dextera pateram gestantes. Quòd facit illud Plinii lib. 34. cap. 8. Simulacrum boni eventus dextera pateram, sinistra spicam & papaver tenens.

Sinistra fulmen stringit, quia fulminator Jupiter dictus est a Latinis teste Apulejo. Apud



Orpheum coruscans fulmine , dicitur etiam apud Græcos Fulminum Princeps.

Quarto loco se offert lapidea pueri imago , cujus caput leonina exuvies condecorat ; Solem in ea indicari ex pluribus patet ; Adolescentulum enim fingi solitum docent Antiquorum effata , quòd sol ( inquit Isidorus 8. origin. ) *quotidie oriatur , & nova luce nascatur* : sive ad innuendam , ut Phornuto videtur , formositatem Solis ; sicut enim nihil est sole venustius in rerum Univerfitate , ita adolescentium pulchritudo ætates omnes antecellit ; vel quia , ut alii putant apud Alexandrum Juniorem in tabulæ antiquæ explicatione pag. 17. *Vis , & calor Solis , quibus omnium vita alitur , idem semper est , & nunquam senectuti obnoxius juxta illud antiqui poetae .*

*Sol semper Juvenis rapidum qui dividit Axem.* Semper Juvenis ( inquit Fulgentius ) primo Mythol. *quia occidendo , & renascendo semper est junior , sive quòd nunquam in sua virtute deficiat , ut luna , quæ crescit , & minuitur .*

Intonsum quoque fingebant Apollinem aureoque capillitio , ut observat Macrobius , significantes longam radiorum emissionem . Pellis autem leonis qua tegitur caput , vim exprimit solarem , quoniam ( ait Porphyrius ) *vires suas in leone præcipuè ostendit .* Leonem insuper soli dedicarunt , antiqui , & illum solare animal appellare , teste Plutarcho 4. sympos. Docet etiam Ælianus lib. 12. de nat. Animal. Solis domicilium leonem fuisse constitutum , quòd igneum sit animal , & his verbis confirmatur a Macrobio , in primo Saturnal. cap. 21. *Ægyptii ( inquit ) animal in Zodiaco consecraverunt ea cæli parte , quæ maximè annuo cursu sol valido efferret calore ; Leonisque inibi signum domicilium solis appellant , quia id animal videtur ex natura solis substantiam deducere primùmque impetu , & calore præstat Animalia , ut præstat sol sidera , validusque est leo pectore , & priore corporis parte , ac degenerat posterioribus membris , atque Solis vis prima parte diei ad meridiem increfcit , vel prima parte anni a vere in æstatem , mox elanguescens deducitur , vel ad occasum , qui diei ; vel ad hyemem , quæ anni pars videtur esse inferior , idemque oculis patentibus , atque igneis cernitur semper , ut sol patenti igneoque oculo terram conspectu perpetuo cernit ,*

Hæc proprietas Solis in Apolline indicati eleganter significata videtur in alio marmoreo signo , quo juvenis facie decorus , & compta cesarie exprimitur cum oculis , rutilantibus ob pupillas ex rubro lapide additas , non absimili modo , quo statuis romanis oculi aliquando ex alia materiè conficiebantur , veluti argentei æreis statuis , quam artem præcipuè callebat

Marcus Rapilius Serapio , qui etiam Aras marmoreas fabricare solebat , cui inscriptio posita fuit , quæ refertur a Sponio sect. 6. accepta Florentiæ ex Villa Strozzi : his verbis

M. RAPILIUS SERAPIO HIC  
AB ARA MARMOREA  
OCULIS REPOSUIT STATUIS  
QUA AD VIXIT BENE .

idest quoad vixit . Solem quoque cum Leonino capite effingi solitum docuit Laurentius Pignorius , ex Lutatio , antiquitatum solertissimus indagator in expositione mensæ Isiæ .

BACCHUS BIFRONS .

Solem non tantum in simulacro Apollinis significabant Antiqui , sed sub imagine ac nomine Bacchi exprimebant . Hoc documentum præbet marmoreum caput bifrons , expositum in Tab. XI. num. 1. cujus altera pars senem , altera verò Juvenem , seu fœminam ostendit . Ex Saturnalibus Macrobii lib. 1. cap. 16. accepimus , in Sacris antiquis hanc religiosi arcani observationem habitam , ut cum Sol in supero idest in diurno hæmispherio est , vocitetur Apollo , cum autem in infero , idest nocturno , dicatur Dionysius , qui & Liber pater habebatur .

Item Liberi patris simulacra ætate passim juvenili finguntur , præterea specie senili ; quæ ætates ad solem referuntur , ut veluti parvulus videatur brevissimo die hyemalis solstitii ; exinde autem æquinoctio vernali similiter adolescentis adipiscitur vires , figuraque juvenis ornatur , postea ejus ætas statuitur plenissima , effigie barbæ solstitio æstivo , quo tempore summum consequitur incrementum , Bacchus etiam a Romanis vocatus est Liber , quia liber , & vagus , ut ait Nævius , & quidem sol talis est .

Repræsentatur hic prout ab Albrico depingitur facie juvenili , seu potius muliebri , teneroque ac delicato cultu , crinibus more puellarum collectis , & pendentibus , de quo Ovidius Metam. lib. 4.

————— *Tibi cum sine cornibus adstas*  
*Virgineum caput est* —————

& Porphyrius ita loquitur de Baccho apud Eusebium de Præp. Evang. *Muliebriformis est , promiscuam indicans Virtutem generationis plantarum .* Ita Plantis vim inesse tam maris , quam fœminæ testatur idem Porphyrius . Aristides quoque orat. in Bacchum . Utroque sexu præditum affirmat ; propterea ( ait ) *& masculus , & fœmina sit Deus .* Vitium frondibus , & Vuis corona-

ronatus exhibetur juxta Ovidii descriptionem metam. lib. 3.

*Ipse racemiferis frontem circumdatus Uvis.*

Baccho Siquidem saltem vini usum referunt multi. Vincitur etiam ejus caput mithra seu Vitra de qua Propercius lib. 4. eleg. 2.

*Cinge caput mithra, speciem furabor Iacchi.*

#### BACCHUS P U E R .

**P**Ueri simulacrum ex albo marmore, addimus sub num. 2. indicatum, utrem liquore plenum supra humeros deferentis, sub qua etiam imagine Bacchum venerabantur Antiqui. Scribit Macrobius: *Liberi Patris simulacra Pluribus modis expressa fuisse, ut supra indicatum est. Parvulus igitur videtur hyemali solstitio brevissimo omnium die, exinde autem procedentibus augmentis plenissimam veluti atatem attingens effigie barbata exprimitur. Utram gerit plenum duplici de causa. Cum enim Uter pellis sit, qua Vinum & Aqua deferri solent, præcipue apud Ægyptios, optime convenit Baccho, à quo vini usum primò inductum fuisse scribunt. Vitifator idcirco appellatus, quia vitem severit, ita Actius: ò Dionyse pater, optime Vitifator Semele genitus.* Ea etiam de causa Jacchi nomine Bacchum vocari refert Hesychius, quod nomen est Viri ebrii & potatoris.

Cum autem aqua etiam utre deferatur, illa convenit huic simulacro. Tempore enim hyemali, quod puerilis ætas indicat, ut dictum est, copiosius decidunt pluviae. Quamobrem Hyes vocatus est Dionysius, qui idem est ac Bacchus, ut in libro de Iside & Osiride notavit Plutarchus: quod videlicet Dominus sit humidæ Naturæ. *Hyes Dionysi est Epitheton (ait Clidemus) quoniam illi Sacra perficimus per id tempus, quo Deus pluit.* Humida autem Natura indicatur in utre pleno, quem humeris gerit.

#### B A C C H A N S .

**D**Uplex simulacrum Baccho addimus, quorum utrumque foemineum vultum refert sub numeris 3. & 4. Alterum est hædera & vitta redimitum, alterum sparsis capillis veluti vino madidum & furens. Bacchas seu Bacchantes utrumque indicat, quas Liberi patris comites, seu Sorores dixerunt Antiqui. Teste Suida ferebantur illæ quodam astatu divino repletæ, dictæque sunt Bacchæ à verbo *Bacchari*, quod idem est ac furere. Etenim orgia liberi Patris veluti per furorem magnis clamoribus celebrabant, pampineisque & hæderaceis coronis utebantur, & ut verbis utar D. Augustini, *Bacchum apud Indos bellantem sequuta sunt foemina*

*non tam virtute, quam furore?* Quatuor Bacchi sorores recenset Fulgentius lib. 2. Mytol. quarum proprietates erudite descripsit his verbis: *Quatuor sunt ebrietatis genera, idest prima vinolentia, secunda rerum oblivio, tertia Libido, quarta insania; unde & nomina hæc quatuor Bacchæ acceperunt.*

Præter coronam ex hædera, Bacchantes caput & frontem circumdabant Vitta, quia, ut Ariston scripsit apud Athenæum, Veteres ad curandum dolorem capitis ex vini copia, vinculo aliquo tempora ligare solebant. Fuerunt idcirco appellatæ *Moenades*, quod significat insanire & furere, & sic incedere capillis sparsis, & non solum in Bachanalibus, verum etiam in festo Matris Deorum seu Veneris, in quo mulieres coronabatur hædera & pampinis, & Thyrsus gerebant; de quibus coronis vide Plutarchum in quæstionibus Convivalibus. In sacrificiis & festis Bacchi, quæ Orgia dicebantur, indui solebant pellibus ferarum, ob id vocatæ *Nebrides*, & præcipue exuviis caprarum, quæ Baccho erant Sacra ut significat Clemens Alexandrinus apud Leonardum Augustinum nu. 98. Traçt. de Gemmis antiquis his verbis: *Nebriidarum familiam pellicula cohonestavit hinnula, quæ sacrabat eos, qui sese ad mysteria parabant hinnuli pelle contacti.* Quæ Sacra cum in omne scelus degenerare cognoscerent Romani, referente Alexand. ab Alexand. Dier. gen. lib. 6. cap. 19. perpetuo Senatus consulto non in Urbe modò sed per omnem Italiam coercita fuere, maximisque poenis inhibitu, ne Bacchanalia Romæ neve in Italia fierent, cum essent maximorum scelerum causa & seminarium.

#### H E R C U L E S .

**A**liud solis signum pulcherrimum in simulacro marmoreo Herculis extat in Musæo. Nudus repræsentatur, ut in Tabula XII. sub numero 1. vides, & eo vultu quo Græci Latinique illum effingere solebant, idest barbato hirsutoque, unde apud Sidonium in Paneg. Aviti Augusti dicitur. *Tirinthius hirsutus.* Alterum signum addidimus sub num. 2. lapideum, quod stans clavam tenet & leoninam pellem sustinet. In his solis proprietates declarat Macrobius lib. 1. Saturn. cap. 20. *Clava enim indicat inæqualitatem motus solis, pellis verò ejus vires, quas in Leone præcipue ostendit.* Docuit quidem Orpheus in hymnis duodecim labores, qui Herculi tribuuntur, ad solem referri, domicilia circuli percurrentem, & Porphyrius apud Eusebium inquit, *duodecim laboriosa certamina effinxerunt, quasi symbolum assignantes duodecim cælestium signorum; interfecti tamen*

Leo-

*Leonis trophaum solum gestat, ut vim astatis acriorem ex Leone ardentissimo sidere manantem significet; in quo etiam ostentatur animi fortitudo contra quam nulla vis corpora, quae semper spoliium Leonis idest vim virtutis defert. Firmitatem etiam & vires indicari ex quercu, ex qua clava efformata fuit, docet Pierius Valerianus Hyeroglyph. lib. 54. & nodosam fingi clavam propter difficultates, quae Virtutem indagantibus se se frequenter objiciunt.*

M E R C U R I U S.

**D**uplex Mercurii signum ex aere, & aliud marmoreum Musæum exornant, primum & secundum Viri figuram ostendit, pectore seminudo, capite pileato cum duplici ala hinc inde supra aures disposita. Dextra crumenam stringit, Caducæum sinistra. Illa exprimuntur in Tabula XII. sub numeris 3. & 4. Tertium in Tabula XIII. num. 1. repræsentat dimidiatam ejusdem figuram etiam galero exornatam.

Hoc signo Solem etiam indicari pluribus docuerunt Mythologi. Inter cætera, quæ de Mercurio dicuntur, præcipua est fabula de Argo multis oculis prædito, ab eodem Mercurio interfecto, dulcedine cantus prius sopito, quo nocturnum cælum teste Macrobio significatur, cujus stellæ quasi innumeri oculi ab exoriente sole enecari videntur, dum eorum aspectus hominum oculis eripitur, quæ allegoria elegantissimis carminibus decantata est à Pontano lib. 1. de Stellis

*Quin & Mercurium mutato nomine dicunt  
Argum somnifero victum stravisse caducæo  
Insomnem, centumque oculis ac lumina centum  
Pendentem, & nivea servantem pasqua Vacca.  
Argus enim Cælum est vigilantia lumina flammæ  
Ætheriæ & vario labentia sydera mundo  
Quæ partim multo sublustris noctis in umbra  
Collucent, sed mox Phæbo exoriente perempta  
Torpent, luce nova & candenti lampade victa  
Emoriuntur, & obscuro conduntur olympo.*

Apollinem in sole expressum eundem esse cum Mercurio, docent multi. Primò quòd simulacra Mercurii pinnatis alis adornantur, quæ res monstrat Solis velocitatem, & quia mentis potens Mercurius credebatur, & Sol mens quodammodo mundi dicitur, & summa sit mentis velocitas, ideo pennis Mercurius quasi natura Solis est præditus. Hoc argumentum clarius Ægyptii proponunt, cum ejus alas non unico colore exprimunt; Alteram enim cærulea, alteram clara specie effingunt. Ex his clarum colorem superum, & cæruleum inferum vocant, inferi autè nomen Soli datur, cum inferiore hemisphærio idest hyemalibus signis cursum suum peragit;

superum, cum Zodiaci partem ambit æstivam.

In Mercurio Solem etiam coli, patet ex Caducæo, quod Ægyptii specie draconum maris & fœminæ conjunctorum efformarunt Mercurio consecrandum. Hi serpentes parte media voluminis invicem obligantur veluti nodo, primæque partes eorum reflexæ in circulum pressis osculis ambitum circuli jungunt, & postea caudæ revocantur ad capulum Caducæi, quod ornatur alis ex eadem parte nascentibus. quæ omnia ad genituram Hominum Ægyptii referunt; Deos enim homini nascenti quatuor præesse existimabant: Duos priores Solem & Lunam; quòd Sol auctor sit spiritus caloris & luminis, atque humanæ vitæ Genitor & Custos; Luna corporum præsul, quæ fortuitorum casuum varietate jactantur. Amorem osculo significabant, Necessitatem nodo, Draconibus iter utriusque Syderis flexuosum. Pinnas verò adjiciebant caducæo sicuti capiti pedibusque Mercurii, ut velocem Solis excursionem exprimerent. Eadem virga largitionem bonorum indicabant. Siquidem apud Homerum hymno de Mercurio; Apollo spondens Mercurio Caducæum ita loquitur: *Felicitatis & divitiarum dabo pulchram Virgam*: Quæ omnia Solis influxibus conveniunt; sed de Caducæo ejusque significatione videndus est Macrobius cap. 19. lib. 1. Saturnal. ubi argumenta adstruit, quibus Mercurium Solem esse probat.

Illum nuncium Veteres dixere, quòd Sol lucis beneficio patefaciat ea, quæ secreta sunt & incognita. Fur creditus est; nam Sol raptor videtur, etenim terræ humorem radiis eripit, ideo Cleantus apud Macrobius notat vocatum esse Apollinem Lycium, quia instar lupi pecora capiat. Tertia autem imago Mercurii ex Ære in Tabula XIII. num. 1. illum refert ætate Juvenem, capillis concinne dispositis, quos diadema circumdat sub rotundo galero dispositum. Galeri formam Mercurio diversimode aptarunt antiqui Sculptores; nam in Vase marmoreo, quod Cajetæ est elegans, pileus quadratus tegit Mercurii caput. Illud exposuit Sponius in miscellaneis eruditæ antiquitatis sect. 2. art. 1. Refert etiam Albricus Mercurii Galerum dimidia parte album, nigrum altera fuisse, quòd diem ex Solis adventu, noctem ex discessu ejusdem designabat. Insuper fingebatur modò è Cælo ad inferos, modò ab Inferis ad supera evolare, quia Sol exoriendo in Cælum quodammodo elevatur, sub terram verò properat, quando ad occasum descendit.

Juvenis denique & vultu decorus ut Apollo Mercurius pingitur, & sicuti Mercurium venerabantur mercatores, tanquam navigationis præsidem, ita rustici mense Majo illi Sacrum

faciebant, veluti ferenti vitam campis omnibus, quæ quidem omnia Soli convenire, quis neget? quamobrem Phæbo, & Mercurio communis ara fuit in templo Iovis Olympici, ut tradit Pausanias lib. 5. scribens: *Apud Dydimos ( Milesiorum civitas est ) ara communis Apollinis, & Mercurii, ob eam præcipuè causam, quod Lyra inventū Mercurio, Cythara Apollini Græcorum sermo attribuit.*

Cœtera, quæ Mercurio conveniunt, omittimus; non enim institutum nostrum est recensere omnia, quæ Diis ab Ethnicorum superstitione tributa sunt; sed solum simulacra in Musæo aservata describere, quibus pascatur mens, dum oculi eorum inspectione perfruuntur.

#### S E R A P I S.

**E**T quoniam in expositis simulacris sub nube fabularum sol effulgit, quem sicuti Planetarum Principem cognoscebant, ita illum tanquam supremum numinum super cœtera venerabantur Antiqui, aliud signum ex lapide exculptum sub num. 2. in Tabula XIII. sese offert non minus, quàm alia conspicuum. Iovis illud speciem præfert, quem nomine Serapidis, vel Osiridis dixerunt Ægyptii. Plato in Timæo. Solem in Cœlo ducem sub appellatione Iovis intelligit, qui in quocunque signo fuerit omnia sidera superat. Ejus vertex insignitus calatho altitudinem sideris monstrat, & potentiam capacitatis ostendit, quia in eum omnia terrena redeunt, dum immisso calore rapiuntur. Hujusmodi simulacrum Theodosii magni tempore Theophilus Archiepiscopus sustulit Alexandriæ, quod aliqui Iovem esse dicebant, alii Nilum, eo quod modium haberet in capite, idest aquæ mensuram. Item Ægyptii ut assererent Solem esse, quoties hyeroglyphicis litteris suis exprimere voluerunt, insculpsere sceptrum, & in eo speciem oculi, significantes hoc signo Deum hunc Solem esse, regalique potestate sublimem cuncta respicere, idcirco Solem Iovis oculum appellarunt Antiqui. Ex quibus apparet Serapidi, & Soli unam, & individuum inesse naturam. Libet Rufini verba subnectere, quæ de Serapidis origine leguntur in historia. *Alii, inquit, Jovem putant cujus capiti modius suppositus, vel quia cum mensura modoque cuncta indicet moderari, vel vitam mortalibus frugum largitate præberi.* Item Belus Iupiter creditus est ab Assyriis, quod nomen Beli affirmat Servius ratione non carere. *El* quippe apud Assyrios Solem significat, unde aspiratione adjecta græca Helius est vocatus, alii non Assyriorum lingua, sed Phœnicum putant. Hel Solem vocari, unde Helius deducatur, qui postea mutatis litteris Belus dictus fuit.

Insuper non solum sub humana figura Jupiter celebratur, sed sub animalium specie. En tibi Bos æneus sub numero 3. in quem Jovem mutatum effinxerunt; hæc de illo Arnobius protulit. *Modo, inquit, in aurum versus ( Jupiter ut sua perficeret furtiva ) modò in Satyrum ludicrum, in Draconem, in Alitem, in Taurum, sub qua specie Europam Agenore Phœnicum Rege oriundam, in Cretam evexisse.* Ovidius refert in 6. Metam.

— Sceptri gravitate relicta

*Ille pater Rectorque Deum, cui dextra trifurcis  
Ignibus armata est, quæ nutu concutit Orbem,  
Induitur faciem Tauri, mistusque juvencis,*

*Mugit & in teneris formosus obambulat herbis.*

Plinius lib. 8. de Api Bove Aegyptiorum ita ait: *Bos in Ægypto etiam numinis vice colitur. Apin vocant, variosque honores illi delatos recenset.* Diodorus Siculus apud Giraldum Syntag. 6. Honoris Bovi impensi causam nonnulli eam tradunt, quod defuncti Osiridis anima in Bovem transmigrasset, quæ deinceps ad Posterum fuerit transfusa. Cœtera omitto, ne nimius sim, & aliud Iovis symbolum propono.

Aries ille est æneus, sub numero 4. qua figura Iupiter ab Ægyptiis colebatur. Causam non unicam asserunt Auctores. Hyginus in libro fabularum eam esse dixit, quod Baccho ficti in fabulosis Arabiæ campis, cum in Indiam proficisceretur, & Iovis opem imploranti, adfuisset Arietis formam præferens, pede fontem indicantis, ideo Ammon a Græcis dictus fuit, idest *Arenarius*. Martianus etiam, *Ammon ( inquit ) apparuit, cum cornibus arietinis, & vestimento laneo, ac sitientibus undam fontis exhibuit.* Ob eandem causam rogatum fuisse Iovem, ut Arietis signum in Cœlo collocaret, affirmat idem Hyginus, quod cum factum fuisset, ibi Iovi templum a Libero constructum, Iovis Ammonis vocatum.

Herodotus tamen lib. 2. ait, quod Jupiter cum vellet ab Hercule cerni, tandem ab eo exoratus, id commentus est, ut amputato Arietis capite, pelleque ejus indutus, sese ita Herculi ostenderet, atque inde factum est, ut Ægyptii Jovis simulacrum arietina facie confingerent. Ab aliis dicitur, ille usus fuisse in bellis galea, cujus insigne caput fuerit Arietis, sed si plura desideres lege Q. Curtium in 4. & Diodorum Siculum lib. 17. qui de Alexandro Macedone scribentes Ammonis historiam copiosè tradiderunt. Alii verò Arietis simulacra Mercurium significari dicunt, cum sub ejus numinis tutela pecudes augeri, & servari credant: scripsit Artemidorus *Arietem velox esse animal, eique Mercurii speciem inesse.* Tertullianus autem in libro de Pallio, hæc verba recensuit. *Mercurium autumant forte palpati Arietis mollitie delecta.*

*lectatum deglubasse oveculam , dumque pertentat , quòd facilitas materiae suadebat , tractu prosequente filum eliquasse . Quamobrem Numen Lanificii creditum est , atque etiam divitiarum .* Hæc eadem recensuit Leonardus Augustinus de gemmis part. 2. num. 10.

Hic aliud signum æneum expono , in Musæo asservatum , cui nullum aliud simile ( Romæ saltem ) inveniri audeo affirmare , & ideo magni faciendum . Monstruosum animal ab illo exprimi dicerem , nisi consilio ab Antiquis conflatum fuisset , ad arcana ethnicae superstitionis exprimenda . Animal illud ostendit sub numero 5. quatuor pedibus præditum , sed duplici capite , non quidem simul conjuncto , sed in oppositis partibus exerto , alterum Bovis est , Arietis alterum , quibus profecto quidquid supra à nobis indicatum est de utroque animali aptissimè explicatur , scilicet sub utraque animalis specie Iovem effingi : unumque Deum , quem Antiqui venerabantur , licet falsæ Religionis documentis edocti .

Æ S C U L A P I U S .

**Æ** Sculapii signum exponimus sub num. 1. & 2. Tabulæ XIV. cujus imaginem Albricius descripsit his verbis : *Æsculapius Deus medicinae putatur , cujus barba valdè proluxa , indutus habitu medici cujus manus baculum , cum serpente gestat intorto , modium fecunditatis , & abundantia typum habet in capite .* Nostrum tamen aliquantulum differt . Stans enim baculo innititur , cui serpens circumvolvitur , sed barba non admodum proluxa , pallio circumtegitur media sui corporis parte , superiori detecta . Aliud in Musæo simile lapideum est , præclara arte exculptum tribus fere palmis altum , volumen sinistra gerit . In eo medicinam , seu medicinæ Præfidem Antiqui venerabantur . Baculum ejus manibus attribuitur , quasi ( ut ait Eusebius ) *Ægrotantium sustentaculum* ; serpentem verò involutum Animæ , & corporis salutare signum ; Theodoretus enim serm. 7. ait , quòd morborum malignitatem Ægrotantes deserant ope medici , ut suam veterem pellem serpentes .

Macrobius verò lib. 1. cap. 20. Saturnal. *Simulacris Æsculapii , & salutis Draco subjungitur , quòd hi ad solis naturam , lunæque referuntur , & Æsculapius est Vis salutis de substantia Solis subveniens animis corporibusque mortalium , salus autem lunaris naturæ effectus est , quo animantium corpora juvantur salutifero firmata temperamento , ideò simulacris eorum junguntur figura draconum , quæ præstant , ut humana corpora velut infirmitatis pelle deposita , ad pristinum revirescant vigorem , ut Dracones per annos singulos pelle senectutis exuta .* Esse autem Draconem

inter præcipua solis Symbola ostenditur ; nam referunt serpentem acie oculorum acutissima , & pervigili naturam hujus planetæ imitari , atque adeò oraculorum , & thesaurorum custodiam Draconibus assignatam .

Æsculapium etiam eundem esse ac Apollinem probant Mythologi , quòd ei & jus divinationis adjungatur . Apollodorus enim scripsit illum divinatoribus præesse , nec miram : siquidem medicinæ , & divinationis consociatæ sunt disciplinæ ; medicus enim commoda , & incommoda in corporibus futura prænoscit , docente Hipocrate . *Oportet medicum dicere de Ægrotò quæ sint , quæ fuerint , quæ mox ventura sequentur* : quæ omnia divinationi conveniunt . Ideò illum salutiferum Ovidius dixit lib. 2. Metamorph.

*Cum Deus in somnis Opifer consistere visus .*

Pluribus in locis cultus fuit Æsculapius , præcipuè Romæ in insula Tiberina , quæ , & ab aliquibus Lycaonia dicta est , quæ biremis formam habere videtur , & formam accepisse dicitur ejus navis , qua Æsculapius Romam est adductus . nunc quoque in hortis D. Bartholomæi navis marmorea cernitur , in cujus latere imago serpentis reptantis efficta est .

Sextus Pompejus ait : *Æsculapio ades facta fuit in insula , quòd ægroti à medicis aqua maxime sustentantur .* Eiusdem esse tutelæ draconem , quòd vigilantissimum sit animal , quæ res ad tuendam valetudinem ægrotos maxime juvat . Bacillum habet nodosum , quod difficultatem significat Artis .

F O R T U N A .

**S** Equitur duplex simulacrum ex ære num. 3. & 4. Tab. XIV. mulierem repræsentans , qua Deam Gentes credidere , & Fortunam à *fortuitis casibus* appellarunt , inquit Isidorus lib. 8. orig. cap. ultimo , quasi Deam quamdam res humanas variis casibus , & fortuitis illudentem ; unde , & cœcam etiam dixerunt , eò quòd passim in quolibet incurrens , *sine ullo examine meritorum , & ad bonos , & malos veniat .* Quamobrem bona invocabatur ut propitia esset , altera ut *mala* imminencia averteret . Idcirco sæpè in nummis eam cum clavo navis depingebant , sicuti in hoc æneo signo videmus , illique globum alligabant , ut Mundi regimen penes illam esse dicerent . Fingitur sinistra cornucopiæ sustentare , quo ( docente Lactantio lib. 3. ) *opes ab illa tribui erudimur* ; seu potius ( ut Antonius Augustinus ait num. 123. ) omne bonum foelicitatemque esse in manu Fortunæ .

Mirum proinde est , quanta veneratione ab Antiquis Fortuna coleretur . Ubique enim Ter-

rarum Tempa & Aras habuit. Primum, qui sub hoc Symbolo expressit Fortunam, fuisse sculptorem nomine *Bupalum*, qui templa construite, & Animalia optimè effingere noverat, refert GiralduSyntag. 17. addens, ejus capiti modium, abundantia symbolum, superimponi, & gubernaculo Delphinum, & serpentem. hic enim Prudentiam designat, quæ ad stabilitatem Fortunæ requiritur: illud verò innuit Fortunam navigationi præesse, & utrumque elementum ejus nutu gubernari. Pluribus etiam ornamentis Fortunæ vicissitudines significatas invenimus in vetustis numismatibus, & signis marmoreis ex Ethnicorum deliramentis, qui summi ac veri Dei providentiam omnia gubernantem ignorantes, hanc Deam modò comptam, & ornatam, aliquando incomptam fordidamque effinxerunt.

Sed nimius essem si vellem nunc omnia complecti. S. Augustinum satis sit audire, ita in septimo de Civit. Dei scribentem. *Fortunam certe Deam* (inquit) *Antiqui dixerunt, non rationabili dispositione, sed ut temerè acciderit, sua cuique dona conferre.* Seneca tamen in Epist. inquit: *Nilil neque boni, neque mali dare potest Fortuna. Valentior enim Fortuna est Animus, qui in utramque partem res suas ducit, beataque ac misera Vita sibi causa est,* atque ideò fanius quàm ceteri de ea Juvenalis opinatus cecinit:

*Nullum numen abest, si sit Prudentia: sed te  
Nos facimus Fortuna Deam, cæloque locamus.*

#### DIANA VENATRIX.

**E**andem Deam sub nomine Dianæ venerantur Antiqui, quod nomen, si Macrobio stamus, dictum est ab *Jana* addita littera *D*. *Jana* enim Luna est. Alii verò a Jove derivatum docent, quasi *Joviana*, idest filia Iovis, seu *Deviana*, quoniam venantes per *Devia*, & *Sylvas* deviare soleant captantes feras. Ejus imagines vario modo effingebant; nam alii ut Venantium Deam, alii ut quietam, & pacificam, alii ut virginem stantem, alii cervina pelle velatam, altera manu lapidem, altera dracones duos stringentem, cum cane adjacente generis venatici, alii denique Nympham habitu succinctam, arcu, pharetra, & jaculis ornatam, qualem in nostro marmoreo signo expressam vides, sub num. 1. Tab. XV. & Ovidius describit lib. 3. Amorum, eleg. 2.

*Talia pinguntur succinctæ crura Dianæ*

*Cum sequitur fortes, fortior ipsa feras.*

Hac de causa sæpè Venatrix, & Jaculatrix, & Armigera dicitur à Poetis; & venationum Præses fuit habita, id quod Phurnutus in lib. de Deorum natura ostendit. *Cervicidam* etiam

aliqui eam nominarunt. quòd cervos venari crederetur, ideò Dianæ canes sacri fuerunt, & in Insula *Icaria* Templum celebre obtinuit. In illa enim capreis, & leporibus divite, qui feras venari cuperet, impetrata a Sacerdotibus venia, quotquot vellet, capiebat; si verò veniam non impetrasset, vacuus a venatione redibat, & ut audax multabatur, juxta relationem GiralduSyntag. 12. de Diis Gentium.

Et quia a Jove potestatem in omnia elementa illi concessam fuisse credebant, in *Bæotia* sub nomine *Hecates* cultam asserit Hesiodus; nam *Ecaton* centum significat apud Græcos, quo numero aliquando infinitum designant. Quamobrem non solum Venatoribus in silvis, & campis præesse credebatur, sed Piscatoribus in fluviis, & mari favere. Triformis ob id a Poetis dicta. Ita Claudianus.

*Tergeminâq; Hecaten tria Virginis ora Dianæ*  
& Ovidius:

*Ora vides Hecates in tres vergentia partes.*  
idest Terram, Cælum, & Mare. Hæc omnia Lunæ conveniunt, quæ eadem ac Diana existimatur. Luna enim non solum triplicem naturam, & formam induit, cum primò falcata, deinde media orbis parte micans, demum plena conspicitur, suosque influxus in aere, terra, & mare diffundit, sed clarius patebit ex his quæ sub jicio.

Partheniam cognominatam fuisse Dianam quidam docent, apud GiralduSyntag. 12. 2. Fluvio Parthenio, qui mediam perlabitur Urbem Amatriatam, ubi Diana Virgo colitur. Insuper apud Cretenses *Dietyнна* dicebatur, hoc est a Piscatorum retibus, quæ græcè *Dietya* dicuntur, eo quòd teste Diodoro Siculo illa retia ad venandum, & piscandum excogitarit, seu, ut vult Lactantius Grammaticus Comment. 9. Theb. quòd ejus corpus fuerit a Retibus Piscatorum extractum, & cum Insula Creta peste laboraret, illam evadere non possent, nisi Templum Dianæ instituissent, eamque *Dietynnam* vocassent a Retibus, & ob id a Piscatoribus græcis ut favorable Numen haberi affirmat Artemidorus lib. v. ubi de Diis agit.

Omnia hæc indicantur (nisi fallor) marmoreo simulacro nostri Musæi, quod valdè rarum inter antiqua monumenta judico, & a græco artifice exculptum. Virgo sedens in illo exprimitur, ut sub num. 2. Tab. ejusdem facie decorata, tunica oblonga induta, sinistra manu calathum sustinens piscibus repletum.

#### F L O R A.

**V**irtus verò qua Dianam in Terris dominari sibi suadebant Antiqui, in altero marmoreo

reo bipalmari signo nobis indicatur, quod hic expono sub num. 3. Tabulæ XV. Fœminam illud refert longa tunica circumamictam, quam Zona sub pectore stringit, ejusque lacinias manus altera sustinet, altera verò cornucopiæ floribus frugibusque refertum. Illud anno elapso effosum fuit inter ruinas celeberrimæ Villæ, quam Adrianam dicunt, ad radices Collis, ubi antiquum Tibur exurgit; peritissimo quidem scalpro elaboratum, sed temporis injuriâ aliquantulum deforme. Deam illud refert, quam Floram a floribus Latini, & a viriditate Græci Chlorin dixerunt, & Zephyro nuptam, quæ dotis loco, donum accepit a marito, ut haberet omnium florum potestatem. De illa Ovid. 5. Fast.

*Est mihi fecundus dotalibus hortus in agris :  
Aura fovet, liquida fonte rigatur aqua.  
Hunc meus implevit generoso flore maritus,  
Atque ait, arbitrium Tu Dea floris habe,  
Sape ego digestos volui numerare colores,  
Nec potui; numero copia major erat.*

Eam, cum Floribus præsidere sibi suaderent, placandam sacro cultu studuerunt, ut Plantæ, & arbores bene florescerent. Ejus natalis diem celebrabant Romani ludis, quos Florales appellare seu Floralia; quæ res cum probrosa, & flagitiosa fuerit, non decet eam hic pluribus exponere.

P A L L A S.

**A**liud simulacrum altitudine ferè æquale additum est Musæo inter Rudera Romæ defossum ex albo marmore exculptum, exprimens Fœminam stantem veste ad talos demissa, ut sub num. 4. Tab. XV. vides. Zona circa lumbos ligata, capite galeam cristis exornatam gerit, pectus squamosa lorica tegitur, supra quam caput anguibus horribile. Lanceam dextra vibrat, & læva scutum attollit.

Tali simulacro Deam belli præsidem significari, nullus dubitabit. Illam Palladem dixerunt Græci à vibranda hasta in bello, vel a Pallante quodam Gigante, quem occidit; ut refert Servius, vel quòd in Pallante palude nata sit, ut docuit Festus. Caput illud horrificum, quod gerit in pectore, Medusæ est, quæ una fuit inter Gorgones, de qua ita Virgilius 8. Æneid.

*Ægidaque horrificam turbata Palladis arma  
Certatim squammis serpentum auroque polibat,  
Connexosque angues ipsamque in pectore Diva  
Gorgona deserto vertentem lumina collo.*

Hanc Palladem nomine etiam Minervæ appellatam fuisse notum est omnibus: Ajunt illam a Jove natam hoc pacto. Iupiter Iunonem suam videns sterilem esse, sibi frontem a Vulcano

aperiri permisit, viditque, puellam armatam è capite profilientem. Ita Ovidius asseruit, sed fabulosè.

*De capitis fertur situ matre paterni  
Vertice cum clypeo profiluisse suo.*

Minervam autem inde dictam fuisse ait Cicero, quòd minuit; siquidem cum sit belli Dea, minuit mortalium numerum, vel a *minando* quasi vim minetur, & incutiat metum. Plura recensuit de illa Arnobius, & Gyraldus Syntag. 11.

C U P I D O.

**P**uerum dormientem in pario lapide expressum damus sub numero 5. Tab. XV. quem Cupidinem seu Amorem vocarunt Latini. M. Cicero in tertio de nat. Deor. tres nomine cupidines enumerat, quorum primus (inquit) Mercurio, & Diana natus dicitur, secundus Mercurio, & Venere, tertius Marte, & Venere genitus. Imò penè infinitos numero habitos fuisse docet Statius Epithal. Stellæ sic:

*Fulcra torosq; Deq; tenerũ premit agmen amorũ.  
& Claudianus de Nuptiis.*

*Mille pharetrati ludunt in margine fratres  
Ore pares, ævo similes, gens mollis amorum.*

Multos ideo esse ait Philostratus, quia multa sint ea, quorum amore mortales ducuntur; nihilominus reliquos omnes finxerunt filios esse Nympharum, & duos tantum Veneris. Primum ex Mercurio natum appellarunt *Cupidinem*, Deum Amoris. Secundus dictus est *Anteros*, quem putabant numen esse Amori contrarium, licet aliqui dicant mutui amoris Deum fuisse: unde ab Ovidio in Fastis Venus appellatur geminorum Amorum Mater, & Seneca in Hipp.

*Divæ non mihi generata Ponto.*

*Quam vocat matrem geminus cupido.*

His breviter adnotatis, quæ ad propositum simulacrum pertinent, indicamus. In eo puer expressus est nudus, & somno oppressus. Alas habet, & pharetra sagittis plena ex ejus humero dependet. Ad ejus explicationem Alexander Aphrodiseus in lib. Problemat. ingeniosè viam aperit. Pblematis ejus hoc est initium, *Cur amantium extrema partes modò frigida sint modo calida*: & cum in spem, & desperationem causam retulisset, subdit: Ob hanc ipsam causam Pictores Amorem, nunc tristem pingunt, & quiescentem, nunc volantem, & ridentem; puerum verò quia cupido vehemens quidem est, non tamen diuturna, & perpetua. Item paulò post: faciem verò habere fingunt, atque esse pennatum, quia amantium animi suspensi tolluntur, suntque mutabiles ceu volucres. Tenet autem sagittas in Pharetra, quoniam amantes oculis emittunt radios oculorum, ex quibus ori-

oritur Amor. Nudum autem, quia absque medio desiderium est; neque enim ob aliud quippe amat quicquam, neque quod ignorat. Servius verò in lib. 1. Æneid. hæc scripsit. Puer pingitur, quoniam imperfectus est in Amantibus sermo, sicut in puero: alatus autem ideo, quia nihil amantibus levius, nihil mutabilius invenitur, sagittas verò idcirco gestare dicitur, quia & ipse, ut illæ incertæ velocisque sint, Cupidinem faciem etiam gestare Poetæ tradunt, ac Pictores effingunt, quoniam sicut ignis splendidus est suavissimus; quia verò adustivus, molestissimus.

Sed hæc figmenta sunt Poetarum, atque Ethnicorum deliramenta, qui sibi suadebant Amorem esse Deum omnibus dominantem. Amor tamen est optimus cordis affectus, si feratur in Deum, pessimus autem cum terrena complectitur. Hanc doctrinam nobis suggerit aliud Amoris simulacrum è marmore, sub numero 1. Tabulæ XVI. puerum alatum referens qui manu lilia gerit; Audiatur Plato, qui duos Amores in symposio celebrat, cœlestem unum, vulgarem alterum, inquires sub Persona Pausaniæ. *Neminem profecto latet absque amorem Venerem esse; quoniam verò dua sunt Veneres, geminum quoque amorem necesse est, Geminam autem Deam hanc esse quis neget: Nonne una quadam antiquior est, & sine Matre Venus cœlo nata, quam cœlestem Venerem nuncupamus. Altera verò junior a Iove, & Diana progenita, quam vulgarem communemque vocamus. Necessarium itaque Amorem Veneris illius comitem cœlestem vocari, hujus verò vulgarem.* Sed etiam in Phœdro Socrates duos amores celebrat ajens. *Altera quidem est innata in nobis voluptatum cupiditas, altera verò acquisita opinio optimi effectatrix. Hæc autem in nobis quandoque consentiunt, quandoque in seditione, & discordia sunt, & modò hæc modò altera pervincit, quando igitur opinio ad id quod optimum est, ratione ducit ac superat, hæc ipsa vivendi potestas Temperantia nominatur, quando verò cupiditas absque ratione ad voluptates trahit, nobisque imperat, imperium hoc libido vocatur. Duo igitur amores ponuntur, alter voluptuosus, Rationalis alter, hoc est optimi desiderium, cujus puritatem indicat Lilium, quod manu ostentat. Potest hic inquiri cur hæc simulacra Amorem referentia, Puerum expriment non cœcum seu oculis tenia velatis, cum vulgaris opinio sit, Amorem cœcum esse, ut fere innumeræ probant Authorum enarrationes. Hoc ipsum Fortunius Licetus inquiri in explicatione gemmæ, quæ insculptum Amorem repræsentat pag. 28. sibi que respondet erudita dissertazione, quam omittimus, ut brevitati consulamus.*

## I A N U S.

**P**Ræter duodecim Deos, quos præcipuos esse credebant Ethnici, alios octo venerabantur, quos *selectos* nominabant. Eos recenset Rosinus lib. 1. cap. 3. antiquit. Roman. Inter eos Janus primum locum obtinuit quasi *Eanus* dictus, ab *Eundo*; vel quòd *Ianus* præsideret. Et ob multa, quæ in bonum humani generis ab eo patrata fuisse credebantur, Aras multas obtinuit, sicuti, & cognomina. Cæteris omissis Iani bifrontis nomen tantum explico, quod caput hic expressum sub num. 2. Tabulæ XVI. in albo marmore indicat. Tale duplicis frontis simulacrum Iano effecisse Romulum, & T. Tatium ait Servius, cum in fœdera convenirent, quasi ad duorum populorum imaginem; dictusque est propterea *geminus*, quòd & præterita respicere crederetur ita Ovidius

*Iane biceps, anni tacitè labentis imago,*

*Solus de Superis, qui tua terga vides.*

Ideò in vetustis etiam Nummis biceps expressus cernitur, præsertim in nummo Antonini apud Augustinum Tab. 41. num. 9. Providentiam indicans, quæ tum præsentibus tum futuris rebus prospiciat. Plutarchus autem plures causas adducit, cur biceps effingeretur: ait enim cum Ianus ex genere Græcus in Italiam venisset, linguam & vivendi rationem immutasset, vel quòd Italos cum agrestes, & barbari essent, ad mansuetiorem vitam, & rempublicam administrandam induxisset. D. tamen Augustinus ex Varrone putat Iantum esse Mundum gemina facie, hac ortum spectante, illa Occasum. Cajus Baius apud Macrobius lib. 1. Saturn. cap. 9. dicit Iantum bifrontem fingi quasi superum, atque Inferum Iantorem. Cætera quæ Iano conveniunt, caput biforme propositum non indicat. Qui ea desiderat consulat Macrobius, & Giraldi Syntagmata.

## T E R M I N U S.

**S**Imulacra duo quæ sequuntur sub numeris 3. & 4. capita sunt ex pluribus selecta, quæ olim quadratis lapidibus imposita, eminebant circa campos, seu publicas vias, & vocabantur Terminæ, & Lapides terminales. Illi teste Varrone a T. Tatio consecrati sunt, & juxta alios a Numa Pompilio: sic enim Dionys. lib. 2. *Ut Romani contenti propriis aliena non concupiscerent, Numa lege cavuit de terminandis prædiis. cum enim unumquemque jussisset agrum suum circumscribere, ac in finibus statuere lapides, hos sacros esse Iovi terminali voluit, jussitque ut quotannis stato dio res divina in eo loco in Paganorum cœtu fieret,*



*fiere, Sacrato cum primis nobili feſto in honorem Deorum, qui terminis tutelares præſident.* Hætenus Dionyſius citatus à Roſino antiqu. Rom. lib. 2. cap. 20. Ubi Dempſterus in notis multa addit erudite.

Hos Deos diverſimode expreſſerunt antiqui. Plures enim Deos ſuperſtitio eorum ſtatuit ad Terminorum cuſtodiam, aut Viarum indicium. Primùm quidem Ruſticorum manu afficti fuerunt, qui falce pro ſcalpro uſi ſunt, tantùm coarceſcere incœperunt, adaptantes in faſtigio rotundum lapidem ad capitis ſimilitudinem, poſtea uſu invaleſcente, cum Sacri cenſerentur, Mercurio hujusmodi acervi erigi quoque cœperunt cum ejus ſimilitudine. Mercurium enim Vialem in inſula Paro cultum fuiſſe refert Giraldus Syntag. 9. Ejus ſimulacra quadrato lapide conſtruebantur ſolo capite inſignita, & aliquando virilibus membris juxta relationem Macrobiani in Saturn. lib. 1. cap. 19. qua figura ſignificabant Solem, omnemque vim ejus in ſola mente conſiſtere, cujus ſedes in capite eſt. Quatuor verò latera eadem ratione fiebant, qua & Tetrachordum Mercurio credebatur attributum. Quippe hic numerus totidem mundi plagas ſignificabat, vel quatuor vices temporum, quibus annus includitur, vel quòd duobus æquinoctiis, duobuſque ſolſtitiis Zodiacus diſtinguitur.

Sed & Hercules non minus quàm Mercurius vialis erat Deus, ac terminalis cenſebatur. Pluribus id patet argumentis, & abunde teſtantur verſiculi ex Æpigrammate Leonidæ lib. 1. Florileg.

*Qui hanc properatis viam, ſive ad agros  
Ex oppido, ſive ab agris tenditis ad Urbem  
Nos Terminorum Cuſtodes duo Dii, quorum hic  
quidem Mercurius*

*Ut vides me, Hic autem Hercules.*

Etiam Apollinem terminalem Deum dictum eſſe innuit nummus Auguſti, cujus eſtypon exhibet Alexander Junior pag. 4. explicationis antiquæ tabulæ, ſumptum ex Commentariis Levini Torrentii ad Svetonium.

Item apud eos, qui vetera monumenta colligunt, non pauca referuntur terminales ſtatue, hoc eſt quadratæ cum Bacchi capite, ſive etiam Priapi, nec non Panos, Sileni, Satyrorum, qui ejuſdem comites dicuntur. Quamplurimos expreſſit Boiſſartus. Hinc Silvanus tutor finium ab Horatio dicitur, & Bacchi ſimulacra ante fores Aedium ſtatui ſolita teſtatur Suidas; iter enim reæ auſpicari credebant ſalutato Deo itineris Præſide.

Jovem demum Latini Terminalem dixerunt, alii Terminorum Præſidem, alii conterminum, quem religioſe colebant ad terminos ipſos con-

ſervandos; adeo ut in octavo legum Plato in Agriculturæ lege Jovem præſidem terminorum eſſe ſtatuerit, & Dionyſius Halicarnaffeus lib. 2. ubi de termino agit, ait *Numam Iovi terminali terminos ſacraſſe*. Hunc Jovem propoſito ſimulacro ſub num. 5. & Silenum ſub num. 4. Tabulæ XVI. reſentari non ſine ratione putamus.

ISIS MULTIMAMMIA.

Quam hic exhibemus Iconem in Tabula XVII. illa eſt quæ multis nominibus fuit inſignita, & dicta Minerva, Venus, Juno, Proſerpina, Ceres, Diana, Rhea, Bellona, Luna, Hecate, Isis demum ab Ægyptiis, ſeu magna Deorum Mater: cujus ſimulacrum vario hyeroglyphicorum apparatu adornare, ut paſſim cernitur in Muſæis, in voluminibus Scriptorum, in numiſmatis antiquis. Illud ſemper manus & bracchia extenſa habet, non alia de cauſa, inquit Octavius de Rubeis agens de monumentis Brixianis pag. 99. niſi quia omnia, quæ ſub cœlo ſunt, fovet & amplectitur. Tale eſt quod ſequitur in noſtro Muſæo, & indicatum numero 1. Ejus deſcriptionem hic expono, quam noſter P. Athanaſius Kircherus recensuit in tomo primo Oedipi pag. 190.

Fœmina eſt ( inquit ille ) turrato capite veluti triplicis coronæ diademate faſtigiato, capillitio, veloque undatim diſuſo ſpectabilis: Cujus pectus binis ſimulacris corymbo incluſis, quorum utrumque una in manu palmæ ramum altera lauream tenent coronam: Supra quorum capita Cancri & Capricorni figuræ eminent. Porro ſimulacrum manibus extenſis veluti ad benefaciendum profunduntur: bracchia quadruplici leonum accubitu gravantur: venter pectusque multiplici uberum protuberatione turgēt. Femora tibiæque conico vaſe triplici animalium ſerie induuntur, prima ſeries hinc inde duo Idola Ægyptia, deinde tria cervina capita binis floribus & apibus ſtipata continet: ſecunda turbinatorum fœmoralium ſeries binos Dracones, quibus intermediant tria bovina capita, exhibet: tertiam ſeriem bina leonina capita, quibus tria pariter vitulina capita intermediant, ſubjunctis binis hinc inde apibus, conſtituunt denique totum ſimulacrum extremorum pedum lineo veſtitu tectorum nuditatem pandit.

Poſt ſymbola ſic exhibita, eorundem ſenſum his verbis ſubdit idem Scriptor. In Iſidis itaque ſimulacro turratus vertex trina turrium contiguatione inſignitus indicat tres politices ſpecies, tum politicam vivendi rationem, quam Isis primùm mundo introduxiſſe, tum præſidium quo

quo Urbes munire credebatur, juxta illud Lucretii:

*Muralesque caput summum cinxere coronæ,  
Eximiis munita locis quod sustinet Urbes,  
Quo nunc insignis per magnas prædita terras  
Horrificè fertur divina Matris imago.*

In editis enim & excelsis locis Urbes ponere antiquis mos erat, non tam diluvii metu, qui diu mortalium mentibus infedit, quàm ut difficilior hostibus accessus foret.

Atque hoc verum esse symbola pectori inculpta simulacri aperte indicant. Quid enim binæ imagines palmis laurea que insignitæ cum signis Cancris & Capricorni denotant? nisi, uti nos in Astrologia hieroglyphica exposuimus, Herculem, & Apollinem, qui sunt metæ signorum custodes, idest Tropicorum Cancris, & Capricorni, quorum virtute victrice, & solaris caloris aestu totius vegetabilis naturæ per corymbum floribus, & fructibus in circulum dispositum aptè denotatæ, incrementum significatur, cui robur addunt quaterni Leones Mophtæi, quo operatrix magnæ matris potentia veluti roboratur, & suffulcitur: unde ab Antiquis a quatuor leonibus in quadriga vehi fingitur. Atque hinc rerum omnium abundantia, & alimentorum ubertas, quæ aptè sane per mammaram protuberantium congeriem exponuntur; omnia enim ut supra ostendimus magna mater Isis fovet, nutrit, animat, & profusa quadam liberalitate, quæ per manuum extensionem notatur, inferioribus mundi membris communicat necessaria ad vivendum auxilia, uti alibi ex Macrobio ostendimus.

Sequitur Fœmorale in modum turbinis deorsum gracilescens tribus veluti Zonis distinctum, quo tergeminus inferior mundus indicatur; per duas prominentes Ægyptiacas statuas indicatur genialis tutela in omne vegetabilis naturæ penuarium; atque hoc pacto Diana vocatur, cui ideo cervus ab Antiquis dicatus est, & tria cervina capita luculentur docent; unde, & triiceps, & tergemina dicitur, & dominium suum exerit in sylvas, prata, hortos influendo. Nam Homero teste, Diana per juga montium vagabunda gaudet telis, & capreis ac fugacibus cervis delectatur. Sunt qui vetustam philosophiam secuti in cervis saggitas, in sagittis hieroglyphice radios solares indicare velint, quorum scilicet percussu cornua ipsa pro loci, ubi luna est, conditione, & appareant, & obducantur. Nam & Lucretius tela hæc ita interpretatur: *Non radii Solis neque lucida tela diei*. Porro apes regni tutelæ symbolum sunt qua Diana omnia fovet, & protegit vegetabilia, non secus, ac apes lustrando libandoque; Sequuntur deinde tria capita bovina, Dianam siquidem magnam Deo-

rum matrem Taurionem appellatam reperio; tauris enim opitulanti putant. Nos verò dicimus secundum Ægyptiorum mentem Isidem hanc sive Dianam Ægyptiam sic vocatam, quòd in bovem transformata, sub eo varia humanum genus beneficia docuerit, uti agriculturam, melificium, quod & apes adjunctæ fatis superque docent, de quibus plura vide lib. 2. Obelisc. Pamph. in hierogrammatisco de Bove. Appingitur hisce tribus bovinis capitibus utrinque Draco symbolum vigilantia in res suæ fidei commissas. nam Isis dum gramina, & plantas vitali accubitu fovet, Draconis officium præstare videtur. Non nescio quosdam alios Draconem hortorum custodem pro radicibus arborum accepisse, quòd tortuosæ sint uti Dracones, & in terram adactæ, perinde ac anguim genus in terræ visceribus plurimum delitescant: ita verò Draconis speciem hanc plantis operam præstare; radicibus enim cæsis aut exsiccatas plantas etiam auferi necesse est. Nonnulli a visu, quem acutissimum habent Dracones Plinio teste, Isis autem prudentiam inde interpretantur; est enim Isis Plutarcho teste, nihil aliud nisi prudens naturæ progressus; utque omnia perspiciat, & ante omnes intelligat. Sequuntur denique alia tria bovina capita, quæ videlicet orationis per boves juxta tripartitum anni spatium factæ summa, in re fumentaria commoda declarant. Bos enim labore suo in terra exercendo continuo nos pascit.

Deflexit hic mos ab Ægyptiis, & Græcis ad Romanos, qui bovilla capita exempta pelle purgataque carne, pro labore, & tolerantia monumentis suis inculpere solebant, a Boum laboribus similitudine desumpta: quia verò in laborum tolerantia fortitudo necessaria est, hinc tria capita bovina leoninum utrinque caput stipat. Verùm ut totum hierogrammatismum paucis complectar, indicabant Ægyptii Hieromantæ, per simulacrum Isis, sive Dianæ Ægyptiæ magnæ matris Deorum supremum numen, sive Isidem Archetypam, prout in quadruplicem mundum influit, & capite quidem turrato Mundum Archetypum, per genios pectori impressos Mundum Genialem, per mammaram multitudinem Mundum fidereum, cujus stellæ sunt veluti ubera quædam, quæ fovendi influxum omnibus inferioribus largiuntur; per femorale conicum trizonium, elementarem mundum, tribus veluti zonis inanimatorum, vegetabilium, & sensitivorum distinctum; quibus omnibus vitam, nutrimentum, necessariaque ad se conservandum facultates ac subsidia confert, cum enim idem sit, ac prudens Naturæ progressus, uti Plutarcho placet, quo omnia mundi loca perambulat, id aptè per pedum detectorum nuditatem significatur.

Atque

Atque hæc sunt quæ de simulacro proposito exposuit eruditissimus Kircherus quibus nihil addo nisi Ifiaci monumenti inscriptionem, quam Diodorus retulit lib. 1.

Ego Isis sum, Aegypti Regina à Mercurio erudita, quæ sum uxor Osiridis. Ego sum mater Ori Regis, quæ ego legibus statui, nullus solvere poterit. Ego sum prima frugum inventrix. Ego sum in astro Canis refulgens. Mihi Bubastis Urbs condita est; Gaude gaude Aegypto, quæ me nutriti; Sed ut, plura paucis comprehendam, sciendum cum eodem Auctore, quòd quemadmodum in Osiride tota Deorum Genealogia repræsentatur, sic & in Ifide Dearum. Isis itaque in legibus ferendis Minerva est, à fœcunditate quam præstat Venus, ab aere cui dominatur Juno; à Dominio in subterranea Proserpina; Ceres ab inventione frugum; à præsidio Sylvarum, & vi, quam in omnes feras obtinet, Diana; denique eò quòd in omnes se formas transmutat, & quòd Deorum omnium titulos gerat, non immeritò Deorum omnium matris nomen est consecuta.

CANOPUS.

**I**Mago, quam subjicimus in Tabula XVII. sub num. 2. Genium humidi elementi repræsentat, cujus simulacrum sic describit Ruffinus. *Pedibus exiguis, attracto collo, ventre tumido in modum hydriæ cum dorso aequaliter tereti.* Ille celebrabatur ab Aegyptiis, & habebatur Deorum potentissimus, quòd ignem Chaldeorum aqua nilotica in vase contenta extinxisset; Jucundum hoc miraculum, ex quo originem traxit hic Deus Canopus appellatus, Ruffinus narrat lib. 2. Eccl. hist. cap. 26. his verbis. *Ferunt quòd Chaldaei per varias Orbis Regiones, ignem suum circumferebant, & cum omnium Nationum Diis contendebant, ut qui Deus vicisset ab omnibus crederetur, quare cum Dii, qui ex ære auro argento, ligno vel alia quavis materie constabant, igne omnino absumerentur, Chaldeorum Deus locis omnibus præstabat. Hæc cum Canopi Sacerdos audisset, quiddam contra ignem callidum excogitavit. Solebant in Aegypto fictilia vasa quædam fieri, quæ hydriæ vulgo appellantur, minimis quibusdam foraminibus pertusa, quibus turbida aqua limpidissima effluebat. Horum ille unum cæra foraminibus obturatis cœpit variis coloribus undique depictum, aqua repletum, ac ut Deum statuit, & excidens veteris simulacri caput, quod Menelai Gubernatoris ferebatur, imponens diligenter simulacro aptavit. Adjunt post hæc Chaldaei, itur ad conflictum, circa hydriam ignis accenditur, cæra dissolvitur, qua foramina erant obturata, diffuente aqua ignis extinctus est. Arte*

*igitur Sacerdotis Canopus Deus victor Dei Chaldeorum evasit, & ex eo Deus cultus est.*

Ab eo tanquam rerum omnium principio quæcumque Terra gignit emanare juxta Thaletis sententiam existimabant Aegyptii; unde hæc narrat Cælius Rodiginus lib. 27. lect. Antiq. cap. 5. his verbis. *Cum Aquarum infinita prope modum utilitates sint gratissimæque, qui sacerdotium gerunt moribus Aegyptiorum ostendunt res omnes è liquoris potestate consistere. Itaque cum hydria ad Templum religione defertur, tunc in terram procumbentes, manibus ad Cælum sublatis divinæ gratias agunt bonitati.*

In utraque hydriæ facie, quam proposita imago exhibet, quamplurimi Aegyptiorum characteres Arcana Aegyptiorum indicant; de quibus erudite differuit P. Athanasius Kircherius, præsertim ubi agit de Canopo cujus diversas Icones proponit, ut in Tomo primo Aedipi Syntag. 3. & Tomo 3. Syntag. 14. cap. primo.

BACCHUS.

**A**liud Bacchi simulacrum expositis Deorum signis additum Tab. XVIII. ostendit. Relatus ille fuit in Deorum Senatuum ob beneficia, quæ dicebant collata fuisse in Genus humanum, ut refert Diodorus lib. 5. Hist. & præcipue quòd vini usum invenerit, & ferendi vites artem edocuerit. Puerum imberbem exprimit, nudum, comptulum, atque Hilarem juxta illud Ovidii 4. Metam.

— *Tibi inconsumpta juventa*

*Tu puer æternus, tu formosissimus alto  
Conspiceres Cælo,*

Quia vel ipsi repuerascunt à vino senes, & rationis usum iis vinum eripit, qui computationis indulgent liberalius. Hilarem autem, quòd vinum cor hominis lætificet, & quo sumpto, canit Ovidius

*Tunc dolor, & cura, rugaque frontis abest.*

Nudus etiam est, quia ebrius mentem exuit, & nihil tegere, aut dissimulare potest, quippe in *Vino Veritas* juxta Erasmus in Adag. Hæc omnia indicant etiam corona ex racemis Uvæ & foliis hederæ, quibus ejus caput exornatur, Uvæ botrus, quem sinistra manu ostendit, & Patera quam dextera sustinet. Hedera enim illi Sacra fuit, quia semper virens & veluti juvenis ut Bacchus est, atque nativo frigore ebrietatis estum temperat. Demum pelle caprina semicinctus apparet, quæ ex humeris dependet; Hircus enim ejus Sacrificiis immolabatur cum animal sit Vitibus infestum.

## I D O L A Æ G I P T I A .

**S**equitur Tabula XIX. in qua imagines aliquot exponimus simulacrorum, quæ in Musæo sunt, quæque omnes infantis speciem referunt, à pectore ad imos usque pedes involuti, manibus vel in crucem aptatis, vel linteo tectis, & capite obvelato, prout figuræ ipse demonstrant.

De hujusmodi simulacris cum varii varia sentiant, probabiliorem esse eorum opinionem putat P. Pomey in sua Libitina pag. 146. & Jacobus Gutherus de Jure Manium lib. 3. cap. 9. qui credunt, eas fuisse imagines Aegyptiorum Numinum Osiridis & Isis, quæ Plutarchus in libro, quem de illis scripsit ait esse Plutonium & Proserpinam Deos Inferorum; & quia credebant propitia mortuis in Inferos migraturis, eorum effigies cadaveribus includebant. Illæ enim ut plurimum inveniuntur insertæ in cadaveribus hominum, easque crebro ad nos devehit Alexandria à mercatoribus, qui illic negotiantur, affirmat Boissardus, & quidem ex ære, marmore, ligno, gypso conflatas.

Kircherus verò Privatarum domorum Lares & Penates hujusmodi infantium simulacra fuisse affirmat in tom. 1. Oedypi syntag. de Pantheo Hebræorum, quibus malignæ potestates dispelli credebantur, eisque Horum & Harpocratem significari, scilicet Osiridis & Isis filium, quem veluti intercessorem apud eos frequentibus votis interpellabant. Varias ejus Icones exhibet Kircherus tom. 3. Oedypi syntag. 18. cap. 2. qui characteres in iis insculptos explicat, in theatro hieroglyphico tomi ejusdem, & in fine libri de Mumiis docet eorum hieroglyphicorum inscriptiones ex obeliscis ut plurimum veluti prototypis extractas, non historias, non Regum vitas continere, sed altioris doctrinæ dictamina, de quibus idem fuse agit. Jam ad singulorum explicationem procedamus.

## I S I S .

**P**rimum locum tenet simulacrum ligneum longitudinis fere tripalmaris ex Aegypto allatum: faciem mulieris ostendit deauratam, velo capiti imposito spectabilem, instar infantis fasciis involuti, totum ejus corpus in conum coarctatur, & quidem reticulato, & versicolori amictu: ejus pectus septem circulari-

bus limbis ornatur. Totum amictum in anteriori parte à pectore usque ad pedes linea distinguit deaurata cui adhærent hinc inde duæ columnulæ hieroglyphicis symbolis, nigris notis expressis, confertæ, quæ docet Kircherus in Sphynge Mystagoga à summo ad infimum procedere juxta diffusionem Virtutis in Summa, Media, & Infima ordinatam. Similes autem characteres omnibus fere simulacris Aegyptiis appositos videmus, de quibus consule Kircherum eodem in loco pag. 47. hinc singula exponamus.

Figura foeminae Isis refert, quæ cum quinque aliis præcipuis Amuletis Aegyptiis numerabatur, idest Harpocrate Horo, Apide, Osiride & Canopo, à quibus, cum varia bona sese accepturos inepte sperarent, ab Isis, quæ ad Terram & Nilum pertinebant, felices influxus & ubertatem emanare credebant. Eorum simulacra involucris mumiarum etiam assuebant, putantes illa remedia potentia esse ad conservanda corpora contra omnes Typhonis potestatis violentiam. Quamobrem dicebantur Dii Averruncii, eò quòd omnes malorum impendentium occursum avertere crederentur, & ipsorum statuæ variis averruncationis symbolis conspicuæ spectantur. Sunt quæ uncinis & harpagonibus manibus decussatis portant, aliæ flagellis ex animalium caudis instructæ, nonnullæ retia ab humeris dependentia gestant. Ut plurimum velo eorum capita tecta sunt, quod velum dicitur Isiacum, eò quòd fabulam Isis commemorat Plutarcho teste, nimirum Isis ob Osiridis mariti mortem hujusmodi velo luctus causa usam fuisse; unde id in Sacrorum symbolorum simulacris utriusque sexus conspicitur. Juxta mysticum verò sensum leges statuiebantur, ne quisquam loca Sacra visitaturus, vel operam sacram isdem daturus, sine hujusmodi Sacro velaminis operimento ingrederetur; dedecere enim supremi Nominis majestatem nudo vertice ante eam, teste Porphyrio, comparere.

Sub eo velo septem circulares monstrantur ductus, quibus denotantur septem Planetarum Zonæ cœlestes, ultra quas post mortem, si bene animæ operatæ fuissent, intra Hæroum & Numinum consortium transueherentur, semper duraturæ.

Quid verò reticulatus ille habitus, quo involuta spectantur hæc numina, sibi velit? respondet Kircherus in Sphynge Mystagoga pag. 22. *Hoc occulto quodam & mystico sensu Mystas innuisse, Divinam supremi Numinis naturam abditam esse, & inaccessam, nec ullis corporum substantiæ membrorum formis effusam; sed solis idealium rationum notionibus, quæ per puncta reticularibus ductibus inserta spectantur;*

Ejus-

Ejufmodi fasciæ quibus involuebantur etiam Mumia innumeris hzeroglificis signatæ faepe inventæ sunt, ficuti Limbus intermedius illa continet, quæ hymnos seu adjurationes sunt, quibus ad corporum tutelam dicta Numina compellere se posse credebant.

H O R U S.

**S**UB numero 2. indicatur aliud ex cedrino ligno Idolum, unius pedis longitudinem habens, in quo inscriptiones sunt à P. Kirchero explicatæ in Aedipo tom. 3. pag. 419. Ad eundem illud attulit P. Marcus de Luca Ord. S. Francisci de Observantia in Aegypto Missionarius, quod ajebat intra Mumiam repertum esse. Horum illud repræsentat, unum ex jam dictis Amuletis, quem & Appollinem passim ab Aegyptiis vocatum refert Kircherus in tom. 1. Aedipi pag. 214. quod pluribus ostendit Plutarchus in Iside & Osiri unde & eo nomine Sol etiam ab iisdem vocatus teste Macrobio, à quo horæ dictæ diei partus & anni tempora. Hunc Diodorus ait Isidis filium fuisse, per Titanum infidias interfectum, inter aquas repertum à matre, ad vitam revocatum, ac tandem immortalitatem consecutum esse; sed allegorice consideratum, nil aliud esse, quàm omne id, quod ex Sole & Luna generatur in mundo, idcirco sub forma pueri stantis, vel lactentis, vel fasciis involuti efformabantur ejus effigies, quas tanta in veneratione habebant, ut nulla domus, nullum templum iis vacuum reperiretur. Illum veluti intercessorem apud Osiridem & Isidem frequentibus votis & Sacrificiis interpellabant.

Sunt aliæ icunculæ semipalmæ ex cocta argilla, & ex lapide subnigro, quæ pariter in Mumiis insertæ inveniuntur, & aliud non significant, quàm Lares, vel aliquod ex supradictis Deorum Amuletis, & fere semper hyeroglificorum inscriptiones continent. Duæ ex omnibus selectæ sunt, & quidem sub numero 3. & 4. repræsentatur ejusdem Hori imago, quorum altera manibus decussatis baculum tenet superius incurvum, & flagellum, quibus s̄mbolis significabant Aegyptii absolutum Numinum in inferiora influentium dominium, quo dum adversæ potestates dispellebantur, rerum temperies & harmonia oriebatur. Hinc passim hunc baculum, uti & normam manibus Hori, & aliorum Numinum insertum videmus, ut ostenderent Horum, simetriæ, & Harmoniæ totius Universi authorem.


Appendicem etiam solent habere ejusdem Icones sub mento, qua nil aliud ostenditur

nisi folium arboris, quæ *Persea* dicitur apud Aegyptios, folio perpetuo semper virens, Hermeti Isi & Osiri Sacra, ut in Obelisco Pamphilio explicuit Kircherus fol. 364. Quo folio ob similitudinem lingua indicatur foras ostensa à gutture, propagata ex imo cordis, cujus *Perseæ* fructus s̄mbolum est, in Oraculorum consultatione, ad responsa quærentibus danda prompta, & fere semper hujusmodi geniis appicta videtur; Cum enim numen supremum lingua non utatur materiali, eandem in simulacris, quæ à Diis per magicos attractus animati videbantur exertam finxere. Quapropter talia Idola variis s̄mbolis ornabant, his adolebant, ab his responsa petebant, & frequentes hujusmodi superstitiones exercebant, quas S. Epiphanius recitat, & contra quas recte passim SS. Patres summo rigore invehuntur, & Tertullianus in Apolog. cap. 22. ita inclamat. *Demones lædunt primo deinde remedia præcipiunt, ad miraculum nova sive contraria, quæ post desinunt lædere, & curasse creduntur.*

A M U L E T A.

**P**Ræter Numinum simulacra, & Deos, quos Urbium Domorumquæ Lares & Penates vocabant, erant cuique privata quædam Numina in Amuletis ex omni materie expressa, quæ contra noxiam vim Typhoniam, collo, pectore manibus gestabantur; erant etiam & Animalium contra luem à contrariis potestatibus iis immissam, de quibus fuse Kircherus de Mumiis pag. 42.

Inter Aegyptia nil erant communius Harpocrate, Horo, Apide, Iside, & Canopo, de quibus supra dicta sint fatis. Remanent tamen aliqua, quæ in Musæo sunt. Adeamus Tabulam XX. sub primo numero est.



## C A N I S.

**A** Muletum ille erat ad sagacitatem inscientiis, & vigilem rerum custodiam obtinendam: sculptus ita est ut totus jaceat, porrectus in longum, in quo corporis situ affirmat Leonardus Augustinus in suis gemmis num. 184. Aegyptios sculperere solitos hoc animal positum ad custodiam sepulcrorum, & per hanc quoque custodiam Diis Laribus attributum, & passim a Sacerdotibus in Anubidis honorem gestatum; & quamvis omne fere genus Bestiarum Aegyptii consecrarint, præcipua tamen eorum numina erant Osiris Rex, ejusque Uxor Isis, & Anubis eorum filius, ideo canino capite depictus, quia vel Regem fide custodiebat, vel venator erat, vel ejus quasi canis indagantis opera Isis usa est in investigandis mariti membris a Typhone fratre discerptis. de quo vide Vossium de Idololat. lib. 1. cap. 22.

## P I S C I S.

**A**D malorum propulsationem Crocodili, & Piscis efficacissima amuleta portabantur; nam in Magia dicit Kircherus, sicuti numinibus beneficiis, ut variis beneficiis prodesse, varii honores exhibebantur, ita malignis Dæmonibus, ne nocerent, summo fervore Sacra fiebant. Tale Amuletum indicat Piscis expositus sub numero 2. qui è lucidissima Crystallo constat.

## M U S.

**A**Trebitas populos Aegyptiorum murem etiam ut Numen veneratos fuisse ait Herodotus. Triplicem ejus imaginem servat Musæum, binas, ex ære, ex lapide aliam, illas fuisse Amuleta portatilia, apertè demonstrat Anfulæ, quibus singula instructa videntur. ut apparet sub numero 3. Atque ut de mure aliquid innuamus, illum dicatum fuisse Apollini frequenter legimus: Crinis enim Sacerdos Apollinis fuit, qui cum Sacra Dei neglexisset, a terrestribus muribus fructibus agrorum fuit privatus, cujus detrimento commotus Apollo, bubulco cuidam Hordæ nuncupato imperavit, ut Crinin Sacerdotem mo-

neret, illum debere consueta Sacra peragere: quod Sacerdos cum fecisset, Apollo Mures sagittis confecit. Hinc Apollo *Sminthas* cognominatus est. *Smintheos* enim Cretenses mures appellant. Aelianus de Animalibus tradit mures adorari ab his qui Troadem incolunt, Heraclides Ponticus Auctor est mures in Creta circa Templum abundare, & sacros existimari.

Alia quæ sequuntur in Tabula delineata, Aenea sunt, & catenulis appensa, ut è collo puerorum præcipuè, libere penderent.

## JUPITER AMMON.

**N**Um. 4. indicat Numisma rotundum cum effigie Jovis Ammonis, prolixa barba, & cornibus arietinis prædita, cujus expressionis diversas causas referunt Auctores. Osiris, qui idem est ac Jupiter divinitatè affectans, in varias sese Animalium formas, potissimum in Bovis, & Arietis, sese transformabat. Ita loquitur Kircherus in tomo primo Oedypi pag. 202. & Sexrus Pompejus ait: *Hammom cognominatus, quia in Arena putatur inventus*; Sic enim Græci ab *Ammos* dicunt arenam: Ei cornua affiguntur arietis à genere pecoris, inter quod inventus est. Alias fabulas ad hanc expressionem spectantes enarrant alii apud eundem Kircherum pag. 204. & seqq. Aliqui putant radios Solis talibus cornibus indicari. Jovis enim, & Apollinis nomine Solem intellexerunt Antiqui.

## E Q U U S.

**S**Ub num. 5. est Lamella quadrata, & auro illita, in qua delineatus est equus non quidem Pegaseus Apollini sacer: caret enim alis; Quare signum puto Voti suscepti, vel ante, vel post bellum; scimus enim Antiquos non solum pro reditu ex bello Vota fuisse, sed etiam antequam irent. Ita Cæsar cum exercitu Romam petens equos consecravit. De quo Suetonius in ejus vita cap. 8. sic: *Proximis diebus Equorum greges, quos in trajiciendo Rubicone flumini consecravit.*

Aliud equi signum addimus prout numer. 6. indicat non in lamella delineatum, sed liquato ære in modulo efformatum. Illum puto signum esse Religionis, qua Antiqui Solem venerabantur, nam Equum à Persis Phœbo immolatum fuisse refert Ovidius Fast. lib. primo dicens:

*Placat equo Perfis radiis Hyperiona cinctum,  
Ne detur celeri Victimata tarda Deo .*

Marti etiam sacrum feciffe Romanos tanquam belli fymbolum dixit Virgilius

*Bello armantur equi , bellum hæc armenta minantur ,* eo quòd ( ait Feflus ) per ejus effigiem Trojani capti fint , vel quòd eo genere animalis Mars delectari credebatur .

A C C I P I T E R .

**A** Viculam etiam venerabantur Ethnici , quam Mufæum fervat ex ære formatam , ut fub num. 7. roftro adunco , quo Accipitrem fignificari non dubito , quamvis rudi minerva in cœteris membris expreffum . Hanc avem ab Aegyptiis præcipue cultam fuiſſe docet Diodorus lib. 2. cap. 4. Illam enim , utpotè vividæ naturæ Animal , & acie oculorum præclara , Ofiridem eſſe putabant , feu Solem : quare dixit Plutarchus *in vestibulo Templi Minervæ accipitris ſculptura Deum prænotari* . His adde quod refert his verbis . Alii Accipitrem priſcis temporibus dicunt librum puniceis inſcriptum litteris , in quo continebatur qui cultus Diis , quive honor deberetur , Thebas ad Sacerdotes detuliſſe . Hiſce de cauſis ejus effigies paſſim in annulis , in figillis , & amuletis , tanquam morborum , & malorum remedium expreſſa deferebatur .

S I M I A .

**V** Erùm quid dicam de ſtultitia eorundem Aegyptiorum quibus , ut verbis utar Alexandri de dieb. Genial. lib. 2. cap. 2. licet templa marmore , & auro eſſent elaborata luxu ingenti , & mira arte ; tamen Deorum imago erat ridicula . nam Simia , Ibis , vel Crocodilus aut aliud id genus peſtes Magorum , aut Aegyptiorum pro Diis colebantur ? *Mibi quidem ( loquar cum Luciano de Sacrif. ) poſtulare videntur , vel Heraclitum aliquem , vel Democritum , quorum hic amentiam eorum rideat ; ille deploret inſcientiam* . Hujus ſignum habet Mufæum in binis æneis ſimulacris , quorum unum indicat numerus 8. Unde autem error iſte ortum habuerit , docet idem Lucianus . Aiunt enim ( inquit ille ) priores Deos , cum pauci numero eſſent , viribusque impares , impietatem verò hominum timerent , ſimiles ſe quibuſdam animantibus finxiſſe , eoque modo crudelitatem vimque hominum effugiſſe : parto deinceps orbis imperio , ut

redderetur animantibus gratia , quæ ſuæ ſalutis cauſam præbuiſſent , conſecraſſe illa , quorum ſumpſiſſent formam , oſtendiſſeque quo pacto , & viva nutrienda eſſent , & mortua ſepelienda . Cur verò Simiis , Cynocephalis , & hujus generis animalibus talis honor delatus ſit , ob eorundem ingenium id eveniſſe putant aliqui ; ſolertia enim , & vividæ naturæ cum ſint , hominum mores adeò bene imitantur , ut in Hominum potius , quàm Brutorum genus connumerari poſſe videantur . Alii tamen ex proclivitate , quam habent ad generationem , Solis naturam participare ſibi ſuaſerunt , a quo producuntur omnia , quamobrem illum ſub nomine Priapi , & ſimilium coluerunt antiqui . De cynocephalis autem narrat Carletonus in ſuo onomaſtico pagina 17. Hujus generis unum in Aula ſua ſervaviſſe Carolum primum Regem , ſed poſt biennium ſclopeto confici juſſiſſe ob inſignem ſalacitatem .

B V L L A .

**D** UPLICEM Bullam demonſtrant num. 8. 9. & 10. quarum altera rotunda , & gibboſa eſt , altera oblonga , & figuram cordis referens , in qua Priapi imago apparet . Utraque vacua eſt , ſicuti ſunt apud nos argenteæ , vel aureæ parvæ thecæ , quibus Sanctorum ſacras reliquias geſtamus incluſas . In iis enim etiam Ethnici caracteres , feu alias res inferebant , quas putabant validiores ad avertendas faſcinationes , & morbos . His ſimiles protulit in Mufæo Romano Michael Angelus Cauſæus ſect. 5. art. 2. in Mufæo Petri Bellori delineatas . Eas inter Amuleta repono , ne quis putet illas ex eo genere Bullarum eſſe , quæ è collo puerorum nobilium olim dependebant . Ejuſmodi bullas fuiſſe aureas dicunt Scriptores , & inſigne puerorum prætextatorum , de quibus ſic Feflus . Dicta eſt à græco ſermone *Buli* , quod conſilium dicitur latine , vel quia eam partem corporis Bulla contingat , ideſt pectus , in quo naturale manet conſilium . Illam ſignum hetruſcum dixit Juvenalis , eo quòd ( ait Joannes Britannicus in notis ) Tullus Hoſtilius tertius Romanorum Rex debellatis Hetruſcis ſellam curulem , liſtoresque , & togam pictam , atque prætextam , quæ inſignia Magiſtratum hetruſcorum erat , primum ut Romæ haberentur inſtituit , ſed prætextam illo tempore puerilis non uſurpabat æras , ſed poſtea Tarquinius Priſcus de Sabinis triumphum egit , quo bello filium ſuum annis 14. natum , quòd hoſtem manu percufferat , & pro concione laudavit , & bulla aurea prætextaque dona-

donavit; insigniens puerum ultra annos fortem præmiis virilitatis, & honoris. Nam sicut Prætexta erat Magistratum, ita Bulla erat gestamen triumphantium, quam in triumpho gerebant, inclusis in ea remediis, quæ crederent adversus invidiam valentissima. Hinc deductus mos, ut Prætexta, & Bulla in usum puerorum nobilium usurparentur ad omen, & vora conciliandæ virtutis ei similis, cui primis in annis munera ista cesserunt. Sed Bulla hæc aurea cum Prætexta ingenuis tantum concessa est, & nobilibus, à quibus usque ad quartum decimum ætatis annum gestabatur. Deinde Diis Laribus eam suspendebant, quare Propertius lib. 4. eleg. 1.

*Mox ubi Bulla rudi dimissa est aurea collo  
Matris, & ante Deos libera sumpta toga.*  
& Persius Sat. 5.

*Cum primum pavido custos mihi purpura cessit  
Bullaque succinctis Laribus donata pependit.*  
Libertinorum verò filii Lorum tantum, & prætexta concedabatur. De iis plura Macrobius in primo Saturnal. cap. 6. & Theodorus Pulmanus in notis selectis ad Juvenalem adhærens Macrobio ait: *Bulla figuram cordis representabat, vel potius Bullæ in indicium humanæ fragilitatis; sed horum sententiam damnat Jacobus Sponius in Miscellaneis eruditæ antiquitatis sect. 9, Rotundam enim figuram earum Bullarum ille observavit in tribus antiquis lapidibus quorum icones exhibet. Et Philippus Beroaldus in Comment. Propertii lib. 4. eleg. 1. Asconium refert dicentem. Bulla suspendi in collo infantibus ingenuis solet aurea, libertinis scortea, & Plinius lib. 33. cap. 1. Mos bullæ duravit ut eorum qui equos meruissent filii, id insigne gestarent, ceteri lorum. Unde Satiricus.*

*Aut Signum de Paupere Loro.*

Rara est hujusmodi Bulla in Musæis, & eruditorum Cimeliis; quippe auri sacra fame tabescunt omnia, & destruantur, præcipue si aurea sint. Unam tamen Romæ apud se habet D. Franciscus Ficoronus Vir pari eruditione ac rerum antiquarum amore præditus; alia fere similis est in Musæo Excellentissimi Principis Augusti Ghisii apud Sanctam Mariam Majorem; Insuper imaginem pueruli antiquam inter duplicem Chrysellum clausam habet supra laudatus Ficoronus, e cujus collo bulla aurea dependet, e ruderibus Romanarum antiquitatum acceptam.

Hinc factum ut hoc nomine censeantur icunculæ æneæ aureæ, vel argentæ, italice *medaglie* latinè verò sacre Bullæ, vel Numismata sacra, Agni cœlestis vel alicujus Sancti effigie insignita. Sic in primitiva Ecclesia, mutata su-

perstitione in veram Religionem, ex cereo paschali Agnus Dei dici consuevit, quos Agnos Dei recens baptizati suspensos ferunt è collo, & sicuti Gentiles cordis figuram, quo sic noscerent se esse Viros, si corde præstarent, ita Christiani imaginem Christi agni susceperunt, ut ejus exemplo discerent esse mites, & humiles corde; ita Baronius anno 58. & Spondanus ibi num. 30.

#### IDOLA DIVERSA.

**Q**UINQUE Idolorum simulacra expressa sunt in Tab. XXI. ex variis Indiarum Regionibus accepta. Sub n. 1. videtur Animal nudum, & informe lapideum cujus facies humanæ similis, Simiæ potius dicenda videtur. Illud ex Novo Regno americano allatum est à quodam è nostra Societate Missionario, cui Vir idololatra Christi fidem amplexus tradidit, ut suam stultitiam detestaretur, qua monstrum adeo informe coluerat.

Non absimile illi aliud ostenditur numero 2. ex ære formatum. Simiam refert caudatam, quæ humanam figuram fere exprimit; differt tamen ab homine auribus oblongis, unguisque acutis, quibus manus pedesque maniantur.

Numerus 3. hominem barbaturum æneum demonstrat. Quid nam in eo antiqui Gentiles venerati fuerint ignotum est; Herculem fortasse indicat Pellis Leonina, qua nudum ejus corpus circumtegitur.

Quarto loco ridicula Viri imago lignea se offert, ex Japonia allata: quatuor cornicula in ejus capite exuberant, pedes discalceatos ostendit, & vestem potius Mimi alicujus propriam, quam Numinis. In illa tamen Deum Infidèles Japoniæ venerantur, quem Sciaccam appellant.

Sub numero 5. æneum simulacrum ostenditur corpore gracili, cum indumento singulis membris strictè adhærente; brachia nudata habet, & pedibus discalceatis insistit, oculis clausis dormientis instar. Quid expressione adeo ridicula indicare voluerit ejus Author, ille tantum posset enarrare. Fortasse Osiridis figuram, quem fingeant Aegyptii gracili forma, & nulla fere membrorum expressione, ad quandam Divinitatem à corporea humanæ substantiæ massa indicandam. Ab eo bonorum omnium temporalium ubertatem, & fecunditatem se habituros sperabant.

Verum decepti ab impiis Sacerdotibus Aegyptii præcipue, innumera ferè amuleta excogitarunt, & Telesmata, sub quibus varia Numina laterè credebant, quorum ope, & potestate mala




mala omnia possent arceri. Hinc eorum copia, quæ in pretiosis lapidibus annulorum exculpta, manibus, vel pectori alligata, modò in Cimeliis, & Gazophilaciis conservantur. Aliqua hic possem exponere, quæ in Musæo nostro numerantur; sed cum ineptissimæ illis tribatæ fuerint, & pro libito a cujuscunque superstitione significationes & Virtutes, in præsentiarum omittimus, tanquam miseræ Ethnicitatis deliramenta. Adeat Curiosus Lector collectionem eorum uberrimam, quam typis Venetiis divulgavit Excellentiss. Capella, adeat Gemmas Augustini, vel Dactylothecam Gorlæi. Meminit eorum Eusebius lib. 1. Præpar. Evang. Multa expressit in Oedipo sæpè laudatus Kircherus,

Atque rectè contra eorum authores passim Sancti Patres summo rigore invehuntur. Lactantius lib. 1. cap. 14. *Insinuant se corporibus Hominum Demones, & occulte in visceribus operati, valetudinem vitiant, morbos cient, somniis animos terrent, furoribus quatiunt; ut Homines his malis cogant ad eorum auxilia decurrere.* Et Origenes contra Cellsum. *Quid recenseam (ait) eos, qui lustrationes docuerunt, & incantationes pellendis morbis, arcendisque, aut effigies, formasque Dæmonum varias, & præter hæc in vestibus, manicis, lapidibus, plantis, radicibus amuleta diversorum generum?*

Nos interim classem hanc claudere meritò possumus verbis Divi Athanasii, dicentis:

TANTOPERE QUIDEM MENTE PROLAPSI SUNT (GENTILES)  
TANTISQUE TENEBRIS ANIMUM SUUM INVOLUERUNT,  
UT QUÆ NULLA RATIONE ESSE POTERANT, AUT  
NUNQUAM CONSPECTA ESSENT, EA EXCOGITARINT,  
ET NUMINA FECERINT; QUIPPE QUI BRUTA RA-  
TIONABILIAQUE ANIMALIA INVICEM PERMI-  
SCENTES, ET IN UNAM SPECIEM CONTRA-  
HENTES PRO DIIS COLANT. QUALES SUNT  
APUD ÆGYPTIOS CANICIPITES, SERPEN-  
TICIPITES, ASINICIPITES, ET IN LIBYA  
JUPITER, ET AMMON VERUECINO  
CAPITE CONFIGURATUS.







TRIPVS MARMOREVS  
ANTIQVVS APOLLINI  
SACER

AB ILL.<sup>MO</sup> D. BERNARDO  
CINCIO MVSAEO COLLEGII  
ROMANI DONATVS

*Scala palmirunius*


*An. 3702*








*Bacchans*




*Diana Lucifera*




*Mercurius*




















1




2




3



4












1



2



4



3




5











1



2



3



4





1

2

50



3


4







1




2





3





4













1



2



5




4




3








1




2



3




4






2




2























1


2
















# CLASSIS SECUNDA.

*Continens Tabellas Votivas, & Anathemata.*



Sicuti cuilibet Nationi communis mos fuit Diis suis altaria erigere, atque in iis offerre Sacrificia, ita pariter solemne omnibus erat ingenti periculo, metu vel labore pressis, Vota Diis Præsidibus nuncupare, quæ

postmodum incolumes facti exolvere non omittabant, atque in Templis seu alibi ad eorum honorem Donâ Tabulasque Votivas suspendere, quibus suarum miseriarum, & grati erga eos animi monumenta permanerent: unde Horatius Od. 5. lib. 1.

— *Me tabula sacer  
Votiva paries indicat Vvoda  
Suspendisse potenti  
Vestimenta maris Deo.*

Quidquid igitur Voti causa offerebatur, vocabatur Tabella votiva, sive quod votæ essent, aut ex voto suspensæ, sive quod depicta hominum vota continerent; sicuti votivas preces appellari, quibus aliquid cum voto poscitur, notat eruditissimus Jacobus Philippus Tomafinus de Donariis cap. 1.

Has tabellas magna ex parte fuisse testaceas, quemadmodum hodie apud plebejos cereas, persuadet numerus ingens earum, quæ etiam hodie plurimis in locis, ubi Deorum Fana extabant, effodiuntur: fuerunt etiam ex marmore, ex ligno, metallo, aliave re conflata, ut fusè exponit idem Tomafinus cap. 2. Illum adeat curiosus Lector, non enim de Donariis tractatum texere animo est, sed tantum aliqua hujus generis proponere, quæ in Musæo asservantur.

Primo loco se offert Tabella ænea in Tabula XXII. num. 1. expressa juxta prototypum: fuit illa reperta in prædio Ursinæ familiæ, cui nomen *Licenza* propè Tibur sito, cum hac Epigraphe.

F L O R Æ  
TI. PLAUTIUS DROSUS  
M A G. I I.  
V. S. L. M.

Hanc inscriptionem ita legi debere me docuit Illustrissimus Blanchinus, Vir omnigena eruditione conspicuus, & ob eam, morumque candorem CLEMENTI XI. Pontifici maximo ac-

ceptissimus, & inter nobiles ejus Cubicularios adscriptus, idest.

FLORÆ TIBERIUS PLAUTIUS DROSUS MAGISTER SECUNDUS VOTUM SOLVIT, LIBERO MUNERE, SEU LIBENTI MUNERE.

Ejusdem Viri expositionem addo, sine ulla, vel sillabæ additione, ne in tanti Viri messem falcem meam videar audacter immittere. Figura tabellæ (inquit ille) satis demonstrat Voti memoriam, quam docet expressè titulus. De hujusmodi tabellis cum eruditè differuerit Jacobus Philippus Tomafinus, plura hic dicere necesse non est. Aliqua tamen indicabo, quæ pertinent ad Plautiæ Familiæ historiam, & ad ætatem ac superstitionem Tiberii hujus Plautii in Voto persolvendo.

Plautiam Familiam Tibure oriundam fuisse indicat Monumentum insigne, quod hodieque cernitur apud Pontem Lucanum prope idem oppidum, e quo tres Epigraphas Gruterus exscripsit pag. 452. 453. & 454. Viros in iis recensitos observat, & illustrat Antonius Augustinus in hac familia, ex quo colligere licet *Tiberium* hunc *Plautium*, cognomento *Drosum*, licet ab aliis (quod sciam) non memoretur, facile adscribi posse Cæsarum sæculo. Indicio est prænomen *Tiberii*, quod in hanc Familiam inductum suspicor a *P. Plautio Pulcro Tiberii Cæsaris quintum Consulis Questori*, & ab eodem *Tiberio* tot honoribus aucto, quot in eodem monumento exprimuntur apud Gruterum. Hunc suspicor in Familiam suam adscivisse prænomen *Tiberii*, & cognomen *Drosi*, seu *Drusi*, ut gratam Vicem rependeret Augusto suo, tot munerum, ac titulorum erogatori munifico. Siquidem nemo, quem viderim, ante hunc occurrit in Plautiæ Familiæ prænomine *Tiberii*, aut cognomento *Drosi* insignitus. Fortassis etiam fuerit idem *P. Plautius* a Gruteriano lapide memoratus *Pater Tiberii Plautii* istius voti persolutoris, cui *Drosi* seu *Drusi* cognomen idcirco *Publius* imposuerit, ut animum *Tiberii* sibi arctius devinceret, quando comes additus fuit *Druso Tiberii filio*, ut lapis ille demonstrat. Natum per id temporis (ut judico) filium comitis sui *Drusi* optime de se meriti memoria, & nomine redditurus illustrem. Vel etiam factum fuerit in gratiam Claudii Imperatoris affinis Plautiæ Familiæ

liæ post matrimonium initum cum Plautia Herculanilla, quæ illi adhuc privato Drusum Pompejum, & Claudiam enixa est. Neque enim fas est *Drosi* cognomentum a *Druso* esse diversum, cum ex Auctoribus, & inscriptionibus illius sæculi constet nondum fuisse antiquatum veterem usum enunciandi, atque scribendi in pluribus dictionibus loco quintæ vocalis V quartam O, ut in vocibus *Aurelius*, *Consoles*, *dederont*, *faciendum* legimus in Grutero, vel etiam quintam loco, quartæ O, ut in vocibus *epistulas*, *subules* &c. & cum aliunde constet *Drusi* cognomen assumptum fuisse a Livio, a quo etiam transmissum in Posteris, deducto vocabulo a Duce *Drauso* per ipsum Livium occiso. Quis verò nesciat ex hac voce *Drausus* rectius formari *Drosum* quàm *Drusum* eadem planè lege, qua *Claudium* in *Clodium*, non in *Cludium* antiqui verterunt.

His itaque conjecturis adducor ut credam circa Cæsarium tempora vixisse *Tiberium Plautium Drosum* hujusce voti persolutorem. Eundem Collegii sui magisterio perfunctum docet, qui sequitur titulus MAG. II. hoc est: *Magister secundus*, vel etiam *Magister secundum*, quam etiam lectionem constare posse mox indicabo; licet enim in aliquibus Collegiis Sacerdotum Magisterium deferretur perpetuum ei, qui ætate anteibat; attamen in aliis Collegiis annuales fuisse magistros cognoscimus ex antiquo lapide apud Gruterum pag. 33. ubi non solum quinquennales magistri, sed & magister anni primi recensetur, argumento plane perspicuo, quod ex Sacerdotibus in quinquennium ad magisterium vocatis, annis singulis unus præficeretur.

Hinc etiam illustratur numeralis nota II. quæ in eadem tabella votiva post magistri titulum Plautio nostro tribuitur; facile enim conjecturare possumus, vel è quinquennialibus eum fuisse Plautium, cui secundus annus obtigeret, vel è pluribus ad magisterium designatis eum exitisse, cui vices secundæ fuerint demandatæ, vel denique primo anno aut quinquennio (si fortè annale, vel quinquennale fuit etiam hoc magisterium) absoluto, iterum electum ad id muneris obeundum. Coeterum ad Magistros Collegii spectasse inter plura officia etiam vota persolvere, & Victimam immolare perspicuum est: ex fragmentis Fratrum Arualium ab Ursino, & Grutero editis. Ibi enim C. *Porcius Priscus*, qui etiam magister I. dicitur hæc omnia præstat

IMMOL. IPSO. MAG. PORCAM,  
ET AGNAM

aliis ministrantibus. Ibi etiam Floræ Sacrificium describitur OV. II. idest *Ovibus duabus*.

Quorum verò Floræ vota conciperentur, narrat, & irridet D. Augustinus de Civit. Dei lib. 4. cap. 8. ubi cum fasciculo illo levium Numinum Volufina, Patellana, Hostilina, Lacturcia, Matura, & Runcina Floram colligat, quam florentibus frumentis adjutricem invocatam a Romanis nemo vel leviter eruditus ignorat. Neque alio, ut arbitror, consilio Plautius noster Votum Floræ persolvit in agro Tiburtino, ubi Tabella ista reperta est. nisi ut florentes segetes custodiæ ipsius commendaret.

Hæc habui quæ de Tabella ista conscriberem, quam fecit commendatiorem inscriptio Floræ apud antiqua monumenta non admodum frequens, licet ex Authoribus constet, eo perductam fuisse hujusmodi Numinis superstitionem à Romanis, ut illi Flaminem proprium *Floralem* dictum instituerint.

#### TABULA VOTIVA NEPTUNO.

**T**Abula marmorea sub numero 2. est, in qua Juvenis ostenditur manibus duobus remis admotis laborans in navi, quæ inter undas maris procellosas fertur temone, & velis orbata. In eadem hæc verba græcis characteribus ruditer incisa leguntur.

POYΘINA IOYSTON EIS MNEIAN  
XAPITOS

idest *Ruffina Justum in memoriam beneficii subintellige posuit* vel aliquid simile. Illam appensam fuisse in gratiarum actionem à muliere nomine *Ruffina* in memoriam beneficii, quo *Iustus* ejus filius, vel maritus, seu affinis incolumis evaserit è maris tempestate, ipsa verba, & sculptura fati indicant.

Tabellas votivas Ethaicis passim in usu fuisse, easque marmoreas parietibus Templorum insertas potius, quàm appensas, pluribus probat Jacobus Philippus Tomasius lib. de Donar. cap. 1. & præsertim Nautarum soboli, postquam aliquid discriminis evassent. Ita præter Horatium aliosq; Vates Tullius in Epist. ad Atticum lib. 4. *Nec enim me una ex hoc naufragio Tabula delectat*. Amabant enim illi non modò dona, quæ periclitantes voverant, sed & periculum ipsum in Tabella depictum proponere sive in Templis, sive alibi, ut apertius testarentur, quanto Deorum beneficio servati fuissent. Virgilius Aeneid. 12.

*Hic steterat Nautis olim venerabile lignum  
Servati ex undis, ubi figere dona solebant  
Laurenti Divo, & votus suspendere vestes.*

Et quidem in honorem præcipuè Neptuni naufragium pictum in ejus Templo exculptum figebant;

bant ; idcirco (referente Lucio Mauro in Antiq. Romanis ) Templum Romæ erat Neptuno sacrum , ubi postea Delubrum D. Blasio sacrum fuit . in quo Nautæ Tabellas naufragii pictas suspendebant ; quamvis etiam Plutoni Inferorum Deo , qui periculum maris evaserant , Vota posuerint . Quale in Hispania ad castra Vicelliana apud Tomasinum .

P L U T O N I  
DEO. IN. LOCO.  
SUB. TERRA. COND.  
PERICULO. OCEANI  
LIBER. ARAM. POSU  
IT. FAB. VICELLIA  
NUS. EX. VOTO.

Etiam Castori Polluci , & Dianæ apud Senecam lib. 1. Quæst. Nunquam enim frequentius , quàm in ipsa jactatione tempestatis Vota fiebant , ut indicat Ovidius lib. 1. Fast. Eglog. 2.

*Dii maris , & Cæli ( quid enim nisi vota supersunt )*

*Solvere quassata parcite membra ratis.*

Cum nuda videatur imago exculpta , arguo illum fuisse è Collegio Urinatorum : erat enim apud Romanos Collegium non vile , qui piscatoria arte vivebant , ut probat vetus inscriptio posita Piscatorum Patrono apud Tomasin. pagina 213.

TIT. CLAUDIO ESQUIL. SEVERO  
DECURIALI. LICTORI. PATRONO.  
CORPORIS PISCATORUM , &  
URINATORUM &c.

nam Nautis , ut monet Tomasinus cap. 25. Habitus erat penula coloris veneti , seu Thalassici aut cærulei , quam induti bracchio dextro exerto , caputio , vel bardocuculla , veluti & nostra ætate tecti incedebant .

LAPIS VOTIVUS SILVANO.

**T**ertio loco recensenda hic est Basis marmorea nuper reperta prope Viam Appiam in Regione duodecima antiquæ Romæ. Quadratam formam illa habet tribus palmis altam. In anteriori ejus facie hæc verba leguntur tali modo disposita .

SIGNUM  
SILVANI  
SANCTISSIMI  
CUM BASE  
POSUIT C.  
FLAMINIUS  
THELESPHORUS

In hac inscriptione duo se offerunt notatu digna . & primò quidem in memoriam revocandum est , quod scripsit Servius , scilicet inter rusticos Deos adnumeratum fuisse Silvanum , creditum ut Deum Agrorum , & Pecorum , Silvanum a Silvis appellatum . D. August. lib. 15. cap. 22. de Civit. Dei , docet statuam illi positam fuisse manu protensa , & cupressu armata , cum ejus sationem primus dicatur invenisse , ita Martian. Capella lib. 5. Nupt.

*Tunc primùm posita Silvanus forte cupressu*

*Percitus , ac trepidans dextrâ tendebat inermē.*

Silvani mentio in vetustis marmoribus inveniri notissimum est , aliquorum fragmenra ponit Thomas Dempsterus in suis Paralip. ad cap. 20. lib. 2. Antiq. Rom. Rosini idest . SILVANO SANCTO LARUM PHILEMON P. SCANTI ELEUTHERI DD.

alterius hæc sunt verba

SILVANO SANCTO LARUM CÆSARIS N. & COLLEGI MAGNI CN. TURPILIUS TROPHIMUS VOTO SUSCEPTO ARAM DE SUO DD.

In Aris autem dicatis sacrificia offerebantur . Refert idem Dempsterus illi primitias lac oblatum fuisse , ut rusticum decebat Deum , juxta illud Horatii lib. 2. epist. 1.

*Tellurem porco , Silvanum lacte piabant .*

Ex voto igitur non tantum Aræ ponebantur , ut docet supra allata inscriptio , sed ejus simulacrum , quale indicat nostra tabula marmorea , quadrato lapide excisa , qui basis erat simulacri ut docet Inscripio .

Secundo loco notandus est Titulus *Sanctissimi* Silvano tributus , qui etiam legitur apud Sponnium sect. 2. art. 8. Miscellaneorum eruditæ antiquitatis sic . *Mercurio , & Silvano Sanctissimo sacrum* , item , *Silvano Sanctissimo Sacrum P. Junius Mucianus V. C. Præf. Urbis* . Aliam hujus generis refert Boissardus lib. 3. Antiq. Roman. exprimens Aram , in Palatio Cardinalis Cæsii positam , in qua hæc verba incisa sunt .

SILVANO & HERCULI SANCTISSIMIS  
DIIS SACRUM &c.

Hac voce Cultum significabant Ethnici erga suos Deos , a quibus vel boni aliquid se recepturos sperabant , vel etiam ad evitanda mala , quæ ab eisdem sibi infligi posse timebant . Confirmatur

idem cultus fequenti infcriptione, quam Sponius fect. 1. artic. 1. indicat in bafi, in qua eft imago Solis feu Apollinis hæc verba habente; SOLI SANCTISSIMO SACRUM T. CLAUDIUS FELIX & CLAUDIA &c. non tamen femper hac voce incorrupta morum integritas significabatur, fed virtutis alicujus ad mores non fpectantis excellentia. Fuit enim Romæ infcriptio apud fculptorem Ædium Barberinarum de aquis albulis, quam Sponius etiam refert, fect. 3. his verbis expreffa.

AQVIS ALBVLIS SANCTISSIMIS VLPIA  
ATHENAS CLAVD. AVG.....  
LIS UXOR LIBENS.

Quam fanctitatem procul dubio ab utilitate earum affirmatam effe exiftimat Sponius adducens Strabonem de his aquis fic differentem. *Albulæ etiam profluunt aquæ frigida, quæ ex pluribus fontibus delapfa variis morbis remedium præbent potæ, aut in balneo ufurpata.*

Ex his omnibus patet duplicem claffem Signorum, quæ vota vulgo dicuntur, apud Antiquos fuiffe, ut docet Kircherus tom. 2. Oedypi p. 2. pag. 445. idelt majora, & minora. Minora quidem portatilia collo, pectore, manibus ad malorum averuncationem, majora verò immobiliter pofita in publicis locis Urbium, Templorum, Coemeteriorum, Camporum &c. ad hoftium, & contrariorum Deorum infultus arcehdos atque etiam poft vota concepta, iisdem locis pofita. Et etiam nofta ætatè vidimus columnas, & piramydes erectas ad facras imagines fuftinendas, quas ex ære feu lapide Pietas Principum, & Populorum in publicis locis in gratiarum actionem magnis expenfis dicavit. Steterat procul dubio Silvani fignum noftre bafi impositum, ut indicat infcriptio. At inter Rudera, ubi illa latebat, repertum non eft. Illud tale fuiffe autumo qualem ex antiquis Scriptoribus nofter P. Francifcus Pomey defcripfit in Pantheo mythico pag. 210. Senem cruribus caprinis humana facie, ftatura pufillum, porrecta manu cupreffum tenentem fic dictum a Sylvis, quibus præfidere cæca fuperftitio fuadebat Antiquis. Cupreffum ille tenebat, eò quòd Cypariffum puerum ab eo fummoperè dilectum, poft ejus mortem in hanc arborem mutaverit in folamen mœroris, quare illum compellat Virgilius 1. Georg.

*Et teneram à radice ferens Sylvane cupreffum.* Quare autem potius Signum dicatur, quàm Simulacrum aut ftatua pofita fuiffe Silvani, rationem deduco ex documentis Antonii Auguftini viri eruditiffimi, qui in Dialogo decimo quærens, an Signum, & Statua differant, refpondit: Signum Diis magis convenire, ut in quadam epiftola Ciceronis apparet, ubi dixit: *Martis*

*verò fignum, quo mihi pacis auctori &c. & alibi: Signum Libertatis, & Signum Concordiæ, quæ pro Diis tum colebatur.*

TABULA VULCANO SACRA.

**A** Liam tabellam votivam ex albo marmore duobus palmis latam, & totidem longam hic oftendo, cum curiofa infcriptione fcilicet:

VOLCANO QUIETO AVGVSTO  
ET STATÆ MATRI AVGVSTÆ  
S A C R V M  
P. PINARIVS THIASVS ET  
M. RABVLIVS BIRVLIVS  
MAG. VIC. ARMILVSTRI ANNO V.

Altare feu Aram, vel tabellam tantum votivam in honorem Vulcani, & Statæ Deæ fuiffe oblatam à P. Pinario, & M. Rabulio infcriptio docet. At quid in votis habuerint, non exprimitur. Illud tamen deduci poffe autumo ex ultimis verbis, quibus indicatur fuiffe factam oblationem anno quinto Armiluftri, quod ut clariùs pateat Verba ipfa funt explicanda.

Et primò notandum eft ex Varrone lib. 4. de lingua latina *Armiluftrium*, feu *Armiluftrum* Feflum fuiffe, in quo Romani armati Sacra faciebant, & dum facrificarent, tubis canebant. monet tamen Nardinus lib. 7. cap. 8. difcrimen effe inter *Armiluftrium*, & *Armiluftrum*. Armiluftrium enim Feflum quidem erat, ( fcribente Paulo Diacono in Fefti epitome ) quo res divinas armati faciebant, & dum facrificarent tubis canebant; Armiluftrum verò locus ille dicebatur, in quo peragebatur Feflum. quare idem Varro addidit, *nifi locus potiùs dictus fit ab ludendo, quòd ludentes ancilibus armati circuibant.* Hujusmodi Feflum celebratum fuiffe fingulis annis die 19. Octobris, in veteri Calendario legitur his verbis: ARM. N.P. idelt *Armiluftrium nefafte primo*, & in honorem Titi Tatii, Dionyfius docet in fecundo, fcribens: *Civitas expenfis publicis anno quolibet illi parentat* ( idelt *Tito*)cujus fepulchrù milites armati circumeunt.

Aliud infuper Armiluftrium fingulis quinquenniis celebratum apud Giraldum Syntag. Deor. 17. his verbis defcribitur. *Milites lauro coronati rem divinam ita peragebant, Suem, Ovem, Taurum, qui puri effent ter circum Acies inftрукtas, præcedente pompa, ducebant, Martique Deo immolabant.* De quo etiam Livius fic habuit lib. 2. *Omnes Centuria, & Equites in campum martium convocati, Sve, Ove, Taurocæfis, immolarunt, quòd luftrum eft dictum, atque tale facrificii, genus SVOVETAVRILIA dixerunt.*

Hunc luftrandi morem Servium Regem primum



mum instituisse ferunt , & Armilustrium nuncupasse ; alii tamen a Numa tradunt ortum habuisse . Lustrum autem dictum fuisse sive Armilustrium ex eo quod sic in Sacrificiis purgatio fieret singulis quinquenniis , ut docet Varro lib.4. de lingua latina.

Tertium denique Armilustrii genus Antonius Augustinus refert in suo de Antiquit. Dialogo decimo, ubi docet. Armilustrium a Lustrum derivatum . Lustra autem Romæ fuisse cum Reges primùm civium romanorum delectum censumque facere solebant ; scilicet cum eorum facultates, ætates, statum, & quis cujus esset curiæ, vel tribus, cujus Coloniae aut municipii, quod officium, collegium, Sacerdotiumque gererent, quot liberi essent, cujus ætatis, quo censu, describerent . Ad hæc civitatis bona apud Quæstores explorabant, cui rei Magistratus inventus Censores bini, qui quinto quoque anno Lustrum conderent, hoc est Censum agerent, Univerforum .

Sicut autem in Lustrum omnes domus, familiæ atque cives, eorumque bona lustrabantur, seu recensabantur, ita pariter erat Armilustrium, in quo milites lustrabantur, & arma . De tali munere Censorum fusc Rosinus egit antiq. Roman. lib. 7. cap. 10. ex quo aliqua hic subjicimus . Censores dicti illi sunt, quod ad eorum censuram idest arbitrium censeretur populus . *Fuit hic unus de Magistratibus majoribus, & Romanæ reipublicæ propter disciplinæ custodiam, cujus severa cura Censoribus inter cætera sine provocatione commissa fuit admodum salutaris . Ipsorum officium erat, quod præter Livium, Plutarchum, Valerium, & alios Cicero lib.3. de legibus paucis his verbis plenè describit . Censores, inquit, populi civitates, soboles, familias pecuniasque censento . Urbis templa, vias, aquas, ararium, vestigalia tuentor, populique partes in Tribus distribunt, & in decurias, Civitates, Ordines partiant, Equitum peditumque prolem describunt, calibes esse prohibuunt, mores populi regunt, Probrum in senatu ne relinquunt, bini sunt .*

His prænotatis facilè deducitur *Pinarium*, & *Rabulium* binos Censores populi fuisse, a quibus preces, & Vota fuissent oblata, non quidem in Festis Armilustrii singulis annis, vel quinquenniis a militibus celebratis, sed Armilustrii tempore, quo Arma militesque recensabantur ; opus enim erat arduitate plenum, invidiæque & insidiis obnoxium, ut consideranti patebit . Qua de causa, referente Augustino dial. 2. ad illud exercendum Viri Primarii, & Consules eligebantur in Vrbe : & hi purpurea veste induti incedebant, atque eos duobus littoribus uti posse ( referente Dione ) Augustus decrevit .

Anno igitur Armilustrii quinto, quo illud celebrabatur, preces suas Vulcano obtulerunt Censores isti, & quidem *Quinto*. Scilicet, ut ipsis eo tempore faveret, non ignem excitando, nec extruendo arma ; quorum fabricam Vulcano, & Cyclopibus Virgilius cum Homero, cæterisque poetis tribuit scribens :

— *Ignipotens cælo descendit ab alto.*

*Ferrum exercebant vasto Cyclopes in antro*

*Brontesque Steropesque, & nudus membra*

*Pyræmon.*

Una cum Vulcano STATÆ etiam matri preces suas effuderunt, nam ejus Deæ cultum, auctore Festo, apud Gyrald. Syntag. pr. *in suos quique vicinos retulerunt, collustrante populo, lapides non consumi igne, qui plurimus fiebat in foro, in quo ejus Deæ simulacrum antiquitus colebatur.* Cum autem *Pinarius*, & *Rabulius* dicantur in inscriptione *Magistri Vici*, & quolibet in vico Stata Dea coleretur a Romanis, mirum non est imploratam ejus opem fuisse, tanquam Vicorum præsidis, ubi Votum emittebatur a *Pinario*, & *Rabulio*. Utrique autem, nempe Vulcano, & Statae, titulus *Augusti* tribuitur, ut ea voce amborum Majestas significetur . Ob id etiam ( docente Servio ) *Sedes Augusta*, & *tectum Augustum* dicitur, & Ovid. 1. Fast. 112. ait :

*Sancta vocant Augusta Patres : Augusta vocantur*

*Templa, Sacerdotum ritè dicata manu .*

Augustus etiam appellatur qui est consecratus ait Cicero de natura Deor. lib.2. c.89. uti erant Gentium Dii, ex Hominum Cætu in Deorum chorum adscripti .

*Volcanus* denique non *Vulcanus* appellatur, voce ab Antiquis latinis usurpata . *Volcanus* enim ab iis dicebatur, ait Servius, quasi *Volicanus*, & Varro ab ignis jam majore vi ac Violentia *Volcanus* dicitur . Ita Martialis lib. 5. epist. 7.

*Iam precor oblitus nostræ Volcanæ querelæ*

*Parce &c.*

Supereff ut de munere Magistrum Vicorum, quod a *Rabulio*, & *Pinario* exercebatur aliquid inquiramus . Antiquissimum illud fuisse in Repub. Romana refert Bulengerus lib. 5. cap. 7. de Imperio Romano ; nam inter Curatores Urbis, erant Curatores viarum, qui Vicomagistri dicebantur, qui tamen ante Augustum perpetui non fuere, nec id certum erat munus, sed earum curam a Censoribus gestam affirmat Cicero de Leg. his verbis . *Censores Urbis, Templa, Vias, Aquas, ararium, vestigal tuentur.* Quamobrem tempore Reipublicæ *Pinarium*, & *Rabulium* Magistratum hunc gessisse non levi conjectura probatur, cum Censores essent, qui Armilustrium instituerent, & Vicorum Magistrum, qui

qui curam Viarum haberent. Augustus deinde Curatores viarum, & minores magistratus instituit, quos Varro *Viocures* vocavit. Hi numero quatuor primùm fuere, ut affirmat Pomponius de Origine Juris, postea his quatuor additi duo; Curatores item extra ordinem reperti sunt, qui singulas vias curarent, quare Plutarchus, Cæsarem Curatorem Viæ Appiæ, Cicero Thermum Viæ Flaminiae fuisse ajunt, & Dio lib. 54. scribit armatos ab Augusto duos, qui vias curabant extra muros, retentis quatuor, qui in Vrbe. Qui verò extra muros vias curabant, quatuor aliis digniores erant, quia in viis illis amplioribus extra Urbem sumptus major. Eorum meminit Plinius lib. 5. Epist. Anno post Christi nativitatem 222. Alexander Severus, cum ad imperium pervenisset, voluit per singulas Urbis Regiones Prefectos facere, ut essent quatuordecim.

Inter præcipuas curas, quas exercere tenebantur antiquissimi Vicorum Magistri, ea erat, quæ ludos compitalitios instituebat, eo nomine appellatos a compitis; in quibus fiebant. quos ludos intermissos ad Servium usque Regem, dein per eisdem magistratos instaurari curavit Lucius Piso. Tandem sublatis Collegiis, ipsi pariter aboliti sunt, & post novem annos a P. Clodio Tribuno Plebis rursus aperti, hac formula utente precone: *Die nona post Calendas Ianuarii Quiritibus Compitalia erunt.* Compitalia erant quæ in Compitis peragebantur; Compita verò loca erant viæ publicæ, ac diverticula aliquorum confinium, vel loca in Quadriviis, ubi ædiculæ consecrabantur patentes. *Compitalia* (inquit Varro) *dies attributus Laribus ubi viæ competunt, tum in compitis sacrificabatur.* In Triviis, & Quadriviis ædes erant positæ in tres partes si trivium esset, in quatuor, si quadrivium, apertæ, ad quas conveniebant Pagani ex locis vicinis Sacra facturi. Quot annis is dies conciperetur Macrobius refert lib. 1. Saturn. cap. 7. Quo verò ritu celebraretur, apud nullum Auctorem explicatum inveni. In Suetonio tantùm de Cæsare Augusto hæc legi: *Compitalitiis Lares ornari bis anno instituit*, ubi Samuel Pitscius *ornari explicat Coronari.* Apulejo scribente miles. 3. *In ipso seve meditullio Eponæ Deæ simulacrum præsidens adicula, quod accuratè corollis roseis recentibus fuerat ornatum.* Sic Tibullus 11.

— *Ut ornatos duceret ante Deos.*

Floribus ornare Lares solebant Veteres ex Plinio 21. cap. 3. *Et jam tunc Coronæ Deorum honos erant, & Larium publicorum privatorumque.*

Ex quibus patet ni fallor, Vota Rabulii, & Pinarii concipi patuisse eo die, quo Compitalia

feſta celebrabantur in honorem Statæ Deæ, publicorum Vicorum Præſidi, & Titulari, ut ſupra explicavimus. Inquirendum denique eſſet, qui nam fuerint Publius Pinarius, Thiaſus, & Manlius Rabulius Birulius, ideſt Cenſores illi, ac Vicorum Magiſtri, quibus Armiluſtri inſtituendi cura commiſſa erat. At ariolari potius, quàm vera deducere in re omnino abdita, poſſumus.

#### TABELLA APOLLINI SACRA.

Tabella hic marmorea ſeſe offert explicanda, in qua hæc verba leguntur:

SINDIIS. ATIAIIS

MVNVS. D.

SYNESTOR. GIILATOR.

Eam ex eo Anathematum genere eſſe, quibus religioſi animi cultum Homines olim teſtabantur, non eſt ambigendum. Illa enim (referente Jacobo Philippo Thomafino de Donar. cap. 1.) Tabellæ erant parvæ in quibus aliquid ſcriptum, vel pictum erat, quarum aliquæ in Deorum venerationem, vel beneficii ab iis accepti memoriam erant parietibus Templorum, vel appenſæ, vel inſertæ, & ne omnia circa ejuſmodi votivas tabellas cum ipſo Thomafino exponamus, fatiſ erit animadvertere, aliquando in eis nomen voventis expreſſum fuiſſe, ut apparet in tabella, quam ex monumentis Arundelianis Seldenus his verbis expoſuit:

SACERDOS ARCHIDIAMUS

PHILÆNETI F. ISIDI

OSIRIDI, ANUBIDI

DONARIUM

Similis huic noſtra inſcriptio eſt, in qua *Syneſtor Giilator munus donat, vel dicat ſin Diis Atiaiiſ; munus dicitur loco Donarii*, quæ verba ait Nonius Marcellus conſuetudine habentur, quæ aut propitiandis Diis dantur, aut Hominibus pro beneficiis redduntur, ex quo documento parum firma probatur quorundam non infimæ notæ Grammaticorum diſtinctio, qui munera Hominum, Dona Deorum tradunt. Innumeri enim ex latinis in eadem ſignificatione hæc verba uſurpant. Sic Catullus carmin. 67.

*Priſtina vota novo munere diſſolvo.*

& Juſtinus de Delphico templo lib. 74. *Multa, ait, & opulenta ibi Regum populorumque viſuntur munera, quaque magnificentia ſui reddentium vota gratam voluntatem, & Deorum reſponſa manifeſtant.* Igitur ne in voce inutiliter hæreamus, Donum ſive Munus *Syneſtor* donat pro gra-

gratiarum aétione ob aliquod beneficium acceptum , quod tamen non exprimitur .

Inquirendum modò est , qui nam Syneftor fuerit , atque quibus Diis munus fuum obtulerit ; Ut ab hoc ultimo exordiamur , me a veritate non aberrare putabo , fi dicam , hæc verba non ea ratione legenda eſſe , qua incifa viſuntur , ſed diverſa . Scilicet interpunctiõne facta poſt Sin . SIN. DIIS ATIAIIS , hoc eſt SINGULIS DIIS : frequentiffimè enim in antiquis inſcriptionibus deeſſe interpunctiõnes , & continuato curſu verba , vel integra , vel detruncata incifa fuiſſe ſciunt rerum antiquarum periti , ſicuti etiam ab imperitia , vel Inciſorum , vel Voventium Hominum barbara pronun- ciatione expreſſa ; ATIAIIS igitur relicto C dixit SYNESTOR addiditque vocales AI , ex quodam malæ pronun- ciationis vitio ; vel uſurpatis litteris AI. pro Æ , quod fuiſſe frequens in inſcriptionibus oſtendit Gruterus ut *Agrippinai* pro *Agrippinæ Florai* pro *Floræ* , & ſcripſit Atiaais loco ATIAEIS ut ſignificaret ACTIACIS ſeu ACTIIS : & niſi hoc pacto talia verba legantur , nullam puto vel apud Latinos vel apud Græcos , alove idiomate peritos , illis tribui poſſe ſignificationem . Remanet tamen explicandum , qui nam fuerint Dii vel ACTII vel ACTIACI ſeu ACTIEI , quibus Syneftor ſua vota perſolverit .

Apollini ab Actio denominationem celebrem fuiſſe ob Victoriã Auguſti contra M. Antonium , & Cleopatram Reginam retulit Proper- tius in Elegia , quæ totam hiftoriam complectens eſt apud Scriptores celebratiſſima .

*Actius hinc traxit Phæbus monumenta , quod ejus*

*Una decem vicit miſſa ſagittarates .*

Actium autem Urbs eſt , & Promontorium Epiri contra Nicopolim , quam Auguſtus ædificavit , ideſt referente Strabone lib. 7. Geograph. Victoriæ Civitatem , in qua victoria M. Antonium ante oftium illius Sinus navali prælio ſimul & Reginam Cleopatram ſuperaverat : nam & ipſa huic certamini præſens interfuit . Illi Apollinis Actii templum in tumulo ad oftium eminet , cui campus ſubjacet lucum habens . Igitur quod Apollini Actio munus oblatum ſit dubio procul habemus , illudque poſt relatam ab Auguſto Victoriã opinari nos poſſe docet vox illa , quæ non unicum Deum Apollinem , ſed plures Deos , quos Actios appellat , nempe eos omnes , quos Romanorum Superſtitio venerabatur , & illos pro Auguſto decertaſſe in ea pugna Virgilius eleganter narravit in octavo Aeneidos carm. 700. dicens

*Hæc dum etiam geminos a tergo reſpicit angues  
Omnigenūq; Deum monſtra & latrator Anubis*

*Contra Neptunum & Venerem , contraq; Minervam*

*Tela tenent; Sævit medio in certamine Mavors  
Calatus ferro , triſtesque ex æthere Diræ,  
Et ſciſſa gaudens vadit Diſcordia palla  
Quam cum ſanguineo ſequitur Bellona flagello.  
Actius hæc cernens arcum intendebat Apollo  
Deſuper; omnis eo terrore Ægyptus & Indi  
Omnis Arabs, omnes vertebant terga Sabæi.*

Ut igitur Deos diceret omnes , a quibus opem Syneftor receperat in navali certamine , in quo Apollo cæterique Dii Romanorum pugnaverunt contra omnium Deorum Ægyptiorum monſtra , Actios appellavit , denominatione deſumpta ab Apolline , ſeu loco , ubi Victoriã retulit Auguſtus .

Hinc facile argui poteſt Syneftorem vel Militem vel Nautam fuiſſe in ea Claſſe maritima ſuperſtitem , qui in Urbem redux in Templo Apollinis ſingulis Diis tabellam hanc votivam obtulerit .

Aliam tamen ſignificationem tribui poſſe puto ſi loco ATIÆIS legatur ACIEI . Antiqui enim sæpe litteram T pro C uſurpabant , ut in dictiõne *Sartophagus* loco *Sarcophagus* inſuper , docente Grutero , non rarò S vel T apponebant ſuperfluum in fine verborum . Quis igitur prohibet dicere ſingulis Diis Aciei donum dari a Syneftore , hoc eſt Diis prælii tutelariſſimis , in quo parta victoria fuit; *Acies* enim interdum pro ipſo conſictu & prælio ſumi certum eſt apud Latinos , ſic Tacitus lib. 20. *prima acie* ( hoc eſt primo conſictu ) *fuſum victumque Romanum dixit.*

#### PUERPERÆ VOTUM .

Sed ad alia procedens figulinum opus huic votivæ tabellæ addo ſub nu. 1. Tabulæ XXIII. non abſimile illi , quod Thomafinus exhibet cap. 14. ex Muſæo Martii Mileſii Sarazani acceptum . Exprimitur in eo Obſtetricis , quæ infantem jam editum gremio fovens matrem conſolari videtur prope ipſam ſedentem : in ejus averſa parte foramen ineſt , ut melius parieti affigere- tur . Tabulam illam , quam Thomafinus expo- nit , affirmat fuiſſe inventam Nemi , ubi celebre olim Dianæ templum . Ubi nam noſtra effoſſa fuerit , pro comperto mihi non eſt . Illam ex ſuo Cimelio in noſtrum Muſæum tranſtulit Petrus Bartolus eruditæ antiquitatis cultor eximius , & magni nominis Pictor , ſed repertam fuiſſe in loco , ubi Templum Dianæ ſeu Lucinæ dicatum erat , dubio procul exiſtimo . Ab ea enim Puerperæ auxilium præcipue expectabant , de qua Horatius lib. 3. od. 22.

*Montium cuſtos nemorumque virgo,*

*Quæ*

*Quæ laborantes utero puellas,  
Ter vocata audis, adimisque letho  
Diva triformis.*

In quem sentum Scriptor ille, qui sub nomine Abdiæ Babiloniæ Episcopi circumfertur lib. 3. hist. apost. de quadam Calliope inter gravissimos partus dolores ita sororem alloquente, ait; *Vade quæso, & invoca Dianam Deam nostram, ut misereatur mei*: Ipsa enim habet patrociniū obstetricandi. Cum autem Lucina eadem haberetur ac Luna, invocabatur ad partus egerendos, quod ii plerumque maturescunt novem Lunæ mensibus, qui eò quod mensa spatia conficiunt, menses nominantur, ait Cicero de Nat. Deor. ex Timæo, qui cum in historia dixisset, qua nocte natus Alexander esset, eadem Dianæ Ephesiæ templum deflagravisse, adjunxit; *minime esse mirandum, quod Diana, cum in partu Olympiadis matris Alexandri adesse voluisset, abfuisset domo*. Quamobrem addit idem Cicero, *a Lucendo nominata est*, diciturque Lucina, & Lucella a luce, quam infantibus dare credebatur, vel a Luco, ut alii docent, in quo templum habuit Romæ: Utramque significationem probat Ovidius hoc disticho:

*Gratia Lucinæ dedit hæc tibi nomina Lucus,  
Vel quia principium tu Dea lucis habes.*

*Opigena* etiam ob eandem causam dicebatur, quod matronis, in partu laborantibus opem ferret, seu etiam *Egena*, quia eam partui egerendo opitulari crederent. Ob quam causam Puellam jam gravidam *Zonam* solito arctiorem in templo Dianæ, quæ a Græcis dicebatur. *Zonam solvens*, deponere Atheniensibus solempne fuisse, Auctor est in Argonauticis Appollonius.

#### VOTA ÆSCULAPIO.

**I**nter cætera Votorum signa, eorum frequentissime occurrunt, qui morbis diversis, corporisque vitiis affligebantur. Hi enim non secus ac naufragi opem a Diis implorabant, receptaque valetudine, non modo grati animi indicio vota solvebant, sed qua ratione id contigisset, in tabula significabant, seu signo testaceo, quod Templorum parietibus affigebant, quare Tibullus lib. 1. Eleg. 3.

*— Iam posse mederi*

*Picta docet Templis multa tabella tuis.*

Ex fidis etiam Veterum monumentis accepimus Ægros non solum in Æsculapii Templo, sed in aliis laborantes detentos fuisse, atque ipsorum templorum parietibus sua nomina affixisse: ut videri potest apud Strabonem lib. 8. Æsculapius in Insula Tiberina templum obtinuit auctore Livio lib. 10. in quo Ægri vota effundebant.

Nec incongruum hic erit commemorare quod ex Plutarcho accepimus, scilicet cum extra Urbem hæc insula olim extaret, in ea Templum dicatum fuisse Æsculapio ob triplicem causam, vel quod purior & salubrior esset aer, extra, quàm intra Urbem; vel quod Epidauro peste laborantes Æsculapium accersendum curaverint; Epidauri autem non in Urbe, sed procul Templum habuerunt; vel quod Romani anguem ab Epidauro, qui se in eorum navem contulerat, in quo ipsum Numen esse putabant, deportavere, eoque in Insula Tiberis egresso arbitrati sunt Deum locum Templi indicare. Quare Claudianus lib. 3. in stilic.

*Huc depulsurus morbos Epidaurius hospes  
Reptavit placido tractu; vectumque per undas  
Insula pæonium texit Tiberina draconem.*

Propterea Dionysius Insulam Æsculapio Sacram appellat, quæ nimirum etiam in ejus effigiem navis, qua est adductus anguis, conformata fuerit.

Præter Æsculapii templum aliud etiam obtinuit Dea, quam *Febrem* vocabant, quia nullus hoc morbo frequentior. Illi nunc *Diva* nunc *Sancta* nunc *Magna* cognomen Veteres tribuebant, & eandem colebant in Palatio teste Cicerone lib. 3. de Nat. Deor. Alia duo templa eidem dicata Valerius commemorat lib. 2. cap. 1. Hanc Deam Hygiam fuisse ajunt filiam Æsculapii, cujus venerationem Græci instituerunt. Votum illi solum fictile simulacrum indicat quod sub nu. 2. Tab. XXIII. exhibemus, mulierem referens, non bene valentem, capite demisso, & panno circumtectam. Foramen habet in parte averfa, ut appendi posset prope Aram parieti alicujus templi, ut mos erat.

Pedes etiam subjeci sub numeris 3. & 4. Aeneum alterum & alterum fictilem, cui similes quinque alii in Musæo sunt, sine dubio Vota indicantes, quæ Diis solvebantur, at non ita certum est, qua de causa hi fuerint oblatis. Podagra laborantium signa fuisse, & precum effusarum pro valetudine obtinenda opinari possumus, aut etiam peregrinantium. Viam enim inituros sese commendasse Herculi, pluribus monumentis probatur. Festus Pompejus lib. 14. ait. *Propter viam fit Sacrificium, quod erat proficiscendi gratia Herculi*. Stucchius Antiqu. Convival. lib. 1. cap. 29. refert apud Romanos peregrinationis ergo Sacrificia, Coenas, & Vota simul fuisse facta. Sic reditum sibi varia religionis significatione pollicebantur. Ritus hujusmodi religionis indicat Apulejus initio Floridorum. *Viantium moris est cum aliquis lucus vel aliquis locus Sanctus in via oblatus est, votum apponere, portum postulare*. Pro reditu pariter Herculi vota soluta esse Syetonius narrat cap. de

de Tiberio . *Vota pro Itu & reditu suo suscipi passus . In Calligula cap. 14. Cum paucos post dies in proximas Campaniæ Insulas trajecisset , Vota pro reditu suscepta sunt .*

Hæc omnia etsi vera sint , pedibus , qui in Musæo sunt , ex argilla compactis , Vota potius navigantium indicari mihi suadeo , Illi enim omnes in agro effossi sunt , ubi olim Vejentanam Urbem extitisse antiqua monumenta referunt ; atque cum in ea Urbe Templum celebre Diana obtinuerit , ad illud Nautas & Peregrinos iter suscepisse vota soluturos quis dubitabit ? Postquam è maris procellis liberati vel Portum Trajani ad ostium Tiberis , vel Centumcellarum tenuissent . Atque ibidem signa peregrinationis reliquisse hos pedes fictiles , quos Figuli ad hunc finem venditabant . Nautas enim adversa tempestate jactatos , auxilium Veneris tanquam Maris Dominæ implorasse accepimus ex Tullio lib. 11. de Invent. & quidem vovisse Dianæ , quæ eadem erat cum Venere , *se Vitulum immolaturos .*

Confirmatur mea opinio a pede hominis ex succino fabrefacto , quem apud Illustrissimum Præfulem Trevisanum servari refert in sua historia universali Eruditissimus Abbas Franciscus Blanchinus decad. 3. cap. 29. pag. 396. cui subjicitur incisa sequens inscriptio , ex qua deduco non fuisse Amuletum , ut ipse vocat , sed pedem Votivum in honorem Veneris alicui Aræ appensum , scilicet D. M. ( *DEÆ MAGNÆ* ) VENERI SS. ( *SANCTISSIMÆ* ) FELICI CONSERVATRICI , MATRIQUE DEUM , CUPIDINI COELESTI C. *CÆSTIANUS* . Nunquam enim frequentius quàm in ipsa jactatione tempestatis Vota fiebant , immo tunc locus Voti proprius erat . Quare Ovid. Trist. 1.1. el. 11.

*Dii Maris & Cæli ( quid enim nisi Vota supersunt )*

*Solvere quassata parcite membra ratis .*

Sicuti etiam Aram in littore erigentes Neptuno & Apollini Taurum mactabant ( ait Tomafinus ) & secundi auspicii loco erat in auguriis Cygnus , qui nunquam undis mergitur . Agamemnonem Dianæ navis clavum dicasse , postquam ventos comperescuit , canit hymno Callimachus .

Talem Ethnicorum morem etiamnum ubique imitantur sed veræ Religionis significatione Christifideles , qui marinis undis jactati Deiparæ tamquam propitiæ Maris stellæ opem implorant , ac præsertim in Adriatico , ex quo , cum littus tenuerint , non rarò nudis pedibus ad Sacram Ædem Lauretanam peregrinantur sua Vota soluturi , ibique in tabellis pericula expressa relinquunt .

Alium marmoreum pedem elegantissime exculptum damus sub num. 5. quem Serpens triplici circumvolutione capite erecto , & patulo ore

complectitur . Illum Æsculapio dicatum fuisse non est ambigendum . Æsculapium enim sub forma Serpentis cultum fuisse quamplurima monumenta testantur , ut alibi diximus . Sicyonii antiqui dicebant illum in Draconis specie ad se ex Epidaurò , urbe antiquissima Peloponnesi in finu saronico , mulorum bigis vectum , idque factum fuisse a Nicanora fœmina Sicyonia : & ob id Epidaurius dictus est Romanis , qui ad se adductum affirmabant . Q. Serenus Poeta & medicus invocans Aesculapium hæc habet .

*Qui quondam placida tectus sub pelle draconis  
Tarpejas arces atque inclyta templâ petisti  
Depellens tetros præsentî numine morbos ,  
Huc ades* —————

Illum tamen cum Luciano vituperat Arnobius his verbis : *Æsculapius iste , quem prædicatis , Deus præstans , Sanctus Deus , salutis dator , valetudinum pessimarum propulsor & extinctor , Serpentis est forma , & circumscriptione finitus per terram reptans , cano natis ut virmiculis mos est , solum mento radit & pectore , tortuosis voluminibus se trabens , atque ut progredi possit , partem sui postumam conatibus prioris adducit &c.* Verùm non absque ratione id factum dicunt : Tum quòd revalescentes , ut Serpens renoventur , & quasi senectutem exuant , tum etiam quia Serpenti multa insunt remedia salutis acquirendæ & conservandæ opportuna . His adde quòd ægrotis esse tutelæ Draconem putarent ; animal enim est vigilantissimum , quæ res ad tuendam valetudinem ægroti maxima est .

Eadem de causa Salus Dea , quæ eadem est ac Hygiæa Aesculapii filia , repræsentatur læva Serpentem gerens , dextra pateram , cui cibis impositus est : sive quòd Salus medicamentis acquiratur , sive quòd sola Deorum ope conserveatur . Illam cum Patre deprecabantur , ut morbos depelleret , & adesse vellet ægrotantibus . Sic apud Terrentium in Hecyra act. 3. scen. 2.

*Male metuo ne Philumena magis morbus adgravescat .*

*Quod Te Æsculapi & Te Salus , ne quid sit hujus , oro .*

Capita , quæ hic expressa vides fictilia sub numero 6. & 7. puellarum sunt aliqua , aliqua verò Juvenum , in arvis effossâ , ubi olim Vejentani Urbem extruxerant celeberrimam , atque in ea Fanum Junoni Reginae Sacrum , quæ ; teste Cicrone de Nat. Deor. lib. 2. eadem erat Romanis ac Lucina , seu Venus , Isis , & Cybeles , fœcunditatis Typus . Vota nuptiarum illa indicare dubitandum non est ; Puellæ enim , cum jam ætate nubiles fierent , apud Ethnicos Diis nuptialibus vota sua fundebant , inter quos præcipua erat Venus , seu Diana , cui Cupido filius , tanquam matrimonii vinculum addebatur , ut fortunatum conjugium redderent , atque alios

etiam complures enumerabat superstitiosa anti-  
 quitas pro diversis nuptiarum ritibus, de qui-  
 bus Tomasinus fuse agit cap. 13. Pro faustis nu-  
 ptiis supplicari solitum indicat Plautus in Aulu-  
 laria, atque Deorum matri nullum Sacrum nisi  
*Porcâ* fieri quidam prodidere apud Giraldum  
 synt. 17. eò quòd animal sit prolificum quod  
 etiam Prisci Latini & Græci in Italia faciebant,  
 unde sponsam ducturus, postquam omnia appa-  
 rasset, spe frustratus sponsæ exclamavit: *Periit  
 quidem Sus, & talentum. & Nuptiæ*, ut memo-  
 rat Licetus de Gemmis cap. 119. Cætera nupta-  
 rum vel Puellarum Vota apud Tomasinum ex-  
 posita invenies cap. 12. & 53. Unum tamen re-  
 feram, quod non adeo notum est: Scilicet Puel-  
 las Veneri dicare solitas marinas Pilas. Id re-  
 fert idem Tomasinus, verbis Nonnii Marcelli  
 In voce *Strophium: Suspendit Laribus marinas  
 molles pilas, reticula, & strophia*, sed causam  
 non docet. Ego quidem non aliam fuisse puto,  
 nisi quòd cum innumeris pilis compacti sint glo-  
 buli illi, quos mare eructat, prolis fœcundita-  
 tem a Dea Maris ejusmodi pilarum oblatione  
 sibi deprecarentur, vel animorum Sponsi, &  
 Sponsæ perfectam unionem, iisdem pilis indicatâ.

#### VOTA MARTI SEU HERCULI.

**D**uo ænea simulacra exprimentia milites  
 armatos subnecto in Tab. XXIV. n. 1. & 2.  
 quibus Pugnantium, seu triumphantium vota  
 declarantur. Veterum Græcorum inventum  
 fuit, clarissimorum Virorum effigies in Tem-  
 plis, & Curia dedicare, auctore Plinio lib. 34.  
 cap. 3. Atque ut Armorum gloria, qua creve-  
 rat res romana Posteris extaret, Triumphantes  
 trophæa, coronas, & arma, Jovi, Fortunæ,  
 Herculi, & Marti Triumphantes affigebant in  
 Templis: Marti præcipue Arma Viri fortes di-  
 cabant. Clypeum Afrubalis invenit Q. Martius  
 argenteum pondo 138. qui supra fores capito-  
 linæ ædis usque ad incendium fuit, teste Plinio.  
 Ejusmodi etiam longa Avorum serie spectaban-  
 tur Anathemata; hinc Silius Italicus lib. 1.

— Stant marmore muta

*Effigies, Belusque parens, omnisque nepotum  
 A Bello Series &c.*

De his Ovid. lib. 4. Trist. eleg. 7.

*Miles, ut emeritis non est satis utilis armis,  
 Ponit ad antiquos, quæ tulit arma, Lares.*

Et Lucanus lib. 1. verl. 229.

*Rupta quies populi, stratisque excita juvenus  
 Diripiunt sacris affixa Penatibus arma.*

Milites nostri icunculis expressi eos referunt, qui  
 jam relicto Armorum strepitu, se quieti dede-  
 rant, & Arma Diis vovebant. Ejus generis fuit  
 Thorax æneus longitudinem digiti vix superans  
 in musæo V. Cl. Joannis Gualvani.

Præter milites qui armati bella gerebant, etiâ  
 Gladiatores, erant. Tãta enim erat voluptas, qua  
 afficiebantur Romani ob pugnas Gladiatorum, ut  
 ideo uterentur variis eorû generibus, quæ con-  
 gruerent varietati horarum diurnarum. Gladia-  
 tores matutini portabant galeam, suctum & alia  
 arma ad arbitrium ejus, qui spectaculum edebat.

Erat etiam genus armorum rudis, è ligno,  
 quæ dabantur Gladiatoribus emeritis, & ab are-  
 na liberatis, quasi non amplius tenerentur ad  
 prælium ferro agendum. Licet Grammatici (ut  
 Licetus notat) velint fuisse baculum lanistæ,  
 nihilominus Authoritas Svetonii & Lampridii  
 in Commodò aliud persuadet, ubi dicitur: *Ru-  
 dibus in arena inter cubicularios gladiatores de-  
 pugnavit*. Erat igitur genus armorum rude ad  
 pugnandum mimice, & tales gladiatores vo-  
 cabantur *Rudiarii* ab ipso rudi instrumento,  
 quòd ut donum acceperant, illudque portabant  
 in pignus & laudem fortitudinis & liberationis.

Major autem voluptas in iis videndis erat,  
 qui dicebantur *extraordinarii meridiani*, circa  
 horas meridiei, cum essent gladiatores nudi, se-  
 que sine ullo præsidio occiderent. Hi uteban-  
 tur Sica, quæ dicebatur *gladiatorius mucro*.  
 De illis loquitur Seneca ad Lucilium, damnans  
 adeo crudelis rei inventionem. *Casu in meri-  
 dianum spectaculum incidi: mera homicidia sunt:  
 nihil habent, quo tegantur ad istum, totis cor-  
 poribus expositis, nunquam frustra manum mit-  
 tunt; Hos plerique ordinariis paribus & postu-  
 latitiis præferunt. Quid ni præferunt? non ga-  
 lea, non scuto repellitur ferrum, quò munimen-  
 ta? quò gladii artes? omnia illa mera mortes sunt.*

Hujusmodi gladiatores in pluribus æneis &  
 nudis simulacris visuntur expressi, & in iis indi-  
 cantur Vota, vel ante pugnam concepta, vel  
 post Victoriâ soluta. Illa Herculis seu Martis  
 Aræ dicabant, a quibus vires ad pugnam ex-  
 petebant. Etenim Ethnici non immanitatis, sed  
 fortitudinis, & militaris gloriæ specimen esse  
 ejusmodi Gladiatorum munera opinabantur,  
 sibi suadentes Virtutem esse, quod Vitium erat  
 & Scelus. Idcirco referente Gellio lib. 7. cap. 3.  
 Gladiatori composito ad pugnandum hæc pugne  
 proposita fors erat, aut occidere, si occupavisset;  
 aut occumbere, si cessasset. Quin immo  
 Victor vel alius quispiam ex vulnere gladiatoris  
 animam agentis calidum cruorem petere con-  
 sueverat more prisco, ut Victor hostis gladia-  
 toris a se confossi calentem cruorem è vulnere,  
 sugens, illius Viri fortis animum intra se hauri-  
 ret, quo generosior atque fortior evaderet: opi-  
 nabantur enim animam in sanguine consistere &  
 in spiritibus.

Illorû æneas imagines Plutoni etiâ voto dicatas  
 judico; putabant enim se Victimâs ejus cadere,  
 & proprio cruore ejus iram placaturos, quare

Prudentius in Hamertigenia.

*Respice terrifici scelerata sacraria Ditis,  
Cui cadit infesta fufus gladiator arena.*

Et ob id nefas erat, subdit Alexander ab Alex. lib. 5. cap. 24. *cum gemitu vulnus accipere, juffos ferrum jugulo non accipere sanguinem suum, eodem, quo hostilem, animo inspectare.* Martem, & Dianam utriusque ludi idest Gladiatorum, & Venatorum præsidem fuisse asserit Tertullianus, & Cassiodorus magis distinctè: *Sacra Diana Taurica* (inquit) *spectaculum tantum fabricis clarum, sed actione teterrimum in honorem scythice Dianæ repertum, quæ sanguinis effusione gaudebat.*

Cœterum hujusmodi pugnandi morem Divus Cyprianus præclara declamatione sic improbat epist. 1. ad Donatum. *Paratur gladiatorius ludus, ut libidinem crudelium luminum Sanguis oblectet. Impletur in succum cibus fortioribus, corpus, & aruinetoris membrorum moles robusta pinguescit, ut saginatus in pœnam carius pereat. Homo occiditur in hominis voluptatem, & ut quis possit occidere peritia est, usus est, ars est; Scelus non solum geritur, sed & docetur. Quid potest inhumanius, quid acerbius dici &c.* Plura alia subdit Vir Sanctus, in quibus constat Gladiatores in teatro, quosdam contra homines dimicasse, quosdam contra feras, & utrobique crudelis animi vires ostentasse. Hanc crudelitatem exosus M. Antonius apud Dionem vetuit Gladiatores acuto ferro dimicare, sed permisit ludere tantum obtuso. Supradicta simulacra numeri 3. & 4. indicant.

ANATHEMA JUNONI.

**M**Anum æneam exhibemus in Tab. XXV. sub n. 1. & 2. Signis exornatam, prout apparent delineata in duplici situ, anno elapso repertam a quodam rustico, dum vomere terræ glebas vertebat in campo propè Castrum, quod dicitur *Insula* in Farnesiorum Ditione duodecim ferè milliariis Roma distans, ubi olim Urbem Vejentanam extitisse affirmat inter alios Lucas Holstenius, & indicant murorum vestigia, quæ adhuc supersunt.

Huic ferè similem manum exposuit P. Athanasius Kircherus in tomo 3. Oedypii pag. 529. ex Musæo magni Ducis Hetruriæ, putans fuisse Amuletum ad aliquod malum avertendum. Laurentius etiam Pignorius hujus generis manum indicat in suis adnotationibus circa imagines Cartari pag. 325. & ait fuisse repertam in Belgio, & a se explicatam in opusculo impresso primum Parisiis, deinde Venetiis cum titulo *M. D. M. I. ET ATTIDIS INITIA.* Illud adeat Curiosus Lector; nos antequam ma-

num expressam nostri Musæi conemur explicare, eorum vestigiis insistentes, ubi Veritatis fax verum iter ostendet. Illud præmittimus, quod eruditus Kircherus docet tom. 2. Oedipi part. 2. pag. 445. hoc est apud antiquos Ethnicos tum Aegyptios, tum Romanos Amuleta fuisse duplicis generis; Telesmata dicebantur a Græcis, erantque Amuleta Remedia aduersus mala omnia, & præsertim contra Veneficia, ab *amoliendo* dicta. Erant, inquit ille, majora & minora: majora, & immobili positu solidata in publicis locis Urbium, Templorum, Cæmeteriorum, item Regionum claustris, ad hostium arcendos insultus ponebantur. Minora, & portatilia in domibus, in collo, pectore, manibus hominum, animaliumque ad malorum aueruncationem portata seruebant: & hæc omnia fere pretiosis lapidibus exculpta cum ansula dorso annexa reperiuntur, quod apertum signum est illa filio suspensa usibus privatis seruisse, cum tanto superstitionis augmento, ut vix esset puer, homo, brutum, quod non hujusmodi deliramenta sibi appensa haberet. Quæ superstitio paulatim ad vicinas Aegypti gentes propagata, Arabiam, Græciam, Babyloniam, deinde totum infecit Latium. Hujus generis unum exponit Kircherus sibi communicatum a Doctissimo Nardio, quod est Ammon Numen dextra lituum, sinistra flagellum gestans, quo aduersas potestates dispelli, & retum temperiem consistere ineptè credebant.

Erant etiam Amuleta terrestria ad fœcunditatem terræ ordinata, addit Kircherus, ut Serapis ex omnibus mundi materiebus conflatus: erant & Nilotica ut Canopus ad Nili fertilitatem procurandam: erant aerea, ut Accipiter ad pestis contagionem arcendam, erant & ignea ut Aspis ad ignis calorisque siccitatem avertendam; erant Urbium, & Priuatorum domus Lares, & Penates, infantes fasciis involuti, quibus malignæ potestates dispelli credebantur. Erant & Animalium contra luem, a contrariis potestatibus iis immisissam passim usurpata, unde Origenes contra Celsum: *Quid recenseam (ait) eos qui lustrationes docuerunt, & incantationes pellendis morbis arcendisque, aut effigies formasque Dæmonum varias; & præter hæc in vestibus, manicis, lapidibus, plantis, radicibus, amuleta diversorum generum?*

His præmissis, sic ille medicei Musæi manum explicat in tomo 2. Oedypii pag. 451. Ejus anterior facies continet in medio faciem Jovis, e cujus collo sacrum periamma isiacæ crucis dependet, eo digitorum situ quo vides, ad carpum verò intra hemicylum figuram Isis, jacentis habitu, & filium suum. Horum lactantis figura cum assistente columba spectatur. Quo juramenta Jovi Aegypto per sacram Isis crucem

fieri debere, antequam Ifidis rerum mundanarum nutricis invocatio peragatur, indigitatur. In posteriori verò manus parte omnis generis reptilia, uti sunt Rana, Serpens, Lacerta, Testudo, Lituus cum bilance, & vase nilotico exprimentur, per Ranam elementum humidum, per Testudinem terrestre, per lacertam aereum, eò quòd aere sicut chamæleon vivere videatur; & per serpentem ignis elementum denotatur: quæ omnia vitam, & alimentum a magna Deorum matre Ifide per harmonicam elementorum contemperationem, quam Bilanx, & Lituus exprimit, hauriunt. Adjuratio sic instituebatur. Te, ò Jupiter Osiris per sacram Ifidis crucem, per ovum archetypum, per nutrimentum Ifidis, quod Horo præstat, per columbam, in quam iram Typhonis fugiens conversa fuit; per Bilancem Omphtha, per Serpentem Ophionium, per Ranam, & Lacertam, per Vulcani testitudinem, per vasa nilotica, per manum denique beneficam tuam, omnia continentem, te adjuro ut præstes, quæ jubeo. Hanc denique manum potentissimi Amuleti loco gestabant, hætenus Kircherus.

Duas alias hujus generis manus æneas exhibet Michael Angelus Causeus (de la Chauffe) in suo Romano Musæo sect. 5. art. 3. alteram acceptam, e Musæo Jo: Petri Bellori, alteram extantem in nobilissima Pinacotheca Barberina, primâ duplo grandiore, & plura signa continentem cum inscriptione.

CECROPIUS V. C. VOTUM S. IDEST  
CECROPIUS VOTI COMPOS VOTUM  
SOLVIT. Illas hic eruditus Auctor ingeniose explicat, pro certo habens, signa fuisse Voventium pro alicujus salute, ut clare videtur indicare secundæ manus inscriptio.

Quòd etiam ejus generis sit manus à nobis expressa, nec pro certo assero, nec audeo negare; Cum enim careat inscriptione, non manifeste probatur signum fuisse Voventis; Si verò Amuletum dicatur, illud procul dubio inter ea adnumerandum non est, quæ collo, pectori, & manibus Hominum, sive Animalium ad malorum averruncationem alligata serviebant. Ejus enim moles ac pondus quantæ deferentibus molestiæ fuisset, & impedimento? Potius puto inter illa recensendum, quæ vel in Templis, vel alibi collocabantur. Sciunt eruditi (ut refert Jacobus Philippus Tomasinus de Donariis c. 6.) Donaria, quorum diversæ species erant, modò columnis, modò parietibus, & postibus, modò tholis, modò ædium fastigiis affixa fuisse, sed etiam Imperatorum statuis, Lacunaribus, & publicis in foris, ut refert Livius lib. 8. *Rostrisque earum navium suggestum in foro extructum, adornari placuit.* Postibus etiam plerumque

apud Virgilium lib. 2. Aeneid.

*Barbarico postes auro spoliisque superbi.*  
& Propertius lib. 8. eleg. 3.

*Omnibus heu portis pendent mea noxia Vota.*  
Palatium quoque Principis spolia exornabant, Limina etiam privata, & campos.

Hæc omnia, etsi vera sint, alium fortasse usum apud Antiquos ejusmodi manus habuisse, suspicari quis vetet? In Pompa Ifidis, seu Rerum Naturæ Parentis manum fuisse prælatam, narrat Lucius Apulejus lib. 11. Metam. his verbis. *Quartus Antistes Æquitatis ostendebat indiciam, deformatam manum sinistram porrecta palmula; quæ genuina pigritia, nulla caliditate, nulla solertia prædita, videbatur æquitati magis aptior, quàm dextera,* & quamvis Diodorus scribat in 4. Biblioth. inter sacras litteras Ægyptiorum manu dextera expansa Liberalitatem significatam fuisse; sinistra verò compressa avaritiam, nullum tamen esse inter Scriptores super re ista dissidium, animadvertit eruditissimus Philippus Beroaldus in suis commentariis ad Apulejum, cum utrumque fieri commodè potuerit, ut sinistra compressis digitis esset symbolum tenacitatis, & eadem, palma explicata, indicium æquitatis, & liberalitatis. Pluribus etiam antiquissimis monumentis comprobatur, inter ceremonias Sacrificiorum Isiacorum ab Ægyptiis servatas, Sacerdotes fuisse, qui vario habitu induti vagabundi scenam peragebant. Hos utriusque sexus hominum sequebantur turbæ instructæ corymbis, cornucopiis, speculis, lucernis, & rebus similibus, & Kircherus hæc referens tomo 1. Oedipi pag. 225. exhibet sculpturam columnæ, quæ spectatur in hortis Mediceis montis Pincii, e regione obelisci ibidem erecti, ubi inter cæteras figuras Vir unus videtur, qui Apidis, seu Bovis iconem, fœcundum Ægyptiorum numen, sustentaculo fixum portat, alius statuam Horii, alius statuam Harpocratis, & Ifidis. Notat Antonius Augustinus Episcopus Tarraconensis in Dial. 3. num. 19. antiquas singulas militum cohortes suam quasque signum pro vexillo gestasse, sive lupi caput, sive Minotaurum, aut Dexteram, remve aliam Tribuni militaris arbitrio. Horum signorum primam in bello originem sollicitè quærens Godescalcus Stevecchius in suis eruditissimis commentariis ad caput sextum libro 2. Flavi Vegetii Renati de re militari hæc habet.

*Ægyptiis hanc originem video tribuendam, apud quos magna religione cultum Taurum, Apim, cæteraque Animalium genera historiæ, ac Poeta loquuntur.* Causam ejus patriæ solus Diodorus Siculus edocere potest, qui libro secundo auctor est, veteribus illis Ægyptiis nullam omninò militarem disciplinam fuisse, & cum a vici-



vicinis bello sæpius superarentur, excogitasse ferre aliquod insigne, quod milites sequerentur. Figuras igitur animalium, quæ post coluerunt, in tabulis pictas, ductores eorum in bello tulisse, ideo servatum, sub quo militaret quisque victoriam consequutus. Porro ut litteras, & signa in vexillis Romanis fuisse Vegetius scribit lib. eodem cap. 13. ut eas litteras milites legentes, vel inspicientes aberrare inquantovis tumultu a suis non possent; Itidem verò simile est figuras illas non pro nudo, & muto signo ab Aegyptiis prælatas, sed ut pro litteris singula nomina exprimerent, & verbis non nunquam significarent sententias totas. Sic Vultur naturam significabat, Avis Regem Ammiano teste lib. 17. De cæteris Aegyptiorum Hieroglyphicis adnotarunt Diodorus lib. 4. Strabo, Plinius, Plutarchus, & Ruffinus. Deinde ab illis multa ad Romanos manasse, testis est Tullius Cicero in prima Tusculana.

Signa autem (sequitur idem Steuecchius) non aliud olim, quam oblongæ hastæ, quibus in summo breve transversum appositum, lignum tantum, ad formam crucis, in medio titulus COH. VI. &c. deinde pilas seu circulis, seu clypeis in omnibus ferè signis conspiciebantur supra se mutuo positi, quod sciunt, qui Veterum monumenta, & nummos tractant. Hujusmodi similes clypei, seu globuli reperiuntur in nummis C. Valerii Flacci, in nummis Flavii Fimbriæ, Cornelii &c. in pluribus etiam manus conspiciuntur in summitate signorum; Adeat curiosus lector tractatum de militia Romana Guilielmi Choul, qui pagina mihi 72. tabulam exponit, in qua milites in vertice hastarum manus æneas deferunt; Similes produxit Justus Lipsius lib. 4. de militia Romana, e columna Trajani acceptas; Manum etiam æneam in vertice hastæ ostentabat antiquissimum simulacrum ferreum: quod sub nomine Tillini Antiqui populi in Valle Brixiana vulgo *Inzino* dicta, tanquam Deum venerabantur. Illud expressit in sua historia Brixiana, pag. 128. Octavius de Rubeis, qui affirmat ralem manum servari in sua Domo, & quidem non perfectè expansam: idcirco putat Dei liberalitatem non prodigam, sed prudentem significari, quæ suas divitias elargiatur *Virtuti tantum, & merito*. qua epigraphe hujusmodi liberalitatem indicavit in nummo Prænobilis Hieronymus Martinengus senior, adjecta manu, qua flores diffundebantur.

His prænotatis mihi suadeo nostram æneam manum gestatam fuisse in hasta sublimem in antiquissimis supplicationibus seu pompis, quas Ethnici celebrabant in honorem Isidis inter cætera, quæ hastis infixæ deferebantur, & quidem ut Deæ liberalitas, seu patrocinium laudibus ex-

tolleretur. Postquam hoc mihi suaferam, habui præ manibus eruditum opusculum cui Laurentius Pignorius hunc titulum præmisit. *MAGNÆ DEORUM MATRI DEÆ, ET ATTIDIS INITIA*, Venetiis impressum anno 1624. ubi hujus generis manum exponens meam sententiam confirmat his verbis. Manus ænea, cum inanis sit, minimeque solida, neque videatur adhæsisse trunco brachii, ideo fabrefacta forsitan fuit, ut scepro vel hastili non ita magno infereretur. Cui usui? inquires. Ut præferretur in pompa ipsi matri Deum, qua planè ratione unus Isidi prægestabat. In omnibus autem his manibus tres digiti pollex, Index, & medius elevati videntur; reliqui duo, annularis, & minimus, constructi eo modo, quo Veteres significabant Verba se velle facere ad Populum, ut ait Apulejus lib. 2. *Metam.* vel quo etiam Christianifidelium Antistites solent populo benedicere. Qua de causa si quis velit sibi potius suadere eas hastæ infixas collocatas fuisse in aliquo agro tanquam amuletum ad malorum geniorum aut verruncationem, & Isiaci patrocinii ad messes servandas invocationem, non inficiar. Utrumque enim ratio suadet, atque hæc tandiu placeant, donec prodeant meliora certioraque.

Quòd verò nostra manus fuerit Isidi sacra ex dicendis manifestum fiet. Hic interim notandum est, non esse mirum, quòd Isidi Aegyptiorum numini fuerit consecrata ab Hetruscis Urbs Vejentana. Aegyptiaca enim superstitione per Orbem ferè universum diffusa fuit, adeò ut verè scripserit Diodorus lib. 1. cap. 2. *Ubique ferè Terrarum Isidem cultam*, & Juvenalis de votivis tabellis Satira 12.

*Pictores quis nescit ab Iside pasci?*

Adeò ut non fuerit patriis contenta finibus, sed serpendo paulatim primò Græciam, deinde Romanam infecerit tempore Syllæ dictatoris; & pudet referre Romanos rerum Dominos, quibus licuit fœdera, leges, & Sacra exteris Nationibus dare, in hoc tam turpiter errasse, tantoque in errore tetra caligine versatam fuisse victimam illam gentium, & totius orbis dominatricem, ut stolidi hæc, & abominanda Isiacorum Sacra suscipere non erubuerit.

Scripsit Valerius Maximus *Senatus decreto sæpe constitutum, ut Isiacorum delubra devastarentur*: Artifices verò ob Religionem non ausos fuisse istis manum admovere, nisi Paulus Æmilius consul exemplo præiens Securi primus templi portas Isiaci aperuisset, & initium ruinæ fecisset; & quamvis Tiberius quoque Imperator ob detestandam Sacerdotum avaritiam hujusmodi templa devastari curavit, secuti sunt tamen hos, qui sacris Isiacis non modò faverent, sed & ipsi sua præsentia ( ut Suetonius retulit de

Domitiano) ea honestantes ab Inferis revocata stabilirent. Id quod Lucanus exprobrare videtur Romanis cum dixit :

*Nos in Tempia tuam Romana accepimus Isim ,  
Semicanæque Deos, & Sifra moventia luctum.*

Prope Templum S. Mariæ supra Minervam stetit olim templum Iſidis, & Serapidis, multi asserunt, idque ex diversis Aegyptiis marmoribus circa hæc loca erectis conjiciunt. De everſione illius loquutus est Tertullianus in Apologetico cap. 6. his verbis. *Liberum patrem cum mysteriis suis Consules Senatus auctoritate non modo urbe, sed universa Italia eliminaverunt. Serapidem, & Isidem, & Harpocratem cum suo Cynocephalo, Capitolio prohibitos, idest Curia Deorum pulsos, Piso, & Gabinius Coss. non utique Christiani, everſis etiam Aris eorum, abdicaverunt.*

Cum itaque Juno sub nomine Iſidis ab Aegyptiis culta, quæ Mater cæterorum Numinum putabatur, tanti fieret, in Vejentana antiquissima Hetruriæ Urbe Fanum celebre obtinuit, in quo Aeneum ejus simulacrum frequentibus pompis colebatur, ibique Tabellas votivas, donaria quamplurima, signaque superstitiosæ Religionis ex metallo, auro, argento, ligno, & argilla conflata Cives, & Advenæ consecrabant, quorum multa sub ruderibus, & antiquissimis glebis conſepulta rustici aratores non rarò detegunt, eisque Musæa eruditorum exornant.

Colebatur autem sub nomine Junonis, nam nomine multivago eam totus orbis venerabatur, ut ipsamet retulit his verbis, cum eam se ipsum alloquentem Lucius Apulejus effinxit lib. 11. *Metamor.* En adsum tuis commota, Luci, precibus, rerum Naturæ Parens, Elementorum Domina, sæculorum progenies initialis, summa Numinum Regina manium, prima Cœlitum Deorum Dearumque facies uniformis, quæ cæli luminosa culmina, maris salubria flumina, Inferum deplorata silentia nutibus meis dispenſo, cujus nomen unicum multiformi specie, ritu vario, nomine multijugo totus veneratur Orbis. Inde primigenii Phryges Pessinunicam Mineriam, illinc fluctuantes Cyprii Paphiam Venerem, Cretes sagittiferi Dictynnam Dianam, Siculi trilingues stygiam Proserpinam, Eleusini vesculam Deam, Cererem, Junonem alii, alii Bellonam, alii Hecaten, Rhamnusiæ alii, & qui nascentis diei solis inchoantibus illustrantur radiis Æthiopes, Ariique, priscaque doctrina pollentes Aegyptii, ceremoniis me propriis percolentes appellant vero nomine Isidem.

Ejus igitur æneum simulacrum sub nomine Junonis, ut diximus in Vejo cultum Romani detulerunt in Urbem, solemnè ac magnifica pompa, postquam Vejos Furius Camillus Dictator

expugnavit. Vtrumque narravit Titus Livius lib. 5. *Annal.* his verbis. Decem annos obsessos Vejos coepit Camillus: Cuniculus delectis militibus eo tempore plenus in æde Junonis, quæ in Vejentana arce erat, armatos repente edidit, & pars averſos in muris invadunt hostes, pars claustra portarum revellunt, pars cum ex tectis faxa tegulæque a mulieribus, ac servis jacerentur, inferunt ignes. Clamor omnia variis terrentium ac paventium vocibus misto mulierum ac puerorum ploratu complet. Quum jam humanæ opes egestæ a Vejis essent, amoliri tum Deum dona, ipsosque Deos, colentium magis quàm rapientium modo coepere, namque delecti ex omni exercitu Juvenes, pure lotis corporibus, candida veste, quibus deportanda Romam Regina Juno assignata erat, venerabundi Templum inire, primò religiosè admonentes manus, quod id signum more hetrusco nisi certæ gentis Sacerdos atrectare non esset solitus; deinde cum quidam seu spiritu divino tactus, seu juvenili joco, *Vis-ne Romam ire Juno?* anuisse cœteri Deam conclamarunt. inde fabulæ adjectum est, vocem quoque dicentis *Velle*, auditam. Motam certè sede sua parvi molimenti adminiculis, sequentis modo accepimus levem ac facilem translatu fuisse, integramque in Aventinum æternam sedem suam, quo vota Romani Dictatoris vocaverant, perlatam, ubi templum ei postea idem, qui vocaverat, Camillus dedicavit. Hic Vejorum occasus fuit Urbis opulentissimæ. Huc usque Livius.

Cum ergo hæc vera sint, & in campo Vejentano manus, de qua sermo est, fuerit reperta, procul dubio Junoni sacra, illam antiquissimam esse nemo dubitabit. Initium enim obsidionis Vejentanæ ait noster Petavius in *Rationario temporum* part. 1. lib. 3. factum esse anno Urbis conditæ 349. Urbs autem Vejentana capta anno 358. scilicet circa annum ante Christi Domini ortum 396. in qua sententia convenit etiam Briccius & alii.

Quod autem Junoni, seu Iſidi fuerit sacra, ex ipsis signis quibus exornatur, clarè deducitur. Illa sunt qualia scalpro exculpta repræsentavimus sub numero 1. & 2. idest in altera ejus parte videtur serpens pollicem versus reptans, & Testudo: Vitis insuper circumquaque ramos diffundens: in parte verò quæ cavitatem habet, est Lacerta, Rana, & Cyathus ansatus; supra duos digitos inflexos, nempè annularem, & auricularem, infidet Arietis caput, & in ungue pollicis Serapidis vultus apparet, cum calatho. Nunc ad singulorum explicationem progrediamur, Eruditorum auctoritate suffulti, & primo loco de serpente dicendum est.

Iſidi serpentem consecratum fuisse docuit Aelia-

Aelianus lib. 6. de hist. animal. cap. 23. narrans hujus Deæ simulacrum quodam aspidum diademate coronatum ab Aegyptiis effingi, & serpentem in ejus pompa efferri solitum; ideo Aegyptii Reges Aspides in diadematis pictos circumferebant, quod sacros esse censerent. Accedit Apulejus lib. 11. Metam. qui in Pompa Isidis Aspidem recenset, squameæ cervicis, striato tumore sublimem. Etiam propè simulacrum Isidis statutam Aspidem argenteam docet Juvenalis Sat. 6.

*Et movisse caput visa est argentea serpens.*

Ut fortasse indicaretur Isis filia fuisse Aspidis Capadocis, qui & Inachus vocatus est (ait S. Epiphanius apud Giraldum pag. mihi 328.) sive quod Aegyptii serpentis naturæ divinitatem quandam inesse putabant, teste Eusebio lib. 1. cap. 7. cumque igneum esse animal, proindeque fœcunditatis symbolum; unde per serpentes, & fœcunditatem, & in productione formarum varietatem, & ignis elementum designari docet cum multis eruditissimus Kircherus lib. 5. Obelisci Pamphili.

Testudine autem, cum sit animal terrestre, & ut plurimum sub terra delitescens, Terram significatam fuisse cum eodem Kirchero superius innuimus, est enim pigrum, & tardum in motu, Cybeli sacrum, quia hujus Deæ sacra propalare nefas erat.

Tertio loco se objicit Rana, quam referent Laurentio Pignorio in expositione mensæ Isiacæ Aegyptii venerabantur, ut fœtum Nili, quem Osirim vocabant, ac propterea elementum humidum eo symbolo eos significasse docet Kircherus, & Isidi consecrasse, tanquam rerum omnium Formatrici: & in festo inventionis partium Osiridis, Herodoto teste, Sacerdos Thyrsis papyraceis, & arundineis, inter quos Ranis stabulare consuetum est, aras ornabant, occultè insinuantes genitalis humoris copiam, quam a matre omnium expetebant.

Lacerta denique repens videtur, eò quod aere, sicut Chamæleon, vivere videatur, aerem ipsum illa denotat, ut docet Kircherus tom. 2. Oedypi pag. 451. Quibus quatuor symbolis quatuor elementa significari docemur, atque omnia, quibus rerum Universitas constat, vitam & alimentum a magna Deorum matre Iside per harmonicam elementorum contemperationem ubertim haurire: quam ubertatem Vitis explicat in ipsa manu expressa: quæ scilicet planta succi plenissima symbolum irrigationis perhibet apud Aegyptios, sicuti ficus folium succo imbutum, teste Plutarco lib. 6. Sympos. quæst. 10.

Et quia Isis, seu Luna sub nomine Isidis, vel Junonis indicata, non prodest sine Solis aspectu, hinc in suprema manus parte exprimitur etiam

caput Arietis, & in ungue pollicis exculpta est imago Serapidis, vel Osiridis, sive Ammonis cum modio in capite, quibus Sol significatur, teste Macrobio lib. 1. Satur. cap. 20. Sol enim sub his nominibus expressus fœcunditatis, & Generationis Genius habetur apud Aegyptios, hinc illius nomen, tanquam favorabile amuletum laminis incisum, & pectori affixum gerebant, tantumque illi tribuebant, ut sola invocatione magnis bonis se repleti crederent, ut docet Kircherus lib. 5. Obelisci Pamphili fol. 494. Quæ superstitio viguit etiam apud Romanos, qui Osiridem seu Ammonem Naturæ Conservatorem existimabant: ut legitur in Salonini nummo Arietem exhibente cum lemmate *Ammoni Conservatori*. Calathus autem, qui Osiridis capiti insidet, etiam Isidi communis est, ut amborum Vis frugifera, & Capacitas omnia in sublime trahentium declaretur, teste Macrobio lib. 1. cap. 20.

Eandem denique fœcunditatem in elementis omnibus ab Iside simul cum Osiridis influxu productam indicat Situla sive cyathus ansatus, seu Vas, quod aliqui Niloticum appellant, in postrema parte manus exculptum. Isidem enim situlam manu ferentem exprimebant Antiqui, ut lacunarum affluxum, sicut sistri motum, quod dextera portabat, Nili accessum significarent. Situla insuper teste Kirchero tom. 1. Oedypi pag. 187. indicat fœcunditatem, quæ sequitur post terræ irrigationem. Hoc ipsum docet Giraldus pag. 326. Syntag. Deorum. Hinc ait, inquit Macrobius in Saturnalibus, quod omnium religione celebratur, cum sit Natura rerum subjacens Soli; hinc est, quod continuatis uberibus corpus Deæ densetur, quia vel rerum naturæ alimento nutritur Universitas. Hinc est quod Opis nomen apud Græcos illi tribuatur, eò quod opem ferat rebus omnibus, quæ in Orbe continentur.

Tantam igitur, atque adeò Deorum Universitati perutilem Virtutem hujus Deæ his symbolis in manu expressis, ut celebrarent Antiqui, sive Vejentes, sive alii fuerint, metallo expressam in suis pompis hastæ infixam, vel ut voventium signum hanc manum circumlatam non rarò fuisse, ex prænotatis existimo.

O R A C U L U M.

**C**Aput exponimus sub numero 3. e marmore albo fabrefactum, vultum horridum habens, macie deformatum, crispata fronte, oculis, & ore patulo, per quod cavitas patet interna. Illud Orauli loco deservisse Veteribus non dubito, & ex his quæ subjiciam comprobabitur.

Cum

Cum mens humana perpetuò desideriorum æstu agitur, & bonorum, quæ desiderat perpetuam spem nutriat, Diabolus id noscens futurorum eventuum scientiam, illi spondet, variasque artes eundem edocet, quibus incertam alioqui felicitatem sibi possit augurari. Inter eas præcipuè sunt Astrologia, & Poliomantia. Priori docet sortem, quam quisque a primo natiuitatis suæ puncto natus est, ad bonam, vel iniquam fortunam, posteriori varias divinationum species exhibet, quibus incauti, dum bonum prosequi, & malum vitare appetunt, æterni boni possessione privantur. Idcirco in statuas Diaboli ingrediebantur ad hunc ipsum finem instructas, & ex illis responsa consulentibus dabant.

Celeberrima ideò sunt oracula, quæ pluribus in locis colebantur, plurimæque loca fuere, in quibus responsa dabantur, vel voce, vel nutu statuarum, vel sonitu, vel aliis signis, quæ edebantur; propterea mirabile est, inquit Lactantius Firmianus de origine erroris lib. 2. cap. 17. quòd Juno Vejenfis migrare se Romam velle respondit, quòd Fortuna mulieribus periculum denuntiavit. Atque inter celebriora oracula non infimum illud est, quod Giraldus Synt. 9. enarrat, idest: *ante simulacrum Mercurii Phasis Urbe Achaia focus situs erat ex lapide, cui adhaerebant plumbo detentæ anea lucerna, qui autem oraculum petebat vesperi, illud adibat, & thure suffibat, & lucernæ oleo complebantur, simulacrique ad dexteram Calcum (denarii id nomen) in ara ponebat, tum ad Dei aurem quicquid volebat insufurrabat, & simul manibus ambabus obturatis auribus discedebat; hinc foro dilapsus ab auribus manus amovebat, & quamcumque ille vocem audivisset, id sibi oraculum fuisse arbitrabatur.*

Responsa autem ut plurimum ex ore statuarum edebantur, ob id Oracula dicta (ut docet Priscianus) seu potius ex eo (inquit Cicero in Top.) quòd inerat his Deorum Oratio, eaque vel a Dæmonibus, qui ut ostendit Minutius Felix in octavio ex antiquis Philosophis, & Platone, & D. Cyprianus lib. de Idolol. vanitate, *sub statuis, & imaginibus consecrati delitescebant;* vel à Pythonibus, & Sacerdotibus, qui a specubus obscuris, & profundis, horribili sono, & strepitu irruebant, hoc pacto Ethnicos decipientes, dum a Dæmone irretiti variis ritibus, & ceremoniis commentitios Deos sub pietatis larva colebant.

Hanc Sacerdotum, seu potius Impostorum artem fusè pluribus exemplis detegit in suo erudito tractatu de Oraculis Antonius Van Dale Amstelodami impresso, pluribus etiam eruditissimus Vossius lib. 3. de Idololatria, & ut reliqua ommittamus, ne a nostro Instituto aberremus,

ex Strabone unicum, & percelebre feligimus, scilicet Oraculum Delphicum. *Illud (inquit Strabo) ajunt esse cavam profundo specum aditu non admodum lato, ex ea spiritum efferris furoris divini efficacem, supra orificium Tripodem situm, sublimem, quo consecrato Pythia, ubi spiritum exceperit, carmine, solutaque oratione sortes ab ea pronunciantur.* Hæc Strabo. Insidebat itaque Pythia Tripodi, & procul ab oculis eorum, qui Apollinem consultum venerant, & Plutarchus docet illos confedisse in Cella quadam in eum finem constructa. Ita enim ille sub finem dialogi de defectu Oraculorum. *Nam cella, in qua Consultores Oraculi sedere jubent, nec sæpe nec stato tempore, sed incertis intervallis fragrantia repletur, & aura, qualem suavissima, & pretiosissima unguenta ex adyto, tanquam fonte effunderent.* Quibus verbis supradictus Van Dale dissertatione secunda adnectit quæ sequuntur. *Non præsentibus igitur aderant, nec quid rerum generetur in adytis, quidve infra in specu subterranea sciebant, aut scire poterant. Ædes enim illæ, quæ in Urbe huic Templo subijciebantur, aliæve cella, vel adicula Templi seu septo connexæ, aut etiam intra illud edificatæ, occultum atque incognitum transitum dare poterant ad loca iis subiecta unde per suffimenta (atque alia ipsorum fallaciis conducentia, ut visus illorum, qui accedebant, obnubilaretur, atque ipsa Virgo Pythia per commoda instrumenta in id adaptata etiam suas partes agere poterat, sive ut per tubam locutoriam vocem intenderet, ut sic humanis majora sonare videretur, aliisque pluribus modis obsessam se a Dæmone simularet. Clandestini ac subterranei introitus. Exemplum dat historia illa de Belo ac Sacerdotibus ejus per Danielelem deprehensis cap. 14. quæ omnibus satis nota est. Sonum verò ita posse in immensum augeri, ut maneat interim vox articulata, ac commodissimè ea internoscatur, eo quod nihil planè variet ab ea, quæ simplici ore, & absque ullo instrumento, sive intensione per instrumentum, docent certissimè nos illa tubæ locutoria per Samuelem Morlandum Equitem Anglum inventa; (nisi ipso prior fuerit P. Kircherus, qui eas sibi ut jam antea excogitatas vendicat) ac nunc per totam Europam satis nota.* Hisce & adjumento esse poterat fornix, sive adyti, sive ipsius templi, sive utriusque simul, ut quotidie in Templis majoribus experimur.

Hac ratione per nostrum Simulacrum locutum fuisse aliquem antiquum Impostorem, ipsius structura nos edocet. Habet enim in parte inferiori, ubi guttur Hominibus Natura posuit, rotundum foramen, per quod si beneficio tubæ vocem quis immittat, & verba proferat, illa articulatim, & distinctè a spectatoribus, audiuntur, sono non parum aucto in caverna quam

quam habet Nostrum Oraculum, quod indicavimus, sub num. 3.

OCULUS APOLLINI SACER.

**O**culum humanum subjicio sub numero 4. in lapide Ægyptio nigro præcæteris durissimo, quem *Ofite* Itali dicunt, magnitudine bipalmarem, illum liberali manu Illustrissimus Præsul Leo Strozza dignatus est in nostro Musæo collocare postquam repertus fuit inter rudera collis Puteolani, ubi olim Templum Apollini sacrum assurgebat, quod a latere orientali collis ejusdem Urbis Cumanæ pars, & veluti Arx fuit, cujus meminit Virgilius in 6. Æneid. hoc carmine:

*At pius Æneas arces, quibus altus Apollo  
Præsidet, horrendaque procul secreta Sibyllæ  
Antrum immane petiit, magnam cui mentem  
animumque*

*Delius inspirat Vates, aperitque futura.*

Templum idem descripsit Justinus Martyr, qui florebat post Virgilium annis centum circiter, & septuaginta, in Oratione Parænetica ad Græcos; & affirmat se vidisse sub Antonino Pio; In eo igitur Templo oculum hunc tanquam votivum Anathema positum fuisse non sine ratione licet suspicari. Apollinem enim ab Aegyptiis in oculo expressum fuisse, refert Macrobius lib. de Iside, & Osiride, quem in scepro effingebant, eò quòd Sol sub Apolline indicatus cuncta perlustret, sicuti per sceptrum potestatem significabant. idèò etiam Solem Jovis oculum esse dicebant, & Apollinem *Celispicem* Latini nuncuparunt, quòd cælum conspiceret, ut docet Giraldus Syntag. 7. pag. 194. Quo nam ex voto in eo Templo positus fuerit hic oculus, nulla ratio indicat.

BASIS JOVI SACRA.

**D**uum hæc recenserem anno elapso 1704. effossa est Basis marmorea inter antiqua rudera ductus Aquæ Claudix, propè Templum S. Stephano dicatum in monte, quem in secunda Regione Romana Antiqui numerabant, Cælio dicto, a Cælio Vibeno Tusco duce nobili, qui cum sua militum manu dicitur a Varrone Romulo venisse auxiliaturus contra Sabinum Regem. Dignam eam duxi, quæ in Musæo collocaretur tanquam singulare eruditæ antiquitatis monumentum, quod non unicus eruditus desiderabat. Hæc autem inscriptio in antica ejus parte incisa legitur.

GENIO SANCTO  
CASTRORUM  
PEREGRINORUM  
AURELIUS ALEXANDER  
ANALICLARIUS  
QUOD PEREGRE  
CONSTITUTUS VOVIT  
EDIL. CASTRORUM  
LIBENS SOLVIT.

In ea plura notatu digna se offerunt, & primò lapidem fuisse votivum, ut verba ipsa declarant, licet non explicetur, quid nam ex votorum genere solutum fuerit. Illud fuisse simulacrum, in quo Genius Castrorum repræsentaretur, lapis ipse indicat, in formam quadratæ basis excisus, supra quam planities orbicularis apparet, ad illud sustinendum aptissima: Statuam autem repræsentasse Jovem, probabile est, cum Jovem fuisse Genium Castrorum peregrinorum deduci possit ex alia inscriptione a Panvinio relata lib. de Rep. Rom. pag. 169. in qua dicitur ornatum fuisse Templum Jovis reducis a Principe quodam Peregrinorum sic.

PRO SALUTE ET REDITU D. N. IMP. CÆSARIS  
PIO FELICI  
INVICTO AUG. COMITIUS BASSUS 7. FR. AGENS  
VICE PRINCIPIS PEREGRINORUM TEMPLUM IOVIS  
REDUCIS C. P. OMNI  
CULTU DE SUO ORNAVIT.

Genius dicitur in ea significatione, quam docet Censorinus, idest, quia Genitos susciperet, ac tueretur, ob id Genius est, ille sub cujus tutela aliquis vivit. Cæterum Aegyptii putarunt præter Deos cœlestes, naturas quasdam medias inter illos, & homines reperiri, quos Angelos, Dæmones, vel Genios, aut terrenos Deos appellabant. Hos verò Genios Regionem inter Cælum, & Terram interjectam incolere, & propè nos habitantes, nobis amica cognatione jungi, atque amore singulari erga humanum Genus affici, & hominibus diversis modis auxiliari putabant, sed falsò.

*Sanctus* appellatur *Genius* hoc est *Augustus*, ita Cicero de Aruspicum respons. 10. Ita Virgilius 3. Æneid. vers. 109. vocat Numina *Sancta*.

Tabellis, & Lapidibus votivis addita olim fuisse Deorum signa indicat satis inscriptio Romæ reperta, quam affert Tomasinus cap. 7. *Pro salute Julia &c. Veneriæ filix dulcissima deliciæ suæ Tabellam hanc marmoream cum signo Æsculapii &c.*

Potuit etiam hæc Basis sustinere simulacrum militis, ut mos etiam apud Antiquos erat in

Tabellis votivis exprimere quassatas Rates, imagines Aegrotorum, & similia, ut idem Tomafinus docet cap. primo de Donariis, vel Arma ipsa militis, ut indicat Ovidius lib. 4. Fast. eleg. 7.

*Miles, ut emeritis non est satis utilis armis,*

*Ponit ad antiquos, quæ tulit Arma Lares.*

Sed quaecunque illud fuerit donum, ex voto oblatum, illud *libens soluisse* dicitur, hoc est adimplevisse votum, *libenter* seu *libenti*, vel *æquo animo* (ut explicat Donatus) *Aurelius Alexander Analiclarus, peregrè constitutus.* quod adverbium *peregrè* apud Latinos verbis jungitur, non solum quietem, sed etiam motum significantibus, ut *Peregrè sum, peregrè venio*, apud Plautum Amphit. 4.

*Ita peregrè adveniens*

*Hospitio pollicitus accipiat.*

Ita *peregrè constitutus* idem est ac *in peregrinatione constitutus* vovit &c. *Aedilis Castrorum peregrinorum* fuisse dicitur Aurelius, idest, qui Aedium militum peregrinorum curam gerebat; sicuti Aedilis vocabatur Magistratus, cui Aedium Sacrarum, & Privatarum cura erat imposita, ut ait Varro lib. 4. de lingua latina, & ex Legibus XII. Tabularum, erant Aediles Curatores Urbis, Annonæ, Ludorumque solemnium. *Castra* appellabantur *peregrina*, non quod eo in loco Tentoria, seu Papiliones militum fixa fuerint, ut in castris, ubi Prælia committi solent a Militibus: sed quia Domus ibi erant constructæ, in quibus morabantur milites peregrini seu exteri, in Urbem recepti, quos Nardinus lib. 3. cap. 7. Sibi suavit selectos fuisse ex Aciebus Augusti in obsidione Miseni, sicut Ravennates milites in Tabernam meritoriam trans Tiberim positam recipiebantur.

Ubi nam fuerint Castra militum peregrinorum non ita certum apud Scriptores, ut dubitari non possit; quamvis omnes asserant posita in secunda Regione, ubi Mons Cælius attollitur. Plurimum enim longitudinis, & latitudinis minus habet mons iste, ejusque hi sunt fines, ut scripsit noster Donatus lib. 3. cap. 12. *Ab Esquiliis interjacente sejuncta valle, ubi Amphiteatrum, & aliæ Aedes, præcelsò primùm jago ad Aedem quatuor Coronatorum, tum molliclivo propè Basilicam Lateranensem Orientem, versus usque ad Mœnia procurrat. Flexis porrò mœnibus ad Templum S. Crucis, largoque intervallo quasi in rectum productis, clauditur a meridie. Hinc secretus modica planitie extenditur ad Vallem occasum versus, in qua Therma Antoniana, & Piscina olim publica, & Via Latina, & Appia. Ex valle dividitur ab Aventino: hinc rursus redit ad Amphiteatrum. Jam Castra peregrina aliqui collocant in montis crepidine,*

ubi Aedes Sanctorum quatuor Coronatorum; Alii verò putant fuisse ante Aedes S. Mariæ in Dominica vulgò *della Navicella*. Hanc opinionem fulciri ait Panvinus duabus tabulis lapideis suo tempore ante illas effossis, quarum altera inscriptionem ostentat supra allatam, *Pro salute &c.* Altera verò hanc habet:

*Coccius Patruinus Princ. Peregrinorum.*

Eandem sententiam confirmat lapis a nobis expositus, ex quo veluti sciintillæ excutiuntur, quarum ope rei ignoratæ Veritas elucescit.

Dum hæc scriberem effossa sunt propè eundem locum, ubi Inscriptio explicata reperta fuit, duo Instrumenta ferrea, quibus in curandis equis Artifices utuntur. Alterum est, quo unguis equorum refecantur, ita ut illis ferrea solea aptetur, antequam clavis affigatur. Ab artificibus italis appellatur *Incastro*. Simile est illi, quo nunc utimur, sed paulo longius extensum, ut docet figura sub num. 5. Alterum instrumentum est crassa lamina ferrea, in semicirculum efformata cum Manubrio. Hoc Artifices, in igne primùm bene calefacto, pedes equorum incidunt, ut cujusdam morbi radix omninò absumatur. Quamobrem novum argumentum, nisi fallor, nobis propositum est, ut credamus, eo in loco Castra peregrina sita fuisse, ubi non tantum pedites, sed equitum Turmæ post bella otiarentur, cum equis, & equorum curatoribus.

#### TABULA VOTIVA URANIÆ.

**E**odem anno Lapidea Tabula in Monte Cælio effossa est, ubi Villa patet Dominorum Casalium, qui eam Musæo addere perhumaniter dignati sunt. Verbis in ea incisis Vota ægroti indicantur hoc pacto.

IN. VI. CITE. CE. LE.

STI. U. RA. NI. AE. DONA. PO

Vestigia Quatuor Pedum

G. GI. FI. V. UL. FI.

LE. O. NES.

Singulis verborum syllabis interjacent puncta, quem modum scribendi passim usurpatum fuisse ab Antiquis quamplurimæ Inscriptiones docent. Item Verbis *Invicita* additus inutiliter est character I, vel ex imperitia sculptoris, vel ex vitiata antiquorum pronuntiatione, ut etiam apud Gruterum pag. 107. legitur *Dirutam*, pro *dirutam* quamobrem illa hoc pacto legenda sunt.

*Invi.*

*Invieta Cœlesti Urania Dona posuit G. Gifulfus Leones .*

Quærendum jam est, quid nam *Urania* nomine intelligatur, cur itaque *Invieta*, & *Cœlestis* dicta sit, qua de causa pedes quatuor impressi videantur, cur demum pro munere *Leones* fuerint oblati .

Quoad nomen *Urania* spectat suspicati sunt aliqui, & quidem eruditissimi Viri, significari unam ex choro Musarum hoc nomine appellatam, cui Astrorum scientiam tribuebant. At cum *Invieta*, & *Cœlestis* dicatur, Venerem illam esse, ambigendum non est. Inter nomina enim Veneri tributa *Urania* est, ut docet Pausanias, quod idem sonat ac *Cœlestis*, ita dicta a Poetis, quod ex cœlo cecidisse crediderint semen igneum in mare, ex quo in spumis illa nata sit; Alii autem ex puro amore quasi cœlesti, a corporis illecebris alieno, dictam volunt; nam Plato, & alii duplicem Venerem constituerunt *Cœlestem*, & *Terrestrem*. Pausanias in Attica ait: *Non multum a Vulcani Templo Urania Veneris ades abest*. Assyrii primùm hujus Urania cultum instituerunt, quos Paphii in Cypro imitati sunt, & Phœnices. Eiusdem Deæ cœlestis mentionem fecit Ammianus Marcellinus lib. 22. quam peculiari cultu venerati sunt Carthaginenses. Sic Tertullianus in Apol. *Unicuique etiam Provincia, & Civitati suus Deus est, ut Syria Astarte, ut Arabia Dysares, ut Nennici Belenus, ut Affrica Cœlestis*.

Esse autem eandem ac Junonem sequentia comprobant. nam idem Tertullianus. *Illa*, (inquit) *ipsa Virgo cœlestis pluviarum pollicitatrix*; quod Junonis munus erat. Apulejus lib. 7. *Metam. Magna Iovis germana, & Conjux, sive tu Sami, qua querulo partu vagituque, & alimonia tua gloriatur, tenes vetusta delubra; sive celsa Carthaginis, qua te Virginem vectura Leonis celo commeantem percolit, beatas sedes frequentas*.

Herodianus lib. 5. scribit Carthaginenses Urania sive Cœlestis nomen a Didone Phœnissa accepisse, & Lunam credi a Phœnicibus,

quasi Siderum Rectricem, vel Cœli Reginam? Eandem denominationem præfert insigne amuletum, pedis formam referens è Succino, quod memorat in sua historia Universalis Illustrissimus Blanchinus cum hac inscriptione.

*Deæ magnæ Veneri Sanctissimæ Felici conservatriæ matricæ Deum, cupidini Cœlesti Genetrici Cestianus &c.*

Nomen autem *Invieta* simul cum *Cœlesti* Veneri tributum clarè demonstrat Inscriptio, quam Sponius recensuit in Miscell. erudit. pagina 93. *Invieta Cœlesti Uran. Onesimus DD.* item alia Isidi posita, quæ eadem est ac Veneris, relata a Fabretto pagina 472. *Isidi Invieta &c.*

Veneri igitur *Invieta*, & *Cœlesti* vota solvit Gajus Gifulfus, quam Sanitati restituendæ præesse putabat, (quamobrem *Servatrici* nomen apud Arcades illam obtinuisse ex Pausania habemus lib. 8. & in multis Inscriptiõibus ab eodem Fabretto relatis patet.) Exprimuntur pedes juxta morem antiquorum, qui partium infirmorum imaginem repræsentabant, & pedes præsertim sicuti demonstrat Inscriptio apud Tomasinum de Donariis, cap. 34. & apud Fabretum pag. 472. in qua marmoreum donarium plantas quatuor pedum ostendit, in via nomentana repertum, & aliud ex schedis Vaticanis cum inscriptione.

*Licina Philetæ pro salute sua, & sororum.*

Cum autem dicatur Gifulfus posuisse *Leones*, credendum est donum ab illo positum in Templo Veneri sacro, quod *Leones* repræsentaret, vel ex ære, vel ligno, aut marmore, illudque sub tabula votiva collocatum, juxta morem antiquum, & quidem ut grati animi significationem daret, ponendo Leonum simulacra, qui Veneri seu Junoni tribuebantur. Qua de causa in nummo Severi, in quo legitur *Indulgentia Augusti in Carthaginenses*, hæc Dea depicta fuit Leoni insidens, capite velato, dextra fulmen, sinistra sceptrum gestans, ut eruditè notavit Jacobus Oyselius in Thesauro Numismatum, qui plura de illa refert.











F L O R Æ  
 T I . P L A V T I V S D R O S V S  
 M A G . I I  
 V . S . L . M .

POYΦINA IOYSTON ELS




MNEBIAN XAPITOS
























# CLASSIS TERTIA

## Continens Sepulchra, & Inscriptiones Sepulchrales.



Ntequam Urnas sepulchrales, & sepulchrorum inscriptiones inspiciamus, quæ ex Ruderibus in agro Romano effossæ in nostrum Musæum translatae sunt, ad delectationem lectoris conducere arbitror, si pauca

hic adnotentur, quæ de Funeribus apud Scriptores passim occurrunt.

Constat magnam fuisse curam apud Antiquos, & Nationes penè omnes etsi barbaras, in mortuis sepeliendis, nam cum Parentum, Liberorum, Amicorumque præsentia destituerentur, eorumque desiderio mirificè afficerentur, non est mirum, si nihil intentatum reliquerint, quod ad mæstitiam minuendam conducirer. Hinc apud Aegyptios mos ille condiendi corpora, ut integra servarentur usque ad consumationem sæculi, idest Resurrectionem, quam futuram esse crediderunt. Et licet non defuerint, qui sepulturam neglexerunt corporum, de anima tantùm solliciti, quam putabant immortalem, ut de Mæcenate legimus dicente:

*Nec tumulum curo, sepelit Natura relictos.*

Major tamen hominum pars sibi suavitatis, infelicissimum esse sepultura carere. Nihil enim corpore humano præstantius illis videbatur, quod cum animæ sit domicilium, & instrumentum, consentaneum judicabant, ut ab anima separatum tumulo honorificè mandaretur. Hinc Poetæ fabulati sunt Animas, quarum corpora insepulta manerent, Cymba Charontis non excipi, ut ad quietem transfretarent, donec Terra tumularentur eorum cadavera; Sic apud Virgilium Palinurus propè Acherontem Æneæ occurrens, hæc cum gemitu dixit:

*Nec ripas datur horrendas, nec rauca fluenta  
Transportare prius, quàm sedibus ossa quiescant.*

& paulò post addidit:

*Eripe me his invictè malis, aut tu mihi terram  
Injice.*

Ex quibus apparet, sepulturam ultimum esse benevolentia, & pietatis signum, quod defunctis amicis, & consanguineis impenditur.

At etiamsi mos sepeliendi mortuos apud omnes populos receptus semper fuerit, non tamen

eadem ratio apud omnes adhibita. Legatur Boissardus lib. 2. Antiquitatum Romanarum, P. Franciscus Pomey de Ritibus sepeliendi, Kirchmannus de Funeribus, Jacobus Gutherius de Jure Manium, & Lilius Gregorius Giraldu de Sepulchris, & vario sepeliendi ritu, cum a nostro Instituto alienum sit illos fusius exponere.

Non tamen omittendum est, quod maximè conducit ad explanationem sepulchrorum, quæ exhibenda hic erunt. Illa enim ejus generis sunt, quod parvæ molis sepulchra continet, quæque Urnas, Busta, & Sarcophagos scriptores appellant; Duplex enim fuit sepulturæ genus apud Romanos præcipuè. Aliquando integra cadavera sub terra condidit in marmoreis, vel fictilibus sepulchris clausa, juxta cadaveris magnitudinem fabrefactis. Ejus generis fictiles Urnas ostendit Joannes Franciscus Abela in historia Melitensi, quam scripsit annis elapsis è terra effossas, & in nostro Collegio Melitensi servatas, in quibus exculptæ sunt mortuorum imagines. Fictilium Urnarum meminit Propertius sic.

*Dein ubi suppositus cinerem me fecerit ardor*

*Accipiat manes parvula testa meos.*

aliquando verò corpora cremabant, deinde cineres, eorumque reliquias diligenter collectas in parvis urnis clauderant, vel fictilibus, vel marmoreis, vel aureis, vel argenteis, vel æneis imò etiam vitreis, ut narrat Jacobus Gutherius de jure Manium lib. 2. cap. 23. ubi ait, apud se habere majorem urnam vitream ossuariam quadratam oblongam, quam Nicolaus Boucherat Cisterciensis Abbas ipsi dederat; insuper aliam parvam pro cineribus, quæ a communibus ob vitri soliditatem differebat; Non abs re erit hic mentionem facere de vitreo vase in insula Melitensi cum cineribus detecto, & pleno humore aqueo, qui odorem suavissimum exhalabat, fortasse ex aromatibus ope ignis eductus. Servatur adhuc in Musæo eruditissimi D. Canonici Constantii. A cineribus cinerariæ, ab ossibus ossuariæ dicebantur tales urnæ, quibus sæpè includebantur cineres & ossa.

Illis etiam imponebantur Arulæ marmoreæ, vel Columnæ, vel Cippi, aut Tabulæ, quibus inscribebantur Epitaphia, & ad quæ quotannis

coronæ ex floribus addebantur, vel vinum, & liba sacrabantur, aut etiam victimæ cædebantur Diis Manibus, ex quibus epulum funebre fiebat affinibus, & amicis. Ornabant etiam aliquando insignibus marmoreis obeliscis, terminis, columnis, cippis, & pyramidibus, prout ferebant uniuscujusque facultates.

Sepulchrorum forma diversa fuit pro cujuscunque voluntate, aut facultatibus, & ex inventione Artificum, qui marmoribus inculpebant emblemata, signa Deorum, animalia diversa, aquilas, sphinges, arbores, & alia ejusmodi, quibus conceptum mentis suæ exprimebant, plerumque etiam insculpebant imagines defunctorum, vel nudas, vel vestibus indutas, vel integras, vel pectore tenus apparentes, cujusmodi plures videri possunt in primo, & secundo volumine Antiquitatum Romanarum Boissartii, qui describit etiam sepulchra aliqua sumptuosissima, quæ adhuc Romæ supersunt; eam tamen magnificentiam Ægyptiorum non evincunt: id etiam tradit Herodotus in Euterpe, & de illis scripsit Kircherus in lib. de Turre Babel.

Quando verò corporum crematio esse cœperit apud Romanos præcipuè, non ita certum apud Scriptores. Integra corpora sepelire antiquius fuisse, quàm cremare Plinius lib. 7. c. 58. a Manutio relatus declarat his verbis. *Ipsum cremari apud Romanos non fuit veteris instituti: terra condebantur; at postquam longinquis bellis obrutos erui cognovere, tunc institutum: & tamen multa familia præscos servavere ritus, sicut in Cornelia nemo ante illam traditur crematus.* Hæc Plinius. At, subdit Manutius. Quod ante XII. tabulas in more fuerit, id vetus non videri mirum est, nam, ut idem Manutius scripsit lib. de legibus pag. mihi 143. Lex ipsa XII. tabularum agebat: *In Urbe ne sepelito, neve urito,* ex qua deducitur, morem fuisse cadavera cremandi ante ipsas Tabularum leges, & sepulturam dari omnibus extra Urbem, paucis exceptis, qui ob eorum dignitatem intra mœnia sepulchrum obtinebant. Ita Plutarchus in Poplicula ait: *Decretum est, ut intra Urbem juxta Veliam sepeliretur, utque ejus Posteris idem ius esset. Ita Vestalibus intra Urbem sepeliri numquam non licuit, nullis enim legibus tenebantur, idemque Jus Imperatoribus fuit, & referente Servio, datum est etiam Decreto Senatus iis, qui triumphassent, ut cum eorum corpora extra Urbem cremata essent, in Urbem cineres referrentur, humique mandarentur.*

Igitur consuetudo cremandi cadavera, etsi lege Tabularum XII. prohibita fuerit, intra Urbem fieri ob incendii pericula, perduravit tamen extra Urbem, referente eodem Aldo Manutio, usque ad Antoninorum Imperatorum

ætatem. Ex quibus redditur incerta Plinii enarratio, Romulus enim Urbem fundavit, & calculo Dionysii Petavii in Ration. temp. part. 1. lib. 3. anno 3. exeunte Olympiadis sextæ, hoc est anno ante Christi nativitatem 753. atque hic aliique sex Reges, scilicet Numa Pompilius, Tullius Hostilius, Ancus Martius, Tarquinius Priscus, Servius Tullius, & Tarquinius cognomento Superbus Romanas leges condiderunt; Deinde elapsis annis 303. post Urbis fundationem, & annis 451. ante Christum, juxta Computum ejusdem Petavii, mutata Romæ, & Republicæ forma, ejectis regibus lege tribunitia omnes leges exoleverunt, iterumque cœpit Populus Romanus incerto magis jure, & consuetudine aliqua uti, quàm lege, idque propè 20. annis, postea placuit publica autoritate decem Viros constitui, per quos peterentur leges a Græcis Civitatibus, & Civitas fundaretur legibus, quas in Tabulis decem æneis perscriptas pro Rostris proposuerunt, ut possent clarius perspicere, & quia ipsi animadverterunt aliquid deesse primis decem legibus, sequenti anno alias duas eisdem Tabulis adjecerunt.

His expositis, clarè deducitur omni eo tempore cremandi consuetudinem perdurasse usque ad Antoninum Pium, scilicet ad annum 138. post Christi nativitatem, quo Romanæ rei illum præfuisse idem Petavius enarrat. Sepulchrorum autem sumptus ita excreverunt, ut impensius studiosiusque monumenta mortuorum multo curarent, quàm Vivorum domicilia, eos imprimis falli existimantes, qui brevioris, & momentaneæ Vitæ ædificia magnifica construerent; sepulchra verò, in quibus diutissimè quiescendum esset, negligenter, atque inter hos maxime fuere Ægyptii, ut indicavimus, quorum moles a Scriptoribus celebrantur. Romanis etiam permultis hoc fuisse usitatum, non tam ex veterum scriptis, quam ex ipsis monumentorum rudibus colligere possumus; & satis apparet in multis marmoreis Urnis, quibus Palatia, & Villæ Romanæ exornantur. Celeberrima inter cæteras illa est è lapide Porphyrite exculpta, quæ in Templo S. Constantiæ dicato visitur extra Portam Numentanam, quæ Pia nunc appellatur; eam descripsit Illustrissimus Ciampinus libro de sacris ædificiis cap. 10. aliam etiam est elegantissima ex pario lapide, quæ reperta fuit anno 1698. sub Rudibus in Vineæ, quam in antiqua via Ostiensi duobus ferè miliaribus a Porta tergemina, juxta ripam Tiberis possidet D. Franciscus Monciatus. Servatur hæc Urna in æde ejusdem novem palmis longa, tribus alta, totidem lata; atque in ejus fronte opere anaglypto elegantissimè expressa cernuntur novem musarum simulacra, & in utroque extre-

mo latere , aliquæ ex iis cum aliis figuris confabulantes . In operculo, quod ferreis retinaculis plumbo obfirmatis Urnæ copulabatur , decumbentium Icones efformatæ cernuntur . Ossa , & cineres Viri flammis non consumpti Urna continebat , propè quam lamina marmorea palmo uno lata , & duobus longa , litteris græcis inscriptionem habebat incisam : non parum ab eadem distabat Basis , seu Ara marmorea palmis sex alta , tribus lata , in cujus lateribus Discus , & Bauca exculpta videbatur . Frons autem hanc inscriptionem exhibebat litteris maioribus expressam .

C. ATTIUS  
VENUSTIUS  
ET  
M. ABUDIUS  
SELEUCUS  
FRATRES SIBI. ET  
ATTIAE C. LIB.  
PRIMIGENIAE  
CONJUGI. ET  
COETERIS LIBERIS  
LIBERTABUSQUE SUIS  
POSTERISQUE EORUM

In duabus etiam arulis eodem in loco reperi-  
tis cum diversis minoribus urnis , in quibus soli  
cineres claudebantur , erant sequentes inscrip-  
tiones incisæ .

C. ATTIUS  
VENUSTIUS  
HIC SITUS EST  
M. ABUDIUS  
SELEUCVS  
FRATRI SVO  
PIISSIMO FECIT.

D. M.  
M. ATTIO CLEMENT.  
VIXIT A. V. M. V. D. X.  
M. ATTIVS FLORVS  
PET. SATVRN. M.  
FECERVNT FILIO SVO  
CARISSIMO BENEM.

Neque fortè absurdum fuerit existimare etiam  
hunc ritum originem suam traxisse a Græcis ,  
nam hos quoque exornare solitos monumenta  
sua diversis emblematis & signis , quæ ple-  
rumque Vitam defuncti denotarent, passim apud  
Scriptores legimus . In Archimedis sepulchro  
positam fuisse sphaeram cum Cylindro auctor est  
Cicero Q. Tuscul. In Diogenis Cynici , canem  
tradit Laertius lib. 6. De Ariete , qui fuit in se-

pulchro Socratis , vide Plutarch. in 10. Rhetor.  
& Virgilius in funere Miseni libro 6. Aeneid.  
ait :

*At pius Æneas ingenti mole sepulcrum  
Imponit , suaque arma Viro , remumque  
tubamque .*

De exuviis verò hostium , quibus non Romani  
solum sed & Gothi sepulcra sua ornabant testis  
est Lactantius ad lib. 12. Thebaid. Statii.

Has aliasve Urnas sepulchrales , quæ apud  
Urbis Magnates sunt , omitto , ne alienas opes  
videar transferre in Musæum , cuius descrip-  
tionem instituis; idcirco eas tantummodo exponam,  
quæ in eodem servantur , etsi parvæ molis , ele-  
gantes tamen , & ex eo genere , quod ollas , &  
Urnas cinerarias , & ossuarias comprehendit .  
In amplissimis enim , & magnificis , ut dictum  
est , corpora integra nec flammis absumpta ut  
plurimum condebantur : in angustiis verò cine-  
res , quos post cremationem affines demortui  
diligenter colligebant , sicuti inter alios Kirch-  
mannus enarrat lib. 3. cap. 7. de Funeribus .  
Dixi ut plurimum ; nam etiam in amplis , & ma-  
gnificis aliquando cineres , & ossium reliquæ  
post cremationem includebantur , ut clarissimè  
patuit in Sarcophago marmoreo nuper reperto  
in agro romano propè viam Præneste ducen-  
tem ; sed antequam illud exponam , præmitten-  
da est difficillima questio , quam proponit supra-  
laudatus Kirchmannus lib. 3. cap. 7. dicens illam :  
*diu multos viros doctos habuisse exercitatos ;* ni-  
mirum quomodo cineres , & ossa , quibus hono-  
rem deferri volebant , dignosci potuerint a cine-  
ribus , è ligno natis , & ab ossibus animalium ,  
quæ sæpè simul cum cadavere cremabantur .  
Sunt ( subdit idem Kirchmannus ) qui existi-  
mant fuisse factas tunicas , e lino quodam Indi-  
co , quod exuri minime potuerit , atque iis  
operta cremandorum corpora , ut ita illorum  
ossa a reliquis cineribus separarentur . Ad istam  
opinionem stabiliendam abutuntur auctoritate  
Plinii qui lib. 19. cap. 1. de hoc lino sic loqui-  
tur . *Iuventum jam est etiam , quod ignibus non  
absumeretur . Vivum id vocant , ardentisque  
in focis conviviorum ex eo vidimus mappas sordi-  
bus excussis splendentes igni magis , quam  
possent aquis . Regum inde funebres tunice corporis  
favillam ab reliquo separant cinere . Nascitur  
in desertis adustisque sole India , ubi non ca-  
dunt imbres , inter diras serpentes , assuescitque  
vivere ardendo . rarum inventu , difficile textu  
propter brevitate . Rufus de cætero color splen-  
descit ipsi . cum inventum est , aequat prætia ex-  
cellentium margaritarum . Vocatur autem a Gra-  
cis Asbestinum ex argumento nature . Anaxilaus  
auctor est linteo eo circumdatam arborem surdis  
ictibus , & qui non exaudiantur , cædi . Ergo*

*buic lino principatus in toto orbe. Proximum byssino mulierum maximè deliciis, circa Elim in Ashaja genito, quaternis denariis scrupula ejus permutata quondam, & auri.* Hactenus Plinii enarratio in qua, etsi luculentur describatur hujusmodi linum, multa tamen falsa esse experientia detexit. Sed de illo omnia hæc enucleanda erunt, cum de Mineralibus agemus. In Præsentiarum satis sit de funeribus agere, in quibus tale linum ab Antiquis adhibitum fuisse ad cineres Magnatum servandos Scriptores multi retulerunt auctoritate Plinii suffulti. Inter hos Pancirolus rerum memorabilium parte prima tit. 4. & Thomas Porcachi de Funeribus antiquis agentes idem affirmant. Secundus addit pag. 11. Amiantum non esse linum, ut Plinius narrat, sed lapidem, ex quo tamen fila deducuntur, illumque repertum fuisse in Insula Cypro ab Equite Cyprio Hectore Podocatharo, atque ex eo mappas habuisse. A Plinio autem cæterisque Scriptoribus Kirchmannus dissentit his verbis: Sed hos raritas hujus lini, & pretium facilè refutaverit. ut miramur quod Plinio non de Romanis sermo, sed iis gentibus, apud quas illud linum nascebatur, quorum Reges tantum eo usi sint. Nugis etiam similia, quæ alii de Amianto lapide comminiscuntur, cujus sententiæ, cum nullum veteris Scriptoris testimonium afferant, assensum illis accommodare minimè possum, sed potius cum Viro Casaubono ita sentio. Cadaver cremandum ita in Pyra fuisse collocatum, ut cineres, & ossa separata manerent. neque aut ligni cineribus, aut Animalium. quæ simul cremabantur, ossibus commiscerentur. atque ita ex situ, & collocatione cadaveris facultatem fuisse discernendi cineres ac ossa.

Attamen aliquando etsi rarissimè, fortasse propter raritatem Antiquos usos fuisse tali lino seu lapide in crematione cadaverum, ut Plinius affirmavit, experientia evicit anno 1702. post quam ablata fuerit e prædio, quod D. Dominicus Caballinus possidet extra mœnia Urbis propè antiquam viam Præneste ducentem, terra illa vulgò dicta Puzzolana, qua cum calce mixta optima cœmenta conficiuntur, fortuitò detecta fuit Urna ex albo marmore fabrefacta, palmis novem longa, & tribus lata, cum duplici simulacro in extremis angulis pectore tenus expresso Viri, toga virili, & chlamyde circumamicti. operculum verò ejus diversæ geniorum figuræ exornant, quarum alii flores spargunt, alii arborum ramos cédunt, aliqui victimas propè arulam præparant. In hac igitur Urna ossa cineresque Viri femiusti reperta sunt, inclusa, in panno palmis novem longo, septemque lato, ex lino asbestino contexto, etsi non valdè tenui,

facilè tamen plicabili, cinereum colorem illud refert, quod in flammis albedinem contrahit non sine intuentium oblectamento. nam eruditus Viris argumentum præbetur antiquissimi ritus cremandorum corporum, etsi rarissimè fieret; nam inter penè innumeras Urnas non tantum Romæ, sed in Europa ferè tota, e ruderibus antiquis defossas hujusmodi asbestinum involutum in aliqua earum detectum esse nullus scriptor commemorat. Dignum propterea est, quod eruditi omnes suis oculis inspiciant in pretiosiori Urna repositum, atque pretio non vulgari redemptum in Regium aliquod Musæum, tanquam nobile Antiquitatis monumentum transferatur.

Sed ad nostras cinerarias Urnas revertamur, quarum aliquæ fictiles sunt, seu Testaceæ aliquæ verò marmoreæ. Has illis ut nobiliores anteponendas judico. sicut enim sepulcrorum aliqua amplissima fuerunt, alia moderata, quædam vulgaria, aut humilia, plebeja, aut promiscua, ita etiam, & Urnæ in quibus cineres, & ossa claudebantur.

Primò igitur loco in Tabula XXVI. Urnam expono quatuor æqualibus partibus absolutam, quarum singulæ ferè palmo cum dimidio in latitudinem, trium verò in altitudinem extenduntur. Anterior, & nobilior earum Proserpinæ raptum analyptico opere expressum præbet cum Plutone illam amplectente, etsi renuentem, in curru quatuor equis alligato, quorum habenas Infans alis præditus moderatur. Hunc raptum Proserpinæ sic Orpheus in Attico descripsit.

*Pluto sibi Castæ Cereris nam filia quondam  
Cum legeret flores in prato, rapta quadrigis  
Imposita est, & cecropium portata sub antrum  
Huc ubi Eleusis adest, ubi nigri janua Ditis.*

Illum plurimæ Defunctorum Ethnicorum Urnæ expressum præbent. In Crypta Nasonia, seu Nasoniorum sepulchro, quod apud Romam anno 1674. detectum fuit, & in lucem datum a Petro Santio Bartolo videbatur, qualem Tabula proposita ostendit juxta Claudiani descriptionem.

*Interea volucris fertur Proserpina curru  
Casariam diffusa Noto, plantæque lacertos  
Verberat, & questus ad nubila fundit inanes.*

Georgius verò Fabricius Chemnicensis, Auctor cæteroque damnatus, in sua Roma cap. 21. referens varia rerum simulacra, quæ in sepulchris urbis exculpta sunt, ait esse imaginem Plutonis Proserpinam rapientis in S. Silvestri Æde propè Arcum Domitiani, & ante S. Mariam in Cosmedin propè Velabrum. In eo, quod est apud S. Silvestrum Pluto quadrigiis vectus raptam Proserpinam complexu tenet exanimi similem,  
supra

supra quam volitat alatus Cupido. Currum præcedit Mercurius alato pileo, & caducæo. In altera parte Ceres bigis invehitur tractis a Serpentibus: pinea tæda, quam sinistra gestat, investigans amissam filiam. Inter hæc ab utraque parte Comites Proserpinæ flores collectos gestant, veste ultra pubem sublata. A lateribus Hercules est leonis exuvio indutus, dextera tenens clavam, sinistra anum quandam invadens, cui verbera minitatur.

Apud Jacobum Boissardum 3. part. Antiquitatum Romanarum representatur sub num. 85. sepulchrum cum raptu Proserpinæ, quod dicit fuisse in Carpensibus hortis in Quirinali ad ingressum vineæ majoris sub statua Virginis.

Cur autem in tumulis hic raptus exprimeretur, non unica ratio afferri potest. Eruditissimus Petrus Bellori in notis ad sepulchrū Nasoniorum putat ideò expressum, quia in funeribus luctus Cereris genitricis Proserpinæ; & lacrimæ Sociarum exprimebantur, Diodorus autem Siculus apud Giraldum docet Plutonem fuisse dictum Regem mortuorum, quia primus ille invenerit sepulturas, & exequias, cum antea cadavera sine ullo cultu passim sepelirentur, aut etiam inhumata relinquerentur, ex quo fit ut in mortuos crederetur exercere principatum; & ideò dicitur *Quietalis* apud Festum, quòd morte quietem cunctis afferat; Hac de causa Parcas illum compellantes induxit Claudianus.

*O maxime noctis*

*Arbitrer, umbrarumque potens, cui nostra laborant*

*Stamina, qui finem cunctis, & semina præbes*  
*Nascendique vices alterna morte rependis,*

*Qui vitam lethumque regis; nam quidquid ubique*

*Gignit materies, hoc te donante creatur,*

*Debeturque tibi certis ambagibus avi.*

At etiam si veterum de Diis fabularum futilitatem ridere debeamus (nam in iis quas unicuique coningere pro arbitrato votoque fas erat, in discrepantias sæpè prolabebantur, in deliramentis tamen aliqua veritas latebat, qua nos etiam erudiri possemus. D. enim Augustinus 7. de Civit. Dei cap. 20. ait Proserpinam significare fœcunditatem seminum, quæ cum defuisset quodam tempore, eademque sterilitate terra mæreret, exortam esse opinionem, quòd filiam Cereris, idest ipsam fœcunditatem, quæ a Proserpina dicta esset, Orcus abstulerat, & apud Inferos detinuerat; idem quoque cap. 24. dictam asserit Terram quandoque Proserpinam, quòd ex ea proserpant fruges. Sic etiam aliqui apud Varronem lib. 4. de lingua latina, & Arnobius lib. 3. adversus Gentes, eò quòd *sata in*

*lucem proserpant, cognominatam esse Proserpinam.*

Hanc significationem eruditè exposuit Hieronymus Alexander Junior explicans Zonam antiquæ statuæ ad Paulum Gualdum Archipresbyterum Patavinum, in qua Raptus Proserpinæ cernebatur, comitesque ejusdem sollicitæ, & mater cum lampadibus illam perquirens. Pluto (ait) quadriga vectus pro sole capi potest, cui quadrigam Veteres tribuerunt, seu pro solari virtute, qua ex agricultura fructuum percipimus. Verùm Pluto Sol inferus censendus est, de quo Macrobius 1. Saturn. cap. 19. *Inferi autem nomen Soli datur, quum in inferiori hemisphærio, idest hyemalibus signis cursum suum peragat; Superi, quum partem Zodiaci ambit æstivam.* Hibernus itaque Sol Proserpinam rapuisse dicitur, quia hibernis mensibus semina sub terris latent, ac solari vi foventur, ut suo tempore in herbas erumpant; nam Proserpina, quam vel fruges aiebant esse, vel aridorum seminum virtutem, tunc ad lucem reduci, & revivere matrem dicebatur; quo sensu Orpheus in hymnis sic tempora alloquitur:

*Proserpina Collusores, quando Parca illam*

*Et Gratia circularibus choris ad lucem reducant,*

*Jovi gratificantes, & matri fructuum datrici.*

nam quod innuit Parcarum opus esse fructus in apertum educendi, etymon Varronis in mentem revocat, agentis: *Parcas à pariendo dictas*, ut est apud A. Gellium lib. 13. cap. 17. Porro quam intulimus significationem ejusdem raptus, claris verbis a Porphyrio traditur apud Eusebium de Præparat. Evangel. lib. 3. cap. 3. *Quoniam verò (inquit) Virtus est quedam projectorum humi seminum, illam subtrahit Sol sub hemisphærium currens hyemali tempore. Proserpina quidem Virtus illa seminum: Pluto verò Sol est terram subiens atque occultum percurrens orbem, atque idcirco raptam ab eo Proserpinam dicunt, quam sub terra latentem Ceres quarit. nec abludit Phurnutus quum ait, Rapuisse fertur Pluto Cereris filiam, quia frugum semina ad aliud quod tempus terra occultantur. Sic Arnobius lib. 1. ex Gentilium fabulis: Ille qui raptam a Dite Proserpinam dicit, non ut reris, in turpissimos appetitus Virginem dicit raptam, sed quia glebis occulimus semina, iussisse sub terras Deam, & cum orco significat fœdera genitalis conciliare fœtura.*

Nec verò me latet aut inferiorem hunc aerem, aut terrenam vim per Plutonem apud quosdam Mythologos significari, verùm quamcunque virtutem, quam terra obtinet, aut Aer, ad prognerandas fruges, eam præcipuè a Sole haurit, qui primus est Naturæ Satelles, & mundi temperatio, ut aiebant Cicero. Is enim vi-

vifico suo calore sub terras immisso ac hyemali frigore circa femina compresso, vires præbet ad germinandum; videtur enim Sol non ea tantum quæ super terram, sed & quæ sub terra sunt, uberiora melioraque reddere, inquit Theophrastus lib. 3. de causis Plant. cap. 4. quare concinne hiberno Soli Plutoni fecere nomen, quod teste Platone in Cratylo a divitiis deductum est, ut & Ditis apud Latinos. Cicero 2. de nat. Deor. *Terrena autem vis omnis, atque natura Diti Patri dedicata est, qui Dis apud Græcos Pluton, quia & recidunt omnia in terras, & orientur è terris.* Idem Porphyrius, quo magis demonstrat Plutonis figmentum ad Solem pertinere, ita loquitur de cerbero tricipiti: *Haud enim a morte vocatus est, quod defunctorum animos possideat ad vorandum, sed a concipiendo, seu generando, cujus rei Pluto elargitor est, quum Proserpinam rapit.*

Sed omittis hisce fabularum commentis faniori mente philosophantur Quamplurimi, dum in admirabili temporum vicissitudine; & certis naturæ legibus feminum, ac plantarum germinatione immortalitatem Animæ recognoscunt, quæ cum corpus deficiat, & marcescat, quodammodo ex hac terra decreto inevitabili abripiatur, iterum tamen ad novam vitam efflorescet. His prænotatis ad reliqua in marmoreo sarcophago expressa gradum faciamus.

In eo videtur Pluto Barbatus sicut in marmore, quod exhibet Alexander pag. 93. Hibernum enim Solem significat, & hyems est quasi anni senectus, ut idem Alexander notat in explicatione Tabulæ Heliacæ. Puellus cernitur alatus; qui cupidinem significat, quem Cicero de Nat. Deor. pennatum appellat, & volantem, quod scilicet: *leves faciat, & amantium cogitationes vagas in modum Avis.* Marmor tamen Alexandri illum exhibet non alatum, sed elatis manibus fasciam attollentem, aut retortam vestem, quæ supra verticem curvatur in arcum. Equorum ille tenet habenas; nam tantam illi potestatem antiqui Poetæ tribuerunt, ut omnes Deos spoliatos suis insignibus ab Amore fuisse referant; Hanc potestatem descripsit Orpheus in hymnis cum dixit:

*Tu maris, & terræ clarus atque atheris alti  
Sceptra tens, tu quot ventos Dea parturit alta  
Frugifera, aut Pontus tumidus vel Tartarus  
ipse*

*Et regis, & cuncta flectis moderamine solus.*  
Quatuor fingitur equis vehi Proserpina, cum totidem mensium tempore ad inferiora crescant frugum radices in ea significatarum. Sic Claudianus in primo lib. de raptu Proserpinæ equorum nomina expressit:

*Orpheus crudele micans Æthonque sagitta*

*Ocior, & stygii crudelis gloria Nyctæus  
Armenti Ditisque signatus Alastor.*

Erant illi sicut, & currus nigro colore; ita Ovidius in 5. Metam.

*Hanc metuens cladem tenebroso sede tyrannus  
Exierat, curruque atrorum invehit equorum  
Ambibat sicula cautus fundamina terræ.*

Finxerunt enim Proserpinæ raptum evenisse in Sicilia propè Urbem, quam Strabo lib. 7. nominat Valentiam, in loco amœnissimo sitam, ubi florentissima erant Prata; ad indicandum ejus insulæ fertilitatem; ad quam refert etiam Natalis Comes in sua Mythologia florum copiam, in quibus colligendis occupata erat Proserpina, quando a Plutone rapta fuit.

Ob eandem rationem flores expressos fuisse a sculptore in nostro marmore mihi suadeo. Inter multiplices verò flores, quibus illud exornatur, duplex malum punicum in oppositis lateribus cernitur, quo clariùs fabula Proserpinæ exponitur. Finxerunt enim Jovem roganti Cereri Proserpinæ matri pro filia, & temeritatem fratris Plutonis accusanti, promississe se facturum, ut filia ipsi restitueretur, si ea conditione ad eam capiendam accederet, ut nihil eorum gustaret, quæ forent apud Inferos. Verùm cum illa tria grana, vel septem, ut alii dicunt, mali punici edisset, indice Ascalapho filiam liberam educere omnino non potuit. Hæc omnia docuit Ovidius lib. 5. Metam. fab. 8.

*Non ita fata sinunt; quoniam jejunia Virgo  
Solverat, & cultis dum simplex errat in hortis  
Puniceum curva decerpserat arbore pomum,  
Sumptaque pallenti septem de cortice grana  
Presserat, ore suo; solusque ex omnibus illud  
Ascalaphus vidit &c.*

Insuper eadem opposita latera duplex lauri ramos exornat: quo proculdubio ramus ille indicatur, de quo Virgilius lib. 6. Æneid. vers. 139. cecinit.

— — *Latet arbore opaca  
Aureus, & foliis, & lento vimine ramus,  
Iunoni infernæ dictus Sacer: hunc tegit omnis  
Lucus & obscuris claudunt convallibus umbra  
Sed non ante datur telluris aperta subire  
Auricomos, quam quis decerpserit arbore factus.  
Hoc tibi pulchra suum ferri Proserpina munus  
Instituit; primo avulso non deficit alter  
Aureus & simili frondefcit Virga metallo.*

Quod si hunc ramum ex arbore lauri decerptum in fabulis non affirmari aliquis dicat; illum tamen ejusmodi fuisse argumento est, quod arbor illa Lunæ sacra fuerit, quæ eadem est ac Juno, & Proserpina. Quamobrem Natalis Comes libro 4. Myth. agens de Apolline hæc habet: *Laurus Apollinis convenit Naturæ, cum arbor sit natura calida, cujus folia, & fructus siccant, & cale-*

*calefaciunt vehementer*, ut ait Ætius in lib. prim. Hæc eadem causa fuit cur Lunæ simulacrum lauræum ramum teneret, per quem calorem unicum lumine illam à Sole accipere significabant, ut sensit Ptolemæus in Almagesto, Confirmatur ex natura ipsius arboris, cujus folia semper virefcunt, nec unquam senex apparet.

Frons denique hujus sepulchralis Urnæ areolam præfert nullo titulo, seu inscriptione insignitam, quod mirum fortasse videbitur, cum non fuerit expressum nomen demortui, vel saltem Deorum Manium, quorum litteræ initiales adèd propriæ sunt sepulchrorum, ut vix sine iis monumenti nomen tueri possis. At licet vera hæc sint, Tumulus quandoque apud Antiquos, licet rarò, sine titulo fuit.

Item loco Deorum Manium insculpebant Antiqui nomen Dei tutelaris, ut notat Thomas Porcacchi, agens de funeribus antiquis: additque apud se tumulum esse nomine Dianæ insignitum, alterum Mercurii, atque aliquando ipsorum Deorum imagines aut signa in tumulis esse sine ullo prorsus nomine insculpta; cujus generis noster tumulus censendus est, quem exposuimus.

Secundo loco aliam sepulcralem Urnam exhibemus nullo pariter titulo insignitam, sed ornamentis prout tabula XXVII. demonstrat sub numero primo, scilicet duplici Tripode in anterioribus angulis expresso, duabus aquilis in fronte, & vultu juvenis, quam corona ex lauro circumdat. Quæ omnia Apollini fuisse dicatum hoc sepulchrum apertè demonstrant. Tripodum enim nomine intelliguntur omnia illa instrumenta, quæ tribus insistant pedibus, propriæ tamen erant mensæ in templo Apollinis Delphici, quibus insistens Virgo Pythia vaticinabatur; hinc Apollini Tripodes cum serpentibus sunt dicati.

Tripodem cum intorto serpente descripsit Pausanias in Phoc. eo modo, quo in hoc marmore exhibetur. Commune fuit Græcorum de Plateensi prælio donum Aureus Tripus sustinente æneo dracone. Duo Tripodum genera recenset Athenæus lib. Deipnosoph. unum quo ad aquam calefaciendam utebantur, alterum in quo vinum miscebatur; & cum in vino inesse veritatem affirmarent, Apollini & Bacchò consecrabantur Tripodes; illi, ob oraculorum consuetudinem, huic verò quia non mentiuntur ebrii. Quod autem Apollo omnem dubietatis scinderet caliginem, indicare voluit Antiquitas, quando Tripodem ei tribuebant, tres partes temporis, quarum author est Sol, in Apolline expressus. Id Fulgentius videtur innuisse quum ait: Tripum quoque Apollini adjiciunt, quòd Sol, & præterita noverit, & præsentia cernat, &

futura visurus sit, & Martianus Capella lib. 8. Ipsa Tripus trini cursus præfagia pollicetur, hoc est extantis, instantis & rapti; Suidas quoque Tripus circa tria tempora vaticinatur, præsens, præteritum, & futurum.

Clariùs quàm Tripode indicatur Apollo in imagine Juvenis in hoc marmore exculpta. Nihil enim frequentius affirmant Mythologi, quàm unum eundemque cum Sole esse Apollinem, quem ideo adolescentulum fingi solitum dixerunt. quòd Sol (inquit Isidorus 8. origin.) quotidie oriatur, & nova luce nascatur: sive ad innuendam, ut Phurnuto videtur, Solis formositatem, ut enim nihil apparet Sole pulchrius in hac rerum universitate, ita nulla hominis ætas adolescentiam pulchritudine anteit; aut certè quia Solis vis, & calor, unde vitam hauriunt omnia, idem semper est, neque unquam fenescit. Sic Hieronymus Aleander Junior, in explicatione tabellæ antiquæ pag. 17. Corona redimitur laurea, & Aquilæ circumstant; nam sicut arborem hanc semper virentem Apollini sacram fuisse Mythologi sciunt, sic etiam Avem illam, quæ unica inter volucres oculorum aciem in Sole desigit, propiusque quàm cœteræ ad illum suo volatu potest accedere.

Cur autem Apollini sepulchrum tale dicatum fuerit, puto ex eo quòd ab illo beatam Vitam tribui posse Ethnici sibi suaserint; sicut Solis virtute omnia, quæ prius marcescunt, ad Vitam revocantur, & efflorescunt.

In operculo ejusdem sepulchri exculpta apparet imago pueri nudi insidentis Pantheræ, quæ velocem cursum simulat. Ab eo procul dubio Bacchus indicatur, cum illi Panthera comes tribuatur teste Philostrato lib. imag. Ea de causa, inquit Oppianus lib. 4. de Venat. quod illa vino gaudeat, vel ad indicandum efferatas mentes temperato vini usu mulceri, Thyrsus insuper manu gerit; nam eidem ejusque sequacibus thyrsus ideo datum esse scripsit Phornutus, quod ebriorum pedes suum officium difficiliter peragant. Si fortè quæras cur decurrentis instar expressus fuerit in hoc marmore, dicam fortasse ad indicandum Vitæ cursum; Antiqui enim Athenienses referente Plutarcho Apoteph. Diei raptum mortem præcipuè immaturam appellabant.

Tertio loco se offert in eadem Tabula sub numero 2. quadratum sepulchrum cum inscriptione:

D. M.

JULIÆ EUC. DIAE, FLAVIÆ  
NAIS COGNATA ET JULIA RESTITUTA  
LIB. PATRONÆ B. ME. H. M. D. M. A. B.  
QUAM SIC LEGENDAM PUTO.

Diis Manibus. Juliæ Eucheriae Diae Flaviae Nais Cognata, & Julia Restituta Liberta Patronæ Benemerenti hoc monumentum dicarunt mœrentes Animæ bonæ.

Huic inscriptioni imminet corona duplici fascia circumligata juxta morem antiquorum, qui ejusmodi coronas sæpissimè in sepulchris insculpebant. Illum referunt plurimi, inter quos Clemens Alexandrinus lib. 2. cap. 8. Stromatum ajens; remotæ servitutis signum est corona, quare ea, & mortuos coronant. Hac de causa Veteres mortuos suos, & sepulchra coronabant, significantes, eos ex Victoria sæculi evasisse. Etiam Plinius id docet lib. 21. cap. 3. Tunc coronæ Deorum honos erant, & Larium publicorum ac sepulchrorum, & Manium.

Fiebant autem hæ coronæ ex omnigenis floribus, ut est apud Sophoclem in Electra, interprete Georgio Ratallero.

— ut accessi ad patris  
*Tumulum, repletos lacte rivos conspicio  
Fuso recens, variisque bustum sterculis  
Hinc inde conspersum undique.*

Thomas Porcacchi de Funeribus Antiquorum tab. 3. pag. 15. refert hujusmodi coronas, quæ tumulis imponebantur, fasciis fuisse circumligatas laneis, & discoloribus, quas *Lemniscos* Festus, & Plinius vocarunt, earum pars magna hinc inde dependebat. Eas Plutarchus in vita Philopæmenis *Tanias* vocavit, sicut & Varro libro 6. de Lingua Latina.

Non omittendus est titulus, qui frequentissimus legitur in sepulchris Antiquorum, scilicet *Diis Manibus*. Gentes enim, quæ Dei verbum non audiverunt, etiam docuerunt Animas mortuorum post obitum ad Inferos ferri, & a Plutone Inferorum Deo, (ut ipsi opinabantur,) tradi severissimis iudiciis Minoi, Rhadamantho, & Æaco, qui incorrupta trutina omnium antea vitam trutinabant, nullaque ratione habita status, conditionis, dignitatis sexus, aut ætatis, de omnibus incorruptam ferrent sententiam; fontes, & noxios pœnis atrocibus pro magnitudine delicti adjudicabant, alios rotis, alios vulturibus, alios Eumenidibus furiis conscindendos flagellis, alios vadis Cocyti, & Phlegetontis flamma, & sulphure stagnantibus immergendos præcipiebant, donec Orci vindictæ satisfactum esset, Boni verò, & Dei cultores, quique per Virtutem Vitam transfegere, ad

beatam, & æternam felicitatem transferebantur ad Elyfios campo, ubi flumen Lethes præni adibant, & de eo potabant, ut inde laborum, & malorum vitæ præteritæ oblivionem conciperent, & ad loca destinata, & beatorum consortia reciperentur. At cum incertum esset quomodo quisque exciperetur ad Inferos, viventes omnem movebant lapidem, ut defunctorum necessitatibus providerent, tam legitima sepulturarum, quàm precibus, & sacrificiis, quibus Deum placari, & clementem reddi judicabant: Hoc ante omnia procurantes, ut Animabus Defunctorum Deos Manes propitius, & faventes redderent. Ideoque illos ut plurimum invocabant, inscriptionibus tumulo appositis. Dixi, ut plurimum; nam aliquando, (ut in superiori sepulchro vidimus) Deum aliquem tutelarem invocabant; eique sepulchra dicabant, ejus nomine inscripto, ut in pluribus apparet, apud Porcacchium, Gruterum, aliosque: scilicet *Genio, Soli invictò, Herculi defensori, Opi divina, Fortuna Primigenia &c.*

In Tabula XXVIII. Sepulchrum marmoreum damus cum inscriptione.

D. M.

CORNELIÆ TABAIDI FRATR. F.  
hoc est, FRATER FECIT.

Ornamentis exornatur pulcherrimis; Angulos enim contegunt quatuor Larvæ quæ Barbaris, teste Plauto num. 24. *Mascha* dicuntur. In fronte Ederæ arbor baccis onusta circumserpuit, quas volucres arripiunt. In oppositis lateribus bini sunt cuniculi Vuas in canistro positas depascentes. Quid autem hæc omnia significant; utcunque potero conjecturis indicabo. Et primùm præmitto Sepulchrum tale Baccho dicatum esse me existimare. Bacchanalia enim, Silenorum, & lusus scenæ fuerunt dedicati Baccho, qui fuit eorum author: unde in Sacris ejus Dei, & circa ejus statuam suspendebantur larvæ comicæ, & ridiculæ rusticorum Numinum, ut narrat Callixenus Rhodius apud Athenæum. Fuerunt etiam larvæ propriæ Comediæ latinæ, ubi usitatissimæ in personis comicis. Sunt tamen qui scribunt, referente Kirchmanno lib. 1. cap. 9. si casu deformiori esset oris specie cadaver, larvis faciem obduci solitam; unde larvata funera dicta sunt. Hanc meam opinionem hedera in tumulo expressa confirmat; Baccho enim hæc arbor fuit Sacra. Edera apud Ægyptios planta Osiridis vocabatur, quare Thyrsos, & Ederas in Osiridis solemnitatibus memorat Apulejus lib. 11. Metam. Osiris autem idem habebatur cum Dionisio, sive Baccho. Quod si Bacchus idem est ac Apollo seu Sol, ipsa Edera, quæ modò alba dici-



dicitur modò nigra, diem fortasse, & noctem indicat. Si verò Apollo Vates, similiter & Bacchus fuit, ut Macrobius docet. Poetis autem coronas ex hœdera dari quis nescit? *Hœdera coronantur Poeta*, inquit Servius ad 7. Virgil. Eglog. *quasi Libero consecrati, qui etiam ut Bacche insaniunt, vel quòd semper virent Hœdera, sicut carmina aternitatem merentur.*

Clarius Vuæ in canistris congestæ idem explicant, quas Baccho sacras fuisse nullus ignorat. Ad productionem enim earum veluti primariis instrumentis Natura utitur Sole, & Luna, adjuvante eam, altero per calorem, altera per humorem; hinc est ut duo illi planetæ adumbrentur per Vuas, & spicas, & Sol intelligatur per Bacchum, & Luna per Cererem: sicuti colligit Macrobius, qui largè differit de horum Deorum naturis; & Virgilius in Georgicis, cum invocans Solem, & Lunam, non aliis appellationibus eos nominat quàm Bacchi, & Cereris.

— Vos, ò clarissima mundi  
Lumina, labentem Cælo, quæ ducitis annum,  
Liberi & Alma Ceres. —

Vuas etiam, cum eas ad maturitatem ætatis referendas doceat Horatius, & Urna infervierit Cornelix cineribus, conjectura est, nobiles ejus annos fuisse, & ad conjugium maturos, id quod ex alio Sarcophago marmoreo deduxit Begerus tom. 3. pag. 468.

Eas cuniculi devorant, antequam in vinum comprimantur, ad indicandam Mortis voracitatem, quæ nulli parcens, sæpe non permittit multorum ætatem expleri, & ob id quamplurimis Antiquorum sepulchris hoc symbolum exculptum cernitur, & præfertim apud Boissardum lib. 3. Antiq. Roman. num. 87.

In Passeribus baccas hederæ depascentibus hoc idem exprimitur. Sicuti in duobus aliis, qui Papilionem dilacerant. Illorum enim proprium est, inquit Gesnerus in Passere, *Muscas, & Papiliones venari*. In Papilione autem symbolum fuisse Animæ docuit Sponius in Miscell. Erudit. quæ credatur per os reddi; unde Homerus Iliad. 9. dixit Animam, postquam efflata est, vel septum dentium transivit, remeare nequaquam posse; sed sanius philosophantur alii, qui afferunt in Papilione symbolum esse immortalitatis animæ humanæ; nam ex proprio semine Papilio nascitur, & in Imagine Psyche animam intellexerunt, quam sic fingeant amore correptam, ut alia Anima aliam complecteretur alis Papilionis predata, ut videtur in multis in marmoribus & gemmis antiquis apud Augustinum & alios. Adde Papilionem esse naturæ aeræ, sic, ut aeri, & vento fuerit comparatus, & existimatus ipsa anima: unde a Virgilio dicitur, *par levibus ventis*. Hinc *expirare Anima* dicitur cum

a corpore separatur.

Antequam ab hoc tumulto discedamus, in quo Hœdera expressa est, revocandum est in mentem, quod narrat Guilielmus Durandi in Rational. lib. 7. cap. 3. num. 38. scilicet hœderam vel Laurum, & hujusmodi, quæ semper servant virorem, in sepulchris quoque Christianorum corpori olim substerni, ad significandum, quòd qui moriuntur in Christo vivere non desinent, nam licet mundo moriantur secundum corpus, secundum tamen animum vivunt, & reviviscunt Deo. Aliam tamen significationem habebat in funeribus Ethnicorum cupressus, quia videlicet, sicut cupressus cæsa non iterum furculos emittit, sed tota moritur, ita homo mortuus non reviviscit. At a nobis damnandus est talis error, qui fidei Christianæ contraria, & veracissima documenta edocti sumus.

Num. 1. Tabula XXIX. indicat Sarcophagum quadrata forma absolutum in marmore, cujus angulis columelæ adhærent, inter quas frons anterior hanc inscriptionem ostentat. D. M. P. MATTIO HERMETI SANI FLAVIA, SPE COJUGI, B. M. FECIT. idest *Publio Mattio Cojugi benemerenti*.

In qua notanda est dictio illa *Cojugi Spe*. Conjux enim interdum dicitur, non quæ est, sed quæ fore speratur, ut docet Servius, quare Virgilius Eglog. 4. *Conjugis indigno Nise deceptus amore*. Insuper dicitur *Cojugi*, non *Coniugi*. Varie enim usurpata hæc dictio apud Antiquos reperitur; Priscianus per N ante X scribit, & sicuti modò *Coniux* modò *Coniunx* scripserunt Veteres, ita pariter in multis antiquis inscriptionibus sepulchralibus *Coniugi*, & *Cojugi* legimus; nisi velimus dicere, quòd cum sæpè scriptum est *Coniugi* cum apice significante litteram N. hanc litteram in nostra inscriptione sculptor indoctus omiserit. Notat eruditissimus Raphael Fabrettus in explicatione Inscriptionum antiquarum cap. 4. pag. 298. *Coniugem* quamvis de Uxore semper, de Viro nusquam dixerit Cicero, in inscriptionibus tamen, sicut & apud Poetas, frequentius *Coniunx* seu *Coniunx*, aut *Goiux*, ut in nostra inscriptione, pro *marito* nominari, nec sine proprietate, nam ait Festus in verbo *Iuges*, *Coniuges* dicuntur, tanquam ejusdem *Jugi* pares, quod propterea æque Viro ac mulieri convenit. Maritus verò (ut ait idem Fabrettus) quamvis a mare quasi mas dictus juxta Isidorum, ad uxores quoque in Inscriptionibus pertinet, quæ *marita* vocari non semel solent, tum apud Gruterum, tum apud ipsum Fabrettum, sicuti Inscripção docet, quæ est in Horto apud templum D. Agnetis.

D. M. LICINIÆ ACTE C. ATILLIUS SEVERINUS MARITAE OPTIMAE.

In operculo ejusdem Urnulae rosae sunt expressae, & in lateribus folia herbae quae lotos dicitur: in quibus mos antiquorum indicatur exornandi sepulchra floribus, & corollis; ut supra indicavimus. Inter eas autem Rosarum, rubrarum praecipue, longè major usus, seu quod concolores sanguini, quo mortuos delectari arbitrentur, seu quod apud Ægyptios rosa præ cæteris floribus humanæ Vitæ brevitatem exprimebat, juxta documentum Pierii Valeriani Hierogl. lib. 45. tit. Rosa. Immortalitatis verò Rosam esse symbolum non nemo dixit, quod etiam mortuæ, & marcidæ suavis odor infit; Eam ob rem testamentis invenitur legata pecunia, & mercedes annuæ, ut quotannis rosæ deferrentur ad tumulos, & supra monumenta spargerentur; quod ex variis inscriptionibus constat apud Gruterum & alios; sic in Epitaphio Eutychetis Aurige.

*Sparge precor flores, supra mea busta Viator.*  
& præsertim de rosis mentionem fecit Anacreon.

*Medicatur hæc & agris*

*Defendit hæc sepultos.*

Non prætermittendum fuisse rosis admixtos albæ lanæ flocculos referente Pomey pag. 110. in Libitina, ut vanitatis humanæ vitæ indices, levissimis futuros ludibrio ventis.

**S**ub num. 2. Sarcophagum marmoreum exhibemus rotundum sine operculo inter rudera repertum, mole quidem parvum, sed optimo scalpro fabricatum. Quadratam lamellam in fronte ostentat cum hac inscriptione:

D. M. TROPHIMI B. M.

Hinc inde duo infantes aligeri adstant merorem, & lacrymas indicantes, tædis innixi, accensis quidem, sed inversis erga tellurem, ut nimio cæaræ effluxu extinguantur; quæ omnia demortuum infantem significare autumo. Pueri adstantes illum deplorare videntur, quod funere crudeli extinctum, & veluti socium sibi ereptum videant. *Crudeli enim funere extinguere* Virgilius asseruit Eglog. 5. cum in tenera ætate aliquis morte eripitur, ideo desendus; *At optabile esse homini suo tempore extinguere* affirmavit Cicero de senectute 78. Insuper quod faces inversæ puerum demortuum indicent, ex Ciceronis sententia deduco. Ait enim ille de senect. 65. *Adolescentes mori sic mihi videntur, ut quum aqua multitudine vis flammæ opprimitur, Senex autem sua sponte, nulla adhibita, ut consumptus ignis extinguitur*, quæ formula loquendi æquè convenit homini mortuo ac flammæ sic apud Ovidium 7. Metamor. *Flamma extincta revixit*, & apud Virgilium Egl. 5. *homo dicitur funere crudeli extinctus*. Cæterum lacrymæ adeo notæ

sunt in funere, ut supervacaneum sit de illis verbum ullum facere.

*Namque hæc sola manent miseris solatia mortis*  
*Et tondere comas, & lacrymis respergere vultus.*  
ait Homerus in Odyss. Usus etiam facularum funebrium frequentissimum fuisse apud Antiquos apparet in hoc sepulchro, præcipue in acerbis funeribus, ut notat inter alios Joannes Kirchmannus de Funer. lib. 2. cap. 3. qualia sunt funera puerorum, & adolescentum, quod clarissimus Lipsius ad Tacitum indicavit auctoritate Senecæ. Sic enim ille de Tranquill. cap. 11. *Toties in vicinia mea conclamatum est, toties præter limen immaturas exequias fax cereusque præcessit*, & de brev. Vitæ cap. ult. *At me hercule istorum funera tanquam minimum vixerint, ad faces cereosque ducenda sunt*.

**D**uplici rosa exornatum vides operculum sepulchri in tabula eadem sub n. 3. delineatum, hoc annum effossum in vinea D. Mariæ Isabellæ Moronæ apud viam Appiam a porta Capena parum distante: ejus inscriptio est:

D. M.  
AULIÆ  
EUTYCHIAE  
VIXIT ANNIS XVIII.  
A. ACUDIUS CERDO  
LIBERTAE BENEMERENTI  
POSUIT.

Fœminæ caput anaglypto opere expressum in eodem operculo eminet, in quo Auliæ Eutychiæ vultum an Sculptor ad vivum expresserit, potest dubitari; expressisse tamen Capillorum ornatum, quo tunc temporis mulieres utebantur, non est dubitandum; scilicet capillos crispatos calamistro, ut ait Servius ad Virgilii locum: *crispatos calido ferro*. nam calamistrum erat acus major, quæ calefacta, & adhibita intorquebat capillos. Hi tali arte flexi annulos, & nodos quodammodo exprimunt, ideo Martialis: *Illa etiam flexos, qui digerit ordine crines*. alicubi memini me legisse comam comptam gradulatim. Maximianus qui vixit ætate Boetii in libro Elegiarum.

*Grande erat inflexos gradibus numerare capillos.* aliter tamen gradus dicuntur in capillorum compositione, aliter annuli: inflexio enim ipsa, & crispatio capillorum nexiles annulorum orbes imitabatur. Comæ tamen sic annulatim crispatae non etiam confusæ, & turbatae, & indiscriminatim temereque implexæ habebantur, sed per gradus quosdam posita, & ordine digesta, ita ut unaquæque annulorum series stationem quasi suam seraret, & gradatim alveolatimque alia  
super

super aliam scanderet . Latini in his exprimen-  
dis *ordinem, stationem, & gradus* solent usurpare.  
Ovidius *Crines in ordine ponere*, & in *statione*.  
Quintilianus *gradus*, & annulos junctim posuit  
Manilius; in *fluctum crines ponere*, eleganter,  
nam illa crinium per annulos inflexio, & per  
gradus digestio fluctuum modo, se invicem se  
propellentium, undulatos intortosque motus  
plane refert, inde Ovidius:

*Sustineat similes fluctibus illa sinus;*  
tum alibi *Sinus* vocat anulum illum, & nodum  
tortilem inflexi capilli.

*Quum so præbuerant ferro patienter & igni  
Ut fieret torto nexilis orbe sinus.*

Nostri tumuli imago tali modo crines crispatos  
triplici ordine supra frontem circūductos tenet.  
Galerum, & vaginam capitis, & operculum ver-  
ticis vocavit Tertullianus lib. de cultu Fœmina-  
rum ejusmodi capillorum dispositionem: & Ju-  
venalis Satira 6. de eodem ornatu loquens ait:

*Tot premit ordinibus, tot adhuc compagibus  
altum*

*Ædificat caput —*

Præter hunc antiquissimum capillamenti orna-  
tum, quem præfert expositum marmor, opercu-  
lum sustinet eruditum. fossam enim rotundam  
habet scutellæ inter scalpro efformatam, in cen-  
tro cujus foramen inest, per quod lacrimæ seu  
liquores alii in cineres subjectos effluebant, cum  
staturis diebus cognati mortuorum parentabant.  
Tali autem fossulæ aliud marmoreum opercu-  
lum aptè illi cohærens superponitur, ut imbrem  
excludat.

**A**lia duo cinerum sepulchra exhibentur sub  
num. 1. & 2. Tabulæ XXX. sepulchri n. 2.  
latera Parastatæ exornant, inter quas hæc patet  
Inscriptio.

D. M.

J. FLAVIO SECUNDO AUSCIA  
SECUNDA COJUGI SUO  
BENEMERENTI FECIT.

In altero verò sub numero primo, hæc verba  
leguntur.

D. M.

ARVNTIA CYRILLA  
TACCIO AGATHINO CON  
JUGI B. M. FECIT.

Sunt claræ ambæ inscriptiones, nec indigent  
explicatione. Notandum tamen est, utrumque  
tumulum ab uxoribus Viris suis demortuis fuis-  
se positum. In utroque etiam maritum nomi-  
nari *Conjugem*, quam mutuam verbi *Conjux* si-  
gnificationem, tam fœminæ quam Viro conve-

nire in inscriptionibus Superioribus indicavi-  
mus.

**S**equuntur in Tab. XXXI. duo Sarcophagi fi-  
gura rotunda fabrefacti ex marmore cū oper-  
culis pariter rotundis, & in conum efformatis.  
Alteri eorum caput insculptum est pueri, in quo  
procul dubio facies demortui exprimitur, cui  
nomen fuit *MELITO*, ut docet Inscriptio  
*D. M. MELITONI*. In altero superstat po-  
mum, quod Cyaneum exprimit, illudque exor-  
nant frondes undequaque dependentes. Hoc  
fructu, qui solet immaturus ab arbore divelli,  
mihi suadeo indicatum fuisse, ex hac vita abre-  
ptos in tenera ætate duos filios Urbanum, &  
Celerem, quorum cineres ibi fuerunt conditi, ut  
inscriptio subjecta indicat.

D. M.

*MUNNIORUM URBANI, ET CELERIS  
MUNNIUS FLACCUS PATER FILIIS B.M.*

Idest *Benemerentibus*.

Quod in hoc duplici Sarcophago cineres con-  
diti fuerint, ambigendum non est, & quidem  
puerorum, in tenera ætate ex hac vita abrepto-  
rum, non tamen infantium. Nam etiam si refe-  
rente Tacito 13. Annal. apud Gutherium de Ju-  
re Manium lib. 1. cap. 29. Laudari aut pompa  
efferrî ante pubertatem instituto majorum non  
licuit, qui acerba funera oculis subtrahebant;  
crematio tamen ex more gentium instituta fuit,  
post genitum dentem, atque etiam huic teneræ  
ætati Romæ datæ fuerunt inferiæ.

Notandum præterea est illa ex eo genere esse,  
quæ Fulgentius de Prisc. serm. Verbo *Suggrund.*  
apud Libitinam Pomey pag. 62. ait vocata fuisse  
*Suggrundaria*, eaque ut plurimum fuisse lacten-  
tium infantium, eò quòd non sub terra huma-  
rentur, sed in Vrnulis, & similibus vasculis  
condita eorum ossa, sub ipsis suggrundiis loca-  
rentur: eam ob causam coni formam habuisse  
dicerem, ut aqua è cœlo, & suggrundiis deci-  
dens in terram facilè deflueret; nisi quampluri-  
ma reperirentur in eandem formam constructa,  
quæ Virorum etiam cineres continuerunt, in  
subterraneis cellis collocata.

Ejusmodi sunt duo quæ hic subjicimus nume-  
ro 3. & 4. in eadem tabula mole quidem parva,  
sed elegantia. Primum striis in marmore effor-  
matis exornatum; caret tamen operculo, & in-  
scriptionem talem ostentat.

D. M.  
L. PETRONIO  
AMERINO PETRONIA  
AURELIANAE  
FILIA PISSIMA PATRI  
B. M. F.

hoc est *Benemerenti fecit*.

In secundo autem legitur.

DIS. MAN.  
CLODIAE. M. ET OL.  
FORTUNATAE FECIT  
M. CLODIUS TROPHIMUS  
CONJUGI BENEMER.

Inscriptiones autem non semper ipsis Urnis incidebantur, sed apponebantur parietibus, tabellis marmoreis incisæ, præcipuè in sepulchris, quæ columbaria dicebantur. Legatur eruditissimus Fabrettus, qui pag. 9. suarum Inscriptionum ait, Columbariorum nomen a similitudine latibuli columbarum derivari, in quo illæ nidificant: In iis frequentius duplices ollæ in unoquoque columbario recipiebantur, quàm unica. Talia loculamenta fuisse etiam vocata *Ollaria*, colligitur ex inscriptione Gruteri pagina 308. num. 8. sicut etiam, & ædificia, in quibus ollæ, cupæ, & vascula cineraria condebantur appositis inscriptionibus, seu brevibus titulis, quorum numerum non exiguum ex nostro Musæo infra ostendemus. Interim quatuor alia vascula rotunda cum operculo in conum efformato ex albo marmore, sed variato artificio hic subjicimus in *Tabula XXXII*.

Sequuntur Ollæ fictiles, & Vascula, in quibus cineres, & ossa Pauperum condebantur, forma quidem varia ut *Tabula XXXIII*. exhibet delineata. Illas, quarum pars inferior in conum, seu pyramidale acumen definit, rotundum foramen in columbariæ pavimento patens excipiebat: aliæ stratæ humi, vel in loculamenti planitie ponebantur. Plures diversæ figuræ possent exprimi, sed eas tantum ostendo, quæ in Musæo nostro conspiciuntur. Tales Urnæ non semper parvæ molis erant, licet in iis unci demortui cineres conderentur; sæpe enim arculæ majores seligebantur, & quidem emblematis aliisque signis exornatæ, præsertim à Viris nobili è stirpe ortis, vel opibus præpotentibus. Duas earum Urnarum partes anteriores ostendam eleganti, & erudito scalpro exornatas in *Tabula XXXIV*.

Prima est num. 1. indicata. In ea ut vides locum medium obtinet Inscriptio in ancili insculpta his verbis.

D. M.  
F. JUNIUS  
SEVERIANUS  
VIXIT ANNIS  
I. I.

Duplex sphingis simulacrum hanc inscriptionem dorso sustinet: scilicet monstri, faciem Virginis habentis, pennas avium, & pedes leonitros. Nota est de his fabula apud Poetas, tale monstrum proposuisse hoc problema Thebanis; *Quod nam esset animal bipes, idemque tripes, & quadrupes*: & occidisse eos, qui hoc enigma solvere nequirent: De saxo demum ubi cubabat, se præcipitem dedisse, cum Oedipus ita illud solvit dicens, hominem esse, quia in infantia manibus, & pedibus nitens, quadrupes est, ac in senectute baculo utens tripes est; Re vera Sphinx est animal monstruosum in Æthiopia degens, ut docet Pomey in suo indice, nimirum fusco pilo, mammis in pectore geminis, & homini perfimile, nisi quod pilosum est, & solitudinem colens. Nec mirum illud in hoc sepulchro fuisse expressum; solebant enim Antiqui, referente Aldrovando Ornithol. lib. 10. cap. 1. ad absterrendas sacrilegas furum manus, apponere sæpe figuras Griphorum, aliarumque belluarum.

Eidem inscriptioni manus admovent, ut illam sustineant, duo infantes aligeri, quos comitantur alii quatuor hinc inde dispositi, bellica insignia gerentes. In parte læva duo galeam supra aram rotundam, encarpis florum exornatam deponunt; Alii verò in dextera Lanceam sibi mutuo arripiunt mærentes, quæ omnia clarissimè demonstrant in tali sepulchro ossa nobilis infantis inclusa fuisse. Docet Rosinus lib. 5. cap. 39. Antiq. Roman. dum cadaver antiquitus efferebatur, Virorum præcipuè illustrium, efferrî simul insignia honorum, & munerum, quæ vel ipsi vel eorum Majores gessissent, ut fasces, secures, arma, & dona militaria, coronasque omnis generis. Addit Porcacchius pagina 55. de funeribus, in sepulchris etiam multorum gesta insculpi solita, & munerum insignia, quibus mortuus functus esset in Vita, præcipuè militum, qui pro Patria mortem objissent; Qua de causa Lycurgus in suis legibus Spartanis vetuit, nomina defunctorum sepulchris inscribi, nisi pro patria certantes occubissent. Confirmat meam opinionem lauri arbor in eodem lapide exculpta, qua certè omnibus indicari voluit, qui sepulchrum extruxit, infantem defunctum triumphales coronas accepturum si vixisset. Infantes demum aligeri, quos Genios vocabant Antiqui, more

græ-

Græcorum exprefsi funt , ideft omni velamine exuti . Romanis enim , referente Polydoro Virgilio lib.9. cap.23. ftatuas velare, e contra Græcis nudas ponere, mos fuit .

**I**N eadem tabula num.2. indicatur,frons alterius fepulchri, in qua extat infcriptio.

D. M. S.  
M. ULPIUS ROMANUS  
EQ. R. VIXIT ANNIS XXII.  
MENS. II. DIES XVIII.  
M. ULPIUS GEORGUS  
LIB. ET HERES  
SARCOPHAGUM  
POSUIT. CASTA TE  
V. DO. BE. COJUGI BE.  
NEMERENTI FECIT.

Antequam ad cœtera , quæ in hoc lapide exprefsa funt , procedamus , ipfam infcriptionem attentè perpendamus , & primo legi debere exiftimo .

DIIS MANIBUS SACRUM  
MARCUS ULPIVS ROMANVS  
EQVES RECTE VIXIT ANNIS XXII.  
MENSES II. DIES XVIII.  
MARCUS VLPVS GEORGVS  
LIBERTVS ET HÆRES  
SARCOPHAGVM POSVIT .  
CASTA TEVDIBE CONJVGI  
BENEMERENTI FECIT .

Lefta infcriptione imagines infpiciamus exculptas Virorum, qui compotatione inftituta, hilariter invicem propinquant . Hunc ritum poft condita cadavera refert Rofinus lib. 5. cap. 39. fcribens , cum nonnulli effent , qui fuorum vel Propinquorum , vel amicorum minus defiderium ferre poſſent , tertium , feptimum , nonum , & quidam triceſimum , & quadrageſimum , non ſine quadam numerorum religione dies , defunctorum Manibus , & memoria ſtatuebant , unde parentationes , feralia , novendialia , vicennialia , tricennialia &c. originem traxerunt : quæ omnia tum lacte , & vino , tum fertis , & floribus , tum aliis rebus ab antiquis celebrabantur . Giralduſ autem de vario ſepeliendi ritu hæc addit . Efferebantur , & interdum epulæ dapeſque ad ſepulturam , ubi quoque antiqui epulabantur ; unde funt apud Auctores *Ferale canæ* , *Silicernia* , & *Funerum fercula* , quem morum Chriſtiana lex compeſcuit .

Duplex autem fuit epulum hoc funebre : alterum mortuorum , vivorum alterum . Mortuorum hoc ferè modo colebatur . Ad defuncti buſtam , ſeu ſepulchrum deferebant feralia epulas , quæ leviter deguſtatæ à ductore funeris igne

cremabantur ; hoc epulum *Silicernium* dicebatur , quaſi *Silicernium* , quod ſuper Silicem , ſeu lapidem ſepulchralem reponerentur fercula , vel quòd teſte Donato , illud Silentes Vmbra cernerent , ac poſſiderent . His enim animas defunctorum delectari credebant .

Epulum vivorum funebre dici poteſt . Primum ab amicis , & Propinquis ad ſepulchra initum , alterum triduo poſt ſepulturam celebrari ſolitum . Huc circumpotationes , ſeu compotationes revocari poſſunt , quæ condito cadavere inſtituebantur inter amicos poculis , in orbem , ac per manus circumporrectis . Hæc autem pocula , quibus in his epulis utebantur , *Obba* fuiſſe dicta Tertullianus ait in Apologetico . Tertium quaſi publicum populo datum de quo noſter Pomey in Libitina cap.3.

Mortuorum inſuper epulum dictum fuit *ferale* a ferendis epulis , ut ait Feſtus , ſeu à *ferendis pecudibus* , quas in ſepulchris defunctorum ſuper nuda Silice apponebant . Qui ritus manifeſte patet in pecude in noſtro marmore exculpta , & ſupra menſam depoſita , circa quam Vaſcula ſunt , quæ fortasſe indicant quidquid in iisdem feralibus cœnis afferebatur . In iis enim ut narrat Giralduſ Syntag.17. præter legumina apium quoque apponi ſolebat , quòd contra ebrietatem valere exiſtimaretur . Ovidiuſ certè oſtendit feralia res non valdè pretioſas requirere , ita canens .

*Eſt honor, & tumultis animas placare paternas,  
Parvaque in extructas munera ferre pyras  
Parva petunt Manes , pietas pro divite grata eſt*

*Munere : non avidos ſtyx habet ima Deos.*

*Tegula porrectis ſatis eſt vallata coronis,*

*Et ſparſæ fruges , parvaque mica ſalis &c.*

Ultra hanc feralia cœnam Diis manibus inſtitutam , & in pecude ſubjecta expreſſam , Vivorum circumpotatio indicatur . Ex viris enim in marmore exculptis unus eſt , qui amplam Urnam replet liquore , quem minori vaſe alius excipit ad calices implendos , quos cœteri manibus ſuſtinent , vel ori admovent , ut proximis deinde propinent . Liquorem hunc merum fuiſſe Virgiliuſ explicat Aeneid.5. Loquens de liquore quo in Novendialibus mortui ſepulchrum ſpargebatur .

*Hic duo ritè mero libans Carcheſia Baccho*

*Fundit humi , duo lacte novo , duo ſanguine ſacro &c.*

Omnes demum , qui expreſſi funt , brevi toga induti , nudis pedibus , & capite aperto incedunt . Mos enim erat Romanorum , ut nudis pedibus accumberent , Soleis depoſitis , ut luculentiffimè probant , Giacconiuſ , Urſinuſ , Mathæuſ Raderuſ in notis ad Martial. lib. 14. ep. 60 , & alii .

Tabulas insuper marmoreas multi exhibuerunt, ut Balduinus pag. 107. erutas è ruinis Romanæ Urbis, in quibus visuntur pueri calceos detrahentes cœnaturis, & nudis pedibus accumbere ipsi convivæ. Nec habent tibialia, quia antiqui iis non utebantur, ut probant multi apud Julium Nigronium cap. 2. num. 9. & seq. & vetustissimæ picturæ, quæ omnes exhibent antiquos cruribus nudis, quæ sola toga demissa tegebantur. Patet insuper in Columna Trajani, in qua non modò gregarii milites, sed etiam ipse Imperator, ac principes Viri sine cruralibus visuntur. Imò multos Romanorum, & Græcorum excalceatos omninò incessisse notat idem Nigronius; Sic etiam aliquando Nero Imperator apud Suetonium cap. 51. & Cato senior semper. Philosophus insignis Plato, teste S. Hieronymo ad Matt. 10. præcepit duas corporis summitates non esse velandas, nec assueferi debere molliciei, caput, & pedes. Sic etiam Lycurgus & alii. Neque verò nuditas pedum indecora erat, ubi erat in usu, quia mos erat non vitium, quod nulla lege vetabatur. Morem verò incedendi capite aperto a Priscis Græcis ad Romanos transisse Eustathius Homeri interpres disertim dixit, relatus a Kirchmanno de funeribus lib. 7. cap. 16. sed de hoc ritu plura apud Justum Lipsium de Amphitheatro cap. 19. & seq. Brevis autem Toga omnes sunt induti, quæ procul dubio Toga cœnatoria sive convivalis illa est, qua cœnaturi se induere solebant Antiqui, atque etiam ii qui luctus causa atrati erant. De Cœnatoriis Petronius Arbitræ. *Cœnatorias repetimus, & in proximam cellam ducti sumus, in qua tres lecti strati erant.* & Martialis lib. 10.

*Pugnorum reus ebrieque noctis*

*Cœnatoria mittit advocato.*

Albas fuisse has vestes deducit Fulvius Ursinus in Appendice ad Triclinium Ciacconii ex Cicerone in Pisonem dicente: *Quis unquam cœnavit atratus?* ac propterea (ait) non solum Romanos diem festum agentes albatos fuisse in cœnis, sed etiam funebre convivium celebrantes.

Deinde observatione digna est mensa sepulchralis, cui convivæ accumbunt. Est enim instar Arcæ seu feretri, & quidem arcuati, & mappa, ut ex plicis apparet, instrata. In hunc modum fuisse constructas mensas sepulchrales Antiquorum docet Jobus Lodolphus in historia Aethiopica lib. 3. cap. 6. ubi marmoreum produxit monumentum in Cœmeterio Christianorum effossum; atque etiam illas, ubi Christifideles celebrare solebant, non autem planas, & rectas, ut cœteræ mensæ, sed lunares, & sigmatis antiqui C figuram habentes, & Aringus putavit tom. 2. de Roma subterranea lib. 4. pa-

gina 267. Aliud marmor antiquum exhibuit Fulvius Ursinus in appendice ad Triclinium p. 131. in qua ejus generis mensa exculpta apparet, additque illam ex eo quòd formam C litteræ græcæ repræsentaret vocatam esse *Sigma*, sicut *antisigma*, qui ex altera parte ponebatur semicirculus, sive semirondus suggestus, ita ut circa mensam interpositam integer efficeretur circulus. Denique observatione dignus est Vir ille, qui inter cœteros calicem alteri porrigit. Morem ille suggerit antiquum, quo inter potandum convivæ prægustatum poculum alter alteri porrigebat. Constat ille ex Homero Iliad. 9. & ex Juvenale Sat. 5.

— quando propinat

*Virro tibi, sumitque tuis contacta labellis  
Pocula* —

Quoniam verò de cœnis feralibus, & Epulis funerum dictum est, non erit incongruum hic ostendere diversa Vascula testacea in iis cœnis adhibita, & ad Musæum nostrum translata, ex variis antiquissimis sepulchris, in quibus fercula, & liquores deponebantur. Quod etiam eruditissimus Gutherius de Jure Manium lib. 2. c. 32. indicavit scribens: In sepulchris præterea operis antiqui vascula multa ponebantur, quod uno exemplo comprobatum est. Nam in Colonia Capua, Suet. in Jul. cap. 8. adducti lege Julia Coloni ad extruendas villas sepulchra vetustissima disiecerunt, idque eò studiosius faciebant, quòd aliqua vascula operis antiqui scrutantes reperiebant. Tanti illis temporibus æstimabantur antiqua opera, quorum hodie non solum pretia jacent, verum ii etiam, qui illorum amantes sunt, ab ignaris ubique disjecti contemnuntur. Ea in tabula XXXV. expressa vides mole quidem minora: ut vere illa sunt, sed fideliter delineata.

Numerus verò 1. Vas aliud demonstrant operis herufci fictile quidem, sed duobus coloribus variegatum, nempe nigro, & carneo albescente, eo modo quo in ære incisum est.

Antequam ad alia transeamus non abs re erit animadvertere Sarcophagos, seu Urnas cinerarias aliquando in sepulchris collocatas reperiri, in quibus nunquam cineres, & ossa demortui deposita fuerunt, licet adjunctam habeant inscriptionem, in ejusdem memoriam appositam. Sæpe enim, cum nec ossa nec cineres peregrè defuncti, puta in bello, haberi poterant; nihilominus Tumulus ipsis excitabatur, quem Græci *Cenotaphion* appellarunt, idest sepulchrum inane, & vacuum. Erat enim re ipsa inane, & cadavere vacuum. Servius *imaginariam sepulturam* vocat, & Capitolinus *funus imaginarium*, quod non mortuo fieret, sed ejus imagini. Servius etiam *honorarium tumulum*: Alii lapides falsos,

*falsos, & mendaces, sepulchra mendacia, & surda, non ita tamen surda, ut non audire crederentur mortui, quamvis absentes, illas inclamantium voces. Evocabant enim Animas, seu Manes defunctorum ad inania illa monumenta, ut pacem eis ac quietem conciliarent, mortuum ter appellantes nomine, quasi eum in patriam deducturi, de quo ita Maro Æneid. 6.*

*Tunc ego met tumulum Rhetæo in littore inanē Constitui, & magna manes ter voce vocavi.*  
Stattius verò Theb. lib. 22.

*Nomina quod superest, vacuis datis orba sepulchris,*

*Absentesque animas ad inania busta vocatis.*  
Rectè notat eruditissimus La Cerda consuevisse Veteres iis quos amabant pluribus in locis imaginarium quemdam tumulum excitare. Inde vetustæ marmorum inscriptiones (quod notavit Alciatus 10. part. cap. 12.) habebant hæc verba *Ob honorem*. Cujus tumuli exemplum est apud Homerum Odyss. 4. Quum enim audisset ex Proteo Meneleus Agamemnonis fratris mortem illi statim tumulum excitavit.

*Cæterum postquam sedavi iram Deorum immortalium*

*Aggressi Agamemnoni tumulum, ut immensa gloria esset.*

Qui plura desiderat de sepulchris inanibus legat Fortunium Licetum de Gemmis Annularibus pag. 367. &c.

SEPULCHRUM ex marmore delineatum exponimus in Tab. XXXVI. in cujus fronte hæc verba leguntur.

DIS MANIBUS  
L. PASSIENI L. F.  
AUGIANI VIX AN. VII.  
M. V. DIEB; XVIII.  
L. PASSIENUS  
ANTHUS, ET  
O FILIA AUGE  
FILIO  
DULCISSIMO

Subintellige *Posuerunt L. Passienus, & optima Filia Auge.*

Latera hujus sepulchri duobus simulacris exornantur. In altero Mercurius opere anaglypto exculptus est, in altero autem Charon cymbam impellens in flumine. Qua de causa hæc simulacra exculpta fuerint facile deduci poterit ex superstitione delirantium Ethnicorum Religionem. Mos enim erat Argivorum, teste Plutarcho in Quæstionibus, ut statim post luctum ob mortem Apollini sacrificarent, triginta verò post dies Mercurio Terreno; nam ut a terra Mortuorum corpora, sic animas a Mercurio su-

scipi putabant. Mercurium quidem Homerus in Odyssæa, & alii cum Luciano apud Inferos statuerunt; illumque in Cælo, & apud Inferos potestatem habere sibi ineptè suaserunt. unde Horatius

*Tu pius lætis animas reponis  
Sedibus, virgaque levem coerces  
Aurea turbam, superis Deorum  
Gratus, & imis.*

& Virgilius in 4. Æneid.

*Tum virgam capit, hæc animas ille evocat Orco.*  
Virgam scilicet auream, quam Poetæ referunt illi datam muneris loco ab Apolline.

Charontis verò effigiem ostentat sepulchrum, eò quòd sibi suaserint, Animas, antequam raperentur ad Plutonis Regiam, per fluvios Acherontem, Cocytum, & Phlegetontem transvehendas esse in navicula, cui Charon præerat, idest Senex squallidus, & bene barbatus, cujus imaginem expressit Virgilius 6. Æneid.

*Portitor hæc horrèdus aquas, & flumina servat  
Terribilis squalore Charon, cui plurima mento  
Canities inculta jacet, stans lumina flamma.  
Ipse ratem conto subigit, velisque ministrat  
Et ferruginea subvectat corpora cymba.*

non tamen promiscue, sed eorum solummodo, quorum corpora sepulturæ mandata fuerunt: Quippe insepulti

*Centum errant annos, volitant hæc littora  
circum*

*Tum demum admissi stagna exoptata revisunt.*  
Ad quem finem (ut notat Gutherius de Jure Manium cap. 17.) cadavere mortui composito in ipsius ore numisma deponebant, ut esset pretium pro vectura navis. Suidas scripsit illud vectigal esse Charontis ex obulis collectum, qui cum mortuis sepeliebantur, ut sua manu de ore illorum sumeret. Imò Apulejus relatus a Gutherio affirmat duas stirpes in ore mortui inpositas, ut duplicem mercedem Charonti constituerent, & possent mortui flumen illud remitti, ac *ad cælestium siderum chorum redire.*

Antequam è sepulchris discedamus; referendæ sunt Inscriptiones in ipsis repertæ post annum 1700. & ad Musæum translatas. Innumeras penè dixerim recensuerunt plures magni nominis Authores eruditissimis notis illustratas; inter quos Reinesius, Grutherus, Kirchmannus, Boissardus, Sponius, & demum Abbas Raphael Fabrettus, Nostras tamen afferemus ut ineditas, unica vel altera excepta, & velut optimum funebris tractationis condimentum, etsi aliquæ fortè respuerentur, tanquam vulgares, & nullius pretii, sed in compositione librorum idem servandum putarunt nonnulli, quod in epularum apparatu; in quo quod uni non sapit, explet gustum alterius. His addendum est Institutam

tutam a nobis fuisse Musæi descriptionem, cujus membrum non ignobile est Lapidum congeries, in quibus tituli, seu Inscriptiones sepulchrorum incisæ leguntur, & vario quidem charactere variaque dictione efformatæ, ut ætas ferebat, in qua scriptæ fuerunt. Omni enim ætate mos erat apud Antiquos Inscriptiones sepulchris addere, ut vix sine iis monumenti nomen vel memoriæ tueri possint. Ita crebræ, apud Romanos præcipuè; ut etiam puerorum, & servorum, viliumque hominum sepulchra titulis exornarentur, aliquando soluta oratione concipiebantur hi tituli, interdum versibus. Solebant etiam plerumque minio signari, ut clariores essent, & a Viatoribus facilius legi possent; quod differte scripsit Plinius lib. 33. cap. 7. *Minium in voluminibus quoque scriptura usurpatur, clarioresque litteræ, vel in auro, vel in marmore etiam in sepulchris fiunt.*

His plerumque litteris solebant inscriptionum titulos auspiciari. D. M. — D. M. S. — vel diferte DIIS MANIBVS — DIIS MANIBUS SACRUM — vel SACRIS; Aliquando D. I. M. hoc est DIIS INFERIS MANIBUS. Manes enim Dii superi atque Inferi dicebantur: aliquando tantum nomina sepulti enarabant, aliquando addebant nomen, familiam patriam &c. Aetas fuit, in qua authore Platone quatuor versiculorum numerum excedere non debebat Inscriptio, ut transiens Viator facile perlegeret; Ponebantur enim sepulchra juxta vias publicas, non alia de causa (ait Gutherius lib. 2. cap. 13.) nisi quod precationem Manes ipsi a prætereuntibus exoptarent; ut tabula marmorea apud Gentilem Delphinium Romæ indicat. *Rogo ne discedas, terram mihi dicas levem*, sed aliis temporibus aliter factitatum, non solum à Græcis, sed a Latinis, & barbaris videmus. Inolevit etiam usus, ut soluta frequentius oratione, quam carmine epitaphia sepulchris inscriberentur: nec omittendum, quod Veteres scribendo majusculis dumtaxat characteribus utebantur; ut apparet in marmoribus, & nummis, in quibus nunquam minusculæ reperiuntur: nam hæc postea, ut celerius scriberetur, fuerunt adinventæ. Idem de numeris judicandum esset docet Pancirolus de rebus deperditis tit. 42.

Itaque nostras, quæcunque illæ sint, referemus, in agro Romano detectas, & in Musæum translatas. Primo loco Tabulam marmoream ponimus ex eo genere, quod luculenter describit eruditissimus Fabrettus cap. 2. antiq. Inscript. Non enim est ex iis, quæ titulos ostentabant in parietibus supra ollas affixæ, sed jacentes contegebant Urnas cinerarias, & in iis excavatio quædam erat orbicularis, cum foraminibus, qui-

bus amphoræ inclusæ supponebantur. Hæc foramina pro lachrimis affinium mortui recipiendis aperta fuisse minimè dubitandum esse docet idem Fabrettus, & affert duos versus ex inscriptione Cytharædis allata a Gruthero:

*Et quicumque tuis humor labetur ocellis  
Protinus inde meos defluat in cineres.*

Afferit etiam idem Author fieri potuisse ut hujusmodi foramina pro libationibus, & parentalibus sacrificiis ad respergendos cineres aliquo liquore inservirent juxta ea, quæ in hanc rem eruditè congeffit Kirchmannus lib. 4. cap. 2. ex quo nos pauca delibamus.

Solebant igitur Antiqui defunctis parentare certis quibusdam diebus, quos ferales Novendiales, & Decennales appellabant, de quibus idem Kirchmannus cap. primo. Parentare autem tribus fiebat modis Inferiis, Epulis, & Ludis. De Epulis aliquid innuimus supra. De Ludis agere incongruum hic est. De Inferiis dicamus. Erant hæc sacrificia, quæ constabant liquoribus præcipuè, & victimis. De Liquoribus sic Apulejus. *Diis sacrificatur, Geniis ministratur, Obitis libatione perfunditur.* Liquores autem quos mortuis solebant inferre, erant Aqua, Vinum, Lac, Sanguis, & unguentum. De his plura Kirchmannus, qui ex Mercurio peculiarem ritum refert, idest, Aquam illam si vir aut foemina, e vita excessisset, delatam fuisse a mulieribus, si verò juvenis quispiam aut Virgo, tunc istud munus puer genere proximus exercebat de Vino ait Festus, *in sacris novendialibus, Vino mortui sepulchrum spargebatur.* Lactis, & Sanguinis meminit Virgilius 3. Aeneid.

*Inferimus tepido spumantia cymbia lacte,  
Sanguinis, & sacri pateras* ———

Sanguis iste sumebatur de Animalibus, quæ Manibus Defunctorum mactari solebant. Aliquando etiam humano sanguine parentabant. De unguentis ita Propertius lib. 3. Eleg.

*Afferet huc unguenta mihi, fertisque sepulchrū  
Ornabit custos ad mea busta sedens.*

Atque hinc manifestum est quare in sepulchris Mensæ ponerentur, & Vascula, & foramina, de quibus sermo est, per quæ vel directè vel obliquo cursu lachrymæ defluebant in cinerarium. Adeat curiosus cap. secundum inscriptionum eruditissimi Fabretti, qui varias urnas exponit, in quibus foramina ad talem finem diversimodè disposita indicantur. Nostri autem lapidis propositi Inscriptio est



I

D. M.  
L. SABODI PLACIDI  
V. A. XC.  
ALFENA TRYPHENA  
CONJUGI OPTIMO FECIT.

quæ cum clarissima sit nulla indiget explicatio-  
ne, nisi quod litteris V. A. XC. intelligere de-  
bemus *vixisse annos nonaginta* in littera L.  
Lucii.

2

**D**uas sequentes inscriptiones tabulæ mar-  
moreæ oblongæ præferunt, in quibus fo-  
ramina rotunda ad eundem finem procul dubio  
aperta. Prima est.

DIS MANIBUS  
CLAUDIA RINE  
VIXIT ANNIS XXXII.  
MENSIBUS III.  
CLAUDIA EGLECTE  
FILIA PIENTISSIMA ET  
ONESIMUS PRIMI  
CÆSARIS  
CONJUGI BENEMERENTI.

Imminet huic inscriptioni Aquila opere ana-  
glypto exculpta, ex qua deduci potest sepul-  
chum sub invocatione Jovis positum fuisse; Jovi  
enim sacra fuit hæc Avis, ut alibi dictum est.  
Non omitti debet dictio illa *Pientissima*, quæ  
sæpe in antiquis inscriptionibus exprimitur, ad  
indicandam pietatem, & misericordiam erga  
defunctos vel affines, vel amicos.

3

**A**ltera inscriptio sic legitur.

D. M.  
ALVIÆ  
VENUSTÆ  
CONJUGI BENE  
MERENTI FE  
CIT T. COCCEJUS  
AMARANTUS ET  
M. S. ALVINUS FELIU  
FILIUS

4

**S**equitur alia inscriptio, quæ non adeo ex-  
pedite legi potest, ut superior.

D. M.  
FL. AUNESI  
B. M. F. ULPIA  
PRIMA FIL. ET  
FL. EUPLO, E A. LIB.  
SIBI ET SUIS LIB.  
LIB. POSTERISQUE  
EORUM  
INF. P. V. IN AG. P. VIII.

Hanc ego hoc modo legendam puto. *Flavio  
Aunesi benemerenti fecit Ulpia Prima filia, &  
Flavio Epulo ex animo libenti sibi, & suis Libertis  
Libertabusque posterisque eorum; in fronte pedes  
V. in agro pedes VIII.* Sulpicor enim sepulchrum  
ejusmodi positum fuisse propè viam in agro ali-  
quo, in quo ejus longitudo esset extensa versus  
campum pedes octo; frons verò juxta viam pe-  
des quinque latitudinis haberet. Aliam fere  
similem vide apud Fabretum pag. 258. nume-  
ro 88.

5

**Q**uinto loco lapideam Tabulam nuper  
effossam in agro romano produco,  
cui similem apud nullum Autho-  
rem adhuc recognovi.

DIS MANIBUS  
CLAUDIÆ  
ANTONIÆ  
LIB. LACHNE  
PHILIPPUS RUSTIAN.  
PVBLICUS AB  
SACRARIO  
DIVI AUGUSTI  
CONJUGI CARISSIMÆ  
FECIT ET SIBI.

Omnia clarè intelliguntur, at quid denotet  
vox illa *ab Sacrario Divi Augusti*, attentius est  
inquirendum. Munus aliquod in Aula D. Au-  
gusti exercuisse Philippum Rustianum mihi sua-  
deo; & cum inter munera omnia, quæ in Aula  
Imperatoris, nullum apud Authores relatum  
inveniam, quod à *Sacrario* dictum sit, e conje-  
cturis exponam, quale illud esse potuerit. Et  
primò quidem præmitto multiplicem Sacrarii  
significationem: potest enim intelligi nomine  
Sacrarii locus, in quo Augusti Diplomata, &

L

Scri-

Scripturæ arcanae servabantur; sicuti Constanti-  
nopoly; referente Bulengero de Imp. Rom. lib. 3.  
cap. 9. fuit *Secretum privatarum*, ubi asserva-  
bantur instrumenta Urbis, & Jura, & *Secretum  
publicarum*, quod dicebatur; & *Secretum gene-  
rale*, ubi servabantur Secreta publica Imperii.  
Huic erat Præfectus, qui Secretum administra-  
bat, cujus meminit Nicetas in Alexio Ma-  
nuelis.

Sacrarium etiam dicitur sacrum Conci-  
storium, & Sacrum Auditorium Imperatoris: ali-  
quando verò Conclave ultimum, ubi consilia  
seorsim remotis arbitris capta. Procopius enim  
lib. 2. nominat Julianum notarium arcanorum,  
quem a secretis Romani vocant; quippe secreta  
sunt arcana non vulganda.

Præterea locus erat in Templo, qui *Sacra-  
rium* dicebatur, teste Gutherio de Jure Pontif.  
lib. 3. cap. 9. In eo sacra reponebantur, sicut  
*Donarium* erat. ubi collocabantur oblata. Erat  
quippe præcipua pars Templi, in qua sacra in-  
strumenta, effigiesque sacrae servabantur, ut  
Palladium, Penates, aliaque hujusmodi: quod  
& Adytum, & in Aede Vestæ Panum dicebant.  
Quare a Cicerone Sacrarium bonæ Deæ nomi-  
natur, & Livius lib. 7. ait *Cære Sacrarium po-  
puli Romani diversorum Sacerdotum, ac rece-  
ptaculum Romanorum Sacrorum intactum in-  
violatumque crimine belli*, ita Virgilius 12.  
Aeneid. vers. 40. *Divi Sacraria Ditis*. Elegan-  
tem inscriptionem refert Gutherius ibidem, quam  
se a nostro Sirmondo accepisse fatetur, quaque  
Sacrarium cura ab Imperatoribus suscepta  
probatu his verbis:

*Imp. Cæsar Nervæ F.*

*Nervæ Trajanus Optimus Aug.*

*Germanicus Dacicus Pont. Max. Trib.*

*Tribunic. Potest. XVIII. Imp. VII. Cof. VI.*

*Sacraria Numinum vetustate*

*Dilapsa a solo restituit.*

Atque ut Principibus etiam statuae, & imagi-  
nes consecratae fuerunt, sic Sacraria illis publi-  
ca. Inter eos sua Augustus obtinuit. Sacraria  
Gentis Juliae (inquit Tacitus) effigiesque D. Au-  
gusto apud Bovillos dicata. Et Suetonius de  
Augusto loquens cap. 5. Natus est (inquit)  
Augustus ad capita Bubula, ubi nunc Sacrarium  
habetur; nam Augusto mortuo, Templum in  
Palatio decretum fuit, quod a Livia, quam  
Conjugem Augustam Plinius vocat lib. 2. extru-  
ctum, & a Tiberio perfectum fuisse testatur  
Dio, & Prudentius in Symmachum.

*Posteritas mensa atque adytis, & flamine,  
& aris*

*Augustum coluit, vitulo placavit, & agna  
Strata ad pulvinar jacuit.* — —

sicuti Lugduni etiam Aram fuisse refert Strabo  
lib. 4. inqniens: Et templum ab omnibus com-  
muni sententia decretum Cæsari Augusto ante  
hanc Urbem positum est, ad concursum fluvio-  
rum. Est autem Ara memoratu digna cum in-  
scriptione Populorum numero sexaginta. Tot  
enim Populi Galliae conveniebant, ut Augusto  
honorem haberent.

Præter Sacraria hæc publica, privata etiam  
unusquisque domi habebat, quibus suum tri-  
buebat locum, qui dicebatur etiam *Lararium*.  
De hoc Cicero ad Memmium. *Cajo Aviano  
Evandrio, qui habitat in suo Sacrario &c.* Alex-  
andrum Severum in suo Larario rem divinam  
matutinis horis factitasse ad effigies Deorum, in  
quibus habebat Abrahamum, & Christum, in  
secundo Larario simulacrum Virgilio, & Ciceroni,  
scripsit Lampridius.

His positis Lampridium Rustianum a Sacra-  
rio Augusti appellatum in sepulchrali inscriptio-  
ne, mihi suadeo potuisse munus exercere vel  
Præfecti intimi Consistorii, ex quo Augusti  
Arcana Consilia, & Decreta ad cæteras defer-  
ret; vel ejus cubiculi custodem extitisse, in quo  
Instrumenta servabantur pro sacrificiis, quæ Au-  
gustus Diis seu in publico templo, seu in dome-  
stico Sacrario offerre consueverat. Nisi mavis  
credere unum, e Sodalibus Augustalibus sacer-  
dotio insignitum, scribente Tacito lib. 1. Annal.  
Cum in campo Martio corpus ejus crematum  
est, faces augustales subdidere, quod Sacerdo-  
tium, ut Romulus Tatio Regi; ita Tiberius Ju-  
liæ Genti sacravit. Immo per omnes domos  
cultores Augusti in modum Collegiorum habe-  
bantur. Sed cæteras inscriptiones in Musæo  
collocatas prosequamur.

6

D. M.

VIETIA JUSTA  
MATRI PIEN-  
TISSIMAE FECIT.

In ea iterum notatu digna est dictio *pienissima*,  
quam nullus linguæ latinæ Author usurpavit.  
Josephus tamen Laurentius in sua Amalthea  
Onomastica retulit ex Lexico Philosophico  
Matthiæ Martinii, & vocem *Piissimus* novam  
esse docuit Cicero in Philippicis relatus in The-  
sauro linguæ latinæ, cum M. Antonium notans  
quod verbum novum protulisset, ita dixit: *Tu  
porro ne pius quidem, sed piissimus quæris; &  
quod verbum omnino nullum in lingua latina  
est;*

est ; id propter tuam divinam pietatem novum inducis . Tali voce Vettia Justa matris pietatem , hoc est insignem erga Deum cultum , seu erga filiam benevolentiam voluit indicare .

7

INNOCENTIA CONJUNXI SINGULARIS  
QUAE CUM EUM VIXIT BENE  
ANNIS X. DIES DUODECIM  
QUAE DE SAECULO EXIBIT  
IDIBUS AUG. GALLICANO CONS.

Hanc ita legendam puto: *Innocentia Coniunx singularis , cum eo vixit bene annis decem , dies duodecim , qua de saeculo exiit Idibus Augusti Gallicano consule , idest cum Consulatum gereret Gallicanus . Ubi nota in voce Coniunx additum N. & in voce exhibit positum B. pro V. quæ voces antiquam scribendi rationem veterum grammaticorum indicant , ut placet Fulvio Ursino ; nisi velimus existimare fuisse abusum Chalco-graphorum , quos improbat Dausquejus col. 1. pag. 29. ubi varios ejus generis abusus adducit , inter quos reponendam existimo dictionem illam cum eum pro eo .*

8

**D**uas sequentes inscriptiones una eademque tabula marmorea exhibet in oppositis sibi invicem superficiebus exaratas , quarum altera Ethnici est , Christiani altera : ex sacris cryptis eruta . Non alia de causa hoc factum fuisse putandum est , nisi ob inopiam Christianidelium , tempore praesertim , quo Tyrannorum odio in cryptis latebant ibi cum Defunctorum corpora humare vellent , titulosque sepulchrales apponere , eos in tabulis lapideis , & tegulis fictilibus , inter rudera antiquarum ruinarum repertis incidebant ; imò in ipsis Paganorum Sarcophagis sacra cadavera non raro deposuerunt , addito aliquo signo , quod christianam eorum fidem Posteris contestaretur , ut optimè docuit Aringus in sua Roma &c. & indicatur in proposita inscriptione , ubi praemittitur nota , quam esse propriam Christianorum tesseram , asserit Fabrettus cap.8. antiq. inscript. sic

CONSTANTIUS DISCOLIO  
FRATRI SUO BENEMERENTI  
QUI VIXIT ANNIS PLUS MINUS  
LXXIII. BENEMERENTI IN PACE.

Faustis hujusmodi precarionibus abundant Christianorum Epitaphia , multas similes protulit Fabrettus cap. 8.

9

**I**nscriptio opposita Ethnici est quæ sequitur .

D. M.  
Q. MEDICUS AUG. LIB.  
A SOLO SIBI FECIT  
HOC CENOTAFIU QUI  
NTA VITALIS FILIA MEA  
POSSIDEBET SINE CONTROVERSIA.

*AUG. LIB. intellige Augusti Libertus: Cenotafiu dicit loco Cenotaphii ob errorem fortasse sculptoris , quo verbo , teste Servio , significatur sepulchrum sive tumulus inanis . De hujusmodi tumulis inanibus loquens Vulpianus ait: si adhuc monumentum purum est , poterit quis hoc vendere , & donare ; Si Cenotaphium sit , posse hoc venire dicendum est , nec enim hoc esse religiosum Divi fratres rescripserunt . Religiosa autem fiebant sepulchra post illationem mortui ex voluntate Domini ; aut hæredis , patrem familias mortuum inferendo , ut fusè explicat Jacobus Gutherius de jure Manium lib. 5. cap. 2. Cum igitur Q. Medicus extruxerit tumulum , ejusque Dominus extiterit , Quintæ Vitali filia suæ illum donavit .*

10

D. M.  
L. VIRENEUS  
TITULUM Æ  
TERNALEM PO  
IT FILLÆ IRENE  
DOLCISSIMÆ

Titulus dicitur positus sepulchro filiaæ Irenes , idest ipse met lapis , in quo verba incisa sunt , & ollæ cineraria superimpositus ad ejus cognitionem . Consueverunt enim Antiqui titulos addere sepulchris , quos magnam delectationem , & litterarum reconditarum doctrinam habere asserit Gutherius lib. 2. cap. 27. aitque rria illorum præcipuè genera fuisse . Alterum ad honorem , ridiculum alterum , tertium ad infamiam spectans . Aliqui tamen non aliud quam nomen demortui significant . Titulus , quem sub oculis habemus , inscriptus est , ut nomen defunctæ æternum ad Posteris redderetur . Nam etsi ab Ethnico fuerit appositus , ut litteræ D. M. idest Diis Manibus apertè declarant ; non tamen defuerunt

fuerunt inter Ethnicos, qui æternam Vitam post præsentem futuram sibi perſuaſerint, ut quamplurimæ Inſcriptiones declarant, in quibus *Spei æternæ*, & *perpetuæ felicitatis* nuncupationes conceptas legimus, ut apud Gruterum pag. 424. & p. 1107.2. & Fabretum cap. 5. *Æternale* dicit non perpetuum, vel æternum; dictione quidem barbara, nec apud Latinos Auctores uſurpata; ſicut *Æternabilis* in codice tantum Theodoſiano inueniri notat Carolus du Frefne in ſuo Gloſſario.

## II

DIS LI MAN.  
P. PUBLIUS PRIMUS  
P. PUBLIO CRESCENTI  
FILIO SUO CARISSIMO FECIT  
VIXIT ANN. XX. MEN. . . D. VIIIJ.  
ET SIBI LIBERTIS  
POSTERISQUE

Omnia clara ſunt, nec indigent explicatione præter titulum in quo legitur *Dis* pro *Diis* ex frequenti apud Antiquos more ſcribendi. Manium autem invocatio hinc ferè in omnibus tumultis fiebat, eò quòd ab illis ſemper agitandos ferè ſibi ſuaderent, niſi placarentur. Hinc etiam præter invocationes, piacularia Sacra celebrabantur; ut quieſcerent. Sic *Buſta piare* dixit Propertius pro *Manes propitios reddere*, & *Placare*. Quamobrem ex Numæ inſtituto placandos Pontifex edocebat, ut Livius refert lib. 1. Ab eo petebant quos ritus quaſque ceremonias ob injurias mortuis factas Manes expoſcerent. Ob id Horatius cum Populi iudicio abſolutus eſſet, Tullus Rex accitis Pontificibus Deos Manes placari juſſit, juvenemque luſtrationibus expiari, quas fortuitæ cædis leges præſcripſerant, idcirco erectis Aris in honorem Manium, poſtremo ſub Jugum miſerunt Horatium.

Secundo notanda eſt Sillaba *Li* cui ſimilè inter cæteras inſcriptiones a Grutero Fabretto, & aliis relatas inuenire non potui. Quid autem ſignificare poſſet, mente revolvens, tandem *Libitina*, ſeu *Libitinariis Manibus* legendum cenſui. Sciunt enim antiquæ eruditionis periti plures Manium ſpecies ab Antiquis excogitatas, ut refert Gutherius lib. 2. cap. 16. quos tamen omnes fuiſſe ſervos *Libitinæ* putabant, ſeu Proſerpinae, nempe Dæ, humanæ vitæ, & mortis arbitrae, & quicumque morte occubuerit in poteſtatem bonorum, vel malorum manium tradi, quorum proinde tutelam, & patrocinium, invocatione præmiſſa in titulis ſepulchralibus, enixe expoſcebant, ut innumeris pene inſcriptionibus conſtat, inter quas præclara illa eſt, quam Gutherius rerulit pag. mihi 273. his verbis ſcriptam.

ANIMÆ SANCTÆ COLENDÆ  
D. M.  
FURIA SPES L. SEMPRONIO  
FIRMO  
CONJUGI CARISSIMO MIHI UT  
COGNOVI  
PUER PUELLA OBLIGATI A  
MORI PARITER  
CUM QUO VIXI &c.  
ITA PUTO VOS MANES SANCTISSIMI  
COMMENDATUM HABEATIS  
MEUM CONJUGEM ET VELITIS  
HVIC INDVLGENTISSIMI ESSE  
HORIS NOCTVRNIS  
VT EVM VIDEAM  
ET ETIAM ME FATO SVADERE  
VELLIT VT ET EGO POSSIM  
DVLCIVS ET CELERIVS  
APVD EVM PERVENIRE.

Item aliquando legimus *Diis Manibus inferis*, aliquando *Diis Manibus ſuperis* &c.

## I2

D. M.  
EUTHYCHETI FILIO  
QUI VIXIT ANN. VJ.  
DIEBUS VJ. INCISUS  
JNGENUUSQUE ACCEPIT  
CONGIURIUM XC.  
FECIT PATER BE  
NEMERENTI.

Tria ſe offerunt hic obſervatione digna: nempe Voces *incisus ingenuusque*, & *Congiarium XC.* quod dicitur ab Eutychete puero acceptum. Ut ab ultima exordiamur. *Congiarium*, docente Auguſtino Dial. 2. dicitur à *Congio*, quod menſuræ genus erat, quoque cum uſi ſint interdum Antiqui, ut vinum viritim liberaliter distribuèrent, hinc dicebatur *Congiarium dare*. Poſtea adhibita vox eſt in omni dono, quod a Principe exhibebatur Populo. Hujus tamen *Congiarii* diverſæ fuerunt ſummæ. Tiberius enim *Congiarium* populo trecentos nummos viritim dedit: Caligula *Congiarium* populo bis dedit tricenis ſeſtertiis. Nero, referente Suetonio cap. 17. quadragenos nummos populo diſiſit. Caracalla occiſo fratre Geta militibus pro ſalute ſua atticarum drachmarum duo millia, quingentas, prætereaque annonæ, ſupra quam ſueti accipere, dimidium. Livius Drufus nihil ſe ad largitionem ulli reliquiſſe, niſi ſi quis aut cœnum dividere vellet aut Cœlum gloriabatur, ut ſcribit Florus lib. 3. cap. 17. Demum Auguſtus *congiaria* populo frequenter dedit, ſed diverſæ ſum-

summæ modò quadringenos, modò tricenos, nonnunquam ducenos, quinquagenosque nummos. Ac ne minores quidem pueros præteriisse refert ex Suetonio Joan. Cæsar Bulengerus de Imp. Rom. lib. 2. cap. 11. quamvis non nisi ab undecimo ætatis anno accipere consuevissent. Id quod etiam de Trajani liberalitate retulit Plinius in Panegyrico his verbis; *Obtulisti Congiarium gaudentibus gaudens. -- Paulominus P.C. quinquemillia ingenuorum fuerunt. Quæ liberalitas Principis nostri conquesto, invenit, adsevit. Hi subsidium bellorum, ornamentum pacis, publicis sumptibus aluntur.* Hæc verba Plinii clarius patebunt, si in memoriam revocemus, quæ Sigonius narrat lib. 1. cap. 15. de antiquo Jure Romanorum, ubi ait. *Observatum est præterea in Legione (militum) non nisi ingenuos, & ex ingenuis nisi Juniores, & ex Junioribus, non nisi qui in quinque classibus censerentur, & ludicræ artis expertes essent, ordine non esse centuriatos, ex quo sequitur, servos, libertinos, pueros, seniores, capite censos, & histriones, si quando ad arma vocati sunt, non nisi cogente necessitate, in dubiis rebus Reipublicæ esse vocatos, id quod ex Annalibus Livii facile intelligitur, ut bello punico: Q. Fulvius Ap. Claudius Consules, cum egrè delectum conficerent, quòd in copia juniorum non facile in utrumque, ut & novæ urbanæ Legiones, & supplementum veteribus scriberetur, Senatus abistere eos incepto, vetuit, & triumviros binos creari jussit, alteros qui citra, alteros qui ultra quinquagesimum lapidem in platcis forisque, & in conciliabulis omnem copiam ingenuorum inspicerent, & si qui roboris, satis ad ferenda arma habere viderentur, etiam si nondum ætate militari essent, facerent: Tribuni plebis, si iis videretur, ad populum ferrent, ut qui minores septem, & decem annis sacramento dixissent, iis perinde stipendia præcederent, hæc Livius.*

Quòd igitur Reipublicæ tempore necessitate coacti Consules fecerunt, adscribendo militiæ pueros ingenuos, qui adhuc ætatem militiæ opportunam non agerent, ex liberalitate egit Augustus, & Trajanus, quem alloquens in eadem Panegyri Plinius subdidit: *Dent Tibi, Cæsar, ætatem Dei, quam mereris, serventque animum, quem dederunt, & quanto majorem Infantium turbam iterum atque iterum jubebis incidi (augetur enim quotidie, & crescit, non quia cariores parentibus liberi, sed quia Principi Cives) dabis congiana si voles, præstabis alimenta si voles, illi tamen propter Te nascuntur.*

Ex his deduci potest nostrum Eutychetum congiarium obtinuisse, ut indicat inscriptio, vel sub Augusto, vel sub Trajano, etiam si septimum ætatis annum adhuc ageret, & quidem ingenuus, idest in libertate natus, & ex ingenua

stirpe. *Ingenuus* enim libertino opponitur. Libertini erant libertorum, idest manumissorum filii.

Incisum denique appellat, hoc est adscriptum & adnumeratum inter eos qui congiario participes erant (ut dixit Plinius, *quanto majorem infantium turbam jubebis incidi*) scilicet in Tabulis, aut cereis, aut marmoreis, aut æneis, in quibus nomina eorum recensebantur scalpro, vel stylo incisa, juxta Veterum in scribendo morem: nisi fortasse ingenuum fuisse dicat, eò quòd eleganti facie, & decorus puer extiterit, ob id Augusto acceptum Congiarium accepisse. Congiarium enim etiam donum dicebatur, quod Princeps privatim dabat alicui; Sic Suetonius de clar. Rhet. 4. *Nec eo minus imò vel magis ob hoc Antonio gratus, a quo mox consule ingens etiam Congiarium accepit.* Denique *incisus* dici potuit, idest morte peremptus, & florenti in ætate veluti flos detruncatus. Incisa enim spes dicitur, qua frustramur. Ita Livius 3. Decad. ab Urbe 248. Itaque ait, spe incisa, priusquam prædicta dies adesset, Appius mortem sibi conscivit. Sed primam applicationem probabiliorem duco; nimia enim voluptate perfunderemur, si quæ dubia sunt, certò cognoscere liceret: Credo tamen his monitis paulo minus difficilia legentibus, quæ nunc explicuimus, futura.

13

D. M.  
ÆLIO EUPREPETI  
AUG. LIB. DECURIONI  
MINISTRATORUM  
ÆLIA NICE CO  
JUGI BENEMEREN  
TI CUM QUO VIXIT  
ANNIS XXX. SINE  
UNA QUERELLA.

Hanc Inscriptionem, qua Musæum nostrum dicitur, rescriptit ex Musæo Illustrissimi Ciampini, ubi fortasse tunc erat Abbas Fabrettus, & retulit pag. 257. inter inscriptiones a se collectas, ubi asserit frequentius pro *querela querella* in marmoribus inveniri. De munere tamen Ælii Euprepetis, qui dicitur fuisse *Decurio Ministratorum* nihil affirmat. Ut igitur cognoscamus quale illud fuerit, notandum primò est illum dici ex genere libertinorum fuisse, & quidem Augusti, cui serviebat, deinde in mentem revocanda sunt, quæ eruditissimus Laurentius Pigno-

Pignorius recensuit in Præfatione sui Commentarii de Servis, eorumque apud Veteres ministris. *Romæ* (inquit ille) *antiquitus, cum integra esset valeretque rectè publicæ rei dignitas, & Majestas, docente Val. Max. lib. 4. cap. 3. paucis admodum servis contenti erant. At post everfas Carthaginem, & Corinthum, cum vitia facta agmine in Urbem victricem influxissent, & privata luxuria publicam magnificentiam concutere cœpisset, tunc irrupit vis, & multitudo Servorum, qui rei familiaris animata instrumenta. & oculi, aures, manus, pedes, omnia denique dominorum essent. Iam verò ministeria eorundem adeo distincta, & peculiaria fuerunt, ut non ab re scriptum extet apud Iunioem Plinium lib. 8. Epist. 16. Servis Rempublicam quandam, & quasi Civitatem domum esse. Huc pertinent illa D. Hieronymi Epist. ad Eustachium, labente jam & inclinato pene Imperio scripta: Quis crederet ut totius Orbis extructa Victoriis Roma corrueret? ut ipsa suis populis, & mater fieret, & sepulchrum? ut tota Orientis, Aegypti, Affricæ littota, olim dominatricis, Urbis Servorum, & Ancillarum numero complerentur? Quod si Romæ Libertini (prosequor cum Pignorio) qui è servili segete manipuli aliquot fuerunt, non unam, aut alteram Tribum, sed tres, & quatuor occuparunt, si ibidem legibus latis manumissiones cohibitæ sunt, ne Rempublicam pessundarent illi, quos domini quotidie servos esse non patiebantur, quid tandem servorum dicemus Romæ fuisse? quid in Italia universa? quid in universo Imperio? Hinc profecto effluerunt non minus veri quàm familiares auctoribus hæc explicandi modi, Minister, populus, longus ordo, Grex Agmen, numerus, cohors, & Legio Servorum, hætenus Pignorius. Inter servos autem classis Ministratorum numerabatut, quorum munus, in cœnis præcipuè regiis, erat potum ministrandi. *Alius vini minister* (ait Seneca epist. 47.) *in muliebrem modum ornatus cum atate luctatur.* Apulejus autem hæc verba Senecæ veluti explicans Met. cap. 95. *pueros calamistratos, pulchrè indusiatos, gemmas formatas in pocula vini vestiti, frequenter offerentes,* notavit. Idem Seneca: *transeo Pistorum turbam, transeo Ministratorum, per quos signo dato ad inferendam cœnam discurretur.* De his plura apud Bulengerum de Imp. Rom. lib. 2. cap. 23. Inter horum ministratorum turmas, qui Imperatoris præcipuè cœnæ potum ministrabant, aliqui præerant, Decuriones dicti, & erant primi singularum Decuriarum, eo ferè modo, quo inter turmas Armatorum numerabantur Decuriones, qui (scribente Polybio lib. 6.) *cæteris militibus præpositi Turmarum Decurias ducebant.* Licet suspicari eosdem fuisse Prægestatores, voluptati, & Securi-*

tati Dominorum servientes, vina temperando ad blanditias gustus; & prælibando ad infidias cavendas. Hoc serium fuisse ac solidum ministerium refert supralaudatus Pignorius pagina mihi 133.

## 14

D. M. S.  
 JULIÆ SEVERAE KYPI  
 ATA O H MAGNIS ET RARIS  
 IN OMNIBUS EXEMPLIS  
 VITAE SUAE FOEMINAE  
 SEVERUS AVG. LIB.  
 FECIT CONJUCI OPTV  
 MAE CVM QVA VIXIT  
 ANNIS XXX DE QVA NI  
 HIL CONQUERI POTVIT  
 NISI QVOT CELERI FATO  
 INTERCEPTA SIT.

Lepida conclusio, quasi crimen fuerit foeminae demortuæ celeri fato abripi. *Mors* enim, inquit Ethnicus Poeta Horatius, *æquo pulsat pede pauperum tabernas Regumque turres,* nec solum senum, sed Juvenum, & puerorum stamina soepe Parca incidit. Laudando foeminam conjugem, *optumam* dicit loco *optima*: & jure optimam potuit affirmare, cum de ea conqueri non posset, rarissimo inter conjuges exemplo.

## 15

D. M.  
 CIESIÆ AFLIJCIA  
 DEI . A . MEMORIA  
 ET CVBICVLO AVG.  
 SER.

Appositam fuisse hanc inscriptionem Sarcophago continenti cineres Viri in dignitate constituti ipsa verba declarant: *Fuerat enim a memoria, & a cubiculo Augusti, idest Servus Augusto familiaris, & intimus cubicularius.* Cæsar Bulengerus agens de Imperatore Romano lib. 4. cap. 11. refert, inter officia Imperii quatuor fuisse Magistros, scilicet *Scriniarum, Memoria, Epistolarum, seu Libellorum, & Epistolarum græcarum.* Magister epistolarum græcarum, eas aut ipse dictabat, aut latinas in græcum transferebat, Magister libellorum tractabat cognitiones, & preces in ipsis expostas, Magister Scrinii agebat de Legationibus Civitatum, & Consultationibus. *Memorie* autem, adnotationes omnes dictabat, & precibus respondebat. Illos memorat Codex Theodosia-

dofianus de Privilegiis eorum, qui in Sacro Palatio militant. *Palatini*, inquit, *qui in scriniis nostris, idest memoriae Epistularum, Libellorumque versati sunt*. De Magistro memoriae sic Ammianus lib. 4. *Aedecius ex Magistro memoriae Consul*, & Lampridius in Alexandro. *In memoria scrinio erant 62. scriniarii, ex quibus 12. Adjuutores Quaestores Palatii: septem Antiquarii, quatuor Graeci, tres Latini, qui libros vetustate corruptos scriberent*. apud Herodianum lib. 4. *memorialis dicitur ille, qui praest memoriae Principis*, & D. Ambrosius in Epitaph. Theodof. *Memoriae Magister*, ait, *promotus Quaestor &c.* Notat etiam Bulengerus lib. 4. c. 13. *Memoriales eos dictos, qui curabant, ut in Commentarios referrentur, quae quotidie acciderent, quorum memoriam conservare Principis erat, & Memoriales vice Principis, cui erat a memoria, scribere, & dictare*. Itaque patet non esse discrimen inter voces *memoriales, scriniarios*, ab *Epistolis, a Libellis, & a Memoria*, inter quos adscriptus fuerat *Vir Ciesæ Afflictiadei*, qui erat etiam intimus cubicularius Cæsaris Augusti, quem *Servatorem* declarat inscriptio. Sciunt enim eruditi, quot pugnas egerit Augustus, quot Spolia Romam reportaverit. Extat numisma in honorem Augusti cūsum, ostensum ab Augustino in tabula 13. num. 21. in quo Aquilæ Corona laurea, & Toga picta, seu Tunica palmata, qua indui solebat triumphator, adjecta Epigraphe S. P. Q. R. *Parenti Conservatori suo*. Cubiculariorum autem multiplex erat genus, nam aliqui lectos Virorum, quorum erant Cubicularii componebant, & sternebant, alii Principem induebant, & ipsis thalami Cæsariani cura erat commissa, de quibus tractarunt Bulengerus, & alii.

Atque hæ sunt præcipuè inscriptiones, in quibus aliquid notatu dignum exposuimus. Aliæ sequuntur, in quibus præter nomen defunctorum, illi etiam exprimuntur, qui sepulchra excitarunt, anni etiam quos vixerunt, & munus quo functi sunt his formulis.

16

D. M.  
FLAVIA EDIS  
TE FECIT FILI  
O ODYATIRTI  
BENEMER  
ENTI

*idest fecit marens.*

17

T. SEPTICIUS  
ALEXANDER  
SIBI ET  
SALVILLÆ SUÆ ET  
SEPTICIE SECUNDÆ  
F. ME.

18

DIIS MANIBUS  
SACRUM  
CAMPIÆ AGRES  
M. LOLLIUS  
RAPHINUS  
CONJUGI OPTUME  
DE SE MERITÆ

19

L. JULIO BITHYNICO  
MENS. AEDIFIC.  
VIXIT ANN. XXI.  
JULIA THEOPHILE MATER  
INFELICISSIMA FILIO  
H. S. E. L. P. XIII. L. P. VIII.

Dicitur ni fallor Julia Mater hoc sepulchrum extruxisse longum pedes XIII. latum pedes VIII. Julio Bithynico filio, qui erat mensor ædificiorum, quod munus etiamnum exercetur a multis, præcipuè ab Architectis publicis, sicuti etiam antiquitus, inquit Vegetius lib. 2. cap. 7. *mensores erant, qui in castris metiebantur loca, in quibus milites tentoria figerent*. Quod ista significatio tribuenda sit his verbis detruncatis *Mens. Aedific.* patet ex alia inscriptione, accepta in hortis Justinianis Romæ, & relata a Fabretto cap. 10. num. 360. sic *Diis Manibus Cæcili Maximi Mensoris Aedificiorum*.

20

D. M. S.  
ATHENAI  
PAPHRODITUS  
T. JULIA HERONIS  
FECERUNT  
ALUMNÆ CARIS  
SIMÆ

21

DIO PIERIO  
S. RELIQUIÆ HIC  
CONTUBERNALI BENE  
MERENTI POSITO

Reliquias antiquitus appellatum fuisse quidquid demortui reliquum erat, docet Fabrettus in antiqua Inscriptione cap. 10. num. 425. & Gru-terus indicans Scaligerum inter Histor. rerum memorabilium.

22

C. NÆMISIDE CEBRE  
LIBERTIS LIBER  
TATIBUSQUE POS  
TERISQUE EORU  
M DONATUM AB  
TRIBUS SOCIIS

Subintellige *Sepulchrum*.

23

DIS MANIBUS  
Q. VILIO CHRYSIMO  
B. M. VIXIT AN.  
LXXVI. FECERUNT  
CASTUS F. CIARUS  
LIB.

Hanc inscriptionem sic puto legendam. *Quinto Vilio Chresimo benemerenti, vixit annos 76. fecerunt hoc sepulchrum Castus filius, & Ciarus Libertus.*

24

D. M.  
LUCIO STATILIO EPINICO  
STATILIUS EPINICUS  
H. STATILIA CALITYCHE  
FILIO DULCISSIMO FECER.

25

D. M.  
CASTRENSI  
SECUNDA CONIUGI  
B. M. CUM QUO VIXIT AN. XIII.  
M. VII. ET MYRISMUS  
AMICO OPTIMO  
FECERUNT

26

TI CLAUDIUS  
PHRONIMUS  
PRIMIGENIO  
DELICIO FECIT.

27

D. M. S.  
RASINIÆ  
BITHYNIÆ  
OPTIMÆ  
FOEMINÆ  
PACCIUS  
ONESIMUS  
FECIT.

28

D. M.  
IULIÆ SVCCESSE  
LIBERTÆ BENE M.  
FEC. C. IVLIVS MARTI  
ALIS SIBI ET SVIS  
POSTERISQVE  
EORVM H. M. H. E. N. S.

Quæ ultima verba initialibus litteris indicata sic lege. *Hoc monumentum Heredem Exterum*

*non sequitur*. Ita legendas esse has notas docent multæ inscriptiones ubi characteres omnes expressi sunt. Sic apud Fabretum pag. 98. n. 204. legitur *H. M. Har. exterum N. S.* qui Author pag. 91. docet prohibitione ista ea sepulchra affici, quæ familiaria vocabantur juxta illam distinctionem inter Familiaria, & Hæreditaria, de qua Cajus in *familiar. S. D. de Relig. & sumpt. funer.* Nihil autem hac præscriptione frequentius, dum sic negatione adjuncta exprimitur: sine negatione verò perrarò reperiri, quia forsan superflua redditur expressio ejus C. juxta dictionem illud nostrum *Juris CC.* quod tacitè inest.

29

D. M. S.  
NICOSTRATVS  
VIX. ANN. LII.  
PIVS IN SVIS  
H. S. F. S. F. T. L.

idest *hoc Sepulchrum fecit  
fit tibi Terra Levis.*

30

D. M.  
IVLIÆ  
MARCEL  
LINÆ  
CECILI  
VS VRSI  
O FECIT  
COIVGI  
BENEME  
RENTI

31

D. M.  
VIVIA HILA  
RIA C. VIVIO  
THVRANNO  
PATRONO  
B. M. M. F.

idest *Benemerenti, vel Bonæ memoriæ  
marens fecit.*

32

D. M.  
ERVPELLVS  
AMETHYSIUS  
FECIT SIBI ET SVIS  
LIBERTIS LIBERTABVSQVE  
POSTERISQVE  
EORUM

33

D. M.  
COCCEIÆ SATVRNINÆ  
VIXIT A. XVIII. M. VI. D. XXV.  
COCCEIA SVCCESSA MATER  
FILIÆ PIENTISSIMÆ FECIT.



34

D. M.  
M. GAVIO  
ANATELIONTI  
GAVIA FORTUNATA  
COLLIBERTO BENE  
MERENTI FECIT

40

D. M. S.  
LARCIA THE  
MIS LARCIE  
SABINE FILIE  
SUE BENEME  
RENTI FECIT

35

JULIE ATTIDI  
T. JULIUS ONESIMUS  
CONJUGI  
SANCTISSIME  
FECIT ET SIBI

41

L. VOLUSIO  
MYRONI  
PIO F.  
MATER. F.

Pietatem Christianorum redolet hæc inscri-  
ptio , in qua Sanctissima Conjux dicitur , quod  
magis apparet , eò quòd desit titulus D. M. pro-  
prius Paganorum .

idest *Filio Mater fecit.*

42

D. M.  
ULPSTA FILIUS COJU  
GI BENEMERENTE  
FECIT

36

D. M.  
MANNETE  
MAXIMILLE  
MANNETA  
HELPIS PATRONA  
L. P. M.

*benemerente* ex ignorantia scripsit pro beneme-  
renti.

43

M. ÆMILIUS PATROBIUS L.  
M. ÆMILIUS SATURNINUS L.  
ÆMILIA RESTITUTA L.  
PATRONO B. M.  
FECERUNT.

37

D. M.  
MARIA CHRYSIS  
L. MAUNIO AUGENDO  
FILIO PISSIMO ET  
SIBI FECIT .

Quis iste patronus fuerit inscriptio tacet , est  
tamen dictio relativa ad Libertos M. Æmilium  
Patrobium Libertum . M. Aemilium Saturni-  
num Libertum , & Aemiliam restitutam Liber-  
tam quibus servis donata fuerat . Libertas ut do-  
cet Valla lib. 4. c. 1.

38

D. M.  
T. AURELIO  
DOROTHEO  
PATRI BENE  
MERENTI  
FECIT Q. AU  
RELIANUS

44

D. M.  
Q. TREBICI ONE  
SIMI TREBICIA  
PHILETE CONIUGI  
BENEMERENTI FE  
CIT ET SIBI P. Q. S.

hoc est *Parvum quadratum Sarcophagum, vel pro  
Quieta sua.*

39

DIIS MANIB.  
PRIVATA MATER  
ASTEROPÆ FILIÆ  
FECIT  
VIX. ANNO MEN  
SIB. NOVEM

45

L. VEITONIUS  
LUCARPUS  
IUSIO FILIO N.  
POSUIT

lege filio recens *Nato, & statim demortuo.*  
M 46 D.

idest manibus novem rejecta vocali O . quam  
vitiosa pronuntiatio perperam addi fecit .

46

D. M.  
ARRENIE  
FILTATÆ  
Q. VIXIT AN. XXII.  
M. III. D. XV.  
TROPHIMUS  
STERTINI C. M. F.

Supple Conjux mærens fecit.

47

P. BÆBIUS P. F. PERMITILUS  
ET POMPONIÆ SPICA ET  
FORTUNALIS IN EO SEPUL  
CHRO QUOD EIS DONATUM  
ESSET AB HUMANIA DUR  
RACINA MACERIA TUM CON  
TEXERUNT ET SARCOPHA  
GA FECERUNT EX QUIBUS  
EDURRACINÆ CONCESSERUNT  
LIB. LIB. IX. SUIS POST EORUM  
H. M. D. M. A.

Has notas ita lege cum Fabretto cap. 2. Inscr  
ption. XI. *Huic Monumento Dolus malus abest,*  
*vel abesto.* Sicuti in multis aliis disertis verbis  
leguntur, præcipuè pag. 89. num. 174.

48

LOCUS VIC  
TORI SHIC PO  
REIECTICIA IN  
PACE D. VIKAMAR.

49

MARIA PUELLA IBIT IN PACE PRIDI  
E KAL. OCTOB. ET VIXIT ANNIS IIII. ME. II.

Ubi nota *ibit* pro *iuit*. Soepe enim litteram  
B. loco V usurpatam invenies, sic *bixit* pro *vi*  
*xit* &c.

50

Q. LABIENUS PRIMUS  
VIVIT AN. XIV.

51

STIBUS HERMITIS  
V. A. XI.

52

CECILIA  
MELISCA VIX  
ANN. XV.

53

DIS MANIBUS  
HERMÆ BEN  
EMERENTI

54

L. CORNELIUS  
HILARUS  
NONIÆ FILIUS

55

ECISIONIS CN. F.  
CLAUDIUS VALENS

56

LÆTÆ BEBIÆ  
F. THALASSA  
ANNORUM XV.

57

P. ANCHARIUS  
P. L.  
FAUSTUS  
LEGE PUBLI LIBERTUS

58

CRITONIUS  
FAUSTUS

59

A. ALBIENUS  
NIPEROS  
V. A. II. DIES XXX.

60

T. VIRIASI  
F. L.  
STEPHANI  
*lege filius Lucii.*

61

URBANA  
P. ANTONII  
ANCILLA

62

EUCHE  
V. A. XIII.

63

PRIMIGENIA THEODORA

64

JULIUS  
C. L. DYMO

65

IUCUNDA  
MESSALINA

66

C. OCTAVIO  
ANTHO  
OCTAVIÆ  
ÆGIDI

67

IULIA  
AMARYLLIS  
V. A. XXV.

68

SCRIBONIUS  
HILARUS

69

C. CLODIUS PHILOTÆR.  
AUFIDIA SECUNDA

70

ZETHUS MARCELLÆ  
MINORIS COCUS

71

HELENA  
QUERTINÆS.  
VIX. AN. XXIII.

72

MÆLIA Q. L.  
ARESCUSA  
V. AN. X.

*lege cum Grutero Quinti Liberta.*

73

NOVIA  
MELENIS

74

NURIA  
ELENA

75

FLAVIA  
CALISTE

76

C. IULIUS SERAPIO  
ANNOS XXXV.

77

D. M. S.  
L. MALIO SILVESTRO  
VIX. AN. XVI. M. VI. D. XVIII.  
LUCIUS MANLIUS URSOLUS LIB.  
PIENTISSIMUS  
PECIT.

78

V. I. T. A. L. I. E.  
CONCORDIÆ CONJUGI  
BENEMERENTI

79

CASINUS  
V. C. L. RUFIONI

*ideft vivens condidit locum.*

80

DIODORUS  
MAURUS  
EUCCHARIS

81

THYMELE  
MARCELLÆ  
SERICARIA

82

LIBERALIS VALENTINE  
CONJUGI QUÆ VIXIT  
ANNIS XXIJ. DJES XL.  
TE. IN. PA. GE.

Ad Christifidelem pertinere talem inscriptionem probat clausula ultima *Te in pace*, quam inter christianas formulas referri affirmat sepe laudatus Fabrettus cap. 2. numero 134. quia sub istis verbis frequenter reperitur juxta formulam in Ecclesia Catholica usurpatam. *Requiescant in pace.*

83

T. M. ARCIUS THAMURUS  
GALLIA O L. HEDONE.

Brevis hæc inscriptio notam habet, qua significari docet idem Fabrettus cap. 1. pag. 32. quando nomini alicujus sceminae additur, illam fuisse Dominam Domus suae; seu matrem familias juxta eam significationem, qua nuptiali ritu nova nupta viri domum ingrediens ei dicebat. *Ubi tu Cajus, ego Caja*, idest ut explicat Plutarchus in Probl. Rer. Rom. 30. *Ubi tu arbiter ac dominus, ibi ego arbitra æquè ac domina*; ex Grutero tamen legi deberet *Caja liberta vel libertus*. Ejus generis etiam sunt aliae.

84

MARCIA Q. O L.  
CIRRATA

85

OPPIA OL. ARBUSGUIA  
VIXIT ANNOS XXII.

86

COREJUS OL.  
PEDEROS  
AN. VIXIT VI.

Supradictas inscriptiones exposueram, cum  
aliæ marmoreæ tabulæ Musæo additæ sunt, in  
quibus sequentes leguntur insculptæ.

87

Q. FABIVS Q. F. QUIR. FELIX  
PROC. AVG.  
SIBI LIBERTISQUE SIVS  
HOC TVRBA INTVMVLO MEI PAREN-  
TES QVORVM PIGNVS EGO SVPER-  
STES VNVS. HAS PRO MARMORE  
DIVITIQUE TEMPLO.

Si in hac tabula Quintus Fabius legendus  
sit *Procurator* fuisse *Augusti*, ut mihi suadeo,  
ejus munus paucis exponam. Scimus ex Stra-  
bone libro ultimo. Augustum instituisse  
Procuratores per Provincias, atque ea, quæ ab  
ipsis fiebant, sic à Cæsare comprobata esse, ac  
si ab ipso Cæsare acta essent. Narrat Seneca  
lib. 4. nat. quest. & Tacitus lib. 12. Eorum  
proprium munus fuisse, ut redditus ac tributa  
colligerent. & alia quæ ad Fiscum spectabant.  
Tacitus in Agricola ait, munus Procuratorum  
Cæsarum, æquestrem nobilitatem fuisse.

88

DECESSIT TA SOM  
JACIS IND. TYCHAE  
VS VIXIT AN. XXX.  
M. DUO. DIIS VIII.

Pluribus barbaris scæter inscriptio. Quid  
autem significare velint verba illa *ta som jacis  
ind.* ingenuè fateor me nescire.

89

AURELIA AMANTIA  
FECIT SIBI ET COMPARI  
SVO, QUI FECIT INTER  
ILLA ANNOS XIII.

Tessera Christianorum huic tabulæ expressa  
est. De ea multa dicta sunt in explicatione Lu-  
cernæ antiquæ: qui plura desiderat legat Arin-  
gum, qui tom. 2. lib. 6. cap. 12. & 13. eruditam  
ex SS. Patribus mysticæ hujus Scripturæ expla-  
nationem habet. Non autem prætereunda est  
loquendi formula, *qui fecit inter illa annos XIII.*  
Verbum *facere* Conjugibus applicatum, Cui-  
cius lib. de Termin. cap. 26. interpretatus est  
pro *commorari*, & Papinianus lib. 218. de verb.  
signific. inquit Verbum *facere* omnem omnino  
faciendi causam complecti, ut dandi, solvendi,  
numerandi &c. ex quo *facere* ad dierum, aut  
annorum numerum optimè refertur, ex quo  
documento dici oportet, Comparem vixisse cum  
Aurelia annos XI II. Hoc ipsum docuit Fabret-  
tus inscript. cap. 4. pag. 267. quæ formula lo-  
quendi in veterum Christianorum elogiis, fre-  
quenter legitur.

90

CRETICVS ET SATVRVS QVI  
BIXIT ANNOS XXVIII. IN PACE  
SETALI AMICO MUNIS FELICI  
AMICO XV. KAL. SEPTEMBRES

In hac *bixit* pro *vixit* dicitur, ut alibi etiam  
notavimus.

91

URSINO  
FILIO BENEREMENTI.

92

JANUARIUS ET BO--  
PARENTES FILIÆ BEN--  
DULCISSIMÆ FECER--  
QVÆ NOBISCUM BI--  
AN. III. M. X. D. XX.  
IN PACE.

Christianorum fuisse titulum istum Columba, & ramus Olivæ apertè demonstrant. Cur illis hæc signa convenient fusè docuit Aringus in Roma subterranea lib. 4. cap. 41. & 44. Volucres enim sunt ait Beda in Job lib. 1. cap. 12. qui sursum cor habent, & cœlestia concupiscunt.

93

Sequitur tabella marmorea septem palmis circiter extensa unoque lata, e sacro cœmeterio eruta, in qua præter inscriptionem *Laurentius vixit an. XXI. M. II. D. X.* mensa est insculpta, in cujus parte dextera est Vir stans manibus in formam crucis elevatis.

Ejusmodi imago in tumulis Christianorum sæpè videtur, scilicet hominis orantis manibus in crucem elevatis. Talem orandi modum præfertim die dominico ex Apostolis ortum habuisse refert inter alios S. Gregorius Nazianzenus orat. 3. adversus Julianum his verbis. *Quorum (idest Christianorum) extensa inter precandum manus, flammam extinguunt, feras consopiant, gladiatorum aciem retundunt, &c.* A temporibus autem Apostolorum consuetudo talis accepit initium, prout Beatus Irenæus Martyr, & Episcopus Lugdunensis in libro de Paschate, ubi quoque mentionem fecit Pentecostes, in qua genua non inflectimus, quoniam pari est cum die Dominico potestate &c. Apud Ethnicos etiam usitatum fuisse manibus elevatis orare refert Tertullianus carm. de Jona, & Ninive.

*Expanduntur manus nonnullorum ad Numina Divum.* Sic pariter Hebræi orare solebant. Dicitur enim Exod. 17. *Cumque levaret Moyses manus, vincebat Israel;* & S. David agebat Psalm. 17. *Dum oro ad Te, dum extollo manus meas &c.* Hoc igitur orandi ritu Redemptorem representabant Christianifideles, in cruce manus expansas habentem, ut à Deo efficacius obtinerent quidquid in votis habebant, vel animum validius præmunirent contra inimicorum insidias, ac Tyrannorum immanitatem. De juvene Christiano Eusebius narrat lib. 8. cap. 7. qui in Theatro bestiis objectus, interea non modò virilem, & intrepidam sanctorum illorum animi tolerantiam, sed firmam etiam atque inflexibilem in teneris corporibus Constantiam cum stupore quodam mirari licuerit. Vidisses enim

adolefcentem non viginti annos integros natum multis constrictum vinculis, firme confidentem manibus in crucis modum è transverso expansis robusta, & excelsa mente in precibus ad Dei numen fundendis attentissimè defixum, neque omnino &c. At de hoc orandi modo plura vide apud Aringum, Bosium, Baronium, Joannem Rho, & alios.

94

D. M.

CANDIDO VALENTINO EQUI TI NUMERI  
SING. NATION. PANN. IUL. FAUSTIANO  
CASTRIS PRIORIBUS TURMA MAXIMI  
STIP. XII. QUI VIXIT ANN. XXXII. ARRIUS  
LATIANUS MIL COH IIII. PRET. FLAVIUS VI  
TALIS MIL. COH. X. PR. HEREDES AMICO  
BENEMERENTI MEMORIAM FECERUNT.

Equitis Pannonii est hoc Epitaphium, cui aliud simile refert in suo Diario italico R. P. Bernardus de Montefaucon pag. 115. cum anaglypho, in quo videtur vir decumbens Inferiis libans, atque in ima lapidis parte equus representatur ephippio, ut in illa ætate, ornatus; atque non infrequentes esse equitum Noricorum inscriptiones, qui in pretio erant, perinde ac illius regionis equi. Erant equites singulares, qui a sinistris Imperatoris in acie stabant. Prætoriani autem a dextris, atque ideo ordine, & dignitate proximi Prætorianis erant. Eruditissimus Fabrettus pag. 255. Inscript. ait Singulares equites gradum militiæ constituisse Prætorianæ proximum munere custodiæ, ut non uno loco ostenditur, & primo pag. 4. col. 1. vers. 7. ex Hygino. *Sic Equites Prætoriani locum accipiunt latere dextro Prætorii: Singulares Imperatoris latere sinistro, quorum si major numerus fuerit, utpote singulares DC. prætoriani CCC. poterunt CL singulares instriga Prætorianorum tendere.* Alia citat loca similia Fabrettus; deinde ait: Institutionem eorum ante Neronem fuisse ex Anonymo R. H. S. in notis ad Hyginum pag. 44. Verb. *Singulares* his verbis. Hos instituit Octavianus, si qua fides inscriptionibus, in quibus frequentissimè occurrunt. In quibusdam appellantur, ut hic, *Equites singulares*: in aliis, *Equites singulares Imperatoris: Equites Sing. Imperatoris nostri &c.*

Salmatius in opere posthumo de Milit. Rom. cap. 20. Equitatus istius originem ad Celeres usque Romuleos revocat, quos non vult ad eum usum institutos equites singulares, ut Legioni adjungerentur, sed & custodiam sui corporis in pace, & bello fuisse destinatos; quæ tamen improbat

probat Fabrettus ex variis inscriptionibus pagina 356. Rainerius denique, *singulares* quasi *singularios*, quam sententiam probat Fabrettus ex eo quia singularibus Duplicarios, & sesquiarios quasi appositos in aliquibus inscriptionibus equitum apparet.

Eorum sepulchrum situm fuisse in via Labicana ex inscriptionibus non paucis sepulchralibus ad illos spectantibus, ibidemque erutis auguratur Fabrettus inscript. pag. 360. cujus sententia probatur ex duabus aliis, quæ in Mausolæo Helenæ in eadem via collocato erutæ exportatæ sunt in officinam marmorarii ad Curiam Innocentianam, relatæ a R. D. de Montefaucon pagina 116. & in utraque Equites singulares describuntur natione Pannonii ut in nostra, quæ tamen improbat sententiam Fabretti, nam eructa est anno elapso 1705. extra portam in Vineâ D. Gasparis de Molara, qui nostro Musæo eam humanissimè donavit. Idem auctor dicit Anaglyphi rationem Equitibus singularibus eandem fuisse, sicut & locum sepulturæ; scilicet in parte inferiori equum stratum cum puero, in superiori virum jacentem in lecto. In nostro lapide deest pars inferior, in qua tamen apparet caput pueri, manum extensam cum Virga tenentis, utrum equus etiam fuerit ignoratur.

Notanda præterea sunt verba *Cohortis IIII. Prætoris* quæ ad Prætorum primò, deinde ad Consulum tutelam ex omni exercitu selectæ fuerunt, Prætorias hæc Cohortes Augustum primò instituisse ait Fabrettus inscript. cap. 3. pag. 126. sive novum ut Tacitus dicit annal. lib. 4. cap. 5. sive decem numero, ut disertè tradit Dio lib. 4. & apparet in nostro lapide, ubi numerus quoque militum his verbis præscribitur: *Stipulatores autem corporis decem mille erant in decem cohortes distributi*; quamvis a Dione discrepet Tacitus, ut explicat ibidem Fabrettus. Ut ut sit, dici potest, varietate temporum etiam numerum cohortium variatum fuisse. Atque hæc de proposito lapide. Cætera sunt clara.

## 95

**T**Abulam marmoream addimus ex quadrato lapide excisam, in qua Simulacrum Viri togati cernitur, sedentis & librum inspicientis proximus illi puer est; illis hæc verba subjecta leguntur.

*Nomen qui retinens tu magnus Alexander  
Pallados inventum medicinaleque laborem  
Quot feci studio proximus ipse meo.  
Testor nunc superos, non hoc meruisse videbar  
In vulnus Genoris, quot subito occidimus.  
I nunc, & dubias Fatorum neclege clades.  
Conjux quod potuit titulum mihi reddidit uni  
Valeria Ursilla.*

Inscriptio hæc, ut vides, multis scætet mendis, & barbara dictione componitur. Quamobrem mentem ejus qui illam posuit, intimè perspicere me non potuisse ingenuè fateor.

## 96

D. M.  
ERMAE  
OVINIORUM  
CONJUGI BENE  
MERENTI FECIT  
OVINIUS  
THAMYRUS.

Clara est inscriptio hæc, cui iminet Aquilæ imago, quæ in quamplurimis sepulchris exculpta invenitur ob Religionem, qua Antiqui Deorum cultores colebant Jovem, cui Avis illa sacra erat, ut propitium Deorum Principem sibi post obitum invenirent.

## 97

D. M.  
M. ULPIO  
CERIALI  
VIXIT ANNIS  
I.  
CLAUDIA VEN  
USTIA CONJUGI  
CARISSIMO  
BENEMEREN  
TI FECIT.

## 98

D. M.  
M. TITUS CHRYSIMUS  
FECIT SIBI ET AFINIÆ  
TROPHIME CONJUGI SUÆ  
BENEMERENTI ET MAXIMIL  
LÆ FILIÆ EIUS ET LIBERTIS  
LIBERTABVSQVE POSTERISQVE EORUM  
IN FRONTE PEDES IIII. IN AGR. P. VI. S.

In his duabus inscriptionibus sicuti, & in antecedenti notanda est dictio *Conjux*, quæ modò Marito, modò Uxori tribuitur, ut alibi dictum est. In ultima autem earum littera S significat *Signatum* fuisse sepulchrum in fronte, quæ viam publicam respiciebat pedes quatuor, in Longitudine verò, qua in agro productum erat pedes sex.

## 99

D. M.  
PUBLILIA PRIMA  
PUBLILIÆ FORTUNA  
TÆ PATRONE B. M. F.  
SIBI ET SUIS POSTERISQVE  
SUORUM

100

DIS MANIBUS  
T. FLAVIUS MARINUS  
P. VALERIO MARINO  
FILIO SUO VIXIT  
ANNIS III. MEN. VII.  
D. VIII.

101

D. M. PASSIENÆ  
CHRESTE  
L. PASSIENIUS  
HELIUS  
MATRI B. M. F.

102

D. M.  
RUSTIO  
HYLÆ VIX  
IT ANN. VI.  
MEM. TRES  
RUSTIA MAT.  
FILIO PIISS. FEC.

Hæ quatuor Inscriptiones ita claræ sunt, ut explicatione non indigeant, exceptis notis B.M.F. quæ sæpe in tumulis incisæ leguntur, ut intelligatur sepulchrum Defuncto *Benemerenti factum*.

103

D. M.  
TI CLAUDIO PRISCO  
SECUNDIANO COACTORI  
PATRONO BENE-  
RENTI TI. CL. EUSCHE-  
MUS CUM SER. PRIMÆ  
CONIVGIS VA. ET TI. CL.  
HERMETI COLLIBER. CAR-  
ISSIMO ETATIS CAUSA  
ET LIB. LIBERTABUS SUIS  
POSTERIS EORUM

Hanc inscriptionem sic legendam puto: *Tito Claudio Prisco Secundiano Coactori Patrono benemerenti Titus Claudius Euschemus cum servis prima conjugis Valerio, & Tito Claudio Hermeti Colliberto Carissimo &c.* Ut intelligatur Verbum *Coactori* tributum Secundiano, cui sepulchrum positum fuit, notandum est, sicuti necesse fuit vestigalia auctoritate publica institui pro Reipublicæ utilitate, ita etiam vestigalium exactores, qui etiam *Coactores* dicebantur, & *Publicani*. Hi autem ut plurimum viles habebantur, & male visi, quod plebeculæ oneri essent, ideo (referente Bulengero de Imp. Rom. salarium certum iis, qui vestigalia exigebant, attribuit Augustus, cum olim suis sumptibus efficerent ea, quæ sui muneris erant, adeoque plus exigebant, quàm deberent exigere.

104

D. M. S.  
NICOSTRATUS  
VIX. ANN. LII.  
PIUS IN SUIS  
H. S. E. S. T. T. L.

Ultimas notas sic lege: *Hoc Sepulchrum extruxit, Sit Tibi Terra Levvis.*

105

*Titulum Sepulchi addo capiti puellæ subjectum his verbis.*

MAMMA FEGIT  
CLAUDIÆ HYCIÆ  
JUNONE

Ubi nota verbum *fegit* pro *fecit*, fortasse ob imperitiam sculptoris, sicut est Dicitio *Iunone* pro *Iunoni*. Quis autem posuerit tumulum Claudix dubitari potest, nam apud Latinos nomen *Mamma* æquè sumitur pro matre, ac pro *Nutrice*. Vide Plautum Mostell. 5. propriè tamen significat *Uber* seu *Mammillam* ut apud Virgil. 1. Aeneid.

*Aurea subnectens exerta cingula mamma.*  
inde *Mammare*, seu *mammam* dare pro *lactare*.

106

DIS MANIBUS  
M. TREBELLIO ARGOLIO  
TABVLARIO VIATORUM  
QUESTORIORVM AB  
ÆRARIO AMICO OPTIMO  
PRISCVS T. FLAVI  
POLYCLITI V. Q. SER.  
ET TREBELLIA GRAPHICE CON. B.M.

Plura munera exercuisse Marcum Trebellium, cui tumulum posuit Trebellia Coniux, docet Inscriptio, id est illum fuisse: *Tabularium, Viatorum Questoriorum, & ab Ærario*. De his omnibus inquirendum est, & primò de munere *Tabularii*; quæ quidem vox non unicam significationem obtinuit. Primò *Tabularii* dicebantur (docente Bulengero lib. 4. cap. 8. de Imp. Rom.) qui *civitatum, aut Provinciarum chartas, & rationes tractabant, & præerant Tabulario Civitatum, in quo pleraque publica, & privatorum recondebantur, velut debitorum obsignata pecunia*. Olim *Tabularii* servi erant, quod Vetere Arcadius, & Honorius, & liberos homines statuerunt. Secundo *Tabularii* significabat *Calculorum*, nam interdum in rebus *Privatorum* adhibiti sunt, & pro imperitis litterarum scribebant, & subscriberent. Tertiò *Tabularii* intelligit Capitolinus eos, qui propriè rationes conficiunt eorum, qui publico inferuntur, & debentur. Ex his deducitur quid exercuerit Trebellius in munere *Tabularii Viatorum, & Questoriorum*. *Viatorum* autem Collegium erat apud Romanos, ex quo, qui officium ligandi haberent, *Lictores* appellabantur. Item *Viatores* erant *Apparitores*, qui a Villis ad Senatum Patres accersebant, ut Plin. lib. 18. cap. 3. & Columel. lib. 1. *Illis temporibus Proceres Civitatis in Villis morabantur, & Livius 10. Cum apparitor jussu magistri equitum eum duceret &c.*

Con-

Consules suos habuisse Viatores indicat Vetus lapis T. STABERIO SECUNDO COACTORI ARGENTARIO VIATOR CONSULARIS ONESINO VIATORI COLLEGII MAGNI CLAUDIA SMIRNA CONJUX. Vide Bulengerum cap. 21. lib. 6. de Imp. Rom. qui etiam lib. 3. cap. 14. explicat munus *Questuorum*, atque ex Varronis lib. 4. *Questores a quærendo* dictos esse, eosque fuisse, qui conquirerent publicas pecunias, & maleficia. Trium autem Quæstorum genera fuisse addit. Alii enim *Urbani* vel *Ærarii*, alii erant *Quæstores Parricidii* vel rerum capitalium. Postremi *Provinciales* dicebantur. Tullus Hostilius primus Quæstores ærarii instituit. Sub Imperatoribus verò aliud genus Quæstorum fuit, quorum munus erat Epistolas, & Orationes Principis in Senatu legere, de his Cassiodorus lib. 1. cap. 13. & alii.

Jam remanet aliud munus Trebellii, qui dicitur ab *Ærario* fuisse, hoc est Ærarii administrer; cum autem non explicetur, cujus Ærarii fuerit, sciendum est, plura fuisse Romæ Æraria. Primum erat publicum, de quo Festus. *Ærarium Populus Romanus in æde Saturni habuit, in quo civium tributa, & vestigalia asservata*. Alterum ærarium *sanctius* dictum, in quo aurum ad ultimos casus servabatur. Tertium erat *militare*, ab Augusto institutum, ad quod explendum vicesima legatorum, & hæreditatum, vicesima quinta venalium mancipiorum, centesima rerum venalium, & bona damnatorum illata. Huic ærario proprii Præfecti fuere, ut refert Tacitus lib. 5. *Annal.* Claustra ærarii cui Præfectus erat, & militarem pecuniam rebus novis obtulisse. Quæstores olim Ærario præpositi erant, & sub an. 726. Augustus prætorios Viros præfecit, postea ad vitandum ambitum sorte ducti sunt, ex Prætorum, & Quæstorum numero singulis annis. Ex his omnibus deduci potest ab hoc Ærario Træbellium fuisse dum viveret.

Cum Lachrimis etiam depositos fuisse odoratos liquores, & unguenta in sepulchris clare ostendit antiqua inscriptio, quæ est Rhodæ.

C. LÆLIO C. F. IV.  
MAGNA OMNIUM EXPECTATIONE  
GENITO  
ET DECIMO OCTAVO ÆTATIS  
ANNO  
AB IMMANI ATROPO E VITA  
RECISO  
FVSCA MATER  
AD LVCTVM ET GEMITVM RELICTA  
CUM LACHRIMIS ET OPOBALSA  
MO UDUM  
HOC SEPULCHRO CONDIDIT.

Talia autem vascula in quibus reponerentur fictilia ferè omnia sunt, aliqua vitrea, ea forma



quam Tabula XXXVII, representat in sepulchris inventa. Circa quæ notandum est similia Vasa sepius etiam inveniri in sepulchris Christianorum, quæ tamen lachrimas continuisse non est credendum. Docet enim Antonius Bosius in sua Roma subterranea lib. 1. cap. 20. Ejusmodi ampullas five vascula tam fictilia quam vitrea aqua lustrali plena reposita fuisse cum cadaveribus, juxta ritum antiquum, quem refert Gulielmus Durandi in suo *Rationali* lib. 7. c. 35. n. 37. his verbis. Ponitur cadaver in spelunca, in qua in quibusdam locis ponitur aqua benedicta, & prunæ cum thure; Aqua benedicta ne demones, qui multum eam timent, ad corpus accedant, solent namque defavire in corpora mortuorum, ut quod nequierunt in vita, saltem post mortem agant. Thus verò ibi ponitur propter fœtorem corporis removendum, seu ut defunctus Creatori seu acceptabilem bonorum operum odorem intelligatur obtulisse, seu ad ostendendum, quod defunctis proferat, auxilium Orationis. Carbores, in testimonium, quod terra illa ad communes usus amplius redigi non potest; plus enim durat Carbo sub terra, quam aliud. Aliqua ejus generis exhibentur in Musæo cui elargitus est humanissimus Canonicus S. Mariæ Transiberim D. Marcus Boldettus Sacrarum Reliquiarum Custos Pontificius, linguæ hebraicæ peritissimus, & Antiquitatum Romanorum quæ ad Christianifideles pertinent solertissimus Cimeliarcha.


Inscriptiones relatas absolvam Verbis, quibus Lilius Gregorius Giraldus, finem imposuit eruditæ dissertationi, quam scripsit de sepulchris, & vario sepeliendi ritu. *Supereff* verò (ait ille) ut quoniam mortale nobis contigit corpus, animus verò immortalis, enitatur ut animi nostri memoriam post mortem relinquamus immortalem, dumque sepulturas hasce legimus, earum jacturam facilem esse putemus: quin illud potius agamus, quod Pericles ait, ut exuti mortalitate sine sepulchro sine etiam titulo, si ita contingat, nostri memoriam magis apud Deum immortalem, in Cœlo bonorum omnium operum remuneratorem, quam in sepulchris, & marmoratis eorum inscriptionibus conservari putemus, mortisque ipsius memores semper dum vivimus, sumus, nam nec ullam ob causam summum in Philosophia finem Platonem in assidua mortis cogitatione posuisse videmus, nisi quod per eam, & vitia fugimus, & ad Virtutes accendimur, quibus rebus in supremi, & tremendi judicii tempore una cum corporibus non jam mortalibus surrecturi, donati illustri sempiternoque domicilio cum Deo gloriosissimo optimoque eternum beato ævo perfruamur.













D . M .  
CORNELIA  
TABAIDE  
FRATER . F .












2



1








1



2







3



4


















1

D. M.  
 F. IVNIVS  
 SEVERIANVS  
 VIXIT ANNIS  
 I. I.



2



D. M. S.  
 M. VLPIVS ROMANVS  
 EQ. R. VIXIT ANNIS XXII  
 MENS. II. DIES. XV IIII  
 M. VLPIVS GEORGVS  
 LIB. ET HERES  
 SARGOPHAGVM  
 POSVIT. CASTA TE  
 V. DO. BE. COIVGI BE.  
 NEMERENTI FECIT.



1
















DIS MANIBVS  
L.PASSIENI.L.F.  
AVGIANI VIX·AN·VII  
M.V.DIEB. XVIII  
L.PASSIENVVS  
ANTHVS ET  
O.FILIA AVGE  
FILIO  
DVLCISSIMO











# CLASSIS QUARTA

## *Continens Lucernas Sepulchrales.*



Præter vascula in cœnis ferilibus adhibita, reperiuntur sæpe alia, quæ Vasa lacrimarum dicuntur, atque etiam Lucernæ, & quidem in omnibus ferè sepulchris, ut scripsit Gutherius de jure Manium lib. 2. c. 32. Utriusq;

generis icones exponendæ hic sunt, prout extant in Musæo, & primùm de Lucernis acturi præmittimus, in more fuisse Veteribus, & præsertim Romanis, ut in sepulchris ardentes lucernas conderent; quod apertissimè probatur talium lucernarum copia, quæ passim in tota Italia intra monumenta reperta fuerunt. Hunc ritum accendendi lucernas primùm Ægyptios docuisse, ostendit Clemens Alexandrinus Strom. lib. 1. Casalius de Vet. Ægypt. Rit. deinde ad cœteras Gentes transisse, a quibus ad nos Christianos, ut docet Tertullianus de Idolol. num. 10. Nunc (inquit) *lucent Tabernæ, & Januæ nostræ plures jam invenies Ethnicorum fores sine lucernis, & laureis quàm christianorum.* Celebriorum lucernarum, quæ in sepulchris inventæ sunt, luculentam historiam contexuit in suo primo libro Licetus. Cœterum illud huc revocandum est, quod plerique affirmant, collocatas fuisse lucernas in sepulchris, quarum lychnj perpetuò arderent oleo inextinguibili, dummodo aerem vitaret. An hæc assertio sit vera disputarunt multi, præcipue Licetus, qui nunquam se vidisse tales lucernas ardentes fatetur, locutum tamen fuisse cum iis, qui viderant, legisseque Scriptores, qui id affirmant: & putat id factum fuisse in signum immortalitatis Animæ, quare forsan Ægyptii vitam humanam significantes, occasionem dedere Veteribus ponendi lucernas perpetuas in sepulchris, innuentes, ibi Animas immortales semper morari.

Guido Pancirolus de Reb. memorabil. p. 1. tit. 35. refert ardentes has lucernas fuisse reper-  
tas his verbis: *Præparabant etiam Veteres oleum incombustibile, quod nunquam consumabatur. Id nostra quoque ætate sedente Paulo III. visum fuit, invento scilicet sepulchro Tullia filia Ciceronis, in quo lucerna fuit etiam tunc ardens, sed admissa aere extincta. Arserat autem annos plus minus 1550.* Hermolaus Barbarus coroll. 5: & Franciscus Maturantius in Epist. ad Alphonium ami-

cum, etiam testati sunt tales lucernas inventas esse, atque etiam alii relati ab Henrico Salmuth in Comment. ad Pancirolum, at quo nam humore nutritæ fuerint non refert.

Fuse agitavit hanc Questionem Kircherus noster in Tomo 2. Oedypi cap. 3. Syntag. 20. & in lib. 8. sect. 3. cap. 2. de Mundo subterraneo, ubi asserit impossibile esse, lucernas perpetuò ardentes conficere, nam etiamsi possit Ellychnium poni ex asbesto, quod nunquam consumitur igne, non potest tamen inveniri oleum, seu liquor alius inflammabilis, qui ita sit constitutus, ut tantum semper novi liquoris, acquirat, quantum exhalatione evanuit, fiatque perpetuò liquoris consumpti, & de novo advenientis perpetua generatiò, quæ quidem necessaria sunt ad ignem perpetuum constituendum. Historias autem, quæ apud Authores communiter referuntur, ait, vel falso fundamento innixas, vel præstigias Dæmonum fuisse, aut oculorum fallacias; aut si veræ aliquæ fuerunt, tales lucernas divina arte longo tempore accensas effulsisse, at de iis sermonem non fieri, cum de perpetuis lucernis disceptatur.

Gutherius etiam de Jure Manium lib. 2. c. 32. affirmat fuisse aliquando repertam hujusmodi lucernam ardentem post multos annos; negat tamen quòd clauso tumulo arderet, sed illo aperto ob immissum aerem statim flammam conciperet, deinde subdit: *Qua arte id fieri possit, nostrum non est diutius inquirere. Alii hac in re philosophati sunt, qui accensis his luminibus advolantes alas ingenii combusserunt.* Illum ego imitabor tantummodo affirmans, perpetuas potuisse dici lucernas illas, ob lychnum ex lino asbestino formatum, quod nunquam igne absumitur, vel ex eò quòd in sepulchris repositæ relinquerentur, ut semper arderent, ac nemini fas esset illas extinguere; apud Antiquos enim (referente Plutarcho lib. 7. Symph. 14.) in more fuit nunquam extinguere lucernam, nec insufflatu, nec alia ulla violentia, sed inextinctam lucernam relinquere, quò usque ignis oleum consumpsisset, & deficiente nutrimento, ipsa quoque deficeret flamma: sive id reverentia Sacri ignis facerent, ut dicebat apud Plutarchum Cæternus; sive ut Lucius ibidem, ne viderentur necem inferre elemento quodammodo animato; sive denique ne lucernam extinguentes lucem aliis

invidere existimarentur, quod ibidem affirmat Florus. Poterant etiam dici perpetuæ, vel quod sæpius quodammodo perpetuæ reddebantur Legge, & testamento, quo præcipiebatur lucernas accendi, & humore apto nutriri, ut arderent. Modestinus hoc recitat ex testamento Meviæ his verbis: *Saccus servus meus, & Eutychia, & Irene ancilla mea, omnes sub hac conditione liberi sunt, ut monumento meo alternis mensibus lucernam accendant, & solemnia mortis peragant.*

Hujus generis lucernæ multæ erant, & frequentiores fictiles, multæ æneæ. Aliæ unius lychni, aliæ Bilychnes, pauca etiam plurimorum lychnorum. Undenum se vidisse unicam affirmat Licetus. Lapidem etiam servari dicit in Musæo Benavidii Patricii Patavini: nec unius formæ illæ fuerunt, nam aliæ rotundæ, oblongæ aliæ, aliæ triangulares. Variæ etiam imagines diversarum rerum illis insculptæ, quæ sæpe fuerunt pro libito expressæ ab Artificibus, qui scribente Plutarcho quæst. 23. *eas vendebant cum cæteris rebus, quæ ad funera pertinerent in Templo Libitinæ, quæ eadem cum Venere erat; ejusque moris rationem affert, scilicet, ut monerentur hoc ritu caducum esse, quod esset natum, cum una eademque Dea, & ortui, & interitui præsideret: unde Libitinarii dicti, qui funera curabant.*

Multas retulit Licetus lib. 3. cap. 11. & icones in iis expressas eruditè exposuit. Plurimas elegantè exculptas vulgavit Petrus Sanctus Bartolus additis observationibus italicis Joannis Petri Bellori, quæ deinde latinè redditæ cum lucernis recusis prodierunt Coloniae Marchicæ anno 1702. studio eruditissimi L. Begeri. Nos alias proferemus ab iis diversas, quas in nostro Musæo collocavimus, cum notis, quas rebus exculptis, in compendioso scribendi genere convenire judicabimus.

Et primo loco lucernam fictilem produco sub numero 1. Tabulæ XXXVII. de qua in Musæo olim brevissimè descripto a P. Athanasio Kircherio sub nomine Georgii de Sepibus part. 2. cap. 2. sic legitur. Inter lucernas una est ex Archimedis sepulchro eruta, a Laurentio Mirabella Authori donata pro singulari affectus sui in tantum rei antiquariæ peritum Virum (scilicet Kircherum) testimonio. Eam protulit etiam Licetus sic describens. Dum typum lampadis Romam missum considero cum fundo forinsecus perforato, cumque tubo sursum de lucernæ fundo per caveam Lychni surgente, cogitavi locum istum fuisse per quem hastula candelabri transmitteretur, quo lucerna posset attolli deprimique ad arbitrium ea utentis, annulo supposito lucernæ, quam sustineret, ac hastulæ circumducto, quam arte complecteretur, nec à pondere lucernæ de-

primi valeret, sed a violentia tantummodo manus valentioris, cujus iconem fingi curavimus; ad normam lucernæ per hastulam candelabri sursum, & deorsum ductilis ad nutum legentis, ita ut oleum in cavea lucernæ positum nec è fundo perforato egredi posset, nec etiam hastulam candelabri de fundo lucernæ sursum ascendentem attingere, atque ulla ratione prorsus coinquinare. Huc usque Licetus pag. 1255. Eam facile quisque conspiciere potest in hac imagine, quam a Liceto mutuavimus, & cum lucerna quæ in Musæo asservatur contulimus ad amissim illi respondentem.

An hæc in sepulchro Archimedis verè fuerit reperta non audeo pro certo affirmare, ut asserit Author, qui Musæum Kircherii evulgavit. Quo enim fundamento fultus hoc dixerit ignotum, prorsus mihi est. Dubitabo igitur, ut pariter dubitavit supra laudatus Licetus lib. 6. cap. 125. de reconditis Antiquorum Lucernis, ubi eam recensuit. Cupidus Licetus habendi plenioris notitiam circa eam, Mirbellæ rationem, perlustrari curavit ab Amico Romæ degente, qui tale responsum dedit.

Acceptis litteris tuis vidi perlustravique diligenter opus D. Vincentii Mirbellæ Syracusani, qua parte tractat antiquam Syracusam, impressum Neapoli è Lazzaro Scorigio 1613. ut inspiceram si quid afferret de Lucerna, cujus ad Te typus transmissus est, tanquam de comperta in sepulchro Archimedis, at re vera nullam in eo libro lampadis mentionem inveni; solum in ultima libri parte ponens Author vitam Archimedis meminisse sepulchri, quod illi Viro Marcellus insigne construi curavit, superimponens tumulo sphaeram cum cylindro, addita inscriptione, (quam sine dubio noverat ab Affinibus Archimedis fuisse mentem Defuncti, relatum superius à Plutarcho,) cujusmodi multo postea Cicero Quæstor contra Verrem in Siciliam missas gloriatur inter dumos invenisse se non exiguo labore. Quæ sola de proposito colligere potui ex opere Mirbellæ, qui sane fuit intimus amicus felicitis recordationis Ducis Federicii Cæsii Principis Academiae Lynceorum, cui si lucerna similis ævo suo reperta fuisset, de illa notitiam dedisset, ut facit de nescio quibus ossibus gigantis in illa Regione inventis. Multi mihi videntur anni præterisse ab obitu Mirbellæ; quare nescio qua fide tibi scriptum sit ab eo Lucernam istam inventam fuisse recens ab heri nudius tertius. Hactenus responso illa.

Ex his apparet non adeò firmam, ac indubitam fidem adhiberi posse vulgatæ famæ de lucerna recens inventa in sepulchro magni Archimedis a Mirabella. Nos tamen operi nostro eam duximus inferendam, ne præterisse culpa-

remur, quod insignēs Viri censent extitisse ve-  
ram Archimedis Lucernam .

2

**S**ecundo loco Lucerna est uno foramine in acu-  
mine pro lychno prædita, in medio duobus  
ad humorem recipiendum aptis. Manubrium in  
aversa parte eminet; rosæ, & liliis exornatur in  
gyrum dispositis; inter quæ Arca rotunda Bo-  
vem Zona cinctum repræsentat; Leonem humi  
prostratum aggredientem. Plura hac imagine  
posse significari autumo, & primùm dico certum  
fuisse apud Ethnicos, omnia quæcunque vivunt,  
morte tandem (etsi valida fiat tanquam Leo)  
evinci, & in terram prosterni, juxta illud Ho-  
ratii:

*Mors æquo pulsat pede*

*Pauperum tabernas, Regumque turres &c.*

Quòd ex his documentis probatur. De Lucerna  
alia, cum Bovis imagine ita differuit Licetus  
lib. 6. Bovem hieroglyphice signare cadaver, &  
quòd per mortem homo resolvatur in terram,  
ex qua primitus ejus corpus a Deo plasmatum  
est, juxta sacrum Oraculum Gen. 3. *In sudore  
vultus tui vesceris pane tuo, donec revertaris in  
terram, de qua sumptus es, quia pulvis es, & in  
pulverem revertaris.* Terræ verò symbolum esse  
Bovem luculentè demonstrat Valerianus lib. 3.  
hierogl. ex eo quòd apud Persas barbara Cere-  
monia Bos fronte in Leoninam faciem confor-  
mata ex antro cornibus arreptus educebatur  
ad sacrificium, de quo Papius.

*Indignata sequi torquentem cornua mitram.*

Quippe cum Taurus plurimum terrenum animal  
sit, terræ & inferis potestatibus damnatum, Soli  
tamen ab ea gente dedicatus, vim eam ostende-  
re videbatur, quam sol in universam terram  
exercet. Quod autem extraheretur ex antro,  
delitescere vim ejus in terræ visceribus indica-  
bat, quam ut evocarent, & frugum feracitati  
consulerent, sacrificii genus id constituerunt.

Zona cingitur Bos iste, ut indicetur ejus for-  
titudine. Zona enim, ait Valerianus lib. 1. ple-  
risque locis Divinæ litteræ pro fortitudinis hiero-  
glyphico ponunt, cingulum etiam apud Ro-  
manos militem strenuum significabat; ut discin-  
ctus Miles imbellem. & ignavum notat.

Hæc etsi vera dici possint, ad aliam interpre-  
tationem libentius transeo. Apud Antiquos  
bovem fuisse hieroglyphicum fluviorum, quibus  
ideo passim taurina cornua capitaque dabant,  
notissimum est unicuique, & late notat Pierius,  
item fluvios ipsos cornigeros, vel Tauricipites  
passim effingunt Poetæ. Hinc Maro Aeneid.  
octau.

*Corniger Hesperidum fluvius regnator aquarū,  
Et gemina auratus taurino cornua cultu.*

*Eridanus.*

Athenienses tamen humana facie flumen figu-  
rabant, cornibus tantum a fronte prominenti-  
bus, sive propter mugitum, quem edere flumi-  
na Taurorum instar videntur, & Taurorum in-  
star ferocia sunt, ut Festus ait; sive quòd cor-  
nua, ob flexuosos eorum lapsus, fluminibus tri-  
buantur, quare per boves illas in Ægypto se-  
ptenas pingues visas a Josepho Gen. 37. multi  
intelligunt Nili septem annuas exuberationes.

Ægyptii etiam Nilum fluvium appellarunt  
*Ofirim* ut refert Plutarchus de Iside, & Osiride,  
& ablata prima littera, quæ græcum articulum  
significat *Sirim*, ut apparet ex Plinio scribente  
lib. 5. cap. 9. Nec ante Nilus dicitur, quam se-  
totum aquis concordibus rursus junxit. Sic  
quoque etiamnum, *Siris*, ut ante nominatus, per  
aliquot milliaria ex Afro Dionysio canente.

*Hinc fluvii pinguis descendunt flumina Nili*

*Partibus & Libyces, qui currens solis ad ortus*

*Siris ab Æthiopum populis cognomine fertur.*

Itaque *Siris* Ægyptiis erat proprium Nili no-  
men. *Apis* autem apud eosdem Bos Deus cultus  
fuit, quem & eundem cum Nilo putarunt, &  
ideo fluvium illum Deum nomine *Serapidis*, ex  
*Siri*, & *Api* composito coluerunt, multis illi  
templis extructis. Constat etiam ex Plutarcho  
*Sirin*, & *Apin* apud Ægyptios idem cum Nilo,  
& Serapide fuisse, docente ibid. *Plerique Sa-  
cerdotum in idem ajunt recidere Osirin, & Apin,  
& enarrant Apin esse intelligendum formosam  
Anima Osiridis imaginem; sed Sacerdotum Sapien-  
tiores Osiridem censent omne principium facultate  
humeftandi præditum, utpote causam ortus. Sicus  
autem Nilum Osiridis defluxum, ita Corpus Isidis  
Terram putant, non universam, sed quam Nilus  
invadens fatam reddit.*

Patet igitur nomen *Siris*, & *Apis* idem signi-  
ficare, quod significat *Serapis*, & *Bufris*. Patet  
etiam flumen Nilum variis nominibus appella-  
tum esse, idest *Sirim*, *Ofirim*, *Apin*, *Serapim*, &  
*Bovem*, quia non solum cum aliis fluminibus fle-  
xuofus decurrit, & mugitum edit, concitatu  
cursu cadens de Catadupis, sed etiam fœcundat  
Ægyptum.

Nilus etiam singulis annis incipit crescere in  
ortu caniculæ, quæ stella nomine proprio dicitur  
*Sirius*, & locum habet in signo Leonis. Leo  
insuper Soli est Sacer, & dicitur *Solare Animal*,  
ut docet Plutarchus in Sympos. & Proclus lib.  
de Sacrif. Adde quod scripsit Macrobius primo  
Saturnal. cap. 21. *Ægyptii, inquit, Animal in  
Zodiaco consecraverunt, & cæli parte, qua maxime  
annuo cursu sol valido efferuet calore, leonisque  
inibi signum domicilium Solis appellant, quia id*

*animal videtur ex natura Solis substantiam deducere, primumque impetu, & calore præstat animalia, ut præstat Sol sidera, validusque est leo pectore, & priore corporis parte, ac degenerat posterioribus membris. Etiam Solis vis prima parte diei ad meridiem increfcit, vel prima parte anni a vere in æstatem, mox elanguescens deducitur, vel ad occasum, qui diei, vel ad hyemem, quæ anni pars videtur esse inferior.* huc utque Macrobius. Solem quoque cum Leonino capite effingi docuit Laurentius Pignorius, antiquitatum solertissimus indagator in expositione mensæ Iliacæ.

His prenotatis, præcipuè cum Fortunio Liceto, mihi persuadeo in exposita lucerna Leonem a Bove conculcatum significari posse, Nilum aquarum suarum profluvio superare vim Solis percurrentis signum Leonis, qua vi terra calefacta arefcebat. Hanc meam opinionem confirmant Pierij documenta relata a Kirchero in tomo 3. Oedypi Syntag. 3. ubi ait. Aegyptios ad significandum incrementum Nili, quod Aegyptia lingua *Nun* significat, Leonis jacentis hieroglyphico usos esse, quod cum Sol herculei Leonis terga adit, Nili diluvium excitat. Propter eam verò aquarum redundantiam, quam Leonis beneficio consequi se quotannis experiuntur, institutum est, & ubique Gentium in usu receptum, ut canales, qui aquam eructant, ad leonina capita absolvantur, ut ex leonum ritibus evomi aqua videatur. Nisi quis potius dicendum judicet, Virum alioqui viribus bene valentem a morte devictum fuisse, ut vis Solis fervidissima Niloticis undis superatur, quas in Bove ostendimus significari. Nisi forsitan Author hujus Lucernæ voluerit indicare virtutem, quam Sol habet dispositivam ad generationem, in signo Tauri tempore Veris existens, & signo Leonis ejusdem Solis virtutem, perficientem res generatas. Sicut olim Ægyptii in gemmis exprimebant eandem virtutem insculptentes Animal quadrupede, quod Taurum simul, & Leonem representabat, ut videtur apud Leonardum Augustinum de gemmis part. 2. num. 140.

Floribus insuper exornatur Lucerna, sed de his alibi erit dicendi locus.

3

**T**ertia Lucerna rotunda est, simulque Orbe circumdata, quam semiovatæ frondes, seu Iacinia exornant; Non deest Manubrium, cui ex diamata opponitur lingua cum foramine pro lychno, sicuti aliud patet in dextera orbis parte fomiti destinatum. Puer est in medio alis præditus: non tamen Angelum putes, sed Cupidiñem, aut Genium Amoris. Illum hymenæum vocarunt

Antiqui, nuptiisque præfecerunt, de quo Claudianus in quodam Epithalamio:

*Hunc Musa genitum legit Cytheræa ducemque  
Præfecit thalamis; nullum junxisse cubile  
Hoc sine, nec primas fas est attollere tadas.*

& postea illum idem Poeta descripsit.

*Dulce micant oculi, niveasque infecerat igni  
Solque pudorque genas; dubiam lanuginis  
umbram*

*Cæsaries intonsa tegit &c.*

Tœdam accensam gerit, nam antiqui in nuptiis Deos hymenæos quos dicebant *Conjugales* (ut refert D. Augustinus lib. 3. de Civit. Dei) invocantes totidem quot illi erant, scilicet quinque cereos accendere solebant. Elatam tamen illam non tenet, sed inclinatam, fortasse ut significet in sepulchro cineres alicujus Virguncula repositos fuisse, cujus nuptiæ intempestiva morte interciderint.

4

**Q**uartò parum dissimilis superioribus se offert Lucerna corona laurea circumdata, intra quam Venatio Ferrarum exprimitur. Venationum autem, quæ ludis Circensibus exhibebantur, omnes ferè veteres historici meminerunt. Legatur Onuphrius Panvinius, qui cap. 3. lib. 2. plures hujusmodi ludos, seu potius immanes venationes in circis exhibitas refert. Inter eas celebris fuit, quam Cæsar dictator confectis bellis civilibus populo exhibuit. De ea sic Tranquillus in ejus vita cap. 35. Venationes editæ per dies quinque, ac novissimè pugna divisa in duas acies quingentis peditibus, Elephantis vicenis, tricenis equitibus hinc, & inde commissis. De venationibus Severi Imperatoris Herodianus lib. 3. hæc habet. *Severus Imperator popularis esse in primis volebat, edendis omnifariam magnificentissimis spectaculis, centenis etiam saepe numero occisis belluis, quas omnibus regionibus conquerebat, sed & congiaria dedit uberrima, & certamen proposuit, undique accitis Ludionibus atque Athletis.*

De hujusmodi Athletis, seu Bestiariis Joannes Argolus in notis ad Panviniū sic ait. *Nihil habent, quo tegantur, non videlicet crate, cancellis, rota, ad ictum totis corporibus expositi, nunquam frustra manum mittunt.* Talem representat Lucerna proposita cum bestiis dimicantem, quæ fortasse in sepulchro erat, in quo Athletæ membra fuerunt collocata.

5

**V**enatorem extinctum potest indicare sequens lucerna, in qua Venatio Ferrarum exhibetur non quidem in circo, sed in aperto campo, ubi contra Taurum canis invehitur. Quantum Antiqui venationibus delectarentur, non unico patet testimonio. Inter omnia satis sit referre Dionis verba de venationibus Caii Cæsaris Calligulae lib. 59. *Cajus natali suo die venationem dedit; Urfa quadringenta ac totidem alia ferae africanae sunt interfecta, & alibi: Cajus natali suo die Drusilla biduo populo spectacula praebeuit, equestris, & venationes; primo die quadringentos Urfos occidit, postridie totidem africanas feras.*

6 & 7

**E**X lucernis hic delineatis altera Manubrium habet, altera illo caret, sed in ea tubercula eminent tribus in locis in formam crucis disposita. In utraque Larvae scenicae imago est, quarum frequens expressio in sepulchris antiquorum cernitur, fortasse ut indicetur Vitae humanae Comedia, de qua Vates ille,

*Grex agit in scena mimum; Pater ille vocatur;  
Filius hic, nomen divitis ille tenet.  
Mox ubi ridendas inclusit pagina partes,  
Vera redit facies, dissimulata perit.*

Hujus generis lucernam fictilem exposuit Petrus Bartolus part. 2. num. 14. Antiquarum lucernarum, in qua quatuor visuntur scenicae larvae, quas ideo expressas in ea fuisse scripsit Bellorus, ut indicaretur sepulchrum alicujus Poetae, seu Viri scenis assueti.

8

**D**elphinum habemus expressum in hac lucerna, seu piscem cui parum dissimilem protulit Licetus lib. 6. pag. 126. & putavit eam exitisse in sepulchro Piscatoris, conjecturam trahentem ex pisce, tum ex reperta inscriptione:

GENUTIUS ORATA  
ROM. PISCATOR.  
MALEDICTUS ILLE PISCIS  
QUI SPINA ME CONFIXIT  
HEU MONS LUCIS, ET TU RIPA  
CUNCTIS PORTUM, MORTEM MIHI.

Verosimile igitur est hanc lucernam, e sepulchro Piscatoris erutam fuisse, aculeata, & venenata spina confecti ab Araneo pisce. Neque enim desunt in aquis pisces venenati, quos refert Plinius lib. 9. cap. 18. *Nec venena cessant dira* (inquit ille) *ut in Lepore, qui in Indico mari etiam tactu pestilens &c.* Araneus etiam spinæ aculeum venenatum habet in dorso. Figulus tamen adeo ruditer piscem expressit, ut cujusnam generis ille sit dignosci minimè possit, & potius Delphini, quam alia piscis imago conspiciatur. Si Delphinum expressum dixeris, in eo signum coeleste indicari credas de quo Ovidius.

*Quam modo caelatum Stellis Delphina videbas  
Is fugiet visus nocte sequente tuos.*

Cum autem Veneri Sacer hic piscis fuerit, in honorem Libitinæ accensam hanc Lucernam fuisse facile dixerim, Eadem enim erat cum Veneri, & mortuorum cineres frequenter eidem commendabantur, appositis titulis Veneri sacris, ut patet ex quampluribus sepulchrorum inscriptionibus.

9 & 10

**B**ine lucernæ, quas proponimus Imaginè Jovis custodis ostendunt pectore tenus expressi. fulmen enim gestat manu, ut Neronis numisma repræsentat, adjecta Epigraphe *Jupiter Custos.* Quem Antiqui inter Deos Penates Domorum Custodes numerabant. Sociam habet Aquilam fulmini insidentem, de qua Horatius in Ode:

*Qualem ministram fulminis alitem,  
Cui Rex Deorum Regnum in aveis vagas  
permisit.*

In earum altera talis imago circumdatur corolla ex ramis hæderæ ni fallor; rudi enim minerva expressa est. In aliis autem similibus, ut refert Jo. Petrus Bellori in suis notis ad Lucernas a Bartolo delineatas, exculpta est corona ex lauro, & quercu compacta. Ut ut sit, Arbores sunt Victorias, & triumphos indicantes, Apollini, & Baccho sacrae, qui cum Jove conveniunt. Ratio autem cur hæc expressa sint, multiplex esse potest: vel quia in honorem Jovis arderet hæc lucerna, cui sepulchrum dicatum erat; sicut in Lucerna aenea, quam num. 2. partis secundæ exhibuit Bartolus, titulus dedicationis legitur *L. Tetius Aliti Jovi DD.* vel quia, cum sibi suaderent Antiqui Animas post mortem ab Aquila in Cælum transferri, ubi Jupiter Regnum obtinuerat, lacrimas abstergere in funere tali symbolo curabant.

Habet insuper hæc lucerna in summitate Manubrii simulacrum lunæ in cornua curvatae, vel nascentis, vel cum sole mox congregientis, quæ pro-

propriam postulat explicationem: præsertim quia in pluribus lucernis reperitur. Talem habent Lucernæ aliquot apud Licetum, & sex aliæ a Bartolo relatæ. De primæ earum differens Bellorus in notis ait: Ideo Lunam in omnibus exprimi, quia Proserpinæ seu Hecate cum cæteris Diis singulæ dicatæ fuerunt. Proserpinam enim Tergeminam sangebant; nam in Cœlo credebatur Luna, in Terris Diana, & apud Inferos Proserpina. Verùm tanti Viri, eruditissimi atque, dum viveret, amicissimi venia, ab eo dissentire non dubitabo; non tamen negabo potuisse dicari Proserpinæ lucernas cum expressione lunæ in cornua curvatæ. At cum in proposita Jovis imaginem habeamus, necesse non est aliam Deam in ejus consortium advocare. Eruditissimus Fortunius Licetus explicans similem lucernam ait: verosimile esse eam arsisse in tumulo Viri nobilis, vel etiam extra sepulchrum usui fuisse viro nobili, qui sui generis claritudinem in lucerna refulgere voluerit. Luna enim apud Antiquos, cum multorum rerum symbolum esset, in primis erat Nobilitatis ex antiquitate Profapiæ, nam, ut ait Valerianus lib. 11. Perulgatum est Lunæ gestamen apud Arcades nobilitatis tesseram extitisse; qui propterea Proseles appellati fuere, quòd post Deucalionis diluvium primi ipsi lunam inspexisse nascentem se credidere; quodque putarent universum humanum Genus aquis obrutum periisse, & a se rursus originem propagationis emanasse. Erat verò gestamen, quo uti solebant Arcades, fibula in Lunæ cornua porrigenis speciem, qua calceamenta connectebantur. Quin & Romanis, qui nobilitate præstarent, gestandi lunulas morem fuisse Plutarchus tradit in questionibus Romanis quest. 79. sed de hoc signo alibi dabitur fufius differendi locus.

In Præsentiarum satis fit innuere sententiam Plutarchi. Quærens ille, cur qui nobilitate generis aliis præstare viderentur, lunulas in calceis gestarent: An, inquit, signum hoc est habitationis supra lunam, quæ fertur, & quod post mortem rursus Animæ lunam sub pedibus habebunt? sicuti hoc quoque institutum erat, ut rebus secundis elati, & superbientes mutationis fortunæ in alteram partem admonerentur, exemplo videlicet Lunæ, quæ primùm recens extitit, e caligine, fulgore de hinc subinde faciem splendido auget, illustrans, & cum pulcherrimè renidet Orbe pleno, rursus exiit lumen suum, & ad nihilum redit. Tale Plutarchi documentum viam aperuit, ut clarè dignoscatur, cur Luna in sepulchris, eorumque lucernis exprimeretur.

## II

**U**Ndecimo loco Lucerna vultum Dianæ, seu Proserpinæ mōstrat inter cornua dimidiatæ lunæ exculptum. Huic Deæ sacram illam fuisse ratio suadet. Pluries enim sepulchrales Urnæ illi dicabantur, sicuti loco Deorum Manium, aliorum Deorum nomina exprimebantur.

## 12

**L**Eo exprimitur in sequenti lucerna, in quo nil aliud significatum fuisse crediderim nisi signum esse cœleste, in quo Sol effervercit. Currens apparet, ut velocitatem ejus syderis declaret.

## 13

**M**ilitis defuncti sepulchrum illustrasse Lucernam sub hoc numero delineatâ, corona in eadem expressa suadet. Laurea enim cum sit, Virtutem militarem indicat, quæ hujusmodi corona, quandoque etiam ex quercu declarabatur, ut tradit Hællius lib. 5. cap. 6. & Plinius l. b. 22. cap. 3. & 4. Potuit etiam esse signum triumphi; nam talem lucrabatur Dux quilibet, qui sedata Provincia, victisque hostibus Tarpejam Arcem triumphans ascenderet. Nisi velit quis potius dicere, in ea ritum antiquum recognosci debere coronandi cadavera, & spargendi sepulchra floribus, & coronis. De quo ritu aptè Clemens Alexandrinus lib. 2. A turba, & negotio remotæ securitatis signum est corona, quare ea, & mortuos coronant. Illum tamen improbavit Minutius Felix in octavio his verbis. *Ego vos in hoc satis miror, quemadmodum tributis exanimi, & non sentienti Coronam, cum & beatus non egeat, & miser non gaudeat floribus.* Videmus proinde in quamplurimis lucernis, Urnisque Sepulchralibus coronas florum expressas.

## 14

**F**Loribus etiam exornata est Lucerna bilychnis, quam vides cum Manubrio, in parte opposita, & duobus hinc inde protuberantibus mucronibus. Ex argilla nigri coloris compacta fuit, quæ rarò inter rudera Antiquitatum reperitur. In medio foramen habet, ad oleum excipiendum, labro eminenti circumdatum, sicut melius

lius infundi possit. Cujus nam generis sint flo-  
sculi in ea exculpti, non adeò facilè dignosci po-  
test. Ex remuscuis, in quibus inhærent, dicerem  
florem esse herbæ inhærentem, quam Convol-  
volum vocant, quæ juxta Plinii relationem lib.  
21. cap. 5. nascitur per fructeta, nullo odore,  
candorem tantum referens, ac veluti natura rudi-  
mentum lilia facere condiscens. De usu florum  
in sepulchris dictum est satis, non videtur tamen  
omitti posse id quod narrat Diophantes Lacedæ-  
monius, qui Antiquitatum libros 14. scripsit.  
Ait ille apud Giraldū de Sepulchralibus Aegy-  
ptium hominem locupletissimum filium supersti-  
tem, ejus simulacrum domi constituisse, ad quod  
Famuli confugerent, cum Domini iracundiam  
furoremque evitare vellent, & familiares a  
Domino veniam consecutos, simulacrum ipsum  
floribus, & coronis solitos ornare, & odoramen-  
ta adolere, quæ sunt postea ad sepulchra trans-  
lata.

Possunt igitur flores expressi significare, quòd  
Amicus sive alius superstes mortuo flores, &  
herbas odoriferas in tumulo posuerit, juxta illud  
Maronianum Eglog. 5. in funere dilectissimi  
pueri.

*Spargite humum foliis, inducite frondibus  
umbras,*

*Pastores, mandat tibi fieri talia Daphnis.*

Putabant enim Gentiles eorum Animas, qui mo-  
riebantur, in Juventute diu morari circa sepul-  
cra, delectarique in mollibus herbis, & odora-  
tis floribus, unde Juven. Sat. 7.

*Dii majorum umbris tenuem, & sine pondere  
terram,*

*Spirantesque crocos, & in urna perpetuum  
ver &c.*

Quare significaturus in urna continente dilecti  
sui cineres Ver inesse perpetuum, aptissimè scul-  
pit flores, & frondes. Coeterum Antiquos flo-  
ribus, & frondibus sepulchra coronasse, obser-  
vat in antiquis lectionibus Cælius lib. 7. cap. 20.  
Corolla ex Potho, qui duplex est, alter hyacin-  
thino flore, candidus alter, ex Amarantho, ut  
ostenderet, inquit Thilesius lib. de coronis, flore  
nunquam intereunte famam Herois perpetuè du-  
raturam.

15

**I**N sequenti lucerna cujus superficies plastica  
arte compacta lævorem quendam exhibet, licet  
longo annorum spatio: deturpatum, & corrosum,  
sex palmarum rami in cruce, seu sideris spe-  
ciem dispositi exculpti sunt. Quid illi significant,  
non adeo clarum est, ut dubitari non possit.  
Joannes Baptista Casalius de Rit. Christianorum

antiquis agens, & afferens lucernam hujus gene-  
ris cum palmis hæc habet. Demum altera in  
qua palmæ sunt expressæ, & hæc ad Martyrum  
sepulchra consueverat apponi, ut in Apocalypsi,  
*Palma in manibus eorum.* Et si non de Solis mar-  
tyribus ac fortè non de Martyribus ibi loquatur  
Evangelista: nam illis tribuit Stolas albas; scri-  
bit enim ibi Joannes de palmas gerentibus, ubi  
Lyranus: Dicuntur omnes beati, non solum Mar-  
tyres in Empyreo amicti stolis albis per gloriam  
animæ, quæ quidem gloria per stolam albam  
designatur. Palmæ verò datæ sunt omnibus  
beatis in signum Victoriæ, quam habuerunt,  
etiam si citra martyrium de mundo, carne, &  
diabolo, tribus hominum adversariis, quæ pal-  
ma Victoriæ non habetur in præsentis sæculo, in  
quo homines quantumvis sancti, sunt semper in  
pugna. Licet autem communiter palmæ ponan-  
tur in manibus Martyrum per quandam appro-  
piationem, & excellentiam, debentur tamen  
omnibus beatis, quorum vita fuit militia super  
terram, de qua morientes exierunt cum Victo-  
ria, qua superarunt hostes invisibiles, atque  
visibiles. Et Eucherius apud Pierium Hier. 50.  
ostendit palmam esse symbolum non tantum  
Martyrum, sed omnium Piorum. Ita Origenes  
in Genesim 23. *Palma victoriæ signum est illius  
belli, quod inter se caro, & spiritus gerit.* Et de  
Martyribus præcipuè quamplurimi Ecclesiæ Do-  
ctores, & ipsius Ecclesiæ consensus, quæ de  
Martyribus agens, illa verba usurpat. *Martyrii  
palmam accepit &c.* Verum nemo negabit, opi-  
nor, palmam in sepulchris, seu lucernis expres-  
sam potuisse apponi, ut indicaretur alicujus mi-  
litis invicti Virtus, non dissimili modo ac Ver-  
bum *Fortis* sæpè in lucernis incisum, nec Mar-  
tyrem significat, sed militem, vel Athletam, seu  
alium, cui tale nomen conveniret. Hanc opi-  
nionem confirmant documenta sapientissimi Li-  
ceti, qui de Lucernis antiquis agens, hæc habet.  
A Tergo inscribitur *Fortis* fundus posticus in-  
scriptus erat *Strobili*: in fundo incisæ litteræ *Scul*.  
Inscribebantur autem Lucernæ aliquando no-  
mine defuncti, cui accendebantur, aliquando  
nomine artificis, a quo plasmabantur, aliquando  
nomine amici, a quo accendi curabantur, ali-  
quando nomine servi, a quo custodiebantur, ali-  
quando nomine Numinis, cui dicabantur, quod  
facilè conjectari possumus ex varietate inscri-  
ptionum nuper adnotarum; nam littera T, in-  
dicat initium nominis Artificis. Donati nomen  
amici fuit. Christi nomen habuerunt, quæ  
Christiano cineri, vel Christi imagini accensæ  
fuerunt. *Fortis* videtur fuisse servus hujus nomi-  
nis lucernæ custos. Eodem ferè modo de Pal-  
mis dicendum est. Hæc tamen ambiguitas sæpè  
aufertur ex aliis pluribus circumstantiis, ex qui-  
bus

bus omnibus certum Martyri argumentum deducitur.

## 16

**D**ecima sexta Lucerna bilychnis, duplex habens foramē pro duplici flamma, Apollinis caput demonstrat, qui solem significat. Lunæ imminet, quæ cornibus Solem respicit, ut ejus sideris virtutem, a Sole communicatam intelligamus. Utriusque autem periodos applicarunt antiqui, post quas, ut innuimus, Animæ defunctorum in alia corpora reviviscere deberent. Ait enim Socrates apud Platonem in Phædone. Ex veteri sermone abire ad Inferos Animas defunctorum, rursūque huc reverti, fierique ex mortuis quasi quodam curriculo remeantes, ad demonstrandam animæ immortalitatem, nam ex Viventibus mortui, & mortuis viventes fiunt.

## 17

**A**d decimam septimam lucernam gradum facimus, cui similem exposuit sub n. 30. partis primæ Petrus Bartolus; in ea videtur Quadriga, quam Aurigator triumphans regit, manu elevans palmam relatam in signum Victoriæ. Notissimum eruditus est, inter multa spectaculorum genera, quæ in Circo maximo antiqui Romani edere consueverunt, præcipuum fuisse certamen curule, & equestre. De his disertè egit Panvinius lib. 1. cap. 9. de ludis circensibus; erat cursus aliquando bigarum, aliquando verò trigarum, & quadrigarum, adjunctis curribus equis, qui cursitabant. Currentes bigæ lunam imitari putabantur, quæ gemino cursu cum sole contendit, sive quòd nocte videatur, & die: & ideo bigis alterum equum nigrum alterum candidum jungebant, qui noctem, & diem representabant. Quadrigas autem Soli tribuerunt, quòd Sol per quatuor anni tempora singulis annis vertatur, sic Tertullianus Epig. de Cin.

*Lunæ biga datur, semper Solique quadriga.*

Eriçthonium Athénarum Regem primum quatuor equos curru adjunxisse narrant, de quo Virgilius 3. Georg.

*Primus Eriçthonius currus, & quatuor ausus*

*Jungere equos, rapidisque rotis insistere victor.*

Ex his quatuor equis duo dicebantur jugales, qui jugo, duo verò funales, qui loro, hinc inde alligabantur, antiqui enim non binos equos ut nunc fit, sed quatuor, æquata fronte jungebant, ut dixit Silyius Italicus lib. 6.

— *pacis de more putares*

*Æquata fronte, & concordi currere freno.*

Aurigæ sive illorum agitadores dicebantur, vel Bigarii, vel Quadrigarii. Eorum initio duæ factiones erant, & a colore vestium, quibus dum cursitarent, induebantur, nomina fortiebantur. Scilicet alba, & rubea testi curribus insidentes certatim currebant, sed postea voluptatis aut superstitionis causa ex duabus, quatuor factiones factæ sunt, Prasina, Russata, Veneta, & Albata. De his plura Panvinius de Ludis Circensibus cap. 10. Igitur currentes in orbem circum metas, quæ in circo duplices erant, septies circuire debebant, Auriga verò, qui primus curru septimam metam confecisset, victor erat. At Bravium sive præmium accipi à Victore non poterat, nisi decursis septenis spatiis; quare Seneca lib. 3. Epist. 4. *Agitatorum lætitia, quum septimò palma appropinquat.* Siquidem ubi septimo curriculo confecto agitadores circum metas decurrissent, tum palma Victori dabatur. Huc etiam spectat illud Odarum Horatii initium:

*Sunt quos curriculo pulverem Olympicum*

*Collegisse juvat, metaque fervidis*

*Evitata rotis, palmaque nobilis*

*Terrarum dominos evehit ad Deos.*

Dubitari tamen potest an Victoribus verè palma daretur in signum Victoriæ, & præmiorum acceptorum, qualem in Lucernis aliquibus, Icon aurigæ ostendit. Præmia enim ab Imperatoribus data, fuisse ingentem talentorum summam, pluribus probat supra laudatus Panvinius, de ludis circen. ubi cap. 13. lib. 1. exponit tabulam repertam in Vaticano, in qua talia præmia recensentur, & ab eodem Panvinio explicantur cap. 14. pag. 37. num. 7. De palmis affirmat T. Livius in fine lib. 10. his verbis: *Sp. Carvilio, & L. Papirio consulibus coronati primum ob res bello bene gestas, ludos romanos spectaverunt, palmaque tum primo translato à Græcia more Victoribus data.* Rationem affert Gellius lib. 3. cap. 6. ex 7. Probl. Arist. Si supra palmæ arboris (inquit) lignum magna pondera impones, ac tam graviter urgeas, oneresque, ut magnitudo oneris sustineri non queat, non deorsum palma cedit, nec intra flectitur, sed adversus pondus resurgit, & sursum nititur, recurvaturque, propterea, inquit Plutarchus, in certaminibus palmam signum esse placuit Victoriæ: quoniam ingenium ejusmodi ligni est, ut opprimentibus non cedat. Victorem igitur demonstrat Lucerna in Quadriga brevi tunica circumamictum, qualem descripsit Callixenus Athænei ubi dixit, ut breves tunicas haberent aurigantes pueri, & petasos in capite. Illam Lora circum pectus cingebant, quæ ex habenis ipsis fuisse affirmat Argolus



golus in notis ad Panvinium , ut octo lora facilius possent distinguendo temperare , totiusque vi corporis equos retinere .

Cur autem in Lucerna hac Quadrigarius victor expressus fuerit , occasio ariolandi potius datur , quàm aliquid certò exponendi . Illam fuisse compactam , ut in eiusmodi hominis sepulchro arderet , si quis affirmaverit , non improbo , affirmabo tamen Lucernas non semper effictas , ut in sepulchris deponerentur , sed sæpe Artifices easdem pro suo libitu figuris ornasse , quas deinde pretio sibi comparabant cœteri , vel ut in delubris Numinum quæ colebant , dicarent , vel etiam in domibus ad privatos usus adhiberent . Sæpe etiam deferviebant in fornicibus , & subterraneis locis , ut in Lupanaribus , ubi exiguum lumen passim lychni accensi reddebant . De qua Re Tertullianus . *Cur die læti non laureis postes adumbramus , nec lucernis diem infringimus ? honesta re , & solemnitate publica exigente , indicare domui tui habitum alicujus novi lupanaris ?*

18

**L**ucerna globulis exornata in gyrum dispositis ostendit Sphingem ; in qua animal representatur duplicis generis , muliebri caput Vitta est redimitum , sicut apparet in iis , quæ Romam ex Ægypto deductæ passim in Urbe videntur . Calanticam habet a summo vertice ad occipitium , facie decora collo tenus ; at infra , corpore velut equino , cruribus , ac pedibus leoninis .

Fuit sine dubio hæc lucerna sepulchralis , nam Antiqui sphinges passim sepulchris imponebant , quia , & integram Pyramidem sub imagine Sphingis in Ægypto conditam testatur Plinius lib. 36. cap. 32. maximè verò circa loca , in quibus solet exundare Nilus , sicut Heliopoli , & in deserto memphitico . Nihil autem significabant , referente P. Kircherò in Oedypo Synt. 3. tom. 3. nisi Nili inundationem , non enim talia Animalia exprimebant Ægyptii , quod crederent alicubi reperiri , sed ad connotanda reconditiora mentis sensa . Cum autem incrementa Nili mense Julio , & Augusto durent , & Sol iis mensibus maxima ex parte Leonis , & Virginis signa percurrat ; ex Virgine , & Leone formare monstra consueverunt , quæ Sphinges appellabant , erantque statuæ Nilo consecratæ .

Lucernam verò propositam dicatam fuisse Minervæ putamus , nam Minerva Sphingem gestare solebat . Confirmat hanc opinionem caput muliebri , quod ad instar Manubrii lucernæ imminet . Isidem tamen illud refert ; nam efformata est cum coma torta , & reflexa , & modium

gestat in capite abundantia symbolum . At eandem fuisse Isidem cum Minerva nullus antiquarum fabularum peritus nescit : Quot etiam nominibus Isidem fuisse vocatam docuimus alibi cum Apulejo lib. 11. Metamorph. En adsum ait illa &c.

19 & 20

**L**ucerna prima militè armatum exhibet , qui stricto acinace , clypeoque munitus contra hostem invehitur . Alia verò subsequens numero 20. indicata Militem quiescentem , & sub armorum pondere defatigatum . Utramque accensam fuisse , ut in sepulchro alicujus militis arderet , ad indicandam fortitudinem bellicam Viri , qui singulari certamine strenuum hostem interfecerit , expressæ icunculæ declarant . Dubitari autem potest an fuerint milites in Acie occisi , an potius ex Gladiatoribus , qui in Theatris , seu in Conviviis , atque etiam in Funeribus dimicabant . Norunt antiquæ eruditionis scrutatores , quàm frequentia fuerint , apud Romanos præcipuè Gladiatorum spectacula in Theatris , in quibus ait Tertullianus lib. de Spectac. *Gladiatores innocentes in ludum veniebant , ut publicæ voluptatis hostiæ fierent .* Quam artem gladiatoriam , etsi plurimùm homines vilissimi mercenarii exercuerint , aliquando tamen etiam Viros nobiles , & primarios , quin etiam Duces , & Imperatores ipsos illam exercuisse affirmat inter alios Athenæus , & Demetrius Sceptius qui lib. 12. Troici ornatus hæc scripsit : *Apud Arotiochum Regem , qui magnus dicebatur , non amici solum Regis in arma tripudiabant , in cœnis , sed ipse etiam Rex .* Julius Capitolinus asserit Commodum Imperatorem fuisse Gladiatorem , eximium , & in publicis Theatris , sprete imperatoria dignitate , gladiatoris partes adimplesse .

Norunt etiam , quod animus meminisse horret , exclamat Laurentius Pignorius de servis pag. mihi 194. in convivium receptos fuisse hujusmodi gladiatores à quibusdam adeo familiariter , ut non possim non mirari præposterum Philosophi hominis consilium , qui non has tragicas scenas , sed etiamnum in convivio improbaverit ludicram pugnam , de his Silius lib. 11.

*Quin etiam exhilarare Viris convivia cæde  
Mos olim , & miscere epulis spectacula dira  
Certantum ferro sæpe , & super ipsa cadentem  
Pocula , respergis non parco sanguine mensis .*

Quare conveniunt hisce cruentis spectaculis illa Petri Chrysologi serm. 137. In arenam vertitur domus , mensa migrat in caveam , fiunt de pransoribus spectatores , furore mutatur convivium fit cibus cædes , vinum transit in sanguinem.

Notum demum apud Romanos in usu fuisse Gladiatores exerceri in funeribus juxta Rogum, ut Rogus ipse sanguine perfunderetur humano,

## 21

**V**elocitatem indicat Equus alis præditus in Lucerna vigesima prima exculptus. Alatus a Callimacho fingitur is equus, ad notandum stellæ celeritatem. Vocatur a Claudiano Æthon, & Auroræ nuntius dicitur apud Homerum. *Quin etiam velox Aurora nuntius Æthon, Qui fugat hinnitu Stellas.* Æthonis verò vocabulum ab ardendo derivatum est, idemque nomen dat Ovidius uni ex Solaribus equis, & ipse met Claudianus uni ex Quadriga Plutonis. Tali enim equo, currum Solis vehi simularunt Antiqui, juxta Ovidium in Fastis,

*Sextus ubi è Terra clivofum ascendet Olympum Phæbus, & alatis athera carpet equis;*  
eoque curru Animas defunctorum ad Cœlū sive ad Elysios campos transvehi, falsò opinati sunt, unde post varias Solaris cursus periodos omnes remeare deberent, novamque vitam incipere: ut sibi inter cœteros suavit Pittagoras, Qua de causa in quamplurimis lucernis, & sepulchris equus ejusmodi invenitur exculptus, & præcipuè in sepulchro Nasoniorum a Petro Bartolo typis dato cum notis Joannis Petri Bellori.

## 22

**V**igesima secunda lucerna fictilis duplici lychno prædita, & eleganter compacta ex rubra argilla, folia quamplurima in gyrum disposita in medio labet, & in parte superiori Manubrium triangulari forma absolutum. Non tamen credas Sanctissimam Triadem in illo significari, sed potius Tergeminam Hecaten, vel tripitem Serapidem, in quo Solem Aegyptii venerabantur, ac tria tempora, idest Præteritum, & futurum agnoscebant. Idcirco triplici Animalium forma simul unita efformabant, idest Leonis, Canis, & Lupi, nam referente Macrobio in Saturnalibus, Leonis capite monstratur tempus præteritum, quia conditio ejus inter præteritum, & futurum actu præteriti valida, & fervens est; sed præteritum tempus Lupi capite signatur, quòd memoria rerum præteritarum rapitur. Item canis blandientis effigie futuri temporis designat eventum, de quo nobis spes licet incerta blanditur. Fuisse ab ethnico artifice effictam clarè demonstrant pulli gallinacei extra caveam farra legentes. Sunt illi augurii symbolum aptissimè in lucerna expressum; quoniam

Antiqui lucernas laternasque Auguribus assignabant, semper effulgentes, ut ait Plutarchus in Quest. Romanis. Itaque ille qui lucernam istam habere voluit, augurii symbolum dedit in auspicio fausto pullorum, e cavea egressorum ad edenda grana projecta. Quod ut clarius pateat, huc revocanda sunt, quæ Rosinus retulit c. 10. lib. 3. Antiq. Rom.

Erat apud Romanos Collegium Augurum summo in honore habitum, quod primum tribus constabat, mox uno addito, quatuor extiterunt, sed cum post plebs admittenda esset in partem honorum Urbis, quinque plebei augures creati, & patricii quatuor, novem numero fuere. Plura Tullius de Divinat. & alii. Præter Augures erant Pullarii, qui Caveæ pullorum curam agebant, e quorum pastu Auguria captare Augures solebant: quæ Auguria, quoties offa pullis data aliquo modo cadebat in solum, Tripudia *Solistima* dicebantur, ita Festus. Captabantur autem Auguria ex pullis hoc modo. Quotiescunque de inchoanda re quapiam Deorum per pullos sensa exploratum ibant, imperato de more silentio, pulstem illis ante offam cavea reclusa objiciebant. Quod si ad oblatam escam mox pulli e cavea non prosilirent, aut serius egressi, vel non attingerent eam, vel alarum motu dissiparent, vel relicta esca oberrarent, aut occiderent, aut prorsus non vescerentur, omen præferebant, magni terroris, & sollicitudinis, eventusque tristissimos; & pullarius exitum animo prævidens, ne quid molirentur, sed desisterent ab incepto, vel differrent deliberationes, hortabatur. Quod si pulli prouerent, cum impetu, certatimque in escam involarent, & avidè depascerentur, ita ut vescentibus illis aliquid ex ore relaberetur, inde spe hausta, pullarius, ut constanter incepta negotia urgerent imperabat, & successus optatos a Diis spondebat.

Caveæ pullorum imago in antiquis monumentis cernitur. Hunc augurandi modum Claudius primo bello punico derisit, referente Valerio Maximo lib. 3. cap. 4. Cum pullarius non exire e cavea pullos renunciasset, abjici eos in mari jussit, dicens: *Quia edere nolunt, bibant.*

Quod si pullarius, quæ Dii divulgata voluissent, dissimulasset, aut veteratoriè suppressisset, idem contrahi nefas credebatur, ac si quæ tacita ferenda erant, palam fecisset. Si verò mentitus fuisset, aut eo quod ostensum fuisset, subdole depravato, sensum non illi, qui consulebat, fraudi esse, sed in auctoris retorqueri caput censebatur. Hæc omnia improbens Aurelius Prudentius sic in Romano Martyre ait.

*Cum Consulatum initis, ut verna solent,  
Pudet fateri, farre pullos pasceitis.*

Locum

23

**L**ocum vigefimum tertium occupat Lucerna bylychnis, falcata lunam gerens in loco Manubrii, & in medio imaginem Avis Pellicani, cui fimilem protulit Licetus pag. 1059. lib.6. de Lucernis . Eam capaceſſe eruditionis ait . Enimverò Avis hæc juxta Valerianum in Hierogl. lib. 20. Niloticæ folitudinis eſt , ſed quærens cur in Lucerna ſit expreſſa , reſpondit: Quoniam avis eſt ignem non timens immo deſpiciens ; quid ſi dixerò prorfus amans ? Audiamus Pierium . Fama perhibetur in furentis ignis ardoreſe injicere , eaque perfeverantia cruciabili tormento torreti , ſupra quam excogitari poſſit admirandam . Quodnam enim Animal tam fatuum , tam ſtupefacto ſenſu invenimus , quod ad unius prunæ tactum , e veſtigio non reſiliet ? quod adeo robuſtum atque impavidum , ut accenſam non expaveſcat flammam &c. Itaque ait Licetus in Lucerna Pelicanum poſitum arbitramur , ad indicandum ejus alitis maximam cum igne cognationem , qualis ſimiliter eſt olei cum flamma , quæ fomitem ultro repentem ad ſe depoſcit . Qua ratione ſcitiffimè pingitur avis iſta pedem alterum inferre in foramen , ingreſſui fomitis inſtitutum , quaſi conſcenuſa ſponte in flammæ voracis nutrimentum . An vera dixerit Licetus Lectori remitto , & ad aliam lucernam gradum faciam .

24

**A**lia ſe obtulit lucerna forma a cœteris diverſa , nam oblonga illa eſt , Manubrio prædita , quod aliquantulum inflexum foramen oſtendit , oppoſitum duplici alteri foramini , quorum primum in medio fomitem excipiebat , ſecundum in patula extremitate Ellychnium . Inter hæc duo foramina ruditur exculpti ſunt bini veluti ſemicirculi , quos primo intuitu judicabam indicare laminas ferreas , quæ equorum ungulis clavis ferreis aptantur . At diligentius examinatos illos ſimiles recognovi antiquis armillis ejus generis , quæ videntur in nummo veteri, relato ab Antonio Auguſtino dial. 1. & expreſſo a doctiſſimo Scaccho Myrothec. 2. cap. 41. ubi agit de Armillis , quas milites more mulierum locabant in brachiis, ſcilicet ſemicirculos non perfectæ peripheriæ abſolutos . Aptabantur enim ſupra brachiale ferreum; & ne ad cubitum descendendo in tractandis armis militi impedimento eſſent , in illa parte quæ axillam reſpiciebat , apertæ relinquebantur , & fibula aliqua

coriacea brachio conſtringebantur . Huic armillarum alligationi Caſaubonus ſubſcribit in notis ad Capitolini maximinum in verbo *Dextrocherium* . Earum typum exhibuit etiam Thomas Bartholinus de Armillis Veterum §. 4. pagina mihi 57. Erant etiam armillæ formæ circularis , ſed de his dabitur alibi dicendi occaſio . In præſentiarum de expreſſis in lucerna ſermo ſit , quarum uſum apud Veteres milites fuiſſe ſcimus ad armorum ornamentum . Sic Bartholinus pagina 103. Sæpe militibus ex bello feliciter reverſis diſtributa fuere armorum brachiorumque ornamenta , quorum ope fortiter reſ geſſerant , ut hæc virtutis præmia ſe iſdem meruiſſe brachiis recordarentur . quare Iſidorus lib. 19. orig. cap. 31. Armillæ , ait , propriæ Virorum ſunt , collatæ Victoriæ cauſa militibus ob armorum virtutem . Potest igitur dici lucernam hanc in ſepulchro militis aſſiſſe , non tamen pro certo haberi velim fuiſſe ſemper lucernas variis ſymbolis inſignitas , quæ mortuo convenirent . Varias enim mihi ſuadeo cum Liceto lib. 3. cap. 11. fuiſſe exornatas imaginaibus diverſarum rerum prohibito artificum , ut ex iſis in Templo Libitinæ emptoribus expoſitis , eas quiſque ſeligeret , ſicuti alibi indicatum eſt , quas vita functis aptari poſſe judicabat , vel Numini convenire , in cuius honorem tumuli erigebantur . Sic etiam affirmat eruditus Joannes Smith aliquas inſcriptas fuiſſe nomine defuncti , alias nomine fabri, ſicut paſſim in pluribus certiffima conjectura habetur.

25

**F**ictilis Lucerna Unilychnis duo gerens foramina , quorum alterum pro ardenti papyro eminent , procul a corpore globoſo lucernæ , in ejus prominente velut naſo : ſed alterum eſt excipiendo fomiti paratum , & habet locum in centro areæ rotundum . Circa id foramen circulus eſt intra alium majorem circumferentiam lucernæ deſcribentem . Inter hos duos circulos veluti coronam faciunt intercepta pleraque militaria inſignia , galea, Clypæi, peltæ , pharetra , ſecuris , lorica pectoris , atque dorſi , ſive mavis trophæa , ex quibus conjicere licet hujusmodi lucernam poſitam fuiſſe in delubro quodam Palladi ſacro , nam repræſentat varia militum donaria , quæ Tholo Templi Palladis appenſa fuere . Confirmat hoc Luna , quæ inſtar Manubrii ſupereminet lucernæ , in qua Dianam ſub ſpecie Lunæ venerabantur Antiqui . Si verò illam ſepulchro inſerviſſe dicas , potuit indicare ſtreuū militis cineres in eo reſpoſitos .

Quæ sub numero 26. apparet delineata, similis est illi, quam exposuit Laurentius Pignorius, Joannes Baptista Casalius de Vet. Christ. Ritib. cap. 4. & ex eo Licetus lib. 6. cap. 46. In earum centro nota est designans hanc vocem *Christus*, totamque arcem Lucernæ occupans ad instar cujusdam rotæ. De his differens supradictus Casalius ait: Quoniam Prisci Fideles sapissimè lucernis utebantur cum signo X quod P interfecat, quibus litteris crucem, & Christum fuisse denotatum demonstravimus, ut similiter hoc idem denotat signum P in altera mea lucerna. Et hæc symbola congruè lucernis Fidelium apposita, quod ipse Christus testetur de se: *Ego sum lux mundi qui sequitur me non ambulat in tenebris*. Hæc Casalius. Illi tamen contradicit Licetus, tribuens ejus Pietati, non veritati ea, quæ affirmavit, opinaturque, Antiquos ea nota significare voluisse non crucem, quæ facilius absque superposito P. grecanico simplici sui nota ✕ significatur. Coeterum quum videamus signum illud P in nummis antiquioribus ætate Christi sculptum habere significationem prophanam, certè determinare non possumus, quam significationem habeat in ejusmodi lucernis. Confirmat hæc D. Isidorus de originibus, ubi refert eam notam quæ *Christimon* dicitur, & formatur ex P. & X. græcis litteris junctis, indicare aliquid indeterminatè ad arbitrium cujuslibet hominis utentis. Si enim Institutores earum Christiani fuerint, uti quidem potuerunt ea nota ad significandum, accendisse lucernas in honorem Christi: si verò Gentiles, incertum est, quid ea nota significare voluerint, nomen ne proprium Artificis Chremetis, Chryssippi, Chryfodori Chrysmathii &c. aut defuncti, cui simile nomen fuerit. Cum Isidoro in eadem sententia fuit Pignorius in libro Symbolarum Epistolicarum Epist. 24. Consentit Pignorio, P. Fortunatus Scacchus eruditione Sacra, & prophana pollens, in suo priore Sacrorum Olæochrismatum libro, scribens istiusmodi notam vetustiore esse Christi natalibus, & ab Antiquiore Gentilitatis usu ductam. Eandem pariter sententiam veram esse affirmat in suo erudito Schediasmate de Monogrammate, scripto ad Illustrissimum Ciampinum Joannes Burchardus Menchenius, Lipsiæ impresso anno 1696. qui ex Pignorii de Servis lib. asserit notam illam non Christi esse, sed asteriscum quendam sex radiis coruscantem, quorum qui sursum excurrit, junctum habet latinum verbum *Pœna* prima tantum vocis littera expressa. Videbatur enim tale signum impressum in colla-

ribus fervorum fugitivorum, quam tamen sententiam paulo post sic refellit ipse.

Ut ut sit, pro certo habemus talem notam ductam fuisse primum a Magno Constantino ad usum pium, & coarctatam ad Christi nomen, cujus primores litteras græcas continet inter se complicatas. His addi debet, in lucernis Christianorum, clypeis, nummis, coeterisque eorum monumentis illam notam poni consuevisse, item duas litteras Alphabeti Græci A & Ω, quibus litteris amplitudo significationis Chrisimi coarctatur ad nomen Christi, cujus duæ priores litteræ græcæ sunt X P. quod extat apud S. Joannem in Apocalypsi dictum *Ego Alpha, & Omega*. Sic Eusebius agens de Vita Constantini. Sic etiam Prudentius ad ipsam Romam. Ex his liquet ob eam notam non oportere necessario numerare tales lucernas inter lucernas Christianorum, non sic cum ea nota est sita inter Alpha, & Omega, quæ notæ contrahunt Chrisimum illud ad Christi nomen, qui est principium, & finis: vel cum ipsi apponitur palma, quæ sæpe illius est comes, impressa iis temporibus, quibus Christianis cum Gentilibus pugnandum erat. Recensuit inter suas lucernas hanc notam cum Palma conjunctam Petrus Bartolus part. 3. n. 22. Aliam ostendit in medio notarum Alpha, & Omega eadem part. 2. num. 24. quas Bellorus non dubitavit affirmare fuisse a Christianis adhibitæ.

Christianorum itidem fuisse sequentem lucernam, nullum dubitare posse censeo ob salutare crucis signum, quod in medio exculptum ostendit; Fuerat quidem crux apud antiquissimas Gentes solo ignominia loco reposita, nec unquam ad ornatum expressa. At postquam Divini Reparatoris nostræ salutis cruore respersa fuit, ubique usurpata ad gloriam, ad triumphum, ad Dignitates illustrandas, & inter insignia Regum reposita. Hæc omnia disertè aureis verbis enunciauit D. Joannes Chrysostr. hom. *quod Christus sit Deus*. Hoc maledictum, inquit, hoc abominabile, hoc extremi supplicii symbolum, cum diadematis, & coronis clarius factum est, neque enim sic regia corona ornatur caput, ut cruce, quæ omni cultu dignior, & quam omnes prius aborrebant, ejus figuram tantopere quærunt: atque adeò ubique ea invenitur apud Virgines, apud Nuptas, apud Servos, apud Liberos, subinde omnes ex se signant, inscribendo in nobilissimum membrum nostrum. In fronte enim nostra qualis in columna quotidie figuratur; mira hæc est gratia: nullus confunditur, nullus

nullus erubescit , cogitans quod maledictæ mortis fuerit symbolum , sed omnes ipso magis ornantur , quam diadematum coronis , vel multis gemmatis monilibus , & torquibus ; & non solum non fugitur , sed & desideratur , & adornatur , & ubique fulget , & sparsa est in parietibus domorum , in voluminibus , in Civitatibus , & vicis , in locis quæ habitantur , & non habitantur .

Objici tamen potest signum crucis extitisse apud Gentiles ante Christi adventum in Fanis Idolorum , ut habemus ex historicis . Etenim , ut observat litteratus Casalius cap. 3. de Vet. Ægypt. Ritibus , constat testimonio Socratis in historia Ecclesiastica lib. 5. cap. 17. dum per Theodosium expurgaretur Templum Serapidis , ubi Idolum ejus erat ex omnibus metallis constructum , cruces repertas fuisse , dicente Socrate , in Pelubro Serapidis jam diruto , & fundamentis convulso , litteræ repertæ fuerunt lapidibus incisæ , quas hieroglyphicas appellaret , erant formæ insculptæ , quæ crucis habebant effigiem , quas Christiani , & Gentiles oculis intuentes utrique eas ad sui ipsorum religionem accomodarent &c. Hoc idem de cruce ante Christi natales a Veteribus observata testatur in antiquis lectionibus Rhodiginus libro 10. cap. 8. Notum est etiam antiquæ eruditionis peritis : crucem usurpatam ab Ægyptiis inter suos characteres . Hermes enim Trismegistus uti primus Litterarum sive inventor , sive inventarum instaurator , ita characterum hieroglyphicorum institutor , ut quæ in mundo occultissima latent , mirifico a se excogitato symbolo exprimeret , omnia unico caractere , quam Crucem Hermeticam appellabant , expressit . Illam Isiacam seu Ansatam appellat P. Kircherus tom. 2. Oedypi part. 2. class. X. cap. 4. Quem quidem characterem adeò veneratione colebant , ut nihil sine eo rectè confici posse existimarent ; eratque Amuletum potentissimum , & character ad naturæ exemplar mirabili ingenii subtilitate fabricatus , ad viam felicitatis demonstrandam unicum lumen ; cuius virtutem in suo libello de vita coelitus propaganda descripsit Marsilius Ficinus his verbis .

Antiquiores Ægyptii , quemadmodum in Arabum quodam Collegio legimus , figuram crucis cunctis anteponebant , qua corpora per virtutem agunt ad superficiem jam diffusam : prima verò superficies Cruce describitur ; sic enim imprimis habet longitudinem , atque latitudinem , primaque hæc figura est , & omnium recta quam maximè , & quatuor angulis rectos continet &c. qui plura desiderat legat Kircherum in Obelisco Pamphilio lib. 2.

Ex his videtur dici posse , lucernam crucis signum habentem , & ad Ethnicos , & ad Christianos attinere posse . Verùm observatione digna sunt tria in lucerna espressa . Primum est fasciola illa , quæ capiti crucis imposita titulum procul dubio indicat , qui cruci Christi Domini affixus , eum Regem esse Judæorum declarabat . Secundum est , partem inferiorem crucis longiorem esse quàm coetera ; at Crux Ægyptia partibus æqualibus componebatur . Tertium denique gemmarum dispositio , licet rudi Minerva expressarum , quibus ipsa cruce exornatur .

Fuerat enim mos apud Antiquos Christifideles exornandi gemmis , & lapillis pretiosis cruces ex diverso metallo fabrefactas : ut pluribus in locis probat Arringus in sua Roma subterranea , & Antonius Bosius lib. 4. cap. 26. referens verba hæc Eusebii in Vita Constantini lib. 3. cap. 48. tantus & tam divinus Amor Imperatoris ( Constantini ) animum complexus est , ut in ipso Palatii introitu , in ædificio omnium excellentissimo , in medio tecti laqueari inaurato , in tabula maxima explicata , Salvatoris passionis insigne , & lapillis pretiosis cuiusque modi , auroque multo polite elaboratis confectum , figendum curavit . Et Prudentius ad Urbem Romam lib. 1. sic cecinit .

*Agnoscas Regina libens mea signa necesse est,  
In quibus effigies crucis, aut gemmata refulget  
Aut longis solido ex auro præfertur in hastis.*

Hoc more experimentibus Christianis crucem , indicatur , eam exornatam fuisse pretiosis guttis Divini amoris , ut dixit invictus Martyr , & Apostolus Andreas . *Salve Crux , qua in Corpore Christi dedicata es , & ex membris ejus margaritis ornata .* Notandus insuper est ornatus in circuitu Lucernæ exprimens lapillos , seu gemmas in formam cordis effictas , quarum quæque tres alias rotundas , puto margaritas , super impositas habet . Quæ omnia indicare possunt Christifidelium pietatem , & cultum , erga Sanctissimam Triadem Divinarum Personarum , quam suis cordibus impressam , usque ad Sanguinis effusionem confitentes , venerabantur . Non igitur dubitandum est ob talia signa , talem lucernam fuisse Christianorum primitivæ Ecclesiæ , ut Tyrannorum persecutionem fugerent , in subterraneis Romæ Cryptis degentium , ubi fuit reperta .

**A**liam fictilem lucernam ex pluribus quæ in Musæo sunt, Selectam exponimus, in cuius medio duplex cornucopiæ est, cuius apex hirci capite absolvitur, utrumque fascioli pulchro ordine dispositis in gyrum exornant. Hinc inde a summitate poma sunt, atque Uvarum racemi dependent. In medio autem flamma ignis coruscat. His cornibus lampadem ipsam, quæ in sepulchro ardebat significari non dubito. Poterat enim in Ethnicorum delubris, huiusmodi lucerna esse sicuti in Templis Christianorum lampades videmus in formam cornucopiæ ex ære, & argento effictas, & præcipuè plurimæ sunt mira arte exculptæ circa sepulchrum Principis Apostolorum in Vaticana Basilica quod hirci capite exornentur, mirum non est; nam fabulis perhibetur cornu, quod Amalthææ dicitur, signum capræ fuisse, cuius lactè Jupiter nutritus fuerat; quod deinde cornu nutricibus suis in præmium officii datum, hac prærogativa mirabile, ut qui illud haberet nihil expeteret, quod illico non consequeretur.

**E**X fabulis habemus, Jovem Ætheri præfici, Junonem Aeri, Mari Neptunum, Terræ Cybelen; & mensibus, pratis, silvis, cæterisque terræ angulis genios tribui, quos tamen Macrobius 1. Saturnal. pluribus argumentis evincere contendit Deos omnes ad Solem referri, idque unum esse, quod sub varia nominum appellatione Gentes falsò venerabantur. Observat Henricus Kippingius Antiq. Rom. lib. 1. cap. 1. Triginta mille Deorum sub Ductore uno maximo Jove Græcos antiquos excogitasse, ut refert Hesiodus in Theogonia. Eorum præcipuos, & electos ut ait Cicero lib. 2. de Nat. Deor. Romani credebant esse Deos viginti. Duodecim illorum priore loco, singulari nomine vocabant *Consentes*, qui ab Æthere summo ad Lunam usque descenderent, & rebus humanis dirigendis operam indefessam navarent. Consentes dicebantur, quod simul orientur, & occidunt sex mares, & totidem foemina; ut exponit Giraldus Syntag. Deor. 15. pag. mihi 372. Narrat P. Bernardus de Montefaucon in Diariis Italiæ pag. 5. a se visum Nemausi templum antiquum Dianæ, quod Pantheonem credidit; nam ibi duodecim apsidulæ erant totidem simulacris numinum exornatæ. Eorum nomina erant ex Ennio,

1 Juno, 2 Vesta, 3 Minerva, 4 Ceres, 5 Diana, 6 Venus,  
7 Mars,

8 Mercurius, 9 Iovis, 10 Neptunus, 11 Vulcanus, 12 Apollo.  
Reliqui autem octo populares vocabantur, quoniam cultus eorum apud vulgum notior erat.

Hinc plura inveniuntur ab antiquis efficta simulacra, quæ varia Deorum argumenta præferunt, ob id vocata *Signa Pantea* non in alium finem efficta, nisi ut supremi numinis virtutes in iis exprimerent.

Ejusmodi generis lucerna fictilis nobis proponitur ab Illustrissimo D. Joanne Baptista Casalio Musæo perhumaniter addita, quæ in suburbana villa effossa est inter rudera balnei antiqui propè formam Aquæ claudia, olim in montem Cælium desluentis. Illa enim duodecim Deorum signa exculpta ostentat, quæ primo loco enumerabimus. Secundo propriam cuiusque significationem pro nostra tenuitate addere conabimur.

Præcipuum in lucerna seu medium locum obtinet, Mulieris sedentis imago, quam Palladem vocari posse putaveris, si pectus lorica munitum, & medusæ capite exornatum, Galeam insuper cristatam capiti impositam inspicias. At cum copiæ cornu fructibus, & herbis repletum sinistra manu sustineat, navigii gubernaculo innixa, Fortunam potius exprimere putanda est. Eidem gubernaculo Delphinus piscis adhæret, sub Sede autem Harpiæ simulacrum latet: Eadem mulier dextera manu pateram Aræ admovet fructibus onustæ, inter quos serpens affurgit. Ante oculos mulieris Globus est, cui imminet caput in semicirculo instar lunæ collocatum; an Virginem vel potius Juvenem illud exprimat, non potest dignosci; rudi enim Minerva fuit à figulo expressum. Propè galeam supra copiæ cornu Avis Pavo insidet, cauda in longum porrecta. Ad dexteram partem mulieris, alia plura signa cernuntur. Primò Avicula supra papaverum manipulum insidens. Secundò ferula, seu Tyrsus vittis exornatus; sub hoc forcipes fabri ferrarii dependent. His adduntur fulmina simul colligata, Lyra Apollinis, & Mercurii caduceus.

Pantheum igitur signum dicendum esse pro certo habeo, si omnia attentè perpendantur; cum in singulis rebus alicujus Numinis proprietates indicetur; qua de causa Sacram esse voluit lucernam quisquis eam vel adhibuit vel compegit. Jam ad singula procedamus.

Præcipuum locum obtinet Solis caput, non eo modo effictum qualis re vera Sol est, sed qualem existimabant, & recepto more colebant. Antiqui, idest Juvenem Apollinem dictum, quem

quem ideo adolescentulum fingi dixerunt, quòd Sol (inquit Ifidorus 8. Orig.) quotidie oriatur, & nova luce nascatur, five ad innuendam, ut Phornuto videtur, Solis formositatem; ut enim nihil apparet Sole pulchrius in hac rerum univerfitate, ita nulla hominis ætas adolescentiam pulchritudine anteit; aut cerrè, ut alii autumant, quia licet ex vi Solis cuncta vitam hauriant, idem femper est, neque unquam fenescit, & juxta Fulgentium primo Mythol. quia occidendo, & renascendo femper est junior; five quòd nunquam in fua virtute deficiat, ut luna, quæ crefcit, & minuitur. Inconfum etiam fingebant Apollinem aureoque Capillitio ornatum, fignificantes emiffionem folarium radiorum, ut afferit Macrobius. Apollinis fimulacrum fingunt Cytharam manibus tenens, quafi Sol fit harmonia Univerfi, ut obfervat Suidas, ideo muficum dici Apollinem effirmit Phornutus, quòd Sol debita menfura feriat, regatque omnes mundi partes, efficiatque ut mutuo concentu concinnus ubique fit mundus, nulla diffonantia appa-  
rente.

Jam cœtera abfolvenda funt, & primò post Apollinem feſe offert Juno in Pavone; Hæc enim Avis facra erat Junoni, quare Ovidius lib. 1. de Arte amandi.

*Laudatas oftendit Avis Junonia pennas*

atque inde est, quod Pavo imprimeretur Numismatis Auguſtarum inter Divos relatarum, ut Aquila in nummis Auguſtorum, fic in nummis Fauſtinæ, & Julæ Piæ apud Coul pag. 44. Secundo loco Veſta ſignificatur in Muliere cum patera ſacrificantis inſtar. Illam enim Dominam ignis eſſe dicebant antiqui, & Igni præficiabant, quo ſacrificia peragebantur. *Veſta ſacrato igne* legimus in Romana inſcriptione apud Gruterum pag. 28. Tertio loco Minervam eadem ſœmina indicat caſſide, & lorica munita. Illa armipotens, & Armifona, militaris, & Martia paſſim vocatur a Poetis, quòd bello, & militia præſſet, præſertim apud Lacedæmonios. Huic cornucopiæ adjunctum eſt floribus, & herbis plenum, in quo Venus agnoſcitur, nam ficut ait Dion, Amaltheæ cornu bonorum indicat largitionem, & felicitatem, ita notum eſt Venerem, quæ generandi poſſidet Virtutem, herbarum, ac florum Deam fuiſſe, quæ Græcis *Chloris* a viriditate, latinis Florilla dicta eſt, a floribus, de qua Ovid. 4. Faſt. Quapropter Venerem hortorum eſſe Deam docent Varro lib. de Re ruſtica, & Plinius lib. 9. cap. 4.

Spicarum autem, & Papaverum manipulus Cererem demonſtrat, cui adſcribuntur, teſte Phornuto. *Ceres* enim tanquam *Geres* prima littera variata, dicta eſt, ut docet Cicero de nat. Deorum, à gerendis frugibus. At Fulgentius

lib. 1. Mythol. *Ceres* græcè gaudium dicitur, & ideo illam frumenti Deam eſſe voluerunt, quòd ubi plenitudo fructuum ſit, gaudia ſemper abundare necesse eſt. Quam fœcunditatem indicat etiam Papaver cum ferè innumera ſemina contineat, juxta illud Ovidii lib. 1. Met.

*Ante flores antri fœcunda papavera florent.*

Dianam in Luna depictam eſſe non dubitandum. Porrò Diana, Luna, & Proſerpina eadem putabatur teſte Feſto, & inter imagines, quibus Diana exprimebatur, aliquando nympharum habitu ſuccincta, jaculis erat armata, ut iis radiorum jaculatio quodammodo indicaretur, teſte Phornuto, ficut indicatur Solaris vis ad frugum generationem promovendam.

Sequitur Mars Ave Pico indicatus; Marti enim ſacra ſunt ex Volucris Pico, & Vultur, ob rapacitatem, ficut Gallus propter Vigilantiam, ut docet P. Pomey in Pantheo Mytico pag. 63.

Post Martem Mercurius in Caducæo apparet, de cujus ſignificatione videndus eſt Macrobius cap. 19. lib. 1. hic ſufficiat indicare cum Appollodoro Ifidoro 3. Orig. & Albrico lib. de Deorum imaginibus, Mercurio fuiſſe tributum, eò quòd narrent illum ex fiſtula arundinea compactum, quæ pariter Mercurio tribuitur; ſed verius, quia Apollo ſpondens Mercurio caduceum, ita loquutus eſt apud Homerum hym. de Mercur.

*Felicitatis, & Divitiarum dabo pulchram Virgam.*

Sequitur Jupiter indicatus in fulminibus. Pingitur enim ille dextra fulmen tenens, quòd in ſubjectos Gigantes a ſe olim devictos, emiſerit.

Post Jovem Neptunum ſignificat Delphinus, nam Maris Rectorem illum dixerunt, eò quòd adultus, paterno imperio ſorte diviſo, maritima Regna obtinuerit. Hinc equis marinis ſeu hippocampis trahitur Neptuni currus, quandoque etiam Delphinis vehitur.

Deum Vulcanum forceps adumbrat, qui ferrariam artem exercuit, habuitque officinam in Lemno inſula, quo in loco Jovis fulmina, & Deorum arma perficiebat. unde Virg. 8. Æneid. loquens de Vulcano cum Cyclopibus ejus adminiſtris ait: *Verſantque tenaci forcepe ferrum.*

Habemus igitur in lucerna indicata duodecim potiora antiquorum Gentilium numina, quæ ſupra enumeravimus; ſed quia ſerpentem in eadem expreſſum omiſimus, non inconfulto id factum putandum arbitror, ſed ut Eſculapium medicæ facultatis Deum ſignificaret. Serpens enim ſanitati adſcribitur, neque ſine hoc; Hygeiam cernimus in Veterum monumentis;

aut

aut Æsculapium, quod etiam monet Macrobius, Saturn. cap. 20. Fabula de serpente qui efficax ad arcendam senectutem remedium adeptus esse perhibetur, videnda est apud Nicandrum in Theriaca, & Ælianum lib. 6. de nat. Animalium.

Denique, si fas est, ejus mentem perscrutari, qui talem lucernam effinxit, candide exponam quod mihi suadeo, nempe illam adhibitam fuisse ab aliquo milite, dum vires in bello perditas reficiebat in balneo. Quapropter votivam lucernam eam fuisse puto, in qua Numinibus sibi propitiis gratias persolvens, Æsculapii opem implorabat ad sanitatem tuendam post bellorum pericula, & superatam hostium rabiem, quæ proculdubio in Harpij infra sedem mulieris sacrificantis exculpta indicatur. Mea opinio confirmari potest ex loco ubi effossa est lucerna, idest ea in parte ubi balnea antiquorum erant, teste Publico Victore, qui in descriptione Romæ antiquæ scripsit: *Balnea privata viginti in Cælio Monte Regione secunda*, & in descriptione Urbis restauratæ facta ab incerto Auctore relato a P. Philippo Labbè, qui vixit sub Honorio aut Valentiniano III. dicuntur Balnea ibi fuisse octoginta duo, quorum Rudera nos ipsi vidimus in effossione facta hoc anno 1705. in Villa Dominorum Casalium, ubi talis lucerna reperta est. Vidimus inquam vestigia balnearum, & plumbeas fistulas, quibus aqua Claudia dispergebatur in Vasa; Vidimus statuas, columnas, picturas, quibus Balnea exornabantur; insuper pavimenta aliqua musivo opere instrata, alia itidem amplissimis marmoris laminis tecta, quas deinde Illustrissimus Præsul Casalius Magni Xenodochii S. Spiritus in Saxia Commendatarius, ob eximiam Charitatem, qua ægros ejusdem Xenodochii completitur, in usum pium transtulit, jussitque ex illis confici quamplurimas mensas, ligneis mensis sublatis, quæ ad commoditatem ægrotorum inter cubilia collocata erant; a quibus ablegato fœtore, nitor, & mundities inducta est. Ibi insuper constat fuisse Castra Peregrina, hoc est militum peregrinorum, qui Romam post bella reduces, in monte Cælio vires reficiebant.

30

**E**Xpositis Lucernis aliam fictilem adjungo, qua humanissima liberalitate ditare Musæum dignatus est Comes Paulus Spada, pedem humanum forma referentem, superne nudum quidem, sed caliga eleganti munitum, qualem ejus imago exculpta demonstrat, sub num. 30. In summitate ubi pes Tibiæ conjungeretur, si

adesset, foramen inest pro humore immittendo; in ungue pollicis foramen pro lychno; brevi Manubrio calcaneus munitur, supra quod folium Vitis assurgit. Ob id in honorem Bacchi accensam fuisse arbitrari, aut Veneris, in cujus cultum pedes fictiles, aut æreos a Peregrinis oblatos fuisse diximus, de tabulis votivis agentes. Verùm Herculi, vel Marti potius sacram censeo, ob peculiarem formam caligæ, quæ hunc pedem exornat. Etenim soleam habet clavis quindecim ultra centum munitam, in eam seriem quam ostendit imago sub littera B.

Docet Balduinus de Calceis cap. 12. inter milites antiquos, cum alii aliis essent habitu ornatior, ita, & in caligis aliquod fuisse discrimen quarum aliquæ clavos habentes suffixos *caligares* milites denominabant. Item clavos aliquando ferreos, aliquando argenteos, vel aureos fuisse: quod non obscure Justinus innuit lib. 38. dum Antiochi Regis luxum in ipso etiam bello his verbis describit: *Argenti certè aurique tantum, ut etiam egregarii milites caligas auro suffigerent, proculcarentque materiam, cujus amore populi ferro dimicant*. His clavis potissimum ad eum finem utebantur, ut milites in ipso congressu firmiter confisterent: eminebant enim acuminatis capitibus; atque etiam ut minus essent ad fugam idonei. Sic caligæ crebris clavis instructæ admodum graves erant; quambrem hujusmodi caligas morosissimas Tertullianus appellavit cap. 1. de corona militis.

Itaque autumo ejusmodi lucernam exprimentem pedem cum caliga militari, accensam fuisse in honorem Herculis, seu Martis post victoriam relatam ex certamine, in quo miles in sua statione fixus arma feliciter tractaverit cum ostium cæde.

Aliam hujus generis lucernam Balduinus exposuit delineatam, affirmans se illam accepisse ex Libro Liceti octavo. At Licetus non expressit, nec ullam clavorum Soleæ appositionum mentionem fecit, his verbis eam describens lib. 3. num. 18. Lucerna imaginem pedis humani a crure præcisi, soleati more apostolico, nempe cum Sandalio. Manubrium habet ad calcem, patens foramen in loco præcisionis, extra ultimos digitos subjecta solea recurvatur sursum in lucernæ foramen, ex quo exire videtur Elychnii receptaculum.



31

**L**ucerna ænea bilychnis est, cui Manubrii loco Apollinis radiatum caput eminent. Tale symbolum in lucernis Ethnicorum frequentissimum se se offert, quod non alia de causa puto cum aruditissimo Bellori fuisse appositum, nisi quia sibi suadebāt Defunctorum animas, post plures hujus sideris circumvolutiones, rursus in Vitam revocandas, ab omni criminum labe purgatas. Audiatur Plato in Phædone. *Ex veteri Sermonē, inquit, abire ad Inferos animas Defunctorum rursusque huc reverti, fierique ex mortuis quasi quodam circulo remeantis, ad demonstrandam Animæ immortalitatem; nam ex viventibus mortui, ex mortui viventes fiunt.* Hæc Plato. Ideo Apollinem Phœbum appellari a verbo græco *Foibæo*, idest *Purgo*, aliqui putant apud Giraldum Syntag. 7. eò quòd Phœbus à sordibus corpora purget. Ejus facies radiis circumdata juvenilem ætatem demonstrat, non alia de causa inquit Vossius de Idolol. lib. 9. cap. 19. quàm quia novus, & juvenis semper renascitur; Radiis autem ejus caput circumdatur, sicut enim Sol omnia illustrat, inquit idem auctor lib. 2. cap. 12. *ita non alter Deorum justius crederetur quàm Apollo, caligine mentibus pulsa, humanis prestare, ut videant maximè occulta.* Hi radii numerum septenarium implent, licet ut plurimum duodecim radiis simulacra Apollinis exornentur, ad significandum duodecim signa Zodiaci, quæ Sol spatio unius anni percurrit, ut Martianus Capella cecinit lib. 11. de Nuptiis Philolog.

*Bissenis perhibent caput aurea lumina ferre,  
Quod totidem menses, totidem quod conficis  
horas.*

ad indicandas septem cœlestes sphaeras, ut affirmat Nonnus apud Aleandrum pag. 17. antiquæ tabulæ, quemadmodum de Septichorde lyra idem interpretatus est, & Victor tradidit, Romæ in regione Templi Pacis colossum fuisse septem radiis insignitum. Tales radii in acutam cuspidem desinunt, ad significandam Solaris caloris vim. *Arcum enim Apollini* (inquit Fulgentius primo Mythol.) *sagittasque conscribunt, quòd de circulo ejus radii in modum sagittarum exiliant.*

32

**Æ**neam lucernam Avis formam referentem in Musæo habemus, quæ triplici è catenata dependet. In anteriori parte idest capite Avis, est foramen Unilychne ad ellychnium admittendum. An fuerit in usum sepulchri constructa incertum est, dicerem potius in balneis, seu in delubro aliquo adhibitam, & fortasse Veneris; Avis enim Passerem repræsentat, qui propter multiplicem rationem Veneri fuit dicatus; ejusque currum a Passeribus trahi fluxerunt. Quamobrem Sapho, quæ a Græcis decima Musa appellata fuit, alloquens Venerem in suo cantico apud Dionysium Halicarnas. seu libro de structura orationis, ait:

*Et venis curru properante vesta  
Te nigris ad me tenues per auras  
Passeres alis agiles ferebant  
Æthere ab alto.*

Cum enim Venerem venatricem sciat, avem ipsi tribuit, quæ ut loquitur Albertus cum aliis apud Gesnerum lib. 3. de Passere: *Avicula est natura perquam calida, omnibus avibus calidior, quam ob causam non pinguescit.* Passeris autem nomen, et si ad omnes ferè minores aves extendatur, certam tamen speciem significat, de qua hic sermo est. Potuit etiam esse in sepulchris hæc lucerna, nam Libitina Venus existimata fuit, ea quæ sepulchris præesset, ut copiosè docet in suis sepulchralibus Giraldus Syntag. 13. dicens. Hæc quidem Dea, & ingredientibus in Vitam, & egredientibus præesse judicabatur. Hinc Libitinarii, & Seneca in 6. de Beneficiis vocat Vota Libitinariorum, eò quòd illi multos mori desiderarent.

In triplici catena, e qua lucerna dependet, in uno annulo coeunte, triplex vitæ humanæ tempus potest designari, quod sub tutela Veneris esse ajebant Ethnici, scilicet Ortus, Aetas, & Mors; ob id fortasse exculpta fuit in antiquo delubro dextera globum, sinistra tria mala aurea ferens. Notissimum est Romanos eam appellasse Genitricem, cui templum dicatum fuisse a Cæsare refert Suetonius: & Plinius tradit eundem Cæsarem Veneri Genitrici thoracem dicasse factum ex margaritis britannicis, quare Eusebius lib. 3. Præpar. Evangelii. *Venerem dicunt generandi vim possidere, sic pariter vitam servandi, & destruendi.*

Ob hanc triplicem Virtutem Phornutus ait: Venus Urania Pandemus, & Pontia vocatur, propterea quòd eam in Cælo, Terra, & Mari exercent. Pulcherrimum Symbolum ejusdem Leonardus Augustinus de gemmis antiquis

part. 2. num. 15. exponit in lapide qui dicitur *Cameo*, viso inter gemmas Cardinalis Virgilii Ursini, in quo Venus armata tribus sagittis; aitque non esse novum, tres sagittas Veneri tribui, nam sententia Platonis in lib. 8. de Legibus tali symbolo explicatur, dicentis tria genera amoris reperiri. Verba Platonis sunt: *Qui corpus amat, ejusque formam, quasi fructum quemdam esuriens petit, is satiari dumtaxat querit, nullumque animam amati præbet honorem. Sed qui minus de corpore curat, & animo considerat potius quàm desiderat; quum ipsum ut decet, animum diligat, corporis usum petulantiam, & contumeliam arbitratur; quumque temperantiam, fortitudinem, magnificentiam, & prudentiam vereatur, & colat cum casto amico vivere volet; Amor autem ex utrisque his compositus, ipse est quem modo loco tertio ponebamus. Quum ergo tres sint Amores &c.* Sic itaque (resumit Licetus de gemmis Anularibus cap. 3.) tres amores Platoni sunt. Amor corporis cujus pulchritudine frui desiderans, animi pulchritudine neglecta, qui amor est intemperata libido: Amor qui potius animi cultum, quàm corporis in amato desiderat: quem Amorem probum appellat, & Amor, tum Animi, tum corporis pulchritudinem in amato cupiens, quem Amorem tertium appellat mistum, & utrisque prioribus. Huic Amorum numero Cicero subscribens lib. de nat. Deorum, ait: *Cupido primus Mercurio, & Diana prima natus dicitur: Secundus Mercurio, & Venere secunda: Tertius quidem est Anteros Marte, & Venere tertia.*

33

**L**ucerna Ænea imaginem pedis caliga muniti referens, ut apparet in figura ab hoc numero indicata. Nihil addendum puto circa caligam, de qua alibi dicendum erit.

34

**A**d secundam Aream lucernam gradum facimus sub numero trigesimo quarto sculptam, faciem animalis præfert, quod Elephantem dicimus, maximum inter cœtera. De hoc multa Plinius scripsit lib. 8. cap. 1. &c. narratque Elephantem Romæ junctos primùm subjisse currum Pompeii magni in affricano triumpho. Duo foramina patent, alterum in vertice capitis ad Elychnium, alterum in dorso ad fomitem excipiendum. Cur in speciem hujus animalis lucerna conflata fuerit, difficile est divinare. Ex eo genere illam existimo esse, in quo recensenda

sunt opera pro libito Artificum facta, neque enim putandum est Antiquos Artifices adeo eruditos, & studio rerum ita addictos fuisse, ut semper ad aliquid scite significandum opera sua construerent; Possent fortasse dici in honorem Bacchi accensam fuisse; ex Plinio enim habemus India devicta, triumphante Libero, ejus currum junctos Elephantem traxisse.

35

**A**lia ex Aere lucerna nudum hominem præsentat humeris globum sustentantem, ex quo lingua emittitur ad ellychnum excipiendum. Eiusdem pars superior sideribus exornatur, inferior verò frondibus. Atlantem in eo exprimi facilè dixerim, quem Cœlum sustinuisse dixerunt Antiqui, atque ejus filias stellas fuisse. Cœterum Atlas Mauritanix Rex fuit Japeti filius. Is cum ex Oraculo didicisset, imminere sibi perniciem ab uno e filiis Jovis, constituit neminem prorsus excipere hospitio. At Perseus Jove progenitus cum forte per ditionem Atlantis iter haberet, & Atlantem adjisset, officii gratia, ab illo ædibus exclusus, & iratus tanta inhumanitate, objecto Clypeo, quem ferebat, ostensoque medusæ capitæ, illum in montem sui nominis mutavit, sublime adeo, ut cœlum credatur attingere. Ita Maro 4. Aeneid.

*Iamque volans apicem, & latera ardua cernit  
Atlantis duri, cœlum qui vertice fulcit:  
Atlantis, cinctam assidue cui nubibus atris  
Piniferum caput, & vento pulsatur, & imbri,  
Nix humeros infusa tegit, tum flumina mento  
Præcipitant senis, & glacie riget horrida barba.*

Si quis autem Herculem in ærea hæc statua velit recognoscere, qui Cœlum, Atlante fesso, & succumbente oneri, humeris excepit, ejus opinioni non repugno.

36

**S**imulacrum Aeneum Satiri vasculum ostendens dextera manu elata argumentum præbet talem lucernam in honorem Bacchi accensam fuisse, Satiri enim, & Sileni Baccho tribuebantur, ut inter alios docet Augustinus Episcopus Tarraconensis Dial. Antiq. quinto, potissimum ob ebrietatem, quæ sæpè in rixas erumpit, agitque crudeliter, & stultè. Idcirco Satiri pinguntur cum cruribus, & pedibus caprinis, & cornibus, ut magis belluæ quàm homines appareant. Vasculum frondibus exornatur.

**L**ucernarum classem claudat Tab. quadragesima nona , in qua quinq; lucernæ exhibentur selectæ ex quamplurimis , quæ inter vasa antiqua , & fictilia enumerantur in Museo. Nullo quidem Embelemate , aut figuræ expressione illæ sunt exornatæ , forma tamen differunt inter se , quæ ad libitum Artificum in Argillam ductilem inducebantur ; aliquæ etiam nomen Artificis in fundo exhibent sigillo impressum , aliquæ figuli officinam indicant . Omnes autem quas exhibuimus in Agro Romano effossæ sunt , vel in sepulchris antiquissimis repertæ , cum vitreis ampullis , quæ Præficarum , vel Parentum lachrymas exceperent .

Præter enim lucernas , quæ sæpe sepulchris inclusæ deteguntur , alia etiam operis antiqui Vascula multa in iisdem sunt ; quæ supra indicavimus , nunc dicendum est de iis , quæ *Lacrimarum* Auctores appellant , seu *Lacriminatoria* . Cineres enim mortuorum combustorum cum odoribus , & lacrimis , quæ vitreo vasculo , ut plurimum injectæ essent , claudebantur , ait Gutherius lib. 1. c. 28. unde intelligi potest , quid sit in antiquis lapidibus *lachrymas ponere* , cum *lachrymis ponere* , *lachrymis condere* , *tumulum lachrymis plenum dare* , & similes loquendi formulæ . Dixi ut plurimum fuisse ex vitro talia vascula , nam etiam fictilia quamplurima reperiuntur . Immo , referente Gutherio lib. 2. c. 32. Patavii in monumento veteri fuerunt repertæ Urnulæ cum duabus ampullis , altera ex auro , altera ex argento liquidissimi liquoris plenæ . Alia duo pariter argentea vidi Romæ inter multiplicia antiqua fragmenta ænea , apud Excellentissimum Principem S. Cæsareæ Majestatis ad Summum Pontificem Oratorem . Ex Gagatæ unam possidet in suo Gazophylacio Nobilissimus D. Alexander Albanus excelsæ indolis adolescens CLEMENTIS XI. P. M. dignissimus ex Fratre Nepos. Et Gossardus narrat lib. 2. pag. 23. suo tempore ad Arnun ex fluminis inundatione detectum fuisse sepulchrum , in quo inventum fuit corpus humanum adhuc integrum , & incorruptum , in cujus concavitate erat liber Hieroglyphicis notatus cum phiala aurea plena nescio , quo liquore oleaginoso . Ejus generis va-

sculum delineatum exposuit Gutherius lib. 1. cap. 28. de Jure Manium . Petrus Bartolus de sepulchris agens aliqua edidit. Nos ex pluribus , quæ in Museo sunt , aliqua vitrea , & aliqua alia fictilia exhibemus , figura quidem varia , sed mole ferè æqualia. Videatur Tabula quinquagesima in qua sunt delineata.

His lacrimis volebant , ut ostenderetur Posteris funus factum fuisse Defuncto non *indefleto* . cum enim sepulchris exiccatas reliquias defuncti inferebant , accedebant Parentes , & consanguinei supra Urnam plorantes , referente Francisco Pomey cap. 3. de funeribus , lachrymisque ossa respergebant , sæpe phialis inclusis non tantum suis , sed Præficarum ; quæ docente Festo , mulieres erant pretio conductæ , ad tibias canentes lamentabile aliquod , & inconditum carmen , ad deplorandum , & collaudandum mortuum apprime accommodatum ; & præcinendo cæteris modum plangendi monstrabant , unde Lucillius Satyra 22.

*mercede quæ*

*Conductæ flent , alieno in funere Præfica*


*Multo , & capillos scindunt , & clamant magis.*

Carmen autem ad Tibias cantari solitum dicebatur *Nænia* , sic Festus : *Nænia est carmen , quod in funere laudandi gratia cantatur ad Tibiam* . Adhibitas fuisse Præficas , vel inde patet , quòd apud Jeremiam cap. 9. ad futuram Urbis Hierosolymitanæ ac Templi devastationem , & veluti funus jubentur vocari lamentatrices , hoc est Mulieres hujus artis peritæ , quæ *assumant super eam lamentum eliciantque lacrymas ex oculis ludæorum , & alias feminas doceant lamentum , & plantum* ; tum ex eo quòd Josephus ipse Judæus historicus de se ipso agens habito ab ipsis Judæis pro mortuo , ait , *per dies triginta Hierosolymis nunquam cessatum esse a lamentis , & magna mercede conductos fuisse Tibicines , qui in illo planctu præcinerent* .


Ritibus Ethnicorum translatis ad Christianos , Præficarum loco , olim Psaltrias substitutas , quæ hymnos canebant , narrat Justinianus Novell. 59. Hymnos autem , cum sint voces lætantium , cantabant , ut gratias Deo agerent , quòd è laboribus liberavit eum , qui è vita exceperat , & metu mortis exemptum apud se haberet immarcescibili ornaturus corona . Ita Kirchmannus de funeribus Roman. lib. 2. cap. 6.

Atque hæc satis sint de vasculis lachrymarum.







1




2



4




3







5




6



7




8









9




10



11




12







13




14



15



16







17




16



20




19






21




22


152



23




24








25






26




26

27






29




30







31




32







34


















36















# CLASSIS QUINTA

## *Fragmenta eruditæ Antiquitatis.*



Rimo loco se offert Tubus rotundus ex argilla compactus, cujus diameter palmum æquat, qui inter Ruderâ detectus fuit propè Ductus Aquæ Claudie in Monte Celio, ante Templum S. Stephano dicatum,

ubi antiquitus Fanum, seu Palatium Claudii extitisse referunt Authores. Illum esse particulam Tubi, per quem Aqua Claudia in privatum Balneum transmittabatur, suaserunt quamplurimi lapides in eodem loco reperti, & simulacra mira arte exculpta, inter quæ Bacchi, Mercurii, aliorumque falorum Deorum signa, quæ videntur in Villa nobilissimæ Familiæ Casaliæ, pavimenta demum ex musivo opere egregiè tessellata, ut olim mos erat in Balneis, de quibus licet hic agendum non sit, in iisdem tamen tantummodo commorandum est, quantum necesse est, ut ostendamus Vasa, aliaque instrumenta, quæ in Balneis adhibebantur.

Balneorum igitur usum purificationis gratiæ præsertim introductum scimus; ex lege enim Mosaica id constitutum apud Israelitas, ut nimirum impuri nunquam adirent causa orationis, & sacrificii. patet cap. 30. Exodi vers. 18. *Lavabunt in ea* (idest aquæ) *Aaron, & Filii ejus manus suas, ac pedes quando ingressuri sunt Tabernaculum testimonii, & quando accessuri sunt ad Altare.* Quia verò propter rationem nata ex Religione consuetudo facilè in superstitionem dilabitur; quæ Religionis erant, voluptati dedere corruptæ atatis homines, ut voluptatibus addicti, inter ipsas voluptates Deum Deoque ab ipsis excogitatos colere viderentur. Tanta deinde in Balneo, ac lotione voluptate capiebantur Veteres, ut ibi plures Diei horas, insumere atque carmina recitando, vel audiendo detineri minimè illos puderet, hinc Juvenalis Sat. 7. irridet Vanitatem illorum, qui superfluam Pædagogorum doctrinam expetebant, in pueris instruendis, studendo nimirum, ut pueri memoriæ mandarent carmina Poetarum, quæ in Balneis confidentibus recitarent.

Idcirco Urbium præcipua ornamenta censebantur Balnea, quæ inter publica ædificia, & publico ærario ad ornatum Civitatum construebantur. Eorum meminit in multis Epistolis

Plinius, præcipuè Epist. 25. & 41. lib. 10. ideo æternitati commendabantur, qui Balnea ædificassent, seu restaurassent, ut multi lapides antiqui testantur apud Gruterum, & alios. Illa etiam picturis præstantissimis, & lapidibus pretiosis ac marmoreis signis ornare curarunt: de quibus Martialis lib. 5. num. 42.

*Illic Taygeti virent metalla,  
Et certant vario, decore saxa,  
Quæ Phryx, & Cilyx altius cecidit.  
Siccus pinguis onyx anhelat æstus  
Et flamma tenui calent Ophyta.*

Verùm ubi cuncta deessent antiquorum scriptorum testimonia, quæ supersunt ex Antonianis, & Diocletianis reliquiæ abundè confirmant, augustissima ædificia, quorum rudera adhuc Romæ visuntur, & suis ruinis apertè ostendunt, quantum Veteres studuerint in his balneis extruendis, de quorum amplitudine loquens Ammianus apud Donatum lib. 3. cap. 19. *Lavacra* (dixit) *in modum Provinciarum extructa.* nec solùm ad sanitatem tuendam, & voluptatem captandam balneis utebantur, sed in amicitia symbolum balneo cœnam jungebant, nec prius accumbere consueverant, quàm balneo corpus recreassent, ita Homerus Iliad. lib. 10. de Diomede, & Ulyssè loquens ait;

*In Balnea euntes bene fabricata, loti sunt.  
Hi autem loti, & uncti pingui oleo  
Cœnatum iuverunt.*

& Apulejus lib. 4. Metam. hoc firmat dicens. In fine sermonis hujus statim sese devestiunt, nudatique, & flammæ largissimæ vapore recreati calidaque perfusi, & oleo peruncti mensas dapibus largiter instructas accumbunt. Idcirco non solùm in thermis publicis inerant Balnea, sed & in quamplurimis domibus privatis sua quisque balnea habebat. Ex actis B. Cecilie Martyris hoc constat ubi dicitur: *Tunc valdè iratus Almachius Judex jussit eam reduci in domum suam, & illic balnei calore consumi.*

Sunt in Musæo aliqua fragmenta plumbea Canalium ex Balneis antiquis eruta, quorum primum nu. 1. indicat in Tab. LII. In eo hæc verba exculpta videntur ALEXANDRI AUG. in altero sub num. 2. hæc alia MAXIMO, ET PATERNOCOS. Hos tubos fuisse adhibitos ad aquam ex Thermis Alexandri in privatum aliquod balneum deducendam; non quidem vivente Ale-

xandro Imperatore, sed multo post ipsius imperium, tempore quo Maximus, & Paternus consulatum gerebant, hæc ratio suadet. Maximus enim, & Paternus Consules erant anno post Christum natum 447. ut dicitur in chronico Prosperi Aquitanici; Marcus autem Aurelius Severus Alexander, ex calculo nostri Petavii in rat. temp. lib. 5. part. primæ anno 222. ad Imperium pervenit, & anno 229. referente Eusebio in Chronico) Thermas sui nominis ædificavit, aqua in eas induc̄ta, quæ Alexandrina dicebatur, ut scribunt Lampridius, & Publius Victor. Earum Thermarum vestigia adhuc apparent propè Templum D. Ludovici Nationis Gallicæ in ædibus medicis ad Circum ejusdem Alexandri, hodie Forum Agonale.

Quantum enim Balneis addictus fuerit Alexander, Ælius Lampridius in ejus vita refert his verbis. Addidit, & oleum luminibus Thermarum, quum antea non ante auroram paterent, & ante Solis occasum clauderentur. Ipse nova multa constituit. In his Thermas nominis sui juxta eas, quæ Neronianæ fuerunt, aqua induc̄ta, quæ Alexandrina nunc dicitur. Post operam palestræ unctus lavabatur, ita ut calidariis, vel nunquam, vel rarò, piscina semper uteretur: in eaque una hora propè maneret, & alibi: *Balnea* omnibus Regionibus addidit, quæ fortè non habebant. nam hodieque multa dicuntur Alexandri. Thermis suis, & veterum frequenter cum populo usus est, at æstate maximè balneari veste ad palatium revertens, hoc solum imperatorium habens, quòd lacernam coccineam accipiebat, hæc omnia Lampridius. In jisdem Thermis Alexandri privatum balneum habuisse ejus matrem Juliam Plumbeus canalis docet, qui in Musæo est, indicatus numero 3. cui hæc verba optimè insculpta sunt.

#### JULIÆ MAMIÆ MATRIS AUG. N.

Aliud tubi Plumbei fragmentum his adjunximus sub n.4. nuper repertum in vinea proxima Thermis Antonini hoc anno inter antiqui parietis rudera, in quo extantibus caracteribus, hæc verba leguntur. *ÆLI MAXIMI AUGIORUM LIBERT.* quibus indicari fortasse putabit aliquis Ælium Maximum fuisse ejus tubi Artificem. Hoc etsi negare non audeam, puto tamen illa verba alia de causa exculpta fuisse, scilicet ad indicandum Ælium Maximum ejus aquæ fuisse possessorem, ut fraudes vitarentur, effosa enim fuit hæc tubi particula in pariete antiquissimi balnei, in quod dubio procul aqua ex Thermis Antonini illi proximis effluebat, facultate Aelio Maximo data ab Aquarum Curatoribus. Refert enim Joannes Rosinus de An-

tiquit. Rom. agens libro primo cap. 14. *Aquas omnes*, quæ in Urbem derivatæ fuerunt in Castella primùm collectas (castellum autem erat locus, qui aquam publicam excipiebat) deinde a Castellario, qui Castelli curam gerebat, distributas in loca destinata, in publicos usus effluxisse, legeque ita cautum, ne quis privatus aliam aquam duceret, quàm quæ ex lacu abundaret, atque eam Posterii *caducam* vocarunt; Hæc ipse (addit Rosinus) non in alium usum, quàm in balnearum, aut Fullonicorum dabatur eratque vestigali statuta merces, quæ in publicum penderetur. Jus dandæ vendendæque aquæ Censorum fuit, vel Aedilium, postea Curulium, & Curatorum, quos Augustus instituit. Cum autem Jus impetratæ aquæ, neque hæredem, neque emptorem, neque ullum novum dominum apud Veteres sequeretur, sed solum Balneis publicis privilegium concederetur, ut semel data aqua perpetuò maneret; & denique magna pœna constituta esset iis, qui aquæ ductus violassent, vel aquam aliò, quàm leges, & Censores permisissent, derivassent, vel plus aquæ, quàm ipsis ab initio concessum esset sumpsissent: hanc ob rem Aquæ ductibus nominatim possessorum insculpere mos erat, in quibus concessa privilegia in tabulis publicis, etiam recensita dignoscerentur. Puto igitur in Tubo exposito indicari ejus aquæ Possessorem, qui in privato balneo illa frueretur, fuisse *Ælium Maximum Augiorum Libertum*.

Dum de Tubis, quibus aqua in Balnea deferrebat, sermo est, alius se se offert, ex iisdem Thermis Antonini in Musæum translatus, indicatus num. 5. quo non aqua, sed vapor calidus per eandem circumibat. Sciunt eruditi varias fuisse Cellas in Thermis, quæ ab igne calefiebant, licet dubitetur, qua in parte earum ignem fovere Veteres consueverint; An ad latus Caldariis fornax esset, an verò ipsis subjaceret. Sæpe Laudatus Scacchus Myroth. 1. cap. 26. asserit calorem cellas omnes suscepisse ab hypocausto; hypocautum autem fuisse Vaporarium, seu fumum, sive caminum ignis, unde balneum calebat, vel potius locum concameratum, & fornicatum, habentem ante præfurnium, in quo, igne apposito, ille calebat, ex quo deinde cellæ omnes Thermarum calorem hauriebant, quod hypocautum, ait, subjacuisse cœteris cellis. Plures enim in Thermis cellæ erant, ut indicavimus, nimirum erant, quæ dicebantur *Sudatoria, Calidaria, Unctuaria, & Tepidaria*, quibus uno eodemque igne calorem communicari oportuit. De fabrica balnei loquens Plinius lib. 5. Epist. ad Apollinarem nominat hypocautum, dicens, *cubiculum hyeme tepidissimum, quia plurimo Sole perfunditur, coheret hypocau-*  
sto:

*sto: & si dies nubilus immiffo vapore, Solis vicem fupplet, hoc eſt teporem illi affert. Erat ergo modus talem calorem immittendi, cum opus eſſet, & tantus excitabatur calor in cella fupra hypocauſtum conſtructa, quantum defideraſſent hi, qui in cellis detinebantur, vel unctiōnis, vel fudationis cauſa. Hanc varietatem caloris, ut Veteres obtinerent per quofdam tubos, & canales intra parietes ipſos collocatos, calorem ad Cellas ex hypocauſto tranſmittere ſolebant. Teſtatur hæc Seneca Epift. 90. ad Luc. loquens de Thermis: Et impreſſos parietibus tubos, qui ima ſimul, & ſumma foverent æquiter, & Epiftol. 86. hæc habet. Idem hoc quoque nobiliſſimi adiles fungebantur officio intrandi ea loca, quæ populum receptabant, exigendique munditias, & utilem, & ſalubrem temperaturam.*

Quomodo autem hæc temperatura obtineretur, non ita certum. Idem Scacchus cap. 36. putat fuiſſe his tubis ſuis in locis adjunctas claves, quemadmodum fiſtulis aquarum, ut foris exhalante vapore, ad voluntatem illorum, qui ungebantur, vel lavabantur, calor temperaretur. Unde hoc deduxerit, nescio; neque ex ullo veteri monumento aut marmore claves hujusmodi recognoscere potui. Illas tamen potuiſſe adhiberi probabile eſt. Tutioſam viam me incidere exiſtimavero, ſi dixerō, in quacunq̄ue Thermarum cella exitum habuiſſe ſupradictas fiſtulas, ſeu tubos ( videntur enim adhuc ſic diſpoſiti intra parietes Thermarum, quæ Romæ ſuperſunt.) Eorumque ori operculum fuiſſe, quod pro libito cujuſcunq̄ue in cellis commorantis imponi, vel deponi poſſet, ut vapor ſtatim cellam aſſaret, vel in ea ceſſaret: Talia opercula aliquando ex ære conſtata fuiſſe, præcipuè ſi Tubi parietibus incluſi plumbei ſeu ænei eſſent, aliquando verò fictilia, ut fictilibus fiſtulis aptarentur.

Æneum ejuſmodi operculum, quod Petrus Bartolus antiquarum rerum peritiſſimus ſpeculator italicè appellabat *Regolatore*, in Muſæo collocavi, ab eodem Bartolo ſub ruderibus Thermarum Romæ repertum, & in lamina declinata ſub num. 6. hic oſtendo, tali artificio conſtatum, ut tubo rotundo impoſitum illum perfectè clauderet.

Tria inſtrumenta ænea huic parum diſſimilia exhibuit Begerus ex Theſauro Brandeburgico tom. 3. pag. 455. quæ vocat *Infumibula*, ſeu *Infundibula*, & notat nullibi eſſe *Infumibuli* mentionem, ſeu *Infundibuli*: quod inſtrumentum putat illud eſſe, per quod liquor in aliud vas infunditur, immiſſa parte anguſtiori in illud, quæ pars foramen habet; illud tamen poſſe vocari *Infumibulum*, ſi vaporem aſcendentem per illud cogas, & coarctatum haurias; hoc au-

tem genus hauriendi fumi *hypocapniſmum* Græci appellant, ut docet in Theſauro linguæ latinæ Marius Nizolius.

Diximus fuiſſe inter cellas Thermarum aliquas, quæ Unctuarie vocabantur, nec enim Veteres ſolis balneis contenti erant, niſi unguentis, & oleis corpora ungerentur. Balneum ſœpè præibat, & ſequebatur oleum, ad eò iſta invicem connectebantur, ut ni prius fuiſſent loti, minimè ungerentur; poſt unctiōnem verò iterum abluerentur: poſtquam balnei calor poros corporis aperuerat, oleum per poros corpus penetrabat, ne humiditate ſuperflua corumperetur; quod verò craſſioris ſucci cuti poſt unctiōnem adhæſiſſet, hoc aqua tergebatur. Quam ob cauſam in eodem Thermarum ædificio loca unctiōni deſtinata jungebantur balneo, quare Sidonius lib. 2. epift. 2. de balneo ait: *Hinc aquarum ſurgit cella coctilium, quæ conſequentis unguentariæ ſpatii parilitate conquadrat. Eleotheria* has cellas dixit Roſinus. *Ad ſiniſtram*, ait, *Eleotherium*, quod erat ad unctiōnes faciendas cella olearia: Hæc verba interpretatus Scacchus Myroth. tom. 1. cap. 34. ait. *Alypterium* locum fuiſſe ad unguentorum uſum deſtinatum; *Eleotherium* verò ad uſum olei, quibus non ſolum qui balnea frequentabant, ungebantur, ſed etiam qui ad pugnam, ad ludos, ad paleſtram, & luſtam ſua membra diſponebant; quare in Balneis miniſtri erant, nomine *Alyptæ*, quorum munus erat olea, & unguenta miniſtrare.

Cujus nam generis fuerint olea, & unguenta ad talem uſum deſtinata, ſi quis ſcire deſiderat, legat tractatum de Balneis Antiquorum Guillelmi Choul, qui pag. 19. & ſeq. varias oleorum odoratas ſpecies recitat. Qualem autem formam haberent vaſa in quibus ſervabantur, unum ex marmore antiquo acceptum oſtendit, quod *Guttum* nominat, rotundum ex vitro, ore autem anguſto, ut guttatim oleum perfunderet. Scacchus verò Myroth. 1. cap. 42. ait varia, & diverſa apud Veteres extitiſſe vaſa hæc unguentaria, ſive olearia; aliud *lecytum* nominat, aliud *Guttum*, multi *Trullam* oleariam referunt; aliqui *Groſſos*, *Ampullas*, & *Pelves* tam ex prophanis, quàm ex ſacris litteris numerant. De Vaſculis eruditè ſcripſit Lazarus Baiſius, nec nobis otium eſt omnia recensendi, ſed tantum exponendi Vaſa, quæ in Muſæo ſunt. Tria igitur ex vitro exponimus, ſub numeris 7. 8. & 9. in antiquis balneis reperta. Aliud habemus quadrata forma abſolutum, palmi longitudinem æquans, quod unguentis deſerviſſe pro certo habemus. Tale vas onychino, vel Murrino pretioſius Muſæo donavit Illuſtriſſimus Præſul Leo Strozza, non minori eruditione, quàm

morum humanitate, & integritate in Romana Curia conspicuus. Hæc pro usu olei odorati fuerunt compacta: quod sub num. 9. est, refert Guttum a Choul expressum, quod verò num. 10. indicatur, Phiala est seu Ampulla, cujus formam apud nullum vidi.

Alia vasa fictilia etiam sunt ad unguenti usum accommodata, sed fortasse a pauperibus adhibita. Similia vasa fieri consuevisse ex Alabastrite, & onyche affirmat Scacchus juxta illud Lucæ 7. *mulier quæ erat in Civitate peccatrix, attulit alabastrum unguenti: & illud Martialis lib. 7. num. 93.*

*Unguentum fuerat, quod onyx modò parvæ gerebat.*

Fragmentum etiam vitrei Vasis habemus, in quo caput Herculis impressum apparet. Antiquorum morem fuisse in ejusmodi Vasis vitreis imagines imprimere pluribus probatur, quæ adhuc inter rudera, & in sepulchris tum Christianifidelium, tum Ethnicorum reperiuntur. Multa recensuit in sua Roma subterranea Arringus. Eorum meminit Eruditissimus Senator Florentinus D. Philippus Bonarota pag. 17. præfationis, quam præmisit explicationi Numismatum majoris moduli, quæ sunt in Musæo Eminentissimi Cardinalis Carpinei his verbis: *havendo havuto in costume gl' Antichi di porre ne vasi l' imagine propria, e quelle de loro amici, e congiunti.* Nec tantum propinquorum, sed Hominum, quos inter Deos ethnica superstitione recebat. Fabrettus etiam in cap. 7. Antiq. Inscrip. Vas vitreum exhibens, in cujus fundo imago est cum aliquibus characteribus subdit; *Credidi nomen artificis hic contineri. Solitos quippe observavi Vitrarios suis vasis nomina, aut signa, aut utrumque simul affigere, ut supra de Figulis vidimus. Plura hujus rei testimonia mihi suppetunt in variis ampullarum frustis.*

Aliud Vas æneum numerus undecimus ostendit, ex ære conflatum, & Musæo additum ab Illustrissimo Præsule Alexandro Casalio in ejus Villa effossum inter antiqua Balnei rudera prope ductus Aquæ Claudiæ, quo procul dubio Antiquos usos esse ad oleum guttatim effundendum apertè demonstrat ejusdem os in acutum mucronem efformatum.

#### LUNULA CALCEORUM.

**H**Æc omnia, quæ huc usque recensuimus, inter rudera Romanorum Ruinarum detecta sunt, atque in dies alia semper reperiuntur erosa, quidem, & mutilata antiquitatis fragmenta, sed præclara eruditionis indicia, quæ vix reperta, illico à quamplurimis, vel usurpata, vel non vulgari pretio redempta iterum

celantur, ut impune in exterarum Regionem transferantur, atque suis quodammodo laceratis indumentis etiam orbata extremam inopiam Urbs Romana deploret. Deploramus quidem tot eruditissima Musæa, Romæ olim instructa, in quæ præclari Viri Gualdus, Angelonus, Bello-rus, totque hujus generis Viri eruditissimi, pretiosa antiquitatis monumenta, maximo labore, atque expensis congestere, & postea vel per incuriam, vel per Avaritiam dispersa, & aliò translata non tantum res, sed nomina ipsa perdidere. Sed quid talia commemorem? Ad Musæum revertemur, in quo alia Antiquitatis fragmenta indicanda supersunt, ex metallo conflata. Adeamus Tabulam LII. in qua primo Lunulam expono sub num. 1. in antiquo Sarcophago repertam, ejus formæ, & magnitudinis, quam expressimus.

De hujusmodi lunulis aliqua placet hic addere, præter ea, quæ alibi dicta sunt. Lunulas in calceis adhibitas refert inter alios Rosinus de Antiq. Rom. lib. 5. cap. 36. his verbis: *Lunulati calcei Senatorum, & nobilitate præstantium Virorum erant*, quos Isidorus Romulum reperisse, ait, *assuta luna.* Lunam verò non syderis formam, sed notam centenarii numeri significasse eos dicit, quòd initio Patricii centum fuerint. Plutarchus verò quæst. Rom. 79. quærens cur, qui nobilitate generis aliis præstare viderentur, lunulas in calceis gestarent, multas ejus moris rationes affert. An, inquit, signum hoc est habitationis supra lunam quæ fertur, & post mortem rursus animæ lunam sub pedibus habebunt? An hoc Prisci habuerunt eximium, qui erant Arcades cum Evandro, & ante Lunam nati dicebantur? Aut ut multa alia, hoc quoque institutum erat, ut rebus secundis elati, aut superbientes mutationis fortunæ in alteram partem admonerentur, exemplo videlicet Lunæ, quæ primùm recens extitit, e caligine fulgore dehinc subinde faciem splendido auget illustrans, & cum pulcherrima renidet orbe pleno, rursus exiit lumen suum, & ad nihilum redit. Aut obedientiæ sic assuescere dicebant Lunæ exemplo præstantiori parere, non recusantes; & quemadmodum illa secundas obit partes Phœbeis semper radiis intenta, nitoris ut canit Parmenides, ita ipsi quoque contenti esse secundo loco, magistratibusque obtemperare ab iisque potentiæ, & honorum fructu aliquo impertiri. Hæc omnia Plutarchus. Festus verò inquit: Malleos genus calceorum ajunt esse, quibus Reges Albanorum primi, deinde Patricii usi sunt, M. Cato originum lib. 7. Qui Magistratum Curulem cœpisset, calceos malleos allucinosos, aut lunatos, cœteri perones. Tale gestamen lunæ in calceis confirmavit Juven. Sat. 7.

*Nobilis , & generosus*

*Appositam nigræ lunam subtextit alutæ .*

& Martialis lib. 1. epig. 29. *Lunata nunquam pellis , & nunquam toga* . Animadvertit Balduinus agens de calceis antiquis cap. 9. Authores omnes , qui de hac lunula scripserunt , non explicare quid propriè esset in calceis hæc lunula , neque cuinam calceorum parti affuta esset . Atque hoc quærens ex Philostrato in vita Hærodis ait , se didicisse , ubi nobilitatis notam calceis appositam ipsum gestasse dixit , & ex Græco ita vertit ejus verba : *Lunula est fibula eburnea* . Tiraquellus in annotat. in Alexandrum Neapolitanum . Lunula , inquit , in calceis erat fibula eburnea ad instar lunulæ corniculatæ . Qua autem in parte aptaretur , dicit . Ubi talorum integumenta cum iis , quæ reliquum pedem operiunt juncta concurrunt , indeque secundum anteriorem tibiæ partem divisa in altum assurgunt , invicem vel corrigiis , vel etiam fibulis conjungenda ; & sic astringendis inter se calceorum ansulis erat admodum commoda : atque hoc in loco , nempè pagina mihi 82. exponit figuram antiquam Patricii , quam Casalio debere fatetur . Subdit etiam verba Vopisci , qui de Carini Augusti calceis loquens ait : *Fibulis gemmeis utebatur* , & sibi suadet fuisse has lunulas non solum eburneas , sed pretiosiores , puta argenteas , vel aureas , vel gemmeas . Hunc morem fuisse etiam apud hebræas foeminas ex Isaja colligi potest cap. 3. 18. *Indie illa auferet Dominus ornamentum calceorum vestrorum , & lunulas &c.*

Quod si quis veteri more romano singulos Patriciorum calceos una tantum lunula , vel ferrea , vel Ærea , vel ad summum eburnea fuisse insignitos contendat , non repugno , imò libenter assentior .

STYLI AD SCRIBENDUM .

Secundo loco num. 2. indicantur instrumenta , diversimodè quidem efformata , sed ad idem apus apta . Styli illa sunt , quorum mucrone antiquitus in cereis pugillaribus scribebatur , teste Plinio lib. 37. cap. 14. aliisque quampluribus vetustissimis scriptoribus . Eorundem instrumentorum parte mucroni opposita scriptum abradebatur . Graphia etiam dicebatur , Pugillares verò , in quibus ducto stylo per ceram scribebatur , erant tabellæ ex citro , seu buxo , vel ebore confectæ : & apud Antiquos erant Notarii , in quorum thecis includebantur styli , & pugillares . Pugillarium forma fuit oblonga , & quadrata eminenti quodam margine circum circa conclusa , ut testatur Laurentius Pignorius de Servis pag. 221. se vidisse

Romæ in veteri arca sepulchrali in hortis Cyriaci Matthæi . Materies earum ut indicatum est , frequenter è citro , buxo , acere , ebore , imo , & membranæ , quibus omnibus ceram coloratam superinducebant . Prudentius in hymno de Cassiano Martyre antiquam scribendi rationem ad amussim explicat .

*Conjiciunt alii lapides , inque ora tabellas*

*Frangunt , relisa fronte lignum diffilit ,*

*Buxa crepant cerata , genis impacta cruentis*

*Rubetque ab ictu curva tumens pagina .*

& ibidem .

*Inde alii stimulos , & acumina ferrea vibrant*

*Qua parte aratis cera sulcis scribitur*

*Et qua secti apices abolentur , & æquoris hirti*

*Rursus nitefcens innovatur ærea .*

Erant hi styli , tum è ferro , tum ex ære ejus planeformæ , quam hic damus sub numeris 2. vide Mascardus pag. 425. Explicant hi Aloyfii Corradini enigma , quod est hujusmodi .

*De summo planus , sed non ego planus in imo*

*Versor utrinque manu , diverso , & munere*

*fungor*

*Altera pars revocat , quidquid pars altera fecit .*

Quo autem tempore usus scribendi in cera permanerit , non ita certum est apud Scriptores , ut possit sine dubio affirmari . Sed hujus rei indaginem instituendi non est hic locus . Vetustissima marmorea tabula nuper Romæ detecta fuit propè Templum , quod anno 1120. reparatum fuisse dicunt sub Paschale secundo Pont. Max. Beatissimæ Virgini dicatum , & modò a Romanis dicitur *di S. Maria in Monticelli* , in quo lapide Pædagogus opere anaglypto exculptus cernitur , puerum docens , qui stylo supratubulam characteres efformat . Tale marmor servatur a D. Marco Boldetto Basilicæ Sanctæ Mariæ Transiberim Canonico , linguæ hebraicæ peritissimo , ejusque in Bibliotheca Vaticana Scriptore , & Sacrarum Reliquiarum , quæ è sacris Cryptis singulis annis eruuntur , diligentissimo custode .

Fuit etiam Graphium ad eadem aptum , ut indicare videtur Seneca lib. 1. de Clemen. cap. 14. dicens . Populus Romanus Erixonem equitem Romanum , quia filium flagellis occiderat , in Foro graphiis confodit . Eminentiss. Cardinalis Baronius in suis adnotationibus ad Martyrolog. Roman. die 3. Martii notat duplex supplicii genus fuisse apud Romanos , alterum ad cruciandum tantummodo institutum , quod stimuleum dictum furibus servis admoveri consuevit , de quo sæpius Plautus ; ut in milite glorioso his verbis : *Neque nisi supplicium stimuleum de te datur* . In Asiharia . *Utinam stimulus in manu mihi sit* ; Stimulis etiam latera San-

ctorum

etorum Martyrum esse sæpe confossa eorum Acta testantur; sed alterum ad occidendum inferri solebat, excogitatum a C. Caligula sævissimo Principe, de quo Suetonius in Cajo c. 30. *Non temere in quemquam, nisi crebris, & minutis ictibus animadverti passus est, perpetuò notoque præcepto ita fieri, ut se mori sentiant.* Hæc Suetonius, qui & in Galba cap. 17. Minutissimis ictibus ipsum Galbam fuisse excarnificatum testatur. Apud eundem Baronium die 13. Augusti Cassianum Martyrem graphiis puerorum confossum ejus Acta testantur, *quorum quanto infirmior erat manus, tantò graviozem martyrii pœnam dilata morte faciebat.* Idem quoque referunt Marci Arethufii Acta apud Antonium Gallonium lib. de Cruciatibus Martyrum cap. 9. impressionis latinæ. *A pueris ad pueros Marcus pendulus remittebatur, cultris pennariis, hoc est graphiis, generosum illud corpus excipientes.* Eorum stylorum duplicem formam exhibuit Laurentius Pignorius lib. de Servis pag. mihi 224. duo illis ferè similes in Musæo sunt, duoque insuper alii diversæ quidem formæ, sed ad scribendum acuminati, & ad ceram complanandam apti, seu delendos characteres in cera efformatos.

## ACUS CRINALIS.

**D**Um de stylis ad scribendum adhibitis sermo est, alius se offert stylus, quem apud Authores *Discerniculum* appellatum invenio. Confirmat hoc Clemens Romanus, qui scripsit non licere Christiano nutrire capillum, & in unum complicare, vel *discerniculo* discriminare. Tale discerniculum Servius appellavit *Calamistrum*; idest Acum majorem, quæ calefacta, & adhibita intorquet capillos. Erant etiam usui minores acus, quibus sustinebantur capilli, & dicebantur *Acus crinales*, teste Isidoro lib. 19. orig. cap. 31. Erantque Acus, quibus omnes annuli, vel Cincinni Comarum in capite jam ornato fieri continebantur, ut ordinem servarent. Hujus generis acus formam exhibuit Gaspar Bartholinus de Inauribus cap. 2. & Laurentius Pignorius de Servis pag. 410. quas olim extitisse, ait Romæ apud Lelium Paschaliū, sed cum illæ fuerint inflexæ ad crines sustinendos, ut monstrat Pignorius, & indicat Ovidius Metam. lib. 5. vers. 52. *Et madidos Myrrha curvum crinale capillos.* Ad alium usum adhibitum fuisse puto acum, repertam inter rudera propè Templum Claudii in Monte Cœlio, quæ ex nostro Musæo exhibetur non inflexa sed recta, sub numero 3. eamque esse, quæ discriminale dicebatur, quaque capillos ante frontem dividebant; quo discrimine mulieres a Virginibus

distingui refert Tertullianus, qui de velandis Virginibus ita loquitur, *Vertunt mulieres capillum, & acu lasciviore comam sibi inferunt, crinibus a fronte divisis, apertam professæ mulieritatem.* Itaque Virgines cirratæ erant, mulieres autem crines a fronte divisos gerebant, quos acus discriminale dividebat. Erant autem hæc acus aureæ, argentæ, & Æreæ; sicuti etiam crinales; Et difficilè dictu est, quantum in hac parte studium, operamque tribuerent Antiqui; immò nec viri superari se a Fœminis passi sunt. Testis est Columella in Præf. lib. 1. dicens; *Capitum, & Capillorum concinnatores, non solum esse audiui, sed & ipse vidi.* Erantque mulieres, quæ ornatum muliebrem tractabant, & *Cosmetæ*, seu *Ornatrices* vocabantur. Illas tradi consuevisse Magistris, ut edicerent modum ornandi refert Laurentius Pignorius de Servis p. 390. in Manilio cap. 5. dicente:

*Illis cura sui vultus, frontisque decoræ  
Semper erat, tortosque in flexum ponere crines  
Aut nodis revocare, & rursus vertice denso  
Fingere, & appositis caput emutare capillis.*  
Legitur præterea Romæ in veteri marmore.

CALPHURNIA  
L. ET Q. L. GALEÆ  
ORNATRIX

In Musæo Carpeni erat olim alia Inscriptio Sepulchralis

AGONIAE SUCCESSAE  
A TUTUL. ORNATRIX &c.

Qui ornatus muliebris in capillis præcipuè enutriendi versabatur, reprehensus a Tertuliano aliisque Patribus. De cultu fœminarum sic ille. *Quid crinibus vestris quiescere non licet, modò substrictis, modò relaxatis, modò suscitatis, modò elisis.* *Aliæ gestiunt in cincinnatis coercere, aliæ ut vagi, & volacres elabantur, non bona simplicitate.* *Affigitis præterea nescio quas enormitates textilium capillamentorum, nunc in galeri modum, quasi vaginam capitis, & operculum verticis, nunc in cervicem retro suggestum &c.* Utinam etiam nostris hisce temporibus, tam effrenata muliebris ornatus libido, præcipuè in caqutis indumento adscititio, non vigeret. Adeo corrupta morum publicorum est disciplina, ut non necessitatis, vel valetudinis causa, sed immodico luxu sumatur ornatus: id quod Histriorum capitibus tantum antiquitus aptabatur. Adeat curiosus Lector eruditum Tractatum, quem de hujusmodi adscititio capillamento scripsit Abbas Joannes Baptista Pacichellius Neapoli 1693. Musæum si adeat, intueri poterit Instrumentum, æneum quod Volsellam Antiqui

tiqui appellarunt, quod etiam hodie inter alia ufurpatur, fcilicet ad evellendos è corpore pilos; quod etiam in more Antiquorum fuiffe refert Suetonius, loquens de Cæfare cap. 45. *Circa curam corporis morofior erat, ut non folùm tonderetur diligenter ac raderetur, fed vellere- tur etiam.* Difquiret fortaffe aliquis an propo- fitum instrumentum sub num. 4. antiquum fue- rit? cum inter antiqua Rudera Romanarum Thermarum repertum fuerit? De hujusmodi instrumento loquens Martialis lib. 9. epig. 28. ait.

*Nec vivat ullus in suo pilus crure  
Purgentque seva cana labra vofella.*

I N A U R E S.

**A**lia ornatus muliebris species fequitur, quæ Inaures complectitur, feu aurium ornamentum, quod a parte corporis, cui or- nandæ ut plurimum est deftinatum denomina- tionem traxit; nam cum aliis etiam faciei parti- bus, ut nalo, labiis, fronti, apud aliquos po- pulos appenfas Inaures geri referant hiftoriæ, impropria denominatio illis convenit; idcirco pluribus nominibus eas exprefserunt Authores, quos recensuit Gaspar Bartholinus de Inauribus Veterum cap. 1. Nec eadem fuit inaurium ma- teries: fuiffe ex gemmis, ex auro, ex ære plura monumenta referunt, immò fuerunt offeæ, & ligneæ, præcipuè a pauperibus orientalibus ge- ftatæ. Idem Bartholinus cap. 2. exponit formas diverfas inaurium, quæ olim extrabant Romæ apud Lælium Pafchaliu, atque etiam Laurentius Pignorius de Servis pag. 410. inter quas videtur inauris ærea gemmis tribus vitreis ob- longis dependentibus ornata. E nostro Musæo illi fimilem oftendimus num. 5. fed gemmis or- batam, atque etiam tres alias diverfæ formæ, quas in antiquis Sarcophagis effofiores inve- nerunt. Præter has alia est num. 6. indicata orbe majori circumflexa, quam ex aure potius alicujus Servi, quam mulieris dependiffe autu- mo, in fignum fervitutis: Servitutis enim no- tam fuiffe aurem perforatam, a qua inauris uni- ca dependeret, Lex oftendit in Deuteronomio cap. 20. his verbis. *Sin autem dixerit (fervus manumiffus) nolo egredi eò quòd diligit te, & domum tuam, & bene fibi apud Te fentiat, affumes fubulam, & perforabis aurem ejus in janua domus tuæ, & ferviet, & tibi ufque ad aternum.* Quem ritum Deum præcepiffe ad li- bertatis ftudium ingenerandum Cajetanus do- cet, ut fi non fervitutem faltem ignominiam publicam horrefceret. Etiam ex naribus depen- diffe apud aliquos testatur D. Auguftinus Quæ- ftion. in Genefim. *Mos, inquit, Maurorum*

*eft, ut inaures etiam in naribus habeant fœminæ, imò etiam labiis apponi etiamnum apud Ægy- ptios accepi ex Viro fide digniffimo.*

Sed Luxuriæ præcipuè, & ornamenti, majo- rifque oftentationis caufa ufurpatas fuiffe Inau- res, quamplurima monumenta evincunt. Qua- mobrem, ficuti formas varias excogitavit, hujus fœminæ cultus ftudium, ita nec pondus, nec pretium idem omnibus fuiffe fcimus. Pro ra- tionè dignitatis, & fortunarum hæc, & reliqua ornatus instrumenta diverfa erant; aliqua enim ferè immenfi fuere pretii, talis fuit Unio, cujus apud Pancirolum meminit Zonaras, quem Rex Perfarum Perofa in expeditione adverfus Hun- nos a dextra aure detractum abjecerat, ut poftea repertum Justinianus centum auri libris redime- re a Barbaris voluerit. Similis unio Cleopatrz quæ maximè fingulare, & verè unicum Natu- ræ opus auribus gefiffe dicitur, cumque cum ex aure detractum, ac liquefactum abforbuiffet Antonius, una coena dicitur centies feftertium confumpfiffe apud Plinium nat. hift. lib. 9. c. 35. hoc eft teste Budæo ducenta quinquaginta mil- lia aureorum. Nec fanè exigui momenti Unio ille, quem Vitellius, cum exituro Viaticum defuiffet, detractum ex aure matris, folùm pi- guoraverat ad itineris impenfas omnes, refe- rente Suetonio in ejus vita cap. 7. Atque hi im- modici fumptus, cum folùm effufi fint, ut unica splenderet auricula, jure & Patrum querimoniis perstringuntur. Imò meretricium hoc orna- mentum vult Seneca, quippe qui lib. de Con- ftan. Sapien. c. 14. fuadet inaures non tanti efle, ut referat, five iis ornata honefta matrona five non, & lib. 7. de benef. c. 9. in hæc verba prorupit. *Video Uniones, non fingulos fingulis auribus, comparatos. Jam enim exercitata aures oneri ferendo funt, junguntur inter fe infuper alii, binis fuperponuntur; non fatis muliebris infania Viros fubjecerat, nifi bina ac terna patrimonia auribus fingulis pependiffent.* Licitæ tamen funt, quan- do intra honeftatis limites continetur modicus earum ufus.

A R M I L L Æ.

**P**ræter inaures, quibus Fœminæ exorna- bantur erant Armillæ, atque has duplicis generis fuiffe antiqua monumenta demonftrant. Aliquæ enim geftabantur in fummis brachiis, authore Polluce in Onomafico, aliquæ etiam ad manus tranfierunt, atque hinc pro manus ornamento habentur, lata vocis fignificatione, nam cum Antiqui humeros cum brachiiis Ar- mos vocarent, funt proprium brachiorum or- namentum armillæ. Hujus generis armillam in medio armo circumligatam oftendit in Ame- ricana

ricana Virgine ex Joanne de Laet. Thomas Bartholinus pag. 20. sed de hoc ornamento plura inquirere instituti nostri ratio non permittit; sicuti neque de parvis armillis, seu annulis, quæ labiis perforatis inferuntur ab aliquibus Ægyptiis. Eas vide in erudita dissertatione Joannis Rhodii, quem morem indicat Verba Job c. 40. *Nunquid pones circulum in naribus ejus, aut armillâ perforabis maxillam ejus?* & juxta septuaginta dicitur, *Armillis verò perforabis labium ipsius.*

Diversi generis armillas ex Musæo hic exponimus, sub num. 7. 8. nempe circulos æneos, quos antiqui bracchio ut plurimum dextero gestabant, & quidem, vel ut virilis fortitudinis esset nota, vel etiam servitutis, quamvis aliquando in utroque bracchio multi eas gestarent, & aliquando tantum sinistro, ut de Sabinis refert Livius lib. 1. *Sabini aureas armillas magni ponderis bracchio lævo habuerunt.*

Quòd in signum servitutis gestarentur probat inter alios Suetonius in Nerone cap. 30. vocans Cursores servos Armillatam Turbam, sic. *Ille, Nero, nunquam Carrucis minus mille fecisse iter traditur, soleis mularum argenteis, canusinatis mulionibus, armillata, & phalerata cum Mazacum turba atque Cursorum.* Loco *Mazacum* legi debere ait Pignorius de Servis pag. 292. *Mazyces*, qui Numidæ erant a Mazaca Cappadociæ, qui Præcursores erant. Ita Seneca epist. 87. & 123. In eadem sententia fuit Isidorus lib. 19. orig. cap. 31.

Quòd verò Virtutem indicarent, & Virilem fortitudinem, idem Isidorus docet. Militibus enim ex bello feliciter reversis distribuebantur Armorum, & bracchiorum ornamenta, non alia de causa, nisi ut hæc Virtutis præmia se iisdem bracchiis meruisse recordarentur. Extat apud Gruterum pag. 358. num. 2. Inscriptio antiqua lapidis, in quo duæ armillæ exculptæ sunt, his verbis expressa. *L. Antonius L. F. Fabius Quadratus Donatus Torquibus, & Armillis ab Ti. Casare bis.*

Formulam doni hujus militaris Barnabas Briffonius refert ex Valerio lib. 4. idest: *Imperator Te argenteis Armillis donat.* Ut plurimum tamen ex Auro formatas fuisse dicit Dionysius Halicarnassæus lib. 60. Antiquit. Romanarum, cui Pignorius subdit argenteas, eburneas, ligneas, atque æreas fuisse plebejas servorum potius, quàm militum. Æreas fuisse dicerem, quarum Iconem Bartholinus exhibuit pag. 43. ex Pignorio mutuata, & inaurata fuisse dicit pag. 293. Alias similes vidimus Romæ. Unam ejusdem omnino formæ, & minutis striis in longum ductis exornatam in nostro Musæo habemus, cujus cornua ultra abeunt, a perfecto

circuli orbe. Sic eam Isidorus descripsit. *Circulum rotundari, armillam extendi latius:* quæ verba Icone sub num. 7. exposita clariùs explicantur in Tab. LII.

Alterius etiam Armillæ imaginem damus sub num. 9. elegantis formæ, & minus ponderosæ, quæ fortasse bracchio alicujus ancillæ gestabatur. Ejus extrema, & si invicem non se mordeant, ita tamen conveniunt, ut vi aliquantisper remota ad bracchium facilius immittendum statim coeant, armumque stringant, ne cadere amplius possit. Atque hæc de Armillis dixisse sufficiat; ad Fibulas procedamus.

### F I B U L Æ.

Quas in vestium apparatu Romani præsertim numerabant. Erant etiam Fibulæ Architectonicæ, sed de his nihil dicendum occurrit. Erant etiam, quæ dicebantur Gymnasticæ, de quibus secundo loco agendum est. Fibulas igitur primo loco exponimus, quas dicebant Vestiaras, ut notat Casalius de prophanis Roman. Ritib. cap. 19. ubi varias earum formas, ex diversis Eruditorum Cimeliis mutuatas exponit; aliæ enim circulares, aliæ quadrangulares sunt: Multæ equi, Hinnuli, Avis, Delphini, Cochleæ, & Anguium speciem referunt, quarum aliqua, scribente Isidoro lib. 19. cap. 31. pectus fœminarum ornabant, vel Pallium Virorum in humeris: vel ut in Vitruvio adnotat Philander, illis mulieres fluentem retro vestem subnectabant. Nostri Instituti est de his tantum loqui, quæ in Musæo recensentur. Quamobrem aliquas Icones earum diversas exhibemus, quas tamen omnes ad Pallium Virorum in humeris constringendum inservisse putamus; singulis enim congruit Sermo Panciroli de rebus deperditis tit. 44. ubi Fibulæ usum sic docuit. Consideratione digna est Fibula qua Veteres Togam subnectebant. Fibula enim superius annexa in sinum fundebat Togam instar veli vento inflati, & mox. Facta est potissimum in eum finem, ut Togam supra dextrum humerum conecteret; in quo duæ illius partes subjectam acum in canalicula stringebant. Nec enim adsuta panno erat fibula, sed duas Togæ partes adstringendo non verò transfigendo subnectebat. Quapropter supra fibulam nodus quidam conspiciebatur ex Toga, quæ cum venustate, & elegantia dilatabatur. Rosinus. qui de vestibus Romanorum egit c. 31. lib. 5. nullam ejusmodi fibularum mentionem fecit; sed Thomas Dempsterus in Paralipomenis usum fibularum ex Ammiano Marcellino refert, dicente lib. 14. sudant sub ponderibus Lacernarum, quas in Colli exerta fibulis ipsis adne-



adnectant , & Publius Ovidius lib. 8. Metamorph.

*Refilis huic summam mordebat fibula vestem*  
Virgilius quoque 4. Æneid, de Didone ventum profectura.

*Aurea purpuream subnectit fibula vestem .*

Fuerunt autem Fibulæ ex ferro, vel ære, vel argento, vel auro gemmis etiam ornatae, uno verbo ex quovis metallo, & ære præcipuè, quales sunt, quæ iconibus Tabulæ LIII. expressæ videntur. Illam quæ indicatur num. 1. elegantia forma concinnata, Musæo elargitus fuit D. Abbas Marucellus nobilis Patritius Florentinus, pari humanitate, atque eruditione in hac urbe conspicuus. Eandem melius describi posse non credo, quàm verbis, quibus Pancirolus expressit, idest: *Inferius, & extrema parte grandiolem habet acum cum æreo filo quo efficitur, ut illa, absque ulla difficultate quasi fluctuans vagetur, ipseus præsertim cuspidem in canalicula, quæ in altera parte fibulæ est impressa.*

De fibulis agens Begerus in Thesauro Brandeburgico tom. 3. pag. 420. plura genera fibularum distinguit. Aliquas vocat cum acu ductili, in quarum aliquibus quatuor, in aliis sex, vel octo, seu plures in giros convolvitur, eademque simplices, & puras vocat. Alias distinguit cum acu pendula, quæ non in giris incommissum, sed claviculo connectitur. Inter quas aliquas *interrafas* cum Lactantio appellat, scilicet pluribus foraminibus & incisuris exornatas, aliquas verò *incrufatas* etiam dicit, hoc est coloribus variis exornatas, encaustico opere distributis. Alias demum *Iconicas* vocat, hoc est iconibus variis puta equi, piscis, Avis exornatas. Multas ille exhibuit. Eas quas in Musæo habuimus exposuimus, inter quas fibulas vides sub num. 2. de quibus dubitari potest, antiquæ sit, cum etiam hodie tales in usu esse videamus. At non omnia Veterum inventa perire. Antiquas illas esse inde constat, quòd in antiquis sepulchris repertæ fuerint. Semicirculares illæ sunt, acu immissa, quæ ad oppositum labrum pertingit, quæ transfigendo lora, eadem connectebat.

De gymnastica autem fibula supra indicata dicturus, paucis me expediam, referens Casalius scribentem: *Comadis, & Cantoribus præcipuè inservisse; coercerantur enim adolescentes, conservanda vocis gratia.* Qualis esset usus, qualis forma, & quomodo gestaretur, hæc omnia explicat supradietus Casalius aliique, quorum tamen sententiæ discrepant inter se circa magnitudinem, & formam. Cornelii Celsi opinionem sequor de re medica lib. 7. cap. 25. ubi de fibula hujusmodi differens ait: *Fibula*

*quò levior eò melior est.* Quamobrem ejus generis putamus esse fibulam sub num. 3. ex antiquo Sarcofago in Musæum translata.

A N N U L I .

**I**N sepulchris etiam non rarò reperti sunt annuli, de quibus pauca subdam. Morem gestandi digitis annulos esse antiquissimum notum omnibus est; quo verò tempore horum usus primùm incæperit, non clarè constat. Plinius secundus ductus Auctoritate Homeri, posteriorem Trojanis temporibus falsò putavit. Fibulæ primordium a rupe caucasea tradunt, quòd Prometheus ira Jovis Caucafo alligatus, quia ignem furtim è coelo subripuerat, postea ab Hercule liberatus, indulgentia Jovis: hac tamen lege, ut in memoriam poenæ annulum gestaret ferreum, cui saxi fragmentum esset inclusum. Hinc annulum dicunt primùm induisse digitos. Constat tamen ante bellum Trojanum annulorum usum fuisse, idque ex sacra hebræorum historia, in Genesi enim tradit Moyfes Pharaonem Ægyptii Regem, post somnii interpretationem a Josepho factam, annulum digito suo detracto ejusdem Josephi manus indidisse, nec facilè dictu est, quis primùm talem usum instituerit. Apud Romanos promiscuum annulorum usum fuisse scimus post Victoriæ Pompeii Magni de Piratis, Asia, & Ponto. Simples quidem primò fuere ex simplici metallo, vel ferro. Ferreum annulum a Matre habuisse Seleucum Regem tradit Appianus. Longo etiam tempore, nec Senatus quidem Romanus habuit aureos, sed tantùm qui Legati ad exterarum gentes ituri, atque illis publicè donabantur aurei, & Plinius narrat lib. 33. cap. 1. ætate adhuc sua sponsæ annulum ferreum, & sine gemma a sponso mitti solitum. Deinde paulatim, ex ære argentoque fictos annulos gestarunt, quod probat ingens eorum numerus qui quotidie eruitur. Sed sine gemmis. Eos qui in Musæo sunt in Tabula LIV. exposui fideliter delineatos, quorum tria locum gemmæ demonstrant sub num. 1. propè quos adjunximus insignem, & speciosam Fibulam num. 2. indicatam.

Simplicibus, & sine gemmis usos esse Flaminas Diales affirmat Goriæus; At quamvis primi annuli, e simplici metallo, & sine gemmis extiterint, postea gemmæ addi cœperunt, & in iis fuit ostentatio opum, quibus lautioris fortunæ Viri ab hominibus tenuioris conditionis distinguerentur, atque eò processit superbiorum hominum luxus, ut Eliogabalus Princeps profligatæ vitæ Vir, quotidie novis annulis digitos oneraret; quosque pridie gestasset, postridie

rursus sumere dedignaretur. Quamobrem exclamat Plinius: *Pessimum*, inquit, *Vitæ scelus fecit, qui annulum primus induit digitis*.

Sed quamvis ad ornatum luxuriamque primum inventos annulos fateamur, ad honestiores inde usus translati sunt, scilicet ad munus signandi, quod etiam antiquissimum fuisse scimus. Romani postea ab Exteris acceptum hunc ritum signandi annulis amplexi sunt, ut non solum Epistolas signarent, sed in rebus pretiosis condendis annulis uterentur, atque etiam cibos, & potum, clavesque ipsas. Unde Mater familias apud Plautum. *Casina act. 2. Scen. 1.*

*Obsignate Cellas, referte annulum ad me.*

Joannes Cassianus lib. 4. de Instit. Cler. cap. 15. *Etiam annulos quibus recondita præsignemus, in digitis palam gestare præsumimus, quibus non solum cistella, vel sporta, sed ne arca quidem, vel armaria ad ea, quæ congerimus, vel quæ egressi de sæculo reservavimus condenda sufficiunt.*

Ex Fortunio Liceto de Annulis cap. 20. Priscis temporibus communis usus Annulorum fuit ad rerum custodiam. Ejusmodi autem annuli fuere claves, uti nostrates, at loco longi Manubrii tenebant annulum digito inferendum; de hoc annuli genere Plautus in Amphitruone sic act. 2. scen. 2.

*An etiam id credis*

*Quam in hac cistula suo signo obsignata ferunt.* idest annulo suo. Mos autem Romanis erat, ut domi supellex penusque eo signarentur, ne quid negligentia aut furto periret. Annulos ejusmodi signatorios complures editos in Bateria cum adjuncta clavi se vidisse affirmat Licetus ad duplicem usum signandi aperiendique; & etiam apud Joannem Galvanum Patavinum Jurisconsultum, rei antiquariæ studiosissimum. In nostro Musæo multæ claves antiquæ annulis adjunctæ observantur, ex quibus aliquas hic damus sub numeris 3. 4. 5. & 6. in Tabula LIV.

In ejusmodi autem annulis signatoriis variæ erant, & diversarum rerum effigies, prout cuilibet magis arridebat. Aliquando enim Deorum erant, aliquando hominum, & Brutorum, sæpè historiæ rerum exprimebantur, & symbola ad placitum efficta; hinc difficultas objicitur maxima in iis explicandis, quæ Veteres effinxerunt, & divinandi Ars potius nobis est necessaria, quàm conjiciendi. Miror proinde eos, qui sibi suadent è thesauro suæ eruditionis ea posse depromere, quæ ejusmodi signis, omninò congruant, & adamussim explicent, cum nunquam ipsis Inventoribus in mentem venerit quidquid, se ipsos divinare, & vulgo aperire sine ulla dubitatione credunt.

Ut plurima ea omnia celabantur in Achate,

onyche, & fardio lapide, eò quòd ceram non traherent, & sine labe effigiem efformarent. Referunt Pompejum Leonem ense armatum, in suo annulo habuisse, Mecænatem Ranam, Sphingem Augustum. Dicitur Alexander devicto Dario, litteras suas, quas in Europam destinabat, sua imagine, obsignasse, Darii verò quas in Asiam mittebat. Effigies proprias in annulis habere plebeis erat familiare. Sed qui plura in hoc genere scire desiderat, adeat copiosam Abrahami Gorlæi Daçtyliothecam in duos tomos bipartitam, in qua nonaginta sex ultra octingentos lapides annulorum exhibuit, quos omnes Jacobus Gronovius eruditè explicavit, editam Lugduni Batavorum an. 1695. In eadem Præloquium eruditè apposuit ipse Gorlæus de annulorum origine, variis eorum generibus, & usu apud Priscos. Quamobrem hujus generis sculpturas non exhibemus ex Daçtyliotheca selectas, quæ in Musæo est, quæ licet quamplurimis aliis pretiosioribus æquiparari non possit, haud tamen est contemnenda.

Mos autem annulos conservandi antiquissimus fuit, de hoc Plinius sic lib. 38. cap. 1. Gemmas plures, quod appellant Daçtyliothecam primus omnium habuit Romæ Privignus Sylla Scaurus, diuque nulla alia fuit, donec Pompejus Magnus eam, quæ Mithridatis Regis fuerat, inter dona in Capitolio dicaret, ut M. Varro, & alii ejusdem ætatis Authores confirmant. Hoc exemplo Cæsar Dictator sex Daçtyliothecas in æde Veneris Genitricis consecravit. Marcellus Octavia genitus in Palatina Apollinis Æde unam. Celeberrimus annulus fuit Pyrrhi in quo Achaten cum Musis, & Apolline citharam tenente expresso habebat non arte, sed sponte Naturæ. Inter Scalptores harum gemmarum tempore Alexandri Magni. Pyrgoteles celebrabatur. Post eum Appollonides, & Cronius, cæteros Plinius refert cap. 1. lib. 37. Quis autem nostræ Daçtyliothecæ gemmas annulares insculperit, omninò ignotum est. Sunt enim antiquissimæ inter rudera, vel in sepulchris repertæ.

#### S I G I L L A.

**P**Ræter lapides signatorios, alia sigillorum erant genera, tum ex metallo, tum ex ligno, seu lapide ad res magis vulgares obsignandas, præsertim opera fictilia, quorum copia Veteres utebantur. Commendanda imprimis est eorum *parsimonia*, inquit Henricus Salmuth in notis ad Pancirolum tit. 2. part. 2. *apud quos siglina, seu fictilia opera tanto in usu fuere ut Numa Rex septimum sigulorum Collegium Romæ insti-*

*instituerit*. Non enim tantum Imbrices, Tegulae, & laterculi inde fiebant, sed & tabulae, lucernae, candelabra Vasa omnis generis, doliaque ad Vina, & ad aquas continendas. Quin, & defunctos sese multi fictilibus doliis condidit malvere. Et de Servis agens Pignorius pag. 534. inquit, *Cretam effosam tractabant figuli*, leg. 25. §. de Instruct. e corpore servorum in usum videlicet fundi vasa parantes quibus exportarentur fructus, velut amphoras, & Dolia, & in villa aedificationem tegulas, mercis etiam gratia ut vasa venirent. Figlinas autem in agro quomodo exerceri oporteret Hostilii Safernæ Pater, & filius libris edicis monstraverunt, ut testatur Varro lib. 1. de re rustica cap. 2. qui etiam cap. 7. *affirmat se in Gallia transalpina intus ad Rhenum regiones aliquot accessisse, ubi agros stercorearent candida fossilia creta*. Hujus loci fornax est, cujus Cato tit. 38. meminit, & Servus Fornacarius, quem nominat Ulpianus leg. 27. §. 9. Hoc lateritium opus a Græcis accepisse Romanos, cum subacta Græcia omnes artes adveherent Illustrissimus Ciampinus affirmavit cap. 8. vet. monim. cum scripsit opera lateritia ex Solis lateribus cœpisse Ævo Augusti, & subsequen- tium Imperatorum passim extracta fuisse, copia fortasse Servorum in urbem adducta ob frequentes Cæsarum victorias. Innumerae proinde officinae ubique aperiri, & lateritiæ structuræ genus præ cœteris probari cœptum, utpotè minori difficultate parabile per ingentem artificum, & servorum numerum. Hinc maxima ædificia opere lateritio extracta circa Imperatorum ætatem adhuc visuntur. puta mœnia Urbis, Thermæ, Pantheon, Templum pacis, Palatium Imperiale, & alia multa ab Imperatoribus ædificata per spatium annorum ducentorum, & ultra. Quam structuram laterum putat idem Ciampinus cap. 8. per tria circiter sæcula Romæ perdurasse, cum adhuc Italia ab exteris Nationibus excidium passa non esset; Post ejus verò devastationem laterum officinas cessasse pro certo habet. Sed hæc ultra prosequendi non est hic locus. Ut ut illa se habuerint, pro comperto habemus, Morem viguisse imprimendi aliquas notas in operibus Figlinarum, præcipuè in lateribus, & tegulis, quæ in ædificiis adhibebantur. Eruditissimus Fabrettus cap. 7. antiquarum inscriptionum dicit se invenisse præ cæteris antiquissimum figlinæ signum *August.* (si ad Augustum D. F. ut credit referri debeat) in latere sub oppido Arfularum ad primum Castellum aquæ Marciae.

Baronius in appendice tom. 3. refert se vidisse in demolitione antiquorum parietum Templi Vaticani à M. Constantino fundati, magnos lateres, in quibus erat nomen Impera-

toris Constantini. Turrigius etiam in sacris cryptis pag. 448. affirmat se vidisse idem nomen in tegula ejusdem Basilicæ cujus iconem exhibet Ciampinus cap. 4. tab. 6. num. 1. de Sacr. ædif. Blondus Flavius lib. 2. num. 12. Romæ instauratæ ait se vidisse quadratos lateres amplissimos extractos ex ruinis Templi S. Sylvestri, quorum pars litteras habebat a figulo impressas. Morem hunc non solum Romæ, verum etiam per totum Romanum Imperium observatum deduxit supralaudatus Ciampinus ex figuris similium laterum a Lambecio relatis in sua Bibliotheca Cæsarea lib. 2. pag. 1005. quos repertos dicit Lambecius propè Pagum Germanum Altenburgicum inter rudera veterum Hybernorum Pannonicorum. Eandem consuetudinem perdurasse sub Christianis quoque Imperatoribus ostendit Fabrettus ibidem in multis tegulis cruce obsignatis. Ex. g.

## ✱ REG. D. N. THEODORICO BONO ROMÆ.

Curam autem Theodoricæ in exornanda Urbe, & in pristinum nitorem restituenda demonstrant plura signa reperta, & Cassiodorus testatur. Immo Vetustatis imitatione tegulas omnes tecti S. Balbinæ vidimus Romæ, cum nomine, & gentilitio emblemate Alexandri VI. Papæ qui illud restauravit.

Has tamen notas leviter percurrisse Gruterum, easdem non attigisse Ursatum, & alios miratus est Fabrettus, unde integram fere hanc Provinciam ille suscepit, affirmans ex illis utilitatem nasci dignoscendi tempora, quibus nonnulla ædificia constructa fuerint, itemque particularium locorum cognitio, quorum notitia non aderat, multarum etiam Fœminarum imò & Augustarum, quæ Dominae erant prædiorum, in quibus Figlinæ constitutæ erant. Observamus sæpe *Figlinam superiorem* ad distinctionem *Inferioris, veterem ad novæ, majorem ad minoris*, earum numerum, ubi plures, numericis notis signatum, ostendit Falconerius in sua erudita Epistola ad Carolum Datum Nardino addita his characteribus *F. I. F. II.* &c. Item non parvi esse momenti addit Fabrettus in emendatione Fastorum; Sæpe enim Consules in iis inveniuntur inscripti, at non semper ordine eodem, cum aliquando nomina eorum reciproca incisione inveniuntur expressa, videlicet qui *Aper*, & *Catullinus* inscribuntur, e contrario *Catullinus*, & *Aper* legantur. Causam quærens hujusmodi discriminis idem Fabrettus cap. 7. num. 103. putat ex eo factum, quia alternis mensibus Fasces apud alterum ex Consulibus asservabantur, ut legitur apud Suetonium in vita Julii cap. 20. & hinc fortasse

prout quis fascibus potiebatur, ejus nomen præmitti potuisse.

Notæ autem in magnis lateribus obsignatæ, ut plurimum erant in gyrum dispositæ, in cujus medio signa cernebatur diversa, quorum multa refert in suis inscriptionibus Fabrettus cap. 7. V. G. Nux pinea, Gallus, Capricornus, caput bubulum, Aquila, ramusculus palmæ, Aper, Canis. Quatuor ejus generis è magnis lateribus desumptas hic exponimus in Tabula LV. è multis quæ in Musæo sunt.

In prima sunt hæc verba in girum disposita. OP. DOL. EX PR. AUG. GN. N. FIG. SU. quæ ita legenda sunt. *Opus doliare ex prædio Augusti Gneii Nepotis. Figulina superioris.*

In circulo minori legitur. RUFINI PERIOLANI, in centro autem Imago Mercurii extat.

In secunda verba sunt. EX PR. TI. CLAUDI SECUNDI VERI LUCILLÆ idest *ex prædio Titi Claudii, secundi Veri Lucilla.* In medio Vas utrinque ansatum videtur.

Tertia continet OP. DOL. EX PR. UMI. Q. VADETANI. idest *opus doliare ex prædio umili Quinti Vadetani.* Centrum autem exornat caput radiatum cum ampulla.

In ultima denique hæc verba tantum legi possunt. OP. DOL. EX. PR. . . . . P. A. ALEX. idest *Opus Doliare ex prædio . . . . . publico Augusti Alexandri.* in medio hæ notæ extant COS.

Verùm si omnes, quæ rescribi possent, vellemus referre nec tempus, nec paginae sufficerent, Erutæ enim è ruderibus sunt pene innumeræ similium laterum inscriptiones.

Ut plurimum in gyrum dispositæ inveniuntur. Sunt tamen aliæ quæ in lineam rectam efformatæ videntur, cujusmodi illæ sunt, quas a Lambecio acceptas expressit Ciampinus in Tab. 6. pag. 31. Hujus generis inscriptionem nullam servat Musæum, in eo tamen sunt sigilla ænea duodecim, quibus tales inscriptiones imprimebantur in argilla, antequam exiccaretur, atque, ita ut aliquando characteres impressi remanerent, aliquando verò expressi, & velut opere anaglypto efformati. Uterque modus apparet in Sigillis æneis in Tabula LVI. incis, quæ hic subjicio, cum explicatione Characterum. In primo sunt V. C. F. I. Marc. quos puto sic legendas: *Viri clarissimi Figulina Prima Marci.*

- |               |                     |
|---------------|---------------------|
| 2 A. VER. IV. | )                   |
| 3. IMMXIMV    | ) De his quinque .  |
| 4. AROSCV. T. | ) Nihil certi audeo |
| 5. P. CAM.    | ) affirmare.        |
| 6. A. S.      | )                   |

In aliis verba sunt clara idest

7. CAII MUCII POLLIONIS
8. MARCI VALERI HERMAE
9. AURELIAE GEMELLAE
10. TITI FLACCI TITIANI
11. ALCINI.

In his omnibus intelligendum esse judico vel *Opus, vel ex Figulina*, nomina enim omnia Genitivi casum habent, qui possessionem significat apud Latinos. Hujusmodi tabellas æneas inter annulos signatorios tecensuit Begerus, sed eas a possessore digitis appensas nunquam crediderim, licet iis annulus sit appositus, commodioris usus gratia. Plures non dissimiles vidi in aliis Cimeliis, & omnes quidem ex ære formatas; nulla tamen quod sciam ab aliquo reperta est ex genere earum, quibus tegulæ, & magni lateres obsignabantur. Hanc inopiam ex eo provenire suspicor, quòd fortasse majora hæc sigilla non ex metallo efformarentur, sed ligno, quod temporis edacitate facilè absumitur, & putrescit.

#### P O N D E R A .

**A**liud signandi genus erat apud Antiquos, quo ponderibus, & mensuris ad publicum commercium sine fraude exercendum notæ aliqua, seu verba imprimebantur, Quamobrem aliqua pondera signata diversarum magnitudinum, & Musæo profero in eadem Tabula, quæ licet exactè, & ad invicem non respondeant, nec illis uti tutò possimus ad stabiliendam legem inter pondera recentia, & antiqua, lucem tamen possunt afferre, ut discrimen inter utraque cognoscamus. Ponderum notitia plenatrics explananda nobis non est, *neque virium nostrarum*, (loquor cum Sponio) sect. 9. pag. 303. Hæc præstiterunt Authores varii, & inter alios Lucas Petus libris quinque. Si ponderum originem inquiramus, illam a Moyse emanasse affirmat Isidorus de Ponderibus cap. 24. & Græcis Sidonem Argivum eorum rationem constituisse; & licet alii antiquiores extiterint, illum tamen in hac arte fuisse doctiorem. Pondera autem penè omnia erant ex marmore nigro, & durissimo lapide Ophite, vulgò *serpentino*. Puncta vel numerum inscriptum illa habuisse addit idem Isidorus lib. 16. orig. quæ puncta, vel uncias, vel drachmas, vel libras ostendebant, sicuti & *Cifra ut P. II. P. III. idest Pondo librarum duum, vel trium.* Ex eodem Authore habemus libras continere uncias duodecim, unciam duos stateres, staterem duos quadrantes,

tes, Quadrantem Drachmam , scrupulum , & obulum quatuor Calculos , Calculum ciceris grana duo ; medietatem Drachmæ effe scrupulum , & obulum ; & scrupulos decem & octo constituisse unciam unam . Ponderis signa plerisque ignota sunt , & inde errorem legentibus, pariunt; eorum characteres, quos Veteres signabant idem author subicit ; & Lucas Petus asserit *pondera quibus hodie utimur antiquis esse majora* sic ille lib. 1. pag. 12. *quo fit ut uncia Romana temporis instantis undecim , drachmæ tres , & scrupulum unum antiquam libram peræquent ; uncia verò nostri temporis major fit uncia antiqua scrupulo uno , & granis quatuor .*

Eruditissimus tamen Fabrettus cap. 7. antiq. Inscript. asserit aliqua pondera lapidea , & quidem integerrima apud ipsum servata apertè illi opinioni contradicere ; etenim , ut idem , ait , *ex iis unum drachmam , sive octavam uncia partem ponderans cum nostris collatam septem granis excedere .* Aliud ex lydio lapide , idest duas uncias granis 66. nostrates præponderare, aliaque memorat ejusdem generis, demum subdit adversus Petum probare duo pondera, alterum librarum duarum, quinarum alterum in nostro Musæo collocata, illaque sunt, quæ delineata exhibemus sub numeris 1. & 2. admodum rara, in quibus litteræ argentæ prominentes in excavata superficie insertæ numerum librarum denotant . Additi characteres sic dispositi legantur TEMP. OPIS AUG. idest TEMPLO OPIS AUGUSTUS, vel Augustæ, ut interpretatus est Georgius de Sepibus, sive mavis dicere Athanasius Kircherus in descriptione Musæi, quod tunc temporis in Collegio Romano extabat, cap. 5. significant enim ea pondera auctoritate Augusti signata, in templo Opis deposita fuisse ; ut ibi una cum pecuniis servarentur ad commercium sine fraude habendum .

Sciunt Antiquitatis Amatores Pecuniam in templo Opis condi consuevisse, ut habetur ex Cicerone Philipp. 1. ubi ait, *Pecunia utinam ad eadem opis maneret.* Non omittendum est, quod de his duobus ponderibus scripsit Donatus noster in sua Roma lib. 2. cap. 10. *Eorum minus nostra scomata, seu libramenta ferè uncia excedere, majus unciis duabus.* Fabrettus verò asserit ex suo examine, *minus pondus esse librarum duarum, uncia unius, & drachmarum trium, sive scrupulorum novem : majus esse librarum quinque unciarum duarum, & semis.* Alia pondera exhibuit Fabrettus, alia nos ex Musæo damus solis punctis notata, aliud insuper sub numero 3. in quo characteres insculpti sunt hoc modo VIII. M. F. A. quibus puto indicari id pondus librarum novem publica fide, seu auctoritate signatum, vel propositum fuisse, scilicet

Auctoritate *Marci Furi* fortasse tunc Romæ Præfecti .

Aliud pondus indicatum num. 4. cæteris majus in lapide rotundo, suprema, & infima parte planum servat Musæum, in quo hæc verba leguntur incisa : TALENTUM SICLORUM III. PONDO CXXV. Illud efformari curavit Villalpandus noster, ut ipsemet refert cap. 33. P. 2. tom. 3. & affirmat habere pondus Talenti Hebræorum idest libras centum viginti quinque, ut etiam docuit S. Epiphanius, dum ita scripsit : *Talentum omnem mensuram, quæ ponderatur excedit. verum juxta libræ pondus est librarum centum viginti quinque, & post pauca addidit. Porro ex partibus centum viginti quinque talenti est libra una, libra autem est duodecim unciarum. Uncia habet stateres duos, stater dimidium est uncia, habet autem duo drachma.* Cæterorum Authorum opiniones circa talentum ipsemet Villalpandus in toto illo capite examinat . Illum adeat qui plura desiderat .

Ad pondera revocantur Trutinæ, & Stateræ, quarum antiqua fragmenta ex ære sunt in Musæo. Trutina habet geminas ponderum lances æquali examine pendens . Eadem etiam stateræ nomen habet, quòd duabus lancibus, & uno stylo in medio librata æqualiter stet . Examen est filum medium brachio quo statera regitur, & lances æquantur, unde in lancibus amentum dicitur . Lances quæ pro pecunia examinanda sunt in Musæo, non tribus ut nostra ætate mos est, sed quatuor catenulis a stylo dependent .

Alia est Trutina quæ dicitur Campana a Regione Italiæ, ubi primùm ejus usum repertum fuisse, refert Isidorus cap. 24. Hæc duas lances non habet, sed Virga est signata libris, & unciis, & vago pondere mensurata. Unicuique autem ponderi certus est modus nominibus propriis designatis . Notat Sponius sect. 9. erudit. Antiq. pag. 303. Pondera ut plurimum ex marmore nigro durissimo fuisse, ne usu detrimentum facile paterentur, atque infinita extare cum nomine *Turci, Aproniani, Præfecti Urbis,* quem constat Ethnicum fuisse ex lapidibus ipsis . Urbi eum præfecit Julianus Imperator teste Ammiano Marcellino lib. 23. Præferre etiam nomina aliorum Præfectorum, qui dicti Præfecti Urbis incoeperunt tantùm initio quarti sæculi. De Prætextato Præfecto scripsit Ammianus, quòd *pondera per Regiones instituerit Universas,* cum aviditati multorum ex libidine trutinas componentium occurri nequiret .

## M E N S U R Æ.

**S**icuti autem pondera publica auctoritate instituta fuerunt ad fraudes eliminandas, ita pariter pro liquidis mensuræ, quarum exemplaria in Capitolio asservabantur. Inscriptionem Vasis ænei refert Fabrettus pag. 528. num. 380. quod Neapoli erat in Musæo Andreino sic.

*Mensura ad exemplum earum, quæ in Capitolio sunt, auctore Sanctissimo Aug. N. nobilissimo Cas. per Regiones missæ cura D. Simonio Juliano Præ. Urb. C.V. Aliam in Musæo nostro Mensuram habemus æneam, quam Veteres Congium dixerunt. Vas illud est pedem geometricum in altitudine continens; & quidem Vas ob antiquitatem, & raritatem pretiosum sub Imperatoribus Cæsare Vespasiano, & Augusto F. usitatum, ut testatur inscriptio Vasi incisa.*

IMPER. CAESARE  
VESP. VI. COSS.

F. CAES. AUG. F. IIII.

MENSURAE EXACTAE IN CAPITOLIO  
P. X.

idest Imperatore Cæsare Vespasiano sextum Consule, Tito Cæsare Augusti, vel Augusto filio quartum consule, mensuræ exactæ in Capitolio pondo decem. Ita illam explicat Villalpandus tom. 3. par. 2. pag. 499. qui talem mensuram proposuit cap. 25. ubi asserit hoc unico Congio posse mensuras omnes ac pondera pristinae integritati restitui. Tale vas sic describit. *Est autem, vasis forma duplicis decurtati conii basibus annexis, qui quidem conii, quamvis altitudine, & crassitudine pares non sint capacitare tamen pares omnino sunt, dimidiumque Congium singula comprehendant, ut in interiori parte Congii notatum est, scilicet in ejus icone, quam ab ipso acceptam hic retulimus in Tabula LVII. ejus formæ quam numerus 1. indicat.*

*Constat præterea (addo cum eodem Authore) totum vas pluribus partibus, e quibus nulla supervacanea est, aut quæ non plurimum usui conducatur. Circa collum namque justæ crassitudinis, est ut manu comprehendi ac moveri facile possit colli verò summum orificium mensuræ terminus est, cujus quasi custodia est labrum illud superimpositum, quod mirabilis præstat usus. Primus ne e manibus decidat vas; secundus ne effluat, & deperdatur excedens mensuram liquor, manusve mensurantis inficiat. Tertius ut facile effundatur, in vas quodlibet contentus liquor, per gradus enim illos refrangitur effusi liquoris impetus, ita ut in angusti vasis orificio recipiatur, & ne*

*gutta quidem deperdatur; sed hi communes sunt usus ille verò peculiaris quod ad exigendam romani pedes in vase longitudinem orificii illius crassitudo necessaria est. Hoc igitur sit primum, & maximi faciendum, quod vas illud præstat commodum, quia nimirum justam pedis Romani longitudinem ab ipsis Romanis antiquis exactam reddit non semel sed sæpius. Primum enim integri pedis altitudinem exprimit Vasis altitudo non tota, sed a summo labro ad summum torum illum inferiorem, ut in figura apparet. Habet enim vas ad pulchritudinem, & ad commoditatem, quo latius resideret, in imo torum illum, qui quoniam non semper paris crassitudinis efformari poterat, ita temperabatur summi labri crassitudo, ut justam redderet pedis longitudinem. Hactenus cum Villalpardo locuti sumus, ut appareat quanti fieri debeat mensura proposita similis omnino alteri, quam a se visam scribit Villalpandus apud Eminentissimum D. Recardum Cardinalem Farnesium.*

Aliud vas est in Musæo hic delineatum n. 2. ex ære antiquo, quod formam propositi Congii imitatur, sed sine superiori illius labro. Mensuram antiquam fuisse suspicatus fueram fortasse Sextarium, cujus mensuras sex continet Congius juxta definitionem Fannii, quem citat Villalpandus cap. 6. part. 2. tom. 3. in hoc disticho loquens de Sextario.

*Qui quater assumptus fit grajo nomine  
Choenix.*

*Adde duas, Chius fiet, qui est congius idem.*

Et cum experimentum fecerim inveni omnino tali Mensuræ respondere. Aqua enim sexies tali vase mensurata congium implevit, nec plures quam uncias 20. & congius 120. contineat idest decem libras, & libra duodecim unciis absolvatur. Quamobrem hæc binæ mensuræ, cum non adeo facile inveniri alibi possint, ut præclara Antiquitatis Monumenta in nostro Musæo recensentur. Numeratur etiam Hemina, quæ duodecim pars congii continetur.

## T A L U S.

**E**Xtat etiam antiquissimi moris monumentum, idest Talus eburneus, ea magnitudine, quæ in Tab. LVIII. ærea delineata apparet sub num. 1. Illum Authores Tesseram lusoriam appellarunt; quæ sex latera æqualia habet, quibusdam punctis distincta, de illa Julius Capitolinus in Ælio Vero. *Post convivium lusum est Tesseris, usque ad lucem.* Similem huic exhibuit in Musæo Romano D. Michael Angelus Causeus, e Musæo Petri Bellori acceptum, & deinde Eruditissimus Begerus in tertio Tomo Thesauri Brandeburgici, ad quem translatum fuit

fuit Musæum ejusdem Bellori, quam viridi encausto illitam fuisse affirmat : nostra quidem antiqui eboris flavedinem refert ; habet tamen rotundum foramen in ea parte, quæ quatuor punctis signatur, quod etiam in Tessera Bellori fuisse affirmat Caufeus . Id cui rei servierit, inquirens Begerus tom. 3. pag. 415. suspicatur fraudolenti cujusdam fuisse artificium ; indito enim argento vivo, & objicibus utrinque objectis in quodcunque latus eò facilius derivari potuisse. Sed cū rem oppidò difficilem explicatu indicet, ex eo foramine, atque ex insuetæ Tessera mole argumentum desumo suspicandi, non fuisse in ludis adhibitam, in quibus non unicus, sed plures tali solent ex cavo cylindro, seu turricula emitti, mole quidem minores, & sine foramine effecti ; sed fortasse in bellica suppellectili vinculo aliquo per foramen traducto servatum ad sortes desumendas pro Militum decimatione .

Duplicem fortiendi formam extitisse apud Antiquos Israelitas in lege Mosis docet Scacchus ex Sacris Oraculis Myroth. 3. cap. 13. aliam videlicet, quæ jactis tessera, aut talis sive aliquod aliud hujusmodi fieret, illique destinaretur res in sorte posita, cujus jactus absolutior exisset ; aliam, in qua jactu non fieret, sed extractione alicujus tessera aliquo characterè signatæ, quo indicaretur cui res destinanda foret ; Ita pariter apud Romanos hanc fortiendi formam servatam fuisse præsertim in militibus puniendis, multiplici Scriptorum auctoritate comprobatur, quod ut clarius pateat recensenda hic sunt, quæ narrat Rosinus de Antiq. Roman. cap. 25. lib. 10. Non in hostes tantum, ait, sed in proprios milites Romani graviter animadvertent, quin etiam in Cohortes, & Legiones, si quid deliquissent, exemplo ad disciplinam conservandam maximè necessario, quæ animadversiones duplices erant pro cujusque delicti ratione, aliæ scilicet leviores, aliæ verò acerbiores . His duplicibus animadversionibus enarratis, subdit idem Rosinus . Quod si aliquando hæc eadem circa plures fieri contigerit, omnes fustè cædere, aut interficere, non approbant, sed rei solutionem inveniunt, utilem pariter terribilemque . Quippe convocato exercitu Tribunus productos in medium desertores, acusat, invehiturque acerbè, denique quinque, aut octo, interdum etiam viginti, atque in totum habita ratione multitudinis, ut decima ad summum existat pars delinquentium, hos ex omnibus illis, qui timidè se gesserint, sorte eximit fustè cædit &c. nulla deprecationi admiffa . Et post pauca addit . Centuriones, qui reliquerant Ordines virgis Cæfos securi percussit, intellige, *Appius Consul* . Cætera multitudo de-

cimus quisque ad supplicium lecti .

Rationem autem hujus exequendi imperii præter Polybium Livius exposuit, ubi de Scipione, de seditioso exercitu ita scripsit . *Præconis audita voce citantis nomina damnatorum, in Consilio, nudi in medium protraherentur, deligati ad palum virgisque cæsi, & securi percussi* . Cur autem decimatio instituta sit, rationem reddit Cicero elegantissime orat. pro Cluentio . *Statuerant, inquit, ita majores nostri, ut si a multis esset flagitium rei militaris admiffum, sortitione in quosdam animadverteretur, ut metus videlicet ad omnes, pœna ad paucos perveniret* . Hactenus Rosinus, qui tamen sortitionis modum non explicat . Ita cœteri, inter quos Justus Lipsius de militia Romana lib. 5. cap. 18. Comment. ad Polybium de pœnis &c. Ad multitudinem semper respiciens, ut decima ferè pars delinquentium sit . Hos ex omnibus ignavis sortitur, & in quos ea fors cecidit sine ulla deprecatione &c. Ita Dionysius . *Ex alia multitudine cujusque decuriæ Vir unus, quem fors designasset, ante cœteros perit* . Apianus etiam Cæsa rem alloquentem milites faciens, *Vt ar lege patria, decimumquemque sorte ad mortem ducam* . His adde Vegetium de re milit. lib. 3. cap. 4. & Godesalvum Stevechium in Comment. *Sunt qui hoc genus pœna, idest Decimationis ab Appio Claudio editum primum putent. Fiebat decimatio adhibita sorte* . Plutarchus denique in Scipione . *Cæsar negligentiam Senatorum, qui Senatam variis venirent, sorte quoque castigavit, cum enim nimis multo essent, jussit inter eos sortes duci, & quintumquemque puniri* .

Vides igitur a nullo fortiendi genus explicari ; non tamen à mea opinione recedam, mihi suadens talorum jactu facilius expediri potuisse sortitionem, quàm schedis, in quibus Reorum nomina primùm inscriberentur, deinde ex arcula, seu Urna aut militari Casside, seu galea ab aliquo eadem educerentur, in quo fraus subesse poterat, non verò in talorum jactu, ab ipsis met reis factò, quod Belli non rarò evenire scimus, & in Vita militis in tabulis æneis excellenti arte insculpta Callotius expressit, scilicet unum ex militibus multis furca damnatis supra bellicum tympanum talos proicientem, sua Vita Sorti commiffa . Atque hæc de proposito talo liceat opinari, donec ab aliis certiora docebor .

## FIBULA, &amp; BULLA EQUÆSTRIS.

**E**X fragmentis æneis, quæ in Musæo sunt, hic expressam nu. 2. & 3. vides fibulam, & bullam. Hanc Equi fræno ornamentum fuisse, illam verò ad lora conjungenda alicujus Bigæ, seu Quadrigæ adhibitam non dubito. Hoc enim ejus forma, & crassitudo suadent. Notum est eruditis quanta pompa, & luxu equos & currus exornarent Antiqui, præcipuè post Cæsaris tempora, cum Divorum Principum simulacra in Circensi pompa super *Thensas*, idest sacra vehicula ferebantur. De quibus Macrobius lib. 1. Saturn. & luculenter Panvinius qui lib. 2. exhibet octo Pompas Circenses in antiquis nummis expressas.

Fræna autem, & strata equorum primùm invenisse Pelethronium affirmat Plinius cap. 56. lib. 7. & Virgilius.

*Fræna Pelethronii Lapithæ agrosque dedere  
Impositi dorso &c.*

Lapithas Pelethronius Virgilius nominat a Pelethronio Thessaliæ monte, quem incolebant, ubi primum domitos equas fuisse tradunt, uti notat Turr. cap. 9. lib. 2.

De Ehippippo verò, quòd vulgus *Sellam* nominat, a sedendo ut affirmat Isidorus, dicendum est Antiquis pro Sella fuisse stragulam, hoc est parvum stratum, quod eleganter intextum præfert æneus equus Marci Aurelii Antonini in Romano Capitolio a Paulo III. Pont. Max. collocatus; at cum stapedibus careat, sicuti etiam apparet in pluribus equis lapideis: neque talis vox apud Antiquos usurpetur, dicendum est eo tempore adhuc non fuisse excogitatas, & ideò ex Plutarcho lib. 12. scimus eos, qui militares vias sternebant, collocasse in illis altiores quosdam lapides, veluti parva suggesta, ex quibus facile quilibet poterat equos ascendere. Confirmat hæc Julius Cæsar Bulengerus de Imp. Roman. lib. 3. cap. 20. dicens: *Equites olim non habuere staphas, & stapedas, sed a stratoribus, nempe militibus, qui nulli Ordini adscripti præsidis equum fræno tenebant, & Cosscedenti Magistratui opem ferebant, in equum efferebantur, vel ipsi insiliebant.* Plutarchus de Crasso. *Eum in equum sustulerunt;* & Eugenius lib. 3. cap. 24. *Theodoricus Gothus non solitus uti stapede, aut stratore in equum insilvit.*

Calcaria verò quamvis illo Evo in usu fuerint, respuebat tamen illa equorum generositas. Gothos autem usos fuisse stapede, & calcaribus probant calcaria in Musæo posita longis stimulis munita, & stapedes, quæ olim fuisse auro circumtectæ apertè videntur, Amplissimæ illæ sunt, ut pedem integrum commodè recipiant,

& undequaque circumdent, illis similes, quibus Turcæ equitantes utuntur.

## PUER GYMNICUS IN PALESTRA.

**B**Inas Statuas æneas dimidium palmum æquantes profero, quibus similem in nullo Musæo servatam vidi; & quidem optimo modulo efformatas, ut indicant num. 4. & 5. Pueros illæ exhibent nudos, pedibus, capite, & brachiis gesticulantes, dum pondera, quæ manibus tenent, nituntur in altum attollere. Quid tali membrorum totiusque corporis gestu, quidve ponderibus hisce exprimere voluerit Artifex, diu dubitavi, tandem recolens Antiquitates Romanas a Rosino relatas lib. 5. cap. 5. Circenses Ludi, seu exercitationes in Circis exhibitæ in mentem venerunt, quos ludos, teste eodem Rosino *Gymnicos* aliqui a nuditate dixerunt, quòd ludentes corpora nudarent, aut saltem vestes exuerent, ut expeditiores, & agiliores ad certamina ludicra essent. Primarias horum formas, quæ in Circensibus exhibebantur idem Rosinus enumerat. *Prima erat pugna cum pugnis, castibus, gladiis, fustibus, hastis, pilis, similibusque armis certabatur.* Huc spectat gladiatoria, cum gladiatores variis modis dimicabant, idque spectante populo, ut juvenis cædis, Sanguinis, & vulnerum aspectu affuescens in bello minus ista timeret. Huc quoque refertur pugna, & certamen cum Bestiis. Item Lucta, cum alter alterum in terram prosternere tum vi tum agilitate corporis nitabatur. Altera species est cursus, quam peragebant currendo certa stadia in campo, perveniebantque ad metam destinatam. Tertia erat Saltatio in æquo, campo, aut inferiore ad locum superiorem, & è contra; aut cum in equos cursive insiliebant, non tantùm nudi, sed etiam armati, & cataphracti. Quarta jaculatio discorum, saggittarum, pilarum, telorum &c. Alias species ludorum Rosinus prosequitur, ut de plerisque eorum multa eruditè collegit Hieronymus Mercurialis in secundo, & tertio libro artis gymnasticæ, ex quo qui plura desiderat petere ea potest. Nos hoc loco tantùm de Tertia quædam adjicimus, & præcipuè de Saltatione.

Hac, docente Vegetio lib. 1. de re militari cap. 9. Juvenes qui militiæ operam navare debebant, ad saltum præcipuè exercendi erant, quo vel fossæ transiliuntur, vel aliqua altitudo superatur; & cum ejusmodi difficultates evenirent, possent sine labore transire. Saltum autem in gymnasii duplici modo usurpatum inventio: altero quando saltantes vacuis manibus se ipsos in sublime agebant, de quo verba faciens

Aristo-



Aristoteles lib. de gressu Animal. scripsit *arduum, & difficile esse saltu continentem agere motum*, argumentum afferrens equorum illorum, quos pompæ gratia fessores sustinere, nec progredi sinere solent, & qui ita sese moventes cito laxantur, & fatigationem sentiunt: altero quando manibus pondera capiebant, ut illis firmati vehementius saltarent; Aristoteles sect. 5. Probl. 8. ait, *omnes melius saltare, si lapidem, vel halteres manu gestent, quàm si brachio inani jactentur*. Neque solùm manibus ponduscula saltantes habuisse inuenio, immo verò, & graviora pondera, interdum supra caput, nonnunquam supra humeros, aliquando in pedibus gestasse; quemadmodum videri potest in pictura vetustæ tabulæ, in qua saltantes repræsentantur, quam a Ligorio Mercurialis accepit, & ex qua Viri imaginem supraddicta pondera ferentis, retulit Balduinus de calceo antiquo cap. 7. pag. 56. Aliam statuam marmoream exhibuit Samuel Pitiscius in notis ad vitam Caii Cæsaris Calligulæ ex aula Magni Ducis Hetruriæ translata, quæ Juvenem nudum exhibet saltantem, & quatientem pedibus calceamenti genus lignei, quod *Scabillum* Latini dixerunt, & manibus rotundas, & concavas tabellas, *cymbala* appellatas.

Pueros, quorum duos referunt proposita a nobis simulacra, frequentissimè in hujusmodi saltationibus exerceri solitos narrant quamplurimi, inter quos eruditissimus Panvinus de Lud. Circens. lib. 2. cap. 2. aitque talem corporis exercitationem fuisse institutam in Creta a Pyrrò, a quo etiam *Pyrrica* appellata est, ut narrat Strabo lib. 10. Geograph. immò, & mulieres diversimodè saltasse addit Mercurialis, quas postmodum æreis statuâ repræsentasse Callimachum pictorem, ob nimiam diligentiam nuncupatum *Cacizotechnum*, Auctor est Plinius lib. 34. cap. 8. Erant quoque, qui supra utres oleo unctos, & vino plenos pedibus saltarent, inter quos Victores ii censebantur, qui ita se se dexterè gerebant, ut præ lubricitate humi non caderent, atque hi pro victoriæ præmio utrem cum vino ferebant; qui verò in terram prolapsi caderent, non sine magna voluptate spectantes ad risum movebant. Et hic ludus in honorem Bacchi exercebatur, utresque saltibus calcabantur in contemptum Caprarum, quas Vitibus infestas credebant. De his Virg. 2. Georg.

————— *Atque inter pocula læti  
Mollibus in pratis unctos saliere per utres.*

Loca autem, in quibus saltationes peragebantur primò fuere Vici, & Plateæ publicæ, deinde Theatra, a Theatris ad Palestras, sive gymnasia traductæ fuerunt. Id innuit Plutarchus in nono

Symposiac. ubi mentionem cujusdam facit, qui Pyrricham, idest ludum, in quo saltus edebantur, adeo egregiè saltaverat, ut Pueros in palestra gesticulantes excellere visus esset. In conviviis etiam saltationem exerceri solitam fuisse, scripsit in Symposio suo Xenophon, sicuti etiam Plutarchus. Apparet igitur quid Artifex in nostro simulacro pueri manibus pondera ferentis indicare voluerit, idest morem antiquum exercendi pueros in saltibus, sicuti, ut dictum est Fœminas saltitantes Callimachus exprimebat.

Hunc saltandi morem supra utres apertè significat Lucerna antiqua fictilis a Petro Bartolo delineata part. 2. num. 23. in qua imago est Juvenis nudi, utrem mero plenam dorso ferentis, & è cujus dextera tintinnabula annulo alligata dependent, quæ apud Antiquos in Choreis, & Saltibus adhibita fuisse quamplurima monumenta testantur. Idem Bartolus in eadem Tabula fragmentum fictile exponit, in quo fœmina bacchans apparet, tympanum manu gestans, cui tintinnabula adhærent, in gyrum disposita ad sonitum edendum in motu. Aliud etiam Bacchantium Instrumentum in eadem tabula exhibuit ex Musæo Petri Bellori, idest laminam rotundam, e cujus margine septem tintinnabula beneficio mobilium annulorum dependent, quæ oblonga sunt, & conum imitantur; alia verò in fictili fragmento expressa dimidiati globuli figuram habet. Hujus generis plura tintinnabula ex ære in Musæo habemus ejus magnitudinis, quam in ærea tabula incisam numero 6. indicat.

His simile in alio musico instrumento antiquo dependens Mercurialis exhibuit cap. 8. lib. 3. de Arte gymnastica, quod Instrumentum est Circulus, quem *Trochum* appellat, & Ligorius affirmat a se acceptum ex vetustissimo monumento cujusdam Comici poetæ in Via Tiburtina propè Romam. Quibus tintinnabulis exornatum fuisse Tympanum antiquorum scimus *cymbalum* etiam vocatum, & apud Catullum carm. 64.

*Cybeles phrygia ad nemora Deæ*

*Ubi cymbalum sonat; vox ubi tympana reboant.*

Illud *crepitaculum* vocavit Begerus, quod in fistri morem usurpatum asseruit Tom. 3. Theauri Brandeburgici pag. 401. illique rotunditatem essentialem fuisse, nam rotunditatem Universi indicabat, & raucedo sonitus tonitruum raucedinem. Cybeles instrumentum fuit, & etiam Bacchantium, quod manu etiam percutiebatur, a verbo græco *Typto*, idest percutio, tympanum dictum, ob id Ovidius lib. 4. vers. 29.

*Fœmineæ voces impulsaq; tympana palmis.*

Ut plurimum erat ex ligneo circulo, illique super inductum Corium, at Dempsterus ad Rosinum lib. 2. cap. 4. æreum fuisse scripsit, tintinnabula verò addebantur, ut sonus major ederetur. In omnibus antiquitatis monumentis rotunda prostant talia instrumenta, non tamen ut globi, sed disci instar hinc inde plana, quo percusso sonus edebatur.

TINTINNABULUM.

**A**lia insuper tintinnabula Musæum exornant, magnitudine quidem diversa, & forma dissimilia. Sunt enim ferè omnia in modum Coni producta, & in quadratam basim absoluta. Unum inter cœtera conspicuum sub num. 7. expressum, inter antiqua Rudera reperiunt, Musæum obtinuit, quod in gyrum disposita hæc verba græca insculpta demonstrat, quamvis aliquantulum ob rubiginem deleta ita leguntur.

CHOUS ARTEMISEPHISTION AIR MENI  
Terra Diana Ignis Aer manet.

quibus quatuor elementorum perpetuitas significatur. Cur de illis mentio in Tintinnabulo facta fuerit, difficile est divinare. Fortasse subintelligi potuit, Æris agitationem, & sonitum a pulsatione editum statim evanescere, aerem verò sicuti cœtera elementa semper permanere, nec ulla alteratione destrui unquam posse, ut Philosophi docent. Intervisse etiam, hæc in Choreis, & Ludis Baccho sacris ratio suadet. Adeat Lector iuscriptiones Fabretti, qui cap. 6. pag. 429. imaginem profert pueri bacchantis, ternis tintinnabulorum ordinibus præcincti, existentem in Villa de Sacchettis ad Vallem Inferni dictam Romæ; Alia similis extabat inter Faunos Satyros, & Silenum in Sarcophago collocato in Musæo Christianæ Suecorum Reginae.

Potuisse aliis usibus adhiberi, opinari possumus, non equidem omnibus. Multiplices enim erant apud antiquos Ethnicos tintinnabulorum usus, de quibus luculenter egerunt primò Hieronymus Magus Vir pereruditus, dura Turcarum servitute obstructus, & crudeliter occisus; deinde Angelus Roccha Episcopus Tagastensis, & Apostolici Sacrarii Præfectus, demum Abbas Joannes Baptista Pacichellius in lucubratione autumnali de Tintinnabulo Nolano.

Fuerunt autem adhibita in Thermis, ad quas statis horis, vel advocari, vel admitti solebant, qui Balneis utebantur, ut innuit Martialis his carminibus.

*Redde pilam, sonat ad Thermarum, ludere pergis?*

*Virgine, Vis sola lotus abire domum?*

Pro mercatu etiam indicando, & in foro piscario tintinnabula pulsabantur, ut refert Guido Pancirolus, & ex Plutarcho. Hieronymus Mercurialis alique. Item fuisse adhibita in funeribus Ethnicorum docet idem Pancirolus Tomo 2. & alii apud Roccham, eò quòd eorum sono superstitiosè crederent, spectra & Dæmonum ludibria averti, ut indicat Ovidius lib. 5. Fast.

*Rursus aquam tangit, Teme sæ aque concrepat æra*

*Et rogat ut tectis exeat umbra suis.*

Sed ut optimè notat supra laudatus Roccha cap. 3. tam ii, qui ad Thermas, quàm qui ad pisces emendos invitabantur, cum longè distarent, vel in suis domibus, vel per vias Urbis, vel apud Præceptores, ut innuit Cicero in Quest. Tusculanis dicens; simul atque increpuit Thermarum campana, Romani, relictis Philosophis & Præceptoribus, unctum ire solebant; proculdubio non sonitu tintinnabuli, sed majoris campanæ tale signum edendum erat, ut audirent. Quamobrem notum fit tintinnabula a nobis delineata alium usum habuisse.

Et primò quidem mihi suadeo in sacris Ædibus potius ejusmodi parvula tintinnabula fuisse pulsata. Affirmat Apollodorus in libro de Diis Gentium, Hierophantam, hoc est Sacerdotem Proserpinæ, Tintinnabulum in Sacris pulsare consuevisse; item de Syriæ Sacerdote his verbis loquitur. *Sacerdos postquam ad summum Templi pervenit, preces pro unoquoque facit, precando autem pariter, & æreum quoddam tintinnabulum pulsat.* Appensa etiam fortasse fuerunt Triumphantium curribus, quibus cum tintinnabulo flagellum etiam appensum fuisse refert Rosinus lib. 10. cap. 29. quibus indicabatur, triumphantes in eam calamitatem incidere posse, ut & flagris cæderentur, & capite damnerentur; nam qui ob facinus supremò supplicio afficiebantur, tintinnabula gestare solebant, ne quis inter eundem contactu illorum piaculo se obstringeret.

Mos talis indicatus fuit a Plauto in Pseudulo his verbis: *Lanios inde aversam duos cum tintinnabulis. Tintinnabuli verò erant Carnifices tintinnabula ferentes, dum extremo supplicio damnatos ad locum supplicii ducebant.* Verùm quis vetet affirmare ea dependisse a rebus venalibus, vel bestiis illas ferentibus per Urbem, quorum sono qui vellent emere admonerentur, eo pacto, quo Joannes Schefferus de Re vehicularia Veterum lib. 2. cap. 33. dicit molitorum plaustris Argentorati appendi Tintinnabula, ut fru-

frumentum recipiant ad molam farinariam deportandum; nisi malimus credere dorso puerorum alligari, ut etiam nostro ævo vidimus argentea tintinnabula ab iis passim gestari, ut eorum sonitu cum blanditiis nutricum conjuncto exhilarari facilè possent, & vagitus opprimere. Atque hæc de propositis Tintinnabulis delibasse sit satis, quorum duas icones forma diversas retulimus sub num. 8. & 9.

Superiori Simulacro aliud marmoreum addo a num. 10. indicatum. Virum illud exhibet, qui vestibus exutus, brevi tantum amiculo circa fœmora tectus, galea munitus lapides aliquot manu sinistra sustinet, dextra autem unum ex illis arripere videtur ut in hostem jaciatur. Illum militem exprimere ex iis non dubito, quos, ut refert Justus Lipsius in Observat. ad libros Polybii de militia lib. 3. dial. 1. *Ferentarios* dicebant, eò quòd fundis lapidibusque præliaturi ea ferrent, quæ in hostes jacerentur, vel etiam *Rorantes*, quòd id genus hominum, priusquam acies coirent, in modum rorantis tempestatis dimicarent. Hos Festus *Inermes* posuit, & veste sola velatos. Eisdem Romani usi sunt, quos *Baleares*. *Cretenses*, *Numidæ* subministrabant, qui inermes fuere, & sagula habebant solum, vel cingula super fœmora. Talem descripsit, & exposuit Lipsius è monumento veteri, qui sagulo, vel clamydula reducta lapides sinu præfert. Cœterum nudatis pectore, brachiis, cruribus dimicabant, ut expeditiores essent ad laborem. De Balearibus scribens L. Florus lib. 3. cap. 8. hæc habuit. *Baleares populi homines feri ac sylvestres, cum venientem ab alto Romanam Classem prospexissent, prædam portantes, ausi etiam occurrere, & primo impetu ingenti lapidum saxorumque nimbis classem operuere. Tribus quisque fundis præliatur, certos esse quis miretur ictus, cum hæc sola genti arma sint; id unum ab infantia studium.*

S I S T R U M.

**S**istrum crepitaculum est ex arguti metalli lamina, Manubrium habens, quod dum concutitur, virgulæ quædam ex eodem metallo factæ, & per laminæ forulos transjectæ, adunca utrinque cuspide laminam ipsam percutiunt, quæ mox sonorum addit tinnitum. Apud Antiquos non una semper fuit hujus instrumenti figura, sed diversa pro Regionum, Opificum, ac temporum genio. Erant sistra anguliformia, ovalia, virgulis munita variè manubriata, virgularum numero aucta, vel diminuta, pleraque omni symbolo destituta, aliqua eisdem exornata, ut patet in multiplici eorum Iconismo, quæ in Tabella exposuit Eruditus Pater D. Bernardus

Bacchinus Monachus S. Benedicti in dissertatione edita de Sistris, ex antiquaria supellectile collecta. Hinc a veritate aberrant, qui de hac re agunt ita, ut unius formæ immutabilis sistrum fuisse autumant, vel eodem semper ornatu conflatum contendunt. Notat tamen idem Author summam Sistris partem frequentius in Emiciclum, seu ovalem figuram conformatam extitisse, quod etiam docuit Pignorius in aureo de Servis opere; Ea autem pars aliquando insignitur figuris, una scilicet felis humana facie in medio posita, altera Isis in dextro latere, Tertia Nephthys in sinistra; aliquando loco felis extat sphingis figura, vel lothi flos, vel aliud quidpiam. Virgulæ ut plurimum numero sunt quatuor, quarum tres superiores tantum æquali spatio invicem distant, quarta longius ad Manubrium accedit.

Hujusmodi instrumentum frequentissimum fuisse apud Ægyptios in Sacris Isis referunt Historiæ, & præsertim Kircherus in tomo 1. Oedypi pag. 224. ubi describens Isiacæ Sacra ita celebrari ait. *Sacerdotes die ejus Sacris peragendis instituto, civitatis plateas aberrantes vagabantur, summis gemitibus, & ejaculationibus mortem Osiridis in memoriam revocantes plangebant, vestiti longa, eaque linea toga, portabant supra caput statuam Anubis dextra ramum de Absynthio marino, vel pinu, in sinistra Sistrum, instrumentum sonorum, & perstreperum, quo Ægyptii maximè diebus festis utebantur, vel ad Populum in plantu continendum, vel ad genios malignos avertendos. De illo mentionem fecit Ovidius Eleg. 8. Amor.*

— *Quid nunc Ægyptia profunt Sistra?*  
& Martialis lib. 12. Epig. 27.

*Linigeri fugiunt calvi sistrataque turba.*  
Fuit etiam commune aliis Nationibus, Romanis præsertim, ad quos Isis cultus ab Ægyptiis effluxit, sicut deducitur ex Lampridii loco, ubi Commodi sævitiam inter ipsa mysteria exercitam recensens refert, *eum Isiacos pineis usque ad perniciem pectus tundere coegisse.* Quam ob causam Romanum esse sistrum illud, quod repertum in Via Aurelia est in Musæo Illustrissimi Præsulis Leonis Strozze affirmat pag. 20. supralaudatus P. Bacchinus, ob nucem pineam, quam in latere laminæ exculptam habet, asserens pinearum usum in Isiacis nunquam a se repertum apud Ægyptios, quanvis *in eam rem universa Ægypti misteria in Oedypo Kircheriano referata, & Pignorii commentarium, ipsam Isiacam mensam lustraverit, consultis itidem Jamblico, Plutarcho, Luciano, Apulejo, cæterisque, qui ad manus fuere.* At verba Kircherii superius allata illud apertè indicant, cum dixit: *Sacerdotes Isiacos in ejus sacris portabant dextra ramum de*

*Abynthio marino, vel pinu in sinistra sistrum &c.*  
Ex quibus non obscure indicatur, ornamentum nucis pineæ potuisse commune esse tam Sistris Romanis, quam Ægyptiis.

Quid autem indicaretur superiori parte in circularem figuram efformata docuit Plutarchus in libello de Iside, & Osiride, idest *Lunæ calum significari, sub quo omnia ob generationem, ac interitum concutiuntur*: quod rotundum est, & circuli portionem refert, *propterea quatuor Virgulæ sunt mobiles*, illæ enim quatuor Elementa significant, tres quidem superiores Ignem, Aerem, & Aquam, ultima Terram. Quid verò felis imagine, quid Lothi flore, pinea, cœterisque symbolis significetur, fusè tradit Plutarchus in eodem Tractatu, ubi multa accuratè de Felis fœcunditate, multa de Luna, ac ejusdem effectuum convenientia differit. Nos figuram Sistri sub numero 1. Tabulæ LIX. producimus, quod in Musæo asservatur.

#### LANCEA ANTIQUA ÆNEA.

**Æ** Re ut ferro usos Antiquos non uno comprobatur exemplo, nam haud diu in Portu Tiberino dum maceries quosdam diruerent inciderunt in Clavos æneos durissimos, & in Porticu Pantheonis ab Agrippa extructi ingentes ænei clavi Trabes Laquearis obfirmabant. Nihil apud Homerum frequentius, quàm Arma, & Cuspides æneæ. Sic Odiss.

*Accepit autem validam hastam munitam acuto ære*

*Gravem, ingentem, fortem, qua domat Ordines Virorum.*

Et quamvis multi hic pro ferro Æs usurpatum autument, si tamen fides Esiodo danda est, hic asseruit ex ære cusa, cum dixit.

*Iis erant ænea arma, æneæ domus*

*Ære operabantur, cum non dum esset nigrum ferrum.*

Ferrum namque, ut in marmore quodam oxoniensi computatur (referente P. Bernardo de Montefaucon Benedictino Monacho in Diario Italico, inventum fuit an. 186. ante Trojanum bellum, priscisque ideò temporibus æs pro ferro usu venisse oportet. Lancea ænea, quam exhibemus id probat, probantque aliæ in Musæis diversorum servatæ, & plurima ærea armorum fragmenta ex ruderibus Romanarum antiquitatum effossa.

#### LIBER PLUMBEUS.

**T** Hecam plumbeam expressimus in Tabula LX. in formam libri compactam, in qua septem laminæ etiam plumbeæ includuntur, in quarum singulis plures characteres incisi fuerunt verriculo, & quidem non unius idiomatis, sed variarum linguarum; sunt enim aliqui ex græco Alphabeto selecti, aliqui verò ex hæbraico, multi ex antiquo Ethruscorum, varii ex latino. Horum Characterum combinationes verba intelligibilia efformant, quæ nec Græcus, nec hæbraici, neque latini sermonis licet peritissimus intelligere nunquam potuit. Singulis etiam laminis adjecta sunt aliqua symbola, at ex nullo eorum deduci potest, quid Artifex mente conceperit, quod indicaret. Quamobrem in genere Talismanorum enumerandam esse judico, in quibus Antiquorum superstitio id exprimebat, quod erronea mente conceperat, putabatque optimum esse remedium, vel ad mala avertenda, vel ad dæmones fugandos, aut tutissimam viam ad bonorum consecutionem, quæ sibi augurabatur. Fuit hic plumbeus liber repertus in antiquo Sarcophago, in quo cineres demortui fuerant inclusi. Constat autem ex pluribus monumentis; ab Æthnicis præcipuè Ægyptiis non rarè in sepulchris aliqua deposita fuisse, quæ ad placandos Manes, vel ad Dæmones fugandos utilia esse opinabantur. Ex Cornelio Tacito Annal. lib. 2. habemus, cum refert Mortem Germanici veneno interfecti, *Carmina, & devotiones, & nomen Germanici, plumbeis tabulis insculptum, semiusti cineres ac tabe obliti, aliaque maleficia, & animas Numinibus infernis sacrari*. Ubi notat Ludovicus Dorleans in suis novis cogitationibus, Antiquos plumbeis laminis usos esse, ne facilè illa nomina delerentur.

#### NUMISMA ANTIQUUM.

**D** Uo Numismata ænea in eadem Tabula indico num. 2. & 3. quæ in antica parte Jani bifrontis imaginem præferunt, in averfa verò Rostrum Navis, sub quo legitur ROMA. Ejusmodi Numismata putarunt aliqui fuisse pondera antiqua Romanorum, cum valdè gibbosa sint, & ponderosa; alii verò cum Erizzo primæ monetæ signa, quam Romani effecerunt, postquam, absoluto bello Carthaginensi, Janum Regem Latini salutarunt. Hoc innuit Ovidius Fast. lib. 1.

*At bona Posteritas puppim formavit in Ære  
Hospitis adventum testificata Dei.*

Fuit enim habitus antiquissimus Italiæ Deus, a quo

quo rerum omnium factum putabant initium . Illum duplici facie exprimebant ob ejus singularem prudentiam , quæ , ut Tullius ait lib. de Senectute , *Sita est in præteritorum memoria , & providentia futurorum* ; idcirco Vir prudens debet habere quasi duplicem cultum , ut perspetis quæ a tergo , & futura sunt , pro innata sagacitate mentis , & maturitate consilii rerum causas , & principia videat ; earum progressus , & tanquam antecessiones percipiat , componat similitudines , consequentia cernat , futura percipiat , & subtili comprehensione præteritis futura connectat .

C A L I G A .

**E**Um duplicem Antiquorum Caligam sub lucernæ specie n.30. & 33. Musæum exhibuerit , hoc est soleam sine obstragulo pedi habenis alligatam , alteram quidem simplicem , alteram verò multis minutisque clavis inferna suffixam ; non injucundum erit si aliqua hic proferam , quæ circa caligam notatu digna inter legendum selegi . Atque in primis ex Smaragdo , originem ejus nominis præmitto , qui in Regulam 15. S. Benedicti affirmat caligam dictam , vel a collo pedum , vel quia ligatur : cum enim simplici solea constet pedi supposita , illi debet alligari , ut pes , cum gradiendo movetur eandem sustineat .

Eam ab Adamo primo omnium parente excogitatam fuisse putavit Balduinus in cap. prim. eruditi libelli , quem de calceo composuit ; cum enim contra illum Deus verba dixerit . *Maledicta Terra spinas , & tribulos germinabit tibi* , ne teneras pedum plantas spinis , & tribulis misere vulnerari pateretur , credibile est illum soleas , e cætorum animalium pellibus pedibus aptasse , sicut per tunicam pelliceam Adami nuditati voluit Deus esse consultum . Hæc verò pellicea caleorum materia pro vario gentium ritu , & varia personarum conditione varia deinde etiam fuit , nam calcei alii fuerunt papyracei , alii spartei , seu juncei , alii lintei , alii ferici , alii lignei , alii ferrei , ærei , argentei , ac etiam aurei . Singulos recensuit idem Balduinus , atque omnia , quæ scripsit suis authoribus confirmavit .

Verum ut in dies variæ fiunt rebus inventis accessiones , ita paulatim factum est , ut tandem caligæ , quæ olim imis tantum pedum plantis adversus itineris offendicula muniendis serviebant , integumenta receperint , quæ si talum excipias totos pedes operirent , ac demum suis auctæ pedum integumentis pedem undequaque circumvestirent . Hinc multiplex ex varia earum forma ac nomina apud Scriptores , tum

Veteres , tum Recentiores , ut non vulgari studio eorum significationes omnino percipere valeamus , quamvis in omnibus pedum tegumenta referantur . Quanta enim Scriptores in suis paginis retulerunt , ut explicarent Caligam , Crepidas , Sandalia , Cothurnos , Soccas , Perones , Campagos , seu Gambagos , Tzangas , Scythicos , Iphicratides , Anaxirides , Embades , Embatas , Pedilas , Dipodia , Plyntra , Antepodia , cæteraque hujusmodi calceamentorum genera , quibus diversas appellationes obtigerunt cum a Gentibus , & Urbibus , apud quas easdem primum inventa sunt , tum etiam a personis , quibus illa familiaria fuerunt , quæ quidem inter se similia non fuisse credendum est , sed singula a singulis peculiari quodam discrimine distincta , prout varia fuit Inventorum , atque utentium libido , sicut nunc videmus apud Italos , Gallos , Hispanos aliosque calceos esse valdè inter se diversos . Verum nostrum non est ea omnia recensere , sed aliqua tantum indicare circa veterum Caligam , quæ notatu digna Lucernæ delineatæ exhibuere .

Atque in primis illud recensendum , quod Julius Nigronius asseruit , tract. de Caliga c. 3. idest Caligam fuisse prima sui institutione calceamentum militare , sed postea usurpatum , etiam ab Urbanis , Viatoribus , Rusticis , Apostolis , Religiosis , & mulieribus . Sic Cajum Cæsarem denominatum Caligulam scimus ex Aufonio a Castrensi Caliga militari joco . Sic L. Seneca de brev. vitæ cap. 17. *Marius* , inquit , *Caligas dimisit , consulatum exercet* , hoc est dimissa militia ad consulatum pervenit , & idem lib. 5. de benef. cap. 16. *Ingratus C. Marcius ad Consulatum a Caliga perductus* , idest ab infimo militiæ ordine ad summam dignitatem . Hinc Militia caligata dicitur , apud Tertullianum lib. de Idol. cap. 19.

Secundò notandum est , quod altera lucerna indicat , soleam habens spissis clavis munitum ; Peculiare enim fuit Caligarum militarium , ut hos clavos frequentes haberent , & quidem solum versus acutos , quod Plinius indicavit lib. 9. cap. 18. cum scripsit de aliquibus piscibus , *Squamis sunt conspicui crebris , atque peracutis clavorum caligarum effigie* . Eos habebant milites ea potissimum de causa , ut in ipso congressu firmiter consisterent ; & minus essent ad fugam idonei : sed cum inter milites alii aliis essent ornatiores , dubium non est , quin , ut in cætero habitu , ita , & in Caligis aliquod esset discrimen , quo qui priorum erant classium , quique in militia gradum aliquem tenebant ab Inferioribus distinguerentur , & id sanè in clavis erat positum , qui caligæ suffixi caligares dicebantur , horum autem alii erant ferrei , alii argentei ,

tei, alii denique aurei, quod non obscure Justinus innuit lib. 46. dum Antiochi Regis luxum in ipso etiam bello ita describit. *Argenti certè aurique tantum ut etiam gregarii milites caligas auro suffigerent, proculcarentque materiam, cujus amore populi ferro dimicant.*

Calceatas Soleas etiam adhibitas fuisse ab antiquis Monachis legitur apud Menardum in concordia Regularum S. Benedicti cap. 62. & in notis P. Mabilonii tom. 2. Actorum, cum dicitur *S. Equitius Abbas primus Generalis post obitum S. Benedicti accersitus fuisse Romam a Summo Pontifice, sine cujus licentia verbum Dei prædicabat, & vocatus dum fœnum secabat venisse Vir Dei clavatis calceatus caligis, falcem fœnariam in Collo deferens.*

Utriusque generis Caligam exhibuit Nigronius, in super, & Caligam triplici modo compactam sine clavis, omnes acceptas ex columna marmorea Trajano Imperatori Romæ erecta, in qua bellum Dacicum feliciter gestum exculptum cernitur, & ex Arcu Constantino extracto in Foro Boario. Nos plures exponemus delineatas, quæ in Musæo ad studiosorum eruditionem conservantur, ex variis antiquissimis statuis mutuatas, & quamvis in omnibus solea videatur, quæ pedis plantam munit, sine obstragulis, quæ superiorem partem tegantur, habenis tamen constringitur supernis sæpius circumductis, quæ supra talos Tibiam circumvolunt, Aliquæ elegantiores decussatas supra pedes corrigias, atque inter priores digitos ductas habent, aliquæ circumvolutas varias supra pedem tantum, non inter digitos habenas, aliquæ reticulatas demonstrant, aliquæ decussatim instar crucis ostendunt. De his omnibus eruditè Authores egerunt, inter quos præsertim Turnebus, Lipsius, Balduinus, Ferrarius, Binæus, & alii complures. Ea ferè omnia in Tab. LXI. & sequentibus indicata patebunt. Quæ ex nummis, & veterum statuis accepimus, atque etiam aliquarum Caligarum, & Calceorum Icones addemus, qui ex variis Terrarum plagis, ubi adhibentur, ad Musæum missi sunt, & spectatorum oculos non parum oblectant exque sunt.

1. Caliga militis ex Columa Antonini delineata.
2. Caliga in Arcu Constantini exculpta.
3. Caliga Apollinis Pythi in hortis Vaticanis.
4. Caliga ex Columna Antonini.
5. Caliga diversa in pede Apollinis Pythi.
6. Caliga ex Columna Antonini.
7. Caliga in Simulacro Dircis in Ædibus Farnesiorum.
8. Ex Columna Antonini.
9. Caliga pedis antiqui ex marmore Alaba-

strite, quod vulgò dicitur *Fiorito* in Musæo Illustrissimi Præfulis Leonis Srozzæ.

10. Ex pede marmoreo Meleagri existentis in Villa Excell. Ducis Strozzæ.

11. Ex pede marmoreo in nostro Musæo collocato.

12. Ex pede marmoreo pueri antiquo in eodem Musæo.

13. Caliga cum Solea clavata ex arcu Constantini.

14. Ex pede antiquo nostri Musæi.

15. Campagus pedis antiqui in Musæo Illustrissimi Præfulis Strozzæ.

16. Eiusdem latus.

17. Ex statua antiqua mulieris apud Ferrarium, & Binæum.

18. Caliga Fratrum Minorum S. Francisci qui dicuntur Capuccini, & vocatur Apostolica.

19. Soccus ligneus proprius Fratrum Gallorum, qui dicuntur Tertii Ordinis S. Francisci Reformati.

20. Caliga ex corio adhibita a Fratribus S. Augustini discalceatis.

21. Caliga antiqua ex Balduino pag. 100.

22. Calceus ex sparto ab antiquis hispanis adhibitus ex Bald. pag. 22.

23. Calceus ex Canabe a Religiosis discalceatis hispanis adhibitus, qui dicuntur Sanctissimæ Trinitatis.

24. Alius ex canabe, quo utuntur Moniales Carmelitæ, quæ dicuntur discalceatæ.

25. Calceus ex canabe apud Hispanos frequens.

26. Calceus ex corio qua Romæ, utuntur Moniales S. Teresæ.

27. Calceus coriaceus a Fratribus Carmelitanis discalceatis adhibitus.

28. Nartha qua supra glaciem olandi utuntur dicta *Schaatsen*.

29. Solea lignea qua supra aquas frigore constrictas Ludibundi erant in partibus Septentrionalibus.

30. Calceus Sinensis ex serico, sub quo solea funiculis inter se constrictis constat.

31. Soccus ligneus Malabaricus. Illo utuntur Missionarii præcipuè ambulantes per arenas fervido sole incalescentes: discalceati pedes inter primos digitos inserunt bacillum in anteriori parte eminentem, ut foccum sustineant, non sine dolore, usque dum callum inter digitos obdurescat.

32. Soleæ lignæ a veteribus Germanis adhibitæ apud Balduinum pag. 34.

43. Calceus uncipes, seu Uncinatus, & in altum reflexus apud eundem pag. 67.

34. Socci apud antiquas Venetorum mulieres ex Titiano, & Bald. pag. 119. & 149.

36. Calcei lignei apud Gallos præfertim rufficos frequens dictu *Sabò*.

37. Calceus Turcicus, & a Polonis etiam adhibitus.

38. Caliga in imagine Redemptoris, in opere musivo expressa, quod construxit S. Exuperantius Episcopus in templo S. Agathæ majoris Ravennæ anno circiter 400. ab Illustrissimo Ciampino relatum cap. 20. de vet. monin.

39. Caliga qua ornantur pedes imaginum Jesu Christi, & Apostolorum in musivo expressorum, quo antiquum templum S. Andreae in Barbara appellatum decoravit Simplicius Papa anno 643. apud Ciampinum cap. 27. Vet. monin.

40. Caliga ex simulacro marmoreo antiquo Protoscriniarii in Ædibus Marchionis Camilli de Maximis Romæ.

41. Ultimo loco Calceos ponimus, quibus mulieres nobiles in Regno Sinarum utuntur. Eorum magnitudo illa est, quam imago delineata ad amussim sub num. 41. repræsentat: si parvitatem spectes, incredibilem eorum usum judicabis, at omnium Scriptorum relationibus certum est Sinenses mulieres, non quidem rufficas, sed nobiles pulchritudinem tum ex pusilla statura, tum ex pedum parvitate estimare, adeoque quod nobis indecorum monstruosumque videri possit id illæ inter pulchritudinis argumenta reponant; unde vel a prima ætate vix natæ pedes fasciarum



involucris, adeò arcte constringunt, usque dum vivunt, ut sine gravi doloris sensu incedere vix queant talibus tormentis detentæ; si ratlo hujus rei ab ipsis petatur, referentibus P. Martino Martini in decade prima Sinicæ historiæ lib. 3. & P. Athanasio Kirchero in China illustrata cap. 9. aliud respondere nesciunt, nisi quod hanc consuetudinem ad se jam a bis mille, & octingentis annis derivatam servant, exemplo Tachia conjugis Imperatoris Chei, qui ante octingentos supra bis mille annos Imperium Sinicum moderabatur, quamque ad raram, & incredibilem pulchritudinem inter Deas relatum ineptè putant, eaque de causa Venerem Sinicam æstimare consueverunt, & hujus quidem venustatem non aliunde, quam ex arcta pedum colligatione, & eorum parvitate ortam fingunt. Alii verò dicunt, hanc pedum coarctationem ex lege Sapientum institutam fuisse, ut Fœminæ non per publica loca vagari, sed domi sedere discant, si non voluntarie, saltem pedum beneficio impeditæ: unde non nisi rarò illis exeundi domo potestas conceditur, quam, si quandoque ex necessitate obtineant, extractis sedilibus includuntur, ut ne rima quidem ad se manifestandas relinquatur. Constant ejusmodi Calcei ex serico, floribus, & foliis acu pictis exornato. Solea etiam cum calcaneo ex serico pedi subjicitur in eam formam, quæ num. 42. delineata vero calceo omninò respondet.









III








3


4



5











Tab. LIII





























1841

1842

1843

1844

1845



Semicongius

SEXTARIVS  
SEXTA PARS CONGII

Semicongius










Lacus subiectum modii

Sextarius Romanus antiquus  
Lacus subiectum Congii  
Lacus subiectum Sextarii

Lacus subiectum Sextarii  
Lacus subiectum Congii


Sextarius Romanus antiquus  
Lacus subiectum Congii  
Lacus subiectum Sextarii

















YAN AARVI  
 NNWMAINA  
 PAION LIYΘ  
 MIX EYΦE

VXEA ΣΜΘ  
 ΠΙΤΤΑΜΥΡΙ  
 ΛΥΑΡΥΗΥΜΙ  
 ΡΜΒΙΦΗΛ





1

2

7

3

8







4


5

6













Tab. LXIII


17

16


196




19




20



21




24



22




23






25




26




28




27




30




29











31



32









# CLASSIS SEXTA

*Continens Lapides, Fossilia, aliasque glebas,  
à Natura effigie aliqua donatas.*



Aliqua sunt in Musæo, e quorum visu æquè admiratione capiatur ingenium humanum, ac philosophandi cupidine, lapidosa quidem sunt rerum viventium simulacra, e variis Terrarum partibus in eo

congesta. Antequam illorum brevem descriptionem aggrediamur, celebrem disceptationem circa ipsa placet indicare, quæ tum antiquorum, tum recentiorum Philosophorum ingenia non parum defatigavit. Quæritur enim An illa aliquando vixerint, puta Ligna, Pisces, Cochleas, Tubera, atque his similia vi fucci lapidescentis in saxa commutata; An potius sint rudimenta Naturæ in humo ipsa fabrefacta, vera viventia gignere condiscantis. Succum lapidescentem, & vim lapidificam inesse, non tantùm aquis permixtam, sed etiam in terra latentem docuit inter multos Georgius Agricola lib. de Natura Fossilium. Patet eruditè in multis fontibus, ac fluviis radices, stipites, ramos cortices, fructus, flores, & folia iis immixta mutari in lapides, sicut sub terra multa similia effodiuntur. At discrimen intercedere inter hæc, & alia, quæ sub terra mutantur in lapides scite notat idè Agricola, nam omne id genus lapides præduri esse solent, at lapides, qui è solo succo aqueo lapidescente cõcreverunt, plerumq; sunt molles, & fragiles, quod argumento esse potest, dari aliam vim lapidificam præter illum succum, quæ duros efficiat lapides, ut docuit Albertus Magnus lib. de ortu, & causis subterraneorum; vim scilicet metallicam formantem lapides in materie ad id aptata, emanantem a siderum occulta vi, sive aliunde, non secus ac in generatione metallorum concrevit humor ad ipsa idoneus. Ea igitur vi in lapidem mutari posse quidquid in terra est, & sicuti in mari Natura plures terrenas formas effecit, sic in terra plures marinos fœtus, ut sunt omnia ex genere ostreaceo, ruditer repræsentavit; quamobrem in altis montium Visceribus plura ex iis effodi docet experientia.

Cesalpinus hac de re scribens lib. 1. cap. 2. in re metallica, hæc habuit. Cum in Fodinis

metallorum, sive marmorum aliorumque saxorum, nunquam corpus vivens reperitur, & si aliquando in eorum cæsura ostrearum testæ, aut cætera conchyliæ reperta sint, hæc recedente mari, & lapidescente solo, inibi derelicta in lapides concreverunt; Ubique enim, ubi nunc est arida, aliquando adfuisse mare testatur Aristoteles. Hoc enim modo censere, magis consonum rationi est, quàm putare vim animale intra lapides gignere rudimenta Animalium, ac Plantarum, ut aliqui affirmant. Sed majori admiratione dignum est quo pacto, hæc fuerint illuc delata, si viva aliquando fuerint. Sibi quamplurimi suaserunt hujusmodi lapides jactatos fuisse èo tempore, quo Aquarum colluvie universale diluvium montes superavit. At opinionem hanc improbavit Fracastorius, tum quia aquæ, quæ montes superarunt, non fuerint Maris, sed inundationes è Cœlo, tum quòd oporteret videri Conchas, & alia ejas generis in verticibus, non in visceribus montium.

In aliam sententiam abjerunt alii dicentes, esse in montibus humorem quemdam, & *Alcali* falsum, ut vocant, & varium, quo sæpè vera animalia maritima generantur, ut Balani, & Dactyli, qui in mediis saxis nascuntur, & perficiuntur; adeoque non vera animalia fieri, sed quæ vera imitantur, quæque lapidescunt ob loci frigiditatem. Hanc etiam sententiam eidem Fracastorio non placuisse refert Torellus Sarayna apud Calceolarium pag. 408. quoniam, ait ille, hæc aut unquam vixere, aut non. Si vixerunt, non jam jocatur Natura, sed verum animal facit, quale in mari gignitur, & aliquando oporteret illa animalia erui è mōtib; viventia, sicut, & Balani: si verò nunquam vixerunt, & solum ea animalia imitantur, experientiæ repugnat; eruuntur enim Conchæ non paucæ, quarum pars in lapidem concrevit, pars veræ conchæ rationem habet.

Existimavit igitur suprascriptus Sarayna, hæc olim vera animantia fuisse illuc a mari jactata, & in mari enata, affirmans montes omnes factos ex arena maris, & fuisse olim mare, ubi nunc montes extant; eosq; detectos cum mare recessit, quod sæpè videtur fieri in multis locis, in quibus mare longè abest a locis ubi olim fuerat.

Improbatur tamen ejus sententia, cum montes ante diluvium extiterint, & concharum testæ, seu lapides, conchas, & pisces, referentes detegantur in locis, quæ nunquam sub marinis undis latuerunt.

De Glossopetris majoribus nec dum decisiva est, sint ne dentes Canis Carcariæ, an lapides a terra producti, scilicet corpora similia partibus Animalium, quæ è terra eruuntur. Ita loquitur accuratissimus Stenonius relatus a Gerardo Blasio in anatome Animalium pag. 263. Animalium istis in locis olim degentium spolia esse voluerunt nonnulli, alii sine Animalium concursu ibidem producta credunt, deinde hæc addit. Ex hæctenus observatis illa argumenta producam, quibus ea corpora animalibus adscribuntur, semper verum judicium a meliora doctis expectans. Tandem positis diversis observationibus, conjecturas varias deducit, ut credat corpora illa non fuisse producta a terra, unde eruuntur, sed terram illam aquis olim testam fuisse, unde postea relicta fuerint ostrea, & similia, his verbis concludens: Dum meam opinionem verosimilem ostendo, contrariæ sententiæ patronos falli non arguo. Pluribus modis idem Phænomenon explicari poterit, imò eundem finem diversis mediis in suis operationibus assequitur Natura. Imprudentis itaque esset unum ex omnibus modum solum pro vero agnoscere, reliquos omnes ut erroneos damnare. Multi, & magni Viri sunt, qui eadem corpora sine animalium concursu producta credunt, namque ut publico notos taceam, Mercatus Miniatensis eandem sententiam tuetur, quod etiam agit in suis Scenis hetruscis Antonius Nardi, quem librum manuscriptum possidebat Clariss. Franciscus Redi Serenissimi Magni Hetruviæ Ducis Archiater, Habent & hi suas rationes, quæ tantò minus rejiciendæ sunt, quantò major numerus est admirandarum Naturæ operationum, quæ in singulos dies novum nobis incutiunt stuporem. Ut ad propositum redeam, Glossopetras majores esse Canis Carcariæ dentes figura illarum suadet, cum plana planis, latera lateribus, basis basi, quamssimilima sint. Si credimus historicis; è medio mari novæ subsilvere insulæ, & quis Melitæ prima in cunnabula novit? Forsitan mari olim supposita ea terra canum marinorum latibulum fuit, quorum dentes cænofo fundo olim insepulti, mutato fundi situ, per subterraneorum halituum præceps incendium modò in media insula reperiuntur. Nec frequens Glossopetrarum numerus, quæ ex illa Insula afferuntur difficultatem parit. In eodem pisce ducenti dentes, & amplius numerantur, quibus in dies novi alii succrescunt.

Sed quidquid sit de hujus generis lapidibus, de quibus eruditissimum tractatum, typis edidit Augustinus Scylla, negari a nullo potest multos lapides inveniri, quorum aliquos succus lapidificus effecit: sive plura fuisse vegetabilia, & sensitiva Animalia, quæ in lapidem conversa miramur, pluresque etiam lapides, in effigiem multorum vegetabilium a Natura efformatos. Ex utraque classe copiosam segetem Musæum servat, quibus rerum naturalium Perscrutatores mirè oblectantur. Eorum perbreve catalogum subjiciam, & primò.

#### E B U R F O S S I L E .

**P**Artem cornu numerat, quod Ebur fossile a Clusio, a quibusdam Dens Elefantis petretactus nominatur. Duos palmos æquat in longitudine, & palmum in diametro habet. Denti elephantino omnino simile in Apulia detectum fuit ab aquarum eluvione anno 1698. & palmos duodecim sua longitudine superabat.

Reperiri hujusmodi dentes non solum in Italia, sed in variis Germaniæ locis, idest propè Elbingendam Silvæ Herciniæ, propè Neichelbergam, Hildeshemium in Moravia, Silesia, & Saxonia refert Vormius. Ejusmodi cornu fossilis meminit Calceolarius pag. 473: aitque illud accurate descriptum fuisse ab Imperato Pharmacopæo celeberrimi nominis. Imperatus autem lib. 15. pag. 603. ita illud describit.

*L'Unicorno fossile è pietra tenera, simile all'osso brugiato, rimosa secondo li versi, e fratture, che sogliono patire le ossa, anzi si divide in cruste ritonde. de quali l'una abbraccia l'altra, simile a lastre d'Avorio, onde alcuni gli danno nome di Avorio fossile, mà l'avorio fossile habbiam visto essere nel numero di Gemme, sotto numero di Cameo.*

Igitur ex hujus aliorumque Auctorum documentis inferendum est, Ebur fossile nunquam fuisse dentem Elefantis, sed talem dici propter quandam similitudinem, quam cum illo habet. Docet insuper experientia, ut plurimum hujusmodi Ebur inveniri, in quo pars inferior, sive basis, non est vacua, ut est in dentibus Elefantis, sed ubique densa. Quo autem modo illud generetur conatus est exprimere Anselmus Boetius a Boet. his verbis. *Materiam proximam generationis horum cornuum, Margam, vel marga speciem esse existimos; que dum lapidescente, & subterranea aqua fluente irrigatur, solvitur, & lactis instar fluit per terræ cavitates, in quibus si a terra adstante aqua serosior pars absorbetur, aut imbibitur, vel præterfluit, tum crassior pars cavitates implendo sistitur, & absumptio omni humore coalescit, lapidif-*



pidisque formam, & cornu præfert, aut *Marga tantum*, si secus exiguam vim lapidificam habuerit. Hæc causa est quod interdum ejusmodi frustra crassa, interdum exigua, & tenuia conspiciantur. Docet tamen idem Anselmus, quod si lacteus humor non in cavitatem terræ, sed in lignum aliquod jam vetustate arefactum incidat, illiusque corpus jam leve, & porosum subeat, & exhalata aquæ tenuiore portione crassior remaneat, lignum transmutat, ejusque partes sibi assimilant; ita tamen ut species ligni nosci possit. Quod ligno contingit, id etiam cornibus cervinis, dentique elephantis, aliisque Quadrupedum partibus, si in hujusmodi, loca decidant contingere potest.

Non defuerunt qui cornua hujusmodi aliqua ejus generis ossa, & ligna, quæ sub terra petrefacta inveniuntur, existimaverint reliquias esse Animalium, ab universali diluvio dispersas, quam sententiam nullam probabilitatem habere Vormius asseruit.

At dum hæc scriberem allata sunt Romam a Rusticis quibusdam quamplurima ingentium ossium, ac dentium fragmenta, quorum aliqua in lapideam substantiam abierunt, aliqua decocto lapidi simillima erant. Dubitarunt nonnulli an vera ossa Animalium puta gigantum extiterint, aut potius a ludente Natura efformata illa fuerint. Sed omnis dubitatio dempta est, cum ad me aliqua eorum partes delatae sunt, & quidem integræ, scilicet inferiores maxillæ dentibus molaribus munitæ, de quibus dubitari nullo modo potest, illas reliquias esse alicujus elephantini cadaveris, quod in Universali aquarum eluvione eo in loco, relictum fuisse aliqui sunt arbitrati. Eorum tamen sententiam, etsi tanquam omnino falsam non improbaverim, pro certo potius mihi suasi eas fuisse Elephantis, tempore Antonini Pii ex Affrica in Italiam aducti. Narrat enim Julius Capitolinus in Vita Antonini edita, *ab illo munera, in quibus Elephantes, & Crocutas, & Tigrides, & Rhinocerotas, & Crocodilos etiam, atque Hippopotamos, & omnia ex toto Orbe Terrarum, cum Tigridibus exhibuit. Centum etiam Leones una missione edidisse.*

Si autem quæras cur potius ad Antonini ætatem, quàm ad aliam illa refertam, non levis est ratio. Hæc enim ossa in agro effossa sunt propè Castrum, quod nunc *Guidi* vulgò dicitur, in Via Aurelia, duodecim mille passuum ab Urbe Romana distans, ubi olim *Villa Lanuvina*, seu *Villa Lauri* erat, in qua Villa, referente Julio Capitolino, ipse Antoninus Pius natus est, sub Domitiano XII. & Cornelio Dolabella Coss. & in *Lauro* educatus, ubi postea Palatium extruxit, cujus hodie reliquiæ manent. Cum autem,

eodem Capitolino narrante, Antoninus in Agris frequentissimè vixerit, ubi *piscando, & venando multum se oblectavit*, atque, ut diximus Elephantas, cœteraque ex toto Orbe Terrarum Animalia in publicis spectaculis exhibuisset, non absque ratione dixerim, aliquos ex iis in Villa eadem aluisse, ut venando oblectaretur, ibiq; eorum ossa sub terra diu latuisse, unde nunc effossa in Urbem delata sunt, ad ornatum nostri Musæi, & ingeniorum exercitationem.

His maxillis addidimus aliquos dentes in loco eodem effossos longo temporis intervallo in lapideam substantiam conversos adeò duram, ut ferè calcedonii lapidis duritiem æquet, & Calybeam aciem retundat. Dentes etiam majores visuntur, quos cornua Elephantis vocarunt aliqui Auctores, nec potest dubitari fuisse hujus Animalis, ratione substantiæ, & figuræ, cavitatem insuper habent in parte inferiori in conum productam.

RES IN LAPIDEM CONVERSÆ.

UT ut hæc sint, negandum non est, ut diximus, multa inveniri petrefacta beneficio humoris aquei, quæ antea vera ossa, arbores, radices, flores, & fructus extiterint. Notum enim est pluribus in locis fontes existere, quorum aquæ vim lapidificam obtinuerunt, in quibus quidquid immergitur, penetrante humore illo, indurescit ut lapis. Celeberrimus fons ille est, quem refert Georgius Agricola lib. 2. celeberrimi sunt illi quos Aldrovandus numerat.

Imò vestes, & calceamenta illata in lapidicinâ, quæ est in Affo Troadis, lapides fieri Mutianus retulit. Notat tamen diligenter Agricola lib. 2. de nat. Fossil. cum Natura lapides arborum similes procreat, diligenter videndum est, an corticem, & medullam aliaque habeant, quæ si absunt, non stipites in lapides conversi sunt, sed natura fecit lapides stirpium simillimos.

Ex utroque horum genere multa congesta sunt in Musæo; ultra Ebur fossile, quod indicavimus. Numerantur enim alia Eboris fossilis fragmenta, non tamen in figuram dentis efformata, sed aliqua magis dura, aliqua porosa, & cornu cervi referentia: Numerantur etiam variorum succi lapidei concreti species. Eiusmodi sunt lapides, quos vulgus *Tartaros* vocat, facti sub aqua, multis tuberculis referti ad instar fecis vini. Alii veluti ubera demonstrant, quæ aqua formavit, cum guttatim stillans in rotundam figuram paulatim effluens conglaciata remansit. Item è tubo plumbeo piriformam referente fontis aquæ felicitis, ejus figuræ lapis, & succo concreto visitur, in cujus centro ejusdem

figuræ canaliculus patet. Item plures ex aquis stillantibus, diversæque formæ fragmenta.

Præter hæc caput hominis videtur cum integro ejus thorace junctum, sed in lapideam substantiam converso, & crusta lapidea undique obducto, quo probatur vera esse, quæ narrat Aldrovandus in Musæo Metallico cap. 63. de variis cadaveribus in lapidem conversis; Est illud visentibus non minori oblectamento, quo Romæ in Villa Ludovisiana aliud simile conspicitur, tanquam rerum Naturæ portentum. Nostrium fuit repertum in Coemeterio juxta Romæ, mœnia, quod dicitur Priscillæ sub Via Salaria situm, & Musæo donatum ab humanissimo D. Marco Boldetto Sacrarum Cryptarum Præfecto, & Sacra rerum antiquarum eruditione admodum exulto.

Sunt etiam lapides, quos natura ita procreavit, ut aliquam animalis partem demonstrarent; Est lapis quem Aldrovandus Chiritem nominat a figura manus humanæ quam imitatur, sed articulos non observat in digitis.

Oculos fallunt coriandri semina lapidea veluti saccaro condita tam affabre, ut dentes, & appetitum puerorum valeant decipere. Ad Stalactitis speciem retulit Vormius pag. 52. hujusmodi semina, quorum multa diversæ magnitudinis, & in varias figuras aded bene conformata inveniuntur, ut semina fructuum, aromata, & amygdala saccaro incrustata omninò referant. Propterea ab Italis vocantur *Confetti di Tivoli*. Reperiuntur enim propè Tibur, ubi aqua decurrit, quam Albula dicunt. Eorum substantia non valdè dura est, sed friabilis, & candidissima.

Gleba est ex guttis aquarum rotundis coagmentata, & in lapidem induratis, coloris albi ad fuscum inclinantis. In Thermis Carolinis hujusmodi speciem formari refert Vormius, ideoque vocari vulgò *Pisa Carolina*, sed *Stalacmitem* a Latinis, massam ovorum piscium majorum exprimit.

Echini marini saxei valdè vivis persimiles, papillis undique exornati, quibus spinas, seu aculeos conjunctos fuisse dubitari non potest. In littore Calabriae, quod Fretum Messanenfe alluit, reperti fuerunt, lapidea substantia repleti ut saxa potius videantur ad speciem Echinorum a Natura conformata. Alios in Insula Melitenfi effossos servat Musæum diversæ formæ, sed elegantissima omnium partium dispositione conformatos; eorum testa spinis spoliata cernitur: at in aliis glebis spinæ apparent dispersæ, quales in adjecta Tab. LXV. sub nu. 1. exhibuimus considerandas.

Cornu vulgò dictum Ammonis, sub n. 2. quod inter Gemmas recensuit Plinius. Est illud veluti

cornu arietis in se revolutum, & pluribus spinis circumflexum. Agricola lib. 5. de Natura Fossilium hæc habet. *Similiter Cornu Ammonis, & alii lapides armantur, sed eorum arma ex auro vel orichalco polito plerumque videntur esse facta.* Illud Ethiopes falsò credunt divina somnia repræsentare. Ejus italicam descriptionem invenies in Musæo Imperati lib. 24. cap. 26. Vormius autem pag. 91. ita scripsit. *Cornu Ammonis, instar cornu bovini est involutum, rugis per transversum ornatum; quoddam cristam habet per longitudinem excrescentem, instar funis. Illa quæ parum torquentur cornua dicuntur, quæ verò gyrantur, & contorquentur in spiram serpentes assimilant. Ortum trahunt a terra viscosa, & lapidis calcarii sunt consistencia. Quædam colorem habent subrusum, quædam cinereum, & si eorum minora in Marchasitam inciderit, vestiantur tunica metallica, quam armaturam vocant.*

Glossopatæ a n. 3. indicatæ quamplurimè diversæ magnitudinis ita dictæ quasi linguæ lapideæ, & quod linguam Pici Avis figura referant, linguam serpentis exprimere illas aliqui putant, nihilque aliud esse nisi linguas serpentum in lapidem conversas, sed error hic facile refelli notat Vormius ab iis, qui linguas serpentum teretes, & bifidas esse norunt. Lapis est ut plurimum triangularis basi crassiori scabra, toto alioquin corpore levi, & quasi corneo, minutis sæpe quibusdam denticulis ad latera crenato, colore quandoque cæsis nigricante, quandoque luteo albicante, longitudine diversa. Aliquæ sunt in Musæo, quæ uncias quinque æquant, aliæ minores sunt. Ut plurimum dentes canis carchariæ piscis referunt, quos in lapides conversos putant multi, inter quos Augustinus scilla in suo tractatu de corporis petrefactis, ut alibi explicuimus. Eruditissimus Vormius cap. 10. sui Musæi arbitratur dentes hujusmodi duorum generum reperiri. Alterum est quod dentes Lamia petrificatos continet, & illos exactè repræsentat; Alterum quod figura, & colore aliquantulum discrepat, & in mediterraneis reperitur, præsertim in Insula Melita, in Germaniæ fodinis aluminosis, propè Luneburgum etiam generantur. De virtute earum lapidum multa scripsit ipse Vormius, & Thomas Bartholinus, & ante illos Gesnerus.

Lapidosorum Lignorum, & Plantarum frustra Musæum intuentibus profert, quæ verè dixeris ex succo lapidescente concreta, vel donata corticibus, vel eorundem expertia. Docuit Fallopius herbas illas non posse succum illum lapidescentem pro alimento attrahere, quin simul aquam attrahant, idcirco in aqua non lapidescere, quoniam ea est impedimento, sed extractas,

etas, & exsiccatas lapidescere; alii tamen contraria narrant, cum referunt multa lapidescere in aquam immersa, in qua vis illa insit lapidifica. Varia, quæ in Musæo cernuntur, puta truncos folia arborum diversa, filicum ramos, calamos, paleas, herbarum furculos &c. ex ripis collecta fuere, quas madefacit humor aquarum ex Monte Velino, decidentium in agro Interamnenfi.

Lapides etiam sub n.4. quos Judaicos vocant aliqui a loco Judeæ, ubi inveniuntur; quidam verò Syriacos ex Syria propè Montem Libanum. Ut plurimum glandem, seu nucleum olivæ referunt, exterius colore cinereo, oblongum, & striis inæqualibus a basi in apicem asperum: Interius, si frangantur lapidem repræsentant. Quamvis olivarum nucleis similes sint, nunquam tamen fructus ejusmodi extitisse censendum est, sed lapides a Natura tali forma donatos. Referunt eos in pulverem redactos calculos hominis resolvere, sed medicis hanc disputationem relinquimus. Alterum genus est hujusmodi lapidum, quos *trochites* vocat Anselmus Boetius, quia rotæ seu tympani ferunt effigiem: fructus hic lapis, radios ut in rotis ostendit, simul ad centrum coeuntes ut sub num.5.

Lapides numerantur, qui variorum piscium imagines repræsentant indicati a n.6. Hos *Eislebianos* vocavit cum Agricola Aldrovandus, & affirmavit Lucii imaginem ut plurimum exprimere, aut Percæ, & Passeris Marini. Illi in Arvis propè montem Libanum frequenter deteguntur, & pisces adedè exactè exprimunt, & quidem colore diverso a substantia lapidis, ut ipsis impressi videantur. Hujusmodi pisces plures recensentur in Musæo non solum ex monte Libano allati, sed etiam ex Monte Vestaphaliæ in ditione Baroneum Tuichel dicto *Boumbergh* ubi effodiuntur. Si ejusmodi lapides bifariam dividantur in duas veluti laminas, Piscis expressus apparet in utraque, & duplex naturæ portentum curioso Naturæ rimatori subministrat. Rationem quærens Kircherus, qua tales pisces in saxo Natura impresserit, ita concludit. *Novimus magnas multis in locis inundationes fluminum fieri hiberno tempore, quibus consequenter ingens limi copia in campis collibusque coacervetur, hisce itaque complures pisces una ejectos, limoque involutos constituisse; limum verò successu temporis spiritu lapidifico in saxum conversum fuisse; cui cum multi pisces involuti fuerint, illi in limo tanquam in modulo quodam, & matrice nativam formam suam impressisse inde demonstrari potest, quod spina adhuc exititia cum squammis, & partes pulposa veluti abstractæ violenter, & laceratæ spectantur, & una cum spinosa substantia exprimentur, ut ne pictor quidem perita manu ad na-*

*tura prototypon pertingere queat. Quod verò nulla pulpa, aut intestina intus compareant, cum saxum bifariam dividitur, mirum non est, cum tota illa mollis substantia corruptioni maxime subjecta consumpta, & calore exsiccata, in pulverem conversa fuerit. Atque hæc est origo eorum piscium, quos Physici fossiles appellant, quique in Musæis eruditorum hominum extant? Hactenus Kircherus, & quidem aptè; sed difficultas remanet circa eos, qui è visceribus montium eruuntur, atque par est difficultas, quæ circa testacea fossilia semper exercuit Philosophorum ingenia.*

Ejus genetis lapides producere hic possem.

Putamur murices, musculos, ostrea conchilia omnium ferè specierum è variis collecta regionibus, videlicet è Monte Pelia propè Urbem Veterem, e Monte Paderno, apud Bononiam, in Agro Volaterano, in collibus Senensibus, in Insula Melitensi &c. inter omnia eminent Ostreum, cujus diameter ferè palmum æquat; Integrum cum accepissem illud aperire conatus sum, eodemque sine ulla fractura diviso, rudis quædam massa inclusa apparuit colore subfusco valdè a testa dissimilis, sed lapidea, in qua sine dubitatione animal ostraceum in lapidem conversum deprehendi, illudque mirificè oculos eruditorum oblectat.

Cancer petrefactus num.7. indicatur Japonius dictus, eò quòd in Littoribus Japonicis reperitur, Si enim frangantur glebæ colore argillaeco diritiè silicea, ejusmodi cancri in lapidem conversi deteguntur; At nunquam integri. Maximi extimantur ab Incolis, cum iis vim inesse credant, qua lapides Bezoarici potiuntur.

Ex Classe rerum, quas humor lapideus induxit, ut saxa, ad lapides ipsos stylum convertimus, ut illos tantum indicemus: si enim singulorum descriptionem aliquis cuperet, Naturæ potius pennicillo opus esset, quàm Relatoris calamo. *Marmorum Genera, & colores non attinet dicere in tanta notitia, inquit Plinius, lib. 36. cap. 7. nec facile est enumerare in tanta multitudine; quoto quoque enim loco non suum marmor invenitur? Octingentesimum numerum excedunt ea, quæ ordine perpulchro disposita in Musæo ostenduntur. Aliqua inter illa versicolores notas ostendunt, aliqua coloribus inter se dilutis variegata, multa minutatim punctis aspersa, pleraque maculis aut in vortices inflexis, aut in lacunas circumductis. Rubet Porphyrites ex Ægypto, atque ex eo, quòd candidis intervenientibus punctis Leucostichos appellatur ex Æthiopia; Ferrei coloris nigricat Basaltes, & Luculleum albicat, Parium, & Ligusticum. His pretiosissimi generis Lacedæmonium viridè jungitur, nec deest undatim cris-*  
pum

pum in vortices, quod dicitur Augustum, & Tiberjum sparsim convoluta canitie; non Syenites circa Sienen Thebaidis repertum, non Pyrrhopicilon, ex quo magnas trabes Antiqui confecerunt, non ex Classe Alabastritis quamplurima, puta quod circa Thebas, Ægyptios, & Damascum Syriæ, vel Cappadociam effoditur. His cœteris candidus ex Caramania, atque ex Indiis adductum. In genere lapidum Achatis, atque Jaspidis adeo multis variisque coloribus aspersi emicant, ut pennicillo etiam non tantum calamo subjici oculis non possint. Quidquid enim, ut verbo omnia complectar, variarum Regionum Lapidicinæ obtulerunt, ostenditur in Musæo. Thebaicum, aut Persicum aureis guttis interstinctum etiam micat, cum alabandico ad purpuram declinante.

Verum lapides intuenti Magnes occurrit, de quo sic Plinius cap. 18. *Quid enim mirabilius, aut qua in parte naturæ major improbitas? Trahitur namque a Magnete lapide, domitrix illarum rerum omnium materia, quæ ad inane nescio quid currit, atque ut proprius venit, existit, teneturque, & complexu hæret. Siderites alio nomine appellatur ab Inventore, repertus in Ida clavis crepidarum, & baculi cuspidem hærentibus, cum armenta pasceret.* Hactenus Plinius, qui etiam addidit ex Sotaco quinque genera Magnetis inveniri; Æthiopicum primum, secundum in Magnesia Macedonia contermina tertium in Echio Boetiæ, quartum circa Alexandriam, quintum in Magnesia Asiæ. Compertum item tantò meliorem esse, quantò magis est cæruleus. Æthiopico laudem summam dari pondusque argenti rependi.

Hujusmodi Naturæ miraculum, etsi ferè omnibus notum, videmus in Musæo, ubi variis ejus lapidis fragmentis chalybea fascia circumdatis ferrea pondera adherent. Inter cœtera unum est duas uncias suo pondere numerans, a quo ultra decem libræ ferri trahuntur, & pendulæ sustentantur. Sed omnes hujus generis lapides, qui ex Gazophylaciis per totam Europam dispersis recenseri possunt, fragmenta superant, quæ in Musæo Illustrissimi Præfulis Leonis Strozze Romæ servantur; Eorum alterum suo pondere unciam non accedit, libras tamen ultra decem sustinet; alterum verò dimidiam-unciam æquans, octodecim uncias amplectitur, rarissimo Magneticæ Virtutis exemplo. Cernitur etiam in Musæo magnes ille qui in Insula Ilua vulgò Elba inter Corsicam, & Italiam effoditur, sed effectæ Virtutis.

De attractionis ratione non est hic locus differendi, nec desunt, qui de ea integros libros descripserint. Legatur Joannes Baptista Porta in tractatu de Magia naturali libro septimo.

Joannes Jotstonus in Thaumato-graphia naturali classe 4. cap. 15. Athanasius Kircherus in libro Magnetis, qui etiam edidit Artem Magneticam, qua Magnetis natura, ejusque in omnibus usus explicatur, & præterea è viribus Magneticarum motionum in Elementis, Lapidibus, Plantis, Animalibusque elucescentium plurima nova huc usque experimenta recluduntur.

Ejusque Magnetis admirandam artem Kircherus, dum inter nos degeret curiosè ostendebat in Musæo quod incœperat, aliquibus machinis. Occurrebat primò parvulus genius ad clavum Cymbæ crySTALLINÆ sedens, qui in ludicro mari arcana vi motrice circumagebatur, & errabundus hac illacque discurrebat, nec motuum aliam causam ostendebat, quàm magneticam lapidis sub vase repositi.

Secundò conspiciebatur Mons aquis incubans spatia viginti quatuor horarum describens. in mediis enim undis multis cavernis horrens Mons veluti insula innatabat. In circuli limbo sub humana figura imagines sceptris instructæ videbantur juxta 24. horarum spatia ita dispositæ, ut unaquæque habitum referret Provinciæ cujus horam indicabat; In limbo verò vasis spherico totidemque intervallis diviso, & horarum numeris distincto, Magneticus circulus per sceptrata imaginum clandestino motu omnium Regionum currentem horam curioso artificio demonstrabat.

Tertio. Occurrebat Architzæ columba; Machina scilicet, in qua Tholus binis columnis suffultus, cujus circumferentiam intrinsecè plano speculo obtinebatur. In ejus tholi superficie recondebatur Machinula rotatilis, quæ etiam horologium esse poterat, & horas in speculo ritè descriptas exhiberet; sub speculo veluti in monte collocatum Architzæ simulacrum supra fulcrum aciculare, ut se commodè vertere posset, tenuissimo filo levissimam ex carta columbam ligatam tenebat. Huic aviculæ inserta erat acus, magnetica vi instructa, & ex ejusdem rostro aliquantulum prominens. Cum ergo in machina rotatili simul lapis magneticus circumageretur, tunc una secum trahebat acum in avicula insertam, & columba per tholi girum pari volatu lapidem circumactum confectabatur, nunquam quiescens, nisi ipse arcanus motor subsisteret.

Hac etiam methodo Dædali statuam ambulantiem, Serapidis Quadrigas, aliaque Poetarum Commenta exprimi potuissent. Denique spheras Archimedis eadem Ars Magnetica in Musæo ostentabat. Tres erant Vitrei globi aqua pleni, quorum medius amplior pendulum Orbem terrenum in centro referebat, qui motu occul-

occulti magnetis, circa suum centrum 24. horarum spatia distinguebat, indice Angelo, qui in media aqua fixus manebat. Secundus globus in exteriori superficie circulos habebat Solis, ac Lunæ motus referentes. Genius inclusus, & pendulus, scepro, quod manibus gestabat, vi Magnetica circumvolutus, indicabat horas in circulis exterioribus, coloribus expressas. Tertius Zodiacum referens alterum pariter Genium, magnete etiam instructum fixa sidera ostendentem, singulis horis in nostrum Horizontem commeantia includebat. His columnæ jungentur duæ, quarum altera horas italicas, altera astronomicas designabat, ascendentibus imaginibus Solis, & Lunæ compactis ex charta, cui acus chalybea ita adnectebatur, ut eas libere abstrahere, & in suo loco reponere pro libito liceret. Hujus machinæ figuram vide in secunda editione Artis magnæ lucis, & Umbræ. Columbam autem Architæ expressam reperies in Descriptione Musæi pag. 20. Hic eas indicasse sufficiat, quæ nescio cujus incuria diffractæ fuerint, & deperditi lapides magnetici, quorum beneficio compositæ erant, facili alioqui negotio restituendæ si ad hæc otium suppeteret.

Post Magnetem aliquos alios lapides indicabimus, quibus peculiaris aliqua prærogativa inest, vel proprietas cæteris non communis, & primò.

Lapis visitur, *Ætites*, vocatus (vulgò *Aquilina*) qui ex argumento nominis, inquit Plinius, magnam famam habet. Ejusmodi lapides reperiri in nidis Aquilarum, idem Plinius refert, aitque binos reperiri idest marem, & fœminam, nec sine iis Aquilas parere. Quatuor generum eorum narrantur. Illum qui nascitur in Africa pusillum, ac mollem dicunt habentem intra se argillam candidam, & friabilem esse, illumque fœminei sexus putant; Marem autem qui in Arabia nascitur, durum, gallæ similem, aut sub rutilum, habentem in alvo durum lapidem. Tertius in Cypro invenitur, similis colore illis qui in Africa reperiuntur, amplior tamen atque dilatatus; cæteris enim globosa est facies, in alvo habet arenam, & lapillos, ipse autem tam mollis est, ut etiam digitis frietur. Quarti generis appellatur *Taphiusius*, nescens juxta *Leucadem*. Invenitur in Fluminibus candidus, & rotundus. Huic inest Lapis, qui vocatur *Callimus* nec quisquam tenerius. Hæc omnia ex Plinii lib. 36. cap. 21. De cyprio lapide ait *Jonstonus* cap. 18. classis 4. *Taumatographiæ* aurum continere. Is, ut quidem perhibet, sinistro brachio gravidæ mulieris alligatus, ubi digitum annularem versus arteria decurrit, continet fœtum ne lubricè excidat, at si dextera apponatur, parturientem adjuvat, sed amoveri

citò debet, ne uterus omninò solvatur. Refert *Franciscus Valeriola* lib. 1. hunc alligatum uxori cujusdam civis *Valentini* adminiculum in partu fuisse; non abstractum, mortem.

Similem proprietatem plures expertæ sunt nobiles *Puerperæ Romæ* beneficio cujusdam lapidis, & *Indiis orientalibus* allati. An ex genere *Ætites* ille fuerit, in certum. Invenitur etiam in *Musæo* hujus generis lapis, albus, & rotundus, qui si frangatur, observetur compositus ex variis crustis instar lapidis *Bezoarici*, quare nonnulli illum vocant *Bezoar fossile*: sed inutilem esse scripsit *Boetius*, nisi quis lapidibus hujus generis in explodendis majoribus bombardis uti velit.

Lapis sequitur in *Tab. LXVI. sub n. 8.* cui nomē est *Astroites*, seu *Stellaris*, exhibens stellarum figuras in suo corpore, *Dracōtius* a *Marsilio Ficino* dicitur, est moderatè durus, colore ut plurimum cinereo, vel fusco, stellulis undiq; nigrantibus. *Æquat* aliquando molē capitis homani, invenitur ut plurimum in *Comitatu Tirolensi*, & circa *Arcem Cimeriam*, sicuti in *Gotlandia*; loco stellarum aliquando refert *rosas*, & *vermium spiras*. Aceto si imponatur, movetur, non nisi quia aceto per poros lapidis ingrediente, aer illis inclusus premitur, & dum exitum molitur, lapidem movet.

Inter *Astroites* lapis numeratur, qui nomen stellæ magis, quàm alii lapides promeretur; etenim stellas habet plures ita invicem superpositas, ut facilè separari possint, quandoquidem una seorsim stella seorsim pingitur; radii stellæ suis angulis eminentes apparent, & singuli radii cavitatem mediam habent, & margines striis transversis sulcatos. Hic lapis refertur ab *Aldrovando* in *Musæo Metall. lib. 4. pag. 877.* invenitur frequens in fodinis *Insulæ Melitensis*, colore cinereo, sed durus.

Huic affinis lapis est, quem *Crucis* dicunt, & ex eodem genere esse multi credunt, eo quod *Crux* ad stellæ figuram proximè accedat ut sub nu. 9. *Duplicis* generis tales lapides habet *Musæum*, alter est, qui in cinereo colore crucem ostentat candidam, alter, qui crucem nigram præfert. Eos in monte *D. Petri de Rubia* in *Galicia*, aut *Asturia*, hispaniæ Provincia erui refert *Andreas Chioccus* in *Musæo Calceolario*. Ego tamen illos recepi ex novo Regno *Hispaniæ Americanæ*, ubi plurimi æstimantur ab Incolis, eò quòd credant illis inesse efficacem virtutem ad morbos depellendos, & præcipuè fugandos *Dæmones*. De hoc lapide egit *Vormius* pag. 68. & *Anselmus Boetius*, item *Septalius* in *Epistola ad Chiocum*.

Alios ejusdem generis lapides servat *Musæum*, quos idem *Boethius* ex *Gesnero* descripsit lib. 2. cap. 148.

cap. 148. ex Hafnia missos, his verbis. *Coloris* sunt ex cinereo fusco, duodecim cohærentibus stellulis constantes, figura quinquangulæ cylindrica; extremitates tamen stellarum, non in acutos apices, sed obtusos desinunt, at potius flores expansos Pentaphylli, quàm stellas referant; substantia est prædura, ut non faciliè separari possit.

Inter stellarios lapides recenferi judico alios lapillos fere in globulos, seu talos efformatos a Natura, quinque ut plurimum planas superficies habentes, in quarum singulis crux apparet, brachiis æquè longis, quæ ex angulo acuto in latam basem porriguntur, ut subjecta præfert figura num. 10.

Galactitem Genus lapidum includit, qui mollis est, & lubricus, subviridi vel cinereo colore, qui vestigia alba, post se relinquit ex affricu, quare Sartores pannos signare illo solent. Si supra cotem cum aqua fricetur, succum lacteum emittit, quo in Colliriis utuntur medici; exsiccat enim sine mordacitate, si pectori adhærens portetur a Mulieribus, lactis copiam augere creditur.

Lapis numeratur qui dicitur Nephriticus, cui tribuitur Virtus contra calculos si lateribus alligatus gestetur, præcipuè argento circumdatus. Tractatum integrum de hoc lapide scripsit Gaspar Bartholinus, multa etiam retulit Vormius pag. 95. Ut plurimum viridi colore est, eoque saturo, aliquando a viriditate nigrescit, aliquando flavedinem quandam habet. Si in laminam tenuem redigatur, quodam modo est pellucidus, nunquam tamen exactè poliri potest, semper pinguedine quadam obductus. Aliquos inveniri in America ad ripas fluminis Amazonum refert D. de Laët. lib. 1. de Gemmis cap. 23. & in nova hispania, invenitur etiam inter lapides, quos mare ad littus transfert. Plures, & diversi coloris visuntur in Musæo. Si punctulis albis sit notatus hic lapis, maxime commendatur.

Inter lapides, quibus Natura arcanas virtutes inclusit, non ultimum locum habet lapis, qui dicitur Bononiensis, eò quòd apud Bononiam in Monte Paderno reperiatur. In agro Tolfensi, ubi lapides Aluminis eruuntur, aliquando generari docuit Kircherus. Vocatur etiam a quibusdam *Spongia Solis*, ab aliis *Spongia Luna*, *Lapis illuminabilis*, *Lapis Lucifer*, & *Phosphorus*. Fossilis ille est, & multum Arsenici, Antimonii, & Chalcanthi admixtum habere putatur, vix invenitur pugno major, & sine ulla certa figura, colore vario, aliquando cinerei est, aliquando nigrioris, vel flacci, vel rubiginosi, & subcærulei. Quatuor ejus genera observaverunt. Quidam enim hujusmodi lapi-

des, in lamellas sunt scissiles, quidam strias habent, in modum styli radiantes, & candicantes, quidam corticè, vel levi, vel aspero, ubique striis, vel rectis, vel obliquis ad centrum tendentibus ut sub num. 11.

De hoc lapide ingeniosè differuit in Epistola, quam collectoribus Actorum eruditorum Lipsiæ inscripsit anno 1638. Comes Aloysius Ferdinandus Marsilius, & ante illum Fortunius Licetus. In primis commendatur hic lapis, quòd singulari proprietate polleat attrahendi lucem, & illam conservandi: Si enim in libero aere ponatur, per aliquod temporis spatium; sic luce imbibitur, ut inde translatus ad locum obscurum lucem demonstret, ut Carbo accensus, idque toties, quoties luci exponitur, non tamen Solis, ut Vormius docuit; nam etiam si lucem ab illo attrahat, talis Virtus paulatim absumitur, quæ alioquin duobus annis solet conservari, si clausus inter gossipium custodiatur. Verùm ut hanc Virtutem exercere possit, necesse est, ut peculiari arte preparetur. Docet Vormius cum aliquibus, illum in pollinem tenuissimum redactum albumine ovorum, vel aqua communi in unam massam redigendum, deinde in furnulo ad id constructo calcinari debere, quæ calcinatio toties repetenda est, donec lucem possit attrahere. Sed hic modus rejicitur ab aliis, & diversum docet supralaudatus Comes Marsilius pagina 20: quem optimum inter cæteros se expertum esse fatetur his verbis.

*Si pigliano le pietre di colore argenteo, e non plumbeo, perche piene d' impurità, si lavino in acqua pura polendole con una lima. Nettate le pietre s' infondino in acqua vita ben raffinata indi si rivolghino in polvere della pietra medesima triturata a parte in un mortaro, e bene setacciata, quale con l' umido dell' acqua vita forma un glutine, che tutta l' investe. Così si ponga nel fornello per ricevere la Cottura, e ogni fornello a vento è al caso. In esso basta, che si ponga una graticola di ferro, che sostenga le pietre, e sopra per dar riverbero al fuoco, si ponga un coperchio di ferro, con quattro sufficienti aperture in croce, o pure si accomodino mattoni cotti in modo, che lasciando le aperture rendino lo stesso beneficio del riverbero. Sopra la graticola si stenda un solaro di carbone dolce, di altezza di quattro dita, triturato in pezzi, come una noce in circa, sopra questo strato si stendono le pietre in modo, che habbiano fra di loro la distanza d' un dito, acciòche tutte si cuocino egualmente. Sopra le pietre si ponga altro carbone della forma descritta, e se ne riempia il fornello sino alla bocca. Ciò preparato, altro non resta, che darvi fuoco, e coprire il fornello col descritto coperchio, lasciando che si consumino i detti*

ti carboni , il che succede in poco più d' un' ora . Finita l' operazione si lasciano del tutto raffreddare , altrimenti si romperebbero . Raffreddate , con un cortello si spogliano della Crosta fatta dalla polvere meschiata con l' acqua vita , ne di altro hanno bisogno per imbeverarsi della luce , che l' esporle semplicemente all' aria .

Qua verò vi hic lapis lucem attrahat , a multis diu quæsitum . Kircherus noster lib. 5. de Magnete pag. 505. concludit , illum Siccitate sua bibula non secus ac Spongia , lucis vaporem intra poros recipere , ubi actuali frigiditate lapidis cogitur , & in unum corpus lucidum coalescit . Quia verò vapidum illud illuminatum lapidi adjunctum a calce , cui permistum est facile absumitur , lumen quoque una cum vapido destrui necesse est .

Nec minus prodigiosus est lapis Amianthus , quem olim pretio excellentium Margaritarum æquasse scripsit Plinius , & fuisse inventu rarum . Hodie tamen , & si vili pretio vendatur , dotes suas non amisit . De illo ita Vormius scripsit cap. 7. Amiantus alias Asbestinus lapis , quòd non comburatur , a Paulo Veneto Salamandra dicitur ob eandem causam . Zoroastro *Bostrychites* , a quibusdam Pelia , ab aliis Cortoides , quia canitiem præfert , Linum quia manibus netur , & textitur , sed Asbestinum quia ex Asbesto factum ; a Plinio vivum , quòd igne non solet mori , a Pausania Carystium , quia effoditur apud Caristium , Alumen a Quadrigario propter similitudinem , quam cum alumine scissili habet , a quo tamen differt ob id quòd Alumen scissile adstringat , Amiantus parum pungat linguam , & non adstringat . Lapis est alumini schisto simillimus ignem respuens , adeo ut non modo uri non possit , sed purior reddatur , colore ad viriditatem obscuram tendente , quandoque , & ferreo , attritione facilè in tenuia filamenta solubilis , mollis enim est , & quod efflorescit dum teritur plumas refert , unde flos petrae a quibusdam vocatur .

Nascitur in desertis Indiae ad Carystiam Eubææ oppidum , in Norvegia quandoque , sed pulchrum cernitur in Musæo , allatum è littore Insulae Corsicae , ubi prope sinum S. Florentii , & littora , quæ dicuntur Canari , & Nonza , optimum invenitur ; item habemus ex Insula Ilva , & in Cypro collectum . Olim in fila aptabatur , & mappæ ex eo tanquam lino fiebant , quæ sordibus conspurcatae puriores in igne reddebantur , modus verò , quo ex eo fiant jam penitus ignoratur . Joannes Baptista Porta in Magia naturali lib. 4. cap. 25. affirmat Venetiis a muliere Cypria in hospicio Arcis sibi copiam factam fuisse videndi modum petendi , at modum tacet . Pater Kircherus in Mundo subterraneo lib. 3.

sect. 3. cap. 2. affirmat se scire , sed summo sub secreto tenendum , & ore tenus Regibus tantum , & Principibus communicandum , ne quod in tanta æstimatione semper fuerit , id modò omnibus etiam vilissimis hominibus innotescat ; docet tamen modum chartæ conficiendæ ex asbesto , qui non differt a modo , quo charta vulgaris fabricatur .

Vormius rationem illud preparandi sibi ab amico communicatam vulgavit his verbis . Recipe Amianti fibris longioribus præditi , & infunde in Lixivio præparato ex cineribus quercus putridæ , & duobus manipulis cinerum clavelatorum , bulliat in eo per quadrantem horæ , auferas ab igne , & maceretur in eo mensis unius spatium , sic lanæ carptæ modo mollis evadit : Aqua dulcis aliquoties materiam hanc ablue , & exsicca , sic modo lini communis pecti pro lubito potest . Ex Alchimia experimentalis Joannis Helfrici Jungken cap. 9. sect. 4. alium modum didici , quem subjicio ejus verbis .

Recipe , inquit , Amianti sive Aluminis plumosi quantum libet : maceretur fortissimo lixivio saponario per diem , vel in Sole , vel B. M. tum eximè , & exicca , ac tunc imbibatur aceto destillato decies , semper prius exiccando amiantum , antequam recenti imbibas aceto . Hoc facto iterato cum lixivio macera , & aceto imprægnata , ac hoc tertia repetè vice . Postea recipe dolium pervum , quod intus charta oleo olivarum intincta obtexatur : hoc peracto imponè amiantum maceratum crassitie aliquot digitorum , & huic oleum olivarum affunde ad digiti eminentiam : tum rursus amiantum , & oleum : atque ita fac ad vasculi repletionem tunc Chartam impone , & vasculum claude , vel si vasculum Amianto non sit repletum , aggravetur , claudatur , & reponatur per menses tres , vel quinque , donec in fila deduci queat , id quod primò statim mense probare poteris .

Diversum modum communicavit mihi D. Benedictus Guerrini , militum Præfectus , a quibus Arx Liburni custoditur . Scilicet , per horæ spatium conservetur Asbestum in aqua aluminis ; deinde in polubro candentibus carbonibus impone , ubi ceræ instar molle evadit : Circumtegatur hac materia filum sericum , quod per varia foramina primum ampliora , postea angustiora attenuabitur . Hujusmodi filis tela contextitur , & deinde serica in igne absumuntur . An ratio hæc ad optatum finem perducatur , experientia docebit , faciliorem puto si asbesti filamenta cum stuppa , vel lino simul in fila producantur , deinde facta mappa injiciatur in ignem , quo stuppa in favillas abeunte , purum textum ex asbesto remanebit . Quod nam ex propositis arcanis genuinum sit ad fila ex amianto deducenda ,

cenda, experimentis tantum agnosci poterit; quæ curioso lectori relinquo. Ex hoc lapide est in Musæo funiculus, est Charta ex eodem elaborata; Si plura desideres vide Boetium lib. 2. de Gemmis cap. 204. Simile amianto est lignum quoddam ex Indiis orientalibus adductum quod si igne accendatur nunquam comburitur, cujus nam arboris sit ignotum est. Tale lignum indicatur etiam in Musæo Septaliano pag. 127.

Saxo odorem violarum reddente exornatur Musæum, quod obtinui ab Amico edocente Mathematicas disciplinas in Urbe Pragensi. Illud ex Monte *Calemburg* in Misnia eruitur. Colore præditum est cinereo, maculis quibusdam subnigris, & virescentibus cum micis aureis asperso. Naribus admodum suavem spirat violæ odorem, qui manifestius exhalat, si lapis aliquantulum calefiat. Hujus generis lapidum mentionem fecisse videtur Agricola de nat. Fossil. lib. 5. cap. 17. ubi inter multa hæc habet. *Non solum aliquando Æthitis lapis; sed etiam saxa suaviter olent, in Calemburgo ad Aldenburgum reperta; tum Silices in Berningero Monte in confinis Misniae, & Boemiae sito.* Quem tamen odorem putat non ab ipso saxo, sed a Musco ipsi adhærescente effluere. Sed Vormius affirmat apud se saxum, fuisse quod jam aliquot annis sine Musco adhuc Violas olebat; Tale est, quod in nostro Musæo inter lapides numeratur.

Lapis etiam, quem Armenum dicunt multi, eò quod ex Armenia adferatur, vulgo *Vetriolo di Cipro*, suadent enim sibi in Insula Cypro illum inveniri. Colorem cœruleum ad viriditatem vergentem habet, tactu levis carens asperitate, olim ex Armenia deferebatur, jam in variis Germaniæ locis reperitur, ut in Tyrolensi comitatu, aliisque argenti fodinis.

Huic affinis est lapis, qui a Civitate *Lipsis* in novo Orbe sita in Provincia dicta Pontose; Ab incolis *Lipsis* dicitur. Colorem habet etiam cœruleum; venditur in taleolas redactus, gustu acris est, & mordax. De eo egit Zacutus Lusitanus lib. 1. observat. 83. & Joannes de Laet. Hist. Ind. Occident. in erudito de gemmis tractatu lib. 1. cap. 26.

Ostreocolla in classe lapidum numeratur; ab aliquibus dicitur *Lapis Ossifragus, Osteites, Stelochites* &c. Illum nasci in locis arenosis Palatinatus non procul a Spira propè Idelbergam refert Vormius cap. 6. illumque per arenam crescere instar Corallii, & videri quandam speciem esse margæ per meatus terræ discurrentis, & etiam putat esse spumam maris congelatam, cujus virtus ad fracturas ossium sanandas maximè commendatur. Frustum, quo dicitur Musæum ex littore Novi Regni Americani delatum, po-

rosus est & leve, colore osseo sapore insuavi. An illi Virtus insit supradicta incertum.

Fungus petrificatus vocatur lapis, in figuram fungi efformatus a Natura. Fungus tamen non fuit, sed sub undis generatur ut Corallium, ut plurimum in mari rubro invenitur, & etiam illum ex flumine Nilo accipi refert Carolus Clusius Exotic. lib. 6. cap. 10. An ii qui Musæum exornant, sint ex Nilo vel mari rubro ignotum est. Inter cœteros unus est, cujus Diameter sex uncias æquat, totus subalbidus. Suprema pars ab umbilico ad circumferentiam multis profundis striis ornatur, in inferna minus elatis, sed quodammodo instar ferræ dentium asperis, a circumferentia pariter ad pediculi locum productis, pediculo tamen est orbatus.

Quandoquidem fungi mentionem fecimus, lapidem alium iudicamus, qui lapidis fungiferi nomen obtinuit: At massa potius terrea dicenda esset, cui lapidis frustula sunt inclusa. Fungifer dicitur, quod ex eo fungi spontè enascantur, præcipuè si in loco humido fervetur. Sexies in annos fungos ex eo natos colligi, ait Porta lib. 10. quorum ambitus pedem Romanum aliquando superat, affertur ex Vesuvio Monte, atque etiam ex altissimo Monte Fageto propè Surrentum, & Gargano Apuliæ. Vide Scaligerum Exercit. 137. sect. 2. Hujus generis lapidem servat Musæum in horto simplicium, quem colit Pharmacopola Collegii Romani dono acceptum ab Illustrissimo Abbate Cæsare Cincio Romano Patritio, & Basilicæ Lateranensis Canonico. De his lapidibus egit Kircherus in lib. 10. sect. 4. cap. 7. mundi subterranei. Ferrantes Imperatus in sua historia naturali, & alii multi.

Inter lapides recensendum iudico fragmentum plumbi in agro Velitrensi repertum, in formam glandis conformatum, non quidem a natura, nec ab arte hominum, sed a Cœlesti; cœlo enim cecidit sub anno 596. quando Urbs Velitrensis (ex relatione Buccellini in Menologio Benedict.) gravi obsidione ab hostibus premebatur, orationibus S. Gerardi ejus Episcopi liberata fuit cum plumbeam super eos grandinem cœlo deduxisset; Tale prodigium refert etiam Ughellius in Italia Sacra tom. 1. in Episc. Velitr. his verbis. *Hic, idest Gerardus, cum aliquando Velitres Inimici cinxissent corona, suis precibus obsidium solvit, cum prius plumbeam grandinem orans cœlo excussisset in hostes.* Addit Mancinellus lib. 5. ferm. *Legistis enim ejus imprecatione hostium plurimos plumbea grandine glandium formam referente, quæ passim in agro adhuc videntur oppressos.* Hujus generis glandes plumbeæ custodiuntur ab aliquibus tanquam insignis miraculi monumenta, Quam servat Musæum



ſæū dono accepimus a Præclaro Juvene Alexandro Borgia nobili Velitrenſi, modo Nuntii Pont. Auditore Coloniae Agrippinae. Illā indicat n. 12.

Eminet inter lapides Alabaſtrites, ex qua vafa unguentaria conficiuntur, quoniam optimè illa ſervare dicitur. *Alabaſtrum*, inquit Cardanus lib. 7. de ſubtilit. *robuſtius vitro, metallivis purius, figulinis præſtat quòd minùs combibat, aut remittat unguenti, ergo & illius neceſſarius uſus fuit*. Plures ejus ſpecies ſervat Muſæum, aliud venas translucidas habet, cum lacteis miſtas, aliud mellei coloris eſt, aliud candidum ſine ulla macula. Ex his omnibus viſuntur Vafa diverſa. Aliqua ſunt ex Alabaſtrite Drepanitano exculpta, aliqua verò ex Volaterano, aliqua in oppido Calabriae elaborata, quod *Rotam* appellant. Unum addo ex alabaſtro Mexicano, cui nomen *Tecala*, quæ vox apud Indos lapidem album ſignificat. His alia vafa conjunguntur, ex Bohemia allata; eorum lapis *Ophitis* ſeu *Serpentinus* dicitur, nam ob colorem viſcentem maculis nigris aſperſum Serpentum exuvias imitatur. Marmor *Zeiblicium* vocatur a Vormio, illumque effodi refert in Provincia Miſniae. Cæterum ejus generis Vafa in varias formas eleganter torno elaborata conficiuntur in quodam loco Bohemiae triginta leucis a Praga diſtante cui nomen *Zepoli*.

Lapides ſubnecto, in quibus naturæ artiſcioſa cælatura, Plantæ in figuram Abrotoni viſuntur. Iconem unius ſubjicimus numero 13. ex diverſis ſpeciebus, quibus ex variis locis collectis Muſæum exornatur. Aliquis eſt repertus inter ſaxa Alvei, in quo flumen Arnus in Etruria decurrit, colore ſlaveſcente, aliquando ad cœruleum inclinante: nec valdè eſt durus. Alius ex Inſula Ilva, & quidem duriffimus colore albo, ſimilem huic ex Inſula Siciliae recepi. In omnibus tamen ſimiles maculae in figuram arbuſculorum diſpoſitæ nigreſcunt. *Dendritem* vocant hunc lapidem Authores; ſi talis lapis in varia ſegmenta ſcindatur ejuſmodi Arborea in partibus internis conſpiciuntur. Inveniuntur etiam a Natura depictæ in lapide Calcidonio pellucido, & duriffimo.

Huc etiam ſpectat Marmor, quod maxima ex parte cinereo colore imbutum, maculis fuſcis, & lineis obſcurioribus hinc inde diſcurrentibus diſtinguitur, quæ veluti ædes, montes, atque integras exhibent urbes, adeò bene expreſſas, ut pennicillo videantur delineatæ. Tale marmor *Florentinum* appellavit Vormius pag. 94. eò quòd in agro florentino effodiatur.

Malum citrium dices ſeu potius fructum *Baobab*, quo ad ſitim extinguentiam Æthiopes utuntur, quem inter fructus recenſuimus, ob ſimilitudinem quam cum illo habet, alius lapis

in Muſæo collocatus. Subſtantia eſt ponderoſa, ferè Silicea. Hic ut plurimum ſi bifariam ſecetur, cavitatem oſtendit, in qua fluores lapidei Cryſtallo ſimiles cernuntur.

Non ſunt omittendi bini lapides, in quibus Natura Geometricam artem exercuit. In iis plura latera ſunt, ita diſpoſita, ut aliqua eorum Pentagona, aliqua exagona, nec non triangulari, & quadrata figura circumſcribantur. Iconem eorum ſi cernas, ſub num. 14. arte adalteratos fuiſſe ſuſpicaberis, adeo benè ſunt ſupra dictæ figuræ delineatæ.

Cubicos lapillas his adjunge, quos in fodina quadam Calabriae reperiri narrat P. Kircherus ſect. 1. lib. 8. mundi ſubterr. atque ſibi donatus fuiſſe a P. Mattheo Taberna, S. I. curioſo rerum naturalium exploratore. Hi tamen omnes periere in Muſæo ab illo Inſtituto, ſed loco eorū videntur in Reſtituto alii pariter ut ſub n. 15. perfectæ forma cubica circūſcripti, in quibus incifa ſunt puncta ab unitate, uſque ad numerum ſenarium, ut in talis luſoriis. An ab arte fuerint diſpoſita, incertum eſt. Hi enim lapides in pago quodam Badenſi, perennitate nunquam deficiente eruuntur, & ad Muſæum miſſi fuerunt, ut in iis non ad luſum Accedentes uterentur, ſed ſerio negotio philoſophantium exercerentur Ingenia.

Cæteros lapides meo judicio ſuperat lamina ex Gagete Diaphana, cujus diameter tres digitos æquat. Hanc ut rariffimam, & viſu digniffimam curioſi admirantur. E centro enim ejus radii circumquaque diffunduntur, non quidem in acutos mucrones deſinentes, ſed inſtar pennicillorum ita expaſi, ut radiantem ſolem referant, ſed opacitate in diaphano expreſſum, ut in ejus icone num. 16. oſtendit.

Hæc Natura in lapidibus expreſſit, quod ſi Artis labores contemplari quis velit, ad ſunt quamplurimi, & quidem duriffimi lapilli, quorum multi annulis ſunt incluſi. In his egregio artiſicio Inciſorum manus res varias effinxit, puta flores, litteras, Piſces, Quadrupedes, Aves, Homines &c. & alia, quæ ſingillatim nec ſcalpro exprimere poſſum nec calamo deſcribere. Catalogum tamen eorum exhibitum forſan habebis in appendice.

Lapides recenſendi ſunt in variis Animalibus reperti; Natura enim etiam in Regno ſenſitivo ubicunque ſuccum ad lapidem generandum invenit, ibi ſuam virtutem exercet, ac proinde in omnibus Animalibus, & eorum partibus calculi efformantur, aliqua tamen partes ſunt propriæ lapidum fodinae, ut manifeſtum eſt in veſſica, & renibus humanis, in capite piſcium, & ſimilibus. Ne omnia proſequamur, ejus generis lapides propono, qui in Muſæo conſpiciuntur. Et primò

Lapis est, qui a similitudine umbilici nomen obtinuit, & dicitur Umbilicus Veneris, a Cretensibus *oculus Marinus*, quòd gestatus oculis prodesse putetur. E cochleis marinis habetur colore rubicundo albedine mixto in superiori parte, quæ aliquantulum eminet; altera pars compressa est, & nigricans, spirarum delineamenta ostendit, ut cochlea, aliquando invenitur, uudequaque albicans. Utriusque generis multi suum locum habent in Musæo, in quo etiam servatur alius Umbilicus Marinus magnus ex India allatus. Hos omnes ex limosa cochlearum sanie indurata, & excrementis viscidis ortum trahere judicavit Vormius pag. 73.

Adferuntur ex insula Melitensi lapilli Chelidonii dicti, eò quòd putent ab Hirundinibus haberi in ventriculis. Lapilli sunt exigui figura planosphærica, colore luteo obscuro, splendente parte convexa, & rotundiore. Incolæ Melitenses vocant illos oculos serpentum petrificatos: Sunt qui putant esse opercula concharum minutarum instar umbilicorum marinarum; alii dentes piscium. Videtur in Musæo massa quædam licet parva mole, ex meris hisce lapillis constans; videntur & plurimi hujus generis lapilli, figura, magnitudine, & colore discrepantes, e terra etiam Melitensi petiti. Eorum vires pete a Vormio in cap. 11.

Calculi aliquot videntur reperti in corporibus humanis in varias figuras conformati. Unus inter cæteros ovum gallinaceum mole, & forma refert, ponderatque ferè uncias undecim. Repertus fuit pendulus in Vessica Urinæ P. Leonis Sanctii nostræ Societatis, Viri scriptis, & eruditione celeberrimi, nec non in Collegio Romano studiorum Præfecti, qui spatio multorum annorum affectu nephritico torquebatur. Colore est luteo, ex corticibus ita coagmentatus ut lapides Bezoarici. Quomodo autem in corporibus humanis generentur hujusmodi lapides, discrepant Auctorum sententiæ. Par tamen est ratio de lapide Bezoar, qui præcipuè in Capreis Pervanis invenitur, ac de humano.

Duplex autem ejus genus est, alterum dicitur Orientale, alterum verò occidentale. Lapis, qui ex oriente defertur, scilicet a Regionibus ut plurimum Persidis, Chinæ, & Cathai, generatur in visceribus cujusdam animalis, quod Persæ vocant *Pazax*, quod capræ silvestris cornutæ species quædam est, illud delineavit Clusius ad lib. 1. Garziæ cap. 45. Occidentalis verò ut plurimum defertur ex Peruvia, ubi generari ait Nierimbergius in quadam capra, quam Pervani *Vicanam* vocant. Franciscus verò Hernandus varia recensuit Animalia, in quibus hi lapides reperiuntur, quamvis eos solum effi-

caces statuatur, qui eruuntur ex Animalibus, quæ herbas salubres depascuntur.

Dum de lapide Bexoar sermo est, unum exhibemus in Musæo cæteris majorem, ovalem figuram habentem, duodecim uncias ille æquat pondere, tunicis subalbidis cepearum instar compositus. Mirum dictu est quantum aliquando in ventriculo aliquorum Animalium augeatur hic lapis, præcipuè in bobus Sylvestribus Regni Pervani, & in Cervis campestribus Brasiliæ. Unus cernitur Romæ in Gazophylacio proximo Bibliothecæ Eminentissimi Cardinalis Francisci Barberini. Alium possidet Magnus Dux Ethruariæ, illi allatum, e Brasiliæ Regno, duodecim libris ponderantè. Docet autè Menardus Tract. de lapide bezoardico Indos adulterare hos lapides, cujus generis ille est, qui in Musæo Calceolarii extat ovi Anserini magnitudinem æquans in Brasilia elaboratus ex Resina, fructu Crumacino, Radice Drakenæ, Contraierua, Lusitanis dicta, qui in superficie flavescit, intus cinerei est coloris. Qui plura desiderat consulat Vormium lib. 1. sect. 2. cap. 12. & Bahuni tractatum.

Quartus lapis est, qui ex limacibus extrahitur, idest illis, qui sine testis vagantur, colore fusco. Hi in capite lapillum candidum habent ovalis figuræ, tenuem, & planum, aliquantulum connexum, pondere exili, ut multi requirantur ad pondus unius uncia. Gestatus hic lapis Quartanam solvere dicitur.

Quinto Lapilli sunt, qui Oculi cancrorum communiter nominantur, non tamen sunt eorum oculi, sed quia figuram oculi referant. Ut plurimum exigui sunt, albicantes, duri, & scabri in ea parte, qua corpus non Cancrorum, sed Gammatorum terram tangit; inveniuntur, ut plurimum, cum exuvias Gammari fluviatiles deponunt, & novam crustam inducunt. Illos in plenilunio crescere affirmat Albertus. De his scripsit Agricola lib. 6. de nat. Fossilium, Cardanus lib. 7. de subtilitate, & Calceolarius sect. 3. pag. 369.

Sexto. Alius lapis ex Urbe Goana acceptus exponitur, communiter lapis serpentis dictus, figura ovalis non tam tumentè sed plana, colore nigro. Ejus meminerunt plures Scriptores, qui referunt talem lapidem erui ex capite cujusdam serpentis in Ora Melindæ reptantis, quem Lusitani appellant *Cobra de Capelos*, sed experientia docuit, ut monet D. Tavernier in suis itineribus, & Nicolaus Lemery in tractatu universali simplicium pag. 412. talem lapidem Arte componi, ex argilla simul cum succis herbarum salubrium. Referunt magno pretio apud Indos haberi, eò quòd si applicetur vulnere veneno aliquo infecto, omnem noxium humorem

rem instar ſpongiæ attrahendo exugat .

Septimo . In Regno Mexicano reperitur Lacerata magna , & veneno valdè noxia . Iguana dicitur ab Incolis . In capite hujus reptilis invenitur lapis albus , & gypſeus facilè friabilis . Ex eo in pulverem redactò ſcrupulus ſumitur in vino contra veſſicæ morbos , præcipuè ad calculos emittendas . Hujusmodi lapidem reliquit in Muſæo Pater de Olea , qui anno 1700 . Romam petiit noſtræ Provinciæ Mexicanæ Procurator . Iguanæ imaginem dat num. 17 .

Octavo . Inveniri in felle Taurorum lapillos plures Scriptorum referunt , quos nominat Calceolarius in ſuo Muſæo ſect. 3 . pag. 381 . ſed diſcrepant in eorum deſcriptione . Illi qui reperiuntur in noſtro Muſæo colorem habent flavum in rubedinem declinantem : coloris aurei illum eſſe , qui in Muſæo Calceolarii reperiebatur tunc temporis , ſcripſit Joannes Baptiſta Olivus Medicus Cremonenſis , cum edidit catalogum reconditarum , & præcipuarum rerum ejuſdem Muſæi . Mole autem nucem aliqui , avellanam alii imitantur , tunicis variis compositi ut lapis Bezoar . Apud Turcas maximi æſtimari referunt , quòd nullum præſentius remedium ad morbum regium propulſandum agnoſcant .

Nono . Tophum adnectimus ex brevibus pilorum fragmentis compactum . De illo Plinius lib. 11 . cap. 37 . his verbis egit . Eſt in Juvenearum ſecundo ventre pilæ rotunditate nigricans Tophus nullo pondere , ſingulare , ut putant remedium ægre parientibus , ſi tellurem non atigerit . Duos ſervat Muſæum , qui exterius cortice levi nigricante tecti ſunt , & leviffimi , reliquum verò corpus ex pilis leviffimis conſtat . Horum generationem perſcrutatus Olaus Vormius in ſuo Muſæo cap. 8 . arbitratus eſt non ſolum Juvenearum , ſed & alia animalia , in quibus aſſerit ſimiles tophos repertos eſſe , dum ſe lingunt , linguas , pilos quosdam evellere , quos cum deglutiunt , una cum ſaliva in ventriculo retenti uniuntur ac conſtipantur , atque ab aſſumpto alimento rotantur , donec figuram rotundam acquirant . Chylo verò aut muco ventriculi obliti , dum ab uno loco in alium detruduntur , volutione hac ſphæricam figuram acquirere , aut aliam ei vicinam . Calore verò ventriculo inſito cum maſſa , eique adhærens mucus exiccatur , induratur refert corticem . Quo verò in ventriculo diutius fuerint retenti , eo ſolidior evadit extrema ſuperficies . Hæc quoque cauſa eſt , ( ut idem aſſerit ) cur qui , e junioribus eximuntur animalibus cruſta careant exteriori , & nigricante , quam habent illi , qui ex ſenioribus depromuntur . Subdit huic ſententiæ adhæſiſſe Joannem Vierum de præſtigiis Dæmonum lib. 3 . ubi hæc habet . Vituli adhuc

lactè viventes materno , ſi quando alimonia deſtituti , vel alioquin petulca ætate inſolentes ad parentem , vel aliam accurrunt Vaccam , ejuſ ſuras , vel quamcunque contingerint locum hirtum maximè poſteriorum coxarum , tam exugunt avidè ; ut etiam depilem reddant , pilique valido crebroque ſuctu in ventriculum attracti , & frequenti motu ſaltuque laſcivo paulatim conglomerati , plerumque chylo obvolvuntur , aut pituitoſo ſuccui lento , qui temporis ſucceſſu tenacior redditus , membranæ induit faciem , quemadmodum ſubſtantia limoſa albida , ſtatim a ſuctione viſa eſt primùm obducta , hac palliſcula , quæ deinde exſiccata pedetentim corio tincto etiam nigræ affimilabatur , quo una in parte cultro nonnihil exciſa , ejuſmodi uniformes pili molles admodum compacti apparuerunt .

Cum verò multis in locis , & præcipuè propè oſtia Tiberis ſimiles pilas mare eructet , quæ tamen cruſta illi nigricante carent , horum authorum ſententiis non acquievi , ſed cupidus veritatem penitus inſpiciendi , utrorumque examen inſtitui , & exemptas ex iis particulas optimo microſcopio ſubjectas diligentiffimè obſervavi , num verè pilorum bovinorum fragmenta illa eſſent , quibus componebantur , pluries tandem facta comparatione inter pilos Juvenearum & tophorum , recognovi horum particulas a pilis valdè diſſimiles eſſe , aliquos alios è littore acceptos concluſos habere aliquando lapillos , aliquando cancellos , vel quid ſimile .

Aliquos alios lapides ex animalibus generatos ſubnectimus qui in Muſæo ſunt , relictis cæteris , quorum catalogum Authores confeccerunt , adeat qui plura deſiderat eruditiffimum tractatum , quem de calculis præſertim in corpore humano concretis Romæ publicavit anno 1699 . Excell. Medicinæ Doctor Bononiensis Joannes Baptiſta Contulus .

Lapis igitur in Muſæo inſpicienti objicitur , qui in ſue ſpiñoſo , quem Hiſtricem dicunt , non rarò invenitur . Illum in ejus ciſta fellea generari ſcripſit Aldrovandus , ejuſ tamen hiſtricis , quem in Regno Malacenſi Incolæ venantur . Sed experientia docuit in Italia etiam reperiri , præſertim in agro Romano , ubi hiſtrice diſſectò ſimiles lapides non in felle , ſed in ejus ventriculo generatos oculati teſtes retulerunt . Guſtū amari illi ſunt colore nigricante , & quadam lanea cuticula ſubalba tactui lubrica circumteſti .

Inter cætera animalia præſertim aquatica lapidibus ſcatent ut ſunt Piſces , Carpiones , Lucii , Cinediæ , Tiburones &c . Ex piſce coracino lapis eſt candidus , oſſeus , figuræ ovalis , incurvus , aliquantulum parte convexa levi protuberante

preditus, sed juxta extremitatem alteram, quandam asperitatem habens. Pars connexa tota levis est, & splendida, & circumferentia denticulata apparet, longitudine unciam æquat. Invenitur in capite piscis quem describit Aldrovandus lib. 1. de Piscibus cap. 15.

In Capris alpinis repertus lapis ostenditur, quem pilam potius Rupicaprae appellabo cum Vormio: est enim veluti masa ex herbarum fibris confata, quibus depastæ sunt caprae, quæ in excelsis Rhætorum alpibus Episcopatus Salisburgensis vivunt. Pondere est levis, forma oblonga, & compressa trium transversorum digitorum longitudinem vix superans, aliquando cute coriacea nigra splendente rugosa obducta, sapore aromatico, instar Cinamomi, aliarumque herbarum odoratarum. Ejus virtutes, (quas experimento probatas credo) hic placet enumerare, quales Vormius recenset. Vi pollet calefaciendi, siccandi, & cerebrum roborandi, qui contra vertiginem utuntur, animi alacritatem miram, spirituumque promptitudinem conferre volunt cum vino, ægrè parturientibus singulare est remedium, ad secundinas pellendas, menses promovendos, dysentericum fluxum, colicos dolores valet. Tritos exhibent in aqua aliqua appropriata ad febres malignas: grana quindecim aut viginti in aqua aliqua Cordiali dantur. Eodem modo adversus venena propinatur. Contra pestem præservationis loco grana quatuor, aut quinque cum tantillo vini jejuno mane exhibentur. Si amuleti loco de collo gestetur carnemque tangat, vertigini resistere volunt. De hoc lapide seu Topho agit etiam Gaspar Bartholinus cap. 13. de Lapide Bezoar.

#### D E M E T A L L I S.

**L**apidum Musæi descriptione absoluta, in describendis metallicis corporibus, quæ in locuplete hoc naturæ Penu conduntur, versabimur, omissis tamen disputationibus, quæ circa ea possent institui. Nomine autem metallicorum intelligimus, tam ipsa metalla, propriè sic dicta, quam corpora metallis affinia, quæ in ipsis fodinis propè metalla reperiuntur; nec facile dictu est quanto oblectamento capiantur oculi in metallorum contemplatione. De his differens Plinius in Proemio lib. 33. meritò hæc verba enunciavit. Illa (Metalla) nos premunt, illa nos ad Inferos agunt, quæ occultavit tellus, atque demersit. Illa quæ non nascuntur, ut repente mens ad inane evolans reputet, quæ deinde futura sit finis, sæculis omnibus exhauriendi eam, quousque penetret avaritia. Quam

innocens, quàm beata immo verò, & delicata esset vita, si nihil aliud, quàm supra terras concupisceret, nisi quod secum est? Eruitur Aurum, & Chryfocolla juxta, ut pretiosior videatur, nomen ex auro custodiens. Parum enim erat unam vitæ invenisse partem, nisi in pretio esset auri etiam sanies. Quærebat argentum avaritia, boni consulvit interim invenisse minium, rubentisque terræ excogitavit usum. Heu prodigiosa ingenia, quot modis auximus pretia rerum: hæc Plinius.

In hoc ergo rerum naturalium Thesauro, primum locum obtinet Aurum, cujus puritas ab omni injuria corruptionis aliena est; nec unica ostenditur in Musæo hujus metalli minera. Videtur enim mixtum cum cæteris metallis, videtur purum, & etiam inter arenas diversas. Gleba est nigra ex Anglia delata, in qua auri ramenta sunt permixta. Alia est colore luteo subviridi, & rubro, in qua integra auri grana passim refulgent, Alia, cui inesse argentum color candidus indicat. Quarta est coloris subcinericii fatis gravis ex Bohemiæ fodinis allata, quinta, etiam ex Bohemiæ fodinis habita, ubi è lapide subrubri coloris in aurum fluere videtur, cui cuprum ihsto colore emicans conjungitur. Nec deest Aurum ex Pervana regione allatum, quæ dicitur *Potosi* in qua die 21. Aprilis anno salutis quadragesimo quinto post millesimum, & quingentesimum multi Auri fodinæ reclusæ sunt, ubi aurum purum, quod appellant *Obrizum*, e rimis albi lapidis educitur. Ex Montibus etiam Maxicani regni erutum aurum obrizum fulget in gleba subrubri coloris, quod omne aurum in pretio superat, utpotè quod ab omni impuritate sejunctum. Præter ista aliæ glebæ, visuntur ex montibus Styriæ ac Tyroli, & Hungariæ fodinis, in quibus auri puri ramenta refulgent. Eas Musæo addidit P. Joannes Despotoviz Rector Collegii Græcensis, & in Urbem Procurator Provinciæ Austriæ missus anno 1700. Visuntur & alia Minerarum fragmenta eruta ex Monte Tomino, propè promontiorum Insulæ Corsicæ, quod dicunt *Capo Corso*; ex insula in lacu Comensi jacente aureis punctis nitentia, colore tamen argento potius similia. His adde arenas in ejusdem insulæ littore collectas, atque alias ex flumine in agro Messanenensi præterfluyente, quod *Nise* appellant, e quibus plurima auri granula seliguntur.

De auro multa doctè scripsit Agricola, præcipuè lib. 8. de natura Fossilium, multa Plinius, Barbarus, Cæsalpinus, Cardanus, Scaliger, & alii, quorum dicta ineptè a nobis huc transferrentur. Placet tantùm Plinii verba referre contra aurum sic invehenti lib. 33. cap. 1. *Utinam posset, et vita in totum abdicari aurum; Sacra James, ut cele-*

*celeberrimi auctores dixerunt, ad perniciem vitæ repertum. Quantum feliciori ævo, cum res ipsæ permutabantur inter se, sicut & Trojanis temporibus factitatum Homero credi convenit.*

F E R R U M .

A R G E N T U M .

**P**ost aurum inter metalla secundum locum Argentum occupare omnes existimant. Inveniri hoc cum cæteris metallis mixtum sciunt periti, atque etiam proprias fodinas, & cunas in terræ visceribus possidere. Tanta autem colorum varietas in venis argenti visitur, ut non possit de his certus assignari character, aliquando enim est ruber cœruleo conspersus, aliquando plumbeus aliquando luteus, vel cinereus, vel viridis, & Rufus. Figura etiam diversum apparet Argentum, nam aliquando tanquam in bracteolas lapidi adhærentes extensum videtur: Sæpius Uvæ speciem repræsentat, sæpè filicum, & Virgularum figuras, aliquando in granula conglobatum, aliquando acuminatum in plures angulos, vel in multis capillamentis simul intortis formatum. Hujusmodi varietatem in glebis cernimus, quæ ex diversis Regionibus in Musæum aduectæ sunt. Prima est lapis satis ponderosus, colore ad cinereum vergente, cum massa argenti copulatus, ex Regno Peruano habitus. Alius lapis ex eadem Regione, in quo Argentea capillamenta simul contorta serpunt, & aliæ particule instar filicum adhærent. Tertius est ex Minera Regionis Tiroloensis; qui cum colore albo aliquam viriditatem monstrat, guttulis argenteis aspersam. Quarta ex fodinis Bohemiæ est Argentum & Aurum continens in saxo diverso colore consperso. In quinta observatur argentum cum cinnabaro mixtum in lapide, ad flavedinem inclinante. Sexta argenti minera suecica est, in colore nigro aliquam viriditatem permixtam præferens, atque etiam cuprum innatum ostendit.

Argenti vivi minera his adjungitur ex Gortia. Lapis ponderosus est albedine saturatus, quam tamen particule subrubræ, & flavæ distinguunt. Ex eo tamen Argentum vivum non defluit, sed si in pulverem redigatur in fornace aliquando educitur, nam ut plurimum spontè rimas saxorum defluit. Plura de argento vivo addi possent, sed illud lectori repeto, quod alibi dictum est. Nos rerum ortus, & causas non tradere, sed solum Musæum describere, aliquibus dumtaxat indicatis, quæ passim obvia non sunt.

**F**errum sequitur e fodinis diversis acceptum. Hoc metallum nonnulli ferrum nuncupatum existimant a ferendo, cum nemo sit, qui ob magnam utilitatem illud secum non ferat. Alii putant cum Isidoro lib. 16. Orig. ferrum dici, quoniam farra, & semina frugum in agris condit, alii a feriendo, sed cum etiam ex ære, & ligno olim arma fiebant in perniciem aliorum, potius a feritate hoc nomen deductum quidam existimant cum Aldrovando lib. 1. Musæi metallici juxta illud distichon.

*Quis fuit ex ferro primus, qui protulit enses?  
Quam ferus, & verè ferreus ille fuit!*

Hoc igitur metallam in pluribus mineris effoditur, & in nonnullis locis instar virgularum, turget in aliis, in quibusdam modò nitidas modò asperas glebas repræsentat. In aliquibus in folia multiplicia excrescit: aliquando veluti crystallus nigro tamen colore in acumina abiit diversorum laterum simul coeuntium. Quamplurimas glebas Musæum enumerat ex diversis fodinis allata, in quibus naturæ ludentis ingenium contemplari fas est. Aliæ enim veluti spongiæ, sed durissimæ undequaque hiant, aliæ densissimam substantiam ostentant, quædam talcosas bracteas simul compactas, quædam verò quasi gemmas undequaque micantes imitantur, quæ si luci diverso modo obijciantur, carbunculos diceres rubescere, & smaragdus fulgere. Licet omnibus color insit nigerrimus; in pluribus apparet aureus, argenteus, & æreus intermicant. Gleba inter cæteras singularis est, in cujus cavitate cylindrica crystallus effulget, in angulos plures conformata, hinc inde in aciem coeuntes. Aliæ etiam numerantur partim lapideæ, partim ferreæ, quibus argentea quædam, atque etiam aurea massa adhæret; nec desunt ferri fragmenta rubigine undique obducta, & bolo rufò circumvestita.

Loca ubi eruitur ferrum Aldrovandus recenset in Musæo Metallico pag. 139. juxta seriem alphabeticam, inter quæ, ait, primatum occupare Ilva vulgo Elba insula Tyrreni Maris. In hac autem insula ferrum in hunc usque diem effoditur, quod nisi vehatur in continentem, nunquam in massas redigi potest. De hac insula Virgilius cecinit.

*Insula inexhaustis Chalybum generosa  
metallis.*

Præcipuas & nobiliores ferri glebas, quibus Musæum ditatur in ejus insulæ fodinis pro sua humanitate dignatus est seligere D. Eenedictus

Guer-

Guerrini, dum in Arce portus, quem dicunt *Ferrajo* præfidiarios milites Magni Ducis Hetruriæ regebat.

Inter ferreas glebas visitur Ferri flos elegantissimus, totus niveus coralliorum instar in ramulos conformatus. Hujusmodi flos in ferri fodinis Stiria aliquando reperitur; & plurimi merito æstimatur.

#### C U P R U M.

**C**Um Metallis huc usque indicatis, sæpe mixtum invenitur Æs, quod Latinis Cuprum dicitur, colore ad rubedinem inclinans, & ab illis ignis beneficio separatur. At est etiam nativum in propria Minera, quod in Musæo videtur ex Alpibus Rhæticiis adductum. Adhæret illud lapidi sub colore violaceo, caruleo, & aliis, qui, quando igne purgatur, evanescent: Videtur etiam Cuprum purum, quod inter lapidum rimas invenitur apud Mansfeldienses fodinas. Aliud ex Hungaria addidimus purissimum, & ductile instar argenti. Colligitur hoc in aqua cujusdam fontis, si per tres menses relinquatur in illa immersa frusta ferrea, quibus cupri ramenta, aqua decurrente adhærent, & simul ipsum ferrum consumitur. Rem ita perfici narrat Kircherus in lib. 10. sect. 4. cap. 8. mundi subterranei.

Invenitur sub profundissimis montibus, ubi cupri Mineræ magnæ sunt effossæ parvulus rivus aquæ Vitriolatæ. Hac aliqua vasa lignea impleri curant, in quæ vasa injiciunt laminas ex antiquo ferro formatas, puta ex Securibus, rastris, & hujusmodi instrumentis, quæ jam usui nulli sunt utilia; atque hæ laminæ post tres menses in cuprum versæ apparent, quod quidem cuprum hoc habet peculiare præ alio, quod non tredecim aut quatuordecim ignes subire debeat, ut cuprum ex mineris eliquatum, sed immediatè ad quemcumque usum elaborari potest, & aptius est, quam aliud ad calices, & opera delicatiora. Ex hoc phænomeno multi sibi suaserunt ferrum in cuprum transmutari; sed Kircherus validis rationibus suffultus omninò negat lib. 11. Mundi Subterr. sect. 2. cap. 2. docetque corpuscula æris, quæ aquæ illi insunt cum vitriolo latentia statim ac ferrum invenerit, illud tenacissimo amplexu stringere, & sua acrimonia ferrum in scoriam resolvere, qua soluta destruitur ferrum, & cuprum remanet.

#### P L U M B U M.

**I**nter metalla, quæ dura sunt, mollia etiam inveniuntur, atque ex his Plumbum apparet in Musæo in duplicem speciem divisum, Plumbum enim datur candidum, quod duritie nigrum superat. Stannum dicitur ab Auctore, quod difficilius plumbo nigro fusionem admittens; cum primò effoditur album non est, sed postquam igne excoquitur. Apparet in lapillis modò nigris, modò flavis, vel candidis, quandoque angulos habet quatuor, quinque, aut sex, quandoque botrum refert. Ex fodinis Angliæ hujus metalli glebæ transmissæ sunt; plumbi autem nigri Minera ex Polonia, & Germaniæ allata.

Præter hæc duo Plumbi genera, tertium numerant Metallici, quod plumbum cinereum vocat Agricola, Marchesitam Argenteam Celspinus. Nitet enim argenti colore simile antimonio, sed colore præstantius. Quandoque ejus minera Argentum in se continet. Lapidi adhæret durissimo. In Anglia, & Misnia reperitur, in venis Argentariis. Plumbo candido, seu stanno admisceri solet, ut splendorem, & duritiem ei conciliet, & liquefactum facilius decurrat, ex quo vasa conflata, colore argentum æmulantur.

#### A N T I M O N I U M.

**A**ntimonium inter Metalla recensetur, ab aliquibus Stibium vocatum. Ejus Mineram numeramus ex agro Senensi allatam, sed aliud optimum ex Hungaria, & Bohemia cruitur; Constat Cylindris seu columeliis crassitie aciculæ, sed mire invicem nexis. Conspiciuntur enim rectæ, parallelæ, obliquæ, transversæ &c. quia porosa est hæc materia, & colore cœruleo splendido instar politi ferri.

#### M A R C H E S I T A.

**C**um metallis affinitatem habent alia, vel quia in venis metallorum reperiuntur, vel quia in se ipsis aliquid veri metalli continent, sub nomine Phyritis, vel Marchesitæ comprehenduntur; Lapidem tamen sunt duritie ferrea, atque ignem, si percutiantur, producant. Inveniuntur etiam sæpè ubi metalla non sunt, & pro-

proprias fodinas habent. Cohærent tanquam lapilli angulares, ut in cryftallo, non in cuspide definentes, fed tefferis potius fimiles. Si ponantur in fornace, fluere affirmant omnes, & cum deflexerint, denuò concrefcere, & in corpus durum, & inutile degenerare.

Nullus fortaffe eft lapis, qui majori copia differentiarum redundet, quàm Pyrites, tum fubftantiæ ratione, tum coloris, & figuræ. Pyriti aliquando fluores cryftallini adnafcuntur, interdum Irides, & Berilli; colores etiam ferè omnium metallorum refert, invenitur viridis, cæruleus, purpureus, cinereus, aureus, argenteus, æreus, & ferreus. Quoad figuram eft rotundus, tefsellatus, angulofus, oblongus, ovalis, planus, turbinatus, fpongiofus fimilis botro, aliquando ut arena friabilis. Numerantur in Mufæo quamplurimæ hujus generis glebæ, in quibus tum colores, tum figuræ indicatæ apparent, ex variis locis collectæ, ac præcipuè ex fodinis ferri Infulæ Iluæ, in quibus præclari lapides hujus generis reperiuntur. Aliquis eft argentei coloris. Ejus massa rudis eft, quæ in lapide nigricante micas argenti junctas ostendit, quibusdam in locis aurei pyritis venas ostendens. Alia aurei coloris, majoribus confans granis, auri massam ferè refert, intermicantibus trigonis quibusdam granis splendidiffimis. Aurea alia eft tefsellata, constat granis angularibus aureis, quibus quiddam cærulei, & viriditatis eft admixtum. Ex auro, & argento mixtus fulget etiam Pyrites ponderofus valde, colore in aliqua fui parte albicante. Non deeft Cinereus, & minutiffimis veluti arenis compactus fed aureis. Friabilis ille eft, licet ponderofus. Lufum Naturæ diceres in coloribus hifce mifcendis. At operæ pretium non eft fingula minutatim describere.

F O S S I L I A.

**P**oft metallorum enumerationem ea recenfenda funt, quæ metallis affinia cenfentur, vel quòd in venis metallorum reperiuntur, vel quòd effodiantur ut metalla. Et primo loco Talcus eft foſſilis, qui lapis conſtat ex tenuiffimis laminis flexibilibus, quæ facilè ſeparantur. In igne neque funditur, neque comburitur, aut colorem amittit, niſi maximo artificio. Ejus minera viſitur cinereo colore, & bracteolis ſcintillantibus permixta; alia huic jungitur nigro colore ſaturata, ponderoſa, ſed friabilis. In Regno Calabria, & Moſcoviticis montibus eruitur.

Talco affinis eft lapis qui dicitur ſpecularis,

faciliter finditur in tenues cruſtas. Illum Hiſpania tantum circa Segobriam olim dabat, Jam, & Cyprus, Capadocia, Sicilia, & Affrica. Eſt etiam in agro Bononienſi, licet brevis, maculoſus, & filicibus alligatus: nunquam repertus quinque pedum longitudine, amplioſem aſſerit Aldrovandus in Muſæo metallico. Humorem hunc terræ glaciatum quidam æxiſtimant.

Aliud lapidis genus eſt in Comenſi agro effoſi, qui facilè tornatur in vaſa coquendis cibus utilia, vel ad uſus Eſculentorum. Calefactus oleo nigreſcit, dureſcitque, cœterum natura mollis.

Sunt varia fragmenta, quæ primo aſpectu lignea videntur, ſed pondere, & duritie produntur contrectanti lapidea. An ex ſucco lapideſcente intra terram, vel in aquis latente ſaxeam hanc duritiem ſint naſta, valdè dubitandum eſt. Putat Calceolarius pag. 423. potius ex partibus terreis humidioribus, exaſperantibus oriri, Ariſtotele, & Platone in Timæo docentibus: *lapidem fieri, dum congelata aqua, quando in commiſtione deficit, in aeris ſpeciem tranſit, & terram ab aere indiffolubiliter cum aqua coactam lapides concreare*, quibus verbis clarè oſtenditur ex majori terræ portione, quàm aquæ lapides fieri. Igitur ex foſſilibus hujus generis, quæ ligna dicuntur, duplicem ſpeciem dari docuit. Kircherus cap. 3. ſect. 2. lib. 8. Mundi ſubterr. Sunt nonnulla, quæ olim arbores fuerunt, & ſucceſſu temporis vi lapidificæ facultatis in ſaxum converſa, quorum particulas aliquas Muſæum noſtrum exhibet; aliqua enim ligna, ut Ilex, & Quercus facile in ſaxum indurantur. Alia ſunt, quæ pura naturæ opera in imis terræ viſceribus reperiuntur ad ſimilitudinem lignorum efformata. Tale lignum eſt, quòd in agro Aquaspartano in Ditione Ducis Ceſij effoditur, & Muſæo donatum ab Illuſtriſſimo, & Reverendiſſimo Epifcopo Tudertino Pianetto, Viro ob vaſtam eruditionem, & litterariam ſupelleſtilem, qua mentem ditavit, nulli hujus Ævi ſecundus. De eo eximium Opuſculum edidit erudiſſimus Vir Franciſcus Stellatus. Cum ſub terra latet, aliquantum molle eſt, ſed aeri expoſitum in ligneam ſubſtantiam indureſcit, ita ut non ſecus ac Ebenum facilè ſcindi, dolari, & expoliri poſſit. Attamen nec terra nec ſaxum, neque lignum dici poſteſt: non terra, quia nullo modo eſt friabile: non lapis quia lapidi nec duritie, neque gravitate reſpondet: Non lignum, cum nullis fibris conſtet, quibus arbores a Natura inſtruuntur; cum poſſit in omni parte eadem facilitate ſecari. Itaque dicendum potius eſſe, e genere foſſilium, & peculiari ingenio fuiſſe a Natura productum.

Alia ligna foſſilia numerantur, quæ ſemjuſta

judicares; sunt enim adeo arefacta, ut in crustas, & frustra facillè solvantur, si tamen ignescant, pinguedinem quamdam sulphuream, & ingrato odore scatentem ostendunt in flamma non lucida, sed cyanea: sub aliquibus collibus prope Urbem Politianam in Hetruria deteguntur sub terræ glebis, quas Torrentes aquarum rapidi secum deferunt.

His lignis affines sunt Terræ bituminosæ, & præcipuè Cespes bituminosus in Belgio fossus, quem patrio nomine *Turf* appellant: effoditur etiam in multis Provinciis, idest Geldria, Brabantia, Hollandia, Frisia, & in Germania, ut in Montanis Misniæ locis id genus terræ bituminosæ, quod sole excoctum igni pabulum præbet. Sic enim provida Natura Populis illis prospexit. Est autem igni pabulum ob copiam admixti bituminis, quod odor gravis indicat, cum accenditur. Hujus terræ plures glebæ seu plura genera, colore, levitate, & pondere diversa recensentur. Quod ponderosum est, & nigrum duritiem laterum costilium imitatur, tardeque ignem concipit, sed conceptum diutissimè servat. Omnium verò deterrimum est inane, & fungosum, quod accensum odorem mephitis terræ exhalat, & nitrosa quadam fuligine oculos circumstantium mordet.

Est aliud ex Brabantia campis minimè bituminosum, quod nil aliud est nisi gleba ex marcidis lignis coacta. Constat enim (ut refert Aldrovandus in Musæo Merallico) ante multos annorum decursus ab exundatione quadam enormi sylvas integras hujus regionis submersas fuisse, quarum arbores paulatim putrefactæ ævo, & imbribus talem putredinem conceperunt, & inde genus quoddam terræ spongiosæ resultat.

Lapis est colore atro imbutus, qui ad succos concretos, seu lapides bituminosos refertur, Gagatem illum nominant, alii succinum nigrum, cum succino videatur affinis. Carbo tamen fossilis est, cum expoliri ut verus Gagates non possit. In multis locis effoditur, & referente Matthiolo, etiam in agro Brixiano, & in Comitatu Tirolensi non procul ab Oeniponte; In agro etiam Urbinatæ. Glebas servat Musæum, quæ ex agro Volaterano missæ sunt. Alias etiam quas ex agro Mafsilienfi P. Bellusius nostræ Societatis colligi curavit, omnes nigerrimo colore saturatæ sunt, & si frangantur levorem quemdam ostendunt, qualis in diffracto Gagate apparet.

Cum de Succino facta sit mentio, placet hoc in loco glebas succini indicare, quibus exornatur Musæum. Prima est ferè dimidio palmo longa, in qua exhibetur inclusa lacerta, ita integra, ut nullam in ea membrum sit, quod non

distinctè magna intuentium admiratione spectetur. Illam præteritis annis, dum Kircherus viveret, ad eum misit Seren. Augustus Dux Brunsvicensis, & Luneburgensis. Alia est ejusdem ferè magnitudinis, omninò pellucida ut crystallus, intra quam videntur plura animalcula inclusa puta Papiliones, Masciculas, & Culices. Similes etiam videntur in Decade precaria, cujus globuli ex succino aliquod simile animal inclusum continet. Musæo addita est a Rever. D. Valentino Quech pro Provinciis Germaniæ apud nostrum P. Generalem Romæ Assistente.

Hujusmodi animantium cadaveribus succino tanquam in sepulchro conditis Martialis hoc alludit Epitaphio:

*Et latet, & lucet Phaethonti condita gutta  
Et ridetur apis nectare clausa suo.*

*Dignum tantorum pretium tulit illa laborum:  
Credibile est ipsam sic voluisse mori.*

Quomodo autem talem pretiosum carcerem obtinuerint, non unica est Philosophantium sententia, Legantur Calceolarius, Vormius, & Kircherus noster, qui in cap. 4. sect. 3. lib. 8. de Mundo subterraneo ita scribit. *Cum bitumen molle idest succinum, maris fluctibus ad littora devolvatur; fit ut ibidem inter arenas, & saxa collectum, siccitate aeris lentescat, unde animalcula hujusmodi sapore, & odore attracta, velut visco quodam corripiantur, a quo cum se expedire non valeant, interim decumanis maris fluctibus mobilis adhuc materia paulatim in globos, aut aliam formam subigitur, atque hoc pacto unda, & unda trudente materiam, animalcula invisitata in medullium obvolvata secedunt. Atque hanc ego rationem esse existimo salvo aliorum iudicio.* Hæc Kircherus.

Quid autem succinum sit adhuc quæritur magnis Authorum diffidiis. Sunt qui lacrimam arboris credunt; alii ex Urina Lyncis fieri existimant; alii quoddam bitumen oleaginum esse deprædicant; alii spumæ marinæ congelatæ, & depuratæ particulas. In Actis eruditorum Lipsiæ mense Julii an. 1700. pag. 333. refertur Liber impressus Berolini an. 1699. a Philippo Jacobo Hartmanno medicinæ Professore, cui titulus est, *Succinta Succini Prussici Historia, & Demonstratio*. Divisit hic in sex sectiones Tractatum, & in prima negat inveniri in Affrica, Asia, & America succinum, idque sentiendum pronunciat de Provinciis Europæ, Italiæ, Hispaniæ, Britannicæ, & Pannoniæ, in quibus tantum est Gagates, succini nigri appellatione dictus, sed de Polonibus, Silesiacis, Bohemicis succinis esse certissima monumenta; Loca in primis mari Balthico vicina succini observari feracissima ex eo magnum proventum oriri in Suecia,



cia, Dania, & Insulis Cimbriam, & Holsatiam allambentibus. Etiam in Samogitia, Curinia, & Livonia copiosissimum esse. In Prussiae autem locis maritimis abundare. Cum autem matricem succini indagare conatur, affirmat. Aliud ex aqua maris hauriri, aliud legi in littore, aliud denique fossile acquiri; & quodcunque colligatur, nunquam molle inveniri, sed durum. Putat animalcula succino inclusa remanere cum in latebris, & cavernis somno sepulta, à liquore bituminoso distillante implicantur, ut nullum inveniant effugium, sed negat, animalia perfectiora, ut ranas, lacertos, pisciculos, posse condi, nisi fiat artis fallacia. Aquarum verò guttarum, quæ intra succinum aliquando occlusæ reperiuntur hanc dicit rationem. Uda scilicet matrice a calida bituminosa exhalatione obsepta, aquam intro compulsam a calore subterraneo consumi nesciam, ob copiam circumstantis bituminosi laticis, nullam rimam, qua diffuat invenire; præcluso itaque exitu captivam remanere. Succinum denique nec inter metalla, cum neque ductile sit, nec liquabile, nec inter terras aut sales, cum terris arctius cohæreat, & salibus sit pinguius, utrisque etiam humidius; non inter bitumina, & sulphura, cum sit nimis durum ac solidum, sed inter lapides ratione duritiei, inter gemmas ratione splendoris collocat. Sed hæc omnia omittimus, cum nostri Instituti nō sit philosophicas disceptationes instituire; Unicam tantum ejus proprietatem indicabimus, ut via sit ad aliqua experimenta inter cœtera, quæ magna cum mentis oblectatione una cum Viris cordatis non rarò fiunt in Musæo.

Virtus illa est ad se attrahendi omnibus nota, licet communi sententia solum paleas, & quæque levissima attrahere credatur. Hunc esse errorem scripsit Kircherus cap. 5. lib. 8. sect. 3. & experimentis didicisse affirmat ponderosissima omnis generis metalla decem, & viginti librarum posse attrahi, dummodo obex succino agenti non ponatur: experimentum sanè pulchrum descripsit Kircherus in lib. de Magnete, quo non exiguum pondus potuit attrahi. Illum adeat Curiosus. Eundem affectum præstant omnia mixta naturæ cognatione similia, uti Gagates, bitumen durum, & videtur quodammodo magis mira hæc virtus electrica attrahendi, qua succinum pollet, quàm Virtus magnetis. Hic enim determinatam rem idest ferrum trahit, omnia autem succinum.

Succino pellucido, & flavo alia fragmenta adnectuntur succini albi, quod lacte imbutum cum videatur, minimè sunt diaphana, sed opaca. Multò minus diaphana est gleba, ex succino nigro, quod Gagatem aliqui appellant; conve-

nit cum succino flavo, sed tantum discrepat colore; expolitur ut succinum, & nitorem retinet in superficie, & proinde capsulas ex eo conficiunt Artifices, monilia, simulacra Sanctorum, Globulos precarios, & similia,

S A L I A.

**U**T succos concretos ordine prosequamur Sal est observandus, qui inter omnes præstantissimus est, & in omnibus universæ naturæ mixtis reperitur quasi condimentum ejus sit, & omnium rerum Virtus ac vigor. Relicto sale dulci seu indico, qui Saccharum dicitur, illum intelligimus, qui frigido, & humido liquatur, & calido, & sicco concrefcit. Dividitur in nativum, & factitium; de primo sermo est, nam factitius qui ex omnibus rebus arte eruitur, ad Chemicos pertinet, & Alchimie professores.

Sal igitur qui dicitur Gemmeus primum locum occupat inter cœteros. Instar Crystalli radiat ex fodinis Calabriae erutus. Illi affinis est alius Sal fossilis ex agro Campaniæ felicis habitus non ita diaphanus.

A sale fossili non recedit sal Ammoniacus, quem in arenis Libyæ inveniri referunt; cœterum qui in officinis venditur arte paratur, & è regionibus Syriæ, & ex Germania formatus in glebas obscuritate quadam velatus defertur.

Sequitur Salnitrum cujus variæ mundi partes sunt feraces, apparet in multis veluti ros in superficie saxorum, in glebis terrestribus, & alibi, sed dum coquitur in columnulas angulosas, & pellucas densatur instar crystalli, & vocatur Salnitrum, modum præparandi illud docet Aldrovandus in Musæo Metallico lib. 3. Kircherus in Mundo subterraneo lib. 6. cap. 1. sect. 2. his verbis. Fit Salnitrum hodie ex acerrimo lixivio, quod excolatur ex fimo, stercoreve antiquato, vel putidis etiam cemeteriorum maceris terrisque simul studio quodam putrefactis, effusa pluries in vasis ligneis aqua, qua eadem hoc lixivium in magnis lebetibus coquitur, fitque Salnitrum longis Salis ad instar fibris in fundo vasis concrefcens.

Extrahitur etiam è faxis igne decoctis sal qui Alumen vocatur, eò quòd lumen coloribus pannos inficientibus præstet. In agro Romano præcipue propè Tolsam elaboratur, & à fecibus separatur, ubi venas in rupibus latentes, referente Volaterano, invenit quidam Joannes de Castro Longobardus tempore Pii Secundi Pontificis Max. Conficitur autem hac ratione. Lapidis Aluminis ex fodina erutos, & in calcem coctos aqua resolvunt. Hujusmodi calcem in prægrandem cacabum, cujus fundus est ex ære

campano conjiciunt, & supposito igne validissimo, aqua, in quam calx resolvitur, per canales in vasa quædam ex tabulis quernis, vel Illicinis, (nam aliud lignum huic operi est ineptum) ruditer parata ducitur. Ibi Alumen ab aqua separatur, ita ut latera vasorum tota crystallina esse videantur, singulis particulis plerumque in figuras hexagonas abeuntibus pellucidis, & candidis. Hoc alumen etiam interdum ex candido rubescit, & varias acquirit figuras, quandoquidem octagonon, Dodecagonon, & Pantonion visitur. Invenitur etiam in aliis locis. Lapis è fodina erutus videtur in Musæo, rursus alius ejusdem generis igne decoctus, insuper fragmenta aluminis in varias figuras concreti.

Post Alumen Calcanthus indicatur in saxo, colore ex cinereo nigricante, propè quem fucus est ex illo erutus, & concretus, qui alio nomine vocatur Atramentum Sutorium, seu Vitriolum. Multiplex invenitur. Primus est Calcanthus Cyprius pellucidus, & colore cœruleus. Est Italicus cognomento Romanus viridis, & maculis albicantibus flavisque varius; est etiam Anglicus, qui viriditatem magis puram ostentat. Romanum in agro Viterbiensi colligitur, & in Volaterano apud Montem Bibienum, simul cum terra nigra à qua separatur hoc modo. Eruunt cujusdam terræ glebas coloris cinerei, quales in Musæo conspiciuntur, intermixtis maculis viribus, & rufis, odore viroso, fessoribus valdè noxio, quapropter illas non in cuniculis, sed aperto cœlo effodiunt; Hujus materiæ acervos spatium semestri imbribus, & soli exponunt, deinde totidem diebus sub tecto servant; deinde aqua solvunt, & in vasis plumbeis coquunt; sola enim materia plumbea ab acredine succi hujus concreti non corroditur. Hac igitur aqua refrigerata, & vasis ligneis transfusa paulatim in Calcanthum crescit.

Sulphur calcantho succedit, quo nomine succum illum concretum intelligimus, quod facillè inflammatur, & factitium, quod igne perficitur, & quidem in multis locis, & modis. Vidi in ora maritima duobus milliariis ab Antio disita fodinam in libero aere apertam, in qua venas cinerei cujusdã luti efflores detegebant. Acceptas ex illo glebas, ex quibus aliquas in Musæum transtuli, imponebant vasis fictilibus, quæ calce, & lateribus undique circumsepta ignem in fundo tantùm sentiebant. Sic enim purior substantia liquata ascendebat ad superiorem vasorum regionem, & per rostrum, seu canaliculum in aliud vas ligneum recepta, instar olei, paulatim dilabebatur sulphur liquatum, quod postea ab igne remotum concresecbat. Ultra sulphur factitium, quod ex glebis terræ

deducitur, est etiam nativum; quod in multis locis invenitur.

Cujusdam generis sulphur conservatur in Musæo colore ex flavo albescente, & levi tactu friabile. Generatur hoc in quibusdam lapidibus, calculis fluminum valdè similibus, vel lapidem Geodem referentibus, quem dicunt Aquilinum. In his veluti nucleus in Amygdalis, & Avellanis, materia sulphurea inest, sub cortice lapideo, tophacea duritie prædita. Illud ex Sicilia largitus fuit R. P. Hieremias, e Panormo PP. Capuccinorum Provincialis Præpositus, Vir pari humanitate ac eruditione præditus, significans tale sulphur generari in agro propè Urbem Agrigentum vulgò *Gergenti*.

Antequam ad cœtera calamum convertamus non erit incongruum hic referre aliquas lapideas glebas ex montibus Ætnæ, & Vesuvio acceptas, nitro, & sulphure foetas. Saxum quod Ætna anno 1696. eructavit atro colore imbutum est, & ponderosum, parumque dissimile Scoriæ ferri in igne purgati, redoletque ingratum sulphuris foetorem. Illi jungitur massa bituminis ex eodem monte eructati, coloris castanei subobscuri, & ponderosa. Ejus pars igne examinata in cinerem abiit inutilem. Saxum verò Vesuvii nigrum, & pumicosum est, sed ponderans in cujus superficie nitrum efflorescit. Huic adjunctum est curiosum numisma formatum ex plumbo, cujus frons exhibet montem flammæ, & fumum eructantem; in averfa verò hæc verba leguntur.

*Ex plumbo ipsius incendii*  
VEVVIUS ARDENS MDCXXXI.  
*calore liquefacto an. 1632.*

Illud accepit ab Excellentissimo Ursino Brachiani Duce Augustinus Scilla Pictor nostri Ævi eximius, qui in hoc Musæo tanquam æternum sui amoris pignus tale numisma collocavit. Plumbum autem ex quo constat, ex bitumine separatum fuit, quod Mons ignivomus eructavit.

Facta enumeratione salium, qui in Globo terraqueo reperiuntur, Ordinis ratio postulat ut succos concretos prosequamur, seu varietatem terrarum proponamus, quæ ex ejusdem terreni globi venis extrahuntur, cum mineralibus succis mixtæ quos colores indicant, quique multiplicem usum habent, in variis Artium operibus, ac præsertim a Medicinæ Professoribus adhibentur. Non autem omnes exponendi animus est: innumeri enim sunt, atque ut Kircherus demonstrat in Arte Combinatoria, si terræ simplices differentias duodecim inter se combineris, enascentur 479001600 differentis terræ

miscellæ. Solas igitur enumerabimus , e quibus multiplex Vasorum diverforum congeries Musæum exornat , & quidem candidas , Albas , rubras , flavas , nigras , sulphureas &c.

Primum inter omnes locum tenent Vasa, quæ cetera pretio superant , utpotè quæ in unica Regni Sinenfis Provincia conficiuntur . Vulgus terram , ex qua conficiuntur *Porcellanam* appellat, hoc nomine fortè insignitam, quoniam Vasa ex ea compacta, tanquam Achatès sint translucida : siquidem hæc gemma a nonnullis Porcellana vocatur. Aliqui putarunt ideò porcellanam vocari, quòd sibi suaserint fieri ex testis conchyliorum maris , quæ Vulgus vocat *Porcellitas*, inter quos fuit Guido Pancirolus qui in parte secunda rerum deperditarum tit. 2. ita scripsit . *Superioribus sæculis nunquam fuerunt visa Porcellana ; sunt autem massa quædam ex gypso, ovo trito, putamine locustæ marinæ, & aliis speciebus composita , quæ si probè stipata , & densata fuerit , sub terra in locum aliquem secretiorem reconditur, quem Pater Liberis suis designat, atque ibi octoginta annos manet recondita , quo tempore elapso filii , vel nepotes eam eruunt , eaque rursus subacta , & ad elaborandum idonea reddita , pretiosa illa vasa conficiunt aspectu pulcherrima &c.* In hac etiam sententia fuit Scaliger . Opiniones aliorum recenset Aldrovandus pag. 230. Musæi Metallici , qui deinde subdit Patrem Alvarum è nostra Societate , qui per Regnum Chinense diu vagatus est , retulisse , vasa Porcellanica , in quadam tantum villa Provinciæ Kiamsi fabricari, ejus tamen maximam copiam toti Regno, imò Orbi Terrarum distribui . Argillam tamen eo in loco non erui , sed aliunde illuc deferri propter aquam illius loci , quæ perspicuitatem Vasis conciliat . Colorem cæruleum illis impertiuntur Artifices Anil, quo abundant ; subditque ejusmodi vasa in nostris Regionibus, deficiente tali argilla , & aqua fabricari non posse diu creditum esse ; Nihilominus Magnum Hetruriæ Ducem Franciscum Vasa Chinensibus similia fieri curasse , licet non adeò subtilia . Hanc Aldrovandi relationem comprobatur Vas unicum Florentiæ compactum, quod Musæum nostrum exornat, ab Illustri. Præsule Leone Strozza liberali manu aliis suis muneribus adjunctum . Relationem Aldrovandi confirmat P. Martinus Martini noster in suo Atlante Sinico pag. 86. rescriptam a Kircherò in Mundo subterraneo lib. 7. pag. 343. In aliquibus tamen discrepat ab Aldrovando . Sic enim ille scripsit de Urbe Jaockeu in Provincia Kiangnam at quod maximè eam commendat, est elaboratio , & copia scutellarum Sinenfium , quas porcellanas , nescio unde petito nomine , vulgò vocant, quæ nullibi in toto regno fiunt præ-

stentiores , quàm in pago Feuleang civitatis , licet enim alibi terram , ex qua forte confici possent , habeant , nullo modo ad eas accedunt, quæ in hoc pago fiunt ; immo quod admiratione dignum , terram , ex qua eas efformant, non ex hujus Provinciæ solo, hauriunt, sed ex Kiangnan Provinciæ Urbe Hoeicheu advectam accipiunt, neque ibi , licet tanta illius adsit terræ copia , ullo modo effingere illas queunt . Sunt qui illud aquarum temperaturæ adscribant . Ex hoc ergo hujus Urbis pago omnes scutellæ illæ ac vasa Sinenfia sunt , quæ a rusticis rudibusque hominibus figlina arte elaborantur , eodem modo , quo Faenses in Italia . Colore varia sunt licet omnia ex subtilissima illa argilla ut aliquantulum diaphana constant , quæ colore illinuntur croceo , variis Draconum figuris illusa sunt, regio destinatur palatio , pro vulgò fiunt rubra , lutea ac cæruleo colore , ad quem effingendum glastum a Sinis adhiberi solet , quòd ibi magna reperitur copia , quo etiam ad tingendum vestes utuntur . Quanta verò horum vasorum sit copia facilè quivis colliget ex ea , quem quotidie videmus in Europa nostra . At miror unde hic increbuerit rumor , ex ovorum testis , aut contusis conchulis marinis præparari hanc materiam , idque ex relatione quorundam centum annorum spatio repositam , ab Avis pro successuris nepotibus , planè rerum gnaris ridicula sunt hæc & merè commentitia , namque omnia ex terra , quæ ad hunc pagum ex Urbe vicina Noeicheu advehitur , figlina arte fiunt ; terra autem illa non pinguis ut creta est , sed veluti arenula pellucida , quam macerant , & adpersa aqua in massam cogunt . Hæc P. Martinus . Dicunt hæc vasa ad præsentiam venenorum frangi . At id experimento non comperitur .

Porcellanis Vasis secundo loco respondent Vasa , quæ in Japponia conficiuntur ex argilla , adeò candida , ut lactè videantur saturata , non tamen pellucida , & diaphana sunt , ut Chinensia , sed picturis exornata variis , variisque coloribus simul cum auro intermixtis .

Tertio loco Vasa Chinensia æmulantur ea , quæ paucis ab hinc annis in Urbe Delphi Hollandi compingunt , & quidem tali artis industria , ut qui non optimè Porcellanica norit, ea putet in Sinis fabrefacta . His non cedunt pulchritudine , & subtilitate alia , quæ fabricantur in Fano S. Clodvaldi , vulgò S. Cloud Burgo Galliæ cultissimo ad sequanam fluvium duabus leucis infra Lutetiam in Occasum . Alba sunt omnia , & floribus , foliis , avibusque colore cæruleo exornata . Ex singulis horum speciebus plura vascula in diversas formas compacta exornant Musæum .

Alia sunt ex aliis Regionibus advecta, quæ etsi Porcellanis æquiparari non possint, suum tamen pretium merentur, vel propter ipsam Argillam ex qua sunt compacta, vel propter superinductam tunicam, qua levor, & pulchritudo illis additur. Modum conficiendi, hanc incrustationem; præsertim candidissimam, quam a loco Majoricæ, Majolicam dicunt Italici, docuit subtilissimus Scaliger exercitatione 92. & 120. sic. Aluminis catini, quod Salchali vocant quidam, Tartari usti singulorum uncia accipitur, & arenæ lucidissimæ, ex qua constat Vitrum sex quinquæ, mista coquuntur in fornace, usque dum in massam lapidescant, reposita servantur, deinde sumitur plumbi pondus uncia una, cassiteri unc. 10. quæ in fornace reverberationis calcinentur, hæc item seorsum servanda sunt. Ex hoc posteriore calcinato trientem unum, ex Superiore materia trientes duas in aqua tere, deinde spongia figulina, atque in pelvi conde, ubi voles uti, conturbato, vasaque figulina oblinito, quod si candorem, atque splendorem augere, vis, ejus Cassiteri, quod Angli vocant Glaciale ponito uncias XV. hæc Scaliger. Plura igitur numerantur ex rubra, & subtilissima argilla, quæ undique obscuro circumtegitur, sed nitente velamine, duobus coloribus simul admixtis, idest pullaceo, & rufescenti undatim penicillo dispositis. Conficiuntur hæc in quodam Pago, apud Avenionem inter pontem S. Spiritus, & Teinfito, qui a Gallis dicitur *Airome*.

His ferè similia sunt, quæ fabricantur Savonæ Urbis Liguriæ celebris, sed colore alio vestiuntur, supra quem flores ex auro eximia arte efformant, & guttas etiam aureas, vel argenteas minutatim dispergunt. Effodiunt etiam apud Savonam argillam aliam albam, quæ ad miram subtilitatem extendi se patitur. Hanc candido amictu circumtegitur, cœruleo colore diversimodè exornato.

Colore nigerrimo, sed instar vitri pellucido obvelata conficiuntur ex vulgari argilla tum Savonæ; tum in Vico ad ripam Tiberis propè Perusium, qui dicitur *Fratta*, atque etiam alibi.

Papiæ Urbis Italiæ nobilissimæ quædam compinguntur, ex tenuissima atque levissima creta, quam velo ex livido cinereo contegunt, illudque postea floribus ex albo, & atro colore perita manu dispositis exornant.

Alba sunt Vasa (ut communia, quæ in pluribus locis fabricantur) ex Urbe Aprutii ceterioris in ora Maris Adriatici cognomento *Ortona a Mare*, duodecim miliaribus a Theate in Ortum distante, sed picturis adeo egregiis exornata, ut pretium vasorum ex porcellana sæpissimè superent.

Vulgaria essent, quæ sunt apud Valentiam Urbem Hispaniæ in quodam loco *Manifes* appellato, sed adeo effulgent ob cupreas bracteas, quibus obvelantur, ut ex ære compacta videantur; & inter cœtera Musæum mirificè exornant.

Ex Asia minore, & locis Turcicæ Ditioni subiectis non valdè ab Urbe Constantinopolitana distitis similia figulina vasa obtinui alba, sed floribus foliisque viridis, cœruleis, & flavis perpulchrè exornata, Turcæ enim nunquam humanas figuras coloribus exprimunt, sed tantum flores iisque similia.

Alia magis delicata, & figulina manu melius fabricata apparent, quæ ex Urbe Tripolitana attulit quidam Maronita. Vascula sunt parva quibus passim Turcæ utuntur ad sumendam potionem, quæ ex semine dicto *Kassè* conficitur.

Ad eundem usum facta quamplurima numerantur, & quidem diversæ formæ, variisque coloribus exornata. Illata sunt ex Regionibus Persicis. Alia enim cyaneo, alia suboscuro, æneoque colore vestita, flores aureos ostentant, non tantum in externa, sed etiam in interna alba superficie. Terra ex qua conficiuntur Porcellanam Sinensem duritiæ, & albedine æmularur. Nec deest quoddam vas, in quo Persæ potionem ex *Kassè* servant. Ventricosum illud est, & Siphunculum è ventre emittit, usque ad os elevatum, deinde reflexum, ita ut litteram S, imitetur, angusto hiato patulum.

Tria etiam vasa sunt nigerrimo colore circumtecta, quem tamen cyaneus, flavus, viridis, & candidus belle dispositi exornant. In Regno Bohemiæ communia sunt ad potum servandum, ac proinde operculum claviculo alligatum habent ex selecto stamno, quod argentum æmulatur.

Non desunt alia magis vulgaria, quæ Romæ, Faventiæ, & aliis in locis Italiæ ex diversis argillis compinguntur, Unicum inter omnia eminet antiquissimum detectum in arvis, ubi olim Urbs Vejum florebat. Ex argilla est candido velamine obducta, sed in areolis parum extantibus plures colores ita splendent, ut encaustica arte disposita judicares.

Enumeratis terræ speciebus, quæ figulina arte compactæ igne deinde indurantur, & quadam alia tunica circumtegitur, ut splendeant: Alia proponuntur in Musæo magis simplices nullo indumento obvelatæ, sed nativo colore etiam in igne servato æstimabiles. Hæ tenues ita sunt, ut in quamcumque partem ductiles sint, & exsiccata non dehiscant, Communi nomine juxta sententiam Plinii Auctores vocant Argillas, aliqui Terras figulinas. Alia earum est candida, alia alba, alia nigra, alia luteæ, vel puniceæ,

niceæ, vel cinereæ, ex quibus vafa efficta Mu-  
fæum exhibet. Item Argillam odoriferam in-  
veniri in Regno Bengalæ, fcribit Aldrovandus,  
ex qua fictilia egregia formantur, & in Monte  
Majelle in Aprutiis terram cineream, quæ ful-  
phuris odorem fpargit.

Ufum fictilium fuiſſe antiquiſſimum inde col-  
ligimus, quoniam ſub terra pulcherrima fictilia  
aliquando inventa ſunt, quibus plerumque col-  
lum eſt anguſtum, & venter tumidus. Horum  
quædam anſam unicam habent, quædam binas,  
alia quatuor, ut in Muſæo obſervari poſſunt.  
Referente Aldrovando in Muſæo Metall. pagi-  
na 228. oſtendebantur olim Romæ duo fictilia  
in templo conſecrata propter tenuitatem Argil-  
læ ex certamine duorum figulorum, uter eorum  
tenuiorem argillam duxiſſet. Fictilibus etiam  
portionem ſumpſiſſe Veteres Propertius refert  
lib. 1. hoc carmine.

*Fictilia antiquus primùm ſibi fecit agreſtis  
Pocula de facili, compoſuitque luto.*

Imò ſequentibus temporibus etiam Reges ficti-  
libus uſos, in multis patet. Non Agathoclem  
addacam, qui originis ſuæ in memoriam fictili-  
bus cænare memoratur, ſed Maſſiniſſam Regem  
Libyæ, qui cœnam fictilibus intruſiſſe apud  
Athæneum ex Ptolemæo refertur. Denique  
more Romano ad Ætatem Macedonum morem  
cum duſſe, idem narrat. Plinius, Patinæ Vi-  
telli facundæ fornacem in campis ædificatam  
tradit, eoque luxuriam perveniſſe, ut etiam  
pluris fictilia conſtiterint, quàm Murrhina.  
Notat Georgius Vaſarus part. 3. de Vitis Picto-  
rum pag. 43. Nullum vas antiquum adhuc re-  
pertum eſſe, quod cruſta ferè vitrea, & pellu-  
cida, & coloribus exornata, fuerit circumte-  
ctum, ſed omnia ex ſimplici argilla conſtare,  
quam color, aut niger, aut ruber cum albo  
mixti ruditer exornat. Hujus generis aliquot  
ſunt in Muſæo, ſed imperita manu depicta.  
Egregia ſervantur Romæ præſertim in Gazo-  
phylacio Eminentiſſimi Cardinalis Franciſci  
Barberini.

His præmiſſis, occurrunt primò duo Vaſa  
operculo, & Manubrio argenteo munita ex ter-  
ra Sileſiana conſecta, alterum eorum colore eſt  
albicante, alterum ad rubedinem tendente;  
Ambo floribus, e colore diverſo exornata, atque  
figillo munita. Has terras ſe primò inveniſſe in  
Sileſia ſcribit Joannes Montanus medicinæ Do-  
ctor in ſuo latino tractatu edito Francofurti  
anno 1583. triginta annis prius. Quanquam  
verò in pluribus locis inveniatur, præſtantiſ-  
ſima eſt in Ducatu Schwidnicenſi ſtrigæ, quod  
eſt oppidum Sileſiæ non præcul a Schwidnicio,  
ubi in antiquis auri fodinis intra ſaxa deprehen-  
ditur. De ea agens Montanus, ait, ſlayam, quæ

ad rubedinem tendit, ſuam originem trahere  
ex aſcendentibus Auri vaporibus; albam autem  
ex argenteis, ideoque in argenti fodinis in-  
veniri. Varias earum virtutes idem Author re-  
cenſet præcipuè medendi vulneribus, quæ ar-  
ma venenata inſigunt. Inſuper, ait, reſiſtit  
morſibus venenatorum animalium, habet ſingu-  
larem Sympathiam cum corde, quod mirificè  
confortat, cerebrum recreat, pellit dolorem  
cordis, ſiſtit fluxum ſanguinis, & Alvi, celeri-  
ter ſanat membra combuſta a plumbo liqueſa-  
cto, ſi cito adhibeatur &c. juxta taxam Uratis-  
lavienſem venditur in Apothecis uncia ejus  
quatuor cruciferis, ſed de hac ſatis.

Vaſa alia numeranda ſunt ex terra, quæ dicitur  
Lemnia, hæc pinguis, & tenax linguæ ad-  
hæret, guſtu non mordaci: & ſi aqua ſolvatur  
cæræ mollitiem adipiſcitur, color illi eſt rubri-  
cæ, non tamen manus tangentium commaculat.  
Locus eſt Lemnos Inſula maris Ægei; pro illa,  
ait Aldrovandus, hodie Bolum Armenum uſur-  
pari, quæ terra ex Regione Armeniæ finitima  
Cappadociæ defertur. Hodie tamen rarum eſſe  
ſubdit, & illud quod apud Pharmacopeos adhi-  
betur ad colorem rubricæ accedens, advehi ex  
Hiſpania, aut Normannia.

Ad argillarum genus Terram Samiam meritò  
reducerunt Scriptores, quandoquidem ex hac  
ſunt Vaſa, multorum ſcriptis nobilitata; quæ-  
que ad fercula, & vina fundenda in Sacrificiis  
olim adhibebantur. Nomen habet a natali lo-  
co, nimirum a Samo Ægei maris inſula, quæ  
cum eſſet Thraciæ proxima, Samoſracia nun-  
cupata eſt. Hodie inculta ſilviſque horrida ja-  
cet. Hæc terra ſibi a Natura has comparavit  
conditiones a Dioſcoride recitatas, nimirum eſt  
candida, mollis, levis, pinguis, & admota linguæ  
vehementer adhæret; unde Galenus levio-  
rem illam dixit terra Lemnia.

Non abſimilis eſt Terra Chia ab inſula Chio  
Maris Ægei denominata. Apud Arabes vocatur  
*Tinbalad a Camaſſichi*, quaſi dixeris Terram  
Regionis Maſſiches, quoniam ex Inſula propter  
Maſſichen lacrymam Lentiſci commendatus.  
Hæc candida conſpicitur ad colorem cinereum  
vergens. Tres ejus ſpecies in Muſæo ſunt, ab  
Aldrovando obſervatæ. Prima eſt candida ſi-  
milis illi, quæ in agro Vicentino eruitur, & vo-  
catur *Fioretto di Scio*. Secunda eſt candidiſſima  
ad inſtar Amyli, quæ inter venas ferri inveni-  
tur. Tertia pinguis colore carneo rubescens,  
modicè adhærens linguæ. Vaſa ex hujusmodi  
argilla præſtanti artificio compinguntur in va-  
riis Regionibus Regni Turcici, præſertim By-  
zantii, quæ deinde coloribus, & aureis floribus  
exornantur.

Ex Luſitania triplicis generis vaſa obtinuimus

ex argilla composita. Præcipua rubra sunt, quæ ex terra colata constant. Hæc adeo sunt glutinosa, ut admota linguæ pensilia hæreant. In his liquores infusi mirum in modum refrigerantur, etsi venenata potio ex his sumatur, illam non lædere scripsit Aldrovandus. Mulieres præcipuè prægnantes horum vasorum fragmenta edunt. Adeo tenuis, & ductilis est, ut in quamcunque formam flecti possit. Egregia proinde vasa, & quidem ampla efformantur, & pretium omne excederent, nisi fragilitas illud minueret. In mensis, & cubiculis magnatum ut pretiosa servantur. Pulchriora, quæ numerantur in nostro Musæo dignatus fuit elargiri Eminentissimus Cardinalis Coloredus Sacro Pœnitentieræ Tribunali summus Præses, & in Collegio Purpuratorum ob vitæ integritatem doctrinamque conspicuus. Locus Ubi hæc vasa fabricantur, dicitur *Estremosa*, qui pagus est per aliquot milliaria ab Ulyssipone distans.

His adde aliquot vasa ex argilla Sinensi compacta colore ex rubro in fuscum inclinante. Magni illa æstimantur ob laborem, quo artifices eorum superficiem exornant addendo flores, encarpia, volucres &c. opere anaglyptico exculptas. Talis argilla vitro non ab similibus in igne summam duritiem licet adepta sit, facilè rumpitur. Si leviter percutiatur Chalybe sonum edit. Inter cœtera Vas est cum Manubrio, cui opponitur Siphunculus: in summitate operculo clauditur. In ejusmodi vasis aqua ferventi plenis folia illa immittunt, quæ Arboris Tè, seu Cià communiter vocant, ut potionem, in Regno Sinarum communem efficiant. Talia vasa Musæo adjunxit hoc anno P. Casparus Castner ex eo Regno Romam missus rerum nostrarum apud P. Generalem Procurator.

In alio loco ejusdem Regni Lusitani, qui Mollos appellatur, alia vasa fabricantur, ex quadam argilla coloris ex plumbeo nigricantis. In eorum superficie intermicant puncta quædam ut in antimonio videntur.

Tertii Generis Ulyssipone adferuntur ex argilla coloris carnei, ab artificibus cujusdam nomine dicuntur Vasa *della Maja*. Subtilissima ea sunt, & odorem gratum exhalant, si aqua impleantur, quam purgari, & frige fieri existimant, antequam absorbeatur.

Creta nigerrima in Regionibus novæ Hispaniæ præsertim Chilensi eruitur, ex qua Vasa aliquot Musæum possidet in egregias formas compacta

Alia subalbida ex Urbe Guadalaxara Regni Mexicani. His copulantur, quorum superficies pluribus coloribus, sed rudi arte dispositis apparent exornatæ. Eandem Argillam atro colore nigram reddunt, ut vasa conficiant Chilensibus similia.

In oppido Calabriae citerioris, cui nomen Paula fabricantur Vasa ex argilla Rubra, & subtilissima, quæ Vasa Lusitanica æmulantur, at illis in colore non adeo vivido cedunt.

Inter hæc Vasa Rubra sunt alia alternatim disposita coloris ex cinereo in sulphureum tendente, & quidem duplici in loco compacta. Aliqua enim in Sacca Urbe, in ora Siciliae Australi posita, alia verò in Urbe Syracusarum. At hæc non adeo subtilia sunt, ut Saccentina, fortasse ob Figulorum imperitiam. Hæc omnia si aqua impleantur humorem imbibunt, porosa enim sunt, & rara, sine velamine superaddito.

Multo magis solvuntur Vasa, quæ è terra Melitensi candida, vulgò dicta *di S. Pavolo*, efficiuntur. Melitæ tamen alia vasa conduntur ex quadam argilla coloris rubricæ, quæ albis picturis ruditer exornantur.

Ex Argilla Ipsensi sunt efficta Vasa trigona, quæ communiter crucibula nuncupantur. Ips autem est oppidum Norici ad Danubium in Austria Laureaco finitissimum, quod alii dicunt Urbium. Hæc vasa ad fundenda metalla adhibentur. Igni enim resistunt.

Ad fundendum Orichalcum apta etiam sunt vasa ex terra cinerea Norimbergensi. Terra autem apud Pisas, e Monte Carolo effoditur, ex quo Vasa finguntur ad Vitrum fufum in fornace continendum.

Bolus in agro Romano, propè viam Prænestinam effossus hoc anno 1703. qui pinguis, & oleosus notas veri boli armeni ostendit, præter colorem: subrufus enim est ad nigrum inclinans, & Lineolis quibusdam flavis distinctus.

Harum terrarum species in fictilibus vasis recognoscuntur, quæ in pluribus Armariis ordine disposita oculos accedentium oblectant. His adde terram aliam, quam sub nomine boli candidi comprehendere posse judico, nam terra est candidissima, & levissima tangentium manus nequaquam inficiens, dentibus confricata succosam admodum se præbet ut terra samia. Huic simile terra felicissimo eventu se usum esse adversus febres, quæ ex venenata qualitate in humoribus existente ortum trahunt, asseruit Calceolarius in Musæo sect. 2. pag. 122. & addidit, aliis quoque morbis esse antidotum. Ex agro Urbis Veteris effossam misit ad Musæum Comes Bernardinus Saracinellus, cujus obitum adhuc Patria deplorat.

Ex agro Senensi similem terram recepi sub nomine Agarici fossilis. Substantiam enim Agarico similem habet levem albam, sed friabilem, non tamen amaram. Tale agaricum descripsit Imperatus, cujus verba in latinum transtulit Chiocchus in Musæi Calceolarii descriptione sect. 4. pag. 468. Terram ait existere ita

vocatam , candore calci fimilem , levitate diffimilem , quæ in Agarico summa effe folet , in specuum fornicibus inveniri , confistentiæ mollis dum solvitur , fibrosi aliquid præferre ; fed denique terrarum aliarum instar liquefcere , nec ejus ortum a veri Agarici ortu diverfum videri , quemadmodum etiam effigie omninò ipsum refert ; linguæ adhærefcere , quapropter , & credi , effe terram famiam , & pro ea à multis peritis medicis usurpari . Sanguinis per os rejectionibus prodeffe , generatim ad ea omnia adhiberi , quibus Samia terra est conducibilis . Lac Lunæ nonnulli appellant ob mollitiem , & candorem , quam præfert , dum in propriis locis colligitur .

Terra ex Melita infula effoffa in ea specu , in qua D. Paulus habitaffe dicitur , tactu est aspera , color albus ad cinereum vergens , mollis tamen est , & candida , si lotione partes crassiores separentur . Gratia Divi Pauli appellatur , eò quòd tali terræ vim efficaciffimam impetravit contra serpentium , & canis rabidi morsus , infantibus etiam vermibus oppressis mirabiliter succurrit .

Antequam a Classe Terrarum fictilium discedamus , mentio facienda est Vasorum , quæ præclarus civis Tuscanellensis Alphonfus Donninus , & Senatus Populique Romani a Secretis , pro sua erga nostram Societatem benevolentia Collegio Romano liberali manu adscripsit in Testamento , quod condidit anno 1652 . & publicis tabulis mandavit , a Notario Binante servatis . Octo , & triginta complanata Pollubra illa sunt , variæ magnitudinis , & formæ , quare majora ferè tertium palmum in diameto expleant alia palmo minorem habent , variis tum arabicis tractibus tum Sacris , tum prophanis historiis , vel poeticis figmentis illustrata , pretiosa opera æstimantur , eò quòd Raphaelis Urbinate manu depicta existimentur . Verùm nescio quo errore percrebuerit fama hæc , cum nunquam figulina vasa suo penicillo Raphael exornaverit , sed diverfi ejus Alumni , qui in hac arte , quam hodie deperditam ploramus , ejus tempore floruerunt . Talem vulgi opinioni locum non relinquit Vasarus , dum narrat in Vita Baptistæ Franci Pictoris Veneti , fere innumeras imagines ac historias ab ipso delineatas fuisse ex auctographis Raphaelis ex mandato Ducis Urbini , ut eas in figulinis Vasis alii Pictores coloribus explicent . Placet verba Vasari huc adducere . *Pensando quel Duca , che i disegni di Battista messi in opera da coloro ; che lavoravano eccellentemente vasi di terra a Castel Durante , i quali si erano molto serviti delle stampe di Rafaello da Urbino , e di quelle di altri Valent' huomini rouscirebbono benissimo , fece fare a Battista infiniti disegni , che messi in opera in quella*

*sorte di terra gentilissima sopra tutte le altre d' Italia ruscirono cosa rara ; onde ne furono fatti , e di tante sorti di vasi , quanti sarebbono bastati in una credenza reale . Ne mandò il detto Duca una credenza doppia a Carlo V. Imperatore , e una al Cardinal Farnese . Vasarus part. 3. vol. 2. pag. 43.*

Confirmat hanc relationem D. Vincentius Victoria Patritius Valentinus , & Canonicus in Ecclesia Xativæ Urbis in Regno Valentino munitiffimæ , epistola ultima observationum circa librum , cui titulus est : *Felsina Pittrice* , ubi evidenter ostendit Raphaelem nunquam potuisse brevi suæ vitæ spatio exornare penicillo pene infinitam Vasorum congeriem , quæ per varias Europæ Regiones dispersa reperitur , præsertim cum extra patriam vixerit , ubi Vasa illa figulina compingebantur . His adde Epistolam ab ipso Raphael ad Ducissam Urbinatem missam , in qua affirmat se perfecisse imagines ejus jussu delineatas , quibus aliqua Vasa figulina exornanda essent ; Hanc Epistolam a se visam Venetiis apud Illustriffimum Baronem Octavium Tassis retulit Joseph Montanus , celebris Romæ Pictor ; atque ex ea manifestè probatur , quàm injuriosa fuerit vox illa , qua Author Felsinæ Pictricis Raphaelem vocavit *il Boccalaajo Urbinate* .

C R Y S T A L L A .

**H**Atenus Terras indicavimus opacas , & densas . Sequuntur lapides seu glebæ , quæ ex terra eruuntur perspicuæ , & Diaphanæ relictis tamen , quæ Gemmæ nuncupantur , parvæ quidem , sed magno pretio habitæ . Fluores igitur primò occurrunt , qui quodammodo Gemmarum rudimenta sunt , & veluti Gemmarum congeries rudibus lapidibus affixa , non minus quàm ipsæ gemmæ oculos oblectant . Fluores nominantur , quoniam calore ignis , tanquam glacies calore solis , liquefiant , qua proprietate variæ gemmæ privantur . Plurimæ sunt eorum differentiæ , quibus ditatur Musæum . Aliqui enim sunt lapides , in quibus quædam tubercula angulosa conspiciuntur , quæ aliquo modo Saccharum concretu imitantur . Secundo aliqui , in quibus tubercula quædam non diaphana , simul cum Diaphanis copulantur . Tertio alii in quibus fluores crystallini juxta partem superiorem lucidi , & in acumen desinentes , tribus vel quatuor triangulis insigniti , & juxta partem inferiorem , seu matricem non pellucidi . Quarto . Fluor est albicans substantiæ Amianti æmulus , qui cum pyrite mistus videtur . Quinto . Aliqui sunt crystallini , aliqui flavescentes , alii pur-

purpurei, alii amethystini, quales in multis Bohemæ locis inveniuntur. Alios etiam habemus candidos, alios luteos, cinereos, & sabnigros. Sexto. Fluores sunt parvi tanquam scintillæ argenteæ in lapide amethystino existentes. Septimo. Fluores in diversos angulos efflorescentes supra lapidem Gagatem, & Jaspidem rubrum, ex montibus Siciliæ erutum. Octavo. Ultrafluores sunt crystallæ, de quibus quæstio est, an ex glacie indurata generentur, ut docet Plinius & Marbodeus hoc carmine.

*Crystallus glacies multos indurata per annos  
Ut placuit doctis, qui sic scripsere, quibusdam,  
Grandinis antiquæ frigus, tenet atque colorem.*

An verò ex succo quodam terreno, ut adamantes, & aliæ gemmæ? (non enim in locis tantum frigidissimis reperitur, sed calidissimis, ut sunt fodinæ metallorum.) Hanc sententiam examinæ Paulus Maria Tersagus in Centonibus philosophicis, Centone primo. Alia etiam circa crystallum quæstio agitur, nempe circa figuram, quam a Natura, vel circularem, sed ut plurimum angularem, & hexagonam obtinet. Inde oriri affirmant, quoniam in hujus lapidis generatione terrestris materia subtilis semetipsam separans ab aqua, sese unire nititur, & singulæ particulæ quocunque modo centrum sui corporis ambiunt, & appetunt; quamobrem necesse est, ut vel circularem, vel hexagonam figuram induant, cum nulla alia præter circulum perfectior esse videatur, ut Aristoteles docet. Sed cur hexagoni nascatur lateribus non facilè ratio inveniri potest, eo magis, quòd neque mucronibus eadem species est, & ita absolutus est laterum lævor, ut nulla id arte possit æquari. Nos, relictis similibus disputationibus tanquam huc non pertinentibus, primò observamus cum Plinio Crystallæ plurimis vitiis infestari, aliquando externa; insuper rufa inest rubigo, aliis capillamentum rimis simile. Differunt igitur maximè ratione coloris, & figurarum crystallæ. Alia visuntur cum duodecim angulis, qui interdum inæquales sunt, quædam sex angulis genita, quædam acutis, quædam obtusis angulis formata: sunt etiam quæ triangulares apparent, ex variis regionibus collecta.

Inter cœtera faxum est cum Beryllis tenaciter ipsi adhærescentibus, idest gemmulis splendorem eiaculantibus, & ita eleganter angulosis, ut Geometræ artificis manus rectius eos formare non potuisset. Differunt etiam hi ratione colorum, sunt enim ut aqua maris, aliquando vergunt ad colorem aureum &c.

Inter Crystallæ Amethystus numeratur, qui inter gemmas vulgares locum obtinuit, quia facilius scalpi potest. Triplex est ob colorem, roseus, violaceus, & purpureus, seu ad calorem

hyacinthi inclinans.

Ultra crystallos, quas natura in cauitibus Alapium, & inviis plerumque locis generat, aliud genus Crystalli est, quod ab arte perficitur, & ex illo Vasa magni pretii ope ignis efformatur. De his loquens Plinius sic egregiè scripsit. *Murrhina, & Crystallina ex terra effodimus, quibus pretium faceret ipsa fragilitas. Hoc argumentum opum, hæc vera luxuriæ gloria existimata est, habere quod posset, statim totum perire.* Ejus originem enarrat idem Plinius cap. 76. lib. 36. his verbis. *Fama est, appulsa nave mercatorum nitri, cum sparsi per littus epulas pararent (in Syria, quæ Phœnice vocatur, finitima judæa, nascitur flumen Belus in mare profuens juxta Ptolemaidem Coloniam) nec esset cortinis attollendis lapidum occasio, glebas nitri, e navi subdidisse; quibus accensis permixta arena littoris translucens nobilis liquoris fluxisse rivus, & hanc fuisse originem Vitri. Mox ut est astuta, & ingeniosa solertia non fuit contenta nitrum m'scuisse; cœptus addi, & Magnes lapis, quoniam in se liquorem vitri quoque, ut ferrum trahere creditur. Simili modo, & calculi splendentes multifariam capti uri, deinde concha, & fossiles arena. Hæc fuit antiqua ratio vitri.*

Jam verò, & in Vulturino mari Italiae arena alba nascens inter Cumas, atque Lucrinum, quæ mollissima est, teritur, dein miscetur tribus partibus nitri pondere, vel mensura, & liquata in alias fornaces transfunditur, ibi fit massa, quæ vocatur Hammonitrum, atque hæc recoquitur, & fit vitrum purum. Hactenus Plinii verba, ex quibus docemur, qua nam ratione eo vivente Vitrum conficeretur. Nunc autem eo modo perficitur, quem inter cœteros narrat D. Joannes Baptista Contulus Medicinæ Doctor Bononiensis in tractatu de Lapidibus in humano corpore productis cap. 27. his verbis: *Ægyptii herbam Kali, alio nomine Sodam nuncupatam accipiunt virescentem, & sine flamma super prunas comburunt, quam postea in cinerem commutatam nobis in massam transmittunt, hancque Vitrarum emunt pro vitro parando, & varia sortita sunt nomina. Alii enim hanc vocant Sodam, & alii alumen catinum, seu Riscoli cinerem. In hoc verò hi populares homines, quàm maximè decipiuntur, cum verè non sit soda illa, quam diximus ab Ægyptiis manipulari, sed quid simile ipsi. Componitur verò vitrum sic. Recipe Arenæ Drepanitanæ lib. 76. Cineris sodæ lib. 20. & per setaceum cribratæ, pone in fornace, reverberio ignis calcina, continuoque cochleari ferreo agita, ut valeat facilius calcinari, & ne adhæreat fornaci, donec liquidum corpus evadat: ignem adde, quod plerumque evenire solet, spatium sex horarum circiter; quo completo massam coarctatam remove*



ab igne , inde repone , & ad tui placitum pro vitro componendo accipe quantum lubet , & in vafe proportionato accommoda in fornace , ipfique ignem præbe per horas duodecim , quo tempore impone tantum Silicis a Vitrariis Manganefe appellati , qui etiam cum massa fundetur , & hic advertè quod ex vitri vario colore ipſus perfectio cognofcitur . Si enim vitrum apparebit rubrum , ſignum eſt quod major pars illius eſt ex dicto Manganefe ; & propterea imperfectum . Si viride parum aderit prædicti Silicis . Sin autem pellucidum , & Chryſtallinum , nihil prorsus hujusmodi Silicis retinuit mixtum , & vitrum erit perfectiſſimum . Huc uſque præfatus Doctor .

Ferunt Historici Tiberio Principe excogitatum Vitri temperamentum , ut flexibile eſſet , & totam officinam artificis ejus abolitam , ne æris , argenti , auri , metalli pretia diſtraherentur . eamquem famam crebriorem diu quàm certio-rem fuiſſe . Inter alios uſus , uſum ad potandum argenti , & auri metalla pepulit . unde Plinius inclamat . Heu prodigioſa ingenia , quot modis auximus pretia rerum . Auxere , & artem vitiorum irritamenta . In poculis libidines cælare juvit ac per obſcænitates bibere .










Hujus generis plura ſunt in Muſæo Vaſa cryſtallina ex Bohemia , & Hollandia allata , quæ haud quidem obſcænitates incifa habent , ſed

arbores , flores , animalia diverſa demonſtrant . Imo eſt vaſorum vitreorum delectu , & varietate refertiſſima congeries , diverſis coloribus ſatura-  
rata . Inter omnia enitent irides exhibentia , in quibus gemma ſimulatur , quem Gemmarii Opalum vocant . In candido enim carbunculi fulgorem , Amethyſti purpuram , & Smaragdi virorem oſtendunt . Sunt quæ adamantino ſcalpro affabre elaborata , atque ut omnia uno verbo complectar , viſitur quidquid artis vitrariæ peritiam indicare poteſt , atque ſtudioſorum naturæ mentem perficere ſolerti delectu ex Veneto-  
rum officinis acceptum .



Hactenus candide Lector Lapillorum , gemmarum , metallorum , &c. quæ in hoc Muſæo aſſervatur , deſcriptionem ſumus proſequuti quantum Inſtituti Nomenclatoris ratio patiebatur . Reliquum eſt , ut ad alia non minus curioſa gradum faciamus ; ſed locus Senecæ recolendus , inquirentis , cur Natura tot metalla , & gemmas produxerit . In eo ſic reſpondet , lib. i . nat. quaſt. capite ultimo . Summum Rerum Architectum , cum ſol omnibus rebus naturalibus pulchritudine , & dignitate præſtaret , voluiſſe nos in iis , tanquam in læviſſimis ſpeculis ejus fieri participes , dum lucem ejus miraremur , quæ in proprio ſolis fonte conſpecta oculorum aciem perſtringeret , & offuſcaret .





Handwritten text, possibly a signature or a name, located in the lower center of the page. The text is faint and difficult to decipher, but appears to be written in a cursive or semi-cursive style.










6




9



9



10




12




16




13




14




16



17





# CLASSIS SEPTIMA

## *Apparatus Rerum Peregrinarum, ex variis Orbis Plagis collectus.*



Rimo loco ponimus, quod in fine cap. 6. sui Musæi posuit Kircherus, hoc est cincturam Barbarorum Brasiliæ. Fascia illa est palmaris latitudinis ex quodam lino contexta, ex qua dependent fila quamplurima ad

palmum cum dimidio protensa, nigris globulis veluti piperi granis tecta, atque eorum singula humanos dentes sustinent. Hac multitudine dentium suæ feritatis facinora illos ostentare retulit Kircherus, inquiens *tot dentes illam continere, quot hominum quorum carnes devoraverint in testimonium generosi animi*, eamque ut tegumentum pubis portare. An veram relationem Kircherus habuerit non absque ratione possumus dubitare; videtur enim incredibile unicum hominem potuisse tot homines devorare, quot dentes ex hac cinctura dependent; numerum enim sexagenarium excedunt. Acceptos tamen ex cadaveribus hominum, quorum carnibus passus fuerint non est dubitandum; Scimus enim ex Giraldo de vario sepeliendi ritu, diversam semper fuisse sepeliendi rationem, diversamque & variam sepulchrorum materiem. Inter cætera homines ipsi sepulchra fuere apud eas gætes, quarum mos erat humana carne vescendi, unde illis vocabula Androphagi, & Anthropophagi. Aliquos esse Indos legimus, qui parentes, priusquam annis, aut morbo aliquo in maciem seniumque eant, veluti Deorum hostias mactant, caesorumque Visceribus epulari rem maximepiam existimant; & ubi senectus aut morbus incessit, procul a cæteris abeunt, mortemque in solitudine nihil anxii expectant. Ex Alexandro Sardo de Ritibus Gentium lib. 1. cap. 23. *Derbices septuagenarios viros jugulant, eduntque, feminas suffocant, edunt etiam egrotos, & Senes Padai Indi, Viri viros, feminas femina. Ponti Accola, & Scythæ. Sic Essedones, capite tantum servato, quo auro, & argento, gemmisque exornato utuntur pro poculo.* Apud Herodotum lib. 1. Messageta grandi natu parentes jugulant, & ex eorum carnibus instructa mensa, cognati, & amici vescuntur, quod mortis genus apud eos habetur beatissimum. Apud Apollodorum

lib. 3. cap. 20. Essedones Asiæ populi utramque Scythiam incolentes eundem observare morem dicuntur. Necatis enim, qui ætate processere longius, invitant propinquos ad ferales epulas, fatius existimantes, & Sanctius ab homines honestè comedi, quàm a canibus fœde lanari, aut fetide consumi a vermibus. At utcunque cinctura proposita dentibus humanis exornata fuerit, insigne est vel inhumanæ pietatis, vel ferocissimi hominis monumentum.

2 Cingulum aliud non crudelitatis signum, sed doctrinæ ex Regno Sinarum allatum. Illo enim cæteris sapientiores, & in dignitate aliqua constituti olim utebantur, tamquam peculiari signo suæ conditionis. Ex corio constat, quadratis, & pellucidis bracteis exornato, & squamis cujusdam piscis, sub quibus veluti bulla rubra aureo colore circumdata nitet. Latum est tres digitos, & ad palmos quatuor extenditur.

3 Aliud cingulum bino pollice latum ex nova Francia, seu Regno Canadensi Americæ. Populi Hurones dicti mirabili artificio illud componunt, ex minutis particulis, & quidem æqualibus ossium diversarum volucrum anserino calamo minorum. Eas particulas diverso colore primùm saturatas præparant; deinde alternatim seligunt, & filo tali arte connectunt, ut flores, characteres, volucres, atque alia foliata opera effingant; quod in Musæo est ex nigris tantum, & candidis ossibus constat. Vidi aliud semipalmari latitudine ex quatuor coloribus compositum, in quo legebantur verba salutationis Angelicæ: *Ave Maria gratia plena*, donum missum a Christifidelibus ejus Regionis ad Domum Lauretanam Beatissimæ Virginis sacram.

4 Torques præclarus, quem annulis ex fulvo, & plicabili auro contextum diceret, nisi essent pellucidi, validi tamen sunt, & citharæ fidibus perquam similes. Mirantur omnes cum sciunt ex visceribus Bombycum exsiccatissimum compactum esse in Calabria, quæ magna Græcia olim dicebatur.

5 Torqui adnectimus monile ex Brasiliæ Regno allatum, quod incolunt Barbari vulgò *Kiriri*, Materiem ejus superat opus, nam cum instrumentis aptis careant, illud improbo labore

componunt ex particulis offeis ferarum, vel ostrearum, quas solo cultro demunt, & in æquales lineolas paulatim radendo efformant. Has deinde ex gossipio contexto, per angustum foramen ducto in monile disponunt, quo Puellæ exornatæ ad nuptias incedunt, nec illis armillæ defunt ex integra ostrearum testa fabrefactæ. Circuli illæ sunt solidi, qui, brachiis in tēnere ætate insertis, noctu diuque semper gestantur, adeo ut adulta Virgo, intumente hinc inde carne nulla arte eas demere amplius possit. Hæc sunt præcipuè dotis partes quam sponso præferunt, vocantque hujusmodi monile *Bebà* illudque cum Equo commutare solent, qui pretio quatuor scutorum in ea Regione æstimatur.

6 Ex Brasilia pariter allata est Umbella. Compacta est ex plumis Struthiocameli variis coloribus ab arte superinductis. Avis est omnium maxima, si tamen avis est dicenda, de qua Plinius libro decimo capite primo. *Sunt etiam in Affrica, & Æthiopia hujusmodi Animalia, & in Brasilia majora, altitudinem capitis insidentis equo excedunt, & alacritate currentem vincunt. Cæterum non sunt volucres, nec a terra pennis tolluntur. Ungulae iis cervinis similes, quibus dimicant, bisulcæ comprehendendis lapidibus utiles, quos in fuga contra sequentes ingerunt pedibus. Concoquendi sine delectu devorata mira natura, sed non minor stoliditas in tanta reliqui corporis altitudine; quum colla frutice occultaverint, latere se existimant. Eorum ova propter amplitudinem, pro quibusdam habità vasis.* Ex illis quatuor sunt in Musæo palmi longitudinem æquantia. Tria albedinem referunt, aliud flavedine quadam obductum apparet. Tali autem artificio compactæ in Umbella pennæ sunt, ita in vertice coeuntes, & colligatæ, ut ligneo cuneo per axem promotò dilatari in gyrum facile possint, & umbellam efformare, qualem ex tela adhibent Europæi ad solis radius aptè retundendos.

7 Præter umbellam ex pennis compactam, Flabellum est ex plumis purpureo colore saturatis. Avis illæ sunt, in Brasilia præclaræ, quem dicunt *Guaraf*. De illa prodigiosa referunt, nam ovo exclusa plumis tegitur coloris cinerei; ubi verò adoleverit, illæ nigrescunt, donec atratæ penitus, & corvis non absimiles appareant. Deinde evanescente paulatim nigredinæ purpureum colorem induunt, rostro tantum nigro remanente, quod non modice extensum, & aduncum habet ad venatum. Ex hujusmodi plumis mira arte intextis flores conficiunt Brasiliiani, Vestes insuper, & lectorum stragula, quæ magno pretio divendunt. Hæc omnia narrata sunt a Viris fide dignissimis qui multos annos in Regno Brasiliæ vitam traduxerunt, Margrayius

tamen de hac Ave ita scripsit Hist. nat. lib. 5. c. 8. *Hæc primum exclusa coloris est nigricantis, Hinc evadit cinerei deinceps albi, sensim autem rubescere cœpit, & secundo ætatis anno coloris est intotum, quem Columbin vocant, quoque magis senescit, eò magis elegantissimum illum colorem coccineum acquirit.*

8 Dum de plumis agimus, aliæ aviculæ sese offerunt ex Messico allatæ. Illas descripsit Joannes Faber Linceus relatus a Jo. Antonio Reccho de Animalibus Americæ pag. 705. his verbis. *Rostrum oblongum, acutum, tenuè, & tantisper curvatum nigricat; cum hoc caput collumque, quod longum satis in magnitudine proportionem obtinet, colores niger viridisque saturatus adeò per minima commiscetur, ut oculis se quasi nostris ambo occultent, qui tamen parvorum instar punctorum ex croceo, aureoque pulcherrimo colore effulgent. Ex nigro viridique, sed diluto magis inferiorem colli partem color usque ad pectus, idemque dorsum venustat, nisi quòd in hoc albæ minimæque maculæ quædam apparent interspersæ. Putares in hac elegantissima, & exotica ave merum superbi Pavonis, aut Phatiani masculi, aut variegatum rutilantis columbæ collum intueri. Alæ nigricant, sed anteriores harum partes candidis maculis lucent, cauda subfusca ferme tota, principium tamen hujus virescit, albescit extremitas, pedes habet longos nigricantes subtiles, tribus ante distinctos digitis, cum quarto posteriore. Hæc Avis quem Mexicani *Heit zitziltotl*, Pervani verò *Pilleo* Hispani *Chuparosas* appellant, nihil comedit, nisi substantiam, & medullam florum spinis armatorum. Pennarum usus est in imaginibus conficiendis, picturis simillimis, & aliis hujusmodi pretii magni operibus; ex quibus, præter Aviculas, unum pulcherrimum servat Musæum. Corpore est non majore quàm erabronis, vel cicadæ vulgaris. Vide etiam Clusium, Consalvum. Ferdinandum Oviedum cap. 48. Josephum a Costa lib. 4. cap. 37. Thevetum cap. 48. Singularium Franciæ Antarticæ.*

His junge aviculam Brasiliensem, quam dicunt *Guainumbi, & Guainambi*. Corporis totius longitudo ab initio rostri ad extremum caudæ tres digitos æquat. Color plumarum ad nigredinem inclinat: cauda, & alæ melleo maculantur. Guttur, & pectus viridi ac igneo mixto contra lucem exposita egregiè coruscant, caput verò in parte superiori purpureo splendet.

9 Non defunt ex Avibus illæ, quas Aves Paradisi vulgò dicunt, seu Manucodiata. Innumeri penè Auctores de hac ave scripserunt. Eam ita descripsit Kircherus in Musæo pag. 33. *Manucodiata pedes ita modicos habet, ut care-*



re iis videatur, duo longissima fila atrii coloris, e corpore excurrunt, quæ in arborum ramis implicat, seque sic iis ad quiescendum suspendit. Quo cibi genere vescatur ignotum est: quin imò ex aere victitare sunt qui perhibeant. Plerumque in continuo motu per auras defertur. Alas habet, sed immediatè post prominulum rostrum: exigua corporis moles variorum colorum, qui tamen maximè ad æruginem accedit, pennas verò ad duos palmos excurrentes paucis circa rostrum, & lanuginosis pennulis miræ varietate contextum, videturque agglomerata quædam pennata massula vix carne constans. Cauda verò Pavonem more aureo splendore nitet aliis mixtim coloribus corusca, hætenus Kircherus.

Nardus Antonius Recchus de rebus indicis novæ Hispaniæ lib. 9. cap. 6. hæc habet. Aves apodes, quæ per tot sæcula homines latuerant, navigatio in Moluccasprehendit; non enim habent pedes, sed eorum loco pennas fulvas, hispidas, tenues, duas spithamas, & quatuor uncias longas, a medio circiter corpore prodeuntes, crinium crassiorum instar, quorum usus est (si unquam volatu cessant) arboribus appendere, quando consedendi sunt impotes. Sunt enim, qui affirmant perpetuos volatus edere, & sublimesemper pondere cælo, & si in solum deturbari casu aliquo contingat, a pueris facili opera deprehendi. Solertissimus rerum naturalium Ulysses Aldrovandus historiam hujus avis, in opere Ornithologiæprosequutus est, illamque Apodem esse affirmat. Eruditissimus tamen Andreas Chiocchus in descriptione Musæi Calceolarii sect. 6. luculentius, & verius, quam cæteri recensuit, quæ sequuntur.

*Avis isthæc avicula Dei, paradisea, Manucodiata, & Chamæleon aereus etiam appellatur, de qua multa, & curiosa scripsere Scaliger, Cardanus, Corradus, Gesnerus, & alii multi. Nos quidem ex Guilandino, & Clusio potissimum attingemus, quo enim in his rebus recentiores sunt Auctores, eò in rebus explorandis, & recensendis veraciores fuisse videntur. Paradiseam ergo Avem pedibus carere, omnes, qui de ea tractarunt, censuisse vixi, præter Antonium Pigafettam, & Clusium, quibus ego libens assentior; ille enim Magellano profectus, & toto Orbe perlustrato, a longa navigatione redux, hujus avis notitiam Europæis hominibus primus dedit, & in navigationis suæ diario ait Clusius. Pedes (Crura voluit dicere) palmum longos huic avi attribuit. In eadem erronea opinione se versatum diu ingenue profiteretur Clusius, ut eas aves apodes putaret; quod omnes a se conspectæ manucodiatae sine pedibus erant, nec eo tempore curiosus esset ad observanda rerum discrimina: mox ex*

postremis in Indiam Batavorum navigationibus se sententiam mutasse, cum certum sit allatas hujus Aves Amstelodamum integras, cruraque cum pedibus retinentes: Nautas certò affirmasse se ab iis, a quibus Manucodiatas coemebant, intellexisse, omnes pedibus esse præditos, incedere, & volare aliarum Avium instar, sed incolas simul atque eas cœperint intestina ac pedes adimere, & abjicere, inde soli exponere, ut facilius arefiant, aridas asservare ut venundent, aut suis cassidibus pennarum loco aptent. De iisdem multa referri etiam ait, sed omnia persequi non est opus, sicuti nec longam descriptionem rescribere, quam Chiocchus eleganter concinnavit, postquam Manucodiatae figuram expressam posuit.

Ejusdem sententiam confirmat Olaus Vormius in suo Musæo cap. 16. his verbis. Crura pro corporis ratione magna satis. Tibiæ enim longitudo ab infima fœmoris articulatione, ubi plumis raris, exiguis, colore fuscis dotatur, ad pedem usque unciarum est trium, membranaque sublutea levi, & glabra vestitur. Pes quatuor constat digitis, quorum unus instar calcaris posteriorem constituit, partem reliqui tres anteriorem ut in Gallinis videre licet, inter eos medius reliquis longior. Quilibet verò digitus tribus dotatur articulis, quorum primus metapedium, reliqui digitos ipsos constituunt. Superius crusta quasi teguntur dura, aspera, squammatim coagmentata, inferius callosa. Qua ungues (qui adeo adunci ut semicirculum ferè constituunt) digitis nectuntur; callosa quædam protuberat pulpa commodiori proculdubio incessui destinata. Ungues ipsi quales avium rapacium esse solent, magni, acuti, cornei, colore ad albedinem inclinantes. A tibiæ extremitate ad unguum apices quinque numerantur uncia, quas non attingit corpus ejus exsiccatum sine plumis. Hæc accuratius delineanda erant, quod etiamnum multi constanter negant pedes habere, ex quorum numero est Nierimbergius. Hinc patet dubia illa, & difficillimos nodos, de quibus Aldrovandus loquitur, ex hac historia facillè enodari posse, imò per se evanescere. Quod enim omnes, paucis exceptis hæc aves apodes esse, & pedibus carere crediderint, id falsum esse ocularis docet demonstratio. Hæc Vormius, cujus demonstrationem confirmat Avis ipsa in nostro Musæo collocata pedibus prædita, quales Vormius descripsit, & nos exposuimus in Tab. LXVII. sub n. I. Alia etiam est pedibus quidem orbata non a natura, sed a Venatoribus Judicis ob rationem a Vormio allatam, quam etiam refert quidam Anonymus scriptor, e nostra Societate in relatione Lusitanica de Origine fluminis Nili, quam Italicæ translata Floren-

tia vulgavit Dominus Magalottus . Eisdem aves pedibus præditas se vidisse narrat D. Tavernier part. 2. lib. 3. cap. 2. his verbis. *Nell' Isola di Ceilan questo ucello venuto dalla parte Meridionale inghiotte le noci moscate mature, quali imbracano li detti uccelli, che vengono a turme come i storni, onde cadono morti, e subito le formiche, delle quali abonda quel paese loro mangiano i piedi, e questa è la ragione, che dicono non essersi veduti tali uccelli co' piedi, il che non è vero, perche io ne hò veduti molti co' piedi.*

**IO** Peregrinarum etiã Avium exuvias aliquot ex Brasilia habuimus colorum varietate præclaras, & in Italia nunquam visas. Inter cœteras Avis est, quam dicunt *Tuccano*, nigerrimis, & aureo fulgore nitentibus plumis condecorata. Rostrum illi magnum, & atrato colore imbutum, qualem bubalina cornua ostendunt levigata.

**II** Aliud rostrum intuentibus occurrit volucris, quæ *Picam brasilianam* vocavit Kircherus in Musæo pag. 32. alii a magnitudine *Rampastum*, alii *Abbatem superbum*, vel *Rhinoceratem* dicunt. Quidquid sit de nomine, si cœtera corporis membra rostro convenerint, maxima inter volatilia dicenda esset. Rostrum quippe aliquando duos palmos longitudine excedit, & quâ capiti unitur, quatuor uncias in crassitie superat, in latitudine verò uncias septem. Illud in acumen curvū excrefcit, pluribusq; denticulis acutissimis instar ferre hinc inde prominulis conspicuum, ut videtur sub num. 2. Tab. ejusdem si relatoribus qui ex India ad Urbem accesserunt, credendum est, pretiosissima antidotaria virtute adversus omnia venena præstat, quare ab Indis maximi hæc rostra fiunt. Quod in Musæo est donum fuit Illustrissimi Præsulis Leonis Strozze Viri omnigena eruditione, & liberali humanitate præclari.

**12** Nec omittendum est aliud rostrum Avis quidem ignotæ sed Indicæ, palmari longitudine extensum, sed adeo angustum in crassitie, ut vix anserinum calamum eecedat, ubi magis tumet, leviter arcuatum in acumen definit, quo facile formicas, vermiculos, seu aliud semen minutissimum seligere possit. Caput cui unitur parvam nucem sua mole non excedit; cœteræ avis partes sunt incognitæ. Nostrum expressimus sub num. 3.

**13** Onocratalus magnitudine a summa rostri extremitate ad imos pedes, spithamas decem exsuperat Aldrovando testante. Alæ extensæ spithamas decem perficiunt. Sub inferiore mandibala receptaculum illi, ceu uter quidam ejusdem longitudinis cum ea, longius dependens. Tantæ autem illud capacitatis, ut ingentis staturæ homo ocreatus pedem ad genu

in fauces immiserit. Quin parvum in eo reperiuntur Æthiopem refert Sanctius. Mechlinæ tam sublimi in aerem volatu quandoque evehebatur, ut hirundine nihilo appareret major. Ulnæ etiam alarum membrana integuntur, ex qua numero viginti quatuor oriuntur tendines, qui tam tenaciter in eas inferti, ut nullo separentur pacto. Circa Lausanam in Lacu Lemano semel anno apparere scribit Gesnerus. Hæc omnia scripsit Jonstonus in Taumatographia de Avibus cap. 25. Ejus rostrum exhibetur in Musæo acceptum ex Urbe Ragusina, ejusque Iconem profert Tabula nostra sub num. 4.

**14** Ad avium classem nidi, & ova referenda sunt, in quibus raritas quædam occurrit. Et primò Nidi sunt quos Vormius ita descripsit. Ex India Orientali dimidii ovi anserini magnitudine, substantia Ichtyocollam referente, ad nos adferri cœperunt variis ramulis hujus substantiæ intertextis constantes, quas in Jure coquant, & dissolvunt, atque ita comedunt. De illis Joannes de Laet historiæ americanæ author hæc Vormio per litteras significavit. Dedi operam, ut cognoscerem qui nam nidi essent, de quibus scribis, & a duobus qui in India Orientali cum summa potestate præfuerunt, didici, ad oram Indiæ, quæ Coromandel vulgò dicitur, & præcipuè *Patanen*, esse aviculas quasdam, quæ ex glutinosa quadam substantia, ut res ipsa docet, conficiunt nidulos, hemisphæricos, quos petris arduis, & abruptis affigunt, instar hirundinum, quos indigenæ avellunt, & opulento commercio ad Sinenses, & alios mittunt. De facultatibus variant; alii enim aliquid Venereum illis tribuunt, alii non. Diluuntur, & coquantur in jusculis, & materies cum sit glutinosa furculis decerpitur, cum voluptate quadam, ut ajunt, devoratur. Nomen autem avium ignoro, minimas esse testantur, a quibus hæc accipi.

**15** Alium nidum superiori jungo, qui ex Regno Lithuanæ allatus est. Ex molli lana prodigiosa arte compacta ille constat, in formam sacculi rotundi eformatus, seu potius crumenæ in summitate clausæ ab Avicula, quæ a Polonis *Remis* dicitur. Hæc corpore minima, ingenio tamen maxima, cum insidias serpentum suis pullis timeat, tali arte nidam componit, ut semper ab extremitate alicujus ramusculi supra decurrentes aquas dependeat, ne serpentes insidiantes sustentare valeat: atque ut ipsa pullis ab ovo exclusis cibum venari possit, foramen relinquit apertum in ejusdem nidi latere cui tamen veluti tectum instar subgrundii imminet, ne aqua è cœlo in nidum decidat; ut figura 5. ostendit. In Provincia Volhynia hujusmodi nidos Incolæ venantur, utpote qui catharro equorum remedium præbeant opportunum, si

sub eorum naribus comburantur, immo & hominum, sicum lacte decocti cervici applicentur. Tales nidos, e Lithuania receperam, cum repente duos omnino similes amicus attulit, repertos in Paludibus propè Lacum Thrasymenum ad Montis Politiani in Hetruria, ex quadam falice dependentes, & ovicula continentis; qui tamen an ejusdem generis sint cum superius descriptis ignotum est.

Fere similes nidos descripsit Jacobus Zanonus Bononieus in historia Botanica pag. 20. ubi expressit quamdam arborem indicam, cui quædam volucres, qui appellantur *Pardali*, affigunt nidos a nobis expressos his verbis. Artificiofissimi nidi ad arbores pensiles, & ad tecta domorum sunt, quasi tenuissimo serico texti, qui ex coccorum filis fabricantur; Mas extra, foemina verò intus, operante rostro, ex una parte est locus securus, & fortius textus pro ovis, ex alia parte tuba longitudine duorum, vel trium palmorum tam tenuis ut perluceat; ex qua inferiori parte solùm avibus patet ad nidum aditus, delineans in filum tenue, ne aqua desuper commoretur; altera camera intus est, ut masculus locum habeat dum foemina fovet ova: & tam bene sunt efformati ut ex eis Rustici sumant aliquos magnos ad caput cooperiendum. De iisdem hæc habuit P. Vincentius Maria S. Catharinae Senensis in suo Itinere Orientali. *Nel Pardale ritrovò l'artificio col quale forma il nido, la sua grandezza forma. e figura è simile a nostri Passeri: le piume a quelle de' Rosignoli, e senza canto. Con fili di Cairo, (che è la canapa dell'India, tirata dalle prime cortecce del Cocco fatto) tessè con artificiosissima orditura come un sacco lungo circa un braccio, e mezzo, nella parte suprema acuminato, che per una sola cordicella si appende alla estremità de' rami delle piante, nell'inferiore aperto quanto basta per dargli l'ingresso: tirati che ha li primi fili congiunti con quello, che li sostiene, e gli ordina di sotto nel circolo, che deve servire di porta: poi appoggiandosi la femina a questo, con il becco li stende, e lavorando di dentro, e il maschio di fuori con il becco vanno gratiosamente porgendo gli altri fili per attraversarli con quelli, che sono stessi per lungo, come se volessero tessere una tela, torcendo, tagliando ove fa bisogno. Giunti con la tessitura a mezzo del sacco, lo dilatano in certa borsa ne lati, ove formano uno, o due luoghi per riporre le Uova: poi tornando sù'l dritto primiero seguitano sino al fine con terminare in piramide la loro casa tanto ben coperta, che resta sicurissima dall'acqua.* Placuit talium nidorum Iconem exponere sub num. 6.

In Insula Coromandel, quia ibi non sunt fila, sive materia apta pro nidificando, aves in-

petris dant octo, vel decem ova, rostro illa confringunt, minutim, componentes cortices cum substantia ovi, qua parum ad solem exsiccata, construunt nidos durissimos, & camerulæ pro unoquoque ave fiunt.

**16** Vas è cornu Rhinocerotis factum apud Indos Orientales, Cymbã imitatur, intus forisque pellucidam. Referunt periti aquam, quæ in ejusmodi vase per aliquod tempus permanferit, virtutem efficacem contrahere contra venena, febresque lethales, ob idque in magno pretio esse.

**17** Formæ vestimentorum, quibus utuntur cum Viri tum foeminae in nova Francia, seu Regno dicto *Canada*. Pars illud est, referente Michaelæ Antonio Baudrand in suo Lexico, amplissima Americæ Septentrionalis juxta fluvium Canadam, seu S. Laurentii longe lateque extenta juxta terras Arcticas ad Boream, & Mare boreale ad Meridiem. Subest Dominio Francorum a centum quinquaginta annis, & in ea habent plurimas colonias, quarum præcipua est *Quebecum*. Virum, & foeminam ejus regionis in Tab. nostra num. 7. & 8. exhibuimus. In iis observatione dignæ sunt incisuræ, seu stigmata, quibus frontem, genas, cœterasque faciei partes deturpant. In ætate enim puerili traducto per acum filo, pinguedine quadam colorata imbuto cutem sulcant, sub qua indelebiles notæ permanent.

**18** Exemplar cymbæ, quam ex cortice cujusdam arboris ejusdem Regni incolæ compingunt, sexdecim palmis longam, sed adeò levem, ut eam unicus homo sine labore supra dorsum, e flumine ad Domum transferat. Illud indicat num. 9.

**19** Ex eodem cortice cyathos, scutellas, & alia instrumenta pro potu, & cibus in mensa servandis mira arte conficiunt. Complicatis ejus fimbriis, quas simul adeo aptè conjungunt tenuissimis, e ligno quasi philyris, ut nulla ex earum rimulis liquoris gutta decidat. Tria ejusmodi vasa diversæ formæ servantur in *Mulæo*.

**20** Retè miro artificio contextum in Regno Mexicano videtur palmis duodecim longū, decem latum. Illo pro cubili, & pulvinari utuntur Mexicani, appensis hinc inde extremitatibus vel arboribus in campis, vel parietibus in domo. Illud dicunt *Hamaca*. Ejus fila non admodum crassa, sed validissima sunt ad pondera sustinenda. Deducuntur ejusmodi fila ex foliis cujusdam plantæ, quam Incolæ appellant *Magbei*, estque inter plantas omnium utilissima, nam ab ea quidquid ad humanos usus attinet, subministratur. Talem plantam descripsit cap. 12. libri octavi rerum indicarum novæ, hispaniæ Nardus Antonius Recchus his verbis.

*Metl* plantæ, quam Mexicani Maguei appellant, plures sunt. Una est, quæ folia Aloes fert, sed longè majora, & crassiora; (aliquando enim aquat longitudinem arboris mediocris) utrinque spinifera, atque in rigidum acutumque dosinentia mucronem, caulem duplo majorem habet, & in ejus parte summa flores luteos oblongos juxta cacumen stellatos; radisem verò crassam, brevem, & fibris scatentem. E nulla re proventus est amplior. Planta hæc unica quidquid vitæ esse potest necessarium, præstare facile potest. Innumeri pene sunt usus, qui ab ea desumuntur. Tota enim illa lignorum, quibus agri septiuntur, usum præstat: Caulas tignorum, folia verò tecta tegendi imbricum, lancium, Papyri, filique, ex quo calcei lintea, & alia vestium genera, quæ apud nos Lino, cannape, Gossipio, aliisque hujusmodi parari solent. E mucronibus fiunt clavi, & nuclei, quibus perforandis auribus, macerandi corporis gratia Indis uti mos erat, cum Dæmonum vacarent cultui. Item aciculæ usus, tribuli militares, & rastilla idonea peccendis subteminibus. Præterea, e succo manante, cujus evulsis germinibus internis, foliisque tenerioribus, in mediam cavitatem stillat, planta unica quinquaginta interdum amphoras, Vina, mel, acetum, & Saccharum parantur. Succus namque destillatione fit dulcior, decoctione, & dulcior, & spissior, donec tandem cogatur in Saccharum. Vinum fit ex eodem succo diluto fontana aqua, additis corticibus malorum medicorum limonumque, & aliis. E saccharo quod ex eodem succo parant acetum, nempe resolutum ex aqua, & novem diebus insolato, idem succus menses cient, album lenit, urinam evocat, renes, & vesicam emundat, lapides frangit. E radice quoque Restes fiunt firmissimæ, crassiores foliorum partes truncusque decocta sub terra, vulnera recentia conglutinant. Imaginem ejus hic Author expressit, ut in nostra tabula vides num. 10.

**21** Crumena in Regno Pervano miro artificio contexta. Quinque enim fila diversis coloribus imbuta, simul implicantur, & alternis ductibus ita recurrunt, ut in intima, & extima facie eisdem penitus flores repræsentent. Hujusmodi panno, quod Peruani *Combe* appellant, Soli Reges olim induebantur; Constat illud ex pilis cujusdam animalis Camelo similis, sed mole minoris, quod patria lingua *Carneros della Tierra* dicitur. Pretium ejusdem crumenæ ex relatione habita cujusdam Itali in Regno Pervano commorantis quatuor nummos aureos æquat.

**22** Liber Malabarico idiomate scriptus, ducentis quadraginta laciniis ex foliis Palmæ indicæ duos pedes Romanos oblongis constat, in quibus stylo ferreo acuto caracteres incisi sunt,

& nigro succo imbuti. Quoniam de scriptione in foliis palmæ sermo est, non incongruum erit hic ponere, quod promissimus, dum de stylis egimus, quibus in scribendo antiqui utebantur. Morem scribendi in foliis palmarum antiquissimum fuisse Plinius retulit lib. 13. cap. 11. ubi tamen pro palmarum foliis legendum esse Malvarum ex Guilandino docet Henricus Salmuth tit. 13. in notis ad Pancirolum, probatque Antiquos in foliis stirpium scripsisse, quem morem ab ipsis Indis præcipuè Malabricæ Provinciæ etiamnum servari narrat Oforius lib. 2. de rebus Emmanuelis Lusitanæ Regis. In scribendo, inquit, neque charta utuntur, neque papyro, sed stylo in foliis arborum sylvestrium, quas propter nonnullam similitudinem palmas appellant, litteras exarant. Multa ejusmodi folia ita præcidunt, ut omnia longitudine paria sint, in quibus res historia dignas litteris mandant. Foliorum verò extremitates perforant, iis autem compingendis duo ligna oomplanata, & ad eum modum perforata conjungunt; tum foliis ordine compositis, & lignis extrinsecus adjectis utrinque perforamina funiculos immittunt, & omnia complicant, & arcte devinciunt, & quod funiculorum utrinque superest, circa illud involvunt, nodisque adstringunt, quos laxant quoties legere volunt. Arbor ex qua folia supradicta conficiuntur Tal Indis dictam esse Petrus Martyr affirmat dec. 3. lib. 10.

Post hunc antiquissimum scribendi morem in foliis cœptum est scribi in tenuioribus arborum Philyris, sive tenuioris membranæ, quæ pars corticis est ligno adhærens ut Platani, Populi &c. hinc libri nomen retinent quæcunque scripta sunt. Fuerunt etiam elapsis temporibus libri ex plumbeis laminis in se convolutis, juxta illud Job cap. 19. *Quis mihi det, ut exarentur in libro, & stylo ferreo, & plumbi lamina* &c. Tabellæ etiam fuerunt accuratè expolitæ, supra quas indicta cera stylo ferreo, vel æneo scribebatur, apud Tuscos primùm referente Isidoro lib. 19. cap. 9. deinde apud Romanos, qui veterunt, ne graphium ferreum quis haberet, sed ejus loco osseum: & quòd styli parte aculeata scriptum fuerat, mox adversa illius parte latiori debebatur. Et quia tabullæ illæ non facillè de ferri poterant, scribebant in membranæ, & papyris, ut dictum est; membranæ quidem, quæ ex pelle ovium conficiebantur, papyris, quæ ex quadam Nili Planta in aquis primùm macerata, deinde malleis contusa, ut ex Plinio refert supradictus Henricus Salmuth; qui plura desiderat legat tractatum, quem de Papyro scripsit Melchior Guilandinus.

Quod novissimum fuit pro scriptione charta est, sive papyri genus, in qua scribimus, ex fructis

ftis linteorum lineorum , aqua primùm maceratis , & in lanuginem quandam contritis , ita ut fruftula ejus fimul cohæreant , & humore exliccato folium fiat aptum ad characteres excipiendos . Ejus conficiendi rationem Joannes Ruellius medicus descripsit lib. 1. de natura ftirpium cap. 109. fed cum omnibus nota fit , ab ea explicatione perfedeo . Inventum illud eft non minus pulchrum quàm utile , nam quod majori olim cum fumptu scribebatur , nunc tenuibus foliis facilè committitur , & libri conficiuntur , qui vilis pecunia poffunt a quolibet comparari .

23 Eam tamen quam Itali præcipuè conficiunt , fuperat Charta in Regno Sinarum fabricata , & in ampla folia extenfa . Aliquot ex iis funt in Mufæo quinque palmis lata , & decem longa . In eis ob foliorum tenuitatem in unatantum parte characteres imprimuntur . Scribunt autem Sinenfes a fuma paginæ parte , ad imam descendendo , non calamo , fed penicillo ex pilis leporinis arundini aptatis . Atramentum verò conftat , ex terra bituminofa nigra , & tenuiffima , quæ glutine in tabellas compingitur oblongas , characteribus variis Sinenfibus infignitas . Trigautius tamen afferit illud ex fumo olei præparari . Eas tabellas commodè fecum ferunt loco atramenti Scriptorii , & aqua illas diffolvunt , quoties characteres efformare defiderant . Servat Mufæum pennicillos , & atramenti hujus plura fragmenta , infuper laminam ex lapide gypseo fubviridi repagulo circumdatam , in qua cavitas eft pro aqua confervanda ad atramentum diluendum , ex qua deinde penicillo defumitur , quem diverfimodè tractant ac Europeis , nam ut refert P. Daniel Bartolus part. 3. de Afia lib. 1. *non guidato dalle tre prime dita , ma ftretto in pugno , fuorche dal deto mignolo , in un particolar modo a noi difadatiffimo , ad effè , che vi fon deftri , mirabilmente in acconcio .* Quamplurimæ voces , quas fcribunt Monofyllabæ funt , quamvis sæpè duarum aut trium vocalium : ut rerum , ita vocum fingularis fuus eft character , nec pauciores litteræ quàm voces numerantur , idemque apud ipfos eft dictio , & fyllaba . At licet pro rerum multitudine fit numerus characterum , eos tamen inter fe ita componunt , ut octuoginta millia non excedant . Ex iis qui decem millia noverit , eos ferè qui ad fcribendum neceffarii funt affecutus eft .

Non omittenda funt alia folia Sinenfiæ chartæ . Alterum eorum delineatos præbet Deorum omnium figuras , quibus Sinenfium fuperftitio honores defert . Infolitis veftibus inuftatisque capitis ornamentis decori Arma manibus gerunt diverfa . Partem folii occupat Ditis Regia , in qua variis Dæmones , & inferna Numina afpectu horrida . Omnia hæc nitent auro , &

vividis coloribus exornata , notas Sinenfes aureas habeant , Alterum verò folium mulieris effigiem oftentat , habitu finico circumamictam auro quidem pretiofo , fed conformi modestiæ chriſtianiæ . Sola facies detecta apparet , inter unionum lineas , quæ ex capite dependent . Sub pedibus tela ferica ſternitur , floribus exornata , & lineolis circumdiſtinctis , quas non aurum , fed charta braçteolis aureis tecta efformat ; Aliud etiam folium triginta ſex palmis longum duobus latum , videtur , in quo depicta eft rudi tamen penicillo pompa equitatus , qua per Sinenfes Urbes incedunt Primates Aulae , quos Mandarinos vocant . Conſtat diverſis militum , tum pedeftrium , tum equeſtrium ordinibus , & aliorum hominum famulatu , a quibus infignia ejus dignitatis geftantur . Hinc poffunt enumerari librorum volumina multa , quæ in ipfo Mufæo funt , & in quibus noſtræ Societatis Scriptores , diverſos Scientiarum tractatus evulgarunt , demum vocabulorum Sinicorum Theſaurum , viginti Tomis comprehenſum .

Non defunt aliarum Regionum chartæ , ideſt Japoniæ quæ craſſior eft , & ſubalbida ex goſſipio compacta : Syriæ , & Perſidis , quæ licet alba fit , craſſitudinem Japonicæ æmulantur . Nitidam , & admodum levigatam illam reddunt beneficio cochlearum , quas Venereas Authores nominant , e ſinu perſico delatas : Mexicani Regni ex cortice arboris compacta , & hieroglyphicis fignata , quæ penicillus diverſis coloribus expreſſit , puta homines , & animalia monſtroſa , quibus aptari poffunt carmina illa Bonomi Borromeid. lib. 2. verſ. 50 .

*Aut ſi qua eſt alibi fœda aut informis imago  
Quam habuit Natura , aut ars ſibi finxerit  
aut mens .*

Aliqua ex iis expreſſa retulit in Mufæo Ferdinandus Coſpi lib. 3. cap. 2 .

Cum de charta Sinenſi fermo fuerit , abs re non erit vulgarem errorem tollere eorum , qui ſibi ſuaferunt illam ex Goſſipio , & Serico confici . Pater enim Ludovicus le Compte Societatis Jeſu , qui plures annos in Sinis commoratus fuit , in Epiftola Pariſiis impreſſa anno 1698. ad Illuſtriſſimum Archiepiſcopum Remenſem de ſtatu ejuſdem Regni , narrat Chartam qua Sinae utuntur confici ex ſubtiliori cortice cujuſdam arboris valdè proceræ , & craſſæ , quæ vocatur *Bambù* . Illum primo in pura aqua optime maceratum , & in minutiffimas particulas redactum , ex eadem poſtea extrahunt beneficio inſtrumenti lignei , frequentibus filis æreis inſtructi , quæ veluti complanatam tabulam efformant , ita ut cum extrahitur , decidente inter rimas liquore , folium chartæ remaneat , quod deinde omnino arefactum , alumine in aqua diluto , iterum

rum madefaciunt, ne atramentum, vel colores exugat; Cum autem hujusmodi instrumenta aliquando ad decem, vel duodecim pedes extendantur, hinc est, quod Sinensis Chartæ folia eandem longitudinem habeant.

Ex charta itidem Sinensi conficiunt flabella plicatilia, quæ gestantur ab hominibus quocunque anni tempore: supra folia ejusdem chartæ flores multos glutine appositos servat Musæum, quos Fœminæ Sinarum ex serico mire colorato auroque interdistincto solerti arte conficiunt, non quidem acus beneficio per telam, seu chartam frequenter transmissæ: sed gummi adeo bene conglutinant, ut acu picti videantur.

**24** Hanc tamen artem superat modus pingendi acu, quo utuntur moniales aliquot in Gallia. Sericis enim filiis, per subtilissimam chartam sæpe traductis flores cujuscunque generis, adeo egregiè efformant, ut iidem prorsus in utraque parte paginæ appareant. Hujus generis plures Musæum exornant. Exornant etiam quamplurimæ paginæ in quibus materiem superat opus; sunt enim minutissimis incisuris; ita dissectæ ut si pannum aut tabulam nigro, vel alio colore tinctam subjicias, cernantur flores, animalia, arbores, characteres, & diversi generis ornamenta, improbo labore efformata.

**25** Non desunt aliæ paginæ in quibus calamus lineolis atramento ductis, sed minutissimis characteribus, quos dedalea manus adeo solerter disposuit, & umbras, ubi opus erat efficerent, eosque, ubi temperatus color requirebatur, minore humore saturaret. Sunt autem characteres adeo exiles, & minuti, ut non nisi armato oculo perlegi possint.

**26** Duo pilei, quorum altero Sinenses caput operiunt hyeme, altero æstate; hic dura charta constat, serico in utraque parte circumtecta, rubro in interiori, in exteriori verò albo; ex acumine, in quod definit liberè dependent fila serica rubra in gyrum disposita. Illi autem, quo hyeme utuntur gossipium addunt, & caput calidius foveat, ejusque limbum villosa pelle circumdant. E capite nunquam illud remonent; sed tantum caput, humerosque aliquantulum inflectunt, cum alios salutant.

**27** Armarium est in Musæo texturis plenum, quas manus Indica ex palmarum foliis, arborum corticibus, sparto, & scirpis palustribus mira arte elaboravit; Inter eas mantilia duo ex subtilissimis filis ex arborum libro diversimodè coloratis contexta in Regno Mexicano. Duo insuper Tapetes, quorum alter ex insula Borneo, alter ex ora Mozambiquana allatum fuit; hunc scirpi palustres subalbidi inter se alternatim contexti efformant; illum palmarum tenio-

læ partim nigræ partim subflavæ componunt, tali arte dispositæ, ut tessellatum veluti opus appareat quadratis lapillis compositum. Ejusdem generis texturam ostendit Biretum albis palmarum foliis in Brasilia contextum.

Quatuor sunt Tapetes in Regno Angolano ad caput Bonæ Spei mira artificum opera compositi. Flavum mentiuntur sericum, licet ex minutissimis filis palmarum constent. Flores in iis apparent mira arte dispositi, non absimili modo, quo villosa holoserica ostentant. Horum meminit Pigafetta in descriptione ejus Regni, aitque patrio idiomate vocari *Baidelcan*. Admirandum sanè tantam apud Barbaros vigere artem, quæ Europæam, vel superet, vel æquet.

Nec minori arte composita sunt flabella duo, & capituli tegumentum instar pilei, quod gestant Europæi. Hæc in Insulis Canariis fœminea manus contexit ex filis palmæ tali arte, ut retè appareat, supra quod flores, encarpia, ac ejusmodi foliata ornamenta, acus beneficio efformata cernuntur. Inutile quidem pileum est, vel contra Solis radios, vel imbres; sed mirum artificii argumentum, quo muliebri caput exornatur.

Cistam ex scirpo palustri intertextam, in Regno Mexicano, illum vocant *Tule*, & scindunt in lamellas, quibus rubro, nigro, & diversis coloribus saturatis, alternatim recurrentibus fibris, reticulatum opus effingunt nullo foramine patenti. Donum fuit P. Nicolai de Vera, ex illo Regno Procuratoris in Urbe anno 1701. Item aliam cistam idem Pater dedit ex funiculis compactam in gyrum dispositis, & simul colligatis alio subtiliori funiculo, qui omnes pluribus subtilissimis filis componuntur ex planta Maguei decerptis, quam supra explicuimus.

Peruana strophiole ex arborum fibris, nostram lineam telam æmulantia, quibus in Peruvia utuntur incolæ, dum potum sumunt, quem *chocolatem* vocant. Hunc potum descripsit Joannes Laet lib. 7. cap. 2. descript. Indiar. Occident. damnavitque tanquam nausæ provocandæ aptum. In descriptione Musæi Septaliani Paulus Maria Terfagus cap. 57. Sed quam immeritò, judicant ferè omnes cum Pervanis Europæi, quibus adeo ea potio arridet, ut qui semel illi assueverint, se sine illa vivere posse negent.

**28** Arcula Sinensis undique circumtecta tela quadam non lineis filis contexta, sed arundineis, & quidem subtilissimis quales sunt pili equini. Huic similis est crater viminibus minutissimis decussatim se interfecantibus contextus; ejus partem intimam bitumen quoddam contegit vernice Sinensi superinducta pellucidum.

29 Bacilli, quorum aliqui eburnei, aliqui lignei, vel arundinei, characteribus Sinenfibus exornati . His Sinenfes fufcinulæ loco cibum capiunt , ut ori admoveant, & quidem tanta dexteritate , ut ne vel mica decidat . Manu enim tangere epulas indecorum eſſe apud Sinenfes referunt Scriptores, adeoque mantilia in uſu non ſunt , cum manus nunquam cibis deturpent, pedem romanum bacilli æquant longitudine, craſſitie verò calamum anſerinum: ex tribus eorum partibus duæ rotundæ ſunt tertia quadrata vel octangularis, ut ſub num. 11 .

30 Cochlearia, quorum aliqua ex cornu ſcythico, alia ex ligno duriffimo elaborata, in parte anteriori latiora ſunt, & admodum concava . His utuntur Tartari Crimenfes propè Pontum Euxinum . Formam ferè ſimilem habent alia Cochlearia lignea a Turcis adhibita, ſed maculis diverſorum colorum aſperſa.

31 Duo atramentaria a Perſis elaborata, & magno pretio habita, licet papyracea illa ſint. Unumquodque componitur duobus veluti tubulis quadratis, quorum alter in altero tanquam vagina recipitur. Interior continet vaſculum ex orichalco, vel argento aptatum pro atramento ſervando: Exterior ſoſculis aureo liquore efformatis, diverſis coloribus interdiftinctis, & nitidiſſima ſandracca ſuperinducta pellucidis eleganter exornantur .

Difficile dictu eſt, quàm ſolerti arte Perſæ, atque Arabes talem vernicem componant, qua multa artefacta nitentia reddunt, puta arcus militares, ſagittas, arma, capſulas, calamos ligneos, quibus fumum tabacci ad Os attrahunt, & ſimilia . Plura experimenta tentavi, ut ſimilem conficerem, ſed fruſtra, donec Sacerdos ex Syria Romam profugus in ea arte peritiſſimus modum genuinum oſtendit vernicem illam componendi . Secum ille detulerat quandam gummi ſpeciem, quam patrio nomine *Sandri* Arabes appellant; non tamen eſt ſandracca vulgaris, licet illi ſimilis, aliquantulum ſubalbidior . Illam lento igne liquatam calido oleo miſcuit, ex lini ſemine expreſſo, ſed primùm valdè decocto, iterumque brevi temporis ſpatio puta dimidii quadrantis ad ignem admovit, ut optimè ope bacilli illa duo ſimul commiſcerentur . Deinde tabulam optimè levigatam, & colore ſeu glutine aliquo primùm ſuperinducto, & exſiccato, vernice illa contexit . His peractis docuit exponendum eſſe opus in loco, ubi pulvis adhærere non poſſit, ut paulatim exſiccetur; vernicem demum leviter ungendam oleo, quod *Naphia* Syri appellant, & ejus loco poſſe adhiberi humorem illum, qui in Italia in agro Mutinenſi e faxis deſluit, & vocatur *Petra oleum* .

32 Alia artefacta addenda hic ſunt, quæ ex Regno Sinarum obtinuimus, ideſt Pyxides, arculæ, ſcyphi, cyathi, & alia hujusmodi, quæ omnia vernice pellucida contexta ſunt, & floribus, aviculis, diverſiſque ornamentis, auro, & coloribus efformatis præclara . Talem vernicem compingendi modum unicè Sinenfes habent, quamvis ſimilem ubique terrarum diu noctuque excogitare permulti ſtudeant, ſed fruſtra; nam duritiem illius, licet æquè nitidam conficiant, aſſequi non poſſunt . omnes enim quotquot æmulari Sinenfes conantur gummi lacca, vel ſuccino, vel hujus generis bitumine alio, ſpiritu vini diſſolutis utuntur; Sinenſes verò utuntur oleo ſeu bitumine, quod ex peculiari arbore Regionis Sinicæ deſluit . Ut omnia paucis comprehendam, expono epiſtolam, quam mihi inſcripſit anno 1697. P. Petrus Van Hamme Bruxellentiſis, e noſtra Societate in Sinis Miſſionarius, quem rogaveram, ut mihi vernicem Sinenſem conficiendi modum ſincere indicaret . Ita ille .

Quæ R. V. quærit de Vernice Sinica, ea hic expono quanta poſſum claritate, & brevitate . Vera vernix Sinica a Sinenſibus vocatur *Ci* eſtque ſuccus arborum, quæ arbores in altiſſimis montibus Provinciæ *Su chuen* inveniuntur, & nuſquam alibi quod ſciam . dicuntur eſſe valdè proceræ, & rectiſſimæ . Læditur autem cortex certis temporibus, & liquor inde ſtillans eſt Vernix Sinica legitima, quæ ſi non falſificetur; ſervari poteſt ad 20. annos, & quocunque transportari, ſi bene claudatur, & ventus excludatur ne paulatim ſiccetur, vel corrumpatur . Hæc vera vernix Sinica, ſed a Sinenſibus paſſim corrumpitur, vel falſificatur . Una libra plerumque venditur uno ſtreno belgico, ſive tribus juliis romanis circiter . Qui eam falſificare volunt, miſcent illam aqua, vel oleo . Quæ aqua vel oleo falſificata eſt, vix biennio ſervari poteſt, ſed paulatim corrumpitur . Adhibetur autem hoc modo; obducitur cuicumque ligno, vel picturæ, vel cuilibet rei duro aliquo penicillo, cujus pili duriores ſint, & breviores, & ſic extenditur: tum exſiccatur paulatim non tamen ſolis radiis exponitur . Poteſt etiam bis, ter, aut etiam quater Vernix obduci pro libito . Ego hætenus diſtinguere non poſſum veram a falſificata, ſed ſi poſſim emere aliquam veram, & legitimam, conabor quærere occaſionem mittendi R. V. nam cuicumque vaſculo, imò & arundini craſſiori imponi poteſt: & ſi bene claudatur quolibet transferri; ſed vereor, ne mihi obtrudant falſificatam pro vera, quia Sinenſes ſunt gentiles, & ferè omnes ſuas merces falſificant . Hæc ille, ex quibus patet vanos eſſe labores eorum, qui vernicem Sinicam componi poſſe in-

Europa sibi suadent, mendacesque illos esse, qui bitumina a se composita pro vernice Sinica venditant imperitis.

**33** Scrinium, & vascula alia recensio in Urbe Asiæ Bengalensi extra Gangem sub imperio magni Mogolis fabricata, vernice Sinensi atrato colore saturata, undequaque pellucida, & floribus insuper aureis, frustulisque conchyliorum argenteis maximo artificio exornata, quomobrem tum a Bengalensibus, tum ab exteris Nationibus magno pretio habita.

**34** Item Stateram Sinensium qua aurum argentumque accuratè ponderant. Bacillus est eburneus crassitie pennæ gallinacæ punctis, & lineolis proportione arithmetica accuratè distinctus, nec non duobus tenuissimis filis instructus, quorum unum hypomachii vices subit, manu appendentis sustentatus. In parte extrema lancem parvam habet, cui ponderandum aurum, & argentum imponitur. Hujus generis stateram ita Vormius descripsit lib. 4. cap. 5. Bacillus eburneus septem unciarum longitudine, crassitie pennæ columbinæ, punctis, & lineolis accuratissimè, & minutissimè distinctus, ex altera extremorum lancem parvam æneam dependentem obtinet, cui ponderandum aurum inditur, quod expendit pondus eorum quadratum, seu potius tessellatum, quod filo suspensum transcurrit lineas, & puncta in baculo signata. Huic autem ponderi in duobus amplioribus lateribus inseulpta sunt puncta quinque, in angustioribus tria. Totum verò pondus drachmam unam, & scrupulis duobus pendet. Universa hæc fabrica thecæ lignæ clauditur, figura cochleare fermè referenti, in cujus Manubrii extremo, clavus est, circa quem voluitur, operculum ubi aperitur, vel clauditur. Ferunt Sinenses Mercatores has libellas ad cingulum portare, ut oblata numismata iis ponderent, & de pretio statuant.

**35** Juxta illam est Vasculum Moscoviticum, pro tabacco servando, lacca rubra, & durissima obductum. Aliud etiam videtur in novo Regno Americano fabricatum ex cochlea, quam Veneream appellant Authores, encarpis argenteis exornata, cui gemmæ rubræ, & virides appositæ pretium addiderunt.

**36** Sacculum ore latum in mucronem desinens, quatuor ferè palmis extensum, opere reticulato funiculis inter se pluries implicatis compositum in Brasilia, ubi incolæ illud vocant *Aid*. Eodem mulieres utuntur ad pondera supra dorsum ferenda, puta lignorum, fructuum, Sacchari, & similium.

**37** Globus ex bractea ferrea compositus, cujus diameter dimidium palmum æquat. Pretiosum illud est ob foliatum opus, quo exorna-

tur ex auro argentoque ipsi ferro mira arte insertis. Aureos flores, & frondosos ramusculos argentea luna cornibus suis frequenter amplectitur. Illo enim utebatur in ultima obsidione Urbis Budæ præcipuus Turcarum Ductor, ut manus calefaceret. In parte enim ejus concava Vasculum inest duplici circulo versatili ita inherens, ut nunquam è centro dimoveri possit, nec in partem contrariam obvolui, adeoque carbonem ignitos, etsi globus in oppositas partes circumagitetur, semper in eodem situ retineat. Dividitur autem commodè inducas partes, ut carbonem imponi possint, & firmè clauditur, beneficio duplicis retinaculi hinc inde appositi, & plura foraminula in eodem patent, ut aer receptus ignem conservet, atque ex iisdem fumus odorum evaporet.

**38** Theca rotunda ex ligno unius ferè palmi longa, corio rubro circumvestita, & bulis ex onchalco exornata. Illam deferunt e cintura dependentem in itinere Turcæ, alique Viatores in Syria, & Asia minore, cum pluribus vasculis ex porcellana inclusis, quibus ad hauriendam potionem utuntur, idest aquam calidam, in qua semen vulgò dictum *Kaffè* decoctum fuerit.

**39** Globuli precarii eburnei quibus utuntur Turcæ in suis precibus. Illi enim decem quasdam cantilenas summo mane, meridie ac vesperè singulis diebus recitant: quomobrem numerum trigessimum non excedunt globuli, quibus eas numerant. Has preces retulit D. Tavernier, & globulos P. Justinianus Capuccinus in sua historia Turcarum typis data a Doctore Jacobo Cinelli part. 1. art. 3. pag. 15.

**40** Aliud capitis tegumentum numeratur præter ea num. 26. relata, quod a Brasilia detulit P. Franciscus Maria Bonuccius nostræ Societatis in eo Regno Missionarius. Biretum illud est, quo Sacerdotes utuntur colore nigrum forma rotundum est, ultra palmarem altitudinem elevatum, cui ferè simile adhibetur etiam in Lusitania.

**41** Nec desunt opera mira arte absoluta, præfertim ex ebore, quorum aliqua tantum hic indicantur. Granum piperis, in vas conformatum, altæ sed tereti basi eburnæ innixum. In ejus perexigua cavitare continentur ultra quinquaginta pocula in formam calicis tornata, & singulorum pedè annulus subtilissimus circuit.

**42** Eburnea cavea in qua avicula Psittacum referens. Quantum Artifex laborem patienter tulerit in ea componenda, solum qui eam videt, conjicere potest. Subtilissimis enim fulcris adnectuntur penè innumeri circuli, quibus invicem insertis undequaque pervio Aeri patent spatiosa.



**43** Nec minoris artificii exemplum præbent duo artefacta ex minutissimis similibus circulis compacta, in quibus prostant brachiola in gyrum, & plures ordines disposita, instar eorum, quibus in templis lampades sustentantur. Alterum ex his ferè octingentas particulas numerat, quibus inter se connexis componitur, mira arte torno elaboratas.

**44** Plures globuli ex crystallo, in quibus diversa artefacta conservantur per angustum eorum foramen immissa, puta animalium venatus. Pecudes in prato pascentes, Christi Servatoris in cruce pendentis, imagines, quibus hinc inde B. Virginis D. Joannis, & Divæ Magdalenæ simulacra, ex ebore solerti arte expensa. Hos globulos fulcra sustentant subtilissimè tornata, flosculis pluribus adjectis, exili tunica eburnea in torno expressis.

**45** Eburnei etiam sunt diversi globi, in quorum singulis aliquot foramina patent, per quæ alii minores globuli apparent inclusi, vel stellulæ totidem radiis foraminibus respondentes, quas instrumentum tornatile mira arte ex intima globulorum parte efformavit.

**46** Globi majores videntur ex vitro, in quibus mirabili industria inclusa sunt artefacta lignea per angustum eorum foramen immissa, & intus simul composita, aliqua etiam ferreis clavis bene repercussis ita colligata, ut non adeò facilè possit excogitari qua nam arte sine vitri fractura potuerint illa perfici.

**47** Numismata aliquot hanc artefactorum classem exornant ex ebore, & buxo, in quibus diversæ imagines anaglypto opere eminent, a superficie, non tamen scalpro efformatæ seu modulo, sed ope instrumenti cujusdam tornatilis, ingeniosè excogitati, in quo dum numisma rotatur circa suum centrum, diversis simul motibus progreditur, & perficitur. Augustæ Vindelicorum hujusmodi numismata elaborantur, nec in Musæo inter instrumenta fabrilia hæc machina tornatilis deest, quæ suo loco fortasse explicabitur.

**48** Opera plurima ab arte elaborata numerantur, quorum exilitas etsi minima, maximo tamen pretio habetur. Si enim Microscopio recognoscantur, in iis apparet quidquid solerti arte in magnis potuit Artifex exprimere. Hujusmodi sunt simulacra Christi in cruce pendentis, adeò exigua, ut per foramen acus possint permeare: ferrei Pessuli cum claviculis cerasi nucleo minores; Globuli precarii chalibea catenula simul colligati, quæ potius Capillo quàm fetis assimilatur.

**49** Inter artefacta locum habent aliquæ ædiculæ ex ligno hierosolymis elaboratæ quibus vel Christi sepulchrum, vel Domus Na-

zarena, vel Præsepe Infantis Divini repræsentantur, ut plurimum tessellato opere exornatæ, quod rosulæ vel flosculis ex concha margaritifera efformant.

**50** Aliæ imagines puta B. Virginis, vel Infantis Jesu in Urbe Goana, rudi quidem delineatione, sed magno labore, & industria in ebore exculptæ, adjectis floribus, & frondibus etiam eburneis, quibus exornantur.

**51** Pocula duo ex cornu Rhinocerotis rotunda, quæ pedes eburnei sustent: eadem contegunt duo opercula pariter eburna torno a perita manu elaborata. Cyathi ex ungula Alcis, & alii ex ungula onagri, quorum omnium partem anteriorem Artificis manus scalpro exornavit. Crux eburnea cum imagine Christi Redemptoris Basi imposita, in qua diversa Sanctorum simulacra, quæ ex ebore singularis artificis industria perfecit. Cornu eburneum ex Africa allatum cum figuris variis elegantissimè exculptis. Poculum ligneum, in se continens centum alia pocula torno elaborata tantæ tenuitatis, ut crassitie chartam non superent, & singula contactum vix patiantur. Ita verò compacta sunt, & unum alterum excipiat ordine, donec ad minimum fuerit deventum: Primum, & maximum omnium pede, & Basi munitur, quibus reliqua carent, claudit omnia theca lignea firmior, ut sine periculo tractari possint. Tubuli lignei ex Urbe Aleppio, quibus tabacci fumus hauritur, quatuor pedum longitudine extensi, qui in partes quatuor dividi possunt, ita ut una alteri inferatur, exterius coloribus variis depicti, & lacca incrustati.

**52** Hanc artefactum classem claudat Catenula eburnea palmaris longitudinis, in cujus altera extremitate conjungitur corona ex tribus subtilissimis filis contexta, simul in gyrum implicatis, quorum nullum terminum habet nec principium; alteri verò columba est alligata, quæ rostro sustinet crucem cum imagine Divini Redemptoris affixa; Omnia hæc ex unico eburis fragmenta exculpta sunt, mirabili artificio, ut quamvis fuerit in tenui labor, non tenuis sit Artificis gloria.

*A R M A B A R B A R O R U M  
D I V E R S A.*

**I** Primum locum obtinet gladius Japonius plurimi æstimendus, eò enim aliqui, e nostra Societate transfixi sunt in celebri persecutione Regis Taicosamæ. Tribus palmis ferè est longus, Manubrio eburneo munitus, & vagina tectus ex corio piscis durissimo.

- 2 Duo baculi seu potius Clavæ sex palmis longæ latiores in una extremitate remorum instar. Ex quodam ligno nigro, & ponderoso constant, quod vocant *Japema*, eis aliqui Populi Brasiliæ appellati *Tapuye* utuntur, & aliquando fasciculum pennarum in extremitate eorum alligant, quod ornamentum vocant *Atirabebe*, & *Iatirabebe*.
- 3 Pharetra sagittis gravis, quarum aliquæ ex Asia minore aliquæ ex Arabia deserta, alatae diversa cuspide ferrea muniuntur; Aliquæ enim illam veluti lancea complanatam habent, aliquæ quadratam, aliæ rotundam, & solidiorem.
- 4 Manipuli Sagittarum, quas milites in Trimeribus Pontificiis anno 1694. Piratis Africanis eripuerunt, dum propè Centumcellas insidias navibus Christianifidelium molirentur.
- 5 Manipulus alius Sagittarum, quarum cuspides ultra palmum extensæ, non ferreæ, sed ligneæ ex ebena nigro sunt. Barbari illas conficiunt in Regno Brasiliæ dicti *Tapuia*, iisque utuntur jactu sine arcu, imponendo ligno cuidam excavato instar tubi per medium secundum longitudinem dissecti.
- 6 In Regno etiam Brasiliæ Barbari montes incolentes vulgò dicti *Kiriri* aliis sagittis utuntur, seu potius telis, octo ferè palmos longis, quorum cuspides constant ex ligno rubro, & ponderoso, dentibus instar ferræ aspero. Reliqua pars teli constat ex arundine palustri levissima, cui pennas avium adnectunt; vocant utramque rem nomine *Vuba*. Aliquibus etiam cuspidem ex arundinibus hinc inde acutam jungunt, qua facilè in pugnis transverberantur, utpotè qui nudi penitus more belluarum incedunt. *Iurupara* appellant sagittam hanc, quæ ex arundine *Iacoara* vocata, acumen habet. Illis arcus copulantur ex ligno ponderoso, & rotundo, ad palmos ferè novem extensi, funiculi quibus inflectuntur, sunt ex gossipio, sed valido. Tales arcus vocant *Guirapara*, & *Urapara*, lignum autem quo fiunt, *Guirapariba*, & *Urapariba* a Lusitanis dicitur *Pao d'arco*. Funes e Gossipio *Guirapacuma* dicunt, ut narrat Georgius Margravius cap. 10. Tubas conficiunt hi Barbari ex ossibus humanis, quos nominant *Canguenca*. Alias etiam tubas habent factas ex conchis marinis, quas *Guata*, *pi gnacu* dicunt, & ipsas Tubas *Nbum bugo acu*. Eiusmodi sagittis etiam utuntur ad feras cupiendas in silvis, & in fluviis pisces.
- 7 Arundo indica quinque palmis extensa, & levissima in prælio tamen ea utuntur Barbari arena repleta, ut validissimis istibus hostes prosternant.

8 Clava Americana barbarorum ex durissima Silice more lentium opticarum elaborata, adeò ut Rhomboidem formet, & ob crassitiem corporis ictus vibrationem augeat. In medio foramine exciso Manubrium ligneum tripalmarè inseritur. Illa est venerabilis, eò quòd alicui è nostris Missionariis effractis cervicibus cœli januas aperuerit, ut refert Kircherus in suo Musæo pag. 34.

Cum eadem veneratione servatur Framea Japonica qua aliqui e Societate capite plexi fuerunt. Lamina est tripalmaris modicum inflexa, duarum unciarum latitudine, utrinque duplicata crenula exornata, ex una parte in acutam aciem, ex alia verò crassiori dorso instructa. Manubrium habet, & cupreum orbem ad manus defensionem. Vagina lacca Sinensi nitet nigricanti colore mixta.

10 Clava ex ligno durissimo, & ponderoso, qua Barbari Americani utuntur, tribus ferè palmis extensa, quatuor uncias in latitudine, duas æquat crassitie; dimidium ejus palmum pro Manubrio est, reliquum utraque ex parte aciem habet instar gladii, qua facilè hostium capita finduntur. Alia insuper est securis instar elaborata, sed ferri loco Silice durissima munitur.

11 His accessit donum Excellentissimi Herois Montecuculi, exercitus Cæsarei supremi Imperatoris contra Turcas, videlicet scutum, & framea Turcis erepta anno 1678. hæc est argento exornata: Scutum verò ex funiculis strictè simul contortis, & colligatis constat. Hos olofericum villosum contegit Umbone ex lamina Chalybea superaddito, leve quidem pondere, sed validissimum est contra framearum ictus, eritque ab eo relatæ victoriæ perenne monumentum.

#### FRUCTUS EXOTICI EX VARIIS INDIARUM REGIONIBUS.

Inter fructus peregrinos ex Indiis advectos in Italiam, primum locum obtinet Coccus, quem de Maldiva appellant. Hæc de tali fructu Nardus Antonius Recchus protulit in lib. 3. cap. 40. de rebus indicis novæ hispaniæ. Maldivas Insulas aliquando continentem fuisse, inundatione tamen submersam, & has remansisse insulas referunt, atque in iis fuisse palmas, quæ hos protulissent coccos. An verò plantæ differant a nostris, cum nemo truncum, aut folia inspexerit, certò quis asserere nequit. Soli namque cocci, nunc singuli, nunc bini con-

conjuncti in litora ejiciuntur, quos nemini colligere licet, nisi cum capitis periculo, eo quia ad Regem pertinet quidquid è mari inlitus ejicitur. Inveniuntur autem ipsi Cocci interdum exigui figura ovali, magna ex parte nigro ac nitido cortice contecti, medulla seu pulpa interior, quæ siccata dura est, & candida, ad pallorem tamen inclinans, insuperficierimosa est, & porosa, & nullum saporem habens. Magni fit hujus Cocci usus, præsertim pulpæ ejus apud earum Insularum indigenas adversus venena, ajuntque aquam in varis ex his nucibus paratis, aliquando conservatam, adjecta medullæ particula utilem esse ad colidolorem pulsa causa per vomitum, nec non ad paralytim, Epilepsiam aliosve nervorum affectus. Ulyssipone hæc medulla siccata reperitur venalis, magno tamen pretio, & magni æstimatur.

Franciscus Calceolarius in suo Musæo sect. 5. pag. 620. figuram ejus cocci posuit, qualem nos hic exhibemus num. 12. illumque ita descripsit. De cocco, de Maldiva appellato scribit Garzias Hortus, & Clusius; non seligemus aliqua. Niger igitur est hujus Cocci cortex, & nitidior vulgari Cocco, figura ovali, magna ex parte ita rotunda, & vulgaris, medulla sive pulpa interior siccata dura est admodum, & candida, nonnihil tamen ad pallorem inclinans. Eorum qui in Musæo repositi cernuntur maximus est duobus palmis longus, & Sexquicubitalem Peripheriam æquat, ut omnino fatendum sit ab exoticarum rerum peritis nihil in eo genere nasci in Europa, quod cum eo jure conferri possit.

2 Plures alii Cocci, seu illos mavis nuces appellare, visuntur in Musæo, quæ ex diversis Indiarum Regionibus allatæ sunt, ubi producuntur; præsertim Americanis. Ex iis aliquæ sunt, quas Indi *Maron* Mexicani *Coyolli* appellant. Earum arbor est vasta palmæ magnitudine ac figura, fructus orbicularis at paulo longior, capitis humani amplitudine. Duplici contegitur cortice, externo villosa, interno nitido, præduro, & nigricanti colore. Intra trium mensium spatium racematim dependens maturefcit, interdum septem octove racemis centum sexaginta libris pendentibus arborem suam onerat. Ejus duo sunt præcipua genera, alterum fructui ferendo, alterum verò liquori idoneum. Nascitur passim præcipuè in maritimis locis. In nova Hispania non unicum observatur harum palmarum genus, diversaque alia genera observantur in aliis locis. Aliud namque est ferens fructum longè minorem prædicto. In Insulis Philippinis sunt aliæ arbores vocatæ *Babæi* aliæ *Sacfac*. Universæ earum

partes sunt usibus humanis aptissimæ, nam ex ligno foventur ignes, fabricantur naves, & aptantur mali, construuntur ædium tecta, stillat succus ex tenerrimis hujus racemis incisis, qui excipitur fistulis arundineis, & usurpatur pro vino prima die suavis, tribus sequentibus injucundus, deinde inutilis. Ex hoc vino servato acetum fit acerrimum, quod admotum igni omnem acrimoniam amittit. Ex eodem vino carbonibus admoto fit mel ac Saccharum suavissimum. Ex cortice parantur ellychnia inflammando pulveri bellicorum tormentorum opportuna, navium funes firmissimi, & falsi humoris injuriis non obnoxii, paratur materies stupea pro tabularum compagibus in navibus implendis. Interno altero cortice pocula fiunt auro, & argento exornata, & credunt potum utilissimum contra paralytim, & ad nervos curandos. Nucleus calidissimus saporem refert amygdalæ, miscetur cibariis præsertim orizæ; ejus tamen alimentum est concoctu difficile. Editur etiam loco castanearum. Si recens aqua fervida misceatur, & agitetur, oleum producit ad condienda fercula. Unaquæque etiam nux continet lac, sive liquorem candidum ad trium ferè librarum mensuram, ad morbos curandos aptissimum. Ex cortice seu foliis arboris interdum parantur soleæ calceamentorum; alios usus medicos, vide apud Nardum, & Antonium Recchum de rebus indicis.

3 Quatuor minores nuces oblongæ magnitudine malum citrinum imitantes, nigerrimo colore atratæ adeo ut ex ebena nigro, seu potius ex bubalinis cornibus videantur artefactæ. Has Mexicani, & Hispani exornant argenteis bracteolis, & pedem illis addunt, ut eisdem utantur in potione indici nectaris, quod Cocolatam vocant.

4 Ejusdem formæ aliæ nuces sunt, in Mexico productæ, quarum cortex osseam flavedinem habet. Cocculi etiam alii non desunt diversi, inter quos fructus Brasiliensis dictus *caccimbo* ovum gallinaceum figura æmulans, quem villosa amictu si spoliaveris, & expolieris, nitidam superficiem flavedine pallida saturatam ostendit, nascitur ex arbore quæ vocatur a Brasiliensibus *Priafaba*.

5 Cucurbitæ diversi generis etiam numerantur. Aliquæ sunt dimidium palmum æquant, aliæ verò minores, & formæ diversæ, omnes tamen nigri coloris, & varia incisura exornatæ. In his Peruani, & Brasilienses Balsama conservant, unde suavissimum odorem retinent, & exhalant. Barbari Brasilienses ex illis conficiunt Lagenas, Cyathos, & hujusmodi Vasa.

**6** Incolæ autem novi Regni Granatensis eadem quadam lacca diverso colore infecta, undique contegunt, ut illis utantur ad potum hauriendum, & pro lusculis cibisque apponendis in mensa. Aliquæ videntur in Musæo. Major vocatur *Tutumma de Urabà*. Ex his etiam fructibus excipiunt sæpè portionem rotundam, qua pro capitis tegumento utuntur.

**7** In ejusdem Regni Americani plaga, quam dicunt *Musso* ubi Smaragdi effodiuntur, fructus colligitur ex quadam arbore palmæ simili, sed spinis aspera, in quo nucleus est durissimus, & ejus cortex lineolis subalbidis mirè serpentina exornatur. Aliquot ex illis numerantur in Musæo.

**8** Numerantur etiam quamplurimi cocculi ex Brasilia missi; avellanas mole non excedunt, sed corticem crassum, & valdè durum habent. Globulos precarios ex iis, & aliis similibus conficiunt Indi.

**9** Plures fructus ex procera arbore, quæ in Monte Libano perpetua fronde virefcit, indicat num. 13. & vocantur cedri; Pinearum figuræ non multùm dissimiles, sed graciliores, dura & odorata substantia, nec non compactili squammarum strue compositi subfulvi coloris. His Arabes utuntur loco thuris; si enim carbonibus ignitis superimponantur, quidam humor exudat odoratus. Cœterum arbor, a qua producuntur utilissima est, & ramos latissimè spargit, ita ut ejus caudex quandoque a quatuor hominibus expansis brachiis vix ambiri possit. Cortice est scabro, rami foliis tenuibus, & brevioribus abjetinis, non tamen acutis. Lignum ejus durum est, & senio vix consumitur. Hinc Salomon in fabrica Templi Hierosolymitani hoc ligno usus est.

**10** Avellanam iudicam subnecto, quam Clusius descripsit lib. 2. cap. 19. exoticorum. Ternas uncias longitudine superat, latitudine unam, putamine crasso, supina parte sessili, rugoso scabro, & cinereo; prona seu gibba parte lævi, subrufo, vel potius spadiceo: nucleum continet gemellum substantia firma, subfusca, pingui, & oleaginosa, odore satis jucundo prædita, & sapore non ingrato. Hanc eruditus Matthiolus Avellanam iudicam appellat. Ejus figuram expressam exhibuit Calceolarius in Musæo pag. 603. ut num. 14.

**11** Amygdalæ Pervanæ sequuntur, vulgò *Almendras de Peru*, sic dictæ, quòd operimentum earum sit simile ei, quod habet Amygdala, & nucleus etiam sapore, & colore amygdalam referat. Fructus est triangularis dorso lato in bina latera angulosa, sed angusta, tota est ferè duarum unciarum longitudine, latitudine ferè unius. Hunc fructum fufius de-

scripsit Joannes de Laet, lib. 17. descript. Ind. Occid. cap. 4. his verbis. Reperitur in Sylvis juxta flumen Amazonum arbor Barbaris Ademoniæ *Totake* dicta cujus fructus *Totake*. Illa procera est, & ramosa foliis grandibus ulmi similibus obscurè virentibus, nisi quod postica parte nonnihil videantur candidiora. Nullos fert flores, sed aliquas gemmas, quæ colore non differunt a foliis, quæ sensim crassescunt, & protundunt fructum grandem, mole interdum capitis humani, pene rotundum, compressum nonnihil in antica parte, Cortice duro, ligneo admodum compresso, exterius striato, & tuberoso, coloris fusci, & penè nigri. Dividitur interius certis septis in sex veluti nuces, arcte inter se conjunctas, quæ singulæ iterum ligneo duro, & satis crasso cortice tectæ sunt, plerumque triangulares una parte magis convexa, cum tribus veluti futuris, valdè rugosæ, & asperæ, minus tamen quàm exterior cortex. His continetur oblongus nucleus, totas implens instar amygdali rubicunda membrana tectus, carne candidissima, & solida, & non nihil oleosa, sapore magis videtur accedere ad Avellanas, quàm ad amygdalas quarum usum supplere potest. Ejus figuram exposuit Vormius in Musæo pag. 181. & nos sub num. 15.

**12** Brasilienses Castananæ diversæ speciei, quarum aliquæ corticem adeo durum habent, ut potius inter nuces videantur recenseri, colore castaneo ad nigrum inclinante conteguntur, & valde nitido.

**13** Fructus Brasiliæ dictus *Apeibà* figura ovali, nucleum album continet instar Amygdalæ sub cortice duro, & spinoso, cartanearum ricino simili.

**14** Amygdala novi Regni dicitur fructus, qui a Clusio lib. 2. Exotic. cap. 6. sub nomine Guianensis amygdali describitur. Crasso, & duro est putamine, ut hoc nomine inter nuces referri possit; Orbiculari fermè figura, nisi quòd altera parte in rectam lineam terminetur ac dehiscat, depressior aliquanto. Nucleum continet candidissimum, & durissimum, & in binas partes separatum. Arbor quæ eam fert, teste Joanne de Laet lib. 9. cap. 4. descript. Ind. Occid. tereti trunco est ut pinus.

**15** Anacardium fructus est a Lusitanis dictum *Faba Malaccana*. Duplex est, alterum, quod in Regno Malabrico nascitur oblongiore, & porrecto collo; alterum, quod in Brasilia incurvo, & *Cajous* appellatur. Colore ambo sunt nigro purpurascente, cordis parumper depressi figura leves, & politi: sub cortice nucleus est parvæ amygdalæ similis.

**16** Aovai vel *Abovay* fructus est castaneæ instar , figura proximè accedens ad triangularem , nucleum habens venenatum , putamen durissimum , & tinnulum ; unde a Barbaris tintinnabulorum loco usurpatur , & brachiis cruribusque alligatur ornatus gratia . Crescit hic fructus in arbore quadam , quæ teterrimum spargit odorem , cum secatur , propterea a Barbaris ne quidem ad Pyras usurpatur . Cæterum arbor est Pyri magnitudine , foliis semper viventibus , & mali nostratis non ab similibus . Ejus iconem dedit in suo Musæo Calceolarius pagina 602, num. 5. & non exposuimus sub num. 16.

**17** Exoticum fructum Musæum præbet *Bonduch* nomine a Turcis ex Alexandria Ægypti allatum , cui admirandas adscribunt Vires . Hunc infantibus gestatum amuletum esse præsentaneum ad quaslibet res adversas averrucandas a Plinio scriptum referunt , quem propterea infantium custodiam , sed falso , nuncupavit . Qui in nostra rerum naturalium congerie aservatur nucis parvæ crassitudinem obtinet : levis est , pellucidus , cinerei coloris , lapidea ferè duritie præditus , quanquam in aquam conjectus supernatantem videatur .

**18** Mirobalanum , ab Arabis dicitur *Dalegi* , fructus est prunis similis . Plures ejus species referunt Authores ; Aliqui enim dicuntur citrini , alii indici &c. afferuntur ex agris Goæ , Bengalæ , Cambojæ , aliisque locis indiarum orientalium , & sicuti fructu ita foliorum diversitate inter se discrepant .

**19** Phaseolus Ruber *Abrus* vocatus , de quo Alpinus in libro de Plantis . Ille è Siliquis colligitur , quæ intus habent semina parva rotunda , rubra , & dura , Phaseolorum saporem referentia : idcirco iis Ægyptii in jure elixis vescuntur . Arbor unde leguntur sarmentosa est volubilis , foliis tamarandi , sed longè minoribus , quæ occidente Sole clauduntur , oriente rursus aperiuntur .

**20** Phaseoli Brasilienses , quorum alii fabam majorem imitantur , sed renum figura , colore albo , cum macula in medio nigerrima ; alii verò mole minores , fusco colore atrati , & serpentibus lineolis nigris exornati . Ex his oleum extrahitur , quo ardentes lucernæ nutriuntur . Alii denique grana piperis sed aliquantum oblongi referunt , sanguineo cortice micantes , quem nigerrima macula aut exornat , aut deturpat . Alii sunt Phaseoli ferè rotundi fabis nostratibus magnitudine similes . Corallia vividissimo colore æmulantur , tertia tamen eorum pars nigerrimo est tincta , allati sunt ex novo Regno Granatensi .

**21** Fructus in America celebris *Cacao* dictus in Nicaruga Novi Orbis Provincia germinans . Minor est amygdalo non ingrati saporis , tanti æstimatus , ut Commerciorum magnam constituat partem in nova Hispania . Tenui tegitur membrana nigricante , nucleum continente , qui in binas aut ternas partes obliqua dividitur , subfuscum , & cinereis venis distinctum , Fructu hoc referente Vormio , cap. 24. utuntur Incolæ nummorum vice : eundem pauperibus erogant , sed usum potissimum in potu habent , quem ex illo conficiunt , *chocolate* dicto , qui ab Incolis valdè appetitur . Arbor ipsa ex qua producitur magnitudine , & foliis Aurantiæ , sed majoribus , fructus illius est longus , & similis Peponi , striatus , & rufus . Plenus est hic Cacao nucibus . Seritur in Silvis loco umbroso , & humido , de illo plura supra dictus Vormius .

**22** Fructus qui potissimum Cacao miscetur est similis piperi oblongo dicitur ab hispanis *Vainilla* ab Indis *Mecaxuchitl* , gratum saporem addit Cacao , & attenuat crassos humores . Colligantur hi fructus in fasciculos , & ad nos afferuntur , tenues instar funiculi . Herba qua producitur humi repit , caules habet teretes , & Leves , de his plura Jo. de Laet lib. 5. Ind. Occid. cap. 4.

**23** Nux Pistacea , quam *Therebinthum indicam* Theophratus vocavit , Arbor est , Therebintho similis foliis colore ex viridi in luteum inclinantibus , Therebinthi modo , & ramusculis utrinque emergentibus . Floret in cacuminibus racematim exiguo rubro flore . Noces avellanam oblongam referunt , cortice albo , crustoso magis quam osseo . Externa tunica arida , cinerea , medulla interna viridi , & dulci . Ex Persia , Arabia , & Syria afferri solet , quamvis in Italia quoque in hortis , & in Insula Sicilia ex nucleis producatur .

**24** Tribulus aquaticus , licet in Italiae fluminibus , & lacubus alibique sit frequens , apud Hollandos tamen exoticum esse affirmat Vormius . Folia habet lata , subrotunda , crassa , parte averfa maculata , nervosa , per ambitum ferrata , crassis pediculis , caulem crassum , pinguem . Radicem longam , fibrosam , capillaceam , fructus quadruplici armatus est mucrone , duobus aliis protuberantibus obtusis , in medio eorum extantibus , cortice membranoso , alba intus medulla , gustu castaneis ferè simili . In Annonæ defectu quandoque ex nucleo farinam conficiunt , ex qua panis gustui gratior .

**25** Inter fructus peregrinos occurrit nux quadam ad rotunditatem accedens , sed non perfectam . Lapidem ferè imitatur , qualis in torrentibus aquarum invenitur , cortex durissimus

mus illi est, & crassus, colorem nucum vulgarium habens. Medulla mihi ignota, illa enim caret, cum per foramen, quod habet ablata fuerit.

**26** Bombycinus fructus ex Melitensi insula, cortice tegitur cinereo scabro, inæquali, & duro, qui ubi ad maturitatem pervenerit, in tres æquales partes ut plurimum scinditur: pediculus fructui adnectitur. Sub involucro hoc tomentum seu lana est, quæ semina fovet rotunda. Lanugo verò candidissima eximitur, & Bombyx, Gossipium, vel Xylon vocatur, ex quo vestes fiunt calorem maximè foventes. Planta cubito altior esse solet, caule simili malvæ cum foliis angulosis vitis instar, sed minoribus, flores sunt lutei, in medio purpurascens, figura floris malvæ.

**27** Tria vasa ex ligno nephritico torno elaborata, in quibus si aqua per aliquod temporis spatium maneat, eam colore cæruleo tinctam videbis. P. Kircherus scripsit in Arte magna lucis lib. 1. pag. 815. tale lignum in omne genus colorum aquam tingere: videtur enim colore varia, si luci expositam in diversis partibus illam aspicias. Nascitur hoc lignum in Regionibus moderatè calidis, qualis est Mexicana. In eo Regno *Coattl* dicitur, & *Tlapalezpatli*, ab Hispanis lignum Nephriticum. In molem arboris excrescit trunco crasso instar Pyri arboris, foliis ciceris sed minoribus. Aqua cæruleo tincta colore epota renes, & vesicam extergit, & refrigerat, urinæ acrimoniam temperat, & cholicis medetur. Saporem nullum aquæ communicat, tale lignum, sed si per quindecim dies continuos aqua maceretur, illud virtute exui nec aquam ulterius tingere affirmavit Franciscus Ximenes. Illud quod affertur ex nova hispania albicat, aliud quod in Brasilia virescit colore est ex fusco nigricante.

**28** Alia sunt Vasa torno eleganter facta ex lignis diversis peregrinis, puta Santalo, rubro, & albo, Ebena nigro, & rubro, e Brasiliensi, vulgò *Verzino*, Aloe, Ligno Sancto, sive Lucino, Granatiliano, Serpentino, & similibus. Globuli insuper precarii ex lignis odoratis, inter quæ principem locum tenet lignum dictum *Calambà* seu Aquilæ. Author Musæi Septaliani de illo agens refert relationem P. Christophori Burri S. J. editam Romæ anno 1631. in qua agens de Regno Concincinæ c. 3. ita loquitur. Quandoquidem arborum incidit mentio, quibus Regio hæc supra omnes locupletata virescit, antequam ulterius progrediar, abs re non erit meminisse ligni mercium omnium, quæ a Concincina extrahuntur pretiosissimi. Celebratissimum hoc Aquilæ, & Calambà lignum est, ortum si spectes, idem est, si

verò virtutem examinas, differunt. Harum arborum superciliis læti umbrosique Kemeii montes in Cœlos ascendunt, ut è Cœlis odoris rapiant suavitatem, quæ communicata arboribus beat inexplebiles viventium luxus. Cæduntur amœnissimæ Silvæ non minore usu, quàm auri fodinæ exercentur: & licet unicuique illam lignorum struem conficere quantum velint, nulla prohibente lege, nisi truncum senio confectum offenderint, qui regio debetur ærario. Senectus enim arboris parit Calambà. Plantæ verò quæ minoris ætatis sunt, passim occurrentes dicuntur *Palo d' Aquila*, odoris fragrantia impares, sed tanti mercimonii, ut exteris Mercatoribus favente rege extractione concessa, si navem unam domum suam onustam revexerint, non est quòd vela amplius credant ventis, pauperiem evitaturi per saxa, per undas. Pretiosissimum autem perdifficile inventu esset, ni natura quos produxit, suos mortalibus abscondens suos communicaret thesauros: in summis enim inaccessibleibusque montium jugis arbores hæc virescunt, quibus tempore exesis trunci fatiscens in subjecta cadunt, qui a præcipitibus aquarum torrentibus decurrentibus per montium juga, vel rapiuntur deorsum, vel aliquando sparsi inveniuntur; hæcque merx regia est, uti colligitur Calamba, quinque argenteorum æstimatur in singulis libris: in portu Concincinæ, ubi maximè viget commercium, sexdecim: ubi fuerit in Japonensia Emporia delatum, ducentum. De ligno hoc pretioso, hæc pauca tibi sufficiant. Pater tamen Marinus in relatione Tunchini, quam edidit Romæ anno 1663. de eodem ligno agens non convenit cum Burro in omnibus.

**29** Nucem præbet Musæum ovalis figuræ magnitudine æquans ovum gallinaceum, sed utrinque acuminatum cortice ligneo, & flavo, nucleum continet, qui concusso fructu resonat. Illam exhibuit etiam Vormius pag. 202. sed a qua Regione, & ex qua arbore proveniat, se nescire fassus est. Illam vide sub num. 17.

**30** Ex Regionibus Æthiopiæ fructus est allatus figura, & magnitudine referens malum citrinum, cortice subfusco, & levi. Illum retulit Prosper Alpinus de Plantis Ægypti cap. 17. sub nomine *Babobab*, ita scribens. *Babobab est fructus magnitudine mali citri, cucurbitæ similis; intus semina nigra, dura, extremis in unum semiarcum quasi inclinantibus, & substantiam cucurbitarum similem habens, quæ in recentibus est humida rubra, sapore acido non ingrato. Fructus recenter ab arbore excisus gustui admodum gratus est; In Æthiopiæ inflammatis locis acido sapore, quem contemperant divites, Saccharo, sitim valenter extinguit, multumque*

tumque refrigerat. Ibi utuntur omnes ad calidos affectus, febresque omnes putridas, precipueque ad pestilentes, tum ejus pulpam cum Saccharo comedentes, tum succum expressum cum saccharo potantes. Cayri etiam, quo loco recens fructus non habetur, ejus pulpa in pulverem parata ii utuntur, quæ est adstringenti acidoque sapore gustum feriens, qualis in terra lemnia observatus est familiarissimus ejus usus ad pestiferas febres, ad sputum sanguinis, ad dyssenteriam cruentamque hepaticum fluorem. Arbori folia insunt, foliis Aurantii magnitudine ac figura valdè similia. Hactenus Alpinus. Illum expositum vide sub num. 18.

**31** Globulos recenseo ab Arbore productos in Brasilia, quam incolæ vocant *Quity*. Lusitanis dicitur *Pao de Sabon*, & fructus *Sabaon*. Arbor describitur a Guilielmo Pisone lib. 3. cap. 8. pag. 113. historiæ rerum Brasiliæ his verbis. Arbor est cortice cinereo, ut Fraxinus, mediocri magnitudinis, ligno fragili, Folia latè viridia oblonga non ferrata, splendentia, quatuor vel quinque digitos longa, vel sibi opposita, vel solitariè posita, nam inordinatè ponuntur. In singularibus ramulis multos fert fructus, quippe proprio pediculo infidet, duplicem rotundam eminentiam habens instar natium, aut mammarum magnitudine globuli lusorii, rotundus, flavus, instar ceræ splens, & transplens, ita ut globulus niger, qui intus latet videri possit, qui fructu commoto strepitum edit; nam ampla est cavitas, caro circumjecta haud crassa cuticula tecta, lenta, & glutinosa, saponis vicem explent; eodem enim modo spumam excitat; amarissimi saporis, nec ab ulla ave gustatur. Globulus in fructu contentus niger, durissimus, rotundus magnitudine cerasi, ac in eo nucleus albus pellicula rufa instar avellanæ tectus. Ex hoc globuli precarii conficiuntur. De hoc fructu agit etiam Vormius pag. 203. Nicolaus Monar de simpl. med. cap. 65. & Oviedus lib. 9.

**32** Non deest farina, quam Brasilienses vocant *Mandioca* ex radice fruticis qui dicitur *Mandyba*. Idem Piso illum sic describit. *Frutex est caule lignoso, pollicis humani crassitie, nodoso cortice, corylino, in sex aut septem pedum altitudinem assurgens, continens medullam instar sambuci. Superius in multos extenditur ramos, atque in horum quolibet tria, & plura folia angusta in stellæ figuram disposita. Radix fit duos vel tres pedes longa, ut tibia humana crassa, coloris exterius instar corticis corylini obscuri, interius albi estque fragilis, & continet succum lacteum, qui lethalis est omnibus animantibus. Plures in Brasilia inveniuntur species. Radix extracta cultro ab exteriori cuticula liberatur, inde*

*lavatur aqua, manu rota, indiametro quatuor pedes habenti admovetur, cujus superficies convexa lamina cuprea armata, multis foraminibus perfusa, acuta, dum rota circumagitur, radendo radicem, rasura decidit in suppositum linteum;* Rasa hæc radix inditur longo sacco facto ex corticibus arborum, qui saccus immittitur prælo, & exprimitur succus. Expressa rasura immittitur cribro, deinde secernitur, & in vase ex argilla, vel cupro, supposito igne siccat, spatula lignea continuo agitata, hæc farina ad summum per annum potest fervari si ab aqua caveatur, hanc farinam loco panis usurpant formata placenta cum aqua simplici, & coquendo illam super prunas, vocaturque à Brasiliensibus *Beiu*.

**33** Dum hæc recensebam, Liburno missæ fuerunt ad me aliqui fructus, quos *Fabas S. Ignatii* appellari significavit Amicus Anglus qui eas ab indico litore in Europam detulerat. De illo breviter egit Vormius cap. 29. sub nomine Nucis Vomice, scribens, non dum certò constare quid re vera sit, aut ex qua arbore proveniat. Cupidus eas penitus dignoscendi, casu descriptas inveni in Actis Eruditorum Lipsiæ mense Decembri anni 1700. ex Epistola P. Camelli, exhibita in Actis Anglicanis Soc. Regiæ an. 1699. pag. 87. his verbis. *Fabæ S. Ignatii* quas Indus *Igasur*, & *Mananaog*, idest *Victoriotas*, Hispanus nucleos, seu *Pepitas*, de *Byssagos*, aut *Cathalogan* vocat, legitimæ sunt Serapionis Nuces Vomice, quæ recentes ab argentea lanugine splendent, & inæquales variæque formæ deprehenduntur. Harum non rarò vintiquatuor in fructu quodam Melone majore, qui delicatissima cuticula levi splendente, & viroris luridi, subter quam alius cortex delitescit substantiæ quasi lapidescentis cooperitur, coarctantur carne quadam flava, & molli interjecta. Sequitur hic fructus florem suum, & soboles est plantæ *Catalongay* dictæ, quæ arbores quamvis altissimas sese involvendo scandit, & truncum lignosum ad brachii quandoque crassitiem accedentem, atque folia ampla nervosa, & amara obtinet. Fabæ exsiccatæ avellanæ nuci cum putamine pares, nodosæ, & durissimæ, sapore semine citri multo intensius amaro: coloris autem inter album, & glaucum medii. In Insulis Philippinis, quæ natale ipsi concedunt solum, magnarum æstimatur virium. Amuleti instar collo pendentes ferunt, eò quòd æstimatur præservare contra maleficos. Ad compefcendum venenum potissimum adhibetur, & ad vomitum ciendum. Nucis fragmentum, viperæ aliorumque animalium morfui, aut vulneri telo venenato inflicto impositum adhærendo extrahit, hæc in supradicta epistola, in quibus

ramen non dicitur cur Fabæ S. Ignatii appellentur.

Postquam hæc selegissem, Romam appulit ex Insulis Philippinis Procurator Rerum nostræ Societatis missus; Detulit hic aliquas hujusmodi fabas, quas Musæo adjunxit, asserens non alia de causa eo nomine insigniri, nisi quia a Patribus Missionariis nostræ Societatis ex insulis, ubi germinant, in publicum bonum deferuntur.

**34** Vas è dimidia nuce indica flavescente efformatum ad potiones hauriendas, quod superficiem habet exornatam floribus, & encarpis circumquaque anaglypho opere dispositis. Mirum est quàm improbo labore utantur Indi in hujusmodi durissimis corticibus incidendis.

**35** Cannella alba Clusii a multis appellata, exoticus est cortex ante paucos annos deferri cœptus, albicans, in tubos convolutus. Afirmat Clusius se cognovisse ex Batavis, qui ex Moluccis redeunt, talem corticem non ex ramis arborum, sed ex radicibus detrahi, quod probat ex frequentibus nodis, quibus distinguitur. Odoratus est talis cortex, & maxima acrimenia præditus. Illum in suo Musæo indicat Calceolarius.

**36** Nux Malabarica, ab Indis *Areca* dicitur, Fructus est coloris cinerei, substantia interiori variegata, involucro villosò, & aculeato tectus; coloris subfusci. Dentibus frequenter teri ab Indis referunt, eò quòd illos vacillantes obfirmet, Coctura succum ex eo extrahunt generosum, quem Malabarici Regni Incolæ exungunt.

**37** Folia herbæ, quæ exsiccata ex Regno Sinarum in Europam defertur. Genuinam earum figuram describi non posse ait Vormius pag. 165. Musæi, cum exsiccando genuinam amittat; aqua tamen calida aliquantisper macerata explicari possunt folia ut cognoscatur. Similem a se deprehensam scribit folio fruticis rosarum. Hæc folia Sinenses in ferventem aquam conjiciunt, & post breve tempus talem liquorem calidum pro assiduo potu adhibent, non in mensa solùm, sed quoties in ædes hospes amicum visurus ingreditur. Talem potionem sicut, & Arborem vocant communiter *Cià*, at in aliqua provincia male pronuntiata littera C, dicunt *Tà*, ex qua voce corrupto vocabulo Angli efficiunt *Tè*, ideo in Europa *Tè*, & *Cià* hæc herba nominatur. Calida semper bibitur hæc potio, & palato non est insuavis, temperata quadam amaritudine; sed re vera est salutaris, nec una est hujus frondis præstantia, alia aliam solet superare, atque ita libram uno aureo, & sæpè duobus, aut tribus comparatur. Apud Japones præstantissima decem, aut sæpè duode-

cim aureis venit, apud quos etiam ejus usus, aliquando differt. Nam Japones folia hæc in pulverem redacta ferventis aque ciatho miscent, eamque potionem ita permixtam sorbent; Sinenses verò in aquæ ferventis vasculum folia injiciunt, inde calida, postquam eorum vim imbiberit, epotatur, ipsa verò folia relinquunt. Si plura desideras, vide Bontium in historia fruticum indicorum, dialogo sexto. In Europa quoque ejus potionis usus apud multos probatur, ob insignes utilitates quas parit, & etiam suos fortasse ab Hippocrate dicente: *frigidum inimicum ossibus, dentibus, nervis, cerebro; calidum verò amicum*. Experientia autem docet, in Regno Sinarum nullum hominem calculorum morbo aut simili laborare, qui ex crudis, & indigestis ciborum particulis originem agnoscunt. Calida fortasse potione ob eandem causam Romani utebantur, a qua calicem nominarunt, ut docet Varro lib. 14. ob id Claudius, scribente Suetonio, Caldus Tiberius appellabatur: & Caligula ut ingentem luctum Populo Romano indiceret ob mortem Sororis Drusillæ, aquæ calidæ potum severa lege prohibuit.

**38** Arundines indicæ, quæ *Bambù* seu juncos indicos dicunt, crassitie digitum æquant, sed vastis internodiis præditæ sunt. Ad longitudinem ultra viginti palmorum aliquando producuntur. Flexibiles ita sunt, ut in circulos spirasque circumducantur sine fractura instar nervorum. In plurimis Indiarum locis nascuntur; & in tractu Malabarico crassæ admodum, ut ex eis naviculæ viris duobus capiendis aptæ confici possint, ut referunt Scriptores, inter quos Plinius.

**39** Rosa dicta Jerichuntina, ab aliquibus Rosa S. Mariæ; Rosæ tamen species nulla illi est, cum planta sit plurimis ramusculis prædita, qui simul complicantur quando siccatur. Illam in arvis Jerichuntinis non germinare retulit Bellonius lib. 2. Obs. cap. 86. his verbis: *Hæc apud Jericho non nascitur, sed eam in Arabia, deserto maris rubri litore, per arenas nascentem observamus*. Refert inter alios Gabriel Fallopius Tract. de Mat. med. cap. 116. in lib. 1. Diosc. Plantæ virtutem inesse, qua mulieres in exclusionem partus juventur: in aqua immersam dilatari, si foetus in lucem feliciter edatur; secus verò si foetus, vel puerpera mortem sit obitura. Rejicit has fabulas Author Musæi Cospiani pag. 140. cum aqueo humore madefacta, imò tempore humido semper dilatetur, ut docet experientia. Hæc scripseram cum ab Urbe Lipsia ad me missus fuit tractatus Valentini Moellenbrocii, cui titulus est *Cochlearia curiosa*. Hic Author in proemio libelli præmittens aliqua de plantis nonnullis mirabilibus ita loqui-



loquitur de Rosa Jerichuntina . Tradunt nonnulli , quòd quamvis exsucca , & centum annorum fit , singulis tamen noctibus Nativitatis Christi , inter undecimam , & duodecimam horam spontè sua hiare incipiat , tandemque tota expandat ramos , atque eos postea iterum contrahat , & in glomum se colligat . Verùm id fabulosum est , nam omni die si aqua , vel vino imponatur , sese aperit , ac ex iis extracta iterum contrahit , quod mihi si lubet videre licet ; est enim mihi talis Rosa , quam eum in finem comparavi , ut mulieribus in partu laborantibus haustum vini , in quo hæc rosa prius sese aperuit exhibere possem . Valdè enim aqua in qua ea infusa fuit partum facilitare , a multis hæctenus observatum est . Idque Erasmus Francisci notavit . Mihi vinum loco aquæ placet , quod & rationi magis consentaneum videtur , quia aqua efficacius , & ad vires in partu difficili admodum necessarias reficiendas aptius . Dicitur hæc Rosa Hierichuntina , quòd non procul ab Hiericho Civitate in Palestina percelebri , & quidem in ejus hortis , & agris provenire credatur . Quod autem falsum esse ex Bellonio 2. Obser. cap. 86. & Munstero in descriptione Civitatis Hiericho constat , scribentibus eam a peregrinis ibidem ex vicina Arabia , ubi ad litora maris in sabulo nascitur , translata emi . Iconem ejus domus sub num. 19.

GUMMATA SEU SUCCI PINGUES  
P E R E G R I N I .

**I** Gummi primo loco numeratur , seu Resinæ genus ex nova hispania delatum , quod ab Indis *Tacamacha* nuncupatur . Colligitur ex vulnerata arbore alta , ut populus , admodum odorata , cujus fructus ruber est Pæoniæ feminis modo , ut refert Nicolaus Monardus . Celebris est ejus usus , de quo fusè Calceolarius in suo Musæo sect. 5.

**2** *Copal* Resina est valdè candida lucens , & transparens ex nova hispania delata . Vulnerata arbore guttatim stillat liquor albus , qui statim concrefcit . Clusius refert alterum ejus genus rugosum , & molle thuri simile , alterum præstantius , citrio condito non dissimile . Sulfumigii loco Indi eo utuntur .

**3** Ex eadem nova Hispania defertur *Anima* , quæ arboris est lacryma candida ad thuris colorem vergens magis oleaginosa quam Gummi *Copal* , gravissimi est odoris , & igni imposita facilè liquefcit . Colligitur ex arboribus vulneratis non aliter ac Thus .

**4** *Liquidambar* Resina est effluens ex arboribus vastæ magnitudinis , foliis hæderæ similibus , cortice cinereo , qui incisus crassum *Liquidambar* emittit . Crassa resina est colore cinereo nigricanti , & ex nova hispania deferretur . *Ocoxol* arborem Indi vocant .

**5** *Styrax* Lacryma instar gummi ex arbore stillans malo cidonio simili , teste Dioscoride . E Cabella Urbe advehitur teste Plinio .

**6** *Cedria lacryma* est translucida , & solida , ex cortice arboris Cedri sua spontè defudans , colore flavo ; vehementi odore , sed suavi , & jucundo prædita est . Ejus miras proprietates describit Calceolarius in suo Musæo pag. 629.

**7** *Guayaceni* arboris Gummi , ex vulnerato cortice defudans ex Insula S. Trinitatis delatum , fusci coloris , odorem prunis impositum exhalat acutum .

**8** *Gummi Lacca* rubro colore , & minutissimis guttis concretum . Ex India Orientali defertur . Circa illius tamen ortum discrepant Authores . Affirmat Garzias , Medicus Lusitanus in India doctissimus , lib. 1. de Aromatum historia se comperisse in Pegu , & Martaban vastam arborem inveniri , foliis pruni , in cujus Surculis magnas formicas , e terra enatas hanc laccam elaborare , ut Apes mel conficiunt , materiem ex ipsa arbore exuentes . Hos deinde ramulos ab arbore revelli in umbra ficari : meliorem esse , quæ sincera sit , & ligni fragmentorum expertem . Alutas , & vervecinas pelles illa contusa , & urina veteri macerata rubro colore ex altera parte infici . De hac lacryma scribens Vormius in suo Musæo cap. 33. modum illam eliciendi ex arbore invenisse refert Guilhelmum Pisonem in Brasilia . Ignis luculenti struuntur juxta arborem , quam dicunt *Caaopia* quorum potestate cortex dehiscit , majoremque fundit lacrymæ copiam , quæ coagulata servatur . Arbor autem sic describitur . *Caaopia* humilis , & tenera est arbuscula guttifera , a Lusitanis *Pao de lacra* dicta , quòd gummi seu gutta quædam viscosa ex ejus cortice defluat . Ligno est lento , e cinereo rufescente , folia habet solida inferiore parte ex viridi rufescente aspera , superne dilutè viridia . Cum adstrictionis sit particeps , & sicca talis lacryma apud nos adhibetur ad Vernicem componendam , quæ a Sinica vernice ob nitorem nihil discrepare videtur ; Quam vernicem primò excogitatam fuisse a R. P. Eustachio Jarmart Eremita Ordinis S. Augustini refert Pater Kircherus in China illustrata part. 5. cap. 1. ubi modum eam conficiendi narrat his verbis :

Primò. Recipe Gummi lacca, quod ponatur in vase vitreo, ne frangatur, satis capaci. Secundò. Huic superfundatur Spiritus vini optimè rectificatus ad quatuor digitorum eminentiam. Tertiò, uno vel duobus diebus digeratur, in dies liquorem in vase spatula agitando, ne gummi vitro adhæreat. Quartò, hoc peracto illud per linteam transcoletur, identidem digitis exprimendo in vitreum aliquod vasculum. Quintò. Hoc in digestionem ponas in loco calido, vel balneo cinericio moderato per 24. circiter horas, & comperies vernicem supernatare limpidam, quam per inclinationem decantabis. Atque hæc est vernix rebus poliendis destinata. Huc usque P. Kircherus, qui etiam subdit modum imbuendi baculos, & aliam supellectilem. Cæterum, & si vernix ista à Sinica non videatur discrepare, sicuti multæ aliæ, quæ passim ab Anglis, Gallis, Italianisque artificibus præparantur, de quibus plura docuit P. Joannes Zahn de Telescopio, Fundamento 3. Syntag. 3. cap. 9. plura etiam in sua Epitome Cosmographica Reverendissimus Pater Vincentius Coronellus lib. 3. cap. 32. longè tamen distant à Sinica, illa enim ita conficitur, ut refert P. Martinus Martinus in Atlante Sinico. Est in Regno Sinarum Provincia, quæ dicitur Chekiang montibus exasperata, quæ duas præ omnibus magni lucri, & emolumentum merces producit, quibus universum imperium beat. Prima quam producit est Papyri copia, quam melioris notæ in China non reperitur. Altera est gummi illud, quod *Ciè* vocant, quod stillat ex arboribus, & haud simile est lacrymæ, quam Therebintus apud nos fundit. Æstate colligitur purgaturque a Sinis, & quo volunt colore inficiunt, nondum siccatum venenatam quamdam emittit exhalationem, cui non assueti intumescunt, & pallescunt vultu. Nam remedium quod ipsi Soli norunt, non statim adhibito, in phisia lapsi, lenta paulatim tabe moriuntur: remedium tamen sub initium morbi facile paratum habent, antidotum infallibile. Arculæ istiusmodi gummi, sive vernice illitæ, tarde, nisi in humido sint loco, siccantur. Ubi tamen exsiccata fuerint, nunquam amplius liquefactum desluit. Quam autem res sit elegans, jucunda, & splendida, jam dudum Europa ex capsulis, quæ ex Sinis adducuntur, didicit. Hæc omnia exposuit Kircherus loco citato pag. 220. ex Martino pag. 113. Supradictam venenatam exhalationem se fuisse expertum Florentiæ amicus meus mihi significavit, dum rei inscius vernice Sinica usus est, quam jussu Serenissimi Magni Ducis Hetruriæ ex illo Regno in Italiam detulerunt aliqui. Utrique non passus ille fuisset, ob exhalationem adeo noxiam, si remedium non ignorasset, quod mihi communica-

tum fuit, a P. Caspare Castner nostræ Societatis, qui è Sinis Romam nuper advenit. Retulit enim Artifices, qui in eo regno venenato hoc humore utuntur, lavare suas facies, & manus aqua calida, in qua per aliquod tempus pennæ gallinacæ maceratæ sint ferventi ebullitione, atque hac lymphæ antidotum veneno opponere validissimum, quod ipsum pluries expertum se esse fassus est. Phialam vitream tali vernice plenam fervero in Musæo, a cujus usu ob metum ejus pessimæ exhalationis abstinui.

Succus nono loco numeratur concretus, & Sinarum Regno allatus. Illum *Ghittaiemou* Sineses, *Gottigummi* appellant Itali. Valde purus est, coloris flavi, quo aquam inficit si madefiat. Illo uti incolas testatur Clusius ad aqueos humores sine molestia evacuandos.

**IO** *Lacryma* sequitur arabici ligni, quod Cananum vocant; Myrrhæ quodammodo similem esse dixit Dioscorides, quam ad suffimenta usurpant. Stillat ex proceris arboribus folia Myrthi habentibus.

**II** *Lacryma* pariter ex myrrha, quæ in Arabia gignitur ex arbore Ægyptiæ spinæ non dissimili. Subnigra est, amara, & odorata.

**12** Alia stillat ex arbore Arabica, eaque vocatur *Bdellium*, gustu amara, odorata. Arbor nigra est magnitudine oleæ, folio roboris, fructu caprifici natura. Gummi est translucidum simile ceræ.

**13** *Oprobalsammum* Peruanum, quod ex Peruana Regione defertur, tantique æstimatur, ut in Thesauris custodiri videatur. Ex arbore Pino persimili, non adeo tamen procera effluit: odorem exhalat suavissimum: liquidum etiam est, ut aqua melle infecta.

**14** Aliud Balsamum Peruanum numeratur, solidum subnigro colore, quod facile liquefcit, odorem etiam exhalat suavissimum: affertur etiam ex Regno Brasiliæ ubi ex piceis arboribus destillare traditur.

**15** *Elemi* gummi, cujus sit arboris non liquido constare ait Vormius, quidam oleæ Ægyptiæ esse putant, alii arboris ignotæ.

**16** *Opoponax*, succus est plantæ ferulacæ: probatur amarissimus, ad auri colorem inclinans, levis, & pinguis.

**17** *Tragacanthum* succus est Tragacanthæ plantæ spinosæ, ex cujus radice stillat. Probatur album, pellucidum, gracile, leve, saliva lentescens, parum differt a gummi arabico.

**18** *Asa dulcis* *Belzovinum*, seu *Benzovinum*, & *Ben Iudeum*. Arbor ex qua provenit procera est, & yasta, caudice crasso; folia habet

bet minora foliis citri, non tamen adeo virentia. Nascitur in Silvis Malaccæ loco humidiorē. Vulnerantur Arbores ut majori copia effluat. Præfertur Amygdaloides, quòd maculas candidas Amygdalarum instar admixtas habet, provenit etiam ex Insula Zeilan. Odoratum cum sit, in odoramentis locum obtinuit non infimum.

**19** *Sanguis Draconis* succus est ex arbore, quæ Draco dicitur, & in Cartagine Americana nascitur. Arbor magna est cortice tenui, ex quo inciso effluit liquor, coloris est rubicundi instar cinabrii: Pictoribus inservit ad colorem rubicundum inducendum.

**20** *Sandrachæ* Arabum seu Vernix, est gummi ex Junipero; Vernix dicitur, quia verno tempore colligitur; dicitur etiam Sandrachæ Arabum, ad distinctionem Sandrachæ Græcorum, quæ metallicum est Auripigmento affine, & venenum exitiosum. Eligitur pellucida, & recens, vetus flavescit. Ex ea Vernix conficitur liquida addito oleo lini ad tabulas illustrandas.

**21** *Massiche* lacryma, quam Lentiscus arbor, gummi instar sudat. Laudatissima est candida, quæ in Insula Chio colligitur.

**22** Aliud gummi ex Regno Peruano ad nos defertur, quod suavissimum odorem exhalat, præcipuè cum accensis carbonibus imponitur. Illud incolæ colligunt ex arbore, ex qua stillat, & in bacillos uno palmo oblongos compingunt, & involunt cortice seu membrana ex foliis arborum decerpta. Patrio nomine dicitur *Ciucupai*.

**23** *Manna* non deest, quæ etsi vulgaris sit, & notissima in classe tamen humorum stillantium ex arboribus recensenda est. Quamvis plurimi doceant cum Dioscoride Rorem esse, seu liquorem suavem, qui ex aere productus sublucanis temporibus in ramis arborum, frondibus, herbis, lapidibus invenitur, & brevi spatio temporis coalescens in gummi morem efficitur. Alterum ex India Orientali, alterum ex Calabria ad nos advehitur. Donatus verò ab Altomari existimat Mannam, e cælo haudquaquam decidere, sed ex ipsa planta desudare. Idque argumento esse, quod inciso arboris fraxini cortice, ardente Syrio, absque cæli rore exudat, & in lacrymas concrefcit.

**24** Gummi in Regno Brasiliæ collectum, quod potius succinum purissimum diceret. Flavescit enim, & Diaphanum apparet ut succinum. Copiosè defluit ex quadam arbore, quam Incolæ vocant *Cagià*. Procera illa est, extenditque suos ramos, ut Arbor Castanearum, in quibus ramis sapidissimi fructus maturescunt.

M U M I A.

**P**ost humores indicatos, qui ex corticibus arborum stillantes congelantur, incongruum non erit Mumiam referre, cujus pes in Musæo recensetur. Quippe plures ex illis humoribus ad eam conficiendam adhibentur, ut patebit ex infra dicendis.

Mumia igitur idem significat ex voce Persica, ac cadaver exsiccatum. Ejus virtutes, etsi plures medici copiosè descripserint, nulli tamen ejus condiendi rationem tradiderunt. Putant aliqui nulla certa conditura præparari, sed solo nature artificio; referunt enim esse in Affrica Regionem desertam arena repletam, quæ sabulosi maris nomen obtinuit, quia arenæ ventis concitate sævas tempestates movent, ut arenis in clivos aggestis turbinum violentia, jumenta & Viatores vivos sepeliant. Maris hujus sævitiem Cambysen cum toto ferè exercitu fuisse expertum refert Herodotus. Inter has arenas dicunt aliqui Mumias confici, dum cadavera longo temporis intervallo exsiccata ferventissimæ hujus arenæ ac solis calore in hunc statum degenerant. Hæc quidem, etsi vera esse possint, & pes integer cadaveris in Musæo reperiatur perfectè induratus, non tamen, judico illum esse cadaveris sub tali arena exsiccati sed Mumia, quo nomine ferè omnes intelligunt cadaver arte conditum, qua apud Ægyptios præcipuè antiqui utebantur, nobis tamen ignota.

Inter cœteros, qui illam excogitare studuerunt, fuit solertimus medicus Joannes Nardius hoc pacto scribens. *Quandoquidem Asphaltus liquabile mistum est, caloreque presente mollescit, præsertim si congener accedat substantia, quale est fluidum bitumen, quod naphtham appellant. Ut igitur congruo in lebetè jungebantur hæc simul igne cogente, bituminoso immergebant balneo cadaver, macerabantque tandiu, donec altè imbibisse conjicerent contubernalem liquorem. Neque controversere, fas est dum hæc agerentur, ac pepercerit tunc ignis cadaveris adipi atque carnibus, par namque est credere his liquefcentibus insigne accessisse auctarium arefcenti bitumini. Exemptum tandem inde cadaver deponere cogebant superfluum humorem calidi ambientis operas, dum interim illius membra ad libitum componerent. Quæ verò me conducunt, ut prænarrato adharerem artificio, equalis illa bituminis distributio in singula membra compacti adhuc bitumine crines, cilia superciliaque, & frustula ejusdem bituminis coma nonnunquam hærentia. Huc usque Nardius cui etiam P. Kircherus noster assentitur in Sphinge Mystagoga cap. 2. asserens*

ferens hanc methodum condiendi corpora se legisse apud Arabes Auctores .

Cossardus autem exponens varia sepulchra antiqua tom. 2. pag. 27. modum condiendi corpora apud Ægyptios tribus potissimum modis factum fuisse affirmat his verbis . Corpus igitur post mortem exquisitis lavacris accuratè lavabant , & abluebant omnes sordes , si quæ contractæ essent ex morbo , vel alia ratione . Ea deinde munda committebantur Pollinctoribus , qui procurabant eviscerationes , & alia quæ a cadavere propter putredinem erant eximenda . Hi primùm præparatis ad hunc usum instrumentis argenteis , vel ferreis uncinis , & volsellis per narium concavitatem , & meatus cerebrum extrahebant , vacuumque cranium replebant fragrantibus aromatibus , postea cultello acutissimo confecto ex lapide Æthiopico ventrem incisiebant , & eximebant omnia intestina præter cor , & renes , diligentique lotione ex vino abluebant omnia intestina corporis , quæ replebant myrrha , cinnamomo , cassia , & aliis balsamis , & odoribus putredinem prohibentibus , excepto thure , quod ad sacra Deorum destinatum erat . His peractis cooperiebant corpus totum gummi liquido cedri , & macerabant Sale præparato , totaque hæc condiendi cura producebatur per dies triginta , vel sexaginta , prout sumptus exquisitiores fiebant . Demum cadaver fascia Xylina oblonga , & lata dimidium pedem involvebatur a capite usque ad pedes , postea includebatur simulacro ligneo , quod Defuncti formam exprimebat , feretroque impostum proponebatur arte sepulchrum cum scripto , quod omnia gesta mortui continebat .

In sepeliendis mulieribus ( de quibus agit Diodorus Siculus lib. 2. cap. 5. & Herodotus in Euterpe , & Plutarchus in Symposio Sapientum ) cum aromatibus immiscebant gemmas , monilia , & alia ejusmodi , quibus usæ essent dum viverent . Addebant aliquando libros magicos , sigilla metallica clausa phialis crystallinis , aureis vel argenteis &c.

Plebei eundem modum sepeliendi mortuos servabant pro facultatibus uniuscujusque , nam corpora bene lota , & excrementis expurgata nitro , vel sale tegebant , & aromatibus minus exquisitis , & pretiosis , liniebant interdum melle , vel cera tegebant , unde fit ut Mumia illa , quæ ex Ægypto in Europam adfertur ad usus medicos , cum nil aliud sit , quam cadavera defunctorum , alia aliam superet dignitate , & efficacia , prout balsami copia , & aromatibus preciosioribus constat ; unde apparet ridendam esse ignorantiam eorum , qui hanc Mumiam dicunt esse cadavera mortuorum , qui suffocantur indefertis ab arenis , quas venti agitant , & acer-

vatum accumulunt in solitudinibus aridis . Hæc Boissardus nulla fultus auctoritate recensuit : circa quæ duo animadversione digna non sunt omittenda . Alterum ad involucra pertinet , quibus cadaver circumligabatur , alterum ad inscriptiones , & characteres , quibus Mumiarum lignea tegumenta exornabant . Docet Kircherus in fine Sphingis Mystagogæ , non historias nec gesta demortui in eis contineri , ut Boissardus affirmat . Sed altioris doctrinæ dictamina , de quibus in eodem opere , & in Oedypo fusè agit . Fascias verò Xylinas , seu ex Gossipio non semper latas fuisse dimidium pedem , prout idem Boissardus refert , sed duobus ferè digitis , aut minus , eisque non tantum a capite usque ad pedes cadaver quomodocumque involvi ; nam miro artificio ita circumducebantur , ut modò suppositæ modò subnexæ , & per anfractus recurrentes rete quoddam efficerent , prout apparet in Mumiiis graphicè delineatis in eodem opere Kircherii pag. 6. & in ipsis Mumiiis , quas celeberrimus Petrus a Valle Patritius Romanus , nobilitate generis illustris , copia præterea linguarum , & eruditione Veterum apprime excellentissimis lustrato toto oriente , India Mogorum Imperio , Persia Armenia , Asia minori , Palestina , Babylonia , & Ægypto secum detulit . Servantur adhuc illæ apud Illustrissimum D. Abbatem a Valle ejus dignissimum filium , qui ob pietatem , eruditionem , facundiam , ceterasque sui Animi dotes Urbi Romanæ splendorem addit , & ob suam erga me benevolentiam pluries dignatus est meis oculis illas exponere .

Unde natus sit apud Ægyptios iste curiosus ritus condiendi corpora si quæramus ; notum erit , non nisi a spe resurrectionis , quam post consumationem sæculi futuram existimabant , ac propterea corpora condiebant ; ut integra ad tempus si fieri posset servarentur . Servius autem in 3. Æneid. ait , illos secutos Stoicorum sententiam sibi suavisse tandiu animam durare , quandiu duraret , & corpus ; & Kircherus noster eruditè de illis agit in Tomo 3. Oedypi Syntag. 13. cap. 2. pag. 393.

Ideoque crederent immanem , quamdam esse belluam , quæ ubi devorasset omnia , cum iisdem consumi pariter ac extingui . Addit Herodotus lib. 2. morem etiam fuisse apud eosdem Populos , ut si quis vel advena , vel indigena , Nili undis præfocatus , aut necatus esset a Crocodilo , cadaver , uti rem sacram ( quòd Nilum , & Crocodilum in Diis haberent Ægyptii ) Sacerdotes loci illius , in quo fortè repertum fuisset , magna religione , cæremoniaque lotum , perpurgatum , atque conditum , propriis sepelirent manibus , ne parentibus quidem permisis illud attingere .

Illud verò non prætereundum silentio , quod a moltis est obfervatum narrante Goropio in fuis Hieroglyph. cap. 7. Inveniri videlicet exiguas ex ære , marmore gypfo , aliave materia , ftatuas infertas cadaveribus Ægyptiorum , referentes fpeciem hominis demortui , a pectore ad imos ufque pedes involuti linteo , manibus in crucem commiffis , obvelato capite , fudarioque faciem tegente , unius fermè palmi longitudine ; De quibus cum varii varia fentiant , eorum opinionem probabiliorem putavit P. Francifcus Pomey in fua Libitina , qui putant imagines fuiffe Numinum Ægyptiorum , Ofiridis nimirum , & Ifidis ; quos Plutarchus eo libro , quem de illis fcripfit Plutonem ait effe , ac Proferpinam Deos Infernorum , quod idcirco mortuis in Inferos migraturis , ut propitiarent , eorum fortaffe effigies cadaveribus includebant .


Multò minus prætermittendus ille ritus relat a Porphirio de Abft. Animal. quoties medicatum quodpiam funus curarent Ægyptii , eximere folitos , ut modò diximus , inteftina , feu ventriculum , deinde cum Pollinctor ad solem obvertiffet cadaver , defuncti nomine Solem Cœlitesque omnes fic conteltari confueviffet : Sol rerum domine , vosque Superi , qui Mortalibus vitam datis , me accipite , veft rumque in numerum adfcribite . Equidem Numina veft ra piè ac religiofè colui , dum vixi , nec ullum aliud commiffi crimen : Quod fi quid edendo bibendoque a me factum eft , e ratione diffonum , id verò non mea , fed hujus ( fimul indicabat digito inteftina feorfim pofita ) caufa commiffum eft ; Ille venter eft omnium origo malorum , quæ feci ; His dictis , arcam in qua inteftina clauferat , in profluentem jaciebat .


Cadavere ita condito indicebatur funus , deque Sepulturæ die monebantur Judices ; & poft funus fepeliebant mortuos domi , aut rure , Domi quidem , vel inclufos in loculis quibusdam ad parietem applicatis , vel infertos parieti , vel in terra pofitos , vel collocatos in lectulis , quafi fomnum caperent , vel etiam menfis adhibitos velut convivas affervabant . Quod tamen non

tam de ipsis mortuorum corporibus , quàm de illorum effigie ad vivum expreffa intelligendum videtur ex Herodoto de Luctu , dum fcribit ad cœnam locupletiore circumferri folitos in loculo mortuos , e duriori materia , fæpiusque ex argento fictos , pictura imitante verum , cubitali , aut bicubitali longitudine fingulifque oftendi convivis cum hac admiratione . *In hunc refpiciens pota , & oblectare , talis poft mortem futurus .*


Extra urbes etiam in vastis nudisque folitudinibus fepulchra ponebant , Pyramidibus plerumque fuper excitatis ftructura adeò mirabili , ftupendoque fumptu , ut fidem penè fuperet , quæ de earum aliquibus noft ra etiamnum ætate perftantibus oculati testes fcripto tradiderunt . Legatur P. Pomeii in Libitina cap. 5. §. 1. & Joseph Lanzonus in Libello de Balsamatione cadaverum , aliique Authores , apud quos plura referuntur de Ritibus fepeliendi cadavera Mortuorum , tum apud Ægyptios , tum apud Græcos , Hebræos , Romanos , aliasque Nationes . Nos Mufæi descriptionem profequamur .

In hoc igitur cum pede Mumiaæ Aegyptiacæ recenfentur fub campanis vitreis plura integra cadavera infantium , & diverfi humani fœtus , quorum aliqui ad ætatem quadraginta dierum , aliqui ad duorum menfium , alii ad quatuor , alii ad feptem pervenerunt , atque ex his aliquot carne confumpta , & abrafa omnium offium difpofitionem oftendunt , quæ Anatomicæ facultatis ftudiofis adjumento funt , ut non parum proficiant . His adde quamplurima fceleta diverfarum volucrum , & Quadrupedum Anatomico cultro a carne purgata . Inter cetera funt Aquila , Upupa , Pica , Alauda , Turdus &c. funt duæ Brafilienfes Simia , Felis cum mure , Talpa cum Hericino , Musculus filveftis , Rana , & Cameleon . Inter omnia eminet fceletum adultæ fœminæ , quod offa omnia inter fe optimè colligata demonftrat , & quamvis oculis fit orbatum , obtutum defigere in fpectatores videtur , & Vitam amiffam deplorare .






11




9



12



13



15























13




14



15




16




17




18



19







# CLASSIS OCTAVA

*Exponuntur Plantæ Marinae, frutices, & Animalia  
tum Marina, tum Terrestria.*



X iis omnibus, quæ ex marina segete in Musæum, veluti naturæ thesaurus sunt translata placet exordium sumere a Coralio, uti planta nobilissima, summeque admiranda, quam *rubentis maris gemmam* vocavit Calceolarius.

Planta illud est, non quidem herbarum ritu in aere crescens, sed sub undis sine frondibus, & sine fructu, mirando prorsus incremento, saxea substantia prædita. Fuit quidem Antiquorum opinio illam sub aquis mollem plantam primò esse, & viridem, sed mollitie postmodum relicta, e profundo maris exemptam, & aeri expositam, in lapidis soliditatem statim abire, non secus ac ferrum igne emollitum, aquæ postea immersum illico solidescit. Quam proprietatem eruditè descripsit Ovidius in fabula de Andromada, & Perseo Metam. lib. 1.

*Hinc quoque Coraliis eadem natura remansit,  
Duritiem tacto capiunt ut ab aere, quodque  
Vimen in aquore erat, fiat super aquora  
saxum.*

& alibi idem Ovidius lib. 15.

*Sic & Coralium, quò primùm contigit auras  
Tempore, durefcit; mollis fuit herba sub  
undis.*

Hoc idem expressit Marbodeus Gallus Poeta in Dactylot. cap. 20. scribens

*Corallus lapis est, dum vivit in aquore vimen:  
Retibus avulsus, vel casus acumine ferri  
Aere contacto fit durior, & lapidescit.*

Accedit his auctoritas Anselmi Boetii referentis apud antiquarium Imperatorum conservari coralia, quorum furculi lignei adhuc erant. Arbusculorum similium partim ligneorum partim lapideorum meminit Ulysses Aldrovandus in suo Musæo Metallico lib. 3. cap. 2. cui Bernardinus Cæsius in sua Mineorologia assentitur lib. 4. part. 1. sect. 5.

At Coralia sub aquis mollia non esse experimentis probat Pelsho Werus in ultimâ Tyrociniî chemici editione Vittembergæ facta anno 1650. In ea lib. 2. cap. 10. pag. 153. ita scripsit. Joannes Baptista de Nicolò eques Massiliensis, & re-

gius Piscationis Coraliorum in Regno Tunetano Præfectus, certo mihi confirmavit, quòd cum anno 1585. mense Julio in mari Bizertino Regni illius Tunetani Piscationem instituisset cupiditate naturæ Caraliorum investigandæ adductus, juvenem funibus sufficienter longis alligatum, & pondere vigintiquinque librarum in utraque manu ad descensum liberiozem in mare, istum centum perticas in profundum demiserit, ipsique in mandatis dederit corallum ut evelleret, & inter evellendum curiosè, attenteque observaret, an molle durumve esset. Qui ubi rursus ascendisset, utraque manu corallum attulerit, constanterque asseruerit illud non minus in suo mari, quàm supra illud durum esse. Immo quòd ipsemet etiam, cum relationi ejus fidem adeo non haberet, in mare, cum retia, quibus in mari coralia piscari solent, contrahenda essent, antequam in ipsum aerem efferrentur, ad profunditatem unius perticæ se immerferit, & corallium reti adhærens manu prehenderit, idque tum æquè durum, ac cum aeri externo esset expositum observasse. Idem etiam confirmavit D. dela Poitier nobilis Lugdunensis qui anno 1613. ab hujusmodi piscatione reversus est. Quod cum ita sit, pergit idem Author, magno quidem in errore hætenus versati sunt Præceptores nostri contrarium docentes.

Retulit quoque D. de Nicolai, quòd verè, quando Corallium evellitur, & frangitur, liquor quidam seu sperma lacteum ex eo emanat, quo remanente supra lapidem, lignum, ferrum, aut aliquid aliud, corallium producit. Non tamen negandum est illud extractum ex undis novam, & majorem duritiem acquirere, uti ferè lapidibus, & fossilibus omnibus accidit, quæ sub terra minus dura sunt, quàm aeri exposita.

Habet igitur corallium substantiam lapideam, licet vegetabile sit, & circumtegitur tunica quadam tenera, qua dempta color rubicundus apparet, & expoliri potest. In mari Tyrrheno circa Massiliam, aliisque locis adjacentibus Rubrum expiscatur. Item in Mari Drepanitano, & propè Insulam quam *Lilium* appellamus. In Regno Algerii fretum est propè Insulam, quæ dicitur *Tabarca*, cujus dominium pertinet ad Lomellinos Genuenses, ubi ejus nominis Urbs

est, Coralii tum albi tum rubri Piscatione dives.

Coraliorum autem variæ sunt differentiæ tam ratione colorum, quàm formæ; sunt enim rubicunda, alba, nigra, striata, stellata, articulata, solida, fistulosa, scabra, porosa, racemosa &c. Ea quæ Musæem exhibet breviter indicabimus.

**I** Primo loco quamplurimæ arbusculæ visuntur coralii quidem rubri, quarum tamen aliquæ sanguineo rubore videntur saturatæ, aliæ purpureo suffusæ, in fuscum inclinante, aliæ carneum colorem referunt, aliæ puniceum, & malo aurantio similem. Planta inter omnes est singularis, cujus ramus, etsi tota vivide rubescat, ille nigerrimo colore infectus, apparet ut sub num. 1. Nec desunt ramusculi rubore quodam albescente leviter tincti. Docet Anselmus Boetius simili tinctura suffundi coralia, & nativum ruborem posse deperdere, dum ab ægrotante morti proximo gestantur, sed rursus amissum colorem posse recuperare. Ita ille lib. 2. de gemmis cap. 154. *Si Sinapi semine obruatur, aut pane madefacto lavetur; alii urinam puerorum antiquam, & quæ residentiam deposuit, in vas vitreum effundunt, ac in ea corallo demergunt, & vase occluso sinunt quiescere per quatrimum: tum exiccant, ac rubro panno albos redditos fricant, donec egregiè rubescant.* Alii coralia ut pristinum colorem recipiant, supra sterquilinum appendunt per multos dies, ita tamen ne sterminus attingant, hoc enim pulchra redduntur.

**2** Visuntur etiam quamplures saxorum glebæ, & profundo mari extractæ, quibus plurimæ coraliorum plantæ adhærescunt. His nullæ radices caudicesque rimulas saxi penetrantes, sed ejus superficiem quodammodo complectuntur, fibris tenacissimis in gyrum extensis in eum modum, quo cuti humanæ gluten aliquod vel medicata cera firmiter adhæret. Inter eas præcipua est massa quædam, quæ videtur ex plurimis purpureisque coraliorum fragmentis, & argilla molli subalbida simul compacta, durissima tamen est, ob idque admodum pretiosa, & veluti naturæ ludentis rarissimum argumentum.

**3** Non minus rara concha est ex eo genere, quod Pectines complectitur, concava, ex una parte, gibbosa, & striata ex altera; in cujus vertice, ubi appendices extant, quas auricolas vocant Authores, eminent duo coralia cornibus ramosis cervi similia. Illam e mari Drepanitano in Musæum translata, tanquam rarissimum coraliorum prodigium omnes admirantur. Huic plurima ex genere Testaceorum adjunguntur conchyliæ, quorum singulis inhærent coraliorum ramusculi, ex quibus manifestè

apparet, Corallium enasci ubicumque lacteus ejus humor adhæret. Sic se vidisse Pisis fruticem elegantem Cranio humano innatum Vormius affirmat in suo Musæo cap. 35.

**4** Coraliorum arborum plantæ aliquot recensentur, ramis frequentibus, & inter se implicatis ex mari Tabracæ acceptæ. Præduram substantiam habent, & valdè ponderosam. In parte exteriori frequentes notæ quædam sunt, veluti tubercula, natura sic ludente. Corallium porosum ob id dici potest, cum Ferrante Imperato lib. 27. cap. 2. qui docet plantas hujusmodi coralii majores cæteris esse, nec unquam rotundam figuram induere, ut rubra, sed planam instar foliorum sicut indicæ.

**5** Album pariter est aliud coralii genus ramosum satis, & durum. Hoc sanè ingeniosè est a Natura constructum, ut juncturas Animalium, & veluti ossa illa exprimere videatur, quorum beneficio dearticulationes in corporibus invicem connectuntur, ob idque ab eodem Authore Corallium articulatum nominatur.

**6** Præter hoc numeratur corallium album, quod dici potest fistulosum; si enim rumpatur, licet in exteriori superficie rimulam nullam habeat, interius tamen medullam ostendit veluti in stellæ modum constructam, & fistulis vacuis præditam.

**7** Rubris coraliis adnectenda est. Planta in mari mediterraneo, & præcipuè in Dalmatico germinans. Hanc *immaturi coralii plantam vocavit Vormius cap. 35. fucum marinum dixerunt alii seu Coralloidem.* Neque enim coralii proprietates habet, plicatiles cum habeat ramos, priusquam perfectè arescat, ut cæteri terræ frutices, ad tres palmos sæpe in altitudine excrescit, caule quidem tereti, & anserino calamo ferè æquali, sed in frequentes tenuesque furculos divaricatum. Planta est ut ferè omnes marinæ, interiore substantia constans lignea, quæ exiccata faciliè frangitur, coralina crusta, sed lanuginosa obducitur.

**8** Ad coraliorum alborum genus alia referuntur maris vegetabilia, quæ etiam in Musæo locum suum obtinuerunt, & primo Massa quædam, quam Vormius pag. Musæi 233. Corallium tuberosum punctatum appellat. Planta illa est elegans admodum ex mari rubro evulsa, substantia potius tophacæa, quàm lapidea, & porosa (facili enim negotio frangitur.) Ejus color externus ex albo flavescit, internus albicat. Ex ejus trunco admodum crasso, quo saxo adhæret minutissimis punctis per totum corpus signato, non secus ac ab arbore ramifera, multiplices germinant ramuli, miro ordine a Natura dispositi, qui in pyramidalem formam obtuso mucrone

crone terminatam desinentes rotunditatem servant, aliquæ tamen partes ex eadem massa emergunt, quæ formas varias exprimunt, quas oculos melius in pictura intuebitur, quàm calamus possit describere .

**9** Extat marinum germen, quod Milleporam vocat Imperatus, substantia ad corallium accedente, sed magis arenosa. Ramos innumeros junctim effundit obtusos, æquales, & in extremitate porosos qui non ultra unciam longitudine se extendunt . Color illis est cinereus .

**10** Idem Imperatus dedit nomen aliæ plantæ, quæ in Coraliorum penu oculos oblectat, vocando Reteporam . Instar folioli pergamenæ crispæ illa est, sine ullo ordine complicatæ, innumeris foraminibus prædita, ut exiguum retè aliquo modo referat colore ex albo in luteum tendit . In massam excrescit, sed facilè frangibilem, hinc rarò integram plantam retia attrahunt, quibus coralia, e fundo maris evelluntur .

**11** Coralii nigri aliquot rami sunt non recti, sed per anfractus extensi ut rubra coralia . Inter cæteros eminet planta valdè ramosa, ex insula Tabracæ coralii rubri, in qua propè caudicem ramus est partim atro colore saturatus, partim purpureo, quem ut rarissimum Naturæ foetum omnes admirantur. Sunt aliæ plantæ in ramos plures, & magis altos diffusæ, quarum color ex fusco nigricat, substantiæ quidem præduræ, non tamen ex coraliorum genere, licet coralia nigra ab indoctis nuncupentur, censendæ . Crescunt illæ sub undis, sed more plantarum terrestrium, atque ex undis erutæ duritiem plusquam ligneam acquirunt . Ebena intus nigro, foris ob colorem Buxo potest eorum color æquari . Scabrosus existit hic frutex, sed cortice derafo insigni levore perpolitus prodit; & quamvis non ita conspicuus censeferi possit, ut coralii rubri planta, ramorum multiplicitate est insignis. Illi a trunco satis ampli in egregiam formam attolluntur, & sæpe simul implicati, indissolubili glutine conjunguntur . *Antipathas* a Dioscoride nominatur, *Coralium nigrum* a Latinis . De hoc Plinius lib. 15. cap. 25. ita scripsit . *Tradunt circa Troglodytarum iusulas Fruticem in alto reperiri, & vocari Isidos Plocamon, Coralio similem, sine foliis, & præcisum, mutato colore in nigrum durescere; cum cadit, frangi* . Plantas, & quidem speciosas, quæ in Musæo sunt, ex Mari Siculo extirpatas recepi .

**12** Rarissimum est corallium, quod ob lacteam albedinem album dicitur, non quidem fistulosum sed densum, ea densitate, quam Rubrum habet . Hujus generis aliqua fragmen-

ta cernuntur in Musæo, quæ licet parva sint, classem tamen coraliorum perficiunt .

**13** Aliud Coralii genus cernitur, album, cujus superficies punctis notatur stellarum instar, propterea coralium stellatum illud vocarunt Scriptores . Ex oceano adferri dixit Imperatus, alii ex mari Rubro extrahi, estque illud in nostris Tabulis indicatum sub num. 11 .

**14** Frondiporam aliam vocavit Plantam, quæ superius descriptæ assimilatur : Discrepat tamen ab illa; nam in ramos quidem complanatos diffunditur, sed non ad eò simul conjunctos, & angustioribus foraminulis notatos, fragilis, & vitrea ejus substantia est, colore subalido. Vide num. 12 .

**15** Ad eandem classem reducitur marinum germen, quod Porum Cervinum Authores appellant . Illud vides sub num. 13. Ramos habet breves parumque altos, non rotundos sed complanatos, & sicut Cervorum cornua assurgentes, & mucronibus orbatos . Porus dicitur ab minutissimis, & frequentibus foraminulis, quibus undequaque notatur . Color illi est tophaceus ad albedinem inclinans .

**16** Tubularam vocavit idem Imperatus massam aliam quam num. 14. indicat, quamque Alcionium Milesium dixerunt alii . Tubulis innumeris illa constat rectè paralellis assurgentibus, Internodiis aut septis quibusdam distinctis, & colore purpureis. Ex mari Mediterraneo simul cum coraliis aliquando extrahitur. Quid natura ejusmodi tubulorum, seu fistularum mira constructione assequi voluerit, adhuc incompertum est. Tubularam aliam vocavit Vorminus pag. 237. massam quandam ex crustosis albisque vermiculorum tubulis conglobatam, & variè contortam, sed cum ad Testaceorum genus referatur, illam hic omittimus .

**17** Post coraliorum genus succedit alia marinarum Plantarum Classis, quæ Alcyonia, & Spongiarum complectitur . Et primò Spongiarum variæ massæ sunt coloribus diversis saturatæ, puta albescenti, subflavo, melleo, & castaneo . Illas inter Zoophyta referunt multi, aliqui ad fungos pertinere asserunt : corpora sunt fistulosa ex lana quasi stipata, & mucagine membranosa compacta, crescunt supra lapides, vimque habent motivam, quæ se constringere, & dilatare possunt . Proprium illarum est humorem copiosè imbibere, scatent mucagine a qua se purgant in arenis evulsæ a scopulis . Variæ earum sunt differentiæ ob duritiem, seu densitatem, & figuram . Quædam exhibentur in Musæo globosæ, aliæ, quas Arboreas seu digitatas dixeris : sunt enim velut in ramos conformatæ, sed complanatos; aliquæ filis præduris, & aridis compositæ nullam densitatem præferunt, sed

rara textura reticulatum opus imitantur, aliquæ verò adeo densa filorum dispositione compactæ, ut fungorum substantiam referant, foraminibus tamen instar stellularum frequenter notatam, ob idque spongia stellifera appellari posse videatur.

Videbitur fortasse alicui supervacaneum, seu indecorum esse hujusmodi maris vegetabilia recensere, & in Musæo asservari, quæ cum vulgaria sint, & frequenti usu adhibita, minimi fiunt, & nulla oculorum accurata observatione digna existimantur. Sed apage adeo insulsæ mentis, & ineruditæ exprobrationem; cum nihil in Naturæ theatro indicari possit, quod in erudito Musæo recenseri non mereatur; Adeo enim mirabili constructione spongia componitur, ut nunquam oculus assequi possit naturæ artificium. Illam Microscopio subjectam in nostra Micrographia descriptam exhibebimus, hic tantum recensemus inter vegetabilia, quæ è mari recepta Musæum exornant. Quod si de spongiarum usu sermo instituendus esset, quàm multa recenseri hic possent? Illum apud Antiquus, sicuti etiamnum, duplicem fuisse scimus, prophanum scilicet, & sacrum. In profanis pluribus usibus inservisse spongas retulit Plinius nat. hist. lib. 30. cap. 11. frequentius tamen adhibebantur ad tergendas mensas, quare cecinit Martialis lib. 14. Epig. 144.

*Hæc tibi sorte datur tergendis spongia mensis,  
Utilis expresso, cum levis imbre tumet.*

Delebantur insuper scripta, ut habetur ex Suetonio in Caligula cap. 20. Hinc Augustus apud eundem Suet. cap. 85. *Cum Tragædiam Ajacem inscriptam, quam magno impetu scribendam suscepserat, non succedente stylo, spongia deletili abolevisset, quærentibus deinde amicis, quidnam Ajax ageret, lepide, scitèque respondit: Ajacem suum in spongiam incubuisse.* Spongas præterea antiqui in deliciis habuerunt strigilum vices linteorumque ipsas usurpando ad emundanda corpora; ditioresque purpura eas tingebant, atque etiam candidas aliquando faciebant adhibita cura, quam describit Plinius loco citato.

In sacris etiam multiplex itidem fuit spongiarum usus, & in altari græco spongia, *Purificatorii* latinis dicti, munus egit. De his plura recensuit Joseph Vicecomes in Observat. Ecclesiasticis de Missæ apparatu lib. 7. cap. 18. & nuper eruditissimus Abbas Joannes Christophorus Battelli in Explicatione ritus annuæ ablutionis Altaris Majoris Sacrosanctæ Basilicæ Vaticanæ cap. 6. num. 9. Nobis satis sit hæc innuisse, ne quis sibi suadeat, ignobile, & supervacaneum fuisse in nostro Musæo etiam spongas recensere.

**18** Sphongiis copulantur substantiæ illæ, quæ Alcyonia dicuntur. Nomen hæc trahunt ab avibus, quæ *Halcyones* à Græcis, a Latinis *Alcedones* vocantur, quia ex iis mari innatantibus nidos construunt. Ortum ex mari habent, & ex ejus spuma (ut asserit Vormius pag. 48. quæ cum tenuissimis fordibus permixta, accedente succo lapidescente in varias figuras concrefcunt. Duo eorum genera ille agnovit. Alterum mollius, quod spongiosam habet substantiam, alterum durius, & lapideum. Veteres quinque genera proponunt, primum figuram habet spongiæ spissum, & grave, secundum foraminibus plenum, leve, odore algæ simile. Tertium vermiculi figuram potius exprimit, & ad purpuræ colorem, sed molle est, *Milesum* vocant. Quartum pinguedine fordium, & foraminibus. Quintum leve, & fungo simile, intus asperum, pumicem refert. Multa Alcyonia recensuit eruditissimus Calceolarius in suo Musæo sect. 1. Nos ea quæ habemus enumerabimus, & primò.

**19** Alcyonium est, quod Dioscoridis secundum vocat Vormius pag. 236. Est massa quædam, constans ex innumeris pelliculis, seu vesicis iis similibus, quibus Pisa cocta spoliatur, dum coquantur, invicem unitis, & spongiæ instar concretis, vacuis, colore ex albo flavescente, ut plurimum: nam aliquando inveniuntur ad rubiginem inclinantes, pugni quandoque magnitudine, quandoque majores, vel minores. De his differens Aristoteles hist. Animal. lib. 5. cap. 15. putavit generari ex eo, quod Purpuræ, Buccinæ, aliaque ejus generis ostracoderma, emittant lentorem quendam, seu humorem mucosum. Ex eo purpuris verno tempore congregatis, veluti favus ex putaminibus cicerum alborum inter se cohærentibus coagmentatur, quem pro Maris spuma Pharmacopolæ quidam falsò ostentant. Ut ut sit negari non potest, mirum in iis, non secus ac in spongiis naturæ artificium inesse, quod rudi quadam Minerva expressum in lamina exhibemus sub num. 15. ex Imperato pag. 639.

**20** Aliud Alcionum ex Mari Adriatico acceptum visitur, quod *Tuberosum* vocavit Imperatus. Massa quædam illud est parum ponderans, & frequentibus tuberculis intumescens: mole sua Peponem æmulatur, colore cinereo circumquaque obductum, si in duas partes dividatur, massa detegitur compacta ex spinis piscium, ex frustulis concharum, ex cristis, algis aliisque ejus generis fragmentis, & humore quodam glutinoso, contegitur tamen cortice levi, & expolito, in ejus parte inferiori locus pedunculi apparet, quo fundo maris adhæret, ut fungus, quamobrem initio germen fuisse pu-

to, cui deinde, adhærescentibus diversis rerum particulis, ab undis agitata, massa conficitur inæqualis, & ad informem rotunditatem conformata, quam deinde alius humor ferè lapidificus, & pinguior circumvestiat, deinde a radice evulsa, innatat aquis ob aerem inter particulas illas simul coagmentatas inclusum, non secus ac Alcyonis avis nidus, ut narrant historici.

**21** Inter Alcyonia numeratur alia massa magis indurata, & ad lapidem proximè accedens, quam Muscum lapideum dixerunt aliqui, vel Alcyonium quintum Dioscoridis. Illum ex Imperato sub num. 16. delineavimus, ut oculis subjiciatur melius, quàm calamo describi possit. Assurgit ex saxo in plura, & spissa veluti folia semicircularia conformatum: lapidea substantia illi est non admodum gravis, & colore subalbido.

**22** Alcyoniorum classi addimus aliud marinum vegetabile sub num. 17. quod vulgò fungus petrefactus appellatur, sed falsò, nam etfi fungi figuram imitetur, non tamen structura; nam rimulæ seu striæ, quæ a centro ad circumferentiam in fungis sunt, semper in parte inferiori humum respiciunt ex qua enascuntur, in hoc autem partem superiorem exornant. Fungum saxeam Nili majoris illum vocavit Carolus Clusius Exotic. lib. 6. cap. 10. Ejusmodi fungi tres numerantur in Musæo, quorum unus uncias sex habet in diametro, perfecta rotunditate absolutus, omnes tamen pediculo carent, quem in suo fuisse ait Clusius.

**23** Alcyonium etiam cum Agricola, & aliis appellavit Calceolarius Globum, quem superius indicavimus, & quem Brasavolus, & Gesnerus inter spongias reposuit. Mari ille innatat, mollis, & rarus exilibus pilorum instar, & brevibus festucis cujusdam herbæ colore fuscis mutuo supra littus ex fluctu collidente immista spuma intricatis confartus. Illum etiam retulit Galenus lib. de compos. medic. referens, quæ Crito ad conservandos, augendos, nec non a defluvio præservandos capillos scripsit. Quæ de causa facilè crediderim fuisse hujusmodi globos a Puellis Veneri oblatos, ut ex Turnebo retulit Tomasinus de Donariis cap. 12. his verbis. *Dicant Veneri marinas pilas, reticula, & strophiola*; quæ verba apud Nonium Marcellum hoc modo leguntur. *Suspendit Laribus marinas molles pilas, retiola, & strophiola*.

**24** Aliæ sunt plantæ faxis adhærentes, & in modum coralliorum assurgentes, quarum tamen rami teretes, seu Virgulæ multiplices sunt satis oblongæ, & flexibiles, franguntur tamen cum arescunt. Cutè obducuntur, plerumque rubescente. Plantam inter cœteras servat

Musæum candidissima lanugine circumtectam, e parente saxo efflorescentem. Fucum hujusmodi fruticem appellant aliqui cum Theophrasto.

Ad Animalia transitum facimus, quorum aut integra corpora aut partes in Musæo sunt, & primò, ne a Mari divagemur ubi Coralia cœteraque vegetabilia marina consideravimus, exceptis Testaceis Animalibus, quorum Classes, cum adeo variæ sint in Musæo, in fine addemus, eruntque descripti Musæi non ignobile complementum.

P I S C I S C A N I S .

**P**rimò se offert Piscis Canis sub num. 18. delineatus, qui Canis Carcaria dicitur a Plinio, eò quòd dentibus plurimum valeat. Oris scissura maxima illi est, in eo duplex mandibula, quam dentes triangularis figuræ acutissimi, & durissimi, quos sub numero 19. cernere poteris in sex ordines dispositi obarmant. Eorum primi extra os prominent, alii in os ipsum recurvi. Illos describens Illustrissimus Stenonius ait. *Cui usui dentes ita incurvatos Natura destinavit, non perspicio, cum carnes intra sepulti esca comminuenda nulla ratione potuerint inservire. Quid quod id generis animalia obvia quæque non comminuta deglutiant, ut reperti in eorum stomacho integri homines testantur. Retinenda præda, ne diffugiat forsitan, & diffringenda majori, quàm quæ ventrem subire possit primi ordines inserviunt, reliqui verò nisi materiae necessitati dicantur facti, non video cujus gratia sint confecti*; Piscem hunc descripsit Aristoteles hist. Animal. lib. 5. cap. 5. Maximus inter Canes Marinos est habitus, nec desunt qui illum carnivororum voracissimum, & antropophagum nominant. Dicunt cadavera hominum etiam integra vorare. Apud Plinium lib. 13. cap. 25. hæc verba sunt; In Mari Rubro silvæ sunt caniculis refertæ, ut vix prospicere, e navitutum sit, remos plerumque ipsos invadentibus. Sunt etiam in Mediterraneo, & quidem diversi generis, prout Musæum ostendit, in quo alius rictus Piscis Canis conspicitur, dentibus tamen non ita copiosis munitus. Piscem hunc referunt adeo pruriginoso appetitu in corporis humani carnes nudas præcipuè, & candidas ardere solitum, ut aliquando has depascendi causa in terram exiliat; unde hac ratione, & ob duros aculeos venenum quoddam jaculantes ( ut scribit Ælianus hist. Animal. lib. 1. cap. 56.) tunc temporis, & Piscatoribus, & Maris incolis fit formidabilis.

## PISCIS LIBELLA.

**N**umerus 20. Piscem demonstrat monstrum ex genere Cetaceo, qui tamen aliquando parvus capitur propè littora. Dicitur Zygena, seu Libella a figura capitis, quo transversum libræ, ex quo lances dependent; simulat. Præ partibus cæteris admirationem oculi merentur, qui extremitatibus duabus capitis in longitudinem transversim procurrentibus utrinque infixi. De hoc Salvianus, Bellonius, Jonstonus, & alii egerunt.

## PISCIS SERRA.

**S**ub num. 21. Piscem delineavimus Pristin dictum a secundo Piscem sertam vocarunt alii ob rostrum, quo rictus munitur oblongum utrinque dentatum, dentes tamen sunt rectè hinc inde dispositi, & rotunditate absoluti, & validissimi. Rostrum quod Musæum possidet, ad palmos ferè septem extenditur, ex quibus deducitur juxta Clusii computum relatum a Vormio pag. 288. Piscem, qui illud gestavit, adeo magnum fuisse, ut inter Cetaceos censendus sit. Cutem asperam ejusmodi piscem habere retulit idem Clusius, in dorso fusci coloris, in ventre candicantis, sex pinnis esse præditum, scilicet in lateribus duas esse, sub podice duas, aliam supra caudæ initium, in sextam caudam absolvi; caput in longum, & firmum rostrum exire, oculos in prona ejus parte esse, binas nares in supina, & infra illas oris scissuram transversam, in nulla nulli dentes.

## PISCIS XIPHIA.

**T**Ali Rostro aliud copulat num. 22. quo Piscis Xiphia vulgo Spada munitur. Piscis hic Delphinis magnitudine non impar dentibus caret, quorum loco gladium oblongum fronti seu rictui insertum gestat. Semipalmum in latitudine maximus æquat, octo verò longitudine validissimam, & osseam substantiam habet, eoque tanquam acuto utrinque ense retia discindit, & cuspide etiam navium latera vulnerat. Cæterum tantæ docilitatis piscem hunc esse dicunt, ut etiam referant voces hominum distinguere. Hinc certò cantilenæ genere Piscatores alliciunt ex undis, ut testis oculatus Kircherus noster affirmat in sua Musurgia lib. 9. cap. 7. Sic illectum Piscatores hasta vibrata illum configunt. Atque hoc quomodo contingat, cum multorum torserit ingenia, idem Kircherus explicat, docetque sine ulla superstitione hanc piscationem fieri.

## TIBURO.

**P**endet e laqueari Musæi Piscis a num. 23. indicatus sexdecim palmis longus, quem Tiburonem passim appellant. Illum Jonstonus his verbis describit hist. de Piscibus pag. 146. Tiburonis species minor Belgis *Een Crusphage* a figura. Convenit cum majore, excepto capite, quod triangulare habet. Oculi parvi ad latera ipsius capitis. Os parvum triangulare longè infra positum, triplici ordine dentium Minorum, unde nocere non potest. Caro melius sapit, quàm majoris. Cum tamen quæ Jonstonus affirmat nostro Pesci non conveniant, plures species in genere Tiburonum inveniri deduco, & de alio simili loquutum esse P. Eusebium Nierimbergium in sua historia Naturali lib. 11. cap. 20. his verbis. Piscis qui hodie Tubero dicitur, Canis Carcharias esse vulgò creditur. At quia ille, quem Franciscus Hernandus describit exactè descriptioni, quam attulimus non respondet, ideo placet, & hanc opponere. Cetaceus piscis est, ex genere oblongorum, oceani incola, voracissimus, cursu velox bina humana corpora sæpenumero crassus, ore, quod nostro unciarum decem intervallo jacet, lunato vallatoque supernè trino dentium præacutorum, ac sese mutuo serræ modo sub intrantium rictu rostro ranæ obrotundo, pinnis utrinque juxta branchias, altera juxta caudam imminente dorso, cauda magna crassa, & falcata oculis modicis, longo inter se distantibus intervallo, corio cæterorum cartilagineorum, cum sese tendit nullis ictibus penetrabili. Maleficum animal est, atrox, ac hominum devorator, dum parvum est mediocre præstat alimentum, sed provectius durum ingratum, & insalubre. Unicum est illi intestinum satis amplum, unde tam improba contigit voracitas. Stomachus vastus est.

## PASTINACA.

**N**umerus 24. exprimit Piscem, quem vocant *Pastinacam* seu a colore, seu quod radio ceu pastino, instrumento fossorio fodiat, & pungat. Gallis dicitur Raja ob similitudinem, quam cum Raiis habet. Caudam habet longissimam spinosam crassam primùm, & paulatim in magnam tenuitatem diminutam, super eam in medio ferè aculeus est osseus longus acutissimus, & ferratus. De ejusdem radii venenositate non est quod dubitemus: Arboreis infixis radicibus necat, mitigat tamen dentium dolores, quos frangit, & extrahit.

R A I A.

**S**equitur sub numero 25. Piscis ex Rajarum genere, quod nomen a Radendo Latini sumptere. Græci a quadam cum Rubo similitudine, & dorso asper, spinas gerit frequentes, illi juxta oculos foramina sunt magna ampla, ad oris usque intima patentia. Ore aperto dilatantur, clausa magna ex parte occluduntur, cauda omnibus procera atque aspera; stellarem hujusmodi Rajam aliquam vocarunt, cum tota aculeis horreat, multi sunt breves, frequentes, peracuti & sine ordine per totum corpus dispositi. Os habet fere rotundum, & durissima substantia munitum, in qua frequentissimi oculi albi consimiles illis quos instrumenta gerunt, quibus lana carminatur. Illud delineavimus sub n. 19. sicuti etiam sub littera O indicantur aculei quibus munitur. Fullonicam talem Rajam vocavit Aldrovandus, quod ubique in alis, corpore, capite, cauda, tota frequentissimis ejusmodi aculeis conspersa sit instar instrumenti illius, quod Fullones pannos poliunt, rara est, & pugnacissima esse creditur.

Ex his Piscibus exiccatis efformatur quidam alatus serpens, quem pro Basilisco venditant aliqui, horrendum quidem visu, & informe animal apparet, quale Kircherus describit prout in Musæo est pag. 27. his verbis. Caput habet in altum exprorectum, hiante & patulo ore horridum, duabus oculorum cavernis formidabile, inque fastigium turbinatum excrefcens, duobus acuminatis unguibus seu cornibus minore, collum oblongum a corpore segregatum, & in altum alatum, corpore tenui, sed amplis cartilagineis alis utrinque conspicuum, pedes spurios cartilagineæ pinnulæ conglutinatos habet, demum longam caudam, & aculeatam protendit in varias spinas contortam.

H I R U N D O.

**P**iscem *Hirundinem* appellatum damus sub num. 26. eo quod alas habeat longissimas, & latissimas ex cæruleo viridescentes, raro si Salviano credimus, rapitur. Juxta litora, ubi minor insequentium piscium metus est, humilem exercet volatum. Ad lapidis ictum volatum protulisse, quatuor extra aquam cubitis emittens in Gallico Maris interni litore visus est. Qui ad Herculis columnas navigant, ibi horum piscium volantium turbam affirmant, ut aves aquatiles esse videantur. Piscem, & *Magnætem Æolium* vocavit Kircherus Musæo pag. 23. nam pendens è laqueari sub tabula in qua ventorum differentia ad mundi plagas collocatu

expressæ sunt, continuo motu inquietus est, nisi sub ejus venti Rhombos, qui extra muros actu spirat, ideoque ad flantium ventorum varietatem, licet in loco ventis impervio, rostro suo ad Rhombum venti actu flantis se convertit.

P H O C A.

**A**Nimal sub num. 27. exprimitur, quod Voramus pag. 289. his verbis descripsit. Phoca, Græcis bos vel vitulus Marinus, quibusdam lupus, corio tegitur duro, solido, piloso colore nigricante, & cinereo, quandoque maculoso, capite brevi, & parvo pro corporis ratione, dentibus ferratis, & acutis, naribus vitulinis, ore mediocri, pilis longiusculis superciliarum loco, oculis versicoloribus, & splendentibus, lingua bifurca, meatibus auditoriis angustissimis, collo longo, quod pro arbitrio extendit, & contrahit, lato pectore, renibus vitulinis. Pedes habet brevissimos carpo humano respondentes ex multis ossibus constantes. Hisce pinnarum loco utitur. Amphibium est, litora amat, sed pedum in terra usus difficilis. In retia incidens ea rumpit, dormit extra aquam in arenis. Caro illius insuavis, pinguis adeo, ut lardum potius referat. Calceamenta, & vestes ex ejus pelle conficiunt Gronlandi, cuti cani marino simile, buca vaccæ, nisi quod duos dentes prominentes, & ante recurvos habeat, cubito nonnunquam longos, quorum usus, & pretium obori comparatur. Ab Hollando viro erudito didici pro hujusmodi dentibus solui ut plurimum septem vel octo aureorum, iisque virtutem inesse contra sanguinis effusiones spontaneas. Hunc piscem etiam describit Joannes Laet in descriptione Indiæ Occidentalis lib. 2. cap. 6. Tres ejusmodi dentes Musæum habet tres uncias latitudine æquantes, & duos palmos sua longitudine, eburnea substantia constant, recurvi sunt instar elephantorum dentium, & obtuso mucrone absoluti, non tamen perfecte rotundi.

A R A N E U S.

**N**umerus 28. Pisciculum demonstrat in litore Mediterranei Maris frequentissimum, ad quatuor digitorum latitudinem extensum; Piscatoribus in summo odio habetur; indorso enim duos aculeos gerit breves quidem sed validissimos, & acutissimos instar aciculæ calyceæ, quibus si feriat venenatum humorem vulneri immittit, quo aliquando morte occumbunt vulnerati, Araneum Maris illum vocant Latini.

## A S T A C U S.

**E**X Genere Crustatorum sub num. 29. Animal ponimus quòd Latini Gammarum dicunt. Quatuor hujus generis species enumerat Aritoteles. Cæteris omiſſis illam indicamus, quæ Astacos continet. Aliquos habet Musæum miræ magnitudinis, palmos enim quatuor a caudæ extremitate ad pedum verticem enumerant. Crusta obteguntur valida, nigricante, & ad cæruleum tendente, si coquantur in aqua, rubedinem induunt, quæ cum exiccantur ad carneum colorem vergit, pedibus octo sunt præditi, insuper duabus chelis, seu forcipibus majoribus dentatis, quorum una solet aliam superare. Ex his pedibus quatuor anteriores extremitates bifurcatas habent, reliqui in acutum desinunt mucronem. Cornua, quæ flagella etiam appellantur, ante oculos longa sunt, & sectionibus multis plicabilia. His viam pertentant. Refert Vormius in Ollandia horum Cancrorum chelas appendi solere clavibus, ut sepositæ facilius inveniuntur.

## C A N C E R.

**C**ancer sequitur sub numer. 30. quem inter rotunda Animalia Scaliger enumerat, licet caudam habeat, quæ brevis est, & quasi operculum alui; non tamen eum supponimus, qui fere inter omnes maris scopulos stabulatur, & frequentissimus est, sed qui è genere majorum ad tres ferè palmos chelas suas extendit. Ex Dalmatino Mari illum accepi, figura fere cor refert, in anteriore parte in acutum desinens, duplicatis aculeis late prominentibus horridus, caudam ex multis laminis sub ventre reconditam habet, in ambitu mollibus spinis refertam. Pedes octo longos spinis asperos, seu articulis divisos, in extremitate acutos, non verò bifurcatos, anteriores tamen forcipibus dotantur, quorum dexter major est sinistro. Cortex seu Lorica superior, qua tegitur tuberculis aspera est, & aculeis plena.

Cancer alius est sub num. 31. non absimilis illi, quem Joannes de Lact in descriptione Indiæ Occidentalis lib. 2. cap. 19. Araneum Marinum vocavit, & Clusius Exot. lib. 6. cap. 14. Cancrum Moluccarum, eo quòd circa Insulas moluccas stabuletur. Ex mari siculo unum accepi crusta fragili obtectum, pars superior gibbosa est, & tuberculis aspera, figura ferè ovalis, caudam habet brevissimam, qua secessus obteguntur, brachia octo enumerat, duasque che-

las exiguas circa os, quibus cibum abripit, omniaque pro corporis exilitate sunt longissima, hirsuta insuper, & aculeata.

Aliud Aranei seu Cancri genus ex eodem mari numeratur a num. 32. qui superiorem valde mole superat, orbicularem figuram imitatur, duobus oculis prominentibus præditus, & pedibus octo, quibus adduntur duo alii adeo in longum producti, ut totum corpus bis excedant longitudine, chelis illi absolvuntur, quibus prædam abripit. Cæterum pilis robustis undique circumtegitur.

Non desunt cancri majores rotundi inter quos numerantur Paguri ex Adriatico Mari. Illos numer. 36. demonstrat, & describit Vormius cap. 5. his verbis. Pagurus italis quobusdam *Granciporro* dictus, crusta valida tegitur, crura utrinque quatuor habet, villis hirta, ternis articulationibus geniculata, in quibus ungues acuti, & obliqui non bifidi. Brachia bifurca parte anteriore, binis articulis intercepta forcipibus in extremo nigris, quibus constringunt quæ edunt, & dura quoque confringunt; ossæ enim sunt duritie, caudam sub corpore reflexam habent, Branchias utrinque in lateribus dispositas ostendunt, sub tergoris crusta senis ordinibus ad tribiorum radices insertas. In pedalem longitudinem aliquando crescit. Ferunt musica è cavernis evocari.

Cæterorum Cancrorum descriptionem omitimus cum Italis notissimi sint, atque de iis eruditissime differuerint Jonstonus, & D. de Sachs in sua Gammarologia.

Caudam subnectimus palmis fere decem extensam ex molucris Insulis missam. Piscis illa est, quem Sirenam vulgus dicit, Lusitani autem *Pesce Mugeræ*, in latitudine majori palmum æquat, unde in acumen paulatim diminuitur. Non tamen putandum est vera esse Poetarum figmenta, quæ Syrenes, seu mulieres degentes sub undis more piscium excogitarunt. Retulit quidem Barlæus agens de rebus gestis Mauritii in Brasilia, pag. 134. in eo mari Tritones inveniri, *Upupiapræ* Indigenæ dicunt, qui humanos vultus quodammodo referunt, & cæsariæ femellas ostentant. Homines eorum complexu necari opinio est non consilio sed naturali instinctu, an hæc maris monstra eadem sint ac Syrenes, seu piscis de quo sermo est nihil pro certo dicam; addam tamen ejusmodi manum, & costam descriptam me invenisse apud Vormium pag. 276. referentem quæ P. Kircherus lib. 3. de Magnete part. 6. cap. 1. §. 6. pag. 551. de Syrenibus habuit his verbis. Capitum certis temporibus anni in Mari Orientali Indiæ ad Insulas Vissayas, quas Insulas Pictorum vocant, sub Hispanorum dominio Piscis quidam humana prorsus figura, quem



quem ideo *Pefce Muger* vocant, ab Indigenis dicitur *Duyon*. Caput habet rotundum, nulla colli intercapedine trunco compactum, extremæ aurium fibræ, quæ & auriculæ nominantur, ex cartilaginea carne eleganter veftitæ, quarum interior pars ampliffimis formata anfractibus veram hominis refert aurem, oculos ornatos palpebris, fituque & colore non pifcis fed, hominis judicares. Nafio nonnihil aberant, malam inter utramque non ufquequaque eminet, fed levi tramite bipartitur, sub eo verò labra magnitudine fpecieque noftris fimillima, dentium non quales infunt pifcium generi ferratillum, fed planorum, & candidiffimorum continua feries. Pectus alba cute contectum, hinc atque inde paulo latius, quàm pro corpore in mammas exueberans, neque eas ut fœminis pendulas, fed quales Virginibus globofas plenas lactis candidiffimi. Brachia non longa, fed lata ad natandum apta, nullis tamen ipfa cubitis, ulnis, manibus, articulisque diftincta, poft hæc in pifcem cauda definit. Hæc Kircherus. Aliam ejus generis narrationem habet Vormius curiofiffimam ex Eraſmo Læto in *Historia Chriftiani* IV. acceptam.

C A P I T O L I U M .

**I**Conem ſubjungimus num. 34. Pifcis generis cetacei, quem *Capodoglio* Itali appellant. Illum deſcripfit Aldrovandus retulitque Oceani Incolam eſſe, & aliquando in Mediterraneo Mari viſum. Viſus proſecto fuit anno 1702. cum poſt ingentes procellas marinis fluctibus placatis detruncatum ejus cadaver apparuit partim in arena ſepultum in litore propinquo Turri, quam dicunt di *Maccareſe*, ubi olim extitiſſe ſilvam nigram, poſtea candidam appellatam, putant nonnulli ſcriptores. Adeo immane illud erat, ut duos ſupra ſeptuaginta palmos in ſua longitudine excederet, & fere triginta in altitudine ubi dorſum intumeſcebat; præter dorſi ſpinam, & coſtas fere totum molli pulpa ſine offibus compactum erat, & laceram ab iſtibus ſclopetorum, quos prope inſulam Iluam italice *Elba* milites Præſidarii in illud exploderunt; Quindecim juxta Bubalorum omni ſuo conatu ex arena maris ad litus illud tranſtulerunt juffu Excellentiffimi Ducis Zagaroli qui tunc ibi in proximis ſilvis Cervorum venatu recreabatur, ut immanis inter maximos pifces oceani partus e proximo conſpici ab omnibus poſſet. Vertebram ejusdem ſub numero 36. expreſſam ſervat Muſæum, quæ ultra nonaginta libras ponderat. Mandibulam etiam interiorem numerus 35. indicat,

quæ e fornice Muſæi dependet palmos fere viginti longa. Duobus ſupra viginti dentibus rotundis raris, & validis munitur. Fuit hæc mandibula a capite detruncata reperta a Piſcatoribus prope oſtia Tiberis, & Romam allata ad Illuſtriſſimum Comitem Paulum Spada, qui munifica manu in noſtro Muſæo illam collocavit.

De his immanibus Piſcibus Authores permulti multa ſcripſerunt. Omnia nos omittimus, & verum putamus quod aliqui referunt, ſcilicet eorum offium compagem tantam eſſe, ut ea veluti ſepe ad hortos cingendos in Islandia utantur, & ad ducentos cubitos longitudine ſua extendi.

Exuvias Teſtudinum marinarum validiſſima non deſunt, quarum icones omittimus, quia frequenter obiiciuntur oculis omnium; ſunt tamen ſpectabiles ob magnitudinem, & aliqua magni clypei vices ſubire poſſent. Ex Mari Adriatico fuerunt advectæ; Cæterum prope Braſiliam adeo amplas produci referunt, ut octoginta hominibus cœnam unica ex illis poſſit ſuppeditare; & in mari indico earum corticibus Cymbaram loco utantur, & tuta teſta adverſus cœli injurias conficiant. Animal illud eſt viſu horridum ſed innoxium, quatuor pedibus munitum, unguibus acuminatis, quibus ex undis tanquam remis ad natandum utitur, & in litore tanquam uncinis telluri fixis ſui corporis molem protrahit.

S T E L L Æ .

**N**umerantur etiam diverſæ magnitudinis, & figuræ Stellæ, quarum radii circa rotundum corpus diſpoſiti, initio ſatis lati angulum acutum in fine conſtituunt, Aliæ ſunt quæ ſuos radios expandunt rotundos, veluti ex ſquamis compoſitos. Aliæ aculeis parvis ſunt munitæ, quædam peſtinatim longioribus aculeis exornantur, quædam tuberculis, quædam in ramaſas lacinias diffunduntur. De his ſcribens Plinius lib. 9. cap. 60. ait. *Ea figura eſt parva admodum, caro intus duriore callo, huic igneum fervorem eſſe tradunt, ut omnia in mari contacta adurat.*

Inter cæteras Stella arborea ſeu arboreſcens emicat, Radios illa habet quinque, in quorum medio os, cum quinque appendicibus, quæ parvis ſpinis horrent, dividitur verò quivis radius in binos, horum quilibet rurfus in alios binos, atque ita totum corpus ramis ordinatur uſque ad tenuiſſimum. Hi ramuli ſimillimi ſubſtantia ſunt Aſtacorū antennis, & ejuſdem

ferme texturæ, nisi quòd molliores sunt incisuris pene infinitis præditi, ac crispatis, colore cinereo ad rubicundum inclinante. Hippocampus insectum aquatile est, & apode, pollicum septem longitudinem æquans. Cauda quæ corpore reliquo tenuior est quadrata forma producit, & aculeis instructa, ac veluti ex circulis cartilagineis compacta. Apud Puteolos, & in sinibus Mediterranei Maris copiose hoc insectum reperitur.

## CROCODILUS.

**I**N genere Aquatilium numeratur etiam Crocodilus monstrum informe, & ingens, diversæque magnitudinis. E Mufæi fornice unus dependet quindecim palmos longus, munificum donum Principis Joannis Federici Ducis Brulvicensis, & Luneburgensis Athanasio Kirchero Venetiis transmissum. Lacertæ forma assimilatur, os illi ad aures usque pertingit, faucium rictu horridus est, dentibus acutissimis non valde longis, sed validissimis, adeo ut omnes in unam maxillam coalescant, eburneo candore nitentes, quorum numerus facile ad sexaginta sese extendit. Illum describens Vormius pag. 315. aliquando inesse septuaginta refert, & in uno sese numerasse sexaginta sex. Linguam ei Natura negavit, pedes habet quatuor in obliquum detortos, & acutis unguibus formidabiles. Cauda reliquo corpore non multum minor in acumen desecit, venter ejus molliculus subalbidus; tergum verò solidum adeo durum robustumque, ut telorum ictus excutiat. In terris agit sæpe, & noctu plerumque sub undis. Incola est Nili fluminis in Ægypto, & frequentissimus invenitur in fluminibus Americæ, aliarumque Regionum Indiarum Orientalium, præcipue qua parte Ganges Fretum multis ostiis ingreditur. Illum hominem aggredi referunt, aliqui, & pedum unguibus adstringere, donec interficiat. Ubi verò exanimatum videt, prius mœrore plangere, demum sibi in escam devorare, unde Proverbium *Lachryma Crocodili*. Duos casus recenset Kircherus in pag. 24. Mufæi ex aliis acceptos, sed fides sit penes Authorem; cum mihi hoc anno Missionarius nostræ Societatis in Æthiopia tanquam testis oculus retulerit, Crocodilos in Ægypto animalia esse timida, quare homines fugiunt, ut Lacertæ vulgares, & in reptatu esse maxime pigros, illosque in escam capi ab Ægyptiis. Mihi tamen suadeo esse Animalia voracia, & perniciofa, ut Vormius refert, cum irritantur, sicuti quamplurimos Serpentes experimur. Ejus iconem damus sub num. 37.

## SERPENS INDICUS.

**P**Ræter Crocodilum in alia laquearis parte appense dependent immanis Serpentis exuvia, quem numerus 38. in nostra Tabula indicat. Illum in Paludibus Brasiliæ Incolæ venantur ad vescendum, sicuti Itali Anguillas. Palmorum duodecim longitudinem æquant, sed ad palmos quadraginta hujusmodi Serpentem extendi aliquando significavit nostræ Societatis Missionarius in Brasilia, & in spiras contortum Vitulum devincire, quem suctu paulatim devorat, ut Bufones aliqui Serpentes deglutunt. Cæterum veneno caret, & dentibus minutissimis ejus os munitur. Collum angustum est, & caudam versus paulatim in angustum contrahitur. Tota pellis squammis tecta serie pulchra dispositis, prona parte minoribus, supina majoribus, colorum varietate eleganti; nam dorsum a capite ad extremam caudam continuo ordine secundum longitudinem nigricantibus quasi clypeiformibus maculis ornatur, extrema verò cauda ovalis formæ maculis nigricantibus distincta, latera alterius formæ maculis instar foliorum mali depicta sunt specie venusta, colore subfusco. Talem Serpentem sub nomine Serpentis Americani retulit Vormius pag. 263. Illius etiam mentionem fecit Andreas Cleyerus in observ. 7. Decuriæ 2. tom. 2. Ephemerid. Germanicarum pag. 18. qui illum ait degere in Ambona Moluccarum insula. In Brasilia *Boiguacu* vocari ajunt, atque in primis in eo Regno nascuntur similes Serpentes.

Hujus vel similis Serpentis mentionem fecit in suo Commentario ad Historiam Æthyopicam Jobus Ludolfus pag. 166. aitque illum in Italia quoque olim notum, scribente Plinio lib. 8. cap. 14. *Faciunt his Serpentibus maximis indicis fidem in Italia appellata Boæ in tantam magnitudinem excrecentes, ut D. Claudio Principæ occisa in Vaticano, solidus in alvo spectatus sit infans*. Aluntur primò *Bubuli lactis suctu unde nomen traxere*. D. tamen Hieronymus in vita S. Hilarionis: *Draco*, inquit, *mira magnitudinis (quos gentili sermone Boas vocant) ab eo quod tam grandes sint, ut Boves glutire soleant, omnem late vastabat Provinciam &c.*

## LACERTA MAIOR BRASILIÆ.

**E**X Regno Brasiliæ Lacertam accepi, quæ ab Incolis vocatur *Lagarto*, vulgaribus Lacertis corpore similem, ut numerus 39. ostendit. Hanc describens Calceolarius pagin. 615. vocavit Crocodilum Terrestrem, quamvis a Nilotico differat, quòd caudam habeat tuberculis

culis elatioribus asperam, teretem, & in longum productam. Ejus iconem posui sub numero 39. Ea cauda, Bellonio teste, corpora, quibus insultat atrocissime diverberare ajunt, idcirco hoc animal *Caudiwerberum* nonnulli vocitant. Ejus longitudo vulna major, latitudo decem digitorum transversorum, corpus squamis multis minutis, & splendidis tegitur, aquæ impatientem adeo esse dicunt, ut si quis in os illam iniiciat statim moriatur. Veneno caret, sed a quoquoque e cavis effoditur, & in cibum sumitur, nec alius ejus carnis sapor quàm Testudinis.

ARMADILLVS.

Testudinem etiam sapit aliud animal, sub numero 40. positum cujus exuviæ in Musæo sunt, in Regno mexicano, & Brasiliano frequens. Hujus meminit Oviedus qui illud vocat *Bardato* Petrus Martyr *Phaleratum* dixit, Græcis & Latinis *Cathabraetum* appellari potest; Hispani *Armadillum* dicunt, Brasiliani *Tarou* Gesnerus *Herinaceum Brasilianum*. Tres ejus species reperiri asserit Clusius. Exuviæ quæ in Musæo sunt e rostri extremitate ad caudæ apicem tres ferme æquant pedes. Tegmen durum testaceum sive osseum, color ex albo flavescente, caput tenue, & exile instar porcellæ, rictu medioeri, nullis dentibus horrido, frons ab auribus ad rostri extremitatem corneo, & tessellato munitur scuto, oculos ambiente, inferior maxilla cute vestitur, auriculæ patulæ, & tenues. Dorsum supra scapulas amplo, & lato tegitur scuto, & orbiculatis tessellis constante, nisi quod longiores sint versus extremum. Reliquum dorsi novem ambitur circulis figuris pyramidalibus depictis, lumbos tegit lamina similis, ei, qua scapulæ teguntur, cauda constat annulis duodecim, paulatim magnitudine decrecentibus, ac tessulis, quæ in apicem squamosum, & acutum terminantur. Pedes, & crurum pars eis vicina tessellis etiam obducitur, pedes anteriores quatuor præditi sunt digitis, unguibus acutis armatis, quorum duo anteriores longissimi posteriores minores. Specubus, ut Cuniculus latet, una nocte leucæ spatium excavare referunt, nisi ligetur, vix se includi patitur, cubat supinus cauda ori admota, qua recta, procedentes formicæ incidunt in insidias, & cibum deludenti suggerunt. Cum fugit, in præceps caput caudamque ventri applicat, ac crusta tuctur sese in spiram convolvens. In lacubus versatur, lumbricis, & vermiculis vescens, & etiam pomis in terra.

VIPERA, ET ASPIS.

Inter Animalia, quæ Insectorum Classem exornant, Vipera, & Aspides non ultimum locum tenent, quæ etsi in Italia frequentes, & vulgares, ab Incolis tamen Regionum exterarum, ubi non generantur, conspiciuntur libenter, & pertractantur innoxie. Servantur enim aliquot hujus generis animalia inclusa phialis vitreis, spiritu vini repletis exanimata quidè sed incorrupta adeo ut exuviarum maculæ variis coloribus pulchre dispositis, oculi, dentes, & lingua distincte inspicere possint, ac si actu viverent. Vipera vocatur, quasi Vivipera, quòd cum reliqui Serpentes ova pariant, hæc sola vivos fœtus; gerit tamen illos in ventre seorsim inclusos in aliquibus veluti sacculis, e quibus excluduntur antequam in lucem emittantur; quos sacculos seu mavis dicere vesiculas etiam in spiritu vini servatos ostendit Musæum ad oculos curiosorum oblectandos, & eruditionem studiosorum augendam. Quidquid de his Serpenti- bus, quos numeri 41. & 42. delineatos ostendunt, dici possit, vel ad medicos usus spectat, vel ad naturalem historiam; De illis consulendi sunt Authores, præcipue Severinum in Tractatu de Vipera, ne a descriptione Musæi divagemur.

VIPERA BRASILIÆ CAUDISONA.

Viperis Italicis proxima est cauda Serpentis Brasiliani sub numero 43. delineati, quem Viperam Caudisonam vocat Eduardus Tyson Medicus Londinensis, eo quòd erepitolaco a natura instructum sit Animal, in plerisque simile Viperae. Apud Jonstonum, Nierimbergium, Margravium aliosque dicitur *Boigininca*, & *Boiquira* Brasiliano idiomate. Lusitanis *Cascavela*, & *Tangador*; Mexicanis *Teutlaco-cauhqui*, idest *Domina Serpentum*. Ex virginia insula transmissa hæc Vipera sectionem suscepit supradictus Tyson dexteritate anatomica clarus, cujus observationes potissimas referunt Acta Lipsiensia anni 1684. pag. 138. his verbis.

Ultimæ caudæ Vertebrae annectebantur interveniente musculo quodam crassiore (ut apparet in addita figura) & membranis cuti continuis crepitolaco, quæ quinque erant, sed videbantur quædam esse abrupta. Sunt enim ea nihil aliud, quàm concava tenuia dura & sicca, & sonora valde officula, cuncta rigida gaudent epiphysi, ita ut extremitas superioris officuli bina inferiora subeat, per quam conformationem articulatione non solum egregia pollent, sed

multiplicatum magis sonum edunt, quo admoniti homines æque ac bruta tempestive sibi cavere possint a tam pernicioso colubro. Nierimbergius, Piso, & alii asserunt singulis annis novum horum ossium accedere, unde Grevu in Musæo regio Viperæ hujus ætatem sexdecim annorum suspicatur, cum totidem ut plurimum in illa observentur juncturæ, quamvis nonnulli earum ultra viginti se vidisse perhibeant.

## C A M Æ L E O N.

**C**Amæleon hic describendus est a num. 44. expressus cujus sceleton a carne omnino expurgatum in Musæo est. Colore inter indicum, & viridem ambiguo est, quem ex luteo in fulvum commutare solet, unde versicolorem illum antiqui appellarunt. Capite est cristato, duobus utrinque ossibus in summa fronte prominentibus, lucidissimis oculis pisi magnitudine sola pelle contactis, admodum flexilibus, ut altero sursum aut deorsum inspiciente, alter præter cæterorum animalium morem aliò intentus esse possit. Iners est animal, neque currere ut Lacerta potest; quamobrem hominum conspectum non refugit, nec facile terretur. Arbusta conscendit ob Viperarum metum. Famem interdum annum fere integrum tolerat; unde falsò creditum est illud nihil edere. Oris rictum amplum, maxillas dentibus ferratis supra, & infra communitas, linguam teretem sesquipalmum longam, quam a longe in insecta, quibus maxime vescitur, vibrat, & mucore, quem in extremo spongiosum habet, muscas, & Formicas ad se adducit; adeo artificiose in hujus animalis pedibus natura lusit, ut anterioribus ternos intra digitus, extra binos; posterioribus autem ternos extra, intra binos posuerit. Duodecim ova excludit longa Lacertarum modo &c. Hæc fere ad verbum ex Bellonio lib. 1. de aquatilibus. Plura alia recensuit Scaliger relatus a Calceolario in Musæi pag. 659. Deferitur ad varias Mundi Regionem ex insula Cypro, ubi pueri frequenter illum venantur. In Ægypto majorem esse scripsit Bellonius. Illum Musæo donavit Excellentiss. D. Alexander Albanus Æques Hyerosolimitanus, & Summi Pontificis CLEMENTIS XI. ex Fratre Nepos, excellentæ indolis Adolescens, ingenio atque animi dotibus teneram ætatem superans. Ejus iconem damus sub num. 44. in qua exoticum, & mirificum animal non sine admiratione conspicitur.

## S C I N C U S.

**S**Cincus sub numero sequenti 45. quem Crocodilum terrestrem vocat Vormius pag. 315. parvam Lacertam magnitudine non superat, crassitie pollicis, colore cinereo, squamosus, cauda rotunda, capite oblongo, rostro acuto, pedibus quasi alatis, quatuor digitis, quinque unguiculis armatis. Arabia hoc gignit Animal, & prope Mecham reperiri referunt, alii juxta Nilum degere.

LACERTA CUM DUPLICI  
CAUDA.

**L**acerta in spiritu vini inclusa etiam videtur, ut a num. 46. repræsentatur, Animal cæteroqui vulgare, & frequens, in Italia præsertim, sed cum duplicem caudam habeat, tanquam monstrum, & rarum Lacertarum foetus in pretio habetur, ejus descriptione omittimus, cum omnibus hujusmodi animalia sint notissima.

Non tamen omissenda est alia Lacerta major num. 47. quam *Lacertam viridem* dixit Vormius. Græci *Sylvaticum Ophiomachum* appellant a superandis Serpentibus, singulari enim naturæ instinctu Serpentes adoritur, & cum illis præliatur æstivo tempore. Viridis admodum illa est, & simul eleganter variegata intermixtis maculis cæruleis. A rostri extremitate ad caudam palmum excedit, Oris rictum habet dentibus utrinque minimis, & acutis præditum. Duo narium foramina in extrema, & acuminata maxillæ superioris parte sita, oculi præ corporis magnitudine mediocres, pedes anteriores unciarum duarum longitudine, squammis viridibus, & ad flavum tendentibus præditi, digitis quinque acutis, & incurvis unguibus dotati. Hinc dorsum sequitur pulcherrime variegatum, venter verò squammis tegitur flavescens, cujus ambitus est unciarum quinque. Crura posteriora prioribus crassiora, majora, & longiora uncias superant tres, digitis etiam quinque præditi sunt, illam Itali vocant *Ragano* animal pulcherrimum visu, & innoxium.

## S T E L L I O.

**N**umerus 48. aliud Lacertarum genus ostendit, quarum cutem maculæ exornant instar Stellarum, ac propterea *Stelliones* dicuntur. Animal est cæteroqui horridum visu. Apud Italicos *Tarantula* vocatur; non tamen est e Genere earum, quæ ex agro Tarentino delatæ

in Musæo ostenduntur . Hæ potius Araneæ dicendæ essent, cum Aranearum formam habeant, licet mole majorem . De harum forma , natura, & proprietatibus fusæ tractavit P. Kircherus in sua Arte Magnetica, & in Musurgia universalis lib. 9. cap. 4. Nos sub microscopio recognitas exhibuimus in §. 6. fig. 70. ubi illas descripsimus .

SCORPIO TUNETANUS.

Cum aliis Insectis , ex quibus littera A. demonstrat Scarabæum qui Cervus volans dicitur ob cornua ramosa quibus ornatur, Grillotalpam indicat, Animal validissimis pedibus instructum, quibus sub terra viam sibi aperit ut Tulpa, & littera C. exponit Scarabæum alatum nomine Rhinocerotis a cæteris distinctum, ob cornu recurvum in rictu prominens. Observantur in Musæo Scorpiones e Regno Tunetano habiti, ejus formæ ac magnitudinis, qualis a numero 49. ostenditur .

Animal illud est veneno maxime noxium, quod in Vulnus immittit, cum cauda uncinata illud infligit . An verò tale virus ex foramine ipsius caudæ effluat, vel alia ratione, dubitant aliqui . Adeat curiosus Lector Experimenta Francisci Redi circa Generationem Insectorum . Nobis sufficiat illud indicasse .

HYPOPOTAMUS .

Ad aliam Animalium Classem gradum facimus, quorum plurimas exuvias seu partes in Musæo conspicimus, puta Dentes Ungulas, & Cornua, quæ omnia tanquam Arma illis Natura concessit . *Quidquid enim* ( ut cum Claudiano loquar in 2. Cont. Stilicon.) *tremendum dentibus, aut insigne Iubis, aut nobile Cornu, aut rigidum fetis Natura proponit, observatione dignissimum est.* Caput ante omnia numeremus quod in Musæo est Æqui marini, seu fluviatilis, quem *Hypopotamum* vocant multi; Animal hoc est quadrupes, & amphibium, quod licet inter aquas degat, inter terrestria quoque pascitur . Illud descripsit Kircherus pag. 31. *Bestia* est, quæ in altitudine ad quinque cubitos excrescit, pedes, aures, cauda & vox cum æquis omnino conveniunt, solum quòd unguæ pedum in modum Taurorum bifidæ sunt, nares habet patulas, labia repanda, rictum magnum, & vastum in quo utrinque tres magnos sed obtusos, & prominentes den-

tes habet . Diversas descriptiones exposuerunt Scaliger, Bellonius, Herodotus, & Plinius, quas in suo Musæo sect. 6. pag. 694. Calceolarius retulit, quasque omnes vir prudentissimus veras esse putavit, pro Regionum, & Provinciarum diversitate, in quibus tale animal progenitum fuit; *ut enim*, ait illa, *plantæ ejusdem speciei mira varietas, quod etiam peculiariter in canibus belgicis, & batavis observavi, si cum nostris comparentur; Cæli enim vis, aeris, aquarum, & terræ conditio, & semina, & alimenta, plurimum discriminat; ita non videtur rationi dissentaneum Hypopotamum Ægyptium ab aliarum Regionum Hypopotamo in multis discrepare quæ tamen speciem, & primigeniam naturam non variarent.*

Utrumque sit, caput, quod in Musæo est, æquimo assimilatur, sed rictu amplissimo. Dentes illi pariter equini insunt, ex quibus quatuor, duo scilicet ex superiori mandibula, duoque ex inferiori exerti valde sunt, & reflexi, ut in Elephante; non tamen levigati, sed stuis in longum productis asperi, candore ebori pares, sed magis duri, & ponderantes; Ad dimidiam usque partem concavi. Illos esse sesquipede majores asserit Calceolarius. Duos habet Musæum bipalmes, perennæ munificentiae argumentum, qua Illustrissimus Præsul Leo Srozza illud ditare dignatus est. Sunt qui asserunt hos dentes obitare veneno, & sanguinis fluxum sistere. In Ægypti plagis frequens est hoc animal, & ferox. Aristoteles de mirabilibus Indig scribens, hæc verba Alexandri refert. *Ducentos milites levibus armis missi, per annum naturos; itaque quartam fluminis partem nataverunt, cum horrenda visu res nobis conspecta est, Hypopotami inter profundos aquarum ruerunt gurgites, raptosque milites nobis stentibus absumpserunt.*

Inter multos, & recentiores exactam ejus belluæ imaginem exposuit Jobus Ludolphus in historia Æthiopica lib. 1. cap. 11. sub nomine æqui fluviatilis Æthiopice, *Bibat*. Corium illi est adeo durum, ut ex recenti relatione Theucnotii in itinerario suo referatur, a Jannizzaris Sclopetorum ictu ægre occisum fuisse; globuli enim vix cutem transiverunt, præter unum, qui maxillam percussit, & belluam prostravit. Tale corium crassissimum ad varios usus, in primis ad scuta adhiberi addit Ludolphus. Flagellum est in Musæo ex tali corio in rotundam virgam pollice uno crassam accommodato, & paulatim gracilescentem sex fere palmis longam. Durissima illa est ligni instar, tenera tamen, & flexilis ejus summitas, quam flexibilitatem peculiari quadam arte, & liquore obtinent, in quo maceratur sub arena. Ejusmodi virga Camelos

urgent in itinere Æthiopes, a quibus appellatur *Hhalangâ* Arabice verò *Sfott*. Tale animal ex Tabulis Jonstoni acceptum expressimus sub num. 50, & num. 51. dentes ejus demonstrat.

#### DENS APRI AFRICANI.

**D**entem alium sub num. 52. damus ex quatuor qui sunt in Musæo minorem Dente Hyppopotami, sed figura Denti Aprorum similem colore in superficie subfusco, sed in parte interiori eburneo, & durissimum. Animalis illud est, quod Incolæ Regni Angolani in Africa venantur, appellantque *Engala*, Aprum Sylvestrem illud esse referunt, cujus autem formæ sit a nullo descriptum inveni, referunt particulas ejusmodi Dentium in tenuissimum pulverem redactas, si cum vino deglutiantur, validissimum remedium afferre exitialibus morbis, & veneno infectis. Atque ob id magno pretio venduntur a Venatoribus Africanis, & in Italiam a Lusitanis aliisque mercatoribus afferuntur.

Jam ad Classem cornuum transeundum est, quorum quanta sit varietas, quantusque in iis Naturæ lusus, verbis Plinii referam. Sic autem ille lib. 1. cap. 23. Nec alibi major lascivia lufit Animalium armis. Sparfit hæc in racemos ut Cervorum, aliis simplicia tribuit. Aliorum finxit in palmas digitosque emisit, ex iis, unde Platicerotas vocant. Dedit racemosa Capreis, sed parva, nec fecit decidua, convoluta in anfractum arietum generi, ut cæstus duret, infesta Tauris, in hoc quidem genere, & foeminis tribuit, in multis tantum maribus; Rupicapris indorsum adunca, Damis in adversum, erecta autem, rugarumque ambitu contorta, & in leve fastigium acuta, ut lyras diceret: Strepficeroti, quem Addacem Arfica appellat, Mobilia eadem ut aures, Phrygiæ armentis Trogloditarum in terram directa, qua de causa obliqua cervice pascuntur, Aliis singula & hoc in medio capite ut naribus; Jamque aliis ad incursum robusta, aliis ad ictum, aliis adunca, aliis redunca, aliis ad ictum pluribus modis supina conversa, connexa omnia in mucronem migrantia. In quodam genere pro manibus ad scabendum corpus, cochleis ad prætentandum iter, corporea hæc, sicut in cerastis aliquando & singula, cochleis semper bina, & ut prætendantur, ac resiliant, hæc Plinius,

Tot diversis modis cum ludat Natura in cornuum fabrica ut vix ad certas classes reduci possint, in iis recensendis irritus est labor. Quamobrem ea quæ in Musæo sunt enumeremus.

#### ALCIS CORNUA.

**N**on desunt Cornua, & ungulæ Alcis, quem *Onagram* Olaus Magnus appellavit, vulgò dicitur *Gran Bestia*. Animal est speciei cujusdam mediæ inter Equum, & Cervum, quem expressimus sub num. 53. nares habet, & aures prominulas, cornua fere Cervi instar, sed ramis in patulas quasi frondes dispersitis. In Russia est frequens, & si juvenis capiatur, mansuescit adeo, ut non solum canum more Dominum suum sequatur, sed cibum humanum potumque ambiat. De illo quamplurimi scripserunt, inter quos Scaliger, Cardanus, Apollonius, quos lector consulere potest, & apud eosdem diversis nominibus appellatum illud inveniet. Ajunt hoc animal comitiali morbo sæpe corripit, a quo non liberatur, nisi apposita, prius fuerit auri altera posterior ungula. Cornua (ait Menabenus apud Calceolarium) esse illi perpetua non decidua ut Cervis. Cæterum illud quæsitum est a Viris eruditis, utrum omnibus unguibus, quorum plures sunt in Musæo, proprietas sanandi morbum epileticum, seu comitiale conveniat? Quidam posterioribus tantum unguibus hanc vim tribuerunt, & potissimum sinistri pedis. Cum uterque unguis auri admoveatur ab animali, ut Epilepsiam propellat: anteriores ea facultate spoliandos putat Calceolarius, nam si Cornibus ejus ea vis inest, quanto magis anterioribus inesse pedibus, qui specie non differunt a posterioribus censendum est? Licet anteriores non ita commode auri possint admoveeri. Illud etiam in dubium revocatur an vivente Alce præcidendi sint ungues, aut potius defuncto? Magnis argumentis utrinque agitur Controversia, quæ ad Musæi nostri descriptionem non conferunt, adeat Curiosus Calceolarii descriptionem, qui multa de hoc argumento congeussit.

#### CORNU RHINOCEROTIS.

**A**lcis Cornibus Cornua Rhinocerotis jungimus sub num. 54. quæ longe majori pretio habentur. Rhinocerotem plurimi cum Monocerote animali confundunt; quare Cardanum in scribendo præcipitem damnat Scaliger, qui Monocerota sub Rhinocerotis nomine pinxerat; Duas scilicet belluas longe diversas a Pictura Rhinocerotis se vidisse ait, cujus cadaver e naufragio ejectum erat in Tyrrhenum litus capite suillo, tergore munito scutulato. Monocerotis verò figuram describit æqui magnitudine, cruribus, pedibus, capite Cervi, Æqui

Æqui juba rariore , & breviorè , coxis villofis . Cornu unum integrum Niceæ a fe vifum , fulvum unum , unum subluteum . Præter Plinium , Ælianum , Gefnerum , & alios , qui Monocerotæ defcribunt , difcrepantem valde a Rhinocerotè , Cornu dicunt , illud eſſe unicum in acutiſſimum mucronem definens .

Garzias Horus , & Cluſius , qui certiora teſtimonia de iis accipere potuerunt , ita habent lib. de Arom. hiſt. cap. 14. Eſt Rhinoceros vaſtum Animal , Cornu in nare gerens , quod difficulter domari poteſt , multos in Camboya , Bengala finitima inveniri tradunt , & ab Incolis *Gandas* vocari : Mihi hætenus Rhinocerotem videre non contigit ( ait Garzias ) illud tamen Scio Bengalæ incolas ejus Cornu adverſus venenæ uſurpare , Unicornu eſſe exiſtimantes tametiſi non ſit , ut ii referunt , qui ſe probe ſcire autumant . De Unicornu verò ſic Garzias capite citato loquitur . Ego hoc loco referam , quæ a Viris fide dignis accepi . Inter Promontorium bonæ ſpei , & aliud Promontorium vulgo de *Currentes* nuncupatum , vidiffè ſe affirmabant terreſtre quoddam animalis genus , licet mari etiam delectaretur , quod caput , & Jubam equi habet , minime tamen marinum equum eſſe , Cornu præditum , duos palmos oblongo mobili , quodque nunc in dextram , nunc in ſiniſtram obverteret , modò attolleret , modò demitteret , id animal cum Elephante ferociter præliari , ejusque Cornu adverſus venenæ laudari . Hæc Garzias , ex quibus intelligimus ita differre Unicornum a Rhinocerotè , ut Equus ab Elephante , & utriusque animalis Cornibus vim inſignem inefſe contra venenæ .

Huic narrationi relationem addo Italicam Florentiæ impreſſam ann. 1693. de origine fluminis Nili Lingua Luſitanica olim vulgatam a quodam noſtræ Societatis Authore . In ea hæc habentur . *In Affrica nel Regno degli Abiffini detto Damote è una Provincia delle maggiori , che ſi chiama Agaos , che hà un Territorio detto Tanuca , il piu rinomato che ſi vanta eſſere l'unica Patria del tanto famoſo Unicornò , la Patria di ſui niuno Autore riſerifce , quale è diverſo dal Rinoceronte , mentre ha un ſol Corno dritto , e il Rinoceronte due . E della grandezza d'un Cavallo , mantello ſcuro , la coda , e crini neri . Il Corno è di cinque palmi in mezzo alla fronte di color bianchiccio dritto , e gentile . Eſt autem Unicornis , dice S. Baſilio hom. in Pſal. 28. Animal imperioſum homini non ſubditum , nullis viribus domabile , perpetuò in ſolitudine agens uno Cornu ſecurum . In eadem narratione narratur , che da un Capitano Portogheſe gli fu detto , che mentre in un prato paſceva i Cavalli di venti ſuoi Soldati , videro un Unicornò uſci-*

*re dalla Selva , e ſi accoſtò alli Cavalli , quali ſi ralleggarono conoſcendolo per la loro ſpecie , parve ombroſo , poiche ſubbito fuggì vedendo i Soldati , e ſi rintanò , e conobbero non eſſer favola quella dell' Unicornò .*

Utrumque hæc ſe habeant , certiffimum eſt Cornua , quæ ſub nomine Unicorni venditantur , Rhinocerotis illa eſſe , magno quidem pretio habita olim a Luſitanis præcipuè , ſibi ſuadentibus optimum antidotum eſſe contra venenæ . Tribus ejus generis cornibus ditatur Muſæum , quorum unum ex baſi ſemipalmari ſemper gracileſcens producit ad acumen aliquantulum recurvum longitudine palmorum quinque , nigricante colore , ſubſtantia valida , & ponderoſa . Alia duò palmum cum dimidio in obtuſum mucronem producta pyramidem potius imitantur , aliquantulum inflexam ut delineavimus ſub num. 54. Ex his ciatos , & vaſa conficere ſolent Indi , & illis uti ad bibendum præfertim , ſi febrilaborent acuta . Unum videtur in Muſæo , quod forma naviculam exprimit , unde quaque valde levigatam , & duo alia mole minora rotunda , & habentur inter rariora , quæ Ars ſimul cum Natura conjuncta confecit .

DENS ELEPHANTIS .

Dens ſequitur Elephantis , quem Cornu appellari malunt Plurimi Antiquorum , & inter recentiores Ludolphus hiſt. Æthiop. lib. 1. cap. 10. *Cornu eſſe ( inquit ) & non dentem , quod Ebur vocamus , apud Æthiopes non ambigitur , ideo hæc Elephantorum arma lingua Æthiopum Akronot , ſive cornua dicuntur .* Sententiam eandem Anatome Elephantis a Sagacioribus inſtituta uberius confirmat . Polibius lib. 8. c. 10. in Affrica extrema tanta Elephantorum Cornua memorat , ut trabium ac tignorum loco ad poſtes , ſepes & ſtabula extruenda adhibeantur . Ultra dentem hujusmodi , quem Cornu dicunt , alii ſunt dentes molares , quorum ſinguli duas libras ponderant .

CORNU CERVORUM .

Plura etiam videntur Cornua Cervorum ex variis Regionibus tranſmiſſa , quorum aliqua ad alitudinem ſeptem palmorum excreverunt , in octo ramos ſeu mucrones diſtincta . Hujus generis mole ſtupenda viſuntur in Templo Arcis Amboiſenſis in Galliis , quorum longitudo undecim æquat pedes latitudo novem : intra ramos utroſque ſpatium eſt quinque pedum cum dimidio . Nefcio an majus extiterit illud quod Albertus Magnus lib. 2. de Animal. tract. 1. part. 2. ſe vidiffè memorat , quod viginti duos

duos ramos in una parte Cornu habuisse refert. At Vormius suspicatur legendum esse in textu Alberti, habuisse viginti duos ramos, in una parte Cornu undecim.

CORNURUPICAPRÆ.

**N**igerrimo etiam colore nitent alia Cornua in modum unci reflexa, subtilia, & rotunda; palmum illa non excedunt. Cujusdam animalis illa sunt, inter Capreas Sylvestres recenti, quod *Rupicapram* Authores vocant. In Carinthia, & Comitatu Tyrolensi frequens est. *Camozza* Itali illud vocant. Timidum valde est, & si venatorum insidias detegat, ex altis rupibus se præcipitat, ac sæpe Cornibus saxorum rimis vel arborum ramis implicatis se sustentat, quare Martialis.

*Pendentem summa Capream de rupe videbis  
Casura speres, decipit illa tamen.*

Ejus Iconem damus sub numero 55. ex Tab. 32. Jonstoni.

CORNUA BOVIS AMERICANI,  
ET ALIORUM EIUS  
GENERIS.

**B**ovis Americani Sylvestris duo Cornua simul cum Cranio conjuncta, valida, rotunda, simul sese influxione respicientia; Breviora quidem sunt Cornibus Bovinis vulgaribus, sed crassiora, & in mucronem magis obtusum desinentia. Colore osseo ad nigredinem inclinate.

Inter alia licet vulgaria mole sua valde superant quædam ex insula Siciliæ accepta; uncias quinque eorum basis in diametro excedit, sed longitudo palmos quinque fere attingit, totidemque spatium numerat, quod inest inter duo acumina leviter contorta, ut apparet post numerum 55. littera A. e Bovino Capite illa assurgunt, suntque arma validissima ad quodcumque animal expugnandum.

Hujus generis Cornu Ptolomeo secundo allatum ex India refert Ælianus de histor. Animal. lib. 3. cap. 34. quod tres amphoras caperet. Livius lib. 1. Dec. 1. cornuum meminit portentosæ magnitudinis, quæ in vestibulo Templi Dianæ Romæ fuerunt suspensa, & omnibus miraculo.

Cornua Bubalina his adjuncta sunt maximæ molis in Apulia selecta, semipalmum excedit eorum latitudo, longitudo verò ad tres palmos extenditur sicut patet sub littera B. Nigerrima illa sunt, & transversim striata, mucronem versus solida in reliqua parte vacua.

Ex Japonia Cornu allatum est breve quidem sed nigerrimi coloris ac nitidum. Cujusdam

Bovis illud est; qui Vituli magnitudinem non excedit, illum Incolæ Jugo submitunt, ut Plaustra trahat.

CORNUA ARIETUM.

**C**ornua varia Arietum naturæ ludentis Artificio diversimode intorta ex Montibus Dalmatiæ, & Africanis oris allatæ. Unum cernitur ex Æthiopia habitum longum palmis tribus instar Cornu Arietis inflexum, colore osseo albicante, non rugosum sed levigatum. Cornu est cujusdam Belluæ Sylvestris, Arabicæ dicitur *Thetal* ab Æthiopis *Hagazai*, molem Alcis imitatur, in altis egit Montibus, & Sylvis, illud venantur Æthiopes, ut de cornibus sumant remedia validissima contra sanguinis effluvios, quam virtutem hujusce cornibus inesse constat, tum præcipuè, cum è capite Bestiæ adhuc viventis evelluntur. Ejus figuram vide sub num. 56.

STERPSICEROTIS  
CORNUA.

**C**ornua duo Sterpsicerotis, singula longitudinem habent palmorum trium coloris nigerrimi, quæ ambitu rugarum, & veluti annulorum a basi ad partem mediam cinguntur, hinc verò levia ac polita in apicem usque sensim gracilesunt; Animal quod cornua hæc gerit inter Capreas Sylvestres Plinius recenset, lib. 8. c. 51. Illud Gazelam vocant, quæ in Regionibus Cæri stabulatur. Ejus iconem numerus 57. demonstrat.

DAMÆ CORNU.

**C**ornua Animalis quod *Damam* vocant Latini. Itali *Daino*, *Danielem* Poloni. Latæ admodum sunt in ramos breves, & veluti apices circa limbos dispersa, ut apparet sub n. 58. Temporibus statis mutari referunt veluti Cervina, cum primò repullulant lanugine obduci. Horum forma imitatur Cornua Alcis, quem Norvegia, Russia, partesque aliæ orbis Septentrionalis in primis gignunt. Americam quoque, quæ septentrionem spectat, Alces producere itinera varia Anglorum docent.

BISONTIS CORNU.

**H**is addenda sunt duo Cornua anno præterito effossa prope viam Aureliam, eo in loco, ubi olim Villa Antonini Pii extebat nomine Lorian, in qua (referente Capitolino) *omnis generis Belluas alebat, ut Populo Romano ludos,*  
& spe-



& *ſpectacula exhiberet*. Illis diligenter perſpectis mihi ſuaſi fuiſſe Belluæ quàm *Bifontem*, ſeu *Bonaſum* Authores appellant; Ariſtoteles enim lib. 2. hiſt. cap. 1. agens de Quadrupedibus, quæ pilis integuntur, enumerat. *Bonaſum*, quem ait e Sylveſtribus cornigeris eſſe, & hirsutum. Gignitur (inquit) in Terra Peonia, Monte Meſſapo, qui Peoniæ, & Mediæ terræ finitimus eſt, & Monapios appellatur, magnitudine Tauri, ſed corpore quàm Bos latiore; brevior enim, & in latera auctior eſt, cætera forma Bovis, niſi quòd Cervix jubata armorum tenuis, ut equi eſt, ſed villo molliore, quàm juba equina; color pili totius corporis flavus, juba prolixa, & ad oculos uſque demiffa, & denſa; Vocem ſimilem Bovis emittit, Cornua adunca in ſe inflexa, & pugnæ inutilia gerunt. Eorum cornuum icones Aldrovandus ponit lib. 1. de Quadrupedibus biſulcis pag. 361. a Gefnero acceptam, quæ cornua in unum circulum converſa oſtendit, & quidem varium; ex quo apparet in *Bonaſo* eveniſſe quòd in Vulgaribus *Bobus*, in quibus figura Cornuum plerumque variare ſolet, hujus Animalis, iconem damus numero 59. a Jonſtono acceptam. Longitudinem palmorum trium, & digiti ſemiſſis. Narrat Ariſtoteles lib. 3. de part. Anim. cap. 2. de hoc animali, cum Cornua habeat ad pugnam inutilia, Naturam excrementi profuſionem pro auxilio illi dediſſe; Ejus enim lotium impetu ejaculatum, & feruidum ad quatuor paſſus adurit Canes, & Venatores. Hoc animal aliqui (ut Albertus cū *Bifonte* confundunt:) Utrumque tamen boum ferorum omnium longe maximum faciunt. *Bifon* autem Septentrionalis plagæ proprius in *Hercinia Sylva* cum *Bonaſo* maxime convenit. Plinius jubatum vocat. Seneca Valloſum, Oppianus Barbatum, Pauſanias Bovem Peonium; Ad faciendas cædes promptum eſſe referunt. Ut ut hæc ſe habeant, certum eſt hujusmodi feras, quamvis indomitas ut ſunt *Bifon*, & *Bonaſus*, fuiſſe olim domitas, & equorum loco ad currus adhibitas in ſpectaculis, ſicut Martialis hiſce endecaſyllabiſ teſtatur, lib. 1. epig. 84. de ſpectaculis.

*Piſto quod juga delicata collo  
Pondus ſuſtinet, improbaque Tigres  
Indulgent patientiam ſlagello,  
Mordent aurea quod lupata Cervi,  
Quod franis Lybiæ domantur Urſi,  
Et quantum Calydon tuliffe fertur,  
Paret purpureis aper capiftris,  
Turpes eſſeda, quòd trahunt Bifontes  
Et molles dare juffa quod choreas  
Nigra bellua nil ueget magiſtro,  
Quis ſpectacula non putet Deorum?*

Ex ejuſdem Poetæ libello de ſpectaculis conſtat *Bifontes* in Theatris etiam jaculis confoſſos eſſe;

*Carpophorum* enim ille laudans, quòd in pugna feras ſuperaret, dexteritate jaculandi, ait Verſ.

*Ille tulit geminos facili Cervice juvencas*

*Ille ceſſit atrox Bubalus, atque Biſon.*

*I B I C I S C O R N U A.*

**I**Nter cornua quibus Natura feras munivit riora illa ſunt, quæ *Ibex* oſtentat; Animal hoc eſt ex *Caprarum Sylveſtrium* genere, quòd Germani *Steinbock* appellant, ideſt *Capram Petræ*. Ejus hiftoriam Plinius breviter complexus eſt dum inquit. *Ibices* in *Alpibus* pernicitatis mirandæ, quanquam onerato capite vaſtis cornibus. In hæc ſe librant in petras, potiſſimumque e monte aliquo in alium tranſilire quærentes, atque reſeſſu pernicious quo libuerit exultant. Cervum fere exprimit. Color pellis fuſcus eſt, ſenectute caneſcunt, oculi ſplendidi, & pulchri, ungulæ biſulcæ, & acutæ. Mares prolixa nigricantem barbam geſtant, quòd nulli, ut *Bellonius* tradit, alteri animali cervinis pilis prædito accidit. Magni ponderis cornua ei reclinantur in dorſum aſpera, & nodofa, eoque magis quò grandior ætas proceſſerit. Augetur enim quotannis donec jam vetulis tandem nodi circiter viginti increverint. Bina cornua ultimi incrementi ad pondus ſexdecim aut octodecim librarum accedunt. *Bellonius* quaternos cubitos longa vidit. Tot autem tranſverſos nodos habere ſcripſit Jonſtonus pag. 54. de *Quadrup.* quot annis animal natum eſt. Nulla certe montium rupes tam alte edita aut præceps eſt, quam non ſaltibus aliquot ſuperet, ſi modo aſpera ſit, & ſpatia tanta promineant, quanta ſalientis ungulas excipere poſſit. *Bellonius* ex ſcopulo uno in alium ſeu etiam paſſuum intervallo diſtanti deſilire ſolere ſcripſit. Dum cadit ex alto totum corpus inter cornua a collisione protegit. Depreheſæ libero capacique curſus loco in venatores irruunt, eoſque de rupe deiiciunt, cum impetendi locus non eſt, facile cedunt. Eorum iconem vide ſub num. 60.

Ejuſdem generis eſt illa fera *Lybica*, quam *Ælianus* lib. 14. cap. 16. ita deſcribit. *Capræ* feræ ad ſummos *lybicornum* montium vertices commorantur, ad bovum magnitudinem accedunt, ipſarum armi, & crura luxurioſæ pilis ſuunt tybiis parvis frontibus rotundis, oculis raris, & concavis non valde projectis ſunt. Cornibus poſt primum exortum utriuſque ab alteris longe diverſis, & aberrantibus, & incurvis, non enim ac aliarum caprarum recta exiſtunt, ſed eatenus retorquentur, ut ad armos pertingant. Ex capris longe maxime ad ſaliendum habilitate ſunt. Nam ex cacumine in aliud longe diſtans tranſiliunt. Cornua ad auriendum de præterfluentium rivorum confluentibus potionem

nem non minori usui habentur, quàm calices ipsi. Tanta enim capacitate sunt, ut in bibendo respirare sit necesse. Habet in medicina usum, quem vide apud Jonstonum pag. 54. Utriusque feræ cornua spectantur in Musæo, & ejusdem iconem exhibet num. 61. qualem Jonstonus exhibuit Tab. 25. & 28.

Cornu addimus sub num. 62. ex ebore formatum in plures veluti annulos divisum, qui pluribus figuris in girum dispositis sunt exornati, quarum alteræ eminentes sunt, & solidæ anaglyptice excusæ ut extent, & emineant supra superficiem. Rotundum est, & incurvum, longitudine æquat palmum cum dimidio, orificium majus quatuor digitos in diametro habet, minus quòd ori aptatur, ut infletur pollicem vix habet in diametro. In quosnam olim fabricatum sit usus, non minus anxie disquiritur, quàm quid Emblemata sibi velint, quibus exornatur. Sunt qui Tubæ vices in bello sustinuisse credunt, ad accendendum militum animos, classicumque canendum, sunt qui in venationibus ad socios, & canes convocandos antiquos eo usos existiment sunt qui in sacrificiis Sacerdotes ejus sonitu populum convocasse putent; Alii usum poculi subuisse dicunt. Illud indicat figura, quam commoditatis ergo in minorem formam traduci curavi. De imaginibus in eo insculptis non est quod quidquam addamus, cum unicuique pateat nil aliud iis denotari, quàm venandi morem representatum. Quo tempore sit factum expiscari non potui. Cornu ipsum vetustatem quidem ostentat. Venatores conspiciuntur Canes in feras incitantes, & Christianorum opus fuisse sculpturæ docent, a quibus & Maumethani, & Judæi omni ævo abhorruerunt. Crux enim expressa aperte indicat prisca Portugalliæ insignia quorum rationem reddit Resandius lib. 4. Antiq. in hunc modum. Alphonfus novus rex ann. 1199. consueto victoribus more in castris triduo permansit, & concessa militibus præda, ipse qui eatenus niveo scuto utebatur, insignia Commentus est, quæ rem ibi gestam designarent. Ac primùm quia Christum in aere Cruci affixum conspexerat, in argenteo scuto caruleam Crucem formavit, deinde quod quinque Reges Saracenos vicisset, scuta quinque per ipsam Crucem distinxit. In unoquoque triginta nummos argenteos figuravit, quod totidem Mundi servator venditus extitisset; mutata a Posteris Regibus nummorum expressio est commodiori ratione, ut in singulis quibusque scutis singuli quinque nummi positi decussatim ad figuram litteræ X. bis numerato quod in medio est, & cum a summo deorsum, & cum a latere ad latus sit supputatio, ut numerus triginta expleatur. Hoc igitur cornu in pugna adhibitum fuis-

se contra Barbaros a Lusitanis mihi suadeo, licet etiam in venatione potuerit adhiberi. Quis enim varium usum cornuum poterit enumerare.

Bovum Cornua apta sunt pectinibus, & receptaculis quibus milites pyrium pulverem asservant. Cornibus primò usi sunt Pastores ad pecus convocandum. Loculorum vices etiam sustinuisse apud veteres cornua docet Antonius Augustinus dialog. 2. ubi nummos producit in quibus libertatis statua fingitur cornu donariis plenum versans. Idem addit cornu fuisse mensuram olei. In nullos verò usus frequentius translata fuisse cornua, quàm poculorum pene infinitis testimoniis antiquorum probari potest. Crescente luxu capere primùm labra cornuum metallis obducere, aliaque ornamenta iisdem addere, deinde ex solido argento cornua elaborarunt, quibus usos fuisse Athenienses refert Athenæus lib. 11. cap. 37. Cornua olim dignitatis, potentia, fortitudinis, Imperii, & Authoritatis apud omnes gentes extiterunt insignia, etiam in sacris ipsis. Unde Samuel 2. *Exultavit cor meum in Domino, exaltatum est cornu meum in Domino*, & apud Prophanos Horat. in Epod. inquires

— *Namque in malos acerrimus*

*Parata tollo cornua* —

Hinc non mirum quòd Reges, & Principes cornua sibi elegerint pocula, vel ex argento, vel auro elaborari curarint scyphos potentiam, majestatem, & auctoritatem suam etiam inter ipsa pocula declaraturi. Eleganter Paschalius de coron. lib. 10. cap. 25. Cum Regum, & sublimium hominum sit potentia, per effigiem Cornu significatur summa illa, cujus in omnia imperium est, potentia, & Authoritas. Plura recensuit de Cornibus eorumque significatione, & usu Olaus Vormius lib. 5. monumentorum Danicorum. Aliqua nos delibavimus ut appareat non insanum, & supervacaneum opus fuisse in erudito Musæo cornua etiam recensere.

#### OSSA GIGANTUM.

**O**ssa sunt Animalium ignotorum, quæ nonnulli pro Ossibus Gigantum sumunt. Illa Foetum Naturæ mineralis censuit Kircherus quia suo pondere, & nitrosa qualitate prædita potius saxa videntur. Dentes ejusmodi Generis describens Vormius cap. 26. valde dubitat an illi fuerint Gigantum, nec operæ pretium existimavit fusius eorum historiam prosequi. Nos aliqua indicabimus, ex quibus ad veritatem dignoscendam lumen aliquod affulgeat.

Et primò certum est quod Camerarius narrat in Cent. primæ cap. 82. idest in Urbe Vangionum, aliisque Civitatibus ad Rhenum passim ostendi ossa publicis in locis, quæ dicuntur fuisse Gi-

Gigantum . Verùm utrum ea fint Pifcium an hominum feu aliorum Animalium dubitarunt multi, fic Octavius Auguftus auctore Svetonio *Villas fuas offibus magnarum Belluarum-quaè Gigantum fuiffe dicta sunt exornare folitus fuit* . In Italia quoque Puteolis offa stupendæ magnitudinis cernuntur , cum hac infcriptione , cujus Author perhibetur Pomponius Letus .

*Hinc bona Pofteritas immania corpora feruat ,  
Et tales Mundo teftificatur Avos .*

Mira etiam sunt , que Thomas Fazelli de rebus ficulis Dec. 1. lib. 1. cap. 6. de Gigantibus, eorumque origine, & offibus in Sicilia repertis refert . Gigantes olim fuiffe in facris litteris legimus , inter quos Goliath , qui a Davide inermi interfectus fuit, cujusque moles ac robur ex ejus armis cognofci potuit ; habuit enim lanceam inftar jugi textorii . Narrat Petrus Martyr ex Philoftrato, quæ fidem vincunt ; vifum fcilicet, Gigantis cujusdam cadaver 30. cubitorum , alterum 22. & aliud 12. Plinius quoque ait in Creta , dum terræmotu quidam mons difrumpere- tur , cadaver quadraginta fex cubitorum ftans fuiffe repertum , quod alii Orionis , alii Lethi fuiffe crediderunt ; Orestis etiam corpus, oraculi juffu effoffum fuiffe cubitorum feptem hiftorici tradunt , D. autem Auguft. lib. 5. de Civit. Dei cap. 9. hanc credit caulam . Deum quofdam interdum homines tam vastis corporibus nafci voluiffe , ut nobis teftatum relinqueretur tam pulchritudinem corporum , quàm etiam ftaturæ magnitudinem, viresque carnis non effe in bonis præcipuis ponenda , cum ea non minus impiis quàm piis fint communia ; & habemus multa in facris litteris poffim exempla, Gigantes fretos proprio robore , & viribus , nec non & pulchritudine , atque amplitudine immanium corporum propter superbiam , & faftum a Deo rejeftos , & extirpatos fuiffe .

His tamen pofitis, offa adeo immania, quæ in multis Mufæis confpiciuntur collocata reliquias, effe Elephantum aliarumque Belluarum multi arbitrantur . Similiam fragmenta vifuntur in Mufæo Cofpiano cum titulo . *Fragmenta Tibiæ ex integro Elephantis fceleto lapidefcete , cura juffuque Ferdinandi II. M.D. E. ad Clanim effoffo anno 1663.* Quæ offa fufpicatus effe ejus Mufæi Author ibi remaniffie fepulta , pofft bellum ab Anibale geflum prope Aretium, de quo fcribens Livius lib. 27. hæc recitat . *Annibal ager oculis ex verna primùm intemperie variante calores frigoraque , Elephanto , qui unus superfuerat , quòd altius ab aqua extaret , veftus , vigiliis tandem & nofturno humore paluftrique cælo gravante caput , & quia medendi nec locus , nec tempus erat , altero oculo capitur , & Juvenalis Sat. 10. illi irridens ait .*

*O qualis facies , & quali digna tabella*

*Cum getula ducem portaret Bellua lufcum .*

Adeat curiosus lector tom. 2. P. Kircherii ubi in lib. 8. feft. 2. cap. 4. recenfet varias hiftorias a viris fide digniffimis, quæ hominis proceræ ftaturæ referunt; Ut ut fit de veritate earum , quæ vastiffimæ molis Gigantes affirmant, manifeflum fit vera offa eorum in aliquibus Mufæis offendi . Unum me vidiffe memini Romæ in Gazophylacio Excellentiff. Principis Augufti Ghiffii apud S. Mariam Majorem . Quatuor noftrum Mufæum feruat , de quibus dubitari non poffe pro certo habeo . Omnia enim cum veris , & vulgaribus humanorum corporum offibus omnimodam fimilitudinem , & partes internas offendunt , cavernofas inftar fpongiæ , nodos etiam tibiæ rotundos , & levigatos , dentes humanis perfectè fimiles &c. quorum accurato examine probatur , eos decipi , qui docent omnia ejusmodi offa vel Belluarum effe, vel purum Naturæ opus in fubterraneis locis generatum ; quamvis negandum non fit , fæpe fub terra detegi aliquos Naturæ foetus offibus hujusmodi fimiles , quæ tamen vera offa non sunt , fed partus ex fubftantia quadam lapidofa compacti, & aliquam offium & dentium fimilitudinem ac formam perferentes .

Hæc recenferam, cum forte ad manus pervenit Hiftoria Infulæ Melitenfis ab Equite Joanne Francisco Abela confcripta, in cujus lib. 1. not. 2. narrat hic Author, fuiffe olim repertum cadaver Gigantis , offa in fuper multa ac dentes a fe vifos e Capite Gigantis erutos ; cum tamen Caput aut faltem Cranium ejusmodi hominis repertum non affirmet , Cupidus fcienti an dentes tantummodo vel etiam caput in Infula Melitenfi fervarentur : quod quidem fi adeffet , dubitari amplius de veritate non liceret , rogavi per Epiftolam eruditiffimum Patrem Vincentium Modica Noftre Societatis Sacerdotem , ut me certiozem reddere dignaretur , ac pro fua humanitate refponfum dedit , quod fequitur .

*Parlai per fodifcare V. R. fù la materia con il Sig. Dottore Fifico Frà Giuseppe Zammit , uno de quattro Medici di quefto Spedale, huomo curiofiffimo , e valente Anatomifta, e Lettore in Chirurgia, e mi diffe havere in poter fuo un pezzo di Cranio groffo quanto è la larghezza di un dito pollice , e una cofta di lunghezza non ordinaria , e quefti ritrovati in fepolcri cavati in pietra viva nel facro , e fotterraneo Cimitero accofto alla Grotta di S. Paolo . Il Sig. D. Pietro Faccioli l'anno 1693. cavando un fuo terreno nella contrada di Caftel Zorrico trovò una Grotta , e dentrovi cavato in pietra viva un Sepolcro , con attorno molti vafi ben lavorati di creta del paese , con dentrovi gusci di Lumache, e moffo dalla curiofità (come mi diffe) apri il Sepolcro , ove trovò una Tefta Gigantea , e di fmi-*

*di smisurata grandezza, e volendola cavare fuori del Sepolcro, gli restò nelle mani risoluta incenere con suo dispiacimento, per essersi defraudata di simile memoria.*

Ex his manifeste probatur fuisse homines immanis staturæ atque multa ossa, quæ in Musæis ostenduntur, licet mole magna, vera ossa hominum esse.

### CANIS MONSTROSUS.

**I**Nter rariora, quæ spectantur in Musæo, cadaver est catuli, septem pedibus monstri, ut apparet sub n. 63. Hunc largitus fuit Eminen. Eccl. Rom. Decanus Card. Bullioneus in urna crystallina humore balsamico plena servatum. Ejus iconem damus, quæ Prototypo magnitudine, & figura omnino respondet, atque adeo supervacaneum est pluribus verbis singulas ejus partes describere. Attamen non erit incongruum causam quærere, cur in utero matris hujusmodi monstrum conceptum fuerit. Norunt periti pluribus modis monstra gigni posse, scilicet, vel numerum aut molem partium diminuendo, augendo, sive membra transponendo e naturali sede, sive iis debitam figuram aut connexionem non attribuendo, sive partium substantiam in alienam commutando, & quidem hæc omnia ex pluribus causis. Ex. gr. ex materiæ ineptitudine, ex parente monstroso, ex imaginatione ejusdem, aliisve causis, quas omnes recenset post Aristotelem in eruditissimo suo tractatu de Monstris Fortunius Licetus. Omnibus relictis meam sententiam exponam, dicendo tale monstrum ob angustiam uteri generatum; potest enim adesse idonea, & sufficiens materia ad plures foetus, & gemellos gignendos, ut in Canibus solet accidere: possunt adesse vires robustæ ad illos perficiendos: si tamen locus angustus extiterit, in quo gemelli commode non contineantur, ex duobus fit unum corpus, & imaginem monstri induit. Angustiam verò uteri variis de causis exoriri posse docuit Licetus, cum uteri angustia copulante gemellos, potest etiam formatrix imbecillitas adesse aliquorum membrorum perfectam constitutionem prætermittens. Sic profecto monstrum, de quo sermo est exoriri potuit, in quo pedes in uno Cane appareant plures, cætera autem membra alterius Canis omnino latent in forma.

Diximus posse gigni monstra ob augmentum materiæ, hac de causa caput in occipite valde tumidum videtur in foetu humano, qui in spiritu vini immersus servatur in Musæo. Cæterum partes corporis singulas optima proportione dispositas ostendit. De infante habente caput mon-


strosus narrat Licetus l. 2. c. 18. quod licet sanus esset, ob eam tamen causam jacere cogebat, pusillo corpore adeo vastam capitis molem non ita facile sustinere ac regere valente.

Duo alii sunt humani foetus abortivi quorum alter quatuor digitos altitudine non excedit, alter verò palmum cum dimidio æquat. Utiusque ossium compago conspicitur carne penitus absumpta, in qua anatomicæ artis studiosi singulorum ordinem e discere possunt. Extat etiam foeminæ adultæ sceletum, & Simiæ in quibus non solum anatomico studio colligata ossa numerantur, verum etiam nervorum, & articularum accurata dispositio magnæ Philosophorum utilitati in hoc erudito Musæo diligenter custodita conspicitur.


Ultra monstra, quæ inter Homines, & inter Animalia ratione carentia accidunt, in stirpibus quoque contingere observat Licetus c. 5. lib. 1. licet multò rarius, quia plantæ simpliciorum naturæ sortitæ rudiora instrumenta corporis in sua constitutione generanti naturæ magnam peccandi occasionem adimunt; facilius enim est errare in pangendis operibus variarum partium magno artificio invicem connexarum, uti sunt animalium membra, sed paucas plantarum partes recte componere non est ita difficile; quamobrem in plantis multò pauciora, quàm in Animalibus monstra contingunt. Multa ejusmodi observavit Prosper Alpinus eximius Plantarum Persecrator. Unum est in Musæo, idest Fungus Piriformis Quercinus insolitæ molis; duos enim palmos excedit, in parte superiori plana, unum fere cum dimidio, ab ejusdem superficie usque ad finem extenditur in mucronem conformatum, ejus substantia ligni duritiem contraxit, dum longo tempore arbori conjunctus hæsit, ponderatque ut lignum, brevissima quadam lanugine contactus.

Strumosum lignum fungo additur, quod pyri pomum diceret exsiccatum: pediculo enim hæret tumor quidam ligneus in formam pyri adeo bene a Natura conformatus ut melius Ars ipsa efficere non posset, mirum est quantum in lignis strumosis luserit Natura.

Numerantur etiam Ova a Gallina vulgari nata sed rara & monstrosa. Alterum enim duplo longius est Ovo vulgari; & in modum cylindri productum, nec in alterutra parte in conum, sed utrinque in rotundum semiglobum pariformiter definit. Alterum verò pyri formam exprimit eleganter productum. Tertium instar cucurbitæ ejus generis conformatum, quæ veluti in duas partes distincta videtur, scilicet inferiorem ventricosam, superiorem angustam. Illa delineavimus sub num. 64. 65. & 66.














9




13



10




11



12




13







14



16



16




17





18


19




20




21



22




23








26




24




25




28



27






29














34



36




35






37




38








39



40






















50




61






63



64












57



58





59






























# CLASSIS NONA

## *Instrumenta Mathematica.*



Ocuples, & pretiosa Mathematicorum instrumentorum multitudo hic visitur, quorum maxima pars constat ex auricalco. Illa ad cœlestium corporum, ad sphaerarum observationes, geometricas dimensiones, geographicas

divisiones, & horarum designationes inserviunt. Sunt inter ea duo globi, ob molis quantitatem e Musæo ad Bibliothecam translati, sphaera etiam armillaris, quæ ultra decem principales circulos, instructa est viginti quatuor meridianis circulis altitudinum, & verticalium, & aliis æquatoris parallelis; Solis item, & Lunæ progressus artificiose exhibet.

Astrolabia seu Planisphaeria plura, quinque tamen præ cæteris nobiliora, omnibus suis partibus ad diversas altitudines poli aptata stellarum fixarum retibus, linea fiducia, axi atque armilla suspensoria instructissima, quorum maximum latinis characteribus ornatum trium palmorum diametrum adæquat. Duo Arabum notis insignita palmo cum dimidio in diametro constant. Instrumenta partium, & circuli proportionales diversi, quadrantes duo, quorum alter in prima minuta accuratissime divisus, alter in secunda. Inter multa instrumenta ad Horologia Solaria tum directa, tum reflexa designanda aptissima, est aliud rarum a Kirchero excogitatum Pantometrum, cujus operationes, & usum P. Caspar Schottus S. J. typis dedit in compendium redactas. Cæteroqui, si alia exoptes, sunt Quadrata geometrica, Circini, Pixides cum dioptris, Parallelogrammata, Coni, Cubi, cæteraque inventionem illustria, & utilitate pretiosa.

Est Idea machinæ, cujus beneficio Tubi optici ad quamlibet longitudinem extensi possint facile dirigi ad objecta etiam cœlestia, & facillime pertractari, absque eo quod centrum lentis ocularis a centro lentis objectivæ possit unquam deflectere, quæ ab ingenioso P. Ægidio de Corignies excogitata fuit, dum Romæ Mathematicas Scientias in Collegio Romano explicaret. Illam delineata infra exponemus.

Visuntur depicta Systemata Mundi, quæ Ticho, Copernicus, & Ptolemæus excogitarunt; Lunæ imago cum singulis maculis, quando to-

tum Orbem luce plenum ostendit, Imago Jovis cum suis satellitibus, nec non Saturni globus suo annulo circumdatus, quæ omnia studiosorum eruditioni conferunt, & Musæum condecorant.

### *DE MACHINIS QUÆ AD MECHANICAM PERTINENT.*

**A**Rs Mechanica illa est, quæ opera conficit, quæ & ingenio simul ac manibus perficiuntur; neque enim ita fabrilis est, ut omnibus postponenda sit, imò multis aliis artibus anteposenda, quippe quæ miros operetur effectus, propter quos maximi fiat Mechanicus artifex. Hinc, narrante Svetonio in Vespas. cap. 18. *Mechanico grandes columnas exigua impensa perdukturum in capitolium pollicenti, præmium pro commento non mediocre obtulit.*

Hujus facultatis vires indicantur in Musæo, præsertim quæ in movendis machinis insumuntur. Triplex igitur ratio in movendis machinis usitata fuit apud Antiquos, Prima vocabatur *Traactiva*, secunda *Elatrix*, tertia *Manganaria*. De singulis Kircherus egit tom. 2. Ædip. Claf. 8. pag. 313. Idem in Obelisco Pamphilio fol. 90. Pro machinis extollendis fuisse apud Ægyptios quinque facultates motrices narrant. Hero primus fuit inventor ex mente veterum, ut ipse testatur, ex quo postea Archimedes, Pappus, & tota Posteritas varios modos desumpserunt. Nomina earum sunt primò *Vectis* 2. *Axis in Peritrochio* 3. *Polispastos* 4. *Cuneus* 5. ea quæ appellatur *Cochlea infinita*. Tradit autem Hero facultates hæc in unam reduci naturam, quamquam figuris inter se multum discrepent. Vectis prima mechanicæ fundamenta præbuit, nam hac non tam arte quàm naturæ instinctu omnes utimur; neque enim ulla humana actio violentiam aliquam sustinens, assignari potest, quæ non vectis ope perficiatur, etiam nobis non advertentibus.

Cum autem Vectis in attollendis ponderibus magnis munus suum obire non posset, machinæ genus invenerunt, in qua multiplex vectium in circulum dispositio idem præstaret, quod Vectes in molibus terræ superficiebus insistentibus præstant, & hæc vocatur *Axis in Peritrochio*, estque instrumentum ex cylindro, & orbita,

in cuius circumferentia radii dispositi sunt, qui locum vectium subeunt, & in axe funis circumplicatur.

Hujus duplex usus datur, idest rectus, & inversus, Rectus, cum ejus ope pondera in altum sublevantur, inversus, quando pondera ex longitudine trahuntur, & tunc *Ergata* vocatur: Dicitur rectus, quia Cylindrus manet Orizonti parallelus, inversus, quia Orizonti perpendicularis constituitur. Ad hunc situm requiruntur alia, ut Trochleæ, & Arborea, Polispastis instructæ.

Cuneus est Instrumentum pyramidale, quo immania saxa finduntur malleorum ictibus.

Polispastus est Trochlea Mangano inserta, cui funis circumvolvitur, quo pondus facili negotio movetur, Trochlearum autem varia potest fieri dispositio.

Ultima est cochlea, quæ cum aliquid difficultatis habeat in constructione, & usu, apud Ægyptios non adeo frequens erat. Est autem Cochlea, Pappo teste, *Cuneus expers percussionis, per vectem quoque motionem efficiens*. Cochlea dicitur a limacis domo, tortuosis ductibus a Natura instructa: dicitur etiam *helix* a natura lineæ, secundum quam construitur, quæ si commode adhiberi potest, omnibus machinis palmam eripit ob summam, quam in operando habet efficaciam. De his fufius Pappus lib. 8. ex mente Ægyptiorum.

Harum quinque facultatum experimenta diversa in Musæo exhibentur. Videtur primo Cochlea Archimedis dicta, eo quod ille hujus beneficio ingentem navim ab Nerone Siracusano Ptolemæo Regi Ægyptiorum destinatam in mare impulerit solo unius Pueruli labore, postquam ingens operariorum copia, admotis etiam Elephantorum viribus, ullo pacto movere non potuit; illa, licet minoris digiti crassitiem non excedat, si etiam ab infantulo circumagatur, plusquam ducentas libras funi appensas in altum elevare potest.

Secundò loco diversas trochlearum combinationes cernuntur, quibus pondera ingentia facili labore trahuntur, & universim, quo plures rotulæ in Trochleis debite disponuntur, eò minores vires infumuntur in ponderum attractione, eo quod singulæ earum non totum pondus, sed ejus partibus proportionem quadam distributis resistent. Ob hanc rationem ingeniose excogitata Romæ machina fuit a Præclaro Viro D. Josepho Campana, ut facili labore posset dimoveri ex humili loco, ubi ab Antiquis collocata fuerat Columna Antonino Pio erecta, ut ejus Apotheosim Populus Romanus celebraret, quæ usque ad hæc tempora sepulta jacuerat inter rudera Romanarum ruinarum prope Collem,

quem Citatorium appellant. Appendit ille viginti rotas Trabi, firmis, validisque fulcris sustentatæ, & Orizonti paralellæ, novendecim addidit alteri trabi ita dispositas, ut inversæ superiores respicerent, atque iis omnibus funem inferuit, qui sursum, & deorsum recurrens, tandem e duabus extremis hinc inde collocatis in superioris trabis rotularum serie capita offerret trahenti. His rite dispositis Pondus ingens inferiori trabi alligavit, quod facillime clavabatur, cum funis extremitates trahebantur, & minori etiam labore si beneficio vitis, quam perpetuam seu Archimedeam vocant, traherentur. Hanc machinã in addita Icone n.67. in Tab. seq. ut est in Musæo delineavimus, quæ quidem ingenium Authoris commendat; sed quia contra illam non nemo se opposuit, obiiciendo præsertim periculum, cui exponebatur pondus elevandum, nam illud rueret, si funis unicus, quo sustentatur in aliqua sui parte diffringeretur, quod non raro accidit etiam in crassioribus, quibus moles trahuntur, vel ob calorem conceptum ex vi attractiva, vel ex inepta partium compositione &c. idcirco hanc methodum agendi respuerunt Periti.

Hinc non pauci Mechanicæ Artis studiosi sua ingenia acuerunt, ut modum æque facilem ac tutum excogitarent, quo columna posset dimoveri e sua basi, elevari, ad superficiem terræ sub qua latebat, ac demum inclinari, ut Orizonti paralella jaceret, donec iterum alibi recta collocaretur. Nec opus est hic referre omnia, quæ ingeniose excogitata, & publicis paginis vulgata fuerunt, ut olim Sisto V. Summo Pontifici propositi fuere varii modi dimovendi, & deferendi ingentem illam saxi molem, quam hodie ante Basilicam Vaticanam Cruci consecratam admiramur.

Dum ego tunc temporis machinarum aliquarum ideas in Musæo collocarem, in quibus Mechanicæ præcepta in praxim redacta indicantur, conatus sum aliquam excogitare, qua quodlibet pondus sustineri tutò posset, ac sine periculo ruinæ faciliter pertractari: cum enim in multis actionibus hujus generis observaverim, non raro funes diffringi, quibus moles sustententur, & trahuntur; quandoque etiam vires trahentium inutiliter infumi, ac trabes, quibus trochleæ alligantur e suo loco dimoveri, & viribus ponderis cedere, propterea hæc omnia disponere studui ea ratione, quam paucis in subjecta figura explicabo: Vide num.68.

Sit moles v. g. columna A elevanda primùm a basi, cui insidet beneficio funium, Trochlearum, Ergatarum, & similium instrumentorum, quæ passim adhibentur. Ad hunc motum primò requiritur, ut Vires trahentis superent vim ponderis,

deris , quod resistit , secundò requiritur immobilitas loci ubi trahens sistit , & immobilitas instrumentorum , quibus trahitur moles . Cum autem elevanda est columna , debent funes , & Trochleæ alligari in loco eminentiori , quem versus trahitur ; idcirco trabibus columna longioribus perpendiculariter circum illa collocatis , & pluribus fulcris hinc inde positis , aliisque minoris trabibus inter se firmiter connexis , ut figura ostendit , & docuit Dominicus Fontana in sua Machina typis edita , quam adhibuit circa Obeliscum Vaticanum , alias trabes , & quidem solidas transversim illis superimposui , quibus Trochleæ alligandæ erant ad pondus elevandum , sed ne unquam cedere possent , sequenti methodo machinam perficiendam esse procerto habui .

Transversæ Trabi B quam trabibus verticaliter erectis superimposui , ut in Icone sub n. 69. apparet , alias duas minores trabes C D addidi tali dispositione , ut efficerent triangulum sequenti modo connexæ . Supra tragem B. hinc inde in æqualibus spatiis a medio fiat dens duplex , cujus alterum latus verticaliter cadat ut num. 1. 2. demonstrant , & in aliis duabus brevioribus trabibus C D alii duo dentes , qui primis dentibus cohereant . In opposita eorum extremitate alii dentes promineant , deinde interponatur trabis fragmentum verticaliter pendens , in quo hinc inde sint duo receptacula , in quibus superiores dentes inserantur , ut demonstrant numeri 3. & 4. Trabes sic connexæ longioribus clavis firmentur , cingantur etiam virga ferrea optime singulis partibus coherente , & habebitur triangulum , cujus superioribus lateribus , si trochleæ alligentur , quibuscumque viribus illud resistet , & quò magis vis attractiva conabitur , eò magis illud resistet , cum impossibile sit quòd trabes C D e suo loco dimoveantur ; dentibus enim coheret trabi B neque partes hujus possint diffringi , ut consideranti patebit .

Posita igitur potentia resistente conatui ponderis , quod trahitur , stabilienda est methodus , qua vis attractiva possit non minus facilè , quàm tutò molem elevare . Solent communiter Artifices molibus elevandis , vel attrahendis applicare funes trochleis insertas , atque hos per vectes seu ergatas attrahere , sed quandoque plures vires infumuntur , quàm opus sit , & aliquando minores iis , quæ necessariò requiruntur , ea de causa præsertim , quia hæc instrumenta non bene composita sint , vel inepte disposita . Hinc ex. gr. cum plures trochleæ adhibentur , si aliqua ex illis sit major cæteris , vel minor , aut pluribus vel paucioribus rotis composita , dum funes trahuntur , non omnes eodem tempore æqualiter trahunt , ac propterea unus magis trahit ,

alius minus , hinc vires trahentium inæquales , hinc funium fractiones , hinc labores inutiles . Idem prorsus dicendum est de Ergatis , in quibus , cum plures adhibentur , si cylindri , circa quos funis involvitur , sint diametro inæquales , dum major unum circulum perficit , majorem portionem funis trahet , atque adeo velocius trahet , quàm qui circulo minori perficitur , ut consideranti patebit .

Ut ergo huic damno consulerem , Ergatas , Trochleas , & funiculos aptos omnino æquales construxi , ut columnam plumbeam centum librarum e sua basi dimoverem , ita ut æquales vires eodem tempore infumerentur in singulis , nec una plusquam alia contra pondus inæquale suo conatu ageret . Tali siquidem pacto deprehendi , harmonica quadam simetria operationem adeo bene perfici , ut si ad sustinendum pondus numerus funium applicetur , qui necessarius est , impossibile sit , quòd aliquis eorum diffringatur , ac impedimentum eveniat , quod continuati laboris operationem retardet , atque adeo hoc instrumentorum apparatu quælibet columna , seu obeliscus cujuscumque ponderis ac molis , possit non minus facilè quàm tuto pertractari .

Attamen quia cum dimotam molem verticaliter sustentatam a funibus , alligatis diversis ejus partibus , vellem inclinare , ut humo deponerem , animadverti aliquos ex iis necessariò magis laxandos esse , quàm alios , motumque omnium ita temperandum , ut singuli descensum molis simul permitterent , & ejus pondus sustentarent , in qua re non modicum studium infumendum est , ne majori conatu aliquis funis agat quàm cæteri , nec regula certa potest perscribi , qua in hoc inæquali motu funium singuli æquali conatu ponderi descendenti resistent . Quæ omnia in adjectu figura numer. 70. demonstro .

Sit Columna A inclinanda , & deponenda supra pavementum B C laxando funes I O illi alligatos , dum Columna descendit , ejusque vertex magis approximatur ad pavementum , funes inæqualia spatia debent perficere , ut patet , nam spatium D M inter pavementum , & columnam longius est , quàm spatium seu altitudo E N , ideoque ut perficiatur spatium D M , requiritur funis longior , quàm qui requiratur in altitudine minori E N , ergo si eodem tempore ambo funes debent laxari , ut columna descendat , funis M citius debet moveri , quàm funis O N , & si nimis citò , & indebita permissione laxetur , tum funis E N majori conatu operabitur , & majus pondus sustinebit , quàm valeat sustinere , cum periculo fractionis , & molis totius ruina .

Hæc varietas motus non requireretur , si funes

omnes unico in loco molis alligarentur, puta in ejus vertice V; non tamen ruinæ consultum esset, cum nimia columnæ, seu obelisci longitudo debeat sustentari in variis partibus, ne partes ejus libero ponderi cedentes dissolvantur. Ut igitur hasce difficultates, & discrimina superare, mentem exercui in excogitanda ratione, qua columnam, quamvis longissimam, possem demittere beneficio plurium trochlearum, quarum singulæ, licet diversis columnæ partibus alligatæ idem spatium perficerent, dum columna paulatim descenderet motu nunquam interrupto, donec perfectè pavimento horizontaliter cohereret, & quiesceret. Postquam plures vias ad hoc assequendum tentaverim, demum pro comperto habui per hanc, quam subiiciam, posse tutò procedi.

Sit columna exposita in figura numer. 71. A B ad solum inclinanda. Debet hæc primum armari, & circumvestiri trabibus, & asseribus bene inter se colligatis, & fasciis ferreis constructis, ut evitetur periculum fractionis, deinde illi supponantur transversæ duæ trabes, quarum longitudo sit major diametro columnæ, & harum extremitatibus C D hinc inde alligetur solidus, & crassus funis, qui cum alio in oppositis extremitatibus alligato sufficiat ponderi molis sustinendo. Hic funis debet inferi in rotam I quæ rota sustineatur a triangulo F I G ferreo, vel ex lignis bene inter se colligatis composito. In extremitatibus hujus trianguli F G alligentur trochleæ, totidemque aliæ omnino similes ponantur in summitate machinæ lignæ, de qua supra diximus, & per eas immittantur funes P Q qui laxandi paulatim erunt, & pondus descendet.

Omnibus ita dispositis dum funes P Q laxantur motu æquali per trochleas, æquales funium portiones percurrent, & columna inclinata descendet, currente interim fune C D per rotam I, & angulus efficietur in hoc fune varius; cum enim incipiet motus, angulus erit acutissimus, in progressu motus paulatim dilatabitur, & ad rectum perveniet, qui iterum in acutum abibit, donec columna quiescat in solo, & funes superiorum trochlearum lineas perpendiculares semper retinebunt, & æqualem conatum contra ponderis violentiam effundent. Hac eadem methodo perfici posse elevationem ejusdem ponderis machina in Musæo posita demonstrat, non sine intuitum jucunditate. Illi octo trahentes funiculos applicui, sexdecim trochleis insertos, quarum singulæ tres rotas includunt. Quod si majori ponderi elevando, vel deponendo impares illas esse aliquis judicet, addi poterunt aliæ, atque omnia, quæ in Idea machinæ disposita sunt, debita proportione augeri, & multiplicari,

quæ idonea esse peritus artifex judicabit; non enim numerus, & mensuræ instrumentorum in idea perscribuntur, sed via aperitur ad evitandas difficultates, quæ passim sese obiciunt in motu verticali machinarum, ex mala instrumentorum moventium fabrica, & inepta eorumdem dispositione.

Unum remanet notatu dignum, quod cum columna, vel obeliscus solo demittendus est, vel a solo elevandus, non debent infumi vires omnes, quæ ad superandum conatum ejus ponderis requirerentur, si omnino e terra elevandus esset, sed ita effundi, ut aliquam partem ponderis terra ipsa sustentet. Qua arte usus fuit Dominicus Fontana, aliique magni nominis periti, cum Obeliscum Vaticanum primò in terram demisit, deinde in loco, ubi nunc est verticaliter collocavit. Experientia me docuit in columna marmorea centum librarum, cum eam stateræ suspenderem, fune post tertiam partem ejus alligato, & ultima ejusdem parte humo adhærente, animadverti pondus illius vix septuaginta libras excedere, ideoque conatum minorem requiri ad illam elevandam, quàm si nullo pacto pavimento adhæreret. Atque hæc dixisse sufficiat de machinis ad eam partem Mechanicæ spectantibus, in quia non est principium motus ab arte appositum, sed a movente extrinseco opera ejus perficiuntur, quando potentia movens applicatur. Omissis etiam machinis, in quibus torno perficiuntur plurimæ, quæ vel circularem figuram induunt, vel ovalem, vel pluribus angulis, seu lateribus distinctam de quibus eruditum librum edidit Lugduni Idiomate Latino, & Gallico anno 1701. P. Carolus Plumier Patrum Minimorum Alumnus.

#### MACHINÆ HYDRAULICÆ.

**A**D Classem Machinarum, quas hydraulica facultas perficit si transeamus, plures ex iis non minus oculos oblectant quàm intellectum erudiant. At ne omnes, quæ describi possent, singillatim exponamus, aliquas seligo ex quibus causæ motus in aqua deprehendi possunt. Ad quatuor, vel quinque Classes reducuntur omnes, ita ut aliquæ violentia dispulsiva perficiantur, quædam attractiva, nonnullæ rarefactiva, aliæ condensativa, ceteræ compressi aeris vi, cum nulla Machina hydraulica assignari possit, quæ aliqua ex his facultatibus seu principiis non instituat.

A machina, quæ vi dispulsiva operationes suas perficit inchoabimus. Fiat igitur primò ex ære, cupro, aliave materia resistente igni Vas A, ut indicat

cat n.72. cui indatur Syphon A B ita ei ferruminatus, ut vas aeri fit impervium. Item præparetur aliud vas E D M claufum & aeri impervium, per cujus fundum in D porrigatur Syphon A B dein. de ex loco E dicti vasis alius infra apertus Syphon per superiorem partem vasis, ubi in E vasi fit bene conglutinatus, in aliud protendatur. Quo peracto vas per foramen M liquore repletum ante claudatur. Vase itaque hac arte constructo, si machinam vi ignis in magnam altitudinem aquam propellere desideras, igni superponas vas liquore repleto, & aer vasis A ex nimia raritate compressus, cum nullum effugiendi locum nisi per Syphonem A B reperiat, per eum violenter diffusus in vas E D M se exonerare tentabit; Verùm occupante alio liquore vas E D M, in intolerabiles angustias redactus, aliisque identidem rarefactis partibus, subtilior gravem inquit cum aqua luctam, ita ut necesse sit ut vas rumpatur, aut aqua cedat, sed quia hoc est facilius, aqua cedit, & per Syphonem E magno impetu in altum profusa jucundum præbebit spectaculum.

Hac eadem arte constructa est machina instar clepsidre, quæ horam integram saliendo metiatur, hoc pacto, vide fig. 73. Sint duo vasa A B C D, quæ ex quavis materia possunt fieri, quæ diaphragmate sint divisa. Superius habeat fundum aliquantulum cavum, ut proflientem aquam valeat recipere. Hoc peracto canalem E F in superiore parte vasis bene conglutinatum os habeat, & per diaphragma usque ad fundum protendatur, deinde canalem alium I, a diaphragmate usque ad superiorem partem vasis duces, tertium denique ex O per operculum in fundum ferruminatum ponas. Ita vase disposito, imple aqua vas C D per canalem F E, & tunc aer ibi detentus abibit in vas A B, deinde invertete vas, & aqua occupans vas C D abibit per canalem I in vas A B. Repleto vase A B iterum illud invertete, & aliquantulum aquæ infundas in receptaculum cavum vasis A B. Hæc aqua statim descendet per canalem F E in vas C D, & impellet aerem, qui exire conabitur per canalem I, cum non possit dari penetratio duorum corporum, & exeundo, ab aqua cadente propulsus impellet aquam inclusam in vase A B, quæ statim ascendet per canalem O, efficietque in summitate fontem perennem amoenissimum.

MACHINA VI ATTRACTIVA  
AQUAM SPARGENS.

Hæc sane inter cæteras non infimum locum tenet. Tali pacto illa perficitur. Fiant tria vasa I K B prout in fig. 74. vas primum I recipiendæ aquæ destinatur, & alterum K fiat ex quavis materia, vas vero B vitreum sit, fundo C A excepto, qui ex ære aut cupro esse debet. Ex hoc fundo canalem D O P per fundum vasis K usque in vas I deduces, ubi epistomium sit instructus. Sit autem canalis D P in fundo vasis B bene ferruminatus, ne vas aerem recipiat. Hoc pacto alium Syphonem a fundo vasis B deduces ad vas K ita insertum, ut fundum vasis K non tangat, sed utrique vasi sit bene ferruminatus. Deinde vitrum B fundo C A pice, aliave mistura ita agglutinabis, ut aer nulla ratione intrare possit, vas autem vitreum B in apice foramen parvum habeat aquæ infundendæ destinatum, in eo etiam vase relicto canaliculo ad duos, vel tres digitos prominente. Reple deinde vas vitreum aqua usque ad os dicti canaliculi, & foramen cera bene obturabis, ut aer ingredi non possit, deinde aperto epistomio M, vas K repleatur, & repleto, aperiatur epistomium P inferius, & aqua vasis B per canalem D P dilabi non poterit, nisi aliud sibi corpus substituerit. Aditu igitur omnibus aliis corporibus intercluso, præter aquam in vase K positam; ne vacuus locus remaneat, summo impetu per canaliculum K in fontem abibit, & tandiu hic fons durabit, quandiu aqua in vase K superfuerit.

FONS QUI TANTUM AQUÆ  
REFUNDIT CRATERI  
QUANTUM  
EBIBITUR.

Fiat ex materia solida duo vasa seu receptacula R S columnulis suis interstincta, quorum superius R habeat in medio diaphragma, quo in duas partes dividatur vas, & horum quodque habeat in operculo foramen, & obturamentum N O ut possit impleri aqua, ut sub n.75. Fiat deinde Sypho G F cum epistomio versatili, & alius Syphunculus A I, qui transeat per crura, & rostrum ex. gr. alicujus volucris alteriusve animalis; tandem fiat tertius Sypho C D cujus pars C pertingat fere usque ad operculum, ubi B, & alius Syphunculus B A cujus pars B pertingat fere usque ad fundum, ubi C, habeatque in B epistomium. Vas inferius S habeat similiter epistomium L ad emittendam aquam. His præparatis, claude epistomium L F & B, & imple vas R in utraque parte per foramina O N,

eaque diligenter obtura. Deinde pone craterem M aqua plenum, cui immerfum sit rostrum avis I; vas verò S maneat vacuum; Si jam exhibere vis spectaculum avis bibentis, laxa epistomium F, & aqua vasis R descendet per Syphonem G F in vas vacuum S; in ejus verò locum ad vitandum vacuum in vasa R subsequetur aqua crateris M, laxa epistomium B, & aqua descendens per Syphonem G F, & premens aerem ibidem contentum expellet ipsum per Syphonem D C in vas R, qui aer comprimens aquam ibidem contentam urgebit ipsam per Syphonem B A in craterem M.

MOTUM EX CONDENSATIONE  
AERIS EXHIBERE.

**M**Achinam expono, sub n. 76. ex qua aqua magno impetu explosa ascendit ad altitudinē plusquam decem palmorum, & tandiu durat, quamdiu condensatio aeris in vase inclusi paulatim minuitur. Sit vas A B cui aptetur tubus C, qui ad fundum vasis fere pertingat, exeatque e vase aliqua sui portione in qua apponatur clavicula I. In latere ejusdem vasis sit tubus D cum instrumento, quo aer in follibus lusoriis solet condensari, & in parte interna sit assarium, quod aeris immissi exitum impediatur. In vas sic paratum infundatur aqua per idem foramen, vel per aliud, quod infusa aqua possit bene claudi. Deinde condensetur aer per plurimos ductus instrumenti appositi, donec vires possint resistenciam superare. Condensato aere, si aperiatur clavicula, illico aqua in altum ascendet ob impetum impressum ab aere condensato, qui e statu sibi violento ad pristinum connaturalem redire, & capaciorem locum obtinere conabitur.

Facilius idem obtinebitur hoc pacto. Sit Vas A B, prout indicatur a num. 77. cui sit insertus Canalicus C D, ita coaptatus in C, ut aer vasi inclusus non possit abire, sed fundum vasis non tangat: Aptetur huic canaliculo clavicula E, quæ aperiri, & claudi pro libito possit. His peractis, sume instrumentum, cujus beneficio aer condensatur in pilis lusoriis, & attrahendo manubrium dum aquæ immerfum est, aqua impleatur; Hinc aptetur ori canaliculi suprascripti, & clavicula aperta, magno impetu impellendo manubrium, exoneretur aqua in vas subjectum, & statim clavicula claudatur. Pluries hoc age, donec vim experiaris conatui resistentem, Cum igitur vas repletum sit aqua, & simul aere condensato, si clavicula aperiatur, aditus relinquetur aeri, ut ad pristinum statum redeat, quem obtinebit, impellendo aquam in vase inclusam, atque hæc per Siphonem D C, magno impetu exiliet, ita ut fontem amoenissimum efficiat. Po-

terit huic Machinæ Avis ex. gr. aptari vel aliud simile, quod aliud canaliculus sustentet, in cuius extremitate, sint parva aliqua foramina; hanc Avem forte aliquis sibi suadebit posse cantum emittere; At si clavicula E clausa sit, & aperiatur clavicula I, aqua ab aere impulsiva per dictum canaliculum statim ascendet, & exiliendo per foramina abluet intuentes.

Idem motus ex aeris rarefactione, & condensatione ita obtinebitur, ut sub n. 78. Vas sit vitreū C A B fundum habens cupreum, tali coagmentatum arte ipsi vasi, ut vas sit omnino aeri impervium. Quaternis id sustentatur columellis, quibus subiicitur vas alterum cupreum, & clausum undique. Ex fundo C E D per unam columnam deducitur ad fundum usque vasis I K Sypho N O instructus superius assario quod *animella* vocant Itali, quod versus anteriorem vasis partem elevari ac deprimi possit. Eidem fundo C E D inditus est apud P N E alius Syphunculus ejus formæ, quam figura L repræsentat instructus assario, quod versus anteriorem vasis partem aperiri potest, & claudi. Tandem in medio machinæ sit receptaculum H cum prominente inferius canali, quo vasi I K inditur.

Uusus hujus machinæ hic est. Exempto canaliculo E, qui per cochleam aptari debet, ut possit auferri, impleatur vas E D ad medietatem usque, & reponitur Syphunculus, & clavicula convoluta ita obturatur os E, ut aeri sit impervium. Interdiu cum incalescit circumstantis aer, rarefit aer, qui inclusus est in vase C A B majoremque quærens locum præmet aquam, & aqua præssa trudit versus exteriores partes assarium Syphunculi E, & exitum nacta stillat in receptaculum H, & per ejus canalem defluit in receptaculum I K. Cum verò frigescit aer circumstantis, aer vasis C A B constringitur, & minorem occupans locum advocat aliud corpus unde suctu ejus aperitur assarium Syphonis N, & per ipsum Syphonem attrahitur aqua, in receptaculo S K collocata; quod accidit ex aere circumstante incalescente, aut frigescente. Contingit etiam si admota vasi C A B manu calida incalescit interior aer, & remota refrigeratur.

Classē hydraulicarum machinarum claudit vas, quod aqua repletum illam continet, sed si paucas guttas eidem addas ad vacuum vitandum tota aqua effluit per canalem apertum infundo vasis. Illud, & similia quæ ingeniosus Artifex poterit excogitare descripsit Hero in suis *Spiritibus Theor.* 1 2. ut sub n. 79. Fiat vas A B, in medio ejus aptetur Sypho retortus L K I. Infundatur postea aqua, quæ non superet lineam horizontalem, ad quam pertingit curvitas Syphonis K,

nis K , & aqua continebitur . Si verò aliam addas , ita ut superet curvitatẽ Syphonis , aqua fimul afcendit per os Syphonis I ufque ad K ; cum verò superaverit altitudinem K descendet per partem Syphonis L , & cum non poffit dari aliud corpus , quod impleat Syphonem , nec poffit dari vacuum , fuccedet femper aqua , quæ eft in vafe , attracta ab aqua exeunte , donec vas totum evacuetur . Vas fimile poffet conftitui , videlicet catinum , in quo Sypho circumeat per illud ita ut nullo pacto detegi poffit . Cum autem velis manus lavare , illas in aquam immergendo , aqua preffa elevabitur ad curvaturam Syphonis , & paulatim tota abibit in aliquod receptaculum fub catino ita præparatum , ut illud videri non poffit . Sed de his fatis .

*MACHINÆ IN QUIBUS MOTUS PERPETUUS ADUMBRATUR .*

**T**Ormentum ingeniorum hætenus fuit motus artificialis perennis , hoc eft Machina ab arte perfecta , motum exhibens nunquam interruptum , cujus author non Natura , fed Ars , cujus principium movens non extrinsecum , fed intrinsecum , & ipfi machinæ ab arte conjunctum , non mere naturale , ut aqua fluens , spirans ventus , ignis , aut calor rarefaciens , fed vel mere artificiale , vel a fola arte applicatum , feu in circulum torquens machinam , feu furfum deorfumque alternatim impellens , aut propellens . Ejufmodi machinam poft sæculorum labores alii inter impoffibilia reputarunt , alii feliciffime eam excogitaffe reputarunt . P. Cafpar Scottus S. J. in Technica curiofa five de mirabilibus Artis lib. 10. machinamenta aliqua exhibet , quæ motum artificialem perennem ingeniofe æmulantur . Illum confulant curiofi . P. Kircherus primus noftri Mufæi Inftitutor , etfi fibi certò fuaverit Mathematicorum ingenia operam oleumque perdere vana fpe delufa intali motu excogitando , ac proinde demonftrare ftuduerit in descriptione Mufæi cap. 5. impoffibile effe talem motum ; aliqua tamen experimenta in eo exhibuit , e quibus , & authoris ingenium , & contumax Naturæ genius apparet , qui nulla machina , nullo conatu ad perpetuandum motum flecti poteft ; Primam machinam Hydroftaticam fic defcribit ut fub num. 80.

Elto vas R S aqua plenum in eoque erecta rota P Q hauftis fuis inftituta , & circa axem O volubilis : erigantur e fundo vafis , aut in lateribus binæ trabes T V , X Y fupra trabem T V ftatuatur aliud vas D C difcriminatum tubulo , & Epiftomio B , tribufque aut pluribus canalibus prope C inftitutum , e quibus aqua fupra haufta attolli poffit . Trabi verò X Y innectatur

trabecula , feu hafta tranfverfa M X tali artificio ut X circa axiculum velut circa polum elevari poffit ac deprimi , ad hæc præparetur Antlia , quæ *Tromba* vulgò dicitur , in cujus vafe inferiori S fiat mortariolum habens in fuo fundo platifmatium ( id eft *Animella* ) H , quod aperiri , & claudi verfus inferiorem modioli partem poffit , fundus tamen modioli hujus non debet contingere fundū vafis S . Fiat deinde piftillum L , K extremitate fua L annexum tranfverfæ haftæ M X ita tamen , ut circa claviculam L revolvi fine violentia poffit , piftillum verò K exacte impleat capacitatem modioli , & oleo perungatur , ut facile furfum deorfum infra ipfum modiolum moveri poffit . Ex fundo modioli G derivet canalis I E A ea forma , quam figura monftrat , habens apud I plarifmatium quòd verfus interiorem partem aperitur tandem incurvetur axis O N ut vides , & extremitati inſcratur hafta N M , quæ circa axiculum in M volvi poffit facillime . His peractis in vas A infundatur aqua , & aperto Epiftomio B in fubjectam rotam defluat , impleta enim fenfim haufta rotam non difficulter circumagunt , hæc verò fub finem haftam fibi circa axem appositam furfum deorfum attollendo , aut deprimendo aquam in fubjecto vafe exhauriet beneficio piftylli , & per canalem in vas fuperius impellet . Sed magnus Apollo erit , qui tantundem aquæ quantum descendit , ascendere efficiet ; minus enim ascendit , quàm descendat , idcirco poft aliquot revolutiones aqua fuperior deficiet , & fimul cum ea motus . Kircherus tamen huic machinæ lemma appofuit . *Nemo melius iſthac.*

Secundò loco occurrit cochlea Archimedeæ , in qua loco elementi fluidi fubftituti funt tot ærei globuli quot circumvolutionis spiræ in tota cochleæ altitudine funt . In hac unus globulus per extrinſeca circum cochleam convolutam femitam vagus labitur , donec præcipiti fluxu in tenaculum impingendo cochleam exoneret , ac per integram circumvolutionem convolvat , qua peracta iterum novus globus excurrit . prior verò in spiram infimam cochleæ fe recipit , unde per novas circumvolutiones descendendo afcendit , atque fe continua alteratione novi globuli excurrando jucundum vifu præbent fpectaculum , omnia ex adjecta figura numer. 81. clarius patebunt , fed quia requiritur movens puta pondus , quod motum urgere poffit , cum tenaculum laxatur ob impetum globi , illud demum deficiet , & motus non erit perpetuus .

Motus igitur artificialis perpetuus excogitari a nullo huc ufque potuit . Datur verò in machina elementari , in qua continua inter fe pugna decertant Elementa . Talem motum præfertim in elemento aeris dignofcendi modum

Ars excogitavit pluribus instrumentis, quorum tria sunt genera. Primum continet Barometra, secundum Termometra, tertium Hygrometra. Barometrum est instrumentum vitreum, quod a Torricello excogitatum Torricellianum dicitur. In eo Mercurius ascendendo, & descendendo Aeris mutationes, & alterationes ostendit. Termometrum est vas vitreum continens aquam, & aerem, & horum elementorum motus ostendit. Hygrometrum a P. Magnano inventum, & quidem multiplex aeris motum indicat. Fit enim chorda instrumenti musici, pergameno, fune, palea avenacea, & similibus, quæ omnia per vapores intraporos insinuatatos varie tumefacta contorquentur, variosque motus efficiendo, aeris motiones ostendunt. Horum omnium instrumentorum copiosam seriem studiosi observant in Musæo ad excolenda ingenia præcipue instructum. Inter cætera Hygrometrum est, quod mentem æque ac oculos oblectat. Repræsentat enim Christum Redemptorem in Prætorio Pilati spinis redimitum ab efferatis militibus, quorum altero arundinem illi offerente, altero fustem supra caput elevante. Eorum brachia tali arte sunt constituta, ut humiditate, vel siccitate aeris minus, & magis possint elevari, & aeris mutationes indicare. E fornice lampas, dependet, quæ ascendendo, & descendendo eadem alterationes ostendit, sicuti & Index versatilis earum incrementa, in gradibus circulo inscriptis, discriminat. Omnes hujusmodi motus papyraceis bracteolis ingeniose dispositis efficiuntur. Cætera tum Barometra, ac Termometra a pluribus describuntur, inter quos Vide Prodrum Artis Magnæ a P. Francisco Lana Brixia impressum an. 1670. & Tractatum Philosophicum P. Laurentii Gobart Amstelodami 1702. &c.

INSTRUMENTA MUSICA,  
ET AUTHOMATA  
DIVERSA.

**A**uthomata Instrumenta illa sunt, quæ ita ab Arte sunt composita, ut videantur sponte moveri. Aliqua hujus generis in hoc Musæo asservabantur, quæ per neglectum oblita vel voraci temporis injuria perierunt. Restituta sunt tamen, & plura sunt addita cæteris non inferiora. Primum organum est, quod regulis musurgiæ animatum Advenas festivo excipit plausu, refertum diversarum volucrum, quæ suas voces modulatur, inter quas maxime jucunde excipitur interrupta vox Avis Cuculi, adeo egregie expressa, ut Avis ipsa videatur illam emittere. Dum autem sonorum

clangorem Aviculæ cærtatim modulatur, in caverna toti machinæ impositæ cernuntur cum Vulcano Cyclopes, qui malleis ferrum supra incudem subjectam tundunt, respondente armonico sonitu singulorum ictibus, ex quibus fama est Pittagoram regulas musicæ deduxisse. Artem eos disponendi Kircherus docuit Tom.2. Musurgiæ l.9. Mach.9. Cum autem Cycloporum labor & Avium concentus cessat, plures efformantur syphonix ex cylindri automati circumvolutionibus, quas D. Philippus Testa Romanus perita manu disposuit, dentes ferreos debitis locis inferendo, quorum ope brachiola palmas movent, ut ventus follium aptas fistularum voces efformet. Cylindrus autem, quem Phonotacticum Kircherus appellavit, suas circumvolutiones perficit, dum, pondere admoto, rotæ aliæ ipsi adnexæ circumaguntur. Sicque machina perficitur nobilissima.

Secundum Organum est Pneumaticum pariter, ex quo dum manus cylindrum circumagit, in parva capsula inclusum, viginti quatuor fistulæ ventum excipientes e folle duodecim diversas symphonias efformant.

Experimentum his additur insigne, quod in maximam admirationem audientes rapit. Pendet ex chorda chelis, quam *Violone* Itali dicunt, lamina ænea palmis tribus longa; Si hujus chordæ extremitates digitis circumvolutas aliquis inserat suis auribus, & lamina percutiatur, instrumento alio sonoro v. g. ferro, tunc percipitur sonus, ingentium campanarum sonitum longe excedens, cujus quidem rei aliam causam non esse affirmat Kircherus in Musurgiæ lib. 9. cap. 4. nisi tremorem illum metalli tinnuli, qui chordæ tinnitum dum communicat, communicatum sibi chorda deducit ad auditum, ubi clausus intrinsecus per musculos suos vehementer concutitur, ita & vehementissime quoque sonum exhibet.

Non minori oblectatione oculos, & auditum allicit machinula alia supra mensam collocata: Simiam illa refert militari Timpanistriæ habitu indutam. Hæc cum denticulus ferreus lateri aptatus leviter tangitur, illico in iram exardescere videtur, totisque viribus tympanum apte dispositis ictibus pulsatur, quibus milites ad pugnam solent excitari. Caput interim circumagitur, oculos quaqua versum movet, & rictus aperiendo dentes ad morsus paratos ostendit, sed loco incutiendi timorem cachinnos excipit spectatorum.

Ex ludicro hoc spectaculo ad Armarium proceditur, in quo lusus globulorum est ob occultum motus principium. Si enim ponantur duo ænei globuli in duobus excavatis ligneis canalibus, qui ex opposito vertice duarum Turricularum



larum ad pedes earundem inclinantur, suo pondere statim descendunt, & dum ostiola ingrediuntur, illico alii duo ex ostioliis, quæ in summitatibus patent proferuntur, & vicissim, cum hi cursum per canales perfecerint, primi duo rursus in scenam prodeunt, atque cursus reciprocus renovatur, & perseverat, donec duo ex illis manu admota auferantur, qui certe motus in sui admirationem rapit, illumque motum perpetuum esse diceres nisi pondus movens machinæ alligatum, dum beneficio funis rotam trahit, giros ita explet, ut funis tandem deficiat, ac iterum oporteat ad pristinum statum revocari, ut iterum trahendo moveat.

At si motum perpetuum hæc machina non ostendit; Tertullianus tamen asseruit, illum quodammodo inesse in mente foeminarum, quarum studium in varia Capillorum dispositione nunquam cessat, quamobrem *Crinibus harum* (inquit ille) *quiescere non licet*. Tanti Viri effectum comprobat, & simul Armarium exornat ingens numerus imaginum illustrium foeminarum ex antiquis monumentis præcipue numismatis excerptarum, in quarum singulis Capillitii cultus varius est, & irrequietam earum mentem in hoc studio demonstrat.

Dum eas circumspicit spectator, patet repente porta, & post illam specus horrenda in qua informe monstrum catena devinctum, quod dum serpentem collo advolutum remove conatur, terribilem reboatum tunc edit, cum Draco alius rictum illi admovet, ut mordeat: Objectum sane pueris meticulosis terribile, Viris verò ludicrum, sed Philosopho Mechanico non indignum ob artificium, quo motus, & voces perficiuntur. Huic aliud simile jungitur dum interim fenestella subjecta sponte aperitur, ex qua Draconis caput exeritur, raucum sibilum emittens, at risus statim in spectatoribus excitatur, dum vanam metus causam agnoscunt.

Ab hoc non longe distat loculamentum, ex quo deforme Sagæ caput spectatoribus illudit exerta ex ore lingua, ignitis prominentibus oculis, & voce terribili emissa, qua metu percussus ligneus catellus suis latratibus respondet adeo apte emissis, ut non rarò veri canes ab eo excitati veros latratus eisdem conjunxerint.

Machinæ fere innumeræ possent ad Classem hanc reduci, in quibus principium motus intrinsicum appareret, si beneficio lapidis magnetici construerentur. Cum enim miro amoris æstu ad ferri præsentiam magnes rapiatur, sive sursum, sive deorsum moveatur, multos efficit motus, donec desideratum amplexum, tanquam unicum bonum suum, assequatur, & sicuti absque apparenti catenæ innodatione amoris illecebra visibiliter rapta humana pectora stringit, ita

lapis hic amore suo concupiti ferri fibras ita invisibili affectu penetrat, ut non nisi vi a se invicem avelli, & segregari possit. Hujus itaque lapidis admirandam naturam Kircherus in *Arte Magnetica* scite descripsit, atque in Musæo Machinis curiose tradidit, quarum aliquas retulimus in Classe Sexta pag. 203. Hic tantum alias indicare sufficiat, quæ construi possunt, & primò.

Machina, quæ novam praxim inveniendi lineam meridianam ostendat; si nempe fragmentum boni Magnetis crystallinæ Cymbæ levissimæ, aut cymbulæ subereæ inserueris, ac juxta Magnetis polos indicem statueris prominentem, atque hoc pacto in aqua vasculum libere innatare permiseris; lapidis enim fragmentum unicum indice sese ad Mundi plagas firmiter locabit lineam meridianam ostensura.

Hac eadem Machina efficiet, ut spectatoribus intra circumferentiam descripta nomina aut diversarum specierum, aut individuorum corpora proposita, aut mente concepta Geniolus non sine suspitione Magiæ dicto citius indicet, & quod propositum erat vaticinetur. Vide Kircherum in *Arte Magnetica*.

Tertio capsulam efficere poteris, in qua speculum planum horizontaliter positum contineatur. Supra illud ludicra spectacula exhiberi possunt navium, & curruum sine remis, sine equorum beneficio, felix quidem inventum, si ut in oculorum solatia, ita in hominum commoda transire possit.

Altera basis efficietur Venationis scenam representantem, in qua equites venantur Cervum equis insidentes, qui dum moventur speculi exagoni circumambientis ope innumerus equitum venantium chorus apparebit.

His adde vas vitreum rotundum cubitale, crassitudinis uncie cum dimidia, os habeat in summitate pollicis capax sic aqua repletur, ut eadem comprimentis pollicis sentiat actionem, immittuntur scurriles figuræ quatuor encausticæ, quæ ascendent descendenteque ad invicem, prout pollex magis, vel minus comprimet aquam, sed de his satis.

MACHINÆ CATOPTRICÆ,  
ET DIOPTRICÆ.

EX Authomatis Machinis, quæ auditum, & visum oblectant ad alias procedimus, quibus oculi solummodo delectantur. Ad tria genera illæ reducuntur, vel enim pertinent ad opticam artem, quæ tunc exercetur, cum visio fit directa, vel spectant ad Catoptricam cum visio fit per reflexionem. Tertio reducuntur ad Dioptricam, quando visio fit per refractionem, beneficio corporum Diaphanorum. Sub optica facultate cadunt universa, quæ hoc opere continentur una cum nonnullis

nullis fallaciis, quæ directo radio in objectum tendunt ac elegantiam figurarum species tibi repræsentantur ex certo puncto; cum tamen in omni alio loco non nisi confusa quædam colorum congeries appareat, sic ea ratione eadem tabula tres aut plures differentes figuras posset repræsentare ex differenti stationis loco, de quibus fuse disseruit Kircherus in *Arte Lucis*, & *Umbrae*, noster P. Battinus in *Apiariis*, P. Gruber in *nervo optico*, P. Magnanus & alii. Gradum facimus ad *Catoptricam*.

Et primò quadrans visitur *Catoptricus* instar libri duobus speculis planis mobilibus circa eundem axem verticalem. Si ponatur objectum aliquod, puta icunculam, vel aliud simile, quò magis acuitur angulus eò magis objecta multiplicat.

Secundum *Theatrum Catoptricum* exhibetur, hoc est *Instrumentum*, in quo diceres dari actu infinitum, nisi esset ex sola apparentia. Cista illud est sub forma theatri, quæ ex interiori parte undequaque planis speculis circumvestita; in partibus quidem lateralibus recte collocatis, in parte autem posteriori non ad angulum rectum conjuncta sunt, sed ad acutum, unde in cavum quatuor laterum se arcuat. Planum verò horizontale quadrilaterum est, quod in centro supra axem mobilem convolvitur, & ita quadripartitam obicit faciem; Prima exhibet dulciaria, & cupedia, visui tamen grata non palato, nam ex cera efformata illa sunt, sicuti ex cera sunt fructus, & poma diversi generis, quæ octentat secunda, in tertia *Margaritæ*, & *Gemmarum* species variæ rutilant. In quarta demum *Viridarium* apparet, in quo fontes multiplices inesse diceres, & florum areolas pene infinitas; non enim videntur termini, quibus ejus longitudo absolvatur; nam specula mutata reflexione alia aliis species communicant, & multiplicat, ut easdem numerare impossibile sit. Huic pene immenso *Viridario* aqua non deest, nam si attenda manus claviculam vertat, statim ex pluribus rimulis limphæ in spectatores exiliunt, & illos ad ulteriora invisenda impellunt.

Hinc ad aliam machinam proceditur, in formam *Aviarii* compactam, in qua si oculus ex uno foramine circumspiciat, quadringentas ultra mille *Aviculas* numerare poterit, quamvis viginti quatuor tantum illæ sint, beneficio speculorum, quæ in girum verticaliter disposita, octo angulos efficiunt. Nec oculi tantum oblectantur, dum eas saltitare, & circumagi intuetur, sed etiam aures ob concentum diversarum vocum, quæ arte pneumatica efformantur. His succedit sonitus per cornu emissus a simulacro *Tritonis ærei*, qui *Machinæ* in formam scopuli

elaboratæ superstat, quasi ad venatum alliciat inspectores.

Quarto loco occurrit *cistula*, in qua cubacula palatii magnifice exornata, ibi *Aulicorum* copia, superior pars picturatum laqueare habet, inferior varias pavimenti tessulas exprimit; ex parvo foramine omnia inspiciuntur multiplicata beneficio speculorum verticaliter positorum.

Quinto alia quasi eodem artificio disposita. *Cistula* est, in qua, si per foramen quis introspeciat, immensum maris spatium illi patet, in quo ingens navium classis undequaque discurret, si verò per aliud foramen observes plurimas militum acies dispositas in amplo campo numerabis.

Sexto supra mensam speculum in formam cylindri fabrefactum est collocatum, quo imagines in plano horizontali deformatæ, & debito situ illi expositæ, ita reflectuntur, ut nulla amplius deformitas appareat, sed optime delineatæ, aliæ etiam visuntur deformatæ, quæ in plano speculo ad angulum rectum collocato formosæ apparent. At e contra specula alia sunt, in quibus objecta licet formosissima sint, deformia inspiciuntur. Si verò ad speculum laqueari affixum oculi attollantur, *Phenomenon* exhibetur curiosum, nam in eo vultus *Alexandri VII. Sum. Pont.* apparet tanto artis arcano, ut sagacissimos indagatores subterfugiat, & quamvis objectas illius species in omni latere inquirant, nunquam tamen detegant.

Septimò speculum est, in quo se ipsum si quis intueatur, immediate mutato situ speculi, ex timpano rotatili diversorum angulorum, modò caput suum in asininum, modò in caprinum aliorumque animalium transmutatum admiratur, artificio a P. Kircherio in sua *Catoptrica* descripto.


Experimenta speculorum sphericorum etiam nonnulla sunt, primatum verò obtinet prægran. de speculum ustorum cavoconvexum ex metallo conflatum, cujus diameter ad tres palmos se extendit. Hujus speculi ope solares radii collecti & refracti objectum ligneum comburit. Hujus speculi ope objectam ad certam distantiam inversa posita recta ostendit, & in alia distantia, quæ recta sunt inversa apparent. Cætera diversa specula omitimus, ut brevitati consulamus. *Cistula* his adjungitur, quæ dicitur optica, in qua species objectorum per lentem immixtæ optime repræsentantur licet diminutæ, quo artificio plura delinearî possunt servata proportione, etiam a manu pictoriæ artis ignara.


Demum *Lucerna* est quæ magica communiter appellatur, in qua ope duarum lentium imagines coloribus expressæ auctæ repræsentantur in candido pariete obscuri cubiculi, dum lucerna in capsula inclusa, & in debita distantia col-

locata sua luce totas lentes irradiat . Quis nam fuerit hujus artificii inventor ostendit Kircherus in Arte Magna Lucis , & Umbræ fol. 178.


Hic refero vitreos globos , in quibus varia artefacta inclusa sunt mira industria , ut illam ignorantibus non parvam afferant admirationem . Inter cæteros numeratur unus , cujus diameter fere bipalmaris est . Tabulam ille continet fere ejusdem amplitudinis , supra quam speculancam Ars extruxit , ubi simulacrum D. Mariæ Magdalenaë humi cubans videtur . Talis globi apertura licet angusta clauditur rotundo ligno , quod duo alia in crucem disposita illique inserta sustinent , ne cadat . Secundus globus licet minor majorem ostendit Artis peritiã nam plures circuli lignei in eo dispositi quandam veluti sphæram armillarem efficiunt : Ubi verò se mutuò interfecant , clavicali ferrei muniunt , & simul pluries connectuntur beneficio funiculi serici , qui per foramina varia serpit , & ibi demum nodo stringitur , unde fuit emissus .

Alii quamplures magis exigui sunt , quorum singuli diversa artefacta includunt . In altero Bombarda eburnea videtur , cui miles hastam admovet , ac si nitratum pulverem vellet accendere . In altero Patibulatum Numen Cruci affixum inter duos Latrones . In alio cervorum aliarumque ferarum venatum . Varia his adnectuntur opera artis minutissima , quæ tamen cum molis minimum habeant , plus habent admirationis . Omnia superat Corolla constans tribus eburneis filis inter se connexis , & in plures giros recurrentibus , quæ demum in catenam abeunt palmaris longitudinis , ex qua columba , & patibulati Numinis in Cruce affixi simulacrum dependent , quæ omnia ex unico eboris fragmento excisa sunt improbo pariter , & admirabili labore ad ostentandam Artis peritiã . Hujus generis artefacta conficiuntur præcipue in Pago Germaniæ prope Diocesim Salisburgensem , cui nomen est Berchtolsgaaden .







67



68




69






70




71


314




72



74




73









75




76



77






78





316  
80

79





# CLASSIS DECIMA.

*Indicantur Tabulæ pictæ signa marmorea,  
& Numismata diversi Generis.*



I verò ad Tabulas pennicillo depictas oculus evagetur, varias tum Divorum, tum Hominum effigies intuebitur. Hujusmodi picturata rerum effigies numerum implere centum viginti trium Georgius de

Sepibus asseruit in brevi descriptione Musæi cap. 4. sed aliæ non inferioris notæ adjectæ sunt in quibus non tantum Artis specimen effulget, sed eruditionis pabulum præbetur. Historicam facultatem illustrant quinquaginta virorum effigies, qui vel pingendi Arte vel Architecturæ peritia celebriores floruerunt idest.

Raphael Sanctius Urbinas.  
Michael Angelus Bonarota Florentinus.  
Franciscus Albanus Bononiensis.  
Augustinus Caraccius )  
Antonius Caraccius ) Bononienses  
Ludovicus Caraccius )  
Dominicus Sampierus Bononien.  
Guido Renus Bononien.  
Antonius Monticellus de Corregio.  
Eq. Joannes Vecellus.  
Prosper Ursus.  
Thomas Lauretus Panormitanus.  
Octavius Mascharinus Bononien.  
Federicus Baroccus Urbinas.  
Eques Christophorus.  
Lucas ex Leida Hollandus.  
Jacobus Tintorettus Venerus.  
Leonardus Vinci Florentinus.  
Jacobus Borotius ex Vineola.  
Horatius Borgiannus Romanus.  
Petrus de Christophanis Perusinus.  
Petrus de Francisco de Burgo S. Sepulchri.  
Cherubinus Albertus Biturigensis.  
Vincentius Marerius Romanus.  
Petrus Berninus Florentinus.  
Julius Pippius Romanus.  
Carolus Seracenus Venetus.  
Eques Alexander Algardus Bononien.  
Matthias Brilli Anturpiensis.  
Paulus Chagliarius Veronensis.  
Dominicus Beccafumus.

Simon Memmius Senensis.  
Eques Michael Angelus Morisus de Caravagio.  
Joannes Vecchius.  
Hieronymus Mutianus Brixienis.  
Antonius Tempesta Florentinus.  
Federicus Zuccarus Urbinas.  
Albertus Durerus Norimbergensis.  
Torregianus de Torregianis Florentinus.  
Georgius Castrofranco.  
Andreas de Sarto Florentinus.  
Andreas Sacchus Romanus.  
Prosper Ursus.  
Lucas Cambiagius Januensis.  
Eques Carolus Maratta Anconitanus.  
Eques Carolus Fontana Mediolanensis.

His adde effigies, quas ipsimet suo pennicillo expresserunt nunquam satis laudati Pictores Joannes Baptista Gaullus Genuensis, qui Tholus, & Fornices exornavit in Templo, quod in honorem Nominis Jesu Alexander Farnesius ex inclita Farnesia Stirpe, & Romanæ Ecclesiæ Purpuratus Romæ extruxit, & Joseph Montanus non minus Pennicillo clarus, quam calamo in poetica facultate peritissimus ob idque in diversis Poetarum Academiis adscriptus. Demum Andreas à Puteo Tridentinus Nostræ Societatis Alumnus, cujus Architectonica, & Prospectica facultas cum pingendi peritia conjuncta omnium oculos allicit in Templo Ludovisiano D. Ignatio Lojolæ Sacro.

Sunt duæ imagines idest S. Nicolai Tolentianis, & D. Thomæ Aquinatis a Raphaelæ Sanctio Urbinate depictæ, visuntur etiam in pluribus tabulis æri incisas imagines omnium Religiosorum Ordinum cum Virorum, tum Fœminarum, qui in Ecclesia militanti numerantur, quorum singulis adjecta est brevis enarratio, indicans eorum Authorem, initia, progressus, & habitum, quo quisque a cæteris dignoscitur.

Sunt duæ Tabulæ ex cementis compactæ, in quibus duo pisces opere musivo ex lapillis minutissimis composito, adeo eleganter, ut pennicillo potius diceretis depictos, & quidem ab antiquissimo, & ignoto artifice; fuerunt enim repertæ inter rudera prope Templum, in quo

Eutichianus Pontifex circa ann. 280. cineres S. Priscæ condidit, in Colle Aventino, ubi olim (narrante Volaterano) Templum Dianæ erectum fuerat; deinde D. Petrus Princeps Apostolorum cum primùm Romam profectus esset, Ethnicos in Sacro Fonte Baptismi ab erroribus purgavit; in ejus rei testimonium marmoreum labrum in eodem Templo adhuc servatur, a quo salutare aquas D. Apostolus hauriebat. Ex quibus non leve argumentum mihi est, suspicandi talibus piscibus ex musivo compositis antiquitus fuisse illum fontem exornatum. Constat enim primò eam sacram ædem pluries resectam fuisse, nam post Eutichianum Hadrianus I. deinde Calistus III. anno 1455. demum temporis injuria deformatum Cardinalis Benedictus Justinianus sub Sixto V. magnis sumptibus restauravit picturis sacris exornans, secundo constat Piscium Icones olim a priscis Christianifidelibus Sacris Baptismi fontibus appictos fuisse, ut in iis significarentur qui abluebantur in Baptismate. Multis enim Sancti Ecclesiæ Doctores Pisces vocarunt ablutos; ita inter cæteros cum Tertulliano de Bapt. & S. Hieronymo in Epistol. ad Ocean. Optatus Milevitanus lib. 3. contra Parmenianum ait. *Hic est piscis, qui in Baptismate per invocationem fontalibus undis inseritur, ut quæ aqua fuerat a Pisce etiam Piscina vocitetur, cujus piscis nomen secundum appellationem græcam in uno nomine per singulas litteras Turbam Sanctorum nominum continet.* Quòd si conjecturis innixam veritatem nutare credatur, negari non poterit tale opus antiquissimum esse, & balnei antiquissimi fragmentum. Notat Illustrissimus Ciampinus cap. 10. Vet. Monim. detecta fuisse Romæ antiquissima fragmenta musivo opere elaborata e lapillis quadratis latera habentibus, unico tantùm minuto lata, alia verò adeo minutis lapillis compacta, ut ne aciculæ caput æquarent, cujus generis sunt Piscium imagines quas idem Author exhibuit in Tab. 34.

Quod si musivi operis originem scire aliquis cupiat dicendum est illam hominum memoriam excedere. In sacris enim paginis legimus lib. Ester cap. 10. Assuerum Persarum Regem smaragdino ac pario lapide pavementum stravisse, quod lapillis versicoloribus arte mira dispositis picturam æmulabatur. Postea Syllæ temporibus a Græcia in Latium traductum fuisse tale opus Plinius asserit, & Ciampinus notat plura nomina apud veteres sortitum esse. Alii enim illud dixere Mosibum alii Musaicum, & Mosiacum; dictum est etiam tessellatum, sectile, & vermiculatum, totidemque nominibus quot speciebus insignitum; nam aliud differt ab alio magnitudine lapillorum.

Dum de musivo opere sermo est non omittendum veterum ingenia nobilior opus musivum excogitasse; nam loco lapidum usi sunt fragmentis ex vitro colorato, ex quo genere imagines adhuc supersunt Romæ in parietibus antiquorum Templorum, quæ Ciampinus retulit, & capite decimo fuse docuit qua nam materia hæc opera componantur.

Aliam imaginem exhibet Musæum scilicet Salutis nostræ Redemptoris, encaustico opere in metallo expressam. Ejus exemplar hic exhibemus in Tabula, estque ab ea non absimilis quæ in Apfide Basilicæ Lateranensis cernitur, manum enim dexteram elevatam habet benedictis more, sinistra verò volumen complicatum tenet, & collectum in plicas pallium cubito sustentat. Circa quæ notanda aliqua sunt, & primò volumen illud (omissis aliis interpretationibus nil aliud significare, quàm novæ legis editionem Christo Domino referendam; sicut enim Deus legis antiquæ tabulas Moyfi traditurus illum accersivit in summum apicem Montis Sinai, ut ab ipsa loci altitudine sublimitas præceptorum dignosceretur, ita æternus Dei Filius majora præcepta daturus, par erat, ut e montis cathedra cœlestis doctrinæ aperiret exordium. Ita Ciampinus ex D. Augustino lib. vet. mon. cap. 27. pag. 247. & Durandus in Ration. lib. 1. cap. 3. num. 12. Divina Majestas quandoque depingitur cum libro clauso, quia nemo inventus est dignus aperire librum nisi Leo de Tribu Juda. & Aringus de Roma subter. tom. 2. lib. 6. cap. 16. Ex eodem volumine antiquitas imaginis deprehenditur; erat enim Antiquis scribendi ratio, ut si quid brevius scribendum esset oblongis membranis ad fasciæ formam uterentur, quas complicatas, & in se circumductas volumina a volvendo appellaverunt; si verò prolixius scribendum esset, in quadratis foliis membranaceis describeretur, quæ folia simul connectebantur. & eorum congeries liber appellabatur. Quamobrem cum ejusmodi codices ac volumina sæpe in picturis antiquis, & musivis operibus observantur Illustriss. Ciampinus conatus est inquirere in cap. 16. quid per ea Prisci Christianifideles indicarent, censuitque libros totam veteris ac novi testamenti picturam denotare, volumina verò solùm novæ legis Evangelium.

Dextera manus videtur elata more benedictis, cur autem tres digitos habeat erectos, cæteros verò complicatos fuse diximus in explicatione numismatis Gregorii XIII. expressi in Tomo primo Numismatum Sum. Pontificum numer. 48. Non tamen omittendum est picturæ artificium, quo hæc venerabilis imago compacta fuit. Constat illa encaustica pictura, quæ non nisi

nisi adhibito igne fingitur; unde Encaustas dicitur qui ita pingit. Illam primùm docuisse Pamphilum præceptorem Apellis Plinius affirmat lib. 35. cap. 11. Vocatum etiam fuit opus hujusmodi Encaustum ab antiquis Authoribus, quos citat Ducange, opus de Limogia seu Lemovicinum, qua arte in primis præcellebant Lemovices, quorum Urbs Limodia dicitur in veteribus Annalibus Francorum, nunc verò Lemovicum, vulgò Limoges, Urbs ampla Gallix ad Vigennam fluvium Provinciæ Lemovicensis.

Magni æstimabantur hujusmodi Artefacta apud Priscos, erantque munera Pontificum Romanorum Templis oblata, quare legimus apud Anastasium in Leone IV. in Benedicto III. & aliis dona ejus generis dedisse. Sic apud Leonem Ostiensem Chron. Cassin. lib. 1. cap. 20. *Super altare S. Benedicti argenteum ciborium statuit, illud auro, & smaltis simul exornans &c.* Sed quamvis ex ipso opere hæc imago magni facienda sit, pluristamen ob antiquitatem illam veneramur. Etenim elaboratam fuisse circa annum 230. non levis conjectura docet, cum inter rudera reperta fuerit antiquissimi Templi in honorem Deiparæ erecti in Regione Transiberina a Calisto I. ejus nominis Pontifice in loco, ubi ad radices Janiculi stationes militum institutæ fuerunt ab Augusto, dictæ Castra Ravennatum idest militum, qui Classsem Ravennæ tuebantur ad defensionem superi maris. Hi autem Classarii venientes ad Urbem ibi stativa habebant, & ad eos Taberna meritoria pertinebat, ut narrat Donatus noster de Urbe Roma pag. 310. ex Svetonio in Augusto cap. 49. Et quamvis pro comperto non habeamus, quo anno hæc imago compacta fuerit, ea tamen probatur cultum sacrarum imaginum antiquissimum esse, utpote quæ tempora Constantini Magni non obscure indicet; ea enim congruit, & assimilatur aliis imaginibus Salvatoris musivo opere depictis ut diximus sub eodem Constantino in Basilicis ab eo extractis.

Indicatis imaginibus adde imaginem nostri Salvatoris quam Guido Renus suo pennicillo expressit. Insuper imagines trium summorum Pontificum Alexandri VII. Clementis IX. & Innocentii XI. Ferdinandi, & Leopoldi Imperatorum. Regis etiam Sinarum, Regis Barantolæ, & Nepal Regum Tartariæ, Cosmi Magni Ducis Ethruriæ, Margaritæ Austriacæ Flandriæ Gubernatricis, Cardinalis Granuelani, Alexandri Farnesii, Principis Luneburgensis, Ferdinandi Alberti Ducis Augusti Filii, trium Principum Holfatiæ de Culembach. Friderici Ducis Holfatiæ, Joannis Friderici Comitis de Valenstain, Archiepiscopi Pragensis, & Primatis

Bohemiæ, Ordinis Crucigerorum Magistri; duorum Principum Durlacensium, & Marchionum Badensium, Eminentissimi Cardinalis Emanuelis Bullionei Excellentiss. Ducissæ Eleonoræ ejus Maris, Ducis Friderici ejusdem Patris, & Patru Henrici de Turrena; quibus Emin. Cardinalis dignatus est Musæum exornare: P. Matthæi Riccii S. J. qui in Regnum Sinarum Fidei Christianæ lumen invexit, P. Adami Schal, qui in eodem Regno Calendarium ab erroribus purgavit, aliorumque Romanæ Ecclesiæ Purpuratorum, qui e Societate Nostra delecti fuerunt, scilicet Roberti Bellarmini, Francisci Toleti, Petri Pazmany, Joannis de Lugo, Sfortiæ Pallavicini, & Nittardi.

Præter imagines depictas simulacra marmorea non pauca collocata spectantur, partim ab Antiquis, partim a recentioribus non ultimæ notæ sculptoribus elaborata, inter quæ duo præcipua sunt opera Equitis Laurentii Bernini, quorum alterum refert puerum, qui locustam insectatur, alterum puerum, qui a cancro morsus in digito pedis lachrymabili vultu opem implorat. Est idea gypsea operis anaglypti, quod marmoreum exposuit D. Petrus Le Gros Gallus in Altari B. Aloysii Gonzagæ, quod est in Templo D. Ignatio Lojolæ dicato. Huic accedunt octoginta marmorea signa, quibus facies diversæ exhibentur, varias animi affectiones exprimentes, & varias capillorum dispositiones, & ornatum. Alia simulacra, quæ Musæum condecorat, sunt Diogenis Cynici, Marci Tullii Ciceronis, Zenonis Philosophi, Socratis Atheniensis, Homeri Poetæ, Senecæ Neronis præceptoris, Sybillæ Tiburtinæ, Agrippinæ Uxoris Germanici, Massalinæ, Galilei, & alia antiquissima fragmenta.

Ultra hæc Simulacra, & imagines Triplex Numismatum series in Musæo custoditur, quarum prima ultra sexcenta antiqua Cæsarum numismata enumerat, secunda continet, numismata Summorum Pontificum, quæ a tempore Martini V. usque ad CLEMENTEM XI. vel ex privato studio, vel autoritate eorundem Pontificum edita fuerunt; Tertia denique numismata recenset, quibus Principum, Hæroum, Fœminarum Illustrium, & Virorum insignium imagines repræsentantur. Atque in his tantùm numismatum collectionibus Musæum integrum invisitentibus expositum censeas, in quo eruditionis thesaurum, atque historiarum reconditarum segetem uberrimam desumere possint studiosi, & mirifice oblectari. Quamobrem Eruditus Carolus Patinus in Historia Numismatum cap. 1. ait: *Studium numarium nusquam habuisse osorem, & contemptorem, nisi ignorantem, &c.* pag. 249. *Barbaras gentes censendas, quæ elegantioribus istis*

rei litteraria ornamentis nullam dant operam, ut Scythæ, Garamantes, & Indi. Quantum denique deceant Musæum a Religiosa Familia servatum simul cum Bibliotheca idem Patinus pag. 99. his verbis explicuit. *Audi veram a R. P. Generali Patrum S. J. indictum fuisse nullam præmitti debere horum comparandorum occasionem, & pro opportunitate singulis in Collegiis colligenda, & diligenter servanda, quæ occurrerent. Bruxellis quidem humaniter mihi fuit exhibita in ipsa eorum Bibliotheca Numismatum antiquorum series conspicua. Parisiis accurate servantur quæ RR. PP. Sirmondus, & Petavius Iesuitarum doctissimi olim in unum coegerunt, Lugduni numismata habent R. P. de la Chaise Christianissimi Regis a Confessionibus.* Hæc Patinus.

Eorum explicationes si perfequi vellem nec pagina, nec calamus sufficerent, sufficiat indicasse ea, quæ publici Juris fecerunt præter alios quamplurimos doctissimos Interpretes Arduinus, & P. Paulus Pedrusius Nostræ Societatis Alumni.

Non tamen debemus omittere monetam S. Elenæ ex optimo cyprio ære fabricatam, cum posteritatis memoriam mereatur. Hæc enim fuit illa integerrima Imperatrix, quæ in Palestinam ad inveniendam Christi Redemptoris Nostræ Crucem omnes suos conatus destinavit. Itaque cudi jussit nummum æreum, cujus pars superior est rudis, æmulans caput clavi, altera pars est concava, & imaginem tantæ Reginae expressam gerit ut Icon sub n. 3. demonstrat in Musæo Metallico Aldrovandi pag. 121. Hac autem moneta merito exprimi caput clavi voluit, ut monumentum clavorum, quibus Christus Cruci fuit affixus, in posteritatis mente nunquam confesceret. Nonnulla alia inter antiquissima numismata sunt Samariticis notis expressa, quæ a Regibus Israel, quo tempore Samaritanus character familiaris fuit, cusa esse asserit P. Kircherus in suo Musæo. Alia quoque tempore Josue, quædam Samuelis, unum Salomonis tempore excusum. Sicli itaque Hæbreorum hic aliquot asservantur, quorum primus in una facie Urnam refert, sive formam vasis, quod Deus ad perpetuum mannae præstiti in deserto beneficii monumentum in arca asservari jusserat, ut Exod. c. 16. littera F, in medio vasis significat siclum integrum. Altera facies refert Araonis Virgam, quam Deus in testimonium Sacerdotalis illius vocationis in conspectu totius Israel florere voluit; in ambabus faciebus hæc leguntur inscriptiones *Schekel Israel*, idest *Siclus Israel*, & *Kedoscha Ierusalem*, hoc est *Sancta Ierusalem*.

Secundus Siclus Hæbreorum cum priore convenit excepta littera F, quæ est super catinum,

cujus loco sunt duæ litteræ quæ significant *Schekel David*, idest *Siclus David*.

Tertiò Semisiclus videtur, cujus una facies radium plantæ balsami refert, in quo hæc inscriptio legitur, *Mul Enghet*, idest *Circumcisionis tempore*, facies altera palmam exhibet cum hac epigraphe *Menghabo*, hoc est a *Pinguedine*, omnium vetustissimum hunc esse affirmavit P. Kircherus in descript. Musæi pag. 48. illumque cusum esse tempore Josue, quando Deus præcepit Filios Israel circumcidi: palma autem, & planta balsami non incongrue Terram promissionis exprimunt.

Quartò Numisma argenteum Assyriis Characteribus insigne in una fronte acerram odoramentorum, qua Sacerdotes Deo adolebant, in altera verò ramum viridis amygdali eleganter exprimit, atque hæc ex antiquis delibasse sit satis.

De Pontificibus extant tribus Tomis distributa, quos anno 1696. Typis ego met consignavi; ex ultima verò Classe placet unum tantum seligere, quod cæteris aliis hoc anno additum fuit ab ingenuo, & erudito Viro Francisco de Ficoronis, qui ob singularem sui animi comitatem, illud in ære imprimi curavit quale in expressa icone sub numer. 5. exhibetur. Ejus antica pars imaginem repræsentat celeberrimi Viri Antonii Magliabecchi Florentini, cujus laudes non meus, sed Romani Oratoris calamus nunquam satis celebraret. Tantum virum Exteri omnes, qui in Italiam proficiscuntur, imò etiam scientiarum studiosi, quamvis in Regionibus ab Italia remotis commorentur, cognoscere student, vel per litteras illum alloqui frequenter exoptant. In averfa Nummi facie illum supra voluminum acervum sedentem, & librum quem manu tenet, percurrentem sculptor expressit, adjecto lemmate *SCIRE NOSTRUM REMINISCI*. Etenim ille Bibliothecæ Magni Ducis Ethuriæ cum præsit, eruditione, qua excultus est, longe illam superat, nam si de quacumque scientiarum facultate sermo cum ipso instituat, illico singularum Dogmata, & Authorum Dissertationes, e suæ memoriæ penu eloquenti facundia profert, ac si ejus tantum studio, de qua differitur, suam mentem excoluisset.







Finem imponimus huic Classi, in qua paucis verbis multa indicata sunt, quorum apparatu Musæum exornatur. At cum inter instrumenta Mathematicarum facultatum recensendi erant Tubi optici diversæ longitudinis, inter quos Microscopia numerantur tam ex una, quàm duabus & tribus lentibus composita, de quibus egimus in nostra Micrographia annis clapsis impressa, cum hæc a multis desideretur, non abs re erit illam in sequenti Classe iterum recensere.





*Imago ærea S. Salvatoris reperta sub ruderibus prope Templum a S. Calisto  
ædificatum circa an. 224 in Regione Transiberina*







# CLASSIS UNDECIMA

CONTINENS

## MICROGRAPHIAM CURIOSAM

S I V E

RERUM MINUTISSIMARUM OBSERVATIONES,  
QUÆ OPE MICROSCOPII RECOGNITÆ,

ET EXPRESSÆ DESCRIBUNTUR.

AUCTOR LECTORI

§. I.



Astum ingredimur Theatrum, in quo Naturæ Opulentiam, Sagacitatem, & Ingenium admirari oportet. Cùm autem Naturæ nomen usurpo, Plinij sententiam respuo, qui naturalia opera quò magis intimè

perlustravit, eò minus eorum Artificem agnovit, nullumque aliud Numen eisdem præcetera temeratio ausu affirmavit: *per quæ opera*, inquit ille lib. 2. cap. 7. *declaratur haud dubiè Naturæ potentia, idque esse quod Deum vocamus.* Atheo sic loquenti saniora consilia opposuit olim Seneca ita loquens de benef. lib. 14. cap. 7. *Non intelligis te mutare nomen Deo, quid est aliud Natura, quàm Deus, & Divina Ratio, toti Mundo, & partibus ejus inserta?* Illum cœlestes Orbes enarrant; quare Anaxagoras apud Lact. inst. lib. 3. cap. 9. Homines dixit in lucem editos, ut cœlum intuerentur, pro certo habens nullibi clarius, quàm in cœlo Divinas dotes stellis, veluti aureis characteribus, Nobis explicari.

At Cœlorum vastissimas Plagas percurrant alii, Siderum Orbes dimetiantur, maculas & periodos investigent Telescopiorum ope, quibus remotissima invisibiliaque, plane visibilia oculis nostris exhibentur. Oculos ego in Terram vertam, ne illud mihi exprobetur, quod olim Taleti in foveam lapsò cœlum intuenti, dum ambularet. *Qua ratione*, ait illi irridens

*vetula, ea quæ in cœlis sunt Te comprehensurum arbitraris, dum ea, quæ ante oculos habes, videre non vales?* Neque nobili hominis conditioni injuriam irrogabo, cui natura os sublime dedit, cœlumque tueri, dicente Magno Athanasio contra Idololat. *Rerum naturam instruxit Deus, ut ipse invisibilis ex operibus suis (nullum excipiendo) agnosceretur.* Amplissimum in ea ac novum Theatrum panditur, in quo innumera visu dignissima ob molis parvitatem non agnoscuntur. Quod si omnia promiscue Dei opera mirabilia sunt, quò tamen minora, eò clariori voce triplicem Bonitatis, Sapientiæ, & Potentiæ gloriam Divinam explicant.

Philosophis olim irrisit Lucianus, eò quòd modò supra cœlestes Orbes mente discurrenter, modò publicis saltum prosequerentur inutiliter occupati; verùm si sanius cogitemus; etiam Publicum saltus, vel Culicum volatus prosequentes, Cœlum attingimus, Deumque cognoscimus, qui etiam Minimorum actionibus præest, ac mirabiliter in omnibus operatur. Et quidem, ut verum fatear, si inter tot tantaque exilium Animalium agmina, quæ in aere volatu pervagantur, alas tantùm inspiciamus, profecto illud pronuntiabimus, quod sagax ille ac percelebris medicus Henrici IV. contra Atheos insurgens dixit, Ant. Laurent. hist. anat. lib. 1. c. 6. *Ingredere*, inquit, *Sacram Palladis arcem &c. an non etiam invitus exclamabis, O Architectum admirabilem! O Opifisem inimitabilem!* Adeo enim

enim inter se diversæ illæ sunt, adeo mirabiliter constructæ, & perornatæ, ut facilius fuerit Naturæ facere, quàm homini recensere.

Atheum inter Anatomes peritos huc usque haud inventum fuisse scripsit in suo docto tractatu contra Incredulos cap. 15. num. 2. P. Paulus Segneri; eòquod, ut ille putat, necesse sit Deum detegere ac venerari sagacem, providum, & perspicacem, dum cujuscumque animalis partes cultro scinduntur, tam bellè, tam aptè, sapienterque ad omnes operationes perficiendas dispositæ. Quod præcipuè in Animalibus minimæ molis accidit.

Hac ratione ductus Philosophorum Princeps, de partibus Animalium differens capit. 5. ait: *Viliorum Animalium disputationem propensionemque fastidio quodam puerili sprevisse, molesteque tulisse, dignum nequaquam est; cum nulla res sit in Natura, in qua non mirandum aliquid inditum habeatur, (& paulo post) aggredi enim quæque sine pudore ullo debemus, cum in omnibus Naturæ numen, & honestum, pulchrumque insit ingenium. Immo, ut loquamur cum Titelmano Philosoph. lib. 8. cap. 13. merito in immensum aggravat pondus considerationis nostræ, id prorsus stupidus, & attonitos reddit cogitque exclamare nos, & voce aperta confiteri, quòd non solum ipse Deus magnus sit in se ipso, neque solum magnus in magnis, sed & abjectissimis contemptibilissimisque, & minimis gloriosus.*

Evincitur insuper horum contemplatione error illorum, qui ex ore impurissimo hanc evomere calumniam. Fecisse Deum multa, quæ Hominibus non sunt necessaria, & in Orbe penitus inutilia. Contra hos sic docte calamum acuit S. Augustinus de hæresi cap. 46. *Quum ista dicunt non intelligunt, quòd omnia pulchra sint Conditori, & Artifici suo, qui omnibus utitur ad gubernationem Universitatis, cui summa lege dominatur. Quod si in alicujus Opificis Officinam imperitus intret, videt ibi multa instrumenta, quorum causas ignorat, & si multum est insipiens, superflua esse putat, & sunt alii, qui apud Artificem hominem non audeant vituperare quæ ignorant; sed quum ea viderint, credant esse necessaria, & propter usus aliquos instituta.* Nullum sive animal, sive planta est, inquit Damascenus de Orthodoxa fide lib. 11. capit. 11. *in qua operationem quandam Hominum usui conducentem non imposuerit Conditor Rerum atque Opifex, & quamplurima, inquit suaviter S. Bernardus Serm. 5. supra Cant. profunt profecto VISU, & si non USU, utiliora cordibus intuentium, quàm corporibus utentium esse possunt; etsi nociva, etsi etiam perniciosa, temporali Hominum constet esse salutem; non tamen deest eorum corporibus, unde cooperentur in bonum his, qui secun-*

*dum propositum sunt Sancti, etsi non cedendo in cibum, aut exhibendo ministerium, certe ingenium exercendo.*

Hujus generis Rerum, quæ profunt *Visu et si non usu*, quàm copiosam sobolem, ac prædivitiam officinam nobis detexerunt Microscopia, quæ dædaleam Naturam in hoc Terrarum Orbe minimis creaturis undique, & undique scatentem repræsentant. Quæ visui vix, ac ne vix obvia, non visibilia tantum, sed admirandæ magnitudinis machinam ita exhibent, ut cum Plinio lib. 11. cap. 2. fas sit dicere, *nunquam magis quàm in MINIMIS totam esse Naturam.*

Inutilem igitur atque otiosam occupationem oculorum nullus jure dicet, novam hanc Micrographiam perlustrando. Exponam quidquid horis subsecivis Microscopium exhibuit, Oculos simul oblectans, ac Mentem erudiens, quæ miram minimarum partium structuram, & artificiosissimam dispositionem perlustrans, illicò mentem architectonicam cognoscit, eamque Divinam necessariò esse, quam nullus artifex licet peritissimus valet æmulari.

Profunt igitur *Visu* ea, quæ propter minimam molem oculorum aciem effugiunt, dum clare microscopiorum ope repræsentantur, & undique (loquor cum Augustino in Psal. 26.) *nobis omnia resonant Conditorum.* Eas excipe Lector benevole, quam Tibi selegi aliquorum minutorum corporum descriptiones, & Iconographiam, & pari studio mentem exerce, ne inter eos adscribaris, in sacris paginis vituperatos, qui operibus attendentes non agnoverunt quis esset Artifex. Nam, ut inquit S. Cyprianus de Idolatriæ vanitate, *Hæc summa delicti est: Nolle eum agnoscere, quem ignorare non possit.*

## §. II.

### *Res Minimæ multorum exemplo laudabiliter Considerantur, & describuntur.*

**I**Nest omnibus, quæ in hoc vasto Rerum Theatro ab Hominum curiositate contemplantur, quoddam Naturæ sui generis decus, inquit Augustinus de Genes. ad litt. lib. 3. sed tali modo, ut in minimis major sit admiratio bene considerantis, & lib. 22. de Civitate Dei cap. 24. *Plus habent admirationis quàm molis minimum.* Propterea non otiose Dei opera percurrentes quamplurimi eruditione, & Sapientia Viri præclari, ea sæpe majori diligentia con-

contemplati sunt , & calamo in suis doctis paginis describere , quæ immensæ subtilitatis , ut cum Plinio loquar lib. 11. proem. contemptibilia potius videbantur , ac penitus omittenda . Idcirco quàm apte S. Hieronymus scripsit olim ad Heliodorum epist. 3. Creatorem non in Cœlo tantum miramur & Terra , Sole & Oceano , Elephantis , Ursis , Leonibus , sed & in Minutis quoque Animantibus , Formica , Culice , Muscis , Vermiculis , & istiusmodi generis , quorum magis scimus corpora quàm nomina , eandemque in cunctis veneramur solertiam . Ita mens Deo dedita , & in Majoribus , & in Minoribus intenta est . Ita S. Ignatius Lojola mentem suam non rarò exercebat , dicente Ribadeneira in ejus vita lib. 5. cap. 1. *Vidimus frequenter illum ex tenuissimis rebus ad Deum , qui in minimis etiam maximus , ascendentem , ex plantula frondis , vel fructus unius aspectu , & vermiculi alicujus consideratione super cœlos sese attollentem* . Porro , ut verum fateamur , si hæc minima in Rerum Universitate observantur , si Animalcula , quæ partem unius granuli arenæ constituunt , illa tamen cute videntur esse dotata , & forte etiam squammis , & pedibus ad nandandum aptis , pinnis ad volandum , ore , intestinis , venis , musculis , tendinibus , visceribus omnibus , quibus aliquod grande animal instructum esse solet ; si hæc inquam observantur , jure dicimus sacrum Vatem cecinisse de omnibus *Magna opera Domini* .

Mittam descriptiones innumeras , quæ Rerum cæteroqui vulgarium apud SS. Ecclesiæ Patres doctissimos inveniuntur , qui Divinum Auctorem Magnum in Parvis , nec Parvum in Minimis , ut loquitur S. Augustinus , admirabantur . Illi enim oculo inermi inspiciebant quæque omnibus facile patent . Plusque profecto admirationis eisdem peperissent objecta illa , quæ ætate antea penitus invisæ ; nostro currenti ævo detecta sunt . Ob corporis sui exiguitatem contemptui penitus habebantur quamplurima a vulgo , qui plerumque res leviter contemplatur , non autem partes examinat , & constructionem ; & tamen in minimis rebus longe majora videtur Deus collocasse prodigia , quàm in omnibus aliis ; ut sic videatur ostendisse , non molis quantitate , sed virtutis amplitudine , res ipsas nos dimetiri oportere .

Impedimenta non pauca , quæ hæctenus circa rerum naturalium ignotam admodum notionem extitere , ex eo derivarunt , quòd multæ dilucide examinari oculis non potuerint . Verùm deinde Microscopii ope novus veluti orbis detectus est , ejusque adminiculo , è dubiorum laberintho sese multi expedivere , liberum ad intimam Naturæ aditum inveniunt , ut sanitatis , & mor-

borum fundamenta firma construerent , ut multas Naturæ operationes abditissimas detegerent circa Animalium nutritionem , Plantarum vegetationem , Salium coagulationes , concretiones Metallorum , Florum texturam , Avium volatum , venenatos liquores , sexcentasque alias observationes , quibus Orbi Terrarum utilissime facultates adjuvantur , & perficiuntur .

Hæc de causâ multi rerum minimarum Inspectores , selectam veluti Academiam componentes , & semper in dies abditissimas Naturæ rimulas perscrutantes , varias non rarò res , non antea visas deprehendunt , scituque dignissimas , cæteris communicant , ut multorum observationibus experimentalis Rerum cognitio semper augetur , qua Hominum ingenia adeo oblectantur , & alliciuntur ad novos labores , ut semper nova e Naturæ thesauris depromant , non minori Orbis eruditi oblectamento , quam utilitati .

En tibi studiose Lector catalogum aliquorum , qui eruditione , & fama præclari , suas observationes circa res minimas microscopio factas ad publicam utilitatem evulgarunt . Prodiere jam anno 1592. Francofurti ad Mœnum quinquaginta tabulæ cupræ , quibus Georgii Hoefnagelii studia Jacobus frater genio duce ab ipso sculpta , omnibus Philomusis amice dicavit , ostendens diversorum generum Insecta ab illo observata . Variorum volucrum Pulices , & Animalium pediculos observavit D. Franciscus Redi , quorum Icones posuit in fine Experimentorum circa generationem Insectorum , quæ italico sermone vulgavit Florentiæ deinde latine translata Amstelodami . Curiosum laborem microscopio suscepit insignis Marcellus Malpighius in Anatomica descriptione Bombicis , cujus productionem primùm exhibuit , & structuram tam exteriorem , quàm interiorem , deinde observavit nutritionem , quomodo filæ neat , quibus motibus in hoc opere utatur , cujus figuræ sit stamen , quæ folliculi fabrica , quomodo denique accidant mutationes in aureliam , & Papilionem , cujus formæ specialem descriptionem subjunxit , egitque de motu cordis ejus , de curiosa structura ovarii . Conclusionis loco docuit modum retexendi folliculos , docuitque quot filæ simul sumpta laudabile componant fericum . Nec minorem suscepit laborem circa Plantarum Anatomem , quarum fibras diligentissime perscrutatus , volumen eruditum edidit Londini 1671. in quo earum minutissimis particulis ad vivum expressis quamplurima indicantur utilissima , circa generationem , nutritionem , & vegetationem earundem .

Malpighium imitatus Nehemias Grew Societatis Regiæ socius in Anglia , Ideam historiæ  
Phi-

Physiologicæ Typis edidit cum continuatione Anatomiae Vegetabilium, speciatim in radicibus. Invenitur hic Tractatus in tres partes distinctus cum Iconibus quamplurimis minutarum partium microscopio auctarum in Appendice anni noni, & decimi Ephemeridum medicophysicarum Naturæ Curiosorum in Germania.

Inveniuntur insuper in Tomo decimo Miscellaneorum Curiosorum, qui continet Decuriam secundam anni secundi Observationes multæ a Joanne de Muralto factæ circa insecta varia. Multas fecit Kircherus, sparsim in suis voluminibus præcipue Mundi subterranei relatas. Centum recensuit Petrus Borellus Regis Christianissimi Consiliarius, & medicus in Tractatu de vero Telescopii inventore Hagæ Comitum impresso 1655. Aliquot Franciscus Fontana inter Observationes Cœlestium ac Terrestrium rerum, tractatu octavo, qui agit de microscopio Neapoli vulgato 1646. Quamplurimas nobilis Mufetus in Theatro minimorum Animalium Typis Londinensibus impresso anno 1634.

Multorum Insectorum oculos attentissime examinavit præcipue Muscarum Jo. Battista Hodierna, de quo ingeniosum tractatum italico sermone vulgavit Panormi ann. 1644. sub titulo. *L'occhio della Mosca, ò discorso fisico intorno alla notomia dell'occhio di tutti gli Animali annulosi detti Iasetti recentemente scoperta, e praticata*. Exactam Apis anatomen addidit academicus Lynceus Stelluti Satyris Persii, quas eleganti carmine italicas reddidit. Non minori studio Culicem observavit, ut ejus generationem clare dignosceret Petrus Paulus Sangallo, retulitque italica epistola Florentiæ impressa 1679. Ubi etiam anno 1687. alia epistola prodit, in qua aliquæ referuntur Observationes factæ a Doctore Joanne Bonomo circa aliqua minutissima insecta.

Extant duobus tomis in octavo Medioburgi impressis comprehensæ Metamorphoses naturales Insectorum, in quibus Vermium, Erucarum, & Papilionum aliquot centuriæ comprehenduntur, a Joanne Goedartio Pictore Medioburgensi exactè delineatæ. Extrat Joannes Suammerdamii Amstelædamensis Doctoris medici historia Insectorum Generalis Lugd. Batavorum typis data 1685. in qua quæcunque ad Insecta, eorumque mutationes spectant dilucide explicantur. Anno 1687. publicavit Norimbergæ Micrographiam novam, sive variorum minutorum corporum adauctorum ope Microscopii descriptionem Joannes Franciscus Griendelius ab Ach, ordinis equestris Spiritus Sancti Canonicus, Sacræque Cæsar Majest. Architectus Militaris. Publicatæ insuper sunt Lugduni Batavorum eodem anno quamplurimæ Epistolæ in la-

tinum sermonem translata, quibus Antonius a Leeuwenhoek Regiæ Societati Anglicanæ communicavit suas observationes Microscopicas, sub titulo: *Anatomia, seu Interiora Rerum cum animatarum, tum inanimatarum, ope & beneficio exquisitissimorum microscopiorum detecta, variisque experimentis demonstrata*.

At inter cæteros volumen abunde luculentum Londini dedit ann. 1667. quo comprehendit descriptiones minutorum corporum ope microscopii concinnatas M. Robertus Hook, qui secum considerans quanti momenti sit fidelis historia Naturæ ad stabiliendum solidum systema Philosophiæ naturalis, & qua prærogativa gaudeat experimentalis, & mechanica scientia, edidit specimen eruditionis suæ in hoc genere studii, quod profecto acceptissimum est literato & curioso orbi tam quoad novas detectiones in Natura, quam novas inventiones artis.

Quod attinet ad priores, attentus Lector Libri hujus comperiet, quod ope microscopiorum novus quodammodo visibilis mundus detegatur, & tellus nobis ostendatur omnino nova, ita ut in quibusvis minimis particulis materiæ ejus, nunc observare liceat fere tantam varietatem rerum, quantam poteramus ante hac enarrare; Hic author illud minimè improbabile præstat, quin potius ostendit his auxiliis subtilitatem compositionis, corporum constitutionem, vel compagem partium eorum, varium contextum materiæ eorundem, instrumenta & modum motionum illorum intrinsecarum, & omnia alia Rerum phænomena posse plenius detegi, unde emergere queant multa commoda pro amplificatione mechanicæ scientiæ, quia fortassis apti efficiamur ad discernendas secretas operationes Naturæ fere eodem modo, quo distinguimus productiones artis, quæ diriguntur Rotis, & pennis humano intellectu inventis. Ad hunc finem curiosissime inspexit omnia corporum genera, initio factò ab acumine acus, & procedendo ad microscopiam inspectionem novacularum, subtilissimæ telæ holoserici, undulati serici, Vitreorum siphonum, vitri lachrimarum, scintillarum ignis, phantasticorum colorum, metallicorum colorum, figurarum arenæ, calculosæ arenæ in urina, Christallinorum aut adamantinorum corporum in Silicibus, figurarum congelatarum, Carbonum ligni, pororum subberis, aliorumque subjectorum vegetabilium crescentium in foliis marcidis, Situs & Fungorum, Spongiarum, aliorumque fibrosorum corporum, superficierum quorundam foliorum, pungentium spiculorum Urticæ, Phascoli, filiquæ hirsutæ Suratensis, Airstarum, speculi verneris, ut & thymi, Papaveris, Portulacæ. Pergit describendo crines, squamas piscis vulgo Solca



Solea dicti, aculeum apis, pennas vel plumas præsertim Pavonum, pedes muscarum, aliorumque Insectorum: Alas & caput pulicis, ova Bombicum, Muscam cœruleam, Calicem circumscriptum, Tineam argenteam, Opilionem, Araneum venatorem, Formicam, errantem Terebrinam, Insectum cancro simile, Tineas vel Blattas, Pediculum, & Acaros vini.

Repræsentando hæc particularia Lectorum oculis Author non tantum probavit singulari suam scientiam delineandi omnium generum corpora (cum ipse propria manu depinxerit omnia schemata horum 60. microscopicorum objectorum) & extraordinariam suam curam exactissime sculpendi ea per artis illius peritos, sed etiam suggestit diversis suis considerationibus super illis objectis factis, tales conjecturas, quæ dubio procul possint excitare philosophica capita ad nobilissimas contemplationes.

Hucusque de illo libro relationem habui ex Ephemeridibus Litteratorum. Quibus præmissis videri quidem poterit me Iliada velle scribere post Homerum, scribendo microscopicas observationes præcipue post talem laudatum Hookii librum; sed cum rarissimus iste sit, & insuper lingua Anglica paucis nota scriptus, nec dum, quod sciam, latina civitate donatus, interea curioso lectori aliqua, Auctorum quoque aliorum narrata, & a me repetita non ingrata fore putavi. Quibus tamen adnectam ea, quæ potero propter temporis angustias a me notata, nec dum ab ullo quem sciam expressa.

§. III.

*Catalogus brevis eorum, qui Microscopia Instrumenta aut perita manu confecerunt, aut de illis documenta vulgaverunt.*

Post indicatas variorum observationes circa res minimas, æquum est, ut eos enarremus, qui vel ad microscopica instrumenta illustranda sua studia applicuerunt, vel suos conatus adhibere in conficiendo mirabile instrumentum, hoc nostro sæculo inventum, feliciter, & ingeniosissime excultum. Mirabile inquam; nam quod Telescopium in cœlestibus corporibus ingentibus longo spatio distans, efficit, hoc idem in terrestribus corporibus minutissimis & prope oculos nostros efficit microscopium. Instrumentum pulicarium, & muscarium vocatur a Petro Borello cap. 6. fortasse a Pulicibus, nec video qua ratione, nam per illud pene innume-

ræ minusculæ res, quæ inermis oculi aciem effugiunt, explorari possint. Si enim nominis etymon spectas, est quodlibet Instrumentum, quo res parvæ ut magnæ repræsentantur: proprietamen & ex usu Recentiorum Dioptricum, microscopia sunt Dioptrica Instrumenta exiguæ molis, quibus visæ res minimæ ad stuporem usque augentur.

Quis autem prius ejus inventor fuerit non est adeo facile dictum. Nulla fuit Natio, quæ sibi Telescopium inventum admirandum non arrogarit; Galli enim, Hispani, Angli, Itali, Batavique rem suam facere contenderunt, ut patet ex Sirturo lib. de Telesc. cap. 1. part. 1. Franciscus Fontana in libro suarum cœlestium terrestriumque Rerum observationum edito in 4. 1646. tractatu octavo, qui est de microscopio, dicit se illud invenisse ann. 1618. additque tale specillum antiquius non esse dicto anno. Antonius Maria de Reita Capuccinus lib. de oculo ostroscopico binoculo, quem adjunxit lib. 4. Oculi Enoch, & Eliæ, ait primum Inventorem fuisse Batavum quendam arte Perspicilliarium, vocatum Joannem Lippersein Zelandum, vel Jacobum Metium in Hollandia, casuque illud invenisse, dum concavum cum convexo specillo conjungeret. Petrus autem Borellus, qui tractatum edidit in 4. 1655. Hagæ Comitum de vero Telescopii inventore cum brevi omnium conspiciendorum historia, cap. 12. ait Telescopii inventorem verum fuisse Zachariam Joannidem Midelburgensem Zeelandum ann. 1590. ipsumque etiam Microscopium invenisse, adducitque testes in favorem hujus. P. Nicolaus Cabeus Societatis Jesu insignis Mathematicus commen. in lib. 3. meteor Arist. tract. 8. dicit se novisse senem quendam e Societate Jesu, qui multis annis antequam quidquam de optico tubo inaudiretur, duobus vitris concavo, & convexo usus fuerat in horis suis canonicis recitandis.

P. Gaspar Schottus Societatis Jesu tom. 1. magiæ univers. part. 1. lib. 10. arbitratur Jo. Baptistam Portam tubi optici notitiam, & usum habuisse, & rem omnino occultasse. Id colligit ex cap. 11. lib. 12. magiæ Natural. cui titulus est de Speculis, quibus supra omnem cogitatum quis conspiciere longissime queat. At incertis diutius quàm par est non immoremur. Vero inventori, quicumque ille sit, laudes tribuantur innumeræ, eò quòd adeo nobili, & præclaro instrumento, Potentiam ac Sapientiam optimi Creatoris explicuerit, dum res quasi athomos invisibiles, & minutula insecta in molem colosseam transmutantur.

Certum est fertilissimo hoc acutissimorum ingeniorum currenti sæculo multos copiosa eruditione Viros serio incubuisse, ut in dies exactius

ctius elaboraretur. Petrus Borellus lib. 2. de Conspiciliis parandis ex variis Auctoribus modos adducit & proprios adjungit, deinde compendium facit multorum Authorum, qui de Telescopio aliisque specillis scripsere. At quia quamplurimi vel omitti, vel non dum cogniti tunc temporis erant hic alios recensebo.

Egerunt igitur de illo Antonius de Dominis lib. de Radiis visus, & lucis: Maurolicus: P. Christophorus Scheiner Svecus in Rosa Ursina lib. 2. cap. 19. & 20. Keplerus in Dioptrica: Malapertius, Aquilonius, Porta, Vitellio, P. Franciscus Eschinardus meus quondam Præceptor Philosophiæ in Collegio Romano, in optica Romæ duobus tomis impressa 1647. Jo. Hevelius in Selenographia Gedani imp. 1647. in folio, ubi pingit machinam tornatilem ad lentium fabricam: Emmanuel Maignanus in Perspectiva, & Dioptrica circa finem libri. Hieronymus Sirturus: Julius Cæsar la Galla lib. de Phœnomenis in orbe Lunæ Telescopii usu physica disputatione. Venetiis 1612. P. Franciscus Lana Societatis Jesu in suo Prodomo ad Artem magistræ impresso Brixie ann. 1670. cap. 5. part. ultimæ de Telescopio, agit diffuse de Microscopiis tum componendis tum adhibendis. Rufus in Arte magistræ duobus Tomis impressa Brixie. Huic artificio non exiguam addidit perfectionem D. Butterfield habitans Parisiis, qui vulgavit ann. 1679. Programma Gallico idiomate impressum de Microscopiis suis globularibus, pinxit autem ibi illa, & modum utendi breviter declarat, addendo hac ratione a se confici, & publice etiam vendi *ala Rue Neuve des Fossees aux armes de Angleterre*.

Franciscus Fontana lib. de observationibus Cœlestibus, & Terrestribus. P. Nicolaus Zucchi in sua optica, Jo. Christophorus Kolhantius in tract. optico. Renatus de Chartes in Dioptrica. Robertus Hooke in Micrographia, Schottus cap. 3. lib. 10. part. 1. Magiæ naturalis. P. Honoratus Fabri in synopsi sua optica propof. 46. prolixè egerunt de Microscopiis, & præcipue Fabri egit de Microscopio nova ratione fabricato ab Eustachio Divino, ita ut in unius lentis ocularis utrinque convexæ locum vitra duo planaconvexa collocet, eaque ita jungat, ut in medio superficies convexæ sese tangent; de hoc fit mentio in Italicis Ephemeridibus tom. 4. pag. 134. Inter Acta Philosophicæ Soc. Regiæ in Anglia Mense Decemb. 1668. ubi dicitur illud peculiare habuisse, ut objecta plana non verò curva repræsentaret, & licet magnam eorum portionem tegetet, mirum tamen quantum ipsa augetet. Ibi etiam refertur, cum exiguæ arenæ grana descripto Microscopio adspicerentur, animal pluribus pedibus dorso al-

bo, squamisque refertum observatum esse, minus tamen quàm Animalia omnia, quæ hæcenus videre contigit. Nam licet Microscopium unumquodque arenæ granum nucis communis magnitudine repræsentaret; interim tamen dictum animalculum majus non apparuit quàm arenæ granulum sine microscopio conspectum. Ex quibus certe colligere licet, quàm exiguum id fuerit, ita ut ex Spectatoribus quidam Athomi Animalium ipsi nomen dederit.

P. Cherubinus Aurelianensis Capuccinus in Præfat. lib. de Visione perfecta refert eadem verba ex Diario Gallico 12. Novemb. 1668. dato pag. 107. & errorem sub illis verbis latentem reterege sibi suadet, immo evidentem contradictionem ostendere, & consequenter novum microscopii hujus effectum merum fuisse figmentum. Idem Auctor proponit novum microscopii genus; Binoculare nimirum, quod omnino, sicut longe supra Monoculare, certe supra votum ait sibi successisse, adeo ut clarissimi plerique curiosi omni eruditione conspicui, illud sint demirati, illudque ut juvandis eorum studiis consecraret impense rogaverint. Addit ille monoculare tam Telescopium quam Microscopium, alterum oculum actuali visu orbando, facultatem visivam alterius visus organi actuali usu privare, & consequenter visionem ipsam dimidiatam seu mediâ sui parte realiter mutilatam remanere; novum oculare ambobus una oculis objecta exhibendo, visionem & integram, cujus capax esse potest, facultati visivæ vim restituere. Illud docet sect. 1. part. 2. lib. de Visione perfecta, & cap. 1. sect. 1. part. 4. ejusdem libri differens de forma ad conficiendum hoc oculare Dioptricum, admittit vitra objectiva, & ocularia sive planisphærica convexa. Porro varia sunt microscopiorum Genera, Videatur Gaspar Schottus cap. 1. sintag. 4. lib. 10. part. 1. magiæ universalis, ubi sex diversa genera innuit, quæ tamen parum inter se differunt; unica enim lente omnia illa perficiuntur vel sphærica, vel hyperbolica. Alii muniunt tubum parvum vitro sphærico tam exiguo, ut perlæ parvæ magnitudinem non superet.

Ex typis Romanis vulgata est anno 1689. relatio variorum microscopiorum, de quibus luculentam dissertationem habuerunt Academici Physicomathematici in Conventu, qui prima Dominica singulorum mensium habebatur Domini Illustrissimi Præsulis Ciampini Brevium Pontificium Magistri, & bonarum Artium Fautoris præclarissimi. Ibi pagina connectitur, in qua duodecim delineata conspiciuntur. Quodnam supra cætera maximè faciendum sit, non est meum hic statuere.

De binoculari P. Cherubini Aurelianensis hæc

hæc opposuerunt multi ; videlicet ejus constructionem nunquam fixam ac certam esse posse, eò quòd alium semper atque alium pro diversa non tam objecti distantia , sed pro diversorum etiam Binoculo utentium , varia inter pupillarum certa naturali intercapedine , respectively vitrorum centra necessario situm exigat, quam tamen difficultatem nullius esse momenti conatus est hic Auctor demonstrare, addens modum, quo objectiva , & immediata amborum ocularium vitra mutuo confestim ac pariter ad se se aptissime convertendo quantum satis est , exacte aut ad invicem accedunt , ut consequenter exactam elongationis proportionem , quam exigit Binoculare , nullo penitus negotio assequantur , atque eo ad quamlibet intra majorem , ac minorem , quam patitur objecti distantiam pro sua quisque propria oculorum intercapedine , quælibet objecta etiam minutissima vicina distantissime ambobus oculis una contueri queant . At experientia magistra sciunt periti hujusmodi instrumenta quò simpliciora fuerint , & minoribus numero partibus composita , eò magis proficua esse in observationibus . His adde non adeo facile comparari posse duo vitra objectiva omnino similia . Secundò inutilia esse iis , quibus amborum oculorum acies non æque perfecta est . Quamplurimis enim alter oculorum aliquo defectu laborat , qui certe ut microscopio clare videat , diversimode aut magis productum aut contractum aptari necesse est .

Verùm, ne omnium Microscopiorum examen hic instituam , illud generatim notandum est . Quodcumque suam utilitatem præstare incommodo alicui mistam . Omnia enim , quamvis exquisita haud quaquam faciunt satis ; quia ea proportione , qua molem augent objecti , coni Visorii basim nimium arctant , ut vix animalculi minutissimi , pulicis ex. gr. uno intuitu particulam comprehendant , quod profecto visioni sinceræ summo impedimento est ; cum nisi per vices atque successive ( minutissimum licet objectum ) perfectiora id genus microscopia integrum nequeant repræsentare, immò interturbata partialis hæc visio animo etiam fastidium parit , utpote quæ plurimum obstat , quin perfecta objecti idea formetur , quam quisque integrum simile uno intuitu objectum cernendo, jucundissime sibi effingere posset . Si verò totum objectum contemplamur , illud certe clare apparebit , & minutissimas sui partes non ita distinctas ostentabit .

Quamobrem omnia meo judicio Microscopiorum genera probanda sunt , iisque consilio uti debet Naturæ rimator . Certe mihi diversa profuerunt . Primò quidem iis utendo , quibus tota objecti idea clare visa posset calamo deli-

neari , deinde ejus partes iterum gradatim aliis subjiciendo , quibus mirum in modum auctæ possent distincte recognosci , & fideliter exarari , prout à Natura fuerunt fabricatæ . Exulent igitur inutiles ex Academiis altercationes , quibus variorum Artificum tanquam inutilia damnantur studia , in diversa Microscopiorum constructione impertita ; Omnibus certe suas laudes tribuam ego , dummodo omnium opera exquisito labore sint perfecta ; omnes enim in suo Microscopiorum genere perficiendo , laudabiliter ob singulares eorum utilitates studia sua contulere , vel objectum totum proponant aliqua , vel divisim per partes successive dumtaxat , & ingenti cum incremento .

Sine ulla igitur dignitatis odiosa immeritaque comparatione , hujus laudati instrumenti Confectorum , ex diversis Auctoribus nobiliorem messem colligere placuit , cum ii non omnibus terantur manibus . Fuit Neapoli Fontana , Emanuel Maignanus in Gallia , fuit Hevelius Polonus , Joannes Wiselius Augustæ Vindelicorum instructus a Reita . Alium celebrat idem Reita Gervasium Mart Muller nomine , Sac. Cæsar. Majest. opticum , eumque dicit fuisse tam in practica , quàm speculativa optica versatissimum . Fuit Torricellius Florentiæ , quem Kircherus in Arte Magna Lucis , & Umbræ lib. 10. cap. 8. §. 3. Fontanæ prætulit , quòd majorem Theoricæ subtilitatis notitiam habuerit . Non minus claruit in Italia , ut aliarum rerum scientia , & Musæo toto orbe celeberrimus D. Manfredus Septala , Mediolani Urbis sidus splendidissimum optidorum instrumentorum fabrica . Apud Gallos celebre nomen Microscopii meruerunt Ferrerius Aruennas Choureus , Guilelmus Menardus Lutetiæ degentes , & Stephanus Bressycus Gratianopolitanus , nec non Chalamonius Aquensis Senator , & D. de Serviè Lugduni .

In Belgio post primos Inventores Middelburgenses clarus fuit Joannes Filius Zachariæ Joanidis Seelandus , & Joannes Lapperhey itidem Middelburgi , Cornelius Drebbel , Isaac Vossius Hagæ Comitum commorans ob Microscopium cum una sola lenticula , inclusa parvo ligno , quod ductile est post parvam tabulam nigram excavatam ad formam oculi , & perforatam in medio , ut perspiciatur per parvum foramen , celebratur a D. de Monconny Itiner. sui tom. 11. pag. 153 .

Amstelodami D. de Hudd exhibuit bina diversa Microscopia memorato Gallo D. de Monconny , alterum cum sola lenticula , alterum cui applicat crassiorem lenticulam in ea parte , ubi objectum admittitur , tali modo , ut radii luminis lenticulam intrantes objectum illuminare possint . Ostendit idem Hollandus D. de Mon-

conny modum præparandi istas lenticulas notatum in dicto Itinerario tom. 2. pag. 161. solet namque modo solito vitrum pro lenticula liquefacere ad ignem lampadis extrahendo salem intus hærentem, hoc vitrum dum candescit, emit tit salem ad superficiem, quem deinde facili negotio removet. De vitro hac ratione depurato particulam sumit extremitate virgæ ferreæ candentis, cui tantum, quantum lubet adhærere patitur, eamque particulam liquefacit, postea in igne lampadis circumgyrando accipit formam perfecte rotundam. Vixit paucis ante annis Uratislaviæ Theodorus Moretus Soc. Jesu Mathesis professor, qui strenuam ut in aliis instrumentis Mathematicis, & diversis speculis, sic & in Microscopiis navavit operam. Celebritatem famæ Microscopiis quoque auxit generosus pariter, atque tam ex rei militaris, quam singularum rerum mathematicarum, & physicarum scientia celeberrimus Vir D. Basilius Titelius Seren. Saxonix Electoris in arce Plisneburgo ad Lipsiam Præfectus. Claret insuper horum præparatione in Germania Urbe D. Christophorus Wejeman, narrante D. Monconny itin. tom. 2. pag. 320. uti Augustæ Vindelicorum Wiselius, & Wiselii Gener. ibidem Augustæ D. Daniel de Pierre laudatus ab eodem Monconny.

Vivit adhuc Romæ celeberrimus Joseph Campana in conficiendis tum brevibus Microscopiis, tum longissimis Telescopiis æque peritus. Hic etiam commoratus est ante mortem D. Adrianus Enricus de Ravensway, qui subsæcivas horas post graviora studia hoc nobilissimo labore feliciter implebat. Multa etiam confecit D. Carolus Antonius Tortoni Alexandri VIII. Summi Pontificis extra muros cubicularius. Multa & quidem optime concinnata D. Marcus Antonius Cellius. Perita enim manu fabricata curiosis venalia exhibebat Jo. Baptista Syndone, & modo nulli cedit peritissima manus D. Joannis Vannini Florentini Romæ commorantis.

Prodiit in lucem Norimbergæ ann. 1687. liber continens curiosam variorum minorum corporum descriptionem, factam a Joanne Francisco Griendelio ab Ach, ordinis equestri Spiritus Sancti Canonico, in quo observatione prima describit Microscopium noviter ab ipso inventum, aitque illud plus duplum, & circuli, & subjecti recipere asserit, quàm *vulgaria hætenus ex Anglia, Gallia, Italia, & Belgio allata receperunt*. Additque tale Microscopium constare ex vitris sex convexis, minimum autem, & ultimum esse objectivum, facta ex una parte sectione hyperbolica. Hujus Microscopii dimensionem explicatam inveni a R.P. Fr. Joanne Zahn sacri candidi Canonici Ordinis Præ-

monstratensis in Cella Dei superiore prope Herbipolim in libro, quem publicavit anno 1685. sub titulo: *Oculus artificialis Teledioptricus*. Distinguitur liber in tres Tomos Herbipoli impressus, quibus recensuit omnia tum Antiquorum, tum Recentiorum documenta circa Telescopia, Microscopia, catoptricas omnes dioptricalque machinas, suaque conjunxit, quibus optix studiosus possit sibi pro libito indulgere. Iste igitur Auctor in lib. de Telescopio fund. 3. syntag. 5. cap. 2. de Microscopio equitis Griendelii sic loquitur. *Microscopium, ut fig. hic apposta videre licet, habet septem vitra, duo scilicet objectiva, duo ocularia magna in medio, & duo minora sed magis convexa penes oculum, tandem & vitrum planum. Objectiva sunt planoconvexa 1. digit. ocularia intermedia etiam planoconvexa 6. digit. ultima ocularia itidem sunt planoconvexa 2. digit.*

Talem lentium planoconvexarum combinationem proportionem servata, quam præscribit Auctor supracitatus experiri volui, sed, ut verum fatear, animadverti me non adeo lucrari eo instrumento, ut supposueram; addendo enim lentes intermedias, licet plures objecti partes conspiciantur decrescit molis apparentia, quæ similis omnino obtinetur trium lentium combinatione servata eadem proportione, vel fere simili, quæ inter superiores præscripta fuit. Porro duæ lentes planoconvexæ unicæ æquivalent, quæ ex parte utraque sit spherica. Nec mihi animus est tali animadversione laudem minuere, quam Instrumentum ejusque Auctor meretur; solum indico quidquid experientia me docuit.

Cujus autem generis Microscopium melius conferat ad minima objecta clare, & distincte inspicienda, haud facilis negotii est decernere. Multas enim Vitrorum combinationes Auctores docent, multasque inter illa proportiones præscribunt, multas insuper illis utendi rationes. Adeant curiosi eorum Auctorum tractatus eruditos, quorum mentio fuit; neque enim singula percurrere, & ad examen revocare opportunum hic est. Variæ opus alex ambagibusque plenum instituerem, quod multa optix problemata requireret, quibus dubio procul ab incepto mens mea distraheretur. Illud in universum affirmabo: In observationibus accurate faciendis unicum non sufficere, sed diversa requiri. Sicuti enim non unico pennicillo utitur Pictor, nec unico Scalpro Statuarius, & omnia Artium opera multiplicibus instrumentis perficiuntur; ita pariter eos, qui rerum naturalium partes rimantur, variis instrumentis suos oculos munire necesse est. Quod si curiosus Lector meam observandi methodum scire peroptaverit; favebo libenter in iis, quæ subijciam.

§. IV.

*Proponitur Instrumentum maxime utile ad minimarum Rerum Observationes.*

**A**Ntequam instrumenti præcipui explicationem aggrediamur, duo videntur adnotanda. Primò Microscopiorum vitra ita perfectæ feligenda esse, ut nullo vitio laborent, tam ratione materiæ, quàm ratione formæ. Si enim perspicua & ab omni macula purgata Chrystallus non erit, si insuper lentium superficies perfecte spherica, & perfectissime levigata non aderit, objecta nullo modo, ac ipsa existunt, oculis apparebunt, & ex oculorum fallacia falsas observationes referemus. Secundò ex omni Microscopiorum messe illa magis probanda esse, quæ simpliciora sunt, & paucioribus vitris perficiuntur. Ubi enim plura vitra, ibi plures radiorum visualium refractiones, quæ semper majori turbationis discrimini sunt obnoxie non sine oculorum intuentium damno, & Objectorum infideli expressione.

Vitris ita paratis prudentis Inspectoris partes sunt ea seligere, quæ visio in singulorum objectorum indagine magis proficua experietur, modumque observare, qui utilior extiterit. Porro ad peritiam artificis in operibus artium perficiendis spectat ea instrumenta apte adhibere, quibus opus juvari potest, eaque respuere, quæ potius nocumento sunt; sicuti enim ad pupillam oculi effingendam in marmore eodem scalpro non utitur sculptor, quo ad formandas aurium cavitates, vel eadem lima ad dentes singularum rotarum horologii, ita opticus speculator eodem microscopio, non æque bene omnia objecta, vel mediocris, vel miuimæ molis illa sint, contemplabitur.

Triplex propterea microscopiorum genus oculorum meorum visui maxime profuere. Primum elegi microscopium tribus lentibus convexis, seu plano convexis ea proportione compactum, ut licet non valde auctum, integrum tamen objectum repræsentaret. Hoc enim modo oculis perfectam sui ideam ostentabat, & dum unico intuitu illud oculus totum cernebat, facili negotio poterat manus delineare, ejusque effigiem perfecte in paginas transferre, servata diligenter omnium partium dispositione.

Hujusmodi Instrumentum hic subjiciam, ne videar negotium facessere arcana quadam reticentia, ubi nec ratio, nec opus illam exigit. Tribus igitur lentibus componebatur, quarum objectiva fere tres partes habet digitalis diametri; ita includebatur in tubo, ut in eo ad objectum contemplandum majoris acus foramen pateret. Secunda intermedia species recipiebat toto sui orbe, cujus diameter quasi digitum cum dimidio æquabat. Tertia deinde ocularis plano convexa ita collocabatur, ut ex tota ejus amplitudine species ad oculum pervenirent. Situs autem hujus ocularis respectu intermediæ inferioris subjiciam. Et hæc duo vitra tali modo immobilia, modò plus modò minus remove ab objectivo necesse erat, prout magis vel minus aucta desiderabantur objecta. De hac tamen indicata proportione vitrorum non ita scrupulose sentiendum est, ut ea sit eligenda, nec ullo modo variari possit; Utillissimam illam suppono, alias multiplices, & quidem utiles non reiiciendo.

Hujusmodi perquam utili commodoque instrumento postquam objecta perlustraveram, eadem alteri microscopio subjiciebam, ut magis auctas ejusdem partes singillatim distinctius recognoscerem. Ejus structuram paucis exponam, Tribus pariter lentibus constat, quarum prima minimæ spheræ est, puta duorum vel trium granorum prope objectum collocatur, aliæ duæ prope oculum, servato semper inter se situ eodem, ut in superiori diximus de intermedia oculari. Regulam autem hæc vitra practice collocandi assigno, quam mihi communicavit eruditus æque, & perhumanus Canonicus Liburnensis D. Joannes Baptista Costa inter Familiares celsissimo Principi Mediceo, & S. R. E. Purpurato maxime acceptus.

Tribus potissimum modis disponuntur Microscopia tribus lentibus composita, illis rejectis magis simplicibus, oculari tantum & objectiva lente constantibus. Sufficit enim in iis ita collocare ocularem, ut ab oculo distet partibus octo ex decem in quas dividitur axis ejus coni. Aliqua igitur lentes binas habent ultra objectivum omnino æquales quoad convexitatem, & hæc ita simul aptantur, ut non mutuò se tangant, sed aer intermediet, ad optimum autem microscopium efficiendum curandum omnino est, ut arcuum earum chorda trigesimum gradum non attingat.

Ad majorem claritatem in Tab. I. hujus Classis pono quadrantem ADT, in 90. gradus seu partes æquales divisum, latus vero AD, in partes alias, quas digitos seu uncias appello. E centro A, ducantur linea ad E, hoc est ad gradus 30. eritque triangulus ADE, graduum triginti.

ta. Huic triangulo commensurandæ erunt lentes de quibus loquimur. Volumus ex. gr. lentem, cujus Diameter fit duarum unciarum nempe A C, ejus arcus ita designandi erunt, ut non excedant lineam 30. graduum A E, sed attingant gradus circiter 29. sic enim chorda C G, eorum arcuum erit graduum 29. nempe paulo minor quàm arcus 30. graduum. Eodem modo lentem trium unciarum fabricabis, quæ quidem amplior erit, sed 30. gradus non attinget. Porro lentes istæ, ac si esset unica tantum, operantur, eritque proinde distantia primæ ab oculo quarta pars ejus foci.

Si autem copulandæ erunt lentes inæquales quoad sphericam superficiem, illa quæ proxima erit oculo potest eligi adeo ampla, ut gradus impleat triginta quinque in sensu jam explicato, ut hac amplitudine major area detegatur microscopio subjecta, eritque spatium inter primam, & oculum æquale duabus ex tribus partibus ejus foci. Secunda verò seu media 28. vel 30. ad summum, ita tamen, ut hæc majoris spheræ convexitatem habeat, quàm prima. Sit ex. gr. prima lens E, amplitudine graduum 36. cujus focus in F, puta unciarum 2. Secunda seu intermedia C, dabitur graduum 30. habens focum unciarum 3. in D, Proportio enim harum melior illa est, quæ ocularem constituit respectu mediæ, ut se habent duo ad tria, quatuor ad sex, sex ad novem &c.

Ut practice inveniatur distantia inter has necessaria, adeo removenda est a media ocularis, ut aliquantulum detegantur bullulæ quæ sunt in media, eritque fere æqualis quatuor partibus distantia foci in quinque divisæ.

Supereft tertia combinatio, quæ fit quatuor lentibus, in quibus animadvertendum est, ut Tertia, quæ ab oculo objectum versus collocatur, sit portio longe majoris spheræ quàm aliæ duæ, quæ tamen amplitudine gradum octavum supra vigesimum superare non debet. Itaque hæc æquabit sua amplitudine 28. gradus, media 30. ocularis 35. seu melius 42. Lentibus sic rite paratis, accipiatur amplitudo primæ lentis ex. gr. A, quæ spheræ majoris portionem habet, inventoque ejus foco B, ducantur ad illum lineæ, eritque ab illis formatus conus 1. B 2. Intra hunc conum collocabitur media C, ponendo lineam amplitudinis lentis ita in cono, ut totum occupet, & parallellæ respiciat lineam amplitudinis lentis A, puta in punctis linearum coni 3. 4. ducanturque pariter lineæ ad ejus focum D, fietque conus 3. D 4. In hoc cono mediæ habebitur distantia ocularis E, a media C, si eadem regula in cono mediæ parallellæ collocetur ocularis, ita ponendo, ut totum conum impleat, nempe in punctis 5. 6. Lentibus tali

distantia dispositis, & nunquam variata utere approximando valde oculum lenti E, & applicando lenti objectivæ minimæ spheræ ex. gr. digitalis, modò magis, modò minus remotè, prout objectum majori mole, vel minori auctum desiderabitur.

Hæc autem satis superque sint circa Vitrorum combinationem. Cætera facile docebit Usus. Si verò partes observatas alicujus objecti distinctius velis intueri, utere lenticula maximæ convexitatis, seu potius globulo perquam minimo, aciculæ parvæ caput sua mole non superante. Hac pluries usus utilitatem incommodo conjunctam sum expertus, maximæ quia nimiam objecti approximationem requirit, & angustias manus patitur non minores ac oculus perscrutator. Eam idcirco ut plurimum respuens superius enarratum microscopium adhibui, quo certe non minorem objecti molem apparentem obtinui, lentibus coaptatis, quarum convexitas maxima esset, & ocularibus remotis, quantum opus esset ab objectiva, immissa insuper clarissima luce vel solis, vel candelæ, eo quòd, quò magis objectum per vitra augetur, eò obscuriori in loco situm appareat.

Dum verò observationes fiunt, multa diligenter curanda omnino sunt; aliqua præcipua animadverto, & primò quidem, ut debita luce oculus utatur, ne mens decipiatur in observatione minimorum, judicando aliquid objecto inesse, quod vere non est, sed propter umbras, seu luminis reflexiones umbratili quadam apparentia sese exhibet intuenti. Quamobrem vividissima luce non rarò opus habemus, aliquando verò remissa, & valde temperata, modò ex opposito, & tantum directa, modò laterali, & reflexa. Secundò varianda est approximatio instrumenti, prout objectum requirit; varianda insuper est si producat instrumentum; nam elongatum magis admoveri debet objecto, & ab eodem removeri, si contrahatur. Tertiò in usu microscopiorum ratio illa seligenda est, quæ magis simplex certa, & expedita judicabitur. Varias docuerunt Auctores, sicuti & in usu Telescopiorum, quibus remotissima objecta contemplamur, pedibus diversimode aptatis, Fulchris, Cochleis, Rotulis, Regulis dentatis, Semicirculis per cursores immixtis, Capsulis ligneis, Tubis papiraceis, loculamentis variis ex auricalcho, omnique machinularum genere ingeniose excogitato, quibus diu noctuque objecta omnia commode possent explorari.

Omnes fere expertum me esse sine furo mendacii affirmabo, nec ulla plene satisfactum; singulæ enim vitio aliquo laborabant, nullamque abunde commodam judicavi ad observationes,

præfertim , fi oculo attente respiciente , manus delineare vellet quidquid observabatur . Inter omnes utiliore existimavi modum , quo suas observationes fecit Cl. Hookius , Adeat curiosus ejus librum , in cujus initio illum exprimit , delineando Microscopium appositum objecto , quod lumen lucernæ per lentes convexas transiens irradiat . Modus hic utendi microscopio maxime confert , si nocte fiant observationes , si verò die , poterit objectum illuminari expositum radio solis , qui per angustum foramen transeat ; & hoc pacto observari possunt multa objecta , non verò omnia : Multa inquam , eò quòd quamplurima melius dignoscantur contra lucem exposita , remota interim luce , quæ ex lateribus objectum idem , & microscopii objectivam lentè illuminat . Subjiciam propterea quo pacto hoc fieri utilissime possit . Sit Tubus AB , vide Tab. superiorem qui contineat lentes microscopii , quarum objectiva includatur ita in M , ut tubus in acumen definat pyramidis instar , circa cujus basim relinquatur circulus planus ii . fit deinde tubus alter brevior , cui connectatur Microscopium beneficio cochleæ C , Immittatur deinde in talem breviorẽ tubum fili ferrei portio in helicem contorti , quæ claudenda est alio tubulo TG , inserto in E , beneficio Cochleæ F . In lateribus prope fundum debet relinqui foramen O , non rotundum . In hoc tubulo lamella B , ex auricalcho ita aptetur , ut mobilis possit magis elevari aut deprimi vi helicis inclusæ in Tubo F , eritque etiam in centro ipsius foramen , ut in fundo G .

Objecta deinde inspicienda debent includi intro duo vitra vel plana , vel concava , prout objecti moles requiret , quæ vitra inserta sint in regulis ligneis , & firmata annulo æneo vel simili . Hæ regulæ cum objectis insertæ in foramen O , tubuli FG , intra fundum G , & lamellam B , ita firmantur à cochlea inclusa , ut tamen moveri facile possint , quando objecti partes microscopio subjiciendæ erunt gradatim . Omnibus ita præparatis , exposito instrumento contra lucem promovendus vel contrahendus erit tubus FG , beneficio cochleæ ipsi appositæ , quæ contractione , vel promotione determinetur distantia , in qua dilucide possit objectum contemplari .

Dum hæc scriberem nova ratio utendi microscopio menti suborta est , quam quidem meo judicio alteri jam adhibitæ præponendam omnino duxi . Vide figuram 3. hic adjectam , Tubus AB , qui lentes apte dispositas continet , alteri tubo ex auricalcho seu ligno fabricato inseritur beneficio cochleæ CO , quæ quidem triplo longior sit alia , cui inseritur , ut possit promoveri , & removeri microscopium , quatenus sit opus ad

clare inspiciendum objectum . In fine hujus tubi est receptaculum DE , pro filo æneo cochleato , qui laminam F , vi sua elevat contra microscopium , continetque in situ debito regulam cum objectis inter alium annulum G , fixum brachiolis ID , IE , quibus pars superior CO , cum inferiori DE , connectitur . Hoc instrumento ita parato si utamur , videbitur objectum , promovendo quatenus opus sit microscopium beneficio cochleæ CO . Si verò contra lucem dirigere opus fuerit , & excludere lucem importunam , quæ hinc inde ex lateribus affulget , habeatur tubus M , papiraceus , vel ex alia materia , qui tubus vestiatur microscopium . Si enim tubus hic demittatur usque ad annulum G , tunc lumen circumjacens non erit importunum objectis , nec objectivo , & expedite uteris Microscopio duplici ratione , hoc est in situ verticali , & horizonti parallelo contra lucem . Poterit etiam tubus M , ita confici , ut in eodem situ circumactus præbeat luci aditum vel in una , vel in duplici parte , laternæ instar versatilis .

Singula commoda ex hac ratione in usu microscopii derivata hic non expono . Illa facile cognoscet qui velit uti . Unum tamen illi deerrat cum objecta visa conabar in paginis delineare , & fideliter exprimere ; dum enim dextera manus in usu calami laborabat , defatigabatur sinistra centies , & millies oculo instrumentum admovens , nec semper eadem objecti apparentia servata , molestia addebatur permagna , qua quidem non rarò ab incœpto desistere utraque manus oculusque cogebatur .

Quapropter machinulam excogitavi , cujus beneficio omnia hæc facile possem obtinere ; videlicet . Primò motum facilem in objecto examinando . Secundò motum idoneum in approximatione instrumenti . Tertiò ut talis approximatior fieret paulatim , & sine periculo deperdendi objecti partem , quæ contemplanda proponitur . Sæpe enim accidit dum microscopium vi cochleæ circumagitur ad remotionem vel approximationem , objectum occupet partem aliquam basis coni visualis , quæ in accurato examine sub axe ejusdem collocari debet , eò quòd cochleæ non perfecte simul coaptentur ; & ex earum tremore mutetur objecti apparentia . Quartò effusionem luminis æqualis in totam spatii aream , quod microscopium detegit . Quintò tale lumen , quod idem semper perseveret . Sextò stabile instrumentum ita firmatum , ut oculo admoto , sine ulla difficultate possit semper in eodem situ , & eodem lumine coruscans respici , manusque illud delineare , ut pictor , tabula aliqua sibi proposita , seu statua , illam in aliam transfert , aliudque exemplar ideæ omnino simile coloribus effingit .

Illud in adjecta Tabula 2. subjicio ruditer delineatum, & breviter sic explico. Supra lineam horizontalem MN, verticaliter ad angulos rectos elevetur fulcrum seu columna HK, pro artificis arbitrio, quæ sit apta ad sustentandum microscopium, ejusque partes, quas dicam. Tali columnæ debet imponi capsula VX, in cuius summitate aptetur cursor dentatus GR, qui cursor beneficio cylindri dentati transversim in capsulam inserti pro libito possit promoveri, & removeri. Huic cursori ex materia ænea, seu chalybea fabricato adjungitur fulcrum Y, cui aptatur immobiliter Microscopium AB, quod fulcrum potest esse perforatum, & vaginæ instar, cui possint inseri pro libito diversa microscopia, & beneficio cochleolæ Z, firmari. Microscopium autem potest sic aptari, ut annulo ex auricalcho cochleato recipiatur, & sustentetur. In extremitate ejusdem capsulæ puta in X, erigantur verticaliter duæ laminæ inter se parallellæ CD, relicto spatio capaci ad recipiendas regulas ligneas cum objectis supra indicatas, & rursus in hac Tabula delineatas num. 2. Insuper inter eas lamellam E, vi contortam, ut dictas regulas impellendo contra laminam C, microscopio proximior, valeat ita firmare, ut tamen faciliter moveri quaquaversus possint. Si ergo immittatur regula lignea I, cum objectis intralaminam C, & lamellam E, quæ in medio juxta altitudinem microscopii habebunt foramina, videri illa poterunt admoto oculo in A, & obtineri debita distantia seu approximatione microscopii ad objecta, rotando cylindrum dentatum F, qui agendo in dentibus cursoris, promovebit etiam microscopium, servando semper eandem lineam directionis, absque eo quod ad ullam objecti visum partem deflectat. Cum autem in debita distantia collocaveris instrumentum, ut distincte objectum appareat, facili negotio poteris illud delineare, oculo iterum atque iterum microscopio admoto, sine ullo tadio, & erroris discrimine.

At quia haud potest negotium perfici, nisi objectum clarissime illuminatum appareat, apposui eidem plano MN, aliud fulcrum, quod lucernam in debita distantia sustentabat, ita ut in eadem linea horizontali ejus lumen collocaretur oppositum centro microscopii. Addidi deinde inter objecta, & lumen lucernæ beneficio brachioli S, cochleis muniti in R, & V, ut posset debite elongari, & elevari cum esset opus; collocavi, inquam, Tubum cum duabus lenticulis OO, ita dispositis, ut refrangendo lumen, focum haberent, ubi objectum collocabatur ad observationes. Non facile dictum est, quàm distincte beneficio luminis hujus inspiciantur objecta, & quidem melius nocte, quàm die sole ni-

tida: Noctu enim abest lux illa importuna, & noxia, quæ e lateribus illuminat objectum, & lentem objectivam, ad quam excludendam usi sumus alio instrumento jam superius explicato. Utile insuper est, nam cum observamus objecta, sub eodem lumine possumus statim in paginam appositam illa calamo transferre. Cæterum liberum erit tale instrumentum fabricare, uti magis placuerit; dummodo indicata serventur ad exactas, & faciles observationes per necessaria. Cætera enim sunt vel ad ornatum, vel ad Artificis peritiam ostentandam. Illud quod pro meis observationibus confeci, quatuor supra octoginta partibus constat, totum ex auricalcho cochleis simul compactum, ut facile dissolvi possit, iterumque componi.

Si verò noctu velis eodem instrumento uti cum eisdem omnino utilitatibus, tali modo fabricandum est, ut capsula cum microscopio maneat in linea verticali, in plano verò horizontali laminæ cum objectis, supra quæ immittatur lumen per binas lentes descriptas, & apte inclinatas ad lumen recipiendum, & augendum. Intelligenti pauca. Claritatis tamen gratia hanc tabellam subjicio, in qua partes præcipuæ hujus instrumenti indicantur.

A B. Microscopium insertum annulo beneficio annuli cochleati,

Y. Vagina, cui inseritur fulcrum annuli cum microscopio.

Z. Cochleola firmans fulcrum microscopii Y.

G T. Cursor dentatus sustinens microscopium.

M. Manubrium cylindri dentati, quo promovetur, & removetur cursor.

L F. Brachium insertum bacillo Q, versatile, & ductile cum binis cochleis L R.

S. Aliud brachium sustentans binas lentes insertum in vagina conjuncta brachiis L F, quod firmatur cochlea L.

1. 2. Lamina cum vagina pro sustentando microscopio latior cursore cum duobus foraminibus.

3. 4. Duo foramina in cursore correspondentia foraminibus laminæ 1. 2.

5. 6. Alia lamina cum duobus foraminibus cochleatis.

7. 8. Cochleolæ, quibus connectitur cursor in medio duarum laminarum.

9. Lamella, quæ conjungitur capsulæ VX, beneficio cochlearum.

10. 11. Sub qua cursor promovetur.

Advertendum ultimo, ut cursoris crassities aliquantulum superet crassitiem laminæ, intra quam collocatur, & cochleolæ 7. 8. non tam arcte lamellas firmant, ne impediatur motus.



§. V.

*Ratio conficiendi perfectissime Lentes.*

**P**ost indicatam utilem microscopii fabricam, fortasse cupido erit alicui sciendi, quo nam pacto lentes efformari perfectissime possint; an scilicet ratio aliqua inveniri possit ad superandas quamplurimas difficultates, quæ in hujusmodi studio sese objiciunt, quibusque multi tempus operamque deperdunt. Porro quàm facile est lentem efformare, tam difficile sine ullo defectu illam perficere. Hinc inter curiosos sunt tot quin plures, a quibus lentes conficiuntur, at a paucis optimo cum eventu.

Inter omnes difficultates, quæ in hoc studio sese objiciunt, dux potissimum sunt, altera versatur circa formam inducendam in vitra, quæ sit perfecte spherica, & hæc erit prima, & maxima difficultas; altera est, quæ accidit in politura; Vitrum enim quod figuram perfecte sphericam assequutum est, cum postea poliri debet, facile illam deperdit. Recensitas difficultates experitus Franciscus Fontana eximius Telescopiorum Fabricator cap. 4. Traçt. 1. de Tubo optico quæsit utrum darentur regulæ infallibiles illas superandi. Responditque affirmative. At nihil inde subdit, quod praxim juvare possit, nisi modum examinandi, an lentes sphericam perfectamque formam induerint.

Innumera documenta tradiderunt alii ad hunc finem, præcipue Rheita de oculo binoculo, P. Cherubinus Aurilianensis in sua Dioptrica oculari, & P. Zahn de Telescopio part. 3. ubi praxes multorum in lentibus perficiendis exponit, addendo deinde suam, quam optimam inter cæteras putat. Eorum paginas percurrat studiosus, non enim decet hic omnia retexere. Paucis me expediam indicando aliqua, quæ omnino necessaria sunt, & si negligantur, vel nunquam, vel rarò, & fortuito optimæ lentes perficiuntur. Primò illud adverto, quod P. Cherubinus Aurilianensis aliique docuerunt. Vitraæque utrinque convexa cæteris præponenda esse, idcirco potissimum, quia tali modo elaborata (ut videlicet ambæ vitrorum hujusmodi superficies circum se acutissime convenient illarum centra. Deinde alia tria documenta adnecto ad obtinendas lentes parvæ spheræ, prout sunt in Microscopio necessariæ, cum pro objectivis magnorum Telescopiorum alia via sit incedendum. Illa igitur excipe.

Primum respicit scutellas seu patinas conca-

vas, quas suppono ex auricalco faciendas esse, & ex stamno vel cupro pro prima forma vitro inducenda, quas necesse omnino est perfectissime sphericas esse, tales facile obtinebis, & in opificio conservabis, si eas eligas, quæ valde amplæ sint, sed lenti faciendæ ita commensurentur, ut lens fere triplicem diametri portionem occupet.

Secundum pertinet ad modum inducendi spheram vitris. Hanc primùm ruditer quære in alia scutella spheræ paulo majoris vel manu, vel torno, seu simili instrumento deinde majori studio in optima minoris spheræ perfice, utraque manu simul concurrente, ita ut dextera vitro scutellam percurrat, leva autem scutellam vitro adaptet, altera alteri obscurante.

Tertium polituram obtinet. Varios hanc polituram obtinendi modos Auctores præscripserunt. Vide Zahan, Borellum, aliosque. Illud cæteris præfero, quo eadem scutella utitur, in qua glutine aliquo seu gummi superimponatur carta pulveri tripolitano aspersa; at egregiam facilem, & sine periculo perdendi sphericam convexitatem obtinebis, si instrumento rotatili utaris, quod beneficio rotæ majoris velociter circumagatur.

Qui plura desiderat supracitatos Auctores adeat; caveat tamen ne variorum documentorum copia inops fiat, ut per eorum ambages incedendo, nunquam finem optatum attingat. Pauca enim requiruntur præcepta, sed optima, & diuturnis experientiæ laboribus comprobata. Porro sæpe accidit, ut ea in praxi negligantur, nec magni fiant, quæ tamen ad opus perfectè obtinendum optimam viam sternunt, ideoque eorum neglectu semper vitio aliquo illud laborabit. Hæc innuisse sufficiat Edipo curioso, ut mentem manumque suam exercendo, sapidissimis proprii laboris fructibus persuatur.

Cum de microscopiis actum sit, quæ parva Telescopia sunt ad inspicienda objecta prope oculos posita, quæ tamen ob suam exilitatem nudo oculo non possunt distingui; atque Instrumentum sit indicatum, cujus ope Microscopia utiliter adhiberi possunt, non omittendum est Instrumentum, quo majora Telescopia facile pertractari possunt, in observationibus rerum, quæ valde remotæ sunt, & præcipue Planetarum, & Siderum.

Cum autem in eorum usu, difficillime Tubi dirigantur, ita ut ne digito quidem a linea rectissima recedentes in arcum efformentur, atque immobiliter directi, idem centrum servant, quem lens ocularis, & objectiva adeptæ sunt in prima, & optima directione, Instrumentum excogitavit P. Franciscus Ægidius de Cottignies Nostræ Societatis, cum Mathematicas facultates in-

Collegio Romano doceret, id exoptante Excell. Marchione de Carpio in Regno Neapolitano tunc Pro-Rege, quo exiguo manus labore longissimus Tubus posset quaquaversus pertractari; illudque erat, quod Tabula 3. exhibet delineatum.

Ex tabulis abietinis simul insertis, quæ palmarem latitudinem, & trium digitorum crassitiam habebant, compacta fuit linea ABC, ad palmos quadraginta circiter producta. Huic pluribus in locis hinc inde aptatæ sunt columnulæ duobus palmis altæ, ut videntur in D D D. Hæ columnulæ inter se colligabantur filis ferreis digito crassis in crucem dispositis, ita ut ad nullam partem possent inclinari, ut delineatio eorum consideranti demonstrat, & simul beneficio eorum linea lignea ABC, in arcum inflecteretur. Hujus arcus chorda evasit Telescopium, cum supra extremitates lineæ AC, collocatum fuit, & quidem rectissima, ut necesse erat, eo quod etiam in aliis locis sustentaretur puta a fulcris insertis Columnulis DD, & quidem ita Tubo subjectis, horizontaliter, ut rectissimam lineam ostenderent inspicienti. Ut verò tota machina posset facile elevari, ac deprimi sustentabatur a retinaculis facile mobilibus MN, & fune trochleis P, inserto, ne trahens nimis defatigaretur a pondere. Tali pacto elevata machina ad rationabilem altitudinem, manus inspicientis in O sine ulla difficultate poterat illam quaquaversum agitare, ut objecta introspiceret.

## §. VI.

### *Recensentur, & describuntur Res minimæ microscopii Ope clarissimè re- cognitæ.*

**I**N manibus quæ sunt, vix nos ea scire putandum est. Usque adeo procul à Nobis præsentia veri. Inquit olim Philosophus ac Poeta Lucretius. Ejus effatum nobis comprobant Microscopia. Detegunt enim quamplurima admiratione dignissima, offerentibus sese quotidie rebus vel plane novis, fœcundæ Naturæ liberalitate, vel certè non antea animadvertis. Jure proinde conquestus olim fuit Diogenes dicens, *Quod ante pedes est nemo spectat, Cæli scrutamur plagas.* Deus enim hunc vastum Terrarum Orbem magni voluminis instar composuit, in quo ejus dotes explicarentur, aliquæ aureis notis, aliquæ arcanis, aliæ maximis, aliæ minimis characteribus, qui sine ope microscopii nunquam

legi possunt. indicavit D. Antonii Abbatis responsum Philosopho cuidam illum invisenti; Apud Engelgrave in festo Ascension. interrogavit enim, num posset in solitudine sine libris tempus transigere? At sagax Eremita Incola; Unum, ait, sibi satis esse librum quinque tantum paginis compactum; videlicet: Rerum omnium Universitatem, cujus prima pagina terram exponebat floribus, herbis, fructibus Animalibus ornatam: Secunda Mare, innumeris variisque piscibus squamosis, crustatis, & Testaceis repletum: Tertia Aerem, cum diversis Volatiliis agminibus: Quarta Ignem; Ultima Cœlum. Hoc volumen Nos inter alias dierum necessarias occupationes, quantum licuit, obiter observavimus paucorum mensium intervallo, ut D. Hieronymi inter silvas degentis morem imitaremur. *Video arborem, agebat ille, in Pl. 91. & considero, quomodo cortex arboris, est quasi tunica, qua vestitur, deinde quomodo flos sit, quomodo flos cadat, & ipse flos vertatur in pomum. Video paulatim per singulos dies in singula tempora mihi Naturam operari, & in meos cibos crescere: Video quomodo Deus in omnibus mihi laborat, ut mihi nihil desit; propterea exulto in Te Domine.*

Observationes igitur nonnullas, licet qualescumque habitas subijcio fideli calamo a me ipso exaratas. Doleo tamen me impari fuisse ad exarandum accuratissimo stylo, quidquid oculus per Microscopium inspexit; Naturam enim perfecte æquare vetatur Arti. Eas excipe quicunque paginas hæc revolvere non dedignaris, ea magnitudine haud expressas, qua mihi microscopia repræsentarunt, sed sufficienti mole donatas ad congruam expressionem idonea. Et primo loco sit.

## C U L E X.

**A**Nimal, cui, (ait Alkazuinius) apud Boetium Hierozoici lib. 4. cap. 17. quidquid Elephanti pariter natura contulit cum aliarum auctario. Attende ad parvitatem corporis ejus, quæ tanta est, ut visus quantumvis intendatur, illud, cum volitat non assequatur. Deinde caput respice, quod corporis illius caput esse non videatur. In eo enim est videndi facultas, & audiendi. Tum de cerebro cogita, & præ capite quantum illud sit; & ibi latere facultates quinque interiores. In eo scilicet est sensus communis, qui videt animal ad se venire; secundò est imaginatio, quia cum incidit in Animal promuscidem suam in illud immergit, neque idem facit, cum incidit in parietem. Tertiò & est virtus æstimativa, qua discernit se in-

se insequentem ab eo, qui se non insequitur; ab illo enim fugit, & coram hoc in loco suo manet. Quartò facultas quoque est conservans; quippe cum fuxit sanguinem fugit illico tanquam sibi conscius se dolorem intulisse, ne pœnas reposcat qui læsus est. Est & vis cogitativa, unde est quod fugit, cum sensit motus manus humanæ, ut qui sciat eam sibi esse perniciosam, sed quamprimum quievit manus, redit ad locum suum, quia scit id abiisse, quod exitium suum machinabatur, Promuscidem habet tenuissimam, sed cum tenuitate sua concavam, ut per illam defluant partes sanguinis tenuissimæ, & capiti ejus indita promuscis, illa tam valida est, ut cum ferit Elephantis aut Bubali corium, illud penetrat. Proinde Elephas, & Bubulus ut culicem vitent ad aquas fugiunt; hætenus Alkazuinus.

Sed longe meliora sint hæc Plinii lib. 11. c. 2. Ubi tot sensus Natura rerum collocavit in Culice? Ubi visum in eo præterdit? ubi gustum applicavit? Ubi odoratum inseruit? Ubi verò truculentam illam, & maximam vocem ingeneravit? Qua subtilitate pennas adnexuit, prælongavit pedum crura? disposuit jejunam caveam, uti alvum avidam Sanguinis, & potissimum humani sitim accendit? Telum verò perfodiendo tergori quo spiculavit ingenio? Atque ut incapaci concerni non possit exilitas, ita reciproca geminavit arte, ut fodiendo acuminatum pariter forbendoque fistulosum esset.

Culicem habere in aquis originem fere omnes docuerunt, non tamen apud omnes eadem originis series exponitur. In aquis & præcipue stagnantibus varia Animalcula etiam nasci experientia comprobari scripsit Aristoteles 5. de hist. Animal. c. 19. & Tipulas fere in puteis, & ubicumque aqua se colligit terra subsidente, concretionem oriri. Fieri ut principio fex ipsa putrescens, colorem candicantem trahat, mox nigricantem, postremò cruentum; Talis cum fuerit minutissima quædam, & rubra specie algulæ prodeunt, quæ ad tempus hærentia suæ origini moventur, deinde absolvuntur, itaque feruntur per aquam Tipulæ nuncupatæ, tum paucis post diebus erigunt se super aquam duræ atque immobiles, mox disrupto putamine culex emergit ac insidet, donec vel sole, vel flatu moveatur, & volet.

Sententiam Aristotelis sequutus fuit Plinius, Licetus, Sennertus, aliique. Illis se opposuit Suammerdamius, ubi ait: Hist. Insect. pag. 95. Culex in aquis originem habet, idque ex minimo ovulo, quod femella Culex in aquas deponit cum ova sua parit. Idem enucleatius nobis exposuit D. Petrus Paulus Sangallo epistola. D. Francisco Redi inscripta Florentiæ an. 1679. ubi narrat se observasse in aqua, circa quam

Culices permulti volitabant, aliquas, quas vocat *naviculas*, natantes, longitudine, & latitudine semen peponis æquantes, non tamen inter se æquales, easque in plures particulas diffrumpi, quas particulas sibi suasit fuisse Culicum femina, postquam circa 40. vermiculos numerasset, qui in Culices solent adolefcere. Placet ejus verba huc afferre ex pagg. 15. excerpta.

*Furono vedute da me galleggiare sopra essa aqua moltissime navicelle, onde cominciai subito a pensare, se quelle navicelle per fortuna contenessero la semenza, e l'Uova delle Zanzare, e per chiarirmene ne presi una, e postala in un bicchier d'acqua di pozzo chiarissima, vidi in brevissimo tempo la navicella squarciarsi in minutissimi pezzuoli, che parte andarono a fondo, e parte rimasero a galla dell'acqua, e nella istessa aqua vidi improvvisamente nati 30. ò 40. di quei sudetti vermi così piccoli, che appena l'occhio arrivava a scorderli. Con questo avvedimento, e per altre esperienze, che in altri giorni io ne feci restai pienamente accertato, che tali navicelle contengono ne loro seni l'Uova delle Zanzare: deinde concludit. Per recapitationem di quanto hò scritto replico che le Zanzare non nascono spontaneamente dalla putredine, ma nascono dall'Uova delle loro madri, e da quest'Uova nascono altrettanti vermi, i quali alcuni altri giorni squarciandosi la loro pelle, ne scappan fuora le Zanzare.*

Ex accurata hac observatione Culicum propagationem spontaneam penitus infringi judicarem, nisi aliam in eadem epistola didicissem, ob quam in ancipiti adhuc verfor dubitatione, utrum sponte illi nascantur. Subdit enim p. 18. *Posso ben con sicurezza affermare, che vi è una terza razza di Zanzare differente da quelle due, la quale molte volte mi è nata nell'acque, che hò fatta a bella prova inverminare, e queste terze Zanzare son della figura delle altre due sopradette, ma sono molto minori, ed hanno le ale più ritonde è il colore come nericcio, e nascono da loro vermi per appunto come quelle altre due razze.* Sic ergo mecum ratiocinabar. Mitto naviculas illas in aquis visas onustas fuisse Culicum seminibus, & veluti ovaria ab aliis Culicibus deposita, at unde originem illas traxisse dicamus, a quibus talia ovaria prodire? fortasse ex aliis præexistentibus, at, ne infinitum regressu quodam puerili procedamus, aliqui sane Culices designandi erunt, qui nullo præcedente ortum traxerint ex aqua ad talem generationem rite disposita, quæ non nisi anni tempestate opportuna accidit, sole incalescente, omnibus penitus interemptis ob hyemis rigorem. Rursus si tertia Culicum species observata non unica tantum vice ex aquis putrefactis prodiit, nullo alio

Culice præexistente, cur de omnibus idem dicendum non est? Discrimen illud quod in diversas species Culices distribuit ex accidentibus quibusdam desumitur, quæ meo iudicio species non multiplicant, sed exornant.

Excipite experimentum aliud, quod ingeniosus eques Henshaw sumpsit ex rore, quo mense maio vas repleverat, illud refero verbis, quibus refertur in Actis philosophicis Anglicanis ann. 1665. *Cum unam mensuram ejus roris prius putrefacti, & excolati imposuisset in apertum vitrum Cylindricum orificio amplo, & sibi multas septimanas stare in fenestra australi, cui sol multum incubabat, sed cancelli tenebantur arte clausi; post aliquantulum temporis veniens ad excipiendum rorem suum invenerit plenissimum parvorum Insectorum magnis capitibus, & tenuis texturæ corporibus. Illa, cum accederet, vitri fundum perebant, quasi se occultare vellet, cumque recederet denuo enitebantur in superficiem aqua, cum ita paulo longius ea liquisset, postea reperit spacium plenissimum culicibus, licet janua, & fenestra semper clausæ fuissent.*

Huic aliud adnecto; quod mihi proxime elapso anno accidit mense Augusti. Vix eo anno Culicis sonum intra domesticos parietes audiveram, cum repente eorum veluti examen infestissimum circumvolitare intra cubiculum animadverti, quo nocturna quies, diurna que studia molestissime vexabantur. Augebatur illorum numerus, augebanturque molestiæ, quibus remedium non satis in promptu erat afferre. Vas aqua plenum ex puteo accepta perlustravi, ut deprehenderem num ex illo erumperet adeo copiosa Culicum Soboles, & limpidissimam illam inveni, & sine ullo prorsus vermiculo; deinde ad aliud vas accedens, in quo eandem aquam post manuum ablutioem, & aliqua fece mistam ad putrescendum reposueram, adeo ingentem vermiculorum segetem in ipsa laterè animadverti, ut si omnes in Culices transmutari reliquissem, nec aerem per os attrahere potuissem sine culice ad respirationem pernecessarium. Hic eventus satis mihi comprobavit historiam Pausaniæ, qui in Achaicis narrat, postquam Mæander Fluvius ostio aquarum impetu oblimato, stagnum reddidit, & edulcavit aqua, neque amplius mare fuit, Culices e lacu tanta copia enatos esse, ut incolas Mysios urbem deserere coegerint; additque etiam Populos, qui sunt infra Pergamum in eandem calamitatem incidisse. Nascuntur igitur Culices ex aqua stagnante, & idonea fece subsidente, ex qua vermiculi primùm efformantur, qui deinde erumpunt in Culices; mihi certè pluries in aqua nati sunt, in qua naviculas illas nunquam potui deprehendere, nec unquam, licet sæpe, & in-

numeros intra vitra, ubi erat aqua diu conservaverim auctus numerus eorum est, sed post aliquos dies semper periere.

His prænotatis ad inspectionem hujus bestiolæ deveniamus. Illam in Micrographia Hookii agnovimus delineatam, quamvis putet Summerdamius *non satis accuratè expressam fuisse, caudam a Viro illo, nec satis naturali situ.* Suammerdamius verò picturam dedit in hist. Insectorum pag. 96. vermiculi: & nimphæ, & pag. 99. Culicis eleganter insculptam; at quia in aliquibus observationes meæ discrepant, illas fideliter, & accuratè exaratas expono.

N. 1. vide Tab. seq. exhibet vermiculū Microscopio auctum, & diligentissime pluries examinatum, capite ad fundum aquæ pendulo. Cauda vero B, quæ fusco colore imbitur, & brevibus pilis vestitur, superficiem aquæ adhærescit, ad quam se confert, quando illi libet quiescere, cæterum in aqua semper irrequietus. Corpusculo ad fundum pendulo extremitate caudæ excitat quamdam cavernulam, ex qua aerem emittit expiratione, ideoque vocatur cauda aerifera a Suammerdamio; aliquando etiam ita cauda adhærescit, ut caput attollat ad eandem superficiem. Abdomen decem annulis distinguitur, si partem numeres, quæ superficiem aquæ attingit. Cum vermiculus iste sit diaphanus videri possunt circa thoracem binæ venæ seu cavitates, quæ respirationem fortasse juvant, quarum finis est in cavernula supra aquam excitata. Inter istas venas collocantur intestina, in quibus observatur excrementorum propulsio, quæ per partem alteram emittuntur. Hujus autem partis fabricam nullus expressit eo modo, quo mihi semper apparuit. Quasi calicem brevibus circumseptum pilis efformat; in ejus ore præter longos, & aculeatos pilos quatuor pennæ seu potius folia subtilissima hinc inde æquali spatio disposita prominent, in quarum radice punctum nigerrimum notatur. Pili etiam sed breviores, modò terni, modò quini è singulis annulis prodeunt. D ostendit caput, in quo antennæ duæ acuminatæ cornu instar, prope quas sunt oculi rotundi, & nigerrimi. Rictum habet pilosum, in eo multæ sunt partes, quas enulcatus descripsit Suammerdamius, Nos omittimus quia satis clare sunt stylo expressæ, prout sub microscopio apparere.

Num. 2. exhibet Nimpham ejusdem Vermiculi, in ea caput, quod antea pendulum erat, nunc superficiem aquæ respicit, eique adhæret beneficio antennarum A B, quæ dilatata ut duo canaliculi, eundem usum habent, quem in verme cauda. In extremitate caudæ binæ pinnulæ, & quidem aculeatæ extant, quarum unicam tantum esse Hookius, & Suammerdamius affir-

affirmavit . Abdominis octo annuli apparent magis distincti quam in Verme , caput verò sub membrana transparenti latet , videnturque pediculi plicati sub alis , oculi tumidiores , aculeus seu Tuba circa oculos emergens .

Sub num. 3. jam ipse culex exprimitur nimpha exutus . In capite sunt Oculi , Antennæ , & Aculeus ; huic adnectuntur binæ partes aculeo æquales , quas Suammerdamius vocavit aculei Comites triplici articulatione divisos . Lanugine vestitos , sicuti est aculeus , qui nulla gaudet articulatione , & extremitatem habet quinque longioribus pilis in girum dispositis armatam . Iste tamen qui vocatur aculeus , fistula potius seu vagina dicenda est , in qua aculeus adeo subtilis servatur , ut difficiliter quovis Microscopio deprehendi possit . E vagina hac educitum expressit Suammerdamius sicuti in hac tabula pingitur litt. C. non tamen ex illa emissum a culice observare unquam potui , sed clarissimè vidi disrupta vagina , in ea latere , ut ostenditur in D , Antennæ autem E F , oriuntur ex globulis , & dividuntur in duodecim nigricantes nodos , qui circumvestiuntur non lanugine , sed pilis tali ordine , ut se mutuò interfecare videantur . Circa finem earum conspicuus est alius nodus cum pilis in circulum dispositis . Reliqua pars in acumen desinit lanugine circumtectum . Hujusmodi Antennæ diversimode in multis apparent efformatæ ; putavit Suammerdamius , Culices foemellas inde dignosci , eò quòd , licet in duodecim nodos dividantur , isti sex tantum pilis muniuntur ut litt. G. & aculei comites non adeo protendantur ut in maribus .

Oculi totum ferè caput occupant , sicuti fere in omnibus hujus generis Insectis : colore virescunt , forma sunt reticulati .

Reliquas partes Thoraci adnexas Suammerdamius ita descripsit pag. 100. Thorax continet pedes , alas , & adhuc binas appendices ovali quodammodo figura , à qua eos malleolos nuncupabimus . Pediculi fusci sunt coloris septemque constant articulis , qui in pediculis postremis majores sunt , quam in prioribus , ac desinunt in duos uncinatos unguiculos ; & plane vestiuntur ubique squammulis quasi lanuginosis , inter quam lanuginem prorepunt nigricantes pili duriusculi . Alæ circumcirca limbo quodam lanuginoso prætexuntur ; præter hæc nervuli , sive quis venas putare malit , per alarum superficiem dispersi lemniscis lanuginosis nigricantibus sunt obsiti ; Alarum verò expansio translucet estque membranosa .

Talem descriptionem rescripsi , ut aliqua ulterius adderentur , quæ in nostris observationibus deprehendimus . Primo loco num. 4. contemplandam propono Alam integram suis par-

tibus perfectè absolutam , & diligenter delineatam . In ea videtur nervorum dispositio , quibus alæ membranula expansa semper continentur . Placuit eorum lanuginem clarè recognoscere , apparuitque esse veluti folia nervis alarum addita , ut Virgis arborum folia . Observavi insuper membranam subtilissimam frequentissimis punctis notatam , ut apparet in ala sub num. 5. valde Microscopio aucta . Ejus limbum , quem Suammerdamius vocavit lanuginosum , potius ego dixerim foliatum ; emergunt enim ex nervo , quo circumdatur ala , frondes triplici ordine dispositæ , quarum longiores collocantur inter binas breviores , eo modo , quo in Icone apparet . Has recognovit etiam Lavenochius . Earum forma frondes olivarum imitatur valdè acuminatas , & quinque aut sex nervulis per longum striatas . Velum insuper expansum brevissimis , & raris pilis sine ullo ordine vestitur . Arduum autem est singulas hujusmodi alarum partes perfectè calamo exprimere , cum tenuitas ejus artificiosa superetur fabrica , qua certè penarum dispositio in magnis Avibus superatur . Lanugo verò seu squammæ , quibus crura , venter , aliæque partes circumvestiuntur , ab illis de ciscæ apparuerunt ut num. 6. indicantur .

§. VII.

*CULEX Minimus Aculeatus*  
*Vulgo SARAPICO.*

**C**ulicum distinctio perplexa , & obscura . Omnes quidem Philosophos exercuit , inquit Mousetus lib. 1. de Insect. c. 13. Quæ nam sit hujus origo impossibile mihi fuit deprehendere . Ex aqua cum calce mista illam trahi probabile est . Frequens enim in summis caloribus circumvolitat ubi sunt muri recenter dealbati , quibus libenter hæret , ut calcis salem exugat . Vel ad speciem Culicum vinariorum spectat , de quibus Arist. hist. Animal. lib. 4. cap. 8. Vinarius Culex non advolat ad dulce quidquam , sed solum ad acida . Si ejus molem respicias , vix dignoscitur , adeo exigua est , & sine colore . Difficile capitur , eò quòd cum manum contra illum admoveas , levissima aeris compressione admonitus evolat . Avidissimus humani Sanguinis noctu præcipuè venatur sine sono , & licet aculeum breviorum habeat , adeo profunde carni dormientis immergit , ut non rarò e somno dolore vulneris excitet . Illum delineavi num. 7. Microscopio valdè auctum . Præter thoracem , cui sex subtilissimi , & longissimi pedes connectuntur ; septem annulis distinguitur Venter , qui desi-

definit in mucronem alteri mucroni explicato conjunctum, Alas habet longitudine fere ventri æquales quarum forma clarius apparet in num. 8. supra nervulos subtilissimos, & frequentes earum velum extenditur punctis minutissimis notatum, & totæ hirsutæ sunt spissis, & longis pilis, sicuti & reliquæ corporis partes. Antennas binas plicatiles PP. emittit ex binis globulis capiti adjectis, quæ raris, & longis setis in girum dispositis ornantur. Præter antennas alias duas crassiores Q. propè rictum habet, septem, vel octo incisuris distinctis, & lanugine circumtectas. Inter has est aculeus S. seu potius aculei vagina, aliquantulum retorta, & parum longa.

Aliud non valdè dissimile Animal forte incidit in laqueos, quod valdè fuerat molestum, mole quidem equale supradictò culici. Illud propterea non delineavi, sed solam alam 9. selegi, quam dissimilem habebat, sicuti, & Antennas: Ex illis unam indicat num. 10. decem compactam globulis perfectè rotundis, deb. toque intervallo inter se distantibus, quibus in girum adjecti sunt pili longiores, & pars extrema in mucronem obtusum definit. Ala verò subtilissima in acumen desinens decem nervulis in longum sustentatur.

## §. VIII.

### PAPILIO.

**S**pecies tot Papilionum sunt, quot Erucarum, è quarum Aureliis quique! proficiscuntur: nec eorum copiosam descriptionem hic aggredimur. Quis enim fecunditatem elegantiamque Naturæ hac in parte potest exprimere? Non minùs certè lutit, vel potius sedulo operata est in eorum variis vestibus, coloribus, orbiculis, lineis, globulis, meandris, stellulis, tesseriis laciniisque ornandis. Ex iis multiplices alis concharum instar dispositis munitæ, aliæ clavatis, aliæ rotundis, aliæ in latum expansis inenarrabilem nobis magis Dei potentiam, quàm mirabiles colores ostendunt. Quam multæ opere plumato, & phrigio superbiunt, ac si Natura in eis ornandis pigmentariam suam omnem officinam exhausisset. Papilionum formas, inquit Mousetus lib. 1. c. 14. apparatus elegantiam, & opulentas qui vestes intuetur, quomodo magnificentum illum Deum opulentæ suæ authorem non agnoscit?

Eorum copiosam collectionem disposueram in Musæo, quæ intuentium admirationem excitabat. At illius jacturam Temporis edacitas peperit. Illos enim integras servare nulla arte

potui primò contra tinearum minutissimarum dentes: deinde contra tenuissimam eorum compositionem, nam in minutissimum pulverem post aliquot annos rediguntur.

Adeat igitur qui eorum species recognoscere cupit, tractatus Goedartii, qui multorum annorum spatia laboremque impendit in hac curiosissima Papilionum indagine, adeat Insectorum Theatrum à Mouseto editum, qui lib. 1. cap. 14. supra centum eleganter descripsit, in duo genera dividens, quorum altero nocturni, diurni altero comprehenduntur, & in quovis maximi, medii, & minimi. Legat Aldrovandum lib. 2. de Insectis ubi cap. 4. Papilionum fere centum species, totidemque fere Erucarum comprehendit. Nos tantum aliqua delibabimus Microscopio detecta, & à nullo, quem sciam paginis consignata. Sunt Papiliones, præsertim eorum alæ cinere aut pulvere quodam levissimo conspersi. De illis loquens Hieremias Martius in carminibus Nicandri latinè redditis. *Quendam (ait) cinerem dum prenderis edunt.* Istum cinerem seu pulverem subjiciemus microscopio recognitum. Num. 11. ejus granula indicat, quæ, ut intueris, tot pennæ sunt seu foliola veli subtilissimi, ex alarum membranula decisa: ut id melius appareat vide sub num. 12. alæ frustulum sub microscopio visum. Earum membranula extenditur inter nervulos indicatos ab CC. DD. & spatium inter utrosque nervos repletur pennis in membrana dispositis squamarum modo, seu melius dicam, pennarum instar, quæ cutem Avium contegunt. Illud exactè delineavi, ut mihi apparuit, non quidem totum hujusmodi pennis contactum, sed multis in locis privatum eisdem, quarum tamen cicatrices, in quibus insertæ erant, clarè ostendebantur in utraque parte punctis OO. notatæ, membrana enim illa diaphana est, & subtilissima.

Hoc curioso alarum opificio in Papilionibus recognito, cupido mihi incessit videndi, num in omnibus idem esset, ejusdemque formæ cinis singularum. Fulvus erat Papilio ex cuius alæ frustulum supra descriptum fuerat decisum. Venatione proinde instituta, multos colore, & magnitudine diversos comparavi, quorum cineres microscopio subdidi. At mirum dictu, quàm copiosa pennarum diversa species sese obtulit intuenti. Aliquas placuit calamo exprimere. Num. 13. Papilionis pennas designat subtilissimas, & respectu ceterarum minimas, nervulo circumdatæ illæ sunt, è quo pediculus formatur in alæ membrana insertus. Fere ovalem figuram imitaretur, nisi extremitas, cui adnectitur pediculus, aliquantulum inflecteretur, ut in F. apparet; aliquot tamen observavi

in extremitate oppofita dentatas inftar ferræ ut in G. .

Num. 14. oftenduntur pennæ ex alio papilione defumptæ ; longiffimæ illæ erant , ut expreffimus foliaque chicorei imitabantur , quarum aliquot in parte pediculo oppofita bifida erant ut in A. .

Sub num. 15. pennæ indicantur veluti tranfverfim detonfæ , non recta incifione , fed denticulata ut in B. robusto , & craffo pediculo præditæ , qui fupra membranam ita extenditur , ut flabellum videatur efficere .

16. Pennæ aliæ forma fere fimiles Superioribus , at minus latæ , nervulo , ficuti aliæ circumdatæ , quem claudit pediculus C. valdè brevis extra membranam tantum extenfus .

17. Ex Papilione primæ magnitudinis , corpore hirsuto nigricante , fuerunt decifæ hæ pennæ valdè longæ , & robustæ . Videntur enim è nervulis compositæ , quos firma membrana connectit . Partem , qua in ala inferuntur , valdè acuminatam habent , eam verò , quæ in aerem panditur , cuspidibus oblongis armatam modò trifidam , interdum quadrifariam divifam , aliquando binas tantum , sæpe verò quinas cuspides protendentem .

Num. 18. eas pennas indico , quas observavi tanquam arboris folia non parum lata , modò bifida , modò trifida , at femper cuspidibus inftar unguium in volucris aduncis .

19. Exprimuntur pennæ valdè subtiles , ac longæ : earum pediculus bifariam illas fecans oppofitas partes connectit . Ita protenduntur , ut nervulus , quo circumdantur ejus latera fere parallela efficiat , at propè pediculum modò in circulum , modò in mucronem inflectantur . Singulæ ternis , vel quinis , vel feptenis cuspidibus muniuntur nervulis in membrana profunde extenfis .

20. Non valde à fupradictis differunt hæ aliæ , nifi quòd pluribus , & subtilioribus cuspidibus fint præditæ . Numerum enim octavum non rarò attingunt , quapropter extremitate magis expansa auras excipiunt : propè pediculum femper femicirculum effingunt .

21. Pennæ omnium longiffimæ ; quò magis à pediculo recedunt , eò magis coarctantur , at circa medium latiores femper magis expanfæ protenduntur , donec folium fructicis exprimant , modò rotundum modò trifidum , & quinis etiam incifuris diftinctum , aliquando bifulcum ut in A. .

Numerus 22. pennulas demonftrat longas , & anguftas tribus , aut quatuor acuminibus diftinctas pediculo ad oppofitam partem ufque protenfo .

23. Fimbria alæ à Papilione defumptæ , lon-

gis , firmis , & fpiffis cuspidibus armatæ . Hiftoricis cutim dixeris fub Microfcopio apparentem . Illæ tamen pili vix apparentes nudo oculo erant .

24. Extremitas ex diverfa ala , fpiffis , & oblongis , fed inæqualibus pennis laciniata . Altera alteri fine ullo ordine fuperpofita . Similes retulit Borellus obl. 56. fcribens : folium filicis imitantur , rurfumque villi pennam integram imitantur , aliquo pacto , nova villorum ex unoquoque productione . In quibusdam verò triplex eft feries villorum , in alis unica .

Aliam nos alæ fimbriam hic addimus num. 25. ex papilione parvulo defumptam ; aurea illa apparebat , & Microfcopio oppofita longiffimis , anguftis , & innumeris pennis compacta , eodem modo , quo indicat figura . Hæc felegi ex quamplurimis alis Papilionum , in quibus diverfitas notabilis apparuit . Reliquorum pennæ , vel omnino fimiles funt , vel parum diffimiles . Cæterum colores adeò varios oftentant , ut numerari non tam facilè poffint . Eos omittimus , cum nudo oculo fatiè clarè confpiciamus , non autem alarum pennas , quas minutiffimum pulverem judicamus .

Post alarum infpectionem examen inftituimus reliquarum partium in Papilione , videlicet Antennarum , Proboscidis , & Oculorum , qui in eisdem maximè protuberant . De his noftras obfervationes referemus cum de Mufcis fermo erit . Proboscidem , & Antennas hic fubjiciamus .

Duplex ergo Antennarum genus recognoverunt in Papilionibus Auctores , aliqua enim funt longiores , breviores aliæ , illæ fpiffis internodiis constant . Viginti quatuor numeravit Muraltus , ut facilè quaqua verfus plicari poffint , & æquali craffitie , præterquam in apice qui tuberosus eft , clavamque imitatur . Breviores affurgunt aliquantulum in arcum contortæ , & plumiformes feu terno ordine pilorum ornata . Earum particulam expreffimus num. 26. microfcopio recognitam , quia inermi oculo ejus ftrutura haud dignofci poteft .

Sub n. 27. intuere Papilionis Proboscidem in helicem pluries contortam , fenfimque attenuatam , prout latere folet in ore Papilionum , quod in duas partes diffectum receptaculum efformat , proboscidis convolutæ capax . De hac Moufetus primum mediæ molis Papilionem defcribens , fic ait , *Nafi loco capillus provenit hirsutus , veluti in fpiram fæpius involutus , & pagina 88. Florentibus malvis maximè abundant Papiliones ex cujus floribus proboscide involuta rorem fucumque dulcem exfugunt ad corporis refectionem.* Hac tamen locutione non explicat quo nam pacto id peragant , nec ille nec alius quem fciam

sciam partem recognovit ad fugendum institutam. *Hæc*, inquit Joannes de Muralto num. 10. Miscel. curios. obs. 82. *dum mella, & succos è floribus arripit extenditur*. En igitur sub numero 28. proboscidem aliquantulum explicatam, prout sub microscopio clarissimè apparuit. Bifida illa est ut vides, seu ex duabus fistulis composita, quæ propè os connectuntur, & unicum canalem utrisque æquivalentem efformant. Has fistulas explicat Papilio, ut vides in B. N. T. ad rorem florum hauriendum, (melle enim vivit, & humore dulci è floribus collecto) quo hausto, continuò in helicem retrahit. At qua ratione, mirum dictu est, Divinæque Providentiæ insigne argumentum! Tali enim arte Opifex ille admirabilis fistulam huic bestiolæ aptavit, ut celerrimè simul copiosè alimentum suppeditaret. En sub num. 29. ad vivum delineatam proboscidis partem extremam OO. Illam expressimus, ac si esset floris foliolo applicata supra lineam AC. quæ pro rore subest. Non igitur proboscidis summitate rorem excipit (parum enim, & tarde sic hauriret) sed quamplurimis veluti papillis, seu multiplici, ut ita dicam, ore DEF. in lineam dispositis, quibus flori vix applicatis, vel unico haustu, vel paucis attractionibus abunde exugit, immisso rore in omnes illos minores canaliculos, à quibus deinde tota fistula proboscidis impletur. Curioso Naturæ inspectori remanet hic inquirendum, cur tali structura hæc papillæ, quas octo circiter singulis in partibus numeravi, fuerint tali modo fabricatæ à Natura, ut clarius expressimus litt. DEF. Vides in MM. fistulam proboscidis, quæ appendices habet perforatas laciniarum instar. Huic adnectitur papilla in iii. An fortasse putandum est Tubercula illa rore impleri cum attrahitur, nec statim à Papilione per fistulam proboscidis deglutiri, sed tot esse receptacula pro humore illo servando, vel ad aliquam utilem animalculo fermentationem, & veluti primam digestionem, ut dentium ope sit in cæteris, quæ dentes habent, vel ad ejusdem delicias, quibus frui pro libito possit, paulatim attrahendo vitalem, & sapidum illum humorem, dum quiescit, ut accidit in multis Avibus, qui deglutitos cibos in ingluvie recondunt, è qua paulatim transmittunt ad ventrem?

Dum hæc adnotarem oblatus fuit Papilio primæ magnitudinis. colore heluaceus, & hirsutus, in suburbana cripta acceptus. Ex eo fistulam exemi, quæ sub Microscopio exposita non parum ab alia discrepans apparuit. Illam numero 30. expressi in helicem aliquantulum contortam, & bifidam. In singulis extremitatibus ultra quinquaginta lacinias, seu appendices OOO. viginti papillas numeravi, non quidem

in una linea æquali spatio dispositas, sed undequaque à fistula prominentes, ut exprimitur in aaa. Forma etiam differebant aliquantulum à supradictis.

## §. IX.

## MUSCÆ.

**E**X Papilionibus ad Muscarum venatum non inutilem, ut olim Domitianus, transitum facimus, non quidem ad eas exactè describendas. Tot enim illarum sunt species, ut in ipsis pingendis, vel Apellem sudaturum dicendum sit, sed ut earum partes præcipuas Microscopio visas exponamus. Cap. 56. part. primæ pag. 235. de Viventibus &c. mentionem fecimus Muscæ, quæ ex verme nato in Pisce putrefacto originem traxit, ejusque figuram promissimus, quæ vulgares Muscæ imitabatur. En igitur illam per partes hic subjicio, & primo loco num. 31. partem extremam corporis. Muscæ enim quamplurimæ in tres præcipuè partes dividuntur, Caput, Pectus seu Thoracem, & reliquum corpus, quod caudæ vicem supplet. Septem habebat incisuras subalbidi coloris cum maculis subnigricantibus, eo ordine dispositis, quo calamus expressit, brevibus, raris, sed crassis pilis fetosas. Venter ex cinereo lutescente dilutè virefcebat. Pectori sex pedes adhærebant, quorum posteriores longissimi. Robertus Hookius in sua Micrographia obs. 36. descriptionem tradit pedis alicujus Muscæ, & explicat quare parva illa animalcula in summitate tabulati alicujus suspendi, ibique ambulare possint, neque tamen exinde decidant; atque optimam, & verissimam rationem esse ut microscopio repertam, Muscæ sub extremitate cujusque pedis duobus unguibus esse instructas, in maximè exiguos omnis generis corporum poros facillè intransibiles, & plantas præterea pedum ipsarum innumeris parvis cuspidibus, carminatorum pectines referentibus, esse tectas, quibus facillè adhæreant minimis corporum politissimorum inæqualitatibus. Pedem tamen non ita exprimit, ut ejus observationes legenti clarissimè subjiciatur. Expressit D. Jo: Franciscus Griendelius Microgr. fig. 9. atque ejus extremitati adhærere *hamulum seu unguam*, quibus facillimè *obvia quæque arripit*, præterea *pedes aculeorum maxima scatere copia*, non *absimiles instrumento illo, quo Opifices in carminanda utuntur lana*. Hos aculeos *politissimis insigere rebus, inque mensa, vel muro, absque ullo præcipitii metu divagari*. Figuram ex ejus observationibus

trans-



translatam hic appono num. 32. nec audeo contradicere.

Nonnulli autem putarunt pedes ipfarum humore quodam glutinofa effe refertos, cujus beneficio maneant affixæ in omni re, quam tangunt, & quidem fufpicionem confirmant mufcæ, quæ non folùm lignis, pomis, aliifque rebus adhærent, fed fæpiſſimè ſpeculis perfectè complanatis, & fine ulla inæqualitate nitidiffimis non folùm verticaliter erectis, fed horizontaliter jacentibus, & eorum ſuperficiem inferiorem percurrunt. Qui nam veritatem aſſequatur deduci fortaffe poterit ex obſervatione ſequenti.

Jacuerant per aliquot dies Vermium crifalides, ex quibus deinde orta fuit muſca, quam deſcribimus. Diſrupto putamine demum apparuit in vaſe vitreo, ubi crifalides condideram, & quidem non perfectè formata. Crura enim non benè extenſa, & alas implicatas habebat, ut ſunt ſorum frondes in calicibus: extenſis demum pedibus huc illuc ſupra vitrum diſcurrens ſefe plurimum contorquebat, ac ſi doloribus angeretur: tota ſæpè intumefcens, vires ſuas omnes inſumebat, in repetitis niſibus, & interim Alæ, quæ complicatæ, & humefactæ erant, paulatim explicabantur: demum beneficio aeris exſiccatis, è reptili muſca evadebat volucris. Cum his conatibus alas explicaret, pedibus maximè extenſis firmiter adhærebat vitro, non quidem unguibus. Vitrum enim maximè nitidum, & levigatum, poros non adeò frequentes ſubminiſtrare illis poterat, fed quibuſdam pulvillis, qui in Muſca recenter formata maxime erant tumidi. Illos expreſſi num. 33. & Microſcopio ſubjecti apparebant perfectè adhæreſcentes vitro, in quo incluſæ erant. Num. 34. poſui eofdem pulvillos è contrario ſitu viſos cum unguibus ſupradictis. Qui pulvilli albicabant circumtecti lanugine breviffima, & pingui humore ſarurata. In aliis Muſcis eofdem pulvillos deprehendi, fed minus tumidos, & bifidos ut num. 35. expreſſi. Tales retulit Hookius pagina 168. Schem XXIII. fig. prima, ubi exprimit Ungues pilofos; mihi tamen apparuerunt ſemper veluti è bubalino cornu facti, nigri, & leves inſtar unguium in Volucris.

Adhærent igitur corporibus mufcæ non folùm unguibus, fed cum opus eſt ſupra maximè levigata, beneficio humoris glutinoſi, qui ex pulvillis pedum compreſſis tanquam ſudor emanat, & in lanugine ipſorum detinetur.

Hanc obſervationem alia confirmat curioſiſſima, quam ei ſuperaddo. Dum obſervarem Cyanum Turcicum, vulgò *Fior d' ambretta*, ob odorem ſuaviſſimum, quo redolet; animadverti aliqua puncta nigerrima, & pigro motu

per foliola diſcurrentia. Microſcopio oppoſita apparuerunt Inſectæ mihi anonima, ut exprimuntur num. 36. Tribus conſtabant partibus, capite, dorſo, ventre, poſt quem ſequebantur ſeptem annuli adjecta cauda. Sex pedibus erant prædita, quorum duo infimi ventri copulabantur, quatuor alii Pectori, in articulos diviſi, ut in figura exprimuntur. Capiti binæ antennæ prominebant, ſeptem inciſuris plicatiles. Dorſo erant affixæ duæ alæ in extremitatibus ita connexæ, ut nunquam explicari poſſent. Membrana propterea carebant, longis, & nigerrimis pilis tantùm hirsutæ, qui aliquando attollebantur, ut in hiſtrice aculei. Sed ad rem noſtram. Quatuor priorum pedum extremitates, ita efformatæ erant, ut crumenas ſimularent è membrana lucidiſſima compactas. His utebatur Animal applicando ſupra vitrum, & quotieſcumque reptatum geminaret, toties crumenulas illas dilatabat, premebatque iſdem vitri ſuperficiem, cui hoc modo adhæreſcens citiſſime progrediebatur, in quo motu inutiles erant pedes ultimi, utpote talibus pulvillis humectantibus orbat, & ſimul ac vitro impingerentur, illico propter levorem labebantur. Similes pedum lapſus notavi in Pediculis, Pulicibus, cæterifque hujusmodi inſectis inter duo concava vitra incluſis, licet longis, aduncis, & firmis unguibus eſſent prædita. Experimentum ſumat curioſus, ponendo aliquod hujus generis ſupra laminam vitream perfectè levigatam; deinde ſi attollat, vertatque, ut ea pars, in qua eſt animal, planum horizontale reſpiciat, cadet profecto Animal, fed hærebit diu muſca, laminamque pro libito ſine ruinæ metu percurrat. Certe mihi pluries accidit reſpicere Cimices in vitrea cucurbita incluſos, nunquam ad ejus os potuiſſe pervenire; etenim progredientes ſtatim ac ad latera aſcendebant aliquantulum verticaliter erecta, labebantur ad fundum.

Dubitavi propterea, An idem putandum eſſet de ſtellione, qui frequenter hic Romæ ſub tectorum imbrices latet, & tempore æſtatis circa feneftras domorum auras captat, ſeu muſcas, ut varii putant, aucupatur. Hæret ille non folùm ſub cubiculorum fornicibus, fed feneftrarum vitra citiſſimè percurrat, pertrahitque ſui corporis molem non parum gravem. Ad examen igitur revocavi ejus pedes ope microſcopii, eorumque digitos vidi armatos quinque unguibus brevibus, maximeque aduncis, & acutis inſtar unguium in fele, & præter ungues totam digitorum partem, qua ſubjectum corpus reptantes tangunt, in plura pulviſcula mollia, & humida eſſe diviſam, eo ordine, & numero ut apparet num. 37.

Hæc notaſſe ſufficiat circa pedes Muſcarum,

quorum duobus anterioribus pro manibus utuntur, quatuor aliis juvantur in incessu, Nunc alas inspiciamus, quarum tamen remigio non utuntur, ut Vespertiones. Si quis diligenter eas inspiciat, quando sub sole expanduntur, variis pictæ coloribus apparent, cæterum è subtilissima, & diaphana membranula compactæ sunt, quæ nervorum beneficio expansa conservatur. Sed quàm varias in muscarum alis nervorum dispositiones Natura effinxerit, quis valeat explicare? modò plures modò pauciores numerantur, totidemque sunt eorum diversæ compages, quot diversæ sunt Muscarum species. Alam desumptam è supradicta Musca hic n. 38. exhibeo Microscopio auctam, in qua fideliter, & ad vivum expressi nervorum seriem, & connexionem, quibus compacta erat. In utraque parte membrana, quæ inter nervos continebatur brevibus, & raris spiculis munita apparebat, insuper ejus fimbria exornata quadam pilorum serie, quam non vidi in Schemmate XXVI, ubi Hookius fig. 2. muscæ alam elegantissime expressit; an ex incuria sculptoris, an ex defectu alæ omissa illa fuerit incertum est; unum scio, illam semper à me observatam fuisse, ut in frustulo alæ ad vivum delineatæ num. 39. ex quo arguitur, adeo Muscam fuisse Microscopio auctam, ut de ea dici posset tritum illud, De Musca Elephantem facere.

Quandoquidem Elephantis nomen usurpatum est, in mentem revocatur Proboscis, quam cum Elephante habet communem, quaque depascitur, *Musca ulciscitur*, inquit Mousetus, non aculeo, ut *Apis*, & *Vespa*, sed ore, & proboscide, *Ex ipsa dens foras prominet quo pungit, lac, & sanguinem bibit, quem non magno dolore, sed titillante, eorum, quos pungit, exhaurit.* Dentem tamen non describit, nec exprimit. Griendelius obs. 11. fig. 6. de illa sic refert. *Vulgo Muscas acriter pungere aiunt, quod tamen veritati haud videtur consonum, quin potius rostri hujus, seu promuscidæ ope interpretantur, quod ab aliis Culicum speciebus singulare habent, in rostellum enim sive lingua Muscæ ne vestigium quidem aculei est, quin potius forcipe gaudet, quæ sese aperit iterumque pro libito claudit.* Cl. tamen Hookius in sua Micrographia pag. 163. describit exactè muscæ aculeum ejus figuram ex Schem. XVI. fig. 2. acceptam transtuli in meam tabulam num. 35. ut clarior fieret Hookii descriptio, quæ in Ephemeridibus Litteratorum an. 1668. 20. Decembris refertur sic. *Constat aculeus Muscæ ex duabus partibus, cujus prima d. b. plures habet nodos, sive juncturas f.g. h. i. præterea plures aculeos p. q. r. s. t. perfectè unguis cati alicujus repræsentantes, quos Musca extendit, & retrahit, quando lubet. Altera*

*pars cuspi est aculei, quæ in prima perinde atque gladius in vagina inclusa est, quæ etiam pluribus ab utroque latere unguibus u x y. est armata, atque eis adhaeret aculeus vulneri à Musca inflictio, quo etiam impediunt, ne illud iterum constringatur. Quod verò maximè dolorem aliquem excitare potest liquor aliquis corrosivus, & venenosus vaginæ inclusus, in vulnus immixtus corrodit fibras, & inflammationem efficit.* Ex ultimis verbis præbetur ansa inquirendi, an Aculei, Dentes, & Ungues multorum animalium, quorum vulnera mortem inferunt, illam efficiant humore aliquo in vulnera immixto, & quo nam pacto id fiat, an potius alia ratione, quam alibi ad trutinam Observationum expendemus. Cæterum Hookii observationem non respuo, quamvis in muscis vulgaribus proboscidem semper observarim, & nunquam aculeum, potuit enim illud observari in aliqua musca mihi ignota.

Patent verò in omnibus oculi, qui sunt emisitii, & maximam capitis partem occupant. Primum à se observatos affirmat Jo: Baptista Hodierna in opusculo cui titulus est *l'occhio della Mosca*, ubi ait; *Vedeſi nella superficie convessa dell'occhio, detta Cornea della durezza, che tiene, e dall'essere trasparente come una laminetta di corno ambiente tutta la sostanza dell'occhio un grandissimo numero di ornatissime settoni designate, e tirate per linee curve, e circolari, che trà di loro sono equidistanti, e parallele, sì che attraversandosi le une con le altre ad angoli retti, rendono tutta la convessità dell'occhio distinta in numero così grande, che eccede il tremillenario, rappresentando l'ambito dell'occhio un emisfero distinto in tre mila piazzette quadre, che rassembra una vaghissima struttura di mosaico di cotante particelle uguali commesse.* D. Griendelius verò observ. 2. fig. 8. talem oculum delineari curavit, addiditq; *plusquam millena quadratarum millia suum detexisse Microscopium.* At D. Hookius, qui acuratissimè suam micrographiam calamo expressit in Schem. XXIV. observ. 42. delineavit oculum reticulatum quidem, sed in unoquoque retis spatiolo globulos collocavit, & cum proportionem paulatim diminutos. Ejus particulam è Schem. XXIII. fig. 3. desumptam hic subjicio num. 36. in qua orbicula novemdecim disposita tali modo sunt, ut inter ea remaneant spatiola trium angulorum, qui è lineis curvis globulorum mutuò sese tangentium procedunt. In singulis apparet duplex objectum, nempè fenestra cubiculi opposita.

Ego meam observationem expono aliquantulum à supradicta discrepantem. Pluries enim inspexi corneam fuisse quidem divisam à Natura in æquales particulas, ut ait Hodierna, at non

ita ductas divisionis lineas, ut quadrata formerent, sed areas sex angulorum, in quorum singulis cornea pellucida protuberat globuli particulam simulans, spatiis intermediis triangularibus obscuratis. De numero taceo. Nimum enim laboriosum erat numerare. Hæc globulorum dispositio clarissimè sub microscopio patuit contra lucem exposito. Videbam enim extremitatem corneæ disruptæ non eo modo, quod in A B C. Hookius delineavit, orbiculorum scilicet circumferentiam, sed duo latera Hexagoni perfectissimè ab aliis propinquis separata, ut apparet num. 37.

Non defuit qui talem globulorum congeriem putaverit auditui potius inservire, quàm Visioni. In Ephemeridibus Litteratorum Romanis anni 1669. refertur P. Franciscus de Gottignies in Collegio Romano S. J. Mathesis Professor in hac sententia fuisse, cui me subscribere vetat operosa, & valdè accurata anatomes, quæ Joannes Baptista Hodierna hanc Insectorum particulam examinavit, illam percurrat curiosus in tractatu de oculo muscæ Panormi impresso 1644.

Cur talem oculi structuram Natura fabricaverit in muscis aliisque Insectis puta Papilionibus &c. non adeo in promptu est judicare. Petrus Borellus obs. 33. dixit muscas *per cancellos cernere, & fortasse pro uno mille accipere*. At ratione, & experientia improbat hęc opinio. Verius Hodierna existimavit illa solùm objecta videri, quorum species perpendiculariter per corneam immissa ad centrum oculi possunt pervenire, in quo visio perficitur, non quidem observando per talem corneam in multiplices orbiculos divisam, aliquod objectum, illud videmus multiplicatum, ac si specillo diversarum facierum intueremur. Probabilius dicā Naturam, quæ nihil frustra operatur, cum hujusmodi Insectis tribuerit caput, & oculos immobiles, quos nequeunt pro libito circumferre ad evitandum quidquid nocumento esse illis potest, huic defectui supplere oculo emissio in plures quasi oculos divisio, quibus statim quacunque in parte dignoscunt, quidquid sibi utile, vel noxium aderit. Hanc rationem deduco ex verbis Galeni, qui cap. 8. lib. 10. de usu partium ait. *Non è quavis positione visibilia omnia cernere possunt oculi, cum neque ex obliquis ac lateribus, neque ex posterioribus, neque ex superioribus, neque (ut summam dicam) aliud quidpiam, nisi quòd pupilla ex directo queant cernere, si igitur immobiles penitus oculi extitissent, quod sibi ex directo oppositum esset dumtaxat videntes, paucissima prorsus videremus: ob eam sanè causam ea sic disposuit, ut plurimum circumagi, & cum ipsis totum etiam*

*collum ad motum facilè habile &c.* Divisit autem opus reticulatum in plura spatiola exagona, ut quamplurimas particulas collocaret aptas ad visionem. Superficies enim spherica in nullas figuras æquales melius, & in majorum numerum dividitur, quàm in exagonas. Quot verò illæ sint in muscæ oculis non adeo facilè est numerare. Refert Hookius in singulis oculis septem millia earum inesse.

Quandoquidem de musca sermo fuit, apte hoc in loco addam tres muscas mihi anonimas, quas fortè deprehensas Microscopio subjeci. Erant illæ adeo parvæ, ut vix oculo inermi distinguerentur, sed in ea parva mole, quàm ingens elucebat Divini Opificis peritia! Ex imagine ipsarum facilè deduci illa poterit. Num. 39. repræsentatur musca minimæ molis, quæ in farina triticea pascebatur, senis pedibus, alis brevibus, & angustis munita. Caput valdè compressum, & thoraci adhærens illi erat, in quo duæ parvæ antennæ, & rari pili. Post dorsum sequebatur annulus, & venter in speciem Coni formatus, huic tres aliæ appendices veluti campanulæ conjungebantur. Num. 40. expressi aliam, quæ dum scriberem, supra paginam requievit, in motu celerrima. Punctum calami, nisi motum habuisset, eam existimasset, adeo nigra erat, & parva. Microscopio visa apparuit ut expressi in tres partes divisam, caput, dorsum, & ventrem. Huic duo copulabantur appendices veluti baculi fragmenta rotunda, & transversim dissecta: è Dorso prominebant binæ alæ valdè longæ, sed angustæ. Capiti post binos globulos duæ longæ antennæ valde acuminatæ, & aliquantulum flexibiles. Senis pedibus reptabat in tres articulos divisus, quorum medius albus erat, cæteri ut & reliquæ partes piceo colore infecti. Num. 41. eam posui, quam in vasculo vitreo reperi, ubi pomæ granata putrida condebantur. Minima erat mole, & licet alas haberet, saltu potius, quàm volatu utebatur, & velociter pedibus reptabat. Erant hi in tres articulos distincti, quorum ultimus in octo alios dividebatur. In capite, quod fere rotundum erat, binæ antennæ decem nodulis plicatiles prominebant; venter in extremitate valdè amplius quinque incisuris compactus, & duabus subtilissimis alis, altera alteri superimposita tegebatur.

Hæc alia sub num. 42. delineata, casu inventa, mole minima, ut vix dignosceretur oculo inermi, sub Microscopio posita valde venusta apparuit. Colorem ex æneo aureum ostentabat, oculos rubeos, & fere totam capitis molem implentes, pilis raris brevibus, & nigerrimis hirsuta; pedes illi erant in tres articulos divisi, dorsum in duas partes distinctum, huic venter

copulabatur novem incisuris aliquantulum flexibilis, insuper duæ alæ semper expansæ è tenuissima membranula diaphana à nigro nervulo circumdata; & piceis maculis notata, ut exprimitur in figura.

Numerus 43. indicat muscam pulcherrimam, quæ post sex menses è nucleo gallarum prodiit, volatu, & motu tarda, licet quatuor alis, & sex pedibus esset prædita. Colore heluaceo infecta, tota frequentissimis, & brevibus pilis villosa. Caput notavi amplum, & depressum cum oculis reticulatis sed parvis. Ex eo prodibant duæ longæ antennæ plurimis articulis plicabiles, insuper aliæ duæ appendices tribus vel quatuor partibus compositæ. Illud expressi separatum sub num. 44. ex ea parte visum, ubi os apparebat verticaliter bifidum, ut in Papilionibus, sine ulla proboscide. Sub num. 45. delineavi partem extremam cruris cum duobus unguibus harpaginis instar concinnatis. Alarum structura valdè notabilis se obtulit; Minores enim sine ullo nervorum additamento ad auras panduntur, majores verò plures habent nervos artificiosè dispositos; omnes tamen alæ frequentibus punctis piceis sunt notatæ. Cum eadem plicarentur, ventrem fere media sui parte superabant longitudine, & nervorum dispositionem indicabant, ut sub num. 45. exprimitur.

Aliam muscam minimam, & nigerrimam examinavi curioso Naturæ rimatore dignam, Eam vides sub num. 46. cum oculis emissitiis, reticulatis, proboscide amplissima, & plicabilis cruribus longissimis, ut in culicibus, quinque articulis compositis, alis pilosis supra plures nervos extensis. Torace amplo, & villosa, ventre quinque annulis, & cauda bifariam divisa; velociter gradiebatur, binas ramosas antennis cervorum instar ostentans. Unde prodierit incertum est.

His adnecto sub num. 47. Insectum anonimum non minus elegans quàm rarum. Illud supra saxum viridi lanugine, seu musco circumlitum detexi microscopio. Erat enim adeo parvum, ut sine illo ab oculo non posset videri. Nigerrimum apparuit, exceptis cruribus, quæ minio saturata micabant, sicuti oris mandibulæ forcipis instar concinnatæ. Prope has prominabant è capite duæ longissimæ antennæ in tres articulos divisæ, quibus rectè extensis, veluti duabus lanceis non solum iter pertentabat, sed frequenter extremitate uncinata apprehendebat quidquid objiciebatur, ut gressum hoc pacto facilius promoveret.

## §. X.

PEDICULVS, PVLEX,  
& CIMEX.

Post Culices, & Muscas alia tria Insecta expono homini infestissima. Primum Pediculus est, Pulex Secundum, Tertium Cimex. Horum duo prima multi descripserunt, præcipue Hookius. Quamvis foedius nihil sit quàm Pediculus; repræsentatus tamen per microscopium tam est notatu dignus, quàm horridus aspectu. Ecce figura num. 48. quam Hookius delineari curavit, & perfectè meæ observationi collimans. Dubitatur circa tale Insectum An aculeo præditum sit, quo pungat, an potius rictu mordeat. Supradictus Hookius in pixidem inclusit aliquod ejusmodi duos dies, neque illi dedit quod ederet, & manui suæ impositum, observavit postea immerfisse rostrum suum D. in pellem, neque tamen ulla ratione aperiri rictus visus est. Griendelius verò obs. 2. fig. 3. cum triduo spatio capsula pediculum sine omni victu inclusum custodivisset, affirmavit observasse, eum manui suæ impositum præparasse se ad suctum, vidisseque quoque nasum ejus satis profunde cuti infixum, immò aperto ore per exiguum sanguinis fluxum statim ex promuscide in ventrem, atque ubi cor, & hepar cum pulmonibus locum habere videntur, desinentem. Observavi ego illum pluries, semperque promuscide orbatum vidi, & non nisi rostrum, deprehendi, in quo caput acuminatur, & aliquantulum aduncum, quo vulnerando excitat in cute dolorem, & foramine instructo sanguinem exugit, qui ad interanea transmitti videtur sub microscopio motu quodam undulatorio, qui cum jucunditate conspicitur melius oculis, microscopio armatis, quàm describitur. Coeterum sex constat pedibus cancrorum instar combinatis tribus majoribus, totidemque minoribus articulis. In extremitate cujusque pedis binas ungulas habet, quibus capillos apprehendendo supra eosdem inambulat; Si cum Pulice conjungatur, ait Philippus Jacobus Sachs in messe observ. Microscopii, Miscel. curios. tom. 1. p. 52. quasi duorum monstrorum in amphiteatro, ut & motus, & ebullitiones sanguinis ab iræ excitatæ conspiciantur. Experimentum sumpsit Griendelius, viditque tanta inter aculeata hæc cataphracta insecta obortam pugnam, ut vix, ait ille, sufficienti admiratione describi queat, quo furore aculeatos suos pedes, & ungulas sibi invicem immiserint rictu, & promuscide sese prebenderint,

derint , & ingenti cum acerbitate cuti infixerint , ut sanguine sic vehementissimè commoto , tumultuario quodammodo conciderint , & invicem sibi certantes , quasi de victoria obreperint , non secus ac si pediculi loco Crocodilus , & pro Pulice incrustatus Rhinoceros certarent . Hæc innuisse sufficiat , ut cujusvis pateat quàm mira sint Naturæ opera , quæ in minimis tanta sunt , ut omnem superent captum , & cum nobis talem Microscopia præstent usum , exhibeant Creatoris optimi ineffabilem Potentiam , & Sapientiam , qui minimis hisce particulis visum fugientibus miram partium structuram concessit .

De Pulice , quem num. 49. expressi , parum est quod addam ; Convenit enim cum imagine ab Hookio diligentissime expressa , in qua videtur Animal loricatedum , & longis aculeis munitum . Exprimi etiam curavit ejus imaginem in suis observationibus D. Griendelius , & Romæ 1685. publicavit D. Tortoni ; at Calcographi incuria , ut puto , non fideliter delineatam , præcipue aculeum , quo sanguinem Animalium Pulex exhaurit ; vel fortasse ob difficultatem , ob quam ille exactè observari non potest ; prominet enim sub binas capitis antennas inter binos articulos duorum anteriorum pedum , iisque ut plurimum occultatur .

Ut possit Naturæ rimator observationes iterum instituire , & meos supplere defectus , placuit talium Auctorum observationes adducere . Num. 50. est Pulicis aculeus à D. Tortoni Typis datus . Num. 51. exprimitur eo modo , quo D. Griendelius retulit obs. 2. fig. 4. Num. verò 52. illum posui ab Hookio significatum , Denique num. 53. delineavi , ut mihi sub perfectissimis microscopiis pluries , & pluries apparuit .

Quatuor igitur partes clarissimè recognovi in ejus rictu perfectissimo microscopio armatus , quod dedaleæ manus D. Adriani Henrici de Ravefway hollandi mihi suppeditarunt . Hic enim vir maxime ingeniosus , & morum probitate æque præclarus , tanta solertia ad animi sui laudabilem relaxationem hæc instrumenta optica conficiebat , ut certe sine ullius injuria existimandus sit nulli Artifici secundus . Prima , & secunda sunt A & B. quæ partem superiorem rostri Avium exprimunt , sed bifidam verticaliter , & valdè acuminatam , & cornea lamina compactam . In medio hujus bifidi rostri collocatur proboscis D. membrana durissima constans , & raris pilis hispida . Est hæc in longitudine bifariam dissecta instar manubrii cultri plicatilis , recipitque intra cavitatem aculeum C. quo vulnerat , & sanguinem attrahit . Fistulæ enim instar cavitatem habet , per quam ad guttur O. statim transmittitur sanguis è vulnere acceptus , Cum ad vulnus disponitur attollitur va-

gina D , & extenditur aculeus C. eo modo , quo videmus Lumbricos acuminari aliquando , quem profundissimè infigit cuti animalium . Sub num. 54. indicavi easdem partes infra rostrum depressas , sub num. 55. easdem supra rostrum maximè elevatas . In triplici enim situ observatas semper easdem recognovi , cum pulex glutine affixus papiro rabie quadam excitatus , sæpe eam fistulam attolleret , educeretque aculeum paratus ad vulnera .

Quod ad hujus Animalculi genefim attinet ; inuimus cap. 72. partis primæ de Viventibus probabiliter spontè primùm provenire juxta multorum sententiam , licet aliquam deinde prolem efficere valeat , ut illi probant . Pulex enim dicitur Isidoro teste , quasi pulveris filius . Aristoteles lib. 5. de hist. Animal. cap. 31. asseruit fieri ex sordibus ficcis , & aridis tanquam ex materia . Lib. verò primo de gen. Animal. cap. 16. addidit ex coitu generare quosdam vermiculos instar Ovi . Suammerdamius de Insectis pag. 66. docuit illum originem habere ex lende , in quo subrufum colorem induit , & omnes mutationes , quas in lende subit microscopio satis accuratè observari posse . Ego autem , ut verum fatear , talem ex lende propagationem nunquam potui observare . Potui quidem disposito pulice intra duo concava vitra ad observationes , videre ova ab illo producta , quæ num. 56. delineavi albissima , & nitida . Ex illis pulices expectavi , prodiit tandem ex uno eorum parvus vermiculus albus , qui brevi temporis intervallo periit , reliquis ovis penitus exficatis .

Nascitur verò ex lende seu ovo Cimex , Tertium homini Animal molestissimum , loquor hic de domestico quod proposuimus . Illud expressi num. 57. instar sacculi oblongi cum operculo , prout sub microscopio apparuit . An verò lendes , seu ova ab aliis producantur incertum mihi est : certissimum verò , me nunquam potuisse obtinere à cimicibus quamplurimis incucurbita virrea cum ore aperto servatis propè rimulas lecti , ubi alii multiplicabantur . Ex qua observatione Aristotelis , & Moufeti sententia non parum roborari mihi suafum est , affirmantium eos generari ex humoribus circa lectos putrescentibus , & è lignis paulatim exudantibus , quamvis possunt etiam coitu propagari . Falso tamen dixit Moufetus Cimicem pedes habere juxta collum breves utrinque tres . Ejus imaginem num. 58. exhibui juxta prototypum pluries diligenter observatum , nec apud ullum rerum naturalium perscrutatorem ad vivum expressum .

Senis cruribus in tres articulos divisus reptat velocissime , quorum pedes binis unguibus adun-

aduncis D. armantur. E capite binæ prodeunt antennæ C. in tres particulas divisæ adjecto globulo in earum radice, illis iter perterritant in cursu, sub eisdem eminent duo tubercula, in quibus rotundi oculi F. è pluribus globulis compacti, effigiem fragæ seu fructus sicomori exprimentes. Pilis raris, brevibus, & crassis omnia membra villosa sunt. Inter hæc Aculeus, quo ferit prodigiosus. Intuere proboscidem AE. veluti in tres particulas distinctam, & plitabilem in A. Hanc semper pectori adhærentem servat inter duo priora crura; elevat verò celerime: cum ad suctum sanguinis adhibere vult, & angulum rectum efformans, ex illa, tanquam è vagina acutissimam acum B. emittens, profundissimè vulnerat.

### §. XI.

## ACULEI, SPINÆ, DENTES, & UNGUES acuminati.

CUM de Aculeis horum Animalculorum homini Bestiisque infestissimorum sermo fuerit, in memoriam revocatur controversia illa percelebris inter Scriptores inquirentes: an Acumen Aculei, quo lethaliter vulnerant Scorpiones, vel saltem maximè nocent, sicuti & alia Insecta, puta Crabrones, Vespas, & hujusmodi, foramen aliquod habeat, per quod noxium humorem immittant in vulnera. Insit necne foramen aliquod Unguibus Avium rapacium, Spinis Piscium, Dentibus Araneorum, Luporum, Canum, Serpentum, & præcipue Viperarum.

Controversia quidem curiosissima hæc est, sed accurato oculorum examinae omninò componenda. Si enim Aranearum dentium moles adeo augeatur microscopio, ut Elephantis dentes repræsentent, in illis rimulæ omnes clare patebunt, & videbitur ut ampla caverna foramen, quod aciem oculorum effugiebat. Confido enim, verbo absit invidia, quamplurimos sic detegendos esse errores, quos plerique majorum, tum ob falsas aliorum narrationes, tum industriæ experimentique vitio commiserunt; ut jam agnitori sint Homines, qui attendere in hanc rem velint, quàm necessariam, & quàm utilem his nos proposuerimus disquisitionem. Et ut singula breviter perlustremus, circa Scorpionis aculeum paucis me expediam. Galenus lib. 6. de locis affectis cap. 5. dicit illi foramen nullum inesse; Plinius, Tertullianus, S. Hiero-

nymus, S. Basilius, Aldrovandus, & alii contendunt Scorpionem non ferire tantum aculeo, sed ex eo excernere aliquod venenum, illudque in vulnus immittere. D. Franciscus Redi de Generat. Insect. pag. 126. impress. Holland. refert à se examinatum fuisse talem aculeum sub microscopiis optimè elaboratis, sed frustra, immo expertum se esse talem aculeum, præsertim in Scorpionibus Tunetanis durissimum, & talem, ut nulla ratione ita comprimi posset, ut foras prodiret quidquid in cavitate aculei contineretur. At demum cum veram esse crederet opinionem Galeni, casu sibi accidisse, ut in acumine minutissimam, & fere invisibilem guttulam aquæ candidæ videret, qualem postea pluries vidit, cum iratus motu scorpio ferire nitebatur, indeque collegisse verum esse, quod Ælianus, & Græcus Scoliastes Nicandri dixerunt, affirmantes, aculeum Scorpionis usque adeo insensibiliter perforatum esse, ut omnem oculi aciem foraminis illius structura effugiat. Hujus veridici auctoris observationem amplector. Contradixit verò Ludovicus Lucatellus Medicus hermeticus in Arcanorum Theatro cum scripsit; *Scorpios nullos fuso veneno, sed tantum aculeo caudæ aut interitum, aut grave negotium percussorum vita facessere. Quemadmodum aculei ceteri, cortice qui levissimi cum sint, nihilominus in cutem adacti, dolorem, ruborem, tumorem non contemnendos inferunt.*

Ex Animalculis natura armatis Apes sunt, beneficum alioqui genus, quarum & Vesparum inter venena per plerosque Scriptores reponitur punctura. His Crabrones gravius sauciant, ut carnem alte extumefaciant, & dolore verberent. Sic Avium rapacium Ungues ac Rostra malefica, licet intrinsecus minime venenata censet Cardanus lib. 7. de Rer. variet. cap. 35. & 37. & venenatos opinatur aculeos omnes Piscium, præsertim Pastinacæ marinæ. Angelus Aprosius Eremitarum Augustinianorum Decus, ungues humanos prodidit venenatos. Aristoteles lib. 9. hist. Anim. 44. affirmat idem de unguibus, & dentibus Leoninis, Baccius lib. de Venenis, venenatum facit Lupi, & Canis rabidi dentes. Gulices, Pulices, Cimices & hoc genus in Venenosis reposuerunt Arabes Auctores, quia bestiolas hujusmodi venenum præferunt morfu.

His omnibus tamen foramen negavit Natura, per quod veneficum liquorem vulnere immittant, quod oculis clarissime patet ope microscopii. Unde autem tumor, dolor, atque interitus derivet, cum sauciant, non eadem inter Scriptores opinio est. Plures ob causas hoc fieri docet Severinus in Vipera Pith. illamque existimat non minimam, quæ ex cæco Vulnere, de quo

quo nulla sanguinis effusione facta , ille grumescit & venescit , verba sunt Severini edocti a Joanne Fernelio lib. 2. de abd. rer. caus. cap. 15. qui grumescentem sanguinem ad proximam veneno pravitatem deduxit . Collisionis plerumque vitio nerveis particulis defixæ , quam pessimam omnium causam advertit Ambrosius Pareus lib. 20. cap. 9. E forma aculei seu dentis etiam provenire posse docet Cardanus lib. 11. de Venenis , quippe multum facit modus , & forma teli lædentis . Sic in ensibus lima exasperatis plurimum atrocitatis inest , sic aduncis , & hamiformibus telis .

Derivant etiam ex humore noxio , qui circa dentes vel aculeos esse solet , & ab ipsis eo aspersis in vulnere , dum feriunt , relinquitur . & quò potentior est , eò magis , ac citius corrumpit , vertitque in naturam suam sanguinis massam , ut ignis , qui urendo crescit . Venenum enim Serpentum , ait Ambrosius Leo Nolanus probl. 321. est bilis calidissima , & subtilissima , quæ sic citò intrat corporis meatus , inque eis corrumpit , quas invenit humiditates , vertitque in sapores crassos , ac venenosos . Venenum canis rabidi atra est , quæ spiritus adstringit , atque exsiccat , refrigeratque immedicabiliter . In irato enim animali bilis subtilissima in totum corpus diffunditur , & sic de cæteris philosophari debemus .

Hanc ultimam nocendi rationem in multis accidere , pro comperto est , præcipue in Araneæ Tarentinæ , & Viperarum morfu . Dentes utriusque microscopio examinatos hic propono . Primo loco num. 59. Dentes duos , qui in Vipera maximi sunt , & Canini seu Leonini vocantur . Illos sic descripsit Severinus cap. 7. §. 4. part. 2. *Dens Viperae tenuis , acutus , aduncus , sub extremam cuspidem hispidus , multiplex , & fistulosus . Cuspis enim acicularis est , quæ solida pariter , & acuta nulli Bestiarum generi ferarum , non inquam Urso , non Apro , Leoni , Tigridi , Pantheræ aut quibusdam Feris inditum dentem cavum tum secundum longitudinem , tum secundum amplitudinem , præterquam viperino , nimirum ut singularis , & inaudita foret huic in nocendo prærogativa , quam cavitatulam edocti subdoli Æginetæ , ne viperam ipsi tractantes jaculato inde veneno consciantur , massa viscida consueverunt obdurare , Galeno monitore lib. de Theriaca ad Pisonem .*

De iisdem loquens D. Redi Obser. de Viperis pag. 58. ait . *Dicti Dentes interius sunt cavi , & perforati canalium instar , usque ad extremum apicem , & viderunt eos per microscopium moderni Scriptores , videri possint etiam sine microscopio , quando sicci sunt , & ob id leviter contusi finduntur per longitudinem radices , usque ad acumen in tres aut quatuor festucas monstrantes ad oculum*

*internam cavitatem , quam etiam Antiqui observarunt , & præcipue Plinius .*

Illos curiosa indagine pluries observavi , & sub optimis microscopiis apparuere , ut in imagine num. 60. expressi a me sunt . Adunci quidem instar unguis in fele , & adeo acuti , ut si contra lucem inspicerem , veluti e cristallo compactos esse judicarem . Hac ratione eorum cavitatem clare deprehendi , non *canalium instar usque ad extremum apicem* ; Sed dentium instar , quibus Elephantes armantur , videlicet cavitatem , cujus basis erat in dentium radice , apex verò non in eorum acumine , sed circa medietatem , reliqua parte solida usque ad dentis apicem , in quo nullum foramen inest . Illam cavitatem expressi sub num. 71. ubi A B C , ostendit dentem bifariam per longum divisum ADC , ostendit cavitatem internam .

Ex hac observatione clarissime patet non posse a Vipera per internam cavitatem humor venenatus in vulnus immitti , ut docuit Severinus ; nec talem cavitatem receptaculum illius esse , sed talem humorem relinqui a dente extrinsecus humefacto . Cum enim dentes viperarum ad vulnus disponuntur , incipit flavus ille , & pestilens liquor super illos discurrere non intra cavitatem , sed forinsecus a radicibus ad acumen , qui liquor palatum humectat , & in vaginis dentes operientibus restagnat , generatus in universo capite , ut ait Redus pag. 65. & derivans fortasse ad vaginas per quosdam ductus Salivales , quos forte caput illis communicat . Enim verò sicut dentes non sunt ex se venenati , neque receptaculum veneni , sic virus divisim acceptum vim nullam habet , ut enecet , quod non unico in loco probat Severinus in Vipera pytia tract. de Viperis , & idem Redus , experimentis pluribus edocti . Non habent igitur , refuso , Viperarum dentes canaliculum , & ductum apertum , per quem refusum delabatur toxicum .

Non secus philosophari debemus de Araneis , qui Venenum non ictu ut Scorpii , sed morfu ejaculantur . Quantum morfu nocere possit in aliquibus præcipue Regionibus ex Diodoro Siculo lib. 4. cap. 3. accepimus , & ex Strabone lib. 16. ubi sic scribit . Ultra Lybias , & Zephiros est Regio deserta ob Scorpionum , & Aranearum multitudinem . Cum potu aut cibo assumptæ Araneæ inæqualiter universum corpus calore , frigore , horrore , & prurigine afficiunt , inflammant , tumefaciunt , torquent , sed cerebrum maxime tentant , unde sequi necesse est nervorum distensionem , tremorem , & in universa cute frigidum sudorem .

Inter Araneas præcipua est Tarentina vulgo *Tarantola* dicta , cujus virus miris modis infensum est Agricolis , cum messis tempore in colli-

gendis fructibus occupantur. Hæc ( teste D. Wolfrido Senguardio ) iniiciendo, & dentibus mordendo lædit, & venenum dum aperturam rostro vel dentibus facit, ex ore suo in vulnus vel ictum immittit. Mordet, inquit Kircherus, dentibus, non pungit aculeo ut Apis. Martinus Lister in libro, quem erudite composuit de Araneis, describens cap. 1. eorum partes. Telis, inquit, ab ipso ore procedentibus universi Aranei donantur, at ea duorum, sicut ipsi Aranei generum sunt, vel enim ex duobus spiculis in modum forcipis hamatis constant, ut omnibus octonoculis, vel ex duobus brachiis forcipatis, sive in binos digitos diductis, more cancrorum marinorum, ut binoculis: Ab illis verò ictus venenatus, & perniciosus, quod iis tela admodum tenuia, & angusta sint, & quæ facillime in corpus penetrent, & alte infideant; ab his forte innocuus morsus; & paulo post utriusque generis Maribus Tela, & majora, & validiora sunt, duplicemque iis usum præstant ad vim inferendam, ut in arripiendis, occidendis muscis, aut illarum vim repellendam ulciscendamve.

Examinavi propterea binos Araneorum dentes instar forcipis simul coeuntes, præcipue in Tarantula, nec inveni aliud rostrum superadditum, ut narrat Senguardius, quo venenum in vulnus immittat. Illos sub num. 62. delineavi microscopio auctos. Eorum substantia fere crustacea, & fragilis erat, intus aliquantulum vacua, sed in solidum acumen desinens sine ullo foramine; quapropter evidenter probatur non posse venenum in vulnera transfundi, nisi eò quòd noxius ille humor, quo maxime Aranei abundant, dentes ipsos humectet, & in morsu sanguinem aliorum inficiat: ea ratione, qua D. Redi expertum se esse testatur in sua Epistola ad D. Alexandrum Morum, ubi pag. 18. hæc habet. *Cum ex vaginis dentium, & ex palato Viperarum exemissem omnem liquorem flavum, & viscosum, qui inerat, ungebam cum ipso, & oblinebam aliquas virgulas scoparum, quas acuta cuspide præparabam in modum minoris sagittæ, & subito ipsis pungebam decem pullos columbinos, relinquebam infixas, & absconditas in vulnere istas venenatas virgulas, & columbæ non supervivebant duas vel tres horas. Sed ne quis posset dubium movere num mortuæ illæ fuerint ratione simplicis vulneris exasperati per continuas puncturas istorum virgultorum, eundem ludum cum aliis quatuor columbis repetebam, sed non cum virgultis liquore isto venenato intinctis, quæ non moriebantur.*

Quandoquidem in Aranea Tarentina observatio hæc desumpta est lubet hic addere hujus valde noxii Insecti imaginem, num. 61. parum microscopio auctam. Binæ antennæ sive corni-

cula illi inerant capitis inserta tribus juncturis constantia. Octo pedes pectori inferebantur, quorum quatuor anteriores longissimi, duo postremi breviores, superabant tamen alios duos intermedios. Omnes Araneos internodia terna habere in cruribus affirmavit Lister, quæ etiam in Tarantula numeravi, eorum extremitates duobus spiculis aduncis muniuntur, quibus fila arripit. Cutis pilis obtegebatur brevibus, sicut & crura, quæ nigris maculis nigricabant, alternatim cum ossibus dispositis. Alvus notabili incisura a pectore dividebatur, & valde tumescens longitudine bis æquabat reliquas corporis partes. Ejus cutim tophaceam transversim secabant Zonæ nigricantes. Caput verò nulla incisura ab humeris pectoreve discernebatur, & in eo sex oculi inter Antennas apparebant, quorum duo aliis quatuor majores, omnes nigerrimi, & spherici protuberabant eo modo dispositi ut in figura num. 62. exprimuntur.

De oculis Araneorum dubitavit Lister an senarius, vel octonarius, vel binarius in ullo inveniretur. Dixit tamen eorum situm maxime diversum esse ut aliam atque aliam figuram constituent. Borellus in observat. Microscop. binas eorum dispositiones ponit, ut in Tab. num. 63. & 64. expressimus. A curioso Fontana Obs. 9. observatum fuit Araneas sex oculos habere. Joannes de Mey obs. 8. rem exactius perpendens omni microscopiorum genere optime, & sine ulla caligine octo in eis oculos invenisse se ait, lunatim dispositos in fronte sex in prima phalange, & duos in secunda.

Hanc oculorum multipliciter in Araneis non ad prædam tantum commodius discernendam inservire putat Lister, sed in reticulis etiam conficiendis.

Fila autem emittendi rationem Veteribus fere incognitam fuisse affirmavit idem Lister c. 3. de Araneis in genere, & ab ipso primùm observatam. Putavit Aristoteles Hist. Anim. lib. 9. ut ipsemet Lister advertit, de generat. Insect. pag. 168. fila non ab intrinseco emitti tanquam excrementum, ut Democritus ait, sed extrinsecus de suo corpore veluti corticem, aut morecorum, quæ villos suos ejaculantur ut Histricis. Sed erravit, ut optime notavit D. Redi, ubi ait dum Araneus struendo loculo pro ovis occupabatur, datam sibi esse facultatem videndi stamen non ex ore, ut scripsit Borellus in cent. observat. sed imo ventre deduci. Hoc tamen Ælianus, Mufetus, Plinius, & multi alii notarunt præcipue P. noster Josephus Blancanus in Aristot. loca mathematica titulo *Araneorum industria*. Notarunt insuper hæc fila non solum sponte emitti, sed vi, & nolente animali manu alie-



aliena educi . Eis utuntur Aranei ad muscas culicesque venandos , & licet sint manibus orbatī tanta conficiunt arte sua retia , ut nec artificis peritiffimi manus poffit illa imitari . Unde apud Sympofium Enigmatiftam de fe dicit Aranea .

*Nulla mihi manus eft , pedibus tamen omnia fiunt .*

Pari curiositate , & oblectamento non femel obfervavi mufcæ venatum ab Aranea factum . Statim ac mufcam dentibus firmavit , illico fila ex anu ejaculans , illa prioribus pedibus celeriter apprehenfa fupra prædam tranftulit , & in omnes partes circumactis , ejuſdem pedes , & alas veluti funiculis multiplici , & iterato nexu devinciebat . Muſca fic primùm celerrime colligata ne abiret , commodius deinde iifdem filis rete feu ſacculum efformavit , in quo ſine ulla evadendi ſpe captiva muſca remanfit ad venatoris famem explendam .

Curioſam ac æque difficilem indaginem merentur Araneorum fila , ut dignoſcatur , quo pacto obdurentur ſtatim ac in aerem extra anum ſunt educta . Illa enim inquit Blancanus *non continentur intus tanquam in glomo vel ſpira convoluta* , ſed materia eorum nil aliud eſt niſi ſucus peculiaris , & glutinoſus in proprio , & determinato vaſe corporis Aranei ſervatus , at vix eductus in ſolidum filum tranſit , quod nec aqua liqueſcit , nec igne , ſi torreatur . Nullus , quem ſciam , indaginem hanc proſequutus eſt , ſicuti nec de filo Bombicum , quod quidem eaſdem patitur difficultates .

Breviter illam tantùm indicavit P. Daniel Bartolus tractatu de coagulat. §. 1. ubi concludit coagulationem humorum hujusmodi inde provenire , vel quia ſal aliquod contineant , quod ær perstringat , & obduret non ſecus ac aqua ferrum candens , vel quia ſtatim ac aeri exponuntur , privantur calore debito , quo in corporibus latebant fluidi , quamobrem ob tale coagulum a Natura inditum ſiant fila illa prodigioſa Aranei , & Bombicis , cujus filum , Boile dimentiente de mira ſubtilit. Effluviolorum cap. 2. ultra trecentarum ulnarum longitudinem exporrigebatur , nec tamen niſi grana duo cum dimidio ponderabat . Nongentas , & triginta bononienses pedes æquare , quod retexitur , adhuc ſuperſtite exteriori lanugine , & poſtrema folliculi inepta parte affirmat Malpighius . Putarunt olim Auſtores , microſcopio non dum invento , fila hæc ex ore Bombicis emitti . At uſu utiliſſimi hujus instrumenti Joannes de Mey profert clariffime deprehenum eſſe ſericum *non ab ore ſed e mammis* , quibus dorſum eorum ſcatet eruſtari , quod ore quidem decerpunt , & applicant . At tanti Viri narrationi opponitur obſervatio , quam in ſuo erudito Tractatu de Bombice refert

Ex. Malpigh. dictus ab Hardero in Epift. 1682. Jo. Schrochio , Sagaciſſimus naturæ Ruſpator . *Inter agendum* , ait ille epiftol. de Bombicibus pag. 24. *per vices caput retrahit Bombyx , parumque hæret , deinde elongato corpore , mutatoque grefſu majori cum alacritate opus aggreditur , Nec diu venit hæſtandum , an ab ore vel ab extremo alui ſtamen emittat , cum ſenſui manifeſte pateat ſub ore brevem quamdam probofcidem pendere veluti mentum , a cujus extremo perforato ex delato illuc glutinoſo ſucco a ſericis ductibus exprimitur .*

Antequam ad alias obſervationes tranſeamus , hic mentio opportune fiet aculeorum , quibus Apes , Fuci , & Veſpæ intime Animalia perforant . Apis exactam anatomen præbuit Franciſcus Stelluti Academicus Lynceus , & in ære incidi curavit omnes ejus partes , oculos linguam , cornua , jubam , pedes , & aculeum . Ego aculeum obſervavi , quo Crabrones armantur . Deſcribuntur hæc Inſecta elegantiffime a Moufeto Theat. Inſect. cap. 9. ubi ait , illa ferocia , & iracunda maxime eſſe , tantæque item malignitatis , ut ter novenis icibus hominem , imò quidem equum interficiant ; ideo maxime venenata eorum ſpicula exiſtimavit , quæ ab Ovidio 11. Metam. *ardentia* dicta fuere , *aſperrima* a Virgilio 4. Georgic. Attamen illa ſunt , ut delineavi num. 65. robuſta quidem , & longa , ſed omnino levigata , nitida , & acutiſſima . Si verò quærat unde venenatus humor in icu relinquitur , idem dicendum eſſe puto , quod de Araneorum , & Viperarum dentibus demonſtratum eſt .

Dubium remanet circa Urticæ ſpicula . Folium enim urticæ ſpiculis acutiſſimis eſſe coopertum notiſſimum eſt . Hookius illa accurate delineavit in ſua micrographia Obſ. XXV. p. 142. aitque eorum baſim , quæ ex ſacculo aut veſica flexibilis ſubſtantie conſtat , & figuram fere cucumeris ſilveſtris refert , liquorem acrem , & venenofum habere incluſum , cuſpidem autem ex ſubſtantia conſtare duriffima , & validiffima , inque medio habere foramen aliquod , ex quo liquor ille venenofus in partem læſam ſe inſinuat , & dolorem ibi excitat , id quo facillime obſervare liceat per accuratum aliquod microſcopium . Siquidem extremitas illorum ſpiculorum contra baſim prematur digito , tunc enim per illos aculeos pellucidos manifeſte aſcendere & deſcendere apparebit liquor . Hæc omnia leguntur in Ephemeridibus Eruditorum ex Hookio deſumpta 10. Decemb. ann. 1666.

Non valde diſſimilia documenta inveni in continuatione Epiftolarum D. Leewenhock pag. 107. ubi ſic habet . *Urtica tam in foliis ſuis , quam in caulibus acutis aculeis ſive ſtimulis ſunt*

*instructa, qui maxima ex parte admodum duri, & firmi sunt, crassissima vero horum aculeorum particula, quæ folio sive cauli affixa est, admodum mollis, & flexibilis est, & quando hi aculei sive stimuli in hoc vel illud latus inflectuntur, atque hoc modo quoque mollis particula aculei inflectitur, tum aculeus nunquam aut raro in cutem nostram transmeare potest. Et paulo post: contemplantur hosce Urticarum aculeos non tantum, undique cavitate quadam esse instructos, verum etiam tum temporis, cum urtica in floridissimo forent statu, in multorum aculeorum extremitatibus hunc humorem protrudi, qui tum cum perquam exili globulo in extremo aculei sine considerat. Hoc a me viso alias formabam cogitationes, mibique imaginabar, ut & si nos ab istis aculeis tali tantummodo pungamur, ut aculei supremam dumtaxat cuticulam nostram veluti perfoderent, & ut nullus aculeus in cuticula nostra frangeretur, attamen dolorem, & extumescenciam comperiremus ob causam, si saltem humor (qui ad finem hujus aculei situs est, aut qui ob aculei motum ex eodem protrudi posset) in partes sensitivas nostræ cutis penetret, atque ibidem aliqua vasa attingat, sive ledat, unde cuticula nostra mediante acuto sale in hoc humore sito, vehementer admodum extumescit.*

His observationibus eruditus, causam non plene assequor, ob quam urticæ tantum nobis concitent dolorem, ac cutem nostram ita extumescenciam reddant. Si enim urticæ humore illo noxio abundant, cum floridissimo sunt in statu, ut affirmat supradictus Auctor, deberent profecto tunc temporis magis in cutem perstringentium penetrare ejus spicula, & majorem excitare dolorem, licet mollia, & tenerrima sint, & tamen majorem excitant urticæ veteres, quarum aculei facilius, & profundius penetrant, utpote magis duri, & solidi, in quibus hic Auctor affirmat se observasse humorem exaruisse.

Hanc herbam examinavi perquam diligenter, & inveni quidem ejusmodi spiculis esse armatam, qualia ab his Auctoribus describuntur, non verò liquorem ita per cavitatem eorum ascendere, ut postea e pressis spiculis per eorundem apicem in partem læsam immittatur. Apicibus enim talium spiculorum nullum foramen inest, neque rimula ulla, e qua talis humor queat prodire. Quippe Veprium instar sunt, seu melius dicam dentium Viperarum, quos vidimus esse quidem partim vacuos, non autem totos a basi ad cuspidem, sed sicuti sunt cornua Boum, & dentes eburnei Elephantum, qui apicem habent e solida substantia sine ulla cavitate. Quidquid sit de tubulis exilibus, & capillaribus talem substantiam conficientibus a Leewenoch explicatis in continuatione suarum Ob-

servationum Epist. ann. 1687. qui ad rem nostram non spectant.

En Tibi sub num. 66. observationes, quas circa tales urticæ spinas adnotavi percupidus videndi ejus humoris immisionem. Intuere primum spinam QP, cujus basis est QO. Erat spina quasi e cristallo clarissima formata, apparebatque mihi contra lucem observanti cavitas RQ, pars verò PR, omnino solida, & acutissima. Pluribus modis tentavi, ut deprehenderem an liquor contentus in basi seu vesicula QO, ascenderet intra spinam, ut affirmat Hookius, an potius extra exsudaret, & spinam madefaceret, at pluries vesicula illa valde compressa disrupta est, nec semper in eadem parte, nullo penitus humore e spinæ apice exsudante, etiamsi multæ ex iis detonsæ essent, & cacumine orbatae ut apparet in H. Apparuit quidem humor, leviter compressa basi CI, ascendens in cavitate CB, usque ad A, nec valida licet compressione, potuit unquam procedere; rumpebatur potius, ut dixi vesicula, non autem spina: eò quòd hæc solidiore substantia constaret, illa verò subtilissima membrana. Hanc observationem desumpsi in spinis recentibus, nec ad maturitatem perfectam perductis. Urtica enim tota referta spinis est, sed inæqualibus, & aliquæ tardius aliquæ citius perficiuntur. Quæ citius perficiuntur non solum paulatim obdurescunt, sed suam transparentiam seu diaphaneitatem deperdunt, & in aliquam partem inclinatae a vesiculis seu basibus divelluntur jam humore nutritivo saturatae. Clarissime hoc vidi spinis EE, in spinis FKL G, quarum basis dum gradatim gracilescit, & exsiccat divellit paulatim a spina, donec sponte sua penitus decidat, ut ex arboribus flores. Hæc omnia facili methodo inspicias, si cuticulam spinosam urticæ inter duas lamellas vitreas nitidissimas tali arte claudas, ut dum microscopio opponuntur possint spinæ pro libito a lamellis vitreis comprimi sine ullo periculo erroris, quo certe decipietur oculus, si alia ratione tale examen instituat.

Cum ergo dolor excitetur a spiculis recentibus humore foetis, & magis a spiculis veteribus humore destitutis, cum feriunt urticæ, ex tali humore acri, & noxio profecto non provenit; sed e frequentissimis, & levibus puncturis, quarum singulæ parvum vulnus in cute relinquunt; quæ vulnera dolorem excitant in partibus cutis læsæ: Ubi enim divisio fit partium corporis animati, ibi statim dolor excitatur, & si sanguis e vulnere emanare non possit, inflatur cutis, inflammantur partes, utpote e naturali situ semotæ ac dolor auctus perseverat, donec debitam unionem partes illæ recuperent.

§. XII.

FLORUM Recrementa .

**I**N Vegetabilibus , quàm elegantia phænomena Microscopiorum beneficio detecta sunt, alias nulla ratione observabilia? Equidem nonnulla Plantarum semina tam minutæ quantitatis esse deprehenduntur , ut ea propter , sine prorsus semine plantas nonnullas oriri videri possint , & visæ etiam antiquioribus Philosophis sint . In primis autem se miratum esse , ait Fridericus Schraderus pag. 14. loquens de Microscopiorum usu , raram & elegantem filicis seminis structuram ; *dum enim granula illa in dorso filicis hærentia per microscopium contemplor , ait ille , apparet nil aliud illa esse , quàm multa parva folia ita sibi invicem apposita ut bursulam quasi seu folliculum constituent , in quo multa rotunda siliquæ delitescant , veri seminis visum nudum penitus fugientis receptacula ; qualibet autem illarum siliquarum peculiari suo pedunculo in folliculo firmatur , qui non tantum imam siliquæ partem attingit , sed totam pene ejus peripheriam cingit , ac quod in primis curiosum est , pedunculorum quilibet , siliqua ad maturitatem appropinquante , elateris in modum se expandere nititur ; adulta verò illa , ac jam perfecta , tandem etiam subito dissilit , ut disrupta per medium siliqua , cui firmiter junctus est pedunculus , contenta seminis granula e longinquo spargat , & in terram quasi disseminet .*

Addam ego Phænomena , quæ circa Plantas microscopiorum usus patefecit . Flores multarum selegi , ut clare deprehenderem , quidnam essent pulvisculi , qui sæpe in centro eorum inveniuntur , & quibus apices staminum præcipue circumteguntur . Illos appellant Botanici *Recrementa* , & vidi non omnia ejusdem esse figuræ , sicuti ex variis progerminant seminibus , sic ipsa quoque Recrementa variam inter se faciem ostentant , quæ non nisi per microscopia agnoscitur . Observavi igitur pulvisculum , quo Lillii albi stamina flavescunt , & apparuit ut n. 67. delineatur . Ova referebat sed aurea , & valde nitida , ac si pulvere tripolino diu essent perfriata . Eandem apparentiam ferè exhibuit sub microscopio pulvis staminum , qui in flore *Tuberoso* emicant , illumque sub num. 68. exposui . Sub num. vero 69. Globum vides brevibus mucronibus circumquaque aculeatum , instar ricini , quo castanæ conteguntur . Hanc figuram demonstrat pulvis , seu recrementum , quod in centro floris malvæ flavescit , nec adeo facile ratio excogitabitur prodigiosi hujus artificii prop-

ter maximam exiguitatem nulli cogniti , nisi luxuriantis Naturæ lusum illud esse dicamus . In centro floris malvæ crassus pediculus ex rubro violaceus assurgit , qui in multiplicia alia stamina dividitur rubescentia , ut in littera A B , sub num. 79. exprimitur . His adhærent hi globuli beneficio staminis subtilissimi eo modo , quod in C D E , E enim & F , ostendit unum stamen optimo microscopio attente examinatum . Cucurbita non absimiles generat globulos , sed magis flavescentes .

His phænomenis excitatus anatomen institui circa flosculum valde parvulum , quem dono miserat D. Triumphetti . Dicitur a Botanicis Valeriana Rubra Dodonæi . Nec mole major est quæ sub num. 71. indicatur . At in parva mole ingens Naturæ artificium , & curiosissimum oculis pabulum ostendit : illum indicat num. 72. Microscopio valde auctum . En singulæ ejus partes . A , Bulbus Botanicis *Capsula seminalis* , conjunctus cauliculo E , unico foliolo D , copulatus , colore viridis . B , Floris Stylus candidus leviter striatus cum appendice calami C , tenuis , rotundi & acuminati C C , quinque floris folia pariter candida : e quorum centro duo prodibant rotundi calami , quorum alter I , curvus & brevis alter H , tanquam ensis rectus , & acuminatus , quem proinde stylum vocarunt Botanici . Ejus apici inerat epistilium K , rotundum , & latum pulvere ex flavo viridi aspersum . Hoc microscopio examinatum ostendit opus reticulatum e subtilissima membranula , in qua omnia spatiola M M , sine ullo ordine disposita ovalem figuram habent , suntque aliquantulum concava . In singulis eorum tanquam in apto loculamento coaptantur floris recrementa L L , valde nitida , & diaphana , ac si ova essent e vitro virescente compacta , adhærentque in O O , & sua sponte decidunt , cum ad debitam maturitatem pervenerint .

Subjeci deinde microscopio stylum H , qui licet crassitiem setæ equinæ non excedat , ita apparuit , ut ostenditur sub num. 73. litt. N V . frequentibus utriculis a a compactus erat , totidem utriculorum spatiis x x . repletis parenchymate herbaceo . In centro ejusdem styli nervulus apparebat solidissimus , quem putavi fulcrum esse apicis præcipuus , instar ossium , quæ carneam molem in Animalibus sustentant . Demùm Petalum , sive floris frondem , examinavi apparuitque ut exprimitur sub num. 74. Tribus partibus diversis compacta , scilicet propagationibus nervosis , u u . Utriculis t t . & spatiis inter eosdem utriculos .

Hæc pulchra , & admiranda flosculi textura , curiositatem excitavit ad ulteriora in Floribus

indaganda. Accepta igitur Hemerocallide Bizantina 75. vulgò *Riccio della Signora*, purpureo Sanguine saturata, excussi ex apicibus a a. pulverem minutissimum, quo rubescunt, qui microscopio subjectus apparuit ea forma, quam ossa dattilorum ostendunt, seu nuclei olivarum, denso colore rubescens. Illum vide sub num. 76.

His observationibus occupatus animadverti in centro floris rorem aliquem, supra quem aliquot puncta discurrentia, sed pigerrimo motu. Accuratè illa transtuli supra vitrum, quod microscopio subjeci, & eorum mole valdè aucta, vidi esse duplicis generis Insecta, & quidem prodigiosa. Alterum eorum indicatur sub n. 77. Tribus partibus constabat, Thorace, Ventre, & Cauda, cujus extremitati setæ adjungebantur, ceterum videbatur Acephalum. Habebat tamen in principio thoracis binos oculos nigricantes, binasque antennis constantes incisuris, quas ut plurimum retro plicatas vehebat more cornuum in Cervis. Sex illi inerant pedes tribus articulis divisi. Anterioribus, & posterioribus addebantur in fine rostellæ hinc inde falcata, mediæ verò ungue adunco muniebantur.

Alterum vero Insectum seu melius dicam Punctum Animatum colore sulphureo, oculis nigerrimis sub num. 78. delineatum apparet. Caput illi erat ut hirco, in rictu prominebant duæ longæ antennæ quinque incisuris plicabiles post caput, thorax duplo latum, è quo sex crura tribus articulis constantia, Anteriora eorum duplici ungue falcato absolvebantur, media unico, posteriora in aculeum desinebant pilosum. Thoraci addebatur abdomen valde amplum instar crumenæ humore aliquo repletæ. Ejus basi adjecti erant duo appendices rotundi, transversim dissecti, & fistulosi. A quo nam femine hæc Insectula ortum habuerint incertum est, manifestum verò in rebus minimis maximum artificium impendi à Natura, nostrasque mentes ad laudes excitari Sapientissimi Conditoris.

Aliud Insectum his adjungo, quod inveni in flore Amberboide seu Hyacintho Ambrosini, vel Cyano turcico apud Italos *Fior d' Ambretta*, propter odorem, quem exhalat etiam aridus, suavissimum. Erat illud mole minimum, & arenæ grano æquale. At sub microscopio visum est, ut sub num. 89. exprimitur. Rictum gerebat valdè acuminatum ut in Sue; propè illum duæ antennæ inerant pilosæ in quatuor partes distinctæ, sub his oculi protuberabant ut in muscis. Thorax valdè amplum erat, abdomen oblongum in septem annulos distinctum. Pedibus gradiebatur senis; progressum juvabant quatuor alæ instar falcis contortæ, quarum membrana

hispida erat frequentibus pilis. His addebantur quatuor particulæ O O. compactæ è subtilissimo velo, ope nervuli in girum dispositi semper expanso. Totum autem piceo colore nigricabat.

Sub num. 80. Recrementa sunt, quæ ex apice flavo A. ejusdem floris selegi, prout sub microscopio detecta sunt, oblonga quidem forma, sed varia. Omnia tamen nitida, & veluti ex crocea cristallo seu succino compacta.

Alium florem delineavi sub num. 81. è Blattaria vulgari decerptum. Firmum hæc planta tollit caulem, altitudine interdum humana, crassitudine pollicari densissimo ramorum stipatu fruticantem juxta Chabræum de stirpibus pag. 496. Flores ex pediculis hirsutis ex flavo subcerulei. E centro floris ejusmodi stamina cum apicibus selegi, & microscopio subjecta apparuerunt, ut num. 82. exprimuntur, multiplicibus scilicet staminibus singula luxuriantia, colore omnia ex albo purpureo, membranula vero apicis O. albescebat adjectis recrementis CC. colore flammeo, quæ recrementa valde aucta apparebant ut sub num. 83. veluti prunorum nuclei, & valde rubescentes.

Pediculi hirsuti particulam simulque aliam folioli viridis examinavi pariter hirsutam; & utraque microscopio exhibita est plena prodigiosis villis; erant enim ut Piperis grana brevi pediculo frondi, seu trunco affixa, omnino rotunda, & diaphana propter humorem aqueum quo replebantur. Illos sub num. 84. ad vivum exprimuntur.

Aliam observationem adjungo non minus curiosam, & nudo oculo omnino cælatam. Forte per viridarium deambulans vidi herbam, quæ Græcis *Sonchos* dicitur, idest quòd salutarem fundat succum, Cicerbitam vocarunt Romani, idque nomen hodie adhuc in Etruria retinetur. Eam putavi è genere spontanearum stirpium esse, edoctus à Cabræo qui pag. 316. sic illam describit: *Provenit spontè Sonchos tum levis tum asper laciniatus frequentissimè in hortis, ejus folia in circuitu sunt quasi dentata, spinis vel nullis vel mollibus armata. Silvestris est magis aculeatus, ideo inter spinosa foliata meminit Theophrastus, & Galenus. Flores habet cæruleo colore nitentes, & in Pappos celeriter fatiscentes.* Verùm quia non facilè assequi poteram an spontè nata fuisset talis herba, oculos explevi inspiciendo lanuginosam particulam floris in Pappum album conversi, quæ sub microscopio apparebat, prout num. 85. indicat. Erat talis particula aggregatum quoddam filorum, ex quadam radice prodeuntium, quæ licet tenuissima, & diaphana rubetum asperum referebant propter frequentes breves, & aduncos aculeos. Talium filorum frag-

fragmentum sub num. 86. posui ut clarius dignoscerentur aculei , & lineolæ , quibus per longum in plures partes dividuntur , præcipuè majores ; Aliqua enim sunt aliis crassiora , omnia tamen in acumen paulatim abeuntia . Cum hæc sit ejus lanuginis structura , quid mirum , si in aerem flatu effusa , & veluti flocci quidam volantes pannis præcipuè laneis facillè adhæreant ? Ex eadem deduco non dissimilem partium structuram inesse in Pappis Carduorum , & multorum florum lanuginosa substantia .

Curiosa hæc Papporum structura oculos illexit , ut alios florum Pappos observarem . Selegi proinde Pappos , qui proveniunt è semine fructicis , qui dicitur à Lobelio *Lysimachia siliquosa* . Siliquas enim producit subtiles ut aristas frumenti , quæ bifariam spontè aperiuntur , cum ad debitam maturitatem pervenerint , deciditque semen minutissimum rubescens num. 87. expressum , & instar mori fructus tuberculis asperum : ex illo flocculus è subtilissimis pilis albis luxuriat , qui microscopio oppositi eandem faciem ostendunt ac humani capilli .

Pappum deinde observavi , qui provenit è flore Hieracii Sabaudi ; illum describit Jo: Bauhinus . Erat hic non absimilis Pappo , qui è cicerbita provenit num. 88. delineatus , constabatque multiplicibus aliis Pappis minoribus , quorum pediculus rubescebat striatus ut apparet num. 89. Fila autem albescentia sub microscopio posita eandem partium compositionem ostentabant , ut Aristæ frumenti , nempe spisso cortice frequenter foliata , quorum alter alteri superimponèbatur ea ratione , qua folia arundines vestiunt . Mirum ! quantum peritiæ in supremo Artifice indicent hæc fila , quæ in adeo tenui , & capillari crassitie hanc prodigiosam partium structuram continet .

Non absimilem ostentarunt fila num. 90. indicata , licet pariter capilli humani crassitiem non excederent : Constatum illis Pappi particula num. 91. posita , provenientis è flore , qui à Columna vocatur *Chrysocome Dioscoridis* , & *Plinii* .

Tria florum recrementa pene invisibilia his adnecto . Primum ex herba proveniebat , quæ dicitur à Camerio *Antirrhinum flore luteo grandis* , oliyarum nucleos exprimens colore flavescente num. 92.

Secundum num. 93. quasi globulos ruditer rotundos imitabatur . Clematis altera Boetica Clusii illud subministravit fere invisibile .

Tertium denique num. 94. ex campanula provenit , quæ à Camerario *pyramidalis* dicta est , *lutescens færidior* à Clusio . Licet valde exiguum , sub optimo microscopio visum trilataram formam ostentavit angulis decisis , protu-

berante utraque facie , cujus centrum colore aureo minus saturatum succini diaphaneitatem imitabatur .

Papporum hujusmodi subtilissima fila , quæ tamen canaliculum internum continent , in quo humor nutritius servatur ad eorum incrementum , in mentem meam revocarunt Capillos humanos , & Belluarum villos , ut microscopio deprehenderem an cavi essent nec ne . Duplex dubium excitari potest circa capillos . Primò . An iis detur cavitas similis cavitati pennarum , & reliquæ partes omnino solidæ sint . Secundò . An multæ cavitates insint similes iis , quibus in variis plantis convehitur nutrimentum , aut quales variis in arundinibus obviæ sunt , quæ transversim sectæ magnum distinctorum pororum multitudinem exhibent , quos multi suspicantur per totam diffundi arundinem , iisque ipsam fieri instar cylindrici fasciculi minutis è fistulis , aut tenuissimarum cavitatum multitudine , quibus ab extremo ad extremum parenchyma perforatur .

Fuerunt illi quidem diligenter examinati à pluribus . Sed in observationibus valdè discrepant . Griendelius obs. 6. fig. 2. *Consideravi* , inquit , *capillum hominis sexagenarii incanum* , *cujus medietas crystalli ad instar pellucida fuit* , *ita ut medullam ejus , & cavitationem observare clarissimè licuerit ; imò & humiditatem quoque* , *sed non in tanta copia , quanta in junioribus vulgo conspicitur ; hinc facile colligere licet humiditates hæc capillis proprias decrescere jam annis , simul quoque decrescere atque imminui* . Idem in seta , pilo canis , & equi foramen magnum se conspexisse affirmat , & in pilo è barba felis desumpto *crassam medullam* . Capilli , ait Borellus obs. 23. *concavi* , *& ut canales pertusi* , *& perforati adeo ut pennas Avium representent* . Eandem cavitatem asserit Bartolinus anat. lib. 4. cap. 1.

Hookius postquam multos crines examinavit , omnes fere rotundos deprehendit , versus extrema crassiores eos esse , quàm circa radicem , & ab uno extremo ad alterum esse excavatos perinde ac Cornu aliquod asserit . Nec verò adverti ibi quædam fila in ipsorum radice , uti quidem observantur in plantis plurimis : solidas esse addit quoad extima , neque cavitatem aliquam deprehendere se potuisse non magis ac in Porcorum fetis . Verùm lanuginem cati detonsam , perinde atque sambucus , in medio habere latam aliquam medullam , uti representat in figura . Textum verò ita constrictum esse , ut nulla ibi cujusdam pori apparentia deprehendi possit .

Antonius de Leuwenhoek in Anatomia pag. 32. putavit crines nostros Arborum adin-

star habere corticem, eumque ex globulis esse compositum, rursus ex striis intrinsecus consistere. At in Epistola ad Regiam Societatem Londinensem de ortu, & de effluvio capillorum suas meditationes una cum observationibus refert ut infra. *Quoniam multi sunt*, ait ille, *in ea heresi Crines concavos esse, alii verò existimant crines intrinsecus medullam continere quemadmodum ossa, opera pretium esse putavi crinem suillum depingere ad demonstrandum; quo principio illa concavitas subinde in crinibus conspecta oriatur, & gignatur. Similiter etiam, quare multi autument crines medulla plenos esse. Crines non pullulant Plantarum more, sed crescunt propulsione quadam, & quæ pars hodie intra cutem, & velut radix est, post diem unum, & alterum extra cutem est protrusa. Hic crinis ex cute proveniens in omnibus suis partibus est admodum humidus, ac statim humor ille evaporare incipit, subita illa evaporatione facta, cortex crinis, cum striis proximè corticem sitis, firmitatem recipit suam, unde crinis simul contrahi nequit, & inde fit ut striæ magis introrsum sitæ suam amittant humiditatem, ac exinde tenuiores reddantur, striæ à se invicem rumpantur nunc una, alio tempore pluribus rimis, unde sic conficiuntur suboscure strigæ, aut strigæ in crine, quæ tum procul omni dubio pro medulla crinis habeatur. Ut hic fig. 1. A. B. C. D. quod frustrum crinis suilli est, à me è transverso discissi E. E. E. E. sunt rimæ, & siccitatis crinis ortæ. Fig. 2. F. G. H. I. est frustrum ejusdem crinis paulo prioris cutem, quoque è transverso discissi, in quo non variæ sunt rimæ, aut rupturæ, sed saltem una rima tam magna, ut magnum foramen sive cavitatis in crine sit ut K. L. M. Talis igitur si sit conspectus crinis proculdubio omnes esse crines cavos sibi imaginaturi sunt. Ex his depictis crinibus illos errare patet, dicentes omnes crines esse rotundos, cum tamen citius dicendum foret quot crines tot figuræ; Hactenus Levenochius, cui assentiri meritò deberet rerum naturalium Indagator, cum ille dicatur à Friderico Schradero Epist. de Microsc. usu pag. 8. *Vir in minimis naturæ rursus diligentiissimus*. At cum ejus observationes factæ fuerint in crine suilli non adeò facilè inferendum est eas accidere in omnibus crinibus Animalium, hominumque capillis, de quibus præcipuè hic quæstio est.*

Secundò putat Levenochius cavitatibus capillos orbari, eò quòd non pullulent Plantarum more, sed crescant propulsione quadam. In hac sententia non paucos scio fuisse Philosophos. Inter quos P. Silvester Maurus tom. 5. quæst. 9. probabiliter putavit capillos, & pilos non vivere, nec augeri vitaliter per introsusceptionem, sed solum augeri non vitaliter per extru-

sionem quarundam partium excrementitiarum alimenti, quæ partes, quia sunt inutiles ad nutriendas partes animatas, à Natura convertuntur in ungues, & capillos spectantes ad munimen, & ornatum Animalis. Confirmat hanc suam opinionem, eò quòd capilli, & ungues crescant etiam in cadaveribus, quod certe non fit nisi per extrusionem atque additionem partium non vitalium. Alii, ex eo quòd Aristoteles docuerit capillos se habere in hominibus sicut plumæ in Avibus, vel in Arboribus frondes, idcirco, sicuti Plantis solent decidere frondes tempore hyemis, ita Hominibus defluunt capilli propter senectutem, quæ est hyems ætatis; putant capillos crescere, & augeri vitaliter. *Crescit enim pilus, & nutritur*, ait ingeniosus Boile de corporum porositate cap. 7. *quod non contingeret si solidus foret, aut si simplex tantum in eo cavitatis inesset, ut in inferiori calami parte, verosimiliter eo quo usus sum microscopio illam detexissem, cum alterius microscopii ope longe inferioris facile observarem cavitatem instar cavitatis calami propè inferiorem partem in variis quibusdam brevibus pilis animali, muscum seu zibetum suppeditanti, accrescentibus.*

Ex his igitur variis observationibus nihil certi habemus circa capillorum cavitatem. Attamen idem accuratissimus Boile probabiliter putat illam inesse ex eo, quòd æquissimus, ait ille, *Rerum æstimatur Sennertus* cum aliis optimæ notæ Scriptoribus tradat in Plica Polonica, nempe morbo de quo speciatim agit, observasse se, si ægroti implicatos, ut interdum fit, capillos, ob colluviem abscindi curent, singulos capillos interdum sanguinem re ipsa emittere qua parte extrema resecta sunt, quare liquor non minus densus quàm sanguis devehit per vasa poterit capillaria ad summum, quæ ipsis proinde capillis longè minora futura sint; licet quis non immeritò existimarit Hominum capillos tenuiores esse, quàm ut contineant cavitates visibilium liquorum capaces.

Certè difficillimum quid compererim, ait Boile, ibid. optimè, etiam ope microscopii, ulas in capillo Hominis transversim secto distinguere cavitates. Quod si extensi perlongum supra vitrum inspiciantur contra lumen, nihil potest animadverti, quòd cavitatis judicetur vel rimula, eodem enim modo apparebunt ac duo fila vitrea, quorum alterum vacuum sit, alterum verò solidum. Cæterum si capilli vivunt vitam vegetativam, suntque veluti parvæ arbores radicatae in capite humano, ac trahentes alimentum excrementitium quo nutriantur, illos probabiliter dixerim esse veluti sunt, & Genistæ, quæ transversim dissectæ videntur sub microscopio constare è pluribus canaliculis pelle aliqua

qua seu cortice involutis , ut sub num. 85. delineavi . Probabiliter inquam , nam unica cavitas fortasse sufficit ad alimenti introsusceptionem . Quod probari poterit paritate filorum in pappis cicerbitæ , quæ dubio procul per alimenti introsusceptionem vitaliter nutriuntur , & unica cavitate sunt prædita .

Hæc difficillima capillorum indagatio in mentem revocat observationem curiosissimam , quam in minimo Insecto desumpsi magna cum oculorum tum mentis oblectatione . Illud sub nu. 86. posui , sed valdè microscopio auctum , non enim superabat ejus moles granum anisi minimum , ac mirum est tale animalculum tot organa possidere ; in eo enim pedes , nervos , oculos , & omnes partes animalis inesse videbis , quare Naturæ potentiam , & industriam mirari oportet , quòd in adeo parvo loco tanto artificio collocaverit , & joci quasi gratia easdem partes animalculis ac Balenis , & Elephantibus concesserit . Caput illi est rotundum , cum rictu verticaliter bifido , & duabus appendicibus eminentibus ; prope oculos binæ antennæ seu potius cornicula eminent ; breviam enim illa sunt , licet in tres articulos distincta , & aliquantulum plicabilia . Tribus anterioribus annulis sex adnectuntur brevissimi pedes , unguibus robusti aduncis armati , quibus celerrimè reptat . Color in parte inferiori ventris albicat , in dorso adduntur septem fasciæ ex fulvo nigræ . Cœterum Histricem horrendum refert , si è latere conspiciatur gradus . Pilosum enim non tantum est , & pilis crassis , & longis , sed in penultimo annulo hinc inde binos veluti pennicillos ex frequentibus setis compactos gerit , quos , si leviter acus acumine pungatur , statim elevat , explicatque , ac si singulis se disponeret ad ultionem .

Pluries in adeo parvo animali ingentem iram sub microscopio conspiciens , recognovi ejus setas , quæ è lateribus prominent eo modo aculeatas ut sub num. 87. expressi ; illas verò ex quibus suprædicti pennicilli prope caudam componebantur , eam habere figuram , qualem nu. 88. repræsentantur , videlicet lancearum , quibus certè meliores pro pugna Ars bellica suppeditare non posset . Hæc novissima Pilorum , & admiranda constructio pluries oculos meos , & Amicorum illexit ; ut attentè dispicerentur non pilorum pennicilli , sed Lancearum telorumque fascies , & aliis microscopiis supposita in majorem molem redacta clarius apparerent .

Apparuerunt demum cuspidibus Lancearum ut dixi omninò similia , sed hastis imposita , quæ ex continuato globulorum ordine quasi filo infertorum formabantur , ut num. 89. Pili verò num. 90. delineati apparuerunt non leves instar aliorum , sed è pluribus partibus compositi , qua-

rum singulæ vasculum alteri superinsectum referrebant , cum apice demum acuminato , ut numero 90.

Oculorum fallacias non refero , nec microscopium tale instrumentum est , quo res è nihilo evocentur , & larvæ quodammodo rebus imponantur . Juvat illud , non decipit , detegendo quidquid inermis oculus deprehendere nunquam posset . Hujus pilorum prodigiosæ fabricæ testes habeo quamplurimos , quorum oculis non sine ingenti eorum admiratione hujusmodi pilos subjeci , inter quos multos accuratissimos rerum naturalium Rimatores , qui microscopia conficiendi artem optimè callentes aliquos ex his pilis maximoperè desiderarunt , ad sua & aliorum microscopia probanda . Optima enim requiruntur , ut in minimis rebus diversæ hæ particulæ distincte recognoscantur .

Validum argumentum subministravit hoc minimum , & debile Insectum , ut spontaneam Generationem possibilem esse judicarem . Inveni enim illud pluries in vasis etiam vitreis generatum , & optimè à muscis defensis , in quibus varios papiliones clauseram . Contabuerunt enim illi , & penitus in pulverem redactis ; inter eorum cineres animalcula hæc detexi , initio quidem minima , sed paulatim aucta usque ad parvum anisi granum ut dixi . Tribus annis successive experimentum sumpsi , & quidem semper feliciter cum eventu ; non autem semper eundem numerum eorum inveni . Pabula subministravi in aliis Papilionibus , quos aliquorum dierum intervallo vorabant , rejectis plumis , & pelle . Sine alimento servato diu vivere , sed macie contracta , & pluries pellem exuerunt , Araneorum instar , Pediculorum , aliorumque hujusmodi , omnibus setis suprædictis circumtectam . Huic non valdè dissimile insectum in cadaveribus muscarum , at pilos non tam exactè examinavi .

His prodigiosis Insectis jungo alia duo , de quibus alibi sermo fuit . Alterum eorum est , quod indicavimus cap. 65. part. primæ de Viventibus , quæ in Rebus non Viventibus reperiuntur , nempe Insectum quod in pulvere Casei reperitur , illud ab aliis observatum inveni , sed non ab omnibus eodem modo delineatum , vel descriptum . Borellus obs. 27. de illo sic retulit . *Oculorum grandes orbes subnigri , & unguiculis , & unguis armatur , totum corpus eleganter coloratum est , dorso est hispido , & histricem non male æmulatur , cornicula etiam habet , & tres in cauda aculeos insigniores .* D. Carolus Antonius Tortoni in epist. ad Illustrissimum Hieronymum de Langmantel 1686. illud expressit , ut sub num. 91. ad meas paginas transtuli , num. verò 92. indicat idem Insectum observatum à D. Jo-

Francisco Griendelio, qui obs. 3. fig. 1. sic illud descripsit. *Vidi ego Acaros hosce nihil esse aliud, quam pulverem corrosi casei, & microscopii ope retrorsum albos atque pellucidos, antrorsum verò à capite ad coxas usque rubentes, & nonnihil apparere nigricantes. Cæterum sex instructi sunt pedibus. Corpus eorum hinc inde pilis longis ac subtilissimis cutim perforantibus, & longitudinem totius corporis sæpe superantibus scætet, præ primis verò pili gemini in inferiore corporis regione cornua mentientes observantur.*

Has descriptiones adduxi, ut Naturæ Rimator eadem Insectula observet, inspiciatque cui nam melius illæ congruant. Illæ enim imagines valdè differunt inter se, nec prototypo conveniunt meo iudicio. An ex incuria pictoris, an defectu microscopii, vel oculi, quo fuit Animal observatum, nescio; scio tamen me illud observasse, ut expressit Doctor Bononus, & in Epistola D. Redi inscripta 1687. sic retulit, ut in nostris pag. num. 93.

Alterum Insecti genus indicatum est cap. 67. & delineatum ab eodem Bonomo, ut vides in nostris paginis num. 94. quod sic describit. *Simile alle Tartarughe bianco di colore con qualche fosco d'ombra sul dorso, insieme con alcuni radi, e lunghi peluzzi; snello, e agile al moto con sei piedi, acuto di testa con due cornicini, ò antennette nella punta del grugno.* In Actis Eruditorum ann. 1682. pag. 317. sub titulo. Observationes de Sironibus, ita legitur. Sunt Sirones Vermiculi minuti quasi pediculares in pustulis serosis prurientibus sub cuticula manuum in primis, & pedum subsistentes. Minus de his disceptatum fuit Animalculorum classi an associandi, siquidem hoc jam olim subtili Scaligero exercit. 194. de subtilit num. 7. extra dubitationis aleam positum fuit, qui tamen ipsis formam nullam expressam esse asserit, quæ microscopiorum ope distinctè satis, & accuratè conspici potest, secundum eam faciem, quam tabula . . . fig. . . . repræsentat. Colore sunt albicante, & pedibus exceptis, qui propius intuenti nigricare videntur, pedibus sex instructi sunt, binis utrinque mox juxta caput positis, quibus Talparum ritu canaliculos sub cuticula agere, ut oblongos non rarò quasi sulcos trahere, simulque molestissimum pruritus excitare videntur. Num dorsum sit squamosum, prout quidem affirmat D. Rohaultus Tract. phisic. par. 1. cap. 21. definire nolumus illo præstantiore, dubio procul, microscopio instructo.

Imaginem ejus de quo fuit sermo hic subjicimus num. 95.

Sironibus seu Pediculis intercutaneis adnecto aliud Insecti genus non quidem à me observatum, sed relatum in Actis Eruditorum ann. 1682.

pag. 317. quod spontaneæ generationi non parum favet. *Incognitum Antiquioribus fuit morbus (ait complator Actorum) cujus p. ssi in superiori ac hodierno sæculo à medicis non minus quam mulierculis fit mentio, & ab istis quidem morbus pilaris Infantum communiter appellatur, speciatim autem Crinonum inter Comedonum nomine venit. Contabescunt Infantes paulatim, insomnes redduntur, & inquieti, & insignem simul pruritus corporis pati videntur, quod si in balneo ritè tractentur, corpuscula pilorum crassiorum instar densa, & spissa è poris corporis prominent, quæ pro animalculis intercutanea loca inhabitantibus (unde Comedonum nomen, quasi vermium alimentum infantum depascentium (ab aliis habita fuerunt. Utrum itaque censui excrementorum, an verò Animantium generi adscribendum sit istud extra cutim prominens diutius controversum fuit, prout scilicet fieri in naturalibus amet, ubi solis rationibus citra experientia armaturam pugna instituitur. Hæc tandem rerum magistra litem diremit, ostendendo microscopiorum ope manifestè esse vera Animalcula viva, quidquid spissorum istorum capillorum facie subinde compareat. Coloris observantur subcinerei, & plus minus nigricantis, cornubus seu potius antennis binis longè prominentibus instructi, oculis rotundis grandiusculis cum cauda oblonga, in fine villosa aspectu satis horridi, prout ex tab. conspici potest, in qua num. . . . crinonem integrum accuratè observatum resupinato situ collocatum. Num. . . . eosdem crinones pronò corpore delineatos. Vide Georgium Hieronymum Velschium exercit. de Vermiculis capillaribus Infantum. Annexa est dicta exercitatio in Vena medinensi ann. 1674. Augustæ Vindelicorum in 4. luci publicæ expositæ.*

Insecta hæc vide in nostris Tabulis num. 96.

Ex hac observatione abunde probatur, quàm utile sit microscopium, quo oculus armatus illa conspiciat, quæ planè sunt invisibilia, & quorum ignorantia quamplurimis morbis inepta remedia parantur. Quemadmodum autem ad solidarum partium compages diligentius inspiciendas utiliter usurpatur, ita feliciter ad fluidorum quoque, & variorum liquorum in iisque natantium particularum examen instituendum idem adhiberi sequentia declarabunt.

### §. XIII.

## SANGVINIS, & LACTIS Examen.

**S**anguis in capillarem tubulum spontè affurgens, ait D. Schraderus, per microscopium vide-



videtur innumeris globulis constare rubicundi coloris in pellucido sero natantibus. Ex quo motus perennitatem in sanguinea massa observari in Anglia affirmarunt multi; at Schraderus hoc evinci sibi non persuasit, siquidem ab externo aere sanguinem extra vasa missum ambiente, minimæ ejus particulæ in globosam hanc figuram coagulari potuisse suspicio incidit. Sed ut ut sit de hac coagulatione, dicam quæ circa sanguinem observavi. Posita supra vitrum guttula sanguinis è sano corpore per vim extracti, vidi supradictos globulos in pellucido sero natantes, & quidem frequentissimos. Sero deinde penitus exsiccato, globulos illos simul conjunctos subsidere, & coagulari eo modo, quo in lamina n. 97. delineavi. Rete enim exprimebatur, quod in Animalibus Cordis, Hepatis, & Lienis regionem dividit à Regione, in qua jacent intestina, sed rubicundum. Pluries hac observatione repetita, semper eadem sanguinis coagulatio facta est. In sanguine vero è venis ægroti extracto, qui febre maximè noxia laborabat, observavi pauciores longè globulos in copioso humore flavo natantes; quo absumpto, coagulatio successit, ut in sanguine sano, sed flavedine quadam imbuta.

Post sanguinis inspectionem Lac opposui microscopio è multorum Animalium uberibus expressum, & animadverti non dissimiles sanguini globulos in sero natantes sed albos: plures quidem in lacte nutricis Juvenis optimæ complexionis, pauciores verò in lacte, quo Fœmina gracilis quadraginta quinque annorum infantem enutriebat, rursus pauciores in ejusdem lacte expresso postquam dies duas ab esu carniū abstinuit. Non absimile lacte mulierum inveni Asinæ lac. Lac autem ab Equa acceptum parvam globulorum quantitatem ostendit in abundanti sero natantium.

Eadem methodo, qua Lac, & Sanguis examinatum est, poterunt, & alii Liquores examinari, indeque cognosci multæ corporum ægrotantium qualitates, & morbi. Si enim microscopio subjicias fel, quod flava bilis appellatur, invenies illud purissimum esse liquorem, qui veluti oleum è nullo alio corpore constat, sed supra vitrum coagulatur, ac si lamella alia superadderetur vitrea, flava quidem, sed omninò diaphana, & pura. Talem inveni fel multorum Animalium diligenter examinatum. Qui humor meo judicio inter omnes est subtilissimus, & purissimus, ideoque sæpe brevi temporis intervallo diffunditur per omnia corporum membra, & homines veluti flava cadavera reddit. Cœteri verò humores crassiores sunt, cum pene nullus inveniri possit, in quo particulæ saltem nitrosæ, & salinæ non misceantur; è quarum cognitione

non adeo facile dictu est, quàm copiosa humorum seges ad humani corporis salubritatem enascatur. Porrò plurimi pro purissimis habiti, & nulla labe inquinati, vermiculis tamen innumeris seepissime scaterere per microscopia exploratum est.

## §. XIV.

VERMICULI ACETI,  
& PIPERIS.

DE Vermiculis in corrupto aceto natantibus notissima res est, quos instar Serpentum exuvias quandoque ponere didicit Cl. Hookius epist. par. 1684. In Guttula etiam aceti D. Lavenochius aliquot millena corpuscula recognovit oblonga, & in acutissimam cuspidem desinentia, quæ sal aceti vocans statuit illa esse, quæ linguæ sensum seu saporem acidum inducunt, contra eos, qui aciditatem aceti deducunt ex solo punctationis sensu anguillarum, quam cauda sua acuta imprimere credunt linguæ nostræ, quod tamen erroneum est. Si enim supponeremus verum esse, sequeretur ut multa aceta, ut optimè advertit idem Lavenochius debere esse insipida, quoniam destituuntur ejusmodi anguillulis, & hyberno tempore, quo moriuntur anguillulæ omne acetum futurum insipidum.

Si aqua, cui Piperis nigri pulvis *vel per noctem injectus* ait Hookius, mane viventibus, & hinc inde se variè moventibus vermiculis plena conspicitur. Joannes vero Sigismundus Elsholtzys obs. 115. anni Curiosorum 9, de microscopiis globularibus. Ait natantia Animalcula stupenda agilitate apparere in aqua opposita microscopio, in qua per quinque aut sex dies infusa steterint grana Piperis integra, Nuces mirificæ, Caryophylli, semina Coriandri, & similia.

Aquam infusionis piperis pulverisati mihi perscrutanti, ait D. Lavenochius, binas differentes Animalium species videre contigit, & utriusque speciei majora alia minora, ita ut hæc juniora, seniora illa judicarem. Arbitror me vidisse, juniorum horum quædam in ventre majorum contenta fuisse, & bina sub natatu invicem cohærentia congressum celebrasse.

A figuris Anguillarum aceti abstineo, cum multi in suis paginis expresserint. Infecta Piperis non exprimo, cum apud neminem expressa viderim sed solum relata. Nec unquam in aqua in qua Piper subsedit, eos comprehendere potuerim.

Non autem pono vermes in Urina apparentes, ut dixit supracitatus Elsholtyus, cum illos nunquam in ea deprehendere potuerim. Observavi tamen non injucunda, immo maxime utilia, scilicet ingentem numerum perquam exilium figurarum salinosarum. Inter eas deprehendi multas elegantissimas figuras diversæ magnitudinis, multasque summæ exilitatis. Multæ talium figurarum positura sua conveniebant cum particulis salis comunis, multarum basis ex oblongo quadrangularis erat in pyramidem adscendens, quasi adamantes aspicerem sicut num. 98. ostendit. Aliarum basis erat quadrata, in aliis rotunda, supra quam Cylindrus fundabatur pellucidus, & clarus, ac si e cristallo constaret. Item aliquot, quæ oblongæ erant quasi quis intueretur oblongam rectangulam figuram, sicut figura depingit num. 99. Præterea multas figuras, quarum duo latera longissima aliquatenus rotunda duo brevissima recta erant, fere accedentes ad figuram dolii sicuti num. 100. manifestat. Item aliquot quinque lateribus aliquot quatuor, aliquot verò tribus constantes, quorum duo angulum formabant acutissimum, sicut num. 101. testatur. Inter omnes hæc promiscue positas salium figuras perquam jucundum erat oculis usurpare aliam in modum crucis expressam, ut apparet sub num. 102. Pluries hoc experimentum tentavi, & humorem exhalare permisi, semperque mihi æque ac supra, multitudo ingens exilium figurarum salinosarum occurrebant, eademque diversarum figurarum, & magnitudinum.

Unde nam tot salium diversæ figuræ proveniant in urina, non adeo in promptu est definire. Mihi tumultuarie observanti persuasi, eas ex variis cibis, quibus vescimur, & humoribus, quibus constamus ortum habere, ex quibus certe provenit in corporibus lotii excrementum, secum illa trahens quidquid Natura ut ineptum ad nutritionem reiicit ad vasa tali excremento destinata. In vino, & aceto Lavenochius multas salis particulas accurate observavit expressitque eorum figuras, præcipue in epistola prima, qua illa descripsit. Non autem adeo facile credam, quod ille sibi suavit, videlicet observatas in aceto figuras salinas linguæ nostræ saporum acidum imprimere; Vinum autem gratum esse, eò quod ejus figuræ salinæ nec nimis acutæ sint, sed ita compositiæ, ut earum partes quasi harmoniam quamdam nactæ, nec alias superent, nec superentur ab aliis. Et licet observaverit particulas Sachari, quod & ipsum sal est esse acutas, & angulosas, illud tamen esse dulce, & gratum, eoquod facile resolvantur cum uniuntur salivæ, & flexibilitatem acquirant talem, qua omnibus aliis in lingua occurrentibus par-

ticulis cedunt, ac proinde gratia sua nobis sensum dulcedinis largiuntur. Non ideo huic accuratissimo Auctori contradico, sed quia cuivis libere sentire licet, & sententiam suam profiteri ac tueri in ejusmodi præsertim rebus in quibus de veritate nondum satis constat; meam sententiam profero; hac tamen sub conditione, ne quis objectionem Viro huic illustri factam in malam partem interpretetur.

Si enim Sapor e sola figura salium proveniret, non minus Sal, quo condiuntur cibi, quam Saccharum, dulce evaderet supra linguam. Etenim ambo æque facile resolvuntur in humido, & aqua sale condita semper suam falsedinem servat, dulcedinem verò, si Saccharo sit permixta. Aliunde ergo provenit dulcedo, & amarities, quæ ut docet Aristoteles sunt duæ primæ species saporum, & sicut album se habet in genere Colorum, sic dulce in genere Saporum. Ab ipso etiam Aristotele reiicitur Democritus cum Antiquis de sensu, & sensib. c. 4. n. 9. ibi c. 5. num. 11. qui dicebant omnia sensibilia esse quæ tangibilia, & reducebant colores, & saporum, qui sunt sensibilia propria ad sensibilia comunia, magnitudines nimirum, & figuras.

His breviter delibatis, aliquot Salium figuras indicamus, sed paucas. D. enim Lavenochius in suis observationibus microscopicis a pag. 111. ad 119. accuratè retulit Sal in aceto ex cervisia confecto, sal in succo mali hesperii, sal volatile oleosum sanguine, & aceto vini commixtum. Percurrit curiosus ejus paginas inveniet expressa a pagina 119. ad 149. sal cardui benedicti, sal absinthii, Alumen, Nitrum, Calcanthum Cypri, seu vitriolum cœruleum, liquorem tartari, cinerem smeticum, Camphoram, cinerem ex fornace fusoria officinæ Bombardarum, sal sive cinerem ex fornace plumbi, sal in calce lapidea, sal ex calce concharum, sal soudæ. Etenim salium figuras exactius cognovisse non parvi momenti rem esse is judicabit, qui non tantum in Pyrotechnia, sed in ipso corpore humano plurimarum generationum, mutationum, alterationum instrumenta illa esse sciverit. Videntur quidem per communia vitra nitrum esse conicum, marinum quadratum, alumen octangulare, vitriolum poligonum, sed per microscopia perfectissima omnia salium frustula apparent ex aliis particulis composita, ad quarum figuras assequendas nudus oculus nunquam pertingit. Videntur autem si soluta primum in aqua in capillarem tubulum attrahantur, postquam humiditas exspiraverit, & salium particule solæ remanserint per minimū vitri globulum conspiciendæ, vel etiam si unica fluidi salis guttula supra vitri, vel specularis lapidis laminulam conjecta microscopio opponatur.

§. XV.

PISCIUM SQUAMÆ .

Nos, iis omnibus omiſſis : ſal Ammoniacum elegimus utpote quod meo iudicio curioſitatẽ explorare poſſit . Pluries illud in aquam diſſolutum ſibi occurriſſe ait idem Lavenochius veluti ramuſculum arboris conſpiceret, irregularibus conſtitum foliis, altero folio, altero majore prout indicatur ab illo expreſſum . Mihi autem contemplanti fere ſemper occurrit ut num. 103. exhibui bacillorum ſeu fulcorum adinſtar, adjectis aliis brevioribus ita ut cruces fere exprimerentur ut in A A A . At non ſemper angulis reſtis expreſſas, ſed characteris inſtar X, ut in B B, ſæpe cruces caravacenſes imitabantur ut in C, non rarò ſtellulam efformabant prout in E, ſeu crucem quatuor pennis conſtantem ut in D .

Curioſum quoque ac non minus utile eſt per microſcopium contemplari prædicta ratione ſalium actiones, & reactiones, quomodo corpora varia aggrediantur, diſſolvant, cum contrariis ſalibus pugnent ac efferueſcant . Inter microſcopicæ obſervationes factas a D. Lavenochio in Epift. 1684. pag. 6. legi illum obſervari primum figuras ſalis in aceto eſſe oblongas, & utrinque in acutum terminatas, deinde inſuſis in eodem aceto lapidibus Cancrorum deprehendiſſe figuras oblongas ante memoratas in acutum deſinentes mutatas eſſe, & induiſſe alias figuras, quarum baſis ex oblongo quadrangularis erat in pyramidem aſcendens, quaſi adamantes anguloſos ac politos aſpiceret . Aliarum, & paucarum baſim fuiſſe quadratam, in aliis etiam paucis quadrilateram inordinate .

Campus hic patet, in quo uberrima meſſis obſervationum curioſos invitatur ad ulteriorem indaginem; ut medicinae Profeſſoribus, nec non ſpargiricæ facultatis Sectatoribus perquam multa aperiantur cateroqui occultiſſima . Dum hæc ſcriberem miſſa eſt ad me Epiftola D. Lavenochii 28. Novemb. 1687. datam ad Regiam Societatem, in qua utiliſſimas obſervationes recenſet circa corticem chinae chinae . Narrat ille ſe obſervariſſe ſanguinem commiſtum cum aqua, vel vino, in quo per 24. horas inſuſus fuerat cortex ille, illico diſſolvi, & unum globulum ſanguinis in ſex alios minores primum ſeparatum, deinde in minores particulas diſiſum, quæ tam parvæ erant, ut dumtaxat trigeſimam ſextam partem unius globuli ſanguinarij eſſe judicaret .

Mihi in præſentiarum ſubceſſivarum horarum inopia laboranti non licet ulterius progredi in hoc genere tentaminum, quæ certe totum hominem, & exactiſſima exigunt ſtudia . Faciliora tamen, & magis obvia non præteribo, quæ ſine microſcopio haud poſſint diſtingui .

EX cute Animalium in aqua degentium particulas varias deſumpſi, quas Squamas dicunt Latini, & omnibus, licet minutiſſimis præclarum Naturæ opus recognovi . Prætereo mirabilem earum ordinem, qua Piſcium cutis teſſellato quaſi opere decoratur, & unicam oculis ſpectandam propono, fateorque in illa me nunquam potuiſſe particulas, quibus componitur perfecte delineare . Tanta enim eſt earum exilitas, & prodigioſa ſtructura, ut Naturæ pennicillis non calamo Artiſcis ſit neceſſe ad exactam earum imaginem exprimendam .

Primo loco ſub num. 104. ſit Squama piſcis Lupi italice *Spigola*, in qua primum adverto punctum A, quod voco centrum Squamæ, quod punctum fere in omnibus Squamis invenitur . Clipeorum enim inſtar fere omnes aliquantum protuberant, & umbonem in tali puncto ruditer exprimunt . Dividitur deinde in quatuor partes centro facto in A, ad B C D E, ex his duæ partes oppoſitæ B D, C E, componuntur vaſis ſeu nervulis, ut plurimum undatim circa tale centrum ductis, & hinc inde ſimiliter expreſſis; pars verò ſuperior B C, quæ tota ab alia Squama contegitur, ſicuti & binæ ſupradictæ, dividitur in plures partes a radiis centrum verſus directis non autem omnibus ad illud pertinentibus . Spatia inter radios interjacentia protuberant ſulcorum more, & minutiſſimis ſtrigis tranſverſim ſunt diſſecta . In oppoſita verò parte D E, lamina quaſi criſtallina ſimulatur frequentibus ſpiculis hiſpida, & tali ordine diſpoſitis, qualis in figura exprimitur .

Numerus 105. exponit Squamam Piſciculi mihi ignoti, quem inter varios reperi digiti longitudinem habentis . Squama non erat major ea, quæ ſub T, exprimitur, microſcopio verò oppoſita prodigioſam compositionem oſtentabat . Facto centro in I, in quatuor partes dividebatur, ut alia ſuperior, quarum binæ hinc inde expanſæ lineolis circa centrum ductis, & undulatis ſignabantur . Pars ſuperior in octo radios diſtinguebatur tranſverſim ſulcatos . Oppoſita verò acutiſſimis aculeis munita apparebat, quæ frequentes noduli in partes diſtinguebant .

Squamam Piſcis, quem Lucernam, & Milvum dixere latini, *Cappone* Itali, delineavi, ſub num. 106. cujus centrum maxime protuberat . Pars quæ ab aliis Squamis non tegitur, quinque aut ſex aculeis munitur brevibus quidem ſed validis ut apparet in figura .

Proxime adhæret sub num. 107. Squama e pisce Solea decerpta, magis longa quam lata, parva quidem ut in B, sed mirabilis structuræ. In parte, quæ a proximioribus Squamis contegitur, fere viginti sulcos ostendit minutissimis incisuris transversim signatos: Opposita, quæ apparet multiplici ordine acutissimorum mucronum tota contegitur.

Omnes huc usque expressas superat amplitudine Squama Mulli, *Triglia* dicitur Romæ, quæ licet in cute piscis exigui amplitudinem æquat delineatam in O, sub num. 108. aucta. Differt etiam a cæteris ejus fabrica. Umbonem enim non ostendit, sed veluti tabula expansa contegit cutem. Microscopio opposita apparuit ut exprimitur, divisa in quinque radios, qui inter multas lineolas hinc inde undulatum ductas interjacent. Quinta ejus pars extrema, quæ cutim pisciculi exornat, quasi pectinem effingit dentibus acutis munitum, quorum singulis sulci ita adnectuntur particulis modò minus, modò magis diaphanis, ut tessellatum opus curiosissimum efficiant.

Finem meis observationibus imponere hic statueram, ne Tractatum ceteroqui curiosissimum ultra quàm par erat producerem; sed viam solum aperire ad innumeras fere observationes, quæ fieri possunt, & in quacunque, licet abjectissima re, mirum aliquid detegi possit, in quo infinita Dei Sipientia etiam cecutientibus elucescit. At amplissimum theatrum obtulit mihi Rev. P. Joseph Maria Cicala, præclarissimi ordinis Clericorum Regularium Decus, qui Theatini vulgo appellantur; ostendit ille pro sua humanitate, qua præditus est, quamplurimas observationes ope microscopii factas in subsecivis horis in floribus, Avibus, Piscibus, Herbis, aliisque sexcentis minutissimis rebus, quæ quidem, nisi fuissent oculis subjectæ fidelibus, non adeo facillè induceretur animus ad credendum quidquid in illis oculus armatus detexit. Deficeret calamus si singulorum relationem aggredi vellet: quamobrem cum aliquas delibandi veniam Humanissimus Pater mihi fecerit, eas selegi, a nullo rerum studioso factas, quasque non sine oculorum mentisque oblectatione curiosus lector poterit recognoscere.


Prima sit observatio facta in plumis, quæ in capite Carduelis (italice *Cardellino*) cutim exornant. Particulam earum indicat num. 109. Sunt illæ coloris nigri, cujuscumque plumæ calamus major, qui ex cute progreditur, a radice ad verticem usque munitur hinc inde frequentibus aliis calamis, quos potius aculeos dixeris

in acutissima spicula efformatos, sed molles, & plicabiles. Hæc partium dispositio communis est fere omnibus aliarum Avium plumis; at illud in Carduele mirum est, quod cum plumam microscopio subegeris ex illis, quæ prope rostrum purpureum colorem ostentant, illam inspicias qualem num. 110. repræsentat. Calami enim minores, quibus major exornatur, turgescunt in extremitatibus, ut apparet sub littera O, sanguineo humore saturati, a quo certe purpureus color efficitur, ea autem pars, quæ turget, minoribus aculeis orbat; incertum tamen an decidant ex morbo illi simile, quem Plicam Polonicam vulgus appellat, & ob quem humani capilli sanguine intrasuscepto intumescunt; an potius decidant provida quadam Naturæ lege, ut color ille nitescat, nam tota ejusmodi plumæ substantia rubescit, in cæteris verò sola superficies colore rubro seu alio depicta exornatur.


Sub num. 111. exponuntur Pili e pectore Vespertilionis decerpti. Eorum singuli non continuato partium ductu, sicuti capilli, aut Setæ plurimorum animalium efformantur, sed pluribus partibus constant, quarum singulæ calices, seu potius Violas, aut Campanulas alteram alteri insertam referunt, proportionem in omnibus ita servata, ut quò magis ad acumen accedunt, eò magis gracilescent, & minuuntur, donec optimo microscopio opus sit adhibere, ut dignoscantur. Ad quem finem earum partium fabricam Natura compegerit, unico Divino ejus Authori notum est.

A num. 112. indicantur Pili, quibus Talpa circumtegitur leves quidem & subtilissimi, non tamen sicut cæteri, quo magis a cute recedunt, paulatim gracilescentes in cuspidem absolvuntur, sed sine ullo ordine quamplurimi eorum, post brevem tractum crassitudinem induunt, deinde iterum attenuantur, nulla servata intervalli proportionem, denique ita intumescunt, ut fabarum siliquas imitentur longa, & acuta cuspe munitas, quod clarius eorum delineatione patebit.

Bacilli seu hastæ in acutum mucronem absolutæ sub num. 113. positæ pili sunt Vermis pilosi, quem Erucam dicunt Latini. Illos, ut vides frequentibus aculeis hinc inde muniuntur, non quidem in latera exertis, sed mucronem versus directis, & ad infligenda vulnera paratis. An arma sint, quibus hujusmodi parva insecta muniuntur; an verò illos ad ornatum Natura concesserit, non adeo facile mens hominis poterit definire. Sed de his satis.



















*Machina p[er] modo usu excogitata  
su*






*Machina pro desiderata hactenus maiorum Telescopiorum firma sustentatione et commodo usu excogitata  
et adhibita a P. Aegidio Francisco de Gottignies Societatis Iesu*
















4





5








6
















16




17




f6



19




20








21




A

22


371




23








24











25















































50




51




52




53




55



54





56


























69



361
































66




67












69




90






















*Spogię*


*textura*

pag. 366. 369. 390.

391



*Gossipy*  
*textura*




*Filum lini*




109

110





111

112



113





# MUSÆI KIRCHERIANI CLASSIS DUODECIMA

*Continens Animalia Testacea.*

## ARGUMENTUM.



Rerum naturalium, & Animalium præcipuè Cognitio humanam curiositatem, sciendique cupidinem adeò extimulat, ut Virorum insignium quamplurimi pretiosis laborum, temporis, aurique expensis illam explere curaverint. Alexandrum Macedonem, licet Asiaticis bellis distractum, thesauros ingentes profudisse scimus, ut à suo præceptore Aristotele Animalium Historia perficeretur. Verùm quia communi Mortalium lege utrique defecerunt, multas amissimas paginas, temporum ruinis conspultas, vel incendiolorum vi sublatas, quæ quidquid ille ab experientia didicerat, referebant. Tale verò adeò magnum opus unico sub Rege ita perfici à nemine potuisset, ut adhuc quamplurima de eisdem enarranda non superessent. Nostro igitur Ævo Viros ingenio, & eruditione eximios per Italiam, Germaniam, Galliam, & Angliam dispersos ad illud perficiendum Veritatis Amor extimulavit, omnique mentis conatu omnes suam operam navant, ut ad Veritatis trutinam revocent quidquid Rerum Naturalium Scriptores enunciarunt, scribantque ea, quæ vel temporis, vel cognitionis defectu iidem omiserunt.

Cum igitur in Animalium Testaceorum historia, quæ pari, ac cæterarum Rerum Classes, oblectatione animum afficit, quamplurima scitu digna desiderentur, eò quod, vel omninò falsa, vel non satis probata, vel tædio quodam legantur Iconum defectu, in quibus Animalia relata clarè recognoscere haud possumus; ab Amicis extimulatus non respui curiosorum oculis subicere publicis in paginis Testas conchyliorum, ad vivum scalpro expressas, quæ mihi notabili figurarum, aut colorum varietate constanti lege in singulis concinnata ad species diversas referenda visæ sunt: Quamplurimas enim ex multiplici Oceani sinu ad mentem meam privato studio relaxandam acceperam, quæ Amicorum pariter mentibus oculisque non ingrato oblectamento erant, dum in se ipsis

referebant mira nature opera, indicabantque novos ejusdem lusum, à nemine ante id tempus relatos.

Quinquaginta circiter super Quadringenta inter se diversas Italico jam pridem sermone descripseram deinde centum aliis adjectis anno 1684 curiosorum oculis latino exhibui, postea in Musæo Kircheriano collocatis, nunc alia iterum addo, & ne jejuna sit oculorum oblectatio, utile mentis otium propono in dubiis Philosopho non indignis, quibus ad Veritatem clarè dignoscendam extimulatur, ea omnia præmittens, quæ circa Testacea longis enarrationibus Auctores exposuerunt, ne aliorum dicta transcribens, legentium mentes fastidio damnem.

Utilem proptereà Tractationem quatuor in partes divido; in quarum prima, postquam non puerilem, sed sapientem, ac proficuum occupationem esse comprobaverim investigabo, Testaceorum indaginem, eorum Generationem, sive sub Marinis undis illa spatientur, sive terrenis glebis sine animali subsidant; Deinde materiam aptam recognoscam, qua formari possunt à Natura, Colores insuper, Formas, & Proprietates, quarum beneficio Divini Opificis Prærogativas Philosophorum mentes sibi spectandas objiciunt, cæteroque demum usus, quibus juvantur Homines. Quamobrem pretiosarum rerum locum in Musæis quamplurimis recensentur.

In Secunda verò Parte singula describam, notando Partes, Formas, Colores, Nomina, & Maria ubi nascuntur.

In tertia eorum Icones describam in triplici Classe distributas, in quarum prima numerantur Univalvia non Turbinata, in secunda bivalvia, in Tertia Turbinata. Et ne catalogum tantum eorum conficiam, in quarta demum parte quadraginta circiter Problemata proponam dubiis rationes subnectens, quibus aliquis Veritatis nitor, vel saltem affulgeat, si clarius philosophica indagine recognosci non possit. Docebo Margaritas è rore nequaquam formari, ut sibi, & multis Plinius suavit, neque Concharum filias esse, sed

*morbosam earumdem luem. Referam rationem, ob quam Cochlea auribus admota maris susurrum videamur audire; causam inquiram, cur sub undis copiosius Testacea, quàm sub glebis nascantur, & præcipuè in Mari Indiarum Orientali, in quo egregius picturata; cur in superficie potissimum externa distinguantur coloribus, cur multa spirarum orbibus circumvolvantur: cur membrorum diversitatem vix habeant; Cur Dentibus,*

*Corde, & Ossibus careant: Cur Luna deficiente macrescant: Pigra, & stolidi sint. Balanorum succus noctu emiteat. Cur inter colores, quibus diversimodè pinguntur, non appareat Caruleus: An Cochlea, quæ dicitur Venerea, sit Remora à Mutiano relata, cujus abdita vis velocem Navium cursum valeat retardare, aliaque similia problemata à nullo hætenus proposita ad trutinam revocabo.*

## P R Æ F A T I O.



U<sup>i</sup> negotiis otia, seriis ludicra miscent, non tam suo, quàm naturæ genio, humanæque vitæ conditioni obsequuntur. Vitæ enim, vel laudatissimæ tenor, si nulla voluptate interpellatur, speciem refert Musicæ, aptis

quidem modulis temperatæ, imperfectæ tamen, nisi Harmoniam pausa condierit. Tempus, teste Plutarcho, die nocteque componitur, quarum ista quieti, labori illa debetur, id quòd Lucanus Pisonem pluribus monuit.

— *Nec enim facundia semper*

*Adducta cum fronte placet, nec semper in armis  
Bellica turba manet; nec tota classicus horror  
Noctæ, dieque gemit, nec semper Gnosius arcu  
Destinat exempto, sed laxat cornua nervo,  
Et galea miles caput, & latus ense resolvit.*

Sanè Viros undecumque spectatissimos novimus, seu privatorum studiorum contentionem, seu publicas curas honestis remissionibus, & ludicris exercitationibus idèoque laudabili vacatione relaxasse, quòd non segne, & ignavum otium sectati, confirmandi animum, & à labore recreandi propositum haberent. Fatetur id de se Tullius, quòd Tullius cum è foro, in quo versare omnium animos quoquòd vallet consueverat, rus, & in villam concederet, visus sibi fuerit tanquam è procelloso mari ad portum, ab armorum strepitu ad pacis asylum, à se denique, velut ex aliena potestate, ac dominatu evasisse. Hinc summis laudibus dictum illud Scipionis prosequitur: *Nunquam se minus otiosum esse, quàm cum otiosus.* Et verè nemo sapiente suavius oblectatur, qui ad rerum meditationem, aut lectionem secessum, & solitudinem eligit; Ejus rei gravissimus auctor est Æneas Silvius Vir doctissimus idem, & Romanæ Ecclesiæ Pontifex Maximus. *Est, inquit, ep. 66. Magna Virorum recreatio, cum se aliquis retrahit in solitarium locum, ut meditetur, vel legat.* Et verò ad re-

creandum animum quolibet libro potentior est quicumque partus Naturæ. Hinc, ut nihil de tot aliis dicam, Scipio, atque Lelius, tametsi alter ducendis agminibus, & conferendis præliis, alter dicendis in Senatu sententiis, versandoque quòd vellet Collegarum suorum judicio insuevissent, ad litus maris eam aliquando voluptatem quærebant, quam in Cochlearum descriptione ipse tibi proponere constitui. *Constat namque eos, inquit Plutarchus, Cajeta, & Laurenti conchulas, & calculos lectitasse.* Quod genus animi oblectandi etiam ab aliis pari studio, ac jucunditate usurpatum vetus adagium peperit. *Conchas legere,* hoc est jucundis & utilibus occupationibus sese oblectare. At enim ista rudibus puerorum oculis parata neutiquam est; cùm enim plurimas concharum formas produco, simul Musæum aperio, in quo non tantum se lumina pascant colorum, ac figurarum varietate, tanquam qui viridarium ingressus variis confutum floribus, atque admiratione defixus, nesciret tamen quem ex illis omnibus legere, ac concupiscere potissimum deberet. Verùm etiam, ut animus ex accidentibus substantiam cognoscere discat, calleatque subinde modum causasque tum molis, tum formæ, tum denique coloris singularum. Comperiet enim verò quanti sit operis, ac laboris, penitus intimèque rei cujuscunque, vel minimæ pretium cognoscere, quam Natura produxerit, aliam atque aliam admirationis materiem omni suo opere solita ministrare, quæque terræ impressa reliquit vestigia, ea mens capax, prodigiorum artificis, & Gigantis esse deprehendet.

Equidem ista magnificentius, quàm veriùs me dixisse nemo putaverit, qui vel solas Cochleæ spiras intuens exiget secum, quantoperè laboratum à Geometris fuerit in illis ritè ducendis, & verò quæcunque demum ejus artis præcepta tradiderunt, aliter esse tamen semper sunt visæ, ut qui eam è circuli portionibus in angustius spatium semper contracti composuere, cum

contra spirales lineæ circuli haud sint, tametsi circulares appareant. Quis, rogo, Vitruvius tam mirabilem, & nulla fatis arte imitabilem domum ædificavit; Equidem quò magis investigandis earum causis progressus fueris, eò clarius deprehendes verissimum esse, quod Veteres dicebant, Deum, Naturæ nomine comprehensum, in omni opere suo, *geometrizare* quodammodo, adeoque licere in simplici Cochleæ spira jucundissimo labore humanum ingenium sese circumagere.

Non erit proindè, aut inutilis, aut stultus eorum labor, qui vel è Pelagi fundo, vel litorali arena legant quod, ceu foret indignum oculis nostris, aut aquis obruitur, aut pedibus proculcatur; At inquiet aliquis, nunquid ante disquirendum censes, sit ne quod pertractandam suscipimus argumentum ejusmodi, quod dignitate sua, ac pretio temporis, ac laboris impensam promereatur. Est ne autem contemptibilis, atque informis Cochlea ex Animalibus ullum? Quam aptè illam contemplanti objicias, quod Teutonum Orator Romanis, qui, ut Plinius refert lib. 25. c. 4. Romam ubi venisset, ejusque pulcherrima quæque iustrasset, contemplari jussus fuit à ducentibus tabulam pictam summi, ut agebant, pretii, atque artificii. Referebat ea Pastoris speciem pascendo gregi intenti, habitu, qui huic hominum generi usitatus, vili, ac incomposito. Jam ubi ille semel, atque iterum omnem dimensus oculo fuisset, nullo neque admirationis, neque approbationis edito signo, professus est: *Sibi donari nolle talem Virum vivum, verumque*: Sugillans haud obscure infelicem laborem haud alio fructu insumptum, quàm ut ejus hominis effigies coloribus repræsentaretur, quem eorum adstantem nemo, vel aspectu dignaretur. Nunquid autem in Cochleas non hoc aptius cadit? Sanè *limaces à limo* dicuntur. Festo Pomponio teste, ut adeò à luto nativam humilitatem ducant, ipsaque Anatomæ, quantumvis sese fatiget, artus ordine dispositos reperire non possit: neque aliud adeo mireris, quàm quod animantes cum sint, nihil ferè animantium habeant, quippe corporis adeo imperfecti, ut neque oculis, neque sanguine, neque corde præditæ duras filices sensu, ac motu parum admodum vincant. An fortè in tam vasto Naturæ Theatro defunt res aliæ nobiliores, elaboratior, digniores, oblectando sapientis animo accommodatior? Par ista profectò ingenii tam male feriat stoliditas est illi Claudii Cæsaris, quem scribit Lælius Calcagninus de calculorum ludo, dispositum in ordines Exercitum adversus mare duxisse, jussis militibus galeas Cochleis, quæ litus omne complebant, onerare, *has ratione de Oceano triumphaturum*.

Hæc pluraque alia dici fateor posse ab iis, qui nihil præterea cogitantes, in solo nomine, uti per vulgi ora vagatur, acquiescunt. Ego verò haud alia mihi defensione opus esse censeo quàm, ut palam faciam, Sapientem ex omni re quantumcunque minuta, ac exili, quam ipsi Natura obtulerit, capere voluptatem posse. Unum è te postulo, ut intelligentiam juxta, ac sensum ad istarum, de quibus agimus, Conchularum considerationem demittas, sic ut altera alteri magistra fiat, ac iste illi se duce præbeat, eo planè modo, quo in arte nautica oculus manusque mutuam sibi officium præstant, cum ille descriptas navigationum tabulas examinat, ista ad earum præscriptum temonem regit, & vela pandit, atque alter scientiæ, altera experientiæ magisterio edocetur. Idem servet necesse est, qui de Naturæ operibus philosophari amat; quippe in iis disciplinis, quæ planè contemplatrices sunt, licet quidem esse cæco, revocatis ad intima mentis penetralia rerum imaginibus, quod ut melius consequerentur, non defuerunt Philosophi, qui barbara quadam immanitate oculos sibi eruerunt, verùm in Philosophia naturali illos habere nos duces oportet, ac monstratores, nisi identidem incurrere in offendicula velimus. Hinc sapienter monet Galenus: *Quicumque vult operum Naturæ esse contemplator, oportet eum credere propriis oculis*. Quapropter curandum sedulò est, ut certa rerum experimenta teneas, ut ne errore labaris, quo etiam me aliquando mare decepit, cum scopuli acumen arbitrarer, quod nubis Horizonti imminentis erat principium. Sic igitur experientiæ partes erunt multorum rationum fundamenta ingenio ministrare, quandoquidem, si Tullio credimus: *temerarium est, aut falsum sentire, aut quod non satis explorate perspectum sit, & cognitum, sine ulla dubitatione defendere*. Et verò subit me neglecti opportunissimi temporis pœnitentia, cum ad litus maris Adriatici habitanti commodum esset multas movere quæstiones, earumque solutiones animadversionibus fidelioribus adinvenire. At neque sic tibi fidem adhibere te velim, ut falsitatis coarguas quæcunque aliis idoneis cæteroquin auctoribus comperta fuerunt. Mihi sanè propositum est per aliorum narrationes viam sternere ad multarum quæstionum haud ita expeditarum rationes eruendas, quas ubi experientia duce investigare non licebit, eas in medio relinquam felicioribus ingeniis penetrandas, & remoto penitus omni ambiguitatis velo inspiciendas; nempe satis habiturus sum, innoxia voluptate oculos tum mentem non inutili doctrina pavisse, vel quæstiones movendo, non indignas Philosopho, vel à terrenarum rerum consideratione ad cœ-

lestium contemplationem animum sublevando. Sic ut ex illarum admiratione ad Conditoris laudes exurgat, illius videlicet Artificis, ac Præceptoris, qui dubiis omnibus unus occurrit, nodos omnes dissolvit, & veritatem ex quavis quantumvis perplexa ratiocinatione exculpit.

Ita veterum præscripto navigabimus nondum audentium alto se committere, & *alter remus aquas, alter sibi radat arenas*; Prop. lib. 3. egregiam voluptatem capturi, dum propè litus mare percurrentes, inambulare quodammodo terræ nullo pedum labore, navigare verò nullo naufragii metu nobis videbimur. Neque otiosa, aut sterilis, sed fructuosa ejus oblectatio futura est, qui veluti cymbam promovens, vel è terra passim flores legit, vel retia, ac nassas colligit curiosis pelagi partibus refertas. Itaque dum naturales causas attingemus, veluti remis undas sulcabitur, dumque istas penitus introspicere non dabitur, ad universalis causæ recondita mysteria, velut in portum, & solidam terram è naufragii periculo nos recipiemus.

Haud equidem consilium est, spissum volumen conficere, referendo quidquid ab aliis Scriptoribus de Natura Testaceorum, fusè copiosèque traditum reperi. Ut enim ingenuè dicam, tametsi multos eorum percurrerim, non tamen contigit reperire, quod concupieram, atque illi sese exposituros promiserant. Visi mihi proinde fuerunt earum Avium instar, quæ suspensæ in aere alarum vastitate, ac multitudine plumarum magnam sui speciem faciunt, captæ verò deplumataeque venatoris expectationem molis, ac corporis exilitate deludunt. Habeat proinde laudem suam Aristoteles, quam illi animadvertiones suæ, in Libro quarto Historiæ Animalium præcipuè congestæ, pepererunt. Habeat, & Plinius suam: nec minorem reportasse Bellonium dixerim, qui eam ob causam difficillima longissimaque itinera per tres Orbis Partes Europam, Affricam, Asiamque suscepit. Rondeletio quoque accuratæ descriptiones, Gesnero, damnatæ licet memoriæ Scriptori, eruditæ annotationes, ac denique Salviano diligens multorum corporum Anatome laudem suam afferant. Porro ex his ea tantum delibabo, quæ ad brevem tractatum conficiendum erunt satis: perinde enim ac Coralliorum Piscatores, nulla certa ratione itineris sibi præscripta, ibi scilicet intersistunt, ubi spem concipiunt insignem ramum è maris fundo revellendi, ego quoque huic mori insistens non id omne consecrabor, quod dicendi argumentum, ac materiam præbet, verum id dumtaxat, quod vel repetere necessarium, vel cognitu dignius convenientiusque reputavero. Addam quæ alii, seu incitiam, seu pigritiam inexploratum dimiserunt.

Et certè non facilè dixeris, utra in re magis laboret ingenium, an tractata ab aliis argumenta retractando, an nova comminiscendo. Equidem in his viam tibi aperias necesse est, utque ad metam pertingas, tuis ipse te pedibus tribuere: utique cum desertas per Regiones, tamquam per Libyæ arenas, veluti vastum per mare, nullo signata vestigio incedendum sit, in quibus

*Iter omne latet: nec sunt discrimina terra  
Ulla*

*Nullusque potest consistere miles*

*Instabilis raptis, etiam quas calcat, arenis.*

Exiguus profectò illorum numerus est, qui pariter, ac argumentum quoddam pertractandum sibi proposuere, viam statim inveniant, qua perducantur ad metam, imò plerique, cum jam sibi attigisse illam videntur, adhuc in principiis, atque carceribus consistere deprehendunt. Accedit quòd in tam varias, ac propè infinitas semitas, aliorum videlicet, qui præjerunt vestigiis signatas, distractum ingenium in totidem laberinthos se inducit, è quibus evadendi difficultatem ipsa viarum multitudo facit. Hinc ista, quam in Testaceorum contemplatione honestissimam voluptatem afferre lectoribus constitui, non sanè exiguo labore parabitur, quippe quorum, vel sola nomenclatura tam diversa apud Scriptores est, ut non sine labore designatum ab illis corpus intelligas, de quo sit deinde differendum. Quanti verò erit operis eorum naturam causasque philosophando comprehendere? neque ideo tamen despondere animum; imò Platonis dicto dial. 5. de Rep. inter hujusmodi angustias excitari te velim. *At non est nobis quoque natandum, conandumque, ut disputationis undas incolumes evadamus?* Aristotelem proinde imitabor, qui in triginta octo Sectionibus Problematum suorum plusquam mille quæstiones proposuit, ad rerum cæterò qui notissimarum arcanas causas eruendas. Ego quoque seligam aliquas ad solum Genus Testaceorum pertinentes, occurram dubiis per eas rationes, quæ se offerent, atque efficacissimæ videbuntur, ita dumtaxat, ut aliis integrum sit addere quidquid volent, itaque quod ipse dixerò, ex eo pretium habebit, quod alii, vel jam adjunxerunt, vel præstantius etiam subindè adjicient. Nempe, ut ait Aristoteles, lib. 1. Metaph. *Quisquis aliquid de Natura dicit, & singuli quidem nil, aut parum ei addunt, ex omnibus verò collectis, aliqua magnitudo fit.* Quod si secus agerem, non vitarem temeritatis vitium, ab eodem Philosopho in aliis reprehensum, Lactantio teste: *Aut stultissimos, aut gloriosissimos fuisse, qui existimassent Philosophiam suis ingeniis esse perfectam.* Conabor præterea id ita præsta-



re , ut etiam mediocriter eruditis , quam minimo labore ea contemplatio constet . Atque ubi vel Natura , vel Ratio controversiam pepererit , primas partes Veritati dabo , Senecæ monito obsecutus , epist. 45. *Multum Virorum magnorum iudicio credo, sed non me cuiqu æmancipavi.* Ubi deinde tam abstrusum erit argumentum , ut ad intimiora penetrare sensus vetentur , dubitabo scilicet , atque ex illo *mibi videtur* eorum audacia reprehendetur , qui statim facilèque pronunciant *ita rem se habere* . Apparebit demum , quam voluptatem capere liceat ei , qui ex inspectione Cochlearum didicerit , non esse indignas , quæ in præclaro , & erudito Musæo conferrentur , imò deberi earum considerationem Philosophiæ totius Naturæ scrutatrici , ideoque à Sapiente non alienam esse OBLECTIONEM .

C A P U T I .

*Qua ratione mens, oculique Sapientis possint Cochleis delectari .*

**O**Tia , quibus Sapientes solent animum relaxare , haud sunt in eo à curis omnibus revocando , ut solent aliquando Nautæ , quorum mos est è navi in litus descendere , ut in eorum undarum agitationem tantummodo evitent . Oculus sapientis Brutorum , & vulgi oculis est longè dissimilis . Hi enim non differunt à speculo , in quo tantum nudum objectum cernitur , eamque sententiam de eo proferunt , quam species ab eodem transmissæ suggerunt , albumque esse dicunt si album videant , bicolorem verò , si duobus coloribus picturatum . *Attonitum propterea facit Idiotam materia* , inquit Galenus , de usu par. lib. 3. c. 10. cum oculis usurpat opus , vel Artis , vel Naturæ præclarum . *Artificii verò magnitudo Sapientem* , qui non oculis tantum , sed mente perlustrat . Intima hic objecti quodammodo fibras penetrat , & veluti anatomico cultro præditus omnia dispicit , nec à labore cessat , donec oblectamento illo afficiatur , quo post Geometricam demonstrationem juventam , centum victimas , ut Musis gratias haberet , Pictagoras jugulavit , & quo Archimedes ita à sensibus abstractum scimus , ut circulo insistens supra arenam delineato , ab horrida mortis facie non abhorreret , quam ei Dionysis miles Syracusas aggredientis minitabatur (Plutarchus in Marcello .)

Est inquam Sapientis animi Relaxatio , ut ea , qua idem Archimedes in balneo sæpius oble-

ctabatur , Geometricis demonstrationibus studens , digitoque lineas formans supra corpus odoratis unguentis delibutum . Ad eò verum est maxima voluptate tunc animum affici , cum eò libere rapitur , ubi Natura rerum sensibilibus objicit venustatem , Plutar. contra Epic. sent. Quamobrem eam tanquam providam altricem esse observat Seneca , de otio sap. c. 34. quæ ingentem in homine sciendi cupiditatem possit explere , cum *curiosum nobis ingenium dederit , & artis sibi , ac pulchritudinis suæ conscia spectatores nos tantis rerum spectaculis genuit , perditura fructum sui , si tam magna , tam clara , tam subtiliter ducta , tam nitida , & non uno genere formata , solitudini ostenderet* . Et quocumque oculos convertamus , ubique theatra rerum sciendarum amplissima patefiunt , quarum cognitione utiliter animus oblectetur .

*E più dell' opra , ( ut ille cecinit ) che del tempo avanza .*

Nec in tam vasta rerum cognoscibilium Universalitate , vel ex minimis aliqua potest indicari , quæ à curiosis Naturæ indagatoribus , veluti abditus thesaurus , non iudicetur . Singulis pedum vestigiis prodigiorum acervus subest , sive per amœna pratorum , sive per littorum spatiosa discurras , ubi flores quicumque , & arenæ fragmenta inter se notabiliter differunt , vel forma , vel colore , vel magnitudine , vel duritie . At aliqui mente nimis decepti herbas , ut ita dicam , veluti Bruta decerpunt , floresque calcant , eorum pretiosissimum succum negligentes . Quamobrem jure merito D. Leo serm. 7. de Jejan. omnes Mundi plagas paginas publicas appellavit , quæ ab omnibus quidem leguntur , intelliguntur à nemine .

Quod si universus Terrarum Orbis hujusmodi doctrinarum fodinas mentibus ubique proponit , in mari quidem præcipuè , cujus *in scopulis quoque ipsis , & lapidibus* , inquit S. Ambrosius Præfat. in Psalm. *reperit Natura , in quo delectaret* . Sicuti in omnibus montium præruptorum faxis , omnique speluncarum , licet abdito recessu , aliquid nascitur , quod medicinæ facultati adjumento est .

Rerum profectò Novitas vehementius mentem allicit , quàm excellentia ; Quamobrem quæ assiduè oculis usurpamus , quamvis decora , & admirabilia ea sint , ut plurimum prætermittimus , nec oblectatione eorum animos afficiamus , ignorantiam nostram hoc pacto lætantes , qua rerum cognoscibilium notitia mentes privantur , thesauro scilicet pretiosissimo , sub rerum omnium superficie , tanquam velo , à Natura recondito .

Hoc veritati maximè consentaneum de quacumque maris Cochlea affirmare haud dubitabimus ,

bimus, si ejus fabricæ structuram, si colorum varietatem, si partium ornamenta, quibus omnes condecorantur dispiciemus, adeo in singulis prodigiosa, ut cum qualibet cæteræ de pulchritudine dimicent.

*E quel che il bello, e il caro accresce all'opre*

*L'Arte, che tutto fà, nulla si scopre.*

Ars enim, qua exornantur, supremæ mentis est, unde studio quodam laudabili in litoribus Oceani remotissimis colliguntur a multis, ut inter gazas pretiosissimas collocatæ lusus Naturæ oculis intuentium explicare possint, & oblectationem parere non impari illi, qua Romanus Ulisses Petrus de Valle afficiebatur, cum Orbem Terrarum discurrrens, *mores hominum multorum vidit, & Urbes*. Ille enim Epistola undecima referens Conchas in mari Rubro inventas ait: *Pescava io, e presi quantità di Ostriche, e Lumache di più sorti, tanti Coralli, e bizzarrie di quel mare, che ne hò empiute quattro, ò cinque casse, e già le mando in Italia, per farne col tempo una fontana in memoria de' miei viaggi. Nascono queste in certi fondi, de' quali è pieno il Golfo Arabico, e i Pescatori scendono in quei luoghi sin con la camicia a pigliarle, che l'acqua non arriva loro a mezzo petto. Io havevo gusto di dire, piglia questa, piglia quella, rompi quell'altra, e daro anco di mano, quando bisognava, essendo l'acqua chiara in modo, che se vede il fondo, più che non si fà a Pussilipo la state*. Hac ratione itinerum labores sibi minuens, dum oculos oblectamento demulcebat, ut olim suos Beda apud Condon. de Brigant. hujusmodi Naturæ ludentis opera sibi proponens, eaque miracula dicens, *que cum veris, ac seriis negotiis quasi fatigata ludendo efformat*. Nec lusus Naturæ Sapientiæ Divinæ ineptè tribuitur, cum in sacris paginis eodem significetur circa Mundi opificium intenta ludens in Orbe terrarum.

Villa enim, ut ita dicam, menti spectanda in Cochleis proponitur, rustico quidem, & neglecto ornato concinnata, at idcirco haud minus spectabilis, & decora. Hinc jure multi cum primò rem aliquam ignotam intuentur, adeo vehementi capiuntur amore, ut cætera negligentes, in ejusdem contemplatione sistant, non studio prorsus inani, quo Xerxes ille Regum stultissimus Platanum adamans, Trunci amore militum Turmis, quas in Lidia partibus ducebat, turpem nuntium remisit, Ælianus var. hist. lib. 2. cap. 14. imò laudabili, cum Dei opera perscrutantes, maxima e rebus minimis Sapientiæ Divinæ argumenta percipiunt.

Multorum profecto Librorum volumina, quibus notissima pluries referuntur, unica superat pagina, quæ aliquid novi menti dispiciendum proponit; ideo laudibus semper celebrandam

studiosorum Academiam arbitror, quam Regiam Societatem Anglicanam dicunt, cujus Afsectæ hoc unum agunt, & versant, ut Naturæ recessus undique solerti indagine magis magisque patefiant: necnon Collegium Naturæ Curiosorum, quod in libera Imperii Civitate Schuinfurti anno 1652. natales sortita est Viro- rum delectu abundantissimum, quorum plurimi per Germaniæ Provincias dispersi, omnes medicis occupationibus dediti, physicis considerationibus, & experimentis vacant. Celebrandum pariter est Italicum Experimentale Sodalitium, cujus Collegæ veritatem adhuc ignotam experimentis detegunt, inter quos magni nominis Virum Florentia nutrivit D. Franciscum Redi, Patriæ decus, litteratorum non infimæ magnitudinis sidus, & ob experimenta quamplurima in Naturæ arcanis studiosè peracta Magnis Etruriæ Ducibus charum, ut cætera omittam, in Europa instituta, ad rerum veritatem perquirendam Veteribus omnino ignoram, pateatque Senecæ effatum, Nat. quæst. lib. 7. cap. 31. qui dum viveret, ait: *Multa saculis tunc futuris, cum memoria nostra exoleverit, reseruari*. Hinc etiam laudibus extollendus, qui Animalculorum partes minutissimas, nec antea visas, microscopii ope mole auctas, spectandas proposuit, qui in Araneorum formas, eorumque telarum structuram, tempus insuper, & fabricandi rationem exactè animadvertit, qui multorum Insectorum fibras accuratissima dissectione lustravit, omnes quidem Veterum Philosophorum jactabundas mentes redarguentes, multarum rerum cognitione penitus destitutas, comprobantesque, quod de Sapientia Divina Vates sacer affirmavit, asserens Deum mira semper operari, cum effundit illam *super omnia opera sua*; Quamobrem Recens Auctor P. Jo. Paulus Oliva Epist. Tom. 2. epist. 665. suo calamo extollens splendidam liberalitatem, & solertiam, qua Magni Etruriæ Duces Academiam promovent, ad res naturales attentè dispiciendas, institutam, eos dixit, *Promotori d'ogni maraviglia naturale, e benemeriti di simiglianti delitie letterate, che sono i degni trattenimenti delle anime grandi, e che raddoppiano la corona in chi regna frà prerogative di tanto acclamate eruditioni*.

Ea etiam de causa Alexandri Macedonis curiositatem probamus, naturam Animalium omnium dignoscendi cupidam; quamobrem sci- mus ex Plin. lib. 8. cap. 18. *Aristoteli summo in omni doctrina viro aliquot millia hominum in totius Asia Græciaque tractu parere jussa*, mirè quidem illum oblectantibus Animalibus, quæ ex variis terræ marisque diffitis partibus deportabantur, vel Quadrupelia illa essent, vel Pen-  
nata,

nata; sive Aquatilia; omnia sanè, aut forma, aut moribus, ad oblectamentum afferendum aptissima. Eorum partes deinde Philosophus Aristoteles diligenti perquisitione singillatim recognoscebat, ut omnium mores, proprietates, & appetitus, si clarè non deprehenderet, saltem argueret; idcirco Quinquaginta fermè volumina illa præclara de Animalibus condidit, quorum aliqua, a temporum ruinis sublata, quidquid ille de Insectis Terræ, de Musciculis Aeris, & Oceani Testaceis disse-ruit, nobis referebant.

Quamvis igitur utilissima sint omnium Aquatili-um Testacea, arguendum me fore haud existimavero, si parvo volumine in succisivis horis, rebusque magis seriis subtractis, concinnato, quamplures Cochleas recensui, atque iterum his in paginis enumerabo, quas, licet inutiles visas, ac flocci æstimandas, aptas tamen duxi ad ingeniorum humanorum jactantiam infringendam, cum experientia satis abundèque sit comprobatum, quod Plinius in libris Insectorum animadvertit lib. 11. *Rerum videlicet naturam, nusquam magis, quàm in minimis totam esse. Quapropter, inquit ille, queso ne nostra legentes, quoniam ex his spernuntur multa, etiam relata fastidio damnent, cum in contemplatione Naturæ nihil possit videri supervacaneum.* Quibus dictis non solum voluptas illa asseritur, qua ob novas rerum cognitiones mens Hominum capitur, verùm Naturæ voluntas explicatur, quæ, asserente Tertulliano de Resur. c. 12. non ad ostentationem inanem divitiarum suarum res condit, sed ad homines utiliter erudiendos omnia molitur. Hoc de mari a nobis dicendum esse quis dubitet? sacro enim Vati, quælibet sub aquis condita obediunt, cum inquit; *Consistiantur tibi omnia opera tua: benedite Cete, & omnia quæ moventur in aquis.* Neque linguæ vocisque privatio locum dubitationi relinquit, ait acutissimè S. Prosper in Pl. 140. *cū laudantia dicantur, quæ sunt laudabilia, dū quæ non possunt eloqui, faciunt non taceri.* Sub aquis enim, Nazianzeno docente, veluti Nautilus cognitio est, quæ sine remis, sine velis, & clavo, foeliciter sinus Oceani profundissimos pervagatur, recessusque scopulorum abditissimos perlustrat, in quibus Purpurarum tincturas, & Concharum margaritas recognoscit, ac Platonis effatum damnat dicentis, *nihil memorabile producit mare.* Si Cælo illud compares paludi quidem non absimile dices, at prodigiorum foidinas ejus sinus esse quis dubitet? Quamobrem S. Abbas Radbodus sub aquis vitam traducere posse peroptabat, ubi mira Naturæ opera sine ulla mentis evagatione contemplaretur.

Magna quidem ad hoc requiritur Vis inge-

nii, & perspicacia; quoniam, cum aliquid difficile captu mente assequi non possumus, aut aliena nimis a veritate pronunciamus, aut omnino tacemus, ab eo animi mœrore abhorrentes, quo Tyrannus Ægyptiorum Farao excruciabatur, cum vilissimis ranis, & musciculis præfocatus indecorè moreretur. Quare etruscus ille Poeta Berni res æque difficiles, ac jucundas scitu mente revolvens, lepidè scripsit.

*Hor dell' Ingegno ogni un la zappa pigli.*

*E sudi, e si affaticchi, e si affottigli.*

Idest Ingenii Ligonem quisque arripiat, & sudet, & defatigetur, & acuatur.

E quibus abundè comprobatur otio non inutili Cochleas e litoribus colligi posse, non ut supervacanea ornamenta, sicuti mulieres Brasilianæ, capiti imponamus, sed menti scientiam comparemus, quod Capite sequenti clarius comprobabitur.

## C A P U T II.

### *Qua ratione a Cochlearum contemplatione Menti oblectatio augeatur.*

Quæ hætenus dicta sunt, eam tantum delectationem explicant, qua purus oculus in rerum naturalium contemplatione oblectatur; Quod si è rebus, quæ sensibus objiuntur ad Artificem Divinum, a quo, tanquam a perenni fonte, quidquid pulchrum, quidquid bonum est in Orbe terrarum, emanat, mentem nostram extollamus, oblectamento prorsus inexplicabili afficimur. Brutorum profectò, non Hominum mos est, oculis tantum, non mente uti, in hoc adeò specioso rerum teatro, in quo, teste Epitecto, tanquam spectator nascitur homo, optime sciente pulchritudinem non possidentis, sed videntis bonum esse; quamobrem (ait ille) *turpe est homini, si inde incipiat, & eodem desinat, ubi cetera solent ratione destituta, magis autem convenit inde incipere, in eo autem desinere, quousque Natura nos evexit ad fastigium quoddam, quo nimirum res contemplaremur, eisque attenderemus, Quas D. Gregorius Moral. lib. 26. cap. 8. tanquam vestigia Creatoris agnovit, & per illa, quæ ab ipso sunt sequendo, imus ad ipsum.*

Neque debitum omne persolvimus, si cognitione solam curiositatem nutrientes, jejunas prorsus animi affectiones relinquamus: rerum quippe naturalium varietatem frustra contemplabimur, nisi earum Conditorem amemus.

*Vanos esse sensus hominis, in quibus non subest scien-*

*scientia Dei*. sacra testantur eloquia, & nulla prorsus utilitas e sola cognitione ad nos derivatur, nisi Thesauros, in rebus latentes, percipiamus. Quis Plinio, quis Aristotele in eruditione rerum naturalium major? attamen illorum misertus est D. Abbas Clarevallensis in die Pent. ser. 3. eò quòd in rebus earum Ordinem, & Naturam, sint perscrutati, neglecto prorsus sine, in quem easdem Opifex summus direxit, ut nempè, ait Gilibertus ser. 3. in Cant. *prudenter intuenti admirationem Conditoris facerent; & piè consideranti amorem.*

Hinc S. Augustinum vehementer pœnituit sese otiosè Araneum observasse, qui Muscas venabatur, ac si truculentas Gladiatorum pugnas in Theatro circumspexisset, cùm etiam ex aranei venatu haud parvam percipere posset utilitatem, salubriter animum erudiendo, ut S. Propheta David eundem in pomariis videns, suos mores instruxit, dicens, *Anni nostri sicut aranea meditabuntur.* At ubi ad meliorem vitæ frugem se recepit Augustinus lib. 8. Confess. ab inutili sciendi voluptate abhorruit inquit: *At ego jam in illa vanitate non eram; transcenderam eam, & contestante universa Creatura tua, inveneram te Creatorem.* Philosophos omnes insuper erudiens, cognitionibus tanquam alis usuros eos esse, ut ad Dei solium mens evehatur, cum dixit: *Si placent corpora, Deum in illis lauda, & in art. suam eorum amorem retorque.*

Neque longo pennarum volatu, sed unico oculorum ictu opus hoc perficiendum esse docet Richardus Victorinus, cùm attentè perquirens, cur in sponsa sacris Canticis descripta, Columbæ potius oculos, quam linceos sponsus adama-verit, demum ingeniosè sibi respondet: Oculos Columbarum sufficere, eò quòd haud longè sponsus ablit, sed ubique sit proximus, ideo *Columbinum oculum Amorem esse, qui in rebus humano usui concessis, quocumque se vertit, familiarem habet ammonitionem amoris.*

Quamobrem Pinacothecam esse hanc rerum Universitatem S. Prosper judicavit, in qua summus Rex, atque opifex Deus suas collocavit statuas, quibus publicatur. Illarum nempè nulli, licet elingui, dicendum est, *loquere ut te videam,* ut olim discipulo Socrates ajebat: *Habent enim, si intelligantur, linguam suam,* ait S. Augustinus in Plal. 16. qua suum Conditorum celebrant, & amorem erga eundem ab Auditoribus exigunt, *& undique omnia tibi resonant Conditorum, & ipse species Creaturarum voces quedam sunt laudantium.*

Cùm cæteris Animalium diversorum agminibus omnes etiam species Testaceorum voces suas reddunt, carmine davidico extimulante: *Volucres Cæli, & Pisces maris, & qui perambu-*

*lant semitas maris.* Omnia enim statuis, Mercurium referentibus, æquiparavit Pachimerus D. Areopagita scholiastes de cœlest. Hierarch. cap. 2. §. 5. quæ rudi Minerva sculptæ, & pedibus manibusque orbatæ, numina condebant in sinu, nec ullam, licet ex minimis, rem judicare quis potest, in qua aliqua Divini Conditoris prærogativa non affulgeat. Conchulam maris aliquam menti tuæ proponas, inquit Tertullianus lib. 1. de benef. cap. 12. *& tibi, crede mihi, patebit Deus, sanè totius expers invidia per singulas Mundi particulas ubique splendens.*

Neque enim Divini Conditoris prærogativæ radiis Solis tantùm, & Planetarum Hominibus describuntur. Minimæ etiam vilissimæque res, *quæ ante oculos stant,* docente Seneca; *auctorem suum ingerunt, & inculcant, nec oblivisci ejus sinunt.* Et a rebus mediis, & infimis nominantur Deus, sapienter inquit D. Areopagita C. Hierarch. cap. 2. §. 51. cum a singulis earum, aut Sapientia, aut Providentia, aut Bonitas ejusdem indicetur, quibus tam mira, tam pulchra, tam varia scivit, potuit, voluitque conficere. Si ab ejus manibus venustatem talem rudis materia mutuatur, qua nam pulchritudine prædita mens erit, a qua quælibet Orbem Terrarum exornantia perficiuntur: *Invisibilia profecto ipsius a Creatura Mundi, per ea, quæ facta sunt, intellecta conspiciuntur:* ad Rom. 1. Omniaque cum mediocribus minima, mediocria cum maximis assiduo Marte concertant, ut Artem sui Conditoris declarent non magis prodigiosam, quàm dignam amore.

Hac de causa aliquos truncos arborum amplexos, illis oscula dedisse, nobis narrant historiæ, non quidem amore erga eas ductos, sed Conditoris, qui hominum utilitati omnia perfecerat. Hac pariter de causa S. Rotardus floribus adeò suaviter recreabatur, ut cum virentibus non posset, saltem frueretur depictis, & apis instar, mel è singulis delibaret. Maximus insuper Episcopus semper præ oculis eisdem habens, Dei prærogativas, veluti coloribus in illis expressas, recognoscebat. B. Joannes Marinoni, inter Clericos Regulares ob sanctimoniam morum illustris, campos videns, seu virentibus herbis, seu matura segete flavescentes, piæ lachrymas copiosè effundebat. Et D. Ignatium Lojoram in singulis rebus philosophantem defixum hæsisse scimus, & animo pluries defecisse, ac si in singulis attonitus redderetur ab ipso Deo, omnes earum partes moliente. Qua de re S. Theodoricus in medit. de Christ. Crucif. occupat. orbem Terrarum contemplari peroptans, eò quòd a gloriæ folio quodammodo recederet, suum errorem apud Deum excusat, asserendo: a Mundo elementari omnes Hominum

minum cognitiones expleri omnino posse. Nobis enim extra Cœlum degentibus Deum clarè intueri non conceditur, sed ea recognoscere, quæ Deus ipse condidit, ob quorum notitiam non mediocri de illo scientia potimur; quare Salomon unumquemque nostrum alloquens, viam ad illam aperit, cum ait Sap. 13. 5. *Considera opera Dei, porrò, a magnitudine speciei, & creatura cognoscibiliter poterit Creator harum videri.*

Hac mihi suadeo animi relaxatione Regium Prophetam Davidem rebus sensibilibus delectatum, cum per amœna camporum, per Aulæ cubicula, per silvarum invia spatiabatur, ubi varietate, & elegantia rerum, vel pulchritudine colorum, vel partium dispositione mentis curas sapienter demulcebat, dicens: *Delectasti me Domine in factura tua, & in operibus manuum tuarum exultabo*, deinde Divinam Sapientiam haud potens intimè perscrutari, nec non providentiam, omnia gubernantem. *Quam magnificata sunt opera tua Domine*, subjungebat, *Nimis profunda facta sunt cogitationes tuae, vir insipiens non cognoscet, & stultus non intelliget* hæc Ps. 91. *Stultus* quidem, eò quòd intimè omnia dispicere sibi suadeat, cum externam tantùm superficiem rerum contempletur, *Insipiens* verò, quia videndo attonitus hæret, mentem suam ratiocinatione a Deo iussa minimè exercens.

Mirari fas est dum ab Ethnicis ipsis hanc veritatem docemur. Plutarchum audiamus in herot. *Amor Divinus*, inquit ille, Trajanum alloquens, mortalium oculis subjecit rerum bonitatem, & pulchritudinem, *ut ipsis, quæ foris apparent, gradum faciamus ad Divinum illud amabile, & vere beatum, & admirandum pulchrum.* Sicuti Geometriam addiscere cupientibus pyramides, globuli, & cubi lignei, vel metallici proponuntur, ut in materia figuras tantùm speculentur.

Quæ cum ita sint, negandum profectò est temporis pretiosi jacturam fieri ab homine, illoque indignum esse, quamvis ei Natura *os sublime dederit Cœlumque tueri*, in luto oculos mentemque defigere, in quo Testacea nascuntur: imò prudentis esse; cum eorum perquisitione adeò salubriter potest mentem suam erudire; non secus, ac sapientem diceremus Regem illum, qui gemmas in luto dispersas, ad diadema condecorandum, ditandumque colligeret.

His igitur prælibatis, contra aliena dicta me ipsum munire necessarium duxi, antequam Testaceorum tractationem aggrederer, demonstrando scilicet utile otium, quo sapiens in eis perquirendis oblectatur. Quamobrem nullorum irrisiones perimescens, quamplurima Maris fundo accepta, in conspectum dabo. Flu-

mina enim ipsa, quæ suas opes foeliciter in eo deperdunt, ac nomina, *elevaverunt vocem suam*, sacro testante eloquio: *Mirabiles elationes maris, mirabilis in altis Dominus*. Quippe sub aquis Innumera Testaceorum seges latet, quæ jure oculis spectanda proponitur, ut illam admirentur, menti verò, ut erudiat, Animoque omni, ut erga Divinum Artificem amorem, sese salubriter oblectando, concipiat. Foeliciter igitur fruire his epulis literariis Quicumque hæc paginas pertractas. Illæ (benevole Lector) famem curiosam ut eximam, tibi donantur; si ventriculum nactæ fuerint fortè delicatioribus assuetum cibus, fastidientem animalia hæc Testacea, primo aspectu quidem horrida, sub eorum tegumento scias juxta Academicorum Intronatorum lemma, *Meliora latere*. Quod si mente ægra accedas, prorsus abstineas rogo.

*Ægro namque optima sæpe palato  
Insipida, at sanis sit placuisse satis.*

### C A P U T III.

#### *Referuntur Proprietates aliquorum Testaceorum, in quibus elucet Providentia Divina.*

**S**I ob Formarum, colorumque varietatem pretio non vulgari habenda sunt Conchylia, plurimi quidem ex eò, quòd sese oculis exhibendo in hoc amplo Mundi Theatro provinciam sibi impositam optimè exercent. Si Cœli enarrant gloriam Dei, a Cochleis etiam celebratur Deus, qui utique in vilissimis rebus Sapientiæ, ac Potentiæ thesauros ostendit, ejusdemque Providentia non minus, quàm varia argumentorum ratiocinatione sensibus ipsis declaratur. Illis enim Deus non tantùm quidquid ad Vitæ conservationem requiritur, verùm etiam ad oblectamentum elargitur: Quamobrem Tertullianus ad infringendam audaciam Marcionis inter homines nequissimi, Dei Providentiam negantis, illi res infimas objiciens. An ne (ait) *Una cujuslibet maris Conchula non dico de Rubro sordidum artificem pronuntiabit tibi Creatorem?* Serpentum mos est suos partus in arena relinquere. Divina verò Providentia rebus omnibus a se conditis, quæ ad vitæ sustentationem requiruntur, donat, argumentum præbens in minimis majoris Providentiæ, qua majora, & Homines præcipuè moderatur, ac regit, quorum utilitati hanc omnium rerum Universitatem nihilo evocavit.

Injuri osè redarguit Naturam Plinius, cum diceret cap. 29. lib. 9. *Carent Concha visu, omnique sensu alio, quam cibi, & periculi*, cap. verò 35. *Concha*, inquit, *in qua Uniones generantur, cum manum videt, comprimit sese, operitque opes suas, gnara propter illas peti, manumque si perveniat, acie sua abscindit, nulla justiore pœna, & aliis munita suppliciis*. Hujusmodi verbis Palinodiam cecinisse judicarem, nisi poetice potius quàm historicè loquutus esset translatione quadam verborum, oculo tribuens quidquid tactu peragitur, cum asseruit Piscatorum cupiditatem ab eis sagaciter animadverti, sicut Virgilius de latratibus canum loquens ait. *Visæque canes ululare per umbras*.

Albertus etiam cognomento Magnus de Concha Pectine scribens; *Si quis (ait) digitum admovet subito claudit oculum, ex quo cognoscitur habere visum*. At experimentis sat mihi comprobatum apparuit ferè omnia oculorum sensu carere, Nautilo excepto. Quamobrem verascripsit Aristoteles de Testaceis lib. 1. Animalium cap. 1. ubi sic legimus: *Habent profectò oculos tum cætera Animalium Genera omnia, præterquam testa intectà, & si quid imperfectum aliud est, & Talpa*.

Nunquid fortasse crudelem Naturam idcirco appellabimus? utpote quæ caliginoso in loco ea perpetuò damnarit, in quo nec victum quæritandi modum habent, nec lucis usura fruendi? Apage qui de recta Naturæ operandi regula tam absurda animo concipis. Ea nempe adèò prudenter in omnibus agit, ut licet liberali quadam manu, suos thesauros elargiatur, prodiga tamen nunquam sit, nec quid minimum frustra unquam operetur. Quamobrem prudens potius censenda est, si visum Testaceis animalibus non necessarium denegavit. Animalia enim omnia testis inclusa, præsertim ea, quæ Turbinata non sunt, & progrediendi facultate carent, humore marino præcipuè nutriuntur, quem, cum per poros attrahant, quærere utique non debent, cum in aqua generentur, & perenni quodam ubere semper ali possint. Ea verò, quæ præter aquam cibus diversis pascuntur, ut notat Aristoteles lib. 4. de Anima cap. 8. motu non carent, & olfactu, quo appetitu excitato, sensum ductu eos inveniunt, Odor enim, asserente Theophrasto, Animalia omnia ad fumendum cibum inducit, quem naturali quodam instinctu ad nutritionem aptum esse judicant. Sic Purpuræ, Turbinens, & alia Conchyliorum Genera fœtidas appetunt carnes nassis inclusas a Piscatoribus.

Hic autem aliquid dicendum est de modo, quo Turbinata moventur. Testarum scilicet pondere onusta, pedibus, brachiis, & squamis

orbata, spumanre reptatu incedunt, sicuti Vermes, qui, ut notat Albertus Tract. de Animal. cap. 10. *contractione, & emissionem corporis progrediuntur*. Quamobrem ipse ossium defectus motui adjumento est. Sibi suasit quidam ex recentioribus Auctor, alioqui præclarus, juvari motum ab orbium circumvolutionibus, quibus dum moventur quodammodo nituntur, ac vires augent, ut moveantur facilius. At experientia didici ab eis quidem latibula formari, in quibus Animal inclusum, & spiraliter convolutum possit tutò progredi, sibi que ponderosam domum semper unitam trahere; observare enim quisque potest Animal, cum moveri incipit, magna sui corporis parte e turbinata testa exire, cum qua deindè, sarcinæ instar dorso impositæ, progreditur, arcuatim membra flectens, ut suo loco fusius videbimus. Nunc satis superque sit Providentiam Divinam in eis elucentem admirari, qua gubernantur Testacea, & quod mirabilius est animadvertere, ab eis nempe bina saltem cornicula, e fronte emitti, non ad vulnera infligenda, sed ad itinera prætentanda. Tenerima enim sunt, & quidquid in adverso potest objici, adèò facilè sentiunt, ut vix tactis, illico Animalia recedant, abscondantque sese in Testæ recessibus, quam secum semper deferre notavit ille apud Atheneum, *quia nemini credunt*; Plutarch. Apoteph.

Nequè ideò credendum est vitam in eis vivere infelicem, eò quòd angusto veluti carcere inclusa libertate frui nunquam possint, amantur enim recessuum angustia, sicuti cæteris rebus placet quidquid earum prodest conservacioni, quibus munimentum formatur, sub quo offensiones evitent, recedendo, cum offendere neminem possint. Nec alia desunt Tutamina, ut conserventur: Illa enim, quæ semper, ut Plantæ manent in loco, ubi nascuntur, testa durior, vel crassior contra voracitatem Piscium defendit, alia licet mobilia præduri muniunt Mucrones, sive Murices aculeati, alia lapidea lorica tuberculis aspera, multis verò oris apertura, vel angustissima est, vel operculo saxeo adèò arctè clauditur, ut neque aciculæ capacem rimulam insidiantibus relinquat; Quapropter appetitius illis quam Terræ Fructibus Poetæ Berni carmina conveniunt.

*Dalla Natura si vuol imparare  
Ch'ha le sue Frutta, e le sue cose armate  
Di spine, e reste, e ossa, e buccia, e scorza  
Contro alla violenza, ed alla forza.*

Haud equidem nego ex iis multa testa adèò tenui subtilique circumtectà vivere, ut quasi penitus inermia Piscium voracitatem evitare non possint, undè a Polipis præcipuè complexu crinium franguntur, rostroque abripiuntur ab Ave-

Lari, que referente Eudemo apud Gesner. de Aquat. in libero aere ea relinquit, ut cadant supra scopulos, ubi demum testis in partes concisis, facilè carnibus inclusis vescatur, reddatque falsum quod Ovidius dixit:

*Ostreaque in conchis tuta fuere suis.*

At nequè in iis Providentia defecit, cum arenis tumulata nascantur, ex quibus haud facilè exhumari possunt, sicuti Balani, & Dactyli inter cætera delicatioris saxeo quodam argine circumsepti, multique minimæ molis Turbines in spongiarum cavitatibus aluntur succo quodam foeditissimo, quo Pisces insidiantes arcantur. Quod si aliqua cortice ferè nullo munita, in escam tantùm generata videntur, eis tamen aliæ insunt dotes, quibus cæteris præstant, comprobantque effatum illud Horatii Neminem esse in hac vita *ex omni parte beatum*, sicuti nullus est, nisi apud Inferos, omninò miserrimus. Undè gignitur pius quidam affectus erga Dei Providentiam, cujus matrem admirationem esse affirmat D. Thomas cum Propheta clamantem: *Pf. 100. Magna opera Domini, cogitationibus tuis non est quis similis sit tibi*, nec in Cælo tantùm, sed Terra marique omnes eam agnoscunt, dum vident, *Mirabilia Dei in profundo*.

Et ne Cochlearum indaginem omittamus, illud hic ad memoriam revoco, quod de iis narrant multi, Ostreas videlicet, quæ in mari Persico nascuntur Persarum Regem imitari, qui Æstate Susas, Hyeme verò Ecbatanam Urbem incolit, cum mensibus frigidioribus in Ponto magis temperato stabulantur, calidioribus verò in Egialo mari, cujus undæ minus calidæ sunt frequentibus Euris agitata. Conchas insuper, quibus uniones generantur gregatim ex uno in alium locum natate, ducente omnium agmen una inter cæteras majori, quod tamen Providentiæ laudi tribuendum non negarem si ex rationibus alibi discutiendis falsum esse non crederem. At nulli profectò improbandum est, quod de Cancellis pluries docuit experientia, in limo nempè illum gigni, deindè in vacuas testas ingredi, ubi cum creverit in ampliorem testam subire, videlicet, aut Neritæ, aut Turbinis, sæpe etiam parvam Buccinam ingressum eam circumferre, ibidem nutriri, & augeri, deindè capaciorem petere. Aristoteles, qui in hoc minuto animali explicando diligentior videtur fuisse, quàm in multis aliis explicatu alioqui dignissimis, illum quodammodo inter Crustata, & Testacea Animalia ambigere dixit: Natura enim iis, quæ specie locustarum sunt, similis est, & ipse per se nascitur, quatenus verò testas ingrediatur, illicque vivat, testaceis similis est. Multi Eremitam Bernardum illum vocant, Eremitam quidem, quod alios fugiens in testa per-

indè, ac in solitudine vivat, Bernardum autem quod Plebs vulgari proverbio *Bernardos* homines fatuos esse dicit, fatuumque esse cancellum, qui crusta testus, chelas habens, quæ ad vitam tuendam satis esse possent, alienas domos quærat, in quibus latens vivat. Verùm prudentem potius duxerim cum Aristotele, quòd nudas, & injuriæ valdè opportunas aliquas sui partes dura, & firma testa munit.

Quid autem dicendum sit de Pinnis, Lectori judicandum relinquo, si tamen vera sunt, quæ de illis Plinius asserit. Illarum videlicet testas a canchris parvis habitari, eisque in capiendis pisciculis auxilio esse. Pinnam enim scribit Oppianus in magnis testis esse imbecillum sinè mente, & sinè oculis, ideòque hospitem cancerum excipere, a quo morsu admonitam, cum Piscis testam subit, illam claudere, prædamque communem in tuto depasci, undè Pinnophilax vocatus est. Quapropter tutiores viverent Ostreæ si etiam in ipsarum testis socius similis habitaret; opportunè enim admonitæ testas apertas ad aquam hauriendam clauderent, cum cancer lapillum chelis arreptum in eas immittit, eoque impedit ne claudant, deindè ingressus earum carnes deprædatur. Hic adde Echinosmetras, quæ semper testis inclusæ longis aculeis armantur, quibus utuntur, perindè, ac pedibus; his enim nitibundæ moventur, sedemque permutant, in Orbem se movendo, cujus rei argumentum Aristoteli fuit, quòd detritis sæpè aculeis inveniuntur, & semper aliquid algæ suis spinis implexum gerunt.

Ejusmodi autem Providentiæ opera necessitatis subsidium esse si quis dicat, cui Natura optulari tenetur, adeòque admiratione minus digna, hæc profectò debenda erit Nautilo, cui pulcherrimam testam non Munimento tantùm Natura adjecit, sed Venustati; in qua, velut in navi argentea, naufragio haud obnoxia per summa maris spatatur, remigantibus interrim quibusdam brachiis, aut ventorum flatus excipiente membranula, quam ad velificandum extendit, vel statim crispat, si fortè aliquem insidiantem oculis deprehendat, petitque maris fundum, ubi tutò stabulatur.

Sed omnium proprietates prosequi velle infiniti esset Operis, cum singula Animalcula æquè ac maxima Divinæ Providentiæ argumenta patefacere homini possint, sicuti Ostreorum Species universæ eandem indicant cortice, quo teguntur, sive aptius loquar, comuniuntur, tanquam Arce animata, cui aptandum videtur, quicquid de Davidica Turri S. Ambrosius dixit in *Pf. 118. idest fabricatam illam fuisse Subsidio pariter, & Decori. Decori* quidem ob venustatem sive colorum, sive formæ pulcherrimam

visu : *Subsidio* autem eò quòd semper receptui dare se possint , cum insidias animadvertunt , ad quas vitandas eas circumferunt . Undè Proverbi-um in eum , qui nulli fidit : *Cochleis tu es diffidentior* .

Idem S. Mediolanensis Antistes , quem nominavimus , in mentem revocat studium cum Religione conjunctum , quo ipse Echini proprietatem recognovit , illum nempe , imminente maris tempestate , saxi firmiter adhærescere , ne undarum impetu huc illucque agitetur , sicuti aliquæ aliæ Concharum species , Plinio referente , adhærescentes saxi signa sunt tempestat- is , sed causam inquirens , nullam aliam esse sibi persuasit , nisi Dei Providentiam , quæ non laborans in maximis , neque fastidians in minimis , omnia quæ condit , miris proprietatibus ditat , quæ in considerante admirationem pariter generat , & Amorem : *Quis Mathematicus* , inquit Ambrosius , *Quis Astrologus* , *quive Chaldeus sic poterit siderum cursus , Cæli motus , & signa comprehendere ? Undè huic exiguo animali tanta scientia , ut futura pronunciet ? Crede quod indulgentia Domini rerum omnium , id quoque præsentia hujus munus acceperit . Omnia replet sapientia , qui omnia in sapientia fecit : Quæ cum ita sint , nonne imbecilli , ac diffidenti animo scopuli firmitatem inter maris agitationes Fides Divina communicabit ?*

## C A P U T I V .

*Referuntur varia Musea , in quibus Cochlearum , & Concharum Testæ conservantur .*

**S**I igitur æquè possunt oculos recreare hæc Animalia Testacea , ac animum pellicere , ut sensibilibus rebus ad invisibilem rerum omnium Conditorem recognoscendum possit sibi viam sternere , a quo docente Seneca ; *dum ponuntur saporis in pomis , odores in floribus , in lapidibus colores , usque ad delicias amamur* . Quid mirum si in diversis Musæis inter cetera tum Naturæ , tum Artis præclara opera Cochleæ suam non indignè locum obtineant . Et sanè turpis injuriæ nota illi esset , qui ex eo vituperaretur , quia oculis mentique eas inaniter proposuisset , ac si cum Nerone pretiosi temporis jac-turam faceret purpureis aureisque retibus pisciculos viles expiscando . Indignum quippè Homine est inutilibus quæstionibus totam mentem applicare , ut gloriam omnem ex iis conse-

quatur ; at laudabile aliquando ad ea divertere , quibus possit animus oblectari . *Quis non miretur* , ait Plinius de Platanis loquens , *arborem umbra gratia tantum ex alieno petitam orbe ?* stultus Aristomachus fuit , qui sexaginta duorum annorum spatio Apum naturam , & mores studuit perscrutari ; stultus Eliogabalus , qui , ut Romanæ Urbis magnitudinem indicaret , Araneorum telas in acervum ingentem collectas in domibus privatis , publico in foro proposuit ; nec minoris stultitiæ damnandum dixerim Domitianum , qui ridiculum Muscarum venatum edoceret ; At nunquam satis laudandus ille est , qui inter privatos parietes laudabili oris animi gratia per Montes , per Valles , per Maria , ac Fodinas sua mente pervagatur , & ex paucis rerum naturalium fragmentis , quæ sub oculis habet , ingentes Naturæ thesauros deprehendit , toto Terrarum in orbe latitantes .

Prudentes propterea , ac præclari Viri illi sunt , qui quasi *Cochleæ sine domibus nunquam sint* , patria domo exulantes , extero in solo eam colere putant , ubi post longas itinerum dimensiones aliquid scitu dignum in Academiis audiunt , vel visu spectabile oculis usurpant in Musæis , sive à Natura , sive ab Arte propositum . Id Pittagoras , id Socrates , Anaxagoras , Democritus , sexcentique alii fecerunt , quorum vita , ut loquitur Sinesius ; continua Venatio fuit , ut modò per Ægyptum , modò in Græcia , modò apud Persas , sive Indos aliquid novi , vel mente , vel oculis assequerentur ; nihil tanquam vile requirendum esse à Philosopho pro comperto habentes , quod in hac vasta rerum Universalitate è Theauris suis à Natura depromitur .

At ne ex Romana Urbe longè aberremus : *Er qui tanta fuit Romam tibi causa videndi ?* ut olim Titirum alloquens Pastor , si ab unoquoque eorum sciscitarer , qui ex diversis orbis Terrarum Regionibus illam petunt ; non quidem libertatis Amor , responderent opinor , verum potius Tempia præclara invisendi , Mausolea celeberrima , prodigiosas Statuas , Villas , ac Palatia , & quidquid admirabile ex antiquæ Romæ ruinis erutum , vel supra ruinas ipsas constructum Ars spectandum adjecit . Verum saniori profectò consilio allicerent oculos quæ Natura proponit , ne tales habeant , quos ante navigandi peritiam habebant homines , cum

*Sua quisque piger littora norat  
Patrioque senex factus in arvo  
Parvo dives , nisi quos tulerat  
Natale solum , non norat opes .*

Ego quidem , ut verum fatear , admiratione semper longè majore Naturæ opus videndum duxi , quam Artis , præclarum licet , & numeris omnibus absolutum hoc esset , illud verò nativo



tantum decore præditum . Quam difficile , ajebam, Ars suis operibus æquat Naturam; Si enim statuat cernat oculus , manus scalpris munita , mente adjutrice , poterit è marmore similem fabricare , verum in ipso marmore construendo nunquam illam , stimulos licet ingentes voluptas adjiciat , æmulabitur . Poterunt Vitruvius , & Archimedes montes lapideos in Porticus , in Columnas , in Fornices distribuere , at Cochleam , vel minimam construere , diminutam semper proportionem in orbibus circumducendis servando , non poterunt .

Horum animadversione quilibet poterit Cochleas oculis perlustrare , absque eò quod stultitiæ notam timeat , merito olim illi tributam , qui jactabundus de se ipso ajebat : *Ille ego sum nulli nugarum laude secundus* . Poterit enim laudabiliter in apparatu convivii peculiarem cibum laudibus quis efferre , cæteris silentio non quidem contemptis , sed prætermisissis , & sicuti in Gemmea bulla suum habet pretium Berillus , licet Adamante vilior , sic pariter inter statuas pretiosas tabulasque egregiè picturatas , suum merito locum obtinent Cochleæ .

Videntur igitur in Musæo , quod à Vormio insigni Medicinæ professore in Ollandia , Vormianum dicitur , ab eodem publicis in paginis eruditè descriptum ; videntur in Musæo nobilissimæ Familiæ Calceolaria : ostentantur Bononiæ in Musæo ab eruditissimo Aldrovando instructo ; sunt in Cospiano , sic dicto ab Illustrissimo Marchione Ferdinando Cospio , Viro cujus dotibus insigniri Bononia jure gloriatur ; non magis , ut Naturæ curiosa portenta , quam Magni Etruriæ Ducis in Virum talem benevolentia indicia , qui hujusmodi maris fructibus Musæum cæteroqui præclarum , voluit condecorare .

In urbe eadem quamplurimæ sunt apud Jacobum Zanoni , Virum pari humanitate , ac Botanicae facultatis peritia , quam luculenter testatur opus eruditum Typis impressum anno 1675 . quo multarum herbarum proprietates reconditas , novique Orbis plantas Italiae ignotas patefecit ; deinde à D. Peregrino Zanoni , Patris in utroque non impare Filio , summo studio custoditæ sub vitreis laminis cum cæteris curiosis Naturæ operibus , quæ longa , & accurata solertia ex multis Mundi Regionibus Parens amantissimus obtinuerat .

Ibi etiam quamplurimæ sunt apud Illustrissimum Comitem Capraram , illum inquam , cujus præclaris dotibus ingens decus addidit Excellentiss. Frater Comes Caprara bellicus Imperator , qui sub invictissimo Cæsare Leopoldo ob scientiam rei militaris , & virtutem contra perfidum Turcarum militem plures numeravit

triumphos in Ungaria , quam Dies . Quamplurimæ inquam illæ sunt , & quidem selectæ omnes , & elegantissimæ magna diligentia servatæ sub laminis crystallinis , quas Scrinio ex Ebano sustentant in cubiculo , è cujus parietibus pretiosæ tabulæ pendent egregiè picturatae . Multæ sunt in Musæo D. Prioris Ammonii , multæ apud D. Valerium Dalbonum .

Imolæ multas perlustravi in curioso gazophylacio , quod possidet D. Hieronymus Formioni ex hereditate Patris Josephi Formioni habito .

Veronæ in Musæo Muscardo multæ conspiciuntur multæ in Septalio Mediolani inter omnia alia , propter varia tum Naturæ tum Artis opera celeberrimo . Florentiæ multæ apud D. Vincentium Vivianum , Virum celeberrimo Galileo non imparem ob Mathematicarum disciplinarum peritiam , Magnis Ducibus Etruriæ Galliarumque Regi acceptissimum . Sicuti apud D. Cosmum Roserminum Pisanum aliæ multæ visuntur . Multas etiam singulasque præclaras ingenti nummorum vi sibi comparavit studiosus D. Henricus Parisi , Urbe Scientiarum Artiumque omnium altrice . Ibi etiam innumeræ Cryptam Varsalianam musivo opere dispositæ exornant , è remotissimis Oceani Regionibus delatæ , ut pariter exornant fontes in præclaravilla , quam jussu Serenissimi Principis Caroli de Hafia Cassel extracta est , ut tanquam Maris Flores ostentarentur , haud brevi die vernantes , ut Rosa .

Obtinuerunt etiam suum locum in Palatio Regio , ubi antiquarum rerum varietates , & Naturæ prodigiosa opificia tum ad Advenarum Virorumque litteratorum usum , tum ad perenne Urbis ornamentum tanta cura , & sollicitudine , nec non tantis sumptibus Ludovici XIV. Sapientia , & Liberalitas erexerunt .

Non desunt Anconæ ex mari præcipuè Adriatico habitæ in curioso Gazophylacio adeo eleganter instructo à nobili Patritio Camillo Pichi , ut ratione dubitandum sit , an major fuerit ejus in comparando industria , an potius in disponendo sagacitas . At ne Roma discedamus in hac etiam Urbium Regina multi Virorum egregii , vel Doctrina , vel nativæ nobilitatis excellentia inter prætiosas supellectiles Cochleas posuere . Illæ videntur inter gemmarum matrices glebas in Regia Villa Excellentiss. Principis Pamphili apud S. Pancratium , quam dicimus *di Bel respiro* ; sunt in Villa Excellentissimi Principis Augusti Chisi apud Montem Esquilinum posita . Aliquas vidi in Musæo , in quo inter selectas celebriorum Pictorum tabulas , & Veterum erudita monumenta paucas quidem numero , at forma elegantes quas possidebat D. Petrus Bellori , ob suam antiquorum numif-

numismatum peritiam Regiæ præcipuè Suecòrum inclitæ Christinæ acceptissimus. Aliquot etiam præclaras in Palatio Villæ Regiæ apud Thermas Diocletiani, quæ à Principibus Perrettis in ditionem venit Principis Sabelli, at modò possidentur ab Eminentissimo Cardinali Nigronio. Silentio non præteribo eas, & quidem pulcherrimas, quas D. Augustinus Scilla pingendi arte præclarus, tum numismatum eruditione celebris, additis variis rebus lapideo succo obduratis, de quibus luculentam, & eruditam epistolam Typis edidit. Multas etiam reposuit Eques Corvinus in suo Musæo, quod, illo è vivis sublato, Excellentissimus Dux Strozza dilecto D. Leoni Filio pretio comparavit, & quidem Artis, & Naturæ lucro; Omnia enim, quæ in illo conservantur, sub indecoro pulvere haud latent ut antea, sed inutilibus rejectis, Insipientium oculis prudenti methodo distributa ostentantur. Multas etiam collocavit in suo Musæo D. Andreas Bonvicinus. Aliquas ex elegantioribus D. Carolus Antonius Magninus, apud ejus Heredes conservatas inter Arma Virorum illustrium, & varia tum Naturæ, tum Artis opera, ab ipso Magnino suo calamo illustrata. Erant insuper in domo D. Francisci Galli, cujus solertia mira Naturæ opera collegit, variaque ex aquis ac tellure portenta curiosis oculis comparavit. Erant in domo Eustachii Divini, quem excellentissima peritia in Telescopiis fabricandis celeberrimum reddidit. Innumera ostendebantur in Musæo Eminentis. Principis Virginii Ursini propè Urbis mœnia in Via Flaminia, deinde in ditionem Illustrissimi Marchionis Virgilio Spadæ translata. Videntur etiam in Musæo Illustrissimi Urbani Rocci Equitis Romanorum Pontificum Præcursoris, in quo ejus Architectonica mens multa curiositati Pabula eleganter disposuit. Quamplurima, & quidem selecta custodit in suo cubiculo R. P. D. Hieronymus Ruvinetti Monachus Chartusianus, quibus tanquam gradibus ipsius, & aliorum mens ad summum opificem cognoscendum elevatur.

Neapoli pene innumera reposuit in suo celebri Musæo numismatibus præcipue opulento D. Picchetti, Vir non minus eruditione, quam Architectonicæ Artis peritia excellens. Genus pulcherrimum eorum apparatus magno pretio emptum addidit egregiè picturatis tabulis D. Franciscus Maria Miconi. Ingentem eorum numerum ex variis Regionibus obtinuit Pistorii Illustrissimus Balthassar Sozzifantes inter Equites S. Stephani Prioratus dignitate insignitus, ob egregias dotes animi sui Magnis Etruriæ Ducibus maximè charus, & præclara morum integritate ac prudentia Lubianæ Populis acceptissimus Governator, sicuti olim in Umbriæ

Provincia Militum Romani Pontificis Generalis Præfectus. Eminentissimus Antistes Imolensis Ecclesiæ Cardinalis Gualterius, nunc Ravennæ Pontificius Legatus, illas voluit recensere inter multa, quibus opulentum Gazophilacium instituit. Non desunt in Germania apud Magnates, nec non in Musæis Virorum nobilium, & Philosophorum multis. Serenissimus Elector Saxoniæ in suo palatio septem cubacula extruxit, quorum primum innumera instrumenta mechanica continet, secundum scrinia, & loculamenta miro artificio compacta. Tertium Instrumenta mathematica. Quartum, & Quintum Tabulas egregiè depictas, Horologia, & varia artificiosa Automata. Sextum Vasa pretiosa. Septimum Res, e terra, & ab aquis comparatas, inter quas Cochleas elegantissimas, & ad varios usus accomodatas. Argentinæ Jo: Fridericus Spoor insignis Bibliopola multas sibi comparavit. Lipsiæ non paucas custodit inter corpora petrefacta, & varia mechanicæ artis opera Philippus Spener. Ibi pariter Musæum possidet rebus marinis refertum, præcipuè Testaceis Prænobilis Domicella non minus eruditione, quam linguarum peritia percelebris. Prostant venalia Amstelodami, & Londini translata ex Insulis tum Asiæ, tum Americæ, præcipue Antillis a Mercatoribus, qui Gemmarum loco aliqua ex illis habent, & ingenti nummorum pretio curiosis Naturæ Inspectoribus vendunt. Ibi multa sibi comparavit prænobilis, & eruditus Vir D. Theophilus Kahl, quas secum Wratislaviam transtulit, ibique tanquam Virtutis Naturæ insigne indicium, & perenne monimentum posuit. Amplum volumen vulgavit Londini sub titulo *Historia Conchyliorum* ann. 1685. Martinus Lister, in quo ferè innumera tum terrestria, tum Marina eleganter expressit, ex variis Angliæ Musæis delineata. Londini etiam D. Courtein sua industria quamplurima magnis impensis collegit, & diligenter servat. Nec prætermittendum est Gazophylacium Petiverianum Naturæ, & Artis, in quo D. Jacobus Petiver Pharmacopola Londinensis, & Regiæ Societatis Socius Animalia, fossilia, Plantas amniaque rariora arte producta, ac etiam Testacea congessit, brevibus descriptionibus, & iconibus illustrata. Anno demum 1705. volumen aliud typis edidit Amstelodami Georgius Everhardus Dumphius Consiliarius Amboinocus, Plinius indicus appellatus sub titulo *Musæum Amboinicum*, in quo cum Tabulis figurarum sexaginta descriptionem posuit variorum piscium cum Testaceorum, tum Crustaceorum, in mari amboinico reperorum.

Magnis verò Etruriæ Serenissimis Ducibus, (cum in variis Naturæ operibus tributa quodam-

dammodo ex Elementis omnibus acciperent ) suum etiam , & quidem opulentissimum in conchiliis obtulit Mare , illudque inter pretiosas Gazas ad miros Naturæ lusus explicandas Florentiæ servatur . Ibi permagno oculorum ac mentis oblectamento illud perlustravi , cum eximia Serenissimi Ducis Ferdinand. II. Benignitas dignata fuit aditum mihi permittere in Regium cubiculum , ubi latebat talis Conchiliorum Thesaurus . Visæ tunc mihi sunt omnes Maris divitiæ in compendium redactæ , adeo elegantia , adeo belle picturata singula erant , omniaque exactè levigata , & pellucida ; nam quibus Natura ornamento nitorem negaverat Ars adjecit , studio & solertia D. Jacobi Mariani , Viri in fabricandis instrumentis mathematicis , & conficiendis tubis opticis æquè periti . Eiusdem opera ordine pulcherrimo distributa sunt in loculamentis serica tela viridis coloris circumtectis , quæ in scriniis ex ebano compactis reconduntur . Sed ne è domesticis parietibus longius pervagemur . Ea in his paginis subjiciam , & quamvis sine coloribus appareant , faciem præstabunt , ut illa dignosci facile possint , quæ catalogis æquè longis , & obscuris , quia sine iconibus , Authores comprehendunt . Hac ratione non minus oculi , quàm menti Testaceorum observationem fore arbitror oblectamento .

C A P U T V.

*Animalium Testaceorum divisio , in qua Specierum Varietas , eorumdemque Origo indicatur.*

**A**D explendam Curiositatem dignoscendi multiplicem Testaceorum Varietatem , quæ in vasto maris sinu generantur , haud certè eorum numerum perscrutari quis debet , quoniam ex Davidis ore , Oceani penetralia mentis oculo perquirentis , habemus : illic esse *Reptilia , quorum non est numerus* : & quamvis hiperbolicè loquutum esse intelligamus , cum omninò , quæ sub cælo sunt , finito numero comprehendantur , non tamen à quavis mente , sed à Divina tantùm , quæ omnia procreavit , possunt singula numerari . Sufficeret autem omnes eorum species , aut formarum peregrina diversitate , aut partium combinatione , aut colorum varietate , inter se distinctas , quasi militari ordine ante oculos dispositas cognoscere ; quod sanè obtineretur , si oculos convertere fas esset in eam Tur-

rim , è qua Calligulæ Imperatoris mandato , mira Concharum Cochlearumque copia pendebat , ut in Posteris memoria excitaretur præclaræ , sive , ut veriùs loquar , stultæ victoriæ è mari relatæ , cum contra ipsum acies bellico tympanorum , tubarumque sonitu immittens , manum implere Conchiliis litore dispersis , militibus singulis imperavit .

Verùm etsi curiosorum oculi circa ipsam defatigarentur , quid profectò , nisi angusti litoris fructus dignoscerent ? non autem coehleas infœcundis vasti Oceani sinibus mira assiduaque varietate productas . In hominem singulas numerandi cupidum ea Biantis irrisio meritò caderet , qua illos prosequeretur , qui cù Pisces in angusto maris sinu viventes numerare non valeant , multiplicem stellarum varietatem , eamque ab oculis remotissimam inquirunt . Ingens profectò sub undis Animalium Testaceorum numerus delitescit ; & ne meritò irrideat , omnium generationes singillatim referre non audebo , verùm aliqua eligens ex multiplici specierum varietate , quas in laudabili otio obtinuit curiositas , ostendam .

Apud Authores , qui de Testaceis tractationes instituerunt , non eadem fuit eorum divisio . Aristoteles æquè accuratus , ac curiosus Naturę perscrutator , postquam multos cetarios , & hamiotas defatigavit , Alexandri Macedonis stipendio laborantes in expiscando ex altis Pelagi fluctibus quidquid philosophica dignum erat observatione , ea in quatuor Classes divisit , ac singulis earum diversas alias species comprehendit , ut cap. 4. lib. 4. hist. animal. apparet . Etenim quia ad eorum plenam cognitionem haud necessaria est perfectæ , & juxta leges Logicæ , sed prudens divisio voluntatis , ut ea , qua totus Terrarum Orbis in quatuor partes distinguitur , vel in octo intensiõnis gradus , calor , & frigus ; Omnia hic cum Aldrovando lib. 3. de Testaceis , inter Scriptores eruditissimo , in duas Classes distribuam . Una comprehendet ea , quę unica testa circumtecta , Univalvia dicuntur , altera verò , quæ binis valvis defensa , vocantur Bivalvia .

Inter hæc autem Animalia aliqua , veluti milites catafracti , testa undique circumtegentur , ut Echni , alia ex tegumento unico , quo defenduntur , aliqua sui corporis parte exeunt , frontemque ostendunt , quasi dimicatura , duobus , aut quatuor corniculis armatam , eisque quidquid progressum in via impedire potest , explorant . Hujusmodi sunt Turbinata . Bivalvia verò ita binis valvis clauduntur , ut non ambæ ex omni parte arctè inter se conjungi possint , sed in aliquibus sunt perfectè clusiles , in aliquibus ore aperto aliquantulum hiant , ut in Bal-

nis,

nis, Tellinis, Dactylis, Peſtunculis, & his ſimilibus.

Hujusmodi diſiſione comprehendimus ea omnia, quæ Plinius longè pariter, ac confuſè deſcripſit, poſtquam in difficillima Piſcium perquiſitione ultra centum ſexaginta quatuor diſverſas ſpecies numeravit. Ubi enim agit de Teſtaceis. *Concharum genera*, inquit, *in quibus mira ludentis Natura varietas, tot colorum differentie, tot figurae, tot planis, & concavis, longis, lunatis, in Orbem circumactis, dimidio orbe caſis, in dorſum elatis; levibus, rugatis, denticulatis, ſtriatas, vertice muricatis intorto, margine in mucronem emiſſo, foris effuſo, intus replicato, jam diſtinctione virgulata, crinita, criſpa, caniculatim, peſtinatim, imbricatim undata, cancellatim reticulata, in obliquum, in reſtum expaſa, prædenſata, porrecta, ſinuata, brevi nodo ligatis, toto latere connexis, ad plauſum apertis, ad buccinum incurvis.*

Non tamen plenè, ſic deſcribens, levigatas omnes, & aſperas comprehendit, non armatas, vel inermes, non nitidas, vel aſperas, non expaſas, vel ſpiris convolutas, non planas, vel tumefcentes, non ſtriatas, non pellucidas, & quotquot ingenioſo ſtudio Natura efformavit, mira oclorum varietate ita eos exornans, ut ſingulas diſtinctè obſervare oculus non valeat, ſicuti intimam earum cognitionem aſſequi intellectus deſperat. Sed hoc maniſteſtius conſtabit, cum formarum venuſtatem, & varietatem colorum obſervantes, videbimus, quàm clarè Divini Conditoris ſapientia in eis eluceſcat. Nunc poſt brevem enumerationem earum Ori-go indaganda eſt.

Si hujusmodi Animalium varietate copioſæ Philoſophorum Turbæ paranda cœna hic eſſet, ut ſolebat ad gulæ oblectamentum antiquitas, & omnium voces excipiens, ſicut olim Tullius Tuſculanas Quæſtiones, ſingulorum ſententias exponere conarer, non tam è litore ſolvens, immenſo pelago navim audacè traderem, ſed propè Nembroti Turrim in linguarum confuſionem inciderem, cum ea ſit inter Philoſophos altercatio, opinionumque diverſitas, ut non veritatem proſequi velle, ſed pugnam fovere acriter videantur. Aliqui enim Ignem elementarem rerum Parentem vocant, alii verò Aquam: ſunt, qui vel ex eorum confuſione, vel ex proportione harmonica numerorum, vel ex artiſicioſo Naturæ ſtudio, vel ex fortuita rerum combinatione omnia deducunt. Eſt ſatis notus Democritus ille, qui à catholica fide, ac à rectè philoſophandi norma æquè aberravit, putans caſu progenitam hanc Rerum varietatem; quæ Mundum exornant; nunquam ſatis damnandus cum iis, à quibus, res minimas penitus inutiles

credentibus, ſummi Opificis Providentia, ac Potentia ſapientiſſima impiè negatur.

Nonnè forſan una cum cœteris rerum omnium choris, hîc quaſi infimus Animalium conditorem ſuum publicat Deum? & eloquenti, ut ita dicam, ſilentio aſſiduè explicat magnum illud Divinæ mentis volumen, in quo quidquid poſſibile eſt exactè deſcribitur; & quia ſub undis copioſiſſima latet Teſtaceorum Turba, Divitiæ ejuſdem oſtenduntur, qui penè innumera in ſingulis ſpeciebus progignit, non ſicuti inter majora Animalia, quorum numerus ad pauca dilatatur.

Cum primùm Orbem univerſum condidit, in tam miro, varioque rerum opificio nullum alium admittit, quaſi ad laborum levamen, (ſi tamen labor tribuendus eſt ei, qui ſola ſua voluntate mentis ideas perfectiſſimè exequitur) tunc enim omnia per ipſum facta ſunt, eo vocis imperio, *quæ vocat ea, quæ non ſunt, tanquam ea, quæ ſunt*: Undè cum primùm in Aquis Animalia vitam habuerunt, ipſe Conditor illis eſt elargitus: idcirco poſt verba illa: *Producant aquæ addidit ſacer Historicus, creavitque Cete grandia, & eorum animam viventem, atque motabilem.* In præſentia autem minori, ut ita dicam, ſtudio vult ea fabricare, aliſque dividens laborem, operatur ut ſcribendi Præceptor, à quo diſcipuli manus in ſcribendo ita regitur, ut ambo eam moventes efforment characteres, æque à magiſtro, ac à diſcipulo exaratos, ita tamen, ut hujus manus impulſu ab illo recepto operetur.

Sed antequam ad cauſas inquirendas deveniamus, ſimul cum quibus Agens Univerſalis vitam communicat Animalibus Teſtaceis, quæ immenſos Oceani ſinus replent, ſcienda hîc eſt, magna liſ, qua curioſi Perſcrutatores invicem altercantur. Ajunt multi, eis ineſſe Virtutem quamdam propagativam, ſicut in cœteris Animalium perfectorum ſpeciebus. Alii judicant omnia naſci ſicuti cætera Inſecta è maſſa aliqua putrefacta, prout exigit accidentalium rerum combinatio, è quibus talis maſſa componitur, nec omnes ipſorum vitæ originem eandem putant. E Terra ſuboriri, veluti è ſepulcris expergefactas, Animas falſò ajunt aliqui; ſunt qui omnibus tam mortuis, quàm viventibus hanc generandi virtutem tribuunt, imò corporibus putreſcentibus, aſſerentes, cauſam eſſe putredinem ipſam. Nec deſunt, qui naturalem aliquam coctionem opinantur, quique animam quandam, univerſalem Mundi vocatam, aut Elementorum, aut abditarum influentiarum, ſive cœli, ſive ambientis, ſive caloris, à cujus vi fragmenta quædam vegetabilium, & ſenſivarum animarum, inter cadaverum latebras

otio torpentium , ad illam corruptam materiam animandam excitantur .

Sententiarum harum examen nullatenus hinc aggrediar . Animadvertere tantum sufficiat , quam perarduum , incertumque sit , veram causam Efficientem Animalium , spontè nascentium recognoscere . Unde Galenus assequi eam posse desperans , ab incepto desistit , respuens opinionem Platonis , quam sequuntur Scotus , Suarez , aliique , cum asserunt , à manu Dei omnipotenti illa produci in materia præexistenti dispositaque , ne sibi persuaderet Potentiam illam , quæ cæteris virtutem formatricem sapienter communicat , ad efformandos scorpiones , cochleas , simileque vermiculos descendat . Quod idem negans recens Auctor in suis accuratis observationibus circa generationes Insectorum , timens , ne Peripateticorum Turba in ipsum inveheretur , qui ajunt : Non posse rem nobiliorum à minus nobili generari , suadere potius sibi conatus est cum Empedocle , & Pittagora , ab Aristotele relatis , vitam sensitivam etiam Plantis inesse , eamque Animalibus posse communicari : Ac si veritati consentaneum esset , quod pulchro aurium blandimento Fabulæ finxerunt , cum dicerent : *Arborum ictibus vocem , & cruorem ex Arboribus emanasse , sub quorum corticibus Polidori , & Amadriades circæis artibus latitabant .*

Qui Deum rerum omnium Auctorem , & cujuscumque animalculi conditorem non affirmat , acriter à D. Augustino in Ps. 148. reprehenditur ; *Quando expavescit , in minimis lauda Magnum . Qui fecit in Cælo Angelum , ipse facit in Terra vermiculum :* Quod non solum credendum est de prima rerum productione , verum etiam de cæteris , & si omnium Conditor unicus affirmetur , lætabitur Mare , sicuti campi , ut inquit Plinius , quos manus Regum colebant , *gaudente terra vomere laureato , & triumphali Aratore* , copiosis foetibus foecundum , conditis à Divini artificis manu , non ideo minori pretio habenda , quia materiales animas effinxit , dum sua virtute è vili massa venustatis prodigia produxit . Eadem , inquit S. Ambrosius cap. 2. in Genes. sicut non *laborat in maximis* , ingentes quercus , & Cete grandia componens , ita non *fastidit in minimis* , reddens prodigiosum naturæ portentum vilem vermiculum , aut luteam cochleam , & sacri Vatis effatum comprobans , dum *fecit mirabilia magna SOLUS* . Ps. 71. 18.

Et quidem , ut verum fateamur , nonnè hujusmodi rerum opificium adeò mirabile est , ut cujuscumque mentis studium explere possit , indeque pateat , quod S. Augustinus pronuncia- vit , de Civit. Dei lib. 11. c. 21. Deum videlicet ,

*ita artificem esse magnum in magnis , ut minor non sit in parvis* , quare cum Pilida de Opific. Mundi , attonitus hæreat .

*Mirando , come la Divina forza  
Non si ristette , finche non aggiunse  
Lavor immenso alle sue piccol' opre .*

Si testam observas , deprimunt nè Dignitatem Artificis circumvolutiones illæ , admirabili quodam artificio procedentes ? damnant fortasse orbes , quibus servata proportione finiuntur ? Imò potius celebrant , cum è lapidea materia compactæ ceræ mollitiem ostendunt in multiplici varietate formarum , tot colorum , tot incisio- num , tot anfraetuum dispositione perornata . Si verò cum insentatis rebus , licet præclaris , de nobilitate contenderent , litem definirer S. Augustinus , qui muscam , eò quòd sit anima prædita , antecellere Soli , Planetarum principi , definivit . Qui eas tanquam luteas animas , adeò- que viles affirmat , palinodiam cantabit profecto cum Juristis , qui è pulchritudine corporum venustatem arguunt animarum , quibus à Natura conveniens domus fabricatur .

Hæc indicasse sit satis ad defensionem illo- rum , qui cochlearum productionem perscrutantes , immediatam causam earum affirmant Deum , semper majori æstimatione habendum cum Giliberto Abbate , 3. in Cant. qui copiosas variasque rerum species ab eo conditas mente pervolvens , illi dicebat : *Ubique totuses , ex toto te ubique operaris , & virtus tua ubique , & tota operatur , licet non tota ubique expendatur .* Semper in novas productiones intenta , & toti terrarum Orbi potentia suæ thesauros imper- tiens , ut cecinit Propheta , prævidens longævam assiduamque seriem productionum : *Gene- ratio , & Generatio laudabit opera tua , & Potentiam tuam pronuntiabunt* , Ps. 144.

## C A P U T VI.

*Quæritur an Cochleæ Propa-  
gatione Specierum gene-  
rentur , aut potius  
Sponte ex se  
nascantur .*

**P**ropagationem specierum in Testaceis negavit Aristoteles , eaque , sicuti Insecta , è massis putrefactis spontè nasci affirmavit . Antequam ad Quæstionis examen deveniamus , indicandæ sunt diversæ generationes , quibus Vi- ventia producuntur . Triplici igitur modo , do- cente Philosopho , quorumcumque Animalium

partus vitam fortiuntur, sive propria virtute, sive ab altero communicata concipiantur à parentibus. Multa enim generant filios perfectos, qui perfecta similitudine causæ productivæ assimilantur, cujusmodi sunt Homo, Leo, Equus; Multa verò pariunt ovum, quod animal dici non potest, licet contineat partem aliquam, ex qua Animal formatur, & partem aliam, ex qua nutritur, antequam in lucem prodeat, & hac ratione Aves aliæque Viventia, tum Terrestria, tum Marina generantur. Alia deinde vermem producunt, qui licet dissimilis generanti paulatim ejus speciem induit, & hoc pacto multa insecta efformantur.

Præter generationes hujusmodi, quibus species Animalium propagantur, aliam notat Arveus, Exerc. 45. vocatque Metamorphosin quamdam, sive subitam transformationem, quæ tunc accidit, cum è materia disposita nascens Animal è nulla causa univoca, suæ speciei propagativa, procedit, citatque Aristotelem, Metaph. lib. 7. qui de hujusmodi Viventibus sermonem habens: *Quorum scilicet*, inquit, *materia potest à se ipsa moveri eo motu, quo semen movet in generatione aliorum Animalium*, qui motus dicitur spontaneus, & casualis, eo ferè modo, quo aliqua ab Arte fabricantur, velut opus Architecturæ, nec aliter possunt esse; aliqua verò, & ab arte, & à spontaneo motu possunt obtineri, ut sanitas. Horum autem origo solet esse putredo, lutum, excrementum, sive alia, in quibus insit Virtus efformatrix, & productiva, quæ juxta Aristotelis sententiam est calor quidam Vitalis, juxta Fernelium calor cœlestis, & primigenius toto elementari Orbe diffusus, secundum alios verò sunt qualitates diversæ, quorum non licet indaginem instituire, sed solum Cochlearum originem invenire.

Quicumque rerum generationem fieri propagatione specierum affirmat, etiam sub frigidis aquarum undis eum ignem excitari putat; quo vivifica quadam Virtute, ut docebat Parmenides, omnia producuntur. Qua de re Lucretius, lib. 1. alloquens Deam illam, cujus nomine Veteres cum Platone significari voluerunt Providentiam, quæ Animalium generationibus præest,

— *Ita capta lepore, (inquit)*

*Illecebrisque tuis omnis Natura Animantum  
Te sequitur, cupidè quò quamque inducere  
pergis.*

*Denique per maria, ac montes, fluviosque  
rapaces*

*Frondiserasque Domos Avium, camposque  
virentes*

*Omnibus incutiens blandum per pectora Amorè  
Efficis, ut cupidè generatim sæcla propagent.*

Nasci verò ex Cochleis ova docuit in suo Pro dromo Illustrissimus Præsul Steno, de solido i. solidum pag. 55. ubi habet: *Experientia constat, Ostrea, & alia Testacea ex ovis non ex putredine nasci*. Hæc autem sententia directè Aristoteli opponitur, lib. 5. hist. Anim. c. 15. qui postquam multos Piscatores ingentibus Alexandri Macedonis expensis defatigasset, ut sub mari Naturæ Arcana pernosceret, constanter affirmavit: *Universim omnia Testacea spontè natura in limo diversa pro differentia limi oriri, nam in canoso Ostrea, in arenoso concha*. Quamobrem cupidus ab experientia ipsa veritatem addiscendi, antequam obtinere illam possem, recentioris cujusdam Tractatum de Cochleis Londini impressum legi, in quo asserit Cochleas non solum, ut pisces ex ovis, sed virtute ab alio accepta generari, sic habens Martinus Liffer de Cochl. pag. 107. *Cochleas autem in coitu generari nihil dubii est, quod ipsum in multis earum speciebus tum terrestribus, tum fluvialibus sæpius observavimus; & postquam multa experimenta in Terrestribus Limacibus facta retulerit, quæ curiosus Lector ibi inveniet, ita loquitur de Aquatilibus, pag. 179. Mense Majo Ostrea fœturam ejiciunt. Figura lenticulari est, & ipsæ lenticulis paulo major. Saxiis verò veteribusque Ostrearum testis rebusque similibus per maris fundum dispersis adhæret. Non sine ratione conjiciunt recenter edita ova intra viginti quatuor horas testis contegi. Mense Majo Piscatores captis Ostreis fœturam à re, cui adhæret, leniter cultello separant, ea mari rursus commissa, ut loci fœcunditas imposterum præservetur, nisi ubi adeò recenter edita sit proles, ut tuto dividi non possit. Post Mensem verò Majum auferre furtum est, nec nisi Ostrea, quæ justæ magnitudinis sunt, impunè capere licet. Hanc verò prolem, aliæque Ostrea ad quosdam maris sinus devehunt, ubi ea alveis quibusdam maritimis demittunt, quos lectos, sive strata vocant, ibi adolescunt. & pinguescunt.*

Alii, qui in eadem sententia conveniunt, eam historia quadam Eliani confirmant, referentis quasdam conchas sub mari Rubro vivere, quarum una ita arctè alteri adnectitur, ut dentes ambarum perfectè simul uniantur, adeòque manifestè comprobatur (ajunt ipsi) verum esse, quidquid in sua Mytologia dixit Fulgentius, quòd nempe Concha marina toto corpore simul aperto miscetur in coitum.

Hæ sunt bases, supra quas talem sententiam stabiliunt, quæ cum mihi semper visæ sint parum firmæ illi assentiri haud potui. E ne longè aberremus à mari, in cujus litore disputationem instituimus, omittamus ea, quæ de Terrestribus Cochleis narrantur (ab aliquibus enim

ca producantur, & simul nascuntur spontè, sicuti mures, & herbæ quamplurimæ) deducen-  
 fortasse idcirco erit ex peculiari, vel unica  
 observatione universalis illatio? Fallacissimum  
 methodò argumentandi genus, cum potius è  
 quamplurimis eruendam illam esse, quisquis  
 dialectica vel leviter imbutus, pro comperto  
 habet, quando philosophari aliter non possu-  
 mus, ut veritatem, in aliquo rerum abditam  
 genere absconditam inspiciamus.

Quamobrem multiplicem eorum generatio-  
 nem hic enarrabimus; sed primùm sciendum  
 est, quod in multis post exactissimam anatomen  
 observavit Aristoteles, rudem nempe partium  
 molem inesse Cochleis marinis, sine sexus di-  
 versitate, sine membris ad propagationem aptis,  
 ut suo loco clariùs patebit, ex quibus arguit  
 nullatenus a Cochleis progigni alias posse, ut  
 ab Animalibus perfectis; cum certissimum sit a  
 Natura data esse omnibus instrumenta ad finem  
 obtinendum apta. Quod si Æliani veram opi-  
 nemur historiam, eam arbitror convenire qui-  
 busdam Conchis, quæ binas valvas ita artè  
 simul connectunt, ut non duæ inter se conjun-  
 ctæ appareant, sed una quodammodo nulla di-  
 visione circumscripta videatur. Non igitur ex  
 diversi sexus commistione generare possunt Te-  
 stacea, nec etiam possunt fœcunditatem ovo-  
 rum habere. Habentur quidem ova præcipuè à  
 Turbinatis tempore Veris, & Autumni, ut ob-  
 servat Aristoteles, lib. 3. de gener. c. 1. num. 24.  
 at quia non aliquo determinato, sed totius anni  
 tempore in ipsis insunt, definiit vulgò dici  
 ova per quandam nominis analogiam, & ab eis  
 tanquam ab adipe nutrimentum Animalis, non  
 fœcunditatem indicari. Præterea si materia,  
 ex qua generantur Ova, est Sanguis, ut ipse  
 Philosophus docet, affirmandum necessariò est,  
*nullum Animal ex angue*, ideòque nullum testa  
 circumtectum, *esse oviparum*, Hist. animal. 6.  
 cap. 2. & licet ova produceret, illa esse ad ge-  
 nerationem inepta, quæ sine generis commi-  
 stione pariuntur, etiam mulierculæ sciunt.

Tali base in hac quæstione fundata, diversa-  
 rum specierum generationes, & partus si inspi-  
 ciamus, omnes uno eodemque modo fieri vide-  
 bimus. Apud Aldrovandum legimus lib. de  
 Testac. incolas Pirræ Insulæ in Lesbio nunquam  
 invenisse Ostreas numero auctas, licet semper  
 mole majores in eo maris sinu, ad quem sole-  
 bant trasferre, ut pinguius nutrentur, quod  
 idem de multis lacubus affirmat Aristoteles l. 4.  
 de gen. Anim. In Piscinis novis aqua maris re-  
 pletis Testacea multa spontè exorta fuisse nar-  
 rat Kircherus in Mundo subter. Apud Tarenti-  
 num litus ubi Mare parvum dicitur, generan-  
 tur Conchæ illæ, quas Incolæ dicunt *Cozze Mi-*

tulos Latini, nec alibi, quàm in Palis, & stipi-  
 tibus, qui humi figuntur eo modo quo Venetiis  
 ponuntur ad fundamenta Domorum stabilien-  
 da, eisque naviculas onerant, deindè transfe-  
 runt ad alium Maris sinum, ubi nunquam gene-  
 rantur, sed solum molem augent, aptioresque  
 redduntur ad mensas. Progenitam esse magnam  
 Ostrearum copiam in cænohis Pelagi locis, ubi  
 exhausta aqua, temperies fuit in luto apto, ad  
 earum generationem didicit ab experientia Ari-  
 stoteles lib. 3. de Gen. Animal. cap. 11. & ego  
 ipse ab eadem edoctus vidi Conchulas Co-  
 chleasque inter saxorum abditissimas rimas, &  
 cavernulas delitescentes, quæ de profundo Ma-  
 ri eruta in frustra dirupi, præcipuè Mitulos  
 superficie illa lutea pendentes beneficio tenuissi-  
 mi filii tanquam fructus ex arbore. Insuper Mi-  
 croscopico instrumento sum sæpe diligenter  
 usus, ut in arena Testaceorum ova distinguerem,  
 nil tamen aliud, nisi testas inveni, & adeò par-  
 vulas, ut inermem oculum penitus diffugerent,  
 omnibus licet partibus Cochleæ absolutæ, or-  
 bibusque eleganti ordine circumductis, non  
 ab simili modo, quo etiam majores, & maximæ  
 circumplicantur. Quæ perfectio fortassè nulli  
 Naturæ opificio convenit, cum gradatim semper  
 suis in operibus ad perfectiora procedat. Nar-  
 rat insuper in Relatione Congi Philippus Piga-  
 fetta Turbinatas testas generari supra Balena-  
 rum cadavera, quæ in littora affricana marini  
 æstus trasferunt post trunculentam pugnam,  
 qua sæpè invicem congregiuntur. Aldrovando  
 teste lib. 5. de Testac. *navigiis, putrescente fece  
 spumosa, adnascuntur*, sicut apud Rodiorum  
 Urbem supra luteas testas in loco, olim Co-  
 chleis penitus carente, *obducto cæno Ostrea re-  
 periebantur*. Hoc etiam pacto e truncis putre-  
 scentibus nascuntur Conchæ illæ, Anatifera di-  
 ctæ, de quibus suo loco agemus, sicut etiam de  
 Dactylis, & Balanis intra viscera saxorum deli-  
 tescentibus. Apud Insulam Loandam *Ambia-  
 zamatare* vocatam, hoc est Piscem lapideum,  
 magna Ostrearum copia generatur supra corti-  
 ces arborum, quæ sub marinis undis virescunt.

Ex hac igitur aliarumque similium genera-  
 tionum inductione, quæ adduci huc possent,  
 Conclusio Oppiani Aristotelicæ consentanea  
 deducenda videtur, hoc est.

*Quæ non concumbunt, nec fœtus nexibus edunt  
 Per se nascuntur, fœdo, velut Ostrea cæno:*

*Est non distincto semper levis Ostrea sexus:*

*Hos inter pisces, nec mas, nec fœmina nota est.*

Possent quidem dici fœcundæ Cochleæ, ut  
 Plantæ, quibus earum multæ assimilantur, id-  
 circo Plantanimalia dictæ a Philosopho; & si  
 Virtutem propagativam, ut Plantæ, non habeant  
 fructu, in quo semen ad speciei propagationem

fervatur, habere eam tamen possunt in corpore diffusam, ut ex Plantis multæ eam habent in radicibus, & trunco. Anguilla, cui sexus discrimen, ova, & semen Natura negavit, *atterit tamen sese scopulis*, inquit Gassendus de hist. Animal. cap. 1. cum Plinio, *eaque strigmenta viviscunt, nec alia est earum procreatio*. Huic sententiæ favet fœcunditas Purpurarum, quam cum Aristotele multi supponunt ex eo, quia tempore veris ex testis quidam humor mucosus effluit, ex quo deindè primùm condensato, & quasi putamina Cicerum referente, postea putrefacto, humoque diffuso aliæ purpuræ generantur, Fœcundæ tamen analogicè dicuntur Purpuræ, sicuti fœcundos fungos dicimus (si tamen verum est illos nasci in locis madefactis aqua, in qua decocti sint fungi) ex humore aliquo illorum, ut apud Cubaguam Insulam certis anni diebus Ostreæ humorem quasi menstruum emittunt, quo aqua efficitur rubra (Olaus magn. lib. 3.) Putamina enim illa dici non possunt ova, quæ ut talia sint, debet Animal intra ipsa generari, meo quidem iudicio massam illam concreti humoris, non a Purpuris progenitam duxi, cum e mari Purpurarum fœcundo acceptam diligentè indagine pervolvi, sed potius Alcionium Dioscoridis, quod Imperatus lib. 9. cap. 5. inter Alcionia Secundum appellat. Ranæ, ut Plinius affirmat, *resolvuntur in limum nullo cernente, & rursus vernis aquis renascuntur*; quamobrem, inquit Gassendus Testacea, & Zoophita renascuntur in locis, ubi alia primùm vixerint, quia humi aliquæ particulæ primigeniæ eorundem insint, aut quia in cineribus putrefacti cadaveris inest aliqua dispositio, licet occulta, ad novam perpetuamque individuorum similium generationem. Hinc probabile redditur quod retulit Joannes Fabri Pallad. Sparg. cap. 2. generationem videlicet spontaneam è virtute, toto in corpore diffusa, a se observatam fuisse etiam in rebus, quæ virtutem propagativam speciei habent, tunc quando ex eis beneficio artis spargicæ sal separatus, humoque sparsus, ut vegetabilium semen, caloris, & humiditatis Elementorum auxilio, aliud corpus primævo simile portentoso naturæ arcano germinavit: *Id experientia tentare poterit Zoilus qui vis (sunt verba Fabri) si ex calcinato aliquo mixto vegetantem salem extrabat purum putum, ab omni terrea fœculentia defœcatum, lotionibus, filtrationibus, & evaporationibus idoneis, donec in igne levissimo velut cera liquescat*. Hoc pacto cujuscunque Plantæ sal separatus: *Terræ mandatur sub dio, aliorum seminum instar. Tum aliorum seminum instar, statim convocato spiritu Mundi in aere residente, & terra, & aquis ad generationem rerum omnium, statim putrescit,*

*& germinat, simileque mixtum gerit, neque in terra mandatus extractus est. Mirum certè, & quasi incredibile, sed quod vidimus, & fecimus facile testari possumus. Quod & ultra rationem summa pervestigavimus, eique tandem experientia ipsa consonum reperimus. Hinc in phialis treis possunt flores, possunt plantæ plantari, & nutriri, crescere, & germinare.*




Si vera sint hæc, ut Fabri affirmat, quis credere recusabit, quod Petrus Gilius refert. Bizantinos videlicet Ostrea serere, quæ Vormiu refert dici ab Italis *Gavatoni*, & eorum quasi la in testis seminare, id ipsum enim in aquam injectum ad saxa ima adhærescere, & Ostrea fieri.

Alii verò cum Arveo judicant spontaneos partus in lucem prodire, non quia hæc virtus causæ Univocæ præexistat, verùm quia in terra marique insit, nescio quod semen, quod ipsi vocant genericum, quia ad generationes aptissimum. Hoc docuit Fabri, & Kircherus noster Dial. 2. c. 5. itiner. æstat. *Fiunt Cochleæ (inquiunt Ambo) ex semine generali viscoso, & tenaci ipsius aquæ, vivunt ex eodem*, quod a Deo Terræ Marique datum est cum imperavit Genes. 1. Phis. tom. 3. de gen. Anim. *ut Terra produceret animam viventem in genere suo, Jumenta, & Aquæ producerent reptile animæ viventis, & volatile super terram*. Aut quia Deus infuderit proprium semen cujuscunque rei, ut opinatur Gassendus, & manu adè liberali, ut nunquam spontanearum generationum series in Orbe terrarum deficeret. Hinc Veteres miram fœcunditatem maris agnoscentes, Deoque soli convenire putantes, illud Neptunum dixere, nempe Deorum Parentem, cujus manum loco sceptri tridenti hasta exornarunt, ut ipsa dominium aquarum in triplici Regno, Animalium nempe, Vegetabilium, & Mineralium corporum indicaretur. Nos qui verum, & unicum Deum adoramus, & credimus, virtutem hanc ab eo donatam dicemus, & ne pulchra hæc productio series deficeret.

*Continuò has leges æternaque fœdera certis Imposuit Natura locis.*

Quo autem pacto ad finem statutum perveniant, atque in iis animal in lucem prodeat, altioris indaginis res est, & admiratione potius, quàm examine mentis humanæ digna, sicut si quis in silvis enutritus Artiumque mechanicarum penitus rudis, horologium rotatum inspiceret, mirari quidem posset motus, & partes a quibus tale opus componitur, nunquam verò cognoscere quo factum fuerit artificio. Verum hæc omnia, quæ in hoc Capite dicta sunt libello alio contra oppugnantes exarato, enucleatius discussa sunt.







C A P U T VII.

*Exponitur Generatio Balanorum eaque confirmatur Caput præcedens.*

**I**Nter multas Bivalvium species una est, quæ Balani nomine appellatur, qua voce quid glandium nomine a nobis intelligitur, Græci significant. Hinc multæ Balanorum species, ut suo loco videbitur. In præsentia haud intelligendi sunt ii, quos Petrus Gilius *leves*, dixit, & *in cavernis saxorum stabulari*, quoniam hæc etiam conveniunt Dactilis Bivalvibus propter similitudinem, quam habent cum Palmæ fructibus sic appellatis, sed de iis, quos in nostro Catalogo num. 25. & 26. Classis secundæ indicabimus.

De eisdem loquens Aldrovandus lib. 3. de Testac. dixit: *In littore Anconitano saxa magni ponderis quinquaginta, & plurium librarum è mari trabuntur. His color, & constitutio exterior ea est, quæ lapidi Aetiti: rudis nimirum, & non difficilius lesu, aut tritu: interior verò crusta, aut tunica dura est, & quæ poliri possit, haud seecus, atque interior Aetitiæ tunica, colore etiam subæruleo. Rumpuntur hæc saxa majoribus malleis ferreis, non quò intus, ut in Aquila lapide alius calculus invenitur, sed quo pisciculi delicatissimi extrahantur ejusdem generis cum solenibus, quas Coppas longas Veneti appellant: sed eò delicatiores, quòd non aqua marina, sed rore quodam tenuissimo per lapidem imbibito pascantur. Hi plures numero saxo includuntur, ut singulis suis sit nidus ad magnitudinem, & figuram piscis omnibus lineamentis respondens. In his igitur validissimis saxis, in quibus aqua nulla, nullus liquor invenitur, præter eum, quem Piscis continet, non figura modo Dactili, sive solenis, sed vita etiam, & omnis pisciculi laus perficitur, & absolvitur, melior, ut multo sit, quàm si in ipso mari extra lapidem natus fuisset.*

Cum ergo his ultimis verbis doceat Aldrovandus Balanum in lapidum visceribus nasci: libet exactissimum examen instituere, ut vera patet ejus origo, qua quidquid in præcedenti Capite diximus magis roborabitur. Pono igitur sub oculis saxum, quod in partes dissectum veritatem ostendat. In quarta figura representatur Testa cum animali, in secunda cavernula saxi, in quo vivit, quæ æquè dilatatur, ac ipsum Animal molem suam auget, & pro comperto factis haberetur in saxo ipso Balanos generari, si aliquis eorum lapideis visceribus circumdatus

omnino delitesceret, sicuti in Quercuum Gallis muscæ, vermes, & formicæveniuntur, ubi nullum apparet foramen, rimula nulla, per quam ingredi certè potuissent alibi generata. Verùm quia ex omnium cavernis, ut in figura apparet, extenditur ad superficiem usque Canaliculus quidam, idcirco ignotum est an generatio eorum intra lapidem fiat. Observando omnium domos, ita dispositas, ut è superficie lapidis centrum versus, licet non per viam rigorosè rectam, augeantur, & nunquam è centro ad superficiem, hoc credere recusabam, suadens mihi extra saxum primùm generari, ut aliqui turbines viventes in spugnis primùm alibi nati, vel uti vermes oriuntur in superficie lignorum pomorumque, deindè partes intimas corrodendo penetrant, ibique semper aluntur. Suspicabar idcirco oriri posse in canaliculis quibusdam turbinatis, & minutissimis, quos oculus microscopii ope deprehendit in saxis, quique sub vitro apparebant, quales num. 3. exprimuntur.

Nec obstabat, ut hoc crederem, saxi durities, quoniam in alio saxo, è fundo maris accepto, & in partes conciso, innumeros vidi canaliculos non quidem rectos, sed sine ulla regula inflexo tramite procedentes, ut notantur in Tab. hic posita n. 1. In singulis eorum vermibus valdè vividus latebat n. 2. expressus, & n. 3. mole major, ut apparuit sub Microscopio, & quia illum observabam non solùm canaliculo absconditum, sed aliqua sui corporis parte in luto, quo cavernulæ saxi replebantur stabulantem, incessit mihi sciendi cupido, qua vi penetrare facilè posset durissima lapidum viscera, e quibus calybis ictibus scintillæ ignis excutiebantur. Diligenti idcirco studio perquirens, animadverti ex parte, qua saxum penetrabat, binos dentes evaginari, & quidem acutissimos similes illis, quibus Vipera truculenter feriunt, colore nigros, & adeo duros, ut ferri incisioni tanquam ossa resisterent. In figura 4. videntur quales Microscopium repræsentabat, ut falces curvati, & dentati, ut ferra in parte, quæ è gingivis prominere, idest supra lineam I E. Componitur autem binis his dentibus instrumentum quoddam ex utraque parte acutum, quo saxi particulæ paulatim radantur, & durissima quæque facilè terebrentur.

Hinc igitur prudenter credendum existima-  
bam, inde Ortum ducere Balanos, eò magis suavis, quò magis credendi fundamentum, & ratio ex his, quæ subjiciam, augebatur. Præter supradictos vermes alios observavi, & quidem mirabili artificio in saxis inclusos. Inspice sub littera N. num. 5. & num. 6. litt. A C D. eos videbis ita inflexos, ut fig. A C D. formatur, in qua canales extensi semper paralleli, hoc est

æqualiter inter se distantes procedunt, usque ad superficiem, ubi foramina ostenduntur in A. lapideo tenuique septo divisa. Ubique digita-lem crassitiem non excedunt in longitudine, & vermes inclusi acum subtilem, imò setam equinam in crassitie referunt, omnino similes iis, quos in turbinatis canaliculis supra observavimus. Cū autem Balanum perfectè formatum nunquā invenire potuerim spatio canaliculi inflexi minorem, sicuti nec vermem, qui parvulos Balanos magnitudine superaret, probabile videbatur vermes illos saxū pervadentes a Natura perfici posse, & in Balanos commutari, quorum domus remoto septo in canalibus perfectè repræsentatur, ut consideranti patebit. Nec novum in Natura profectò est, quod pluries Aristoteles observavit: videlicet sub pluribus formis posse idem Animal quasi personatum vivere. Credendum est enim non mutata substantia à Verme Aureliam, & ex ipsa Papilionem, vel Muscam emanare, nisi suadere nobis velimus Animam pueri aliam esse in Juvene aliam in sene, quod à veritate longissimè aberrat.

Verùm quia universalem Conclusionem ex præmissis non evidentibus inferre fallacissimum est, diligentiori indagine hæc perquirenda duxi. Quidquid igitur hætenus expositum est, cum D. Camillo Pichio nobile Anconitano, Viro æquè humanitate prædito, ac solerti in rebus naturalibus accuratè perscrutandis, communicavi, ut in Anconitano litore Balanorum fertilissimo, diligenti observatione ad conclusionem stabiliendam hæc tria perquireret. Primum: An in lapide Balanorum vermes invenirentur, quorum canaliculi ita è superficie extenderentur, ut sine curvatura aliquo in loco desinerent sicuti num. 5. litt. M. & litt. N. delineavi. Deinde an Vermes viverent etiam in faxis, in quibus Balani nunquam generantur. Demum an lapides aliqui vermibus illis omnino carerent, licet Balanis pleni. Humanissime ille postquam diligenter perscrutatus fuit, vicesima tertia Januarii hujus anni hanc epistolam dedit.

*Se la Natura avesse in me sollevato il talento conforme il desiderio, potrei hora sodisfare con uno spiritoso discorso alle sue nobili istanze, ma non posso formare ne pure un ordinario racconto, che servir possa di luce frà le anguste caverne d'un traforato sasso di Ballani. Nulladimeno per dire conforme a' dettami della mia ignoranza, approvando la sua consideratione, dirò, che frà tanti vermi, che si fabricano la casa nel sasso, non se ne trovi pur uno, che non l'abbia perfettionata. E ciò è verissimo, mentre non viddi mai anche col Microscopio una casa, ò canaletto, che non giungesse in giro con due buchi nella superficie del sasso.*

*Che detti vermi sieno il principio del Ballano l'esperienza non me l'insegna, perche in altri sassi, che pur esaminai, non vi trovai ne meno il segno d'un di quei Vermi, benchè de' Ballani ve ne fosser di molti, e grandi, e piccioli. Hò fatto anche diligenza se in altri sassi differenti da quelli, ove sono i Ballani, sieno l'istessi vermi, e gli hò trovati. Si come hò veduto ancora molti sassi de' Ballani privi di quei Vermi chiusi, e raggirati nel guscio, che sogliono anche trovarsi sopra le scorze d'ogni sorte di Conchiglie, e in mille altre cose del Mare, che perciò non sò immaginarmi; perche non si debba concedere la creatione de' Ballani ne' sassi, siccome non si nega quella de' Tarli dentro i Legni, e nelle Pietre. Hætenus Vir ille præclarus non minori studio, quàm efficacia Balanos in faxis generari mihi suavit. Imò evidentè comprobatur apparuit cum Balanos, vix natos, & orizæ magnitudinem non excedentes, ita absconditos in faxis vidi, ut licet omnes cum superficie communicarent, parvulo foramine in ea apparente, cavernæ tamen, ubi clauderentur semper spatio majores erant, qua centrum lapidis respiciebant; Quamobrem æquè impossibilis exitus, ac ingressus animalis inclusi deprehendebatur, quod tutò negat recens Auctor pag. 80. in epistola, quam edidit circa Corpora in lapides conversa, fatis elegantibus, & eruditis.*

Difficile verò, est invenire, an Virtus foëtifica, quæcunque illa sit, aquis potius mista, quàm saxo inclusa reperiat. Saxo illam inesse suadent Gallæ, Glandes, & Omphacitides multæ, quæ à quercibus aliisque arboribus glandiferis producuntur. Nam cum Gallis, quas Coronatas vocant, crescit quasi ovum in earum centro clausum, & in ipso Vermis, qui in muscas mutatus ovum perforat, gallam rodit, evolatque è carcere, ubi vitam obtinuit. Hanc autem generationem arbitratur D. Redi Vir celeberrimus, pag. 240. in arboribus non casu fieri (verbis ipsis utor latinè editis Amstelodami anno 1671.) neque à supervenientium Muscarum gravidarum semine ortum trahere! idque tanto magis, quòd nulla galluzzularum est, quæ vermem suum non habeat, & quævis Galluzzularum species proprias suas, & determinatas vermium muscarum, & culicum species producit nunquam variante Natura. Neque Generatio orta est ex semine à muscis ibi deposito, quoniam ex diligenti accuratissimi ejusdem Viri observatione, ut ipsemet ait, pag. 238. animadvertendum est, quòd Galluzzula omnes semper, & constantissimè in certa quadam, & determinata parte rami novelli nascantur: & quod Galluzzula minores, quæ à foliis quercus, asculi, aut cerri procedunt, ibidem sub fibris, & nervis eorum-

corundem constantiffimè nafcantur , & nullam unquam galluzzulam vifam effe , qua in plano folii inter duos nervos nafcarentur , fed omnes infallibiliter procedere ab illa parte folii , qua terram respicit , nullam à glabra , qua Cælo obvertitur : cum è contrario , omnes illa , qua in foliis fagi , & arboribus quibusdam non glandiferis morantur , in parte foliorum glabra nafcantur . Qua de re fupponendum eft principium aliquod foetiferum , à quo Vermes , Mufcæ , & Balani producuntur .

Nullus autem mihi fuadebit ( quod ille fortasfè credit ) Plantas nempe non folùm vegetandi virtute , fed etiam sentiendi præditas effe , qua animalia fenfitiva in ipsis generata producere valeant . Scio à Pittagora , & ab Empedocle hoc fibi perfuafum . Verùm illud afferere potius eft in fcena oftendere , aut florida fabularum Vireta , aut quæ in horrida filva infignis Etruriæ Poeta Berni , finxit dicens .

*Allor porfi la mano un poco avante ,  
E colfi un ramufcel da un gran pruno ;  
E 'l tronco fuo gridò , perche mi fcbiante ?  
Da che fatto fu poi di fanguè bruno ,  
Ricominò à gridar , perche mi fcerpi ?  
Non hai tu fpirto di pietate alcuno ?  
Huomini fummo , ed hor fem fatti fterpi ,  
Ben dovreb' effer la tua man più pia ,  
Se ftate foffimo anime di Serpi .  
Come uno ft. zzo verde , che arfo fia  
Dall' un de capi , che dall' altro geme ,  
E cigola per vento , che vâ via ;  
Così di quella fcbeggia ufciroa infieme  
Parole , e fanguè ; ond' io lafciai la cima  
Cadere , e ftetti , come l' huom , che teme .*

Poterit igitur in faxo includi Virtus generativa , ut à Quercu continetur Virtus pariendi Mufcam , aut eodem pacto , quo maffa aliqua ex luto , ovis , ac feminibus compacta virtutem haberet generandi flores , & Animalia , quæ mutuata potius , quàm propria appellanda effet . Hanc pro comperto habuerunt multi , qui in Adriatici maris litore , ingens faxum incidentes , varias , prudentesque fententias invicem contulere . Saxum enim . in quo Balanus generatur , nil aliud eft , quàm argillacea maffa , five luteum fragmentum cum fpiritibus vegetabilibus herbarum , & Animalium compositum , quod ex monte Gomero , vulgò dicto *Monte di Ancona* , in mare fubjectum prolabitur . Ita in argillis valdè duris vermes nafcuntur , & vivunt . Alii autem virtutem hanc prolificam non faxo tribuunt , fed aquæ , quæ faxum valdè porofum imbuens , fecum transfert fpiritus Animalis vegetabiles , qui antea lato in mari vagabantur . Meo quidem iudicio veritati magis confonum effe duco , Virtutem hanc , nec ab

aqua pura , neque à faxo fole contineri . Non quidem à pura aqua , quoniam non repugnat Balanos in diverfis lapidibus gigni , cum ubique terrarum non defint pumicea faxa , in quorum poris , & cavernulis poffit humor ille recipi , coagulari , & in Balanum perfici , & tamen in Anconitano tantùm , ac Tulonenfi litore , ut Gaffendus refert , *Phyfic. feft. 3. de var. Anim. producuntur* . Non autem à fole faxo , quod licet aqua dulci , roreque imbutum , nunquam Balanos gignit , nifi cum in mare demergitur .

Dicendum igitur eft , Balanum toties generari , quoties cum particulis terræ primigeniis , aptisque ad illius formationem , aliæ difpofitiones , & Concaufæ mifcentur , humiditas videlicet fufficiens , fpiritus falſi , & prolifici ipſius maris , qui arcano Naturæ puerperio foventur , ufque dum Vitam fortiantur . Hac ratione pariter alia Teſtacea producuntur in faxis diverſis , præcipuè in Tarentino litore ea , quæ cum ob ſaporem ſint omnium præſtantiffima , Dactylorum nomine ſignificantur . Ego ipſe in multis multa inveni , fed omnia Bivalvia , ac teſta fragili teſta . Quamobrem ſatis comprobatum agnovi Naturam prudentiffimè ſemper operari , cum levi tantùm armatura circumtegere ſuos partus voluerit , quos jam lapideo munimento contra invaſiones protexerat . Inſuper ex eifdem novum argumentum ſumpſi , ut crederem ſingulis lapidibus peculiarem virtutem inefſe , à nullo quidem animali communicatam , ut in iis invariata ſemper generationum ferie , Viventia omninò ſimilia producerentur .

Irridebit fortasſe mihi hæc afferenti D. Redi , qui in obſervationibus Inſectorum pag. 391. conſtanter affirmat : nullam accidere generationem ſpontaneam , fed omnes , quæ videntur in corporibus anima deſtitutis , *accidere* , ait ipſe , *ita tamen , ut muſca ordinaria , & culices , ſemen antea ſuum eò deportarint , quo deſiciente , ut alias dixi , neque ex herbis , neque ex carnibus putrefactis , vel qualicunque alia re , actu non vivente , quidquam nafcetur* . At quo nam pacto experimentum à me pluries factum oppugnaret , neſcio . Illud ſubjiciam . Flores hyacinthinos aliquantum maceratos , & contuſos in vitreo vaſe claſo detinui , ut aliquam ſpontaneam generationem obtinerem : aliquarum hebdomadarum ſpatio eam ſum aſſequutus ; nam innumeros vermiculos in putrida foetidaque illa maffa pellucidos inveni , qui per vitrum huc illuc diſcurrebant , quò magis à fundi humiditate diſtantes , eò vividiores . Duorum ferè dierum ſpatio vitam duxerunt , deinde in Aureliam transformatis , ex illa Papiliunculus colore cinereus , quatuor alis , & ſenis pedibus inſtructus evaſit ,

Posito igitur, quod à nullo animali depositum fuerit semen in vase vitreo, ubi flores prostriti subsidebant, dicit fortasse aliquis supra virentes flores fuisse à muscis relictum, at si hoc dicat, illum interrogo, quare à quolibet flore imò à quavis re putrescente semper vermes ejusdem speciei, & non diversi producantur, cum æquè bene omnium vermium semina potuerint a muscis ubique relinqui?

Ex his certis fidelibusque experimentis satis comprobata videtur Balanorum generatio, in saxi humore falso imbutis facta, & comprobatur quidquid de Cochlearum formatione dictum fuit capite præcedenti, & dicendum erit de Testaceis calycibus Animali privatis, qui in arida terra inveniuntur.

Videndum in præsentia est mirandum Naturæ artificium, quo Balanus saxea viscera permeat, æquè crescente caverna, in qua latitat, dum ipsius moles nutritione augetur. Certissimum primò est Balanum A. B. formari semper propè saxi superficiem, ut videtur num. 6. lit. X. deinde longitudine, & latitudine crescente, centrum lapidis Z. num. 2. petere, a superficie X. recedentem, ubi est foramen, per quod aqua maris liberè fluitat. Quod non cognoverat Aldrovandus cum dixit: *gratissimos esse palato Balanos, quia non aqua marina, sed rore quodam tenuissimo per lapidem imbibito pascantur.* Præterea ergo erravit à veritate, affirmans singulorum nidum esse, *ad magnitudinem, & figuram piscis omnibus lineamentis respondentem.* Videre enim poterat Balanum, licet in lapide inclusum, cæterorum instar piscium natate in humore a quo immediatè, & circumquaque alluitur, nec lapidi adhærere, in quo cavernula non perfectè, tanquam vagina ensi, Animalis corpori correspondeat, sed, ut num. 3. figuratur, ubi A. B. pro animali supponit. Crescit autem eadem cavernula, ut statux augentur, & fossæ, quibus per ablationem partium additur magnitudo, seu melius dicam vacuitas; quas partes Balanus ipse adimit, cum saxo hirudinis instar, adhærens parte A. valdè dura, calloque simili, & semetipsum contorquens, vi quadam à Natura ingenita, particulas minutissimas abradit laterum cortice rugoso, & aspero, augetque simul sibi molem, & domum.

Hujus artificii argumentum fuit asperitas quædam, quam in parte superiori latibuli animadverti formatam a circulis luteis, prout sub X. Z. num. 2. in fossis num. 5. qui circuli arefacti in pulverem minutissimum solvebantur, remanente superficie dura, & perfectissimè levigata, prout notatur ab X. & P. Vestiantur idcirco à Natura testa duplici valdè aspera in externa superficie, qua veluti scobina, denticulos acutos

habente, saxum erodunt, formantque domum, quam quisque, eandem testam in argilla, vel cera molli premendo, circumagendoque, obtinebit.

Crescente igitur hac ratione domo, simul etiam augetur Animal nutritum luto, quod ex pulvere saxi, & humore aqueo componitur, & in quo credendum est aliquem saporem Animal allicientem inesse, quod manifestè arguitur ex arenosis excrementis per partem B. siphoni similem, semper superficiem respicientem rejectis; materia illa hoc pacto remota, quæ Balani progressum impediret. Nec tanquam fictitiam miretur aliquis famem, qua hujusmodi cibus ab Animalibus appetatur. Epistola enim, quam D. de Viu misit ad D. Auzout, num. 32. in Eruditorum Ephemeride notata, refert ipsum vidisse saxa cujusdam muri propè Caen in Normandia, partem Mundi Australem respicientis, frequentibus foraminibus terebrata; & dum causam eorum curiosus inquireret, aliquos vermes invenisse hordei magnitudinem non excedentes. Tegebantur illi tereti testa subnigra, in una extremitate aliquantulum subtiliori apparebat meatus ad excrementa emittenda, in altera ampliori caput exerebant, in quo oculos decem valdè minutos numeravit, totidemque mandibulas, quas instar circini quatuor pedum semper agitabant; Nec illos erodere posse saxa dubitavit, licet injuriis aeris, procellisque tempestatum resistantia, cum multa eorum fragmenta in pulverem subtilissimum penitus redacta conspexit, quæ simul cum hujusmodi vermibus in pixide lignea optimè clauserat. Adèd comprobatur nullam potentiam, vim nullam in toto Terrarum orbe inveniri, quæ ab alia infringi, & omninò superari non possit, dum à parvulis tenuissimisque bestiolis, ut ille ait.

*Mors etiam saxi marmoribusque venit.*

## C A P U T VIII.

### *De materia apta ad Productionem Testaceorum.*

Sicuti spontaneæ rerum generationes sine causa univoca immediata non fiunt ad libidinem earundem, quæ velint esse quando cupido eas ad existendum alliciat, quoniam jam existerent, cum esse decernerent; Ita summus rerum omnium Opifex, qui immediatè, & solus juxta multorum sententiam, operatur, temerè suam potentiam non exercet, verum semper rectissimas, rationabilesque regulas observans, in re qualibet, licet minima, summam harmoniam reddit,

reddit, omniaque conficit, in *Pondere Numero, & Mensura*. Tunc maximè hoc patet, cum exempli gratia, ignis accensus virtute propagandi calorem sibi communicata non privatur, aut lapis in aere projectus ad terram deinde suo pondere descendit. Servat igitur in operando leges, quas sibi metipsum imposuit. Quamobrem tunc formam substantialem materiæ donat, quando dispositam ad recipiendum eam videt, jubente lege jam statuta: introducendas semper esse dispositiones ante rerum generationem, quæ tanquam pedissequæ Domum præparare tenentur, in qua Forma substantialis est permansura. Diversimodè verò talis præparatio fit, & juxta exigentiam formæ introducendæ, sicuti diversus est apparatus conveniens mulierculæ ab eo, quem Reginæ dignitas requirit.

Cum autem Natura, & ejusdem Author veluti Artifex insignis operetur; sicuti hic, non ex eodem metallo format enses, & sceptræ, coronas, & galeas, ita ille materiam ad rerum generationem eligit aptiorem, magisque dispositam, ut alicujus Viventis forma illi donetur. Indicata igitur causa, ex qua sine divinæ Dignitatis injuria possunt Cochleæ suam originem trahere, ut intimè eas perlustremus, cognoscenda materia est, in qua veluti supra fundamentum Domus, earum Generatio perficitur.

Solum humorem aqueum aliquo coagulo concretum illas esse aliquis æxistimavit, sed falso: Glacies enim, semper in aqua supernat, descendunt verò Cochlearum Testæ, quæ potius lapideæ dicendæ sunt ex humo, & aqua compactæ, cum lapidis definitione circumscribantur. Eam si ex Aristotele desumas, ubi ait, 4. Meteor. c. 9. *Lapis non flectitur, est friabilis, non recipit impressiones, non est ductilis*. Omnia hæc Cochleis convenire videbis. Verùm quia alteri etiam conveniunt, nempe Terræ, quæ pura non flectitur, in pulverem redigitur, impressiones non recipit, nec liquari ullo modo potest, & tamen lapis dicenda non est; Fallopii definitionem adduco. Observat hic Auctor oppositionem quandam in rebus. Terræ videlicet, quæ humido liquefit, non calore, opponi metallum, quod non ab humido, sed à calore liquatur; & quia corpus aliquod est, quod liquatur à calore, & ab humido, ut sal ammoniacus, sic, ait, dandum est aliquid, quod neque ab humido, neque à calido emolliatur, nempe saxum, quod idem de Testaceis est affirmandum. Si igitur cum saxo conveniunt, promiscua erit materia, dispositionesque communes, & saxi, & Cochleis, quibus solùm adveniens copiosior humor ad formationem Viventis inseruit, ut infra constabit.

Ad lapidum autem formationem docuit Ari-

stoteles necessariam esse Materiam quandam, quam vocat *lutum lentum* compositum ex tenui terra, & aqua, quæ, frigore supervenire, cogitur in duritiem; aut aliam, quæ dicitur *succus lapidescens*, vel quia calor extrinsecus expellat totum humorem, à quo lapidis concretio impediretur, vel quia in ipso insit quædam Virtus congelans, sive distincta sit, ut in seminibus arborum Virtus propagativa, sive cum ipsa materia mixta, juxta Alberti Magni doctrinam, lib. 4. de ortu, & causis subter. quam Georgius Agricola diligentissimè perscrutatur. Vel lapides inde, & Cochleæ generentur stultè opinatus est Democritus in materia tali modo præparata animam eorundem agere, quasi à calore superveniente expergefactam. Ea quidem ab agente extrinsecò perficitur, quod agens æquè bene potest esse frigus, & calor, ut docuerunt Plato, Theophrastus, & Aristoteles, sect. 14. probl. probl. 111. calor inquam, non quidem nimius, ne in pulverem redigat massam illam luteam, non modicus, quia debet humorem exsiccare (ne iterum humido liquecat) & debitè concoquendo, lapidem perficere, ut in fornacibus lateres, aliaque similia, quæ tantam induunt duritiem, ut à Chalybe percussæ ignem emittant, veluti filices. Hoc idem notavit Imperator in terra vulgò d' *Ischia*, & egomet in porcellanis Sinensibus, non sine amicorum oblectamento expertus sum, imò etiam in Cochleis Venereis, quæ ex mari Mosambiquensi acceperam. Quod si frigore ea materia indueretur, expelli debet totum humidum nè calido iterum fluat, ut metallum, saccharum candidum, & glacies, in quibus remanet humidum à frigore concretum, ideòque lapides dici non possunt.

Generatur itaque in tali materia forma substantialis lapidis, & Cochlearum, quarum testa durissima est, si materia valdè densa optimè exsiccetur, fragilissima verò, si humore careat; aut si humorem habeat, coctura non perficitur. Vocatur hæc eadem materia à Philosopho, ut diximus, Succus Lapideus, eò quòd ex humida lapideaque substantia componatur, vel quia Deus talem produxerit, vel quia in maris æstu paulatim è saxi minutissime particulæ abraduntur cum terreis exalationibus mixtæ. Talen humorem, & succum subtilissimè notat Agricola valdè differre ab aqua, quæ particulas lapideas secum detulerit, cum à calore per coctionem aptam, aut alio coagulo densitas aliqua illi sit inducenda, qua si careant argillæ, ineptæ erunt ad lapidum, & testarum productionem, & sicuti *non omnis fert omnia Tellus*, ita non in quolibet maris sinu Testaceæ producuntur.

Si autem de tali coagulo sententiam laturi essent Chimici, sal esse dicerent, quo putant condensari quicquid gignitur à Natura. Verùm quia humores singuli cum sale mixti, indurari non possunt, imò in generatione Cochlearum putandum potius est, sale separato, formari Animal testa inclusum, quod argui potest ex sapore salis, ut cum Galeno notavit Cornelius Celsus; ideò aliundè Testarum durities probabiliter derivatur. Ut tamen ipsorum genio indulgeamus, illum esse Nitrum potius existimo; humorum enim coagulatio ex eo facillè obtinetur; idcirco fortassis Ægyptus Testaceorum fertilis Regio est, quia aquis Nili nitrosis imbuta, magnam nitri copiam subministrat, ex quo vasa aliaque multa Incolæ conficiunt. Habent enim testæ virtutem restrictivam, refrigerantem, & absterivam, quæ omnia Nitro conveniunt, ideòque in pulverem redactas, docet Galenus lib. de comp. med. applicandas Cicatricibus, Ulceribus, & Ambustis. Quod si verum est, ut Plinius affirmat, nihil generari, nihil enutrirì à Nitro, dicendum probabiliter est, ex humore illo partem magis aqueam ad formationem, & alimentum Animalis separari, partem verò magis terream, & nitrosam, ut Testarum fabrica conficiatur; sicuti ossa juxta sententiam Aristotelis, de Gener. c. 4. n. 26. *ex partibus terrei alimenti habentibus admixtum humorem, generantur, cum virtute caloris interni exsiccatum humidum, & quia, quæ calore concresecunt non dissolvuntur igne, ideo nec ossa.*

Talem humorem, qui facillè in lapides cogatur non solum inesse telluri, sed præsertim aque: innumeris penè historiis, variisque experimentis comprobatur. Aqua Stygis apud Nonacriam, ait Seneca, si bibatur, ob gypsum mixtum viscera obturat, quare Poeta Ovid. Met. 15. de flumine illo dixit:

—— *Quod potum saxea reddit.*

*Viscera, quod tactis inducit marmora rebus.*  
Apud Augustam guttæ cadunt è crypta, quæ in libero aere indurantur. Propè Ambergam, Rhodum, & Tibur in aquis Albulis, paludeque Reatina saxum pariter generatur. In quodam fontè refert Strabo florum corollas statim lapideas evadere, si in ipsum mergantur, Avesque volitare amplius non posse, si alæ ejusdem aqua madefiant. In Musæo Uvormiano pag. 78. legitur Chirothecam Friderici Imperatoris una parte pelliceam, altera lapideam fuisse, hujusmodi aqua madefacta. Quod si hæc, & similia tanquam commento excogitata negentur, verissimum sine dubio est circa palos, qui ad struendas domos Venetiis in fundo maris figuntur, videri (ut Fallopius cap. 71. refert) *Strias lapidosas quæ fiunt ratione succi lapidei, & prout est*

*magis, vel minus purus, varios lapides generari.* Hac de causa in Mari coralia virescunt, quæ, si optimus sit succus, & perfectè mistus, sunt densa, si impurus, spongiosa: Componuntur etiam Alcionia; imò quovis humore, generari Nitrum, salem, & lapides, qui sub aqua concresecunt, docuit Aristoteles 4. Meteor. cap. 3.

Hujusmodi lapidifica Metamorphosis, quam multa possunt in lapides abire examinanda ulterius hic esset, sed de hoc alibi. In præsentiarum dictum sit satis de eo, in quo Testacea conveniunt: Ad videndum in quo eadem præcipuè discriminentur progrediamur.

## C A P U T IX.

*An Cochleæ, quæ in Terra inveniuntur, Lapides Terrigenæ sint, in quamdam imaginem Cochlearum figurati, an potius in Mari generatæ.*

**A**Ntequam copiosam Cochlearum varietatem perlustremus. Quæstionem, quæ multorum ingenia fatigavit huc revocandam duxi; Non utique, ut eorum sententias discutiam, cum id à multis novissimè factum esse sciam, sed ut eas coram Lectoribus sistam. Inquirunt Veteres Recentisque Philosophi: An Testacea possint in Terra generari, an potius omnia primùm in mari producta, deinde hac atque illac dispersa in arida tellure vitam amiserint. Loquimur enim hic de Testis sine Animalis sensitivo è Terra defossis, non de viventibus testa circumseptis. Quarum multa in Terra generari haud dubium est.

Nulli quidem latet innumeras ferè Cochleas, & Conchas sub terra variis in locis delitescere. Præter aliorum paginas, qui hoc affirmant, adeat Niloscopium Beccani, qui scire vult loca, & Regiones Testarum fertilissimas. At certum aliquid judicare haud possunt Viri rerum naturalium studiosi; an istæ videlicet figuræ Cochlearum in lapidibus è testis marinis verè oriantur, quod plerique volunt, aut sui generis lapides perpetuò extiterint, & cum ipsis montibus nati. Falsum hoc putat Vir præclarus, ac Præsul in Dania D. Steno, de solido intra solid. pag. 54. qui terrestres Cochleas in tres Classes dividit, quarum duas in mari natas affirmat, aliam verò humi; Earum prima illas continet, quæ



quæ cum marinis omninò conveniunt , alteras eas , quæ solum differunt pondere , vel graviori , quia ( ut ille ait ) *succo ascititio repleta* , vel leviori , quia *illarum pori leviorum partium expulsiōne ampliati sunt* , idcirco in lapidem , aut in calcem conversæ . Tertia demum eas , quæ sola figura marinis assimilantur , quarum aliquas aereas vocat , quia nempe marinarum Cochlearum testis vi succi alicujus dissolutis , spatiosa eisdem respondentia inter glebas remanent aere plena , in quæ , introducto humore , seu materia lapidescente , formatur Cochlea aliquando gypsea , interdum cristallina , aut similis , quæ verè Cochleæ non sunt .

Aliqui verò cæcutientes , & liberè , prout ingenii propensio extimulabant philosophantes , nimis facilè tanquam verum pronunciarunt quidquid opinabantur , licet falsum ab experimentis comprobatum appareret . Nonnulli è contra sensuum ductui omninò fidentes , fallacia , & infusa argumenta esse judicant , quæ intellectus , incertas à certis illationibus prudenter deducens ad veritatem stabiliendam speculabatur : utrique , mea quidem sententia , inscitia tenebris involuti . In rerum enim naturalium , & abditarum perscrutatione sensu utendum est , quo comite intellectus tutum sibi callem aperiat , in quo deinde ex una re cognita ad aliam gradum faciens , veritatem demum teneat in profundo latitantem ; alioquin errabit profecto , aut canis instar ab Æsopo descripti præda carebit , dum eam putabit habere .

Aristoteles autem eandem quæstionem agitans , sciens Ægypti Regionem Conchiliis plenam esse , maris ejectamenta illa credidit . Ea enim Regio mari Rubro subjecta , aquarum illuvione pluries sub undis jacuit , quibus siccatis , testarum ingens copia subsidit in arida , inquit Philosophus , ex quo Sesostris didicit mare Rubrum altius esse Ægypto , atque ea de causa , fossam è mari Erithreo in Nilum non duxit .

Insuper maximam partem Ægypti ex Nili alluvione excrevisse contendit , eam præsertim , quæ à montibus memphiticis ad mare usque exporrecta , fluminis incrementis , latè irrigatur . Atque hinc jam effici , ut neque flumina ulla sint perennia , neque semper Mare aliquod fuerit , quod nunc mare esse cernitur , sed vicissim modò mare , modò terras eadem loca fieri certis quibusdam temporum conversionibus , quibus nunc maximi humores aliis , atque aliis locis existant . Ita Tanaim , & Meotida paludem , & ipsum etiam Pontum exiccatum iri , atque similiter omnia permutanda in temporis duratione . Hæc , & hujusmodi plura Aristotelis partim ex Herodoti de Ægypti historia , partim de Platonis Atlantide Insula videtur hausisse , quæ

Oceani illuvie sub aquis jacet . Non est igitur mirum , si Ægypti Regio nil aliud esse videatur , quàm Testarum coagmentatio , si Delphinis , & reliquis piscibus statio quondam fuit . In hanc sententiam inter Veteres Strabo , & Plutarchus descendunt , sed multo certè prius Eratosthenes , qui sibi suasit plurimis in locis Concharum , & Ostreorum ingentem multitudinem cerni , & præter hæc falsos etiam lacus inveniri , quia ibi maria fuerunt , uti fit circa templum Hammonis , & in ea , quæ ad illud ducit via , quæ ipsius testificatione longitudinem habet trium millium stadiorum . Ibi enim plurimam Ostreorum colluviem esse scimus , & propè ipsum etiam navium maritimarum fragmenta monstrari . Hisce inductus Eratosthenes Stratorem physicum , & Xanthum Lydum laudat , qui existimarint ipsum Hammonis templum prius propè mare stetisse , ac deinde , mari defluente , in Mediterranea regione mansisse .

Ex impetuosis hisce marium inundationibus effrænatam quandam philosophandi licentiam tribuit Aristoteli , licet suo præceptoris , Olympiodorus inter Interpretes eruditissimus , ejusque effata in somnis excogitata credit ad tuendum quidquid de Conchylis opinabatur , falsumque esse , ait omnes regiones , ubi Conchyliorum testæ inveniuntur , sub Oceano latuisse . Ventorum potius impetu arguendum est , inquit hic Auctor , ablatas fuisse è littoribus , ac in variis Mundi plagis dispersas . Quis enim , si ventorum vis stateræ appendatur , hoc fieri posse negabit ? Nonnè domus integræ , Surio referente , à fundamentis separata visæ sunt in Germania aliò transferri vehementi ventorum impulsu , eorumque flatibus magnas trabes Templo Moguntino ablatas , per aerem volitasse , quasi pennas haberent , à Conrado Argentino accepimus .

Hujusmodi argumentis inducti Prisci illi Scriptores , alios affectas , qui de Conchyliorum origine fusè tractarunt in eadem sententia stabilivere . Verùm , ut candidè loquar , utrosque à recto veritatis tramite aberrasse judico . Quam enim repentina Ventorum procella , aut siderum impressione , huc illucque olim mare discurrens , Provincias , & Regna , longo licet intervallo diffusa , unico quodam haustu potuit absorbere ? Illud littoribus circumvallatum fuisse ab Auctore Naturæ pro comperto est , in quibus indelebili caractere præceptum posuit , cum diceret : *Hic confringes tumentes fluctus tuos* , eique semper , licet fluctuantium undarum impetu violenter exagitatum , paret , ac ut cum Basilio Seleucensi loquar , *Curvatis fluctibus termini Postorem adorat* .

Non igitur Venti , quorum flatibus leves

Conchulæ à loco ubi jacent vix elevari videmus, neque Oceani Procellæ adèd copiosam Testarum segetem in variis Mundi Pelagis disseminarunt. Harum enim multæ, sicuti summæ Alpes, nunquam sub Oceano latuere, attamen in illis Conchæ, & Ostreorum testæ inveniuntur. Quod equidem cum aliorum relatu, cum experimentis diversorum sum edoctus. In altissimis Tessaliæ montibus eas esse Solinus narrat. In arduis Calabriae rupibus invenit Alexander ab Alexandro, & alibi multi. Quamobrem a diluvio universali delatas affirmarunt, ut cæteros taceam, Calceolarius, Maffeus, Orosius, Columna, & Imperatus, quod idem referens Ovidius ait.

*Vidi ego quod fuerat quondam solidissima  
Tellus,*

*Esse Fretum, vidi factas ex æquore terras,  
Et procul à Pelago Conchæ jacuere marina.*

Unde Tertullianus hoc idem sibi persuadens, subjungit: *Adhuc Maris Conchæ, & Buccina peregrinantur in montibus, cupientes Platoni probare etiam ardua fluisse.*

Verùm quia ex Fracastorio, & Cornelii à Lapide doctis Commentariis accipimus Univerſum Terrarum Orbem haud jacuisse sub marinis aquis, sed sub cœlestibus, cum catharactæ Cœli apertæ sunt, inferendum necessariò est, eas ineptas fuisse ad tantam Cochlearum copiam generandam, quia dulces; Et quamvis falsis fluctibus additæ, quis tam facile inferret Cochleas ex imo fundo Oceani in summos montes pergrasse, quò quadraginta dierum spatium, quibus sub aquis Terra latuit, vix Delphini, & Phocæ pervenerunt? Earum enim motus, quo progredi aliò possit, vel nullus est, vel adeo tardus, ut in Ignaviæ symbolum adducantur. Neque emortuis Viventibus vacuas testas in adèd locorum excelsa fluctibus asportari potuisse notat Joannes Quirinus, imò, docente S. Augustino, de mirab, lib. Sac. Script. lib. i. cap. 4. *Universa, quæ in aquis vivere possunt Diluvii plaga non tetigit, quæ terrena tantum mortificavit, ex ea nempe ratione, quòd Deus Terræ maledixerit, non piscibus, & aquæ, quoniam per aquam diluere maledictionem illam paraverat, quòd in diluvio est factum. Aquatilia enim maledicto vindictæ non succumbunt, quia in maledictionis participatione non sunt.*

Scio equidem impudentis esse, non confiteri aliquibus in locis mare aliquando fuisse, ubi Conchylia inveniuntur. Ultrò concedendum hoc est; sed negandum de omnibus. In Alpibus enim Tridentinis cum Joannes Goropius Becanus perreptaret, altissima quoque montium cacumina utroque pede uncis innixis, & manibus pinnato baculo gressum firmantibus, & ipse

conchas invenit, & ab iis, qui Capricornos, sive Ibices, & Damas insectantur didicit non rarò inveniri. Et crebrius haud dubiè invenirentur, si lapides æquè illic, atque in infimis locis exciderentur. Nunc cum vectura illinc nulla esse queat, nulla est lapidicina, nisi cum arces ex ipsis rupibus excavantur, angustis præcipitiis, & capreolorum semitis, vel funibus subeundæ. Cum igitur ejuscemodi testæ internis, vel terræ, vel saxorum visceribus deliteſcant, & in summis Alpium rupibus rarò in terra tententur, non potest fieri, ut illic crebro videantur. Videntur tamen saxorum torrentium vi derasis, vel immani gelu, magno tonitru divulsis, vel fulmine, turbine, aquarumve violentia præcipitatis, aut disruptis, vel alia vi quapiam naturæ dehiscen- tibus, quibus fiat, ut quæ intus condita fuerint prodantur. Apud Limburgos, Leodios, Chondrusos, Namurcos, Hannonas, Atrebatas, Tornacenses, & alios multos, a quibus, vel marmora, vel alia lapidum genera advehuntur, non parva est testarum copia, & Varietas. Vidi ipse in marmore cæruleo solidissimo peccines multos, & ipsorum sedem ita affabrè delineatam, ut nihil ars simile posse videretur. Vidi in silice durissimo tot Conchulas totas lapideas, & conclusis valvulis integras, ut magna cura, & arte ex illis fuisse cæmento aliquo compactus videretur. In suburbano Parisiensi agro, qui supernè copiosa fruge luxurians, subtus cavus magna sub parte est, & vehiculis pervius, inveniuntur testæ non pauca turbinum, elegantissimo ordine, & tortæ, & tuberculis insignitæ, atque ita omnibus modis perfectæ, ut nihil præter vivum pisciculum ad integritatem desit. Vidit sub Veronensibus montibus Saraina quum Veterum monumenta scrutaretur; ibi namque reperiebantur: *Echini lapides, Paguri, Conchæ, Cochleæ, Ostrea, Stellaque, Pisces, avium rostra, & id genus alia passim multa.* Videtur etiam Antuerpiæ quibusdam in locis postquam ad aquam subterraneam fodiendo ventum est, magna quædam crusta ad duos circiter pedes crassa, aliquando etiam tenuior, quæ tota est ex hujusmodi varia Conchyliorum congestione coagmentata, quasi vena lapidis, aut marmoris esset. Nec certè in Mari, aut litore tanta congeries Concharum nullibi visa est, ut frustra somniemus ita paulatim, mare recedente, fuisse congestam. Nam si hoc ita evenisset, cerneremus adhuc in Zelandiæ, & Flandriæ littoribus tantæ crassitudinis congeriem jacere. Non igitur magis ibi mare fuisse credendum est, quàm in lapidicinis Megarensium, è quibus lapis eruitur, Concharum marinarum congerie compactus, & candidus, qui ab ipsis Conchides appellatur. Quod si a mare ille originem duceret, in Piræo potius inveni-

veniri deberet; & tamen cum tota Græcia variis promontoriis mare amplectatur, nusquam tamen Conchis affluentior, quàm Megaris invenitur, ubi Megarius ille lapis adeò solidè componitur, ut Caris Phoronei filii sepulchrum, & alia opera ex eo facta fuisse Pausanias testetur.

His enumeratis, Quæstionis solutio non ex historiæ monumentis petenda est, sed è Philosophiæ penetralibus, ad quæ rapiendi sumus hac mirabilium rerum consideratione. Aristotelem prius audiamus, qui lib. 3. de Gener. cap. 11. tom. 4. Mauri pag. 580. num. 2. *Testacea*, inquit, *ita se habent ad Aquam, sicut Plantæ ad Terram, ideoque Plantæ possunt vocari Testacea terrestria, Testacea possunt vocari Plantæ aquatiles.* Non tamen inde inferendum est lege inviolabili semper Plantas à Terra produci, ut à Mare gigni non possint, sicut multa, quæ sub aquis vivunt, in telluris gremio etiam foventur. Hæc enim pari foecunditate ditissima est, ac Mare, in quo præter innumera penè agmina Crustata, Squamosa, atque Testis inclusa, multi frutices germinant, & Plantarum species. In eo enim crescit Herba, quam Lumbricaram vocant, crescit pariter, quæ dicitur Lanuta, crescit Capillaria, Forcellata, Tremula, Palmifolium, & alia crescunt vegetabilia lapidosam substantiam habentia, ut Coralia, Millepora, Porus Cervinus, Frondipora, Retepora, Tubularia, Muscus Petrosus, & alia. Imò, sicuti inter Pisces, ut notat Ælianus, lib. 16. c. 18. *sunt Leonum, Arietum, Panterarum, & Equorum effigies, insuper stellæ, & Piscium genera avium formas referentia*, ita pariter humi diversi gignuntur lapides, quibus, vel Plantarum, vel Animalium membrorumque diversorum effigies exprimuntur. Inter eos singularis est Lapis Cifites, qui nomen trahit à Camecisso, idest hædera, cujus foliis assimilatur, lapis insuper Rhodites sic dictus, inquit Boetius, à figura Rosæ, sicuti Stilicites à stipite, Amigdaloides à nucleo amigdarum, Bucardia à corde bovis, Ophites à serpente, Fungites à Fungis, & cæteri innumeri, quos Gesnerus recenset ubi tractat de figuris lapidum, & Ambrosinus recitat una cum lapidibus, quos Cephaliten, Carditen, aut Perficaten, à figuris videlicet, quas referunt, appellat. Olaus Vormius, uti refert in suo Musæo lib. 2. cap. 13. possedit lapides luteos, qui pectus cancri exigui referunt, quorum pars exterior levis, & lubrica lineis albis, juncturas costarum in cancri referentibus prædita. Vocantur tales lapides Carcini, non aliter, ac datur Amigdaloides a forma amygdali, Botrytes a botri similitudine, Pisolithes à Pisis, Sicytes à figura ficus.

Neque ommittenda à nobis sunt ossa illa

enormia, quæ Gygantum fuisse vana hominum ingenia crediderunt, ac ab aquis, virtute lapidifica impregnatis, in lapides indurata. Huc revocanda esset Quæstio, qua quæritur. An Virtus lapidifica Terræ insit, ut medusæo quodam dominatu, non fabuloso, sed vero, omnia valeat in lapides transformare. At nè extra Chorum divagemur, supponenda tanquam vera, ac experimentis comprobata; lapides multos, membra humana, arborum fructus, & alia referentes, primùm vera membra verosque fructus extitisse, sed de omnibus tamen cujuscunque generis ossibus, quæ passim in subterraneis fossis inveniuntur negandum est, sic de cornibus incredibilis longitudinis, quæ monocerotum esse dicunt. Quid autem de hisce sentiendum sit pauca alibi dictis addamus, & quidè quod ad Gygantes spectat, refragante Sacro Textu, ut negare non possumus, ita quoque non nihil communi famæ concedendum est, quam de Gigantibus variæ apud Auctores relationes, veluti jure suo fidem legentibus extorquent. At fabulosum existimo Gygantem illum, quem Plinius lib. 7. cap. 16. asserit in Creta, rupto monte inventum quadraginta sex cubitis altum, aut aliud corpus humanum, quod Fulgosius lib. 8. in Plutarcho affirmat inventum in Urbe Mauritaniæ, & dimensum sexaginta cubitos implevisse; Tandem, ut multos ommittam, quos Kircherus in Mundo subterraneo refert, falsum existimo, quod omnem admirationem superat narratum à Boccaccio, in Deorum Gen. cap. 68. repertum nempe in Erice monte Drepanitanæ Urbi proximo, hominem sedentem, tantæ altitudinis, ut prægrandis navigii malum ducentis cubitis longum excederet. Quærendum hic esset num verosimile saltem sit, Naturam carneas moles tam vastas producere potuisse, & an corpori excedentis magnitudinis repugnet corpus organicum majus, & majus in infinitum, sed ut brevitati consulatur, adnotasse sufficiat: à Natura, utpotè sagaci, sicut omnibus animantibus, ita & hominibus ad actiones suas probè obeundas determinatam corporis magnitudinem constitutam esse, ut quidquid ultra eam fuerit, meritò monstruosum videri queat. Fabulæ itaque sunt, & anilia deliramenta quæcunque de hujusmodi prodigiosa magnitudinis gigantibus produntur: Hoc satis dilucidè comprobatur, quod Athanasius Kircherus de se ipso refert, Mund. Subter. lib. 8. sect. 2. *Certe, inquit, cum anno 1637. Drepani morarer multum sanè cum peritis de hujusmodi invento monstro Gygantis quæsi, criptam montis intravi, ubi dicebatur inventum fuisse cadaver. Sed nihil horum quæ de vastitate specus supra allegati Auctores tradunt, reperi; imò vix puto altitudinem triginta pedum, quantum*

*tam memini constitisse, neque mihi unquam, aut pedes manusque, aut cranium, similiaque membra, ex quorum proportione ad ordinarii hominis membra facta, in notitiam veræ quantitatis prædicti gygantis devenire sperabam, exhibere potuerunt, quæ partes organizata, uti desunt, ita quoque veritatem rei suspectam faciunt.*

Verum igitur est quod ipsa Sacra Scriptura testatur lib. 1. Reg. c. 17. videlicet Goliath altum fuisse palmis novem supra decem. Verum, quod Historiæ referunt de celebri Viro Lusitano minori quidem statura, non impari viribus, Ori enim admoto manibus pomo, ex eo ita commodè dentibus frustula carpebat, ut manus removeri nihil possent, decem licet bajuli toto conatu trahendo duplicem funem illis alligatum, enixè laborarent. At hujusmodi vasti corporis homines, quia admodum rari idcirco omnia, quæ in criptis inveniuntur ossa, sive dentes, sive tibiæ, sive costæ, non Gygantum reliquias, sed opus esse Naturæ in subterraneis locis generatum firmiter tenendum est. Terrarum Orbem perlustra, in Palatinatu non procul Spira, costis, aut fœmore humano similes lapides invenies, item propè Heidelbergam Saxonix, eruuntur saxa ossium instar rotunda, quorum alia forma cranii humani, alii mali perfici figuram expriment: alibique passim tanta eorum seges invenitur, ut ibi esse, non possit, nisi exercitus Gygantum, & quidem miræ magnitudinis, quæ ossium moli responderet, antea extitissent, quos certè nullæ veterum historiæ commemorant, neque à majoribus traditum est Nepotum Posteritati. Exercitus pariter Gygantum extitisse necesse fuit in caverna illa inquam Panormi Illustrissimus Marchio Carolus de Vintimiglia, Vir eruditissimus, nec non exactissimus Siciliæ historicus introduxit Patrem Athanasium Kircherum, eique magnam ossium hujusmodi copiam ostendit. Rem totam ex eodem Kirchero audiamus. Me duxit, ait ille, ad locum tribus ferè passuum millibus Panormo distitum, quod mare dulce vocant. Erat ibidem ingens montis Promontorium, & è regione foramen prægrande, per quod in obscura immensi specus latibula patebat aditus: descendamus, inquit, jam monstrabo tibi, mi pater, quantum Natura in similibus humani corporis membris effingendis possit, accensisque tædis, famulis præeuntibus, ingressi sumus longissimi tractus antrum, & cum jam aliquantulum intima penetrassemus ostendit mihi in sinistro antri pariete, longè latèque exporrectum mirum Naturæ opus: Pariter dentes referebat parvos, mediocres, maximos, & excessivæ magnitudinis ea serie, qua Natura maxillis Animalium inferere solet, infixos, tanta copia, ut centum

carros, inde onerari posse facilè crediderim, tanta animalium dentium similitudine, ut vix hos ab illis distinguere potueris, supra quidem candorem pellustrem, inferius verò radices monstrabant acutas, omnes tamen in lapidem solidum converfos, tum ecce ad me Vir Illustrissimus; Hi sunt dentes, quos nonnulli Impostores hinc exemptos, pro Gygantum, aut Elephantorum dentibus imperitæ plebi vendunt. Sed non stetit hic mira Naturæ industria: ulterius progressi in subterranei cuniculi parietibus, nescio quæ humanorum membrorum lineamenta intuiti sumus; nunc enim Tibiarum protuberabant formæ, modò vertebrarum genuumque vestigia, nullo tamen ordinis nexu spectabantur, videbantur quoque nonnulli tumores argillacei ingentes, qui excisi ex una parte os genuum, ex altera concavitatem relinquebant, calvariæ haud absimilem: Unde luculenter admirabilem Naturæ in ossibus, aut ossibus similibus saxis formandis industriam primò cognovi. His addendum est discrimen, quod idem Auctor comparata horum ossium symetria, cum humanis, observavit esse inter ossa vera, & à Natura minerali producta, quòd illa semper tibiæ canales, fistulososque meatus olim medulla refertos retineant, hæc verò solidum lapidem sine ulla Tibiarum concavitate mentiantur, & talia sunt ossa lapidea, quæ in multis Musæis exhibentur, quare illa purum Naturæ opus credenda sunt.

Ex hac certa rerum inductione, rationi equè, ac experientiæ consentanea patebit profectò quàm legitimè inferatur Conclusio, in qua asseritur etiam Testacea posse sub Terra generari. Inter cæteros id affirmat Gassendus, cum *Natura*, inquit, Phisic. sect. 3. *eadem ubique sit, & rerum omnium semina ubique contineat, lapides efformat ex succo idoneo in mediis continentibus, referentes externa specie Conchas, & Pisces, quos procreare eadem solet in medio, ac disposito mari.* Ex eo quod, ut idem Auctor probat, humore salso Terra non careat apto ad eorum generationem, eoque vel à mari per secretas rimas mutuato, vel à fossis aqua repletis, in ejusdem visceribus subsidente: deinde in probationem adducit, quod ex Asclepiodoro Seneca narrat 5. Nat. quæst. 15. *Demissos videlicet quamplurimos à Philippo Macedonia Rege in metallum antiquum olim destitutum, ut explorarent, quæ ubertas ejus esset, quis status, an aliquod futuris reliquisset vetus avaritia, descendisse illos cum multo lumine, & multos durasse dies, deinde longa via fatigatos vidisse flumina ingentia, & conceptus aquarum inertium, vastos pares nostris, nec compressos quidem terra supereminente, sed libera laxitatis nõ sine horrore visos.*

Natura nunquam otiofa ibi res format, ubi aptum humorem invenit ad earum concretionem eoque progreditur, quoad ejus materia patitur, ultra progressura, si loci, & materiae inopia non excluderetur. Antuerpiæ Latomus quidam vivum bufonem in medio marmore invenit, non aliunde quidem generatum, nisi ex apto humore marmori incluso. Argenteam arborem à se visam in fodinis refert Fabri, tom. 2. phisic. sect. 1. Memb. 1. lib. 3. c. 7. de Lapid. ex qua virtutem omnium productivam, quamvis loci angustiis, vel materiae inopia impeditam ubique inesse arguit. Non est igitur mirum Testas in montibus summis inveniri, minùs verò mirum in illis inveniri, in quibus falsugo aliqua est marinæ falsugini compar. Similis enim materia ad formas tales recipiendas est apta, multisque in locis reperitur. Adde aquam maris cum sale misceri, undè *detergit roboratque valdè ventriculum*. In sale insuper nitrum inesse deprehenditur, quia *validius quàm falsa aqua mista cum eo solvit ventrem, subvertit stomachum, & facit nauseam*. Undè inferendum est in multis regionibus, ut in Ægypto non falsuginis modò, sed nitri etiam feracibus non mirum esse Conchyliam generari, sicuti generantur in subterranea arena, quæ loco, & Natura marinis vadis respondet, cum ea temperamentum quoddam liquoris marini exugat, Oceano in Terras sursum per omnes canales magna vi irruente. Hinc igitur deducitur quo pacto lapides in aquis generentur, ut Aristoteles docet 4. Meteor. c. 3. & cavis subterraneis, & maxime ei arenæ, quæ proxima est aquis per Orbem Terræ subtus meantibus, liquor quidam communicetur, qui Conchyliorum figuras facillè induit, vitam etiam accepturus, si locus vivum pisciculum alere posset, aut etiam, ut putat Grandi de verit. diluvii univers. quia in diversis Oceani alluvionibus quoddam prolificum Testarum semen Terræ communicaverit, non autem quia, ut Recens Auctor Joannes Quirinus de fossilib. asserit, Conchyliorum primigeniæ particulæ fortuitò coeuntes illorum formam constituent. Somnia hæc sunt Athomistarum.

An autem primùm Testæ formentur, an potiùs cum ipso Animali nascantur, non una est inter Auctores opinio; Grandi, quem supra citavimus Testarum calices ante Animal generari affirmat; domus enim, ut ipse ait, constitui, debet antequam habitetur, quæ utique perfici poterit ab ipso Animali, non autem fundari. Huic sententiæ favere poterit, quod in minutis Conchis bivalvibus pluries adnotavi. Lenticulæ magnitudinem illæ non excedebant, Testarum valvis ita perfectè conjunctis, ut etiam cultri acie aperiri difficile possent, vacuæ tamen,

& sinè ullo animalis vestigio semper inventæ, idcirco argumento erant nullum adhuc Animal ibi fuisse generatum, Verùm quia inter arenas, & lutum è maris fundo acceptum, plures, & quidem minutissimas Conchulas, ope microscopii deprehendere potui animali fœtas, clarius innotuit generari Testam simul, & Animal, cujus cadaver in Superioribus non apparebat, eò quia extra mare humor ille mucosus, quo formabatur, nec dum in callosam substantiam obduratus, penitus exaruerat. Testaceis enim Conchæ haud quidem parandæ sunt, ut domus, verùm putandæ veluti eorum pars constitutiva, ut cæterorum Animalium ossa, a quibus si divellantur, illicò vitam amittunt.

Putat Fallopius Tract. de fossilib. Testacea omnia, quæ sparsim in Terra inveniuntur cum Animali incluso formari, quod defectu humoris moritur, remanente cadavere, quod ex humore lapidescente aliquando reperitur obduratum. At ejus sententiam coram lectoribus sisto, quos admonitos velim quàm cautè credendum circa rerum naturalium inquisitionem quidquid Phantasmata objiciunt, mentesque sinè delectu rationum opinantur. *Rationi enim*, inquit Aristoteles lib. 3. de gener. cap. 10. *fides habenda est, si quæ demonstrantur, conveniunt cum iis, quæ sensu percipiuntur*. Quamobrem mihi persuadeo, non omnes Conchyliorum figuras e Testis marinis oriri, quod plerique volunt, sed sui generis lapides esse, in ipsis montibus natos, & intrinseca virtute auctos, quam eis Naturæ Conditor impertivit, quasi *ludens in Orbe Terrarum*, lusibus utique ejus dignitati non absonis, cum Sapientiæ, ac Providentiæ argumenta luculenter in singulis præbeantur.

Antequam Quæstionem absolvamus difficultas diluenda nobis est, quam Columna Dissert. de Glosop. objicit Theophrasto, qui multiplicis generis ossa in Terra generari credebatur: *Non enim*, inquit ille, *Natura quid frustra facit, vulgato inter Philosophos axioma. Dentes ii frustra essent, non enim, dentium usum habere possunt, ita nec Testarum fragmenta tegendi, sicut nec ossa nullum Animal fulciendi. Dentes sine maxilla, Testacea sinè Animali, ossa unica in proprio elemento Natura nunquam fecit, quomodo in alieno nunc potuisse, & fecisse est credendum?* Argumento huic licet adeò impar videar, ut non armis me, sed hostili dumtaxat risu, & solo classico superatum iri adversarius arbitretur, contradicere fas est, ut totum nihili pendendum videatur. Primùm igitur illud adverto, multas plantas humoris defectu in ipsa generatione deficere, ac mori; innumeros etiam flores virefcere, qui licet ad fructus ordinati a Natura, in fructus non abeunt, imò in ipsis

Calycibus arefiunt, sicuti plurimi Arborum fructus marcescunt antequam maturescant. Satis profectò apertum est pluries Naturæ studia frustrari, cum Animalium perfectorum loco generantur Monstra; deindè miror adeò facilè Columnam sibi suafisse vera ossa illa existere, quæ in Terræ visceribus efformantur. Analogæ enim significatione nomen illis tribuendum putaverim potius, sicut Ostreorum nomina applicantur testis terrigenis, seu lapidibus, quibus formæ Testaceorum maris repræsentantur. Quid ergò arguendum dices affirmantem terrena Testacea esse Naturæ opus, quo marina referantur? Nonne in pluribus hanc agendi methodum exprimit, & in convolvulis præcipuè, quæ rudimenta Plinius eleganter dixit Naturæ *lilia facere condiscantis*: haud impari modo, quo Artifices argillaceas, seu cereas ideas constituunt, quas subindè in marmore, aut metallo perficiunt. Gaudet namque Natura hujusmodi rerum ludibriis, & uti omnia in omnibus esse ostendit, ita pro conditione singulis in rebus laborat, quantum potest, ut sin minus sensum, saltem vitam; sin minus vitam, saltem figuram nudam iis, ad suam in Universo decoris majestatem attestandam, imprimat. O quàm provida, sagax, & prudens illa est, ò quàm formosa apparet Veritas; Hæc ubique solis instar aliquo modo suos radios explicat, illa semper ex aliquo fine prudenter operatur, nec quidquam in Mundi Theatro unquam profert, quod licet numeris omnibus absolutum, cæteris rebus non antecellat, admiratione tamen dignum non sit. Sed ne a mare nimis longè aberremus, ad ejus Cochleas redeamus.

## C A P U T X.

### *Earum Varietas in Formis, & Coloribus observatur.*

Qui Conchyliorum varietatem observat, eam laudem Naturæ tribuendam existimabit, qua Virtus Michaelis Angeli Bonarotæ inter statuarios eximii, celebrata meritò fuit, eò quòd in operibus, ab eo sculptis, duo vultus omnibus lineamentis omninò similes cerni non possent; Adeò fœcundo erat ingenio menteque capaci, ut novas semper ideas in marmore repræsentaret. Testaceorum enim tanta est varietas, & in singulis formæ peculiaris diversitas, ut nulla alteri correspondeat. Mirantur plerique cum Plotino Platonis assecla, *artificiosam hanc stupendamq; Varietatem in abditissimis quibusque bestiis*, cum finalem causam in

Naturæ laboribus scrutari nesciant. Verùm cessabit admiratio, si causæ efficientis cognitio ignorantia tenebras disiciat. Hæc porrò Divina mens est, quæ infinitæ sapientia argumentum unica vel linea æqualiter convoluta in omnibus luculenter suppeditare hominibus potest, peritia longè majori, qua Giottus ille ad ostentandam prodigiosam suæ artis peritiam, firmato cubito in tabula, circulem lineam adeò perfectè pennicillo delineavit, ut non aliter quàm circino ducta videretur, Omnia circumvolutos Orbes ostendunt, at in similibus figuris dissimilitudo adeò magna cernitur, ut Boldonus eam admirans dixerit de Longob. cap. 7. 1 29.

*Tanto Natura in un sembiante stesso*

*Di varie forme hà i simulacri impresso.*

Hoc est in eadem Cochlearum apparentia diversarum formarum Varietatem impressit Natura, quas, ut incundè oculis usurpatas, sic sermone fusè expressas scimus a nemine. Nec mirari profectò debemus, cum ea sit Conchyliorum copiosa seges, *ut nulli facilius sit loqui, quàm rerum Naturæ pingere*. Quòd etiam de Floribus Plinius asseruit. Quòd si verbis aliquo modo expressas in his paginis candide Lector exoptas, eas eleganti æque, ac luculenta descriptione tibi subjicio de Italico sermone in Latinum conversa, qua P. Daniel Bartolus (Ricreatione del Savio capit. 1 1. lib. 1 1.) summi Conditoris Excellentiam in vilissimis quibusque rebus serudentem, indicavit. Superant profectò vires eloquentiæ meæ, ait ille, prodigiosæ Cochlearum Testæ, multiplex partium structura, convolutionum varietas, ornatus elegantia, colorum dispositio, formarumque mira diversitas, quæ in eadem materia tam variè componitur, & tam pulchrè condecoratur. Quotquot oculis usurpavi, chiliades licet plures excederent, minimam earum partem constituunt, nullo prorsus calamo describendam, & quò plures darentur in scenam, eò minor dicendi esset facultas. Adeò verum est inopes nos copia fieri. An non Cochleis sexcentis modis in spiram circumductis prodigiosa Dei sapientia explicatur? nihil in rerum Natura vilius quàm illæ, multiplici tamen artificio a Conditore Divino redduntur capaces. Earum aliquæ ita orbibus circumvolvuntur, ut scapo illi hæreant, & quò magis a basi recedunt, eò in acutiorem turbinem mira proportione extenduntur. Aliæ contra in se ipsis Cochleatæ ex nulla parte in mucronem exuberant, inter has quæ Venereæ dicuntur, & earum similes suos orbis omnino contegunt testa, cujus pars altera plana, altera in gibbam elevatur. Aliæ ex basi pinnulis, aut cristis, aut muricibus cinctæ, paulatim deficientes turbinem expriment. Aliæ verò aliquando depressæ tonfillas,

fillas, & tubercula, altero alteri superimposito ostentant. Multæ videntur quasi planæ, multæ subrotundæ, rugosæ multæ, vel expansæ, vel apertæ, vel angustis orbium anfractibus cochleatæ, omnes quidem inter se diversæ, sed omnes artificio, elegantia, & venustate ita pares, ut de pulchriori iudicium ferrè non possis. Quæ sinè arte, & veluti negligentia quadam formatæ videntur, maximæ etiam censendæ sunt pulchræ, cum in ipso neglectu, errores placeant, & in rudi quadam massa majestas eluceat, ac, ut ita dicam, pulchritudinis monstra iudicentur. In singulis oris aperturam si cernas, suam quodque venustatem explicabit labris, aut simul strictè conjunctis, aut omninò apertis, modò in longos canales productis, modò in brachia expansis, quibus lapideos polypos representant. Nec facilè causa reddi potest, cur in multis labra multiplici plicatura reflectantur, cur in pluribus dentibus muniantur, non ad vulnera inferenda, sed ad ornatum. Dividuntur subindè in vulgares, & pretiosas, in nobiles, & rusticas; quarum plurimæ crustatæ, squamosæ, corticosæ, crispis corrugatæ, aculeis spinosæ, micronibus horridæ, multæ verò leves, pellucidæ, nitidæ, & sandracca velatæ, nonnullæ velut malleo contusæ, vel opere musivo tessellatæ. Inter omnes verò præcipuè Nautilus ob testam pretio habendus, argenteo vel margaritarum nitore præclaram.

Nec silentio prætereundi sunt colores, quibus omnium testæ exornantur. Innumeræ gignuntur albæ, argenteæ, lacteæ, badiæ, cinereæ, pullæ, subnigræ, purpureæ, flavæ, aureæ, porraceæ, amethystinæ, & puniceæ, plurimæ discoloribus fasciis victatæ, modò in longum, modò transversim ductis, vel sinuosè crispatis; Aliæ veluti opere phrygio pictæ, aliquæ tessellulis albis, & nigris omninò distinctæ, aliquæ multiplici colore depictæ. Ut plurimum sinè regula coloratæ videntur, aut guttatim aspersæ, & punctis signatæ, aut notulis rotundis, seu quadratis maculatæ, fulvis, rubris, sanguineis, ut in lapide Jaspide, centenisque diversis coloribus adèò variegatæ, ut verba ad significandum apta deficient. Omitto igitur, quæ recenseri hic possent, striatas, rugosas, sulcis excavatas, & crenulis crispas, omitto eas, quibus coronæ minutissimis incisuris notatæ, venustatem addunt, quibus cristarum duplex ordo circa orbem circumducitur, & nodulis conjunctis instar torquis ditatur. Omitto eas, quibus decor additur a duplici linea altera unionum, gemmarum altera, passim guttulis coronatis distincta, eas demum, quarum partes tuberculis, tonsillis, pinnulis, & bracteolis laciniantur. Inter omnes, veluti inter ignes Luna minores, Una

est, quæ indico in litore reperitur funiculis discoloribus contexta, inter quos veluti alia filæ alba, & violacea simul contorta, per orbium semitas ordine adèò eleganti discurrunt, ut nunquam in spirarum anfractibus confusa, suum quodque situm occupet, ostenduntque peritiam, qua Artifex illam composuit. Huc usque P. Bartolus. Huic luculentæ satis, ac perspicuè Cochlearum descriptioni unam addendam censeo, longè omnium meo quidem iudicio elegantissimam. Parva licet mole, in angusta orbium agglomeratione magnum exhibet artificio. Nunquam inter Persas foemina, licet muliebris luxus excultrix, multicolores linteolos glomerando, cidarim pulchriorem suo capiti aptavit, qui cum hac Cochlea posset de pulchritudine dimicare. In Brasiliano litore frequenter reperta, maris ejectionem dicenda non est, ut de Unionibus dixit Tertullianus, sed ejusdem proles, quò pulchrior, eò cæteris charior. Ab Indis vocatur patrio nomine *Caramugio*, quod idem est, ac Latinis Cochlea. Fraga dicitur ab Italis a forma, & colore purpureo simili, sed melius Latini Neritam appellarunt, hoc est maris genitam, ac si cæteris rebus, quæ in mari generantur pulchritudine antecellat, sicuti Nereides inter omnes Nerei Filias venustate elegantissimæ.

Si colores quibus tegitur inspicias, eam Cochlearum Reginam dices, Bisso, & Purpura indutam, seu potius opere phrygio condecoratam. Cutem enim ostentat lineis unionum ditatam, quarum una alba est, altera nigra, & continuato ordine alternatæ. Inter ea alia linea coralliorum collocatur, triplicique hoc colore adèò spectabilis apparet, ut Gratiarum manibus elaborata videatur. Fabulosum quod ad excitandam admirationem Lucianus narrat, Prometeum nempe Aquarum Præsidem igneam naturam induisse, at certius vero Cochleam hanc sola aqua nutritam igneo colore rubescere, quam piceus, & albus adèò egregiè notant, ut meritò Naturæ ingeniosum opus dicas, & maris florem, sed incorruptibile, cum conchas floribus æquans Lucretius lib. 2. dixerit.

*Concharum genus parili ratione videmus*

*Pingere Telluris gremium, qua mollibus undis*

*Litoris incurvi bibulam lavat Æquor arenam.*

Verùm singulas recensere impossibile cum sit, confusa quadam cognitione omnes simul complecti sufficiat, qua ad earum Conditorem nostram mentem attollamus, inquirendo, quod D. Hieronymus in homine perscrutatus est: cur videlicet, in tam vili, & abjecta materia speciosissimam formam posuerit non verò cœlesti?

Lutea licet massa compositæ, vasa, quæ Raphael Urbinas pinxit, pretio superant. Inter sensitiva Animalia quamvis viliores cutibus, veluti acupictis, & phrygio opere decoris, adeò æstiman- tur, ut *cortex tantum in fructu* meritò dici possit, sicuti Plinius lib. 16. capit. 18. dixit de subere.

Et quidem, ut verum fatear, non semel præclaros sapientesque viros admiratione obstupescentes vidi, cum plurimas ex elegantioribus in eorum conspectu darem, non aliter, ac si Auroræ palatium perlustrarent, in quo, ut S. Præsul Apollinaris describit Carm. 2.

*Diripiunt diversa oculis, & ab Arte magistra*

*Hoc vincit quodcumque vides.*

Nullam enim ex eis esse omnium pulcherrimam judicare quis potest, cum singulæ, vel partium structura, vel colorum varietate, vel orbium circumvolutione æquè possint oculos recreare, novoque oblectamento animum pellicere, ut sensibilibus rebus ad invisibilem rerum omnium Conditorum quisque sibi viam sternens, eum tanquam siderum Principem, a quo cætera lumen mutuatur, agnoscat, ac prosequatur amore, a quo, docente Seneca, dum ponuntur sapor in pomis, odores in floribus, in lapidibus colores, usque ad delicias amamur.

Hoc igitur pacto honesta laudabilique oblectatione afficitur sapientis oculus, dum Cochleas recognoscit, miraturque singulas, quamvis in eadem specie numerandæ sint, propriis quibusdam lineamentis a cæteris differre, ut stella differt a stella in claritate. Attamen admiranda hæc Naturæ opera, quàm hominum pauci recognoscunt! Satis enim comprobatum est: *Ab assuetis passionem non fieri*, ut inquit Philosophus, & cum omnia condita fuerint in hac Rerum Universitate, ut (docente S. Basilio in princip. Parab. Salom.) *ad veri, ac solius sapientis cognitionem facile penetremus*. Conditoris tamen obliti, ejus miracula non celebramus. Quod si miracula dicenda non sunt omnia ea, quæ in hac rerum Natura existunt, ex eo provenit, ait S. Augustinus, *quia fiunt continuato quasi quodam fluxu labentium manantiumque rerum ex occulto in promptum, atque ex promptu in occultum, usitato itinere transeuntium*. Undè admiratio non paritur, si segetes è mortuis seminibus quotidie efflorescant, ingens verò excitatur, si cadaver in tumulo reviviscat, *non quia hoc sit majus, sed quia rarum*, inquit idem S. Augustinus lib. 3. de Trinit. cap. 6.

Hæc libuit superioribus dictis adnectere, ut voluptas cognitionis Animo pariat utilitatem, indèque arguatur; Quàm pulchra, quàm delectabilis visu inexhausta mens illa sit, qua infini-

tæ rerum species comprehenduntur, si parvæ, & quidem non inter omnes pulcherrimæ, intuentium oculos, animumque adeò delectant? Verum nè vasto in Oceano felici quodam naufragio mens mea deperdatur, vela hic Colligam, & Cochleas iterum oculis subjiciens, quidquid menti suggerunt proferam, certè philosophica indagine dignum. Sed antequam varia Problemata proponantur solvenda, quò magis obvia, eò difficiliora, humanæque mentis activitatem prorsus excedentia; de Coloribus, quibus Cochleæ pinguntur, aliquid delibabimus.

## C A P U T X I.

### *Undè nam oriatur diversitas Colorum in Cochleis.*

**O**ccultis profectò, & prorsus nobis ignotis legibus inscribuntur Conchylia, quæ a muscæ notulis musica dicuntur, occulto etiam artificio asperguntur Veneræ, signantur Turbines, & variatur colorum apparentia in Nautilis, & Unionum matribus, sicuti occulta arte Flores, Fructus, Gemmæ, ac Metalla colorantur. Quamobrem Bellonius post diuturnum, & laboriosum examen in hæc verba prorupit, nempe, *de colore forma, & substantia dicere possum, quod eos viderim sapius, undè veniant non sat dicere possum*. Imò Plato ipse. *Quò autem mensuræ modo*, ait, *singuli colores singulis misceantur, etiam si quis noverit, narrare prudentis non est, præsertim cum nequè necessariam, nequè verosimilem de his rationem asserre ullo modo possit*.

Attamen sicuti non otiosè oculos mentemque defigimus in rebus iis, quæ in hoc Naturæ Theatro proponuntur, & laudabili studio, considerare cum D. Hieronymo possumus flores, Lilium cum Nisseno, cum Tertulliano Pavonem inter aves ob plumas præclarum, ita non audaciæ, sed laudi tribuendus est conatus ille, quo rationem inquirimus in tenebris omninò latentem, inter quas semita aperienda est mentis face, a veritate probabili nobis communicata, illorum instar, qui metallorum fodinas ad thesauros eruendos magno cum vitæ discrimine perscrutantur, luteasque glebas, ut plurimum manibus pertractant. Foeliciter erramus, inquit Aristoteles, quando cum errore aliquid verum assequimur, ita non quæcunque procellosa maris agitatio navibus nocet, licet a litore quæsito eas removeat, si ad ignotas terrarum plagas apulerint, ubi novos mores Incolarum agnoscant Nautæ, novisque mercibus redeant in Patriam onusti.



Licet igitur veram claramque rerum cognitionem assequi non sperem, ubi Increata Sapientia lumen ignorantia tenebras prorsus ex-terminat; in hac caliginosa gymnade, in qua versamur, colorum inquisitionem pro mea tenuitate, quaecunque illa sit, hoc pacto aggrediar.

Primò suppono duplicem colorum speciem Cochleis inesse, sicuti etiam, in Gemmis, Opaci videlicet, & Diaphani sive Perspicui. Uterque autem, vel eis realiter inest, etiam absente luce, vel solum apparens est, cum lux affulget, & pro diversa lucis intensione color variatur, ut videtur in gemma Opalo, & in testa præcipue Nautili, in quo, ut in Iride notavit Seneca quæst. nat. lib. 1. cap. 3. *videmus aliquid flammæ, aliquid lutei, aliquid cærulei, & an dissimiles colores sint scire non possis, nisi cum primis extrema contuleris.* Hujus coloris perspicui examen Opticæ disciplinæ relinquo, ut colorum tantum originem, qui sine ulla lucis mixtione corporibus insunt, recognoscam.

Septem verò sunt Colorum species, juxta Philosophum lib. de sen. & sensib. cap. 4. art. 3. num. 10. Niger nimirum, sub quo comprehenditur Fuscus, siquidem Fuscus est quoddam Nigrum, Albus, Flavus, Puniceus, Purpureus, Viridis, & Cæruleus, qui colores consistunt in quadam mediocritate inter album, & nigrum. Reliqui colores componuntur ex mixtione horum septem. Alii verò ad mixturam colorum, eorundemque secundum naturales gradus generis. Quinque præcipua eorum genera pro fundamento ponunt. Album, Flavum, Rubrum, Cæruleum, Nigrum, quorum mixtura omnes alii intermedii, quorum non est numerus enascuntur.

Albus nigro ad æqualitatem partium commistus nullum alium præterquam cineritium parturit, cum niger albo mistus semper subalbidum quiddam obscurum producat, usque dum totus albus color in manifestam nigredinem, vel niger in albedinem superiniecta semper uberiori nigredine, vel albedine convertatur, sed ad alios progrediamur.

1. Albus, cum flavo subflavum albo vicinum, flavus verò cum rubro aureum sive fulvum. Ruber cum cæruleo Purpureum, & cæruleus cum nigro subcæruleum nigro proximum producat.

2. Albus cum rubro producat colorem quem *Incarnatum* dicimus, & ruber cum nigro subrubrum ad nigredinem vergentem.

3. Albus cum cæruleo proferet colorem cinereo similem, flavus verò cum nigro fuscum.

4. Flavus cum cæruleo producat viridem

colorem ex omnibus intermediis constitutum, quem ad Homines, & Animalia oblectanda videtur Natura composuisse.

Atque ex hac quadruplici colorum combinatione omnes componuntur colores, qui nunc remissius nunc intensius ad eos revocantur, quorum quique nomenclaturam suas ex rebus quas colorant videlicet ab Elementis, à Nubibus à Mineralibus, Metallis, Herbis, Floribus, Volucris, Piscibus, Reptilibus, & Insectis sortiuntur.

Qui plura desiderat legat in Tractatu quem Parisiis edidit de coloribus anno 1613. Ludovicus Savottus.

His prænotatis adjungo, quæ in lib. 5. de Generat. Animalium Aristoteles indicavit, circa multicolorem eorum apparentiam. Dividuntur igitur Testacea omnia sicut Animalia cætera in Unicolora, Vesicolora, & Varia. Unicolora sunt, quæ quoad omnia individua speciei sunt unius coloris. Ex.G, Conchæ margaritifera in parte interna semper margaritarum colorem ostendunt, altera Nautilorum species lacteam albedinem habet, altera colorem opalo gemme similem. Animalia Vesicolora, sed unicolora sunt, quorum totum corpus est unius tantum coloris, sed quædam Individua sunt unius coloris, quædam alterius. Diversitas hæc videtur præsertim in Pectinibus; quorum aliqui albi sunt, aliqui rubei, aut fusco colore saturati. Animalia varia sunt, quorum corpora sunt varia, ita ut secundum unam partem sint unius coloris, secundum aliam sint alterius coloris. Rursus Animalia varia subdividuntur in duas Classes. In prima Classe continentur, quæ sunt varia secundum totum genus, ita ut omnia individua generis, aut speciei sint varia. In secunda Classe continentur ea, quæ non sunt varia ex toto genere, sed solum secundum aliqua individua. Hæc lege adeò immutabili colorantur, ut aliquando, vel circumstantia loci, vel temporis, vel cibi, diversum colorem induere non possint. Quamobrem cum eodem Philosopho notandum est frequentius colores variari in Animalibus, quorum species continet aliqua individua unius coloris, & aliqua alterius coloris, quàm in Animalibus unicoloribus, hoc est quoad speciem determinatis ad hoc, ut secundum omnia individua sint unius tantum coloris, ex ea potissimum ratione, quia cum species est indifferens ad plures colores, etiam ejus individua possunt esse indifferencia, adeoque ex uno colore possunt transire ad alium, qui non repugnat speciei, sic ex albis fiunt nigra, vel ex nigris alba, & ex albis partim nigra partim alba. Ex opposita ratione Animalia Unicolora determinata ad hoc, ut secundum omnia individua speciei sint unius

coloris, non possunt mutare colorem, nisi rarò ex aliquo morbo, vel ex aliqua extraordinaria portione, adeòque visa est Perdix alba, Urfa alba, Cervus etiam, & Passer albi, & Florentiæ Leucoæthyops Serenissimo Æthuriæ Duci à Genuensi Senatu donatus.

Quibus positis, dicendum est, colores, quibus Conchyliorum testæ semper pinguntur, ita ut nec eorum situs nequè figura varietur, exigi ab aliquo principio intrinseco, eosque producente; sicuti lux, & calor à Sole producitur: non verò fieri mera qualitatum combinatione, à qua *quidam Nasutuli*, ut ait Boetius in Libro de Gemmis, *omnium rerum causas venantur*, & cum immediatas, & veras scrutari nesciant, genericis quibusdam vocibus, & ut plurimum falsis, suas sententias fucatas proferunt, nè tacendo ignorantia dedecus pateat. Qualitates cæco agunt modo, nec artem possident, qua constanter, & eadem semper emanante influxus periodo, colores disponant, ita ut rosæ, circuli, tessellæ, sexcentæque aliæ maculæ represententur, non fortuita pennicillorum combinatione, sed studiosa peritia, qua multicolores redduntur Avium plumæ, viridia arborum folia, & candidi calyces Liliorum.

Nec è patrio luto Animalia, testis inclusa ad nobilitatis fastigium immeritò attollimus, quid enim mirum si hæc possint, cum nomine Potentiæ summæ, summæque sapientiæ Testacea operentur, Naturæ enim Conditor, qui omnibus præest rerum sensibilibus actionibus velo quodam obtegatur; mereturque Epigrammæ, quam Planetarum Principi, Mari, Terræque dominantis, quidam aptavit, cum scripsit: AB UNO.

Concurrunt quidem in pictoria hæc arte alia multa, e quibus, ut ita dicam colores exprimentur, & multicolor tinctura exugitur, ideò Uniones, qui à mari Britannico generantur non æquè albescunt, ac Margaritæ orientales Sinus Arabici, & Purpura Cypria magis rubescit, quam ea, quæ in mari Adriatico nutritur, sicuti Purpuras in mari Aquilonari nigrescere, in Australi, ut plurimum rubras esse, in Orientali verò, & Occidentali lividas ex Aristotele accepimus. Docet deindè idem Philosophus duplici ratione variari posse colores in eodem subjecto, vel quia in ejus generatione alterari nimis possunt humores, mutarique temperies, quæ ad talem colorem subjecto inducendum exigitur à Natura, vel ex diverso potu aquarum, quæ, si calidæ, candidum colorem inducunt, si frigidæ, fuscum, ex ea potissimum ratione, quia cum calida multæ particulæ aeris miscentur, ex quibus candor provenit, ut apparet in spuma ex aqua, & aere composita. Verùm rationem hanc Aristotelis ad trutinam non revoco. Illud affirma-

re indubitanter placet, quod experimentis satis evidentibus roboratur. Colores videlicet non paucos à diversitate humoris, quo Animalia nutriuntur oriri, rursusque variari à diversa eorum caloris Coctione, sic Mitulorum caro, si coquatur igne, e pallido colore in vitellinum transit.

Quod si Pili, Plumæ, & Pelles Animalium ab eorum excrementis proveniunt, ut Aristoteles ipse docuit, confirmatur quod diximus. In cute enim Cochlearum testacea colores præcipuè apparent, non aliundè profecto multicolori, & varia, nisi ex variis humoribus, quibus nutriuntur, sicuti ex multiplici cibo magis multicolores sunt Vespæ quàm Apes, inquit idem Aristoteles 5. de gener. cap. 6.

Cum Oceano misceri hanc diversam humorum temperiem arguere possumus è Coralliorum præsertim diversitate. Inveniuntur enim alba, nigra, rosea, & purpurea, & quidem non in distincta maris plaga, sed ex eodem lapide aliquando conjunctim nata, certè ex diversitate humorum, quorum sedimentum ad diversos Coralliorum cespites semen posuit, præbuitque alimentum, ut foeliciter in propria specie singuli germinarent. Hæc verò humorum necessariam separationem tum accidere probabiliter mihi persuadeo, cum maris æstus non adeò fervet, & magis frigescit, sicuti videmus Balsamum Ægyptiacum dictum *della Mecca*, aqua calida dissolvi, penitusque misceri, eadem verò frigescente separari in globum condensatum.

Istam verò tincturam ab exhalationibus, & mineralium corporum spiritibus provenire judicant multi, cum tingendi vim habeant; nonnulli ex varia Elementorum coctione illam deducunt; plerique verò salinis corporibus, vitrioli, & aluminis adscribendam esse existimant, quibus omnia Corpora saturantur, & potissimum salis ammoniaci, cui insitum putant colorum omnium seminarium, qui in ejusdem fumo, cum sublimatur igne, manifestè apparent. Sed ne ab instituto nostro discedamus, harum opinionum examen ommitto. Ad Lucernam enim Cleantis in abditissimo terræ antro labore improbo mentem damnare otio jucundo privatam, quo in maris litore ad animi relaxationem minimè vituperabilem cœpimus feriari.

Suppono igitur cum Agricola mista esse cum aqua maris ramenta plurima mineralium, & particulas salium, nitri, & aluminum, quæ quidem agnosci possunt, præsertim sublimatione in fornace spagyrica obtenta; ex qua diversorum corporum mistione necessariò diversitas colorum, & saporum nascitur, cum rubrum Rubrica, & flavum Ochra communicet, sicuti alios colores Rubigines, Salia, & Bitumina producant. Hinc

aqua Fontis Tungrensis igne supposito ebulliens rubescit, Aqua Nili æruginosa apparet tempore siccitatis, in lacu Babilonico calidis mensibus rubet, & quamvis multæ aquæ perspicuæ sint, & claræ, alveos tamen diversimodè tingunt; Hinc in fonte Theano proximo alveus rubicundus apparet, & litargirii decoctum, cum aquæ puræ infunditur, ut lac albescit, & condensatur. Ex quibus satis arguitur Cochlearum testas diversis coloribus pingi posse ab aquis marinis, pro diversitate corporum, quibus ipsæ inficiuntur.

Negandum autem non est macularum diversitatem posse etiam ab extrinsecis, & accidentalibus causis derivare; vel quia humiditas frigore exsicceatur, vel quia è varia caloris coctura variatur coloris apparentia, sicuti in agro Patavino apud Imperatum lib. 5. glebæ sunt, in quarum meditullio terra alba latet, quæ colore ciano pingitur, si aeri exponatur. Ita pariter Cerrussa ex plumbo facta flammæ vi in flavum colorem degenerat, & magis adusta in minium evadit. Ita ova cocta multo fiunt candidiora, ut notat Bartolinus de luce Animal. lib. 2. prob. 4. Poma à Sole diversimodè calefacta etiam diversimodè colorantur, & Concharum valvas in aprico expositas variis coloribus infectas, ego ipse post aliquot dies penitus albas inveni. Hinc Aristoteles Probl. de color. sect. 38. num. 2. ad quæsitum cur Nauticæ artis studiosi ut plurimum colorem rufum acquirant, respondet; ex eo nasci, quia mare per suam salsedinem est calidum, & exiccativum, adeoque aptum ad causandum colorem rufum,

Quid ergo mirum si Testacea innumeris penè diversisque coloribus induantur, ac si, licet ejusdem speciei sint individua, & in eodem aquarum gremio generata, è diverso ubere traxerint alimentum? Atque hæc de coloribus in genere dixisse sufficiat, velle propinquius immediatas causas singulorum scrutari temerarium est. In examine rerum naturalium ibi sistere prudentem Philosophum decet, ubi sensuum ductu probabilibus rationibus sciendi curiositatem lætat, quem nonnisi summi Conditoris cognitione omninò explere in hac vita possumus. Qui jure meritò artem penitus arcanam sibi vindicat Flores, & Conchilia coloribus pingendi, cum dicit in Psal. 491. *Pulchritudo agri mecum est*; ac si diceret, inquit S. Mediolanensis Antistes. Quis enim alius artifex potest tantam rerum singularium exprimere venustatem? Abditarum igitur harum rerum fibras magis intimè scrutentur alii, nos interim Conditoris Sapientiam in eis arguentes, Poetam Salust. Eubartes audiamus cum ait illum admirans.

— il qual le piaggie

Di più varii colori orna, e dipinge

Che dell' Aurora il matutino volto.

Ejusdem enim jussa sic exequemur, qui vult apud Laurentium Crassum Poem. 3.

Mentre opre si belle al Mondo spande,

Che per esse ammiriam quanto ei sia grande.

## COROLLARIUM

*Quæ circa colorum Genesim in capite superiori dicta sunt,*

*Experimentis comprobantur.*

**D**iximus è varia sulphuris variis salibus mixti concoctione varios quoque, & diversos colores emergere. Secundò ab exalationibus, & minerarum particulis sive spiritibus; Tertiò ex salinis corporibus vitrioli, & aluminis provenire; Hæc autem omninò experimentis, quæ adducemus satis superque patebunt.

Si ponantur laminæ plumbeæ in scypho aceto acerrimo pleno, ejus acrimonia aliquot dierum spatio resolutæ in purissimam candidi coloris cerussam convertentur. Si verò hanc crucibulo igni validissimo imposueris, videbis paulatim in flavedinem quandam lucidam abire, paulo post in herbaceum colorem postea in Fulvum, ac tandem in intensum colorem rubrum, quem minium vocant, degeneratam; rursus in nigram scoriam caloris ignei incremento mutatam.

Si autem quæras quomodo hæc color candidissimus primò, deindè in rubrum, & tandem in nigram scoriam degeneret. Respondet in Mundo Subterraneo lib. 81. sect. 2. Kircherus, hoc fieri caloris ignei incremento; primò siquidem acetum, ignea qua pollet acrimonia, plumbum in particulas minutas dissolvit, quarum singulæ cum sale mixtæ sint, à terrestribus deindè fecibus separatæ, lucidissima corpuscula exhibent, non secus, ac si vitrum, in minutissimas partes contuderis. Degenerat deindè in alios colores, ut dictum est, & tandem in nigram scoriam, quia cum partes salinæ albæ, ignem expertæ fuerint, sulphur illis admistum in sal flavum abit, eò quòd adustio particulas transmutet in vicinum albo colorem. At si cerrussa vehementius aduratur, jam obfuscatas corporibus salinis, cerrussa ex albo, & flavo colore mixta, subvirescente colore imbuta conspicitur, quam luminis reflexio in tali dispositæ materiæ combinatione exhibet. Rursus si hæc adhuc

vehe-

vehementius aduratur, in flavum colorem paulatim, eò quòd materia vehementi calore exagitata juxta colorum naturalium progressum in eum colorem, qui viridi est propior degeneret: salina verò corpora, cum exhibent luminis illustratione colorem, quem adustionis incrementum secum portat, atque hoc pacto intensissimum rubedinis gradum, idest minium, tandem intensissima caloris vi producet; à quo gradu si ignis vehementius, & vehementius intendatur, videbis quod uti per luminosum colorum gradus in rubrum excrevit, ita hoc per umbrosorum colorum gradus, idest pumiceum, cæruleum, cinereum paulatim ordine desectet, donec in nigri coloris scoriam, albo oppositam, jam omnibus spiritibus dissolutis, instar carbonum degenerat. Atque ex hisce luculenter patet, quomodo colores caloris vi in mineralibus paulatim ex uno in alterum gradatim juxta ordinem naturalis mixturæ, transmutentur.

Quomodo autem salina corpuscula se mutuo destruant, & instaurent, hoc patet experimento. Si gallarum in aquam limpida[m] resolutarum infusioni vitriolum admisceas, ea statim in atramentum degenerabit, quod certè provenit ex combusto sulphure, quo Galla constat aquæ communicato. Si verò huic atramento aquam stygiam superaffuderis, ecce (mirum dictu) aqua atramentosa mox pristinae claritati restituetur, eò quòd aqua stygia corpuscula gallarum sua acrimonia prorsus consumet. Si verò rursus huic aquæ jam in pristinam claritatem reductæ oleum tartari affuderis statim in atramentum reducetur, quia oleum tartari non ab similem gallæ tincturam continet. Undè pulchrum arcanum patet; Si enim in carta candida vitrioli aqua aliquid inscripseris caracteres siccati prorsus evanescent, ac mox si cartam gallarum infusioni immeriseris, nigerrimo colore imbutæ apparebunt. Quas si denuò deletas cupias, id spiritu vitrioli, aut aqua stygia præstabis. Pari modo tinctura violarum cærulea, oleo vitrioli suffusa purpurascit, cui si guttas aliquas spiritus corni cervi affuderis, color purpureus in viridem continuò vertitur.

Quæ omnia dependent à varia differentium corporum constitutione, quæ cum variis, & differentibus salibus variè tingentibus turgeant, ita quoque varias colorum transmutationes admittunt.

## C A P U T XII.

*De Vario Testaceorum Usu.*

Quidquid rerum omnium Conditor oculis Mortalium subjecit, non ea solum de causa factum esse dixit Apro S. Paulinus Epist. 5. de Refur. *ut ex iis carnalia emolumenta capiamus, sed etiam multo magis spiritualia perlegamus.* Et rationi valdè consonum est, inquit Tertullianus, quod cum homo spiritu constet, & carne, urrique ejus parti fuerit abundè consultum. Hinc totus Terrarum Orbis veluti vasta Bibliotheca animo est, ut in ea erudiatur, corpori verò tanquam ditissimum Penu, quo indigentia satisfiat. Quare D. Bernardus in Pl. qui habitat serm. 14. *Quanta, inquit Deum alloquens; largitus es ad sustentationem, quanta ad eruditionem!* Quamobrem sicut olim ad sustentationem Eliæ Corvi dapiferi extiterunt, juxta illud 3. Reg. 27. *Corvisque præcepi, ut pascant tibi;* ita pariter omnibus rebus præceptum posuit, ut nobis utilitati essent delectando scilicet sensus saporibus, odoribus, coloribus, & cantu; dando carnibus cibos, ossibus arma, pellibus vestes, plumis ornatum, tincturas sanguine, medicamina succis, margaritis divitias. Nec minus quàm cætera omnia Conchyliorum Species afferunt homini utilitates, quas recensebimus. Possent hinc numerari innumeri penè modi, quibus Medicinæ facultati profunt; sed illos data opera ommittimus nolentes transcribere, quæ suis narrationibus Alii suis in paginis posuere. Quærat curiosus Lector apud Dioctem Caristium, Galenum, Mattiolum, Cornelium Celsum, Plinium, & Dioscoridem.

Medicamentis, quibus vel ex testarum attritu, vel ex carniarum coctione utuntur Pharmacopolæ in medicinæ subsidium longè nobiliores sunt usus, qui cæteris facultatibus præstantur à Cochleis; Ante omnes ille sciendus est, quo rebus omnibus anteponuntur, cum loco pecuniæ adhibitæ rerum omnium pretium æquant, easque producent virtute quadam ab hominum arbitrio accepta, unde Aristoteles Probl. de prud. sect. 30. notavit multos alioquin prudentia præditos, ideò summè avaros esse, & pecuniæ tenaces, quia ea quidquid sibi libuerit facile consequantur. Propè Regnum Congianum ubi flumen, Coanza dictum ab Incolis, ex lacu, è quo Nilus originem trahit, excurrit in Oceanum, adjacet Insula, cui nomen *Loanda*, vulgo *Paese Rasò, e senza Monti*; parum enim eminet supra mare, mille quidem passibus lata, viginti verò millia passuum in longum extensa. Hæc  
igi-

igitur dici potest copiosa monetarum fodina, quibus populi Congiano Regi subiecti auro argentoque prædivites utuntur in commerciis, loco pecuniarum præbentes Cochleas, quæ referente mihi oculato teste, sunt parvulæ Veneræ, quas num. 233. Classis 3. indicabimus. In Regno pariter Tobuti, quod affluit fluvius, *Nigir*, sive *Senega* dictus, Cochlearum testæ ex Persico Mari acceptæ loco monetarum habentur. In Regno Bengalensi illæ sunt, quas Itali nominant *Porcellette*. In quadam Philippinarum Insula Veneræ, num. 247. descriptæ, expenduntur. Quæ omnia à PP. Societatis Jesu Missionariis relata mihi sunt. Insuper Joannes Rhoin-Examerone Orat. 37. num. 49. de aliis narrat pecuniæ loco habitis ab Incolis Capitis Viridis. Undè falsum redditur vetus Græcorum adagium, quo Concha vilis esse significabatur quidquid nihili faciendum putabant.

Hinc ad alios peculiare Usus transeamus. In Insula Goana, & Ollandiæ regionibus Conchyliorum testæ igne perustæ, uti lapides, calcem subministrant ad ædificia extruenda, quæ tamen imbris facilius dissolvitur Philip. à S. Trinit. itin. Orient. lib. 7. cap. 7. In Orotina Regionem loco ligonum Pinnis magnis utuntur Rustici, Olaus magnus pag. 203. Georg. 2. & vitibus varia Concharum genera fertilitatem addunt, dicente Virgilio.

— *Quæcumque præmes Virgulta per agros  
Sparge fimo pingui, & multa memor occule  
terra,*

*Aut lapidem bibulum, aut squallentes infode  
Conchas.*

Eas verò ad nobiliorem usum Ars militaris accepit (Gio. Boem. nè costumi delle Genti En. 11.) belligeros spiritus ciens apud Incolas Insulæ Cumanæ in Animis militum Buccinis loco Tubarum, ut olim apud Romanos cum

*Buccina jam præscos cogebat ad arma Quirites.* Prisci Homines antè Tubam inventam utebantur, aut fumo, aut Cochlea marina. Tritones aliqui fabulantur Concha perforata buccinarum Scholiast. Homeri Iliad. 6. Plinius jam Concha canentem Tritonem dixit, & Virgilius de Miseno Tubicine.

*Sed tum forte cava, dum personat aquore  
Concha.*

Accepto fortasse à Piscatoribus documento, quorum mos est apud plurimas Nationes sonitus buccinis reddere, antequam piscari incipiant, ideoque dicti sunt Conchitæ, & Conchiliarii à Plauto, cum ait: *Salvete fures maritimi Conchyta, atque Namioia, famelica hominum natio, quid agitis?* Dubium autem est an sonos edant, Pisces alliciendi gratia, sicut ad ovilia vocatur Pecus, vel ad venatum canes extimu-

lantur, sive potius animi relaxandi, ut apud Incolas regionis indicæ, quam dicunt Xaguaguara, mos est lyræ loco Ostreorum testis invicem repercussis ad numeros sonum edere, quo choreas, & tripudia solemniter ducant. Græcos olim gavisos margaritarum sono refert Plinius lib. 9. cap. 3. subeunt, inquit, luxuriæ ejus nomina, & tædia exquisita perditore portatu: siquidem quum id fecere crotalia appellant, ceu sono quoque gaudeant, & collisu ipso margaritarum: in Insula, cui nomen S. Marta non solum parietes ornantur juncorum, & palmarum strobis, margaritarum lineis distinctis; sed ad cubilia, & domorum januas Concharum copiam appendunt, quibus à ventorum flatibus agitatæ sonus reddatur (Petrus Martir. lib. 4. dec. 3.) In quadam Hispaniæ plaga maritima fistularum vices suppleant aliquæ Cochlearum species in longum turbinem convolutæ. Apud Romanos Senatorum suffragia loco schedularum Conchulæ referebant in foro, cum de morte, vel vita captivorum decernebant (Didimus apud Athenæum) Imò magno pretio illas mercari solebant, quarum purpureo succo vestes tingebantur, parvi habentes multorum vitam, cujus discrimine obtinebant paucas coloris guttas, quibus luxum, & fastum lætabant, illum ostentando in vestibus, subditis interim exosi, ut Alexander Persica veste clamydatus, summis autem in amoribus habitus, cum Græcorum more modestè indueretur.

Sanius quidem Conchyliis usi fuere, ut alibi diximus duo illa Romanæ Reipublicæ decora Lelius, ac Scipio, cum solebant Conchas ad Cajetam, & Lucrinum legere, & ad omnem animi remissionem ludumque descendere. Authore Polluce ludi genus est, quo ducta linea dispersitos in partes pueros dividit, mox projecto Ostraco sive testa, pars, quæ supinum pronumque ejus casum divinarit, alteram in fugam dilapsam insequitur, deprehensus confidet (asinum nominabant) repetitque cationem *nox an dies?* Lusum istum apud Hollandus etiam num in usu esse scribit Nomenclator, vocarique ibi *Luysen est noppem*, sive *Nol of bol*; quod est *Planum ne an Cavum?* Præter hunc alterum refert, quo Conchæ supra stagnantem aquam vehementer jaciuntur, & victor dicitur ille, cujus Concha aquæ superficiem leviter tangens, plures saltus ediderit, antequam, cessante motu, demergatur in aquam. Ex hoc autem puerili ludo posset quis innumeros penè circulos observare in aquarum superficie formatos, rationemque excogitare: cur semper factis novi succedant, unumque alter quodammodo insequatur.

*Come i Delfini , quando fanno segno  
A marinar coll' arco della schiena  
Che s' argomentin di campar lor legno .*

Quando Concha vix aquam abradens ( Sil. Ital. de bello pun. lib. 13.)

*Exiguos format per prima volumina giros  
Mox tremulum vibrans , motu glifcente liquorem*

*Multiplicat crebros sinuati gurgitis Orbes :  
Donec postremo laxatis circulus oris*

*Contingat geminas patulo curvamine ripas .*

Sed recensere quis poterit quot modis mechanicæ Facultates Cochleas adhibeant? Ex ipsis plastica arte conficere Porcellanam præcipuè in Kiansi provincia Sinarum scripsit Pancirolus ibi enim testas minutatim concisas sub terra in locum aliquem secretiorem recondunt , quem Pater liberis suis designat , atque ibi octuaginta annos manent occultæ , quo tempore elapso , filii , vel nepotes eas eruunt ad pretiosa illa vasa conficienda . Conficiuntur autem , inquit Jo. Linscot. c. 25. navigationem Orientalem describens contra Pancirolum , ex durissima terræ specie , quæ cisternis injecta maceratur , donec duritie devicta , sæpèque versata , quemadmodum apud nos agricolæ lac in butirum exercent , in summitate materiam excernant , ex qua subtilissimum opus fit . Ex iisdem pariter bene contusis , & maceratis conficiuntur Intrita , in quibus cameorum cælaturæ impressione representantur . In Brasiliensi Provincia imberbes aliqui inter agrestes populos capillum subnascentem Conchulis interceptum detondent , quas è collo pendulas ad istos usus circumferunt . Cochleam quam numero nono Oleariam dicemus solebant Veteres in usus quotidianos oleum haurire , vel ea oleum decapellare , cujus figura ad id percomodè quadrat . Hujusmodi etiam , sicuti & testam Nautili Aurifices , additis ansa , & basi , in urceos efformant eleganti artificio , quod eam contra venena aliquid valere credant . Multæ etiam ustæ dentificiis conficiendis sunt utilissimæ .

Apud Ægyptios Cochleis Venereis utuntur mulieres , & eisdem ornamenta quædam lineam in amylo aqua diluto , lota , deindè exiccata poliunt , adeò ut splendeant . Eisdem Itali , atque Græci , & Turcæ chartas levigant , quod & Plinius olim factitatum fuisse memorat , & Martialis cum ait lib. 3. cap. 12.

*Lævis ab æquorea cortex Mareotica Concha  
Fiat , inoffensa curret arundo via .*

Ideòque à nonnullis levigatoriæ , vel levigatæ dicuntur . Hujusmodi Conchis , ex Mari Rubro acceptis , onerantur Cameli , eisdem appensæ Claves non solum in Europa , sed in nova Hispania gestari solent . Has Aurifices in-

duas partes secant , & Cochlearia conficiunt , hoc vocabulo expressa , quia fiunt ex Cochlea : ex multis vascula illa conficiuntur in quibus Tabacum servatur . Has equorum frœnis , & phaleris nonnulli accomodant , aliqui manubria armorum , baculorum aliorumque instrumentorum confecerunt . In Urbe , Bengala dicta , ab Indis è Conchis Margaritiferis in crustula dissectis scrinia , & belli instrumenta miro artificio exornantur . Concha , quæ num. 2. Clas. 3. describitur coquinariæ arti inseruit , in quadam Insula Philippinarum ad omnia ciborum genera elixanda . Inveniuntur enim in eo mari adeò capaces , ut earum moles trecentarum librarum pondus exæquent , sicuti aliæ innumeræ parviores Pictoriæ arti colores , & pigmenta conservant .

Cujus autem calamus ad vivum possit hinc explicare quot ornamenta fontibus , parietibus , & statuis addant Artifices ingeniosi? Adeat curiosus Criptam , quæ Varsaliana dicitur propè Parisios , quam splendida Regis magnificentia , & studiosa Architectorum industria præclaram ornatibus effecerunt . Ibi miros aquarum ludentium fontes , ibi Phebi ad vivum expressam imaginem videbit in marmore post emensa Cœli spatia inter placidas limpharum undas laboris levamen sumentis ; ibi anhelantes ejusdem equos sitim restinguere , omnia verò lapillorum Concharumque musivis operibus exornata , vel columnis Cochlearum more contortis , vel Encarpiis ex ipsis Cochleis concinnatis , sive in phrigia ornamenta minutis conchulis distributis , sive in Tritonum simulacra coaptatis , pluribus quidem , sed omnibus ingeniosis modis inter multicolores lapillos ad ornatum disseminatis .

Nec omittendus hic est pius usus , in quem multorum religio easdem convertit , conservando scilicet lustralem aquam in templis , ac domibus , fabricando earum testis globulos , quibus preces solent nuncupari , quos vidisse se narrat Joannes Rho , aureis filis elegantissimè intertextos , à Pervano Regno Summo Pontifici Urbano dono missos , compositum pariter præclara arte ex innumeris Conchyliorum testis Altare , quod fusè per partes hinc Auctor describit . Ornamenta insuper elegantissimè concinnata sacris imaginibus addi in aliquibus Belgii templis ex oculatis testibus accepi . Sicuti apud Britones Galliæ Populos à Sanctimonialibus quibusdam , omnis generis minutissimæ conchulæ tali arte disponuntur , ut flores vernantes referant , coloribus variis picturatos . In eadem Provincia Patres Capucini ordinis S. Francisci in Conchis , quæ Auriculæ dicuntur sal servant in mensa .

Illis utuntur pauperes incolæ in Oris; quarum nomina dicimus Curianam, Urabam, & Xaguaguaram, ad verecundiæ munimem, non fecus, ac Adam, & Eva post innocentiae jacturam consuerunt folia ficus, & fecerunt sibi perizomata (Petrus Martir. lib. 4. dec. 3.) Alii ad pietatem significandam, qua longas itinerum peregrinationes susceperunt, ideòque Conchæ, Pectines dictæ à Latinis, vulgò appellantur *Cappe Sante*, & *Cappe di S. Giacomo* ab usu Peregrinantium, qui eas dorso, & Pectori appensas ferunt, cum ad eum venerandum Galiciam proficiscuntur, morem aliquorum hoc pacto damnantes, quorum olim superstitiosa Religio, postquam eas Dianæ, Venationis Deæ tutelari, sacrauerint tanquam amuleta Canibus appendebant, ut inquit Gratius inter Veteres Poetas non ultimus de Venat. vers. 400.

——— *collaribus ergo*

*Sunt qui lucifugæ, cristas inducere malis*

*Iussere, aut sacris conferta monilia Conchis.*

Non minus quidem damnandi, quam Trogloditarum foemina, quæ ut amulata inter ubera gestabant, aut illæ, quæ parvulas, & candidas venereas, uterinos calculos à figura dictas, tanquam uteri morbis salutare pectori appendunt, seu verius dicam luxuriæ superbiæque prætextus est, quæ ut hæc, & alia ornamenta, ceu valetudinis gratia, auro argentoque inclusa ostententur, efficit, amatorum potius illicia, quam sanitatis tuendæ instrumenta, aut amuleta morborum.

Laudabili autem usu in Stematibus ostentantur, vel argento, vel auro, vel coloribus cianeis decoratæ, vel fasciis purpureis distinctæ, vel aureis Zonis circumseptæ. Collocantur etiam inter Aquilas, & Leones, Animalium Principes, ad celebrandas, vel Profapiæ dignitatem, vel longissimas per Terrarum Orbem excursiones, vel in mari classicas pugnas, quas abundè relatas agnoscet curiosus Lector in cap. 30. Voluminis, quod Marcus de Vulson eruditè conscripsit. Eadem è cœno, ubi vilia natalia sortiuntur ad nobile fastigium evexit inclitus Galliarum Rex inter Ludovicos XI. cum Equites S. Michaelis dictos, aureo torque insignivit conchis simul connexis efformato, additoque numismate, in quo S. Michaelis imago Tartareum Draconem vulnerantis videbatur, revocans hoc ritu in omnium memoriam Pietatem Caroli Septimi Regis erga eundem Archangelorum Principem, cujus patrociniū sibi spondens, imaginem in vexillis ostentando, victorias Terra Marique ex hostibus se relaturum sperabat, ut retulit, cum illum apud Aurelianensem Urbem sibi, & Galliarum incolumitati in aere dimicantem vidit (Scey. & Luis de Sain. Marth. Hist. de Franc.)

Nectacenda est utilitas præcipua, quam ad corpora sustentanda suis carnibus afferunt Testaceorum plurimæ species. In Provincia, Curtana dicta, apud Pariam conchis, & Ostreis, ut plurimum vescuntur Incolæ, licet leporibus, & cuniculis maximè abundant (Hieronym. Gilius lib. 16.) Aliqui Populi, referente Strabone, Ostreas in Piscinis nutriunt, ut mensis parandas faciliè inveniant. Cui autem latet quanto apud Romanos essent olim in pretio? In hoc præcipuè damnandos, quòd Providentiæ ordinem evertentes, Gulæ, & Vitio illi darent, quæ ad vitæ sustentationem abundè condita è mari piscabantur. Multi enim ad venereos stimulos addendos illis utebantur. Aetio docente omnia Concharum genera talem virtutem continere, à Poetarum commentis indicatam, cum afferunt Venerem, vel natam in concha, vel in concha cimbæ loco, Ciprum profecisse. Plerique verò, ut gulam explerent, Lucullo non absimiles, qui lautissima cœna dies omnes claudebat, omnium Elementorum tributis comparata, sive, verius dicam, Trifauci Cerberi, & Geriones triplici abdomine ventricosi semper expetebant, quas vocabant Viduarum cupedias ad saporis præstantiam indicandam, pretio licet enormi comparatas (Celius Rodigin. 27. lect. cap. 23.) Quamobrem Seneca lib. 24. ep. 11. in turpe hoc gulæ vitium invehens: *Quantum (ait) ex tot Conchyliis tam longè advectis per istum stomachum inexplebilem labitur?* Quibus malis, ut mederetur Respublica, Lex Scauri, & Populi Cenforum fuit, Conchyliorum usum prohibens cœnis, ac ea ferenti pœnas perscribens.

Ad memoriam hinc revocantur nunquam satis damnandi mores, quibus eisdem utuntur foemina. Varios autem illarum usus recensere quis potest? Capitis satis licet concinnato, & cirrulis floribusque abundè calamistrato Cochleas addunt, in fimbrias, in tenias, & cristas circumponendo, *nec putant onera*, ut inquit Ambrosius, *si pretiosa sint*. Ex iisdem, & gagatarum globulis multæ monilia, & cingula contexunt, præsertim viduæ, Rondeletio narrante, apud Gesn. 629. quæ luctus tempore nonnisi nigris candidisque ornantur. In Insula Cumana ex Conchis Monilia, & ex Cochleis corollas, & armillas pauperes foemina sibi comparant, ex margaritis verò ditiores: in Brasilia Barbarorum foemina circulos è buccinis dissectos brachiis aptant, ita ut membris hinc inde intumescentibus nunquam extrahi amplius possint, aliquæ autem auribus, labris, genisque perforatis appendunt. Ex Epistola P. Petri Martini, quàm retulit P. Gobien in Actis eruditorum Trevoltii impressis accepimus in Ora Piscariæ Mercatores Ollandos à Piscatoribus Buccinas emere, quas

patrio idiomate Xanxus appellant, easque ad Regnum Bengalense transferre, ubi ex illis plures circulos demunt, quos brachiis, & cruribus Barbarorum Fœminæ tanquam Armillas ad ornatum aptant. Apud Gallos in Urbe Agdelineas formant, referente Fabro, *quas garrant ad pompam, & decorem*. Eis utuntur in fucis Græcorum mulieres, in succo pomi citrii dissolutis, & sublimato, vel adipe gallinaceo permittis: sic enim facies splendiores, & candidiores effici putant. Verum omnium amores sibi vindicant Margaritæ. Nec solum Columbus hoc agnovit in Insula, cui nomen Gratiæ dedit, ubi post diurnos in mari labores, & vitæ discrimina primum appulit, Americanas Regiones invisens, cum magnam vidit Margaritarum copiam à nigris fœminis pectore brachiisque nudatis ostentari. Fœminarum fastus, & vanitas cum ipsis nata, delicias Margaritarum huic sexui in Mundo muliebri veluti præcipuum Elementum recenset, & mulieres se non putarent, si Margaritis carerent. Nonne, & Isaias cap. 3. vers. 23. in Mundo muliebri eas recenset? Illis utuntur quamplurimæ non pudicitiam tuendæ, ut Puellæ Bengalenses, quæ contra violentos fatis munitæ ubique incedunt, si candidis margaritis ornentur; sed ut amatori potius sint incitamento, & venalem suam pudicitiam hac edera prædunt, dum pulchriores judicari student, si tamen pulchra dicenda est, ut cum Tertulliano loquar, de habitu Mulier. cap. 53. mulier, habitu meretricio velata, quo potius ostentantur corpora, quam vestiuntur inquit Solinus. Longis Margaritarum lineis collo pluries circumductis vanitatis mancipia efficiuntur, *quarum tamen licentia*, ait Seneca lib. de benef. cap. 9. *non satis viros subjecerat, nisi bina, ac terna Patrimonia auribus singulis pependissent*. Fuit olim amentiam pompa, *cum veriore luxuria, quàm triumpho* (Plinii verbis utor lib. 17. cap. 3.) Pompei imago Margaritis gemmisque tessellata Romanis Civibus spectanda existebat in foro, verum longè majorem fœminarum stultitiam dixerim, cum eisdem onustæ incedunt, in quavis corporis parte eas ostentantes, ut olim Lolia Paulina, Cleopatra, & delicatuli Parthorum Oratores, quos Romæ vidit Tertullianus de habit. Mulier. c. 5. *habentes in Peronibus Uniones*.

Heu monstrosa Vanitatis fœminæ deliramenta! Quæ concharum excrementis superbiunt, pulchrioresque se credunt. At cedo Margaritas plurimi faciendas esse apud homines, easque adeò pretiosas existere, ut omnium amores sibi meritò vindicent. Numquid ideò fœminarum

ornamentis addendas quis dicet, magna numerorum vi, qui Natorum alimento, Familiarum conservationi, & Populorum bono debentur, comparatas? Jure Plinius lib. 9. cap. 54. in hanc Gulæ, & Luxus libidinem invehitur, ubi sic ait; *sed quid hæc parva commemoro? cum populatio morum, atque luxuria, non aliundè, quam à Concharum genere proveniat? Iam quidem ex tota rerum Natura damnosissimum mare est, tot modis, tot mensis, tot piscium saporibus, quibus pretia capientium periculo fiunt. Sed quota hæc portio est reputantibus Purpuras, Conchilia, Margaritas? Parum scilicet fuerat in gulas condi Maria, nisi manibus, auribus, capite, totoque corpore à fœminis juxta virisque gestarentur. Quid mari cum vestibus? Quid undis fluctibusque cum vellere? Non rectè recipit hæc nos rerum Natura, nisi nudos. Esto si tanta Ventri cum eo Societas, quid tergori? Parum est nisi quo vescimur, periculis etiam vestiamur. Adeò per totum corpus anima hominis quæ sita maximè placent.*

Hujus tamen objurgationis aculei non mari debentur, ubi Testacea nascuntur, sed eis abutenti, quoniam (docente D. Ambrosio) *nihil Natura deliquit, alimenta dedit, non vitia præscripsit*. Hæc agnoscens Alexander Severus, quum quidam Legatus uniones duos uxori ejus per ipsum obtulisset magni ponderis, & inusitatae mensuræ, vendi eos jussit, qui quum pretium non invenirent, ne exemplum malum à Regina nasceretur, si eo uteretur, quod emi non posset, in auribus Veneris eos dicavit. (*Ælius Lampridius in vita Alexandri.*)

Quàm verò sanius utuntur Margaritis Præclaræ illæ mulieres, à quibus in templis Altaria, sacræque Imagines eisdem decorantur. Egit hoc inter cæteras Diva Elisabet Hungariæ Regis Filia, & Langravii Uxor, cum in Templo Margaritis, & gemmis onusta patibulati Numinis effigiem plagis cruentam inspiciens, vanitatis pertæsa, pietatemque edocta in testimonium pœnitentiæ, quæ fuerant Mundi, & carnis arma, malitiæque instrumenta, pro tabernaculi ornamentis Deo Optimo Maximo dedicavit. (Sandeus l. 4. pag. 304.)

Non igitur humano Generi tam variæ, ac multiplices Conchyliorum species ad inutilem pompam Natura produxit, sed ad laudabiles usus, inter quos, vel unicus illam maximè commendaret, quo ejus in producendo prodigiosa fertilitas, sive, ut verius loquar, Divini Conditoris Bonitas, & magnitudo etiam in Rebus minimis ostentatur.



# P A R S S E C U N D A .

## *Describuntur Testacea in Parte quarta delineata .*

**A**rdum profectò opus aggredior , & quasi in spatioſo Pelago vela ſolvens , naufragium potiùs mentis timendum eſſe , quàm animi relaxationem ſperandam agnoſco . Ea enim eſt Teſtaceorum copia ſub undis , ut deficientibus verbis , ſingulis vel ſolum nomen imponere Eloquentia desperet . Adeò *facilius eſt Natura facere , quàm homini recenſere* , ut cum Philoſopho loquar . Ad eorum Claſſes , ſivè Genera ſolùm referenda , vel amplo volumini deficerent paginae , & quivis calamus , licet in ſcribendo velox , à labore deterreretur . Ut igitur Gruis , & Vulpis cœnam non inſtituamus , ineptè loquendo , cùm ad animi relaxationem loquendum eſt , ſelectas Cochlearum Teſtas in præſentia oculis ſubjiciam , ne in cognoscendo animus defatigetur . Oculorum enim propria eſt cognitio Rerum , quæ Turbam faciunt , ut ſunt Flores , Plumæ , Lapides , ac Teſtacea . Dividam itaque omnia in tres Claſſes , Univalvium videlicet , Bivalvium , & Turbinatorum , & in qualibet eorum ea in conſpectum dabo , quæ diverſitate Formarum , aut Accidentium notabiliter , conſtanterque variata in omnibus , viſa mihi ſunt omninò ſpecie differre .

Privantur quidem præcipua venuſtate , cùm in paginis delineantur , cùm enim unicam partem ſemper oſtendant , aliæ celantur , quibus ſpectabiles adeò ſunt , ut non facilè , quæ nam earum ſit pulchrior poſſit oculus definire . Imò cadaver potiùs oſtenditur à calamo , dum hic negando colores , eo privat decore , qui etiam Animæ pulchritudinem in Hominum vultu depingit , amoremque allicit oculorum .

Oblectabunt nihilominùs quoquomodo expreſſæ , ut Liſippum monetæ , celeberrimum illum ſtatuarie Artis peritum , ſolitum ex manupretio cujuſque ſtatuae denarios deponere aureos ſingulos ; illum quidem , cùm ſexcenta , & decem opera ab ipſo facta memoriæ in monetis revocabat , nos verò , dum à ſingulis ingens ſimiliem Teſtarum numerus à ſummo Opifice in amplo Oceano diſperſus publicabitur , de quibus meliùs , quàm de Liſippi ſignis Plinius diceret *tanta omnia eſſe Artis , ut claritatem poſ-*

*ſent dare , vel ſingula .* Sunt enim , ut facies Hominum de quibus loquens in Octavio Minutius Felix : *Eadem , ait , figura omnibus , ſed quadam unicuique lineamenta deſtina ; ſc , & ſimiles univerſi videmur , & inter ſe ſinguli diſſimiles invenimur .* In omnibus Turbinatis , ut de reliquis taceam , lineæ ſpiralis circumvolutiones videmus , non tamen in omnibus eſt totidem Orbibus producta , nec in omnibus æqualiter apparens , ſed in aliquibus partim cæſata , partim manifeſta , in aliis ſupra firmam baſim , quaſi circa columnam convoluta , in aliis verò ſinè ullo fulcro Cochleata , in his depreſſa , ac plana , in aliis intumefcens , & ſinuofa , in omnibus denique ſimilis , & diſcriminatim apparens .

Deſcribam igitur breviter in hac parte Cochleas in parte quarta calamo delineatas , ut colores præcipuè , locus ubi generantur , & aliqua earum proprietates indicentur , relinquendo quidquid pro comperto non eſt . Erraret profectò , qui alieno vultu calamo , vel pennicillo repræſentaret Heroem . Si pulcher eſt fucis deturpatur , Nec Ars , ſed fatuitas ad libidinem depingit , cùm loco Cyclopiſ deformis exprimit venuſtum Achillem .

Ad eas autem ſignificandas vocibus neceſſariò utar ſæpius à Græcis mutuatis , nec culpabiliter à puritate Latini idiomatis receditur , cùm aliter loqui non poſſumus . Aliquibus enim proprium nomen non fuit ab antiquis Aucto-ribus impoſitum , vel ſi tribuerunt , recognoſci haud facilè poſſunt , quia figuris non expreſſæ . Figuræ enim descriptionibus magno adjumento ſunt ; ſiquidem hac ratione ipſæ res velut in conſpectum adductæ memoriæ , & intelligentiæ magnopere ſubveniunt ; Quapropter Marcellus Virgilius Latinæ linguæ pariter , ac Græcæ peritiſſimus in eruditis Commentariis ab ipſo editis ſupra Libros Dioſcoridis , à tali laberinto reſeſſit dicens , *nihil difficilius eſſe in tota bujuſmodi rerum Commentatione quàm in appellationibus his concordem Veterum hiftoriam oſtendere .* Subjicio igitur breves Cochlearum descriptiones , quæ Iconibus earumdem additæ reſpicientium oculis non minus oblectamentum afferent illo , quo Enea ab armis ſibi à Venere donatis afficiebatur , dum

*Maravigliando al fin sopra lo scudo  
Si ferma, e l'indicibil artificio  
Ond'era inteso, e l'argomento esplora.*

## CLASSIS I.

### *Continens Univalvia non Turbinata.*

**U**Nivalvium non Turbinatorum agmen ducit Nautilus. Talis dicitur à verbo Græco *Nautilus* quo Piscis, & Nauta significantur. Ab hujus testa navicula repræsentatur eminenti puppe in se ipsa aliquantulum reflexa. E fundo Maris per aquæ superficiem velificat, membranulam miræ tenuitatis tanquam velum extendens, vespertilionum alis similem, quam duobus primis brachiis sustinet, & quatuor aliis subremigans media cauda uti gubernaculo sese regit. Triplicem Nautilorum speciem aliqui asserunt, una tamen earum à Cochleis, quæ Umbilicatæ dicuntur non differt, ideò duas tantum species diversas agnoscimus. Qui nunc describitur ad secundam pertinere dicitur ab Aristotele, sed quia è voluntate pendet hic ordo, illum, qui dicitur ad primam spectare n. 13. describemus. Uterque eorum cum per mare velificat solet aqua testam implere, si quid pavoris interveniat, ut facilius demergatur, ad vitanda hoc modo pericula, ascenditque rursus testam convertens, quam humore exonerat industria admirabili ea, qua Navium sentinæ fordidis aquis evacuatur. Quapropter Aræsius Episcopus Dertonensis eleganter illum describens ait.

*Non hà ferro, ò bitume, ò tela, ò trave  
Ne mai del navigar apprese l'arte  
Un Pesce in Mar; e pur Nocchiero, e Nave  
E di se stesso, e in qual'è voglia parte,  
Che il vento soffi, egli di nulla pave  
Nè fuor di sè brama timone, ò sarto.*

Ab eodem Navium fabricam, navigandique artem desumptam Oppianus affirmat, Pompilium illum esse ajunt Eustatii fabulæ, conversum ab Apolline in Piscem, ideò Pompilum à Latinis vocatum. Porcellanam eum dixere Galli, eo quòd illam, ut diximus Capite XI. ex ejur testa aliarumque Cochlearum ab Indis confici existimaverint. Alii verò concham margaritifera appellarunt, non ex fœcunditate qua Margaritas producat, ut falsò putavit Auctor Musæi Septaliani, & Bellonius, ideò à Rondeletio redargutus, sed ex colore; quo Margaritis assimilatur, Videtur enim massa quædam è Margaritis compacta, habens in exteriori facie operi-

mentum, aut castaneo colore circumtectum, aut albo, qui primùm ametisthinum induens, in janthinum subnigrum degenerat in ea parte, quæ testæ aperturam versus reflectitur. Apud Jabadium Insulam, & in Mari Sinensi generatur, ubi Ars pretium illi addit egregiis Florum, & Avium calaturis, foliataque pictura.

Sub hoc numero in altero latere ejusdem aperto interior fabrica patet, quæ in triginta, ac plures concamerationes dividitur. Ex una in aliam pro libito Animal transmeare putarunt aliqui, per siphunculum quemdam, quo in omnibus aditus patet, ut in ingustiore semper, & magis intimam stationem secedens pericula tutius evitet. Hoc suaviter ad Arni ripas cecinit Strozza dicens,

*Gode egli solo un gran palagio altero  
Di gemmata, e mirabile struttura  
Ed hà quasi à nostr'onta, ove dimori  
E sale, e stanze, e ritirate, e fori.*

Verùm quia foramen illud vix subulæ exili aditum concedit, & Animal in latiori parte Testæ, ut ossibus caro, conjungitur, credendum hoc minimè est. Ad alium porrò usum Natura eas construxit, ignotum tamen, nec unquam ab Auctoribus Nautilus describentibus ad trutinam revocatum. Ego quidem, ut meam sententiam feram, ad motum inservire mihi suadeo, ut Animal facilius possit in aqua supernatare, & sub undis pro libito circumvolui, cum

*Egli sol nave, & egli sol Nocchiero  
I perigli del Mar scanza più volte.*

Sed de his valdè dubiis fortasse alibi. Certam nunc perspiciamus Pars igitur externa induitur tunica quasi ossea castaneo colore maculata. Interior verò unionum apparentiam sive gemmæ Opali variam ad varias luminis reflexiones exhibet, quam cum egregio Poeta Tasso observans.

*— hor azzurra, & hoc vermiglia  
Diresti, e si colora in guise mille,  
Sic'huom sempre diversa à se la vede  
Qualunque volta à riguardar la riede.  
Così piuma tal'hor, che di gentile  
Amorosa Colomba il collo cinge  
Mai non si scorge à se stessa simile,  
Ma in diversi color al Sol si tinge.  
Hor d'accesi rubin sembra un monile  
Hor di verdi Smeraldi il lume finge  
Hor insieme gli mesce, e varia, e vaga  
In cento modi i riguardanti appaga.*

3 Concha, Patella dicta à Latinis, Lepas à Græcis, quasi squama saxorum, quibus semper adhæret. Multiplex illa est, sed omnes duabus classibus comprehendit Scaliger. Altera earum illas continet quarum in medio videtur prominens centrum, ut in Clypeis Umbo, sicuti

sicuti apparet num. 4. in altera verò numerantur magis depressæ, ut num. 5. 6. & 7. Differunt aliqua notabiliter à cæteris foramine quodam, quod patet in summitate ad reiiciendas partes inutiles nutritioni, ut in Echinis. Carent motu progressivo, moventur tamen attollendo aliquantulum testam ad humorem facilius attrahendum, & si à saxo divellantur vitam amittunt. Expressam sub hoc numero dicitur Cypria quia in Cyprio mari, ut plurimum generatur, habet rimas æqualiter divisas, & à centro ad Circumferentiam rectè extensas. Colore est luteo in externa facie, in exteriori albo. Ipsa verò apertura sive basis non ad amussim rotundatur, sed paulo longius ex altera parte ferè procedit.

4 Patella indica major, colore Margaritæ sub-lucidæ in parte gibbosa, in cava livido, sanguineis maculis bellè distincto.

5 Patella candida ubique striis valde eminentibus distincta certo numero, & ordine, at in multis eadem striæ sunt minus notabiles.

6 Patella reticulata, quasi retis foramina ostendens constanti proportionem à circumferentia ad centum diminuta, luteo colore, aut cinereo.

7 Pulcherrima hæc est colorum varietate, quibus depingitur. Circa centrum aliqua libæ subnigræ in girum ductæ, album, quo tota tegitur exornant, ubique à punctis nigris, rubeis, flavisque distinctum.

Plures quæ delineari possent omittuntur, quia solum propter colores inter se diversæ. In aliquibus pars concava videtur cruore imbuta, in aliis purpureo, aut flavo, aliqua faciem nigram, vel cineream, aut ad pullam accedentem ostendunt, in cujus summitate nota est violacea, quam multi vocant Oculum Hyrci.

8 Tubuli, aut Siphunculi maris. Dividuntur ab Aldrovando in quinque species, inter quas duæ sunt præcipuæ. Hi mole majores nomen trahunt à forma aliquantulum curva, ut dentes canis, vocanturque Dentales; sunt rotundi, & striati, albo colore aliquando labeculis pallidè rufescentibus maculato.

9 Antales dicuntur alii ejusdem formæ, sed parviores, Falsò putant nonnulli è maxillis Piscis Dentalis cecidisse, in eorum vacuitatibus vivit Vermis cum ipsis generatus: sunt rotundi, & expoliti. A Dentalibus distinguuntur parvitate molis, & colore, quem ut plurimum roseum habent, aliquando lineis pullis in basi commissum.

I O Auris marina, sic dicta à specie auris humanæ, quam habet. Dicitur à Bellonio Patella major; quia Patellem instar saxi adheret. Ostendit in parte extrema principium

lineæ spiralis, in qua patent foramina aliqua, quò magis ab origine distantia, eò majora, & magis eminentia, per quæ Animal humorem exugit; Lutea est, ut plurimum externa facies rubiginosis notis maculata, sive ut fex fordidè rufescens, colore pallidè viridi aspersa. Aspera est, & inæqualis ob quasdam strias, quarum etiam maximæ profundius sulcantur.

I I Eiusdem auriculæ pars concava, in omnibus semper spectabilis, aliquando enim videtur Margaritæ orientalis decor, aliquando Æneus color argento mistus, aliqua verò diversas Opali tincturas juxta varias luminis irradiationes indicant.

I 2 Patella optimè levigata, Uberis papillam exhibet, nunquam hujus figuræ molem excedens. Invenitur apud Canarias Insulas, quas Fortunatas appellamus, in qualibet parte lactis albedinem induit, perspicuo fuce circumtectam.

I 3 Nautilus sive Nauplius num. 1. indicatus; vocatur etiam Italicè *Polpo Moscardino*, aut *Moscarolo*. Nascitur in Adriatico Italiæ adjacenti, illumque inter Sepias Piscatores deprehendunt propè litorales scopulos, ubi frequenter pascitur, & præsertim maris siculi. Testa illi est valdè subtilis folioque papyraceo similis, pellucida, & fragilis, lacteo colore imbuta. Naviculam exprimit tribus partibus compacta, nempe lateribus binis, & carina, in qua striæ canaliculatim ubique ductæ terminantur, illaque dentibus asperam reddunt, colore luteo, aut pullo distinctis.

I 4 Exprimuntur sub hoc numero nomine generico Balanorum testæ, sive calices, qui ferè nunquam soli, sed multi conjunctim generantur supra saxa, ligna, aliorumque Ostreorum testas, ut plurimum cinereo colore, aut carneo, vel vinoso.

I 5 Hæc Balanorum testa à superiore in his differt, primò quòd huic angustior apertura, secundò Peponum instar incisionibus quibusdam satis profundis ferè æqualiter in multas partes dividitur. Color illi est ignaviter Rubidus. Invenitur in scopulis.

I 6 Echinus marinus, sic dictus à Græcis, eò quòd vas quoddam ad hauriendam aquam adhibitum exprimat. Cordi valdè similis est aculeis admodum raris parvisque contexto. Vocatur etiam Echinus Spatagus, colore terreo. In profundo mari pascitur, undè difficiliter obtinetur.

I 7 Echinus alio nomine dictus Carduus maris sive Calyx Echynatus castaneæ marinæ è colore castaneo, quo tegitur. Multi etiam colore flavo, multi subnigro, & rubeo inficiuntur, ideò Aurantia maris dictis. Eos in quinque

que species divisit Rondeletius. Tres tantum exprimuntur à nobis. Hic differt à cæteris mole, & aculeis quibus armatur longissimis omnium. Quisque eorum globulo, sive inamillæ adnascitur, ut patet in A B, & facile in partem omnem eriguntur, ut Animal, ipsis utens tanquam veste, moveatur.

18 Idem Echynus colore luteo, aculeorum vestigia demonstrans.

19 Echynus aculeis digitalem crassitiem æquantibus orbatus. Dicitur ab Aristotele Echynometra Pelagia, eò quòd cæteris mole antecellat, vivatque in abditissimis Pelagi cavernis. Color illi est Tophaceus, aut Oleacinus.

20 Tubuli vermiculares, sic dicti à Vermibus quos continent. Adhærent saxi, cæterorumque Ostreorum testis adnascuntur, ut serpentes sinè regula circumflectuntur, ideò Turbinati dicendi non sunt. Innumeros quos vidi ad quatuor species referendos duxi ABCD, indicantur illi, qui ut plurimum soli, & innumeris penè modis circumflexi generantur figura rotunda, & levigata. In E, ostenditur massa quædam formata ab aliis, qui nunquam à cæteris separati nascuntur, suisque orbibus non quidem perfectè rotundis simul conveniunt. Pars interior rotunda est, externa verò ferè triangularis. Colore sunt albo, cinereo, vel osseo, sub F sunt alii in longum non rectè producti. Figura pariter trium laterum, quorum angulos crista quadam dentata veluti ferra mirifice exornat: colore badio, aut vinoso. Aliquando inveniuntur rotundi, & quadam lanugine circumtecti. G illos indicat, qui semper quasi viscerum massam constituunt, quare multi piscium viscera crediderunt humore aliquo lapidescente indurata. Magnitudinem à figura expressam non excedunt, ut plurimum colore fusco, terreo, & livido, sub luto scopulis immobiliter adhærescentes vivunt, testamque habent minutissimis striis asperam. Qui sub litera M, indicantur os habent fere rotundum, & quo magis ab eo Tubus recedit angustior evadit, donec in turbinem acutissimum desinat, ut plurimum carinis navium adhæret.

21 Patellis, superius expressis alias addimus quarum prima est Patella magna fulva lateribus paulatim compressis densa, & leviter striata, mucrone albescente, & nigro.

22 Patella subfusca exiguis tuberculis secundum strias exasperata.

23 Patella alba striata vertice intorto.

24 Patella nivea striis raris profundis, & inæqualibus donata vertice fere acuto.

25 Patella nigra magna tenuiter admodum striata.

26 Patella oblonga dense striata. Hanc *miniatam* vocant *Martinus*, Lister forsan ob maculas, quibus sine ullo ordine dispositis condecoratur.

27 ) Lepas ampla striata colore subalbo maculis furvis notata.

28 ) Patella levis fusca in acutum mucronem veluti conus desinens.

29 Patella fere quinque strigibus radiata, in parte concava levis, & pellucida cum macula nigra in centro.

30 Patella ingens nigris latisque maculis insignita.

31 Patella mucronata; Habet enim mucrones acutos in girum ita dispositos, ut totidem breviores sint, quot sunt longiores alternatim porrecti. Umbonem effingit in centro. Pars concava ex albo plumbea illi est. Gibbosa cum sanguineis, & fervis maculis deturpata.

32 Echynus complanatus, tertiam digiti partem vix æquans in crassitie. In ejus parte superiori foramen patet, circa quod stellulam efformant quinque radiorum pene innumera foraminula adeo angusta, ut nec equina seta permeare possit. Aculeis orbatus albus apparet.

33 Hoc testaceum in genere patellarum visum est comprehendi posse. Adhærebat enim tenacissime cortici Testudinis, quam è mari Adriatico Bononiam transtulerunt Piscatores. Testaceo giro in ovalem figuram extenso, non plano sed gibboso ita formatur, ut sex levibus conchis videatur compactum, totidem etiam habet radios, quinque incisuris seu crenis distinctos, à quibus concha illa indicatur, in centro ejus quatuor aliæ conchulæ subtiliores assurgunt, ita simul compactæ, ut indicent os in crucis figuram efformatum. Has Animal sub testa latens modò aperit, modò claudit, ad aquam seu attrahendam, seu emittendam. Spatiolum inter duas cochleolas, & girum solida membranula obtegitur. Color est illi ubique subalbus.

34 Portionem delineavi arundinis in litore Antii reperta, cujus superficiei tenacissime adhærent Balani sine ullo ordine dispositi quorum unus sub numero.

35 Apparet microscopio auctus. Etiam hic videtur compositus sex conchis striatis sed inæqualibus, spatiolis interjectis planis, & levigatis. In ejus apertura quatuor veluti squamæ teretes, & acuminatæ ita protuberant ut os animalis inclusi, cui adhærent, in modum crucis efformant. Color illis est subalbus in amethistinum propendens.

**37** Apparet intima basis ejusdem Balani . Videtur illa quasi placenta alba ex dura testa formata at tota canaliculis perforata , qui à centro originem trahunt , & quo magis à centro recedunt , ampliores sunt ; ubi autem pervenerint ad circumferentiam , inflexi assurgunt intra reliquas testæ partes , in quibus quò magis ascendunt , eò angustiores evadunt .

**38** Testaceum Anonimum nisi ad Tubulorum genus illud pertinere velimus existimare . Nomen illi imposuit Author eruditus , sed non exprimendo in nostris paginis . Radici assimilatur rotundæ , & inflexæ ubique fere levigatum totum albescit . In inferiori parte siphunculi instar foramen habet . Superior verò ita intumescit ut Tholum asperum illi super impositum esse videatur , quod angusta foraminula veluti cribrum reddunt . Illud à nullo Authore expressum inveni , antequam è meo stylo prodiiisset . In nullo musæo asservatum vidi præterquam in prædiviti , & præclarissimo Serenissimi Magni Ducis Ætruriæ ex Amboino insula receptum .

**39** Aliud ostreum parvum quidem , at non parum elegans Testaceorum Agmen claudat Ostreum curiosissimum nuper ex Hollandia habitum , non tamen apud Hollandiam natum . Illud est ut in lamina apparet ( mole quidem non parum auctum , ut ejus partes distinctius exprimerentur ) cornu simile Arietis , at magis circumvolutum . Ab ore ad mucronem ita extenditur , ut quamplurimis incisuris in plures partes dividatur minores semper , & minores , decrementi proportionem perfecte servata , qualis in helice apparet , prout magis in mucronem angustatur . Testam habet candidam fragilem , & aliquantulum propter tenuitatem transparentem . Curiosus ejus intima lustrandi ( videbam enim in parte suprema A B , cavitatem similis conchæ perfecte rotundatæ , & instar globi bifariam divisi , ubi foramen erat angustum in A ) bina dissecuri , & , mirum dictu , in toto ejus ambitu triginta numeravi hujusmodi conchas , seu semisphæricos globulos , ita in tubi cavitare dispositos , ut alter alteri superimpositus esset debito spatio inter utrumque relicto , post foramen omnibus angustus canalis inerat , qui è superficie convexa superioris propendens ad concavam subjecti fere perveniebat . Tres hujusmodi conchas delineavi sub numer. 39 . expressas sub characteribus C D , quorum canaliculi seu siphunculi in E . Color interior est argenteus seu margaritarum ut in Nautilo indico . An hæc series fornicum seu concamerationum , sphericarum hujus Testacei illud munus exercent , quod in Nautilo ejus septa , seu Diaphragmata , Quis affirmabit ? rationem enim hucusque non

inveni , quæ ad dubitationes meas evincendas factis esset .

Hactenus de Testaceis Univalvibus , quæ ex variis Maris littoribus curiosa obtinuit Industria , nec ab omnibus rerum naturalium Historicis relata . Explicanda nunc est secunda Bivalvium Classis copiosior proculdubio , & pulchrior .

## CLASSIS II.

### Continens Testacea Bivalvia .

**I** Concha , Mater unionum dicta , aut Margaritifera , à Margaritis , qua gignit . Binis valvis componitur parum , & æqualiter excavatis , extrinsecus rugosa , & aspera , at non striata . Intus autem levis , & albescens ex argenteo colore . Testa valida est , & ponderosa , pectinibus similis unicum auriculam habet . Magnitudinem à figura expressam , ut plurimum non superat ; at in quibusdam Indiarum locis diametro palmi longitudinem æquat , talis etiam conspicitur in nostro Musæo . Aliquando visam adeò capacem , ut Piscis inclusus septem supra quadraginta librarum ponderaret , Petrus Martir refert . De generatione autem Margaritarum inter Problemata aliquid prælibabimus . Hic testa tantum inspicienda , in qua nascitur Margaritum , quod falsò dicitur Unio à Latinis ab hoc , quòd ab una nascitur Unus , ut Marbodius , & Albertus cum Solino opinati sunt : Ex qua licet falsa opinione , verum intulit ingeniosus Auctor , cum in Concha unionem pinxit , ut dicaret Serenissimam Mariam Joannam Baptistam Sabaudia Ducem , Matrem esse , ac Tutricem Victorii Amedei Secundi , apposita Epigraphe . *Ad Coronas educat Unum . Unionem dici , quasi Unicum , quia nunquam duo totaliter similes inveniuntur* , verius dixit Plinius . Satis enim comprobatum est plures , & quidem magnos aliquando simul generari , ut videntur in præclara Concha conservata in Musæo in qua plures Margaritæ Testæ adnatæ videntur . Centum , & viginti Gaspar Morales coram suis militibus numeravit in alia . Americus Vespuccius in epistola ex Indico litore ad Hispaniarum Regem missa , *Ostreolas* ( inquit ) *nonnullas , in quibus nascuntur , Mercati fuimus , ubi in quibusdam centam , & triginta uniones , in aliquibus verò non totidem reperiebuntur* . In Insula , quæ vocatur *delle Perle* in Mari S. Michaelis dicto , adeò pro comperto hoc habent Incolæ , ut fœcunditatem Concharum hujusmodi , & Gallinarum omnino similem dicant , qua sicuti ab istis Ova , sic ab illis Margaritæ successivè , & quasi statuto

tempore maturæ emittantur. Quæ nam autem magnitudo illis à Natura perscripta sit, affirmari non potest. In diversis Maris sinibus diversè generantur, ut in variis Mundi plagis variæ sunt Arborea, Flores, Fructus, & Animalia: Inter ea alterum alteri antecellit, & quod in aliqua Regione minimum apparet, alibi comparatum, videbitur sicut inter Viburna cupressus, Petrus Martyr multas refert Turturum ovis omninò similes. Celeberrimæ omnino sunt illæ, quarum altera Cleopatra aceto dissolutam propinavit Antonio, ut experiretur in gloria palati quid saperent Margaritæ, in qua unico hauustu opulentissimum Regnum deglutiebat, alteram verò in binas partes dissectam nescio Quis Veneri sacrauit, quarum singulæ centum sextertiis, videlicet bis centum, & quinquaginta mille aureis scutis, ut Budæus affirmat, pendebantur. Gonzales de Oviedo unam obtinuit rotundam, & pondus viginti sex ceratorum habentem, Aliam emit Petrus Arias de Avila in continenti Occidentali Indica Governator, anno 1525, piri formam exprimentem, ac pondus triginta ceratorum superantem ducentis aureis nummis. Romæ quadraginta quatuor mille scutorum pretio alia nuci avellanæ similis vendita fuit, & Maximilianus Transilvanus cum per Terrarum Orbem peragraret in epistola quadam retulit binas Margaritas ovi anserini molem æquantem, quibus cujusdam barbari Regis corona ditabatur.

In variis autem maris partibus generantur Margaritæ. Sunt in Britannico, in Scotico, & Americano, verum quia colorem lacteum ostendunt, nec nitidæ sunt, ut Orientales, parvi habentur. In Provincia Caidù cui Tartarorum Rex dominatur, candidæ nascuntur, licet parum rotundæ, in quodam lacu cum falsedine maris misto. Apud Insulam Zipangu dictam rubicundas, magnas, satisque rotundas expiscantur Incolæ. Præciosissimæ verò sunt, quæ apud Indicas plagas obtinentur. Tres autem sunt finus maris cæteris fecundiores parvarum Margaritarum, quæ dicuntur *Algiofræ*. Primus nempè Sinarum Regno propinquus *Ainao* dictus, secundus propè Armuziæ Regnum in Arabico mari, ubi *Giulfan* vocatur. Tertius inter caput Comorini, & Insulam Taprobanam, ubi Piscaria à Margaritarum piscatione dicitur tota illa terræ plaga, quæ caput Comorini dividit à firtibus proximis Urbi, cui nomen *Manar*, ubi Incolæ dicti *Paravi* indociles, & inermes Conchas Margaritiferas ad vitam alendam continuò expiscantur. Nec impari periculo, ac labore eas hoc modo sub aquis quæritant. E naviculis, quas ponderosis saxo veluti anchora firmant, ad ima maris ducentis ferè palmis profundi descendunt, alligato lapide pedibus, ne ob unda-

rum impetum huc illuc divagentur, ibi Ostreas Unionum in sacco, qui è collo pendet reponunt, deindè è saxo pedes liberant, ut facillè Naviculam repetant funis ductu, quo eadem firmatur saxorum beneficio, novumque aerem attrahant ad respirationem pernecessarium. Piscantur autem in tranquillo mari Sole nitentibus mensibus Aprilis, Maii, & Septembris, & quia Concharum carnibus Polipi, edacesque Pisces avidè pascuntur, solent Sacerdotes Idolorum veneficis incantationibus eos colligare, ne offendantur Urinatores, solvuntque sub vesperam, ut Prædones Margaritarum avidi, perterrefacti ab earum piscatione arceantur. Dividitur deindè præda, cujus decima pars Regi offertur, vigesima autem donatur Sacerdotibus.

2 Tellinæ quæ dicuntur *Pedatæ* à pedunculo quodam, quo è truncis putrefactis, tanquam fructus ex arbore, pendent. Color illis est albidus, aut cinereus, ex binis valvis, & quatuor aliis testæ partibus constant; Eadem figura repræsentat Conchas, quæ Anatiferae vocantur ab Avibus, quas generant juxta variorum opinionem. Eiusdem speciei (si quidem sunt) eas esse judico, licet non omnes sint hujusmodi avium fecundæ; neque enim inauditum est in Creta Insula tantum bacchiferam germinare salviam, & Chienfi solo Lentiscum resinam gignere, quæ Mastiche cognominatur.

Prodigiosas hæc Conchas Petrus Pena, & Matthæus Lobelius in Plantarum observationibus describentes, ajunt generari apud Orcades, & Hebridæ Insulas, in Tamesi celeberrimo Angliæ flumine, & in multis litoribus Scotiæ. Michael Megerus agens de Volucris arborea asserit à se pluries visas pullis foetas. Hector Boetius in Historia rerum Scoticarum curiosè super hujusmodi Conchis inquirens, adhæret relationi Alexandri Galli, qua affirmat verè in eis Aves gigni, *Bernacles* dictas ab Anglis, *Elachis* à Scotis. In eadem sententia est Bodinus in Theatro Naturæ. Aliquando hujusmodi Concham cum ave inclusa oblatam Francisco Regi refert Scaliger. Fabius Columna in Historia Plantarum, Corradus Munsterus, in Scotiæ descriptione, Olaus Magnus, Aldrovandus, sexcentique alii negare non audent. Quamobrem dubitandum non esse videtur, ubi veritas tot insignium Virorum testimonio roboratur. Cum tamen Præclarum hoc Naturæ prodigium propriis oculis intuendi vehemens cupido meum animum extimularet, à nobili Viro Londini commorante mihi amicissimo aliquam ex iis obtinere curavi, sed Concharum loco hujusmodi epistolam dedit, Mitterem libentissimè Conchas à te expetitas, in quibus Aves generantur, ut ais, sub mari, quod Angliæ, & Scotiæ litto-

ga alluit ; At , ut verum fatear , hujusmodi prodigium nunquam audiui . Nascuntur quidem vermes aliqui sub aqua non in Conchis , sed in putrescentibus lignis , illisque immobiliter adhærescunt , donec ad certam molem aucti papilionum formam acquirant , qui aquæ supernatantes paulatim in Aves abeunt . Difficillimum tamen est hujusmodi ligna invenire , avesque tales rarò , & mitioribus anni mensibus obtinentur . Falsum est , mihi crede , quod pro comperto tenes , verum autem quod admiratione & risuque tuam epistolam exceperint omnes quotquot à me lectam auribus perceperunt ; vale .

Videat igitur , qui arcana Naturæ perscrutatur , quàm firmiter possit alienis narrationibus adhærere , dum adeò discordes sunt , longèque inter se divagantur . Omnes quidem Aves Britannicas , quæ Bernacles dicuntur , referunt , neque vix Historicus , aut Phisicus est , qui earum mentionem non faciat , multi tamen è truncis , multi è foliis arborum putrefactis , ex mucore carinæ , vel ex viscoso scopulorum marinorum humore , alii nonnulli in Conchis Bivalvibus progenitas credunt . Eas è foliis fragmentisque lignorum putrescentibus gigni posse putat Fabri , eò quòd certum sit è foliis hærbae , scabiosæ dictæ , papiliones multicolores generari , sicuti è Bovinis excrementis , differentes Apum species excludi experientia comprobatum esse affirmat Kircherus , Mund. Subter. lib. 12. sect. 2. cap. 2. quare Ovidius cecinit Metam. 15.

*Delectos maculatos obrue Tauros  
(Cognita res usu) de putri viscere passim  
Florigeræ nascuntur Apes .*

Sicuti pariter è foliis fraxini formantur Cantarides , cum enim , inquit idem Fabri , Natura , semper tendat ad perfectiora , & puriora , separat purum ab impuro , & putredinem respuens , ad formandum Animal meliores partes conservat . Hujusmodi generationem fortuitam esse docet Kircherus Mund. Subt. lib. 12. cap. 9. eamque fieri beneficio seminis apri , loci , & materiæ ritè dispositæ . Seminis quidem non Concharum sive lignorum proprii , sed aliundè mutuati . Cum itaque , inquit ille , Anates Anseresque in mari glaciali stabulantes eam ovorum in glacie copiam deponant , ut universæ Europæ alendæ sufficere possent , & Sole Arietem Taurumque subeunte , disrupta glacie simul universa illa ovorum congeries una rupta , fluctibusque maris involuta , hinc inde qua maris impetus patet ad obvias Insulas depellatur , accidit , ut ubicumque spermaticus humor convenientem matricem invenerit , ibi vel dispositione aeris , aut terreni , marisve conditione ambientis ex perfectæ volucris semine perfectam volucrem exclu-

dat . Cum verò mari glaciali viciniore Insulæ non sint , quàm Orcades , & Hebrides Scotiæ , uti & Hiberniæ , hinc patet quomodo in illarum litoribus istiusmodi Anseres ex tam differenti- bus subjectis nasci dicantur , in quibus , vel minima particula seminis recepta plastica virtute ejusdem fermentata paulatim in perfectissimam volucrem transformetur , & hujusmodi Conchas sibi donatas dicit à doctissimo P. Barilerio Ordinis Prædicatorum , & rerum naturalium indagatore studiosissimo .

**3** Concha Pecten dicta ob Strias , quibus Pectinis formam exhibet . Italicè dicitur *Capra Sancta* , sive *di S. Giacomo* . Multiplex est hujusmodi species . Hæc maximam repræsentat , quæ à summo cardine ad imam oram palmi longitudinem aliquando implet , latitudo verò ad uncias ferè decem porrigitur . E testis altera modicè cava , altera plana est , quæ solo adhæret . Utræque testæ qua parte auritæ strictiores sunt , & similiter striatæ ; ipsæ autem striæ admodum crassæ , & eminentes à cardine incipiunt , & ad imam oram rectæ procedunt . Eadem majores striæ aliis quoque striis minutis exornantur , quas etiam minutas in ipsis auriculis , & in canaliculis observamus . In utraque testa ad medium cardinem similis sinus amplius pyriformis est , ibi niger quidam nervus sinum occupat , ipsumque cardinem maximè obfirmat . Intus albet , extra ex albedo , vel rufescit , vel helvaceum colorem ostentat maculis rubiginosis , aut cruentatis , & in girum dispositis in striarum partibus eminentioribus . In illis verò , quæ in Oceano generantur , testa hæc plana multis coloribus variè exornatur , albo videlicet , rubro , carneolo , rutilo , igneo , flavo , citrino , rufescente , subminio , iisque omnibus miro ludentis Naturæ artificio diversimodè dispositis .

**4** Pars ejusdem gibbosa in longum striata colore alba , aliquando nigra , perfectè ubique clauditur operculo , exceptis auriculis , in quibus patent rimulæ , quarum altera Animal exugit humorem , quo nutritur , altera reiicit excrementa .

**5** Pecten striis valdè minutis signatus . In utraque testa æqualiter gibbosa , aliquando in uno , aliquando in utroque latere auritus . In litore Aquitanico frequens , sub arena , ut tellina , pascitur . Multicolor apparet , omnesque colores calamo pingere impossibile est . Multos enim candidus color in externa facie dealbat , multos vinosus tegit , inficiuntque alios colores diversi aqua quasi diluti , & pulcherrimè temperati , alii verò veste pulla , & rubiginosa teguntur , quam lineolæ , undulæ , & puncta helvea , oleacina , vel furva mirè discriminant . Pars autem concava aliquando violaceum , ali-

quando mustelinum, & burrum ostendunt, veluti sandracca pelucidos.

**6** Pecten quasi planus, auriculas habens à cæteris differentes, ut plurimum luteo colore, invenitur etiam albus, thalassinus, nigricans, & sanguineus.

**7** Pecten planoconvexus parum dissimilis ab eo, quem num. 3. descripsimus: differt solum striarum dispositione. Majores enim à cardine ad imam oram ductæ aliis minutissimis striis interfecantur, undarum seriem crispatis maris referentibus: albus ut plurimum, at circa cardinem ubi lineæ striarum concurrunt cerasinum, aut malacum colorem ostendat, paulatim oram versùs dilutum.

**8** Pecten in una tantùm parte auritus, habensque strias valdè inter se distantes, colore assimilatur citro maturo, & rarò invenitur.

**9** Pecten quinque tantùm striis excavatus, amplior cæteris, cum auriculis binis æqualibus, colore albido alium terreum tegente, qui circa oram minutissimis, & frequentibus rimulis signatus apparet.

**10** Singularis, & præclarus Pecten hic est. Videtur ex tribus valvis constare, altera alteri superimposita. Unicam tamen habet testam, operculo conjunctam, sed tribus in locis gibbosam. Color illi est æneus cum nitore.

**11** Pecten cum fasciis, subalbum colorem, habet circa cardinem cum flavo confusum in medio punctis nigris frequenter notatum.

**12** Pectunculus, in quo supra flavum colorem maculæ candidæ, & cruentatæ serpunt sine regula.

**13** Pectunculus minutissimis striis à centro ad oram signatus; supra colorem onichinum, quo tegitur, fasciis nigricantibus cingitur, vel punctis plumbeis roseisque aspersis.

**14** Striæ hujus Pectinis rugosæ sunt in partibus depressioribus, in eminentioribus verò levigatæ. Colore livido, notulisque flavis, ac roseis signato.

**15** Pecten omnium longissimus, levibus rugis striatus, colore ut plurimum mustellino, aut subnigro, flavis notis maculato, in cardine autem balaustinum, aut igneum ostendat. Invenitur etiam unicolor, nempe croceus, sulphureus, sanguineus, igneus, ruber, puniceus, cinereus, & aurantio similis.

**16** Pecten roseo colore, quem quinque striæ albidæ, & inæquali distantia dispositæ dividunt. Hujus speciei alter depingi hoc in loco posset cum striis lividis, aspersus colore viridi, subflavo, lurido, & porraceo.

**17** Concha Persica è mari Persico, ubi nascitur, dicta. Corticem habet asperum,

& rugosum, luteo colore, intus verò albescit, & lacteum nitorem Margaritarum Occidentium repræsentat.

**18** Concha Corallina, aliter Pictorum dicta, non quia ad usum Artis pictoriæ colorum pigmenta in ea reponantur, verùm quia in minutissimum pulverem redacta, purpureum colorem, quo videtur imbuta pars anterior, olim Picturæ subministrabat. In Ægeo Mari propè Cariam vivit, referente Aristotele. Levis, & nitida intrinsecus, extrinsecus verò tuberculis inæqualibus aspera.

**19** Concha ferè plana, & perfectè circinata, cæterarum ejusdem figuræ amplissima, albo colore intrinsecus, extrinsecus castaneo, & furvo misto. Dentatæ non sunt valvæ, quas ligamentum à cæteris valdè diversum unit.

**20** Spondylus, sive Ostrea. *Gaideropode* dicitur hæc Concha, quasi Asini pes, quia ab ea repræsentetur. Tarentini eam dicunt *Scataponzolo*. E scopulis nascitur, imò pars eorundem propter faxeam substantiam videtur, nec nisi ferreis sarculis, & labore avelli potest. In medio cardine vinculum nerveum prædurum inferitur. Testa admodum inæqualis est, & sinuosa, inferior valdè scabra, & veluti faxeis squamis testæ superiorem cavitate superat, Superior verò bronchis canaliculatis, & spissis armatur.

**21** *Gaideropoda* valvas unitas, & apertas ostendens, sunt ambæ intus, ut lapis parius candidæ, foris pars inferior concolor est faxis è quibus formatur, in superiori verò bronchi, & tubercula sinè ullo ordine disposita teguntur quasi laneo operimento pingui, & untuoso rufo colore.

**22** Alia eodem nomine donata, sed coloribus diversa. Candida enim invenitur, coloribus roseis, & minio aqua diluto, distinguitur etiam à cæteris propter rostrum è cardine productum pedunculo simile, quo fructus arbori connectuntur.

**23** Balanus, de quo abundè actum est c. v. i. r. dicitur etiam *Pholades* à Græcis, quò nomine res abdita significatur. Frequens est in litore Anconitano, & Narbonensi: latitudo digiti cum semisse æquat, longitudo ferè ad ad medium palmum extenditur. Componitur duabus testis non perfectè in omni parte clausis, Albidus est in parte concava cinereus in gibbosa, quæ reticulata quasi veste circumtectæ valdè corrugata est, & quidem asperior ea parte, qua penetrat faxum, in quo vivit. Sapore palatum allicit, humoremque tamquam salivam emittit, qui noctu adedò refulget, ut characteres admoti commodè distinguantur, sed de hoc fusiùs inter Problemata agendum.



24 Eiusdem Balani testæ diversimodè collocatæ, & apparentes.

25 Concha nascens in Arena, aut in luto, multiplici nomine ab Auctoris signifi-  
cata. Pinnam vocarunt Latini à figura quàm  
habet similem Pinnis murorum, ut docet Aldro-  
vandus. Alii autem à nomine Græco *Pinos*,  
quo sordes significantur, derivatum credunt, eò  
quòd ferè sordet luto in quo nascitur. Ab Olao  
Magno dicitur *Nacherone*, *Nacre* à Gallis, *Par-  
ricella* à Tarentinis, *Astura* ab Anconitanis,  
*Concha Ægyptia* ab Ermolao, ab aliis *Lana*  
*Pinna*, sive *Pinna Lana* propter laneum capilla-  
mentum, quod producit, exhibitum in figura,  
quæ hìc indicatur. Dicitur etiam *Perna* à par-  
te Animalis hoc nomine expressa, aut *Pinna*  
*Magna*, quia cæteras mole superat aliquando  
tribus palmis longitudine correspondens. Ex-  
teriorem faciem terreæ glebæ similem habet,  
inultoque luto maculatam, si in luto ortum ha-  
buerit, interiorem rubidam sive helvam cum ni-  
tore, pars verò acuminata, ubi Animal adhæ-  
ret margaritarum vulgarium, aut æris colorem  
ostentat. Si autem in arena radicem figat, foris  
est minus scabrosa, intus argenteo similis, glasteo  
colore velato. Quasi planæ in parte ampliori  
sunt testæ, è quibus constat, aut ubi acuminan-  
tur quasi conum quadrilaterum effingunt.

26 Pinnam hanc Aculeatam vocat Aldro-  
vandus, at propter squamas, non qui-  
dem perfectè complanatas, sed aliquantum emi-  
nentes, & canaliculatas, squamosa videtur po-  
tius dicenda. In parte concava subflavo pellu-  
cido nitentique argenteum colorem indicat, in  
gibbosa verò terreo, vel tophaceo deturpatur.  
In utraque Concha cancellum semper commo-  
rari referunt Ælianus, ac Plinius, qui è summa  
ora testæ, quasi è specula vigilans, si ferrum,  
quo Piscatores solent è fundo Maris pinnam  
adimere, aut aliquid simile admoveri animad-  
vertat, piscem pungendo conscium periculi fa-  
cit, à quo mox binas valvas claudendo, & sibi,  
& comiti contra offensas tutamen paratur. Alii  
verò opinantur eundem aucupari pisciculos, &  
vermes, quos veluti pretium pro locata domo  
in alimentum pinnæ solvat, sed falsò; cum enim  
*Pinna* more Plantarum nutriatur, aqua, & luto;  
in eadem testâ, sicut in multis aliis Conchis,  
cancellos fortuito commorari dicendum est.  
Producitur à carne Animalis nervosus quidam  
ramus in majoribus pinnis palmi fere longitudi-  
ne extensus, veluti oloferico capillamento con-  
cinnatus, quæ lana à multis dicitur, ab aliis *Bis-  
sus marinus*, ut distinguant à terrestri lineo, &  
*gossipino*. Contra hyemis humiditatem valet,  
& in auribus positus surdos juvat. Sunt qui pu-  
tant eiusdem beneficio scopulis firmitus adhære-

re, cum mare ventis validius agitur, multique  
sibi persuadent rete quoddam esse ad pisces ca-  
piendos aptissimum; at probabilius credendum  
existimo destinatum à Natura, veluti radicem  
in Plantis ad fugendum humorem, quo Animal  
testa inclusum nutriatur.

27 Dactilus, dictus à fructu Palmæ, cui assi-  
milatur, tunica subtili circumtegitur  
colore castaneo. Pholades etiam vocatur à la-  
tendo quia, ut Balanus intra saxi viscera nasci-  
tur, sed non adeò duri. Frequens est in multis  
Italiae litoribus, binis testis subtilibus una alteri  
coaptata constat, intus levis colore albido,  
vel cinereo.

28 Dactilus non dissimilis colore, sed ali-  
quantulum figura, nascens in locis are-  
nosis.

29 Musculus dicitur hæc Concha à Latinis,  
à figura, qua muris rictus exprimitur.  
Tarenti ubi copiosè supra ligna generatur, di-  
citur *Cozza*. Stabulatur etiam in cavernulis la-  
pidum, sedemque non mutat, siquidem villis  
sive fetis quasi scopulis ligatus adnascitur. Hu-  
jus Conchæ utraque testâ admodum tenuis, par-  
te verò acutiore paulo crassior, & spissior est.  
Reliquo ambitu rotundo, multo tenuior, & fra-  
gilis. Ferè ita mensuratur, longitudine duos  
digitos, & dimidium explet, latitudine paulo  
supra unum. At in aliquibus locis ad miram-  
magnitudinem pervenit. Huic unicum liga-  
mentum ex adverso cardini, ad oram scilicet ro-  
tundiorum, collocatum. Caro intus pallefcit  
cruda, cocta vitellis ovorum similis est, in am-  
bitu fimbriata. Testa foris ex cæruleo nigricat,  
intus ex cæruleo albescit, utrinque verò levis  
admodum. E litore tamen Drepanitano, & Lu-  
sitano multi ad me delati sunt, quorum aliqui  
partim vivido cinabaro, & sandichyno colore  
recti, alii verò argenteo, thalassino, venetoque  
mirè pigmentati.

30 Concha sive Conchites in Italia frequens  
rugosus rostro subtereti, & insigniter  
adunco donatus, describitur à Martino Lister  
tract. de lapidibus Bivalvibus cap. 2. Huic color  
ferè albidus interdum sublividus.

31 Concha naviculam exprimens, Romboi-  
des à nonnullis dicta, Musculus striatus  
à Mattiolo, ab aliis *Mitulus*: In profundo mari  
sub cæno stabulatur, in parte inferiori, navis  
carinæ simili, aditus patet, quo Animal veluti  
Planta saxi adhæret, quamobrem piscem illum  
diceret, quem Diodorus Sículus refert reperi-  
ri, cum in Ægypto Nili aquæ à campis rece-  
dunt, vel ranas illas ab Æliano visas Neapolim  
inter, & Puteolos *media anteriori parte forma-  
tas; media posteriori luteas, & inforsas*. Caro  
enim in testâ inclusa paulatim in callosam sub-

stantiam degenerat, eò duriolem, quò magis saxo propinquam. Luto tartaroque circumtectus terreo est colore, at ubi explicatur subalbus apparet castaneis notis maculatus, habet latera sulcis striata, & minus profundis, quo magis ad punctum concursus sivè centrum accedunt, Plana est pars superior, ubi binæ valvæ minutatim denticulatæ uniuntur, lineisque signatur ita dispositis, ut lancearum acumina alterum alteri superpositum effingant.

**32** Concha quasi perfectè rotundata in omnibus partibus levis, & nitida; extremæ ejus oræ ambitus minutissimis dentibus est asper, colore pullo; affem mole æquat, in Iberico litore copiosa, ubi testæ conjunguntur fulvus color, nigro paulatim dilutus interdum videtur.

**33** Conchula figuræ magnitudinem non excedens, sed pulcherrima visu, eburnea in parte convexa, in concava Margaritis, vel argento obrizo similis, in oris spissis denticulis crispa, frequens est in Adriatici litoris arena.

**34** Tellina sinè dentibus longitudine cæteris antecellens, parum lata est, & adeò expolita, ut arte superadditus nitore videatur. Igneo colore fulget, aut ex flavo in Balaustinum rubescit, interdum rosea est, & aliquibus zonis candidis circa cardinem dispositis decoratur.

**35** Tellina coloribus diversimodè temperatis, & evanidis, undasque referentibus signata: formantur autem undulæ colore baliolo chrisolitico, indoque aqua diluto supra fundum vinoso tinctum, in ambitu est ferrata, & cum superiori pascitur in mari Lusitanico.

**36** Tellinæ maris Italici extrinsecus colore fulvo cum terreo porraceoque misto, intrinsecus verò, ut plurimum ciano, interdum cum lacteo confuso.

**37** Tellina umbone omnium acutissima; testata, quæ coloribus diversis quasi tessellato opere decoratur, admodum tenui.

**38** Concha dicta ab Incolis maris Jonii, ubi abundat, Nux maris, cortice rugoso, colore terreo.

**39** Solenis, hoc est Concha longa, à Tellinis sola longitudine diversa, intus Margaritarum nitore pellucida, foris verò sub cortice furvo oleacinoque latet.

**40** Concha Pictorum dicta, non è colore, quem Priscis suppedabat alia num. 18. descripta, sed ab usu Pictorum, qui colores, argenti, aurique pigmenta, ut plurimum in ea reponunt. Hæc ad pictoriam artem cæteris est præstantior; generata enim, ut plurimum sub aquis fluviatilibus caret spiritibus, & particulis salis, quibus multi colores inficiuntur, & deturpantur. furvo porraceoque tegumento indui-

tur in parte verò Concava argento, vel Margaritis similis; aliquando ex argento rubescit, aliquando aqua cum glastino mista quasi velatur. In hujusmodi Conchis, quas Albulæ aquæ Romam ferunt, parvulos uniones inveni.

**41** Tellina semper in eodem situ distincta, fasciola candida, quam color castaneus in vinosum abjens hinc inde terminat; E litore Germanico, & Britannico Romam missa.

**42** Tellina, qua mare Neapolitanum satis abundat, longè cæteris subtilior, & fragilis, subalba colore punctatim sub viridi asperso, & lineolis ostrinis dilutis, glastinis cinereis, & helvaceis notato.

**43** Tellina roseo colore zona candida diviso, interdum invenitur in Latino litore lactea, balaustinam notam habens in umbone, sed nitidior, & pulchrior apud Maderam Lusitanici maris Insulam.

**44** Tellina in eodem mari generata, in ambitu ferrata, diversa à cæteris propter figuram quam vides, minutissimis strigis rugosa, & lacteo colore.

**45** Tellina alba lineis castaneis huc illuc sinè ulla regula discurrentibus signata, & punctis subflavis aspersa, in mari Drepanitano frequens.

**46** Tellina frequentissima in litore Antii, flavo diluto tincta simul, & furvo, vel ciano, terreoque. Innumeras, quæ hic describi possent, ommittimus eò difficiliore, ut calamo describantur, quò pulchriores coloribus apparent. Aliquæ enim ex Oceano Occidentali delatæ, ita pellucidæ sunt, ut non è Testacea substantia videantur compositæ, sed ex velo albo duplicato quidem in margine propter aliquam majorem densitatem, qua magis albescent. Nonnullæ melino, vel citreo colore circumtectæ, innumerae nivis albedinem purissimam referunt.

**47** Concha, Levis à Rondeletio appellata, cum levitate à cæteris differat. Significabimus hoc nomine generico eas omnes, quarum testæ admodum sunt expolitæ, & uniformiter striatæ. Sicuti Ostreum Conchas omnes asperas, & corrugatas indicat, Cochlea autem cætera Testacea turbinata. Ab aliquibus dicitur Cama levis, quod nomen aptius aliis aptatur, ut inferius patebit. Huic color est cinereus circa oram rufescens, extra rugis asperatur, figura quodammodo rhomboide. Ipse umbo exiguus acutusque est, proximè verò sub umbone cardo constat ex duobus exiguis sinubus, & totidem, aut trinis denticulis.

**48** Concha relata à Martino Lister: cordis figuram aliquantulum depressi refert colore gipseo flavescente.

49 Concha Tellina etiam dicta, sed non, ut cæteræ in longum producta. Extrinsecus albescit cum quodam rubore, intrinsecus colore albo.

50 ) Conchæ quasi similes forma exteriori, interiori verò dissimiles propter dentes, & commissuras. Color ambarum

51 ) subalbus, & in parte gibbofo vinosus zonis helvis fasciatus.

52 Concha à Rondeletio rugata dicta à rugis, quibus facies externa crispatur. Colore terreo.

53 Alia Concha rugata, intus levis, ex parte verò gibba: aliqua rugæ transversim ducuntur, sed minus crispata: ex altera parte ab umbone ad rectam lineam procedit, ex altera adversa rotundior est quam superior.

54 Concha à colore corallii, quo externa facies aspersa illustratur coralina dicta; interna autem alba est, & levis.

55 Cama vocatur Concha hæc. Nomine autem Camæ aliqui significari putant eas, omnes, quarum testæ valde subtiles, adeoque minus quàm cæteræ ponderant. Aldrovandus verò eas intelligit, quarum oræ non perfectæ ubique conjunguntur, sed alicubi patent, ut in Baiano satis observavimus. Hujusmodi est præfens, in cujus valvis patet aditus in A. ad attrahendum humorem à Natura fabricatus. Varietatem habet in figura. Nam ex his alia admodum concava, alia minimè profunda, alia diversimodè sinuosa, alia ad amussim ferè rotundatur, extrinsecus etiam in multis tuberculorum quorundam non levia vestigia tam benè dispersa, ut quandoque brassicam cucullatam, vel crispum Intubum diceres. Intus cum argenteo quodam splendore aliquando virescit, aliquando rubet, vel flavescit, nonnullæ auripigmento cum nitore illustrantur, multæ Margaritarum albedinem purpurissa velatam ostendunt, multæ æris rubiginem, flavedinem vitream multæ, & cupream rubedinem sub sandracca pellucida latitatem. Pulchriores inveniuntur in Dalmatico litore saxis adhærescentes, & alibi à marinis sæstibus eructatæ.

56 Multiplici nomine exprimitur Concha hæc. *Solen* dicitur à Græcis hoc est fistula sive canalis, cui assimilatur, cum testæ ambæ quibus constat, conjunguntur, à latinis *Unguis* quem substantia, & colore imitatur. *Concham longam* eam dicunt Veneti, & alibi Italico verbo *Cannolicchio*, sive *Pesce cannella*. Vivit, ut Tellina sub arena. Hæc testa septem digitos longa vix unum lata est. Huic summa cuticula sive membrana, qua regitur subfusca est, vel tellinarum vulgarium coloribus pingitur, inter quos linea albidior in longum ex-

tenditur ut plurimum, interdum aqueo ciano undulata. Utraque pars extrema retusa, & quasi prærupta, utraque semper aperta, & naturalitèr hians. Copiose in litore Veneto, & alibi colligitur.

57 Binis valvis valdè tenuibus componitur Concha hæc, & quidem sunt ferè planæ, ut piscis squamæ. Concha tenuis testæ videtur appellanda, extra scabra, & lutea, intra ex argenteo colore glastino velata, paulatim ad rufum cum nitore pellucidum transit. Abundat in Drepanitano litore, ubi ab Incolis dicitur *Sartaniello*.

58 Concha denticulata marmorea substantia, intus candida, foris maculis fulvis serpentibus mirificè exornata.

59 Cama, alio nomine *Clycimerydes* magna, hoc est Cama magna dulcis: falso enim minor, quàm cæteris illi inest; In Iberico mari adeò crescit, ut pedis longitudine commensuretur. Ponderosa est, & densa, figulino colore, maculis pullis deturpato, in parte externa, quæ multiplices tunicas alias aliis superimpositas ostendit.

60 Concha pariter dentata, colore candido, quem lineæ subflavæ undas maris referentes bellè distinguunt.

61 Aureus color est huic multis præstantiori. Circa cardinem candidæ notæ ita disponuntur, ut si binæ valvæ conjungantur, formetur quasi stella sex radios habens. Hæc Concha cū duabus prioribus descriptis ex *Ulyssiponensi* litore fuit delata, nūquam aliundè habita.

62 Concha è mari Gaditano habita, minutis dentibus in circuitu aspersa. Spectabilis illa est colorum causa, quibus veluti opere phrygio videtur ornata, æque calamo, ac penicillo difficilibus, ut exprimentur. Sabflayum enim colorem, quo tota tegitur, albus, rufus, viridis, fulvus glastinus diversimodè confusi, & temperati distinguunt. Forma ejusdem exprimitur à figura.

63 ) Conchæ fasciatæ, non minùs pulchræ, quàm cæteræ. Tales dicuntur à fasciis,

64 ) quibus exornantur. Hæ enim castaneo colore in rubrum propendente, ac pellucido, ità disponuntur à cardine imam oram versus, & ex uno latere in alterum, ut multis in locis intersectæ, aliisque aliis superimpositis majori coloris densitate duplicatum velum videantur. Notantur insuper maculis rubicundioribus veluti musicæ notis, aut musivi operis fragmentis pellucida sandracca nitentibus. In parte concava leves, & candidæ, ut parius lapis; Pulchriores: Tarentino in mari generantur, quas Incolæ à cæteris inferioris notæ distinguunt: vocantes patria voce *Camadie*.

- 65 Concha levis, & fasciata, subtili teretique testa, in concava parte cianea, in convexa verò livida, zonis castaneis, & subflavis cincta.
- 66 Concha levis albida, in parte gibbosa lineæ furvæ, & sanguineæ, ita serpunt, ut angulos acutos sæpissimè efforment.
- 67 Alia ex levibus Conchis flavedine quadam aqua diluta colorata, maculas insuper habet subvolvurinas, & sanguineo colore punctatim, & diversimodè notatur. His tribus Conchis Neapolitanum litus abundat.
- 68 Concha satis nota in cænis, estrea Latine dicta non Ostreum. Significantur enim hæc voce, ut bellonius notat, omnium Concharum Testæ, quæ scabrosæ sunt, & immobilitè terræ adhærescunt. Huic admodum crassa, valida, & ponderosa testa est, figura subrotunda, & inæqualis. Item valvæ inæquales, & dissimiles, scilicet altera plana, altera cava, utraque verò extrinsecus rugosa, & aspera admodum, at non striata. Intus autem levis, & albescens cum argenteo quodam nitore, foris color ferè fuscus: ad semipalmarem longitudinem Conchæ diameter aliquando excrefcit, at in Indico mari, Vasco Gama referente, hæc Conchæ quasi umbellæ magnitudinem implent.
- 69 Concha Canaliculata, & squamis aspera, ad Drepanitanum litus maris æstuantis violentia ex Arcipelago delata Drepanitani marmoris albedinem æquat. Artificiose quadam dispositione squamæ quædam in striis elevantur, sed aliquantulum plicatæ, ut scobina scalpro elaborata videatur, nec facilè à calamo exprimenda.
- 70 Concha parum excavata, & quasi perfectè circino rotundata; in utraque parte albescit, in externa minutissimæ strigæ à centro ad marginem producitur, aliis lineolis in transversum incisus corrugatæ. Ab Oceano Occidentali in lucem edita, mirum Naturæ artificium ostendit.
- 71 Concha longis strigis canaliculata, in quarum singulis è cardine ad oram veluti crista eminet minutatim ferrata, colore puniceo.
- 72 Concha rugata albo colore testæ, quam subminus, citreus, puniceus, & palearis color distinguunt. Pulchriores deferuntur à Lusitanico mari.
- 73 Concha frequentissimè visa in litore Ethruriæ. Pars convexa striis excavata; ex albo sulphureum colorem induit in uno latere, & ex eodem aliquantulum nigricat. Ubi testæ conjunguntur denticuli frequentes in linea recta dispositi.
- 74 Concha Indica non dissimilis à superiori, nisi solo labro in altera parte magis extenso, ut plurimum alba, interdum ex albo nigrescit.
- 75 Alia sulcis magis profundè excavata, luteo colore in mari Italiæ Mediterraneo abundè generata.
- 76 Concha à Rondeletio Longa dicta; verum quia longitudine alias multas, quidem diversas æquat, nomine, quod Plinius eidem imposuit à cæteris illam distinguemus vocando Camam Peloridem, Camam quidem, quia Camis assimilatur, quarum testæ non perfectè clauduntur, ut num. 56. notavimus, Peloridem, quia propè Pelorum Siciliæ montem frequentissimè invenitur, aut quia, ut Athenæus asserit, Peloron rem magnam, & miram significat, Magnitudo tamen similis illi est, quam figuræ hic exhibet. Valdè pulchra est visu, colore albo circa cardinem distincto fasciis roseis, quibus binæ notæ candidæ radiorum instar ab eodem cardine extensæ superimponuntur; rugas, quibus in girum crispatur, aliæ minutiores ita transversè discindunt, ut duplicitèr corticosa videatur.
- 77 ) Conchæ oblongæ, & angustæ. Italico sermone dicuntur *Cozze*. Ambæ striis leviter rugosæ, colore castaneo, & albo, similiter notatæ. Dissimiles tamen specie sunt. Indicata enim à num. 78. semper hispida, & pilosa cute superinduitur, frequens est in oris Siculis post maris spumeas procellas.
- 78 )
- 79 Concha testæ admodum crassa, & firma, in margine dentata. Prodigiola est cute, qua tegitur oloferico villosa simili, adeò mirificè à Natura texta, ut eidem aptari possit, quod, S. Hieronymus de Floribus dixit, nempe, *revera quod sericum, quæ Pictura textricum potest Floribus comparari?* Colore è rufo nigricat, at circa cardinem rubet, in concava parte ex albo nigrescit oram versus, in qua colorem lienarem etiam ostendit. In mari Tarentino Piscatores deprehendunt, vocantque communi voce Nucem Pilosam.
- 80 ) Concha Indica in diverso prospectu representata, & quidem pulcherrima
- 81 ) visu. Ponderosa propter substantiam marmoream, qua formatur, nec à pario marmore differt colore, supra quem notæ puniceæ, & roseæ sinè ullo ordine variis in locis flexuosè excurrunt, à centro ad oram striæ admodum crassæ, & profundæ diriguntur.
- 82 Concha Imbricata; in striis enim veluti tectorum imbrices corio lapideo aliquantulum elevato effingit, adeò mirificè dispositos, ut difficilius eos sermone exprimas, oculis verò usurpes jucundius. E rubro mari defertur,

fertur , interdum quindecim librarum pendera habens , colore autem est puniceo fivè marmoris Tiburtini .

83 Concha alia imbricatim undata non impari Naturæ artificio , Venustatem illi addunt canaliculi in striarum depressionibus re-ctà è cardine excurrentes . Ex Orientalibus Indici maris finibus in Europam delata mirum ludentis Naturæ opus in Principum Pinacothecis , & Fontibus regiis sumptibus exornatis , sua forma ostentat .

84 Concha ferè perfectè rotundata , à cardine ad oram striata fulcis veluti ab aratro factis , nempè duo latera in angulo acuto definentia habentibus . Planum est intervallum quod unum ab altero separat , at aliquantulum rugosum : sulcos eorumque sinus lineolæ castanei , vel crocei coloris sinuosè ita contextunt , ut opus segmentatum , & phrygium videatur , rarò invenitur in litore Siracusano .

85 Concha Fasciata inter cæteras præstantior , & non ubique obvia . Testa levissima , argentea veste superinduta , fascioliis oliferici nigri segmentata , in gaditano litore accepta !

86 Concha altera parte profundè quidem excavata , altera ferè plana , ut Pecten maximus . Striæ parum profundæ quo magis à margine recedunt cardinem versus , eò minùs apparent , & in planam testam vbeunt . Intus colore candido , foris castaneo . In Mari Indico nascitur .

87 Concha propter formam Piriformis dicenda canaliculis rotundis minutatim sulcata . Albo colore , & circa centrum citreo , & subviridi , tribus insuper undis fulvis notata . Nascitur in Mari Indico .

88 Concha strigis semicircularibus sulcata , striis verò perfectè planis , supra quas veluti veprium acumina ritè disposita eminent alba colore , frequens in litore Adriatici sinus .

89 Concha Indica visu prodigiosa , sinuosis rugis aspera maris undas favonio crispas repræsentat , inter cæteras hoc singulare habet in crispis , quòd ita disponuntur , ut in media testæ facie à cardine ad oram , in altera verò parte ex uno latere ad aliud excurrant , & si tunicæ quibus componitur detegantur ; transverso , & miro opere contextæ videantur : maculis furui , vel castanei coloris Insularum instar , in mari sine ordine dispositis notatur .

90 Concha similis descriptæ num. 87. coloribus mirifico opificio depicta . Sulci parum extant , testa verò admodum excavata , diversis coloribus simul mistis , ita aspergitur , & fucatur , ut opus acu pictum in lapide expressum videatur .

91 Concha striata umbone rostrata vinoso colore terreis maculis distincto .

92 Bucardia dicitur hæc Concha à forma , qua Bovis cor exprimit . In profundissimis Adriatici maris partibus propè Dalmatiam stabulatur . Testa tenuis , & friabilis est , in parte concava eburnea , in convexa cutem habet firmè adhærescentem colore subrufo , qui à cardine magis recedens , magis luteus , & rubiginosus evadit .

93 Concha , quæ à Latinis dici potest Echinata striata ; sulcatur enim rotundatis canaliculis , supra quas spissæ squamæ eminent altera alteri perfectè coaptata , ac superimposita . In mari Rubro , fivè in sinu Persico generatur . Plurimi ab omnibus habetur non formæ solùm elegantia , sed colore exuberanti rosarum , quo in parte concava videtur imbuta .

94 E litore maris Atlantici delata Concha hæc sulcos duplicatos , & veluti capillorum trices contextos ostendit , colore , ut plurimum subflavo , in striis verò aliquantulum rufescenti . Cingitur insuper pulcherrimis zonis fulvis , helvaceis , & rubescentibus in limbo evanidis , multiplicique in loco paulatim decoloratis .

95 Etiam hæc alia in Massiliano litore inventa , Echinata striata dicenda merito est . Strias enim magis inter se distantes armatas habet aculeis rotundis , & robustis ad vulnerandum aptissimis . Color illi est ex fulvo , & citreo , punctisque rubidis aspergitur .

96 Nux maris dicitur Concha hic posita , Tarentino in mari , & alibi frequens . Striæ valdè spissæ , & rotundatæ colore albo fulvis , vel rufis maculis notato .

97 ) Concha striata Echinata subrotunda , à superiori diversa ob distantiam striarum majorem , aculeis non hispidè spinosis , sed pinnarum instar leviter crispatis , colore osseo , vel puniceo . Nascitur in Adriatico .

98 )

99 Concha fasciata dicta à Tarentinis *Camadia de Luna* , quia in plenilunio impinguitur . Testa crassa , colore albo , furvis zonis cincta .

100 Nucces maris ab aliis diversæ in parte concava candidæ , in convexa ex albo flavescunt : strias habent zonis diversimodè flavescentibus , castaneis fasciatis . Abundant his litora Italiæ , sed pulchriores mare Africanum producit .

101 Concha in parte externa aspera ob cristas , quæ in singulis sulcis quibus signatur , eminens , plumbeo colore , & brasiliario in litore reperta .

**I 02** Tellina in litore Brasiliæ frequens fere rotunda, & lineis quibus leviter corrugatur valde spectabilis, in binis partibus laterum oppositis totidem complanatas depresso-nes ostendit, quarum angustior cordis formam exprimit. Diversimode pingitur à violaceo colore, reliquæ autem partes fulvo tinguntur circa centrum paulatim albescente.

**I 03** Tellina in litoribus Europæ vel nunquam vel rarò visa, in Brasiliensibus verò frequens. reticulato opere illam dices circumtectam, colore autem plumbea est, sed ut plurimum fulvo maculata.

**I 04** Tellina quam pariter Brasiliæ litus producit antecedente levior, & subtilior, lacteo candore albicans multiplici tunica videtur composita, ob lineolas, quibus signatur, supra quas aliæ lineæ transversim ducuntur eo modo quo hic expressas vides.

**I 05** Concha Brasiliensis niveam albedinem versus ita dilatatur ut ellipticam figuram potius imitetur, non circularem. Sulcis profundis signatur, quorum partes eminentes imbricum dispositionem simulant, cortice levi ac fragili, ideòque rarò integra obtinetur.

**I 06** Tellina è mari Brasiliæ habita, magnitudine aliquando fere semipalmarem longitudinem æquans. ejus color ad cæruleum inclinatur, supra quem fascia vinosa, & carnea extenditur, ubique autem valde pellucida est, & nitida.

**I 07** Tellina alia in eodem mari frequens, digitalem crassitiem, & longitudinem æquans, ubique candida.

**I 08** Concha quam subjecimus nunquam visa inter tot diversas species, quas è multiplici maris sinu industrius labor obtinuit. In pectinum genere videtur enumeranda, quibus assimilatur. Binis constat valvis fere omnino complanatis, ubique nitida est. Utraque pars intima lactea est, inferior externam faciem habet candidam superior zizifino colore rubescit. In hac lineæ apparent rubræ in nigrum vergentes, quæ à centro ad circumferentiam ductæ illam in partes fere æquales dividunt, sicuti circa centrum aliæ lineæ sunt inæquali intervallo positæ. Utraque autem facies interna lineas habet à circumferentia in centro coeuntes, & in superficie eminentes, ac si fila glutine aliquo illi addita essent, quæ nota peculiaris distinctionis est, cum in cæteris pectinibus internæ facies perfecte levigatæ appareant, externæ verò striatæ.

**I 09** Concha imbricata quæ inter Testacea bivalvia non infimo in loco ponenda est. Color illi est candidus, quem tubercula cruenta distinguunt.

**I 10** Concha duobus valvis constans leviter imbricatis. Dicitur cor Veneris eò quod cordis figuram habeat, quando clausæ, & simul connexæ videntur. Summo pretio habetur quia, rarò invenitur. Ubique candida est.

**I 11** Tellina indica, & rara sicut sunt aliæ duæ proxime hic describendæ. Videtur ex ebure formata ob albedinem, & levorem. Supra dorsum binarum valvarum lineola ex fulvo ad nigrum inclinans sine inflexionum ordine serpit.

**I 12** Pellem Cameli asperam sua cute imitatur, quam hic vides, inter omnes fortasse hujus generis protiosissimam. Ampliori circumferentia, quam cæteræ quasi perfectè rotundatur magisque explanatas habet valvas. Color illi est subalbus, quem circa centrum dispositæ ternæ fasciolarum flavidarum dividunt in partes æquales, maculæque aureæ signant sine ordine dispositæ.

**I 13** Convenit hujus forma cum aliis, sed gibbositate aliquantulum magis tumefcente diversa. Eodem colore albo tegitur, quem maculæ flammularum formam exprimentes inæquali intervallo inter se distantes discriminant redduntque illam in genere Bivalvium æque pretio habendam, ac visu speciosam.

**I 14** Concha brasiliano in litore generata. Tiburtinum lapidem colore imitatur, levigata est in parte interna, in externa verò sulcis parum profundis corrugatur.

**I 15** Cama leviter rugata, colore carneo, qui circa centrum ad roseum, seu purpureum inclinatur, & ab eodem oram versus tres radii sparguntur.

**I 16** Tellina brasiliano in litore frequens, minutissimis crenulis signata; Intus purpureo colore saturatur, foris ex carneo albescit prope circumferentiam.

**I 17** Concha binis valvis compacta, in ora Brasiliæ frequens. nunquam in litoribus Europæ adjacentibus visa, licet in illis multæ figuræ similes copiose producantur. Ejus præcipua nota distinctionis est summitas sulcorum non semirota, ut cæteræ ejusdem generis, sed plana, & transversim minutissime crenata.

**I 18** Concha bivalvis, cujus testæ conjunctæ optime levigatæ sunt, & pellucidæ. Maculantur iu externis, & oppositis facibus infectis auro diluto, aliquibus maculis fulvis ad sanguineum inclinantibus. Alterum ex duobus lateribus aliquantulum explanatum cordis figuram simulat, in quo lineolæ coloris ex viridi, & rubro simul confusis serpunt. reperitur in oris Brasiliæ.

**I 19** Non absimilis forma est hæc alia inter arenas etiam brasilienses generata, sed mole antecedenti præstat. Ex binis valvis, quibus constat, una hic subjicitur, in qua repræsentantur maculæ undas maris simulantes sine certa distributione inflexionum. Colore aureo illæ formantur, qui supra osseum seu album, quo tota concha inficitur, optime nitent, nec æquali coloris intensione formantur, sed varia, paulatim circa extrema ita evanescente, ut olosericum opus perfecte imitetur, quod vulgo dicitur *Puntofrancese*. Ejus circumferentiam fascia non parum lata comitatur coloris flavidi, in quæ lineolæ fulvæ transversim ductæ in partes inæquales distinguunt. intus candida est, & ubique pellucida gummi velata.

**I 20** Tellinam seu potius concham levem dicam, quæ sub hoc numero apparet. Indicum mare illam produxit figura oblonga, & minutis crenis circa centrum corrugata. In parte interiori nitida apparet, colore helvaceo in album propendente saturata; in exteriori verò tophaceo, supra quem lineolæ nigerrimæ ita discurrunt sine ullo ordine, ut plurimis in locis inflexæ angulos modò acutos modò obtusos reticulati operis instar efforment.

**I 21** Concha Brasiliana cuspidata. Sic eam appello ob cuspides, quas in lateribus testæ crassæ, & ponderosæ emittit. Tota crispis circa centrum ductis corrugatur. Color illi est albicans cum amethystino confusus in parte gibbosa, in concava verò albescit.

**I 22** Ostreum Papuanum sic dictum à litore indico, ubi generatur. Duplici constat testa, Ambæ inter se ita concurrunt ut ab A ad E lineam rectam efforment, minutissimis crenis asperam quibus connectuntur. In B. centrum est, ibique ligamentum valvarum inhæret. Ex hoc strigæ valde exiles, & spissæ originem habent, & quo magis ad extremitatem accedunt, eò ampliores fiunt. Non tamen in utraque parte strigis hujusmodi aspera est, nam ea facies quæ litt. B. C. indicatur sit aspera rugis, quæ circa centrum B. disponuntur, nulla spatii æqualitate servata, sed lamellas seu squamas: efformant alteram alteri neglectu quodam naturæ suppositam.

**I 23** Designat numerus hic Ostreum idem ex altera facie visum, intus ex albo flavum apparet, cutis verò externa tophacea est & lurida.

**I 24** Concha è Bajano litore Brasiliæ transmissa, magnitudine, quæ delineata apparet: binis componitur valvis fragilibus, & levigatis. Appendices illis prominent subtilissimis plicaturis corrugatæ. Colorem habet al-

bum in flavum propendentem, & sæpe in subnigro confusum.

**I 25** Eadem concha duplici testa composita in ea facie repræsentata, ubi centrum, & appendices ambæ conspiciuntur.

**I 26** Concha indica valde nitida tum in convexa tum in concava facie. In hac alba est, illam verò plures simul confusi colores eleganter exornant; quippe carneus cum albo, albus cum fulvo undas maris imitantur.

**I 27** Concha duplicibus valvis composita, quæ à centro ad circumferentiam rotundis sulcis dividitur, Hos maculæ castanei coloris sine ordine dispositæ exornant.

**I 28** Concha ex insula Amboino in Italiam translata. Illam concharum omnium pulcherrimam dicam ob elegantiam, qua in ea fabricanda usa est Natura. Duplici serie striarum corrugatur; altera earum, quæ de centro ad circumferentiam extenduntur, altera earum, quæ circa centrum ducuntur. Inter has incisuras ostendit adeo minutas, pulchro ordine dispositas, ut subtili scalpro additæ videantur. Undique candidissima esset, nisi in concava parte flavedinem quamdam ostenderet: propter raritatem conchas cæteras pretio superat.

**I 29** Concha indica in litore Amboini reperta fere perfecte rotunda, strigis valde tumentibus dividitur. In utraque parte candido lacte saturata, quod sine ordine maculæ subnigræ non deturpant, sed exornant.

**I 30** Ostreum ex Insula Amboino allatum. Illud in suo Catalogo etiam exhibuit Martinus Lister, vocavitque Pectinem angustum margine, & auribus productissimum. Malleum manubrio insertum posset appellari. seu potius notam Ægyptiam T. videtur imitari ejus forma. Duabus valvis componitur, in externa parte undique inæqualibus ob frequentes squamas, colore tophaceo, terreo, & subviridi maculatas, quibus sine ullo ordine videntur compactæ. Intus plumbeum nitorem referunt; Longitudine sua fere palmum attingunt.

**I 31** Tellina fere rotunda, & crassa, aliquantulum in utraque parte gibbosa. Partes exteriores coloris subalbidi frequentissimis crenis circa centrum ductis corrugantur, supra quas lineolæ subnigræ in angulos acutos inflexæ transversim sine ordine sunt additæ.

**I 32** Pecten cum duplici auricula striatus minutissimis sulcis, septem insuper veluti plicaturis majoribus crispatur, supra singulas earum quatuor pulvilli intumescunt; colore purpureo ut plurimum saturatus apparet, aliquando igneo, & aurantio simili. E Brasiliæ litore obtinetur rarò, & ideò magno pretio habitus. Bini hujus generis non vulgaris magnitudi-

nis integri, & pulcherrimi servantur in Musæo Serenissimi Magni Ducis Etruriæ. Unum mole minorem in classe Testaceorum collocavi.

**I 33** Ejus fragmentum hic appositum cernitur, in litore Pernambuci inventum, vel undarum sævientium impetu, vel casu alio hoc acciderit, utrumque sane deplorandum, quòd integrum Naturæ opus inter cætera Bivalvia spectare non liceat. Pretiosum illud merito dices, non solum quia in remotissimis ab Europa litoribus obtinetur, sed quia partium compositione, & coloris præstantia in Testaceis rarissimis elegantissimum est. E particula hic subjecta totius integræ conchæ structura arguitur, tanquam ab ungue Leo, vel ab ingenti colossi membro ejus magnitudo, sicuti ingentem molem simulacri solis prope Rhodum à terremoto prostrati deducebant, qui pollicem ejus manus amplecti non poterant. In eo pars illa, quæ in cæteris fere plana est, vel in radios à centro ductos divisa, sulcis habet profunde excavatam, quorum summitates rotundatæ & in plures pulvillos efformatæ, minutissimis insuper strigis signantur, ita ut non è testacea materia sed lineo velo molliter complicato efformatæ videantur. Balaustrino vel Sandychino saturatur colore, pars verò interna candida sandracca tegitur.

**I 34** Tellina indica ovali fere figura absoluta minutis crenis crispata, colore fere candido, supra quem lineæ furvæ sine ordine detruncatæ serpunt.

**I 35** Ostreum Amboinicum duabus valvis constans, quæ parum crassæ fere complanatæ apparent Earum substantia foliosa est, & fragilis. In parte externa parum extantibus rugis veluti squamis corrugatur, colore terreo, subflavo, cum porraceo mistis maculatur. In parte interna plumbeus, & roseus cum flavedine quadam confusus nitet.

Hactenus de Conchis bivalvibus. Impossibile enim est omnes recensere, quas non solum Musæum, sed totius Pelagi fœcunditas calamo describendas suppeditaret. Triginta quinque supra centenas species proposui, ut aliquas indicarem, eas ducens fore Naturæ perscrutatoribus non injucundas. Classem modò subjiciamus Tertiam, qua non solum numero plures, sed visu delectabiliores complectuntur.

## CLASSIS III.

### *Comprehendens Testacea Turbinata.*

**I** Concha potius quàm Cochlea exprimitur in figura præsentis, in qua os testæ valdè angustum videtur more Concharum. Turbinata tamen est in parte, qua labrum inflectitur, absconditque sub se spiras, quibus circumducitur. Cardio, circa quem turbinatur, aliquantulum eminet, illumque tubera quædam aculeata coronant. Colore exprimit candidum marmor; maculæ quædam castaneo, vel violaceo colore certo ordine, ac intervallo in girum dispositæ instar operis segmentati duabus Zonis eam cingunt in medio. Pars concava nitet, ut Porcellana Sinensis: ab aliquibus velum nauticum vocatur propter figuram, in qua navium carbasus exprimitur, *Latina* vulgo dicta. In Persico mari colligitur.

**2** Cochlea eodem nomine significata, at à cæteris valdè discrepans, in centro hujus eminet quoddam tuberculum Balano simile. Colore, quem habet carneum, squilliticam cepam refert in parte gibbosa, in concava verò è carneo albicat perfectè levis, & nitida. In Indiis Orientalibus frequens, & apud insulas, quas dicunt Philippinas invenitur trecenis libris ponderans, eaque in arte coquinaria ad carnes elixandas, & in Templis pro aqua lustrali servanda Incolæ utuntur.

**3** Cochlea quasi omninò in Concham vulgarem explanata, intus livida extra caltea: è litore Hollandico habui, binas verò alias huic additas ex Siracusano mari. Patet in earum centro foramen valdè profundum, circa quod orbis occulti producentur; Mirificè pinguntur à Natura: ut plurimum colore leucophæo, aut violaceo diluto: testæ coloribus luteis, ravis, castaneis, luridis, & roseis punctatim notantur, In parte interiori lividæ, vel cineræ.

**4** Rotundiores superioribus sunt istæ Cochleæ, quarum labrum in medio ore satis aperto inflectitur, multæ ex his colore vinato, aliqua badio, multæ sanguineo, vel violaceo aspersæ. In parte externa albæ, testa admodum subtili.

**5** A terrenis Cochleis hæc non differt, nisi colore, quo præclara redditur. Binas è litore Ostiensi prope Romam Amicus ad me tulit post maris procellosi alluvionem, quarum altera sulphureo flavescit, & linea ostrina subnigra per medias spiras circumvoluta circumdatur, altera verò roseo dilucido pulchrè purpurascit.



6 Exprimat testa hæc Cochleam num. 2. positam, at aliquanto magis abbreviatam, & rotundam, magis etiam in cardine prominente instar glandis, exprimuntur orbium circumvolutiones. Hujusmodi aliquas habuimus è litore Iberico, colore varias: alia enim albido pingitur, alia livido, carneo, vel figulino, maculis nigris notato.

7 Cochlea In Rubro mari generata, gravis pondere, colore eburnea, circa labrum quo finitur, plicas minutas indicat veluti in tela Ollandica crispa: Ex oris apertura magis longa quam lata dente quodam exerto quasi in duas partes dividitur.

8 Levem testam habet hæc Cochlea tribus orbium anfractibus finita: colore flavo sive citreo, in majori orbe nigricant lineolæ flexuosæ, in altero verò striæ parum excavatæ sinuosè serpunt.

9 Oleariam dixerunt hanc Cochleam Veteres, eò quòd lucernæ loco, vel pro mensura olei eadem uterentur. Peponis magnitudinem æquantem Indiarum Incolæ expiscantur. Cortice veluti marmoreo, & crasso tegitur, quo si denudetur pulcherrimum margaritarum nitorem ostendit, vel ut gemma, Eliotropium dicta, multicolor apparet. Inter pretiosa vasa aureosque calices supra Principum mensas ob ejus venustatem reponitur.

10 Conchylum Rondeletii fortasse est Cochlea hæc, eo enim nomine, licet generico, videtur indicata cum dixit: *Conchylum ea parte latius qua in turbinem desinit, sine aculeis, & tuberculis, foramen non rotundum, ut in Purpura, & Buccina, sed longum.* Ab eadem purpureum colorem produci Plinius asserit, at quia eodem nomine generico, & universalis, ideò de veritate historiæ dubitandum profecto est. Pro comperto tantum habemus multiplices Testaceorum species ab ejus pulchritudine superari: colorem enim album ostendit, maculis quibusdam ita notatum, ut vestem Attalicam auro, argento, & multicolori oloferico textam imitetur. Quare Galli in excogitandis Cochlearum aptis nominibus non minus ingeniosi, quam in Floribus significandis Belgæ, eam *Drap d' argent*, Hoc est argenteum textile, nominarint.

11 Cochlea Cælata antonomastice dicta, eò quòd operculum habeat inter cætera singulære. Omnium enim Cochlearum calci adnascitur operculum, inquit Aristoteles, *quod carni hæret, ut unguis noster*, & ab Animali intra testam ductum, illam perfectè claudit; quapropter idem Aristoteles docuit omnia Testacea dici posse Bivalvia. Multis in locis frequenter reperitur, sed non in omnibus æque pulchra. Omnis quidem crasso scabrosoque cortice coloris

lutei tegitur tanquam trilici ferreoque munito loricata, in quo innumeri penè pulvilli, strigæ, squamulæ, & filamenta crispa, adeò pulchro ordine disposita apparent, ut opus phrygium in rudi corio acu pictum diceret. At si decorticetur margaritarum nitore decoratur, & tubercula supra orbium circumvolutiones spirali dispositione recurrentia, eò minora, quò magis ad mucronem accedunt, margaritæ bifariam divisæ videntur. Quamobrem Cochlea Perlata dicitur à nonnullis.

12 Alia ejusdem speciei sine cortice eodem margaritarum nitore præclara, sed in diverso prospectu oculis repræsentata.

13 ) Duplex operculum earum; In alterius superficie plana spiralis linea apparet, qua tota massa lapidea videtur in-

14 ) orbis circumflexa. Pellicula hæc tegitur colore fulvo, oleacino, cum tophino misto, cæterum intus eburnea, Alterius verò facies illa est, quæ Animali adhæret, aliquantulum labrosa, in margine depresso circa centrum. Colore, ut plurimum igneo, vel arantiato, vel balaustinio, aut carneolo, quem subviridis cum terreo mistus circa centrum deturpat. Umbilicum marinum propter similitudinem cum umbilico vocatur à multis, à quibusdam Belliculum, à nonnullis Lapis S. Margaritæ, & oculus S. Lucie, fortasse propter virtutem asterisiam humoris oculis noxii, aut quia contra venenatas oculorum fascinationes infantes juvare creditur, idcirco collo eorum appendunt tanquam pretiosum amuletum. Augustinus Scilla agens de corporibus in lapides conversis in epistola, quam satis eruditè scripsit, ova potiùs Cochlearum esse sibi suadet, sive animalcula abbreviata, nondum perfectæ, & ab eisdem Cochleis generata, At alibi examinanda res est.

15 Cochlea unò prospectu visa non dissimilis ab alia descripta num. 1. ex altera verò Piriformis apparens. Ex Indico mari defertur fragilem, & subtilem testam habens sub veste admodum eleganti, reticulato quodam opere distincta, colore vinoso sive carneo, cum maculis mustelinis sine ordine dispersis.

16 Nivis candorem imitatur hæc Cochlea, quæ Papiracea substantia videtur compacta, at non plicatili. Semicircularibus canaliculis distinguitur, inter quos striæ ferè planæ maculis flavis tessellatæ.

17 Cochleæ eodem modo canaliculatæ similibusque notis distinctæ. Testam habent superiori crassiolem, os valdè labrosum, & valvulis coronatum, in cujus extremitate foramen profundum patet; ex eodem cuticula quædam supra orbium maximum distenditur quasi glutine aptata. In Siculo mari collectas habui.

**18** Cochlea maris Meditærranei, dicta à Rondeletio *Echinophora* à tuberculis, quibus spiræ frequenter gibbosæ tumescunt, & proportionè servata diminutis. Candida colore sed rara.

**19** *Echinophora* frequentissimè ad victum collecta, figura alteri similis, colore autem tophaceo, vel murino.

**20** Cochlea à nemine observata, & *Ulyssipponensi* in litore reperta, in parte concava colore candido, carneolo in gibbosa. Hæc insuper transversis lineis tanquam scalpro incis rugata, punctisque fulvis aspersa. Ex binis oris labris alterum inflexum prominet, alterum verò supra maximum orbem expansum crenulas abdit; Eidem ligula quædam adjacet, bifariam cingens testam, quatuor notis ex fulvo nigricantibus distincta.

**21** Proximè superiori in plerisque notis similis est Cochleæ hujus testa, at sine ligula & maculis; Differt etiam labro turgescenti, & triplici plicatura glomerato.

**22** Cochlea ex novo Hispaniæ Regno Americano ad præclarum Virum missa, Marmoræam substantia suo pondere refert; rotundis striis ubique crispata, orbium anfractus, ita prosequentes, ut ubique veluti funiculis cincta videatur. Os à cæteris diversum illi est. Videtur enim, quæ mucro orbibus finitur, strictè strangulatum. Solet ab Indis Americanis foliata pictura argento, auroque mista decorari ad mensas, & Altaria exornanda.

**23** Levis testæ Turbo in mari Adriatico frequens, subtilissimis crenis crispatus, colore lapidis Tiburtini, tribus supra decem orbibus, licet mole parvus, extenditur.

**24** Major mole hic alter Turbo decem tantum orbibus finitur, valdè autem illi tumescunt omninò levigati, Color inest illi marmoræus subalbidus, & aliquantulum vetustate flavescens.

**25** Cochlea quasi funiculis spissis cincta, & in spirarum ductibus diminutis, colore terreo, & violaceo diluto bicolor apparet.

**26** Inter pulchriores recensenda est hæc Cochlea extero in mari Indiarum progenita, & partium fabrica elegantissima. Cochleam depressam vocarunt Nonnulli ob figuram quasi planam, mirum Naturæ artificium in ea non distinguentes. Figura hic expressa ejus faciem planam ostendit, in qua Cochlidii gradus, eò minores, & angustiores, quò magis ad anfractuum centrum descendunt. Nituntur autem lateri veluti muro, ab ore usque ad imum mucronem turbinato, atque Cochleatos anfractus à Cochlidio dividente, illumque duæ lineæ candidis, & castaneis maculis alternatim tessellatæ in-

utroque limbo comitantur in parte externa, ubi tessellati lineares orbis recurrunt. Fimbria ejus est eodem colore sinuosè disposito, alteramque testæ faciem exornante, maculata.

**27** Ea est, quæ sub hoc numero ponitur parum elevata quamvis gibba, lacteo colore imbuta; lineis partim furvis partim colore castaneo tessellatis exornatur.

**28** Convenit hæc Cochlea cū altera num. 17. descripta, in strigis, & maculis. Basim autem planiorem habet: ubi striarum orbis deficiunt, Umbylici forma apparet, quamobrem dici potest umbylicata. In summitate oris plicaturæ omnes simul glomeratæ quasi galericuli circum eleganter efformant, Colore ubique est candida, & adeò pellucida, ut notæ externæ ex rubigine rufescentes etiam in parte interna distinguantur. Ex Indiis Orientalibus habetur.

**29** ) Hujus characteristica est quidam sinus  
cavus velut Umbylicus, unde Cochlea  
**30** ) umbylicata dicitur, ab aliquibus verò  
Tigris nominatur, supra colorem eburneum, quo pars extrema tegitur, atræ maculæ miro quodam ordine sunt dispositæ, si verò lapideo quasi cortice denudetur argenteum margaritarum candorem ostentat. In Malabarico sinu invenitur,

**31** Argenteam substantiam Conchæ margaritifera hæc alia Cochlea ex litore Ollandico habita, horrida æquè, ac venusta, inter cæteras non minoris pretii est. Corticem enim habet loricatum, asperum, & tuberosum: frequenter racemosa cornicula quædam glomerata, & canaliculata ex eodem ita eminent, ut licet ex lapidea substantia formata, ex molli cera videantur brassicam cucullatam ad vivum exprimere. Multicolor dici potest, cum puniceo, terreo, viridi, violaceo, atro, sexcentisque aliis dilutis coloribus sit aspersa.

**32** Ad aliud Cochlearum genus transeundum nobis est, quas Turbinis nomine significabimus. Turbo autem ille dicitur, qui ex ore lato paulatim productus in acutissimum mucronem desinit, quare magis longus est, quàm latus, Cochleæ verò orbibus minus extensis magis latæ sunt quàm longæ. Plurimæ inveniuntur Turbinum species, & omnes admodum pulchræ. Turbo indicatus ab hac figura non solum extenditur orbium circumvolutionibus, sed ipso ore, quod ori Purpurarum valdè simile est, beneficio canaliculi, quem ad finem utilem, licet nobis ignotum, Natura fabricavit. Colore carneo, aut subflavo, multis in locis frequenter reperitur.

**33** Turbo nivea albedine candidus, & levigatus. In tribus Orbibus quibus finitur, ex albo nigricat, atro colore mucro induitur. Possent hoc loco depingi alii figura similes coloribus

ribus flavis, rubeis, sanguineis, leonatis, topiaceis diversimodè mistis diverfi. Juxta Syracusas, & Catacense litus copiosè habetur.

**34** Turbo strigis semilunaribus, striis autem planis rugosus, frequenter invenitur albus, vel plumbeus, aliquando flavescens, & violaceo colore in aqua diluto tinctus, rarò punctis fulvis, & rufescentibus aspersus.

**35** Æquè spectabilis est hic alius, ubique sinuosus lineis tam benè sulcatus, ac si essent scalpro incisæ. Osseum colorem habet, & cum binis aliis superioribus in Adriatico generatur, Parva molis illi est. Hujus tamen, sicuti & aliorum ejus generis magnitudinem Microscopii ope amplificatam exhibebimus, ut clarius abdita partium structura in rebus licet minimis oculis patefiat.

**36** Turbo inter Cochleas potiùs numerandus, ore longo angusto, & denticulato, ut in Concha Venerea, colore albo, cum notis fulvis, vel rufis cum albo paulatim confusis. Sulcis, æquali spatio divisis, distinguitur, & opere quasi tessellato, propter maculas nigricantes, decoratis.

**37** Turbo, orizæ magnitudinem non superans; at si mole parvus, maximè quidem venustus, tribus coloribus, à quibus eleganter distinguitur; flavo enim tegitur, supra quem fasciola candida piceis maculis tessellata lineam spiralem format, orbisque testæ inclusos indicat, & pellucida veluti sandracca superinducta undique nitet.

**38** Turbo cinereus sinuosè productus cum striis nigricantibus.

**39** Turbo albus, & levis, in quo orbis videntur turgescere beneficio ligulæ astrictoriæ, [quæ supra eisdem ab ore usque ad mucronem circumducitur.

**40** Turbo in Syracusano litore frequens, albo colore, fasciis ex flavo nigricantibus segmentatus, & nitens. Interdum violaceo colore tinctum mucronem habet.

**41** Turbo Levis, pullus, cujus orbis è dextera in sinistram convoluuntur, ore compresso, denis spiris fastigiatus, tenuis, ad magnitudinem avenæ grani factus unciam dimidiam longitudine implet. Ejus basis paulò angustior est velut alter mucro, mediaque pars intumescit. Apertura angusta, & ad imam ejus partem sinuosa, item ejus oræ leviter reflectuntur. Orbium anfractus linea nigricans comitatur, quam veluti filum tenue, & album testæ insertum punctatim signat.

**42** Turbo tredecim spiris convolutus, quas puncta è colore castaneo, in duplici linea disposita pulchrè exornant.

**43** Turbo, qui cum proximè sequenti propter figuram similem inter Buccinas numerari potest, de quibus suo loco inferius agemus, at quia molis parvitate ineptus est ad sonum, Buccina non dicitur. Frequens est in Adriatico mari, & levissimus testa, ovi corticem referente, colore figulino, vel vinoso.

**44** Turbo cujus maximus orbis ventricosus, ore prodigioso quatuor dentibus munito, quibus ferrei veluti claustris apertura effingitur; Intus albicat, foris castaneo colore tinctus.

**45** Turbo aliquando ostrino diluto tinctus, aliquando vinoso colore, interdum ossibus similis. In singulis orbibus instar aurantii decorticati videtur in plures æquales partes dissectus, quas fasciola plana eleganter distinguit.

**46** Turbo colore flavus, testa admodum subtili ornatur à quibusdam tuberculis supra orbem eminentibus, quos veluti filum spiraler ductus arctissimè stringit. In Adriatico reperitur, & in Lusitanico mari frequenter, & pulchrior.

**47** Turbo furvo colore trãversis lineis profundè canaliculatus, quatuor orbium anfractibus finitur, testam habet valdè crassam, & robustam.

**48** Turbo veluti malleo frequenter compressus, Pars interior albicat, circa oris aperturam inter labra reflexa alteram partem dentatam ostendit. Ex ipsa ligula quædam nascitur, orbemque ad mucronem usque connectit modò testæ inserta, modò apparens, sed alio in loco collocata.

**49** Turbo ex oleacino colore albicans, punctisque atris aspersus, & quasi sandracca pellucidus.

**50** Turbo figuram nuclei olivarum referens, duabus fasciis altera candida, altera picea cinctus.

**51** Turbo Pyriformis squamis plenus, colore cinereus, Hunc cum quatuor præcedentibus ex Indico mari habui.

**52** Quatuor subsequenti figuris Turbines exprimuntur Buccinis similes, at quia mole parvos inter Turbines retulimus. Malleolo negligenter collisus videtur, hic primus, quia inæqualiter compressus. In ora aperturæ labrum eleganter reflectitur, & animalis collo locum præbet cum ad motum exierit caput è testa.

**53** Turbo septem spirarum anfractibus finitus, ore valdè longo, levis ubique, colore lapidis Tiburtini, interdum ex helvo subniger.

**54** Supra modum tenuis, ac tenera est hujus turbinis testa, adeoque admodum pellucida,

lucida, & levis est. Ei ingens apertura ovalis, color est ex flavo albescens, interdum vinosus. Intra tres spiras finitur, quarum duæ inferiores admodum exiguæ.

55 Longior antecedenti Turbo, levissimus, colore atro cum nitore.

56 Turbo levis fasciola tenui in orbium commissuris arcuè ligatus, caret mucrone acuto, sed veluti basi rotunda finitur, colore eburneo. Vivit in spongiis.

57 Turbo Indicus. Vocari potest Avena marina propter figuram, qua exprimit arundinem palustrem, aut arboris folium glomeratum. Colorem habet vinosum, notulis, punctisque flavis, fulvis, castaneis, & violaceis dilutis, ob nitorem venustis.

58 Turbo colorem Margaritarum sub marmorea veste cælans, videtur compositus duobus testæ segmentis, ita Cochleatis, ut giros efficiant angulo obtuso mucronatos, in quibus passim exercitur lingua quædam, eleganter illos exornans.

59 Turbo minutissimis sulcis asper in omnibus spiris, maxima excepta. Hæc corona pinnulis plena circumdatur, in qua velut in disco videntur aliæ minores subsidere. Propè oris aperturam si cernas, illud quatuor quasi crispis convolutum dices, hæc autem pinnulæ albicant in veste pulla, qua totus Turbo tegitur.

60 Alius sine coronæ ornatu, colore livido, interdum albo.

61 Turbo tuberculis ubique distinctus, quæ supra colorem aureum mirificè albescunt.

62 Turbo undosis anfractibus productus, crenulisque transversis asper; undè è linteo leviter crispato videtur compositus. Multicolor plerumque, interdum albus, vel eburneus, vel nigricans, vel subviridis.

63 Hujus Turbinis præcipua distinctionis nota est, macularum candidarum, & sanguinearum dispositio. Modò enim colore flavo, & cianeo diluto, quo testa pingitur confunduntur, modò ab eo omninò distinctæ apparent. Ut plurimum in Neapolitano litore colligitur, colore osseo tectus cum candidis notis.

64 ) Duo Turbines Indici Maris, qui inter eos connumerandi censentur, Murices

65 ) à Latinis dictos, Binis coloribus nempe albo, & pullo, quibus teguntur, penè innumeras colorum apparentias effingunt.

Hic nivis superatur albedo, illic à nigredine penitus cælatur, in quadam parte paulatim color pullus diluitur, & albus quodammodo detegitur, amboque semper ita miscentur, ut tertius quidam color ex albo nigrescens, vel albescens ex nigro videatur. Quibusdam lineolis piccis, quasi

calamo factis, & undosis transversè cinguntur, ac si fila essent acu testæ inserta: Sulcos in longum ductos habent, & circa oris foramen valdè productum, & angustum, testa frequentissimè crispatur. Differunt aliquantulum inter se dispositione partium, & colorum, qui tamen omninò similes sunt in ambobus.

66 Quinque fasciis cingitur hic alius cæteris elegantior. Altera colore subnigro est, altera purpurea, vel ad minium accedens, tertia fulva, viridis quarta, ultima ostrina; omnes ita à summo vertice mucronem usque ita circumvolvuntur, ut intervallo quodam distinctæ inter se, in eo videatur veluti album indusium, quò turbo tegitur. Valdè nitidus est, & levigatus, & ab Indico mari cum cæteris octo superioribus habetur.

67 Turbo potiùs partium structura, quàm pictura coloris in pretio habendus. Collare lineum canaliculatum nunquam Artificis manus crispavit, à quò exprimi posset hujus oris apertura. Nunquam obstetricis manus regium infantem fasciis artificiosius cinxit, quàm Natura turbinato huic Animali marmoream massam miris circumvolutionum anfractibus Cochleavit: sed hunc videre juvabit, nam ejus speciem verbis repræsentare haud ita expeditum. In mari Rubro nutritur, & non dissimilis in monte Etrusco, quem dicunt Peglia, sub glebis invenitur.

68 Turbo minutissimis rugis à cardine usque ad imum mucronem crispatus miro Naturæ artificio. Præcipuam distinctionis notam præstat os quasi perfectè circinatum, venustum propter coronam quasi ex opere topiario compactam, cæsariatam, laciniis plenam, & coloribus galearum cristas referentem. ex Indico mari habui.

69 Turbo Tuberosus dictus à tuberculis, quæ uberum instar ex orbibus spirarum ad tutamen pendent. Os habet cum labro admodum producto. In luto stabulatur, quo si expolietur multicoloribus succis videtur sine ordine aspersus. In eò viridis, furvus, & violaceus inter cæteros distinguuntur.

70 Duæ parvæ Buccinæ, in quarum basi foramen fatis profundum patet: ut parius lapis perfectè expolitus, sunt candidæ, & nitidæ rubro, vel castaneo colore tessellatæ. In Indico mari inventas Purpurati Principis manus cæteris hætenus descriptis addidit.

71 Turbo ex Indiarum litore habitus cum aliis, qui in hac pagina describuntur, Figura quasi pyriformis, minutissimis sulcis leviter rugosus. Colore figulino, vel pumiceo.

72 Turbo ciano diluto tinctus, punctisque candidis, & pullis notatus. Aliquando invenitur albus cum maculis rufis.

73 Turbo, ut visu delectabilis, sic dictu non facile exprimendus. Hujus Cochleati orbis simul connectuntur ligula quadam, quæ variis in locis modò contexta, modò foris educta, veste quodammodò reticulata eos induit. Ea autem colore est furva, testa Cochleata ferruginea.

74 Color albus, & pullus diversimodè confusi hujus Turbinis cutem eleganter pingunt. Pars, in qua est oris apertura æquè producit, ac alia, quæ plurimis orbibus finitur. Ab hac conus exprimitur in æqualia tubera distinctus.

75 Turbo Muricatus, sic dictus à corniculis quibus Murices muniuntur, veste alba tegitur, quam plurimæ lineolæ rubræ, & flavæ sinuosè inflexæ reddunt indumento Persico similem.

76 Turbo pariter Muricatus, quasi ex fumo nigricans, & lineolis magis fulvis circumdatus, parvus licet mole testa duritiem sili-cis æquat.

77 Oculus Cæsius antonomasticè dici potest hîc Turbo. Exprimit enim colore cinereo pellem felis melitenfis, ejusdemque oculos quibusdam tuberculis in spirarum ductibus pulchra dispositione aliquantulum eminentibus, in quibus cæcia veluti pupilla pellucet, colore ex leonato nigrescenti coronata. Alia etiam minora tubercula in spiras disposita ostentat colore fusco, quo Cochleæ venustas augetur. Rara est, & in Indico litore inventa, & nunquam in ullo licet prædiviti Mulsæo visa.

78 Turbo vulgo Garagoo dictus à verbo Hispanico *Scaragol*, multis in locis frequens multiplicique colore tinctus, striis crispatur instar retis dispositis, & in singulis nodis sive intersectionibus earundem veluti ferreo stilo contusus videtur.

79 Turbo Tuberosus quasi subtili, & candida tela Ollandica indutus, quæ in multiplices plicaturas, & pulvillos corrugatur, orbium anfractus obsecundantes, quidam veluti funiculus colore vinoso, & rufo intermediat.

80 Turbo in Siracusano mari frequens, sulcis undosis asper, at præclarus fabrica colorumque varietate. Singuli enim orbis ex duobus testæ fragmentis constare videntur, quorum unum candidum est, alterum ex fulvo purpurascit.

81 Niveus est hîc alius, notulis ex sanguineis nigricantibus veluti calami ductibus signatus, atque in partes ferè æquales distinctus, ut Pepones.

82 Innumeris penè coloribus simul mistis hujus Turbinis cutis pingitur: in parte interna, ut plurimum albo, circa oris aperturam violaceo, & nitido, in externa asper est, & luto deformis, sub quo stabulatur.

83 Turbo albus, in cujus orbibus labrosæ testæ particulæ passim pendent mucronem versus, tanquam pinnulæ, & lacinia lapideæ, quibus formæ elegantia augetur, & magis quidem à punctis rubiginosis, quibus spirali linea dispositis notatur.

84 Rarus admodum hic Turbo est ex Indiis habitus, colore ziziphino. Aureus, croceus, & candidus etiam invenitur, & admodum nitidus. Circa spirarum commissuram fossiculæ æquali intervallo inter se distantes apparent, alterum oris labrum falcatum prominet, & inflectitur, ut in cane venatico.

85 Turbo, Pentidactilus, à verbo Græco dictus, hoc est quinque digitos sive appendices habens. Quatuor muniunt aperturam oris, quintum à spiris in conum productis formatur. Intus colore albo pingitur, extra albo etiam flavescente. In adjacentibus Europæ littoribus frequenter colligitur.

86 Turbo albus, & levigatus. Marmoream testam gerit, præter primum orbem planum cæteri sunt gutturosi, & veluti tonsillis tumensibus pleni.

87 Turbo Pentidactilus alteri non absimilis circumvolutionum numero, & fabrica. Differt autem testa subtiliori, & aculeos minus productos habet, vespertilionis, sive draconis alam imitantes. Niveus habetur colore ex litore Ulyssipponensi.

88 Turbo, Magnus appellatus, quia omnium, quos hæcenus observavimus, est maximus. Colore pumiceo, vel figulino, ore producto, crenulis transversis crispatus supra orbem cæteris majorem cervicem veluti bovinam, & robustam ostentat. In mari Rubro frequens, & in monte Pelio Etruriæ invenitur.

89 Piramidales Urnas, quibus cadaverum cineres Prisci servabant, Turbines sequentes expriment, Basim ampliorem, & planiorem, quam in superioribus hi habent, qua de causa etiam assimilantur Turbini lusorio, qui à Græcis Trochus dicitur, à Virgilio eleganti Carmine indicatus, cum narrans Reginam illam furiis agitatam, dixit.

*Ceu quondam torto volitans sub verbere Turbo,  
Quem pueri magno in gyro vacua atria circum  
Intenti ludo exercent.*

Strombi nomine cum Plinio nos illos indicabimus, qui tamen tam varios, & miros, vel non agnovit, vel neglexit. Sub hoc numero descriptus durissimo sub cortice albo, & subviridi Margari-

garitarum nitorem, veluti cristallina pelle circumtectum cęlat. Ex mari Brittanico missus mirè oculis spectabilis.

90 Strombus Tuberosus spissis valvulis intumescens. ex argentea substantia videtur fabricatus, quam saxea cutis circumdat. In ora Piscarię colligitur.

91 Strombus minimus in arena litoris Adriatici frequentissimus, sicut, & alibi, Colore vinoso sive flavescenti, maculis rubricantibus ac terreis notatus, ubi spirarum orbes conjunguntur subocularis albidior una cum spiris circumflectitur.

92 Strombus admodum profundus decortatus, colore margaritifero, transversis sulcis corrugatus.

93 Margaritę nitor etiam hunc alium condecorat, tegitur tamen à cuticula crocea, & nitida. Funiculo pariter cingitur in spirarum commissuris colore paleari, notulis vitelinis, aut lienaribus tessellato.

94 Strombus Auritus; ex parte enim, quę oris apertura est, prominet veluti labrum auriculę Leonis simile. Invenitur apud scopulos Syracusarum. Testa illi est subtilissima, & aspera, ex minutissimis filis, quę setis equinis contortis similia difficilius sermone exprimi possunt, oculis verò usurpantur jucundiùs. Colore tingitur terreo, aliquando puniceo. Pars autem interior argenteo cum glasteo misto, ut in marinis Auriculis.

95 Eadem figura exprimitur à presenti Strōbo. Veste attalica crispata eundem indutum dices, si cingula, funiculos, fila simul in-torta, & eorum nodos mirabili quadam artificio dispositos observes. Visu quidem esset delectabilior si verbis exprimi possent colores lacteus, subalbidus, violaceus, ametistinus, ac purpureus, quibus formę elegantia augetur.

96 Strombus Umbilicatus in Indico litore cum antecedenti repertus. Hęc autem est hujus nota characteristica habere in centro testę sinum cavum veluti umbylicum: margaritarum, & coralliorum lineis videtur ornatus.

97 ) Adriatico mari generantur hi bini  
strombi, ciceris molem non excedentes. Concurrunt ad eorum ornatum  
98 ) colores terreus, subviridis, fuscus, & rarus diversimodè supra oleacinum dispersi. Aliquando in summo mucrone purpurascit.

99 Strombus nitore maximè pellucidus, & veluti sandracca illa tectus, qua Sinarum Artifices scrinia, baculos, & vasa mirè depingunt. Sanguineum colorem habet notulis lienaribus maculatum, argenteumque ostentat si cuticula exuatur.

100 Strombus pariter Umbylicatus, margaritarum candorem celans sub cortice marmoreo.

101 Trocus antonomasticè Magnus, & Duplex appellandus. Superat enim cęteros magnitudine, & ex duplici Turbine in basi simul coeuntibus videtur compositus. Pulchra striarum transversarum dispositione sulcatur. Quę spirarum turbines coaptantur, rotundę strię circumferuntur alterum ab altero discriminantes.

102 Trocus Magnus, & Auritus, sic dicens ab ampla auricula, quam in basi circa oris aperturam extendit. In parte interiori fulget Unionum nitor, in exteriori cutis lapidea, & alba, fasciis terreis segmentata. Uterque hęc Trocus in indico mari colligitur.

103 Turbo instar Muricis tuberculis armatus. Ex diversis tunicis corticosus apparet, alterum oris labrum ita crispatur, ut quamvis asperum, & rude elegantissimam formam ostentet.

104 Turbo Angulosus, & transversim lineis leviter crispatus, quasi collum in basi producit, juxta quod oris apertura valdè longa, & in centro spirarum foramen profundum patet.

105 Turbo lapideis costis ita munitus, ut ipsi testę superimpositę videantur, ac firmatę claviculo, qui à basi ad mucronem usque in omnibus spiris apparet. Ex binis labris quę amplum os circumdant, alterum testę incumbit, alterum leviter crispatur. Colore, ut plurimum cinereo, terreo, conchyliato diluto, vel calteo.

106 Octo Turbines in hęc lamina exprimentur Obeliscis potiùs quàm Pyramidibus similes. *Fiscaroli* dicuntur à Tarentinis, cum eo nomine alios non dissimiles significant, quibus Pueri ad sibilum edendum utuntur, quem dicunt Italicè *Fischio*. Omnes partium dispositione elegantes in Oceano generantur, præter eos, qui à numero 108. & 111. indicantur, sunt enim hi in Adriatico mari frequentes. Qui describitur sub hac figura ejus magnitudinem non excedit. Magnum tamen artificium parva mole comprehendit. Spirarum enim anfractus depressi, & strię in acutum mucronem desinentes opere attalico exornantur notulis croceis distincto.

107 Turbo nitidus, & eburneus, in quo spirarum commissurę vix dignoscuntur, maculis rufis notatus.

108 Turbo molem grani hordeacei equans, colore figulino, vel tophaceo, spissis contusionibus æqualiter excavatus.

**I 09** Turbo Indicus niveus , & nitens , à binis fasciis Conchiliatis , quæ tritici folia suo acumine exprimunt , cingitur , orbiumque commissuras leviter ligatus vix demonstrat . Rarus , & pulcher .

**I 10** Dupplicatis spirarum anfractibus constare videtur hic Turbo ; quarum singulæ frequentibus sulcis à basi usque ad mucronem ductis crispatur . Colore terreo , vel albo .

**I 11** Turbo in spongiarum cavitatibus vivens , frequens in mari Adriatico . Orbis habet mira arte compositos ex testa , quæ videtur primùm rotundata , deindè in spiras circumtorta , & funiculis frequenter connexa , ut plurimum candido colore , funiculi autem lividi punctis rubicundis , flavidis , & conchyliatis distincti ; aliquando invenitur aureus , vel roseus albis filis ligatus .

**I 12** Turbo albus , venulis rubris , aut rufis discriminatus . Spiras habet instar helices ferreæ , quæ lignis inferitur .

**I 13** Turbo eburneus sulco admodum profundo excavatus , quem duo veluti cingula simul unita comitantur , ut in basi columnæ corinthiæ ad ornatum componuntur ab Architectis .

**I 14** Tuba dicitur ob longitudinem hic turbo , colore osseo . Distinguuntur in tres veluti partes ejus orbis à duplici suboculari , qui à basi usque ad mucronem spirarum ductus profequitur . In Persico mari , sed rarò invenitur .

**I 15** Turbo eodem tubæ nomine pariter significatus , longitudine æqualis superiori , nec minus elegans . sexdecim , & aliquando viginti spiris finitur , mucronem habet mira proportione valdè acuminatum , colore est eburneo , & Cochleatis crispis corrugatus .

**I 16** Strombus lacteus , & levis , in quo ubi sunt orbium commissuræ profundus canaliculus circumducitur .

**I 17** Turbo instar helices ferreæ , notulis rufis signatus ; duodecim spiris productus . Dicitur ob longitudinem Fistula Musica .

**I 18** Eodem nomine significare hunc alium possumus , à nonnullis Cervinum Cornu dictum . Cæteris præstat longitudine , & notulis conchyliatis , sive ex purpureo colore nigricantibus , quæ juxta spirarum commissuras in girum dispositæ eburneum colorem , quo tingitur , pulcherrimè discriminant .

**I 19** Pulchrior antecedenti est præfens Turbo , quem Galli cum Ollandis Pontificiam Thiam dixerunt . Triplici enim corona decoratus videtur , quam spira tuberculis eminentibus formant in cono . Minor cono , oris

apertura est ; notulis arantiatis , vel sandichinis aspergitur , & ob raritatem magni æstimatur .

**I 20** Pluris tamen habetur alius ab hac figura indicatus , quam Galli appellant Plumam à proportione quadam cum pluma strutiocameli . Ejus pulchritudinem augent maculæ igneæ , ac rutilæ , supra lacteum colorem quo tingitur disseminatæ .

**I 21** Turbo Ventricosus dictus à primo Orbe , quo cæteros amplitudine superat . Præcipua nota illi est labrum denticulatum instar rotæ in horologio , & rostrum veluti navale , quo viam tentat dum movetur , quare Turbo Rostratus dici etiam potest , ut ab alio ventricoso distinguatur .

**I 22** Cochleas in hac lamina figuratas Turbines nonnulli dixerunt , Nos Cylindros appellabimus propter figuram , qua Cylindris assimilantur ; perfectè enim levigati ita rotundantur , ut nullum spirarum signum appareat , nisi in basi , quæ plerumque est admodum plana , vel leviter orbium commissuris intumescit . A Cylindro tamen recedunt propter mucronem , quo conii potius figuram induunt . In ipso oris apertura eadem ferè longitudine producta , & angusta . Cæteris Cochleis præstant colorum varietate , qua undæ , lineæ , fasciæ , meandri , puncta , foliosum , & frygium opus in eorum testis adeò pulchrè formantur , ut maris portenta dicenda meritò sint . Positus sub hoc numero , in Indico mari repertus , niveo tegitur candore , quadratis notulis piceis ita tessellato , ut ex ebeneo , & ebore compositus videatur .

**I 23** Cylindrus Indicus , & rarò repertus , colore conchyliato , qui candidis notis passim celatur aurea lineola circumdatis , in basi perfectè complanatus .

**I 24** Turbo Cylindroides rufus , vel albus punctis fulvis , vel rubescentibus aspersus .

**I 25** Cylindrus indicatus in A . Tam miræ colorum varietate pingitur , ut quàm visu delectabilis , sic dictu non facillè exprimens . A viridi enim , à flavido , sanguineo , fusco , citreo , & oleacino videtur sine arte aspersus , alter autem positus in B . vinoso tingitur , circa basim glandulis prominentibus decoratur , & ubi in mucrone decrescit eum cingunt quædam veluti fila frequenter nodis implicata .

**I 26** Opere acu picto condecoratum dices cylindrum hic positum à quatuor coloribus , albo videlicet , livido , ex viridi flavescente , & molochitico , sive albo , livido , furvo , & terreo , mirabili quadam distributione simul confusus .

- I 27** Ravida veste tegitur hinc alius, fascia alba transversim cinctus, & binis aliis fasciis in longum segmentatus.
- I 28** Cylindroides perfectè planus in basi, in qua orbium anfractus linea spiraliter contorta indicantur, colore fulvo, helvaceis notis nigricans.
- I 29** Cylindrus corona multiplici decoratus, quam format globulorum linea in spiris orbium supra basim eminentibus posita. Colore aureo, notis albis artificiosè distincto.
- I 30** Cylindrus satis elegans colore albo, ciano diluto, tyrio, & castaneo coloratus.
- I 31** Venustas hujus Cylindri augetur à notis aureis, & rufis, ordine artificioso distributis, nitidus est, ut cæteri, & perfectè levigatus.
- I 32** Tegitur hinc alius veste quasi bisina, in qua quadratæ notulæ sanguineæ, puncta crocea, & lineolæ rufæ, vel fulvæ opus quasi acu pictum efformant.
- I 33** Jaspidis fragmentum in Siculis montibus erutum hunc Cylindroidem diceret ex multiplici colorum mixtura, qua tingitur; nec eam speciem verbis repræsentare est ita expeditum.
- I 34** Jaspidem etiam hinc repræsentat, at coloribus diversum, tingitur enim albo, rufo, rubro, mustelino, terreo, modò exuberantibus modò decoloratis, & quasi velo tectis.
- I 35** Cylindrus turcicam vestè attalica manu pictam ostentans, quàm difficiliùs sermone exprimas, oculis verò usurpes jucundius sinuosas picturas, & meandros, quos aureus color cum albo, & sanguineo confusus efformat. Interdum invenitur quasi squamis tectus, quæ iisdem coloribus effinguntur.
- I 36** Cylindroides colore fulvo dilucido tinctus, & squamis sanguineis decoratus.
- I 37** Mucronem versùs cylindri hujus furvo colore imbuti giros efficiunt quidam veluti funiculi candidi, & circa basim pinnularum corona est redimitus.
- I 38** Cylindrus candidus fasciis piceis segmentatus.
- I 39** Cylindrus viridi aquato imbutus, albis fasciis cinctus, quas notulæ anthracinæ distinguunt. Reperitur etiam albus, roseus, luteus, nigricans, & Aurantio similis.
- I 40** Turbo levis minutissimis sulcis corrugatus, colore cinereo; in medio ore dente armatus, qui valdè prominet.
- I 41** Cochlea hæc Cylindroides melius vocatur, quàm cæteræ huc usque descriptæ, æquali enim crassitie, ut Cylindrus in longum producitur. In basi verò ovi mucronem refert, in quo tres, vel quatuor spiræ, quibus finitur lineolis indicantur. Invenitur aliquando brevior, olivæ Hispanicæ fructum referens: optimè levigatus, & quasi sandracca sinensi velatus nitet, undosis meandris diverforum colorum pingitur, ut clarius in figura sequenti apparet.
- I 42** Coloratur enim hinc à candido, aureo, livido, vinoso, subviridi, flavo, citrino, luteo, violaceo, sexcentisque aliis coloribus, ita artificiosè simul confusis, & dispersis, ut acu pictus videatur. Invenitur in litore Brasiliiano mole longè minor, quem Incolæ vocant Zimbo, eumque in pulverem redactum, cum potu miscent ad confringendos lapides in renibus, & vesica generatos.
- I 43** Turbo albus, & rarus, figuram exprimens cochlearum, quas multi ex natione Hispanico dicunt *Garagoi*.
- I 44** Turbo sive Murex, specie eleganti singularis, Orbium enim alter magis eminent supra alterum, quam in cæteris, & singuli æquali divisione sunt striati, Conus, in quo oris est aperta, crispis ita corrugatur, ac si esset violenter inflexus, pars exterior colore carneo pingitur, interior roseo, labrum nigro, in roseum paulatim rubescente.
- I 45** Turbo non minus pictura, quàm fabrica elegans, & dictu non facile exprimens, colore subflavo cum tuberculis albescentibus, fasciis insuper transversis cingitur ex colore rubro nigricantibus.
- I 46** ) Turbines auriti. Labrum enim habent expansum, & auriculæ hominis similem. Conveniunt figura differunt colore: alter enim osseo pingitur, alter filis aureis sinuosè inflexus signatur.
- I 47** )
- I 48** Buccina parva, & levis, os habens ori hirudinum simile, & dente valido armatum. Intus albicat, foris colore burro flavescit.
- I 49** Buccina sicut ebur expolita, niveum candorem habens, & basim ex multis membranis, altera alteri superimposita corticosam.
- I 50** Murices bini parvi gibbosi, leviter crispati, & rari, in parte orbis cæteris amplioris, ita intumescunt, ut columbæ pectus ova foventis expriment. Labrum circa os veluti alam expansam habent, coloribus flavidis supra album sine ordine aspersis notantur.



**151** Turbo, quem auritum nominat Aldrovandus, albus, & nitidus, ut parius lapis. Circa ejusdem os labra prodigioso artificio, ita reflectuntur; ut admirationem pariter augeant, & venustatem.

**152** Turbo pariter Auritus cum labris duplici dentium ordine munitis, & nigris notulis tessellatis, in reliquis partibus coloratas venas ostendit, ut gemma Gagates.

**153** Coloribus similibus pingitur hic alius circinatus, & crassiori labro, quod notulæ tyriæ distinguunt in plures partes, diversus ab antecedenti. Orbium maximus multis in locis sine ordine leviter intumescit.

**154** Turbo ab hoc numero indicatus antecedentibus præest macularum dispositione, & oris artificio; hoc enim à figura exprimitur, illæ autem quadruplicato ordine dispositæ servataque inter se distantia, aureo colore candidos orbes condecorant.

**155** Magnitudine omnibus antecellit Turbinis hujus testa, pariter auriti, & tuberosi, labra eleganter ita reflectit, ut animalis collo locum aptet. Post maximum orbem valdè tumescentem brevi, & lato angulo finitur, tuberculos habet in girum dispositos, aliquosque eorum valdè è testa prominens, ac falcatos, ut canis venatici dentes. Alterum è labris est denticulatum, alterum crenulis rugosum. Quem hic figura exprimit album cerneris, si oculis usurpares, tribus fasciis croceis, & fulvo undatis cinctum. Interdum invenitur multicolor ex albo, vinoso, rufo, & ametisthyno confusis. In labro insuper prominente, & reflexo quinque notas habens, quibus pulcherrimè decoratur.

**156** Turbo forma non dissimilis, è duplici prospectu delineatus. Ex uno sulcis in longum striatus apparet, & maculis croceis in forma crucis dispositis, notatus, ut vestis Attalica aureis floribus intertexta, ex altero verò os angustum ostendit, & utrumque labrum candidum denticulatum, quod à fusco colore partem internam deturpante mirè distinguitur: cingitur insuper à mucrone ad basim ligula alba, rufis lineolis transversim divisa. Ubique autem videtur veste alba indutus cum filis aureis intertexta, quare ab aliquibus vocatur *Drappa d'argento*.

**157** Pulchrior fascia cingitur hic Turbo, illa enim maximo orbi instar circuli marmorei perfectè coaptata, ubi minorem connectit rostrum falcatum exerit, & pari modo è minori ad minimum producit. Eiusdem conus parum elevatur; ex binis labris alterum crenis asperum, & nitidum, alterum verò reflexum, & instar membranæ pellucidæ supra orbem ita

extensum, ut ab eo non perfectè abscondatur reticulatum opus, quo testa veluti scalpro incisuratur. Colore, ut plurimum tingitur albo, plumbeo etiam infectum è Lusitanico litore habui.

**158** Cochlea aurita cæteris rotundior tribus fasciis æqualibus segmentata; ultra ampliorem Orbem tribus aliis finitur, Colore calculo, burris maculis discriminato. Aliquando videtur sanguineis maculis cruentata. In labroso, & curvato ore pars dextera transversis sulcis corrugatur, sinistra admodum levis, & alba, sicuti altera violaceo liquore in limbo videtur infecta.

**159** Cochlea pariter aurita, & fasciata. Os habet orbium maximo æquale, & labrum valde crassum, ac validum, ita reflexum, ut canaliculum satis profundum efficiat. Colore tingitur ravo, ubique crispatur sulcis transversis, quos octo fasciæ albescentes comitantur, & binæ binæ in plures veluti classes dividunt.

**160** Turbo Auritus Muricatus. Finitur mucrone acuto, & brevi. A Gallis vocatur Crumena, eo quod mucroni adnectatur Orbis instar inflatæ crumenæ maximè ventricosus cum ore longo, & angusto, quorum alterum labrum denticulatum, crenatum alterum. Ex uno prospectu visus, partes aliquas aliquantulum turgescitas ostendit. Ubique tamen expolitus, & levis, excepta parte angustiori, leviter rugosa, ac si subucularibus clauderetur. Colore est carneus, rubro aureoque vermiculatus, notulæ autem, quibus labrum distinguitur, è subnigro in anthracinum degenerant.

**161** Loco fasciarum notalis distinguitur quasi negligenter, & fortuito à penicillo factis hæc Cochlea. In brevi cono, quo finitur orbis omnes indicat sulcis parum excavatis secundum longitudinem inæquales, & orbium maximo perfectè coaptatos. In parte exteriori colore pingitur ex carneo rubescente, ab aliis coloribus distincto, ut in Jaspide, eique succedit lacteus, quo pars interior albescit.

**162** Strigis parum profundis sulcatur hæc alia Cochlea aurita. Quinque orbium spiris convolvitur, quorum quatuor in mucronem minuuntur, medietati amplioris orbis æqualem. Colore pingitur terreo, in quo triplex sulcorum dispositio aliquantulum evanida apparet.

**163** Ovi figuram exprimit Cochlea hic describenda, in longum minutissimis striis corrugata, veste Attalica aurea videtur induta à Natura, eaque colore purpureo vermiculata. Labrum ori adnectitur niveum, fasciis subvolutinis segmentatum.

- I 64** Cochlea pramnio colore lydium lapidem simulans, ultra majorem spiram vix duabus aliis parum eminentibus finitur. Hæc cum cæteris in præsentī lamina delineatis in mari Indico sunt repertæ.
- I 65** Cochlea in litore Drepanitano post maris procellas frequens, terrestribus Cochleis similis, quare in terra generari à nonnullis dicitur, simplicem quidem, & levem testam habet, sed colore amethystino circa spirarum centrum albescente elegantissimam.
- I 66** Cochlea Depressa, quæ dicitur Perlata, non ex margaritis, ab ipsa generatis, sed à margaritarum nitore, quo fulget decorticata cute lapidea, & rudi. Fascia colore puniceo aspersa cingitur, qua insignis pulchritudinis nota illi augetur.
- I 67** Perlata pariter ex eadem ratione dicenda est hæc alia cortice duro, & scabro induta. Quatuor orbium spiris clauditur, cum quibus funiculi, & veluti fila intorta circumducuntur: est in eis mirus Naturæ lusus, Sulcis brevibus, & moderatè profundis crispatur, & ad variam lucis reflexionem margaritæ nitorem cum multicolori specie confundit.
- I 68** Cochlea in mari Mediterraneo Italiæ non rarè reperta. Perlata dicenda videtur à colore unionis, sub cortice veluti ovi Struthiocameli celato.
- I 69** Cochlea, cujus testa crassa est: & ponderosa, colore carneo maculis rufis, & castaneis invicem alternatis vittata.
- I 70** Cochlea Umbylicata Perlata. Quinque orbium anfractibus clauditur, quorum declivitas instar propugnaculorum Erismaris pendet in subjectam veluti semitam agere quodam marginatam. Albedine Margaritarum Occidentalium pellucet nudata cortice albo, quo tegitur, & vermiculato sinuosis lineis colore rubris, quem lacca exhibet. In litore maris Lusitanici reperitur.
- I 71** Cochlea Turbinis figuram habens, in nullo Europæ litore visa, & superiori coloribus similis.
- I 72** Cochlea in mari Mediterraneo frequens, colore albo, vel plumbeo minutis sulcis corrugata, corticem habet maculis ostrinis lienaribus, subvoluturinis distinctum, sub quo margaritarum colorem celat.
- I 73** E marmorea substantia videtur formata Cochlea hæc, parva, sed valida, labro extenditur, ut Turbo Pentidactilus, sub quo oris apertura valdè angusta; In majori, & ferè unico orbe, quo intumescit, parvi pulvilli prominent, & tessellulæ quadratæ dispersæ ex colore anthracino notabiles.
- I 74** Cochlea murici similis propter testæ validitatem, & tubercula, quibus in maximo orbe intumescit, os habet valdè dilatatum. Præcipuæ notæ illi sunt binæ crustulæ subnigræ propè os, quod crocea linea coronat. In parte interna albescit, in externa aut alba est, aut carnea.
- I 75** Murex albus, & parvus testa valdè dura cum labro extenso, sub quo præcipua pars Coni occultatur. Quatuor orbibus finitur, quorum singuli in partes æquales frequentibus contusionibus dividuntur.
- I 76** In figuris, quæ subjiciuntur, Buccinæ indicantur mole quidem parvæ, ut pomi citrini semina, at coloribus admodum floridæ, & macularum varietate speciosissimæ. Quam primo loco vides alba vestis tegit, punctis purpureis aspersa, maculis amaracinis notata, ac lineolis flammeis, & inflexis vermiculata.
- I 77** Color leonatus, roseus, & niveus in extremitate simul confusi formant veluti lamellas superimpositas testæ vinoso humore imbutæ ad ornatum hujus Cochleæ. Ex quatuor fasciis quibus basis vittata jacet, binæ albescunt, aliæ purpureo colore saturantur.
- I 78** Undas maris sinuosè inflexas exprimit color puniceus, quo pingitur hæc Cochlea lacteum candorem passim ostendens, multis in locis purpura aliquantulum rubescentem.
- I 79** Cochlea, quæ à figura Galeæ, quam aliquo modo exprimit Galeiformis videtur appellanda, colore, ut plurimum helvaceo, ejus fabricam oculis meliùs quàm calamo tantùm delineatam hoc loco subjicio.
- I 80** Supra colorem vinosum punctis puniceis aspera videtur hæc, vittata triplici serie macularum albescentium, quorum medietatem lienaris color circuit, paulatim in vinosum evanescens.
- I 81** Cochlea sub hoc numero posita vix binis orbibus præter alium majorem, & ventricosum convoluitur. Eadem piceo colore deturpata punctis croceis frequenter aspergitur.
- I 82** Vestem phrygiam, & meandris intertextam huic Cochleæ formant colores purpurei diversimodè exuberantes, vel remissi, partim enim in puncta rotundati, partim in lineas rectas, & sinuosas producti, partim etiam undosos anfractus imitantes eleganti pictura mirum Naturæ lulum oculis subjiciunt.
- I 83** Cochlea, cui Turbinis nomen aptari posse videtur, & quidem Tuberosi, propter frequentissimas glandulas, quibus testa leviter passim intumescit. A cæteris præcipuè dignoscitur propter orbes ex apposita parte aliquan-

quantulum depressos, ac figuram aliquorum Piscium exprimentes . Munitur etiam in utroque latere crista aliqua leviter ferrata instar alarum Piscis . Colore subalbida , & quasi duobus filis simul contortis , altero albo , rufo altero cincta .

**I 84** Cochlea albo , terreo , & fusco , colore simul mistis maculata , testa prævalida , tonfillis , & pulvillis passim turgescente .

**I 85** Hanc Cochleam videre juvaret ; nam verbis repræsentare , haud ita expeditum . Sic enim ejus pulchritudinem cerneret , sicuti imperitus ille mellis dulcedinem sibi suavit solo palati experimento . Mira partium fabrica , & pulcherrima colorum varietate æque redditur inter cæteras præclara . In ea orbium spiræ adeò testa conteguntur , ut vix in brevi mucrone indicentur , adeòque concha potius quàm Cochlea videtur appellanda . In parte concava valdè levigata est alba , vel livida , vel carneâ maculis rubidis cruentata . In Gibbosa tegitur veluti olerico filis albis , rubeis furvis , purpureis , aliisque sexcentis multicolori . Costæ insuper superinjeçtæ in æquales partes eam dividunt , multiplici colore valde notabiles . Illam obtinent in alto Mari Indici Piscatores .

**I 86** Cochlea fasciata inter Purpuras numeranda , de quibus suo loco agemus . Testa constat prævalida aculeis complicatis horrida , quibus maximus orbis armatur in collum corrugatum densinens . Conus , licet brevis , tribus spiris convolutus , insignitur ovalibus glandulis excavato canaliculo circumdatis . Colore pingitur flavido , notulis vinosis sanguineis , & terreis intermixto . In duas partes etiam dividitur fasciis alba , & rubra , aut janthina . In Oceano Orientali reperitur .

Hinc ad aliud Cochlearum genus progrediamur , quæ vocantur Buccinæ . Cætera Testacea hæc superant magnitudine , Buccinæ autem illæ sunt , quæ ore quidem lato , mucrone autem acuto clauduntur juxta Ovidii carmen :

—— *Cava Buccina sumitur illi*  
*Tortilis in latum , quæ turbine crescit ab imo ,*  
Quamobrem sonitum edunt si voce insentur , & Tritonum ori admotas Pictores , & Poetæ representant , inter quos Ovidius Neptunum describens ait :

*Ceruleum Tritona vocat , Conchaque sonanti*  
*Inspirare jubet , fluctusque , & flumina signo*  
*Jam revocare dato* ——  
Imò ab antiquis Romanis loco Tubarum fuisse adhibitæ affirmat Virgilius , canens :

*Buccina jam prisca cogebat ad arma Quirites .*  
Septem igitur Buccinarum formas hinc tibi subjicio , quas inter omnes elegantiores duxi .

**I 87** Omnium agmen ducat Buccina levis , & nitida , è duplici fascia candida ,

qua primus orbis cingitur , dicitur Fasciata . In mucronem deindè acuminatur senis minoribus spiris , à quarta Cochleæ parte commensuratum , Oris labrum parvulis veluti aciculæ globulis distinguitur , in parte gibbosa notulæ furvæ , & ravæ colorem vinosum frequenter decolorant .

**I 88** Buccina Magna antonomasticè dicta ex magnitudinis mole novem anfractibus producitur proportionè servata diminutis , illique primi orbis longitudine commensurantur . Circa orbium commissuras veluti capillorum trices circumvolvuntur , & singulis eorum labrum quoddam adnectitur , quo veluti distinctus cortex indicatur . In parte interiori ex carneo colore albescit , exteriorem verò semicirculares maculæ albæ , rufæ , & castaneæ invicem alternatæ condecorant . Labrum , quod reflexum orbi propinquo adjacet , minutissimis crenulis corrugatur , quod verò expansum oris aperturam amplificat , undosis sinibus crispatur . Invenitur in mari Europæ adjacente , sed coloribus dilutis picta , labrisque crenatis , ac tuberosis ,

**I 89** Buccina quatuor spirarum ductibus mira Naturæ arte eleganter circumvoluta , intus livido colore subalbida , foris reticulatis fasciis superinduitur , inter quas roseus color rubescit ,

**I 90** Buccina inter quinas circiter spiras mucronata , quarum prima admodum inflata ; lacte videtur imbuta in parte interna , deindè velo janthino velata . In externa verò sanguineæ maculæ partim supra albam testam dispersæ jacent , veluti Insulæ in mari Ægeo , quibus convenire videtur quicquid de Fortunatis cecinit Tass. cant. 15. stant. 41 .

*Tutte con ordin lungo eran dirette*  
*E che largo è frà lor quasi egualmente*  
*Quello spatio di mar , che si framette .*  
Invenitur etiam roseo colore , rubescens in parte interna , in externa furva , ut mali perfici cortex .

**I 91** Buccina intrinsecus livida , extrinsecus terrea . Ex binis labris alterum margine quodam rotundo prominet , alterum instar Galearum cristæ inflectitur . Septem minimum spiras in integra testa numerare licet . Huic crebræ , & minutissimæ striæ secundum spiras circuminjiciuntur , Item aliæ striæ crassæ ductu undato , & transverso eminent .

**I 92** Buccina senis orbibus finita , minutissimis filis transversè ductis aspera , colore tophaceo in parte externa , interna verò albo . In mari Britanico nascitur , sicut & antecedens .

**193** Buccina foris rufa, intus candida. Inter cæteras præcipuè distinguitur propter bina cingula rotunda, quibus singuli orbes inter se colligantur. Ac si esset malleo compressa, quadratæ valvulæ in omnibus ejus partibus, ita disponuntur, ut inter singulas veluti filum quoddam emineat reticulato opere connexum, & in notis albescens. Os ferè perfectè circumnatum rotundo cingulo coronatur, & in rostrum canaliculatum definit.

**194** Turbo marmoreus dictus ob testam albam, & ponderosam. Ventricosus dici etiam potest propter orbem nimis intumescens, undè Galli illum appellarunt Crumenam, os habet longum, angustum, & triplici dente munitum, mucronem insuper rugosum, & maximum orbem lamellis quadratis, & subnigris tessellatum. In mari Rubro pascitur.

Sequentibus laminis triginta parvulæ Cochleæ exprimentur, ope Microscopii auctæ, ut artificiosas earum partes prodigioso studio à Natura elaboratas oculus armatus faciliùs deprehenderet, calamoque clarius indicaret. Omnium autem testæ adeò eleganti specie decorantur, ut quæ nam cæteris pulchritudine præstet haud faciliè definias. Neritarum nomine omnes significabimus, non quia, ut docet Plinius lib. 9. cap. 33. *Sint ex Concharum genere, quæ per maria navigant, præbentes concavam sibi partem, alteram verò stanti auræ instar veli oppositas, sed eo quòd illi Cochleæ tale nomen conveniat, quæ, ut ait Ælianus, magnitudine exigua forma pulchritudine eximia spectatur.* Ut autem ejusdem nominis originem indicent nonnulli, fabulam Hesiodi, & Homeri, in scenam proferunt, qua decem supra quadraginta filias ab Incolis maris Nereo, & Doride progenitas dicunt, & Nereides appellatas. Alii verò à fabularum commentis non recedentes, illud nomen deducunt à filio eorundem parentum, cui nomen fuit Nerites, Hominum simul atque Deorum formosissimus, quem cum Venus in Cælum adducere vellet, recusasse ajunt, quòd inter parentes, & sorores vivere, quàm Cælo potiri mallet. Quamobrem Indignata Jovis Filia, illum in Cochleam ejusdem nominis convertit, comitem verò, & ministrum illius loco Cupidinem, ipsum quoque juvenem, & formosum sibi delegit, & alis, quas Nerites habuerat, eundem induit, remanente interim præstantis formæ elegantia, qua cæteris Cochleis testa excelleret. De Nerite Cochlea loquens Bellonius sic ait. Nerite quoque turbinati generis conchula, testam in anfractum intortam habet, qua penitus inclusa nulla ex parte, præterquam capite, conspicua est. Rondeletius autem illam esse affirmat cujus testa est levis, ampla, & rotunda.

Verùm quia res tantummodo descriptas autò recognoscere non valemus, nisi illæ lineis etiam exprimentur, ne tempus, & operam daperdamus, Auctorum sententias frustra perquirendo, Neritæ nomine eas Cochleas in præsentiarum significabimus, quæ inter omnes pulchriores judicavimus.

**195** Omnium agmen ducat, quæ in Sardinia litore reperitur fragæ magnitudinem non excedens. Hujus testa claviculatim intorta innumeris globulis, secundum spirarum proportionem diminutis, adeò pulchrè exornatur, coloreque puniceo saturata purpurascit, ut è coralliorum substantia compacta videatur.

**196** Nerita depressa; & Umbylicata, In parte, qua oris est apertura, ferè plana, in opposita aliquantulum gibba. in utroque leviter rugata. In testæ centro sinus cavus, qui dicitur Umbylicus, profundè patet, in cujus fundo angustum foramen aciculæ vix capax. Hac Cochlea, funiculo per foramen magis dilatatum inserto, multi uti solent orbicolorum loco, quibus vestes connectuntur. Dunchercano in litore frequens reperitur colore viridi diluto, lateque misto tincta, ac punctis instar radiorum à centro sparsis purpurascens.

**197** Nerita binis tantummodò spiris absoluta, levi, ac tereti testa, in parte gibba coccineo humore videtur imbuta, quem lineolæ nigræ, & ex nigro albescens decolorant, in plana verò idem color punctatim dispersus purpureum distinguit.

**198** Nerites colore olivarum nigro, & albo ita depictus, ut linguas animalium extremas, alias aliis superinjectas effingant.

**199** Nerites quem Turbinem meritò appellares propter mucronem acutum. Superatur partium structura, quibus constat, ab opere, quo decoratur. Cingitur enim funiculis multicoloribus, albis scilicet, & pullis, aut albis, & rubris, aut vinosis, & rufis. Inter funiculos flexuosæ sunt maculæ, & colore rubicundo, vel conchyliato, vel nigro, quæ ab interjecto colore albo sive argenteo clarius distinguuntur. Cortice nudatus perlarum nitore fulget, frequens reperitur in Adriatico, pulcherrimus in Jonio sub luto stabulans.

**200** Nerita habens testam veluti corium piscis sive serpentis squamosum; non tamen horridam, sed pellucidam, & nitidam. Colore pingitur oleacino, qui in singulis squamis, ut lac albescit. Ternis fasciis pullis cingitur, quas interruptæ squamæ majores exornant. Invenitur in mari Indico.

**201** Nerita frequens in Adriatico, extrinsecus alba, lineis, & tessellulis sandice

dice Indica formatis notata , intrinsecus colore margaritarum argentea .

202 Alia parum diffimilis à superiori , maculis sinuosis tessellata .

203 Nerita inter cæteras mole minima , ternis fasciis albis , & zonis aliis rubeis vittata , quas puncta candida frequenter notant .

204 Alia candido quidem colore imbuta , sed frequentissimis punctis subnigra , maculas habet ovales filo pullo circumseptas .

205 Nerita squamis lividis, & albidis discolor , quæ à coloribus anthracino , & subvoluturino subjectis mirè distinguuntur . Hæ ultimæ tres in mari Indico reperiuntur , & veluti Sinensi gummi velatæ .

206 Ex Indiis etiam hæc alia mittitur sulcis canaliculata , qui acutum angulum efficiunt , Ut ebum nigra , præterquam in centro , quod ut ebur albescit . Ex uno insuper latere sunt candidæ , & falcatæ notulæ , in quibus elegans Naturæ lusus .

207 Nerita cujus testa veluti domorum tecta videtur imbricata , Colore topheo , & terreo vilis , at tessellulis quadratis juxta orbium commissuras artificiosè dispositis præclara .

208 Nerita depressa nitore quasi vitrea , colore roseo , supra quem notulæ semilunares albæ , & plumbeæ lineam spiralem secundum orbium ductum efformant .

209 Præfens alba est , maculis pullis , & puniceis notabilis , in cæteris cum superiori convenit .

210 Ita etiam hæc alia , colore carneo , & maculis albis plumbeis intermissis tantummodò diffimilis .

211 Nerita depressa umbylicata , colore cinerea , puniceo punctatim aspersa .

212 Carneo colore tingitur hæc , quasi filis oloferici rufis , & conchyliatis segmentata .

213 Nerita depressa , sulcis cochleatis aspera , quos subculares intorti comitantur . Elegancia redditur prædita à corona , quæ ovalibus tuberculis distincta eam representat , quam in columnarum capitellis Architecti ad ornatum effingunt . Color illi est plumbeus lineis pullis signatus .

214 Nerita cinereo colore subalbida , & rubris notulis flexuosè cruentata ; os habet singulare dentibus diversis armatum .

215 Ternis dentibus munitur hujus etiam os , & quidem acutis ut sunt scalpri . Ejus pars interior albescit , externa cinereo , vel vinoso velatur colore , & minutissimis strigis crispatur .

216 Nerita cujus testam albam bicolores fasciæ plumbea scilicet , & picea cingunt . Ex duabus Cochleis constare illam dices , quarum una altera continetur . Ex his minor nigerrima punctis vix apparentibus licet albis aspersa . Os falcatum habet , & cum cæteris in hac lamina signatis in Indico litore reperitur .

217 Neritæ huic vestem formant frequentes , & spissi funiculi flavidi ex colore purpureo adjecto magis visibiles , & maculis atris notabiles .

218 Ebeni nigredinem superat hæc alia mole minima , lacteo colore punctata .

219 Nerita cinerea , & vulgari cutè testæ , sed ut margarita Orientalis elegans si expolietur .

220 Nerita magis aspera , & lamellis semilunaribus albis , & nigris alternatim distributis tessellata .

221 Nerita ex quatuor coloribus albo , viridi , oleacino , & pullo multicolor .

222 Neritam hic figuratam nunquam satis laudabis . Ad ejus ornatum color albus , piceus , & balaustinus , sive coralinus concurrunt . Videtur enim quasi Coraliorum lineis supra orbium spiras circumvolutis , & proportionem summa diminutis , ornata . Has albæ lineæ ex globulis candidis videlicet , & piceis alternatim variatis intermediant . Mare ubi generatur illud est , quo Brasiliæ litora alluuntur , ut mihi vir summa fide dignus retulit . Auctor tamen Musæi Cospiani illam in Rubro mari reperiri ait , ubi Cochleam Pharaoniam Piscatores appellant .

223 Eiusdem Cochleæ facies alia , oris aperturam ostendens , valdè angustam , colore lacteam , & minutis crenulis rugosam .

224 Cochleæ limacis nomine communiter appellata à forma , qua terrestribus limacibus omnimodè assimilatur . Colore tingitur rufo , & nitido , cereis punctis aspersa , & maculis notata , ex porraceo albescentibus .

225 Cochleæ umbylicata , instar globi perfectè circinata , & levis , colore onichino .

226 Alia similis , figura levis , & nitida , aspersa coloribus subviridi , rufo , & croceo veluti multa aqua dilutis . In ea orbium commissuræ indicantur à fasciola alba clavicalatim intorta . In centro apparet quasi basis scapi , quo orbis fulciuntur .

227 Cochleæ alba , propter colores rubrum , & ostrinum , phrygio veluti operipicta .

228 Cochlea reperta in litore Siracusano aurea cute tecta, quam color fulvus punctatim signat, & veluti velo glastino superinduta.

229 Cochlea muricata, cujus forma nimum spectabilis. Ultra majorem orbem quatuor aliis turbinatur mucro, quem valida, & acuminata cornicula instar dentium in girum disposita coronant. Intus albescit, foris carneo colore rubet.

230 Cochlea, quæ Sarmatica dicitur à mare, in quo visam aliqui narrant, Ejus testam delineavi non ex prototypo acceptam (à nullo enim, sicuti nec à me inter cæteras possidetur) ut fabulosam Cochleam in scenam adducerem. Ex insueta enim corporis mole, oculis, pedibusque cæteris Cochleis à Natura negatis Fictitiam omninò esse putavit Jonstonus Vir eruditissimus, à quo ejusmodi Cochleæ descriptionem desumptam hinc subjicio. Sarmatica (inquit) dolium corporis mole æquat, cornibus arboreis cervum. Extrema cornua in orbiculis rotundantur unionum instar splendentes. Cervice ejus crassa, oculis accensæ candelæ modò micantibus, naso obrotundo, & pilis felium adinstar obvestito, rictu oris magno, sub quo pendet, prominetque carnea moles aspectu subhorrida. Quatuor nititur cruribus, totidem latis, & aduncis palmis, In Dania se vidisse fortè mentitur Thevetus lib. 20. Cosmog. tom. 2.

Cochleas hæctenus visas sequitur agmen earum, quæ licet turbinatæ, orbis sua met testa, ita occludunt, ut Conchas potius dixerint Auctores, quàm Cochleas. Quod, ut intelligas concipias animo concham simplicem per planum extensam, deindè utramque in partem reduci, & complicari ad rotundam sive ovatam concham efformandam duobus extremis, quæ prius in plano opposita jacebant, nunc inter se junctis, & coherentibus, dempta rima, quæ denticulis asperiuscula est. Sed ut à cæteris conchis distinguamus nulla spirarum circumvolutione reflexis, Venereas cum eisdem Auctoribus appellabimus. Undè autem hujus nominis ethymologia derivetur, non una, & eadem est ipsorum opinio. Tales dici, ait Plinius, eò quòd apud Gnidiarum Venerem colebantur. Illis enim narrat Mutianus inhærentibus plenam ventis stetisse navem, portantem Nuncios à Periandro Corinthi Tiranno, ut castrarentur nobiles pueri, qua de causa Remoras idem Mutianus appellat. Porcellanas verò Gesnerus, quia ex illis percellanica vasa confici sibi suasit, præcipuè in Provincia Sinarum Kiamsi. Aldrovandus autem tale nomen impositum esse putat à pulchritudine, splendore, & levore, quæ dotes Veneris formosique corporis præcipuè sunt. Va-

riarum specierum Venereas Auctores in suis paginis exprimunt. Nos multiplices asserimus, & quidem singulas ex suo prototypo acceptas, sicuti omnes coloribus adeò pulchris variegatas, ut in earum accurata descriptione verba calamo deficient.

231 Quæ primum locum obtinet, testam habet levem, os quod per totam testæ longitudinem in omnibus extenditur, æqualibus crenulis asperum. In partibus extremis foramen est, alterum sumendi cibi gratia, non asperum non rotundum, sed parum prominens, non tamen in angulos procurrens: alterum ad excrementa rejicienda. Intus glastino, sed diluto colore tingitur, in labris ut lac albescit.

232 Parte autem in tumorem elata, paleari colore, supra quem dispersæ fulgent maculæ rotundæ vitellinæ, seu cereæ cum melle mixtæ, circulis aureis circumseptæ. Hujusmodi conchis abundat mare Rubrum, ex quo Mercatores in Ægyptum transferunt, ubi in chartis, & pannis expoliendis illis incolæ utuntur.

233 Venerea parva levis, & nitida, intus colore violaceo, foris, ut ebur alba, labris diversimodè crenatis, ejus dorsum inæqualius quàm cæteris, & gibbosum, ita ut illi quoque testa incumbere possit, sed obliquè. Idem per medium pallidum est, sive subluteum. Frequentissima in litore Insulæ Loandæ cui Cóngianus Rex dominatur, ibique loco monetarum habetur, ut Solinus narrat, inquit. In Regno Congiano nullus alius præter Cochlearum marinarum loco pecuniæ usus est, quas mulieres ad hoc conductæ colligunt. Nam mare aliquantulum ingressæ corbes arenis replent, quibus Cochleas, parvas, & utriusque sexus mixtas reperiunt, abluunt, separant, femellæ enim masculis sunt pretiosiores, quia lucidiores, & visui jucundiores, & ita in regium thesaurum condunt. Et tales Cochleæ, quamvis in omnibus hujus regni litoribus reperiantur, non tamen aliæ præter has solas, quæ colore, qui cinericius est, saltem ab aliis differunt, sunt in pretio, unde maximus Regis census. Has mercatores Ollandi ad partes Americæ deferunt, ibique cum aliis mercibus commutant. Etenim nuntiarum fuit publicis paginis per Europam dispersis, cum anno 1707. Classis Hollandica tredecim navium, quas onerarias vocant, ex Batavia indica in Europam rediret, deferri inter pretiosas merces hujus generis conchas, pondus 192951. librarum æquantur, ut eas in ora novæ Guinæ cum aliis mercibus pecuniæ loco mercatores commutarent.

234 Hanc triplices fasciæ æqualiter inter se distantes, & tessellulis fulvis distinctæ cingunt, pars gibbosa ex janthino colore al-

lore albescit, supra quem stellulæ fulgent conchyliatæ. Pars concava candida est.

**235** Venerea zizifino colore flavescens, binis fasciis albis vittata, veluti labro excrescente alboque coronatur cum rubiginoso interpuncto.

**236** Venerea lactea tribus fasciis ostrinis segmentata, quas aureæ lacinia exornant.

**237** Violaceo succo imbuta videtur hæc alia ceteris longior, & maculis insuper xerampelinis notatur, inter quas quatuor majores, magisque exuberantes apparent. Ex labris albis alterum minutis incisuris est asperum, alterum dentibus munitum.

**238** Venerea alba fasciculis transversis aureis vittata.

**239** Venerea strigis rugosa, intus alba, foris ex violaceo carneum colorem induit, aliquando anthracinum.

**240** Livido, & rufo colore pingitur hæc concha, in dorso binæ lineæ flavent in ovalem ferè speciem conjunctæ, & in earum medio subviridis testa.

**241** Venerea undequaque alba, sed in parte gibbosa colore janthino præclara. Labra autem melle flavescencia puncta sanguinea spectabilem reddunt.

**242** Venerea cæteris gibbior, & ex utraque parte magis producta, ex cera cum melle mista videtur formata, punctisque helvaceis aspersa.

**243** Ex flavo albescit hujus testa, quam lividæ maculæ veluti albo velo subdentes distinguunt.

**244** Venerea minima, & lactea, Calculus uteri dicta, sive etiam Belliculus marinus, circa litora maris invenitur.

**245** Venerea Pyriformis livida, notulis tyriis, & quasi velo albo tectis tessellata.

**246** Venerea stellata inter omnes speciosissima. Loco pecuniæ habetur in quadam ex Insulis Philippinis. Pars interior, qua compressa est, & plana, videtur rufa, & ex rufo castanea. Ubi autem in dorsum elevatur, partim violaceo, partim livido tincta, intus stellulis lacteis, & aureis decorata.

**247** Stellata dicenda etiam hæc est, è notulis rotundis, & castaneis notabilis, cæterum cinereo colore vulgaris. Omnes ex Indiarum litoribus habentur levitate mira præclaræ.

**248** Venerea testudini similis. Ejus dorsum bifariam secat sulcus secundum longitudinem testæ productus, à quo aliæ rimulæ transversæ costas sub cute animalis appa-

rentes simulant. Colore terreo, aut xerampelino.

**249** Eburneam diceret ex albedine hanc Cochleam, ore angusto, & labris exactè expolitis, circa partem qua saxis adhæret veluti cingulum eminet, ex ejus testa formatum.

**250** Venerea in mari Siculo, & Tarentino frequens, ubi vulgò vocatur Porcelletta. Lapidem Bezaar dictum colore lurido repræsentat, interdum minùs aliquando magis exuberante, binas fascias quibus transversè cingitur, vix indicat. In partibus oppositis ubi foramina duo, colore carneo in subminium dependente rubescit, in cujus medio binæ maculæ nigerrimæ hinc inde dispositæ. Circa oris aperturam color dorfi paulatim evanescens in album mutatur, quo crenulæ labrorum albescunt, intus verò violaceo pallefcit.

**251** Venerea quæ ovi gallinacei figuram referens ex mira albedine Lactea dicitur. Præter candoris elegantiam notæ illi præcipuè sunt oris apertura non recta, sed circularis, extremitates magis productæ, quàm in cæteris, insuper ex labris alterum tantummodò minutis rimulis rugosum. Intus flavida, aut albescens.

**252** Venerea labris niveis, & ubique incisuris frequenter crenata. Ejus color ex albo vinosus apparet cum carneo mistus, stellæ sive maculæ partis gibbæ lenticularum ferè magnitudine, quedam dimidia atræ, in medio ambitu rufæ, & janthinæ, dorfi latus secundum longitudinem testæ alba linea secat partem internam janthinus color tingit, in mari Mediterraneo reperitur, at in Oceano subviridi colore, & furvo aspersa.

**253** Venerea ore albo, & crenato vulgaris, at plurimi habita, & admodum rara propter colorem, eo enim pellem canis Britannici exprimit, cinereis notulis distinctam, & pellucido nitore præclaram.

**254** Pari pretio æstimantur quatuor aliæ sequentes. Quam hic cernis, in opposita dorso facie plana ferè est, & alba, deindè ligneum sive helveum colorem induit, supra quem dorfi summitas amethystino fulget.

**255** Huic sanguineæ notulæ cerussatam cutem cruentant.

**256** Venerea ovi gallinacei figuram exprimens colore rara, quo fulvam Leonis cæsariem imitatur, ejus testam rotundis lamellis cinereis tessellatam fascia ejusdem coloris bifariam signat. Oris margines denticulis rubiginosis armantur.

**257** Venerea testudinis instar gibbosa, lacteo colore tincta in parte dorso opposita,

posita, ejusdem latera partim livida, partim helvacea, dorsum autem rufum albis stellulis, notabile.

**258** Venerea longitudine majori, quàm cæteræ extensa. Dorsum in summo varium est carneis, pallidis, fulvis, & glaucis maculis. Utrique per latera subminium apparet. Pars, ubi oris apertura, denticulis albis aspera. In mari Siculo reperitur interdum transversis fasciis segmentata.

**259** Indica, & rara est, quæ sub hoc numero describitur: ferè undequaque ex livido albescit, & frequentibus lineis fulvis, non in longum productis, sed minutatim concisis signatur, ita ut spatiola ferè rotunda cinerea interjaceant, & aliquando veluti characteres Arabici, sive notæ arbitrariæ effingantur. Latera stellulæ janthinæ exornant, quas plumbeus color, aut flavus offuscatur. Oris labra veluti carnea dentibus rubiginosis corrugata. In una extremitate tres, aut quatuor testæ circumvolutiones linea spirali indicantur cæterum perfectissimè levigata.

**260** Venerea parvula mole at maculis præclara, colore ad flavum inclinante tegitur, supra quem lineolæ mustelinæ juxta longitudinem serpentes, vel undatim dispositæ exornant.

**261** In hujus superficie orbium inclusorum rudimentum apparet. E sinu Persico copiosè collecta, non vili pretio est, propter levorem, & miram colorum varietatem. Ejus testæ admodum valida, & ponderosa, intus albescit ut porcellana, ore minimum patet, dentibus rubiginosis hinc indè rugoso. Foris qua parte saxis adhæret, ut filix subnigra, qua verò elevatur in dorsum, innumeris coloribus ita variegata, ut Testudinum marinarum cortices ex-politos referat, jucundiùs usurpandos oculis, quàm verbis facilè exprimendos.

**262** Venerea cujus longitudo latitudinem superat, intus ametistino colore, foris livida, & aureis signis notabilis.

**263** Venerea cæterarum protiosissima, & admodum rara. Figura, ut vides, à cæteris omninò differt, colore ex paleari undequaque albescit, rotundatis veluti annulis aureis, aut croceis & inæqualibus condecorata.

**264** Venerea in ore Mosambiquani maris frequens, testæ durissima, & ponderosa. Antonomasticè Tigris appellata videtur propter maculas, quibus pingitur, Inexplicabilis autem est Naturæ, aut labor, aut lusus, quo ejus cortici venustatem addidit. Vinoso, ut plurimum humore imbuta, & sanguinea fascia vitata maculas habet fulvas, conchyliatas, atras. ostrinas alias aliis superimpositas, variaque ra-

tionem, & mixtura multicolorem. In ore autem parte interna lacteum candorem ostentat. Sub eodem numero est Concha eadem in duas partes dissecta, internas orbium circumvolutiones demonstrans.

**265** Venerea levi, & fragili testæ: Fasciata, dicitur à quatuor fasciis dorsum transversè secantibus, quarum omnes colores sanguineus, rufus, & citrinus diversimodè confusi pingunt. Cæterum undequaque cinerea, præter rubiginosos dentes, quibus ori labra rugatur: in extrema testæ parte lineola cochleata internæ spiræ indicantur.

**266** Subtili fragilique testæ componitur hæc alia omnium longissima, innumeris penè coloribus passim aspersa oculis subjicitur, atro præcipuè, rubiginoso, fulvo, terreo, & helvaceo. Fasciis insuper violaceis in longum ductis, & aliis melleis transversè superimpositis decoratur. Huic frequentes oris incisuræ amaracinæ colore badio distinguuntur.

**267** Cochlea ex genere venereo, minutissimis crenis in ore distincto. Ejus pars in qua aditus Animali patet, Ziziphino colore inficitur, cæterum reliquum testæ spatium candidissimo lacte saturatum apparet, ubique autem est nitida, & pellucida non secus ac cæteræ quæ ob nitorem dicuntur Venereæ. Illa est egregium munus Magni Etruriæ Ducis, ejusque numquam satis laudatæ Benignitatis monumentum.

**268** Ad idem genus Cochlearum refertur, quæ hoc numero indicatur. A cæteris tamen ob multa distinguitur. Habet enim spirarum indicem satis apparentem, cortice valde levem, & os minutissimis crenis distinctum, & adeo frequentibus, ut quadragesimum numerum attingant. Ejus color ex oleacino ad Tirium inclinat, supra quem undæ helvaceæ; circa os verò albescit.

**269** Cochlea, quam jure dicimus fasciatam: illam enim frequens Zonæ circa centrum juxta spirarum circumvolutiones cingunt modo angustiores modo ampliores. Oleacinae ille sunt; cæterum ex ebure videtur compacta; os tamen, in quo quinque dentes prominent, colore croceo aspersum ostentat, labroque satis crasso munitum. Indicum mare illam produxit.

Cochleas, quas diximus Venereas aliud Cochlearum agmen comitatur, quæ vocantur Purpuræ, apud Veteres propter purpureum succum magnopere expetitæ. Una quippe libra hujusmodi coloris, sive oloferici eodem infecti, *tanti quidem pretii erat, ut aequali argento penderetur*, centum, videlicet aureis nummis, ut Cornelius Augusti nepos refert apud Plinium lib. 9. cap. 9.



Quamobrem Poetæ , ut significarent fauciata Palladis vulnus fascia Deam decente alligatum, Purpuream dixere , hoc est pretiosissimam. Purpurea pariter veste apud Romanos induebantur Consules , purpuream milites , Reges , ac Fœminæ ad luxum ostentabant . Quamobrem apud Martialem Lib. 13. epig. 87. conquerentes de purpurario Urinatore ajunt Purpuræ .

*Sanguine de nostro tinctas ingratis lacernas .*

*Induis , & non est hoc satis , esca sumus .*

De Zenone itidem referunt Historiæ , antequam in Zenophontis gymnasio Philosophiæ morali operam daret , Purpurarum mercaturam exercuisse , quas ingenti quidem lucro Athenis venditasset , nisi cum navi , Purpuris onusta Tyro Athenas redeunte , & à repentina Ventorum procella in firtes collisa , spem suam , & patrimonium misero in naufragio perdidisset . Zenone autem feliciores alii multi , qui Romæ vectigalium oneribus non gravabantur , dummodò essent Purpurarii Mercatores . Tyrri pariter in celeberrima Pheniciæ Insula Tyro , ubi Purpurarum flos pretiosissimus , postquam Alexander Macedo continenti addidit , (*Magnam vim suorum Tyro vetere prebente*) libertate donati fuerunt , ut Namiotæ Purpuras expiscarentur .

At si olim ex aquis pretiosissimus earum color , etiam vitæ discrimine expetebatur , nunc à tellure copiosè obtinetur . In America nascitur in Crocei fruticis fructu breve animaculum , quod statim , ac in aerem fructu jam maturo est emissum volat , ita ut culici simile videatur , priusquam autem perficiatur , animalculum , fructum cocci colligunt , & sanguine insecti lanas tingunt . In Gallia Narbonensi Anthyllon , vel Antycellion herba duorum generum est , una foliis , & ramis lenticulæ similis , palmi altitudine sabulosis apricis nascens , subsalsa gustanti ; altera Chamæpitui similis , brevis , & hirsutior , purpurei floris , odore gravis , in saxosis nascens , inquit Plinius , ex qua descriptione putat Volateranus hoc fortè intelligi à Plinio , quod nostri Fullones cremisinum vocant . Chermes verò ex radicibus herbarum sumitur , ait Brasavolus , cum granula circa radices colliguntur , quæ brevi tempore in vermiculum transeunt , aperiuntur enim granula , & parva quædam formica alata exit ; In multis etiam Germaniæ partibus colligitur , excellentior verò in Polonia circa Cracoviam , à quo *Vermiculata* vestes nominantur , sive *Chermisina* à Chermi veteri Sardinia Urbis , ubi tali colore fuerunt lanæ , & oloserica stamina primùm infecta .

Verùm ne à Mari discedamus , *Aquarum est* , cum D. Ambrosio loquar , de Purpuris differente , *quod in Regibus adoratur , aquarum est spe-*

*cies illa , qua fulget* . Purpurea clamide ante omnes primùm indutum incessisse in Asia Phenicem in regia dignitate constitutum , ex Cedreni , & Suidæ historia accepimus , dono sibi impertita ab Hercule Tyrio philosopho tunc temporis celeberrimo , postquam Vertagus ejus canis Purpuram ex undis extrahens purpureo rictu ignotum florem Domino indicavit , unde Herculeam nominavit Politianus . At nec Asiæ Affrica , nec Affricæ invidet Europa . In multis enim maris Sinibus Purpuræ producuntur , in Cyprio , in Sardico , in Tarentino , & antiquitus celebrantur in Adriatico mari generatæ quare Salius Poeta .

*Nec Sydone vilior Ancon , murice , nec Lybico* , Fert Laconicum mare Conchilia , ex quibus ad infecturam vestium Purpura comparatur , nobilitate solis iis , quæ in Rubro mari capiuntur inferiora . Ab omnibus autem color omninò similis haud exprimitur ; Pro Solis enim propinquitate colorem habet , & puniceum quidem procreat Affrica , idest quasi violaceum colorem , Tyrus autem rubrum . Partes item Aquilonares nigrum , Austrinæ rubrum magna ex parte ferunt ; Orientales verò violaceum , quo etiam Purpura Tarentina commendatur . Nec ab uno Conchyliorum genere producitur , fertur enim à Muricibus , & Buccinis . E Cochlea Echino-phora sub num. 18. & 19. posita janthynus pulcher effluxit , cum vivam Antio ad me missam in partes dissectui , & violaceum accepit Fabius Columna ab alia propè litora Vessuvii reperta . Hinc Muricatæ , & Conchyliatæ vestes dicuntur .

Qua nam autem industria è Purpurarum testis pretiosus ejus liquor eruatur , multiplicem illam esse ex historiis accepimus . Ab eis evomi , si feriantur , affirmat Imperatus : spontè emitti ait Columna : alii verò in mortuis inveniri volunt . Phenices , ut narrat Gillius ex onomastico Pollucis quarto , Purpurarum captarum testas confringunt , & carnes ad tincturam condiunt , & aqua dilutas , & sordibus expurgatas succensis ignibus in lebete coquunt . earum sanguis , ut ab igne incalescit , fluit & efflorescit , partimque flavescit , partim cyaneo colore nitet , partim in alium colorem convertitur , ac jam quicquid imposueris in illius colorem commutatur . Qui plura desiderat adeat Plinium , Rondeletium , & Aldrovandum . Ego interim , ne fufas aliorum narrationes repetendo , quo nihil facilius , absurdius nihil , meas paginas verbis impleam , Purpurarum testas , earumque fabricam à nullo fortassis adeò luculenter , & accuratè expressas , recognoscam .

270

Primo loco posita oculis subjicitur , quam in mari Rubro generatam ac-

cepi, Alba illa est, five potius osseo colore aliquantum flavescit; in parte interna nitida, & levigata. In externa tuberosa, notulisque roseis, flavis, & furvis, & rubicundis sparsim depicta. In ea distinctionis nota præcipua est canaliculus admodum longus, rectus, & paulatim ab ore ex quo nascitur, diminutus, cujus extremitas scalprum canaliculatum effingit. *Purpuram pasci perforando reliqua Conchyliia putavit Plinius exerta videlicet lingua sub operculo, quæ digito longior est* (ait Aristoteles) *qua tum Conchulas, tum sui generis testam perforare potest*; undè *Purpura voracior* ad helluonem significandum inter adagia dicitur. Hanc autem linguam osseam spinam potius dicendam affirmat Kircherus.

Attamen quam longè à veritate aberrarint hi Auctores Rondeletio, & mihi exprimentis satis est comprobatum. Diligenti enim anatome inter incisa Purpurarum membra nulla pars ossea inveniri unquam potui, sed ad summum callosa, quæ in canaliculum inserta durissimas testas etiam calybi obnitentes terebrare haud potest, sed solum Cochlearum humorem, quem appetunt avidissime, exugere.

**271** Purpura aculeata, quam melius Istriæcæ marinum dices, *Sconiglio spinoso* vocatur Neapoli ob aculeos quibus munitur, rostro longior, quam antecedens, mole autem minor, supra quatuor spirarum circumvolutiones, quibus finitur, eminent spiræ, quibus etiam in formam crucis dispositis rostrum armatur. Color extra terreus, intus albescens.

**272** Purpura ob substantiam solidam, & ponderosam Marmorea dicta: colore, à marmore non differt. Os illi angustum, & longum, ut in murice. E superficie externa sulcis rugata, cornicula aliqua exeruntur, crispa, & circumflexa munimento pariter, & decori. Fertur ex Indiis.

**273** Purpura in Neapolitano litore frequens, ibique vulgò dicta *Carosa*, hoc est spinis detonsa, fusco, ut plurimum colore, five livido; aliquando, sed rarò albescens, cum maculis rufis, fasciisque Conchiliatis, aut croceis cincta.

**274** Purpura ex Tarentino sinu accepta. Pars ejus extrinseca coloribus atris, & oleaginis inficitur, intrinseca violaceo, five janthino cum albo misto saturatur. Aculeis caret, sed tuberculis aspera instar coronæ distributis, tunicis pluribus in longum superpositis videtur corticosa, & sulcis minutissimis secundum spirarum ductum circumvolutis rugatur.

**275** Purpura in eodem mari frequens, intus albo, onychino foris, ut à cæteris distinguatur Crispatam dicimus; cutem enim ha-

bet instar pomi passis spissis rugis aspèram.

**276** Purpura Echinophora sive Echinata, sic dicta à validis aculeis in prima circumvolutione eminentibus. Appellatur etiam marmorea è testa ponderosa, & dura. Ut plurimum albescit in parte exteriori, quæ partim videtur malleo contusa, partim in pulvillos tumet, oris autem labrum spissis striis asperum, mirè multis in locis circumplicatur. In Adriatico frequens.

**277** Adriatici maris Purpura, quatuor spiris intorta, quas faxea, & subrotunda vincula nectunt. Hæc alba sunt, aliæ, aut vinosæ, aut subflavæ, utraque verò fasciis Conchiliatis, vel coracinis victata.

**278** Purpura Gibbosa à Gibbis, quæ in singulorum orbium latere intumescunt. Gibbæ insuper, sicut, & cæteræ orbium partes tuberculis, & tonsillis plenæ sunt, sed sine ordine dispositis; Quapropter longè omnium elegantissima habetur, & nulla quamvis solertia videatur à Natura elaborata, oculos tamen deformitas ipsa delectat. Oris apertura valdè angusta, à cæteris diversa, anfractibus sinuosa, undequaquæ videtur lacte æqualiter saturata, præterquam in dorso, quod crocea pictura apparet variegatum. Illam mare Indicum produxit.

**279** Eiusdem purpuræ facies, in qua oris patet foramen.

**280** Triangularem hanc Purpuram diceret, si oculis usurpares; triplex enim in spatium dividitur à triplici serie veluti foliorum, quibus est laciniata, ut crispatæ lactucæ cistis, five brassica cucullata, ac si lapidea materia non constaret. Ex persico sinu habita inter alias magis spectabilis, & rara. Colore flavescit, lineisque transversis ferrugineis distinguuntur crispæ, quibus undequaquæ rugatur, excepto ore admodum levi, & roseo ad amethystinum propendente, colorato.

**281** Purpura pariter triangularis, sed colore terreo ab antecedente diversa, non tamen pretio vilior, ejusdem laciniarum extrema Anthracina nigredine saturata. Os ferè rotundum, labrum cartilagineum supra majorem orbem aliquantum extenditur.

Hic non injucundum fore arbitror, quod Aristoteles, & Plinius de Purpuris narraverunt; earum videlicet vitam septem annorum spatio protrahi, eamque patere per *orbis quibus totidem, quot annos habent, testa intorta cuniculatum in crepidinem desinit*. At Aristotelis sententiæ Fabius Columna averfatur. Hic enim in brevi de Purpura Tractatu notavit, Purpuræ vitam pluribus annis finiri quàm orbium spiris testam. Alii non ex orbibus arguendam putant, sed

sed ex corticibus , cum fingulis annis eas novo superindui credant . Verùm meo quidem iudicio utrorumque opinionem magiftra omnium experientia refellit . Ego enim inter innumeras penè Purpurarum testas in diverfis maris finibus diverfoque in litore repertas, nullam obfervare unquam potui , quæ ultra quinque orbium circumvolutiones excresceret , unica excepta , quam num. 276. delineatam pofuimus . Illa enim prototipo omninò æqualis feptem orbibus finitur , feptemque pariter comprehenditur altera , quam apud me habeo omninò fimilem , licet mole triplo minorem , utraque verò triplici corio in lacinias excrescente corticofa ; Quam hìc describimus , fi inquiras , five parvulam , five magnam , ultra quatuor fpiras femper convolutam videbis . Ejuſdem color eſt furvus , aliquantum albescens in orbium commiffuris . Inter cæteras unam ſervo coloribus æque præclaram , at calamo non facilè exprimendam . Rubro enim , ſubviridi , citrino , ſulphureo , vitreoque in externa facie decoratur , in interna autem ex candido purpuraſcit .

**282** Affricano in litore inventam hanc Purpuram Ventricofam appellavi . Orbe enim primo maximè tumet , at quatuor aliis , quibus finitur , vix ad ſemidigitalem latitudinem extenditur ; validis brevibusque mucronibus armatur , qui tranſverſis criſpis corrugantur . Ofſeus color illi eſt , interdum in mari Hiſpanico Occidentali pulla invenitur , & rarò ex glaſtino nigreſcens .

**283** Purpura Echinata five Clayata , aculeis enim clavorum inſtar acuminatis redditur notabilis . Labroſa inſuper eſt , labrifque longum , & canaliculatum mucronem effingit . Colore externo candida , interno flavida , & in mari Sardico ſtabulatur , quæ verò in Tarentino , ſubviridis , & lutea ,

**284** Quam hìc ultimo loco vides ex Affricano mare delatam , ventricofior cæteris eſt , & mucronibus aduncis munita . Illos diverſi orbium cortices , quibus videntur compacti , efformant , cum ſinguli à cæteris ſubjectis elati complicantur , & reflectuntur , idcirco non clavorum inſtar , ſed veluti Bovis cornua , minus tamen acuminati . Pars interna roſeo fulget , externa verò , vel albo eſt unicolor , vel flavo , tyrio , ac luteo multicolor .

**285** Poſt Purpurarum teſtas Murices ſunt deſcribendi , quorum pariter purpureo ſucco lanæ , & oloſerica ſaturantur . Significantur autem voce *Murex* , quo Latini ſaxorum aſpera intelligunt . Unde Poetarum Princeps Maro :

*Concuſſæ cautes , & acuto in Murice remi  
Obnixi crepuere .*

Eadem pariter voce exprimitur Bellica Clava , ferreis aculeis horrida , cujus erat apud Barbaros præcipuè frequentiffimus uſus , truculento Marte cum hoſtibus dimicantes . Muricem ergo , quem primo loco poſuimus Marmoreum dicimus . Ejuſdem Teſta craſſa admodum eſt , & gravis , talique ſtructura efformata , ut ſi ei manubrium addatur , clavam dices tuberculis aſperam , non Cochleam , in qua anguſtiſſimi oris detegitur rimula . Ex imo Oceani fundo accipitur candido colore , ſed rubris maculis cruentatus .

**286** Murex figura præclarus . Ventricofus dici poteſt à majori orbe , quo ſolum tumet , cæteris in brevi tantum mucrone indicatis . Ubique longi aculei eminent . Os quaſi perfectè circinatum labra reflectit , ex quorum altero binæ tuniçæ propendent , & licet marmorea , telæ inſtar plicatilis reflectuntur . Intus albo , foris puniceo colore imbuitur .

**287** Murex cinereus , & lividus , cujus teſtam in pyramidem efformant decem ſpirarum circumvolutiones , ſupra quaſ aculei proportione artiſcioſa diſponuntur , acutiores tamen , qui baſim coronant . Ex ea oris apertura naſcitur , æque longa , ac omnium orbium ſtructura ; eadem lacteo nitore ſicuti pars externa albescit veluti ſandracca velato .

**288** Murex duplici faſciola in ſpiram contorta , à baſi ad mucronem vittatus . Veſtem Perſarum propriam huius teſta effingit , cujus color flavidus , faſciolæ verò caſtaneæ , aut ex rubro nigricantes . Fructus eſt maris Perſici , & non vili pretio ductus .

**289** Pluris autem habetur , qui ab hoc numero indicatur . Coronatus dici poteſt ob coronam veluti regiam , quæ ſingulis orbibus adnectitur . Colorem habet ſimilem paleæ , ſupra quem aureæ , & undatim ductæ lineolæ maris undas leviter criſpatas effingunt , apud Indos fuit inventus .

**290** Murex in Orientali Indiarum mari natus , qui Faſciatus dici poteſt è faſciis in æqualia ſpatia diſtributis . Hæ Concolores ſunt teſtæ ex caſtaneo ruſeſcenti , ſed ab ipſa teſta adeò elevantur , ut potiùs circuli ipſi ſuperadditi videantur . Quinque orbium ſpiris comprehenditur ; ex duobus oris labris alterum leviter criſpatur , alterum valvulis , & ſtrigis eleganter exornatur , quæ in averſa facie inſtar tuberculorum tumescunt , indicantque mirum Naturæ opificium .

**291** Murex Triangularis , coſtis marmoreis etiam cinctus . Hæ autem in orbibus aptantur , ut plurimis tuberculis , & nodis inæquales ex pluribus teſtæ partibus formata videantur . In labro deſinunt , ut ſigura repræſentat ,

sentat, jucundiùs inspicienda, quàm describenda. Pars ejus interna, ut lac albescit, externa verò tophacea est, vel flavida.

**292** Murex, qui Cochlea Hebræa à nonnullis vocatur. Insignis est ex maculis, vel sanguineis, vel terreis, quæ tanquam arbitrariæ notæ supra colorem album aureo mistum dispersæ, velut Hebræorum characteres expriment. Hæ autem non absimili modò, quo crescunt incisuræ in corticibus arborum factæ paulatim cum testa augentur, nec formam mutant. Muricem etiam mucronatum dicere quis posset ex mucronibus in primo, & majori orbe exuberantibus, quibus mira ejus venustas augetur. In oris apertura pars sinuosa alba est, & nitens labrumque crenatum detegitur.

**293** Murex levis, ac fragilis testæ. ob tonsillas, quibus orbes decorantur est spectabilis, licet colore albo vulgaris, aliquandò terreo etiam colore aspersus.

**294** Pulchritudo hujus desumitur à cute instar Oloferici undati, & bicoloris depicta. hac aliquando squamosam serpentum pellem miris coloribus simulat, interdum pleari colore flavido notulis furvis signatur, vel ex oleacino subviridis luridas maculas ostentat. Ex Eceani litoribus habetur.

**295** Murex Rostratus meritò appellandus. Mucrones enim, quibus munitur, ut Corvi Rostrum curvantur. Coloribus antecedenti omninò similis.

**296** Murex mucronibus brevibus, & sine ordine dispositis, aculeatus, fasciis insuper albis cinctus, cæterum colore tyrio innigrum propendente.

**297** Murex nisi fallor, cæteris præstantior, aut saltem nulli pulchritudine secundus. Cochleas hujusmodi Musicas Galli meritò appellarunt. Illas enim musicis notis lineisque Natura signavit, nè fortè marinæ niphæ figuratis defraudarentur cantilenis, Neptunusque Jovis non invideret deliciis, aut si commento non assentiris, ut spectantium saltem oculis suis numeris absolutam harmoniam efficerent. Hæ quidem non fortuitu colorum combinatione pingitur, ut gemma Acates in annulo Pirri Regis, in qua Apollo cum Musis cernebatur, ita discurrentibus maculis, ut Musis quoque singulis sua redderentur insignia, sed constanti Naturæ opificio, accuratoque studio In omnibus hujus speciei Cochleis notulæ musicæ lineis, (licet non certo semper loco) superadditæ videantur. Colores jucundiùs oculis usurpantur, quàm calamo referuntur; sunt enim lineæ aureo fulgore notabiles, notulæ sanguinæ, puncta ex flavo rubescentia, testa autem subjecta, vel vinosa, vel onichyna.

**298** Altera ejusdem speciei pulchritudine etiam eximia.

**299** Murex pariter ex musicis notis conspicuus; ab antecedenti aliquantulum differt. Habet enim testam magis æqualem parvulis tantum tonsillis in rostro eminentibus. Omninò autem variat colores, quorum albus, aureus, subniger, flavidus, oleacinus, & croceus diversimodè misti tibi referunt papyrus, quam turcicam vocamus. Intus verò niveo nitore pellucet.

**300** Eodem colore intus rubescit hic alius, cortice tuberoso, & aspero, in quo oris labrum admodum tumescens undosis sinibus arcuatur, & sub eo mucronis circumvolutiones ferè totæ delitescunt. In parte externa sanguinæ, & rubiginosæ maculæ marmoreum colorem contegunt.

**301** Murex elegantibus mucronibus tuberosus. Hi enim, ac si detonsi fuissent, aculeo carent, & foraminula estendens, arundinea potiùs fragmenta testæ superaddita videntur. color illi aureus, vel albus in externa facie, interna verò niveus, cum roseo, vel flammeo rutilans.

**302** Murex auritus, quem colores albus, rubeus, conchyliatus, viridis, & furvus diversimodè confusi elegantissimè signant.

**303** Hujus oris apertura à cæteris diversa, ut in figura exprimitur internam partem recludit lacteo candore nitentem, cui circa labrum flammeus color copulatur.

**304** Murex, quem aliqui nominant Auritum ob labrum instar auriculæ exertum. Ejus mucro turbinatus ferè dimidiam partem primi orbis adæquat, & corniculis, & pulvillis frequentibus est inæqualis, foris, vel albus, vel subflavus, intus roseus, & sandracca velatus. In mari Hispaniæ Americanæ generatur, & ad bipalmarem longitudinem augetur.

**305** Murex pyramidalis figuræ, quam simulant septem orbium spiræ, minutis incisuris striatæ, & lentiginosis notulis signatæ, ut plurimum colore lacteo, interdum undequaque vinoso.

**306** Quæ hætenus descriptæ sunt Purpurarum, & Muricum Testæ, omnes quidem aculeis, & mucronibus armavit Natura, vel ad pretiosi succi munimen, vel potiùs ea sicut floribus spinas addit, ut dixit D. Ambrosius, *quasi quedam amatoria illectamenta, ut stimulis illis egrè contactum admittentibus, ad majus desiderium colligentes provocaret*. Verùm abditas rerum causas è profundis ignorantia latebris eruere quis potest? Unum pro certo habendum est, Cochleas nempe omnes, informes licet habeantur, & horridæ, suam venustatem preferre,

ferre , qua eruditos oculos capiant oblectamen-  
to. Hujusmodi etiam censendæ, quas infra subji-  
ciemus , licet coloribus non æquè insignes, par-  
tium tamen fabrica præclaras , quæ sub hoc nu-  
mero ponitur clarius ex figura patebit , quàm  
descriptione , livido est colore , supra quem lu-  
teæ , vel oleaginæ lineæ serpunt .

**307** Murex alter auritus, cujus testa ponde-  
rosa . In parte externa colorem sul-  
phureum, aut vinosum rufæ maculæ distinguunt,  
at juxta orbium commissuras roseus est rubor .  
interna autem ex albo purpurascit , & circa oris  
aperturam aureo pingitur . In mari Americano  
reperitur .

**308** Murex magis auritus , quàm præce-  
dens , labroque magis crasso , ejus  
dorsum transversis fulcis rugatum duobus acu-  
leis munitur , pars verò dorso opposita , ubi oris  
foramen nitida est , ut in conchis Venereis , ex  
albo , oleagino , lividoque colore multicolor  
apparet , cruentis insuper guttis , & punctulis  
pulchrè notatur .

**309** Altera ejusdem Muricis facies , quæ  
oris aperturam exhibet aureo colore  
donatam , qui paulatim in subflavum evanescit .  
Ejusdem oris cavitas adeò angusta , ut carcer  
potiùs , quam domus Animalis videatur .

**310** Hic proximè superiori forma par est ,  
undequaque candidus , notulis san-  
guineis signatus , & transversè fulcatus : at paulo  
subtilior testa , & cum aculeis brevioribus . Ejus  
præcipua distinctionis nota est labrum , quod in  
figura exhibetur , vel ad tutamen , vel ad deco-  
rem valdè productum .

**311** Eadem Cochlea , cujus labrum ca-  
naliculatum , & oris rimula detegi-  
tur .

**312** Cochlea, cujus testa turbinatum Bovis  
cornu colore repræsentat. Umbilicus  
marinus vocari potest ex figura . Ita autem tur-  
binatur , ut utrinque cava sit in centro anfra-  
ctuum , quod tamen minus est in parte superio-  
re quàm in inferiore , & orbes in sinistram par-  
tem convoluuntur .

**313** Turbo , & quidem elegantissimus ,  
Duplicatis orbium spiris videtur Co-  
chleatus , in quarum altera tessellulis conchyli-  
tis pulchrè discriminatur color albus , quo un-  
dequaque tegitur .

**314** Cochlea, quam Galli Tulipam vocant,  
pulchritudinis singularis , vulgo *Pan-  
tu Madama* . Ejus macule , quæ album discrimi-  
nant aureo colore fulgent .

**315** Murex à Græcis Pentidactylus appel-  
latus ex appendicibus circa labrum  
additis. Ut plurimum quinarium numerum non  
excedunt , & præclaro artificio concinnati , in-

star branchiarum extenduntur . Qui hoc loco  
ponitur ultra quinque sex aliis decoratur , ideò  
rarus . Strigis crispatur, colore est rufo, & fulvo  
exuberanti notatus , vel sanguineo, intus autem  
ex flavo albescit maximè expolitus .

**316** Licet mole superioribus minor , ele-  
gantia quidem non inferior est hic  
Murex . Appendicibus solidis , & curvis , quos  
figura exhibet , scorpionem ferè simulat , foris  
subalbidus est, intus croceus , & oris aperturam  
minutissimis incisuris rugatam habet . Illum in  
mari Indico furtivè repertum in meo Cochlea-  
rio tanquam Naturæ portentum asservari vo-  
luit Eminentiss. Cardinalis Urfinus .

**317** ) Murex senis appendicibus canali-  
culatis decorus , colore albus , ore  
**318** ) angustissimo , fulcis signatus , quos  
tubercula castanea condecorant. In-  
terdum rufo colore undequaque imbutus repe-  
ritur .

**319** Geographicam Tabulam repræsentat  
hæc Cochlea inter omnes ultima lo-  
co non venustate . In ejus enim testa alba , ita  
disponuntur maculæ , & lineolæ furvæ , ut Pro-  
vinciæ , & Regiones in Tabula geographica in-  
dicantur .

**320** Videtur hæc Cochlea , quæ in mari  
Orientali Indiarum nascitur , e lapide  
pario compacta , alba in parte exteriori , sed vi-  
ridi pellucido obvelata , non æqualiter distribu-  
to . Quam hoc numero indicamus cæteris addi-  
dit sua , qua pollebat singulari liberalitate Emi-  
nentiss. Cardinalis Ghisius , ut viridis Cochlea  
inter Testacea Animalia difficilis inventu non-  
deesset . Supra talem verò colorem maculæ ter-  
rei coloris transversim discriminant lineolas ,  
quibus spiritaliter ductis , orbes omnes signan-  
tur .

**321** Murex , quem Piscatores in tranquillo  
mari prædantur. descendentes ad ima  
in portu Cartaginensi Americano . Ejus magni-  
tudo aliquando palmi longitudinem excedit ; In  
parte interna apparet , vel albus , vel roseus è  
fandracca valdè pellucidus , in externa verò fla-  
vidus , & inæqualiter rugosus . Instar quercus  
ramorum contorquentur murices , quibus primi  
orbis basis armatur , in eo os valdè longum pa-  
tet, sed angustum .

**322** Cochlea Indica ventricosa , & adeò le-  
viter turbinata , ut ex unico orbe  
constare videatur . Ex ore, quod firmis dentibus  
armatur , labrum leviter rugosum exeritur , pli-  
caturque supra maximum orbem tali modo, ut à  
basi ad mucronem totam circumplectatur . Dor-  
sum illi est lineolis parum signatum, Color verò  
multiplex . Carneus enim , flavus , albus , & li-  
vidus simul confusi undatim illud signant. Quod  
inter

inter cæteras spectabilem eam reddit, est series sex macularum è colore violaceo ad nigrum vergente, quæ in crassiori oris labro subsident.

**323** Turbo iconis magnitudinem non excedens, unde quaque nitidus, & levis, extra colore carneus, & fuscus, intus verò in albedinem propendet. Ejus nota distinctionis est quatuor dentium series in ore apparentium, & spirarum ductum in parte interna comitantium.

**324** Venerea mole parva, at magni facienda ob levem testam qua componitur, & dissimilatur à cæteris, ut plurimum crassa, & ponderosa substantia compactis: Ab eis differt præcipuè ob lineam spiralem, quæ in una extremitate dilucidè apparens, internorum orbium circumvolutiones indicat. Color illi est offeus, quem fascia albidior in dorso cingit; apud Brasiliam nascitur.

**325** Turbo nitidus, & pellucidus carneo fusco tinctus. Singulas orbium spiras series alborum punctorum pulchro ordine distributorum comitatur, & ubique undatim signat cruentus rubor.

**326** Murex egregius, quem binis aliis jam descriptis, nec omninò similibus, munere addidit Illustrissimus Præsul Leo Strozza Excell. Ducis Strozze filius. Galeiformis hinc dicitur ex forma, qua galeam exprimit non solum crasso labro circumseptam, sed brevibus, & robustis muricibus, quibus armatur contra Clavarum ictus. Valdè ponderosus est propter crassam substantiam, qua componitur, & mole palmarem globum aliquando superat. Fulvo colore in parte externa pingitur.

**327** In altera autem facie, quam hinc delineatam vides, os patet angustum, sed longum, per quod color idem in aureum, aut rubrum propendens spectatur, labrumque habet crassis Dentibus munitum.

**328** Turbo æque longus, ac figura, qua indicatur. Tophino, vel ligneo colore induitur, sed ob partium structuram mirificè spectabilis redditur. Eum subuculis, & monilibus ornatum dices, inter quæ binæ striarum fossæ secundum spirarum ductum circumvolutæ. Ex India in Italiam Hollandicus mercator illum detulit.

**329** Castaneo tegitur colore hinc alius Turbo, è Brasilia habitus, testa valdè levis, & non parvi æstimandus ob colorem.

**330** Turbo è litore Brasiliensi acceptus, sine circumvolutionum apparentia. Os valdè patens illi est, & substantia ponderosa constat, in dorso levigatus, & pellucidus, at ubi circa os circumflectitur binos canaliculos habet, qui in parte interna abduntur, hæc lacteo colore

saturatur, externa verò cinereo cum tyrio misto propè basim.

**331** Hujus Cochleæ structura præclara est, & rara, in altera enim parte aliquantulum tumescente globi segmentum simulat, quod perfectè levigatum abditorum orbium circumvolutiones indicat fascia quædam è colore calteo, quæ supra album in spiram circumducitur. In altera verò os patet mediocriter apertum, quod labrum molliter inflexum, & quatuor crassis dentibus munitum coronat.

**332** In opposita autem facie, ut in figura exprimitur, intestini fragmentum in se convolutum simulat sine spirarum ductibus. Colore cinerea est, quem maculæ sine ordine distributæ ex aureo condecorant.

**333** Cochlea à terrestribus parum dissimilis, sed aliquantulum magis complanata. In binis partibus spiralem Zonam ostrinam habet, quæ in interiori oris meatu etiam apparet quasi sub velo jacens, cæterum ubique lacteam albedinem ostentat.

**334** Ridiculam personam, quam vocabulo *Zanni* exprimunt Itali, inter Cochleas imitatur, quæ hinc subjicitur. Vestem enim illius simulat tribus coloribus, quibus pingitur, nempe igneo sive sandichino, conchyliato, & flavescente jucundioribus visui, quam calamo faciliter describendis.

**335** Præclara etiam habenda est hæc alia inter Cochleas non vulgaris, ejus maximum orbem subucularis albus, & levis bifariam dividit, & cum ipso circumvolutus insecundi orbis commissura deperditur. Cæteræ testæ partes leviter sulcantur, coloreque bicolori, cinereo nempe, ac plumbeo cingitur, quorum postremus circa os in ostrinum vertitur.

**336** Quem hinc vides Turbo cylindricus è D. Zanoni musæo habui, non quidem figura mirè spectabilem, sed macularum distributione. Supra colorem plumbeum multiplices fasciæ apparent candidis, & conchiliatis notulis æqualiter distributis tessellatæ, & tali ordine, ut post angustam latior, & post latiores angusta collocetur.

**337** Purpura è mari Brasiliensi habita. Si albedinem observes è pulchro lapide pario, sive alabastrite formatam putabis; superficiali illi est aspera, & rugosa, ut in cæteris Purpuris, sed valdè levigata, & pellucida, licet non æqualiter ubique complanata, sed sulcata semitundis canalibus, oris apertura rotundo labro cingitur, quod tonsillæ leviter tumentes exornant.

**338** Venerea in litore Brasiliensi frequens, molem hujus iconis non excedens, videtur crasso subuculari circumdata, ore longo, &

go, & angusto . ubique levigata , osseo colore flavescens .

**339** Eiusdem cochleæ facies averfa quæ oris aperturam valde angustam ostendit .

**340** Buccina quinque spiris absoluta , quarum maxima oris aperturam , & quidem complanatam ostendit . Ex duobus labris alterum crenatum est , alterum dente unico munitum . Colorem habet cinereum , & molem , quæ in hac pagina exprimitur .

**341** Nerita in litoribus Brasiliæ abundans , è globulis albis , & sandichinis videtur composita , tali artificio ; ut in linea spirali distributi , dum orbis conficiunt simul connectantur , & quasi in duas Classes alteram rubrorum , alborum alteram vicissim variatas dividantur miro Naturæ lusu , magnum artificio in parva mole ostentantis .

**342** Murex valdè labrosus , ex diversis dilutis coloribus variegatus , nempe aureo , badio , & sanguineo . Intus verò lacteus . Eius nota insignis est tessellula quædam quadrata ex conchyliata nigricans , quæ propè os subsidens , otiosus videretur Naturæ lusus , nisi in tota specie constanter formaretur .

**343** Purpura , quam quinque orbium anfractus circumscribunt : crispis ita rugatur , ut æqualiter inter se distantes recurrant . Has binæ fasciæ fulvæ circumdant , quarum singulas aliæ binæ lineæ aureæ intermediant , omnesque supra lacteum colorem conspicuæ reduantur .

**344** Turbo ad digitalem longitudinem extensus mucrone valdè acuto , cujus linea spiralis indicatur à laciniarum , seu pinnularum serie , basim versus propendentium , in qua os ferè rotundum labrum delicatum ostendit .

**345** Turbo mucronibus asper , qui binos circulos in maximo orbe effingunt . Cæteri spirarum ductus brevem conum formant , circa os valdè producitur labro æque crasso , & aperto . Carneo colore facies interna pingitur , helvaceo externa .

**346** Turbo quorundam avium cor exprimens aliquantulum complanatum . Bina ejus latera duobus labris exornantur , quarum alterum oris aperturam coronat . Parvuli , ac dimidiati globuli frequenter in ejus superficie eminent , quam succus carneus , vel terreus colorat .

**347** Purpura ex Lusitano litore habita , lacteum candorem æmulans . Orbium spiras cingula rotunda comitantur , ubique levigata superficies apparet , ut in statuis marmoris perfectè expolitis .

**348** Nerita , parva licet mole , magno artificio depicta à Natura colore purpureo , qui undosis meatibus candidam cutem opere veluti phrigio exornat . Valdè nitida est , ac si gummi Sinensi obvelata esset .

**349** Antecedenti similis hæc alia Nerita est , colore tantum discrepans vinoso , quo tegitur . Binas undarum series habet è colore purpureo , & candido alternatim recurrentibus propè orbium commissuras .

**350** Furuam Ætiopis pellem colore simulat hæc Cochlea , binis fasciis cincta , quarum altera duplo latior est , ambæque secundum orbium spiras circumducuntur spatio semper coarctata , prout septem orbis , quibus absolvitur , decrescentes , in longum mucronem desinunt . Turbinum genere comprehenditur , osque habet valdè angustum , quamvis in longum productum , à Basi ad cacumen in longum crispatur , & transversim minutissimè sulcatur .

**351** Cochlea valdè nitida , & levigata . Præclara illa est è maculis badiis supra lacteum candorem positis , quibus in plures veluti partes dividitur .

**352** Venerea mole parva , sed omnibus hujus generis antecellens pretioque habenda . Aureo fulgore tegitur , notulis rotundis helvaceis signato , quarum centra punctis nigerimis indicantur .

**353** Turbo ubique crispatus , ore longissimo , & angustissimo ; Candor , quo tegitur aureo colore in externa facie leviter notatur .

**354** Cylindrus livido colore , binis fasciis albiis cinctus , notulis cruentatis , & in girum dispositis tessellatus , ejus basis alba est , & sanguineis maculis æqualiter distributis notata .

**355** Cylindrus , qui è maculis Gagates dicitur , huic enim lapidi assimilatur . Eius nota præcipua linea spiralis in basi apparens pinnulis ornata , quæ à maculis cruentis frequenter notantur .

**356** Lacteus color circumtegit hunc alium Cylindrum . At propè basim in pinnulas desinentem candida superficies apparet , intus autem violacea .

**357** Pardus vocatur antonomasticè Cylindrus hic ob maculas magno in pretio habitus . Ille enim quasi tessellatæ sanguineæ ejusdem ferè magnitudinis omnes spatio æquali inter se distantes disponuntur supra lacteum colorem , quem præterea tres aureæ Zonæ circumsepiunt . In basi omninò complanata linea spirali veluti canalis profunda circumflexitur .

**358** Cylindrus candidus , ut nix , transversas strigulas habens , notasque aureas sine ullo ordine disposita ostentans .

- 359 ) Cochlea depressa in mari Indico generata, rustico veluti amictu induta, & terreo colore, quo argenteus nitor celatur. Illi non mediocre addit pretium series quædam pinnularum, quibus linea spiralis bellè laciniatur.
- 360 ) Cochlea colore cinereo, in dorso tonsillas nigricantes gestiens, Os habet valdè expansum, & apertum, labra carnea apparent, pars intima cinerea, fasciis violaceis signata.
- 361 Cochlea alba, & levigata, ut Porcellana. Ubi orbes spirarum connectuntur, profunditas apparet, quæ illos simul intextos demonstrat. E maculis helvaceis, quibus notatur, magni ducitur.
- 362 Turbo ex litore Brasiliensi acceptus levi, & nitida superficie. Decorem illi augent binæ Zonæ mustellinæ, transversim ductæ supra colorem cinereum cum albo mistum.
- 363 Cochlea levi, & subtili materie constans; ob formam Buccina appellanda videtur. Ejus insignis nota est candida Zona, qua cingitur maximus spirarum orbis. Os habet ferè rotundum, ex quo patet candor internæ superficiei. Externa autem est aurea.
- 364 Cochlea umbylicata rotunda, & nitida; Quatuor cingitur fasciis albis, quæ notulis sanguineis, & helvaceis undatim signatur. Cæteræ partes indicam arundinem colore simulant; ore albicante.
- 365 Turbo nitidus, & levigatus, cujus orbes vix in facie externa indicantur. A vertice usque ad cardinem imum ternæ fasciolæ in spiram contortæ pluries cingunt, quarum prima fulva est, violacea secunda, tertia aurea.
- 366 Turbo non dissimilis aliquibus Purpuris, ferè albus, cum notulis dispersis sinè ordine castaneis, & cruentis. In spiris turbercula habet molliter circumflexa, ac si è cera constarent.
- 367 Echinophoram jurè dices Cochleam hic positam ob tonsillas, seu puluillos, quibus intumescit. Cæterum globi asperi imitatur figuram; Colore terro cum osseo misto pingitur, qui in partibus depressioribus magis albescit.
- 368 Cochlea quatuor orbium spiris composita, quorum maximus valdè tumescit in dorso, cæteræ autem labro quodam crasso oris cæteroqui angustissimi quasi omninò abduntur. Color ori inest carneus, intus albescit, foris plumbea est, & flavida.
- 369 Cochlea in mari Indico generata, & levissima. Orbes habet instar Turbinis, at Concham duarum partium simul coeuntibus diceres, quibus amygdali fructus ferè exprimitur. Colore fulva est. Interna autem facies videtur alba ea in parte, in qua oris est apertura valdè prodigiosa propter dentium aliquorum dispositionem, quibus munitur.
- 370 Cum superiori certat de pulchritudine hæc alia pariter dentata in utraque oris parte, alba, & ponderosa est æquè ac parius lapis. Ubi oris patet foramen, aliquantulum complanatur; cæterum quasi omninò rotunda, ut globus, veluti subucularibus albis compactus.
- 371 Quam hoc in loco positam cernis, in litore Pernambuci repertam, parvitatem molis artificiosa partium compositio superat minor est nuce avellana; tali autem arte ternos in turbines excrescit, ut turcicum & elegantem cidarim exprimat. Singuli orbes in plures veluti tonsillas turgescunt, & distribuuntur, proportionem diminutionis servata in spirali circumvolutione, omnesque videntur quasi cingulo obstricti, quod comitatur aliud veluti filum globulorum, alborum & rubescentium alternatim dispositorum. Reliquas verò partes carneus rubor albo aspersus circumtegit.
- 372 Buccinula quatuor spiris contorta, in omni parte perfectè levigata, lauri baccam æquat magnitudine, Ubi orbium commissuræ sunt, albæ notulæ jacent, quas intermedia terreæ ad viridem propendentes distinguunt: eodem colore tota ferè testa saturatur, maculis furvis etiam tessellata.
- 373 Quinque, quæ subjiciuntur supra positæ, ex Neritarum genere sunt, in sinu Pernambuci generatæ. Nuci avellanæ parvulæ sua mole omninò similes quasi perfectè rotundæ, undique nitidæ, & leves, ita ut vix unius orbis interni vestigium appareat. At si forma vulgares, elegantissimæ sunt propter colorum dispositionem, & varietatem, qua à Natura pinguntur facilius oculis inspiciendam, quam exprimendam calamo, Quam hic vides primo loco positam malaco colore saturatam, quinque fasciis albis à centro ad circumferentiam ductis dividitur, quarum lateri lineola anthracina adiacet.
- 374 Ex ebure compacta videtur hæc alia aliquantulum flavescenti, supra quam lineolæ nigerrimæ sinè ullo ordine flexuosè discurrent.
- 375 Dividitur hæc alia colore alba in partes æquales, fasciis, seu radiis coracinis, à centro ortum habentibus, magis amplificatis, quò magis oram versus extenduntur,



**377** Nerita pariter in plures partes divisa radiis, non rectè, sed sinuosè sparsis, & numero paucioribus, quàm in superiori, ut in Icone apparet. Livido colore hi sunt, lineolis piceis conjuncti supra colorem osseum, quo tota Nerita induitur.

**378** Radii, quibus hæc alia in plures partes dividitur, æqualia inter se spatia servant, colore autem sunt albi, reliqua testæ facies cerasino, vel puniceo colore saturatur eoque lineolæ nigerrimæ intermediant.

**379** Globi figura ferè exprimitur ab hac Cochlea ternis orbibus rotunda, & veluti pluribus subucularibus compacta. Colore albescit, porraceis, & luridis maculis tessellata. Linea verò, qui orbium commissuras indicat, à notulis luridis in partes æquales distributa comitatur.

**380** Cochlea æquè ob colorum, & partium venustatem pretio non vili ducenda; pingitur enim albo, roseo, & viridi cum flavidine misto, & sinè ulla regula distributis. Quatuor in orbis pyramidis instar exerescit supra basim valdè amplam, quorum singuli binis subucularibus, veluti è filis pluribus compactis, cinguntur. Circa basis crepidinem veluti corona adiacet frequentissimis pinnulis laciniata. Supra orbium testam undequaque rugosam, & crispam, intervalli proportionem servata; imbricamenta quædam eminent, quibus Animali munimento sunt, & decori.

**381** Quatuor, quas hinc subjicimus ex eo genere Neritarum sunt, è mari Pernabuci allata. Quæ primum locum obtinet dividitur à tribus radiis à centro emanantibus eò magis latis, quò magis ab eo recedunt. At ubi mediam Cochleam cinxerint, transversim quasi dimidiati non progrediuntur. Eandem insuper Cochleam bifariam secat fascia quædam meandris contexta, colore, quem lacca exhibet, nitidissimo, sicut etiam eodem radii pinguntur: lineola insuper picea omnium latera comitante, quæ supra albam Cochleæ testam optimè distinguitur.

**382** Malaco succo videtur imbuta hæc alia, seu vinoso, aspersa deindè liquore lacteo in guttas diviso, quarum medietatem circulus ater circumdat. Dividitur etiam bifariam à fascia alba, cujus lateri lineola anthracina adjacet.

**383** Nerita, ut Ebenus æquè nigra, ejus medietatem lacte aspersam dices, & lactea Zona in æquales partes divisam, sicuti circa os eadem lactis albedine saturatur.

**384** Alia parùm dissimilis labello quodam, quo circa os tumescit, candida ut nix, duabus Zonis cinereis, & atris vittata, quæ pi-

scis cutem squamosam simulat; inter eas alia interiacet ejusdem coloris, minutissimis linearum particulis composita, præbetque illi singularem distinctionis notam.

**385** Murex, quem Piscatores in mari tranquillo Americano prope Urbem Carthaginem expiscantur, inter testacea Animalia fortassè maximus mole, & pondere. Duos pedes aliquando æquat longitudine. Itali patria voce illum vocante *Garagoo Cornuto*, sed aptius alii Muricem Alatum; labro enim ori apposito adeò extenditur, ut illo veluti ala formetur, seu, ut verius loquar, marmoreus Thorax ad defensionem pugnantis aptissimus. Post maximum orbem ubique crispatum tuberculisque tumescentem, veluti coronam robustorum muricum ostentat, quorum singuli trium digitorum crassitiem æquant longitudine, crispatis, & in se ipsos convoluti ramorum instar quercus, diuturna aeris inclementia obduratæ. Quò autem magis mucronis cacumini proximi sunt, eò magis breviores protuberant. Substantia valdè ponderosa, dura, & crassa formatur; quamobrem difficile creditu est, Animal sua mole longe minus testa, qua tegitur, adeò ponderosam domum valeat circumferre. Colore saturatur simili marmori Tiburtino, quem cutis crassa, aurea, & terrea in parte externa circumtegit.

**386** Pars verò interna, quæ hinc exprimitur nitida veluti sandracca velatur sinensî porcellana non ab simili. Ei color subest roseus, rarò in testis Cochlearum generatus, quò decor illi additur, & pretium.

**387** Cochlea quinque circumvolutionibus complicata, ore, satis patulo, quatuor dentibus distincto Alba illa est, & nitida ut in spira majori triplicem seriem macularum castaneus color efformat.

**388** Cochlea terrestribus vulgaribus forma non dissimilis, at si os respiciatur, ad genus umbylicatarum pertinet. Ejus singularis proprietas est dispositio linearum, quæ a centro ad umbylicum ductæ totam circumvolutionum foriem comitantur. Fulvæ illæ quidem sunt, supra colorem subalbum ductæ; interiori verò parte colore violaceo inficitur.

**389** Turbo parvitate fabæ molem non excedens, spirarum indicem in parte externa nullum habet, asper tamen est undequaque, & lurido humore saturatus. Illum distinguunt aliqua tubercula subalbida, sine ullo ordine disposita. Os illi est valde angustum.

**390** Cochlea valde levis undique levigata, ore patulo in longum porrecto, colore ebur imitatur. Fructus est Maris Americani.

**391** Cylindrus in parte interiori condidus in exteriori verò tophina veste te-

ctus, quam notæ lactæ in triplicem girum dispositæ exornant. His adduntur frequentes circuli e colore subvoluturino, non quidem continuis lineis, sed interruptis virgulis efformatis. In genere Cylindrorum maximi æstimatur, non adeo frequenter repertus ut cæteri.

**392** Buccinula levissima, cujus testa exilis, & pellucida septem spiris absolvitur, quorum prima valde ampla est, ultima verò acutissimum mucronem efformat. Color illius est offeus.

**393** Cochleâ umbylicata, in qua meatus orbium semitundus inest. Tota candido lacte imbuta at in utraque parte undis castaneis & fulvis mira quadam dispositione collocatis condecoratur, ut numeri illi apppositi indicant.

**394** Buccina maximo pretio habita ob colorem. Carneus enim ille est aureis maculis intermixtus, lineolis fulvis insuper adiectis, quæ spatio fere æquali inter se servato, quinque orbium quibus constat, ductum sequuntur.

**395** Cochlea cujus forma an sit potius commendanda, vel structura valde dubium est. In utraque enim est præclara. In ea orbium spiræ ita testa conteguntur, ut vix in brevi mucrone indicentur, quamobrem concha potius quàm cochlea videtur appellanda. Costæ illi superaditæ in partes æquales eam dividunt. Alibi eam indicavimus, at non adeo elegantem & pretio æquali habitam. Quippe ea, quam hic delineavimus propter colorem singularis est & rara. Maculis enim condecoratur roseis, pluribus aliis admixtis quæ in cæteris hujus generis apparent. Illam obtinent in mari indico Piscatores.

**396** Nerita, cujus magnitudo est ut hic exprimitur: colore tota albicat. In tribus orbibus, quibus componitur, major fere totam componit. Multiplicibus globulorum lineis tota cingitur, spatio debito inter illa servato, quod tamen asperum est, & minutissimis incisuris corrugatum.

**397** Trochus substantia admodum crassa ponderosus corrugatur ita, ut funiculis simul junctis videatur compactus. Totus candidus est, maculis piceis adjectis.

**398** Cochlea ventricosa. Tribus orbibus ita componitur ut eorum major tumidum ventrem exprimat medio in ore, quod labris crassis munitur, hyatus fere rotundus patet: valde ponderat, & colore subcinerico est infecta.

**399** Buccina in quatuor orbis convoluta, ore patulo binis & crassis labris munito, ex altera eorum serie aliquot supra primum

orbem ita producantur, ut paulatim diminutæ evanescant. Color exterior in flavum inclinat, interior autem albus est & nitidus.

**400** Buccinula alia quinque spiris contorta, & valde in longitudinem extensa. Os illi est oblongum, & in mucronem productum. Color albus undique apparet, supra quem in parte externa maculæ castaneæ sine ullo ordine serpunt.

**401** Buccina sex circumvolutionibus absoluta, quarum maxima ventricosa est, illi os labrosum patet in semicirculum efformatum. Candidum colorem, quo tegitur, lineolæ ex spiris educitæ distinguunt, quæ veluti enses paulatim in acumen gracilescent.

**402** Cochlea, cujus majorem partem os in longum productum occupat. Lineola, quæ in basi fere plana in quatuor spiras convolvitur, totidem orbis internos indicat. Cæterum albò colore in flavum inclinante tegitur, quem maculæ fere rubræ æquali spatio distributæ condecorant. His quatuor cochleis, quas descripsimus, os inest in parte sinistra collocatum, non in dextera, ut in cæteris.

**403** Cochlea bina ex parte visa, testa valde subtili componitur, at pulchris Zonis fulvis, flavis, subrubris, inter quas tres sunt præcipuæ & majores in girum distinctæ; cæterum subalba intus forisque apparet.

**404** Quæ hoc numero indicatur an cochlea dicenda sit an potius concha, dubium parit ejus forma. In spiras enim brevi circumvolutione glomeratur, at majore sui parte adeo in latum extenditur, ut concham fere planam efformet. Illam ex Achate fabrefactam diceret, nam ejus lapidis faciem præcipue in parte interiori ob levorem & colorem exprimit. In exteriori verò circa centrum minutissimis rugis tota crispatur; carneus color in flavum propendens ejus cutem circumtextit, aliquibus venis subfuscis transversim notatam.

**405** Cochlea ex genere venereo valde nitida & levigata colore livido.

**406** Cochlea, cujus minima pars in helicem inflectitur. Os adeo amplum ostentat, ut animali incluso munimentum deesse videatur. Illam diceret ob exilitatem testæ arboris folium leviter convolutum; levis idcirco est, & nitida, præcipue in parte interiori, cujus facies subalba apparet. Exterior verò lineolis subfulvis & frequentibus signatur.

**407** Cylindrus indicus decem spiris circumductus. Candidus ubique & facies exterior maculis fulvis decoratur, lineolis helvaceis superadictis.

**408** Cylindrus pariter indicus, albedinem lactis æmulans, punctis nigricantibus frequen-

frequenter notatus . Rarus ille est & magno pretio apud curiosos Naturæ Inspectores .

**409** Cochlea umbylicata . Sic dicitur ob speciem umbylici , qui in centro orbium exprimitur . Os Tubæ illam vocavi , seu Tubam retortam . Tubam enim rotundam imitatur , & orbibus fere quinque circumductam , quæ mucronem habet angustum , basim verò oris instar , quod in Tubis videtur . In parte cava sub hoc numero indicata albescit .

**410** Eiusdem Cochleæ pars gibbosa exprimitur . Quæ tophacea est , maculis sanguineis sine ullo ordine aspersa : os autem flavescit .

**411** Cylindrus levis & nitidus , colore rarus . Roseo enim & albo ita depictus a Natura est , ut fere Tabulas simulet , in quibus Regiones Maria & Insulæ à Geographo exprimuntur . hac de causa : Cochleam geographicam aliqui eam vocarunt .

**412** Turbo , quem labrosum dico ab ore valde longo & crassis labris munito . Binos insuper habet dentes , ut post primum orbem , quo constat , tribus aliis adeo brevibus terminatur , ut quartam ejus partem vix omnes simul adæquent . Totus est albus & valde ponderosus .

Hec delibasse sufficiat , dum finem hîc Conchyliorum Descriptioni facimus , non Admirationi . Hæc enim continua debetur miris Naturæ operibus , in quibus etiam minimis Architectonicam artis Tuæ excellentiam depingit . Debetur inquam Naturæ , ut Plinius ait , *lascivienti præsertim , & in magno gaudio fertilitatis tam variè ludenti* . In quingentis , & quinquaginta ferè Cochlearum Iconibus descriptis satis illa comprobabitur , qua luteam massam tantummodò circumvoluendo , ita semper in spiras aptavit , ut eadem licet , diversa tamen in singulis appareat . Quod si pari distinctione abditissimos maris thesauros altis undis consepultos in scenam dare fas esset , tuæ certè miraremur magis , & inopem nos copia faceret , & innumeris ferè admirabilioribus portentis facundia ipsa obruta remaneret .

Illis igitur ex omnibus delibatis , aliorum Narrationes æquè diffusas , & obscuras propter Iconum inopiam elucidandas spero , Icones enim descriptionibus magno adjumento sunt , ut eas perlustrando summi Conditoris manus recognoscamus , ac laudemus , ut fecit Augustinus , oculis subjiciens statuam argillaceam , quam sculptor effingit , intus ligna , paleas , foris membrorum proportionem , & elegantiam , ita concinnando .

*ut nescias , utrum in ea condenda major sit UTILITATIS habita ratio , quam DECORIS .*

Quærendum denique est , an Icones exhibitæ , perfecte corespondeant Cochleis , ut veræ sunt à Natura productæ . Ratio ob quam interrogationem hanc subjicio , ex eo deducta est , quòd posteaquam Tostaceorum Tractatum in publicam lucem exposueram , Incuriæ me damnavit D. Martinus Lister e Regia Societate Anglicana , qui in appendice ad historiam Animalium Angliæ Londini edita an. 1685. tract. 2. qui est de Cochleis marinis dixit aliqua emendanda esse in tabulis æneis ita scribens . *Qui picturas are incidit in eo maxime erravit , quòd omnium Turbinatorum volutas invertit , adeoque quorum apertura in dexteram spectant , sic intelligi debent ac si levam respicerent & contra de aliis , quæ contrarium positum in tabulis servant , existimandum est . Eundem errorem in aliis rerum naturalium Authoribus olim notavit Fabius Columna Aquat. & Terrest. lib. 1. pag. 61. Illius inquit idest Rondeletii pictor ignoravit artem Typographicam , in qua omnia averfa depinguntur , ut impressa deinde recta reddantur , quare omnia illius & aliorum Icones sinistro aspectu sunt cum dextro esse debeant tantùm illic , ut quæ in Gesneri voluminibus exarata sunt , recta conspiciuntur , sed non industria pictoris illius , cum reliquæ non exarata ab impressis sinistra sint depictæ . De Bonanni figuris nuper editis idem dici potest , nam universæ falsæ sunt , nisi quas paucas a me aliisque mutuatus fuerit .* Hactenus Martinus Lister .

Post ejus editionem fassus sum ego in opusculo quod scripsi de Viventibus , quæ in non Viventibus reperiuntur , hunc errorem , irrepsisse , sed voluntarie , illumque iterum fateor . Typographicam enim artem callebam , falsitatem in impressione prævidi , at neglexi non unica ratione ductus . Et primò exemplo aliorum , quorum certe typographicæ artis ignorantia præsumenda non est ; attamen pictoris manum non coegerant , ut in eo situ cochleas delinearet , in quo non averfa apparerent . Profecto cognoverunt pro nihilo habendum esse errorem illum , cujus causa Animalia Turbinata contemplarentur averfa : non enim inspicientes ea dissonantia offendit , quæ maxime lederet , si homines ex. gr. vel Arbores , Pisces , aliaque multa eo modo viderentur depicta , ut ubi caput , flores , & folia videnda essent , ibi pedes & radicès apparerent . Conchyliorum enim venustas , circumvolutiones , & mira partium structura æquali delectatione oculorum usurpantur , quocumque in situ collocentur , nec ulla phantasiæ vis infertur , ut diversum aliquid imaginetur ab eo , quod sensum comprehendit . Fortasse ex eo , quia licet ut plurimum Natura os efformet in parte dextera Turbinatorum , in parte tamen sinistra multorum illud collocat , nec a tali partium dispositione abhor-

abhorret; recusat verò caput efformare vel florem, ubi pes vel radix semper apparet.

In hac tamen Musæi descriptione, ut ostenderem eam correctione non parvi à me fieri, studui talem errorem corrigere, delineando Conchylia in eo situ, in quo vere oculo apparent; At deinde cum in volumine, ab ipso Martino Lister evulgato eundem errorem commissum in multis recognoverim, sicuti etiam in Musæo

Amboinico vulgato a Georgio Everardo Rumphio, Plinio Indico dicto, aliqua, licet pauca, neglexi, & ita delineavi, sicut apparent in prima editione, ne novum laborem, & quidem non levem, susciperem iterum delineando. Itaque meo genio indulsi bene cognitum errorem prosequens, cum ejus correctio æque rationabilis sit, ac supervacanea.

## P A R S T E R T I A .

### *Continens varia Problemata, Menti proposita In Observatione Testaceorum.*



Aristoteles octo supra triginta Sectionibus, Problemata plusquam mille comprehendendo, nihil aliud præstitit, quàm totidem Quæstiones proponere, circa res tam certas apud omnes, quoad esse suum cognititas, quàm incognitas humanis mentibus, & incertas. Quamobrem rationi curam demandavit earum causas perscrutandi. Vis intelligendi in homine, quæ Brutorum phantasiâ longè excellit, non solum immoratur oblectamenta percipiendo ex ipsa rerum cognitione, quæ oculis obversantur; sed rei cognitæ causam inquirit, Neque opinandi libertatem intelligentiæ relinquens, onus illi imponit, intimas rei causas in medium afferendi, quadam quasi Anatome, ipsas rei fibras, & viscera perscrutando.

Jam verò quod per varia rerum genera excurrendo præstitit Aristoteles; Nos uni inhaerendo, Testaceorum contemplationi præstabimus. Neque illorum irrisum timemus, qui apud antiquos irridentes nonnullis minus aptis ad magna Reipublicæ negocia administranda, dixerunt ex vulgato adagio: Omnem rerum agendarum peritiam in eis circa illud versari, ut scirent *Concham dividere*; Quandoquidem earum partes rimari, fabricam examinare, originem, & causas indagare Opus est intelligentiæ associatæ sensui illas perspicienti, sed ita in earum indagine occupatæ, ut sine labore Opus expedire non possit, dum interim sensus facili negotio, aliquas earum in partes discindit. Hinc est quod magnus Testaceorum acervus datus aliquando in conspectum hominum, ingenio, & philosophandi arte peritissimorum, qui per imaginaria spatia volatum soliti fuerant facillimè explicare abstrusis

penè illationibus, illos non semel admiratione ita perstrinxit, ut Orbem novum ingressos dixeris, & Agelastos omnes ex improvisò evasisse credideris, cum eorum consuetæ vocabula magnificis phaleris bracteata, iis rebus aptari nullo pacto potuerint; obtendentes interim ignaviæ suæ assuetum illud velamen, quod salva contemplatricis Philosophiæ majestate, non debeant sese ad tam infima Naturæ demittere; cum tamen Natura in Minimis tota sit. Qui verò veritatis fulgore afflatus perspecta rei alicujus, vel causa, vel origine, existimat se, quicquid admiratione dignum vasto Naturæ sinu complectitur, depræhendisse; eandem ipse catenam meretur, quæ vanissimo illi Xerxi debebatur, qui constructo super Hellepontum Navali Ponte, ut ex Asia in Europam trajiceret, aureos in illum comedes injecit, quasi in tam exiguo streto totum sibi Oceanum subegisset.

Igitur quemadmodum nullus omnino intellectus contemplando intimè res prospicere, ita nec omni responsione indagando potest acquiescere, neque exigui luminis splendor satis est, ut clarè ostendatur Quid, Cui, Quantum, Quomodo, & Quicquid aliud rei cuilibet minimæ, quasi velandæ, & obtegendæ superfunditur. Quamvis tam Illustris in toto Mundi Theatro sit Solis fax, quid ultra in rebus, quàm illarum superficiem ostendit? Occultatis interim earum fodinis, earumque visceribus. Et quamvis hæ, exhumatis quasi terræ visceribus, efferantur in lucem, nil aliud, quàm nova rerum superficies explicatur, quæ rebus intimè latentibus velamen obtendit. Non ergo mirum, si tam exiguum lumen intelligentiæ in disquirendis causis in ipsa interminabili Mentis formatricis abyssu tenebrescat. Nullus unquam veras indagines secre-

secretorum miraculorū Naturæ pœnitus deprehendet , fortunato magis eventu , quàm Niffenus ille ingeniorum Eminentissimus , qui ad hæc Naturæ miracula se caligare fatetur . Hic una cum Basilio Magno Fratre , & Sorore Macrina , doctrina non minus , quàm sanctitate illustri , propositis ad admirandum potiùs , quàm ad discutendum , hujusmodi Quæstionibus , quasi nodis inextricabilibus , pronunciavit : Orat. 3. de Resurrect. *Et hæc quidem omnia admirabilia sunt , sed quo pacto fiant , nobis ignotum est .* Nilominus sicuti temeritatis notam non effugit , qui sibi omnia scire adblanditur , ita indignitatis incurrit , qui sibi de omnibus dubitandum adsciscit : Quamobrem Petrarca , cap. 3. utriusque vitium præstringendo , dixit .

*Vid' Ippia il Vecchiarel , che già fù oso*

*Dir : i so tutto , e poi di nulla certo .*

*Ma d'ogni cosa Archefilao dubioso .*

Hinc est , quod Congruentiam aliquam afferendo in ipsius causæ perscrutatione , cui si Artifex opus suum conformaret , non fortuitò ipsi quasi è manibus opus excideret ; est exiguum quidem , sed tamen veram rei causam afferre : quandoquidem Dei sapientia , nomine Operatricis Naturæ indigitata , ad Normam exactissimæ prudentiæ omne opus examinat , omnes illos fines attentè inspiciens , qui rationem omnem possunt , in ipsum opus refundere . Et cum opera omnia in eum omninò finem collimare dignoscuntur , quem sibi præscriberet Artifex sapientissimus , infertur : Mundum , & creata omnia , non ex Athomis fortuitò combinatis compacta , ut volebat Democritus , sed omnia , & singula unum esse Opus intelligentiæ , ut Anaxagoras enunciauit . Quemadmodum ergò non potero pro merito derideri , ita neque pro æquitate damnari . Si in hac evagatione simul , ac studio , varia Problemata proponendo circa Testacea , non omnia penitus , penitusque explanabo . Mihi fat erit , eas pro ratione causas dare , quæ menti occurrent , alijs melius ponderandas , Aristotelem imitatus , qui divinæ quasi intelligentiæ admirationem sibi conciliat , dum in libris de Animalibus fines investigavit , propter quos membra singula hujus , vel alterius structuræ fuerint à Natura efformata in hoc , vel illo Animali , quamvis ipsius discursus non semper è ratione , & veritate procedat , qua de causa in multis rejicitur à Galeno , præcipuè in opere illo excellentissimè elaborato ad eundem Aristotelis finem , quod inscribitur *de Usu partium* . Imò non minùs celebre nomen obtigit Aristoteli ex libro Problematum , in quo tamen negligens responsiones datas obfirmare , tales solum adnotavit , quales sibi contemplanti occurrerunt , ut eas postea ad lancem accuratiùs exigeret , quod morte

præventus præstare non potuit , quapropter uni eidemque Problemati , non semel proposito , solutiones diversæ contradicunt .

Neque debet unquam sibi aliquis suadere inter ea , quæ , vel menti se objiciunt , vel lingua excidunt tantam consonantiam proportionis intercedere , quanta in Musicis numeris . Consonantiam hanc sibi deposcit studium ad lucernam Cleantis adlaborans in secreto cubiculi sui silentio , non animi Relaxatio juxta Maris littora evagantis . Esset hoc , mentem fatigare , non recreare , factò tantisper à gravioribus curis divortio . Proponendo igitur , & scribendo , Coronas quasi intexam ex floribus collectitiis , quibus pulchritudo major , ex ipsa majori varietate accedit ; totumque earum structuræ artificium in eo situm est , ut negligenter collocati non ex arte intertexti flores appareant , & omne artificium eumentiantur , Erit hoc : Illa ipsa Testacea imitari macularum varietatibus picturata , ut marmora , Africanum antiquum referentia . His inconditè sparsa macularum varietas majorem pulchritudinem adfert , quàm si fuissent illæ ex ordine distributæ : *Tale hoc præsens opus volo* , sicuti de opere suo Vetus ille Scriptor pronunciauit , qui septem libris collecta retulit , quæcumque nullo prorsus ordine enunciata , effunderat Amicorum Turba , quæ ad animum recreandum convenerat , nempe suis in Saturnalibus Macrobius , Præfat. l. i. talesque recensentur Athenæi Cœnæ , & Plutarci Symposia ,

Delectatur animus , nunc loquendo , nunc audiendo ; & de suo promens , & de alieno recitans , quod ab intermistis colloquiis non aberrat ; & quemadmodum in Musicis numeris , inquit Macrobius , *sit concentus ex dissonis* ; ita ex diversis , hinc indè jactis , & exceptis super Quæstione proposita responsis , mira oritur oblectatio , imò propter hoc , responsum aliquod præ omnibus oblectat , non secus ac palato gratior accidit unus præ aliis sapor . Hæc igitur problemata in medium afferre , erit , non vana animum oblectatione afficere , exponendo , quæ ex paucis temporis intervallis , mens potuit negotiosa investigare , & quicquid ei arridet magis , in Quæstione proposita : exhibita sic aliis tacentibus opportunitate loquendi , ea proferendo , quæ in melius excogitata eorum intelligentia depromet .

## PROBLEMA I.

*De Generatione unionum quaritur  
in qua Concha fiat.*

**U**Nio, quamvis à Tertulliano dictus fuerit Maris ejectionum, Vitium non ornamentum Concharum, totius tamen Orbis terrarum amorem vendicat sibi; atque, ut Joannes Rhò in Examerone suo adnotavit: Orat. 3. n. 58. *quantunque col variansi li Secoli, san cangiati in essa i Costumi, non è mancata però della Perla la stima, à tutte le genti comune; imperoche hà non sò qual gratia, che con parole spiegar non si può, e con tacita eloquenza à gl'occhi d'ogn'uno persuade: esser un bellissimo parto della Natura e degno ornamento dell'Autore di essa.* Propter incomparabilem Venustatem eligi meruit, ad Cæli Valvas, pulchritudine sua adumbrandas, quod heroica planè Gratiani Comitibus Musa infimulans, cum de conchis Genetricibus unionum loqueretur ait: Colof. fac. sect. 14.

*Hor voi del Ricco Mar Conche pregiate,  
Che à i tesori del Ciel crescite il Vanto.*

Imò electus unio in Symbolum illius Civitatis, quæ in se colligit quicquid bonitatis, & pulchritudinis potest appetere cor, inexplebilis capacitatis, potest nobis longiorum sermonum argumentum suppeditare. Alienum tamen est ab instituto meo, hic recensere, quam multa multi de Unionibus scripserint, vel per ingeniosa emblemata illorum prærogativas exprimendo, vel virtutes medicas detegendo, vel valorem ponderando, exactis simul ad trutinam, aliis gemmis, quæ Regum Coronis insertæ præfulgent. Contentus ego, ad litus Maris, una cum aliis Testaceis confusè collectis unionem excerpere, dubium illud in examen voco, quod sibi proposuit Ambrosius, à se ipso exquirens: Esam. c. 11. *Undè nam Ostreis pretiosissimam Margaritam Naturam infixerit? Quomodo illam maris aqua in tam molli carne solidaverit?* Et curiosus noscendi responsum, quod ipse noluit indagare contentus admiratione, profundo, devotoque silentio Divinæ Sapientiæ opera venerante; mirabile illud Magisterium inquiram, quo tam venusti partus pulchritudinem effingit Natura. Atque, ut id melius exequar. Notandum est id, quod omnibus pro comperto est, atque id à quo multi discordes abscedunt, dum Originem unionum perquirunt. Unanimi omnes consensione conspirant: illos esse Maris partus, quapropter Isidorus notat Apud Maiol. Coll. 18. à Latinis *Margaritam* dici, hoc est *Maris genitam*. Verùm non omnes concordat in assignanda Concha, à qua producitur. Olaus Magnus Vol. 3.

p. 203. Auctor est in Fretto Orotigano multas Conchas gigni, quibus nomen inditum: *Naccheroni*. Hisque Incolas uti ad terram evoluendam, tanquam instrumentis Agriculturæ; atque in iis Conchis rotundos uniones reperiri, quamvis colore subfusco olivam referente. Hujusmodi Conchæ figura consimiles sunt Pinnis inter Dalmatiæ scopulos propè Corsicam Insulam, & alibi solitis procreari, & fortasse non dissimiles specie; quandoquidem in his etiam Uniones videntur. Propè Roeschildiam in Noruegia nascuntur intra illa Bivalvia Testacea ex duabus Testis sive Conchis composita, quæ Mituli à Latinis dicuntur: quemadmodum etiam in Testaceis unica testa testis Maris Auribus nuncupatis, quod Aurium figuram referant, aptante iis Natura quasi per jocum ingeniosum ornamentum illud, cujus pompam facere in auribus sceminarum luxus consuevit. Verùm, hi similesque uniones, minimo sunt in pretio, cum eas in se dotes non referant, quæ in omnium existimatione, pretiosam reddunt Margaritam.

Dicuntur Margariferæ illæ Conchæ, quæ generant unionem, & quamvis nomen Conchæ Margariferæ iis solum Testaceis accommodetur, quæ ex colore, ut magnus adnotavit Albertus, *aliquid habet de Natura Margarita*; ex his tamen aliquæ tantum sunt Genitrices unionum, non omnes. Colorem habet pulcherrimum Margariferæ Concha illa, quæ *Olearia* dicitur ex antiqua consuetudine, utente iis pro lucerna, & in Indiarum Orientalium Maribus nascitur numero nono Class. 3. descripta. Habet etiam unionis colorem ea Cochlea extima sui parte, nigro, & albo colore vestita num. 29. & 30. expressa. Habent, & aliæ multæ, habet Nautilus speciei secundæ, sed nulla ex his fecunda est Margaritis; qua propter fallitur Paulus Maria Terfagus c. 11. Auctor Septaliani Musæi; cum Nautilum describens ex multis, qui in eo asservabantur: *Vi si mira, inquit, una Perla riuonda, che in atto di uscirsene dalla propria Matrice, ove si generano, curiosamente si raffigura.* Debuisset potius illum, quem unionem dixit, existimare callum, ac tuberculum, ex abundantia humoris genitum in interna superficie Testæ, atque hoc ex eo infertur, præter rationem, quæ se ostendet quando Nautilus describetur ex variis unionum piscatibus in Maribus utriusque Emispherii fieri consuetis, ubi ex oculatis testibus, nunquam in gratiam unionum Incolæ Nautilos expiscantur, imò propè Insulam, quam Iabadium appellant, è Regione prospicientem magnam Bornæi Insulam, vix notum est Unionis nomen; quamvis Mare illud, fecunda sit Nautilorum fodina. Piscatu quidem omnes inhiant cuidam Bivalvium speciei, quam Auctores

res non pauci Ostream appellant , aptato illi generali nomine Ostreorum , per quod totum id nomen accipit, quod intra asperam ex homo testam vivere consuevit; propriè tamen sunt quædam leviores Conchæ , figuram quasi planam, & circularem imitantes , ut videntur num. 1. Classe 2. & à Brasilianis exprimentur proprio nomine illis imposito. *Eriripebas*, quod sonat *Ostreum planum* . à Persis , & à Piscariæ Incolis . *Cberipo* dicuntur , Teste Boetio , & fidem vocabuli mihi astruit ex iis unus , qui apud Iapones Apostolicarum Missionum munus exercent, quo vocabulo distinguuntur Ostreæ ab alia specie non ab simili figura , & colore , sed Uniones nunquam generante , quam *Chanquo* apellant . Atque hoc abundè sit de Matre , Uniones generante . De loco , & quasi solo eorundem natali fatis dictum ubi eorum lineamenta delineavimus .

PROBLEMA II.

*An Materia, ex qua Uniones formantur, sit Ros.*

**P**ER omnium fermè ora decurrit, & multiplici Emblemate expressa cernitur , antiqua opinio , quæ putat , Unionem nihil aliud esse nisi purissima defecati Roris stillam , sereno Cœlo , in Sinu Conchæ Matris exceptam tunc temporis , quando extremam aquam vix lambens, imò super litus egressa neglecto mari vastissimo , sibi potum præbente , ore aperto inhiat , roris guttis sorbendis , quibus pretium facit , cum in Unionem efformat . Hinc in Emblematum stemmate dicitur : Apud Philip. Piccinell. in mund. simb. lib. 6. c. 16. Lib. 9. c. 25. *Cœlestis filia Roris , quemadmodum Conchæ margaritiferae reputantur Rore puro fecunda .*

Contentunt hoc inter Recentiores non pauci , & ante omnes Plinius vulgi opinionem sequutus , de illis scripsit : *Has ubi genitalis anni stimulavit hora , pandentes sese quadam oscitatione impleri roscido conceptu tradunt : gravidas postea eniti , partumque Concharum esse Margaritæ , pro qualitate Roris accepti ; si purus influxerit , candorem conspici, si verò turbidus, & fœtum sordescere , eundem pallere, Cœlo minante , conceptum ex eo quippè constare , Cœlique eis majorem Societatem esse , quàm Maris: inde nubilum trahi colorem , aut pro claritate matutina sarenum , si tempestivè satientur , grandescere , & partus , si fulguret comprimi Conchas, ac pro jejunii modo minui .* Verùm ex tam multis , quæ in Curiosa hac narratione effundit , nihil nobis certi innotesceret , nisi eam ex majore sui parte, mendacio suffultam experientia ostendisset. A veritate primò alienum est: Conchas extimam unquam lambere

Maris superficiem , & è maris egressas in litus consistere. Norunt hoc Piscatores tot maris sinibus sese immergètes, quæ depressius quæ eminentius profundum maris scrutantes , æquali tamen semper vitæ discrimine , undarum flagellis expositæ , anhelitu non eructante in angustias redactæ , voracissimorum piscium insidiis ejectæ , & aquarum frigore penè constrictæ . Norunt ii præcipuè , qui propè Insulam , quam dicunt Taraquil , In Occidentalibus Indiis tranquillo se mari prorsus infundunt , imminente illorum capiti Oceano , usque ad hominis staturam decies exactam , exiguis Sarcinis è collo pendentibus ad eas servandas, funiculis duobus lumbos præcincti totidem saxi pendentibus ad violentiam undarum , immoto corpore retundendam , ne illos loco moveat , dum vehementiore nisu debent incumbere evellendis iis à scopulis , quibus non semel altius infiguntur . ( *Isid. Characen. de reb. Persic. l. 3. c. 2. apud Athenæum.* ) Conchæ Margaritiferae non discriminantur ab Ostreis , aliisque similibus Bivalvibus , quibus Natura , quamvis motum partium indulserit , motum tamen totius corporis progressivum interdixit , ut advertit Scaliger de subtil. exercit. 259. à Cardano dissentiens .

Ex Solino , c. 56. pag. 200. in Musæo Moscardo citato , optimè novi Conchas Margaritiferas turmatim natate , prævio Duce , ut Apes , quo à Piscatoribus capto , reliquæ omnes facili negotio capiuntur . Hoc ipsum ab Æliano traditur dicente : lib. 14. c. 8. *Gregatim natant , & quemadmodum examina Duces , sic hæ Regem habent , tum forma tum pulcritudine præstantem . Summa autem contentione Urinatores certant ad capiendum gregis Ducem ; quòd, eo capto cunctum gregem , Rectore orbatum , non loco se moventem assequuntur .* Verùm qua id ratione potest fulciri , si Conchæ oculis captæ , semper degunt in tenebris ? Tradunt alii propè Insulam Coromandel , ac Taprobanicam annuo duorum mensium piscatu , nempè Aprili , & Majo mensibus , capi Conchas , quo tempore expleto , nullæ ampliùs in eo Maris fundo depræhenduntur , sed in alio plusquam trecentis milliaribus distito , Autumnante Septembri , inde arguentes , ex uno in aliud mare Conchas adnavigare . Fallax omninò argumentum ; nam , fieri posset piscatus , toto eo Maris tractu , insequendo Retium insidiis turmas illas natantes , dum , Regionem illam versus moventur quasi in aciem dispositæ , cum tamen illarum captura omnem eludat industriam . Rursus si centum dierum intercapedine unum ab altero piscatum abrupte , transfretantes Conchæ trecentorum milliariorum iter conficerent , tria singulis diebus assignanda forent milliaria , quæ in passus distributa sex supra

centum viginti horis singulis attribuerunt, quibus absolvendis piger illæ Cochleæ raptus impar omninò est, quamvis neque saxi abrumperetur, neque luto, in Maris imo subsidente, tardaretur. Possent fortasse tam longum iter emetiri natando. Verùm ubi necessaria ad hoc instrumenta? Viventia omnia in hoc Elemento natantia, vel Pennas habent à Natura aptatas ut pisces, vel brachia adrepentia, ut Polipi, vel Cru-ra, ut Crustati, vel corpore toto sunt in longum producta, ut Anguillæ, & Murenæ se contorquentes, & arcuatis partium motibus se sustentantes, simulque iter emetientes. Adnotavit hoc Scaliger cum contradixit Cardano in universum asserenti, Exer. 116. degere in mari viventia motus expertia. *Hac tu eruditione subtilis nomen in mari adeptus esses*, inquit ille, *si Cardane notasses fieri totius corporis motum, ingressu Cancris, reptione Conchis, natatu maximè parti, idque multis modis, Pinnis mugili, pedibus Polypo, curvatione Gammaris, flexu serpentibus, etiam volatu Milvo, quasi volatu Loligini, saltu Pectini*. At Margaritiferae manibus pedibus, & pinnis mutilatæ semper inter sua septa testacea inclusæ, nunquam extra illa membrum nullum extendunt aptum ne quidem levandæ, multominus promovendæ corporis moli, & quæmadmodum in profundo Oceani degunt, ita alveis aqua plenis immersæ nunquam situm variant, cumque solum motum efficiunt, quo ore hiantes possunt, ut alia omnia Bivalvia humorem ad nutrimentum attrahere. Quòd ergò se subtrahant, eo ferè pacto, quo stas temporibus in aliis maribus Ostrea, non exinde fit, quod ad alios sinus se transferant, sed quia, luto, & arena profundius immersæ, inde postea, vel naturali instinctu, & exiguo illo motu, eas provehente paulatim Natura, vel apta maris agitatione, fundum usque maris convolvente, ex illo quasi terræ tumulo humeris subducto emergunt quodammodo rediivivæ. Hoc totum Maris periti diuque in illo versati Urinatores mihi enuciarunt, qui ex observationibus præcedentium tempestatum, ab imo ad summum, mare totum evoluentium, artem didicerunt augurandi, ac divinandi majorem, vel minorem in Piscatu fertilitatem. Absonum igitur est posse Margaritiferas ex mari proflire, vel obrepere in litus, ut oscitantes Ros bibant è Cælo, ex quo prolem illam concipiant, quæ tanto singulis in pretio est, Optavit quidem illas cernere Fabri, quasi subfolantes in Scotiae litoribus Margaritiferas in suo mari abundè ferentibus, sed neque propriis, neque alienis oculis datum est intueri. Et quamvis ego diligenti examine totum excuserim, non unum è Provincia Malabarica venientem, post lustratas

à multis annis Oras Piscariæ, cui à felicissimo Unionum piscatu nomen est inditum, nunquam audiivi visam ab eo Concham in litore seriantem, quæ sitiret rorem veluti Maritum *cujus desiderio hiant*, ut cum Solino cap. 66. in eundem errorem prolapsa loquar. Sed pro ratione meo judicio evidentissima est observatio Boetii de Boot Viri eruditissimi, Gemmar. hist. l. 2. c. 37. & apud Rodolphum secundum in arte Medica peritissimi. Hic cum Uniones non paucos in minuta frustula discidisset, quorum singula multis scoriis, seu membranis tenuissimis compacta erant, altera super alteram, coacervatis, non secus, ac calcidicus Lapis, & Acates, imò, & ipsi interiores Conchæ sinus, quibus geniti Uniones excipiuntur, concludit manifestum esse unionum formationem, haud absimilem à formatione Testarum, & quemadmodum his novum fit incrementum, & nova accretio per novam incrustationem humoris coagulati, antequam novus succedat humor, ita, & Uniones ipsi generatione veluti incoati ex particula humoris incoacti, Conchæ genitrici superfluo, illo tandem dentato, & exiccato, atque altero alteri superinducto augentur. Hinc variæ Unionibus figuræ sphericam non semper explentes quandoquidem novus humor, qui alia superindumenta efformat, aptatur corpori jam compacto, quod si in formam regularem aberret, eandem semper figuram induit Unio dum crescit. Hinc tanta in magnitudine Unioni varietas pro mensura plurium paucarumue tunicarum eum vestientium. Quòd si una Ros gutta ad formandum Unionem concurreret, nec vitali calore Conchæ Matris concoqueretur, & in alimentum minimè transformaretur, ut acutè advertit Rondeletius, eandem semper ferè figuram induerent, & in magnitudinem eandem excrescerent; nempe fluidi humoris gutta semper corpori aptatur ea parte, qua tangitur, altera in globum perfectissimum assurgente; eundem etiam Uniones omnes colorem imbuerent, cum Ros humoribus illum adulterio coloris inficientibus misceri non consueverit, Multis verò humoribus infectæ sunt maris aquæ, quibus aluntur Margaritiferæ, & Unionibus ipsis materia suppeditatur. Inde fit, ut illorum nonnulli majori mole commensurati, & colore aliquo impurati, quæ macularum contagia pretium illis imminuunt, in grande pretium assurgant, si artis peritia, adhibitis pulvere alabastrino spiritibus vitrioli, ac tartari immisto, nonnullis exterioribus tunicis exvantur, & maculis deterfis, corpus reliquum Unionis colore optimo induatur, Atque ex hac vera ratiocinatione oritur varietas colorum in unione, non ex sympatia, quam Plinius censuit intercedere



cedere cum Cœlo tonante, vel nubilo. Occidentales uniones, quia magis referunt colorem lactis, quam argenti, minoris semper habitus sunt, quam Orientales, & minimi, aut nullius pretii illi, qui in aliis Conchis nascuntur, livido, & cinereo colore maculosi, aut ii quos nigrore fuscato vidisse se narrat Gonsalvus de Oviedo Hist. indic. l. 19. c. 8. Et tamen super omnia Maria fulgurat Cœlum, ac tonat, & in omni angulo ipsius extat officina, ubi fulmina excudantur, quæ in universa omnia terra marique degentia jaculentur. Non ergo ex Rore generantur Uniones.

PROBLEMA III.

*An Uniones nascentur ex Concharum Valvis, an in visceribus Ostreorum generentur, & an sit Morbus, an Partusillarum?*

Uniones semper gemmascere ex testis Conchyliorum, quo pacto callum ex multis partibus Animalium protuberat, existimavit Cardanus, eique subscribit Cassendus, cui argumento est: Similitudo substantiæ cum Testis, & quod iis multi simul infixi gemmascunt. En verba ipsius: *Generari Margaritas in testa, non in carne substantiæ primùm similitudo ostendit. Visa est etiam Margarita testæ suæ junctæ, & ob id testæ earum intus inæquales sunt, & paulo infra, de aliis, quas viderat loquens, omnes (inquit) veluti in cinere Castaneæ, ita in Matrice sepulta erant.*

Isidorus Caracenus, ab Athæneo relatus, lib. 3. de Margaritis loquens, quæ in pinnarum Conchis generantur, dixit: *Omnes fœticare sui parte, quæ carni adheret, & propè carnem: Unio genitus in solida Conchæ parte augetur, & alitur, quandiù adnexus fuerit: Cum verò abscissuram gemmam caro subnascens molliter præfectam à Conchæ separaverit, amplecti quidem, & retinere se junctam, verum nihil alere præterea, sed leviolem, nitiditrem, puriolem efficere.* Ita de Margaritiferis sentiunt nonnulli, Uniones, Ostrea lambente, paulatim à Conchæ se jungi; eorumque se partu exonerare, non secus, ac ovis multiplicandæ speciei opportunis. Opiniones omnes nullo quidem sunt fundamento innixæ, quandoquidem neque ex Margaritis oriuntur Conchæ, neque Animal haud ab simile Ostreæ, quam in maribus Italiæ adiacentibus videmus, linguam habet formandæ Margaritæ opportunam, quod si contigeret, nunquam reperirentur perfectæ quasi maturitatis Margaritæ, majores nisi à Conchis resectæ: Et tamen scimus artifices lima, & scalpro non paucos

haud exigui valoris à Conchæ matre rescindere, easque præsertim, quæ ex altera sui parte planæ ex altera convexæ Tympana dicuntur à Plinio, quòd bellici Tympani figuram præseferant.

Relatis mox Auctoribus è regione oppositus fuit Androsthenes, quem sequitur Rondelerius; apud Athenæum lib. 5. nempe in Ostreæ visceribus genitas credidit Margaritas, cum scripsit. *In carne Ostreæ gigni unionem, quemadmodum in suum carne grandinem.* Et ab hac opinione non alienum ostendit se Gregorius Pisidias, quamvis falsò in sua Cosmopæja enunciaverit. Margaritas esse lactis coagulati guttas. Pro validissima ratione videtur mihi esse modus Urinatoribus consuetus, ad eas ex Conchis genitricibus facillè subducendas. Refertur à Mattiolo modus confirmatus mihi ob oculato sæpius teste in litoribus Americanis: *Captæ, inquit ille, Margaritiferæ obruuntur sale in vasis fœtilibus. Namque erosa carne, Uniones, sicut Margaritæ puræ, & expurgatæ, decidunt in ima vasis tunc, quando infusa sæpius aqua Margaritæ semper in ima decidunt, & colliguntur minutissime, ac rotundæ, ut millii grana, & ferro postea absceinduntur illæ, quæ testis infixæ in paucissimis Conchis reperiuntur.*

Oriuntur ergo ex visceribus Ostreæ uniones, neque similitudo cum testis, quam referunt, contrarium probat, nempe, ut videbimus, ad utrorumque formationem eadem Artifex materia, & substantia potest concurrere, quemadmodum in aliis animantibus videmus; ex eadem substantia elaborata ossium quamplurima, & tamen unum ex altero non nascitur, neque immediatè inter sese copulantur. Dum hæc scribo, magistra mihi est experientia ad hanc veritatem fortuitò elucidandam quandoquidem exceptis ab Aniene flumine, propè Urbem Romanam in Tiberim influente, nonnullis Conchis Bivalvibus num. 40. secundæ Classis in 4. parte expositis dum gladioli acumine Ostreæ carnem è testa conabar divellere, animadverti existere in ea duritiem quamdam, diligenterque scrutatus, undè nam illa durities? Inveni sepultum in carne unionem ea parte planam, quæ Conchæ incumberebat, rotundum in altera, argenteoque colore pulcherrimum, omninò simili illi, qui in interna superficie Conchæ se ostentabat.

Neque id manifestat fundamentum cui Cardanus innixus est, videns uniones multos Conchis adhærentes: Nempe, ut plurimum, & quidem magnitudinis cujuscumque, reperiuntur ab iis se juncti, & possunt, ut lapides geniti in multis sinibus Animalium modò liberè vagari intra corpus fluidum, quo sinus illi explentur, modò, fixa veluti statione, in interna sinus conti-

nenti superficie consistere. Videatur Bartolinus, cent. 4. obser. 28. qui eruditione sua ad experientiam magistræ exactam id fusè ostendit. Mihi abundè fat erit insinuasse, ut appareat: Non ex quacumque observatione obfirmandum statim ut infallibile id, quod sola probabilitatis apparentia verum reputabatur, utinam tam facilis esset negotii ostendere; Num unio sit legitima proles Conchæ à Natura semper intenta, an verò concepta fortuitò, ex prava aliqua affectione in Animali quasi ægrotante, non secus, ac in multorum visceribus ex defectu non absimili lapides generantur.

Negavit Plinius docens: Partes intestinorum esse Margaritas; Verùm ex hac doctrina semper, & in omnibus Conchis reperirentur Uniones. Fabri panchimici l. 4. c. 16. in eam sententiam abiit, ut crederet esse quamdam lepræ speciem, Margaritiferas conchas inficientem, videntque eas ex Conchis assurgere, quasi lepræ grana; *Et verè (provinciavit) leprosa sunt, & qui semper has comedunt, & his pro cibo ordinario utuntur, verè leprosi sunt*, addens: haud esse in controversiam vocandum, quandoquidem efformantur excremento quodam, melancholia infecto, ac terreo sale pleno; *quæ sunt verè signa lepræ*. Ad hanc opinionem roborandam liceat Vormii, & Anselmi Boetii rationem in medium afferre: Si partus esset Margaritiferæ Unio, dicit Anselmus, haud equidem generaretur in tam diversis specie Conchis, & omnes Margaritiferæ, emensis stas temporibus illos eniterentur, inquit Vormius; cum autem certò certius sit, nequè in omnibus Conchis, neque post certa tempora emensa reperiri, quemadmodum ex aliis quamplurimis, diverso tempore excerpuntur, consequens est: Uniones esse Morbos Concharum, non Partus. Ita lapis Bezaar, qui ut plurimum generatur in visceribus Caprearum Peruanarum, reperitur etiam in silvestri animali Bovi non absimili, quod Peruani, *Antam* vocant, imò, & in Cervis Orientalibus Indiarum, & in plerisque Animantium generantur lapides Bezaar, & Unionibus similes, neque in una tantùm eorum parte, ut Bezaar, sed in diversis, ita ex Olao Borricchio novimus apud Bartolin. cent. 4. obser. 18. In corde Comitissæ de Lovestain anno 1666. sæculo functæ, scimus inventos fuisse nonnullos, Joannes Georgius Gressellius refert: ex aperta brachii vena in sene quodam plusquam septuagenario, effluxisse simul cum sanguine lapides quatuor, & in extrahendo ex foemina mortua partu reperisse se epati alligatam bursam quamdam durissimam viscoso humore plenam, atque intra illam lapidem nitrosæ substantiæ, sed nullum saporem redolentis, ita in Bovis felle aliorumque Animantium velli-

cis, multi lapides generantur, & quidem instar unionum qui pluribus tunicis ut cepæ sunt compacti.

Iam verò formatur unio ex eo philosophandi modo, quem tenet Vormis in Musæo pag. 109. inter sui Sæculi medicos satis celebris, nempe ex humore illo à Natura destinato ad formationem Testæ ejusque augmentationem, humore inquam terreo, viscoso, separato ab humore altero, magis aqueo, qui viventi pro alimento est, eoque propter facilem ad Coagulum duritiemque propensionem tunc, vel maximè quando humor ille, ab animali morbofo eructari, & expelli non potest, ac in corpore hæret, ac detinetur; quare si ibidem exsiccat, rudimentum, atque initium fit Margaritæ; quæ adjecto sapienter novo humore, eoque exsiccato, cutè subinde nova augetur, ac in Unionem abit, non secus, ac in fellic vesicula, & in urina vesica lapides generantur. quorum materia, quæ per urinam excernitur dum in corpore vesica detinetur, ibidem exsiccat, & in lapidem abit. Hinc apparet: cur variis tunicis induantur non uniones solum, sed etiam Valvæ Testaceæ, quibus includitur, aliique lapides, qui in viventibus generantur. Obdurationes istæ etiam in ipsis corporibus fluidis coalescunt, ut apparet in constructione vitri, ac tartari in vini doliis, concurrente ad illas infirmitate expultricis potentia, & concoctricis; quæ in Margaritiferis, utpotè exanguibus, nullius penè roboris est. Hinc in senibus, si renium calor elanguescat, facilius generantur lapides, si verò intenditur vehementior, humores, qui lapidescerent soluit, quod in omnibus salibus eliquatis accidit, qui si calidi sint non lapidescunt.

#### P R O B L E M A I V.

*Cur Testacea orientur potiùs in Mari, quàm in Lacubus, & in Flumibus.*

**P**AUCA generantur in terra Testacea; paucissima, quæ ex alicujus lacus sinu, vel fluminis alveo colliguntur; Ingens eorum Turba Matrem, & Nutricem agnoscit aquam Maris, quæ sicuti squamosis Exercitibus victuaria supeditat, & innumerabiles Species Crustatorum alit, ita feracissima est cujuscumque generis Gonchyliorum; neque hoc ex eo solum accidit, quòd Elemento illi generativam Virtutem Deus infuderit, ut statutis temporibus Testacea eniteretur, quandoquidem eorum partus etiam edere potuisset in lucem, ubicumque fuisset effusa illa generativa, quam supremus conditor indidit Mari, *cum dixit, & facta sunt*; voluit ille eam vim Mari inserere, ingeniosissima quadam pro-

proportione qualitatum , habitudinis , virtutifque , ut foecundiffimæ forent aquæ , eosque partus , adnitente etiam Natura conciperent , conceptosque alerent , gaudentibus iis in eo finu vivere , & non in alio , qui fuit illis maternus pronubus , & Maritus . Undè fit , ut fi à mari nativo abstracta , in piscinam Aquæ dulcioris transferrantur quantumvis cristallinæ , quantumvis pretiofa qualitate imbutæ ex auri , vel argenti fodinis , paulò post emoriantur . Fatendum igitur est : Conchas inter , ac mare summam proportionem , & qualitatum harmoniam intercedere , nobis tamen ignotam , quemadmodum ex majori parte ignotæ nobis sunt causæ , ac fines rerum , quæ in ampliffimo Theatro Naturæ nostris oculis observantur .

Ad quæfiti elucidationem tres afferri possunt rationes , ex quibus poterit Lector eam sibi discernere , quæ arridebit magis , minusque à veritate recedet , vel suffragio suo omnes singulasve damnare , ut veriozem tandem ipse depromat , atque hunc animi mei sensum in fronte cujuscumque Problematis affixum velim , ad eam scilicet notam evadendam , quæ jure inuritur cuicumque excogitatam aliquam rationem afferenti , quam exiguum lumen limitatæ intelligentiæ detexit , sibi interim suadens quòd per eam ratiocinationem intimas rei fibras fuerit perscrutatus , & à rebus ipsis in quæstionem vocatis , appositum à Natura siparium subduxerit .

Primæ viam aperit Aristotelis Problema inquirentis ; sect. 24. prob. 11. Cur in calidis potius aquis , quàm in frigidis lapides generentur , sibi que inquirenti duplici ratione facit satis , altera deducta ex principiis Empedoclis , quia nempe lapides concrefcunt defectu humoris , & quia hunc absumit calor potius , quam frigus , consequens est , ex calore potius gigni , quàm ex frigore , quare dixit Empedocles ; *Lapides , & saxa ferventium aquarum opera confci* , ut manifestum fit in mineralibus aquis , & calore tepentibus . Altera est ejusdem Aristotelis dicentis : ut crescant lapides , humidum prius calore liquandum esse , mox superveniente frigore coagulandum . Calor igitur , qui in misto , & impurato aquæ Elemento residet , humidum solvit , quod succedente frigore constrictum , abit in lapidem : Quare junctis hisce rationibus evincitur , Lapides gigni à frigore aliquando , aliquando à calore , exsurgente isto , coagulante illo humorem superfluum , ad consistentiam lapidis necessarium .

Iam verò cum Testaceæ ob duritiem testarum , proximò lapides affinitate contingant , ut vidimus , necessarium est in eorum coagulatione , & formatione , par quasi opificium intervenire ; nempe vel calore materiam præparante ad

eorum formationem , videlicet segregata materia , quæ partim abijt in substantiam viventis , partim testam ipsam componit , supremo operi manum frigore postea imponente ; vel vi caloris obdurescere humorem illum ejusdem testæ fabricæ accomodatum , segregato humore ad eam componendam inepto . Quando hoc totum ex adductis principiis illatum veritati consentaneum sit , probandum superest . In mari aquarum calorem intendi magis , quàm in Lacubus Fluviiisque , & in eo residere causam , generationi Testaceorum magis oportunam ,

Hoc duplici ratione revincitur ab ipso Aristotele allata in exposita , & instituta hac super re quæstione , Sect. 24. prob. 7. Calidior est , inquit ille , aquis Fluviorum Maris aqua ; primò quia cum sit densior , majorem concipit calorem , ac servat : secundò , quia pinguior est , ex quo sit minus apta ad flammam restinguendam , ea que propterea Mistis omnibus similis , quæ , quò pinguiora , eò calidiora experimur .

Ex hoc fundamento resilit ratio secunda , cur crescant potius , ac vivant in mari Testacea ; Videmus Animalia singula provido Naturæ instinctu stimolata , pergere quæritatum ea , quæ ad conservationem individui conducunt , & è contra se ab iis avertere , quæ possunt ipsorummet destructionem accersere , sic noxio frigore perstringente , ignem appetimus , calore nos solvente , refrigerium quæritamus ; exanguia sunt Testacea , adeoque frigore summo perstricta , quam ob causam alimentum sibi quærunt , & calorem solventem . Cum ergò humido præcipuè , & calido constet mare , multo magis viventibus alimentum præstare potest , quàm aqua fluvialis , potulenta quidem magis , alimento tamen opportuna minus , minusque apta vitæ servandæ , & generationi faciendæ , nempe nimio frigore vitalem calorem destruyente .

Tertiã ratio est , quia humore ad formationem Testaceorum opportuno abundat mare , quem humorem vidimus nihil aliud esse quàm mistum quoddam , cujus pars aliqua apta sit ad lapidescendum , atque obdurescendum in formatione testarum , pars verò ad abeundum in substantiam viventis , in ipsis testis inclusi , & quamvis non ita obvium sit statuere ; Num vis ista coagulatrix magna ex parte proveniat , vel ex nitro , vel ex sale , vel ex particulis lapidosis , cum humido Elementi mistis ; pro comperto tamen est , etiam judice , ac teste Experientia , his omnibus Mare affluere , non verò Flumina . Atque ex hac animadversione originem fortè traxit Problem. 1 , quo Aristoteles indagavit , cur arenis lapillisque abundet Mare magis , quam Lacus ? Rationem affert , quia mare ventis agitaturn continuò illo motu inquietum ingentia taxa in se sepulta corrodit ,

rodit, quæ si non semper in frustra comminuit, lambendo tamen singula, aliquam ex iis particulam quotidie sibi decerpit, quamobrem ex iis plurimæ subsidunt in litore, aliæ minores, aquam semper inficientes, humorem lapidificum reddunt, fatis aptum generationi plurimorum, lapidosam substantiam induentium.

P R O B L E M A V.

*Cur nascantur in Mari potius, quam, in Terra.*

**O**strea, quæ ex Terra genita, in ea degunt, vel speciem non variant, cum notabili solum diversitate accidentium impressa appareant, vel si in plures species dividuntur, hæ singulares omninò sunt? omnesque nomine Conchleæ comprehenduntur, una vel altera excepta Turbinum Generi subordinata. Reliquæ, quarum solas testas videmus Ostreis vacuas, vel in ea non generantur, ut opinantur non pauci cap. 7. primæ partis relati; vel si originem trahunt ex terra, numero sunt longè impares multitudini sub undis maris degenti, & habitanti. Sentendum igitur est præcipua quadem ratione in mari potius, quàm in terra generari. Apparebit hoc si tertia ratio Problematis antecedentis in memoriam revocabitur, & examinata utriusque Elementi diversitate perspicuum fiet in terra, nempè Elemento ex se adusto, non dari humidum in ea mensura, quæ sit Ostrearum generationi accommodata.

Secunda ratio inferri potest ex pulcherrima consonantia in rebus omnibus ex oppositis partibus resultante, & quemadmodum ad impertendum suis operibus pulchritudinem, Pictura non solum perspicuis coloribus talem illustrat, sed umbris etiam inficit, & obscurat, & Statuaria non omnia membra æqualiter prominentia effingit, nec depressa æqualiter, sic enim planam potius tabulam raserent, quàm simulacrum artificis idea conceptum, ita in hoc Mundi theatro, si ubique flos omnis vernaret, autumnaret omnis fructus, omnis vivens erumperet, omnia ubique inculto horrore sylvescerent, atque, ut melius dicam, informe Chaos omnia confunderet. Voluit supremus Artifex Chaos mundo congenitum è mundo excludere, Lucem propterea divisit à Tenebris, Aquas à Terra, germinantibus hinc inde, partito quodam ordine, terræ partibus, ex quo admirabilis illa pulchritudinis consonantia resileret, quæ non nisi à mente res omnes capaci sinu complectente potuerit excogitari.

Hac obiter insinuata sint in gratiam Aristotelis harmoniam quamdam, & consonantiam obser-

vantis, inter genera Testaceorum, atque Plantarum, nempè quemadmodum istæ se habent ad terram, ita Testacea, inquit lib. 3. de Anim. c. 11. se habent ad humorem: quasi planta Ostrea terrena, Ostrea Planta Aquatiles sint. Ut ergò ex plantis vix aliquæ generantur in mari comparatione inita, inter infinitas prope modum germinantes in terra, ita ex Testaceis vix aliqua debuerant gigni in terra, omnia verò in mari.

P R O B L E M A V I.

*Cur multa nascantur in terra, nunquam verò in Metallis.*

**D**ubium hoc promovet Auctor Musæi, ex nobili genere Calceolariorum, pag. 406. curatque dubium responsione hac enodare. Elementum aquæ, inquit ille, videtur ex æquo cum terra contendere, generando Animata quamplurima similia Terrestribus, tantaque operis elegantia, & felicitate, ut aliquando, hominis lineamenta effingat; atque ut est apud Belloonium, unum semel edidit, Monacho haud absimile. Quamobrem Terra ingeniosa, quadam concertatione provocata, debuit formas tam varias, & aquarum viventia repræsentare, quæ tamen longè minorem imbibunt perfectionem, quàm maris viventia, utpote minus apta minusque fecunda, terræ materie compacta, cum adverso feracissimum mare, grandioris molis Animalia producat, ut Plinius advertit. Iam verò in Metallis, Auctor sic prosequitur, terra operari non potest, quia in illorum constructione dominatur aqua, non terra, qua de causa eorum coagulatio habetur ex frigore, ac propterea contrario calore solvuntur, ut docuit Aristoteles. Hinc est non posse in Metallis Ostrea generari.

Responsione hac, in medium producta, Problema ille dissolvit, cui si deberem è regione me opponere, illud solum adverterem; Testacea vi rationis exhibitæ, in Metallis potius quàm in Terra generari potuisse; nempè, dominante in iis aquæ Elemento, imbibitur magis in illis materia, ex qua compinguntur Testacea. Verùm Lectori relinquo ut dispiciat singulare certamen rationum hujusmodi, atque interim illud unum advertam: Elementa dici à Philosophis, & esse necessarias causas, nulla alia prævia consultatione, ratiocinatione, atque intuitu in operum suorum molimen, & fabricam defundantes, nisi ea, qua ab Auctore Naturæ, in iis operante, diriguntur in opus, effundente se ipsam formatrice virtute, indita Elementis, quancumque apposito impedimento non removeatur; quamobrem cum in uno loco non contingit generatio, quæ

quæ in alio se prodit , imputandum hoc est deficiente , vel difpofitioni , vel neceffariæ vIruti ; Ita prorfus in formatione Metallorum , quamvis adelfet humidum fufficiens generationi Oſtrea- rum , cum adfit exceffus frigoris coagulationem Metallorum efficientis , abeft temperies ad illo- rum formationem neceffaria . Atque hoc abun- dè ad refponfionem Quæſiti ,

P R O B L E M A VII.

*Cur in Orientalis , vel Australis Indiarum  
maribus generentur in majore  
copia , & coloribus magis  
Picturata ?*

**Q**UAMVIS ex Mari originem trahant Testa- cea , non tamen , ut Horatius lib.2. ſat.4. loquitur . Omne mare eſt generoſe fer- tile Teſtæ , quemadmodum non omnis ubique Terra vernat in floribus , neque autumnat in fructibus .

*Non omnis fert omnia Tellus*

*Hic ſegetes , illic veniunt felicius Uvæ .*

Vix aliqua gignuntur in nonnullis ſinibus Me- diterranei , alluentis Italiam , in Adriatico quam- plura , quamplurima variaque in Tarentino ſinu excipiuntur , & longè diverſas induunt formas colores , & magnitudinem in Rubro mari , inter Inſulas Philippinas , & in aliis Orientalibus plagis , in Americanis novi Regni litoribus , in Bra- ſiliæ Oceano , & in eo mari , quod propè Lyciam Cochliuſam interſecat , Inſulam , quæ à magna copia Conchiliorum nomen ſortita eſt , ut Re- giones nonnullæ gemmis metalliſque ſunt aliis foecundiores .

Copioſæ hujus generationis Conchyliorum Solem nonnulli faciunt Auctorem , quandoqui- dem , ut jurè merito à Sapientibus famoſæ Hie- rapolis exprimebatur Solis ſimulacrum multis brachiis , manibusque exporrectis , quaſi omnia complectens , utpotè , qui omnium generatio- num pronubus eſt , & Maritus , ita in Orientis maribus vim illius exiſtimarunt magis activam , nempè ex viciniore Solis radio citius incalcſcen- tibus ; verùm falſitatis notatur hæc ratio , nulla enim ora dici poteſt Orientalis , niſi ad alteram comparata , unde eadem Regio alteri compara- ta eſt Orientalis , Occidentalis verò reſpectu alterius . Sic Hiſpaniæ Orientalis Italia eſt , Græ- ciæ verò Occidentalis , Græciæ Orientalis eſt Perſis , Indiarum autem regioni Occidentalis , itaque Regionem aliquam eſſe Orientalem , vel Occidentalem nihil eſt aliud , quàm mera rela- tio , variabilis pro varietate terminorum , ad quos refertur , ac propterea feracitas illa Teſtaceorum

provenire non poteſt ex ſitu maris Orientem , vel Occidentem reſpicientis .

Sed nequè ex Sole ; viciniore radio efficacius operante , namque Sol eadem propinquitate om- nes Maris partes reſpicit ſub eodem latitudinis gradu collocatas , & tamen non in omnibus oriun- tur Teſtacea , & a veritate abſonum eſt Orienta- lem Indiam citius Sole illuſtrari , quàm Occiden- talem , quandoquidem Sole , rotum Terræ glo- bum circumeunte , dici non poteſt ex illius radio incalcſcere prius unam partem , quàm alteram , niſi comparatione inita cum partibus calcfactis . Sol in eadem latitudine eadem efficacitate domi- natur omnibus Terræ partibus in latitudine ea- dem jacentibus . Quamobrem ex hoc capite non poteſt Sol tribuere aliquid vni potiùs parti , quàm alteri .

Alii altiori indagine cauſas perſcrutati , in me- dium afferunt fixas ſtellas in ipſo Zenith quaſi capiti imminentes . Verùm ſi hoc ſtellæ præſta- rent , diurna illis vertigine ſe rotantibus confi- milis generatio fieret in toto illo Climate , cui im- minent , quod tamen contingere non videmus , imò accidit mihi in Adriatico litore obſervaffe ex aliqua parte ad lapidis jaçtum quaſi fodinam exurgere feraciſſimam Conchyliorum , eandem ſpeciem referentium , exindeque etiam poſt emenſa milliaria eidem aſpectui Solis objecta , ne unum quidem inveniri , niſi furto fortè ſublatum , ex aliquo maris ſinu , & in litore à tempeſtate evomitum .

Dicendum igitur ſuper eſt : Terræ , quam alluit Mare ubi ea generantur inditam imbibitamque eſſe diſpoſitionem ad illorum generationem op- portunam . Hæc in eo præcipuè ſita eſt , quòd materiam formatricem , & nutritioni accomo- dam gerat , quam ſupra inſinuavimus ratiocina- tione probabili eſſe ſuccum quemdam , humido miſtum , ac terreo , attemperante ſale , & nitro . Cum ergo Indiarum Oceanus illarumque præci- puè , quas vulgò Orientales , & Australes dici- mus ſale nitroque longè copioſiore inficiatur , quid mirum ſi ditior Teſtaceorum , atque fera- cior aliis Sinibus deprehendatur ? Cur mare autem illud falſedine magis abundet , ac nitro , perquirat in ſuis Problematibus ſect.23. probl.25 Ariſtoteles , reſpondetque , quia cum vaſtiſſimus ille aquarum tractus Australibus ventis omnium maximè concitetur , admifcetur magis terræ par- ticulis aduſtis , & ſalnitroſis , ac proindè falſus magis efficitur magiſque aptior , ut nos dicimus , ad Oſtreaorum generationem .

Eadem de cauſa generantur ibi Teſtacea va- rietate majori coloribus picturata , nempè iis in maribus admifcentur magis , tum ſales , tum mi- neralia diverſa paulatim abraſa in terræ viſceri- bus tanta illa undarum agitatione commotis ; tum

etiam

etiam exhalationes, iisdem qualitatibus obnoxia, ac proinde in iis Regionibus magis maculosa marmora infecta coloribus consimilibus, quibus multæ Ostreorum testæ videntur adpersæ. Ita in litoribus Drepanitanis, ubi candidissimum marmor è nativa vena exciditur, & arenæ ipsæ Alabastrum candorem induunt, oriuntur candidissima Testacea num. 71. Classis secundæ adumbrata. Propè Siracusas extrahuntur è mari minora illa Testacea num. 36. Clas. 3. delineata variis conspersa maculis, ut in Jaspide, qui in illius terræ visceribus generatur.

Adde: frigidissimi temperamenti Testacea amare aquas calidiores pinguioreque, ut melius nutriantur. In maribus autem tum Indicis, tum Meridionalibus, quæ plerumque sunt membra sinusque Oceani, minori dulcore à fluviis conditi, qui in ea aquarum immensitate, non simul cum aquis deperdunt, densiores sunt aquæ, adeoque nutritivæ magis magisque calidæ.

#### PROBLEMA VIII.

*Cur aliqua Testacea super Lingna facilius nascantur; quam supra Lapides?*

**I**nter species quamplurimas Testaceorum, locis affixas, undè oriuntur, numerandi sunt Tubuli vermiculares, quibus referti visuntur, non lapides tantum, ac lingna, sed multæ etiam Ostrearum testæ scoriaque Crustatorum, oriuntur Ostrearum species, subtilioribus valvis inclusæ, & mole minores, quàm quæ consueto vocabulo Ostrea appellatur: Sunt, & musculi, & alia huiusmodi, quæ ut plurimum sunt Bivalvia, Univalvia autem iis adnascuntur nunquam sunt turbinata, exceptis Tubulis iam indicatis, qui tamen in girum consueverunt se sine lege contorquere, designata nunquam exactè spirali linea, quæ, spiris à basi ad mucronem cum proportione decrescentibus, se in seipsam retorquet. Quid autem in causa sit, quòd Turbinata Testacea non sint loco affixa, ut multa Bivalvia, sed liberè vagantia alterius fortasse loci erit in examen vocare. Satis hinc sit indagare: cur nonnulla, præcipuè Musculi, libentius ut plurimum super lignum excrescant? Quamobrem in Tarentino mari piscantes in magna copia convehunt, palis ab iisdem infixis enascentes, ut cap. 4. dictum est.

Nonnulli existimant: e Cœlo pluisse hæc animantia; Rore quasi obstetrice, qui in ea solum aeris parte virtutem eorum formatricem infundat. Verum quia nunquam potuit mihi ratio vincens innotescere, propterea nunquam potui in hanc sententiam abire, ut reputem ex universali causa effectum hunc provenire. Si Testacea

vivunt in aqua maris, & ibi crescunt, ergò sunt Partus maris, cum indubitatum omnibus principium ferat. Ex his quibus aliquid constat, ex his inquam, nutriri, & quemadmodum per totum mare diffusa, vagatur Virtus formativa Testaceorum, ita opinandum est: Vim horum generativam eidem mari congenitam; quapropter hoc præmissis, ulterius ratiocinatione sic pergo: Et quia naturalis Philosophia debet manum cum natura conferere, adverto: Antiquum esse in Natura, ex liquore aliquo, nonnullas particulas posse fecerni quæ concresecunt, quando in vase ligneo continetur, non verò ex alia materia confato. Saccarum candidum cum liquefcit, nunquam gemmascit circa vas vitreum, cum tamen facile concresecat in ligneo. In Calentibus aquis celebris Balnei Aponitani, propè Patavium, exceptis ligneo canali, illas ad molendinum deferente, cernuntur lapides crescere circumquaque, humore illo lapidifico geniti, quem secum evehunt, atque illuc convehunt, non tamen cernuntur unquam excrescere circa lapides collis, qui eisdem aquis medefit. Neque hoc alundè meo iudicio petendum est, nisi ex eo, quod cum lignum multis poris sit pervium, aptis ad humorem excipiendum, qui in iis subsistens concresecere incipit hisque, partibus sic concretis, alius humor superinduitur, qui ob ingenitam homogenitatem facile adhæret, & per additionem partis ad partem illud corpus effingitur, quamvis fluido, & excurrenti inclusum, & quoniam in vitro, ac lapidibus non reperiuntur ea pororum receptacula, apta ad humorem sistendum, huiusmodi effectus non gignitur, qui tamen contingeret si lapides essent poris pervii, quemadmodum cernuntur excrescere in mari Tartarum, & Musculus lapidosus, aliaque Alcyonia non super siliices, lapillosque maximè expoliatos, sed super petras valde scabras, & cavernosas.

Qua propter videor mihi posse affirmare ad formationem musculorum, aliorumque similium cum necessarius sit humor ille subsidens in mari dispersus, subsidere illum facile intra poros ligni, quibus retentus, aliisque qualitatibus fermentatus partem illum efformat, eo sanè pacto, quo intra cavernosas aliquorum lapidum cavitates generantur, ubi non sine animi oblectamento, iis apertis, potui aliquos depræhendere, obtutum penè omnem effugientes.

PROBLEMA IX.

*Cur ita Testæ obdurescant , cum ex molli  
aqua generentur ?*

**I**N productionibus causarum , quæ dicuntur univocæ intercedere semper dignoscitur magna inter illas , & effectus , ex iis emanantes , similitudo . Et monstra dicuntur illa , quæ ex potissima sui parte cum Genitrice causa non consonant : *Fortes creantur fortibus , nec imbelles progenerant Aquila columbas* , inquit Horatius : At in aliis causis non univocis , quanta alteram ab altera discriminat dissimilitudo ! Quid unquam majorem induere pulchritudinem potest , quam flos ? Hic tamen ex rudi , & informi terra matrem excluditur . Ex truncis , non secus , ac ossa ipsa abdurescentibus , enascuntur tenerrima folia , ex asperimis spinetis Rosa tam suavi odore prædita : atque ex sterquilinio alimentum attrahens Cedrus , mira suavitate torpentes spiritus excitante , & recreante , florem gignit , & fructum . Hujusmodi sunt Testacea , in liquido genita Elemento , sed ita valvis , ac testis lapidescentibus , ut videantur intra silicis viscera omninò concepta ; & quidem in illo aqua , quæ exiguo temporis intervallo , ob inditam sibi vim tam acrem , non solum putridas reddit ingentium navium trabes , antennaque , sed Calybes , & æra comminuit , obdurescit adeò domus Testaceorum , ut Calybem ipsum duritiæ aliquando superet , si magisterio Naturæ addere quis velit artis ornamentum .

Existimarunt nonnulli , Testaceorum corticem in mari tenerescere quemadmodum de Ovis , inquit Plinius , mollia esse in utero sed aeri exposita , obdurescere , *calore externo evaporante humorem* , atque hoc cautum fuisse à Natura , ne matrem enitentē dolore torquerent . Experientia tamen hoc esse falsum ostendit , sicut falsum est Valvas Testaceorum molles esse sub aquis . Equidem non negarem educta ex aquis , & multo magis ab Animali sejuncta , duritiem aliquanto majorem induere , non secus , ac duriora sunt viventis cujuscumque ossa , cum sit ex vivente cadaver , quàm cum vivit ; scilicet ossa in viventi composita quamdiu debitum sibi augmentum non expleverint per apertos poros , ut observavit Boyles , humore illo nutritivo imbuuntur , qui quamvis ingressu fluidus , nativo tamen temperamento disponitur ad abeundum in substantiam ossis magis , vel minus solidi , pro varietate debita partibus organicis ejusdem compositi , vel quia in humiditate carnis ossa vestientis , sepulta , nequeunt extrinseco calore penitus exsiccari , ut fit cum

omni carne nudantur . Atque hoc verum esse satis ostendit experimentum ossis recenter nudati , & in ferventi aqua per aliquod spatium subsidentis , aqua enim postquam ebulliverit aliquantum condensatur in gelu , extracto videlicet humore illo quo referti erant ossis pori à vi penetrativa caloris in aqua effervescentis , qui humorem illum raritate distenderat . Duritiem hanc contrahunt multi lapides , qui in terræ visceribus tenerescunt , etiam ad securis ictum facile scinduntur in partes , Cælo autem aperto expositi , adeò obdurescunt ut omne temporis tormentum facile perferant , quamvis aliam ob causam ; cum hoc provenire possit ex temperie aliqua aeris superinducta lapidibus , ut ferro molli , atque candenti communicat aqua .

Iam verò si Testaceorum crustæ , ut pro comperto est , ab ipsa prima formatione ingenitam habet duritiem sub aquis , existimavit Scaliger Contra Card. exer. 222. præclarum fuisse hoc inventum Naturæ , *quia parandum eis fuerat munimentum* , atque hoc dicto ingerit nostris mentibus infinitæ Providentiæ opus fuisse , exanguibus exossibus , & inermibus Testaceis contra Piscium voracitatem domum construere , in qua abderent sese , tam valido temperamento obfirmata , ut omnem dentis acutissimi morsum eluderent . ac deglutientis famem indigesto cibo non pascerent . Quamobrem animadversione dignum est ; duriora esse illa , quæ in fundo maris nascuntur , vel infixæ sunt scopulis , quàm quæ sub arenis concipiuntur , utpotè minus exposita cæterorum animantium incursionibus .

Leges autem Naturæ duritiem hujusmodi præscribentes eadem sunt , quæ aliis corporibus eam impertiunt . Ex admistione perfecta , & coagulatione partium solidum corpus componentium , resultat durities , tunc contingit coagulatione , inquit , Geber lib. 1. c. 57. cum fit , *Rei liquorosa ad solidam substantiam per humiditatis privationem reductio* : atque hæc , duobus modis , nempe , vel calore humidum perfectè exiccante , eo tantum relicto , quod partibus inter se compingendis aptum sic , ut evenit in Porcellanis , aliisque fistilibus , in Avellanis , in Cocho , ac ac similibus exsiccationibus , quas efficit Natura , vel frigore humidum condensante , adstrictis viscosis partibus , ut evenit in Metallis , & gummis , cum sudantes è cortice minori calore comprimuntur , vel humidum separante , superfluo humore penitus expresso , ut evenit in creta humida , quæ frigore obdurescit , superinducto ipsi non semel velo humoris cujusdam gelu constricti , & extra partes terreas , & consistentes expressi . Dixi gelu constricti , quandoquidem aqua cum non possit humiditate omnimoda

da spoliari, potest quidem gelu concrefcere, non tamen propriè coagulari. Eodem ferè pacto potest contingere durities in Testaceis, scilicet inita tali fejunctiõne ab illo fucco, quem fecerit Natura ob eorum formationem, atque augmentum, ut Ostreum humidum fibi neccffarium attrahat, abjectis partibus magis terreis ad Testam elaborandam, ita ut, vel magis magisque calore concocto, vel extrinfeco Elementi frigore condensato, opere magis absoluto perficiatur durities, quamvis inter aquas possit omninò consistere, quo pacto plurimi lapides consistunt, & obdurescunt in aquis.

Exiccationi hujusmodi addi potest: Ostrea ipsa paulatim sibi ipsis duritiem illam compingere, concoquendo non tam innato calore satis exanguis, quàm virtute quadam humiditatem superfluum, attrahente, opportunam tamen suæ nutritioni, ex qua separatione testæ obdurescunt magis; atque hoc opus tunc fortè effingitur quando intra illa sæpimenta Animalia per menses plures conclusa vivunt non alio humore, quam *Succo suo*, suumque dici potest id quod totis visceribus Animal imbibit, quodque Testæ suæ communicavit in ea tamdiu depositum, quamdiu illud sibi resumere cogeretur. Ad quam rationem roborandam, accomodata satis videtur mihi Historia, & ejusdem ratio, quam affert inter Chemicos celebri Fabri Palladii sparg. c. 47.

Refert hic, nonnullas aquas, vix à fonte distractas coagulari in lapidem, aliquanto Diaphanum, & quasi alabastrinum; & ratio est, inquit ipse; quia his admiscuntur plures spiritus salis apti solvendis iis partibus, quæ ad coagulum sunt per se ipsas dispositæ, quibus nativo è fonte abreptis, iidem spiritus evaporantes facillè evanescent, neque aliis subministrantur, ut evenit in fonte, in quo perenne est illorum effluviu. Hinc oritur perfecta aquarum concretio in lapidem. Igitur si in mari ex illa portione alimenti inservientis coagulo Testæ sejungatur Ostrea humor ille salinus, magis obdurescere facillè poterit reliquus humor Heterogeneus, Testæque consistentiam acquirere. Atque hoc extra controversiam videor mihi posse de iis Testaceis enunciare, quibus foliosæ sunt Testæ pluribus tunicis convestitæ; quarum altera tractu temporis alteri superinduitur, ut exactè animadvertit Dominus Steno In Prod. de solido intra solid. atque ita pluribus quasi mœnibus obvallatum, & obfirmatum crescit animatum illud Testaceorum munimentum, quod in aliquibus mole minoribus, adeoque recenter genitis Microscopio exploratore didici, esse paucioribus sepimentis contextum, in majoribus verò aliis ex pluribus tunicis corticosum, imò inter mini-

ma vix embrionem egressa observavi nonnullatum materiæ tenuitate, tum humiditatis excessu transparentia, quasi omninò tenera, & humori mucoso simillima, quo veluti velo ex omni parte distento viventia operiuntur, & quo causa, construitur tam benè in interiori sui parte, toti eorum corpori accomodata.

Advertendum etiam est, inditam esse salis virtutem impediendi perfectam concretionem, ut apparet in experientia celebri, cujus meminit Regnerus, de Graaf. de succo Pancreatico c. 8. ubi sæpissimè inquit, *salem volatilem cum sanguine permiscuimus, qui propterea fluvidus remansit, quod à nullis rebus ipsi permiscendis, certius quàm à salibus volatilibus expectaveris.* Atque in hac suppositione iis, quæ superius indicavimus, addi potest, facta salis separatione ab humore in testam abituro, & minorem semper consistentiam induturo, potest humor hujusmodi consistentiam lapidis sibi acquirere, dummodo mistus sit particulis acidis aptis ad eam compingendum, sejunctis partibus spiritosis, falsisque, per quas in fluviditate persistunt. Quandoquidem, ut docet David Becheus exper. circa nat. princ. *cuncta acida rodunt, & coagulant, coagulando verò, & ipsa coagulantur.* Quod manifestè se prodit in multorum liquorum concretionibus, facillius obtentis, si iis misceatur acetum. Atque hæc sunt solida coagula, de quibus Villis de ferment. c. 12. docuit fieri concretionem *cum corpuscula salina in subjecto quoquam late dispersa congregari, & invicem conjungi incipiunt; Indeque, aut sibimetipsis, aut cum terra unita ex fluida, & molli substantia duram, & compactam producunt,* adferente secum ea corpuscula materia, in coagulum concrefcente. Totum hoc evidenter observavit idem Villis in stamine bombycis, quod vix ore egressum ita obdurescit, ut nullo neque humido, neque calido, neque sicco, possit emolliri, quod tamen intra ipsa viscera glomeratum, massam humidam referebat, nulla sui parte consistentem.

#### P R O B L E M A X.

*Cur vivant Plurima immobiliter, saxi infixa?*

**Q**Uæcumque Animalia, in tribus Elementis, Aeris, Terræ, & Aquæ degentia, possunt pro arbitratu singula Elementa percurrere, & de prato in pratum, de sylvâ in sylvam, de Climate in aliud, de uno maris Sinu in alium commigrare. Regionem variant Hirundines, & Coturnices. Ex Scythia Grues in Ægyptum convolant, atque ex gelido Thraciæ Strimone Pellicani in Danubium feruntur. Ita ab Euxi-



Euxino Thygni in Mediterraneum tepentius enavigant, nequè ullum est animal, quod in libertate natura non posuerit solique abdomini natum; cum omnibus dictum illud possit aptari.

*Nos numerus, & fruges consumere Nati.*

Possunt enim ventri indulgere, quo magis voluptas allicit, aut Soli ubertas, aut temperies Aeris invitat. In solo mari Viventia reperiuntur, Vitæ sensitivæ non expertia, stasis locis infixæ, ut notavit Aristoteles, lib. 1. Anim. c. 12. atque hujusmodi est non una species Testaceorum, quæ infelicia videntur, ut fabulosus ille Prometheus, quia indicta ipsis à Natura, quasi catena, sunt scopulis alligata. Discrepant à Turbinatis, quæ utpotè libertate donata, quæcumque versantur intra suas Testas, & Testæ ipsæ nulli sunt loco affixæ; quia sunt ipsis Testis, unita, quemadmodum Testæ ipsæ arctissima unione, earum substantiam continuante, sunt scopulis affixa, qua de causa argumentum præbent Ovidio, de generatione Animalium post aquas diluvii afferenti (fabuloso commento ex falsa Epicuri doctrina deprompto) homines quoque ex Terra genitos, nempe Rustici dum sulcis aratrum infodiunt: ut ipse cecinit 1. Metam. *Versis Animalia glebis.*

*Inveniunt, & in his quadam modo capta per ipsum*

*Nascendi spatium, quadam imperfecta suisque Trunca vident humeris, & eodem Corpore sapè Altera pars vivit, rudis est pars altera Tellus.*

Illam proindè proportionem referunt, quam Aristoteles adnotavit inesse iis, & plantis, quæ sunt semper in motu augmentationis, & sinè motu progressionis genitalibus locis infixæ. Irrogabitur fortasse crudelitatis nota Naturæ? quasi verò perpetuò illa vinculo obstringens, ad mendicitatem damnaverit, ex eo tantum victitantia, quod iis casus offert; & ad sustinendos fluctuum sævientium ictus, negato iis cavernoso aliquo recessu in scopulis, quo se recipiant. Haud equidem; Nulli enim Noverca Natura, sed Mater, nullos foetus suos ad omnem omninò miseriam prostituit, & providentiæ argumentum est quod speciem præfert crudelitatis, quandoquidem quæcumque in mari degunt, scopulis infixæ possunt se intra sua septa recipere, vel in circulus turbiuata, ut vermiculares Tubi, numero vigesimo expressi, vel in geminas valvas complanata, in quibus tanquam in tecto, & cubili tranquilla statione quiescunt.

Cum autem eo solum humori nutriri debeant, ex quo generantur, attrahentia illum præcipuè per poros corporis, promptè illum exugunt, quoties innatus appetitus ad illum attrahendum excitat phantasiam, quamobrem potius Natura

præ cæteris consuluit, dum in expedito semper iis voluit humorem ad extinguendam sitim unice factum, & possunt cum felici illo Pastore, apud tass. cont. 67. stan. 10. jam in ævum invento, post maculas à paupertate deterfas, quas illi immeritò inurunt nonnulli, canere.

*Spegno la sete mia nell'onda chiara*

*Che non tem'io, che di Venen, s'asperga.*

Et cum eodem.

*E questa gregia, e l'Orticel dispensa*

*Cibi non compri alla mia parca Mensa.*

Ita Maris undæ Testaceis convivium instruunt apparatusissimum ex iis, quæ appetunt sinè tormento sollicitudinis de cibo cogitantis, & sinè labore mensam insternendi. In hoc pari forte felicia cum iis pauperibus, de quibus Seneca Epist. 80. *Nulla sollicitudo in alto illius est*, quandoquidem contenti explere non Cupiditatem, sed Naturam, cui satis est etiam parum, quemadmodum illi, *nihil satis est.*

Cum autem scopulis affiguntur ex hoc ipso componunt Mundi pulchritudinem, in tam vasto Naturæ Theatro, ubi in tanta varietate corporum viventium, sensu carentium, & mobilium sicut nonnulla sunt vivacissima, quorum quies est, nunquam quiescere, ita hæc ordinem constituunt, cujus vita est: sentire quidem, sed non loco moveri natali solo infixæ: quod fiderum Cælo affixorum prerogativa est, nempe his in ordine suo sempre manentibus, illis nunquam variantibus situm. atque ita rebus singulis in ordinem recurrentibus, & ad nutum formatricis Ideæ sese invicem attemperantibus choræam illam ducunt, & mundi harmoniam intexunt ex diversis, & adversis sonis consurgentem, cum tota hujus *Mundi CONCORDIA ex DISCORDI-BUS constat.* Marc. victor præf. in Genes.

P R O B L E M A X I.

*Cur nonnulla sint certo ordine striata aliis non striatis.*

Quàm faciliè est hoc Problema exponere, tam arduum est illud vera ratione humana intelligentia fulcire, nunquam occultas eorum, quæ obvia sunt causas pertingente, quamvis ad eas scrutandas omni subtilitate se provehat. Quæ enim unquam rationum congeries in illud poterit collimare, ut pro tam variis Maculis, Coloribus, in pellibus Animalium, in Avium pennis, in foliis florum, in Ostreorum testis, singulæ rationes aptentur, singulis peculiarem rationem sibi vindicantibus? Cum singulæ sint opus intelligentiæ formatricis, singulas maculas distinguendis, non fortuita casus combinatio, Etsi casu spumas effinxit spongia in rictu

rabidi Molossi, cum desperato ab arte illius Magisterio, totam pingendi suppellectilem, colores, & Pennicillos in illum projecit, sibi ipsi indignatus Appelles; Advertendum tamen est eventum hujusmodi fuisse quidem fortuitum respectu hominis de illo nihil cogitantis, neque illum præordinantis, non tamen respectu Dei, à quo ita pendent omnia, ut singula sint ab eo, vel volita, vel permiffa.

Animum adiecit ad rationem propositi Problematis indagandam Cardanus, cumque eam afferre intenderet inquit, *sit autem varietas striæ certo ordine, quoniam res parva, variata, ac mixta etiam obiter, dum æqualiter crescunt spatia, certo ordine laborata videntur*. Sed meritò deridet illum Scaliger Cont. Card. exerc. 220. qui enim hæc dicit, nihil dicit. *Siccine Cardane: arguit Scaliger. Quare manus duas habeam, causam reddis, dicendo. Quia manus duas infans cum haberem, simul cum corpore creverunt?* Qui dicit adulto homini inesse manus, quia inerant etiam infanti, non rationem reddit, sed quæstionem eludit. Aliquali modo satisfacit, qui prudentem finem designat, ad quem in homine manibus dotando respexit Natura, afferendo cum Aristotele, & S. Augustino: dotatum hominem manibus ut iis tanquam universali instrumento ad omnium artium opera uteretur. Nec debet erubescere ingorantiam fatendo, qui plurium effectuum causam nequit indagare. Fateri hanc Scaliger non erubuit ita cum Cardano concludens: *Hoc non est ostendere causam, cum dicitur, strias habent Buccini, quia eis ablata non sunt*. Imò stultos omnes illos existimavit, qui illarum causam inquirunt, utpotè quæ nequeat inveniri. En ipsius ratiocinatio: *Ego verò si me causas habere, quòd nesciam irrideatis, non iratus dicam. Vos omnes Philosophos subtiliores insanire. Namque partium causas cum ex utilitatibus eliciamus, quarum partium nullus usus percipi queat, hæc partes sui quoque causas nobis ignotas habent. Ejusmodi est color, levitas, striæ, splendor. Natura verò plus ludit in nostrarum mentium agitationibus, quàm in striarum macularumque tum ordine, tum varietate*. Hucusque Scaliger, cui nec totum do, neque ex toto contradico, cum enim in multis Testaceis, atque iis præcipuè, quæ Pectines dicuntur uniformis appareat, & ordinata striarum deductio, quæ ex uno puncto ad circumferentiam distentæ, majorem identidem induunt crassitiem, proportionato inter se distitæ intervallo, possumus profectò hinc arguere, inditam iis virtutem productivam formæ tam ordinate dispositæ, non secus, ac in radice, & in arbore agnoscimus virtutem ramificam ad eandem semper proliferationem ramorum tendentem, quamvis virtutem hujusmodi magna ex parte nobis natura subduxerit.

Verùm si ex propinquo dignosci non possunt individua rerum effectrices Virtutes, non tamen impossibile nobis est: prudentem aliquem finem investigare Naturæ, earum structuram hoc vel illo modo architectantis. An non ita reddita sunt Ostrea, piscium palato magis aspera, ut facilius ab eorum invasione subriperentur? elaborante illis quasi clypeum Natura non minùs fortem ad illa tuenda, quàm ad oculorum oblectamentum, tam eleganti opere intertextum? Sic in tradito sibi à Venere clypeo Eneas & robur suspiciebat, & *admirabile textum*. An non tanta colorum, macularum, striarumque varietate, argumentum nobis supeditavit, illarum magisterium suspiciendi, eamque ex illa oblectationem percipiendi, quam ex tanta rerum etiam neglectarum diversitate potest oculus, mira voluptate delibutus experiri, atque ex minimis maxima inferendo, ad maximam omnium ratiocinationem tandem pertingere, nempe vastissimam, & infinitam Dei intelligentiam, in qua res omnes primò in exemplari conceptæ, mox in lucem, & in absolutum opus proditura, ut infinitam ejus Sapientiam enunciarent, quæ maxima semper etiam in minimis tota est, ipsius mente quasi obstetricante, dum incrementum excipiunt, ut consonantiam illam, & harmoniam partium effingant, quæ tanta voluptate perfundit, contemplatores Naturæ!

Hanc sibi quisque dicendi normam statuatur, quando vel nimia curiositate sciendi evehctus, vel temeritate interrogandi prolapsus, labia silentio obsignabit, cum non poterit mens in occurrente sibi ratione conquiescere. Neque videatur hoc velum ignaviæ obtendere, quandoquidem hæc eloquens sit magistra, cum Creaturarum assequi rationem impotens, ad ipsum Creatorem provehitur, atque in eo uno post errores varios contemplatrix consistit, non fidelis minus in assensu præstando quàm in philosophando ingeniosa.

## P R O B L E M A XII.

*Cur ut plurimum in extima superficie sint coloribus picturata.*

Quæsitum hoc non ita propriè instituitur de coloribus Testaceorum, ut institui etiam non possit de pennis Avium, de pelliibus Animalium, de corticulis Fructuum, & quemadmodum vagatur per varia rerum genera ita communis cum reliquis est institutio de iis philosophandi. Primò igitur notandum est colores varios plerumque per extimam superficiem excurrere, hoc est per convexitatem Testarum. Cum appareant aliqua, ordine tessellato interstincta, aliqua undulata, aspersa nonnulla, tanta que

taque varietate diftincta , ut tantam columbæ collum non induat, quando; *mille trahit varios adverfo Sole colores* . Craffities verò , ut plurimum candidi marmoris, aut liventis colorem refert æquabili tractu imbibitum , interna fuperficies , feu concamerata teftudo, vel colorem non variat , vel uniformi ductu colore eodem veftitur. Hac animadverfione præmiſſa, revocandum eſt in memoriam quod alibi adnotavimus ; duobus modis poſſe colore imbui cruſtas Teſtaceorum , nempè , vel ex indita illis virtute , vel ex magiſterio Naturæ, atque hoc pacto multa arborum poma Sol pingit coloribus ad majorem, vel minorem caloris activitatem attemperatis , & quia inditi non ſunt colores hujusmodi extimum corticem ſolum inficiunt . Idem prorfus poteſt in mari contingere , ubi ſaporibus acidis commiſta Alumina , vim habent , tranſmutandi obſcurum in perſpicuum , ut videri poteſt in rubris purpureiſque coloribus . Ita ſal ex calce ſubſidens , violaceum mutat in cæruleum , & ſal ammoniacus nitrumque eundem variant colorem ; expertus ſum , ab acido aquæ, ad ſeparanda metalla arte factæ, corroſa prima membrana, quaſi ex Tartaro , quam ſuperinduunt Conchæ, quas auriculas dicunt , viridem colorem fuiſſe expreſſum . Poſſunt ergo Teſtacea, virtute qualitatum ambiendi humido immiſtarum alterari, ac tranſmutari, vel in corpore toto, ſi humidum quo proluuntur , vel corpus ipſum coloratum eandem temperiem imbuat; vel colorum varietate depingi, ſi diverſimode attemperentur . Eo ferè pacto papyrus aſperſa aquis ex galla expreſſis candorem ſuum nihil vitiatum oſtendit , cum tamen Calcantho madefaſta nigris ſtatim maculis appareat infecta .

Atque hic prætereundum non eſt mirabile illud inventum nuperrimè ad me ex Gallia tranſmiſſum, cujus ignotus eſt Auctor, nempè approximato tantum liquore quodam poſſe quempiam nigris characteribus inſcriptam legere cartam, quæ characteres aqua criſtallina exaratos, omninò oculis ſubducebat ,

Placet modum hic evulgare comparandi ſibi aquas geminas in hunc mirabilem effectum adhibitas . Conſtruitur altera ebullientibus ad lentum ignem in æquali menſura viva calce , & auripigmento ; cautè tamen operi perſeicendo aſſiſtendum eſt , ne illorum fumo caput inficiatur . Altera conſtruitur ſoluto ex ignis vi letargiro in acetum diſtillato: liquore hoc carta conſcribitur, liquore altero characteres ſe produnt. Hujusmodi effectus , ex varia acidorum humorum admiffione reſultans , poteſt etiam contingere ex intenſiore aliqua incaleſcentia . Ita ſi fiat igni propior papyrus inſcripta characteribus fucco ex malis limoniis, aut cæpis expreſſo, legi

poterunt characteres, qui antea oculis ſubducebantur. Quod ſi indita Virus depingit Teſtaceæ, eodem ferè modo de illorum Teſtis philoſophandum ex mente doctrinaque Ariſtotelis , de Gener lib. 5. c. 6. ac de Avium pennis . *Nutriuntur pili, pennæ, & cutes*, inquit ille, *ex alimenti excrementis* , & *pro horum varietate colores varii reſſiunt* . Dumque obſervat Animalia , quibus varius cibus eſt , varios etiam colores induere , diſcrimen affert inter apes, & Fucos, nempè hos præ illis magis picturatos , quia magis varius eſt eorum cibus .

Hoc ipſum in multis Vermibus poteſt deprehendi, Bruchus , qui braſſicis veſcitur colorem imbibit omninò viridem ; è contra variè maculoſi, qui ex variis floribus alimentum depaſcunt, & Antonio le Grand teſte, nigredinem induunt Avium pennæ, quæ fructum delibant ex Taxo , In comp. rer. memor. pag. 253.

Cum igitur conſuetum alimentum Teſtaceorum ſit aqua Maris, hæc , quantumvis limpidiſſima , eſt maximè etherogenea infecta ſulphuribus, ſalibus , bituminibus ex ſinibus diverſis, quos interfluit, collectis , diverſiſque ſpiritibus à Terra exhalatis . Et cui nam ignota eſt horum diverſitas corporum ? Varii coloris ſunt ſales, ruber memphiticus, & oxanus , purpureus in Centoripe , in Cappadocia flavus , In India , & niger, & rubeus. His humido commiſtis, & magis minusve viventis calore concoctis plus minusve à terrena materia ſegregatis effici poſſunt diverſi generis maculæ, ſuperaddita materia ad illas colorandas .

Fateor enim verò non poſſe hanc afferri tamquam rationem omnimodam , quandoquidem perſpicuum eſt, Infantes geminos, eodem prorfus nutritis lacte enutritos , eſſe aliquando , ut moribus , ita capillamento , colore , ac lineamentis inter ſe maximè diſcrepantes , dandum tamen Philoſopho eſt , multum conducere ad colorem Animalium cibos .

Ut verò appareant Teſtacea ſuperficie eſtima colorata ſtupendum planè eſt Opificium Naturæ . Advertit Beregardus Epift. de ling. Apud Carolum Fracaſſatum in omni Animali , ſegregato ab excrementis alimento, fieri in iis novam ſegregationem , duplicis quaſi Naturæ , altera nempè eſt ſpiritus, feu liquor acidus, altera terræ, & ſicca manet, quæ corpus mortuum dicitur. Hac ſe ipſum exonerat Animal per ſecefſum altera in Urinam abeunte ; & Animalia quæ non poſſunt hoc pacto ſe exonerare, ut Aves, & Teſtacea neceſſitare coguntur hæc partes ſpitiſoſas ſubtileſque intra ſua ſepta continere, rejectis tamen iis ad extimas partes ab ipſa Natura tamquam ſuperfluis , & per eaſdem partes exſudantibus . Ex quia ambiens aer eas condenſat in

Avibus detinetque, sicuti aqua in Testaceis, hinc efigitur cutis varieras, & pennarum colores varios referentium pro varietate infectionis ipsi excremento immixtæ. Notandum etiam est: multa supervestiri rudi deformique amictu, quo non detracto, non apparent colores. Amictus iste in nonnullis non est indumentum nativum, ut illud, quo se serpentes excoriant, & aliqua etiam maris crustata, sed est tempore aquis lutoque superinductum. Ut autem addiscatur modus, quo circumamiciuntur, placet addere experimentum magisterii consimilis, quod extra mare adnotavit Pater Kircherus in Mundo subter. l. 8. *In Vase, inquit ille, quo urina excipi solet exponatur seta equina, vel quid simile, ita ut à fundo, usque ad superficiem emergat eamque sic urina expositam relinque, & videbis corpuscula salinonitrosa, quæ urina insunt huic setæ statim adherere, & paulatim in magnum corticem, instar calcis friabilis excrescere, quæ in aere indurescit.* Idem contingit in Palis mari infixis pro fundamento Domorû Venctiis, & inter Testacea, quæ latinè dicuntur: *Ungula Asini*, quibus supremæ parti quædam Lanugo imposita est, qua etiam Coralia vestiuntur, nonnullaque alia Testacea, in quibus quandoque extra aquas obdurescit, & lapideo quodam indumento illa convestit.

### PROBLEMA XIII.

*Cur multa sint Turbinata?*

**I**Nter multas Univalvium Testaceorum species, quæ in Mari degunt, & reperiuntur in terra, pleraque sunt turbinata, tali spirarum varietate, ut iis involuta omnis phantasia novas invenire diffidat, vires suas in his intellectus amittit curiositate captus earum artificium indagandi, & Ostreorum figuræ tot tantisque spiris turbinatæ, causam assequendi; Nullus est, qui ignoret, multos lapides hujusmodi figuram induere, semper sibi constantem, ut evenit in formatione foliorum, & in salibus cum gemmascunt. Propriam habent inter Metalla Marchesitæ, inter lapides Gemmæ, in succis Sales, in congelationibus Nives, in Meteoris Irides, sicut habent plantæ, atque Animalia, quæ quantumvis varia, figuram tamen genericam eodem sibi tenore constantem quasi propriam characteristicæ notam induunt. Illa est in oculis omnium, sed illius originem omnes ignorant. Georgius Agricola in eam sententiam abiit, ut existimaverit ex duabus potissimum causis, figuram in lapidibus derivari. Altera ex loco in quo generantur, ut Cera plumbumque liquata, quæ figuram illam induunt, quam habet vas seu re-

ceptaculum in quo excipiuntur quia dum congelantur, non possunt liberius excurrere. Ita nonnulli lapides, quasi prægnantes, lapillum aliquem, vel aut liquorem, ad modum globi, actum in spheram, intra viscera sua quasi fœtum concludunt, qui liquor, vel obdurefcens calore, vel eodem exsiccat, & condensatus à materno lapide se jungitur, ut videmus in Avellanis nucibus, intra corticem exiccatis. Quod si liquor, seù lutum, seù succus hujusmodi tenax fuerit, lapidescit, quo pacto generatur Aetites lapis, si verò tenax non sit, abit in terram cretosam, ut videri potest in Geode. Si verò succus sit aqueus, stagnat fluctuans in ipso lapidis sinu. Et juxta hoc principium Falloppius argumentatus ait: Turbinata terræ Testacea provenire ex fumosa quadam exhalatione, intus conclusa exitum quærente, eoque non patente, ad modum turbinis agitata, quæ dum gelascit, formam turbinatam effingit. Verùm etiam si detur hoc in gratiam Falloppii, dici tamen non potest de Marinis Testaceis; cum enim humidum sit corpus, nulla figura terminatum, non potest ea terminare, quæ in Mari perpetuò fluctuante nascuntur.

Dominus Steno in prodr. de solido. diligenter perspectis variis tunicis, quibus Ostreorum testæ construuntur, enunciat, omnes primæ tunicæ exteriori suppositas fuisse in eam formam elaboratas, non quia humidum, quo concreverunt, sic eas effingeret, sed quia accomodata fuerunt loco, & continenti dum concreveret humor, ex Ostreorum poris transfudans; atque ex pluribus, vel paucioribus tunicis, inquit ille, colligi potest, quot annis vixerint. Sed quia hoc dici non potest de ultima tunica, seu membrana lapideam substantiam referente, quæ alias circumvestit existimat, formam illam ex Ovis progenitam, nempe Ovorum calicibus in eam abeuntibus. Hic tam diligenti Inspectori perspicacissimæ intelligentiæ, & oculi anatomicè præscrutantis, vix quidpiam opponerem, nisi me reluctantem evidentia compelleret, etiamsi ita philosophandum esset de Tunicis interioribus inter Animal ipsum, & extremam tunicam, alias omnes cooperientem; de hac certè affirmari non possem, quod ipse docet, ne quidem de iis Testis, quæ foliosæ non sunt, sed unica constant tunica, ipso mormore densiore; quandoquidem non ab ovo, sed spontè sua oriuntur in aquis figura nunquam immutata, quam fortasse in nullo alio vivente conspicimus. Mihi contigit plures specie diversa in exsiccato luto, vel inter minutissimas maris arenas, deprehendere, quarum pluribus majora erant arenæ grana, quæ nudum oculum vix non effugiunt, sed sub Microscopio induebant magnitudinem globi, quo exonerantur Bombardæ. Aliundè ergò petenda est

est ratio ; cur figuram hujusmodi Cochleæ sibi aptent ?

Agricola autem docet ex ipsa materia petendam esse figuram hujusmodi , quemadmodum ex lidio lapide infruſtra comminuto proveniunt fragmenta humanis offibus omninò ſimillima , atque ex Trochitibus Roſæ figuram referentia . Ita docet Erasmus Bartolinus , lib. 5. coll. mat. & à Methematica rationem petit dicendo , Mathematicam eſſe Figurarum Magiſtram , ac propterea contemplatus exagonam figuram , quam in Cellis Alveariorum Apes architectantur , negat harum magiſterium fieri ex inſtinctu Naturæ , dicitque ab Apibus circularem effingi , utpotè figurarum omnium capaciffimam , ac ſimpliciſſimam , adeòque ſemper intentam ab Apibus , quod anſam dedit Pappo Alexandrino ſtultè opinandi , apes ratione præditas eſſe , idemque Pappus affirmat obſervari , cum actu conſtruunt in Alveari cancluſæ , ſi hoc pervium fiat , formini cryſtallo ſuperimpoſita , ut hoc repagulo apium exitus impediatur , & earumdem iſtus eludantur . Evadit tamen exagona figura illa , dum ex mutua compreſſione cedente cera , quamcumque formam facilè induente , neceſſario ex circulis compreſſis reſultat exagona figura . En Icone adumbratus Bartolini diſcurſus : ſit Apis in circulo Hæc introitum ſæpius , & exitum faciens , debet ejuſdem circuli partes comprime- re , & qua parte compreſſioni obſtaculum non inveniet , cedere ceram coget . Cum igitur reperiatur obſtaclum in punctis ubi reliquarum cellularum circuli ſe tangunt , cera dabit locum qua parte obſtaculum nullum apponitur , Quod ſi in circulo Apis altera premat ex eadem ratione debet ſe arcus extendere , contra oppoſitam partem circuli primi ubi obſtaculum nullum reperit , inclinabitur atque in iis punctis adnectetur materia , quæ circulum referebat , parique compreſſione adnexa , reſultabit exagona figura ex neceſſitate materiæ obedientis impulſui , quod negavit Kepplerus , diſſert. 5. lib. 5. ubi tractat de figura ſexangula , quam nix refert , Verùm de hoc curioſius ſcripſerunt in Meteoris Renatus de Cartes , & Olaus Magnus in Gothorum Hiſtoria . Dicendum igitur ratione materiæ obedientis impulſui alicujus agentis figuram hujusmodi reſultare . Sed non omnia ſunt ex cera , neque omnia ex accidente extrinſeco figuram induunt , quam referunt . Multa , imò pleraque libera naſcuntur , vel in humoribus , vel in aere , non aptis alia corpora terminare , cum termino ipſe careant . Aliunde igitur figuræ corporum effinguntur . Diverſas videmus ineſſe formas communibus Salibus , cum concreti gemmaſcunt , diverſas Nitro imò liquori cuilibet , cum ſub-

ſidit , humore exſiccato . Sal Gemma funditur perpetuò ex fruſtulis grandioribus , cubicam formam ferentibus . In Antimonio obſervavit Hipocrates naſci figuram Tetragonam , Sal indicus in figuram Pyramidalem quadrangulam exacuitur ; alumen in cubos , ſalnitrum in tubulos , quod tunc viſitur , quando ſolutum eſt in humorem illum colatum ex ſtercore , quo educitur , & vocatur *maeſtra* , Calcantus in figuram racemoſam denſatur , ſal ex humoris ſiccitate ſubtiles in cruſtas , aliquando in partes minimas farinae minutiffimæ conſimiles , ut videre eſt in Maris litoribus lapidoſis , & aliquando in duriorẽ ſubſtantiam , lapidi non abſimilem , vehementiori igne exſiccato . Imò Villis de Ferment cap. 12. non ſolùm contendit , ſingulis ſalibus , quos Primigenios vocant , proprias figuras ineſſe , ſed eas aſſerit obſervaffe in omnibus Salibus ex ſingulis corporibus arte Spargirica extractis , induentibus ſingulis figuram cum ſubſidunt , extimatque his partibus ſubſidentibus Deum indidiſſe virtutem communicandi figuram iis corporibus , ad quorum compoſitionem concurrunt , una cum ſpiritibus vegetabilibus : *Sunt enim* , inquit ille , *ſales iſti elementa veluti ſecunda , & ad eorum in corporibus inſitione propria , & nativæ figuræ rerum plurimum dependent .*

Atque , ut hic ommittam quæ plurima ad veritatem hanc obſirmandam poſſent afferri , abundè erit nonnulla experimenta in memoriam revocare , ex quibus evincitur , quemadmodum ab educto vi ignis ex ſubſtantia aliqua , ſale fixo , ſeu ſubſidente in cineres , ita à volatili evaporante in ſpiritus , eandem figuram retineri , quam antea induerat : & quoad volatilem veriffimum eſt . illum in frigidis hyemis noctibus imponere quaſi folium glacie vitris fenestiarum , accedente humido accidentali , ex virentibus ramis igni impoſitis , ſecum exeunte , atque in illo folio , vitris ſuperinducto imprimi ab illo ſale imaginem arboris , ex cujus ramis fuit eductus . Quoad fixum verò , manifeſtum eſt , combuſtis herbis , vel arborum ramis , eductaque ex illis aqua ſale imbibita , ex eorum cineribus extracta ; ſi cineres hi ea aqua immiſti , in aperto vaſe , ſereno Cœlo in hyeme expoſito , in glaciei ſuperinductæ cruſta apparituram figuram arboris , cujus reliquiæ ſunt illi cineres . Joannes Daniel Horſtius ex abſynthii ſale vidit natam imaginem ipſius abſynthii . Olaus Borricchius ex proprio ſale extraxit , oſtenditque eleganter expreſſam quemdam quaſi ſylvulam Cupreſſuum , & omiſſis quamplurimis ſcitu , digniſſimis , ſit pro omnibus celebris illa , quæ per omnium ora circumfertur , nomine Roſæ Polo-

Polonicæ objecta oculis celebris Quærcetani, à medico quodam Polono Tachenio in Hipocrate chemic. fol. 111. qui egregiè callebat artem extraendi sales, & asservandi spiritus ex plantis expressos in vitreis ampullis diligentissime obli-gnatis. Hic cum quorundam rogatu vellet effi-cere, ut germinaret Rosa, accepto vase hujusce floris salem asservante, *Vasis fundum lucernæ ad-movet. ut aliquantulum intepesceret, tum tenuis-simus, & impalpabilis ille cinis ex se apertam Ro-sæ speciem emittebat, quam sensim crescere, ve-getari, ac formam penitus totius Rosæ florida um-bram, ac figuram exprimere videbat. Hæc autem umbratilis figura, vase ab igne remotò, rursus in suos cineres relabebatur.*

Ad determinandas autem corporis naturalis figuras, hoc utitur discursu Villis supracitatis. Sal, & spiritus in corporibus ita se habent, ac Circinus, & norma in Mathematicis figuris de-lineandis in pagina. Imitatur spiritus pedem Circini, mobilem, modo circumactum, altero in centro immobili, modo liberè ductum unde-quaue ab artificis manu, quo pacto ducitur stylus, eoque circuitu lineæ variæ, figuræque diversæ designatur. Sal è contra imitatur nor-mam, semper immotam, & aptam terminare stylum, eumque moderari. Quapropter ubi sal dominatur spiritus, ut in vegetabilibus, ac sen-sitivis, varietas major figurarum exprimitur, & ubi sal dominatur spiritibus, ut in Mineralibus salibusque, apparent corpora figuris minus va-riis impressa, semperque eandem retinentia. Inde fit ait Villis à Salibus per calcinationem extra-ctis, utpotè spiritibus destitutis, vix obtineri *Cbry-stallizationem* cum subsidunt in cineres. Nitrum è contra utpotè spiritosum facilè coagu-lari, figuramque pyramidalem induere, & Alu-men maximè spiritosum in Octoedrum facilè ef-formari.

Præclarissimæ sanè rationes, sed minus aptæ ad obliciendam oculis mentibusque veritatem. Quandoquidem, vel figura proveniat ex Salibus, vel ex Spiritibus, recurrit argumentum, & ego urgeo, iterum petens, cur utriusque ad illam po-tius figuram inclinent, ac tendant, quàm ad al-teram? & quid tandem sint spiritus hujusmodi; Infinitis propemodum responsis imò vocibus, audio conclamari: Alii vim Magneticam cum Kirchero lib. 1. de Artis magnæ lucis, & umbræ. Illos appellant, alii generationum idæas cum Borello, alii formatricem virtutem cum Cabeo, alii Agitationem spirituum, sed ignotam. Au-gustinus Scylla cum noverit in humano corpore per anathomem in partes dissecto, inventam Cochleam perexiguam in sinistra cordis auricu-la, aliamque non absimilem in vesica hominis pauperrimi Florentiæ, respondere conatur dicen-

do, *Video, corpora membranosa, calori modico ap-proximata colligi in sese, rugas contrahere, ac fa-cilè turbinari: Hoc ipsum existimarem in iis par-tibus nostri corporis, potuisse contingere, in quibus non desunt membrana, falsique humores, & col-liquati, & gypsei, primisque magis magisque ex-siccatis nullo quasi negotio reliquæ turbinantur fa-cilèque se reddunt ad similitudinem lapideæ sub-stantiæ, qua caput nobis obtundunt, & vano cer-tè conatu laboraret sequens quod assequi nunquam poterit.*

Machinatrix & opifex est mens illa, quæ in rebus omnibus agit molem ad intentum finem partes singulas ordinans, & quemadmodum ad imponendam basi immensam aliquam pyrami-dem, concurrunt rudentes multi, multæque tractoriæ machinæ, Trochleæque, singulis vi, & celeritate propria operantibus ad amissim; ne-scientibus tamen quid, cuive laborent; ignorant enim finem qui est in mente artificis, omnia or-dinantis, ac disponentis, ita in constructione cujusque corporis, seù viventis, seù non viven-tis, omnia, & singula disponit ex ordine Effi-ciens Causa, quamvis occulta, cui singula ob-temperant, Ita nobis in re nostra phylosophan-dum, neque indignum Phylosopho est, advo-care Deum e machina, ut dicitur, cum rerum Causæ penitus delitescent nobis ignotæ, pleno-que fidei obsequio venerari Causam illam, om-nia disponentem, seque singulis pro libito im-partientem, quæ ex eadem massa novit res ma-ximo inter se intervallo distantes effingere, nulli communicato sui operis magisterio.

Novi Doctorem Carolum Fracassatum in pri-ma Cathedra magistrum Messanæ docuisse: Spi-ralem lineam fuisse ab eo observatam, ut neces-sarium principium generationis Ovorum in pul-lis; eadem videlicet spirali linea efformante, quoddam quasi conglobatum ex ipso Animali, quod *Galbam* vocat Arveus, sed libenter nove-rim retionem, si tamen certa, & in omnibus fuit observatio. Nunc ad propositum satis sit enun-ciare: Sic voluisse primū Motorem, & proprium cuique vegetabilem spiritum indidisse, aptum ad turbinanda Testacea, atque hoc, ut inter animas corporaque ea proportio intercederet, quam adnotavit Hipocrates, nempe in viven-tium efformatione hospitem domum inquilino proportionatam: architectante Natura, eo sanè prudentis magisterio consilioque, ut monstra-quamplurima è Mundo eliminaret. Monstrum autem esset, si generosa Leonis indoles Ovis corpus incoheret, vel exiguus cuniculus vasta Elephantis mole obvolveretur, eodem profus pacto, cum Cochleæ manibus pedibus, & ossi-bus carent, turbinatam illis domum construxit, ut se in ea contorquentes possent consistere.

Quod si iis motu progressivo dotatis necessitatem imposuit, magna sui parte, extra Testaceas Domos erumpendi, si hæ turbinatæ non essent omnis quantumvis levis conatus, eas è domibus illis sejungeret; imò iis ipsæmet sese exonerarent; levi quovis obstaculo remorante iter. Voluit igitur Mens opifex omnium, posse eas domibus suis insertas, involucris, & spiris, quasi brachiis manibusque eas domos complecti, iisque tenaciter inhærere, ut secum possent convehere, & volentibus abdere se, esset in promptu fidæ stationis recessus; quamobrem sicut de aliis omnibus, ita de Conchis possumus dicere cum Virgilio.

*Hos Natura modos primùm dedit.*


Et Villis nil amplius pro veritate potuit enunciare nisi, Sales peculiare figurarum modos à primo Conditore fuisse sortitos. Quod si vellemus dare ipsi, ejusque Sectatoribus ad res figurandas valdè Sales conducere, non esset hoc à veritate aberrare dicendo, posse concurrere spiritum aliquem salnitrosus, quandoquidem materia hæc ad coagulationem Testarum conducit, ut vidimus, eadem quippè ad figuram Pyramidalem tendente, qua figura, Turbinata omnia essent impressa, si possent Testæ suis ab involucris explicari, suisque è spiris evolvi, quod vehementer imaginanti cogitantique facilè se ostendet. Quapropter Architectonico spiritui ipsis infuso, cedente spontè materia, resultat facilè Testarum figura, quæ spiris suis, & involucris sicuti tutam, & quietam stationem habitatoribus edificant, ita labyrinthum implicatissimam construxerunt inquirentibus causas iisdem spiris impexas, ex cujus anfractibus tunc solùm evadimus, cum prudentem finem Naturæ, ita operantis asserimus. Quod si non ad viventis utilitatem ita eas construxisset Natura, fatis esset, illas ad rerum varietatem in tam pulchro Mundi Theatro augendam elaboratas.

PROBLEMA XIV.

*Cur ex Turbinatis pleraque figuram Sphæricam induant?*

**I**Nter problemata Aristotelis ad mare spectantia, illud extat sect. 23. probl. 36. quo disquirat. Cur lapides Conchyliæque Sphærica evadant, responditque sibi, in causa esse maris motum quaqua versus agitati, singulasque Testarum, & lapidum partes adimentis; ex qua partium detractone resultat figura Sphærica; eaque propter in litoribus plurimi depræhenduntur, qui propriam nativamque amiserunt: Quia extrema, inquit ille, *compari ademptu circumfracta in rotundam se colligunt speciem. Hæc*

*enim sola simili extremo clauditur. Mare autem quaqua versus agitando partes circumundique frangit, atque obtundit.* Ratiocinationis hujusmodi fundamentum est: supponere: Res illas. quæ undique atteruntur, acquirere figuram rotundam, & carentem angulis. Verùm ut fundamento hujusmodi innitatur conclusio, advertendum est, si ab aqua agitata atteritur corpus æqualiter circumquaque; necesse esse primævam figuram corpori remanere: pro exemplo sit cubus.



A. B. C. D. si aqua atterit æqualiter superficiem A. B. & reliquas corporis superficies, remanebunt semper anguli superficiem terminantes; quare

variabitur nunquam figura cubica corporis, quamvis mole imminuti. Atque simili proportionem philosophandum de corporibus, quibuscunque irregularibus, cujusmodi sunt arenæ, parent Microscopio exploratæ.

Asserendum igitur, jam esse corpus rotundum: quo posito extra aleam jacitur Quæstio, quæ ut subsistat dicendum: posse corpus multis angulis prominentibus undarum agitatione ad Sphæricam figuram accedere, non quia undequaque atteratur aquis, sed quia in fundo maris circumvolutum, lapillis sæpissimè obsito, in iis partibus magis atteritur, quæ circumvolutioni reluctantur magis, quales sunt anguli, & partes reliquæ prominentes, quibus magis, magisque consumptis, rotunda figura confurgit.

Hæc tamen omnia sunt intelligenda de Testis, & Conchis ab Animali sejunctis. Nam quæ vivunt, non perpetua cum mari circumvolutione rotantur, sed vel vivunt arenis, & luto sepultæ, vel adherent saxi, ac scopulis. Notandumque, quamvis pleraque turbinata circularem in se figuram expriment, quamvis non exactam, mirabili sanè proportionem minui circulis base minoribus, ac minoribus illo, cui semper habent os impositum usque ad culmen, quo se distendunt plus minusve in figuram conicam. Quapropter nulla invenitur Cochlea, quæ globum perfectum exprimat, aut exactum Cylindrum, sicut in Conchyliis Bivalvibus nulla exactum circulum exprimit. Addo: ea omnia Testacea hujusmodi figuris fuisse à Natura ob signata à prima eorum infantia, quod in iis etiam depræhendi potest, quæ vix magnitudinem exæquant puncti, interpungente calamo efformati; quare Sphæricum illud opus tribuendum omninò est alteri causæ,

Existimarunt nonnulli, in eam figuram componi Testacea, quia Testis coagulatione humoris efformatis in mari, nulla forma extrinseci ambientis terminato, ipsis Testaceis communi-

cabili, spontè assumitur figura perfectior, nempe circularis, inclinante ad hoc Natura, obice illi non opposito, ut apparet in coagulatione humoris, ex quo formatur in aere grando, & perspicuum fit innumeris hujusmodi fortuitis generationibus.

Verùm, non ita possumus philosophari, quia nequè coagulatio humoris illius similis illis est, nequè omne corpus, quod in aperto campo compingitur, cernitur tali figura præditum, atque hoc posito, evinceretur in perfectissimos globos efformanda esse Testacea. Crystallum ferè omne figura exagona concrefcit, refertque Joannes Laet, lib. 2. de Lapid. aperto Amstelodami foeminae cujusdam cadavere è patibulo pendente anno 1518. inventos fuisse in fellis vesica ab Henrico Medico Florentino quatuor supra viginti lapides, eandem figuram cubicam præferentes, eandemque magnitudinem, & colorem. In felle Ferdinandi Gonzagæ triangularis unus inventus est, & Fabritius Bartolettus in felle mulieris Mantuæ trecentos invenit, formam cicercis, & magnitudinem referentes. Olaus Borrichius septuaginta adinvenit irregularis figuræ, ut fabas.

Sed obtundat sibi quispiam hisce lapidibus caput, eorum causam inquirens. Nos circa nostras Cochleas circumvoluamur. Contendunt multi ex Cœli motu, aut Solis earum figuram derivare, nempe Solè spiralem lineam designante, dum ex uno in alium Tropicum circumagitur, eundem etiam spiralem motum iis impertiri, referentibus eandem viam luteis corporibus, quam Sol ipse luce sua describit in Cœlo. At enim verò videntur hi mihi in ipsa tanti luminis claritate cæcutire, quamobrem non possunt in tantam illam varietatem corporum, ac figurarum obtutum desigere, quam Sol influentis suis adspersit. Præsidet ille, ut communis omnium Pater, & quemadmodum corpora omnia, eodem auri texto lucis convestit, ita suorum influxuum thesauros omnibus æquè aperit, ex quibus quodque sibi tantum assumit, quantum cujusque Natura, temperiesque deposcit, perficiente unoquoque in se ipso quidquid sibi indulget Natura. Et quemadmodum ros, & aqua, quibus in eodem solo flores lactantur, *alba fit in Liliis, rubra in Rosis, in omnibus omnia*, ut eleganter Cirillus Alexandrinus, ita ex calore Solis luto impertitur vis condensandi se in Metallum, flori vivacitas ad se in folia explicandum, omnibusque corporibus virtus ad pertingendum quo sua unumquodque provehit indita à Deo propensio; quapropter optimè pronuntiavit ingeniosus Auctor Epistolæ ad Regiam Societatem Angliæ transmissæ Augusto Anni 1669. *Non in hoc solo exemplo delirant,*

*qui non promptuaria Naturæ, sed sua ipsorum somnia consulunt.* Longè magis sapienter D. Augustinus de Civit. Dei lib. 12. c. 27. non contentus in actum philosophicæ admirationis mentem attollere, nempe vix digito à terra assurgere, in omnibus divini opificis manum formatricem agnovit, *qua enim vi divina, inquit, & ut ita dicam effectiva, quæ fieri nescit, sed facere accepit speciem, cum mundus fieret, & rotunditas Solis, eadem vi divina, & effectiva, quæ fieri nescit, sed facere accepit speciem rotunditas oculi, & rotunditas pomi.*

Ut tamen visibile opus, invisibilis manus Opificis Dei non Solis oculis fidei, sed etiam philosophantis intelligentiæ, naturas rerum arcanas ad voluptatem scrutantis, intueamur, opportunum loco videtur mihi Problema Aristotelis, sect. 16. prob. 9. quo inquit, Cur partes Animalium paucioribus organis elaboratæ, accedant, ut plurimum ad figuram Cylindricam non verò Triangularem, pluriumve angulorum exprimendam? Hujusmodi est Tibia, pedi comparata, manui brachium, arborum rami floribus earumdem, & fructibus. Ratio, quam affert innititur axiomati Tarentini Architæ dicentis, Res naturales ab intrinseco moveri, proportionè quadam æqualitatis, nisi obex ponatur, atque hinc secundum omnes partes æqualiter crescere, adeoque augeri ad circula rem figuram accedendo, cujus partes singulæ æque distant à centro. Contingere hoc videmus in Floribus, qui quamvis numeroso foliorum ambitu, vel se vestientes, vel sese explicantes, fluxu liberiori, undequaque excurrentium, tamen eo se aptant ordine artificiosè neglecto, in circulum se conformante. Idem dicatur de fructibus, de calamo in pennis, de pilis in Animalibus, & de quocumque, dante se in conspectum, veluti in scenam in hoc mundi Theatro.

Agnosci ergo debet principium intrinsecum, hanc sibi figuram determinans, atque aptans, quæ prior accedat, viventibus operationibus efficiendis. Operante rerum Natura, ea vi virtuteque à supremo Artifice impertita, qui in earum formatione optimè proportionem, & consonantiam agnovit, omnia in singulis operantem. Quoniam verò pars magna Testaceorum debebat multis spiris, & involucris turbinari, propterea Natura in extruenda domo, figuram rotundam selegit, utpotè omnium facillimam, ad circumrotandum, & ad se in se ipsam colligendum, ut manifestum est in retorto capreolo vitis, cucurbitæ, similiaque plantarum, quibus attentè consideratis poterit unusquisque curiosa observatione deprehendere in Turbinatis, figuras omninò tres ad ea formanda concurrere, spira-




spiralem nempè, propter continuas spiras, quibus in se contorquentur. Pyramidalem, quoniam ex ore, in quo est basis, in punctum se colligunt à plano elevatum, quamvis diffimiliter in nonnullis. In hac autem continetur circularis figura quamvis non in omnibus perfectissima, quæ tamen appareret, si possent se tota explicare, quandoquidem appareret corpus omninò conicum, & in eo partes circuli proportionem servantes, minori tamen semper, & minori periphæria, artificiosè decrefcentis.

PROBLEMA XV.

*Cur Turbinata, ut plurimum habeant Orificium Testæ ad dexteram partem conversum?*

**C**onvolvuntur tali lege Turbinata, ut super humum reptura Orificium Testæ ad partem dexteram semper convertant: observavit hoc inter recentiores Martinus Lister tract. de Cochleis ubi dixit, Testas motus Solis observando, à sinistra dextram versus torqueri. Quod




ut clarius fiat, observetur figura, in qua spiralis linea. A. B. C. supponit Cochleæ circumvolutionem. Initium hæc facit à

centro . O. neque contorfionem extendit versus C, sed versus A. & post in aliquibus pauciores, in aliis plures spiras terminum habet versus A. nunquam versus C. Fingatur itaque linea ducta per centrum spirarum in plano Orizontali quod sit C. A. super illam spiralis linea non toties interfecabit ex O. ad C. quoties ex O ad A. ut palam fit in figura apposita. Non tamen tenore invariabili lex ista fertur in Cochleis, ut fit in Sole, quem contorquentem se diurno motu circa gemina Mundi emisphæria, observat quisue in Boreali Emispherio, nasci semper ex latere sinistro, & occumbere in dextero, quia videlicet partes aliquæ in contrarium situm contorquent se. In quarta observatione Augusti 1669. transmissa ad celebrem Accademiam, quæ inscribitur Regia Societas Angliæ, duæ species referuntur, altera similis levi Turbini, ab Aldrovando descripti, de Test. pag. 359. altera Avenæ grano, à nobis exposita num. 41. in ea mole, quam Microscopium oculo representavit. *Hæc denis spiris à dextera ad sinistram convolvitur*, inquit citatus Lister. Tertiam addit Fabius Columna, & Dominus Sivers Mathematicus Hamburgensis dicit: habere in suo Musæo Cochleam quamdam cinerei coloris, quæ est inter nostras, delineata

num. 316. Claf. 3. Raræ tamen reperiuntur in mari, & quia fortasse sunt abortus, monstraque Naturæ, propterea magno pretio habitæ; unde tres ego vidi, inter magni prætii gemmas, assevari à D. Cornelio Mejer Hollandico, Machinarum inventore, qui præterito anno potuit hinc Romæ se opponere Tyberis violentiæ, fortissimo aggere, & quasi catena illum frænare, cum præceps irrueret ad aperiendum Urbi nova dilaceratione sinum, non ad vehenda trophæa, coronasque, ut olim sæculis retroactis, sed ut viam novæ stragi, quam minitabatur, inferneret. In Actis eruditorum Trevotij impressis narratur Buccinas generari in mare, quod oram Piscariæ alluit, quibus semper os patet in parte dextera a qua ad sinistram circumvolutiones inflectuntur, quòd si vel unica diversa obtineretur ingenti pretio redimeretur, ex eo quòd in ejusmodi Buccina antiquum eorum Numen latibulum sibi elegisse inepte credant. Iam verò super observatione hujusmodi non existimet aliquis, temerarium esse causam inquirere. Plures rationes, ac fines adhibet, cum operatur Natura, ut pluribus in locis Phylosophus asserit, cum nihil frustra, imò quod cuique Animalium speciei optimum est, operetur. Quod antequam exigatur ad trutinam, suppono, ex eodem Phylosopho, de incessu Anim. c. 2. commune esse omnibus animantibus, motum à dextera inchoare, quo jacto fundamento, sic arguo. In extruenda Turbinatis domo, debebat Natura illam tali pacto architectari, ut ad illorum motum aptissima esset structura. Iis ergo ex Naturæ instinctu motum à dextera inchoantibus, nullum debebat ex ea parte impedimentum apponi, sed liber patere aditus, successivè cohærens impulsui, ac motui, ac propterea debebat esse spiralis, itaut factò initio ab ipso centro dexteram versus se contorqueret, eoque ordine usque ad Orificium progredieretur, ex quo non exigua sui corporis parte, vivens egreditur. Atque notandum hinc est, ex omnibus Testaceis, quæ motu progressivo incedunt, omnibus nempè pedibus destitutis, moveri singula tota illa parte corporis, quam liberè è Testis expediunt, cum è contra Animalia perfecta, duabus tantum, ad summum quatuor partibus deputatis ad motum se provehant. Ratio ex Aristotele est, quia perfectis Animalibus motus principium inest unum indivisibile, cui debent omnia organa, ad motum instituta, conformari; propterea, cum ex corde motus omnis principium trahat, organa duo supra cor collocavit Natura, quales sunt manus in homine, in Avibus Alæ, totidemque infra cor, quales sunt in cæteris Animalibus pedes. Cum ergo Testacea sint sanguinis, & cordis expertia, cui apta membra construantur ad motum, de-

bet singulis eorum partibus inesse principium motus, adeòque iis multæ partes organicæ toto in corpore aptantur ad motum. Hac aptitudine, in omnes eorum partes diffusa, non moventur singula motu eodem, sed aliquo undanti fluxu, ut serpentes, modò ad dexteram, modò ad sinistram se contorquentes, arcuatis supra pavementum curvationibus, ita ut parte una se provehente sequatur aliqua, reliquis residuum corporis trahentibus; alia verò, ut vermes, nativa domo prorsus expedita, vel eam semper cum moventur secum vehentia, retrocedente una, parte intra aliam, quæ rursus è suo quasi recessu prodit, quando vult progredi, quo pacto in se ipsam recederet chirotheca, nunc ab imo sursum, nunc à summo deorsum, supra manum deducta, atque hoc pacto noventur omnia Testacea, membris aliquo modo inclinatis: quod si hoc non contingeret etiam in perfectis Animalibus, motus evaderet impossibilis, ut fusè ostendit Aristoteles. cap. 7. de incess. Ani. Undanti motu pleraque contorquent se; nempè ad progrediendum aptissimo. Quod, ut clariùs elucidetur, videatur figura apposita; in qua à corpo-



re Cochleæ formatur arcus B. C. D. cujus basis est humus, supra quam movetur. In hoc triangulo duo latera B. C. E. D. conjunctim considerata necessariò ex Euclide, majora sunt tertio latere, seu basi B. D. quod si majora non forent, nullus daretur progressus in motu. En ratio in promptu. Tunc solùm potest quis progredi, cum extendit partem inclinatam B. C. D. Jam verò si hæc extendens se, non excederet lineam B. D. non occuparet spatium majus spatio à linea B. D. occupato. Non ergò se proveheret ex D. nisi ad punctum B. sed quia manifestum est provehere se ultra punctum B; illæ ergò duæ lineæ majores sunt basi B. D. adeòque arcuante se Animalis, eas describit, fixa parte B. & ad se attracta parte D. è qua consistente, extendit partem B. ut progrediatur ulterius. Atque hìc placet advertere: falsum esse, spiras Cochleæ ad motum conferre, ut docet insignis nostro Ævo Scriptor, existimans ex ipsis spiris Animal vim acquirere ad motum, modo iis innixum, modò

extra eas distentum, nempè parte, vel arcuata, vel retrocedente in se semper extra Testam extensum. Hoc evidenter cognovi, cum Cochlearum motum explorans testis prius sublatis observavi, nonnullas retinere in se internam figuram Testæ in membrana tenui instar vacuæ crumenæ tunc solùm plena se ipsis, quando cessante motu in eam sese recipiebant.

Jam dictum satis de motu locali; Et dum in illo potest facilè depræhendi vis illa admirabilis, quam Meccanica cognoscit in Veète, non autem depræheuditur in quonam vis ea sita sit, arguere possumus: Nobilissimi argumenti scientias corpusculum cujusvis contemptibilis Animalis abseondere.

#### P R O B L E M A X V I.

*Cur vix aliqua membrorum diversitas in Testaceis appareat?*

**Q**Uàm variæ apparent in testis Cochleæ, tam simplices sunt in partibus componentibus corpus, in iis absconditum. In omnibus eadem ferè Organorum dispositio, vix aliquam diversitatem ostentat. Ipsæ vero Testæ, inter se ita dissimiles, ut vel intra eandem speciem, nunquam detur, bis in eandem incidere.

*Tanto Natura in unsembiante stesso:*

*Di varie forme, hà i simulacri impresso.*

Bold. de Longob.

Caro illis, utpotè exanguis, livida, macieque quasi cadaver confecta, è contra Testæ, veluti fabulosa Lorica Æneæ à Vulcano fabricata.

*Che di sanguigna luce, e di colori*

*Diversamente accessi, era splendente.*

Anibal. Caro lib. 8.

Ostreæ corpus informe male dedolatum, videtur potius Embrio, quam opus absolutum: Testæ verò eximix artis magisterio elaboratæ, quibus diligentissimè studio suprema manus fuit eleganter imposita, quamobrem in his Testaceorum munimentis, & armis effingendis, quibus Ostreæ peltatæ, & clypeatæ incedunt, apparet industria Naturæ longè major illa, quam omnem ut Ciclopes impenderent, in armis Heroi suo cudendis ex Vulcani Officina, Dea maris efflagitabat, cum diceret. Eneid l. 8.

*Arma acri facienda Viro, nunc viribus usus,  
Nunc manibus rapidis, omni nunc arte magistra,*

In promptu est ratio: cur in membris vix aliquam, in Testis tantam varietatem præferant; Singulas Animalis partes disposuit Natura, ad institutas ab iis operationes efficiendas. Atque, ut ex

ut ex Doctrina Aristotelis adnotavit Magnus Albertus : *Ea quæ nobiliora sunt plures partes habere necesse est , quarum actiones eorum sint , & officia . Plura enim desiderant instrumenta ea , quæ plures motiones exercent .* Ita homini quippè Animalium præstantissimo intelligentia ditato , quam Aristoteles , lib. 2. de par. Avim. c. 10. ar. 1. falsò tamen , particulam divinitatis appellat , data fuerunt organa , & partes numero , & varietate plures , ut posset non solum vivere , sed bene vivere . Et quamvis non desint ignavi Censores Naturæ , qui eam quasi Novercam existiment , nudum hominem , atque inermem , veluti projectitium infantem , omnibus destitutum , iniuriis fortunæ expositum , prostituisse ; cum reliquis animantibus arma , & vestes abundè supeditaverit ; in sola manu tamen omnia homini donavit Natura , veluti instrumento , ut acutè Augustinus observat , ad opera omnia omnesque artes ab intelligentia directo . Cum ergo Testacea , vel omni motu careant , utpotè scopulis , aut humi infixæ , vel vix ullum motum edant , eumque invariabilem , quem ab origine prima , tamque patrimonium omne , secum traxerunt , nequè ab ipsa humo eleventur magis anima , quam corpore ; propterea nullam fermè nancisci debebant diversitatem membrorum , quæ dissimilaria dicuntur . Atque soli abdomini nata , eas tantum partes sortiri debebant ex magisterio Naturæ , quæ necessaria ad vitam cuique Animalium perfectò , Aristoteles adnotavit : Guttur nempè quo cibum capiunt , Ventrem , in quo reponunt , & concoquunt reliquo corpori imperiendum , atque intestinum , ad cibi excrementa exoneranda . Hæc autem vitæ instrumenta , quam solerti industria construxit Natura , tam curiosa indagine eorum diversitas esset examinanda ; Excurret illam qui per otium amat fusè aquè Aristotelem de partibus Animalium . lib. 3. c. 14. Hic satis est advertere cum eodem , planum esse eorum Ventrem , simplicem , expoliturum , atque ut in nonnullis avibus excurrentem , quibus cibum humidior , iis nempè quæ cruribus longioribus corpus suffulciuntur , sic eam possunt cibum facilius concoquere . Non absimile autem his est intestinum , quippè semper in promptu cibum ex mari , quo vivunt , non erat diutius in visceribus retinendum , ad succum Nutritioni utilem attrahendum , novo videlicet semper è mari supeditato . Hujusmodi organum inest , & plantis radicibus , quasi ore attraentibus cibum , aliisque partibus ad exoneranda excrementa destinatis iis , ut vult Aristoteles , ex quibus erumpunt flores , fructusque , vel melius , ex quibus distillant humores , & gummi , cum flores sint partus producti ad speciem propagandam . Sunt tamen plantæ ventris expertes cum nempè sit

terra pro ventre , veluti nutrix infanti , alimentum plantis ferens , & concoquens .

Testis tamen non debebatur ista simplicitas organorum , & quoad illarum formam fabricamque , sit pro ratione , destinatas à Natura fuisset ad conservacionem corporum inclusorum omninò inermium . Simplicitate membrorum vitæ consulens prodigalitatè notam elusit . Simplicitate munimentorum in Testis damnata egestatis fuisset , ac proindè in iis effingendis se usque in luxum effudit . Cum enim Ostrea hostium incursionibus , & insidiis paterent in mari exposita , ea tanta varietate peltata , & clypeata instruxit , alia videlicet armata duritie , atque asperitate , alia tuberculis , & hastis , quasi præferatis , ad tormentum viscerum , & palati hostium insidiantium , præter commune omnibus effugium receptus , cum nativas latebras , intra suas Testas peterent . Quærenti autem , ut quid tanta in Testis accidentium varietas tanta peregrini coloris diversitas ? Responderem ; ad eum prorsus finem , quo comantes Cristæ in galeis , & in Thoracibus Clypeisque foliosa ornamenta , Opere corinthio depicta ad horrorem armorum quasi temperandum . Sipienti planè consilio Ars militaris , nempè ars moriendi . elegantiam armis ipsis induxit , deauratis telorum cuspide , & ensium acinace , ut mortem ipsam nativo horrore exveret , atque in ipso Martis campo , acies instructas ostenderet , non tam ad Pugnam , quàm ad Choræam . Tam præclari iuventi laudem , sibi deposcit Natura , quæ artem ipsam ad magisterium hoc erudivit constructis armis , ac munimentis pro tam inermibus animantibus , tanta colorum , atque ornamentorum elegantia picturatis ; elegantia tamen armorum robur nihil demente . Quo artificio tria præstat omninò præclara : nempè infimis , atque infirmis animantibus arma , & munimenta comparavit , oculorum oblectamenta , atque illicia abundè instruxit , in tanta colorum ornamentorumque varietate , singulaque Testacea suo quæque quasi stemmate insignita , & vestitu consimili notata discrevit .

P R O B L E M A XVII.

*Cur careant Ossibus ?*

**O**ssa in omni corpore sunt multa numero ; alia recta , alia transversim locata , & arcuata , singula singulis juncta validis ligamentis , ita tamen enodata , ut possint membra pro opportunitate curvari , & omnia ita accommodata , ut quamdam quasi trabium structuram componant , corpus sustentantem . Jam verò si Testacea humi semper infixæ nullo motu debebant se expedire , nisi communi vermibus , & insectis , reptando pro-

progredientibus, hujusmodi membrorum structura inutilia fuissent ossa, imò Turbinatis impedimentum attulissent, nempè contorquentibus sese, vel coarctantibus intra spiralem suam cavernam, debuit aptari corpus omninò carneum fibris undequaque extentum, aptis, vel ad se recipiendum, vel ad se pro nata opportunitate distendendum. Addo: toti corporis structuræ, in unam quasi alvum elaboratæ inepta erant ossa: scilicet ex observatione Philosophi, de part. Anim. lib. 2. c. 9. nullis animantibus venter distinguitur, nec distenditur ossibus, ut sic possit, vel attracto cibo intumescere, vel concepto fœtui domicilium infernere. Aliqua insuper ossa infixæ sunt certis partibus animantium, inquit Philosophus, ad eas tutandas servandasque, ut Costæ circumdantes Cor; cum autem ad conservationem Testaceorum, munimentum Natura construxerit pro Galea, Scuto, ac Thorace illis aptatum ad incursum quemlibet eludendum; ut quid ossa huic viventium generi fabricare?

#### PROBLEMA XVIII.

*Cur sint corde orbata?*

**C**Or in Animali est, veluti Sol in Mundo, nempè caloris vitaliumque spirituum officina, opera omnia efficientium, & quemadmodum antiquissimus Philolaus apud Macrobi. Satur. l. 1. c. 27. falsò existimavit, Solem immobilem in hoc Mundi sistemate collocatum, & omnia circa ipsum in gyrum sese moventia, utpote ipso indigentia, ita pro veritate observavit Anathomus; *inter partem, qua animalia cibum recipiunt, & inter partem, qua emittunt excrementa, mediam quo ad situm esse tertiam partem, in qua est principium vitæ*; cor nempè, ex quo uno trahunt omnia subsidium portionemque spirituum operationibus inservientium; & quemadmodum Sole sublato evaderet Mundus informe exanimeque Cadaver, ita prorsus, & Vivens, corde subducto.

Manifestum fit hoc in quolibet perfectò Animali, & pro miraculo est, ex cujusdam pectore corde extracto; potuisse tamen illum aliquando voces edere, & alloqui Carnificem eviscerantem. Manifestum etiam fit in insectis non carentibus sanguine, & quamvis plures in partes dissecta adhuc vivant, momentanea tamen est in iis partibus vita, exhausto scilicet in iis Vitalium spirituum fonte, hoc est, corde. Cochleæ tamen vivunt quamvis excordes, ut reliqua Animantia exanguia. Et quamvis Democritus existimaverit, inditum esse cor omnibus, sed oculorum obtutum Pro sua parvitate effugere, omnem tamen, quamvis conatum impendat oculus Mi-

croscopiis exploratoribus adjutus, ipsa etiam invisibilia obiicientibus, nunquam poterit Cordis vestigium deprehendere, quod sanè Microscopii perspicacitatem non eluderet; quemadmodum in generatione omnium Animalium non exanguium vix efformatum cor in embrione detegitur. Cur ergo vitam quasi commodatam, Ostris excordibus indulsit avara nimis Natura?

En depromptum, ex ipso sapientissimo instituto Naturæ responsum. Cæca nunquam largitione suos in Partus sese effundit Natura, neque illis frustra Aerarii sui opes, ac Tesoros imperitur. Cæcutientis Amoris, & genii insanientis est ad nullam respicientis utilitatem beneficia conferre. Præstitit hoc insanus ille Caligula, ad Romæ consulatum inaugurans suum illum equum, cui à perniciate cursus inditum *Ignæi* nomen fuit.

Non sic insanit Natura eximiæ perspicacitatis in operando impertiens singulis, vel subtrahens, pro aptitudine, merito, ac dignitate eorundem. Hoc prælibato, en Philosophi ratio, lib. 3. c. 1. art. 1. de part. Ani. cur Testaceis Cor Natura negaverit. Animalibus omnibus non exanguibus necessarium est Cor, cum enim humido fluidoque constet sanguis, indiget vasis aptis ad illum excipiendum, in quem finem elaboratæ sunt venæ, quibus in omnia corporis membra diffusis ad impertienda singulis alimenta, necessarium fuit eas omnes ex una origine, veluti rivus ex uno fonte, corrivari, nempè ex corde, ex quo tanquam ex prima scaturigine profluunt omnes, & singulæ. Exanguibus ergò Testaceis, quid mirum si Cor non effinxit Natura? Verùm quidem est ad impertiendum Vitæ alimentum, humorem aliquem proportionatum necessarium esse pro sanguinis supplemento; quamobrem in Testaceis omnibus reperitur humor ille, quem Philosophus Saniem appellat, quo pacto sunt etiam partes, Venarum vicem explentes, quas diximus Fibras. Quæ Saniem, vel attrahunt ex Ventre eam primò excipiente, & aliquantulum concoquente; vel per poros corporis ex Elemento, in quo vivunt, non secus ac arbores humorem illum bibulis radicibus exugunt è terra, quæ iis pro corde, ac ventre est, parato semper ad alimentum suppeditandum.

PROBLEMA XIX.

*Cur sint Edentula?*

**A**Ntequam quæsito respondeam, firmanda est ejusdem quæsitæ suppositio; nempe edentula esse Testacea. In contrariam sententiam abiere nonnulli. Inquit Aristoteles de part. Anim. c. 45. de Cochyl. pag. 516. *Conchas dentibus etiam bonis fulciri, ut crustata.* In Micrographia obs. 40. Ita opinatur Martinus Lister, & Microscopio exploratum hoc affert ex Hookio his verbis. *E superiore oris parte Cochleæ ejusdem Testæ contextæ, officulum durum, recurvumque exemi, id mihi visum est figurari in modum dentium gingivæ ordine suo dispositorum, inque plures minores majoresque dentes nigros dividi. Verùm unum solidumque officulum erat, quo eam Rosa foliis vesci ipse observavi, atque ex iis lunatas exiguas partes momordisse in modum litteræ majusculæ C. Hujus autem officuli pars superior, ejus inferiori, & nigriori parte multo albidior est, & minus sinuata, ad oras paulatim extenuatur in ariem, huic insuper veluti novem dentes sive partes eminentes omnes ipso officulo medio inter se conjunctæ.*

Fuit habita hujusmodi observatio in Cochlea terrestri, ut inquit ille, qua de causa firmari ex illa non potest universalis conclusio dum in aliis aquatilibus hoc minimè reperitur. Hæc etiam sententia è regione opponitur Velschio, qui in prima Hecathostea suarum observationum, quas anno 1675. inscripsit Academiæ Curiosorum in Germania, dicit: Injustè injuriosèque derisum Chirurgum celebrem, quem à prima infantia per jocum vocabant Cochliodontem, quia in amicorum confesso affirmaverat: Cochleas armatas dentibus: cum, inquit ille, Obserunt. Phisicomed. obser. 67. *ipsi sensus attestentur nam Microscopii ope, non istis modo (nempe Cochleis) & similibus insectis, sed etiam locustis, gryllis, aliisque suos dentium ordines esse, luculentissimè apparet.* Sed quàm facillè errare potuerit, si tamen ipse observavit, error alter ostendet in hoc ipso, cum observationem suam obfirmare intenderet, auctoritate Ætiii inter Græcos Medicos non ignobilis. *De dentibus etiam Ostreorum (sunt ejus verba) jam olim quædam obiter Aetius recensuit; sed nos uberius in Teotomicis nostris disseremus.* Quandoquidem evoluenti mihi quidquid indicatus Auctor medic. contract. ser. 2. de Ostreorum testis, Operibus suis complexus est, occurrit in ipso indice legere. *Dentes Ostreorum,* sed paulo post locum indigitatum percurrens, legi: *Dentes Ostreorum testæ illustrat, velut etiam Buccinorum. Et Purpurarum, non solum vi ex-*

*terforia; sed etiam substantiæ aptitudine.* Neque ullo pacto Testacea dentibus armata contendit, sed ad aliorum dentes illustrandos, & maculis detergendos opportunam esse illorum Testam combustam, & redactam in pulverem affirmat. Hinc, nescio, quo pacto ante Velschium potuerit Ionstonus de exang. aquat. l. 3. pro veritate idem enunciare; eò vel maximè, quòd in Veritatis testem, textum Aristotelis lib. 2. de gener. c. 4. exhibet, ubi Testacea, inquit, *nutruntur more plantarum per poros, & quidem humore dulci.*

Atque ut probationes expediamus. Dentes, inquit Aristoteles, *generantur, & augentur alimento eodem, ex quo ossa, & nascuntur, non ex cute, sed ex ossibus, & habent Naturam ossium, ut patet ex eo, quia sequuntur colorem ossium.* Hinc Æthiopes candicant dentibus, quia ossa sunt candida: Testaceis ergò ex ossibus, neque ad ossa compingenda præparato iis alimento, sequitur de consequenti illa esse Edentula. Secundò, quia magna copia materiæ pro Testis supeditanda, nulla pro dentibus superest, ut videre est in Cornigeris Animantibus, ex parte superiore edentulis; nempe utente Natura alimento, ad cornua efformanda. Ita mirabilis ille Piscis nonnisi magno labore, & industria raro admodum captus in glaciali Norvegiæ Oceano, quem in suo Musæo Vormius describit; est, ore omninò edentulus, ex cujus parte superiori erumpit os durissimæ candidissimæque substantiæ, ex æquo cum ebure contendens, in hastam veluti cuspidatam ad longitudinem palmarum decem productum, ut cernitur Romæ in duobus illis pulcherrimis in Villa Phamphilianna propè S. Pancratium ab Excellentiss. Principe asservatis, ut in aliis collocatis in Musæo Excellentiss. Principis Augusti Chisii. Tertiò probatur. Quia dentibus instructa fuere Animantia nonnulla, vel tamquam armis ad pugnam, vel tamquam instrumento ad voces edendas; alia ad cibum atterendum, & digestionem præparandum. Testaceis verò, ut plurimum, attrahentibus per poros nutrimentum, *more plantarum,* nempe humorem in quo vivunt, otiosi dentes forent ad nutritionem.

In hanc rem singularis omninò est Victoria, quam retulit Coclea ex Serpente; cum sentiens, se dentibus illius invadi, illico intra sua Testæ sepimenta subducens sese, traxit secum serpentis caput, vi adacti ad mortem in eo carcere subeundam, propterea concelebrata ab ingenioso Poeta eleganti Epigrammate sic concludente.

*Rideo partorum ingenium, si Coclea inermis  
Sola hostem didicit contumulare fuga.*  
Hipolitus Grassetti l. 1. pag. 51.

## PROBLEMA XX.

*Cur Fel, Iecur, & Lienem Testaceis  
negaverit Natura?*

**D**atum est Animali Hepar ad attrahendam ex cibo in stomacho concocto partem, ad alendum ipsum Animal aptiorem, & antequam distribuat illum per membra, debet in quatuor humores partiri, nempe in sanguinem, flavam bilem, flegma, & bilem atram. Ex parte magis terrea, hæc gignitur, quemadmodum ex parte magis calida, & subtili flava bilis, ex frigidiori flegma, ex magis temperata sanguis ipse. Utque fiat hic aptior ad nutritionem depuratur hujusmodi humoribus attracta à Liene atra Bili, flava à felle, à venis simul cum sanguine pituita ad humectandum opportuna, si quando nimium exsiccaretur. Quia verò Testacea nutriuntur, ut plantæ, humorem quasi plenè incoctum attrahentes, & aptum, ut convertatur in substantiam viventis, quin transformetur in sanguinem ad alimentum viventi præstandum: Hinc Natura hisce membris frustra instruxisset Testacea. Et qui vellet curiosius hanc proportionis constantiam inter plantas, atque Testacea examinare, observet incomparabilem illam Anathomem, quam vulgavit accurato studio Doctor Malpighius, & agnoscere poterit quàm bene sibi respondeant in alimento suscipiendo, animadvertens in summa simplicitate partium exquisitam organorum distributionem fibrarum, nervorum, canaliculorum ad sugendum, concoquendum, ac distribuendum alimentum, eamque ex hac animadversione oblectationem percipiet, quam hausit clarissimus Thomas Bartolinus scribens: acta Hafn. an. 1675. n. 9. *In Plantis quamvis primo aspectu simplicissimo, revera tracheæ sunt, & aeri inserviunt, alia itidem Vasa, quæ deferendo alimento, & alia quæ excoquendo: quarta denique quæ peculiari succo colligendo inserviunt, ut taceam illa quæ superflua excludunt.*

## PROBLEMA XXI.

*Cur Testacea, quæ os non habent,  
attamen nutriantur?*

**Q**uæsitum hoc ad multa Viventium Genera extenditur, nempe Flores, Plantas, nonnullaque Insecta, ore carentia; illis tamen Natura modum suppeditavit ad alimentum attrahendum, & ad membra singula deferendum. Communis propterea omnibus responsio aptabitur. Quemadmodum ergò Arborea sugunt è terra, vel ex aqua humorem nu-

tritivum Vitæ, per poros radicum, sic Testacea illa quibus negatum os fuit, conveniunt cum plantis, quæ propterea illa Plantanimalia appellat Philosophus. Atque hic notandum: Inter Testacea sola Bivalvia, parte hac corporis privata esse à Natura tamquam superflua, nempe quia alimentum captura erant ex Elemento, in quo nascuntur, sat erat in hunc modum attrahere. Os autem à turbinatis plerumque habetur; Undè possunt præter aqueum humorem, alium etiam cibum sumere: Sic vescuntur carnibus purpuræ, piscium avidissimi sunt Turbines dicti *Garragai*, alia lutum amant, ut Ballani, de quibus alibi scripsimus; Marini Echini pisciculis, & vermiculis oblectantur, ex fundo maris acceptis, Quapropter notavit Aristoteles, de part. Anim. c. 5. num. 10. os iis infixum extremæ corporis parti *exitum autem excrementi in parte suprema*. Cum hæc ex adverso semper ori opponatur. Verum tamen est exiguo ea cibo indigere, urpotè exanguia, & idcirco frigidissimi temperamenti, quasi spiritibus destituti. Et quamvis in solùm Ventrem, & Guttur fuerit iis corporis moles aptata, non tamen sunt voracia, imò paucis, quæ forbent contenta, nonnullaque vitam degunt ad menses plures, suis in Testis sepulta, quin unquam ex iis prodeant ad alium cibum sibi comparandum.

## PROBLEMA XXII.

*Cur Turbinata habeant Operculum?*

**E**x observatione postrema antecedentis Problematis oritur præsens quæsitum: cui antequam responso satisfiat, observandum est: Ex tribus Classibus, in quas partiti sumus Testacea, numerosiorem esse Turbinatorum, quæ plures quasi subalternas species complectitur, quarum singulis Operculum est impositum, Animali congenitum, eique semper infixum, ut unguis carni; quoties autem intra domum suam se recipit illud claudit, tam benè sibi aptatum, ut unum videatur corpus, nulla divisione distractum, non secus, ac multæ Bivalvium species sese concludunt, connexis arctissimè in omnem partem, valvis duabus, quibus componuntur. Hinc Aristoteles de part. Anim. c. 5. art. 4. pronunciavit: *Turbinata Bivalvibus quodammodo assimilantur, quippe quæ omnia operculo quodam congenito carni patulæ opposito clauduntur*. Hac prælibata observatione, causam subdit deductam ex prudenti operatione Naturæ. Cum igitur Turbinata totum corpus tam diligenter Natura munierit, ne munimento careret pars illa, quæ Ianua quædam est Arcis illius *presidii gratia* operculum omnibus

bus suppeditavit , quo se munimento conclusa-  
tutarentur .

Consimilia sunt Bivalvibus etiam Univalvia,  
non Turbinata, nā licet una tantum sit pelta cly-  
peata, hæc tamen semper infixæ scopulis est, quæ  
ex eisdem Aristotelis Doctrina. Omne Univalve,  
fit alieno septo quodammodo Bivalve Sic unde-  
quaque tutante illud Natura; adeò verum est: fœ-  
tibus quibuscumque, quos in lucem enititur, pro-  
vidæ Matris instar, Naturam consulere .

P R O B L E M A XXIII.

*Cur multa Turbinata sint etiam  
cornibus munita ?*

**M**aris Turbinata non pauca cum terræ Co-  
chleis conveniunt , quemadmodum his  
sefe moventibus , modo bina , modo quaterna  
cornua ex capite prominent, ita illis eodem pla-  
ne modo consultum est à Natura . Borellius ,  
observ. 90. observata in eorum vertice nigra  
macula , nihil hæsitans affirmavit : Oculum eam  
esse , quo viam explorant , per quam possunt, si-  
nè impedimento reptare : *In limacibus* , inquit  
ille , *non solum dentes accerrimi , sed & oculi in-*  
*cornibus ductitii . Videmus nigrum eorum ab in-*  
*ferjore cornu parte , seu à cerebro, ad eorum par-*  
*tes supremas ascendere ; cum moveri cupiunt , &*  
*gressum suum dirigere , quo cornua convertuntur ;*  
Verum non videtur mihi hæc observatio neces-  
sitate inducere , firmandi conclusionem , om-  
nino oppositam Aristoteli , qui lib 3. Anima-  
lium, ea dividens in oculata, & exoculata , ocu-  
los negavit Limacibus : *Habent profecto* , inquit,  
*oculos tum cetera Animalium omnia, præterquam*  
*Testa intecta , & si quid aliud imperfectum est ,*  
*ut Talpæ* , Quamvis punctum nigricans in sum-  
mitate cornua præferant, non propterea inferen-  
dum ex hoc oculum esse , sed potius maculam  
ad ornatum, alioquin dici poterit , plures pisces  
Argos esse , maximè oculatos , quandoquidem  
perfectissimū Microscopiū eorum pellem osten-  
dit innumeris punctis , quasi pupillis oculatam .  
Rursum si oculos Turbinatis indulgere voluit  
Natura, cur eos in extremitate tam remota à ca-  
pite collocavit ? Summitatibus Antennarum in  
Navibus collocari solet, ut ita dicam, oculus ex-  
plorator ; Animantibus sive mari , sive humi de-  
gentibus, fuerunt oculi capiti infixi, non cornibus  
maximè productis, vel immani proboscide in ter-  
prostituti . Quòd si oculorū nomine volumus eas  
maculas insignire distorquetur æquivoca nomi-  
nis significatio, oculus enim propriè non est, cui  
deest ex Aristotele lib. de Anim. 3. c. 2. num. 3. vi-  
siva potentia. Hanc in summis cornibus, sive ocu-  
lis Cochlearum non residere, evincitur pluribus

rationibus . De formatione oculorum in Ani-  
mantibus philosophari aggressus Aristoteles ,  
de gener. 2. c. 4. n. 73. constant, inquit, hi  
humore eodem , quo Cerebrum efformatur,  
humore nempe maximè humido ; & quoniam  
post Animalis formationem , paulatim conco-  
quitur , & exsiccat , hinc est , ab initio ce-  
rebrum , oculosque intumescere , & in vitæ  
progressu imminui , atque ita debitam sibi per-  
fectionem acquirere ; jam verò in Cochleis, toto  
ore, & toto ventre hiantibus, cum cerebro pars  
nulla respondeat , non potest hæc extendi , ad  
oculos efformandos , eæque maculæ in recenter  
genitis apparent vix coloratæ, augentur quidem  
proportionaliter ad Animalis incrementum ,  
nunquam tamen ut oculi, obtenta debita perfe-  
ctione , decrescunt .

Ostendit hoc evidenter experientia mihi,  
Cochleam Echinophoram excurianti num. 19.  
tertiæ Classis expressam , nempe cornua ipsius  
Callosæ substantiæ , & valdè robustæ adinueni:  
undè potui in illis anathomem perfectissimam  
gladiolo exercere . Ex cornibus alterum in lon-  
gitudinem discidi, depræhendique eandem om-  
nino intimam extimamque substantiam , & co-  
lorem , quamvis macula , quæ oculus reputatur  
extremitate extima infuscata aliquantulum ap-  
pareret . Non contentus prima observatione stu-  
dii alterum suaviter admodum abradere , qua  
parte apparebat macula , seu ocularis pupilla ,  
potuique illam facili negotio abstrahere , non  
secus, ac colorem pennicillo superinductum, illi  
substantiæ nervosæ . Atque adeò mihi evidens fa-  
ctum est ; non esse illa instrumentum visus , cum  
nulla ibi pars, ullo organo instruat ad visum .

Ex ipsarum autem motu, certò obfirmari po-  
test non esse oculos Arist. Probl. sect. 31. num. 1.  
Hi enim pro eodem tempore non possunt ad con-  
trarias partes converti oppositas omnino, ambo-  
bus scilicet ex eodem principio pendentibus ,  
quod ad duas partes oppositas moveri simul non  
potest ; si verò secus contingerit , malè consul-  
tum à Natura fuisset : Nempe multiplicatum ap-  
pareret objectum , ut duplicatum apparet , cum  
ex industria , & per vim oculos distorquemus ;  
quemadmodum duplicatum apparet objectum  
digitis duobus attactum altero alteri superposi-  
to , sicque è suo situ naturali subducto . Jam ve-  
ro Cornuta Testacea nulla prorsus lege in op-  
positas partes cornua contorquent siquidem ali-  
quando , ita parallela extendunt , ut si ocularis  
linea , & directoria protraheretur , nunquam in  
idem objectum inciderent , aliquando verò di-  
latant in angulum , ita obtusum , ut ad puncta  
distantissima , ac propemodum opposita termi-  
narent , quamobrem diligenter observantibus  
motum ipsarum, manifestum fit, data esse illi cor-  
nua

nuā à Natura in supplementum manuum, veluti cæco gradum tentanti, & obstaculum, aut periculum itineris exploranti. Duobus enim minoribus cornibus, in iis, quæ quatuor cornibus sunt instructæ, paulatim reptantes, tentant identidem viam, reliquis verò duobus in aere libratiss, & in diversas partes contortis, certiores fiunt, posse per illud spatium tuto evadere domum, quam humeris bajulant, ejusque ponderi incumbunt, cum eam sustinent, & quidem si in his partibus præferunt sensum visus, cur ad eum situm pervenientes, in quo possunt impedimentum aliquod deprehendere, non desistunt à motu, sed audacter in id, quod objicitur invehuntur, ac si acutissimis sensibus essent armatæ, neque unquam recedunt, nisi cum sentiunt durtiem, vel solidam lapidis, vel delicatam floris? Neque contentæ in se ipsas se collegisse, ad primum levissimum eorum contactum, iterum, iterumque ea explorant, evaginatis denuo paulatim corniculis, instar timentis, & non videntis. Enimverò nullum est Animal, adeò stolidum, ut spontè exponat incursum potentiam illam, quam instituit Natura, ut evitaret incursum; nullum quippe reperias, qui oculis invehatur in spinas, ut earum puncturas exploret.

Instructæ igitur fuere Cochleæ his potius tanquam brachiis, quam cornibus, ut ex iis suppeteret auxilium ad motum; neque his omnes fuerunt instructæ, quamvis vagæ, nec locis scopulisque infixæ; sed illæ tantum, quæ motu progressivo se proveunt; cujusmodi sunt Turbinata, aliqua de quibus Plinius. *Omne Turbinatorum genus movetur, ac serpit.* Præter hæc inquit, Aristoteles, *non desunt complura, quæ cum sint absoluta, movere tamen se nequeunt. ut Ostrea;* sed tantum se movent dilatando vel claudendo septa duo, intra quæ vivunt. ut alimentum trahant ex mare. De aliis nonnullis, quas Chamas leves appellant, scripsit Plinius vidisse se in gyrum torqueri, quin unquam à loco occupato recederent, quemadmodum Rotæ firmo axi infixæ quantumvis incitatæ ad motum, nunquam recedunt à centro, super quod contorquentur.

Iam verò si Turbinatis sese moventibus, oculos negavit Natura, illorum defectum hisce instrumentis supplevit, ut progredi, seque in se ipsa recipiendo, à contrariis tueri, quemadmodum sensum olfactus perspicacissimum omnibus impertivit, quapropter, si quodpiam eorum aperta Testa leviter tangatur, statim se ab hoste tutari contendit, quem tamen, si oculos haberet, tam propè accedere non pateretur, sed in alta illa cornuum veluti specula perlustrans, accessum prohiberet, se claudendo. Imò existimavit Boetius in Scotiæ descript. acutissimo sensu auditus eadem fuisse dotata, quapropter inquit,


occludunt sese, cum litus clamore aliquo prestrepit, vel ingens lapis in mare dejicitur, usque adeò inditum est cuicumque viventi tueri se à noxiis incursum. Hoc autem sequutura Problemata in examen vocabunt.

His experimentis instructus rationes investigavi cur Natura oculos Testaceis denegaverit, quando in maris litore mentem relaxabam contemplatione Animalium Testaceorum, audiens Aristotelem docentem lib. 3. Animal. c. 12. *Habere oculos tum cetera Animalium omnia, præterquam testa intectæ, & si quid aliud imperfectum est, ut talpa.*

Deinde tamen cognovi me tunc à vero aliquantulum aberrasse. At quid mirum? Cum illud Galeni satis superque comprobatum sit: *Difficile esse, ut qui homo sit in multis non erret.* Habent enim oculos aliqua licet paucissima, quæ in mari testa sunt intectæ. Argumento fuit motus quo Echinophora sub aqua latens è mari desumpta, in suam domum testaceam sese recipiebat cum bacillum contra ipsam admoverem, licet adhuc non illam tangerem.

Evidenter deinde deprehendi cum iterum eandem cochleam optimo microscopio submissi. Observavi enim non quidem in acumine cornuum, sed prope basim punctula duo nigra, & pellucida, & cultro anatomico intima penetrans sub singulorum cuticula seu membranula vidi latere globulum minimæ molis veluti è vitro compactum, qui certe humoris cristallini loco erat.

Post hujusmodi observationes easdem habuisse Fabium Columnam de Purpura c. 1. §. 33. circa Purpuras compertum mihi fuit ubi legi *Corniculis verò à terrestri cochlea variat Purpura, hujus quidem in acutum desinunt, oculi non in summo, ut in Terrestribus, sed supra medium corniculorum observantur, ubi cornicula veluti resecta per longum tenuiora efficiuntur sic litt. A.*



*oculos verò aliquando tueri corniculis supra illos incurvatis, ut in pictura notatur litt. I. observavimus etiam partem illam supra oculum*

*corniculorum contrahere, ut non nisi reliquum appareat in oculos desinens crassius. At quando tueri putatur, recta tota exerta & firma cornicula extensaque habet. Hætenus Columna. Circa quam observationem Ioannes Daniel major in suis adnotationibus anni 1675. §. 16. hæc addit. Oculorum Purpuræ descriptioni à Columna ipso cap. 1. §. 33. accurato propositæ quæ addam non habeo, nisi quòd illorum mentionem aliam etiam facit Severinus in sua Zootomia (part. 4. pag. 350.) sed dum dicit ibi longo tubulo esse impositos, tam facile*



*facile aliquis poffet ex his verbis colligere, purpuras oculos gektare in fummo vel extremo cornuum, quam in medio eorundem, id quod Columna multo diligentius ac diftinctius expreffit .*

Cum ergo conftet, refumo, aliquibus Teftaceis oculos inefle, multa verò eifdem carere, jxre quæri poteft, *Cur oculos Teftaceis Natura denegaverit. Doctrina problematica exotericaeft*, inquit Licetus, de Vivent. ortu pag. 273. *in qua pleraque Aristoteles ad aures Vulgi determinat.* Hoc tamen agendo multa docet ac detegit, quibus imbutæ mentes Philofophantium erudiuntur. Scatent quidem erroribus quamplurimis fere omnium Philofophorum infignium fcripta, experientia magiftra fuffectu temporis detectis; at non ideo minori laude celebrandi funt, eò quòd innocenter erraverint. Damno morem illum, quo ex paginis alienis paucula feliguntur, quæ calamo Authorum nimis fortaffe veloci exciderunt, ut contra ea integra volumina compingantur, ut olim apud Poetas Sindacus ille egit, qui, loco celebrandi dotes Deorum matri appictas, contumeliis illam fuit profequutus ob importunum crepidarum fridorem. Sicuti in cultiffimo quolibet campo inutilis herbas inter frumentum nafci necesse eft, ita æque à ratione diffonum eft eas omnes in fasciculum colligere, ut foli vitio tribuantur Valerius in Paterculo lib. 2. *Quandoque bonus dormitat Homerus* de illo dictum eft, qui magnitudine operum, & carminum elegantia folur appellari Poeta meruit: nec in Hominum Coetu ullus reperitur, qui ab erroribus immunem effe jactare fe poffit. In hoc vasto rerum cognofcibilium Theatro quamplurima funt, ait Cardanus, de caufis errorum liber 17. Paralip. c. 2. *quibus velamen Natura propofuit, velut fponde ea latere voluerit, ut in multorum Animalium Generatione; Nam fi detraxeris corticem non perficiuntur, fi permiferis, non afsequeris. Insuper in nobis etiam tribus modis errare contingit, vel quia fenfibus & intellectu præftanti præditi non fumus, vel quia eis non utimur rectè, vel quia caligo ab aliis offenditur.*

Laudabiles proprerea funt Studiosorum conatus, quibus tot inter veluti scopulos ambagetque veritatem fine ullo fallaciæ fuco circumtectam afsequi conantur circa ea, quæ adhuc fupereffe in rerum cognitione exiftimare debemus, quæque Veteres latuerunt. Quippe Natura adeo fœcunda eft, ut multis fæculis omnia humano ingenio comprehendi nullo modo poffint. Hinc ingrata non accidiffe opinor experimenta in noftro Muſeo relata, quæcumque illa funt. Etenim Cartefio ingenia excitanti obfecundavi, qui omnem vitæ fuæ ætatem in eo collocavit, ut Theoreticam Philofophiam ad pra-

xim, communemque humani generis utilitatem accomodaret, at animadvertens, & Vitæ anguftos effe cancellos, & experimenta fubinde deficere ac defiderari, illuftria ingenia adhortatus eft, ut quodvis pro fua facultate ad faciendâ, & promulgandâ fe conferat experimenta. Ipfum refero ita in Dif. de Meth. differentem. *Cum autem propofuerim totam meam vitam collocare in fcientiæ adeo neceffariæ investigatione, & incidere in viam, quæ mihi talis videtur, ut fi quis eam fequatur, haud dubie ad optatum finem fit perventurus, nifi aut brevitate vitæ aut experimentorum defectu impediatur, judicabam nullum melius effe adverfus duo ifta impedimenta remedium, quàm fi fideliter publico communicarem. Id omne quantulumcunque effet, quod reperiffem, & præclara ingenia invitarem, ut ulterius pergere contenderent, fingulique quod in fua facultate effet, ad experimenta faciendâ conferrent, atque etiam eorum omnium, quæ addifcerent, publicum particeps facerent, eo fine, ut ultimi incipiendo, ubi præcedentes defiffent, & ita multorum vitas, & labores conjungendo, omnes fimul longius progredierentur, quàm finguli privatim poffent.*

Quod fi me in multis erraffe pro comperto aliquis habeat, huic locutioni finem imponam, ufurpando verba è Tufculanis quæftionibus lib. 2. Ciceronis *Nos qui fequimur probabilia, ne ultra quam id, quod verofimile eft occurrerit progredi poffumus, & refellere fine pertinacia, & refelli fine iracundia parati fumus.* Eadem recenfuit in fronte eruditæ, & ingeniofæ differtationis circa corpora humida, & ficca Ex. D. Iofeph. del Papa in Patavino Licæo Medicinæ Præcticæ Profefſor, quibus deinde adnexuit hæc alia è Timeo Platonis delibata. *Si ergo non minus probabiles quàm quifque alius fermones afferamus, oportet acquiefcere, cum cogitetis & dicentem; & vos Judices humanam habere Naturam, ut de hisce rebus verofimilem fermonem probantes, deceat nil ulterius quærere.*

Reliquum effet, hic attexere, quod in fua Cosmographia tom. 2. lib. 20. refert Tevetus de Cochlea quadam in Germanico Orientali Oceano inventa, quæ præter ramaſa cornua, ut cervi, duobus oculis, colore vivaciſſimo collucen- tibus erat inſtructa; fed quoniam Joſtonus, hiſt. nat. de Cochl. art. 3. illam, aut fabuloſam exiſtimavit, aut maris monſtrum, ab illius examine, & cenſura abſtineo, contentus, eam ſuo loco ſubiicere oculis inter alias, de qua ſententiam ferant curioſi indagatores prodigiorum Naturæ.

## PROBLEMA XXIV.

*Cur vocem non edant.*

**O**Mnium in mari viventium proprium est : non posse vocem aliquam edere, & quamvis pisces nonnulli vocales dicantur, ipsi tamen vocem non edunt, sed quemdam quasi sonum, seu stridorem, cum partes aliquas movent, quibus eos instruxit Natura ad attrahendam aquam, vel evomendam. Testacea tamen, quemadmodum, & omnia Crustata, omninò sunt muta. Refert Strabo, speciem quamdam Nilum incolere, quæ *mugitum edit*; sed ad veritatem Historiæ conciliandam satis est, id experiri in Testis quorundam Turbinatorum, mugitu quodam, horrorem incutiente perstreptibus, cum vel ad bellum, vel ad venatum sono vocis humanæ inflantur. Ex duplici autem causa Testacea, ut alia quæcumque in mari Viventia, sunt muta. Primò enim vox ex Aristotele de Anim. 4. c. 9. in aspera arteria effingitur, cum aer ad respirationem attractus ex pulmonibus, impetu excluditur; quæ autem pulmonibus egent, carent arteria, nempe officina ad vocem elaborandam. In Testaceis totum corpus, in guttur, & ventrem extenditur, sine pulmonibus, & arteria; non ergò possunt vocem ullam inflectere. Pulmones illis non indulsit Natura, quia cor negavit, ab iis refrigerandum temperato calore sanguinis, ex novo aere attracto; neque aspera Arteria dotavit, quam Animali impertivit, ad aerem pulmonibus attractum introducendum. Secundò, quamvis essent instructa organa vocem formantibus illam edere non possent in aquis non admittentibus congruam illam aeris agitationem interpositam inter corpus percutiens, ac percussum, quæ voci formandæ, necessariò inservit, ut clarius sequenti problemate ostendetur. Animalia autem aquis sepulta peculiari aliqua refrigeratione indigentia, quia non sunt exanguia, aerem non respirant, sed aquam, Atque hujusmodi sunt pisces; alia quia exanguia, ac propterea vix indigentia minima respiratione ob imbecillitatem caloris, refrigerantur abundè humore illo partibus intercutaneis ingesto per poros, quibus sunt pervia, atque hujusmodi sunt Testacea.

## PROBLEMA XXV.

*Cur careant Auditu?*

**S**entiunt omnes communiter cum Aristotele, de sensibus c. 8. Animalia in aquis degentia sub aquis audire, quod in quarto Animalium evincere, non una ratione contendit ab experientia deprompta, nempe ex piscium fuga ad strepitum Remorum aquas impellentium: ex ipso incondito sono, qui editur ex industria ante piscatum, ad eos in retia congregandos: ex Delphinum præda, quos jam inter retia conclusos Piscatorum clamor propellit in litus, ubi vincuntur captivi; ex alto silentio in aliis piscatibus indicto, ne vel levi sono pisces fugentur. Nonnulli tamen acriter in Aristotelem sic invehuntur. Ad sensationem auditus, & ad formationem soni necessariò requiritur agitatio aeris intercepti inter corpus percutiens, & percussum. Quoniam verò hæc agitatio fieri non potest sub aquis, hinc cieri non poterit sonus, multoque minus audiri. Indè fit, ut si in fundo maris duo corpora percutiantur, quamvis ex metallo maximè sonoro elaborata non percipiuntur extra aquas sonus quemadmodum non auditur ingentium Ancorarum rumor, cum mari jactæ, saxa fundum implentia contundunt. Neque intra aquas audiri potest, quid extra illas agatur, nempe corpore densiore, aqua scilicet, repercussione impulsus aeris agitati, nec potentis ultra procedere, sed in se ipsum reverti. Atque ex Testimonio expertissimorum piscantium uniones, corallia, aliasque maris gemmas, innotuit hoc ipsum, referente Gassendo: ad altitudinem pedum sexaginta immersos aquis in Galliæ portu non percepisse tonitrua bombardarum è navibus explosarum, propterea negandus est incolis aquarum auditus, cum frustranea sit potentia illa, quæ nunquam ad proprium actum reducitur.

Inter hos recensendus est Cassendus lib. 4. sect. 1. c. 11. qui objectis difficultatibus hoc pacto satisfacit. Ad reverberationem remorum fugiunt pisces non quia rumorem percipiunt, sed quia vident oculis agitari, vel tactu percipiunt undatum aquarum impulsus, ita tonitru aliquando pisces in fugam cieri, quia ex aeris refractione peculiaris aquæ commotio impertitur. Hinc sæpè non se fugæ committunt ex vocibus colloquentium, vel propè litus, vel in ipsis navibus; subtrahunt tamen sese, ad levissimam supremæ aquæ agitationem. Idemque Cassendus refert Lucium, extremæ aquæ innatantem non se subduxisse ad strepitum piscatorum, sed tunc solum quando ad eum prædandum cum silentio

appro-

appropinquabant. Fabulofa propterea exiftimat, quæ narratur de pifcibus vivario conclusis, nempè audito campanulæ fonitu ad cibum accuriffe, ut celebris illa Crassi Muræna illum captans ex ipfius manibus cum vocaretur. Quod fi hæc vera fint, contingebat, vel quia ex aliquo aquæ motu admonebatur; quo pacto furdus, cæcusque famelicus manum cibo admoveret fi prævio signo quopiam non femel percepto illum excipere affueviffet.

Jactis hinc indè in contrarium opinionibus ancipitem diù fuiſſe me fateor de Ariſtorelis ſententia donec illam experientia penitus obfirmavit. Innotuit illa mihi ex curioſis Dialogis Donati Roſſetti, Dial. I. in quibus dum eruditos ſermones inter ſe commiſcerent Edetimegorus, Oligetes & Pandetes: interroganti huic an ſonus intra aquas perciperetur affirmative reſpondit Editemegerus, & experimentū attulit à ſe factum in mari, immerſus aquis ad menſuram circiter ſemibubitalem, expertus ſum, inquit, auდიſſe me quidquid neſcio quis ſine vocis contentione diſſerebat, cumque longius aliquantulum à ſuperficie aures applicuiſſem ad poplitem loquturi; cubito, & ſemi aquis immerſi, voces alta voce prolatas percipiebam; inclinata tandem aure ad pedes illius, motum aquæ, & ſonum quendam confuſum excipiebam. Atque hoc experimento inter colloquendum inſerto, concludit, ſub fluidis corporibus audiri, formarique poſſe voces, quia fluida omnia poſſunt, ut aer criſpari, & undare, menſura tamen ſingulis proportionata corporibus, quandoquidem ſicut in aere ad magnam diſtantiã vox non auditur, nec ſonus, ita in aliis liquidis intra ſphœram cuique conmenſurata, ſonus, aut vox propagabitur. Hinc manifeſta ſit ratio: Cur Piſcatores unionum à Caſſendo relati, non preceperint tonitrua Bombardarum, & cur Anchorarum jactus ſuper lapides non ſint auribus explorati, Eperientia certum eſt: ſi quis ære campano perſonuerit inter aquas, extra illas ſonitum exaudiri non levi tamen diſcrimine propagatum ac ſonus in aere editus, ob corpus magis denſum, per quod ſonus effunditur. Quamobrem videtur mihi evinci poſſe in mari degentibus, & in aquis otioſam non eſſe potentiam auditus; cum poſſit illa ad actum ſuum redigi. Nullum de hoc dubium ſuper eſt in Delphino Vituloque marino, nempè in iis manifeſtè prodente ſe organo auditus interiore, ut notavit Rondeletius: lib. 3. c. 3. ſitque hoc clarius ex ſignis ab eis editis, cum illicis allecti toto capite extra undas porrecto, itinerantes naves comitantur. Non ita de aliis piſcibus philoſophandum, nempè in iis non apparente inſtrumento auditionis, ut apparent organa odoratus. Multo minus id in Teſtaceis toto corpore im-

perfeſtis, & referentibus rudem potius, ac indigeſtam carnis maſſam, quàm corpus organicum. Probabile tamen exiſtimavit Ariſtoteles 4. Animalium; cap. 8. n. 24. tali organo piſces eſſe inſtructos; cujus argumentum eſt, quod ſe arenis contumulant, cum ferrum admoveretur, quo capiuntur. Ego tamen exploratà non ſemel hac veritate nullis illa mallei tuſionibus ſupra vicina ſaxa, potui exterrere, nequè deprehendi, ea ad illum ſtrepitum ſe intra ſua ſepta recipere, ac teſtas claudere. Sed tunc ſolum cum leviffimo etiam paleæ tactu tangerentur. Negato itaque iis auditu, perſpicaciſſimo ſenſu tactus ad noxia, & contraria effugienda, Teſtacea inſtruxit Natura.

Addi & illud poteſt, non ad ſimpliciter eſſe, ſed ad melius eſſe Animalis, ut philoſophatur Ariſtoteles, de anim. l. 3. c. 11. ſenſus, auditus, viſus, & odoratus fuiſſe à Natura conſeſſos, quamobrem ii non omnibus debebantur, ſed illis tantummodo, quæ motu progreſſivo incedunt, ſcilicet his ad alimentum ſibi quæritandum progreſſuris, & ad ea effugienda, quæque eorum deſtructionem molirentur, exploranda erant etiam è longinquo objecta, ad quæ accederent, vel à quibus recederent. Et quia diſtantiã objecta ſolus percipit ſenſus, vel auditus, vel odoratus, vel viſus, hinc dotat a his tribus fuere Animalia progredientia, non verò immota, vel ſe vix moventia, qualia ſunt Teſtacea, degentia ſub aquis.

P R O B L E M A X X V I.

*Cur Teſtæ Animatæ nullo ſenſu ſint præditæ?*

**T** Eſtam eſſe Animatam, nemo poteſt ambigere; eandem enim ſemper figuram ſervare proprietas eſt corporum virtute organica præditorum, quæ in ſolis reſidet Animatis, in quibus in gratiam alterius, Anima operatur; Arborea, Flores, & Herbas, eſſe animatas argumento eſt peculiaris illa figura, per quam diſcrimantur ad invicem. Ita in Cochleis ſeptum illud Teſtaceum eſt animatum, quia ſicut oſſa in nobis, ita illud totum ſimul eas circumveſtit, eademque ſemper figuræ lineamenta præſert. Hoc ſuppoſito curioſum eſt inveſtigare: cur vita Animalis vivens, & nutritione creſcens, ſenſu tamen omni deſtituatur.

Senſus omnis ex Ariſtotele ſenſum tactus ſupponit, quo deſiciente, deſciunt etiam guſtus, auditus, & viſus, Teſtis ergò tactu carentibus, quantumvis animatis, nullus alius ſenſus eſt affigendus. Eas tactu carere, oſtendit experientia; ſi enim pungas, tundas, igne torreas,

nullum in iis sensationis signum experieris, vel oclusis Bivalvibus, vel accelerato motu in Turbinatis, nisi quatenus offensa ipsum afficit inclusum animal; Qualia sunt in aliis viventibus sensitivis ossa, talia sunt septa in Testaceis, nempe utriusque sensu carentibus, ex parili utrobique ratione, quam affert Aristoteles; de Anim. c. 1 2. Constat, inquit ille, Tactus temperamento quodam, mediocritate tangibilium qualitatum: cum autem Ossa, sicut & Testæ, sint nimis terrea, adeoque à mediocre temperie, tactui necessaria, nimium distantia, hinc utraque tactu sunt destituta.

Examinandum tamen superest: quo pacto, & qua via communicetur Testis alimentum, ut crescant? Curiosus hanc indagandi, inveni facilè in Bivalvibus, ac ferè in Univalvibus omnibus non Turbinatis. Partibus enim viventis in eorum singulis adhærentibus Testis, non fecus, ac fructus, & siliqua fabæ inclusa, vel domui suæ testudo, dubitari non potest. per eam viam alimentum corrivari Testæ, ut crescant. Animalis, crescat & ipsa Animalis testa, ejusque bono commensurata. Dubitanti tamen mihi; num in ipsa etiam Turbinata corrivaretur, conatus est omnem dubitandi rationem auferre Scriptor, inter Recentiores non ignobilis, affirmans: horum etiam carnem testæ inhære in profundiore parte Cochleæ, quæ spirarum centrum nuncupatur. Quia tamen in ferenda sententia de corporibus naturalibus, consilia petenda sunt non ex mente sola, vel propria, vel aliena, sed in consultationem, & ipsi sensus vocandi, summo studio, semel atque iterum institi, ut hunc arctissimæ conjunctionis nodum deprehenderem & inspectis ad ultimas fibras multis Turbinatis specie diversis, in una tantùm potui illum detegere, solusque mihi obviam fuit nexus ille, qui in Ovo putamen Vitello maritat, intercepto humore illo, quod albumen vocatur. Hinc non amplius anceps fui quin affirmarem in Turbinatis, nullo alio nexu copulante Testam cum Animalis, nisi humore viscoso ex illius poris exudante, humore ipso Testam nutriri, sese ad exigentiam Animalis accommodante. Neque à veritate absonum videtur addere: ipsa maris aqua, quasi lacte, ea enutriti, docente experientia: Arborea longè magis excrescere irrigatis aqua ramis, quàm alimento ex Terra per radices attracto, quod planius fit in Coraliis, fucisque marino, erumpentibus ex durissima siliice hisce plantis, nulla prorsus radice infixis, solaque maris aqua per poros undequaque attracta enutritis.

## PROBLEMA XXVII.

*Cur Testacea, terra Vegetabilibus non assimilata, nec viva, nec mortua odorem ullum diffundant, ut Plurima Vegetabilia.*

**N**ON assimilata Vegetantibus in terra esse Testacea, alibi cum Aristotele adnotavimus, nomen propterea Plantanimalium sortita. Jam verò, quamvis ad firmandam similitudinem inter duo, non requiratur perfectissima, & universalis proportio inter ea omnia, quæ possunt ad invicem assimilari; ex eo tamen, quòd sint affixa loco, ibique alimentum attrahant, necessarium ad vitam, & ad incrementum, dici possent Plantis non dissimilia. Non erit tamen abs re hic indagare, cur nullum unquam reddant odorem, ut plurima vegetantia?

Problema fuit hoc ab Aristotile institutum disquirente sect. 13. art. 4. cur ex nullis speciebus Animantium sive Aquatilium, sive Terrestrium odor ullus emanet? Quamobrem prodigii loco censetur solam Pantheram suave quoddam olere, reliqua Animantia allicientem ad sese? Supponit igitur primò. Fœtorem in Viventibus ex cruditate alimentorum incoctorum provenire, probatque assertum primò, quia sudoris excrementum in ægrotis nonnullis, male olet, undè morbo maximè vitiantur, qui tales esse non solent, non alia sanè de causa, nisi quia in sanis corporibus excrementa sunt sufficienter concocta, non verò in infirmis. Hac suppositione, via sibi instrata, progreditur asserens, Animalia omnia, quæ carne constant, aut corpore, carni æquiparato, ut Pisces, Testacea que, utpotè humido affluentia, non posse aliqua excrementa satis abundè concoquere, atque ex his, dum vivunt, fœtorem exhalari, & quidem graveolentiorum, cum post mortem putrescunt. Hinc pellis, & ossa humore carentia fœtent nunquam. Hinc plantæ, ut plurimum nil grave olent, vel quia excrementis destitutæ, vel quia constantes calido, ac sicco temperamento, ea concoquente, quin potius, odoris & aridis qualitibus disfluunt, quibus pretium fecit hominis avaritia intenta ad eas in Syriam usque, & Arabiam, Regiones Sole, & calore torrentes, inquirendas, & per orbem universum dispersiendas.

PROBLEMA XXVIII.

*Cur diutiùs quam Pisces extra Aquas  
vivant ?*

**P**iscibus Elementum Aquæ alimento est , ut cæteris Animantibus Aer. Inde fit , ut Pisces , vix aquis extracti intereant , sicut Aves aere privata . Conveniunt cum Piscibus etiam Testacea , quæ tamen non tam citò moriuntur , sed ad dies aliquos vitam protrahunt nempe ad quadraginta , ut Ionstonus , imò , ut alii testantur ad 50. ut Purpuræ . Vel quia *succo suo* aluntur , vel quia humorem imbibunt ex mari , ad eam mensuram ex Vormio , ut possint ad tantam dierum longitudinem vitam extendere , quod tamen è contrario deberet accidere , cum certissima Aristotelis observatione constet : exanguibus Animalibus breviorẽ esse vitam , quàm sanguine præditis : ( mole tamen corporis aliquando in iis supplente defectum sanguinis ) Ratio ejusdem est , quia ad longiorem vitam protrahendam requiritur humidi temperies , qua carent Exanguia , quare si apes , licet exanguës , diutiùs vivunt , quàm alia nonnulla , provenit ex hoc alimento humido , ac pingui , quod exugunt ex melle ; Testaceis ergò exanguibus deficere prius deberet Vita , quàm Piscibus , quibus sanguis per venas decurrit . Nihilò tamen minus , sicuti verum est in aquis diutiùs vivere , quæ sanguine afflunt , quàm quæ carent , ita veritati consonum est extra Elementum illud minus vitam protrahere . Duabus , ut ego arbitror rationibus potest veritas ista fulciri , quas antequam proferam , supponendum : Vitam consistere in temperie debita humidi , & caloris , undè mascula Animantia , utpotè fœminas calore excedentia , vitam in longiùs provehunt , nec secus , ac in Rubro mari , calore ferventissimo , ad immanem magnitudinem excrefcunt Testacea . Huic ergò Basi innititur ratio , quam primo loco attulit Aristoteles de respir. c. 10. n. 7. dicens , hoc evenire , quia Exanguia temperamento minùs calentia minore indigent refrigeratione , exigentibus illam in majore copia jis , quæ sanguine abundant , nempe calore in jis potentiore ad humidum , quo constant absumendum , atque hoc deficiente , sequitur corruptio . Depromi potest alia ratio ex jis , quibus satisfacit quæsito Philosophus , cur Palmæ , Cupressus , aliæque robustiores plantæ diutiùs vivant , quàm Animalia sentientia ? Nempe : *quia habent pinguedinem , & viscositatem , & sicca , & terrestres existentes , tamen non habent facilè siccabile humidum* . Hinc manifestè infertur Testacea extra aquas vivere diutiùs

posse , quàm pisces , utpotè magis imbuta qualitatibus humidis , & viscosis perfectæ exiccationi resistentibus magis , tenuissimo calore lentè humidum exiccante .

PROBLEMA XXIX.

*Cur Echini , seu Marini Erinacei Dentes habeant , & Ova , numero quinario disparia ?*

**D**esumo Problema istud ex Philosopho lib. 4. cap. 5. Animalium , quod quàm facile perceptu est , tam obscura videtur mihi responsio , qua ipse sibi facit satis . Supponit ipse nonnulla , quorum primum est . Echinorum Ova quamvis dicta , re vera tamen Ova non esse , sed pinguedinem quamdam ex bona nutritione genitam ; Secundum ; Animalia omnia Obstreacea in aliqua corporis parte certa Ova gestare , Ovis Echinorum non abümilia : Tertium habere hæc in se ipsis figuram sphericam , ac tandem non posse Ovum gestare , quod continuo toto corpore diffundatur , eique aptetur , sed quemadmodum reliqua Animantia , multa Ova in aliqua corporis parte gestare . His suppositis respondet problemati ; cur Echini Ova habeant quinario numero imparia , quibus possit delineari figura quinque laterum , si ex uno ad aliud extremum lineæ ducerentur ? Sic ergò discursu progreditur

Sphericum esse debet Echini corpus ; Ova ergò gestare debet numero imparia . Ergò cum *id commune omnium sit , proprium autem illius , nempe Echini , ut globi speciem gerat , ova numero impari sint necesse est* . Probat autem illationem , quia si numero essent paria , cum sint ita rotunda , deberent totidem in uno , ac in altero latere gestare , in ambobus ergò lateribus essent Ova , sed non debent in ambobus gestare , ut in secunda suppositione præmissum est , debent ergò numero imparia gestare . Jam verò : tria esse non possunt , quia nimium essent diffusa inter se , nec debent quinarium excedere , quia continuatum Ovum efformarent , & *quodammodo unum* , inquit Aristoteles , ergò , &c. Atque ex hac illatione , ita obfirmata refert proportionem , quæ inter Ova , Ventres , ac Dentes Animalis debet intercedere , quomobrem nec quinarium excedunt , nec numero minore ab eo recedunt .

Intimas rei fibras , altius perscrutarer , Aristotelis ratioeinatione non omnem mihi dubitationem auferente , nisi planè persuasum haberem , immediatam nonnullorum effectuum causam nullo pacto innotescere . Excedit humanam intelligentiam ignaviæ mancipatam ,

D. Augustinus de Civit. Dei l. 7. c. 9. inquit, & quàm sublime sit, suis è lateribus veritatem ex rerum causis eruere, nobilissimus Virgilio versus testatur: *Felix, qui potuit rerum cognoscere causas*. Quamobrem sicut frustraneo labore quæritur: cur trifariam partita sit, frons omnis herbæ, quæ trifolium dicitur: & cur flores nonnulli quinque, alii verò sex foliis vestiantur, ita omnem ingenii conatum eludit, indagare: cur gestent Echini Ova, quina divisione partita. Melius profectò veritatem detegit, qui dicit, quinarium implere, quia neque quatuor, neque sex, voluit esse Natura, quo pacto Ovidius Decumanum fluctum describens inquit.

*Posterior nono est, undecimoque prior.*

Naturæ opera indagantes, neque omnia debent ex incuria prætermittere, neque singula ex merito scrutari, & quando nihil melius occurrit, pro ratione sufficit ad ostendendas rerum suarum affluentias ex ideis, & ærariis suis opulentissimis, ea depromere, quæ ad Mundi ornatum, ex tanta partium varietate conflatum, possint abundè conducere.

#### P R O B L E M A XXX.

*Cur Turbinatis Cochleis Auri admotis, videatur sibi quisque Maris susurrum excipere.*

**C**redula nimis facilitate circumfertur, ipsum maris susurrum aure percipi, Turbinata Cochlea auri admota quasi hæreditaria proprietate insonent ipsæ Testæ non secus, ac ex odorata radice fructus suavissimè olens, ab aliquibus plantis progignitur. Vulgaris planè error vera reputans, quæ per sensus apparent non ante ad examen vocata; qui ut ab omnibus depræhendatur. satis est indicasse, susurrum hujusmodi non exaudiri solùm admotis Cochlearum Testis, sed quocumque alio corpore, aurem occludente, sic docente quemlibet experientia. Ad causam hujus effectum afferendam. distinguenda sunt duo genera corporum potentium hujusmodi susurrum ciere. Vel enim concavum, & inane est corpus, vel tale, ut aliquo pacto possit externam auris Cochleam occludere, impedita sensatione auditus? Si Concavum, & multo magis Turbinatum est corpus, ut Cochleæ quamplurimæ, enuncio auditum susurrum esse sonum reflexum, ut Echo, in Concavo corpore editum ex aeris repercussione qui semper agitated contorquetur, & ex interna ipsius corporis superficie reflit, aut aeris illius, ex aure ipsa transpirantis, quæ transpiratio vix revocari potest in dubium; quamvis

enim inter Cochleam internam, & externam Auris nulla detur communicatio apparentis meatus (errante Alcmeonte, ut notat Aristoteles; cum docuit, Capreas respirare per aures; cum hæ sint organa ad audiendum fabricata, non ad respirandum) Cartilago tamen quæ in tympanum extenditur ambas dividens Cochleas tenuissima est, maximèque porosa, ut reliqua omnia corpora, ex quibus propterea, ut notat Hypocrates, continui emanant effluxus sensum effugientes; per illam igitur Cartilagine potest halitus aliquis transpirare ex partibus internis transmissus.

Confirmatur hoc. Quia tympanum potest diffringi non solùm impetu externi aeris violenter nimium agitati, quamobrem magnus sonus aurem obtundit, sed etiam ex Aere interno, quando non potest hic consueta facilitate, per poros Tympani transpirare. Idem Urinatoribus contingere solet sub aquis non valentibus totum aerem internis viscerum cavitatibus inclusum, ore exhalare, aer ipse continetur non sinè magna violentia muscutorum non distantium ab aure habente magnam affinitatem cum Ore; atque ex hac violentia excitatur calor novusque halitus ex partibus calefactis, qui aditu non patente, neque per os, neque per aures, partem debiliorem diffringit, nempe Tympanum. per cujus poros in exigua satis mensura potest exhalari. Ex hac pariter transpiratione provenit susurrus si quocumque tandem corpore aurem obturante, transpiratio illa impeditur, & quidem eò majore susurro, quò densius est ipsum corpus; sic obturata aure lineo panno non duplicato, vix aliquis sonus percipitur, multus tamen, ac magnus, si, non semel complicatus pannus illam occludat.

Atque ut hoc clarius pateat, sciendum est: in ipso auris organo externæ Tubæ, seu Cochleæ, internam aliam Cochleam è diametro collocatam respondere, & in hujus vacuitate contineri aerem innatum, sed immobili ex sententia Aristotelis, 2. de Anim. cap. 8. ut melius fieri possit sensatio auditus; (quemadmodum in oculo, ut viso fiat, nullus debet color inesse, qui species inficiat ab objecto transmissas, alioquin adulteratum objectum aliam à sua formam indueret) attamen quia etiam aere ventis agitato sonum percipimus, existimo cum non paucis, immobilitatem aeris ab Aristotele assertam, nihil aliud significare, nisi continui aeris effluvium, cavitatem illam implens, cum non possit percipi per auris sensationem, nisi detur spatium aliquod aere oppletum, utpotè opportuno medio ad sensationem, quamvis aliquam crispationem, & undationem excipiat intra Cochleam prædictam contortus ex impulsu im-

su impresso ab externo aere in contiguum tympanum, aut per continuum aeris ejusdem efflu-  
vium corrivatum per canaliculū palato Anima-  
lis infixum, cujus argumentum est sicca tussis,  
quam percipimus, cum aures irritamus, scilicet  
compressus aer internus versus asperam arteriam  
se proripit, & auris Orificium vellicans, provo-  
cat tussim.

Quod si ille aeris motus non semper aure per-  
cipitur, contingit id ex majore sensatione ab aliis  
sensibilibus potentioribus proveniente; cujus-  
modi sunt ea omnia corpora quocumque modo  
perpetuò commota, ac propterea, ut observat  
Aristoteles, Probl. de voce, & sono sect. II.  
c. 19. *voces melius audiuntur nocte, quam inter-  
diū quia cum Sol omnia moveat, noctes solent esse  
quietiores; & alibi dicit: sonum non discernimus  
nisi comparatione facta ad silentium.* Pari ergò  
proportionem in re nostra: Agitatus internus aer  
tunc fiet auditui sensibilis, quando externi sen-  
sibilioris sensatio removebitur, quia sensatio hu-  
jusmodi tunc impeditur, cum auris corpore ali-  
quo occluditur, provenit exindè quicumque  
tandem ille sit susurrus, eò major, quò magis  
organum auditus obtunditur.

Sic oscitantibus nobis, internus quidam velu-  
ti boatus percipitur, neque tunc externus sonus  
clare exauditur, non quia externa Cochlea sit  
obturata, per quam percussus aeris propagatur  
motus, usque ad auris tympanum; sed quia spi-  
ritus ore excitatus claudit orificium canaliculi  
ex interno organo provenientes, & aerem etiam  
conclusum comprimit, quo exitum frustra que-  
rente, & continua alterius aeris respiratione  
agitato, non antea exauditum murmur effingi-  
tur. Neque ergò in Cochlearum Testis excita-  
tur susurrus ille, quasi illis indita sit maris pro-  
prietas, continuo susurro immurmurantis.

PROBLEMA XXXI.

*Cur in Pleniluniis sint pinguiores.*

**L** Una incremento suo omnium clausorum  
maris Animalium, atque Concharum  
membra turgere jubet, metaphoricè quidem,  
sed verissimè pronunciavit Palladius; cum ve-  
rum sit, quod ex Græcis versibus Oppiani retu-  
lit Lippius.

— Cum Luna impleverit Orbem

*Fama refert proprio plenos pinguescere testo,  
Sed cum multi vagæ decrescunt cornua Lunæ  
Diminui graciles, tali sunt lege coactæ.*

Hinc notavit Isidorus: Conchas, & Cochleas  
inde vocatas esse, quia deficiente Luna cavan-  
tur, idest evacuantur, & minuuntur. An benè  
illata sit nominis etimologia in examen vocet,

cui per tempus vacat; abundè mihi est pro veri-  
tate id asseri, & obfirmata veritate, rationem  
esse indagandam. Nequè facile est, eam primò  
intuitu deprehendere; quæ enim Lunam inter,  
& Cochleas intercedit relatio? Non crescit Lu-  
na incremento molis, & globi, nec majori un-  
quam, aut minori lumine clarescit, cum semper  
pro medietate corporis, seu æqualem lucis exu-  
berantiam excipiat, sed inflexo ad nos radio,  
Luna se spectabilem præbet, & pro majore, vel  
minore apparentia, dicimus, illam modò incre-  
menta lucis, modò decrementsa, ac detrimenta  
subire.

E contra Cochleæ, vero incremento pingue-  
scunt, non quidem Testæ, nunquam imminutæ,  
sed caro intra Testacea septa conclusa, quemad-  
modum pinguescunt reliqua omnia Animantia,  
quæ perfectò modo nutriuntur.

Nullò solidæ rationis fundamento asseritur à  
nonnullis illas turgescere ex copioso tunc tem-  
poris alimento; cum enim illud habeant semper  
in promptu, neque excitato ob novum aliquod  
motivum innato appetitu Animalis, opinan-  
dum est, quocumque tempore pro sui neces-  
sitate, consuetam alimenti portionem illas attra-  
here. Probabilior videtur, & accommodata  
etiam Testaceis, Aristotelis ratiocinatio, inqui-  
rentis de part. Anim. c. 5. cur Echini in Pleni-  
lunio turgescant. Hi nempe frigidissimo tempe-  
ramento constantes, utpotè exangues, ut pin-  
guescant, non solum indigent cibo, sed calore;  
& quia cum dicimus Lunam incrementa lucis  
accipere, augetur etiam lucis reflexio, & inten-  
di necesse est, ex luce ipsa reflexa calorem, qua  
de causa dixit Aristoteles: quemadmodum Sol  
singulis annis Hyemem, & Æstatem discrimi-  
nat, ita Lunam singulis mensibus hujusmodi va-  
rietates efficere, & auspiciatissimam esse Testa-  
ceis frigidissima humorum temperie compactis,  
sentientibus propterea Solis beneficium inter-  
diū, & quidem æstate intensius, Lunæ verò no-  
ctu plenilunii calore iisdem acceptissimo: addit  
propterea provenire hinc, *ut æstate potius ubi-  
que vigent, præterquam in Pyrensi Euripo.* Pu-  
gnant tamen contra Aristotelem rationes non-  
nullæ, atque in primis Concharum perfectior  
est Constitutio mensibus intensiore frigore  
hyemantibus, non æstivo calore ferventi-  
bus; neque certum omninò est: Lunæ lu-  
mine augeri calorem, itaut Viventia aquis  
sepulta tantam exinde utilitatem percipiant.  
Et quidem serenioribus noctibus plenilunii,  
intendi frigus experimur. Existimavit Pli-  
nius, Lunam esse quoddam inferiora Vivifi-  
cans, quamobrem dixit: *Hoc esse quod terra sa-  
turet accedensq; corpora impleat, abscedens ina-  
net: idè cum incremento ejus augeri Conchyliis,*

Cardanus dixit de rerum varietate l. 2. c. 37. id accidere. *Quoniam tunc aquæ, & Limus, quibus vescuntur, attenuantur, & concoquuntur: idè melius nutriunt, & calor tunc in illis auge- tur, quo fit, ut duplici causa pinguescant.* Exam- inandas aliis per otium relinquo prælibatas ra- tiones, arridente interim mihi ratione Cassen- di. Idem omninò ille dubium movit, de qualit. rer. lib. 6. sect. 1. c. 14. & conatus reddere ma- nifestas illas, quas occultas qualitates vocamus, pronunciavit, non aliam ob causam in Plenilu- niis pinguescere Cochleas, & similia humido temperamento constantia, nisi quia Luna, quam supponit corpus maximè humidum, copiosius illis nutrimentum suppeditat, atque hoc effun- ditur in inferiora; cum solis radii ex Lunari Di- sco terram versus reflexi, possunt secum partic- ularum illas humidi superficialis convehere, quæ in ipsa Luna existentes alterantur à Sole; itaut Lux è Luna diffusa sit mistum quoddam ex cali- do, & humido, ac propterea prolifico, & apto ad nutritionem. Totum hoc obfirmat ex eo quod experientia compertum fit, à calore non tantum Solis, sed etiam ignis, medio aliquo liquore, quasi vehiculo alteri corpori communicato, vel per refractionem procreari effectus mirabiles alterationum diversarum. Quapropter porosa, & spongiosa caro Conchyliorum imbibitur tali humore, ad nutrimentum maximè opportuno. Hinc Alcmanus Poeta vocans Rorem Lunæ fi- liam, cecinit.

*Ros Jovis; & Luna ut soboles gratissima nutrit.*

Hinc septimo Saturnalium Macrobius per- pendens: cur Lunæ lumine carnes putrescant? Respondet: afferens Quæstionem Plutarci, ter- tio Convivalium dicentis: provenire ex humi- do suprabundanti genito ex illo Planeta incre- menta maximè suscipiente; addens arbores ipsas, crescente Luna, vel plena præcisas, utpotè hu- more nimio prægnantes, stuppæ instar molle- scere, ac tineas admittere.

Atque hic opportunè mihi accidit, rationem afferre, cur tanti estimentur Conchæ nonnul- læ, colores varios pro temporis varietate in- duentes. Non quidem ex Sympathia, aut con- nexione cum Luna, ut aliqui imaginantur, hoc provenit; sed ex humiditate, plus minusvè colores adulterante, & quidem magis accensos, si humectentur, at pallore quodam exangues, si arescant magis.

## PROBLEMA XXXII.

*Cur Pigra stolidaque Animalia sint Testacea?*

**P**igra sunt ea omnia Animalia, quæ tempe- ramento suo plus aquei terreique imbue- runt, quam ignei, & aerei; ubi enim minor copia sanguinis, ibi copia minor fuit vitalium spirituum, qui ignis instar vividiores, magisque activas efficiunt partes viventis. Testaceis ergò exanguibus, atque aqua, ac terra genitis piger motus, lentæque operationes sunt inditæ: ad- de: iis animatam illam domum, semper baju- lantibus, ex illius pondere tardari motum, ve- lociorem, ut plurimum, in vermibus liberè evagantibus; neque pernicitatem Piscibus in- ditam, debuit Cochleis impertiri Natura; ea- rum enim, quamplurimis plantarum instar ve- scentibus, attracto alimento per poros non de- buit imponi necessitas progrediendi ad victum quæritandum, neque ut piscibus dari debuit il- lis effugium per motum, quo se proriperent ab insidiis, & voracitate potentiorum; cum intra sua septa habeant in promptu effugium, ac tuta- men.

Ex eadem inopia sanguinis provenit stupidi- tas illa, qua illis obruitur Phantasia. Atque ad hanc veritatem elucidandam arridet mihi, quod docet Philosophus, de part. Animal. lib. 2. c. 2. art. 2. ubi quærit, melior ne censendus si sanguis tenax, & pinguis, calidus tamen? An subtilis, & frigidus? Respondetque hunc magis conducere ad potentias sensitivas, atque intel- lectivas; illum verò ad robustiora membra effin- genda; atque proportionem consimili id asserit de humore illo, qui in exanguibus Animalibus correspondet sanguini sanguineorum. Hinc oritur inter Animalia exanguia ingenio- siores esse plerisque Apes, cum in his, loco san- guinis insit subtilis humor, quamobrem con- cludi potest: stolidas esse Cochleas; quia in- his humor sanguini respondens, minus subtilis, aqua, ac terra conflatus, continet solos spiritus potentes eas animare. Cur autem sint cerebro vacuæ, parte inquam, in qua residet Phantasia sensitiva inducens ad operandum, ea afferri po- test ratio: Cerebrum inest Animantibus abun- dantibus sanguine, cum enim ipsi frigida sit tem- peries, necessaria refrigeratione per sanguinem adsparguntur; quo refrigerio non indigent exan- guia Animalia; cum abundè hoc iis suppetat, vel ex aqua, in quibus degunt; propterea carent cerebro, scilicet parte illa, in qua residet per- fecta Phantasie potentia, quæ reddat eas solli- citas ad operandum de part. Animal. c. 7. n. 6.



PROBLEMA XXXIII.

*Cur Cochleæ Testa non exvantur,  
ut Crustata?*

**C**rustatis à Cardano attentè observatis , lib.37. de variet. rer. quæ mollescunt aliquando superiore parte Dorfi , & inferiore durefcunt ( quod equidem argumentum est , nunquam hanc exuisse ) atque contra Testaceis æqualiter undequaque Testam durefcere , dubium movet ipse : Cur ut Crustata , ita & Testacea septum non exvant ? Rationes tres affert in medium . Prima est quia Testaceis vita , brevior peryodo defnita , tempus non fuppetit ad multa spolia fibi compingenda ; quamobrem , ea quæ iis nascentibus est pro incunabulo , pro sepulcro est morientibus . Secunda , quia renovata Testa Crustatis tollitur iis magnum impedimentum ad motum , illius pondere retardatum . Quapropter consuluit illis Natura , longa crura compingendo , quibus conatu incumbentia , uterentur tanquam vectibus ad levanda seipfa in motum , e contra Testaceis vix repentibus nullius impedimenti est Testæ pondus , imò in ea ad se tuendum munimentum habent , sed fuga fibi consolunt ipsa crustata . Tertio loco affert ad Testam commutandam requiri , illam perfecte exficcati , & separari à partibus humidis Animalis inclusi ; id quod facilè evenit in Crustatis , quæ Crustam arido temperamento habent ; difficilè verò in Testaceis ; & prius quàm Testa fufficienter exficcetur , moritur Vivens eam inhabitans .

PROBLEMA XXXIV.

*Cur Ballanus fulgore quodam splendeat ?*

**I**nter maris prodigia , nulli secunda est lux , quam ex se ipsis Ballani effundunt . P. Athanasius Kircherus in suo Mundo subterraneo lib.1. p.1. c.7. dicit : Humorem ipsius sparsum inter tenebras videri igneam pluviam , & experimento à me sæpius inito , vidi splendescere , luce non abfimili fulgori Lampyridum quidquid humore illo fuerat aspersum . Non tamen innata est Ballanis lux ista , sicut corporibus aliis non paucis , & Viventibus tum maritimis , tum terrestribus non fuit impertita . De cornu affirmat hoc Aristoteles , & de fungo , lib.2. de Anim. & scimus , emiffam aliquando ex dentibus , linguis , oculis , visceribus , pectore , brachiis , capite , & capillis hominis ; Item ex Leone , Equo , Tauro , Lupis , Canibus , Vulpibus , & Serpentibus , & qui curiosus esset , noscendi

casus non illepidos legat eruditissimum Librum , quem de Luce Animalium scripsit Thomas Bartolinus : Nobis à mari non recedentibus scire fatis est : Dominum de Monconnis Tom. 1. Itipag.431. vidisse in musæo Domini de Flans Ruppellæ Piscem , qui dicitur Luna maris magnitudine cubitali , qui mortuus fulgore coruscabat , & refertur etiam à Gesnero , & Rondeletio : De pisc. libr. 15. de pisc. cap. 7. lib. 9. c. 61. De Dattilis loquens Plinius , inquit ; *His Natura in tenebris , remoto lumine , alio fulgore clarere , & quanto magis humorem habent ; late in ore mandentium lucere , in manibus , atque in solo , ac veste decidentibus guttis .* Idem confirmat Lippius .

*Dattilus illustrat radiato lumine Pontum .  
Suppositus mensæ , lumine mensa nitet .*

Idem D. de Monconiis , asservavit ampullam plenam humore ex iis expresso , qui per noctem integram coruscavit ; cumque voluiffet illum ad stillicidium vocare , lux evanuit . Dominus de Viu scribens ad Dominum Auzout , in diar. erudit. 31. mart. 1666. affert , invenisse in Ostreis , & Microscopiis explorasse tria genera , quasi momentaneâ , brevique illo spatio tria genera seù species Vermiculorû : *Prima fuit albida , habens utrinque singulos 24. aut 25. pedes bifidos , ex uno capitis latere apparebat nigra macula . Dorsum simile Anguilla exuviis denudatæ . Secunda rubra , cui sunt plurimæ plicæ in dorso pedes non abfimiles prioribus , oculus in capite unus . Tertia species variegata , habens caput simile soleæ multosque cirros pilorum albicantium à lateribus , Priores duæ species ex materia constant facilè corruptibile , & vertantur in materiam glutinosam , & aquosam , quæ decidens ex Testa lucebat spatio viginti secundarum .* Ejusque lux erat violacea non abfimilis sulphuri accenso . Observavit insuper tunc Vermes illos coruscare , cum Ostrea excussa , ipsi deciderent , & iritados , vel lucem non effudisse , vel quasi momentaneam , brevi que illo spatio una cum luce vitam defeciffet

Vidit Cardanus in spinis nonnullis piscium in mari Britanico Scotiæ lucem , & carboni accenso confimilem ad quinque dies fulgore protrahum : Georgius Margravius hist. nat. narrat in Pisce , quem Brasilienses *Iuruucapebam* appellant , seu *Itajaram* ; de Crustatis Leo Allatius , qui ad Licetum scribens , dixit : ad illorum lucem potuiffet characteres legendo percurrere . De Rubri maris Ostreis Ælianus refert , & de Pisce , quem pulmonem dicunt observavit Bellonius , de Lucerna verò cecinit Lippius ,

*Est mihi Lucerna piscis , quòd lingua refulget .  
Si noctu aspicias , lumina vera putes .*

Et malatesta .

*Questo quando d'estate più serena*

*Splende la notte , e l'onda più tranquilla  
Vibra la lingua sua , da cui balena  
Un fulgor , che su'l Mar spesso sfavilla .*

Delphini oculos in confirmationem Oppianus affert , lib. 21. hist. nat. cap. 5. quorum oculi in circumferentiam cubitorum decem extendebantur , & de pupilla una ex iis , *que rubrum , & flammeum colorem referens à longè in tenebrosis temporibus inter undas veluti ignis accensus piscantibus apparet* . De Sarmatica Cochlea præter Tevetum , testatur Pereus , lib. 24.

Jam verò tam prodigiosæ lucis causam inquirens præfatus Bartolinus , confutat reliquas quæ à multis circumferuntur rationes . Atque in primis cuilibet contradicit , qui dum lucem , ab Animalibus emanantem , tamquam miraculum admiratur , ejusque Auctorem Deum solum esse sibi suadens , excludit ab ejus consortio Naturam . Secundò loco contradicit agnoscenti hujusmodi effectum à Cælo ; cum hoc sit causa extrinseca universalis , & remota , potens disponere corpus inferius , illudque alterare , remoto humore impediente , quemadmodum ex Plinio novimus , plantam *Nictegretum* diebus triginta exsiccatam ad Lunæ lucem fulgere ; & lucem commodare , ut evenit in Bononiense lapide minerali , Neque subsistit Georgii Reischii doctrina , lib. 10. marg. philos. tract. 2. c. 10. afferentis lucem animantibus communicatam ab igne ; hoc enim posito , posset ut ignis extinguatur ab aqua . Itaque in examenvocat : An immediata lucis hujusmodi causa sit putredo , ut asserit Aristoteles ; quamobrem multa ligna , & pisces nonnulli non lucent , antequam putrescant . Et Galenus lib. de affect. mistorum lib. 2. de morb. *Equidem vidi* , inquit , *Columbarum stercora , ob putredinem accensa arsisse* . Idem de Lampyridibus Eûchius affirmat , de Lampyridum generat. *Lampyrus est animalculum , ex stuppa , seu sarmæntis natum sine dubio propter putredinem antecedentem* . Verùm ita philosophando , obvium non est explicare modum , quo ex putredine oriatur splendor . Existimant nonnulli gigni ex calore atque humiditate ; nempe hic excitatur ex humidis densisque corporibus , sicuti frumentum ac fœnum incalescunt facilius , si humescant , quàm si exsiccentur . Quare docet Varo , in curandis equis *ne ungulas comburat stercus in stabulis cavendum est* . Verùm hoc sustineri non potest ; si enim in causa esset putredo , videremus in omni parte pinguis corporis putrefactioni obnoxii lucis generationem ; & quia nobiliorem seipsa effectum causa generare non potest , inquit Bartolinus : lib. 2. c. 3. propterea ex putredine lux oriri non potest . Putredo igitur id solum efficit , *ut in sua principia resoluta composito* ,

*vel ad minimum à stricta partium unione laxato , latentia luminum semina ob elementorum mistionem , suppressa quidem non genita libertati sue reddat* , quo pacto à putredine se junctis partibus alicujus compositi infecta non pauca ex iis seminibus antea semiseptis generantur ; propterea non ex quocumque misto inest propria mistura apta ad splendorem . Multò minus id dici de Bellanis potest , quia illorum humor , antequam putrescant , coruscat , imò iis corruptis , corrumpitur Lux .

Excitatur aliquando flamma , & lux , ex attritu duorum corporum , ut ex calyce cum silice , & ex arboribus vento agitata , *mutua dum inter se rami stirpesque teruntur* ; Lucret. l. 5. nempe motu illo excitata in flammam spiritosa substantia , sic confrictis equis , & ex eorum pelle sublatis fuliginosis excrementis , porisque cutis apertis , evaporant spiritosæ partes in scintillas , quemadmodum etiam , ex Felis pelle . Ita in puella quadam , inquit , Faber pall. sparg. c. 14. observasse se dum pectine crinem evolueret , deciduas in ejus sinu scintillas , quasi cadentes stellulas ; quo portento Puella perterrita , deliquium subito passa est , mox animo erecta , ubi ab eodem Fabri portenti causam excepit . Verùm hæc etiam causa extranea est , neque afferri pro Ballanis potest fulgurantibus , etiam si nulum patiantur attritum .

Suppono propterea , quod asserit Bartolinus in singulis corporibus lucem aliquam contineri , concludique à generante . Seù producente congenitam , quemadmodum in silicibus , inquit Virgilius . *Æneid. l. 61.*

*Quaruntur semina flammæ .*

*Abstrusa in venis silicis .*

Quæ pro opportunitate loci , temporis , & conditionum se prodat ( prætermittitur hæc quæstione , utrum actu , vel virtute , flamma , illa contineatur ) & nono Problemate idem Bartolinus asserit hanc observasse , vel in ipsa maris aqua , ex qua educto strophio , aquis immerso , nocturnum erumpebat fulgor ; quod ipsi argumento fuit , in ea imbibitum esse humorem oliginosum , sulphureum , falsumque facile abeuntem in flammam , qua de causa dixit Sect. 23. Probl. 15. Aqua maris difficilius ignem suffocari .

Inditis ergò , & immistis saxo ; quo generantur Ballani nitrosi sulphureisque spiritibus , quod euinci potest ex eo quòd ferro in frustra concisum , mineralem odorem exhalat quasi cornu in igne uesti : dicendum est , Ballano ipsi immistos esse hujusmodi spiritus , eodemque aquis educto , & sublato impedimento densi , & frigidi ambientis , eos facile erumpere , & quia ex constitutione Naturæ facile concipiunt ignem , vel ex tenui calore aeris , per quem transeunt , vel ex motu ipso ,

ipso , quo transpirant , accenduntur , & lucent , eo pacto quo super cœmeteria , & cadavera pendencia ex patibulis , ignis ille apparet , qui à Meteorologicis dicitur : *Ignis fatuus* , & *ignis lambens* , compactus fumositate subtili , & exhalatione viscosa , ex ratione consimili accensa .

PROBLEMA XXXV.

*Cur in tanta colorum varietate , quibus Cochleæ pinguntur , Cæruleus nunquam appareat ?*

**C**olor , vulgò dictus Cyaneus , vocatur etiam Ultramarinus , vel quia , ut existimat Brasavolus apud Bernard. Cæsum de mineral. l. 2. sect. 5. num. 23. intensior est illo , qui apparet in mari tranquillo , vel quia ultra mare quærendus est , ut placet Falloppio . Imò à Latinis dictus est Cæsius , & Cærulens , ut notat in Commentariis super Martialem Perottus , ex eo fortasse , quòd cum cœlestis substantia appareat , vix in terra , nunquam , vel rarissime reperitur in mari . Verùm quæcumque tandem sit nominis Ethimologia , illud certum est , millenas inter Cochleas , & Conchas ; quas ex diversis maris sinibus potuit mihi expiscari amicorum industria , & amor , & ex omnibus quas in tot Musæis inspexi , asperfas maculis , variegatas , tessellatas , infectas tinturis innumeris , fasciis , & coloribus pigmentatas ; nullam unquam depræhendi , quæ se ostenderet , Cæruleo picturatum . Quamobrem rationabile dubium me occupavit , ac impulit ad indagandum : cur color hujusmodi in Conchis non appareat .

Non me later indaginem colorum esse omnium *Philosophiæ partium difficillimam* , ut Scaliger adnotavit : contra Card. sect. 10. temerarium tamen non est , circa id philosophari ; quod est difficile exploratu , atque ut alibi diximus : *sterilis est voluptas contemplandi Naturæ opes* , ubi ad illorum causas indagandas non progreditur ratiocinatio . Igitur antequam ad Officinam coloris cærulei iter insternamus , ne à recto tramite aberremus , obfirmanda sunt nonnulla , quibus altero veluti pede possimus consistere , altero felici tramite ad terminum usque progredi . Rejecta igitur primò , ut falsa sententia Epicureorum , atque Athomistarum , qui in absentia lucis , negabant esse corpora colorata , assero cum Perypateticis : colores luce quidem detegi , non tamen semper luce generari . Sunt hi sæpissimè qualitas inhærens , permanens propriaque rei coloratæ . Propriam dixi , ac permanentem , cum aliquando accidentalis sit ex diversa commistione proveniens , atque ex mera dispositione partium diversa , color unus

abeat in alium , omninò oppositum , ut in præclara experientia , tunc adnotavit Boiles , de color. par. 2. c. 14. cum per vitrum abrafo nigro osse in stamina tenuissima distracto , illorum massa apparuit alba , non secus , ac papyrus ipsa , & cæruleus pulvis , flavo commistus , in viridem colorem evasit . Aliquando etiam accidentalis est , quia agentè extrinseco potest facilè variari . Ita mutatur color in Claybe igni attemperato , abiens ex auro ad rubeum , ex rubeo ad violaceum . Ita admotis igni Conchis Pectinibus , præclarissimis coloribus infectis , vidi ego , colores evanescere , & purpurinis , flavis , & violaceis substitui colorem pallestem , & cinereum . Qna de causa Aristoteles , sect. 18. Probl. qu. 21. innuens colorum materiam : Porro , inquit , *quæ tinguntur omnia colores à tingentibus sumunt , nulla enim floribus è terra nascentibus , & radicibus tinguntur , & corticibus , & lignis , & foliis , & fructibus ; præterea multa terra , multa spuma , multa & atramento ; quin etiam nonnulla Animalium succis , alia vino , quedam fumo , alia lixivio , multa mari , ceu pili maritimarum ; etenim hi à mari rufi evadunt ; & alibi , ultimi hujus effectus causam inquirens , dixit . Utrum , quia mare sua salsugine calidum & squallidum est , tale autem quodque pilos conficere rufos potest , ut lixivio , aut auri pigmentum .* Ut nono capite advertimus , de coloribus in universum loquentes . Atque mutationis hujusmodi fiunt in coloribus , quibus delibuta est sola superficies , ut inductione fructuum , calore Solis , ac tempestate maturefcentium , ibidem adnotavimus , & in ipso calyce , ut viola colorato , manifestè apparet , si per medium frangatur . Advertendum secundò , colorem permanentem proprium ut in gemmis , quem semper videmus rubrum ; in Pyropo , viridem in Smaragdo , cæruleum in Saphiro , provenire præcipuè ex admistione humorum materiæque universæ , quibus componuntur , aut aluntur corpora colorata , vel sint Mineralia , vel Gemmæ , vel Glebæ , vel Vegetabilia , vel Animalia .

Quæ autem sint magisteria , alterationes , concoctiones , viresque Naturæ , in hoc opere nobilissimo pingendi , diximus arcanum esse solis Angelorum intelligentiis pervium , cum tot ipsa , ac tam varia sint gradu , numero , & excellentia , quàm multi colores discoloresque tincturæ sunt , quibus creatæ substantiæ apparent infectæ . Posse tamen à nobis principes causæ agnosci , quibus Natura utitur , tanquam artificibus ad corpus omne coloribus imbuendum . Persuasum sibi voluit Paracelsus , idque in examen vocans , juxta artis chemicæ magisterium agnoscendo in rebus omnibus tria celeberrima

chimiçæ principia : Salem, Sulphur, & Mercurium, scilicet Salis nomine spiritum acidum corrosivum; Sulphuris verò spiritum siccum, ac penetrantem, ac tandem pro Mercurio, vaporem humidum, ac tenacem, docuit: *colores omnes ex sale prodire; quandoquidem Natura colores protrahit ex sale, cuique speciei dans illum, qui ipsi competit, tandemque concludit: itaque quippè rerum omnium corpora cognoscere vult, huic opus est, ut ante omnia cognoscat sulphur, qui desiderat novisse colores, is scientiam istorum petat à sale, qui scire vult virtutes, is scrutetur arcana Mercurii. Sic nimirum fundamentum hauserit misteriorum in quolibet crescenti indagandorum, prout Natura cuilibet speciei ea ingessit.*

Alii figuram corporum Sali tribuentes, ut dictum est Problemate XIII. colorandi facultatem proprio sulphuri tribuunt, hoc est alteri ex principiis componentibus mista, in quæ singula possunt resolvi. Neque fallax meo iudicio est argumentum ab experièntiis depromptum, atque ne alibi exposita, iterum prodeant in scenam, audiamus Chimicos philosophantes ad experimentum Febu rii Chimici Angliæ Regis, qui: *salem Tartari lixivium, eo usque pro-  
vexit, ut in vitrea cucurbita sublimando, altè  
exurgens germinatissimam vnam (si colorem ex-  
ceperis) mira similitudine referret.* Quid ergo mirum (ipsi dicerent) si una cum Vux figura, Vux color non gignitur? Pendet hinc ex sulphure, illa ex sale. Primum maximè spiritosum subtileque ad omnem segregationem, vi ignis effectam, se subtrahens, totum evanuit in tartari calcinatione, alter verò constans parte magis terrea, ac pingui subsidit in cineres.

Si ratiocinationem hanc longius protraherem, extra propositum argumentum abducerem, neque cursim Auctorum sententiæ in diversa distractæ exigi possunt ad trutinam. Imò ut advertit P. Bartolus: *Del Ghiaccio sperienza 21. Impresa dalle più celebri Academie de Letterati, che oggidì fioriscono sarebbe: l'applicar concordemente per alcun tempo l'ingegno, e la mano intorno à questa sola specie di lavori, che tutta è della virtù formatrice de salis, facendone ogni possibile varietà di sperienze rettificata, e sicure. E ne harebbe il Mondo non senza gran merito, e pari gloria degli Autori, una delle più splendide, e misteriose parti della Filosofia naturale.* In re nostrâ satis est scire. Colores multos ex Salibus profilire, quod curiosis experimentis intimè prospexit Boiles. Percurrat noscendi cupidus eruditum tractatum, quem de coloribus inscripsit, cum ab instituto meo maximè alienum sit ab aliis evulgata in has paginas transferre, sed illud solum inquirere, quod

aliorum calamus non recensuit, nempe: cur cæruleo colore non appareant Cochleæ depictæ? Antequam cominus rem attingam, præmitto id quod contra Paracelsum Boiles idem advertit: *Exper. 27. 28. Nempè, universalialia principia ad obfirmandam veritatem indagatam, inniti experièntiis non posse, adeòque sales non sufficere ad generationem colorum, cum hi, pendeant à Natura corporum singulorum, quæ pinguntur à salibus, quod evidentè ostendit, quando uno eodemque spiritu acidi salis flores nonnulli crocei coloris subalbum induerunt, & croceus flos Rubbiæ evasit in rubrum. Sic eadem vi exsiccativa ignis colore rubeo lateres imbuuntur, cinereo lignum, croceo plumbum, ferrum violaceo, quod Sancto Isidoro argumentum præbuit existimandi colores perfici potius calore, quam generari, ideòque ait. Lib. 19. Orig. c. 7. Colores dicti sunt quod calore ignis, vel Solis perficiantur.*

His prælibatis, progrediar ad examen coloris cærulei. Apparet hic natus in Fructibus, Floribus, Herbis, Liquoribus, Avium, Pennis, atque Lapidibus, non tamen in testis Testaceorum, saltem non in eo gradu tincturæ exuberantis, ut in Floribus, Pennis, Lapidibus; atque, ut hoc arcanum Naturæ intimè perscrutetur pulcherrimus est in Saphiro, Orientali gemma, quam Indi Calecutani, Cananores Zeilani, & Peruani, apud quos generatur, Nilam appellant; apparet in lapide Zaphirino vulgò dicto *Lapislazulo*, aut *Turchina*. Atque hujusmodi lapides, teste Plinio Theophrasto, & Discoride Auctoris eruditissimis, & accuratis Naturæ indagatoribus, gignuntur in Metallorum fodinis, ac præcipuè cupri, auri, & argenti; quod adeò certum est, ut Agricola signum infallibile dicat auri, vel argenti ibi esse, ubi cæruleus apparet in terra. Et quia Zaphirinus venis auri, vel argenti semper internitet, Mesues illum inter stellatos lapides numeravit. Lib. 5. de re metall. Ità in Silesiæ Oppido, quod Golderbergum à vicino monte auri ferace dicunt, perfectissimus gignitur. Prope Cyprum in cavernis, maris impetu excavatis refert Agricola una cum feracibus metalli venis gigni.

Jam verò si in solis metallorum Fodinis, & non alibi generantur lapides, cæruleo illustrati, dicendum consequenter est, inesse ibi materiam, aptam ad calorem hunc producendum, cui à raritate pretium augetur. Existimavit Agricola hujus generationis materiam esse metallum ipsum, & cæruleum tunc gigni, quando spiritus aliquis salis acidi, & corrosivi illam corrodit, & quemadmodum inquit ille, Lib. 3. de ortu caus. subterr. *si succus vehementer acidus conclusus circumsteterit aris materiam ipsam*

*erodens eruginem efficit . Ad cujus generationis experientiam Natura nos excitavit dicimusque conficere tam eruginem rasilem quam caruleum .* Atque ut hoc dilucidè appareat , digna sunt , quæ in Theatrum dedit experientia , cum variis modis , quibus ars extra fodinas tam illustrem colorem comparat sibi . Et primò quidem extrahitur ab argento , si argenteæ laminæ Mercurio prius immersæ ponantur in vase , una cum sale ammoniaco in quantitate non exigua diluto aceto , ita tamen , ut laminæ non sint vasi immersæ ; mox obturato per dies aliquot vase tumuletur sub stercore equino , ut Cardanus docet Lib. 5. de subtil. jisdemque tandem è stercoreario illo tumulto erutis , eradatur Tartarum illud , quo apparent circumvestitæ , quod aqua pura ablutum , postquam igne prius incaluit , in cæruleum nitidissimum transit . In arte vitraria alii sibi comparant Mercurio , Sulphure , & Ammoniaco sale , igne calcinatis , quò usque cæruleus fumus evaporet . Agr.c.l. 9. de nat. fossil. Conficitur nitidissimus æris ærugine , una cum Ammoniaco sale , sterquilino sepultis , & quidem mihi contigit id observare , quod postea adnotatum ab Aquilonio inveni , nempe æris æruginem aceto acidissimo , & ammoniaco sale ebullientem , cæruleum induere , & viriditatem suam omninò deperdere ; gignitur etiam ex laminis æris , infusis oleo ex Calchantho , urinæ spiritui immisto ; aqua ex viva calce sale ammoniaco diluta , intra vas Æneum collocata cæruleo colore tingitur . Laet. libr. 2. de gem. c. 43. qui hoc docet , addit : per elambicum distillatis floribus Anthemidis , una cum spiritu Terebinthi , salis ammoniaci , & aquæ in vase æneo apparere innatans aquæ oleum simile oleo ex saphiro , eumque colorem ex sale ammoniaco provenire , qui ex ære fugens colorem , oleo commiscet . Igitur ex his omnibus experimentis , & artis industriis argui potest absconditum magisterium Naturæ , ejus peritia , vel in eo maximè sita est , ut scitè applicet activa passivis ; ars verò quamvis præ manibus habeat rerum causas ipsi ignotas , effectus quamplurimos non obtinet , qui ex diversarum rerum applicatione resultarent . Quamobrem sentendum est , ad generationem cærulei in lapidibus , requiri semper combinationem materiæ metallicæ , salis acidi , corrosivi , & potentem calefactionem , vel ea fiat vi ignis , vel spirituum sulphureorum , & salnitrosorum in opportunis circumstantiis calorem faciliè concipientium ; atque hoc ita obfirmato , statuitur opinio Vvillii , affirmantis ex sulphuribus pendere colores , Jam verò si ex terra nos transferamus ad mare , in eo sinè dubio frustra inquisitio fiet de colore cæruleo in lapidibus , & in septis Testaceorum ,

quæ conveniunt in pluribus cum lapideis . Si cæruleus lapidum necessariò supponit metallici alicujus generationem , ut ex adductis experimentis constat ; in eo certè metallo requiritur calor penetrativus materiæ dispositæ , potens illam concoquere , fermentare , & in metallum tingere ad mensuram dispositionis , quæ inest metallo , in quo operatur . Atque hic calor à Chemicis dicitur Sulphur , quo nomine juxta mentem Aristotelis 4. Meteor. intelligitur vapor siccus , & activus , qui etiam Auripigmentum dicitur à Gebro , & sequacibus , ut advertit Falloppius de re metal. c. II. Et quia hoc sulphur non reperitur in Elemento Aquæ , humiditate , & frigiditate sibi congenita illud dissipante , ac penitus extinguente , excludit etiam ab Elemento illo generationem omnem metalli , adeoque tincturam omnem cærulei in corporibus in vasto illo Elemento absconditis .

Verùm quia apparet ex dictis spiritus acidos , corrodescentes , & salfos conducere plurimùm ad cærulei tincturam , quandoquidem ex qualitate metallicarum defectu fieri non potest in mari tinctura exuberans saphiri , examinandum superest : cur saltem in gradu magis remisso gigni non possit in mari , unde quaque acido , & salnitroso , adeoque Testaceorum feraci , qualis apparet in fructibus nonnullis , in plurimis floribus , & in variis avium pennis .

Parem explicatæ quæstioni difficultatem patitur dubium hic propositum , atque intimè inspectis vastissimis officinis , in quibus qualitates , quas occultas dicimus , utpotè intelligentiæ nostræ non perceptibiles , operantur magisterio artis ratiocinationem nostram eludentis , subscripsissem , manusque dedissem Aristoteli , ubi dixit : Meteor c. 2. *Quemadmodum Vespertilionum oculi se habent ad lumen diei , ita intellectum anima nostra ad ea , quæ omnium sunt manifestissima se habere .*

Referunt sæpè corpora omnia proprietatem Solis , eò magis luce sua imperiis obtutibus , quò magis pervia oculis illa est ; Jam verò si cæcutimus in Sole , quid de coloribus judicabimus ? Providentiissimè constituit Deus , humanum ingenium supra se , & supra omnia elevatum deprimi pondere ignaviæ suæ , quam experitur maximam , vel in quovis exiguo Naturæ opere , etiam cum illius omni conatu aggreditur indaginem .

Magistra tamen experientia , vel in nubilo , & in tenebris multa dignoscimus . Hæc autem docuit me , cæruleum quemlibet ex aliquo minerali metallico expressum ; comparari semper , tum ab Arte , tum à Natura , medio aliquo corpore falso , & acido ; sicut autem verum est hisce corporibus comparari ; ita verissimum

num est in alio quocumque corpore destrui ab his colorem hujusmodi. Mihi hoc manifestè innotuit cum diversis quatuor liquoribus, acido, falso, & corrosivo, nempe succo mali limonii, aceti, urinæ, & aqua ex salnitro confecta. Singulis adpersi uno eodemque tempore, mox se junctim particulam Bombycini cærulei, penam colore cœlesti nitidissimam, exiguam quantitatem *Indici*, hoc est coloris ex succo herbæ *Gasto*, cum modico pulveris cærulei, quem communiter *Encaustum* dicunt, conflatum in officinis Vitriariis ex laminis æreis. Jam verò ab hisce corporibus falsis, & corrosivis, destructus omninò fuit cæruleus proportionato tamen temporis intervallo pro minore activitate cujuscumque, præterquam in *Encausto*, qui suum semper colorem retinuit imò nitidiorum imbuuit aqua forti immersus, quæ utpotè vehementior, cæruleum consumpserat in penna, in Indico, & in Serico. Eandem Metamorphosim in Floribus observavit Boiles, *Experim. 20.* cum repetitis experimentis edidit: violæ cæruleæ succum mutari in rubrum ex salibus acidis, nempe ex falsis spiritu, calcantho, aqua salnitrosa, aceto, & salibus volatilibus Animalium nempe ex spiritu cornu cervini, urinæ, falsis ammoniaci, & sanguinis, quemadmodum etiam ab aliis salibus alcalizatis color ipse viridis transformatur.

Supererat examen liquorum, qui cæruleo imbuuntur à corpore aliquo, nullo adjutore metallo. Quando autem mihi ex proximo comparabam voluptatem illam, tunc perceptam, cum experientiæ magisterio edoctus intellectus aliquid de novo addiscit, inveni illam mihi comparatam à præfato Boile, didicique urinæ sale suffuso, colorem flavum aquæ impertiri, quæ antea ex calcantho cærulea apparebat. Præclarior visa est mihi aquæ transformatio cæruleo infectæ ex ligno nefritico mirabili. Mexicani, apud quos nascitur, dicunt illud *Coathl*, ac *Zlapazathi*, & præter Kircherum *Art. mag. luc. 1. 1. capit. 3.* dicit Monardus *libr. simpl. ex Indic. c. 17.* illud ipsum quod ego conspexi, nempe, infusum aqua, dimidia hora post injectum lignum, aquam cæruleum colorem contrahere, qui sensim intruditur pro temporis diuturnitate, tametsi lignum candidum sit. Hæc inquam vidit Boiles flavum contrahere modico aceto infuso; mihi autem limpida prorsus apparuit, ut antea, cæruleo penitus evanescente, immixtis paucis guttis spiritus salnitri. Non contentus primò experimento Boiles, aquam illam elambicco distillavit, quæ limpida egressa in elambicci fundo nitidum cæruleum subsidentem reliquit, sed eodem acido aspersa, flavum repente contraxit.

Ex his omnibus accidentibus, ac transfor-

mationibus observatis in cæruleis coloribus, quibus fuere imbuti panni, flores, herbæ, liquoresque, videor mihi habere præ manibus argumentum sufficiens causa, cur in Testaceis non appareat color hujusmodi? Non solùm hæc in sale maris sepulta sunt, sed conflata ex materia multiplici falsa, nitrosa, acri, & corroden- te, tam in testis, quàm in carnibus, videlicet plena qualitatibus oppositis generationi coloris hujusmodi ex raritate sua pretiosissimi, possunt autem solùm apparere iis omnibus coloribus picturata, quibus non contradicit, imò maxime confert spirituum salnitralium Natura. Interroganti verò. Cur hanc potius, quàm aliam speciem induant coloris, sive ex sulphuribus, sive ex salibus, satisfacere responso allato à Boile, accuratissimo omnium indagatore Colorum Naturæ, nempe; *Experim. 40. Responsum dare, quod satisfaciat, meum ingenue fateor in, captum hætenus supergreditur.*

#### PROBLEMA XXXVI. & Ultimum.

*An à Cochlea Venerea, quam Echeneidem, seu Remoram dicunt, possit Navium cursus retineri.*

**O**Mnes asserunt: Vivere in mari Remoram, quam Græci *Echeneidem* à retinendis navibus dicunt, Latini verò *Remoram* à *Remorando*. Non omnes tamen in ejus descriptione conveniunt. Mutianus post narrationem Navis à Periandro expeditæ, & in medio cursu, improvisò retentæ, dixit, prodigiosum hunc effectum tributum fuisse, uni Cochleæ, quam ipse Muricem appellat, verùm dum asserit: *eam latiore purpura, neque aperto, neque rotundo ore, neque in vngulis producente rostro, sed simplici Concha utroque latere se colligente*, inde arguit Rondeletius, *Lib. 32. c. 2.* fuisse Veneram descriptam à nobis num. 231. *Clas. 3.* Plinius cum narrasset: Navigante Antium versus (nunc Neptunum dicunt) Caio Cæsare Caligula in triremi, quam remiges quadringenti impellebant, addit: *capit stare navigium: cumque plurimi sese proripuisent in mare, ad causam tam improvisi eventus inquirendam: circa navim pisciculum invenere adhaerentem gubernaculo, ostenderuntque Cajo, & alibi: relata mora navis Antonii pugnatoribus ejus suppetias ferentis, dicit: Qui tunc postea videre, de eodem pisce loquens, eum Limaci magnæ similem dicunt.* Affirmant alii cubitum magnitudine excedere, & Aristoteles cum esse ex genere Piscium inter saxa viventium.

Dubium omne ex animo abrasisset, si figuram illius, & lineamenta adumbrasset. Verùm fue-

ſuerit hoc neglectum , vel ex incuria , vel ex imperitia , nobis ille cæco quodam modo eſt indagandus ; atque in tanta eventuum diverſorum varietate , nil aliud certè nobis afflatur niſi . Remoram piſciculum eſſe , tanta vi præditum , ut torporem , ac moram injicere ingentibus etiam navigiis poſſit .

*Parva Echeneis adefſt , mirum ! mora puppibus ingens ,*

Cecinit Ovidius , eventum adè inſuetum admiratus , ſed non ultra progreſſus eſt ad diſcutiendum . Utrum eventus ille veritati inniteretur , & quo id pacto poſſit contingere ; Plinius exiſtimat non poſſe rationem afferri , eumque effectum , *ſponte ſua occurrere , immenſum potentia occultæ documentum* . Scaliger etiam occultè id tribuens qualitati , dixit , *Temerarium eſſe illam inquirere* . Quemadmodum enim terra in centro conſiſtit Mundi , *ponderibus librata ſuis* , Cœlum verò ſua ſemper vertigine circumfertur ; ita quibuſdam corporibus ineſt potentia movendi , ut in magnete ferrum movente ; aliis verò ineſt principium quietis impertiendæ , inter quæ Echeneis recensenda eſt , quo pacto piſcatoris manum torpedo reddit immobilem , quamvis non illam attingat . Quod ſi non quæritur : cur frigus opponatur calori : ita inquirendum non eſſe ; cur corpora habentia in ſe principia motus , & quietis , alia motu impellant , alia quiete ſiſtant . Detur totum Scalligero , negare tamen ille non poterit : haud fruſtra inquire : Num piſcis huiusmodi poſſit has vires exercere ; dum non ita omnibus obvium eſt , ab eo naves ſiſti , quemadmodum calorem oppoſitum eſſe frigori certum eſt apud omnes .

Gillius curioſus indagator Piſcium Naturæ , de Echeneide loquens apud Geſner . libr. 4. de Aquat. *Echeneidem* , inquit , *non vidi , neque ex quantumlibet inſinitis percunctatus ſim , quemquam piſcatorem invenire potui , qui hunc ipſum hac ætate viderit* . Adamus Lonicerus abiit in eandem ſententiam , addiditque ( an apud ſe verum deputaverit : an verò ad ingenioſè diſputandum ſibi reſervaverit incertum ) ſtetiſſe Periandri , & Caii Cæſaris naves , Remora detentas , præſagium fuiſſe eventus futuri ; quamobrem ſtetit altera , inquit ipſe , *tamquam indignum iudicante Natura homini id quod conſervationi ipſius donatum eſſet auferri* .

Altera verò quia eadem Natura optabat ( futura Cæſaris cæde præcognita ) *ab ipſo malum avertere , atque à curſu infauſto , & infelici revocare* . Verùm hoc eſt humanorum eventuum arbitrium , & imperium Fato , & Fortunæ committere , quod Etnicum eſt , cœloque elementari mirabiles illas virtutes tribuere , quæ tam variis eventibus vitam diſtingunt à primo , &

inauſpicato naſcentis momento , exindeque prædictione antevertere , quæ poſtea reſpondent eventu , ſpectra , & umbras quaſi venari , funeſtorumque eventuum terrorem anticipare ; philoſopho non deliranti incumbit ſtudium , intimas rerum fibras ſcrutandi , ut è propinquo veritatem qua fieri poteſt inſpiciat , nec prohibito fabulari , credula facilitate amplectendo quidquid ſe menti offert veritatis larva perſonatum . Proponit hoc Problema Ariſtoteles , in mechanicis , diſquirens ; qua vi piſciculum tam exiguus poſſit , tam ingentibus navibus moram iniicere ? Atque hoc ſuppoſito tanquam certo , conatus eſt , dubium omne paritate diluere , quæ in ipſa Navi ſeſe offert . In ipſa , inquit ille , tam exiguæ molis gubernaculum minima vi circumactum poteſt navem totam dirigere , & contorquere ; in eaque non immoto gubernaculo , ſed hinc indè converſo ſiſtitur motus , & curſus , atque in univerſum verum eſt . Motorem collocatum in extremitate corporis moti , poſſe movere facilè partem alteram ejuſdem corporis , atque hoc non aliam ob cauſam . Niſi quia in rebus ſe moventibus , *prima pars fertur celerimè in extrema motus remiſſione , quo pacto in iis quæ feruntur in fine ceſſat impetus* , undè poteſt facilè removeri , ac retardari . Ita clauus infigitur puppi Navis extrema , quia poteſt facilè contorqueri , & idcirco puppim movere , quæ incitatur motu tardiore , quam Prora , ac propterea minùs renitens motori , quo fit quòd Prora moveatur , & ipſa ad motum gubernaculi in puppi . Ex his omnibus inferit Philoſophus poſſe etiam Echeneidem Navis gubernaculo adhærere , & pernicitate motus huc illuc impellendo corpus ipſius , ambiguum motum proræ imprimere , quo navis curſus non parum retardetur .

Bene eſt : detur hoc Ariſtoteli , non ideò ex ratiocinatione illa evidenti argumento concluditur de Echeneidis vi , contradicente hiftoriarum fide . Plinius ait : *circa navim adhærentem gubernaculo , inventam fuiſſe Remoram* . At Cardanus aſſerit : curſum illi inhibuiſſe , fundo inhærentem ; Plutarchus verò lateri . Neque ſolum aſſeritur : curſum navibus inhiberi , ſed immobiliter ſiſti . En ex ipſo Plinio deſcriptam hiftoriam lib. 9. c. 25. lib. 32. c. 2. *Parvus admodum piſcis Echeneis (ruant venti licet , & procellæ) imperat furori , viresque tantas compeſcit , & cogit ſtare navigia , quomodo non vincula ulla , non anchoræ pondere irrevocabile jacta . Infrenat impetus , & domat Mundi Rabiem , nullo ſuo labore , non retinendo , aut alio modo , quam adhærendo , & Calliodorus lib. 1. variar. Indici maris Conchæ ſimili potentia , labris ſuis navium dorſa fixerunt , quarum , quietus*

*tus tactus plus dicitur retinere, quam exagitata possint Elementa compellere. Stat pigra ratis summentibus alta velis, & cursum non habet, cui ventus arridet, sine anchoris figitur, sine rudentibus alligatur.*

Problema hoc fusius examinavit in Academia Phisicomathematicorum Romæ sub sapienti directione Illustrissimi Præsulis Ciampini P. Franciscus Eschinardi Societatis Jesu, qui attentè advertit: Tria in aliquo corpore impellendo requiri. Primò aliquo pacto conjunctum esse potentiaè moventi. Secundò moventis partes inter se unitas. Tertiò motorem esse immobilem, & inhærentem alteri corpori immoto. Supponit ulterius. Non posse à movente exeri vires majores illis, quibus resistere valeat extremum illud corpus, cui innituntur vires illæ, idque præclara sanè experientia demonstravit; cum æquilibrato æquali pondere, & homine, utroque pendente ex Trochlea, quamvis ille conatum omnem exhibuerit, elevare nunquam potuit pondus seipso majus, nisi quando immotæ Trabi pedes infixit. Hinc non est damnanda jactantia, quæ imponitur Archimedi, cum danti unicum palmum corporis extra Mundum immoti, quo pedem figeret, fidem suam oppignoravit, fore ut non terram solùm suo è centro divelleret, sed Mundum universum impelleret. His ratiocinando prælibatis, argumento procedit, tandemque concludit. Non posse Remora navim sisti; quamvis enim illa adhærere possit ligno, ibique consistere sinè partium suarum discontinuatione sejunctioneque, immobilis stare non poterit contra vehementem maximè impetum, à navi, ventis, remisque propulsa, injectum aquis Natura valdè mobilibus, & ex aquis transeuntem ad Remoram. Itaque si Mutiani narratio vera esse non potest de Concha Venerea, cum ipsi aptari Aristotelis ratiocinatio non possit, iisdem de causis potiori jure non poterit dici de Pisce ab eodem exhibitio.

Unum superesset: Utrique Remoræ inditam fuisse virtutem consistendi contra omnem contrarium conatum immobilem, sinè dependentia à corpore, cui ambo adhærent. Verùm id contendere est appetè contra veritatem rationemque pugnare, docente experientia, quod etiam si depræhensa fuisset Remora illa, aut ille Piscis inhærens navibus, quocumque vel levi manus conatu avelli facilè potuisset. Jam verò si manus una potuit illam evellere, & à ligno, & a mari, an non poterit eandem abstrahere impetus conceptus à Navi, validissimis ventis plenisque velis liquido Elemnto invecta? Quamvis magnes ad se ferrum trahat, & arctissimo sympathiæ nodo illud sibi devinciat, si liber pendet in aere poterit utrumque à majori vi huc il-

lucque transferri pro libito. Ventis igitur propelletur tum navis, tum Remora, quamvis hæc illi firmiter adhærescat. Neque narratio quæcumque rei prodigiosa debet fidem à Philosopho exigere. Verum quidem est, Sanctum Basilium, in examer hom. 7. Sanctumque Ambrosium Examer. lib. 5. c. 10. in ea memoranda nihil hæsitantes argumentum ex ea desumpsisse, divinâ potentiam ostendèdi, tot modis participatam creaturis, dicente primo. *Nonne in patvo hoc eandem potentiam Conditoris significationem accipis?* Et altero: *An & huic putas sinè Creatoris munere tantum potuisse suppetere virtutis.* Verùm in hoc fidem suam conditionatè manciparunt, & libertatem cuicumque fecerunt indagandi in his prodigiis veritatem.

Pro Conclusionem Problematis digna est Plutarci observatio. Lib. 2. simp. 1. ac probl. 7. Res nempe quamplurimas non esse causas accidentium nonnullorum iis connexorum, sed simultaneos effectus tertiæ alicujus concausæ, vel ignotæ, vel difficilis indagationis. Ita Lucernæ lycno incumbens fungus, non est causa pluvia, sed utrumque fit, pluvia nempe, ac fungus, ex aeris addensatione concretioneque vaporum, ita navis, inquit ille, retardari potest ex nimia algæ, & musci copia innascentis; quæ de eausa sæpius afflicta naves recreantur expoliunturque, acque intra muscum, vel algam potest abscondi Remora, seù Piscis, seù Cochlea ibi genita, vel pabulo illecta, quod reperit. Potest etiam sisti navis improviso, & præcipiti aquarum decursu, internas aquas concitante, ut non semel accidit. Et in Ostio freti Mamertini naves optimè instructæ, dum propellebantur ventis incitatissimè vela omnia implentibus, repente visæ sunt sisti, cum occurrerent adversæ aquarum fluentæ, atque exertis hinc indè pari conatu viribus, utraque in alteram adnitente, & neutra alteram in contentione superante, omni penitus motu naves privabantur.

Verùm quia lacinoso nimis adhibito discursu hac super re mens evagaretur, satis est mihi abrupta longiore peryodo laciniisque, ac velis contractis finem imponere, septingentis, & pluribus speciebus diversis indicatis, potiùs quàm exacta delineatione descriptis, pluresque dubitandi rationes, & quidem non ad puerilem ludum insinuasse, si non omni dicultate evolutas, & enodatas, ad oblectandum tamen sapientis animum attemperatas.

Etenim multa in Rerum natura posuit ejus sapientissimus Author, quibus nimis elatæ mentes Hominum deprimerentur, ne superbirent, & utili ignorantia edoctæ illud dare scirent, quod D. Gregorius lib. 2. moral. c. 5. affirmavit. *Virtutis Divinae miracula obstupuisse, dixisse*



*se est.* Summum Artificem maximum esse in minimis una vel levis maris conchula cobis demonstrat. *Sæpe* (inquit celebris Author apud Joan: Jacobum Hofman. add. ad Lexic. in Præfat.) *Homini aggressi parva successu operis majores spiritus sumunt, ut Ligur ille Marianus, dum cochleas ut sectatur studio legendi, paulatim in summum montem egressus, Victoria viam Imperatorem edocuit*) Hac ratione oculos oblectando mentem erudimus, & excitamus ad cognitionem Opificis. Animum in Deum intento, rebus cæteris obiter utendum docuit Epitætus cap. 12. addiditque. Quemadmodum in navigatione subducto navigio, si aqua tum

exieris obiter fortassis etiam Cochleolam colliges, aut bulbum; animo autem in navigium intento esse oportet, ac continenter sollicito, ne Gubernator vocet, ac tum ille omnia relinquere, ut ne victus tanquam avis in navim conjiciaris. In quam sententiam ita suaviter cecinit Illustrissimus Præful Leo Strozza.

*Sotto Cielo straniero*

*Dell' infido oceano sù l' arene*

*Talhor stanco Nocchiero*

*Araccor le Conchiglie si trattiene.*

*Ma solo per diporto*

*Che il pensiero maggior sta fisso al Porto.*

F I N I S.





# I N D E X

## R E R U M N O T A B I L I U M .

### A

<i>Accipiter amuletum Ægyptiorum .</i>	36	<i>Problematum libros licet in multis rationes sint falsæ .</i>	477
<i>Aculei spinarum dentium &amp;c.</i>	347 & seq.	<i>Ars materiam superare hiperbolice dicitur.</i>	403
<i>Acus crinalis .</i>	166	<i>Armilla dabantur victoribus .</i>	138
<i>Ætites Lapis .</i>	204	<i>Mulierum oruatus .</i>	167
<i>Ab Ærario quid significet .</i>	114	<i>Arma Barbarorum diversa .</i>	235
<i>Ægyptiorum Idola varia .</i>	34	<i>Artefacta parvæ molis .</i>	234
<i>Agaricus Fossilis .</i>	221	<i>Armadillus .</i>	274
<i>Alconium varium .</i>	267	<i>Arundines indicæ .</i>	342
<i>Alphonsus Donninus aliqua donavit Collegio Romano pro Museo instruendo .</i>	1	<i>Aspis .</i>	274
<i>Alumen quomodo fiat .</i>	216	<i>Astroites Lapis .</i>	204
<i>Amianthus .</i>	206	<i>Atlas quis fuerit .</i>	145
<i>Amor sacer , &amp; prophanus .</i>		<i>Athletæ vide Bestiarii .</i>	
<i>Amuleta Æthnicorum .</i>	35	<i>Augurium ex Pullis captum .</i>	137
<i>Animalia mole licet minima sapienter considerata .</i>	394	<i>Auditu carent testacea .</i>	503
<i>Parva generantur in majori numero quàm maxima .</i>	408	<i>Ejus organum quomodo destruat .</i>	511
<i>Multa vivunt sub diversis formis accidentalibus successivè productis .</i>	414	<i>Auris marina .</i>	436
<i>Generantur intra Gallas sine semine prævio à muscis relicto .</i>	415	<i>Auris Animalis duplici cochlea munitur .</i>	512
<i>Exanguia carent corde .</i>	501	<i>Aurum , &amp; Argentum .</i>	211
<i>Exanguia breviorẽ vitam agunt quam sanguinea .</i>	510	<i>Avicula dicta chiupparosas .</i>	226
<i>Antalia dicuntur Testacea .</i>	437	<i>Avis dicta Paradisi .</i>	226
<i>Anathemata vide Tabellæ votivæ .</i>		<i>Avis dicta Tuccano .</i>	228
<i>Annuli Antiquorum .</i>	169	<i>Avis dicta Pica Brasiliiana .</i>	228
<i>Antimonium .</i>	213	<i>Avis Onocrotalus .</i>	ibid.
<i>Apis construit cellas rotundas nõ pentagonas .</i>	494		
<i>Apollo in Lucerna .</i>	135		
<i>Apollo Solem indicat .</i>	23		
<i>Apollo , &amp; Naucerus depicti .</i>	6		
<i>Apollinis caput cur septem radiis exornatum .</i>	144		
<i>Aqua lustralis in sacris Æthnicorum quæ .</i>	14		
<i>Aquila in sepulcro exculpta .</i>	100		
<i>In Lucerna .</i>	132		
<i>Araneus Apuliæ vulgo Tarantula .</i>	349		
<i>Ejus oculi observati .</i>	349		
<i>Araneorum fila , &amp; Bombicum .</i>	350		
<i>Aries cur Jovem significet .</i>	26		
<i>Mercurium etiam indicat .</i>	26		
<i>Aristomachus multos annos in Apum studio transigit .</i>	403		
<i>Aristoteles Animalium historiam scribens ab Alexandro juvatur .</i>	397		
<i>Laudatur propter Animalium Historiam , &amp;</i>			

### B

<i>B. pro V usurpabant Antiqui .</i>	102
<i>Bacchus Solem significat .</i>	23
<i>Cur Bifrons , &amp; Puer .</i>	24
<i>Bacchantes Bacchi affeclæ .</i>	24
<i>Earum indumentum .</i>	24
<i>Expressæ .</i>	33
<i>Bacilli quibus sinenses utuntur in sumendis cibis .</i>	233
<i>Balanus Animal est Testaceum .</i>	436
<i>Nascitur in saxo .</i>	413
<i>Cur nocte splendeat .</i>	514
<i>Quomodo in visceribus saxi augeatur .</i>	413
<i>Balani .</i>	436
<i>Balnea 161 in jis unguentorum usus .</i>	163
<i>Balneorum vapor calidus quomodo temperantur .</i>	163
<i>Bestiarii pugnabant cum Feris in theatro .</i>	131
<i>Bivalvia .</i>	438 & seq.
<i>Dici possunt Testacea omnia .</i>	524
<i>Bonarota nunquam duos omnino similes vultus sculpsit .</i>	424
<i>Bos in Luceraa expressus .</i>	130

Bucardia .	446
Buccinae diversa .	457 & seq.
Bulla ab antiquis lata e collo pendens .	37
Bulla equestris .	176

## C

Cadaverum crematio quando incaperit .	85
An lino asbestino involuta cremarentur .	87
Cur aromatibus condita .	246
Caduceus Mercurium indicat .	14
Caius , & Caia quid significet .	110
Caliga militaris expressa in lucerna .	143
Calcei cum lunula .	164
Caliga , & calceorum genus varium .	
Calligula ad triumphum significationem Turrim cochleis ornavit .	394
Camaleon .	275
Camillus quis dicatur .	18
Canalis fictilis .	161
Candelabrum marmoreum expressum , & explicatum .	7
In Sacris adhibitum .	7
Canis monstrosus .	283
Canis Piscis .	268
Canis amuletum Ægyptiorum .	36
Canopus inter Deos adscriptus .	33
Quomodo expressus .	39
Capillorum ornatus reprehensus .	166
Charon in tumulo exculptus .	98
Charta sinensis .	231
Characteres aqua formati quomodo legi possint .	492
Catenula ex uno ossis fragmento .	235
Cimex .	345
Cintura Barbarorum Brasilia .	225
Sinensium .	225
Ex nova Francia .	225
Cylindri dicuntur aliquæ cochleæ .	456
Claudius Casar jubet à militibus manus impleri Cochleis .	394
Coagulatio quando fiat .	488
Cojux loco Conjux usurpata ab Antiquis .	92
Coenantes nudipedes apud antiquos .	96
Cæna in tumulo expressa .	96
Cochlearia Tartarorum , & Turcarum .	233
Cochleare in Sacris adhibitum .	10
Cochlearum observatione mens delectatur .	396
Cochleæ olearia .	450
Echinophora .	451
Turbinæ dictæ .	ibid. & seq.
Depressæ .	459
Umbylicatæ .	ibid.
Fasciatæ .	360
Muricatæ .	463

Sarmatica .	ibid.
Veneræ diversa .	ibid. & seq.
Sapientis studium merentur .	393
Qua ratione delectent .	ibid.
A mulieribus Brasiliæ pro ornamento capiti impositæ .	396
In tria genera dividuntur .	406
An generentur propagatione speciei .	421
Difficillime describi possunt .	434
Quomodo dicantur sæcunda .	409
Omnes inter se dissimiles .	423
Earum varietas describitur .	422 & seq.
Pretio superant Vasa a Raphaele depicta .	424
Sideribus similes .	ibid.
Providentiam Divinam indicant .	ibid.
Earum usus , & utilitas .	429 & seq.
Monetarum loco adhibitæ .	ibid.
Cibum suppeditant	ibid.
Agriculturæ serviunt .	430
Architecturæ & Arti militari .	ibid.
In Piscatu , Choreis , & Ludis .	ibid.
Arti Mechanicæ ,	431
In conviviis , & a luxu sæminarum male adhibentur :	432
Servantur in Musæis ut res pretiosæ .	403
In paginis delineatæ sine coloribus privantur venustate præcipua .	434
A sapientibus pretio habitæ .	477
Colores in Cochleis unde orientur .	425
Septem præcipui ex quibus ceteri constant .	426
In purpuris variantur prout maris temperies exigit .	466
Cur in superficie externa appareant .	491
Cianeus cur non sit in Testaceis .	516
Coma crispata .	43
Conchilia diversa petrefacta .	202
Concha Papuana .	448
Margaritifera .	438
Corallina .	441
Pictorum dicta .	443
Levis .	ibid. & 445
Rugata .	444
Dentata .	445
Fasciata .	446
Conaliculata .	445
Imbricata .	ibid.
Piriformis .	446
Striata . )	ibid.
Echinata . )	ibid.
Conchas legere jucundum .	393 396 398
Conchæ margaritifera an turmatim natent .	480
Conchæ indicæ varia .	448
Congiarium quid sit .	103
Conjux tam de Marito , quam de Uxore dicitur .	113
Coralia diversi generis .	264 & seq.
An	

<i>An sub aquis sint mollia.</i>	264
<i>Cornelius Mayer Tiberim frenat argine ne Roma inundet.</i>	498
<i>Cornua cur sint in Cochleis.</i>	504
<i>Alcis.</i>	277
<i>Rhinocerotis.</i>	ibid.
<i>Elephantis.</i>	278
<i>Cervorum.</i>	ibid.
<i>Rupricaprae.</i>	279
<i>Bovis Americani.</i>	ibid.
<i>Arietum.</i> )	
<i>Damae.</i> )	ibid.
<i>Bisontis.</i> )	
<i>Ibicis.</i>	280
<i>Sterpsacerotis.</i>	279
<i>Cornu Eburneum arte elaboratum.</i>	281
<i>Corona in Sepulchris expressa cum fasciis.</i>	91
<i>Exculpta in Lucerna.</i>	133
<i>Crepitaculum quid sit.</i>	177
<i>Crocodilus.</i>	273
<i>Crux primo signum opprobrii postea dignitatis.</i>	139
<i>An fuerit in Templis ante Christum.</i>	140
<i>Cristalla.</i>	222
<i>An flexibilia reddantur.</i>	224
<i>Cultri in Sacrificiis adbibiti.</i>	8
<i>Culex descriptus.</i>	335
<i>Culex alius dictus Sarapico.</i>	ibid.
<i>Cupido cum face accensa.</i>	131
<i>Cur Puer.</i>	29
<i>Multiplex.</i>	ibid.
<i>Cuprum.</i>	213

## D

<i>Daëtilus Concha.</i>	442
<i>Delphinus significat Neptunum.</i>	142
<i>Dens Apri affricani.</i>	277
<i>Dens viperæ an sit cavus.</i>	348
<i>Dentes non sunt in Testaceis, neque in parte Superiori oris Cornigerorum.</i>	502
<i>Diana Venatrix.</i>	28
<i>Parthenia dicta ibid. &amp; Tergemina.</i>	133
<i>Deorum multitudo cur excogitata.</i>	21
<i>Dii manes qui &amp; cur in Tumulis invocati.</i>	99
<i>Diversitas colorum in Testaceis notas distinctio- nis exhibet.</i>	500

## E

<i>Ebur fossile quid sit.</i>	199
<i>Echinus marinus Saxeus.</i>	201 436
<i>Echinofora Cochlea.</i>	451
<i>Eliogabolus Araneorum Telis Romæ magnitudi- nem explicat.</i>	403

<i>Equus amuletum.</i>	36
<i>Alatus cur in sepulchris expressus.</i>	137
<i>Ericinus marinus.</i>	436
<i>Cur habeat quinque ova.</i>	510
<i>A D. Ambrosio consideratus.</i>	402
<i>Saxo hæret ante maris Procellas.</i>	ibid.

## F

<i>Faba S. Ignatii dicta quid sint.</i>	241
<i>Facere relatum ad conjuges quid significet.</i>	111
<i>Farina Brasiliensis ex radice.</i>	241
<i>Fax inversa, quid denotet in tumulis.</i>	93
<i>Fel cur non habeant Testacea.</i>	503
<i>Ferrum.</i>	212
<i>Fibula diversa.</i>	168 & seq.
<i>Figura corporum à quo procedat.</i>	496
<i>Rotunda quare sit in lapidibus, &amp; Cochleis marinis.</i>	ibid.
<i>Fila ex planta Magbei dicta.</i>	230
<i>Flabellum ex pennis Avium.</i>	226
<i>Flabella ex Charta apud Sinas.</i>	232
<i>Flora expressa.</i>	28
<i>Flores in Lucerna exculpti.</i>	133
<i>Florum Recrementa observata.</i>	351 & seq.
<i>Fætor in Animalibus unde oriatur.</i>	242
<i>Fons vi attractiva aquam spargens.</i>	306
<i>Fons qui aquam refundat in mensura in qua ebi- bit.</i>	306
<i>Fons ex condensatione.</i>	307
<i>Forceps Vulcanum significat.</i>	142
<i>Fortuna ab Antiquis Dea existimata.</i>	28
<i>Fron dipora.</i>	266
<i>Fructus diversi ex variis Regionibus.</i>	236 & seq.
<i>Fulmen Iovem significat.</i>	142
<i>Funera quo ritu celebrata ab Ægyptiis.</i>	247

## G

<i>Gaideropora Concha Bilvavis.</i>	441
<i>Galba quid sit ex Arveo.</i>	495
<i>Generatio omnium rerum fit concurrente Deo plu- ribus modis.</i>	409
<i>Geographia dicitur Cochlea.</i>	470
<i>Giottus perfectum circulum sola manu delinea- bat.</i>	424
<i>S. Gregorius Nissenus ignorantiam fatetur Naturæ opera perscrutando.</i>	430
<i>Griphus Apollini Sacer.</i>	6.

# H

<i>Herba The seu Cia.</i>	242
<i>Herculis simulacrum.</i>	24
<i>Hipopotamus.</i>	276
<i>Homines carne humana pasti.</i>	225
<i>Horus Ægyptiorum Deus.</i>	35

# I

<i>Idola Antiquorum diversa.</i>	38
<i>Iecur cur non detur in Testaceis.</i>	503
<i>Ignis sacer quomodo servaretur à Vestalibus.</i>	4
<i>Inaures, &amp; earum usus.</i>	167
<i>Ingenuus puer quis dicatur.</i>	103
<i>Incisus quid significet.</i>	104
<i>Insecta minima observata.</i>	356
<i>Instrumenta Mathematica.</i>	31 & seq.
<i>Isis multimammia.</i>	31 & seq.
<i>Ægyptia.</i>	34
<i>Istrix marina dicitur Purpura.</i>	467
<i>Iupiter diversa forma significatus.</i>	21 & seq.
<i>Ammon dictus.</i>	36

# L

<i>Lacerta major Brasilia.</i>	273
<i>Cum duplici cauda.</i>	275
<i>Ægyptus Sacra.</i>	75
<i>Lacrime in tumulis ponebantur.</i>	99
<i>Lacrimarum vasa in sepulchris.</i>	146
<i>Lactis examen.</i>	357
<i>Lamentatrices femina in sepulchris.</i>	146
<i>Larvæ Antiquorum aeneæ.</i>	180
<i>Lapides figurati an fuerint animalia.</i>	198
<i>An formentur aqua conglaciata.</i>	214
<i>Lapidis naturam multa acquirunt.</i>	200
<i>Lapidis iudaicus.</i>	202
<i>Crucifer.</i>	204
<i>Stellarius.</i>	205
<i>Nephriticus.</i>	ibid.
<i>Bononiensis quomodo calcinetur.</i>	ibid.
<i>Amianthus, &amp; quomodo preparatur.</i>	206
<i>Odoratus.</i>	207
<i>Ostreocola.</i>	207
<i>Cum arborum figuris.</i>	208
<i>Cum figuris mathematicis.</i>	ibid.
<i>Varii in animalibus reperti.</i>	499
<i>Fungi figuram habens.</i>	ibid.
<i>Piscium imagines referens.</i>	ibid.
<i>Specularis.</i>	214
<i>Lapides quomodo formentur.</i>	416

<i>Animalium membra referentes.</i>	421
<i>Sub aquis calidis facilius generantur.</i>	498
<i>Larvæ in sepulchro expressæ.</i>	91
<i>Leo quid significet apud Ægyptios.</i>	131
<i>Lentes vitreas conficiendi ratio.</i>	334
<i>Liber malabaricus ex foliis palmae.</i>	230
<i>Liber plumbeus.</i>	180
<i>Ligula aliaque instrumenta in Sacris adhibita.</i>	9
<i>Lignum nephriticum.</i>	240
<i>Ligna diversa indica.</i>	ibid.
<i>Linea spiralis principium in omnibus generationibus.</i>	494
<i>Lisippus delectabatur monetis sibi solutis obstaculas a se sculptas.</i>	434
<i>Lucerna Archimedis.</i>	129
<i>Habens formam cornucopiae.</i>	141
<i>Lucernæ ponebantur in sepulchris, &amp; quare.</i>	128
<i>An fuerint perpetuæ.</i>	128
<i>Luna in Calceis cur.</i>	164
<i>Lupercalia festa quomodo, &amp; quando instituta.</i>	20
<i>In eis flagra adhibita.</i>	ibid.
<i>Luna quomodo impleat Testacea.</i>	512
<i>Lux Animalium vide splendor.</i>	

# M

<i>Machinae Catoptrica Dioptrica &amp;c.</i>	310.
<i>Nydraulica.</i>	305
<i>Magnes. 203</i>	<i>Ejus usus in multis.</i>
	ibid
<i>Manes libitinarum.</i>	103
<i>Manus aenea Iunoni Sacra.</i>	72
<i>Marchesita.</i>	213
<i>Mars in Ave Pica indicatus.</i>	142
<i>Mare cur Neptuno tridenti armatus exprimitur.</i>	411
<i>Magis calidum quam Lacus.</i>	484
<i>Aquas habet magis nutritivas licet minus potentas.</i>	485
<i>Materia quæ nam sit apta ad generationem Testaceorum.</i>	416
<i>Margaritæ laudabiliter adhibita.</i>	433
<i>Mercurius expressus.</i>	25
<i>Cur nuncius vocetur.</i>	ibid.
<i>Cur juvenis pingatur.</i>	ibid.
<i>Membra cur non sint diversa in Testaceis.</i>	449
<i>Cur in Animalibus fere rotunda.</i>	496
<i>Mensuræ diversa.</i>	174
<i>Mechanica facultas.</i>	302
<i>A Memoria, &amp; cubiculo quid significat.</i>	105
<i>Metalla eorum nomina varia.</i>	211 & seq.
<i>Micographia curiosa.</i>	322
<i>Microscopii observationes.</i>	324
<i>Microscopiorum artifices insigniores.</i>	326
<i>Microscopii observationes commode faciendi ratio.</i>	330

<i>Miles ferentarius, &amp; Rorans saxis pugnabat.</i>	179
<i>Millepora.</i>	266
<i>Ministrator quid significet.</i>	105
<i>Minimæ res laudabiliter observatæ.</i>	323
<i>Monile puellarum Brasiliæ.</i>	225
<i>Monstra quomodo generentur.</i>	283
<i>Motus perpetuus an dari possit.</i>	308
<i>Mumia quid sit.</i>	245
<i>Mundus est Musæum plenum statuis a Deo factis.</i>	399
<i>Est veluti Pinacotheca corpori, &amp; Bibliotheca animo.</i>	429
<i>Motus Animalium perfectorum supponit principium perfecte unum.</i>	499
<i>Testaceorum non juvatur a circumvolutionibus.</i>	499
<i>Mus amuletum.</i>	36
<i>Musca observata.</i>	341
<i>An adhareat unguibus.</i>	342
<i>Ejus oculi descripti.</i>	343
<i>Musculus concha.</i>	442
<i>Musæum Collegii Romani a P. Kirchero primum institutum.</i>	1
<i>Musæa varia deperdita.</i>	1 & 2
<i>Musæa recensentur in quibus sunt Testacea.</i>	403
<i>Murices diversi.</i>	457 468
<i>Musica instrumenta.</i>	309
<i>Murena cibum captabat e manibus Crassi.</i>	507

## N

<i>Natura ibi generat ubi dispositiones ponuntur.</i>	422
<i>Veluti prudens artifex operatur.</i>	478
<i>Nautilus descriptus.</i>	435
<i>Nerita diversa.</i>	461 & seq.
<i>Nidi ex Concincina.</i>	228
<i>Ex Lithuania.</i>	ibid.
<i>Nuces marinæ sunt conchæ.</i>	446
<i>Numismata diversa.</i>	316
<i>Iani.</i>	180

## O

<i>Oculus Apellini Sacer.</i>	75
<i>Oculis carent Cochleæ.</i>	504
<i>Odorem non edunt Testacea.</i>	509
<i>Omnipotentia Dei non deprimitur si dicatur causa immediata omnium.</i>	408
<i>Onocrotalus Avis.</i>	228
<i>Operculum cur detur in Testaceis Turbinatis.</i>	503
<i>Oraculum marmoreum ab Æthnicis cultum.</i>	75
<i>Orationem faciebant stantes, &amp; elevatis manibus Antiqui.</i>	112
<i>Ossa magis dura sunt post mortem animalis.</i>	488

<i>Cur non dentur in Testaceis.</i>	420
<i>Ova monstrosa.</i>	283

## P

<i>P. cum X. an semper fuerit signum Christianū.</i>	139
<i>Pallas expressa. 29 Eadem ac Minerva. ibid.</i>	
<i>Palme in Lucerna quid significant.</i>	134
<i>Papilio Symbolum immortalitatis.</i>	22
<i>Papilio observatus.</i>	339
<i>Passer Veneri Sacer.</i>	144
<i>Patella Concha.</i>	436
<i>Pateræ in Sacris adhibitæ.</i>	12
<i>An differant a Patellis.</i>	ibid.
<i>Piscis Amuletum.</i>	36
<i>Pectines Conchæ.</i>	440 & seq.
<i>Petrus de Valle oblectatur Testaceorum Piscatu.</i>	397
<i>Pediculus expressus.</i>	345
<i>Pectines Conchæ diversi.</i>	440 & seq.
<i>Pentadactylus est Cochlea.</i>	454
<i>Pictura caracteribus expressa.</i>	232
<i>Pictorum insigniorum imagines.</i>	316
<i>Pictura acu facta.</i>	232
<i>Pili, &amp; Pinna a quo nutriantur.</i>	492
<i>Pili Talpæ.</i>	361
<i>Vespertilionis.</i>	ibid.
<i>Pinna maris habet Socium Cancellum.</i>	402
<i>Expressa.</i>	442
<i>Piscium Squamæ.</i>	360
<i>Piscis Canis.</i>	268
<i>Libella.</i>	269
<i>Serra.</i>	ibid.
<i>Xiphia.</i>	ibid.
<i>Tiburo.</i>	ibid.
<i>Pastinaca.</i>	ibid.
<i>Raia.</i>	270
<i>Hirundo.</i>	ibid.
<i>Araneus.</i>	ibid.
<i>Astacus.</i>	271
<i>Cancer.</i>	ibid.
<i>Mugera dictus.</i>	ibid.
<i>Capitolium.</i>	272
<i>Stella.</i>	ibid.
<i>Plumbeæ Glandes, e Cælo emissa.</i>	207
<i>Plumbum.</i>	213
<i>Pomum Cyaneum vitæ immaturam denotat.</i>	94
<i>Pondera antiqua.</i>	172
<i>Pondera elevandi ratio.</i>	303
<i>Porcellana Sinica quid sit.</i>	218
<i>Providentia Divina in Testaceis elucet.</i>	400
<i>Puer gymnicus in Palestra.</i>	176
<i>Pulex.</i>	345
<i>Pulmones sunt instrumenta vocis.</i>	507
<i>Purpureæ Cochleæ diversi generis.</i>	466 & seq.

<i>Magni habebantur ab Antiquis .</i>	466
<i>Illas mercabatur Zeno Philosophus .</i>	ibid.
<i>Earum Piscatores vestigalibus non gravabantur .</i>	ibid.
<i>Earum Piscatu mancipia Tyri libertati reddita .</i>	ibid.
<i>Quomodo earum color obtineatur .</i>	ibid.
<i>Pyrites colores fere omnium metallorū habet .</i>	214

## Q

*Quadriga quatuor equorū quid significarent .* 135

## R

<i>Rana Ægyptiis Sacra .</i>	75
<i>Raphael Urbinas an in Argilla pinxerit :</i>	222
<i>Rete quo utuntur Brasiliiani ad pondera ferenda .</i>	234
<i>Retepora .</i>	266
<i>Relaxatio animi homini necessaria .</i>	393
<i>Laudem meretur cum ad finem optimum dirigitur .</i>	ibid.
<i>Sapientis qualis esse debeat .</i>	394
<i>Quomodo Cochlearum obseruatione habeatur .</i>	393
<i>Musicam imitatur .</i>	478
<i>Rosa Iericunthina .</i>	242
<i>Polonica quid sit .</i>	494
<i>Ros in florum colores transmutatur .</i>	496

## S

<i>Sacerdos Ethnicorum .</i>	15 & seq.
<i>Ejus munera etiam mulieres exercebant .</i>	16
<i>Quanam veste induerentur .</i>	17 & seq.
<i>An pedes haberent discalceatos .</i>	18
<i>Sacrarii nomine quid denotetur .</i>	101
<i>Sacrificia sepe incruenta .</i>	19
<i>Salia diuersa .</i>	216
<i>Sales Volatiles &amp; Fixi figuras exprimunt corporum quorum sunt .</i>	494
<i>Unde figuras proprias obtineant .</i>	495
<i>Virtutem propagatiuam continent .</i>	410
<i>Saltandi genus supra utres .</i>	177
<i>Saxis pugnabant Antiqui .</i>	179
<i>Saxum a vermibus corroditur .</i>	412
<i>Scriptura stylo efformabatur apud antiquos .</i>	165
<i>Scincus .</i>	275
<i>Scorpio Tunetanus .</i>	276
<i>Scribendi modus varius .</i>	230
<i>Scipio cum Lelio delectabatur Cochleis .</i>	430
<i>Scutum Æneæ à Venere datum Testas exprimit .</i>	499

<i>Sepulchra aliquando sine cineribus ponebantur .</i>	47
<i>Sepulchrorum Inscriptiones .</i>	84 & seq.
<i>Sepulchrorum cura apud omnes Nationes</i>	84
<i>Eorum forma diuersa .</i>	85
<i>Sepulchrum Proserpinae fabulam representans .</i>	87
<i>Serpens indicus .</i>	273
<i>Serpens Ægyptiis Sacer .</i>	75
<i>Sigilla .</i>	170
<i>Signum Pantheum in Lucerna .</i>	141
<i>Simpuli, &amp; Cyathi in sacris adhibiti .</i>	11 & 12
<i>Simpultrices feminae quae</i>	11
<i>Simiam Ægyptii colebant .</i>	36
<i>Singularis miles quis fuerit .</i>	112
<i>Sistrum .</i>	179
<i>Sol sub nomine Serapidis indicatus .</i>	26
<i>Sub Pueri imagine .</i>	23
<i>Oculi Symbolo .</i>	26
<i>Sors duplici modo accepta .</i>	175
<i>Sphinges in sepulchris exculpta .</i>	96
<i>In Lusernis .</i>	136
<i>Spongia diuersae speciei .</i>	267
<i>Splendor Balanorum unde oriatur .</i>	515
<i>A multis rebus emissus .</i>	514
<i>Spondilus concha bivaluis .</i>	441
<i>Squamæ piscium .</i>	360
<i>Statera Sinensium .</i>	234
<i>Stellio .</i>	275
<i>Strombi dicuntur aliqua Cochlea .</i>	455
<i>Sturio Piscis tonitru perterefit .</i>	508
<i>Styli ad scribendum .</i>	165
<i>Succi concreti diuersi .</i>	218
<i>Succus lapidescens quid sit, commistus in aquis .</i>	416
<i>Succinum quid sit .</i>	215
<i>Sulphur .</i>	217
<i>Sufurrus maris cur videatur audiri admota auri Cochlea .</i>	511

## T

<i>Tabularium quid significet .</i>	114
<i>Tactus in quo consistat .</i>	509
<i>Tabella votiuæ diuersæ .</i>	61 & seq.
<i>Talcus est fossilis .</i>	214
<i>Talpæ pili .</i>	361
<i>Talus pro decimatione militum .</i>	174
<i>Tellinæ variæ .</i>	438 & seq. 443
<i>Terminus inter Deos adscriptus , &amp; diuersimode expressus .</i>	30
<i>Testacea Providentiæ Diuinam ostendunt .</i>	440
<i>Eorum obseruatione mens delectatur .</i>	361
<i>Eorum diuiso .</i>	406
<i>An sponte generentur .</i>	408
<i>Descripta .</i>	434 & seq.
<i>Diuersitatem membrorum vix habent .</i>	499
<i>Turbinata enumerantur .</i>	499 & seq.



<i>Auri admotis cur susurrus audiatur.</i>	511	<i>Vegetabilia marina diversa.</i>	265
<i>Te in pace est dictio inscriptionis sepulchralis Christianorum.</i>	110	<i>Venatio ferarum apud Antiquos frequens.</i>	131
<i>Testa non sunt ex aqua glacie constricta.</i>	416	<i>Venter Testaceorum qualis.</i>	503
<i>Cur adeo dura.</i>	ibid.	<i>Venera Cochlea cur dicatur.</i>	463
<i>In terra multæ reperiuntur.</i>	417	<i>An sit Remora.</i>	519
<i>In mari potius quàm in lacubus nascuntur.</i>	483	<i>Vernix Sinica quid sit.</i>	233
<i>Ore privæ quomodo nutriantur.</i>	503	<i>Vermes aceti.</i>	358
<i>In sinubus Indiarum australium frequentiores.</i>	486	<i>Vermis saxa corrodens.</i>	407
<i>Supra ligna potius quàm supra saxa.</i>	487	<i>Ex flore bryacinthino natus.</i>	414
<i>Rore non formantur.</i>	483	<i>Vestis incolarum Regni Conadensis.</i>	229
<i>Pluribus tunicis componuntur.</i>	489	<i>Vespertilionis pili.</i>	361
<i>Cur multæ turbinatæ.</i>	493	<i>Vipera.</i>	274
<i>Cur multæ saxi affixæ.</i>	489	<i>Vipera caudifona.</i>	ibid.
<i>Cur multæ striatæ.</i>	490	<i>Viventia in mari vitam non amiserunt in Diluvio universali.</i>	419
<i>Simul cum Animali generatæ.</i>	422	<i>Unguenta in Balneis adhibita.</i>	163
<i>Non juvant ad motum Animal inclusum.</i>	401	<i>Univalvia non Turbinata.</i>	435
<i>Animantur licet sensu careant.</i>	508	<i>Unio cur dicatur Margarita.</i>	438
<i>Cur non mutantur sicut Crustæ in crustatis.</i>	513	<i>Ad quam molem crescat.</i>	439
<i>Servantur in variis Musæis.</i>	403. & seq.	<i>Ubi producatur.</i>	ibid.
<i>Testudo Ægyptiis Sacra.</i>	75	<i>Ab omnibus pretio habitus.</i>	479
<i>Texturæ diversæ ex fibris Palmarum.</i>	232	<i>Rore non formatur.</i>	480
<i>Tinnabula &amp; eorum usus.</i>	178	<i>Quomodo e mari accipiatur.</i>	ibid.
<i>Thuris usus in sacris quando inceptus.</i>	10	<i>Est corticosus.</i>	481
<i>Tubularia</i>	266	<i>Unde colorem induat.</i>	ibid.
<i>Toga canatoria qualis.</i>	97	<i>Quomodo expiscatur.</i>	ibid.
<i>Torques ex visceribus Bombicis.</i>	225	<i>In visceribus animalis ut plurimum gignitur.</i>	482
<i>Tonitrua sturiones perterrefaciunt.</i>	508	<i>Vox non emittitur à Testaceis.</i>	503
<i>Tripus marmoreus Apollini Sacer.</i>	4	<i>Quomodo formetur à viventibus.</i>	ibid.
<i>An ignem Sacrum sustineret.</i>	ibid.	<i>An audiatur sub aquis.</i>	ibid.
<i>Ex diversa materia fabricatus.</i>	5	<i>Ut formetur requiritur agitatio aeris inter corpus percutiens &amp; percussum.</i>	ibid.
<i>In sepulchro expressus.</i>	90	<i>Urtica spicula an sint cava.</i>	350
<i>Turbines varii,</i>	456	<i>Vuæ in sepulchris expressæ.</i>	92
<i>Turbinata tres figuras habent, spiralem, Piramidalem, &amp; Circularem.</i>	498		
<i>Testis non uniantur sicut Bivalvia.</i>	538		

## V

<i>Vasa in Sacris diversa.</i>	13
<i>Eorum supellex ad Pontifices pertinebat.</i>	13
<i>In canis feralibus adhibita.</i>	97
<i>Ex cortice Arborum.</i>	229
<i>Diversa ex argillis.</i>	218
<i>An depicta fuerint a Raphaelæ Urbinatæ.</i>	222
<i>Vectis facultas.</i>	302

## X

<i>Xerxes platani amore captus.</i>	397
<i>Pontem navium extruxit ut mari frænum imponeret.</i>	477

## Z

<i>Zeno philosophus Purpurarum mercaturam exercuit.</i>	466
---	-----

Errata Benignus Lector Typographo condonabit.


F I N I S.





ICONES TESTACEORVM  
QVAE IN PARTE SECVNDA DESCRIBVNTVR






CLASIS  
PRIMA  
TESTACEORVM  
VNIVALVIVM  
NON  
TVRBINATO  
RVM


The title is enclosed in a decorative oval frame with a scallop shell at the top and a ribbon-like border. Below the frame is a row of seven different shell specimens, each mounted on a small wooden peg. The entire illustration is set within a rectangular border with a fine horizontal line pattern.





























CLASSIS  
SECUNDA  
TESTACEORVM  
BIVALVIUM








































92




93




95




94



96




99




97




98




100




101




103




102




104




0













130

128

129

132


131

133


134

135

F







CLASSIS


TERTIA

TESTACEORVM

VNIVALVIVM


TVRBINATORVM




















52

53

54

55

57

56

60

59

58

63

62

61

64

65

66

67

68

69

70

71

72

73


74

75

76


y





























152




153




155


154




156




157




158





159



160



161




163

dd







162

163

164

165

166

167

168

169

170

171

172

173


174

175

176

177







ff




189




190




191




192




194




193




195




196




197







196




199




200




201




202




203




205




204




206




207




208




209




211




210




212




213





214



215




216




216




217




219



200



221




hh








222





223





224




226




225




227




228




229




230





232



231




233



66







kk




261




262




263




264




264




265




266




267



268



269







270




271




272




273




274




275




276




277




278



279




mm







260



261




262




263




264




265







286




287




288




289




290



291







292

293

294

295

296

297

298




299

300

301

pp












306




309




310




312




313



311




314







315




316




317




320



318





319






















369




370




371




372




373




374




375




376




377




378




379




380




381




382



383



384



yy









393




395




394




395




397



396




398




399




400



402




401




aaa










403





404





405




404




406




407




408




409



410



411



412

